


Burum-Mindik Bible



The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Burum-Mindik Bible
The New Testament and portions of the Old Testament in the Somba-Siawari language of Papua
New Guinea, also called the Burum Mindik language.
Sampela hap Buk Baibel long tokples Burum Mindik long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020
c0871260-68cc-5a50-953f-52200e105d1e

Contents

FRT	1
Jenesis	3
Rut	86
Jona	92
Matyu	96
Mak	160
Luk	198
Jon	264
Aposol	314
Rom	378
1 Korint	409
2 Korint	437
Galesia	458
Efesus	469
Filipai	480
Kolosi	488
1 Tesalonaika	496
2 Tesalonaika	502
1 Timoti	506
2 Timoti	515
Taitus	522
Filemon	527
Hibru	529
Jeims	552
1 Pitö	560
2 Pitö	570
1 Jon	576
2 Jon	584
3 Jon	586
Juda	588
Indelindel	591

Urumelenḡö Buḡa Kimbi Jöhöhöhö Dölökḡi

The New Testament and portions of the Old Testament in the Burum Mindik (Somba-Siawari) language of Papua New Guinea

Sampela hap Buk Baibel long tokples Burum Mindik long Niugini

Urumelenḡö Buḡa Kimbi

Jöhöhöhö Dölökḡi

The New Testament and portions of the Old Testament in the Burum Mindik
(Somba-Siawari) language of Papua New Guinea
[bmu]

Translation by Wycliffe Bible Translators

© 1992, 2002, The Bible Society of Papua New Guinea

Print publisher: 1992, 2002 The Bible Society of Papua New Guinea

Web version
2013, Wycliffe Bible Translators, Inc.
www.Wycliffe.org

<http://pngscriptures.org>

www.ScriptureEarth.org

This translation is made available to you under the terms of the Creative Commons license (Attribution-Noncommercial-No Derivative Works).
<http://creativecommons.org/licenses/by-nc-nd/3.0>

Your are free to share — to copy, distribute and transmit the text under the following conditions:

- **Attribution.** You must attribute the work to Wycliffe Inc. (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri.** Yu ken wokim kopi na givim long husat i laikim. Tasol, yu mas tok

klia dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating.** Na tu, **yu no ken senisim Tok.**

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.** Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela.**

Jöhöjöhö Dölökŋi

Jenesis (Letotletot) Anutunöŋ jiiga yuai pakpak letotket. Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuainiri pakpak aka ambazip miwikŋaim enjiiga siŋgisöndoknöŋ et etkuiga lömböt sihimbölönambuk mi gölme dop nenjö qaknine öngöyök. Mewö et nenjuiga Anutunöŋ oyaenŋkoyaen aka malbingö köna denöwöŋi mi arenjöba miwikŋaiyök. Letotletot (Jenesis) buk kianjö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yengö malmalŋine mutuk mianjöreŋ denöwö asuhuyök. Adam aka Iw, Kein aka Abel yengö kösohotŋini. Noagö nalöŋe göulu ketaŋan asuhuba gölme turuyök. Babilon mianjöreŋ miri köröpŋi kötökŋi meget.

2) Boŋ 12-50 Israel yengö bömöŋ jalöurupŋini yengö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yangö andöŋe nahönŋi Aisak, isiŋi Jeikob qetŋi alaŋi Israel aka yangö nahönurupŋi 12 mienjö kösohotŋini könaŋi könaŋi. Azi 12 mi Israel könagesögö kambu 12 mienjö bem bömöŋŋina aket. Bem bömöŋ Josefkö kösohotŋi mi tandökŋi kun. Denöwö asuhuiga Josefnöŋ mutuk Ijpt aniga yangö andöŋe iwiŋi Jeikob aka darumunurupŋi pakpak yenön mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yengö malmalŋinaŋgö kösohotŋi gwötpuk jizapmö, Anutunöŋ denöwö ak enjiyöhi, mianön kösohot mienjö likepŋi bohönŋi akza. Malmalgö kösohot pakpak mienjö ahakmeme azi bohönŋi mi Anutu. Könakönahiŋe suep, gölme aka mietkö yuainiri pakpak miwikŋaim enjiiga siŋgisöndoknöŋ et etkuiga pöndaŋ Iwiŋini ölni mala bölönamŋini kewöta keuŋini jim teköba likepŋini melen enji qaknine öngöi malget. Tosatŋan Anutugö keu bapŋe angeri, i ölopŋanök köyan köla enġuanġiri malmalŋinan mianjö dop uteköba asuhuyök. Noagö nalöŋe saiwaŋi 8 yenön qahöpmö, ambazip tosati pakpak yenön kömuget. Könaŋgep jöhöjöhö keuŋi mi Abraham aka gwölönarökurupŋi könaŋgep asuhugeri, yengöra enjiyök. Jöhöjöhö keu mienjö dop Anutunöŋ könagesöurupŋan oyaenŋkoyaen akingöra galöm köl enjiiga mala kota mal öngöme. Ambazipnöŋ mönöwök denöwö Anutu möt narim waŋgigeri, kösohot tömbuŋi mienön mönö nalö kewöŋe mewöyök mötnaripninan guliba köhöimapköra bauköm nenġimakze.

Buk kianjö bahöŋi bohönŋi 10 mi kewö:

- 1) Suep, gölme aka yuai pakpak miwikŋaiyök. 1.1–2.25
- 2) Siŋgisöndökö lömböt sihimbölönambuk könahiyök. 3.1-24
- 3) Adamgö nalöneyök könahiba Noagöreŋ kaŋgorök. 4.1–5.32
- 4) Noagö nalöŋe o göulu ketaŋan asuhuyök. 6.1–10.32
- 5) Babilon miri köröpŋi kötökŋi meget. 11.1-9
- 6) Sengö nalöneyök könahiba Abramgöreŋ kaŋgorök. 11.10-32
- 7) Bömöŋ jalö karöbut Abraham, Aisak aka Jeikob 12.1–35.29
- 8) Isogö gwölönarökurupŋi mi kewö: 36.1-43
- 9) Josef aka yangö darumunurupŋi 37.1–45.28
- 10) Israel könagesö yenön Ijpt malget. 46.1–50.26

Anutunöŋ jim kutuiga yuai pakpak letotket.

¹ Könakönahiŋe Anutunöŋ Suep aka gölme miwikŋaim etkiyök. ² Miwikŋaim etkiiga gölme mi gwamönŋi aka kizik-kazukŋambuk ahöyök. Ahöiga o diginŋambuk mi söŋaupnön turuiga tarök. Mewö tariga Anutugö Uŋa Töröŋan o mienjö qaknine anda kaba malök.

3 *Mewö maliga Anutunöŋ kewö jim kutuyök: “Asakŋan mönö asuhum tiŋgitma.” Mewö jim kutuiga miri mönö asariyök. 4 Asarii ehi mianŋön mönö ölöwahiga asakŋi pandamanöhök menden etkiyök. 5 Asakŋaŋgö qetŋi wehön asakŋi aka pandamangö qetŋi suŋgem mewö etkoholök. Mewö etkoholiga wehön mutukŋi teköiga miri söŋauba gianjiyök.

6 Gianjiiga Anutunöŋ kewö jim kutuyök: “Mönö o sutŋine suepkö jabö köhöikŋi asuhuba o mendeniga euke aka emuke ahömahot.” 7 Mewö jim kutuba suepkö jabö köhöikŋi miwikŋaiba mianŋön o mendeniga tiŋgita jabö qakŋe euke aka jabö bapŋe emuke ahöyohot. Mewö asuhuiga 8 suepkö jabö köhöikŋi eukeaŋgö qetŋi suep qerök. Mewö qeriga wehön yahötŋi teköiga miri kunbuk söŋauba gianjiyök.

9 Gianjiiga Anutunöŋ kewö jim kutuyök: “O suep bapŋe ahözei, mi mönö qezakögetka kambu mohot aiga gölme örönŋi asuhuma.” Mewö jim kutuiga mönö mewö asuhuyök. 10 Mewö asuhuiga örönŋaŋgö qetŋi gölme qeta o kambu tokogeri, miangö qetŋi köwet etkoholök. Etkohola etkehiga mianŋön mönö ölöwahök. 11 Ölöwahiga kewö jim kutuyök: “Gölme qakŋe mönö yuai görökŋi (töŋgönŋi) pakpak kewö asuhuba wahötme: Gwözözak yuai kötninambuk mi mönö asuhuba wahöta kötnini kuŋguba söhömakŋe. Ip kösö tandökŋini könaŋi könaŋi mönö gölmenöŋ asuhuba ölni kötninambuk kuŋguba söhömakŋe.” Mewö jim kutuiga mönö kewö asuhuyök: 12 Gölme qakŋe yuai görökŋi (töŋgönŋi) pakpak asuhuba wahötket. Gwözözak yuai kötninambuk tandökŋini könaŋi könaŋi mi asuhuget. Ip kösö tandökŋini könaŋi könaŋi mi gölmenöŋ asuhuba ölni kötninambuk kuŋgum söhöget. Mewö asuhuiga Anutunöŋ engehiga mianŋön mönö ölöwahök. 13 Wehön karöbutŋi teköiga miri kunbuk söŋauba gianjiyök.

14 Gianjiiga Anutunöŋ kewö jim kutuyök: “Suepkö jabö köhöikŋe mönö asakŋi asakŋi asuhuba wehön aka suŋgem mi menden etkiba kinda (yara) yambu, kömunjaŋ kie nalö aka wehön nalö, gwani nalö aka silim mohot mohotkö aiwesökŋina ahöme. 15 Mienŋön mönö suepkö jabö köhöikŋi mianŋöreŋ asakŋi asakŋi aka gölme mem asarime.” Mewö jim kutuiga mönö kewö asuhuget: 16 Anutunöŋ asakŋi ketanŋi yahöt miwikŋaim etkiyök: Asakŋaŋgö galömŋi wehön jeŋi kiniga mianŋö eretŋi köiŋ mi suŋgemgö galömŋa kinda ahöm öŋgömahot. Senŋelau mi mewöŋanök miwikŋaim enjiyök. 17 Anutunöŋ mi suepkö jabö köhöikŋe mianŋöreŋ gölme mem asarimegöra al enjiyök. 18 Mi gölme mem asariba wehön aka suŋgem galömŋina kinda asakŋi aka pandamanŋi menden etkimegöra al enjiyök. Mewö asuhuiga Anutunöŋ engehiga mianŋön mönö ölöwahök. 19 Wehön 4:ŋi teköiga miri kunbuk söŋauba gianjiyök.

20 Gianjiiga Anutunöŋ kewö jim kutuyök: “O köwet mienŋö uruŋine mönö yuai isikusukŋinambuk asuhuba dop köla o qeba ölölaŋgöba laŋ anda kaba malme. Mewöŋanök neiŋi neiŋi gölme qakŋe könakemba bölbölgöba kutuba anda kaba malme.” 21 Mewö jiba köwetkö sömbupŋi ketanŋi ketanŋi aka yuai isikusukŋinambuk tandökŋini könaŋi könaŋi o qeba ölölaŋgöba qeqelaŋlaŋ anda kamakzei, mi miwikŋaim enjiyök. Mewöyök nei tandökŋini könaŋi könaŋi ginginŋinambuk mi miwikŋaim enjiyök. Miwikŋaim enjiba engehiga mianŋön mönö ölöwahök. 22 Ölöwahiga kötuatköm enjiba keu kewö jiyök: “Inini mönö köt moröninambuk jul sehiba o köwet dop köla malme aiga nei inini mönö mewöŋanök gölme qakŋe ahum sehime.” 23 Keu mewö jiiga wehön 5:ŋi teköiga miri kunbuk söŋauba gianjiyök.

24 Gianjiiga Anutunöŋ kewö jim kutuyök: “Gölme qakŋe mönö yuai pakpak malmalŋinambuk tandökŋini könaŋi könaŋi asuhume. Mirigö sömbupŋi, yuai bapŋinan köla ölölöŋgömakzei aka arökŋaŋgö sömbupŋi tandökŋini könaŋi könaŋi, mi mönö asuhume.” Mewö jim kutuiga mönö kewö asuhuget: 25 Anutunöŋ arökŋaŋgö sömbupŋi tandökŋini könaŋi könaŋi mi miwikŋaim enjiyök. Mirigö sömbupŋi tandökŋini könaŋi könaŋi mi

* 1:3: 2 Kor 4.6; 2 Pitö 3.5

miwikñaim enġiyök aka yuai pakpak bapñini gölmenöñ köla ölölöñgömakzei, tandökñini könañi könañi mi miwikñaim enġiyök. Miwikñaim enġiba enġehiga mianñön mönö ölöwahök. Mewö.

Anutunöñ azi aka ambi miwikñaim etkiyök.

²⁶ *Mianġö andöñe Anutunöñ kewö jiyök: “Ayop, nini mönö azi nanine tandökö dop meinga kaisoñgolomñini ewö aka yuai pakpak galöm köñ enġiba malma. Yuai pakpak mi köwetkö sörañi, suepkö neiñi aka mirigö sömbupñi, gölme körek aka yuai pakpak bapñini gölmenöñ köla ölölöñgömakzei, mönö miengö galömñina aka malma.” ²⁷ *Mewö jiba nanñi kaisoñgolomñanġö dop azi miwikñaiyök. Anutugö kaisoñgolomñi ewö malmapköra i miwikñaim wanġiyök. Azi aka ambi malmahotköra i miwikñaim etkiyök. ²⁸ Miwikñaim etkiba i kötuetköba kewö jim kutum etkiyök: “Inñiri mönö ahum sehiba gwölönarökpuk malohotka gölme dop köla malme. Mewö mala gölme toñi akñe. Mewö aka köwetkö sörañi, könakembagö neiñi aka sömbup mokoleñ laigisip gölmenöñ anda kamakzei, mönö mi pakpak galöm köñ enġiba malme.” ²⁹ Mewö jiba keu kewö jiyök: “Mötket, nöñön yöha könañi könañi gölme pakpak dop köla asuħuba wahöta köñini kuñgum söhömakzei aka ip kösö pakpak öñ köñinambuk kuñgum söhömakzei, mi numbu neneñini akñapköra al enġizal. ³⁰ Arökñanġö sömbupñi pakpak, könakembagö neiñi pakpak aka yuai pakpak gölmenöñ anda kamakzei aka tosatñi pakpak söñgörö ösumñini örömakzei, yengöra gwözözak görökñi (töñgönñi) könañi könañi mi neneñamñini akñapköra al enġizal. “Keu mewö jiiga mönö mewö asuhuyök. ³¹ Asuhuiga Anutunöñ yuai pakpak miwikñaiyöhi, mi ehiga mönö ölöp kötökñi aiga urusösöñgai mörök. Wehön 6:ñi teköiga miri kunbuk söñauba gianġiyök. Mewö.

2

Anutunöñ kendon tarök.

¹ Gianjiiga suepkö jakenñi jakenñi, gölme aka mietkö yuaiñiri aködammunñirambuk pakpak mi lök miwikñaim enġim teköyök. ² *Anutunöñ nupñi mi mei teköiga wehön 7 mianġöreñ kendon tarök. Nupñi pakpak meyöhanġöra wehön 7 mianġöreñ luhut meyök. ³ Miwimiwikñai nupñi pakpak meyöhanġöra aka wehön mianġöreñ luhut meyök. Mianġöra wehön 7:ñi mi kendon jiba kötuetköba jim kömbuhuyök. Mewö.

Oyaenköyaen miri qetñi Eden

⁴ Anutunöñ suep gölme miwikñaim etkiiga asuhuyohorañgö kösohotñi mi mewö. Kembu Anutunöñ suep aka gölme miwikñaim etkiyöhi, nalö mianġöreñ ⁵⁻⁶ Kembu Anutugö jitsihitköra gölme qakñe kie qahö yöhöiga nup kölkömötköra azi kun kude malökmö, gölme uruñeyök bedunöñ miyök kota gölme qakñi dop köla mem samuruyök. Mianġöra arökñanġö ip kösö kun me sombemgö gwözözak yuai kun mi gölmenöñ qahö asuħum tiñgita ahöyök.

⁷ *Nalö mianġöreñ Kembu Anutunöñ gölme sömsöm memba mianñön azi mem yaköba malmalgö numbu ösumñi söñgöröñe ui geiga öröba guliba malmalgö uñanambuk ahök. Mewö.

⁸ Mewö aiga Kembu Anutunöñ wehön kotkotñe göröken miri qetñi Eden mianġöreñ oyaenköyaen nup kömöta azi miwikñaiyöhi, i mianġöreñ al wanġiyök. ⁹ Al wanġiba jiiga gölmenöhök ip tandökñini könañi könañi asuħuba wahötket. Ip mi eksihimñinambuk aiga öñini neneñi mi nahömñinambuk. Oyaenköyaen nup bibiñe malmal köhöikñanġö ipñi aka mötkutukutugö ipñi mi mohotñe jim kutuiga asuhuyohot. Mötkutukutugö ipñanġö könañi kewö: Öñi nembra mianñön ölöpñi aka bölöñi mietkö könañiri mi möt kutubahotpak.

* **1:26:** 1 Kor 11.7; Mat 19.4; Mak 10.6 * **1:27:** Jen 5.1-2 * **2:2:** Hib 4.4, 10; Eks 20.11 * **2:7:** 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31

¹⁰ Ip mewö wahötketka o töwatni kun mi Edenök könahiba oyaenköyaen miri mem kelita miangörenök eta jula o böröni töwatni 4 aka anget. ¹¹ O töwatni mutuknangö qetni Pison, mi Hawila gölme körek liliköba ahöba anja. Gölme miangören goul ahöza. * ¹² Gölme miangö goulni mi ölopni kötökni akza. Sileqösösök umköhöwaknambuk qetni bedelion aka köt ölnambuk qetni oniks mi mewöyök miangören ahözahot. ¹³ O böröni töwatni janjö 2 miangö qetni Gihon. Mi (Mesopotemiagö) gölme qetni Kus mi körek liliköba ahöba anja. ¹⁴ O böröni töwatni karöbutni qetni Taigris. Mi Asiria gölme wösöne wehön kotkotne göröken geba anja. O böröni töwatni janjö 4 miangö qetni mi Yufreitis.

¹⁵ Mewö aiga Kembu Anutunöni azi wanğita oyaenköyaen miri Eden köl kömöta ek galöm aknapköra jiba al wanğiyök. ¹⁶ Al wanğiba kewö jiba jim kutum wanğiyök: “Oyaenköyaen nup uruñe ip pakpak kin anjei, miengö ölnini mi ölop amqeba mem nemba malman. ¹⁷ Mimö, mötkutukutugö ipkö ölni mi mönö kude neman. Mi nemba ölopnanjö könanji aka bölönanjö könanji möt kutuman ewö, gi mönö wehön miangörenök kömum köhöiman. Miangöra mi mönö kude neman.”

¹⁸ Mewö jiba Kembu Anutunöni jiyök: “Azinöni nanjök maliga ölop qahö akza. Miangöra nöñon mönö nanji tandöknanjö dop alabaukni miwiknaimam.” ¹⁹ Mewö jiba aröknanjö sömbupni pakpak aka könakembagö neiñi pakpak mi gölmenöni miwiknaim enğiba azigö kösutne enğuanğita azinöni qetnini denöwö qetmawi, mi eka mötmapköra yanğoren al enğiyök. Al enğiiga azinöni yuai malmalñinambuk pakpak miengö qetnini mohok mohok qeriga Anutunöni mewö mia ahömapköra jim köhöiyök. ²⁰ Mewö aiga azinöni mirigö sömbupni pakpak, könakembagö neiñi pakpak aka aröknanjö sömbupni pakpak mi qetnini enğim teköyök. Enğim teköyökmö, nanji tandöknanjö dop alabaukni malmapköra kun qahö miwiknaiyök.

²¹ Qahö miwiknaiiga Kembu Anutunöni mi eka azi mem lömböriiga gaun lömbötñi ahöyök. Ahöiga maröm sihitni kun öröba dumdumni busunan mem gwözönök. ²² Gwözönnda azinöhök maröm sihitni meyöhi, mianjön ambi meyök. I memba azigören wanğita kayök. ²³ Wanğita kaiga azinöni i eka kewö jiyök:

“Yei! Ki nani tandöha. Yanjö sihit busuni mi nani sihit busunöhök asuhuza.

Anutunöni i azigö sile kitipneyök mei letota azi tandök ewö maljawanğöra qetni mönö ambi (azigö alañi) qetme.†”

²⁴ Mewö jiiga Anutunöni kewö jim kutum etkiyök: “Mewö aiga azinöni mönö iwinamni etkömosöta anömnangören qekötahöba silemohot aka malmahot.”

²⁵ Azi mianjön anömnambuk opo söronjiri qahö aukne malohotmö, töndup nanjiranjö gamunjiri qahö möta malohot. Mewö.

3

Adam aka Iw Anutugö keunji qetala et etkuyök.

¹ *Kembu Anutunöni gölmegö sömbup malmalñinambuk pakpak miwiknaim enğiyöhi, miengö sutñine mokolenöni isimkakalek mötmötnöni sömbup pakpak mi enğonğita öngöyök. Mewö öngöba ambigöra kewö jiyök: “Oyaenköyaen mire ip pakpak kin anjei, miengö ölnini kun kude nemahotköra Anutunöni ölna jim kutum etkiyök me qahö?”

² Mewö jiiga ambinöni melennda mokolenğöra kewö jiyök: “Oyaenköyaen mire ip tosatni kin anjei, miengö ölnini mi ölop nembitköra jiyök. ³ Mimö, miri bibiñe ip kun kinjawi, miangö ölni mi nemba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

* **2:11:** Hawila mi Babilonia gölmegö jabö kösutne ahöza. † **2:23:** Inğlis keu eknöni: man aka woman keu yahöt mi örörön tandök akzahot. * **3:1:** Ind 12.9; 20.2; 2 Kor 11.3; 1 Tim 2.14

⁴ Mewö melenḡa jiiga mokolenḡnḡ ambigöra kewö jiyök: “Mi saumban! Injiri kude kömumahot. ⁵ Mimö, ip miangö ölni mi neyohotka wehön miangörenḡök mönḡ jeniran tohoiga Anutu ewö aka ölöpnangö könanji aka bölḡnangö könanji möt tekömahot. Anutunḡnḡ keu mi möta mewö asuhubapuköra keunji mewö jiyök.”

⁶ Mewö jiiga ambinḡnḡ ip mi uba ehiiga ölni ölöpnḡ nenenangö dop ahök. “Mi eksihimḡambuk kiniga mötkutukutu ketanji awamḡanök niḡgima,” mewö mötmöriba ölni kun meköba neyök. Nemba apḡnḡ yambuk malöhi, i tok wanḡiiga neyök. ⁷ Neiga jeniran mönḡ miangörenḡök tohoiga silenjiri aukḡe malohori, mi anḡek kutuyohot. Mewö anḡek kutuba kinda fig ipkö sinḡni mumburatiba opo söronjiri uba lata malohot.

⁸ Malohotka wehön jenji geiga miri löwöriga Kembu Anutunḡnḡ oyaenḡkoyaen mire tiba kaiga köna ötḡni mörohot. Mi möta awanöm yetkḡn Kembu Anutugö jemesoholneyök mömölaköba oyaenḡkoyaen mirigö ip urunḡine anda asambörohöt. ⁹ Asambörohöt mö, Kembu Anutunḡnḡ azigö qeta kewö jiyök, “Gi mönḡ denike maljane?”

¹⁰ Mewö qeta jiiga kewö melenḡök: “Gi oyaenḡkoyaen miri urunḡe tiba kanḡnḡa köna ötḡnḡi möta silenḡi aukḡe maljalangöra kenḡötni mötzal. Miangöra mömölaköba asamböta maljal.”

¹¹ Mewö melenḡnḡa kewö jiyök: “Gi sile aukḡe maljani, mi mönḡ danḡn jii mötzan? Nḡnḡn ip kungö kötni nembanbukö sonḡo al gihiali, göḡnḡ miangörenḡök kun nezan me?”

¹² Mewö jiiga azinḡnḡ kewö jiyök: “Ambi nömbuk malmapköra niḡnḡnḡi, yanḡnḡ mönḡ ip miangö kötni niḡiiga nezal.”

¹³ Mewö jiiga Kembu Anutunḡnḡ ambi kewö qesim wanḡiyök: “Göḡnḡ wuanḡḡgöra mewö akzane?” Qesim wanḡiiga kewö melenḡök: “Mokolenḡnḡ mönḡ tilipköm niḡiiga nezal.”

Anutunḡnḡ likepnḡ melenḡa lömböt enḡimapkö jiyök.

¹⁴ Mewö melenḡnḡa Kembu Anutunḡnḡ mokolenḡgöra kewö jim wanḡiyök: “Mewö akzanangöra aka gi mönḡ mirigö sömbupḡi pakpak aka arökḡangö sömbupḡi pakpak yenḡö sutḡnḡe kewö jim qesuahöm gihibiga malman: Göḡnḡ mönḡ gölmenḡnḡ malmanangö dop bakpan köla anda kaba sömsöm urunḡe mala nesak yuai nemakḡan.

¹⁵ *Mewö nemba ambibuk sutḡnḡe kerök al etkibiga mi möta malman. Kerök mi göhö gwölönarökurupki aka yanḡö gwölönarökurupḡi yenḡö sutḡnḡe toroqeba ahöm öḡgöi kewö asuhuma: Yenḡörenḡök azi kunḡnḡ mönḡ göhö nöropki tölölahöiga göḡnḡ yanḡö köna gwakötḡi yöhösulmakḡan.”

¹⁶ Toroqeba ambi kewö jim wanḡiyök: “Göḡnḡ gölömgabuk aka malnḡnḡa sihimbölnḡi ketanji al gihibiga masö ahum gihiiḡa möta morö mem enḡimakḡan. Mi töndup sihimḡan mönḡ apkahöra ahöm gihiiḡa yanḡnḡ galömgḡi aka malma.”

¹⁷ Toroqeba azi kewö jim wanḡiyök: “Nḡnḡn ip kungö ölni nembanbuköra ‘Mia kude neman,’ jiba sonḡo al gihialmö, göḡnḡ mi töndup anömgahö keunji wuatangöba nezan. Miangöra nḡnḡn gölme mi göhöra aka saiköbiga ahöma. Mewö ahöiga göḡnḡ gölmenḡnḡ malmanangö dop mönḡ sileqeḡe aka nup gwötpuk memba sihimbölö möta nenegi miwikḡaiba malman. ¹⁸ Nup memba malnḡnḡa göhö nene nupnḡnḡ nuḡgakal, koururuk (köwörörök) yuai mi asuhiḡa arökḡangö yöha yuai mi nemba malman. ¹⁹ Mewö mala mesoholge nḡḡöp ariba nup memba tup yakagi mewö nemba mala gölmenḡnḡ mem gihiali, gölme miangörenḡ mönḡ kunbuk lilingöba geman. Sileḡi gwakömnḡnḡ mem gihibiga mala öḡgöbagun mönḡ kunbuk gwaköm akḡan. “Mewö jim wanḡiyök.

²⁰ Azinḡnḡ anömnḡi yuai pakpak malmalnḡnambuk maljei, miengö namḡnḡi aiga azinḡnḡ qetḡi Iw (Ewa) qerök. * ²¹ Kembu Anutunḡnḡ sömbup silenḡan opo söro memba Adam anömnḡet lat etkiḡa malohot.

* **3:15:** Ind 12.17; Hib 6.8 * **3:20:** Iw keu miangö könanji mi ‘Malmal maljei, miengö namḡnḡi.’

Anutunöŋ Adam aka Iw Eden mianğöreŋök közöl etkiyök.

²² *Mewö malohotka Kembu Anutunöŋ kewö jiyök: “Yei! Ambazip mi nengöreŋök kungö dop aka ölöŋŋi bölöŋi mietkö könaŋiri lök menden etkibitkö mötzahot. Mewö aiga malmal köhöikŋaŋö ip kötni kude nemahotköra songo alalmö, yetköŋ nalö kewöŋe toroqeba böröŋiri böraŋda mi mewöyök mem namba mewö mianğön qahö kömumba teteköŋi qahö köhöikŋaŋök mal öngöbahotpuk.” ²³ Mewö jiba mianğöra oyaenŋkoyaen nup Eden mianğöreŋök közöl etkiba gölmenöhök mem etkiyöhi, mönö gölme mianğöreŋök kölkömöt nup memahotköra melaim etkiiga yaigep geba anohot. ²⁴ Ambazip mewö közöl etkiba oyaenŋkoyaen miri Edengö likepŋe wehön kotkotŋe göröken zerubim garata tosatŋi al enğiiga malmal köhöikŋaŋö ip mianğö könaŋi utuba galöm kölget. Yengö böröŋine bingö souŋi ketanŋi aliga mianğön könöŋ bölam ewö gilikbilikŋambuk jeba andöŋe wösöŋe liliköba biliksikö dop aiga kinda galöm köla malget. Mewö.

4

Keinöŋ Abel qei kömuyök.

¹ Azi Adamnöŋ anömŋambuk mala amiyohotka Iwnöŋ (Ewa) gölöm ala Kein (Kain) meyök. Memba Kein qetköra kewö jiyök: “Anutunöŋ bauköm niŋgiiga nahöni mezal.” ² Iwnöŋ könaŋep Adamgö nahöŋŋi Abel, Keingö munŋi meyök. Abelnöŋ mala qariba lama galömŋina aiga Keinöŋ kölkömöt azia aka malök. ³ Mewö malohotka nalö kunöŋ Keinöŋ nupkö nene tosatŋi memba kaba Kembugöra jöwöwöl ohom waŋgiyök. ⁴ *Abelnöŋ mewöyök lama kambuŋaŋö mutuk asuasuhunŋi tosatŋi meköba enğuba kitipŋi kelökŋinambuk memba kaba Kembugö jöwöwöl ohoyök. Ohoiga Kembunöŋ Abel nanŋi aka jöwöwölŋi etkeka möri ölöwahök. ⁵ Ölöwahökmö, Kembunöŋ Kein aka yaŋö jöwöwölŋi mi ek tököyök. Mewö aiga Keingö irimŋi seholiiga kömbuhiba jemesoholŋan bosoliyök. ⁶ Bosoliiga Kembunöŋ Keingöra kewö jii mörök: “Iringi mönö wuanöŋgöra seholiiga jemesoholŋan bosoliza? ⁷ Gi yuai ölöŋŋi aknöŋga möt anğön köl gihibiga ölöŋ jemesoholgi öhal (hak) akŋan me qahö? Yuai ölöŋŋi qahö aknöŋga siŋgisöndokö Tonŋan mönö urugahö naŋguŋe kinda göhöra ak gihiba mönömakza. Mewö mönömakzapmö, göŋön mönö mianğö songo ala galöm memba luhut alman.”

⁸ Kembunöŋ Keingöra mewö jii mörökmö, Keinöŋ töndup munŋi Abelgöra kewö jiyök: “Mönö nanirök nupnöŋ anbit. “Mewö jüiga nupnöŋ anda mala Keinöŋ luhuba munŋi Abel qelanjiba memba qeba qei kömuyök.*

⁹ Kömuiga Kembunöŋ Kein kewö qesim waŋgiyök: “Mungi Abel mi denike malja?” Qesim waŋgiiga kewö melenök: “Ni qahö mötzal. Ni munangö jegalöma qahö akzal.”

¹⁰ Mewö melenŋiga Kembunöŋ jiyök: “Gi wani yuaia akzan? Mötnöŋ, mungahö sepŋan mönö gölmenöhök qeriga mötzal.* ¹¹ Gölme kianğö numbuŋan aŋaŋiba mungahö sep börögeyök mezawi, nöŋön mönö kianğöreŋök közöl gihibi anman. Joramörahö mi mönö göhö qake albi öngöza. ¹² Közöl gihibiga kölkömöt nup menöŋga gölmenöŋ möriamŋaŋö ölni anğön köl ghiiga gölme dop mömölaköba kekelolo aka ölöŋ köla laŋ anda kaba malman.”

¹³ Mewö jüiga Keinöŋ Kembugöra kewö jiyök, “Keunaŋö likepŋi melenöŋga qakne öngözawi, mianğön mönö ösumni onğiri lömböriiga bisimangö osimam. ¹⁴ Mötnöŋ, gi merak ni nupqeŋe gölmenöhök nuatangönöŋga jemesoholgeyök mömölaköba gölme dop kekelolo aka ölöŋ köla laŋ anda kaba malmam. Mianğöra kunŋan ni neka ölöŋ nunğui kömumbilenbuk.”

¹⁵ Mewö jiyökmö, Kembunöŋ kewö jii mörök: “Mewö qahö. Kunŋan Kein qei kömuma ewö, mianğö likepŋi mönö yaŋö qakŋe öngöiga ambemŋi 7 akŋa. “Mewö jiba kunŋan Kein miwikŋaiba i qei kömumbapuköra silene aiwesök kulem kun alök. ¹⁶ Mi aliga

* 3:22: Ind 22.14 * 4:4: Hib 11.4 * 4:8: Mat 23.35; Luk 11.51; 1 Jon 3.12 * 4:10: Hib 12.24

Kembugö jemesoholñi mosöta anda anda gölme qetñi Lanlan lilikqilik (Nod) mianğörej anğota malök. Gölme mi Edenök wehön kotkotñe göröken ahöza. Mewö.

Keingö gwölönarökurupñi

¹⁷ Keinöñ anömñambuk mala amiyohotka gölöm ala Henok meyök. Keinöñ taon kun memba nahönñangö qetñi Henok qet wañgiyök. ¹⁸ Henokö nahönñi qetñi Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhuget. ¹⁹ Lameknöñ ambi yahöt etkömeyök: Kun qetñi Ada, kun qetñi Zila. ²⁰ Adanöñ gölöm ala Jabal meyök. Yañön ambazip opo seri koumñine ahöba mala bau bulmakau galöm köl engiba maljei, yengö bömönñini ahök. ²¹ Jabalgö munñangö qetñi mi Jubal. Yañön ambazip gita kulele qeba awölop uba maljei, yengö bömönñini ahök. ²² Zilanöñ mewöyök nahönñi qetñi Tubal-Kein meyök. Yañön qariba börögö tulsñi aka bimqeqegö yuainñi könañi könañi mi bras aka ainöñ ohoi kolkolgöi qekötahöba mezapma. Tubal-Keingö nenñi qetñi Nama.

²³ Lameknöñ nalö kunöñ anömyahötñi mi kewö jii mörohot, “Ada aka Zila anömyahötñi, inñiri mönö kezap ala keuni ki mötmahot: Kunñan nuñgum kuziriga uzinañgö kitipñangöra mönö azi kun qebi kömuma. Kunñan nuñgum miziriga gurusep (gulibambam) löpötñangö kitipñangöra mönö azi gwabö kun qebi kömuma.

²⁴ *Kunñan Kein qeiga likepñi yañgö qakñe öñgöiga ambemñi 7 akñapmö, kunñan Lamek ni nuñguiga mianğö likepñi mönö yañgö qakñe öñgöiga ambemñi 77 akña. “Mewö.

Set aka Enos

²⁵ Azi mutukñi Adam yañön kunbuk anömñambuk mala amiyohotka nahönñiri kun memba kewö jiyök: “Keinöñ Abel qei kömuyöhanğöra Anutunöñ Abalgö salupñe nahöni kun niñgiza. “Mianğöra qetñi Set (Niñgiza) qerök. ²⁶ Setkö nahönñi mewöyök asuhuiga qetñi Enos qerök. Mewö.

Nalö mianğörej ambazip yañön könahiba Kembugö qetñi köuluköba malget. Mewö.

5

Adamgö gwölönarökurup yengö qet areñini

1 Hist 1.1-4

¹ *Adamgö isimorö aka amböisikurupñi yengö qet areñ papianñi ki. Anutunöñ azi miwikñaiyöhi, yañön mi nanñi kaisoñgolomñangö dop meyök. ² Mewö memba azi ambi malmahotköra miwikñaim etkiba nalö mianğörej qetñiri ambazip * qeta kötuatköm etkiyök.* ³ Adamnöñ mala yambuñi 130 aiga nahönñi kun asuhuyök. Mi Adam nanñi kaisoñgolomñi aka tandökñangö dop maliga qetñi Set qerök. ⁴ Set asuhuiga nalö mianğöreñök Adamnöñ toroqeba yambu 800 mala mala maliga nalö sutñe mianğöreñ nahönböratñi tosatñi asuhaba öñgöget. ⁵ Adamnöñ mewö mala öñgöba yambuñi mindiriba 930 meköba kömuyök.

⁶ Kömuiga nahönñi Set yañön yambuñi 105 aiga nahönñi Enos asuhuyök. ⁷ Enos asuhuiga nalö mianğöreñök Setnöñ toroqeba yambu 807 mala mala maliga nalö sutñe mianğöreñ nahönböratñi tosatñi asuhaba öñgöget. ⁸ Öñgögetka Setnöñ mala mala öñgöba yambuñi mindiriba 912 meköba kömuyök.

⁹ Kömuiga nahönñi Enos yañön yambuñi 90 aiga nahönñi Kenan asuhuyök. ¹⁰ Kenanöñ asuhuiga nalö mianğöreñök Enosnöñ toroqeba yambu 815 mala mala mal öñgöiga nalö sutñe mianğöreñ nahönböratñi tosatñi asuhaba öñgöget. ¹¹ Öñgögetka Enosnöñ mala mala öñgöba yambuñi mindiriba 905 meköba kömuyök.

* **4:24:** Mat 18.22 * **5:1:** Jen 1.27-28 * **5:2:** Ambazip mi Hibru keunöñ adam. * **5:2:** Mat 19.4; Mak 10.6

¹² Kömuiga nahönñi Kenan yañon yambuñi 70 aiga nahönñi Mahalalel asuhuyök. ¹³ Mahalalel asuhuiga nalö mianğorenğök Kenanöñ toroqeba yambu 840 mala mala mal öngöiga nalö sutñe mianğorenñ nahönböratñi tosatñi asuhaba öngöget. ¹⁴ Öngögetka Kenanöñ mala mala öngöba yambuñi mindiriba 910 meköba kömuyök.

¹⁵ Kömuiga nahönñi Mahalalel yañon yambuñi 65 aiga nahönñi Jared asuhuyök. ¹⁶ Jared asuhuiga nalö mianğorenğök Mahalalelnöñ toroqeba yambu 830 mala mala mal öngöiga nalö sutñe mianğorenñ nahönböratñi tosatñi asuhaba öngöget. ¹⁷ Öngögetka Mahalalelnöñ mala mal öngöba yambuñi mindiriba 895 meköba kömuyök.

¹⁸ Kömuiga nahönñi Jared yañon yambuñi 162 aiga nahönñi Enok asuhuyök. ¹⁹ Enok asuhuiga nalö mianğorenğök Jarednöñ toroqeba yambu 800 mala mala mal öngöiga nalö sutñe mianğorenñ nahönböratñi tosatñi asuhaba öngöget. ²⁰ Öngögetka Jarednöñ mala mala mal öngöba yambuñi mindiriba 962 meköba kömuyök. ²¹ Kömuiga nahönñi Enok yañon yambuñi 65 aiga nahönñi Metusela asuhuyök.

²² Metusela asuhuiga nalö mianğorenğök Enoknöñ yambu 300:gö dop uruñi Anutubuk jöhöba anda kaba maliga nalö sutñe mianğorenñ nahönböratñi tosatñi asuhaba öngöget. ²³ Öngögetka Enoknöñ mala mal öngöba yambuñi mindiriba 365 meköyök. ²⁴ Meköba uruñi Anutubuk jöhöba anda kaba maliga Anutunöñ öne wañgiriga at atop (jیاتون) kölok.*

²⁵ At atop köliga nahönñi Metusela yañon yambuñi 187 aiga nahönñi Lamek asuhuyök. ²⁶ Asuhuiga nalö mianğorenğök Metuselanöñ toroqeba yambu 782 mala mal öngöiga nalö sutñe mianğorenñ nahönböratñi tosatñi asuhaba öngöget. ²⁷ Öngögetka Metuselanöñ mala mala mal öngöba yambuñi mindiriba 969 meköba kömuyök.

²⁸ Kömuiga nahönñi Lameknöñ yambuñi 182 aiga nahönñi kun asuhuyök. ²⁹ Asuhuiga qetñi Noa (kölalep) qeta kewö jiyök: “Anutunöñ gölme saitköiga nini börönanan nup köl kömöta sileqeçe aka sihimbölä möta malinga morö kianön mönö ölop urukölalep neñgimakña.” ³⁰ Noa asuhuiga nalö mianğorenğök Lameknöñ toroqeba yambuñi 595 aiga nalö sutñe mianğorenñ nahönböratñi tosatñi asuhaba öngöget. ³¹ Öngögetka Lameknöñ mala mala mal öngöba yambuñi mindiriba 777 meköba kömuyök.

³² Lameknöñ kömuiga nahönñi Noa yañon yambuñi 500 aiga nahönurupñi karöbut qetñini Sem, Ham aka Jafet asuhuget. Mewö.

6

Gölme ambazipnöñ böliba añğöjörakñinambuk aket.

¹ *Ambazip gölme qakñe malgetka qötöñinan könahiba qariiga böraturupñini mi mewöyök asuhuget. ² Asuhugetka nalö mianğorenñ Anutugö nahönurupñi yeñon ambazip yeñö böraturupñini enğeketka eksihimñinambuk aketka enğek sorigerañğö dop mi pakpak enğömegetka anömurupñini aket. ³ Mewö aketka nalö mianğorenñ Kembunöñ keu kewö jiyök: “Gölme ambazipnöñ silebuk nalö teteköñi qahö mal öngömömö, yeñon mönö kömume. Areñini mewö al enğizal. Nalö kewöneyök könahiba malmalñini mönö yambu 120 jañğö mi qahö oñgita mal öngöme.” ⁴ Anutugö nahönurupñi yeñon gölme ambazip yeñö böraturupñini enğömegetka morö mem enğigetka nalö mianğorenñ aka könañgep mewöyök azi weliwelipñinambuk mönö asuhaba qariba gölmenöñ malget. Möpñañğö möpñeyök bemurup qetbuñañinambuk malgeri, yeñon mönö mia aket.*

⁵ Gölme ambazip yeñö bölöñamñini mi keta bölökñi aiga uruñinañğö mötmöt areñini pakpak mi nalö dop qösösök (qörörök) bölöñanök pakpak aka malgeri, mi Kembunöñ ehök. ⁶ Mi eka ambazip miwikñaim enğiiga gölmenöñ malgeri, mianğöra Anutunöñ möt bölüm añguiga wösöbiriknöñ uruñi kokolak qeiga sihimbölä möta malök. ⁷ Mewö

* 5:24: Hib 11.5; Jud 14 * 6:1: Job 1.6; 2.1 * 6:4: Jan 13.33

möta mala keu kewö jiyök: “Ambazip miwikñaim enġiali, nöñön mönö mi gölmenöhök qeteköm enġimam. Ambazip, mirigö sömbupñi, yuai bapñinan köla ölölonġömakzei aka könakembagö neiñi mi miwikñaim enġialanġöra möt bölim anġuba mi mönö qeköm enġimam.” ⁸ Mewö jiyökmö, azi Noa yanñon Kembugö jeñe ak-kömukömu miwikñaiyök.* ⁹⁻¹⁰ Noagö gwölönarökurupñi mienġö kösohotñini mi kewö: Nahönurupñi karöbut qetñini Sem, Ham aka Jafet mi asuhuget. Noanöñ ambazip sutñine azi solanñi köpösihitkö keuñi qahö mala uruñi Anutubuk jöhöba anda kaba malök.* ¹¹ Noanöñ mewö malökmö, ambazip tosatñi pakpak yeñon Anutugö jeñe gonġiba bölim tekögetka ambazip ayuhum enġienġi mi gölme körek dop köla ahöyök. ¹² Ambazip pakpak gölmenöñ anda kaba malmalñini mem bölim tekögetka miri gölme pakpak yeñö ahakmemeñini mi gonġiba anġöjörakñinambuk aiga Anutunöñ gölme uba tandökñini mi mewö ehök.

Wañge memegö arenj

¹³ Mewö eka Anutunöñ Noagöra keu kewö jii mörök: “Ambazip yeñgöra aka ayuhum enġienġi mi gölme körek dop köla ahöza. Mianġöra nöñön ambazip pakpak mem kömum teköm enġimamgöra mönö keuñi jöhöyal. Mötnöñ, nöñön mönö onöñ gölme melenbi geiga yuai pakpak isikusukñinambuk mi kömum teköme. ¹⁴ Mianġöra göñon mönö suman ip köla mianñon nangahöra wañge kun meman. Mianġö uruñi kutunöñga uruñi morömorö asuhume. Wañgegö uruñi aka silenñi mi qandöñnöñ me gisak marasinöñ kösiba ohom teköman. ¹⁵ Wañge mi kewö meman: köröñamñi 133 mita (450 fit), andipñi 22 mita (75 fit) aka köñgepñi 13 mita (45 fit) mewö meman. ¹⁶ Boñi muhungöba sel aka bo sutñire liliköba jeñgenañ tiñi 44 sentimita (18 ins) mi mosöta kötohoman. Wañgegö uruñi mösöñnöñga uruñi qakñi, kembanñi aka dutñi karöbut asuhume. Wañge nanġuñi mi namñe alman. ¹⁷ Mötman! Nöñön mönö jibiga göulu ketanñan kota gölme jömukñi köl turuiga ambazip aka yuai malmalgö ösumñinambuk pakpak suep bapñe maljei, mienñon mönö o nemba nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸ Mewö asuhumapmö, nöñön göbuk jöhöjöhö arenj kewö akzal: Gi mönö wañgenöñ öñgöman. Gi, anömgi aka nahöniranurupki enñon mönö mohotñe wañgenöñ öñgöme. ¹⁹ Öñgöba mala yuai malmalñinambuk pakpak mi qahöwak teköbepuköra yeñgöreñök yahöt yahöt aziñi aka ambiñi mi dopñine enġuanġitnöñga göbuk mohotñe wañgenöñ öñgöme. ²⁰ Nei tandökñini könanñi könanñi, mirigö sömbupñi tandökñini könanñi könanñi aka gölmegö mokolen, lolohom yuai tandökñini könanñi könanñi körek yeñgöreñök yahöt yahöt mi mönö kömumbepuköra enġuanġitnöñga göhöreñ kanġotketka öñgöme. ²¹ Mewöyök nanñini aka nei, sömbup yuai pakpak yeñon nemeañö dop mönö numbu nene könanñi könanñi miwikñaiiba oton qezaköba wañgenöñ alnöñga kahaimek ahöma.” ²² * Anutunöñ Noa mewö akñapkö jim kutum wañgiiga mianġö dowök mönö tem köla mi pakpak ahök. Mewö mia aka mem teköyök.

7

Ambazip aka sömbup pakpak mi wañgenöñ öñgöget.

¹ Noanöñ wañge mem teköiga Kembunöñ keu kewö jii mörök: “Gi ambazip kambu kiengö sutñine solanñi aka maljan. Nöñön göhö könanñamgi mewö miwikñaijal. Mianġöra gi aka saiwaurupki pakpak inñini mönö wañgenöñ öñgöme. ² Sömbup nenenñi, dönqizizinñini qahö mi pakpak yeñgöreñök sewen sewen, aziñi 7 aka ambiñi 7 dopdop enġömenöñga göhöreñ kanġotme. Mewöyök sömbup dönqizizinñinambuk pakpak yeñgöreñök yahöt yahöt aziñi aka ambiñi mewö enġömenöñga göhöreñ kanġotme. ³ Toroqeba nei könanñi könanñi pakpak yeñgöreñök mewöyök sewen sewen, aziñi 7 aka ambiñi 7 mi enġuanġitnöñga

* 6:8: Mat 24.37; Luk 17.26, 1 Pitö 3.2 * 6:9-10: 2 Pitö 2.5 * 6:22: Hib 11.7

göbuk waŋgenöŋ öngöme. Mewö aknöŋga sömbup aka nei tandökŋini könaŋi könaŋi pakpak mi kude qahöwakŋemö, toroqeba gölmenöŋ ahumsehip aka malme. ⁴ Öngögetka wehön 7 teköiga jim kutubiga kie römbum ketaŋan mönö gölmenöŋ eta yöhöiga suŋgem silim 40:gö dop toroqeba yöhöm teköma. Mewö yöhöiga yuai isikusukŋinambuk pakpak miwikŋaim enġiali, mi mönö mohotŋe jim teköbiga gölmenöhök qahöwakŋe.” ⁵ Kembunöŋ Noa mewö akŋapkö jim kutum waŋgiiga mianġö dowök mönö tem köla mi pakpak ak teköyök.

⁶ Mewö mia aka meiga yambuŋi 600 aiga göulu ketaŋan gölme qakŋe kaŋgorök. ⁷ *Kaŋgotmapkö aiga Noa anömŋet aka nahöniranurupŋiri yeŋön mohotŋe göulunöŋ kömumbepuköra ölöŋ köla waŋgenöŋ öngöget. ⁸ Mewöyök sömbup neneŋi, dönqiziziniŋi qahö aka sömbup dönqiziziniŋinambuk aka nei aka yuai pakpak bapŋinan köla ölölöŋgömakzei, ⁹ mi yahöt yahöt pakpak aziŋi aka ambiŋi mi dopdopŋine waŋgenöŋ öngöba Noagöreŋ kaget. Anutunöŋ Noa jim kutum waŋgiyöhi, mi mönö mianġö dop asuhuyök. Mewö.

Göulunöŋ ambazip turum enġii kömuget.

¹⁰ Mewö asuhuiga wehön 7:göra jiyöhi, mi teköiga göulu ketaŋan gölme qakŋe kaŋgorök. ¹¹ *Noanöŋ yambuŋi 600 aiga yambu mianġö köiŋi 2 mianġö wehönŋi jaŋgö 17 silim mianġöreŋ o jeŋi pakpak, o diginŋinambuk mienġö namŋini pakpak mi emuyök qariba qariba kotket. Mewöyök euyaŋgöreŋ könakembagö onŋi onŋi mienġö numbuŋini mi aŋaŋiget. ¹² Kie römbum ketaŋi mi gölmenöŋ eta yöhöba yöhöba suŋgem silim 40:gö dop ahöyök. ¹³ Kienöŋ könahimapköra aiga wehön mianġöreŋ Noa aka nahönurupŋi Sem, Ham aka Jafet, Noagö anömŋet aka iranurupŋiri karöbut yeŋön mohotŋe waŋgenöŋ öngöm teköget. ¹⁴ Toroqeba arökŋaŋgö sömbupŋi aka mirigö sömbupŋi pakpak, yuai pakpak bapŋinan köla ölölöŋgömakzei, nei pakpak aka yuai ginginŋinambuk pakpak mi ambazip yembuk mohotŋe waŋgenöŋ öngöm teköget. ¹⁵ Anutunöŋ yuai pakpak malmalgö ösumŋinambuk miwikŋaim enġiyöhi, mienġöreŋök yahöt yahöt (2-2) mi Noagöreŋ kaŋgota waŋgenöŋ öngöm teköget. ¹⁶ Anutunöŋ Noa jim kutum waŋgiyöhaŋgö dop yuai isikusukŋinambuk pakpak waŋgenöŋ öngöm tekögeri, mi aziŋi aka ambiŋi ahot. Körekŋan öngöm tekögetka Kembunöŋ nanŋak Noagö andöŋe waŋgegö nanŋuŋi kölöök.

¹⁷ Nanŋuŋi köliga mianġöreŋök göulu ketaŋan könahiba suŋgem asak 40:gö dop toroqeba gölmenöŋ kaŋgoriga o yeŋön qariba qariba gölme köl turuba öngöba waŋge gölmenöhök koaŋgetka wahöta öngöyök. ¹⁸ Öngöiga o yeŋön gölme qakŋe qariba qariba öngögetka waŋgenöŋ o qakŋe nanŋök öne laŋ anda kaba ahöyök. ¹⁹ Mewö aiga onöŋ gölme qakŋe kunbuk qariba öngöyök. Mewö kundunŋi köröpŋi köröpŋi suepkö bapŋe kin anjei, mi pakpak mönö musulungöm enġiyök. ²⁰ Musulungöm enġiba öngöba öngöba kundunŋi bohonnŋi bohonnŋi mi köl turuba 8 mita (25 fit) mianġö dop enġonġita ahöyök.

²¹ Mewö ahöiga yuai isikusukŋinambuk pakpak gölme qakŋe anda kaba malgeri, mienöŋ o nemba nemulahöba kömum teköget. Yuai pakpak mi nei me mirigö sömbupŋi me arökŋaŋgö sömbupŋi me mokoleŋ, gisip aka yuai pakpak kambuŋini köla gölmenöŋ qeqelaŋlaŋ anda kamakzei aka ambazip pakpak mi mohotŋe qahöwak teköget. ²² Yuai pakpak gölme örönŋe mala malmalgö ösumŋi söŋgörönŋine öröba malgeri, mi körekŋanök kömum teköget. ²³ Yuai malmalŋinambuk pakpak gölmenöŋ malgeri, mi Anutunöŋ enġum teköyök. Yuai pakpak mi ambazip, sömbup me yuai bapŋinan köla ölölöŋgömakzei me könakembagö neiŋi neiŋi mi mönö Anutunöŋ enġum teköyök. Noa aka saiwaurupŋi waŋge uruŋe malgeri, miyök mönö enġehoriba aŋgön köla gou köl enġiyök. ²⁴ O göulu mianġön gölme köl turuba qahö öröba geyökmö, wehön 150:gö dop ahöyök.

* 7:7: Mat 24.38-39; Luk 17.27 * 7:11: 2 Pitö 3.6

8

Göulunöŋ öröba eriga gölmenöŋ öröniyök.

¹ Wehön 150 mi teköiga miangöreŋ Anutunöŋ Noagö aka arökŋangö mirigö sömbupŋi aka yuai pakpak yambuk waŋgenöŋ malgeri, mi mötmörim engiba luhut ketanŋi röja aliga gölme qakŋe qeiga onöŋ könahiba öröba erök. ² Anutunöŋ emune o diginŋinambuk yengö jeŋini aka euyangöreŋ könakembagö onŋi onŋi mienöŋ numbuŋini mi qaliba soŋgo aliga kienöŋ tiŋgita tömböriba suepnöhök kunbuk qahö erök. ³ Qahö eriga o ketanŋan könahiba gölme qakŋe ahöahöneyök lilingöba öröba eta geyök. Wehön 150:gö dop o mienöŋ öröba eta geba ahöget. ⁴ Mewö ahögetka waŋgenöŋ köiŋ 7 miangö silimŋi 17 miangöreŋ kundunŋi qetŋi Ararat miangö bohonŋi kunöŋ mekötahöba köhöiba tarök. ⁵ Miangöreŋ tariga o mianöŋ toroqeba öröba eta eta anök. Anda köiŋ 10 miangö silimŋi mutukŋi miangöreŋ kundunŋi mienöŋ bohonŋini mi aukŋe asuhum tiŋgitket.

⁶ Tiŋgitketka wehön 40 teköiga Noanöŋ waŋgegö jeŋgenanŋi mutuk memenŋi mi metalök. ⁷ Metala koekoe nei kun melaiiga könakemba laŋ bölbölgöba anda kaba qahö lilingöba maliga gölmeŋö onŋi mianöŋ jöpköyök. ⁸ Miangö andöŋe Noanöŋ kembö kun melaiiga anök. Gölme qakŋe onöŋ öröba geyök me qahö, miangö könanŋi mötmamgöra mi melaiiga anök. ⁹ Kembönöŋ anda kaba onöŋ toroqeba gölme körekŋanök turuba ahöyöhangöra luhut memenangö tatatŋi qahö miwikŋaiba waŋgegöreŋ lilingöiga Noanöŋ böröŋi böraŋda waŋge uruŋe waŋgiriga öŋgöyök. ¹⁰ Öŋgöiga wehön 7:gö dop toroqeba mamböt mala miangöreŋ kembö mi kunbuk waŋgenöhök melaiiga anök. ¹¹ Anda mare miangöreŋ lilingöba oil ipkö sinŋi gwölögwölö kun mi meteköba numbuŋan yöhösaŋda Noagöreŋ kayök. Mewö kaiga Noanöŋ mi eka kewö möt asariyök: Onöŋ mönö öröba eriga gölmenöŋ asuhum teköza. ¹² Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö miangöreŋ mi yangöreŋ kunbuk qahö lilingöba kayök.

¹³ Noagö malmal yambuŋi 601 miangö köiŋ mutukŋangö silimŋi mutukŋi miangöreŋ onöŋ gölme qakŋe jöpköba öröniba ahöyök. Mewö aiga Noanöŋ waŋgegö bonŋi mei aniga kewö uba ehök: Gölme qakŋan mönö öröniba ahöyök. ¹⁴ Mi ehi kunbuk öröniba köiŋ yahötŋangö silimŋi 27 miangöreŋ örönim teköba ahöyök.

¹⁵ Anutunöŋ Noagöra keu kewö jiba jii mörök: ¹⁶ “Gi, anömgi aka nahöniranurupki inŋini mönö waŋge mosöta etket. ¹⁷ Eta sömbup yuai malmalŋinambuk pakpak göbuk waŋgenöŋ maljei, mi neiŋi neiŋi, mirigö sömbupŋi aka mokoleŋ yuai pakpak bapŋini gölmenöŋ köla ölölöŋgömakzei, mi mönö körek enguangita etket. Mewö aknöŋga ölop gölmenöŋ ahum sehiba gwölönarökpuŋ aka deŋda gölme dop köla malme.”

¹⁸ Mewö jii möta Noa anömŋet aka nahöniranurupŋi yeŋön mohotŋe waŋge mosöta etket. ¹⁹ Etketka arökŋangö sömbupŋi pakpak, mokoleŋ yuai pakpak, nei pakpak aka yuai pakpak gölmenöŋ anda kamakzei, mienöŋ mönö mewöŋanök isikŋinanöŋ dop waŋge mosöta awatangöba et teköget. Mewö.

Noanöŋ Anutugöra jöwöwöl ohoba saiwap jiyök.

²⁰ Et tekögetka Noanöŋ Kembugöra jöwöwöl alta kun memba mirigö sömbupŋi dönqizizinnŋini qahö mi pakpak aka nei dönqizizinnŋini qahö mi pakpak yengöreŋök tosatŋi engömembra alta qakŋe ala mianöŋ Anutugöra jöwöwöl ohoyök. ²¹ Ohoiga Kembunöŋ wörön umköhöwakŋi nahömŋambuk mi möri dop köliga uruŋan keu kewö jiyök: “Ambazip yengö uruŋinanöŋ mötmöt areŋinan mönö moröŋineyök könahiba bölöŋi akzemö, töndup gölme mi nalö kunöŋ ambazipköra aka kunbuk kude qesuahömam. Yuai pakpak malmalŋinambuk maljei, nöŋön mi lök qahöwak teköm engialmö, miangö dop nalö kunöŋ kunbuk qahö jim teköba ak engimam. ²² Gölmenöŋ ahöm öŋgömawangö dop mönö gölmenöŋ köl kömötketka ölnŋi asuhui megetka mianöŋ mönö kude qahöwak teköma. Miri amöriiga sanŋenŋi mörakŋe aka könöpŋambuk aiga könöwiba mörakŋe. Kömunjan

kie nalö aka wehön nalö, sunjem aka asakñi mi nalöni nalöni lilikçilik aka awatan ahöba anmahot. Mi pakpak teteköñi qahö ahöm öngöiga malme. Mewöñan mönö mewö toroqeba ahöma. “Mewö”.

9

Anutunöñ Noabuk jöhöjöhö areñ alök.

¹ *Mewö jiba Anutunöñ Noa aka nahönurupñi kewö jiba kötuatköm ençiyök: “Inini mönö ahum sehiba gwölönarökpu mala gölme dop köla malme. ² Mewö aketka gölmegö sömbupñi pakpak, könakembagö neñi pakpak, yuai pakpak bapñinan gölme köla ölölöngömakzei aka köwetkö sörañi pakpak mi mönö engö böröñine al engibi enön mi galöm köl engiba malgetka yeñön engöra kençöt mötmöt aketka jönömñini unduiga malme. ³ Yuai pakpak isikusukñinambuk anda kaba maljei, mi engö neneya aka ahöma. Mutuk yöha yuai görökñi (töngönñi) neneñina al engiala merak yuai pakpak ki mewöyök al engizal. ⁴ Mohok-kun mi mönö kude neme. Mi sömbup sepñambuk. Sep mi malmalgö söpsöpñi akzawañgöra aka soñgo ki al engizal.* ⁵ Nanñini sepñini mi kunñan kun kude mokoma. Kunñan mi mokomawi, miangö likepñan mönö nanñi qakñe öngöma. Sömbup kunñan me ambazip kunñan ambazip kun qeiga malmalñangö söpsöpñi mokomawi, miangö likepñan mönö nanñi qakñe öngöiga kömuma. ⁶ Anutunöñ ambazip nanñi kaisoñgolomñi tandök meyöhañgöra aka kun dañön ambazip kun qei kömumawi, kunñan mönö i mewöñañök qei kömuma.*

⁷ Inini mönö ahum sehiba gwölönarökpu aka malme. Mewö gölme qakñe ahum sehigetka qötöñinan qarim öngöma.”*

⁸ Anutunöñ toroqeba Noa aka nahönurupñi yambuk malgeri, yeñgöra keu kewö jiyök: ⁹ “Nöñön merak inini aka engö gwölönarökurupñini könangep asuhumei, embuk jöhöjöhö areñ akzal. ¹⁰ Mewöñañök yuai malmalñinambuk pakpak, mi mirigö me arökñañgö nei sömbupñi pakpak göbuk mala wañgenöhök etkeri, mönö gölmegö öröyuai malmalñinambuk pakpak yembuk jöhöjöhö areñ kewö akzal: ¹¹ Nöñön jöhöjöhö areñni mi embuk kewö al köhöizal: Nöñön o gölunöñ öröyuai isikusukñinambuk pakpak mi kunbuk kude engubi qahöwakñe. O göulu mi gölme ayuhumapköra kunbuk qahö albi kama.” ¹² Anutunöñ toroqeba keu kewö jiyök: “Nöñön mönö jöhöjöhö areñ ki mi nani aka inini aka öröyuai malmalñinambuk pakpak embuk maljei, neñgö sutnine albiga teteköñi qahö köhöiba ahöm öngöma. Jöhöjöhö areñ miangö aiwesökñi mi kewö:

¹³ Nöñön nani marilonloñni mi kusunöñ albiga ahöma. Nöñön nani aka gölmenöñ maljei, neñgö sutnine jöhöjöhö areñ akzali, marilonloñ miangöñ mönö miangö aiwesökñi aka ahöma. ¹⁴ Nöñön nalö kunöñ kusunöñ kusunöñ gölme qakñe öröm engibi eta tokogetka marilonloñan kusunöñ asuhumawi, ¹⁵ nalö miangöreñ nöñön jöhöjöhö areñni mi mötmörimam. Mi nani aka inini aka öröyuai malmalñinambuk pakpak tandökñini könäñi könäñi neñgö sutnine ahali, mönö mia mötmörimam. Miangöra o miengöñ kunbuk mewö kude qariba yuai isikusukñinambuk pakpak ayuhumegöra göulu ketanji qahö akña.

¹⁶ Nalö kunöñ marilonloñan kusunöñ asuhumawi, nöñön mi eka miangöreñök jöhöjöhö areñni mi mötmörimam. Mi teteköñi qahö nani aka öröyuai malmalñinambuk pakpak tandökñini könäñi könäñi gölme qakñe maljei, neñgö sutnine al köhöibi ahöza.”

¹⁷ Anutunöñ Noagöra mewö jiba toroqeba kewö jiyök: “Nöñön jöhöjöhö areñ ki mi nani aka gölmegö öröyuai malmalñinambuk pakpak neñgö sutnine al köhöizal. Jöhöjöhö areñ miangö aiwesökñi mi mewö.”

Noagö nahönurupñi

* **9:1:** Jen 1.28 * **9:4:** Jen 17.10-14; Lew 19.26; Dut 12.16, 23; 15.23 * **9:6:** Jen 1.26; Eks 20.13 * **9:7:** Jen 1.28

18 Noagö nahönurupñi waŋgenöhök etkeri, yeŋgö qetñini mi Sem, Ham aka Jafet. * Ham mi Keinangö iwiña. 19 Yeŋön Noagö nahönurupñi karöbut aket. Ambazip pakpak denqenða gölme dop köla maljini, nini yeŋgöreŋök asuhuin.

20 Noanöŋ kölkömöt azia aka wain kösö nup mutukñi kömörök. 21 Mi kömörökmö, nalö kunöŋ wain o tosatñi memba neiga uruñi eŋololoŋ aiga nanñi opo seri koum uruñe oponñi qeköba sile aukñe ahöyök. 22 Keinangö iwiñi Ham yaŋön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem waŋgiyök. 23 Sem aka Jafet yetkön mi mörohotmö, maluku kun memba awötñire ala andöandö öŋgöba iwiñiran sile aukñe ahöyöhi, mi esuhuyohot. Jenñi kungen uyohoraŋgöra aka iwiñiran aukñe ahöyöhi, mi qahö ehot. 24 Noanöŋ eŋololoŋ aiga imbiñi törörök möta wahöta nahönñi moröŋan silik ak waŋgiyöhi, mi mörök. 25 Mi möta uruñi öŋgöiga Hamgöra kewö jiyök:

“Keinan mi jim suehöm waŋgizal. Yaŋön mönö darumunyahötñi yetkö welenqequeurupñiri yeŋgö welenqequeŋini omani aka malma.”

26 Toroqeba kewö jiyök:

“Anutu, Sengö Kembuñi, ia mönö möpöseizal.

Keinanöŋ mönö Sengö welenqequeŋi omani aka malma.

27 Anutunöŋ mönö Jafetkö gölmeñi mem qariiga Sengö opo seri koumñine malme. Keinan yeŋön mönö Sem yeŋgö welenqequeurupñini omani aka malme.”

28 Göulu ketaŋan teköiga Noanöŋ toroqeba (yara) yambu 350:gö dop mal öŋgöyök.

29 Malmalŋaŋgö yambuñi mi mindiriba 950 miangö dop mala kota kömuyök. Mewö.

10

Noagö nahönurup yeŋgö gwölönarökurup areñini

1 Hist 1.5-23

1 Noagö nahönurupñi Sem, Ham aka Jafet yeŋgö gwölönarökurupñini göulu teköiga asuhugeri, yeŋgö qet areñini kewö:

Jafetkö gwölönarökurupñi

2 Jafetkö nahönurupñi yeŋgö qetñini mi Gomer, Magog, Madai, Jawan, Tubal, Mesek aka Tiras. 3 Gomergö nahönurupñi yeŋgö qetñini mi Askenas, Rifat aka Togarma. 4 Jawangö nahönurupñi yeŋgö qetñini mi Elisa, Tarsis aka Saiprus könagesö aka Dodan könagesö. 5 Yeŋgö isimoröurupñini mi jula denqenða Sutñire Köwetkö jitñe aka miangö gölme jöhanñi jöhanñi miangöreŋ nanñini gölmeñine anda malje. Yeŋön isikñini dop, kambuñini dop aka keuñini dop nanñini gölmeñine anda malje. Jafetkö könagesöñi mewö.

Hamgö gwölönarökurupñi

6 Hamgö nahönurup yeŋgö qetñini mi Kus, * Ijpt, Libia aka Keinan. 7 Kugö nahönurupñi yeŋgö qetñini mi Seba, Hawila, Sabta, Rama aka Sabteka. Ramagö nahönyahötñi yetkö qetñiri mi Seba aka Dedan. 8 Kugö nahönñi kun qetñi Nimrod asuhuyök. Yaŋön qariba wahöta bimqepegö suahö azi köhöikñi kötökñi aka gölmeñöŋ malök. 9 Yaŋön Kembugö jemesoholñe böröjaŋ azi köhöikñi malöhaŋgöra aka keu saiñi kewö jimakze: “Kunöŋ Nimrod ewö Kembugö jemesoholñe böröjaŋ azi köhöikñi akza.” 10 Nimrodkö bemtohoñi mi gölme kewöŋe miangöreŋ könahiget: Babel, Erek, Akad aka Kalne. Taon 4 mi Babilonia (Sinar) gölmeñöŋ ahöze. 11 Nimrodnöŋ Babilonia gölme mosöta Asiria anda miri ketañi ketañi qetñini Niniwe, Rehobotir aka Kala mi mem wahörök. 12 Mewöyök Resen mi Niniwe aka siti ketañi qetñi Kala yetkö sutñire mem wahörök.

* 9:18: Jafet sehiza * 10:6: Kus mi Sudan kantrigö qetñi.

¹³ Ijptkö gwölönarökurupñi yeñön Libia könagesö, Anam könagesö, Lehab könagesö aka Naftu könagesö akze. ¹⁴ Mewöyök Patrus, Kaslu aka Krit. Krit mi Filistia könagesö yeñgö bömönñini ahök.

¹⁵ Keinangö nahönñi mutukñi mi Saidon. Yangö andöñe Keinanöñ könagesö kewöñi yeñgö bömönñini ahök: Hit könagesö, ¹⁶ Jebus könagesö, Amor könagesö, Girgas könagesö, ¹⁷ Hiwi könagesö, Arka könagesö, Sini könagesö, ¹⁸ Arwad könagesö, Zemar könagesö aka Hamat könagesö. Keinanöñ körek pakpak yeñgö iwi bömönñini aiga yeñön könangep jula denqenget.

¹⁹ Mewö denqengetka Keinan könagesö yeñgöreñ gölme görañi mi miri qetñi Saidon miangöreñök könahiba anda Gerar mire anda Gaza miangöreñ teköza. Mewöyök Sodom göröken anda Gomora anda Adma aka Zeboim anda Lasa miangöreñ teköza. ²⁰ Hamgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

Semgö gwölönarökurupñi

²¹ Jafetkö datñi Sem yangö nahönurupñi mewöñanök asuhuget. Semnöñ mewö Ebergö nahönurup pakpak yeñgö bömönñini ahök. ²² Semgö nahönurupñi yeñgö qetñini mi Elam, Asur, Arfaksad, Lidia (Lud) aka Aram. ²³ Aramgö nahönurupñi yeñgö qetñini mi Uz, Hul, Geter aka Mas. Mewö malget. ²⁴ Arfaksadkö nahönñi Sela asuhuiga yangö nahönñi Eber asuhuyök. ²⁵ Ebergö nahönyahötñi yahöt asuhuyohot. Kunöñ asuhaba mala koröhi, nalö miangöreñ gölme ambazipnöñ jula denqenget. Miangöra yangö qetñi Peleg (Denqen) qetket. Munñangö qetñi mi Joktan. ²⁶ Joktangö nahönurupñi kewö asuhuget: Almodad, Selef, Hazarmawet, Jera, ²⁷ Hadoram, Uzal, Dikla, ²⁸ Obal, Abimael, Seba, ²⁹ Ofir, Hawila aka Jobab. Azi pakpak mi Joktangö nahönurupña. ³⁰ Yeñgö tatat malmal gölmeñini mi miri qetñi Mesa miangöreñök könahiba miri qetñi Sefar miangöreñ göröken anda wehön kotkotñangö gölme kundunambuk miangöreñ teköza. ³¹ Semgö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

³² Noagö isimoröurupñi mi isikurup areñini, könagesöñini aka gölmeñini dop mewö aket. Yeñön jul sehiba denqennda könagesö kambuñi kambuñi aketka göulu ketanjan teköiga anda gölme dop köla malget. Mewö.

11

Anutunöñ ambazip yeñgö keuñini mendenöñök.

¹ Mutuk miangöreñ gölmeñi gölmeñi pakpak yeñön keu mohot jigetka mianön mindirim enñii malget. ² Mewö mala mosöta wehön kotkotñe göröken anda Babilon uruñe gölme köröñi ketanji kun miwikñaiba miangöreñ miriñini memba tatket. ³ Miangöreñ tata nanñinök kewö eraum-mötket: “Mönö kaget. Nini mönö birik mem mözözömgöba könöpnöñ ohoinga köhöikñi akñe. “Mewö jiba miri selñi memingöra köt jamönñiñ qahöpmö, birik ala sutñine gölme sapösapö qandöñ ewö algetka mianön birik mi mekötahöm enñiyök. ⁴ Nup mewö memba kunbuk kewö jiget: “Mönö kaget. Nini mönö naninangöra siti kun memba miangöreñ miri köröpñi kötökñi (taua) meinga boñan suep oseima. Mewö oseiiiga qahö denqennda gölme pakpak dop köla lañ anda malbinbuköra mönö nanini qetbuñaninambuk akin.”

⁵ Mewö jiba nup megetmö, Kembunöñ ambazip siti aka miri köröpñi megeri, mi ekñamgöra erök. ⁶ Eta mi eka kewö jiyök: “Yeñön simbisembel qahöpmö, urumohot könagesö aka keuñini mohot jiba kinda yuai ki könahiba meze ewö, könangep i me wai memingö areñini albeak, mi mönö miangöra qahö osiba qaköme. ⁷ Ayop, nini mönö gölmeñiñ geba keuñini mem sohoinga kambu kun yeñön kambu tosatñi yeñgö keuñini qahö möt asariba malme.”

⁸ Kembunöŋ mewö jiba ambazip mianğöŋ mendenqenden enğıga gölme körek dop köla anda kaba siti memegö nupŋi jöhöba mosötkeŋ. ⁹ Kembunöŋ ambazip pakpak yeŋgö keunŋini mem sohyöhi, mianğöra miri mianğö qetŋi Babel (enololon siksauk) ahök. Mianğöreŋök Kembunöŋ i mendenqenden enğıga denđa gölme pakpak dop köla anget. Mewö.

Qet areŋ Semğöreŋök könahiba Abramğöreŋ anja.

1 Hist 1.24-27

¹⁰ Semğö gwölönarökurup yeŋgö qet areŋini ki. Göulu andöŋe yambu yahöt teköiga Semnöŋ yambuŋi 100 aiga nalö mianğöreŋ nahönŋi Arfaksad asuhuyök. ¹¹ Arfaksadnöŋ asuhuiga mianğö andöŋe Semnöŋ toroqeba yambu 500 maliga nalö sutŋe mianğöreŋ nahönböraturupŋi tosatŋi asuhuget.

¹² Arfaksadnöŋ yambuŋi 35 aiga nahönŋi Sela asuhuyök. ¹³ Selanöŋ asuhuiga mianğö andöŋe Arfaksadnöŋ toroqeba yambu 403 maliga nalö sutŋe mianğöreŋ nahönböraturupŋi tosatŋi asuhuget.

¹⁴ Selanöŋ yambuŋi 30 aiga nahönŋi Eber asuhuyök. ¹⁵ Ebernöŋ asuhuiga mianğö andöŋe Selanöŋ toroqeba yambu 403 maliga nalö sutŋe mianğöreŋ nahönböraturupŋi tosatŋi asuhuget.

¹⁶ Ebernöŋ yambuŋi 34 aiga nahönŋi Peleg asuhuyök. ¹⁷ Pelegnöŋ asuhuiga mianğö andöŋe Ebernöŋ toroqeba yambu 430 maliga nalö sutŋe mianğöreŋ nahönböraturupŋi tosatŋi asuhuget.

¹⁸ Pelegnöŋ yambuŋi 30 aiga nahönŋi Reu asuhuyök. ¹⁹ Reunöŋ asuhuiga mianğö andöŋe Pelegnöŋ toroqeba yambu 209 maliga nalö sutŋe mianğöreŋ nahönböraturupŋi tosatŋi asuhuget.

²⁰ Reunöŋ yambuŋi 32 aiga nahönŋi Serug asuhuyök. ²¹ Serugnöŋ asuhuiga mianğö andöŋe Reunöŋ toroqeba yambu 207 maliga nalö sutŋe mianğöreŋ nahönböraturupŋi tosatŋi asuhuget.

²² Serugnöŋ yambuŋi 30 aiga nahönŋi Nahor asuhuyök. ²³ Nahornöŋ asuhuiga mianğö andöŋe Serugnöŋ toroqeba yambu 200 maliga nalö sutŋe mianğöreŋ nahönböraturupŋi tosatŋi asuhuget.

²⁴ Nahornöŋ yambuŋi 29 aiga nahönŋi Tera asuhuyök. ²⁵ Teranöŋ asuhuiga mianğö andöŋe Nahornöŋ toroqeba yambu 119 maliga nalö sutŋe mianğöreŋ nahönböraturupŋi tosatŋi asuhuget. ²⁶ Teranöŋ yambuŋi 70 aiga nahönŋi Abram, Nahor aka Haran asuhuget.

Teragö gwölönarökurupŋi.

²⁷ Teragö gwölönarökurup yeŋgö qet areŋini ki. Teragö nahönurupŋi Abram, Nahor aka Haran asuhuget. Harangö nahönŋi Lot asuhuyök. ²⁸ Haranöŋ Kaldia yeŋgö gölmenöŋ mala nanŋi ahuahu miriŋi qetŋi Ur mianğöreŋ kömuiga Harangö iwiŋi Teranöŋ toroqeba malök.

²⁹ Abram aka Nahor yetköŋ öröröŋ ambi meyoŋhot. Abramgö anömŋi qetŋi Sarai aiga Nahorgö anömŋi qetŋi Milka. Milkanöŋ Harangö börtatŋa ahök. Haranöŋ Milka aka Iska yetkö iwiŋiri ahök. ³⁰ Sarainöŋ ambi köpina moröŋi qahöpmö, öne malök.

³¹ Teranöŋ nahönŋi Abram, isiŋi Lot Harangö nahönŋi aka iranŋi Sarai, nahönŋi Abramgö anömŋi mi enğuanğiriga mohotŋe Kaldia gölmegö miri qetŋi Ur mosöta Keinan gölmenöŋ anbingöra anget. Mewö angetmö, Haran miri gölmenöŋ kaba kinda mianğöreŋ miriŋini memba tatket. ³² Tatketka Teranöŋ yambuŋi 205 aiga Haran miri mianğöreŋ tata kömuyök. Mewö.

12

Anutunöŋ Abram oholök.

1 *Kembunöj Abramgöra kewö jiyök: “Gi gölmegi, könagesögi aka iwigahö miri yuaini mosöta gölme kondel gihimami, mönö miangörej anman. 2 Nöjön ahumsehip gihibiga gwölönarökurupkan könagesö ketanji akne. Nöjön kötuetköba nangöm gihibiga qetbuñagan qariba ketanji akña. Mewö aiga Anutunöj göhöra aka könagesö tosatñi kötuetköm engiba malma.

3 Denike yeñon gi kötuetköm gihimei, nöjön mönö i kötuetköm engiba malmam. Denike yeñon gi jim suehöm gihimei, nöjön mönö i mewöyök jim suehöm engiba malmam. Göhöra aka nöngö kötümötuetnan mönö gölmegö könagesö kambunji pakpak yeñgö qakñine öngöiga oyaenköyaen akne.”*

4 Mewö jiiga Abramnöj Kembunöj jiyöhanjö dop Haran miri mosöta aniga Lotnöj yambuk anohot. Abramnöj yambunji 75 aiga miangörej Haran miri mosöta anök. 5 Anmam jiba anömñi Sarai, behötñi Lot, sukinapñi pakpak qezakögetka sehiyöhi aka welenqege ambazip Haran mirinöj mala engömegeri, mi memba enñuanñita mosöta Keinan gölmenöj anbingöra anda mala miangörej anñotket.

6 Abramnöj gölme miangörej anda mala mala miri qetñi Sekem miangörej kanñota in ip ketanji qetñi More miangö kösutñe koumñi qeba tarök. Nalö miangörej Keinan ambazip yeñon lök gölme miangörej malget. 7 Mewö malgetka Kembunöj Abramgörej asuhuba kewö jiyök: “Gölme ki mi mönö göhö gwölönarökurupki yeñgö buñaya qem engimam. “Mewö jiiga Abramnöj Kembu yangörej asuhuyöhi, yangöra jöwöwöl ohohogö altanji kun miangörej meyök.*

8 Miangörejök mosöta toroqeba Betel mirigö wehön kotkotñe göröken gölme kundunambuk miangörej anda opo seri koumñi mörörengöba kuñgui kinök. Mewö kiniga Betel miri mianñon wehön gegenje göröken tariga Ai taonöj wehön kotkotñe göröken tarök. Mewö tarohotka sutñire kinda Kembugö jöwöwöl altanji kun miangörej memba Kembugö qetñi qeta köuluköm wañgiyök. 9 Miangö andöñe gölme mi mosöta toroqeba Saut göröken anda distrik qetñi Negew miangörej tata malget. Mewö.

Abramnöj Ijpt kantrinöj anda malök.

10 Nalö miangörej Keinan gölmenöj bödi (buörö) asuhuiga mianñon köhöiba lömbötñi aiga Abramnöj Ijpt kantrinöj kusukñanök malbingöra anget. 11 Könanöj anda Ijpt dopdowigetka Abramnöj miangörej anömñi Saraigöra keu kewö jiyök: “Mötnöj, göñon ambi eksihimgabuk akzani, mi mötzal. 12 Mewögöra Ijpt azi yeñon gi geka kewö jime: ‘Ki yangö anömña.’ Mewö jiba ni nuñguget kömumam-mö, gi gehorigetka malman. 13 *Miangöra göñon mönö kewö jiman: ‘Ni yangö nenña.’ Mewö jinöñga göhöra aka ölöpnanök ak niñgiba nöngö malmalni gou kölgetka malmam.”

14 Abramnöj Ijpt kaiga Ijptkö ambazipñi yeñon Sarai eketka ambi eksihimñambuk qetpuk ahök. 15 Miangörejök Farao kinj kembugö pom jembonurupñi yeñon i ekerangöra Farao kinjörej anda Saraigö silenji möpöseigetka mörök. Mi möta jiiga Sarai wañgita kinj kembugö jakömbuak miri uruñe öngöget. 16 Öngögetka Farao kinñon Saraigöra aka Abram ölöpnanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, doñki azinji aka ambiñi, welenqege azi aka ambi aka kamel jesöñgöñi mi Abram wañgiiga buña qem anñuyök.

17 Mi buña qem anñuyökmö, Kembunöj Abramgö anömñi Sarainöj Farao kinjö mire malöhanjöra aka jiiga kawöl bölöñi kötökñan Farao kinj aka ambazip yangö jakömbuak mire malgeri, yeñgö qakñine öngöyök. 18 Mi öngöiga Farao kinñon Abram köl öroi kaiga kewö qesim wañgiyök: “Göñon mönö wani kimbiala ak niñginöñ? Wuanöñgöra ‘Mi anömna,’ mewö qahö jinöñga möral? 19 Wuanöñgöra ‘I mi nena,’ jinöñ? Mewö jinöñga nöjön i anömna akñapaköra wañgiral? Anömgi ki. Mönö i wañgita anohot.”

* 12:1: Apo 7.2-3; Hib 11.8 * 12:3: Gal 3.8 * 12:7: Apo 7.5; Gal 3.16 * 12:13: Jen 20.2; 26.7

²⁰ Mewö jiba aziurupni jim kutum enjiiga Abram wanğita könanönj anda al enjigetka anömni aka öröyuaini pakpak ahöm wanğiyöhi, mi memba enğuanğita anget. Mewö.

13

Lot aka Abram yetkön denjohot.

¹ Abramnönj Ijpt gölme mosöta anömni aka bau inap yuaini pakpak memba enğuanğita Lotpuk mohotje lilingöba anda Keinan gölmegö Saut likepni qetni Negew miangören kanğotket. ² Abramgören lama bulmakau aka goul silwö mi lömbötpuk ahöm wanğiiga azi kindinbirik malök. ³ Mewö mala Negew distrik uruje tata mosöta kusukñanök rowonqeqeqine ahöba wahöta anda mala Betel mire kanğotket. Opo seri koumni mutuk Betel aka Ai miri mietkö sutjire kuñgui kinöhi, mönö miangören kanğotket. ⁴ Mutuk jöwöwöl alta meyöhi, mönö miangören kanğota Kembugö qetni qeta köuluköyök.

⁵ Lotnönj Abrambuk tata mosöta malöhi, yañön mewöñanök lama bulmakau kambuñi kambuñi aka opo seri koumni koumni mi gwötpuk memba malök. ⁶ Mewö mala sömbup sukinap yuainiri gwötpuk ketani ahöm etkiiga gölmenönj qahö dop kölök. Mi örörön gumohom enjienjigö dop qahö ahöiga mohotje tata malmalgö lömböriba osiyohot. ⁷ Osiba Abram aka Lot yetkören sömbup galömurupñiri yengö sutjine gölmegö anğururuk asuhuyök. Nalö miangören Keinan könagesö aka Periz könagesö yenön gölme miangö tonj aketka yembuk mohotje malget.

⁸ Mewö mala Abramnönj Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupñiri yengö sutjine anğururuk kude ahöma. ⁹ Miangöra ölop denbit. Gölme pakpak mönö göhö jemesoholge aukje ahöm anjawi, mi ölop ekzan. Mewö aiga göñön qaninire göröken anmam jiman ewö, nöñön ölop ölnire göröken anmam. Me göñön ölnire göröken anmam jiman ewö, nöñön ölop qaninire göröken anmam.”

¹⁰ *Mewö jiiga Lotnönj uba wahöta Jordangö gölme köröñi ketani pakpak ehiga Anuntunönj mi ölop mem kelöriğa Kembugören oyaenköyaen arö kelökñambuk ewö ahök. Mi Ijpt yengö gölme ewö ahöba Zoar miri göröken anök. Mutuk Kembunönj Sodom aka Gomora qahö ayuhum etkiiga nalö miangören gölme mi mewö ahöyök. ¹¹ Mewö ahöiga Lotnönj mi ek kewöta Jordangö gölme köröñi ketani pakpak mi möwölöhöba wehön kotkotje göröken anök. Mewö aka denjohot. ¹² Denđa Abramnönj Keinan gölmenönj anda malökmö, Lotnönj gölme köröñi ketanangö taonni taonni yengö sutjine anda kaba malök. Mewö mala opo seri koumni meköba memba kuñguba anda kinda teteköñe Sodom kösutje anğota malök. ¹³ Miangören malökmö, Sodom könagesö yenön könagesö tandök bölöñi aka Kembu qetala siñgisöndok keta bölökñi aka memba malget.

Abramnönj Hebron gölmenönj anda tata malök.

¹⁴ Lotnönj Abram umbula aniga nalö miangören Kembunönj Abramgöra keu kewö jiyök: “Mönö jegi ötok ala mesoholge uba wahöta elenđa andöge uba mewöyök wehön kotkotje aka wehön gegene göröken unön. ¹⁵ *Gölme pakpak ki ekzani, mi mönö gi aka göhö gwölönarökurupki enğö buñaya qebi nalö teteköñi qahö buñajina ahöm öngöma. ¹⁶ Nöñön gwölönarökurupki ahumsehip gwötpuk enjibiga qötöñinan qariba gölmegö sakösakñi (sakösiñi) ewö akña. Kun danön sakösiñ köñi miengö jañğöñini oyonbawak, yañön ölop gwölönarökurupki yengö jañğöñini mema. ¹⁷ Nöñön gölme ki mönö göhö buñaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman.”

¹⁸ Mewö jiiga Abramnönj wahöta opo seri koumni qeköba memba kuñguba anda Hebron gölmenönj kaba Mamre mire in ip ketani kin angeri, miengö kösutjine tarök. Miangören tata Kembugöra jöwöwöl alta kun meyök. Mewö.

* 13:10: Jen 2.10 * 13:15: Apo 7.5

14

Abramnöh Lot mi kerök yengö böröjneyök meköyök.

¹ Nalö miangören Babilongö (Sinargö) kiñi qetñi Amrafel, Elasargö kiñi qetñi Ariok, Elamgö kiñi qetñi Kedorlaomer aka Goimgö kiñi qetñi Tidal malget. ² Yeñön kiñ kewö miembuk könahiba bim auget: Sodom taongö kiñi qetñi Bera, Gomora taongö kiñi qetñi Birsa, Adma taongö kiñi qetñi Sinab, Seboim taongö kiñi qetñi Semeber aka Bela (qetñi alañi Zoar) taon miangö kiñi. ³ Kiñ pakpak kienön örue (ruerue) qetñi Sidim miangören tokoba kukösumñini mindiriba jöhöjöhö aket. Sidim örueñ nälö kewöñe Sihi Köwet Köhömunji mi ahöza. ⁴ Yeñön yambu 12:gö dop Kedorlaomergö jimkutukutu bapñe mala kota yambu 13 miangören yangö keu bapñe anbingö qetala karim aka yarö gilget.

⁵ Mewö aketka yambu 14 miangören Kedorlaomer aka kiñ tosatñi yambuk jöhöjöhö aka malgeri, mienön kaba könagesö kewöñi yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangören enguba luhut alget. ⁶ Hor könagesö mi Seir gölme kundunambuk miangören enguba enguatangöba anda anda El Paran miri miangören angota luhut al engiget. El Paran mi gölme qararankölköñangö görane ahöza. ⁷ Luhut al engiba miangörenök lilingöba En Mispas (qetñi alañi Kades) miangören kaba Amalek könagesö luhut al engiba gölmenini pakpak angön kölgöt. Amor könagesö Hazon Tamar gölmenöñ malgeri, mi mewöñanök enguba luhut al engiget.

⁸ Mewö asuhuiga Sodomgö kiñi, Gomoragö kiñi, Admagö kiñi, Zeboimgö kiñi aka Bela (qetñi alañi Zoar) miangö kiñi yeñön wahöta اساسaitiba Sidim örueñ angota kiñ kewö miembuk bim qebingö jaböñi ala aröñda kinget: ⁹ Elamgö kiñi Kedorlaomer, Goimgö kiñi Tidal, Babilongö (Sinargö) kiñi Amrafel aka Elasargö kiñi Ariok. Kiñ 4 mienön kiñ 5 yembuk aröñget.

¹⁰ Mewö aröñgetmö, Sidim gölme örue miangören löm dodoho sapösapöñambuk miangö kokolak qeba tarök. Mewö tariga Sodom aka Gomora taon mietkö kiñiran yarö aziurupñiri yembuk unjurata angaitketka azi tosatñan löm miangören tötohoba geba enguyök. Mewö enguiga alaurupñini tosatñi pakpak yeñön ölöñ köla unjurata gölme kundunambuk miangören öñgöget. ¹¹ Öñgögetka kiñ 4 mienön Sodom aka Gomora anda sukinapñini aka numbu nenenini pakpak mi kiom köla memba tököba anget. ¹² Abramgö behötñi Lot yanön Sodom malöhangöra aka i mewöñanök sukinapñambuk wangita anget.

¹³ Mewö angetka azi kunñan ölöñ köla misingöba kaba miangö buzup keñi mi Hibru (kian) azi Abramgöra jii mörök. Nalö miangören Abramnöh Amor azi qetñi Mamre yangören in ip ketanji ketanji miangö kösutñine malök. Mamrenöñ munyahötñi qetñiri Eskol aka Aner yetpuk mohotñe Abrambuk jöhöjöhö aka malget. ¹⁴ Abramnöh behötñi Lot wangita angeri, miangö keñi möta aziurupñi 318 nanñi mire asuha mötmöt möta bimqeçe kölgö guliba malgeri, mi engohol tokoba kerök kambu enguatangöba Not göröken anda mala Dan mire angotket.

¹⁵ Abramnöh aziurupñi menden engiiga yeñön sunjem miangören közöla kerök kambu qeraköm engimemba luhut al engiget. Luhut al engiba enguatangöba anda mala Damaskusgö Not likepñe miri qetñi Hoba miangören angotket. ¹⁶ Miangören angota sukinap pakpak kiom qeba memba angeri, mi miwikñaiget. Behötñi Lot aka yangö öröyuanji mi memba wangita lilingöba kayök. Sodom aka Gomora yengö ambimoröurupñini aka ambazip tosatñi mi tok lökñanök enguanjita kaget.

Melkizedekñ Abram kötuetköm wangiyök.

¹⁷ Abramnöh mewö Kedorlaomer aka kiñ tosatñi yambuk jöhöjöhö aka malgeri, mi enguba luhut al engiba lilingöba kaiga Sodomgö kiñi yanön Sawe örue (qetñi alañi Kiñgö örue) miangören miwikñaiba ekñangöra anök. ¹⁸ *Nalö miangören Melkizedek

* 14:18: Hib 7.1-10

Salemgö kiŋi mianŋön bered aka wain o memba kayök. Yanŋön Anutu öngöngöŋaŋgö jike nup galömŋi ahök. ¹⁹ Mewö aka Abram kötuatköm waŋgiba keu kewö jiyök: “Anutu öngöngöŋan suep gölme miwikŋaim etkiyöhi, yanŋön mönö Abram gi kötuatköm gihii malman. ²⁰ Anutu öngöngöŋan kerökurupki göhö böröge al enŋiyöhi, mönö i möpöseizin. “Mewö jiiga Abramnönŋ öröyuaini pakpak mendeniga kambu ten asuhuiga miengörenök mohot mohot (10%) memba naluha waŋgiyök.

²¹ Mi waŋgiiga Sodomgö kiŋan Abramgöra kewö jiyök: “Ambazipurupni mia niŋgimanmö, sukinap mia mönö nangi buŋaya akŋa.”

²² Mewö jiyökmö, Abramnönŋ Sodomgö kiŋaŋgöra kewö jiyök: “Keuni köhöimapköra nönŋön böröni Kembu Anutu öngöngöŋi Suep gölme miwikŋaim etkiyöhi, yanŋörenŋ göröken memba wahöta jöjopaŋ keu kewö jizal: ²³ Nönŋön göhörenŋ yuai kun mi qahö kötökŋi memam. Möt kösögahö kitipŋi me köna esugahö kösöŋi mi mewöŋanök qahö memam. Mewö akiga göŋön könaŋgep kewö jibanbuk: ‘Nönŋön Abram yuai waŋgibiga yanŋön azi pomŋi qetbuŋaŋambuk aka malja.’ Göŋön mönö mewö jimamgö osiba malman. ²⁴ Nönŋön yuai kun qahö toroqeba memam-mö, aziurupnan wani yuaia negeri, mi lök nenŋigetka dop köl teköza. Mewöyök azi alaurupni Aner, Eskol aka Mamre nömbuk kageri, yeŋön mönö töwa jijiŋinaŋgö dop meme. “Mewö.

15

Anutunönŋ Abrambuk jöhöjöhö areŋ ahök.

¹ Mewö asuhuiga Abramgö jeŋi melenŋiga imut ehiga Kembunönŋ keu kewö jii kaiga mörök, “Abram, gi keŋgötŋi kude mötman. Nönŋön göhö sumanga akzal. Göhö töwagi mönö keta bölökŋi aka ahöma.”

² Keu mewö kayökmö, Abramnönŋ kewö jiyök, “O Kembu ketaŋamni, ni nahönböratni qahö malbiga töwa niŋginöŋga mianŋön mönö denöwö bauköm niŋgibawak? Nönŋön kömumbiga Damaskus azi Eliezer yanŋön nönŋö sukinapnaŋgö toŋi akŋa.” ³ Mewö jiba toroqeba kewö jiyök, “Göŋön gwölönarökni kun qahö niŋginöŋaŋgöra nup azini bohonŋan nönŋö mire maljawi, yanŋön mönö nönŋö öröyuaini pakpak buŋa qem aŋguma.”

⁴ Mewö jiiga Kembugörenŋ keu jit kun mi yanŋörenŋ kewö kaiga mörök, “Azi mianŋön sukinapkahö toŋi qahö akŋapmö, nangi silegeyök morö nahön kun asuhumawi, yanŋön mönö göhö öröyuaiŋi pakpak buŋa qem aŋguma.” ⁵ *Keu mewö kaiga Anutunönŋ Abram waŋgita gumnönŋ geba keu kewö jii mörök, “Mönö suenŋönŋ unönŋ öngöiga senŋelau oyoŋ engimanaŋgö dop akŋa ewö, mi mönö ölop oyoŋ enŋiman. “Mewö jiba kewö toroqeba jiyök, “Göhö gwölönarökurupki yeŋö qötöŋinan mönö miangö dop akŋa.”

⁶ Mewö jiiga Abramnönŋ Kembu möt narim waŋgiiga mötnaripŋi ehi dop köliga keuŋi jim teköiga solaniyök.*

⁷ Kembunönŋ toroqeba keu kewö jii mörök, “Nönŋön Kembu akzal. Gi Kaldia gölmegö miri qetŋi Ur mianŋörenŋ malnönŋga goaŋgita ki kait. Gölme ki gihibi buŋa qem aŋgumangöra aka gi goaŋgita ki kait.”

⁸ Mewö jiyökmö, Abramnönŋ kewö jiyök, “O Kembu ketaŋamni, gölme kianŋön nönŋö buŋaya akŋawi, mi mönö wani aiwesöha eka möt kutumam?”

⁹ Mewö jiiga Kembunönŋ yanŋöra kewö jiyök, “Gi mönö anda bulmakau ambi seramŋi yambuŋi karöbut, meme (noniŋ) ambiŋi yambuŋi karöbut aka lama aziŋi yambuŋi karöbut aka kembö kun aka kembö supsup döläkunŋi kun mi memba nönŋörenŋ kaman.”

¹⁰ Mewö jiiga Abramnönŋ anda mi pakpak körek memba kaba sömbup mi bibiŋine qesiŋ enŋgiba likepŋi likepŋi mi areŋgöiga köna likep likep aröŋnönŋ ahöget. * Mewö ahökmö, nei

* **15:5:** Rom 4.18; Hib 11.12 * **15:6:** Rom 4.3; Gal 3.6; Jei 2.23 * **15:10:** Nalö mianŋörenŋ jöhöjöhö areŋ aka mi silik mewöŋi mianŋön mem köhöizema. Azinönŋ sömbup likepŋi yahöt mietkö sutŋire kinda mindirim etkiba jöhöjöhö mi tönguba galöm köljapma.

mi qahö qesinök. ¹¹ Qahö qesinö qamötñini likep likep arengöm enjiiga nei kalñi yeñön kaba qamöt yeñgö qakñine eta kölgetmö, Abramnöñ mi közöl enjiiga anget.

¹² Wehön jeñi teköba gemangö aiga nalö miangöreñ Abramnöñ jeñi eta meiga gaun lömbötñi ahöyök. Mewö ahöiga pandaman göjiwinangö kanjamñi mianñön kaba turum wanjiyök.* ¹³ Turum wanjiiga Kembunöñ kewö jii mörök, “Keu ki mönö ölña mötman: Göhö gwölönarökurupkan mönö nanñini gölmenini mosöta kantri kunöñ anda kiana mala mal öngöme. Mewö mala yeñgö welenqequeurupñini omani aketka i yambu 400:gö dop tulungöm enjiba malme.*

¹⁴ Mewö malmemö, nöñön kantri welenqequeurupñini omani aka malmei, yeñgö keunini mewöyök jim teköba likepñi melenbiga qakñine öngöma. Mewö mi öngöiga pösat enjigetka kantri mi mosöta sukinapñini gwötpuk memba lilingöba kame.* ¹⁵⁻¹⁶ Nöñön Amor könagesö mi gölme kiangöreñ zilañ qahö enjuatanömam. Mutuk sinjisöndokñi sinjisöndokñi aka bölimqölim tekögetka likepñi törörök melen enjimamanö nalöñan akñawi, nalö miangöreñ mönö i enjuatanömam. Miangöra göhö isiurupki yeñgö isiu-rupñinan asuhuba malmei, † nalö miangöreñ göhö gwölönarökurupkan mönö lilingöba ki kame. (15) Yeñön mewö kamemö, nangak mutuk yambugahö nalöñi ölmö kömuiga luainöñ iwiasaurupki yeñgöreñ anönga löm köl gihime.”

¹⁷ Kembunöñ mewö jiiga wehön jeñan teköba geiga pandaman meiga yuai kewö asuhuiga ehök: Kimbut kungö uruñe könöp bölamñan kököbilikbilikñambuk jeba asariiga köwak köndumñambuk pukpuköyök. Yuai mianñön asuhuba sömbup qamöt qesinqesinñi miengö sutñine kinda anda kayök.

¹⁸ Kembunöñ mewö sömbup likepñi likepñi miengö sutñire anda kaba söman miangöreñ Abrambuk jöjöhö areñ aka (kaisöpsöñan mi mem köhöiba) keu kewö jii mörök, “Nöñön gölme ki mi göhö gwölönarökurupki yeñgö buñaya qem engimam. Miangö jaböñi mi Ijptkö o töwatñi (Nail) miangöreñök könahiba kaba ki ongita anda o töwatñi ketanñi qetñi Yufreitis miangöreñ teköma.* ¹⁹ Nalö kewöñe mi könagesö kewö yeñgö gölmenina ahöza: Kin könagesö, Kenas könagesö, Kadmon könagesö, ²⁰ Hit könagesö, Periz könagesö aka Refaim könagesö, ²¹ Amor könagesö, Keinan könagesö, Girgas könagesö aka Jebus könagesö. Yeñgöreñ gölme pakpak mi mönö köreñanök memba dop köla anme. “Mewö.

16

Hagar aka Ismael

¹ Abramgö anömñi Sarainöñ köpin mala morö qahö meyökmö, Saraigö welen ambi qetñi Hagar malök. Mi Ijpt ambia. ² Yanöñ malöhanöra Sarainöñ Abramgöra kewö jiyök: “Kembunöñ songo jöhöm niñgiiga morö qahö mealangöra gi mönö welen ambini menönga gölöm ala morö kun meiga nöngö buñaya asuhubawak. “Mewö jiiga Abramnöñ Saraigöreñ keugöra urumohot ahök. ³ Abramnöñ Keinan gölmenöñ yambu 10 mal teköiga nalö miangöreñ Sarai Abramgö anömñan Ijptkö welen ambiñi Hagar memba apñangö anömñi akñapköra wanjiyök. ⁴ Mewö wanjiiga memba maliga gölöm alök. Gölmö ala mi möta galöm ambiñi Sarai könahiba jijiwilit ak wanjiyök.

⁵ Mewö ak wanjiiga Sarainöñ Abramgöra kewö jiyök: “Urunan böliiga sihimbölö mörakzali, miangö keunñan mönö göhö qake öngöba ahöma. Nöñön welen ambini göhö böröge albiga gölöm ala mi möta miangöreñök könahiba jijiwilit ak niñgiba malja. Miangöra Kembunöñ mönö ni aka gi netkö sutñire keu kewöta jim teköma.”

* **15:12:** Job 4.13, 14 * **15:13:** Eks 1.1-14; Apo 7.6 * **15:14:** Eks 12.40-41; Apo 7.7 † **15:15-16:** Yambu 430 nalö mi kewö oyonget: Liwainöñ malmal yambuñi 137 miangöreñök yambu 80 mi Ijpt malök. Yangö andöñe azi kewöñan yambuñini kewö Ijpt malget: Kehat 133, Amram 137, Moses 80. (Miangö andöñe Mosesnöñ Ijpt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7 * **15:18:** Apo 7.5

⁶ Mewö jiiga Abramnön kewö jiyök: “Welen ambigi mianön nange böröge maljawangöra wania mötnönga dop köljawi, mönö miangö dop i ak wangiman. “Mewö jiiga Sarainön Hagar lañ örömureim ak wanggiiga mosöta tököba ölöñ köla anök.

⁷ Aniga Kembangören garata kunön gölme qararankölkölne o jeñi kungö kösutne miwikñaim wangiyök. O jeñi mi Sur mire anangö köna jitne miangören ahöza. ⁸ Miangören miwikñaim wangiba kewö jiyök: “Hagar, Saraigö welen ambini, gi mönö denikeyök kazana denike anman?” Mewö jiiga kewö meleşnök: “Ni galöm ambini Saraigörenök asamböta ölöñ köla kazal.”

⁹ Mewö jiiga Kembangören garatanön Hagar kewö jim kutum wangiyök: “Gi mönö kunbuk Saraigören anda welenñi qeba yangö keu bapne malman.” ¹⁰ Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim enjibiga qötöñini oyoñoyongö dop qahö aiga malme.”

¹¹ Kembangören garatanön kunbuk toroqeba Hagargöra kewö jiyök: “Gi moröbuk akzana nahöngi meman. Dölki tapötkokorok möta sahötnönga mi mönö Kembangö kezapne geiga mötza. Miangöra morögö qetni Ismael qetman. (Ismael Anutunön kezapñan mötza.) ¹² Yanön azi donki bau kömböt ewö aka (nanñi imbi-imbi qakne lañ anda kaba) malma. Yanön böröñan ambazip pakpak qetal enjiiga ambazip pakpak yeñön i qetal wangiba malme. Yanön munurupñi pakpak yembuk kerök-kerök aka nanñök kekelolo malma.”

¹³ Mewö jiiga Hagarnön kewö jiyök: “Nöñön mönö dölki kunön ni nehakzawi, i ekzal. “Miangöra Kambu yangöra keu jiyöhi, yangö qetni kewö qet wangiyök: “Gi Kambu ni nehakzananön akzan. “Qetni mewö qerök. ¹⁴ Könanñi miangöra aka o löm miangö qetni mi Ber Lahai Roi (Malmalñambuk mala nehakzawangö o lömñi) qetketka ahöza. O löm mi toroqeba miri yahöt qetñiri Kades aka Bered mietkö sutñire ahöza.

¹⁵ *Hagarnön Abramgö morö nahöññi meyök. Abramnön nanñi moröñi Hagar meyöhi, yangö qetni Ismael qerök. ¹⁶ Abramnön yambuñi 86 aiga Hagarnön Ismael morö mi Abramgöra meyök. Mewö.

17

Jöhöjöhö arengö aiwesökñi mi sile yandiyandi.

¹ Abramnön yambuñi 99 aiga Kambunön asuhum wangiba keu kewö jiyök: “Nöñön Anutu kukösum pakpakö Tonji akzal. Miangöra gi mönö nöngö keuni tem köla pöndañ ahakmeme diñdiñi wuatangöba malman. ² Nöñön jöhöjöhö areñ mi gi aka ni netkö sutñire ahali, mi mem köhöiba ahumsehip gihibi gwölönarökurupki yeñgö jañgöñinan mönö keta bölökñi akña.”

³ Mewö jiiga Abramnön simin köla bangöiga Anutunön yangöra keu kewö jiyök: ⁴ “Mötman, nöñön jöhöjöhö areñni göbuk kewö akzal: Göñön könagesö gwötpuk yeñgö iwi bömöññina akñan. Keu mewö jim jöhöbi ahöma. ⁵ *Göhö qetki Abram mi qahö toroqeba qetketka ahömapmö, göñön könagesö gwötpuk yeñgö iwi bömöññina akñangöra kuñgum gihizali, miangöra qetki mönö Abraham qetketka ahöma. * ⁶ Nöñön ahumsehip gihibiga gwölönarökurupki mi önöñi qahö asuhume. Yeñön jula deñda könagesö kambuñi kambuñi gwötpuk akñe. Göhö gwölönarökurupki yeñgörenök tosatñan kiñ kambuñi kambuñi akñe.

⁷ Nöñön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nöñön göhö Anutugi aka gwölönarökurupki göhö andöge asuhum öngömei, mönö yeñgö Anutuñina aka malmam.* ⁸ Gi Keinan gölmenön kiana maljani, nöñön gölme mi

* **16:15:** Gal 4.22 * **17:5:** Rom 4.17 * **17:5:** Abram mi iwi öngöñgöñi. Abraham mi könagesö gwötpuk yeñgö iwi bömöññini. * **17:7:** Luk 1.55

jömukñanök gi aka göhö gwölönarökurupki engö buñaya qem engibiga buñajini teteköñi qahö ahöm öngöba ahöma. Mewö ahöiga nöñön mönö yengö Anutuñina aka malmam.”*

⁹ Anutunöñ Abrahamgöra mewö jiba toroqeba keu kewö jiyök: “Mewö malmam-mö, göñön mönö nöngö jöhöjöhö arenñangö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yengö mönö mewöñanök mi tem köla wuatangöba mala mal öngöme. ¹⁰ Gi aka göhö gwölönarökurupki embuk jöhöjöhö arenñi aka mi wuatangömegöra jizali, mianğö aiwesökñi mi kewö: Engö sutñine azi pakpak yengö silenine mönö nöngö aiwesökni yandime.* ¹¹ Nöngö aiwesökni mönö silenine yandime. Mianğön jöhöjöhö arenñi aka engö sutñine albi ahözawi, mianğö aiwesökña ahöm öngöma.

¹² Nalö kewöñeyök könahiba azi pakpak engö sutñine toroqeba asuhum öngömei, yengö silenine mönö sömanjini 8 aiga mianğoreñ nöngö aiwesökni yandiba malme. Nanñine miri uruñe nanñini aka welenqeçeurupñini yengöreñ morönahönurupñini asuhumei, mi mönö öröröñ ak engiba malme. Welenqeçe tosatñi mi kian yengöreñök moneñnöñ bohonñini megetka yengö morö nahönñini asuhume. Yengö nanñini gwölönarökurupñini qahö akzemö, mi töndup nöngö aiwesökni mi mönö yengö silenine mewöñanök yandiba malme. ¹³ Welenqeçe tosatñan nanñine miri uruñe asuhugetka welenqeçe tosatñi mi moneñnöñ bohonñini megetka yengö morö nahönñini asuhume. Nöngö aiwesökni mi mönö yengö silenine mewöñanök yandiba malme. Nöngö jöhöjöhö arenñangö aiwesökñi silenine yandime, mi mönö jöhöjöhö arenñi teteköñi qahö ahöm öngömapköra jim köhöizal. ¹⁴ Azi kun danğön nöngö aiwesökni silene qahö yandigetka öne malmawi, yanğön mönö nöngö jöhöjöhö arenñi onğita qetalakza. Mianğöra azi mewöñi mi mönö nanñi ambazip kambu engö sutñineyök yakörim wangigetka yaigep eta malma.”

¹⁵ Anutunöñ toroqeba Abrahamgöra kewö jiyök: “Gi anömgahö qetñi Sarai mi kude toroqeba qeta malmanmö, yanğö qetñi mönö Sara (jembon ambi) qeta malman. † ¹⁶ Nöñön Sara kötuetköm wangibiga yanğön göhöra morö nahön kun mema. Nöñön kötuetköm wangibiga yanğön ambazip kambuñi kambuñi gwötpuk yengö nam bömönñina akña. Yanğö gwölönarökurupñi yengöreñök tosatñan könagesö kambu yengöreñ azi kembuñi kembuñi akñe.”

¹⁷ Kembunöñ mewö jiiga Abrahamnöñ mi möta simin köla bangöba uruñan kewö mötmörriba mianğöra gön kölök, “Azi yambuni 100 akiga morö nahönan mönö denöwö asuhubawak? Mewöyök Saranöñ yambuñi 90 aiga mönö denöwö morö membawak?”

¹⁸ Abrahamnöñ mewö mötmörriba welipköba Anutu kewö qesim wangiyök: “Göñön ölop Ismael kuñgum wanginöñga qetki bisiiga nöngö gwölönarökurupni mi yanğöreñök asuhume.”

¹⁹ Mewö qesiiga Anutunöñ kewö melenñök, “Anömgö Saranöñ mönö göhö morö nahöngi mema. Mi meiga qetñi Aisak (gön kölja) qetman. Nöñön Aisakpuk aka yanğö gwölönarökurupñi yembuk jöhöjöhö arenñi mi al köhöibiga teteköñi qahö ahöm öngöma. ²⁰ Ismael kötuetköm wangimangö qesim niñgizani, mi mewöyök ölop möt gihiba kötuetköm wangimam. Yanğön azi kembu 12 miengö iwi bömönñini akña. Nöñön ahumsehip wangibiga gwölönarökurupñi yengö janğöninan mönö keta bölökñi akña. Yengö sehiba könagesö kambu ketanñi akñe.

²¹ Mewö akñemö, Saranöñ nahöngi Aisak mi yambu euneangö nalö kewöñe memawi, nöñön mönö nani jöhöjöhö arenñi mi yambuk al köhöimam.” ²² Anutunöñ Abrahambuk keu jiyohori, mi teköiga i mosöta wahöta öngöyök.

²³ Wehön mianğöreñök Abrahamnöñ Anutugöreñ keu tem köla nanñi nahönñi Ismaelgö silene Anutugö aiwesökñi yandiyök. Mewöyöhök welenqeçeurupñi nanñi miri

* 17:8: Apo 7.5 * 17:10: Apo 7.8; Rom 4.11 † 17:15: Qetñi kewögöra uteköyök: Yanğön ambazip kambuñi kambuñi gwötpuk aka kin kembu tosatñi yengö nam bömönñina akña.

uruṇe asuhugetka tosatṇi moneṇnōṇ bohonṇini meiga malgeri, azi pakpak mi yaṅgō miri uruṇe tatkeri, i mōnō körek mewōṇanök ak enḡiyök. ²⁴ Abrahamnōṇ yambuṇi 99 aiga silenḡe aiwesök mi yandiget. ²⁵ Nahōnṇi Ismael mi yambuṇi 13 aiga silenḡe mi yandiget. ²⁶ Abraham aka nahōnṇi Ismael yetkö silenḡire aiwesök mi sōmaṇ mohot mianḡoreṇjök yandiget. ²⁷ Azi pakpak Abrahamgō miri uruṇe tatkeri, tosatṇan nannṇi miri uruṇe asuhugetka tosatṇi mi kian yeṅgōreṇjök bohonṇini meiga malgeri, körek yeṅgō silenḡine aiwesök mi mewōṇanök yandiget. Mewō.

18

Saranōṇ azi morō memawaṅgō keuṇi Anutunōṇ jiyök.

¹ Abrahamnōṇ Mamre mire in ip ketanṇi ketanṇi miengō sutṇine maliga Kembunōṇ asuhum waṅgiyök. Silim mianḡoreṇ wehōn jitṇi sihitṇi köhöikṇi qeiga Abrahamnōṇ opo seri koumṇaṅgō numbuṇe tarök. ² *Tata uba wahōta ehiga azi karōbutṇan wōsōṇe kinget. Kingetka enḡeka opo seri koum numbuṇeyök wōlaṇ wahōta jōmjölōṇini jiba enḡuaṅgitmamgōra kiṅkiṅgōba anök. Anda waikṇini memba simin köla gölmenōṇ bamgōba geyök.

³ Geba kewō jiyök: “O Kembu-urupni, nōṇōn enḡō welenqeqeṇini aka enḡō jeṇine kalem mōriam miwikṇaiba maljal ewō, iṇini mōnō ni kude noṅgita anme. ⁴ Ni enḡō welenqeqeṇini aka ölop o morōṇi kun memba kaba enḡibiga könaṇini saṅgoṇda ip kianḡō aumṇe tata luhut meme. ⁵ Nōṇōn ölop nene morōṇi kun memba kaba enḡibiga neme. Mianḡōn mem köhöim enḡiiga ölop köna kunbuk toroqeba anme. Nōṇōn kewōrōpni malbiga iṇini ni göda qem niṅgiba kazeaṅgōra ölop welen qem enḡimam. “Mewō jiiga melenḡa kewō jiget: “Saiwap, jizanaṅgō dop mewō ölop akin.”

⁶ Mewō jigetka Abrahamnōṇ ösumṇan kiṅkiṅgōba seri koum uruṇe anda öṅgōba Saragōra kewō jiyök: “Mōnō ösumok plaua ölop kötökṇi amae (dis) karōbutkö dop memba melenḡa yeṅgōra bered ohoman.” ⁷ Mewō jiba ösumṇan bulmakau kambunōṇ anda bulmakau dömnṇi busuṇi löwötṇi möwölöhōba welenqeqeṇi kun waṅgiiga könahiba ösumok qeba möhamgōba ohoyök. ⁸ Mi möhamgōba ohom tekōiga mi, kelök kosökṇi aka juju o tosatṇi memba anda azi tatkeriṅgō bapṇine alök. Bapṇine aliga memba tatketka nannṇi nalö mianḡoreṇ kösutṇine ip könaṇe galōmṇina kinök.

⁹ Kiniga kewō qesim waṅgiget: “Anōmgi Sara mi denike?” Qesim waṅgigetka jiyök: “I opo seri koum uruṇe endu tatza.”

¹⁰ Mewō jiiga azi yeṅgōreṇjök kunṇan kewō jiyök: “Yambu mohotkö dop tekōiga nōṇōn ölna liliṅgōba ki kabiga anōmgi Saranōṇ mōnō morō nahōnṇambuk aka malma. “Mewō jiyökmō, Saranōṇ opo seri koumgō numbuṇe apṇaṅgō andōṇe kinda keu mi kezapṇe geiga mörök.* ¹¹ Abraham aka Sara yetkön lök ambazip namṇi ahotka yambuṇiran gwōtpuk ketanṇi aiga malohot. Saranōṇ köiṅgō aṅgeka malōhi, mianḡō nalōṇan lök oṅgit tekōyök. ¹² Mianḡōra Saranōṇ mi möta uruṇan kewō mötmōriba gön kölök: “Nōṇōn lök ambi namṇi sohoholiṇi akiga apni azi kembunan mewōṇanök azi namṇi aiga yambuk ahōahōgō sihimnan kunbuk asuhubawak me qahōpto?”*

¹³ Mewō mötmōriiga Kembunōṇ Abraham qesim waṅgiba kewō jiyök: “Saranōṇ wanigōra gön köla kewō mötmōriza: ‘Nōṇōn ambi namṇi kötökṇi aka ölna morō mem-bilenjak me?’ ¹⁴ Kembunōṇ mōnō yuai kungōra qahō kötökṇi qakōmakza. Mianḡōra jizali, ‘Yambu mohotkö dop tekōiga nōṇōn ölna liliṅgōba ki kabiga Saranōṇ mōnō morō nahōnṇambuk aka malma.’”*

¹⁵ Saranōṇ keṅgōtṇi möta mi köyatiba kewō jiyök: “Ni gön qahō köljaj. “Mewō jiyökmō, Kembunōṇ kewō jiyök: “Qahō, gi gön ölna köljaj. “Mewō.

* 18:2: Hib 13.2 * 18:10: Rom 9.9 * 18:12: 1 Pitō 3.6 * 18:14: Luk 1.37

Abrahamnöh Sodom taongöra köuluköyök.

¹⁶ Mewö jiiga azi karöbut yeñön wahöta etkömosöta Sodom taonöh göröken eleñda anbingö aket. Abrahamnöh mewöñanök i engubulmamgöra yembuk mohotñe anget.

¹⁷ Kembunöh nanñangöra kewö jiyök: “Ni yuai akñamgö mötzali, mi alani Abrahamgöra ölop qahö asambötman. ¹⁸ Kewögöra mi asambötmangö osizal: Abrahamnöh nöngö alani qainñi kun aka ahumsehip aiga könagesö ketanji kukösumñinambuk aka malme. Nöngö kötümötuetnan mönö yanğöra aka gölmegö könagesö kambunji pakpak yeñgö qakñine öngöiga oyaenköyaen akñe. ¹⁹ Nöñön i kewögöra möwölöhöm wanğial: Yanñon nahönböaturupñi aka gwölönarökurupñi yanğö andöñe asuhuba mal öngömei, yeñgöra Kembangörej köna kondela ahakmeme diñdini dop kölakzawi, mi wuatangömegöra jim kutum engiba malma. Mewö maliga tem köla wuatangöba malme ewö, Kembu nöñön Abrahamgöra yuai asuhumapkö jim jöhöyali, mianñon mönö ölnambuk pakpak ahakña.”

²⁰ Kembunöh nanñök mewö jiba toroqeba Abrahamgöra kewö jiyök: “Sodom aka Gomora yeñön siñgisöndok lömbötñi lömbötñi aka malgetka kahasililij öngöngöñi ketanji asuhuiga gwötpukñan miangöra qeta sahörakze. Miangöra yeñgö siñgisöndokñinangö keuñan mönö qariba qariba keta bölökñi akza. ²¹ Miangöra nöñön mönö yeñgörej geba könañamñini ekñam. Kahasililij akerangöra aka gwötpukñan nöngö jene qeta sahöta malgeri, mi pakpak ölna aket me qahö, mi nöñön kewöta mötmangö mötzal.”

²² Mewö jiiga azi yahötñan eleñda Sodom göröken anohotmö, Abrahamnöh toroqeba Kembangö jemesoholñe kinök. ²³ Kinda Kembangö kösutñe anda kewö qesim wanğiyök: “Gi ambazip solanñi aka ambazip anğöjörakñinambuk mi mohotñe ayuhum engimamgöra jizan me? ²⁴ Taon miangörej ambazip solanñi 50 malje ewö, göñön i ölna ayuhum engimamgö jizan me? Taon mi yeñgöra aka engehoribanak me qahö? ²⁵ Göñön mewö akñangö osibanak. Mi yapmakek! (qahöpmahöp!) Göñön ambazip solanñi mi ambazip anğöjörakñinambuk yembuk mohotñe mindiriba engunönga qahö dop kölöpuk. Mewö öröröh kömumbepuk. Göñön gölme ambazip pakpak yeñgö keuñini jim tekömakzani, miangöra mönö nanñi könagi diñdini wuatangönönga dop kölma.”

²⁶ Abrahamnöh mewö jiiga Kembunöh melenñda kewö jiyök: “Nöñön Sodom taonöh ambazip solanñi 50 miwikñaim engimam ewö, yeñgöra aka taon pakpak mi ölop engehorimam.”

²⁷ Mewö jiiga Abrahamnöh kunbuk kewö jiyök: “Kembu, ni nesak sömsöm omanji ewö akzalmö, töndup keu köhöikñi Kembunangöra kuñguba jizal. Mi kude dop kölöpamö, mi töndup ölop ni möt niñgiman. ²⁸ Taon miangörej ambazip solanñi 50 qahöpmö, 45 miyök malbeak ewö, göñön ambazip 5 yeñgöra aka taon pakpak mi töndup ayuhum engiman me qahö?” Mewö jiiga Kembunöh kewö jiyök: “Nöñön ambazip solanñi 45 miangörej miwikñaim engimam ewö, taon mi mönö qahö ayuhumam.”

²⁹ Abrahamnöh dumñe kunbuk keu kewö jiyök: “Ambazip solanñi 40 miyök miangörej miwikñaim engiman ewö, mönö denöwö akanak?” Mewö jiiga kewö melenñök: “Ambazip 40 yeñgöra aka taon mi qahö ayuhumam.”

³⁰ Mewö jiiga jiyök: “O Kembu, urugi öngöbapukmö, ni kunbuk keu jimamgö mötzal. Ambazip solanñi 30 miyök miangörej miwikñaim engiman ewö, mönö denöwö akanak?” Mewö jiiga kewö melenñök: “Ambazip solanñi 30 miangörej miwikñaim engimam ewö, nöñön mönö taon mi qahö ayuhumam.”

³¹ Abrahamnöh toroqeba kewö jiyök: “Kembu, ni keu köhöikñi Kembunangöra kuñguba jizal. Mi kude dop kölöpamö, mi töndup ölop möt niñgiman. Ambazip solanñi 20 miyök miangörej miwikñaim engiman ewö, mönö denöwö akanak?” Mewö jiiga kewö melenñök, “Ambazip 20 yeñgöra aka taon mi qahö ayuhumam.”

³² Mewö jiiga Abrahamnöh kunbuk kewö qesiyök: “O Kembu urugi öngöbapukmö, ni kunbuk sömanji mohot-töp ki keu jimamgö mötzal. Ambazip solanñi 10 miyök miangörej miwikñaim engiman ewö, mönö denöwö akanak?” Mewö jiiga kewö melenñök, “Ambazip

10 yengöra aka taon mi qahö ayuhumam.”³³ Mewö eraum-mörohöt teköiga Kembunöñ Abraham mosöta aniga yanön kunbuk lilingöba mirinje kayök. Mewö.

19

Sodom aka Gomora yengö anğöjörak malmalñini

¹ Suep garata yahöt mi Abraham mosöta anda mare aiga Sodom anğorohöt. Anğorohotka Lot azi mianön taon mianğö kiripo nanğune tarök. Tata etkeka wahöta jömjölönjiri jiba enğuanğitmamğöra anda gölmenön simin köla bamğöba geyök. ² Geba kewö jiyök: “O kembuyahötni, inñiri ölop welenqeçenñiri nöngö mire kaba könanñiri sanğonđa mohotñe sunğem ahöbin. Ahöba wahöta ölop söñanök köna toroqeba anmahot. “Mewö jiyökmö, yetkön kewö jiyohot: “Qahö, niri ölop qenjarök sombem kunön anda ahöbit.”

³ Mewö jiyohotmö, Lotnön kapañ köhöikñi köla jiba etkuangita nanñi mirinje anda öngöget. Öngöba welenqeçeurupñi jim kutum enğıga bered yistñi qahö ohoget. Mewöyök numbu nene nahömñambuk möhangöba ohoba etkigetka neyohot.

⁴ Mi namba gaun ahöbitkö ahotka mianğöreñök Sodom ambazipnön kaba miri mi liliköget. Sodom taongö bahönñi pakpak mianğöreñök ambazip namñi aka sepgwölö mi totnön totnön lömbötñambuk öröba kanğotket. ⁵ Kanğota Lotköra kewö qetket: “Azi yahöt mare göhöreñ kazahori, mi denike? Azi nini yetpuk sero akingöra mötzin. Mianğöra mönö i etkuangita nengöreñ etme.”*

⁶ Mewö qetketka Lotnön nanğun metala yengöreñ geba andöñe nanğun kölök. ⁷ Nanğun köla kewö jiyök: “Alaurupni, mewö qahö. Silik bölönñi mi kude akñe. ⁸ Mötket. Nöngö bōratni yahöt seram mala nalö kunön azibuk qahö ahöyohot. I ölop enğöra etkuangita etpiga wanat yuaia akingö mötzei, mi ölop sihimñini meköme. Mewö, nöngö miri boñan azi yahöt etkualönđa sel jöhöm etkizawi, ia mönö yuai bölönñi kun qahöpmahöp ak etkime.”

⁹ Mewö jiyökmö, yanön kewö melenđa terinđa qetket: “Mönö kesalnön. Göñön ki kaba kiana mala nangahöra ninñia jiba mötnön öngöiga ninñia pōndan jim kutum nengimamğö mötzan? Yetkön qahö kamahot ewö, mönö nangak nengöreñ kanönğga mönö kahasilililñ keta bölökñi nangi ak gihibin. “Mewö jiba Lot utalgetka kököndöt aniga öngöba miri nanğunñi qesinğingö aka kinget.

¹⁰ Mewö aka kingetmö, azi yahöt mietkön bōrönñiri bōranđa Lot öröm gilohotka miri urunje öngöiga nanğun kölohot. ¹¹ Nanğun köla kinda azi ketanñi morönñi miri nanğunje yaigep kingeri, mi jiyohotka keu jitñiran enğualönñniga jenñi gömöliiga jipjap kota nanğun miwikñaiğingö mezanqezan aka jaruba osiget. Mewö.*

Lotnön Sodom gölme mosörök.

¹² Azi yahöt yetkön Lotköra kewö jiyohot: “Gi nahönurupki, qingibōraturupki aka tinilo-somurupki tosatñi pakpak taon kiangöreñ maljei, i mönö enğuanğitnönğga taon ki mosöta anme. ¹³ Nini taon ki ayuhuba köndenmōndenñbin. Könagesö kiengö kahasilililñğöra gwōtpukñan Kembugö jeñe önönñi qahö qeta sahöta malget. Mianğöra yanön melaim netkiiga gölme ki ayuhuba köndenmōndenñbitköra ki kazit.”

¹⁴ Mewö jiyohotka möta Lotnön anda qinğı buña yahöt bōratyahötñi etkömembitkö jiiga malohori, yetköra kewö jiyök: “Inñiri mönö ösumok wahōrohotka miri ki mosöta anbin. Kembunön taon ki ayuhuba köndenmōndenñmamğö akza. “Mewö jiiga yetkön keu mi mörohotka göngōnahit tandök ahök.

¹⁵ Miri wanğaran suruiga Suep garata yahöt yetkön Lot öröm kunğum wanğiba kewö jiyohot: “Anutunön Sodom yengö sinğisōndokñinanğö likepñi melenđa taonñini köndenmōndenñma. Göñön yembuk mohotñe ayuhubanbuköra mönö zilañ wahöta anömgi aka bōratyahötki göbuk tatzahori, mi enğuanğita taon ki mosötket.”

¹⁶ *Mewö jiyohotka Lotnön toroqeba eksekpeksek aiga azi yahöt yetkön Lotkö bōrönñi

* 19:5: Kemb 19.22-24 * 19:11: 2 Kinj 6.18 * 19:16: 2 Pitö 2.7

melanjiba memba anömni aka bōratyahōtņi yeņgō bōrōņini mewōņanōk melanjiba memba enġuaņgita taon sileņe anget. Kembunōņ mewō ak kōmum enġiyōk. ¹⁷ Taon sileņe angetka azi yahōt yetkōreņōk kunōņ keu kewō jiyōk: “Malmalņini aņgōn kōlmegōra mōnō osumok misiņgōba angaitme. Andōņine kude liliņgōba uba anda gōlme kōrōņe endu aņgota mianġōreņ mewōyōk dōrōk kude alme. Ayuhubepukōra mōnō kundunē eu oņgōba misiņgōba angaitme.”

¹⁸ Mewō jiyōkmō, Lotnōņ kewō jii mōrohot: “O Kembuni, gōņōn mewō akingōra kude jiman. ¹⁹ Gōņōn malmalnaņgō bohōņi jōhōba ak-kōmukōmu ketani kondelnōņga gōhō jege oļņa kalem mōriam miwikņaiiba welenqegegi akzalmō, mōtnōņ, nōņōn kundunē eu misiņgōba angaitmamgō osimam. Kōndenmōnden kianōn nōņgō qakne oņgōiga kōmumbilenbukōra keņgōtņi mōtzal. ²⁰ Mōtnōņ, taon morōni kun endu ahōi ekzani, mianōn kōrōņi qahōpmō, oļōp anbinanġō dop akza. Mianġōra oļōp jinōņga mianġōreņ misiņgōba angaita oļōwaka malbin. Miri morōrōkņi mi eknōņga dowe ahōiga mianġōreņ oļōp anda malmalninaņgō bohōņi jōhōbin.”

²¹ Mewō jii mōrohotka kunōņ kewō meleņnōk: “Mi oļōp! Keu jizani, mianġōra mewōyōk oļōp imbi kōl gihimam. Taon morōņanġōra jizani, mi qahō ayuhumam. ²² Mi qahō ayuhumam-mō, iņini mōnō osumok mianġōreņ misiņgōba angaitme. Mianġōreņ qahō aņgotketka nalō sutņi kewōņe nōņōn yuai kun akņamgō osimam. Iņini mutuk mianġōreņ aņgotketka mianġō andōņe oļōp jim kutubiga kōndenmōnden asuhuma. “Lotnōņ taongōra ‘morodōkņi’ jiyōhanġōra aka taon mianġō qetņi mi Zoar (morodōkņi) qetketka ahōza.

Kembunōņ Sodom aka Gomora kōndenmōndenōk.

²³ Wehōnōņ lōk koriga Lotnōņ Zoar taonōņ kaņgorōk. ²⁴ *Kaņgoriga Kembunōņ jiga suepnōhōk Kembugō mireyōk salfa kōt kōnōpņambuknōņ mi kie ewō Sodom aka Gomora yeņgō qakņine eta turum enġiyōk. ²⁵ Turum enġiba mianōn taon yahōt mi aka gōlme kōrōņi pakpak kōsutņire ahōzawi, ambazip kōrek mianġōreņ malgeri aka ip kōsō yuai gōrōkņi (tōņgōņi) gōlme mianġōreņ ahōgeri, mi ayuhum enġim tekōyōk. ²⁶ Lotkō anōmņan aņņi wuatāņgōba anda kunbuk eleņda andōņe uba mianġōreņōk letota sihi kōt aka tandō ewō kinōk.*

²⁷ Abrahamnōņ sōņanōk wahōta mutuk Kembugō jemesoholņe kinda keu eraum-mōrohoru, mianġōreņ anōk. ²⁸ Mianġōreņ anda kinda Sodom, Gomora aka gōlme kōrōņi ketani pakpak mianġōreņ gōrōken ui aniga gōlme mianġōreņ kōwak injani ketanjan tokoba koriga ehōk. Mi kōnōp ketani ohogetka kōwak ketani wahōrakzawi, mianġō dop ahōk. ²⁹ Anutunōņ gōlme kōrōņi mianġō taonņi taonņi ayuhuba kōndenmōndenja nalō mianġōreņ Abraham mōtmōrim waņgiyōk. Behōtņi Lotnōņ taon mianġōreņ maliga mienōn meleņni gebingō aketka Anutunōņ nalō mianġōreņōk jim kutuiga Lot kōndenmōnden mianġō uruņeyōk waņgita kaget. Mewō.

Moab aka Amon kōnagesō yeņgō kōnaņini

³⁰ Lotnōņ Zoar taonōņ malmamgō keņgōtņi mōrōk. Mianġōra bōratyahōtņi etkuāņgita Zoar mosōta gōlme kundunambuk mianġōreņ anda tatket. Bōratyahōtņi yahōt yetpuk baņet uruņe ahōm wahōt aka malget. ³¹ Mianġōreņ mala bōratņi ketanjan nalō kunōņ munņanġōra kewō jiyōk: “Naniri iwiniran lōk azi namņi akza. Ambazipnōņ gōlme dop mianġōreņ amimba nahōnbōrat miwikņaim enġimakzemō, gōlme kianġōreņ azi kun netkōmemapkōra qahō malja. ³² Mianġōra oļōp kaba iwiniri wain o waņgizi namba uruņi eņololoņ aiga yambuk ahōba gōlōm ala gwōlōnarōk miwikņaiżiga kōnagesōninan toroqeba malme.”

³³ Mewō jiba sunġem mianġōreņōk iwiņiri wain o waņgiyohotka neyōk. Namba uruņi eņololoņ aiga datņan anda yambuk ahōyōk. Wani nalōnōņ qōhōrōņe kayōk aka wani nalōnōņ wahōrōhi, mi iwiņan qahō mōrōk.

* **19:24:** Mat 10.15; 11.23-24; Luk 10.12; 17.29; 2 Pitō 2.6; Jud 7 * **19:26:** Luk 17.32

³⁴ Ahöba wahöta bōratñi ketanjan munjanğōra kewō jiyök: “Nōñōn uran sunğem iwinambuk ahöyal. Ölop merak sunğem mewöyök wain o kunbuk wañgizi namba uruñi eñololoñ aiga göñōn mönō anda yambuk ahōmahot. Mewō ahöba iwiniranğōreñök gölōm ala gwölōnarök miwikñaziga könagesōninan toroqeba malme.”

³⁵ Mewō jiba sunğem miangōreñ mewöyök iwiñiri wain o wañgiyohotka neyök. Namba uruñi eñololoñ aiga munjan anda yambuk ahöyök. Wani nalōnōñ qōhōrōñe kayök aka wani nalōnōñ wahōrōhi, mi iwiñan qahō mörök.

³⁶ Mewō ahotka miangōra mohotñamñire iwiñiranğōreñök gölōm alohot. ³⁷ Bōratñi ketanjan morō azia memba qetñi Moab (iwinanğōreñök) qerök. Moab yangō gwölōnarökurupñan ahumsehip aka kotketka nalō kewōñe mewöyök qetñini Moab könagesō qerakzin. ³⁸ Bōratñi morōñan mewōñanök morō azia memba qetñi Ben Ami (könagesōnanğō nahōññi) qerök. Azi miangō gwölōnarökurupñan ahumsehip aka kotketka nalō kewōñe mewöyök qetñini Amon könagesō qerakzin. Mewō.

20

Abraham aka Abimelek.

¹ Abrahamnōñ Mamre miri mosōta toroqeba Saut görōken distrik qetñi Negew miangōreñ anda miri qetñiri Kades aka Sur mietkö sutñire malök. Miangō andōñe toroqeba taon qetñi Gerar miangōreñ anda kusukñanök malök. ² *Miangōreñ mala ambazip miengōra kewō jii mötket: “Sara mi nena. “Mewō jiiga Gerargō kiñi Abimelek yañōn keu ali aniga Sara wañgita jakōmbuak miriñe kaget.

³ Mewō aketmō, Anutunōñ sunğem kunōñ Abimelekōreñ kaba gaunōñ kewō jiyök: “Ambi buña qem anğuzani, mi azi kungō anōmña. Miangōra gi mönō yangōra aka kōmupkō buñaya akñan.”

⁴ Mewō jiyōkmō, kiñ Abimeleknōñ Sara qahō meyōhanğōra aka kewō jiyök: “Kembu, ni siñgisōndokō keuni qahō. Miangōra göñōn ni aka könagesōurupni nini öne tōhōn ayuhum neñgibanbuk. ⁵ Abrahamnōñ mönō nanñak nōñğōra kewō jiyök: ‘Ambi mi nena.’ Ambinōñ mewöyök kewō jiyök: ‘Abraham mi nena.’ Miangōra urune geñmoñ qahō ahōiga ambi mi jibi kaiga bōrōnan yuai tōlokñi kun qahō ahal.”

⁶ Mewō jiiga Anutunōñ gaunōñ likepñi kewō jii mörök: “Keu jizani, mi ölna. Gōhō uruge geñmoñ kun qahō ahōiga gōhōreñ kayōhi, mi mötzal. Miangōra göñōn ambi mi misiriba nōñğō jene siñgisōndok akanbukōra sel jōhōm gihiba malal. ⁷ Mewōgōra ambi mi mönō kunbuk melenđa apñanğōreñ wañgiman. Azi mi kezapqetok azia aka ölop gōhōra kōulukōiga qahō kōmuman. I kunbuk qahō wañgiman ewō, keu ki mönō ölna mötman: Gi aka tinitosolomurupki iñini mönō körek kōmume.”

⁸ Keu mi jii kiñnōñ möta sōñanök wahöta pom jembonurupñi pakpak eñgohol tokom eñgiba Kembunōñ keu pakpak jiyōhi, mi jii möta tōwōratiba keñgōtñini gwōtpuk mötket. ⁹ Mewō mötketka kiñ Abimeleknōñ Abrahamğōra keu ali öñğōiga kewō jiba qesim wañgiyök: “Gi mönō wani kimbia ak neñginōñ? Nōñōn wani bölōñi kun ak gihibiga göñōn kondotnōnga siñgisōndokō keu lömbōtñan mönō ni aka könagesōni nōñğō sel tohoñ uruñe maljei, neñğō qaknine öñğōmangō akza? Göñōn yuai qahō ahakñanğō dop mia soñgo walōñda ak niñginōñ. ¹⁰ Göñōn mönō kōnañi wuanōñğōra silik mi akñōñe?” Kiñ Abimeleknōñ Abraham mewō qesim wañgiiga

¹¹ kewō melenñök: “Nōñōn keu mi kewō mötmōriba jial: ‘Gölme kianğō könagesō eñōn Anutugō jitiñi oñgitpinbukōra keñgōtñini qahō mötpeak. Miangōra ni anōmnanğōra aka nuñguget kōmumbilenbuk.’ ¹² Yañōn ölna neni, iwinanğō bōratñi akza. Namnanğō bōratñi qahō akzawañğōra i anōmna meal. ¹³ Anutunōñ Iwinanğō miriñi mosōta kungen anmangō jiyōhi, nōñōn nalō miangōreñ Saragōra kewō jial: ‘Niri denike denike anbiri,

* 20:2: Jen 12.13; 26.7

mianğoreñ nongöra nena jiman. Mewö aka mianjon ni urukalem kondel niñgiba malman.”

¹⁴ Mewö jii möta Abimeleknöñ Abrahamgö anömñi Sara melenđa wañgiyök. Mewöñanök lama bulmakau aka welenqeçe azi aka ambi mi mohotje i wañgiyök. ¹⁵ Wañgiba keu kewö jiyök: “Mötnöñ. Nongoreñ gölme ki wösöge ahözawi, mianğoreñ mönö nangi sihingahö dop malman.” ¹⁶ Mewö jiba Saragöra kewö jiyök: “Mötnöñ. Nöñön monen silwö köt 1000:gö dop nengi wañgibiga mianjon töwagi akza. Töwa mianjon könañamgi kondeliga ambazip körek göbuk maljei, yeñön mi eka kewö jiba möt yaköme, ‘Siñgisöndokö keuñi mi Saragoreñ qahö ahöza.’ ” Mewö jiyök.

¹⁷⁻¹⁸ Abrahamgö anömñi Saragöra aka Kembunöñ ambi pakpak kiñ Abimelekö miri uruñe malgeri, yeñgö morö memegö könañi jöhöyök. Mianğöra Abrahamnöñ Anutu köuluköiga Abimelek mem ölöwahök. Mewöyök anömñi aka welenqeçe ambiurupñi mem ölöwak enjiiga kunbuk moröñinambuk aket. Mewö.

21

Aisak asuhuyök.

¹ Kembunöñ Sara kalem möriam wañgimangö keuñi jim jöhöi ahöyöhi, mianğö dop i ek galöm ak wañgii malök. Keu jiyöhi, mianğö dop i kewö ak wañgiyök: ² Saranöñ gölöm aliga Abrahamnöñ azi namñi aiga töndup yañgö morö nahönñi meyök. Anutunöñ morö nahön asuhumapkö keuñi qeljine jim jöhöyöhangö dop mi mönö nalö mianğoreñök asuhuyök.* ³ Saranöñ Abrahamgö morö nahönñi meiga qetñi Aisak (gön kölja) qerök. ⁴ Qeriga Aisaknöñ wehönñi 8 aiga nalö mianğoreñ Anutugö aiwesökñi silenje yandiyök. Anutunöñ keu jim kutui ahöyöhangö dop mi yandiyök.* ⁵ Abrahamnöñ yambuñi 100 aiga nahönñi Aisak asuhuyök. ⁶ Asuhuiga Saranöñ keu kewö jiyök: “Anutunöñ gönkölköl miwikñaim niñgiyök. Mianğöra denike yeñön nongö kösohotni mötmei, yeñön mönö nömbuk gön kölme.” ⁷ Mewö jiba toroqeba kewö jiyök: “Saranöñ morö galömkölkölña akñawi, dañön keu mi qeljine möta Abrahamgöra jibawak? Mewö qahöpmö, nalö kewöñe yañön azi namñi aiga nöñön töndup yañgö nahönñi meal. “Mewö. ⁸ Aisaknöñ qariba juzu mosoriga wehön mianğoreñök Abrahamnöñ nene lömbuañ ketañi alök.

Saranöñ Hagar aka Ismael közöl etkiyök.

⁹ Ijpt ambi Hagarnöñ Abrahamgö morö nahönñi Ismael meyöhi, yañön nalö kunöñ munñi Aisak ilita mepaiköba gönawöt ak wañgiiga Saranöñ mi ehök.

¹⁰ Mewö eka Abrahamgöra kewö jiyök: “Welen ambigö nahönñan mönö nongö nahöni Aisakpuk göhöreñ öroyuai mi qahö mendenđa buña qem angumahot. Welen ambi mi aka nahönñi mi mönö közölnöñga anmahot.”* ¹¹ Saranöñ keu mi jiyöhi, mianjon Abrahamgö uruñi qeiga Ismael mi nahönñi ahöhangöra aka urueret möriga uruñi mötökömbuk ahök.

¹² Mewö ahiga Anutunöñ yañgöra keu kewö jiyök: “Nahöngi aka welen ambigi Hagar yetköra mönö urugoro ketañi kude mötman. Aisakö gwölönarökurupñi yeñönök mönö göhö qetbuñagi bisiba malme. Mianğöra Saranöñ keu göhöra jizawi, mi pakpak mönö möta tem kölman.* ¹³ Welen ambigahö nahönñan göhö gwölönaröki akzawañgöra nöñön i mewöñanök ahumsehip wañgibiga gwölönarökurupñan könagesö ketañi akñe.”

¹⁴ Mewö jii möta Abrahamnöñ ahöba söñan kötökñe wahöta nene tosatñi memba o uu (ou huhu) lama silenjan memenji mianjon o uba kaba Hagargö qamböñe ala mindiñgöba nahönñambuk melaim etkiiga mosöta anohot. Anda Berseba gölme qararañkölkölñe añgota liliköba malohot. ¹⁵ Malohotka lama silenje o memba anöhi, mianjon qahöwahiga nahönñi mi böñbañ ip köhösoñi kungö bapñe ali ahöyök. ¹⁶ Ali ahöiga kinda kewö

* **21:2:** Hib 11.11 * **21:4:** Jen 17.12; Apo 7.8 * **21:10:** Gal 4.29-30 * **21:12:** Rom 9.7; Hib 11.18

mötmöriyök: “Nahönan jeni qakne kömumawi, mi ekñangö osiba jemörön akzal. “Mewö mötmöriba pokom mulget anakzawangö dop tikep anda tata silata sahöt gigilahöyök.

¹⁷ Morö sahöröhi, mi Anutunöñ möriga garatañan suepnöhök Hagargö qeta kewö jiyök: “Hagar, gi wani lömbötkö uruñe maljan? Kenğotki kude mötnöñ. Morönöñ endu ahöba sahötzawi, Anutunöñ sahötñi mi lök mötza. ¹⁸ Mönö wahöta morö nahöngi gölmenöhök kököbihinöñ wahöriga böröñe memba mökökölim wangiman. Nöñön i könañgep ahumsehipe wangibiga gwölönarökurupñan sehiba könağesö ketañi qetbuñañinambuk akñe.” ¹⁹ Suep garatanöñ mewö jiiga Anutunöñ jeni metohoiga uba o lömñi kun ehök. Mi eka lama silenji memba anda mianñön o uba kaba nahönñi wanggiiga neyök. ²⁰ Anutunöñ Ismaelbuk kiniga qariba gölme qararañkölkölñe mala erim nemi azia ahök. ²¹ Gölme qararañkölkölñi qetñi Paran mianğöreñ maliga namñan Ijpt kantrinöhök ambi kun memba anömña wangiyök. Mewö.

Abraham aka Abimelek yetkön urujöhöjöhö ahot.

²² *Nalö mianğöreñ Abimelek aka yangö yarö kambuñangö suahe galömñi qetñi Fikol yetkön Abrahamğora kewö jiyohot: “Göñön öröyuai pakpak aka memakzani, Anutunöñ mönö mianğöreñ göbuk kinakza. ²³ Mianğöra göñön mönö merak kianğöreñ Anutugö jeñe jöjöpaj keu kewö jiba jim köhöiman: ‘Nöñön gi, moröurupki aka gwölönarökurupki embuk isimmakalek kun kude aka malmam.’ Mewö jim köhöiba nöñön ak kömum gihiba malali, mianğö dop göñön mönö mewöñanök gölme ki aka ni ak kömum netkiba malman. Gi gölme kianğöreñ kiana aka maljan.”

²⁴ Mewö jiyohotka Abrahamnöñ kewö jiyök: “Nöñön jöjöpaj keu mi ölop jiba jim köhöimam.”

²⁵ Mewö jiyökmö, Abimelekö welenqeçeurupñan o löm kun nanñinağöra añgön kölgeri, Abrahamnöñ mianğöra Abimelek jim wangiyök. ²⁶ Jim wangiyökmö, Abimeleknöñ kewö melenđa jiyök: “Dañön silik mi ahöhi, mi nöñön qahö mötzal. Nangak mianğö keuñi kun mutuk qahö jinöñ möta mala merak-kun keu mi mötzal.”

²⁷ Mewö melenđa jiiga Abrahamnöñ anda lama aka bulmakau memba kaba Abimelek wanggiiga nalö mianğöreñök sutñire jöhöjöhö aka alohot. ²⁸ Mi ala Abrahamnöñ lama kambuñineyöhök lama ambiñi moröñi 7 meköm enğiba al enğii nanñinök kinget.

²⁹ Mewö kingetka Abimeleknöñ Abraham kewö qesim wangiyök: “Lama ambiñi moröñi 7 kewöta endu al enğinöñga nanñinök kinjei, mi könañi wuanöñğöra?”

³⁰ Qesim wanggiiga kewö melenñök: “Nöñön o lömñi ki esiali, keu mi jibiga mi möt narizan ewö, lama moröñi 7 ki mönö nöñgö böröneyök buña qem añgunöñga nöñgö keunañgö dangunuñi akña.” ³¹ Mewö melenđa azi yahöt mi gölme mianğöreñ kinda jöjöpaj keuñiri jiba jim jöhöm añgyuhot. Mianğöra miri mianğö qetñi Berseba qerakze.

*

³² Berseba mire jöhöjöhö mewö ahot teköiga Abimelek aka yangö yarö kambuñangö suahe galömñi Fikol yetkön wahöta lilingöba Filistin yenğö gölmenöñ anohot. ³³ Anohotka Abrahamnöñ berem ip kun Berseba miri mianğöreñ kömöta Kembu Anutu bem koñkoñ yangö qetñi qeta köuluköyök. ³⁴ Köuluköba kinda Filistin yenğö gölmenöñ nalö köröpñi kiana aka malök. Mewö.

22

Anutunöñ Abraham esapköm wangiyök.

¹ Yuai mi asuhuiga nalö tosatñi teköiga Anutunöñ Abraham esapköm wangiyök. Qetñi “Abraham!” qeriga yañön “Ni ki kinjal,” jiba melenñök.*

* **21:22:** Jen 26.26 * **21:31:** Berseba keu mianğö könañi yahöt: sewengö o lömñi aka jöjöpaj keugö o lömñi.

* **22:1:** Hib 11.17-19

² Mewö melenjiga kewö jiyök: “Aisak nahöngi nanji mohotsirik urugan jöpaköm wangimakzani, i mönö wangita Moria gölmenöj anda kundunji kun kondel gihimami, miangörej öngöba i nöngö jöwöwöla ohoman.”*

³ Mewö jiiga Abrahamnöj ahöba sönan kötökne wahöta donki qakne dum tatatnji möhamgöba welenqeqeni yahöt aka nahönji Aisak enquangirök. Jöwöwölgö könöpni dopne köl teköba börangöba ala enquangita Anutunöj gölme jiyöhi, miangörej anök.

⁴ Anda mala wehön karöbutnji miangörej jejan uba wahöta gölme mi ehiga köröwen ahöyök. ⁵ Mi eka welenqeqe yahötjni yetköra kewö jiyök: “Injiri donkibuk ki tarohotka ni aka morö nahön netkön endu anda Anutu waiknji memba möpöseiba kunbuk lilingöba etkörej kabit.”

⁶ Abrahamnöj mewö jiba jöwöwöl ohohogö könöp böranji memba nahönji Aisakö qamböne ali öngöiga nanjak könöp jit aka sou meyök. Mewö meiga mohotjamjire anohot. ⁷ Mewö anda Aisaknöj anj ala iwinji Abrahamgöra kewö jiyök: “Iwini!” Mewö jiiga kewö melenjök: “Nahöni, wania?” Mewö melenjiga kewö qesiyök: “Könöp jitnji aka könöp mia ki memba kazitmö, jöwöwöl ohohogö lamaanji mi denike?”

⁸ Mewö qesiiga iwinjan kewö melenjök: “Nahöni, Anutu nanjak mönö jöwöwöl ohohogö lamaanji kun miwikjaiba netkima. “Mewö melenjiga toroqeba mohotjamjire anohot.

⁹ Anda Anutunöj gölme jiyöhangörej anggota kinda jöwöwöl ohohogö altanji kun memba könöp miangö qakne ala arengöyök. Arengöba nahönji Aisak jöhöba altanöj könöp qakne al wangiyök.* ¹⁰ Al wangiba nahönji umangöra böröni böranda sou memba atöjnök. ¹¹ Atöjniga miangörejök Kembugörej garatanöj Suepnöhök Abrahamgöra kewö qerök: “Abraham, Abraham!” Mewö qeriga “Ni ki kinjal,” jiba melenjök.

¹² Mewö melenjiga kewö jiyök: “Börögan mönö morögö qakne kude alman. Yangö qakne yuai kun kude akjan. Göjön nahöngi mohotsirik mi nöngöra qahö angön köljanangöra könaqamgi merak kewö möt yaközal: Gi Anutugö keu jitnji ongitpanbuköra kenjötki mörakzan.”

¹³ Mewö jiiga miangörejök uba wahöta ehiga lama azinji kun ilitjan böhbanj ip köhösönöj gili geiga kinök. Mi eka anda memba kaba nahönjangö salupne lama mianjön jöwöwöl ohoyök. ¹⁴ Miangöra Abrahamnöj gölme miangö qetnji mi ‘Kembunöj miwikjaiba netkima,’ jiba qerök. Nalö kewöne mewöjanök keu kewö jimakze: “Kembunöj mi kundunje miwikjaiba netkima.”

¹⁵ Kembugö garatanjan Abrahamgöra Suepnöhök kunbuk kewö qeriga yahöt ahök: ¹⁶ “Kembu nöjön kewö jizal: Nanak nani qetni qeta jöjöpanj keu kewö jiba jim köhöizal: Göjön silik ki aka nahöngi mohotsirik mia nöngöra qahö angön köljani, ¹⁷ miangöra nöjön ölja gi kötuetköba ahumsehip gihibiga gwölönarökurupki yejön önöni qahö sehime. Sehigetka qötöjinan mönö suep könakembagö senjelaujni ewö aknja aka köwet jitle sakösin ahöm anjei, miangö dop aknja. Göhö gwölönarökurupki yejön mönö köhöiba kerökurupjini enguba luhut ala siti gölmenjini enquangita angön köla malme.* * ¹⁸ Göjön nöngö keuni tem köljani, miangöra göhö gwölönarökurupki yejörejök kungöra aka nöngö kötümötuetnan mönö gölmegö könagesö kambunji pakpak yejö qakjine öngöiga oyaenkoyaen akne.”*

¹⁹ Kembugö garatanjan mewö jiiga Abrahamnöj moröjambuk lilingöba welenqeqeyahötjni yetkörej anda aitöngöba mohotje Berseba mire anget. Abrahamnöj Berseba miri miangörej opo seri koumni mörörengöba malök. Mewö.

Nahorgö gwölönarökurupji

²⁰ Nalö tosatnji teköiga buzup keu kun kewö jigetka Abrahamgörej kayök: “Milkanöj mewöjanök nama akza. Yanjön mungji Nahorgö nahönurupnji tosatnji engömeyök.”

* 22:2: 2 Kor 3.1 * 22:9: Jei 2.21 * 22:17: Hib 6.13-14 * 22:17: Hib 11.12 * 22:18: Apo 3.25

21 Moröni mutukñangö qetñi mi Uz, yangö munñi Buz aiga yangö könaje Kemuel, Aramgö iwiñi. 22 Kemuelgö könaje Kesed, Hazo, Pildas, Jidlaf aka Betuel. 23 Betuelnöñ Rebekagö iwiña ahök. Milkanöñ Abrahamgö munñi Nahorgö nahönurupñi 8 mi engömeyök. 24 Nahorgö anömñi bohonñi qahö memenñi qetñi Reuma yangön mewöñanjök nahönurupñi tosatñi engömeyök. Yeñgö qetñini mi Teba, Gaham, Tahas aka Maka. Mewö.

23

Saranöñ kömuyök.

1 Saranöñ mala mal öngöiga yambuñi 127 ahök. Saranöñ miangö dop malök. 2 Mala Keinan gölmenöñ miri qetñi Kiriya Arba, qetñi alañi Hebron qerakzei, miangöreñ kömuyök. Kömuiga Abrahamnöñ miangöreñök anömñangöra jinñen köla sahötmanğöra anök.

3 Anda sahöt teköba wahöta anömñangö qamötñi mosöta anda kinda Hit ambazip yeñgöra keu kewö jiyök: 4 **“Ni engö sutñine kiana kaba qandak (kusuk) maljal. Miangöra iñini mönö gölmeninangö bahöñi kun kianğoreñ niñgigetka bohonñi membiga qaksirini aiga alaurupni yeñgö qamötñini miangöreñ ala löm köl engimakñam.”*

5 Keu mewö jiiga Hit yeñön melenđa kewö jiget: 6 *“O azi kembu, gi ölop neñgöreñ keu ki mötnöñ. Gi neñgö sutñine Anutugö azi jembonñi maljanangöra aka qaksirigi sihimangan denike ek soroköba memangö mötzani, miangöreñ mönö ölop qamötki löm kölman. Göñön qamötki esim kölman jinöñga neñgöreñök kunñan mi qahö angön köl gihima.”*

7 Mewö jigetka Abrahamnöñ wahöta gölme tourupñi Hit ambazip yeñgö wösöñine geba sipköm engiyök. 8 Sipköm engiba kinda yeñgöra keu kewö jiyök: *“Nöñön qamötñi esim kölmanğö ölop jime ewö, mönö nongöreñ keu ki möta Zohargö nahönñi Efron yangöreñ anda keu jitni ki toroqeba jiba kuñgum wañgime. 9 Kuñgum wañgigetka möta bañet qetñi Makpela yangö buñaya aka nupñangö imbiñe göröken ahözawi, mönö mia jim teköiga söñgöroñi memam. Mönö qesigetka bohonñi jömuk jim teköiga söñgöroñi membiga nongö qaksirini engö sutñine ahöma.”*

10 Mewö jiiga Efronöñ alapurupñi Hit könagesö pakpak taonñinangö kiripo nanğune kaba sombemnöñ tokogeri, yeñgö sutñine tariga keu kezap ala mötketka Efronöñ Abrahamgöra kewö melen wañgiyök: 11 *“O azi kembuni, mewö qahöpmö, mönö nongöra kezap alnöñ. Nöñön gölme köroñi mi aka bañet miangöreñ kinjawi, mi kalema gihizal. Nani könagesöurupni yeñgö jeñine kinda mi gihibiga ekze. Qamötki mi ölop miangöreñ esim löm kölman.”*

12 Mewö jiiga Abrahamnöñ gölme tourupñi yeñgö wösöñine kunbuk geba sipköm engiyök. 13 Sipköm engiba kinda yeñgö jeñine Efrongöra kewö jiiga mötket: *“Nongöreñ keu ki mönö kezap ala mötnöñ. Göñön ölop mewö akanakmö, nöñön mönö gölme köroñi miangö bohonñi mi gihimam. Mi ölop jiba töwa menöñga nöñön qamötñi miangöreñ esim löm kölman.”*

14 Mewö jiiga mötketka Efronöñ Abrahamgöra kewö melen wañgiyök: 15 *“O azi kembuni, nongöreñ keu ki mönö kezap ala mötnöñ. Gölme miangö bohonñi mi 400 silwö kötni (50 kilogram). Ala-ala akzirangöra aka miangön mönö netkö sutñire yuai omani akza. Miangöra qamötki ölop esim löm kölman.”*

16 Mewö melen wañgiiga möta Abrahamnöñ gölme bohonñangö jañgöñi Efronöñ Hit könagesö yeñgö jeñine jiiga mötkeri, miangö urumohot ahök. Jañgöñi silwö kötni 400 mi kölköl-örörö ambazipnöñ nalö miangöreñ bohonñangö dopñi jiget ahöyöhi, miangö dop moneñ mi kewöta wañgiyök.

17 Mewö wañgiiga Efrongöreñ gölme köroñi Mamre kösutñe Makpela miangöreñ ahöyöhi, bañet miangöreñ kinöhi aka ip pakpak gölme miangö jabö uruñe kingeri, miangö keuñi teköyök. 18 Keuñi teköiga Abrahamgö buñaya ahök. Hit könagesö pakpak

* 23:4: Hib 11.9, 13; Apo 7.16

taonñinanğo kiripo nanğune kaba sombemnön tokogeri, yeñon töwanı mi eketka bunanı ahök.

¹⁹ Mianğo andöñe Abrahamnön anömñi Saragö qamötñi mi Keinan gölmegö banetñe esim löm kölok. Banet mi Mamre qetñi alañi Hebron mianğo kösutñe gölme köröñi qetñi Makpela mianğoreñ ahöza.

²⁰ Mewö asuhuiga gölme köröñi aka banet mianğoreñ kinjawi, mi Hit könagesö yeñon Abrahamgö bunaya qem wanğigetka qaksiriñi ahök. Mewö.

24

Aisakö anömñi Rebeka mi wanğita kaget.

¹ Abrahamnön azi namñi ahiga Anutunön yuai pampak aka meyöhi, mianğoreñ i kötuatköm wanğii mala korök. ² Mewö ahiga nalö kunön mirinğo welenqeçe jembonñi bohonñi, mirinı uruñe öroyuai ahöm wanğiyöhi, mianğo galömñi yanğora keu kewö jiyök, “Gi mönö keugi jim köhöimangöra börögi nöngö tambuni bapñe alman. ³ Mewö ala Kembu, Suep aka gölme mietkö Anutunıranğo qetñe jöjopañ keu kewö jiman: Nöñon Keinan könagesö yeñgö sutñine ki maljalmö, göñon mönö nahönanğö anömñi mi yeñgö nen böratñina kun kude memba wanğiman. ⁴ Mewö qahöpmö, gi mönö nane kantrinön anda tinitosolomurupni yeñgöreñök nahöni Aisakö anömña wanğita kaman.”

⁵ Mewö jiiga welenqeçe jembonön kewö qesim wanğiyök: “Anda jibiga ambi mianön nömbuk gölme kianğoreñ kamangö tököma ewö, nöñon mönö denöwö akñam? Nahöngi wanğita kantri kanöñanğoreñ kunbuk lilingöba anbit me qahö?”

⁶ Mewö qesim wanğiiga Abrahamnön kewö melenök: “Qahöpmahöp! Gi nöngö nahöni wanğita mianğoreñ kunbuk kude anmahot. ⁷ Suepkö Kembunı Anutunön ni iwinanğö miri aka ahياهو kantrineyök keu kewö jii mötpiga jöjopañ keunön jöhöba noanğiri kayal: ‘Nöñon gölme ki mönö göhö gwölönarökurupki yeñgö bunaya qem enğimam.’ Mianğora yanön mönö Suep garatañi melaiiga mutuk aniga göñon ölop nahönanğö anömñi mi mianğöreñök wanğita kaman. ⁸ Anda jinöñga ambi mianön göbuk kamangö tököma ewö, jöjopañ keugi kianön mönö qahö toroqeba jöhömi gihima. Nöngö nahöni mi mönö qahö kötokñi wanğita mianğoreñ lilingöba anmahot.”

⁹ Mewö jiiga welenqeçe jembonnan keu mi jim jöhöm wanğiba jöjopañ keunön jim köhöimangöra böröñi ketañamñi Abrahamgö tambunı bapñe alök.

¹⁰ Mewö jim köhöiba kinda ketañamnanğoreñ kamel 10 aka yanğö köweñeyök yuai aködamunñinambuk könanı könanı mohotñe meyök. Mi memba mosöta Not Mesopotemia (Aram Naharaim) * kantrinön anda Nahornön taon malöhanğoreñ anğorök. ¹¹ Anğota taon yaigepñe o lömñi kinöhanğö kösutñe kamelurupñi al enğiiga siminñini mösököba geba luhut meget. Wehön jeñi gemangö aiga taongö ambiñi yeñon o ubingö o lömñe kaka nalöñini mi ahök. ¹² Mianğoreñ kinda kewö köuluköyök: “O Kembu, ketañamni Abrahamgö Anutunı, gi mönö merak töhötmöriam niñgiba ketañamni Abrahamgöra keu jim jöhönöñi, mianğö ölnı asuhuma. ¹³ Mötnön, ni o löm kösutñe kianğoreñ kinbiga taongö ambi seramurupñini yeñon o ubingö kame.

¹⁴ Kagetka kewö asuhumapköra köuluközal: Nöñon ambi seram kungöra kewö jimam: ‘Gi ölop köurañengi möñgoninöñga (mondokönöñga) o nembilenjak.’ Mewö jibiga yanön kewö melenđa jima: ‘Ölop nenöñga kamelurupki mewöyök o gumohom enğimam.’ Mewö jimawi, ambi seram ia göñon welenqeçe azigi Aisakö bunaya qenöñi, yanön mönö mia akña. Mewö asuhuiga göñon ketañamnanğöra keu jim jöhönöñi, mianön ölnambuk akza, mewö mötmam.”

¹⁵ Köuluk mi qahö köuluköm teköiga mianğöreñök ambi kun qetñi Rebeka yanön köurañen qamböñe anğuba mianğoreñ kanğorök. Yanön Abrahamgö munñi Nahor aka

* **24:10:** Aram qet mi nalö kewöñe Siria qerakze. Naharaim o töwatñi yahöt (Yufreitıs aka Taigrıs) mietkö sutñire.

anömni Milka, yetkö nahönñiri qetni Betuel yangö bōratña ahök. ¹⁶ Ambi miangö kaisongolomni mi eksihimñambuk kötökni aiga ambi seram jōmukni azinōñ qahō memenja malök. Yanñon eta o lömnōñ geba o uba korök. ¹⁷ Koriga miangōrenjök welenqege jembonōñ osumñan yangö kösutje anda kewō jiyök: “Gi ölop köurañengeyök o kun niñginōñga nembilenjak.”

¹⁸ Mewō jiiga kewō melenjök: “O kembuni, ölop neman. “Mewō jiba osumok köurañenni bōrōñan memba eta moñgonñoniiga (mondokōiga) o neyök. ¹⁹ Mi neiga kewō jiyök: “Nōñon kamelurupki yengōra mewōyök o uba engibi memba anda bikñini enguiga mosötme.” ²⁰ Mewō jiba osumok köurañenni mokoi o körek joutnōñ geiga kunbuk diñdingōba o lömnōñ o umamgōra geba kamelurupni pakpak yengōra o dopñine uyök. ²¹ Mewō ahiga welenqege jembonōñ görōñ kinda i törörök eka kewō möta mötmōriyök: “Ölña, Kembunōñ köna köröpni ki kayalañgō möriamni mi mönō kewō kondori asuħuza me denōwō?”

²² Mewō mötmōriba kiniga kamel yēñon o nem tekōgetka welenqege jembonōñ pinjim (möpōñ) goulñōñ memeni kun lömbötñi 5 gram mi memba ambi seramgō söñgōrōñe ala bōrōjenjen goulñōñ memeni yahöt lömbötñiri 110 gram mi bōrōñe mei öñgōyök. ²³ Mei öñgōiga kewō qesim wañgiyök: “Gi dagō bōratña? Iwigahō miri uruñe neñon sunjem ahōbinakō tiñi kun ahōza me qahō, mi ölop jinōñ mötpilenjak.”

²⁴ Mewō qesim wañgiiga kewō melenj wañgiyök: “Ni Betuelgō bōratña. Abu asani qetñiri Milka aka Nahor.” ²⁵ Mewō jiba toroqeba kewō jiyök: “Neñgōrenj luplup aip aka kamel yengō gwōzōzak neneñi mi gwōtpuk ahōza aka sunjem gaun ahōmegō tiñi mi mewōyök ölop kinja.”

²⁶ Mewō jiiga welenqege jembonōñ gölmenōñ geba bamgōba Kembugō waikni memba möpōseyök. ²⁷ Möpōseiba kewō jiyök: “O Anutu, ketañamni Abrahamgō Kembuñi, nōñon gi möpōseim gihizal. Göñon ketañamnañgōra kalem möriamgō keugi jim jōhōnōñi, mi törörök wuatañgōnōñga qahō sörauyök. Miangō dop Kembu göñon noañitnōñga köna köröpni ki kaba mala ketañamnañgō tinitosolomurupni yengō mire kañgotzal.”

²⁸ Mewō asuħuiga ambi seramnōñ osumñan kiñkiñgōba anda miangō kösohotni mi namñangō saiwaurupni miriñe malgeri, yengōra jiiga mötket. ²⁹ Rebekagō nenni qetni Laban malök. Yanñon mi möta Abrahamgō welenqege jembonni ekñamgōra osumñan yaigep o lömñe kiñkiñgōba anök. ³⁰ Nennangō bōrōñe goul bōrōjenjen aka söñgōrōñe goul pinjim tari ehiga nenni Rebekanōñ welenqege jembonōñ keu jiiga mörōhi, miangō kösohotni jii möta yangōrenj anök. Anda o lömñe añgota azi mi ehiga miangōrenj kamelurupni yengō qōhōrōñine kinök. ³¹ Kiniga kewō jiyök: “Kembunōñ kötuatköm gihii maljani, gi mönō kanōñga mirinōñ anbit. Yaigep kiangōrenj kude kinman. Nōñon nanñini ahōmeañgō miriñi aka kamelurupki yengō dumñini tok möwölöhōzal.”

³² Mewō jiiga welenqege jembonōñ mire kaiga kamel qakñine sukinap tarōhi, mi Labanōñ musula mei eri jiiga kamel yengōra luplup aip aka gwōzōzak nene memba kaba engiget. Welenqege jembon aka yangō aziurupñan könañini sañgonmeañgō onñi mi tok mohotñe uba kaba engiget. ³³ Miangō andōñe nene welenqege jembongō wōsōñe kölgetmō, yanñon kewō jiyök: “Mutuk keu memba kazali, mi jibi mötketkun mönō nene ki nemam. “Mewō jiiga Labanōñ kewō jiyök: “Mi ölop jinōñ mötpin.”

³⁴ Mewō jiiga kewō jiyök: “Nōñon Abrahamgō welenqege azia akzal. ³⁵ Kembunōñ ketañamni önōñi qahō kötuatköm wañgiiga azi öñgōñgōñi sukinapuk aka malja. Kembunōñ lama aka bulmakau, silwō aka goul, welenqege azi aka ambi aka kamel, donki mi gwōtpuk wañgiiga malja. ³⁶ Ketañamnañgō anömni Sara yanñon ambi namni kötökni aka nalō miangōrenj ketañamnañgōra nahōñni kun meyök. Iwiñan sukinapni pakpak mi nahōñnañgōra buña qem wañgii malja.

³⁷ “Ketañamnan nōñon jōjōpañ keu kewō jimamgō jim kutum niñgiyök: ‘Nōñon Keinan yengō gölmenōñ ki maljalmō, göñon mönō nahōnañgō anömni mi Keinan yengō nen

böratnina kun kude memba wanġiman. ³⁸ Mewö qahöpmö, gi mönö iwinanġö mire nani tinitosolomurupni yeŋġoreŋ anda nahönanġö anömnji mi mianġoreŋök wanġita kaman.'

³⁹ "Mewö jiġa ketaŋamni mi kewö qesim wanġial, 'Nöŋön anda jibiga ambi mianġön nömbuk qahö kama ewö, nöŋön mönö denöwö akŋam?' ⁴⁰ Mewö qesim wanġibiga kewö melenök: 'Nöŋön Kembangö jeŋe anda kaba aka memba malali, yaŋön mönö Suep garataŋi melaiġa göbuk aniga köna anmani, mianġön töhötmöriamŋambuk akŋa. Mewö nani iwinanġö mire anda tinitosolomurupni yeŋġoreŋök nahönanġö anömnji mi memba kaman. ⁴¹ Nöŋö tinitosolomurupni yeŋġoreŋ anda jöjopaŋ keu nöŋöra jinöŋi, mianġön mönö mianġö andöŋe qahö toroqeba jöhöm gihima. Ambi kun qahö gihime ewö, göŋön töndup jöjopaŋ keu mianġö kösönöhök lolohoman.'

⁴² "Mewö jiġa merak o lömŋe kaŋgota kinda kewö köuluközal: 'O Anutu, ketaŋamni Abrahamġö Kembuŋi, ni köna köröpŋi kazali, mi mönö jitsihitkahö dop mötnöŋga töhötmöriamŋambuk akŋa. ⁴³ Eknöŋ, nöŋön o löm kianġö kösutŋe kinjal. Kewö kinbiga ambi seram kunŋan o umamġö kaġa nöŋön yaŋöra kewö jimam: "Gi ölop köuraŋengeyök o moröŋi kun niŋginöŋga nembilenak?"

⁴⁴ Mewö jibiga yaŋön kewö melenġa jima: "Ölop nenöŋga kamelurupki yeŋö o mewöŋanök uba eŋgimam. "Mewö melenġa jima ewö, nöŋön mianġöra kewö mötmam: Kembu göŋön i ketaŋamnanġö nahönŋanġö anömnja akŋapköra möwölöhözan.' ⁴⁵ Uruneyök köuluk mi qahö köuluköm teköbiga mianġoreŋök Rebeka yaŋön köuraŋen qamböŋe aŋguba mianġoreŋ kaŋgotza. Kaŋgota o lömŋe geba o uġa nöŋön yaŋöra kewö jizal: 'Ölop o kun niŋginöŋga nembilenak.'

⁴⁶ "Mewö jibiga yaŋön zilaj köuraŋenŋi qamböŋeyök mei eriga kewö jiza: 'Ölop nenöŋga kamelurupki yeŋö o mewöŋanök eŋgibiga neme.' Mewö jii nembiga kamelurupni mi mewöyök o gumohom eŋgiza. ⁴⁷ Gumohom eŋgiġa kewö qesim wanġizal, 'Gi dagö böratŋa?' Qesim wanġibiga kewö melenja: 'Ni Betuelġö böratŋa. Abu asani qetŋiri Milka aka Nahor.' Mewö melenŋiga nöŋön pinjim söŋöröŋe möndöba böröjenjeŋ böröŋe membi öŋgöza. ⁴⁸ Nalö mianġoreŋök gölmenöŋ geba bamgöba Kembangö waikŋi memba möpöseizal. Anutu ketaŋamni Abrahamġö Kembuŋan mönö köna diŋdiŋi noanġiri ketaŋamnanġö munŋanġö mire kaba isiŋi nahönŋanġö anömnja akŋapköra miwikŋaizal. Mianġöra Kembu möpöseim wanġizal.

⁴⁹ "Mewö kaba ki kinjal. Mianġöra iŋini ketaŋamni ek soriba sepkitip akzeanġö keuŋi pöndaŋ wuatänġöba ak kömum wanġize ewö, mi mönö kondela jigetka mötmam. Mewö qahö akŋe ewö, keu mi tok jigetka mötmam. Mi möta kungen elenġa anmamġö mötmörimam."

⁵⁰ Mewö jim teköġa Laban aka Betuel yetkön kewö melenġa jiyohot, "Keu ki Kembangöŋök kaza. Mianġöra netkön keu mewö me mewö jibiränġö dop qahö. ⁵¹ Mötnöŋ, Rebekanöŋ ki kinja. Kembunöŋ jimqindiŋ akzawaŋö dop ölop i wanġita anda ketaŋamnahö nahönŋi wanġinöŋga anömnji akŋa."

⁵² Mewö jiyohotka keuŋiri möta Abrahamġö welenqeŋe jembonŋan eta Kembangö jeŋe gölmenöŋ geba bangöyök. ⁵³ Bangöm teköġa wahöta gösöŋeyök goul aka silwö aködamunŋi eksihimŋinambuk aka opo maluku kulemŋinambuk ujeta Rebeka wanġiyök. Mewöŋanök kalem yuai tosatŋi söŋöröŋini ketaŋi mi nam nenŋi etkiyök.

⁵⁴ Etkiba i aka aziurupŋi yambuk kageri, yeŋön nene kulun namba tata mala sunġem aġa ahöget. Ahöba söŋan wahötketka kewö jiyök: "Ölop melaim niŋgigetka ketaŋamnanġoreŋ anmam."

⁵⁵ Mewö jiyökmö, nam nenŋi yetkön kewö melennohot, "Ölop nenböratniri mosötnöŋga toroqeba nalö tosatŋi silim ten mewö nembuk malma. Mianġö andöŋe ölop i wanġita anme."

⁵⁶ Mewö melennohotmö, welenqeŋe jembonöŋ kewö melenġa jii mötket, "Welen könani kazali, mi Kembunöŋ kötuetköġa töhötmöriamŋambuk akza. Mianġöra nalöni mönö

kude qekörime. Mönö melaim niŋgigetka ölop könani lilingöba anda ketanjanŋören anŋotmam.”

⁵⁷ Mewö jii möta kewö jiyohot, “Ölop ambi seram mi qetzi kaiga nanŋanŋöra qesim waŋgibin.” ⁵⁸ Mewö jiba Rebeka qerohot kaiga kewö qesim waŋgiyohot, “Gi azi kiambuk anmamgö mötzan me qahö?” Qesim waŋgiyohotka “Ölop anmam,” jiyök.

⁵⁹ Mewö jiiga kinda nenböratŋiri mi welen ambiŋambuk melaim etkigetka Abrahamgö welenqeŋe jembon aka yaŋgö aziurupŋi yeŋön i etkuangita anbingö aket. ⁶⁰ Anbingö aketka miangöreŋ iwinam nenmunurupŋan Rebeka kötuetköm waŋgiba kewö jiget, “O nen böratnini, Kembunöŋ ölop ahumsehip gihiiga göŋön gwölönarökurupki milyönŋi milyönŋi yeŋgö bömöŋ jalöŋina akŋan.

Yeŋön mönö köhöiba kerökurupŋini enŋuba luhut ala siti gölmeŋini enŋuangita anŋön köla malme.”

⁶¹ Mewö jiget teköiga Rebekanöŋ welenqeŋeambiurupŋi yembuk wahöta kamel qakŋine öngöba tata welenqeŋe jembonŋi wuatangöba anget. Jembon yaŋön Rebeka waŋgiriga mosöta köna lilingöba anget. ⁶² Anda kaba mala mala Keinan gölmeŋöŋ kaŋgotket. Aisaknöŋ gölme miangö Saut likepŋe distrik qetŋi Negew miangöreŋ mala nalö miangöreŋök o löm qetŋi Ber Lahai Roi † mi mosöta gölme qararaŋkölkölŋe kaba malök. ⁶³ Kaba mala miri söŋaumangö aiga miangöreŋ kounŋi mosöta gölme köröŋi ketanŋi miangöreŋ anda liliköba keu mötmöriba uba wahöta ehiga tosatŋan kamel qakŋine tata yaŋgö kösutŋe kabingö kaget.

⁶⁴ Mewö kagetka Rebekanöŋ uba wahöta Aisak eka kamel qakŋe taröhi, miangöreŋök ösumok luhuba gölmeŋöŋ erök. ⁶⁵ Eta welenqeŋe jembongöra qesiba kewö jiyök, “Azi gölme köröŋe endu kinda mesohol köl neŋgiba kazawi, mi danöŋ?” Mewö jiiga kewö melenök, “Yaŋön mönö ketanjanŋö nahönŋi akza. “Mewö melenŋiga möta nörop kawöseŋi (kawaseŋ) öröba jemesoholŋi esuhuyök.

⁶⁶ Esuhuiga aitonŋögetka welenqeŋe jembonöŋ yuai pakpak aka memba malöhi, miangö kösohotŋi mi Aisaköra jii mörök. ⁶⁷ Möri teköiga Aisaknöŋ Rebeka waŋgiriga namŋi Saragö opo seri kounŋe öngöba maliga könaŋgep mei anöŋŋi aiga uruŋan jöpaköm waŋgiba malök. Aisakö namŋan kömuiga wösöbirik uruŋe malöhanŋöra aka urukölalepŋi mewö miwikŋaiyök. Mewö.

25

Abrahamgö isiamböurup tosatŋi

1 Hist 1.32-33

¹ Aisaknöŋ ambi meiga iwiŋi Abrahamnöŋ anöŋŋi kun qetŋi Ketura meyök. ² Meiga Keturanöŋ Abrahamgö moröurupŋi kewö enŋömeyök: Zimran, Joksan, Medan, Midian, Isbak aka Sua. ³ Joksanöŋ nahönyahötŋi qetŋiri Seba aka Dedan yetkö iwiŋira ahök. Dedan yaŋön Asur könagesö, Letus könagesö aka Leum könagesö yeŋgö bömöŋŋini ahök. ⁴ Midiangö nahönurupŋi mi Efa, Efer, Hanok, Abida aka Elda. Mi pakpak Keturagö isiurupŋi aka malget. Mewö.

⁵ Abrahamnöŋ sukinapŋi pakpak mi nahönŋi Aisak buŋa qem waŋgiyök. ⁶ Mi waŋgiyökmö, anömurupŋi bohönŋini qahö memenŋi yeŋgö nahönurupŋini yeŋgöra kalem yuai toto qeba mendenŋa enŋiyök. Mendenŋ enŋiba jebuk mala melaim enŋiiga datŋini Aisak mosöta gölme wehön kotkotŋe göröken miangöreŋ anget. Mewö.

Abrahamnöŋ kömuiga löm kölget.

⁷ Abrahamnöŋ mala koriga yambuŋi mindiriba 175 aiga kömuyök. ⁸ Malmal yambuŋgö qötöŋan öngöŋgöŋi aka dop köliga öliba azi namŋi aka söŋgöro ösum kondikŋi öröba nöŋ qeba kömuiga Anutunöŋ waŋgiri tinitosolomurupŋan kömugeri, yeŋgöreŋ anda

† **24:62:** Malmalŋambuk mala nehakzawaŋgö o lömŋi

toroqeyök. ⁹ Kömuiga nahönyahötñi Aisak aka Ismael yetkôn iwiñirañgö qamötñi memba anda Makpela bañetnöh löm kölohot. Bañet mi Hit azi Efron Zohargö nahönñi yañgö gölme köröñe Mamre miri gölmenöhök wehön kotkotñe göröken ahöza. ¹⁰ *Abrahamnöh gölme köröñi mi Hit könagesö yengörenök bohonñi meyöhi, miangören i aka anömñi Sara mi löm köl etkiget. ¹¹ Abrahamnöh kömuiga Anutunöh nahönñi Aisak kötuetkôm wañgiba malök. Yañön Negew gölmenöh o löm qetñi Ber Lahai Roi (Malmalñambuk mala nehakzawañgö o lömñi) miangö kösutñe tata malök. Mewö.

Ismaelgö könagesöurupñi

1 Hist 1.28-31

¹² Ijpt ambi Hagar yañön Saragö welen ambia maliga Abrahamnöh meiga gölöm ala nahönñi Ismael meyök. Ismaelgö nahönurupñi yengö qet areñini kewö: ¹³ Ismaelgö nahönurupñi yengö qetñini aka asuhugerañgö areñini mi kewö: Nahönñi mutukñi qetñi Nebaiot. Yañgö könañe Kedar, Adbel, Mibsam, ¹⁴ toroqeba Misma, Duma aka Masa, ¹⁵ Hadad, Tema, Jetur, Nafis aka Kedema. ¹⁶ Ismaelgö nahönurupñan mewö asuhuba kambuñirañgö dop pomñini 12 aka mala kotket. Pomñini qetkeri, miangö dop opo koum tamböñini aka jike miriñini mewöyök qeta memba mala kotket.

¹⁷ Ismaelnöh mala koriga yambuñi mindiriba 137 aiga kömuyök. Mewö azi namñi aka söngörö ösum kondikñi öröba nöh qeba kömuiga Anutunöh wañgiri tinitosolomurupñan kömugeri, yengören anda toroqeyök. ¹⁸ Ismaelgö gwölönarökurupñi yeyön köröpken köröpken deñda anda mala gölme qetñiri Hawila aka Sur mietkö sutñire gölme memba malget. Gölmeyini mi Ijpt kantrigö jaböñeyök könahiba wehön kotkotñe Asiria göröken angeri, köna miangö kösutñe miangören ahöza. Ismaelgö gwölönarökurupñi yeyön Abrahamgö gwölönarökurupñi tosatñi pakpak mi kerök-kerök ak eñgiba malget. Mewö.

Iso aka Jeikob yetkôn asuhuyohot.

¹⁹ Abrahamgö nahönñi Aisak yañgö gwölönarökurupñi yengö qet areñini mi kewö: Abrahamgö nahönñi Aisak. ²⁰ Aisaknöh yambuñi 40 aiga Mesopotemia (Padan Aram) kantrigö Aram azi qetñi Betuel yañgö böratñi Rebeka anömña meyök. Rebekagö nenni mi Aram azi qetñi Laban. ²¹ Aisaknöh anömñan köpin maliga yañgöra aka Kembu köuluköm wañgiyök. Köuluköm wañgiiga köulukñi möriga Rebekanöh gölöm alök. ²² Gölöm aliga moröyahöt yetkôn namñirañgö körö uruñe utal añguyohot. Mi möta kewö jiyök: “Yuai kewöñi mi mönö wuanöñgöra asuhum niñgiza?” Mewö jiba anda miangöra Kembangö qesim wañgiyök.

²³ *Qesim wañgiiga kewö jii mörök:

“Göhö körö uruge kambu yahöt mietkö bömönñiri ahözahot.

Yetkörenök könagesö yahöt asuhuba deñda malme.

Ambazip kambu kunöh kambu alañi eñgongita ösum köhöikñi akñe.

Datñan munñi welen qem wañgiba malma.”

²⁴ Morö meme nalöñan kam kuñguiga köröñi uruñe morö nahön siwisiwi yahöt ahöyohot. ²⁵ Mutuk köröñeyök asuhuyöhi, yañgö silenjan pisikpisik aiga sile jupñan silenji körek dop köla ahöyök. Miangöra qetñi Iso (jupñambuk) qetket. ²⁶ Miangö könañe munñan Isogö köna gwakötñe böröñan memba asuhuyök. Miangöra yañgö qetñi Jeikob qetket. (Jeikob keu miangö könañi yahöt: gwaköt aka tilipköza.) Aisaknöh yambuñi 60 aiga nalö miangören Rebekanöh moröyahötñi yahöt mi etkömeyök. Mewö.

Isonöh börösamot memapkö qet keuñi mi qeapköyök.

²⁷ Morö nahön yahöt mietköñ asuhuba qariba ketañi ahotka Isonöh böröñan nupkö könañi törörök möt yaköba pöndañ jölömnöh malmamgö mörökmö, munñan azi böñjöhñi aka kapan köla mire malök. ²⁸ Aisaknöh arökñangö sömbupñi nemamgö möta malök.

* 25:10: Jen 23.3-16 * 25:23: Rom 9.12

Miangöra uruñan Iso gwötpuk jöpaköm wañgiba malökmö, Rebekanöñ urukönömñan Jeikob gwötpuk jöpaköm wañgiba malök.

²⁹ Nalö kunöñ Jeikobnöñ kozin memba nanñangöra nene kulun ohoi tariga datñan jölömnöhök kaba silenji lömbörri wösöñi gwötpuk alök. ³⁰ Mewö aiga Jeikobköra kewö jii mörök: “Sileni lömbörri wösöni gwötpuk aljawangöra mönö zilañ kozin kulunji pisikpisik mi niñginöñga nembu. “Miangöra qetñi Edom (pisikpisik) qetket.

³¹ Mewö jii möta Jeikobnöñ jiyök: “Datni, gi mutuk asuhunöñga miangö qetbuñagi mi mönö mutuk tököm niñginöñga nene kulun mi ölop gihibi neman.”*

³² Mewö jiiga keu kewö melen wañgiyök: “Muni mötnöñ, ni mönö kömumamgö akzal. Miangöra mutuk asuhuyalañgö qetbuñanan mönö denöwö bauköm niñgibawak?”

³³ *Mewö melen wañgiiga kewö jiyök: “Miangö keunji mi mönö mutuk jöjöpañ keunöñ jim köhöinöñga mötpi. “Mewö jiiga mi jöjöpañ keunöñ jim köhöim wañgiba mutuk asuhuyöhañgö qetbuñaji mi Jeikob tököm wañgiiga nenenöñ bohonñi meyök. ³⁴ Bohonñi memba bered aka kozin kulunji Iso wañgiiga memba wahöta kinda mosöta anök. Isonöñ mutuk asuhuyöhañgö qetbuñaji mi miangö dop möriaga eretñi ahök. Mewö.

26

Aisaknöñ Gerar taonöñ malök.

¹ Mutuk Abrahamgö nalöñe bödi asuhuyök. Mewöyök Aisakö nalöñe mi kunbuk asuhuba gölme dop köla ahöyök. Mi asuhuiga Aisaknöñ mosöta Filistin yeñgö kiñ kembu qetñi Abimelek yañgö mirinji qetñi Gerar miangöreñ anök. ² Anda maliga Kembunöñ asuhum wañgiba kewö jiyök: “Gi Ijpt gölmenöñ kude anman. Gölme ki buñagi akñapkö jim kutuyali, mönö kiangöreñ tata malman.

³ Nöñön iwigi Abrahamgöra jöhöjöhö keu wañgiba mi jöjöpañ keunöñ jim köhöiyali, mi mönö galöm kölbiga öñambuk akña. Nöñön gölme pakpak ki mi gi aka göhö gwölönarökurupki yeñgö buñaya qem engimam. Miangöra ölop gölme kiangöreñ tata kian malnöñga nöñön göbuk mala kötuetköm gihibiga malmam.* ⁴ Nöñön gwölönarökurupki ahumsehip engibiga qötöñinan suepnöñ könakembagö senjelau tat anjei, mönö mienjö dop akña. Mewö aketka gölme pakpak ki mi yeñgö buñaya qem engimam. Göhö gwölönarökurupki yeñgöreñök kungöra aka nöñgö kötumötuetnan mönö gölmegegö könagesö kambunji pakpak yeñgö qakñine öñgöiga oyaenköyaen akñe. ⁵ Nöñön kewögöra mewö akñam: Abrahamnöñ nöñgö keuni tem köla malök. Jöjöpañ keuni, jimkutukutu keuni aka köna keuni wañgiali, yañön mi pakpak wuatangöba malök.”

⁶ Anutunöñ mewö jiiga Aisaknöñ toroqeba Gerar taonöñ tata malök. ⁷ Maliga gölme miangö azinji yeñön anömñangö qesim wañgigetka kewö jiyök, “I mi nena. “Mewö jiba uruñan kewö mötmöriyök: “Rebekagö kaisoñgolomñan eksihimñambuk akzawangöra azi mienjön mönö yañgöra aka ni nuñguget kömumbilenbuk. “Mewö mötmöriba “I anömna,” mewö jimamgö kengötñi möta malök.* ⁸ Aisaknöñ miangöreñ nalö köröpñi mala kota nalö kunöñ anömñambuk susuhuba angum anguyohotka Filistin yeñgö kiñini Abimelek yañön jengenañöhök yaigep ui geiga i etkehök. ⁹ Etkeka Aisak oholi kaiga kewö jii mörök: “Mötnöñ, yañön mönö göhö anömgi akza. Mönö wuanöñgöra ‘I mi nena,’ jinöñ?” Mewö möta kewö melen wañgiyök: “Ni yañgöra aka nuñguget kömumbilenbuköra mötmöriba mewö jial.”

¹⁰ Melen wañgiiga kiñ Abimeleknöñ kewö jiyök: “Göñön mönö wani kimbua ak neñginöñe? Nöñgö aziurupni yeñgöreñök kunñan mönö amqeba göhö anömngabuk ahöbawak. Mewö asuhuiga göñön kondotnöñga siñgisöndökö keu lömbötñan mönö neñgö

* **25:31:** Mutuk asuhuyöhi, yañön munurupñi yeñgö sutñine bohonñini aiga göda qeba qetbuñaji wañgiba kalemñi kalemñi wañgiba malget. Iwinamñinan kömuyohotka buñajiri mendenjeri, nalö miangöreñ mutuk asuhuyöhañgö börösamotñi mi sömañi yahöt toroqeba wañgiget. * **25:33:** Hib 12.16 * **26:3:** Jen 22.16-18 * **26:7:** Jen 12.13; 20.2

qaknine öngöbawak.” ¹¹ Mewö jiba könagesö kambuñi pakpak yengöra jimkutukutu kewö al engiyök: “Kunñan kun azi ki me yangö anömñi mem bölim etkimawi, i mönö kömupkö buñaya jim teköinga kömuma. “Mewö.

¹² Aisakñöñ gölme miangörej nene nup köl kömöriğa Kembunöñ kötuetköm wañgiğa yambu miangörej köñi kömöri, mi 100:kö dop sehiba asuhuyök. ¹³ Mewö asuhuğa töhötmöriam ketanji ketanji miwikñaiba maliga sukinapñan toroqeba qariba öngöiga kindinbirik azi qetbuñambuk ahök. ¹⁴ Yangörej lama, meme (nonin) aka bulmakau kambuñi kambuñi mi asuhiba sehiget. Mewöñanök welenqeçeurupñi gwötpuk enğömeiga malget. Miangöra Filistin yeñon mi eka könahiba körögisigisi aka andöqeçe keu jiget. ¹⁵ Andöqeçe keu jiba iwiñi Abrahamgö welenqeçeurupñan o löm yangö nalöñe esigeri, mi pakpak gölmenöñ qem turum teköget.

¹⁶ Mewö asuhuğa kiñ Abimeleknöñ Aisaköra kewö jiyök: “Gi kukösumgabuk aka gwötpuk nenğonğizanañgöra mönö kölolohoba nenğömosöta kungen anman.” ¹⁷ Mewö jii möta gölme mi mosöta Gerar örüenöñ (ruerüenöñ) anda geba opo seri koumñi mörörengöba kuñguba miangörej tata malget. ¹⁸ Tata mala o löm iwiñi Abrahamgö nalöñe esigetmö, Abraham kömuğa Filistin yeñon qem turugeri, mi Aisakñöñ jiğa kunbuk esim luluñda möhamgöget. Möhamgögetka iwiñan o löm qetñini qeröhi, Aisakñöñ mi mewö kunbuk qerök.

¹⁹ Mewö qeriga welenqeçeurupñan örüenöñ o löm esiba mala o löm kun onji sarakñi soksököyöhi, mi miwikñaiget. ²⁰ Mi miwikñaigetmö, Gerar yengö lama bulmakau galömñinan Aisakö lama bulmakau galömurupñi yembuk könahiba anğururuk aka keu kewö jiget, “O mi nenğöreña!” Nanñambuk anğururuk keu mewö jigeranğöra aka Aisakñöñ o löm miangö qetñi Esek (Anğururuk) qerök. ²¹ Miangö andöñe o löm kun kunbuk esigetka miangöra mewöyök anğururuk aket. Mewö akeranğöra aka o löm miangö qetñi Sitna (Kerök-kerök) qerök.

²² Mewö qeta gölme mi mosöta anda o löm kun kunbuk jii esiget. O löm miangöra anğururuk keu qahö asuhuğa miangöra qetñi Rehobot (Tiñi ölöpnji) qeta keu kewö jiyök: “Merak Kembunöñ tiñi ölöpnji nenğiğa ölop gölme kiangörej mala ahumsehip akin.”

²³ Mewö jiba miangörej mala mosöta Berseba mire anök. ²⁴ Berseba aniga sunğem miangörej Kembunöñ asuhum wañgiba kewö jiyök: “Nöñon iwiği Abrahamgö Anutuñi akzal. Nöñon göbuk mala kötuetköm gihiba malmam. Miangöra kenğotki kude mötman. Nöñon nup azini Abrahamgöra aka göhö gwölönarökurupki ahumsehip enğigiba qötöñinan öngöngöñi akña.”

²⁵ Mewö jiğa Aisakñöñ jöwöwöl alta kun miangörej memba Kembugö qetñi qeta köuluköyök. Köuluköba opo koumñi mörörengöba kuñguba tata malget. Mala jiğa welen aziurupñan o löm kun miangörej esiget. Mewö.

Aisak aka Abimelek yetkön sutñire jöhöjöhö ahot.

²⁶ *Aisakñöñ Berseba maliga nalö kunöñ kiñ Abimelek yañon Gerar taon mosöta yangörej kayök. Gorojiji alañi Ahuzat aka yarö kambuñangö suahö galömñi Fikol yetkön yambuk mohotñe kaget. ²⁷ Kagetka Aisakñöñ kewö qesim engiyök: “Inini kerök möt niñgiba gölmenjineyök közöl niñgigetka töndup mönö wuanöngöra nöngörej ki kaze?”

²⁸ Qesim enğiğa kewö melenget: “Kembunöñ göbuk kinjawi, nini mi aukñe ek kutuba mötzin. Miangöra kewö mötmörizin: ‘Neñon göbuk jöhöjöhö akingö sihimnini mötzin. Ölop gi aka nenğö sutnine jöhöjöhö aka mi jöjöpañ keunöñ jim köhöininga kewö ahöma: ²⁹ Nini kahasililiñ kun qahö ak gihiinmö, nalö dop ölöpnji ak gihiba gömosöriinga luainöñ mirigi mosöta anda kaba malnöñ. Miangö dop göñon mewöñanök nini yuai bölöñi kun kude ak nenğiba malman.’ Nalö kewöñe Kembunöñ kötuetköm gihiğa maljan.”

³⁰ Mewö jigetka Aisakñöñ közölömbuañ mözözömgöba ohoba aliga nene kuluj nempa

* 26:26: Jen 21.22

tatket. ³¹ Tata ahöba söñan ömandiñe wahöta jöhöjöhöhöñini jöhöm anğuba mi jöjöpaj keunöñ jim köhöiget. Jim köhöigetka Aisaknöñ i melaim enğıiga luai çakñe mosöta anget.

³² Angetka wehön miangöreñök Aisakö welen azi yeñön kaba o löm kun esigeri, miangö kösohotñi i jigetka kewö mörök: ³³ “Nini o miwikñaizin. “Mewö jigetka möta o löm miangö qetñi Siba qerök. * Miangöra taon miangö qetñi mi nalö kewöñe mewöyök toroqeba Berseba qerakzin. Mewö.

Isonöñ kian ambi yahöt etkömeyök.

³⁴ Isonöñ yambuñi 40 aiga Hit ambi yahöt anömyahötña etkömeyök. Qetñiri Judit, iwiñi qetñi Beri aka Basemat, iwiñi qetñi Elon. ³⁵ Ambi mietköñ Aisak aka Rebeka urukömbuk aka wösöbirik keta bölökñi miwikñaim etkiba malohot. Mewö.

27

Aisaknöñ Jeikob kötuatköm wañgiyök.

¹ Aisaknöñ mala kota azi namñi aiga jeñi ömun köliga yuai kunbuk ek kutumamgö osiyök. Mewö osiba nahönñi mutukñi Iso köñ öröm wañgi kaiga kewö jii mörök: “Nahöni mötnöñ. “Mi möta kewö melen wañgiyök: “Iwini, ni ki kinjal.”

² Melen wañgiiga kewö jii mörök: “Mötnöñ, ni azi namñi aka wani nalönöñ kömumami, mi çahö mötzal. ³ Miangöra göñön ölop timbi lingipki aka kesarek gösögi memba jölömnöñ anda sömbupkö böröjañ memba qeba nöñgöreñ kaman. ⁴ Kaba nene nahömñambuk sihimnañgö dop ohoba mözözömgöba memba kaba niñginöñga nemam. Mi memba kinda kötumötuet gihimam. Mi mutuk gihibi teköiga nöñön miangö andöñe ölop kömumam.”

⁵ Aisaknöñ nahönñi Isogöra keuñi mewö jiiga Rebekanöñ mi kezap ala mörök. Möriğa Isonöñ mosöta sömbup böröjañ memba qeba iwiñi wañgimamgöra jölömnöñ anök.

⁶ Aniga Rebekanöñ nahönñi Jeikobköra keu kewö jii mörök: “Nahöni mötnöñ, Iwigan datki Isogöra keu kewö jiiga mötzal: ⁷ ‘Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kembangö jemesoholñe kötumötuet gihimam. Mi mutuk gihibi teköiga miangö andöñe ölop kömumam.’

⁸ Miangöra nahöni, kezap ölopñanök ala mötnöñ. Keu döñki jim kutum gihimami, gi mönö miangö dop akñan. ⁹ Mönö meme kambunöñ anda miangöreñök meme (noniñ) döññi kelökñambuk yahöt memba kaba niñginöñga nöñön miangöñ iwigahö sihimnañgö dop numbu nene nahömñambuk ohoba mözözömgömam. ¹⁰ Ohoba mözözömgöbiga memba anda iwiği wañginöñga memba kötumötuet gihibawak. Miangö andöñe ölop kömuma.”

¹¹ Mewö jii möta namñi Rebekagöra kewö jiyök: “Namni mötnöñ, datni Isonöñ sile jupñambuk akzappmö, nöñgö silenana solanñi akza. ¹² Iwinan ni nömisiriba mötpawak ewö, ni yanğö jemesoholñe tilipqilip azi tandök asuhubiga möt niñgibapuk. Mewö möt niñgiiga kötumötuet çahöpmö, jimçesusak örobi nani çakne öngöbapuk.”

¹³ Mewö jiiga namñan kewö jii mörök: “Nahöni, jimçesusak ghibawahi, miangöñ mönö ölop nöñgö çakne öngöma. Göñön mönö töndup keu jizali, mi möt tem köla anda yuai mi memba kanöñ.”

¹⁴ Mewö jiiga anda meme (noniñ) yahöt memba kaba namñi wañgiyök. Wañgiiga nene nahömñambuk iwiñan sihimñi mörohi, miangö dop ohoba mözözömgöyök. ¹⁵ Ohoba nahönñi mutukñi Isogö opo malukuñi ölop kötokñi opo köweñe galöm kölöhi, mi memba nahönñi könañgepñi Jeikob wañgiiga löngörök. ¹⁶ Löngöriga meme (noniñ) silenñi mi memba böröñi köpeiba jölñi solanñi esuhuyök. ¹⁷ Esuhuba nene nahömñambuk aka bered ohoyöhi, mi memba Jeikobkö böröñe alök.

¹⁸ Aliga memba iwiñanğöreñ anda “Iwini!” jiyök. Jiiga kewö melenök: “O nahöni, gi danöñ?”

* 26:33: Siba keu miangö könañi yahöt: jöjöpaj keu aka sewen. Jen 21:31

¹⁹ Mewö melenḡniga iwiḡaḡgöra kewö jii mörök: “Ni nahöḡgi mutukḡji Iso. Jim kutum niḡḡinöḡji, ni mönö miangö dop ak teközal. Ölop wahöta tata sömbupni memba kazali, mi namba kötuethöm niḡḡiman.”

²⁰ Mewö jii möta nahöḡḡji kewö qesim waḡḡiyök: “Nahöḡni, mi mönö denöwö köḡöpuḡ miwikḡaizan?” Qesim waḡḡiiga kewö melenḡök: “Anutu, göhö Kembugan mönö bauköm niḡḡiiga mi zilaḡ miwikḡaizal.”

²¹ Mewö melenḡniga Jeikobköra kewö jiyök: “Nahöḡni, gi ölna nahöḡni Iso akzan me qahö, mi mötmamgöra mönö ölop kösutne ki kanöḡga gömisirimam.” ²² Mewö jiiga iwiḡi Aisakö kösutḡe aniga misirim möta kewö jiyök: “Imbi jölḡan Jeikobkö imbia akzapmö, böröḡan Isogö böröḡji ewö.” ²³ Böröḡji jupḡambuk datḡi Isogö börö tandök ewö ahöḡaḡgöra Aisakḡöḡ i qahö möt kutum waḡḡiba kötuethöm waḡḡimamgöra ahök. ²⁴ Töndup kunbuk kewö qesim waḡḡiyök: “Gi ölna nahöḡni Isoya me qahö?” Qesim waḡḡiiga kewö melenḡök: “Ni mönö Isoya.”

²⁵ Mewö melenḡniga kewö jiyök: “Nahöḡni, ölop sömbupki tosatḡi niḡḡinöḡga namba kötumötuethni gihimam. “Mewö jiiga mi waḡḡi neyök. Neiga wain o tosatḡi mohotḡe mokoba waḡḡi neyök. ²⁶ Namba kinda nahöḡḡaḡgöra kewö jii mörök: “Gi ölop kösutne kaba numbuni yöhötim neman.”

²⁷ Mewö jii möta kösutḡe anda numbunji yöhötim neyök. Neiga opo malukuḡaḡgö wöronḡji möta kötuethöm waḡḡiba kewö jiyök: “Aha nahöḡni, Kembunöḡ urukisigö jölöḡḡji kötuethöi ahözawi, nöḡḡö nahöḡaḡgö sile qösösökḡi ölopḡan mönö mi ewö aiga mötzal.* ²⁸ Anutunöḡ mönö suepkö umjijilḡi aka gölmegö töhötmöriamḡji tököm gihiiga yaka yöhagi, sehoḡ padigi aka wain o yuaigi mi önöḡi qahö asuhum sehime. ²⁹ Kantrḡji kantrḡji yeḡön mönö welen qem gihiba malme. Köḡagesö kambunji kambunji yeḡön mönö simin köl gihiba malme. Göḡön mönö nani nahöḡnurupni mi kembu ak eḡḡiba malman. Namgahö nahöḡnurupḡan mönö simin köl gihiba malme. Kunḡan qesuahöm gihimawi, qesuahöḡ mönö yaḡḡö qakḡe öḡḡöma. Kunḡan kötuethöm gihimawi, kötumötuethnöḡ mönö yaḡḡö qakḡe öḡḡöma. “Mewö.*

Isonöḡ iwiḡan kötuethöm waḡḡimapköra ulerök.

³⁰ Aisakḡöḡ Jeikob kötuethöm waḡḡim teköiga iwiḡaḡgö miri urunji mosöta yaigep aniga wölaḡ miangöreḡök datḡi Isonöḡ böröḡan mali teköiga mire kayök. ³¹ Kaba yaḡön mewöyök nene nahöḡḡambuk ohoba mözözömgöba memba kaba iwiḡi waḡḡiba kewö jiyök: “Iwini, ölop wahöta tata sömbupni tosatḡi namba kötumötuethni niḡḡiman.”

³² Mewö jiiga iwiḡi Aisakḡöḡ kewö qesim waḡḡiyök: “Gi daḡön?” Qesim waḡḡiiga kewö melenḡa jiyök: “Ni nahöḡgi mutukḡji Iso.” ³³ Mewö jiyöḡaḡgöra Aisakḡöḡ töwöratiba sile jönöḡḡji gwötpuk unduiga kewö jiyök: “Gi qahö kanöḡga miangöreḡ böröḡan azi kunöḡ sömbup memba kaba niḡḡiyöhi, mi mönö daḡön? Yaḡön mi niḡḡiiga namba kötumötuethni lök waḡḡim teközal. Mi waḡḡim teközalaḡgöra mianöḡ mönö ölna yaḡḡö qakḡe ahöm öḡḡöma.”

³⁴ Isonöḡ iwiḡaḡgö keu jitḡi mi möta urukömbuk aka amburereḡ memba silata sahöta iwiḡaḡgöra kewö ulerök: “Iwini, nia mönö mewöyök kötuethöm niḡḡinöḡ.”

³⁵ Mewö ulerökmö, iwiḡan melenḡa jiyök: “Mungan mönö tilipqilip qakḡe kaba göhö kötumötuethni taköba memba anja.”

³⁶ Mewö jiiga Isonöḡ kewö jiyök: “Munan mönö indimḡji yahöt tilipköm niḡḡiiga maljal: Yaḡön mutuk asuhualaḡgö qetbuḡaḡji mi mutuk noaḡḡit teköyök aka merak nöḡḡö kötumötuethni mi mewöyök taköba noaḡḡita meza. Mianḡöra qetḡi Jeikob (tilipqilip azi) qerakzini, mi mönö dopḡe akza. Kötumötuethni kun mönö nöḡḡöra ahöm gihiza me qahö?”*

³⁷ Mewö jiiga iwiḡan Isogöra kewö melenḡök: “Mötnöḡ, nöḡön mungi göhö azi kembugi malmapköra kuḡḡum waḡḡizal. Tinitosolomurupḡi pakpak yeḡön i welen qem waḡḡiba

* 27:27: Hib 11.20 * 27:29: Jen 12.3 * 27:36: Jen 25.29-34

malmegöra jim kutum engizal. Yaka yöha, sehoj padi aka wain o yuai mi lök jim teközalawa Anutunöj mi wanğiba malma. O nahöni, wanat kötümötuetna kun toroqeba ahöm niñgizawa mia gihibileñak? Mi mönö osizal.”

³⁸ Mewö melenğa iwiñangöra kewö jiyök: “O iwini, kötümötuet mohok-kun miyök mönö ahöm gihiza me denöwö? O iwini, mönö nia kun kötuetköm niñginöj. “Mewö jiba könahiba silata sahörök.*

³⁹ Sahöriga iwiñan kewö melenğa jiyök: “Mötnöj, göñön mönö gölme töhötmöriamñambuk mosöta köröwen anda malman. Miangörej suepkö umjijilñi mi könakembayök qahö erakña.

⁴⁰ Gi bimgö sou ketañi miangön ambazip lañ enguba malmalgi angön köla mungahö welenqeçerji eretñi aka malman.

Mewö malmanmö, kekelolo aka çetal wanğiba nalö miangörej karim aka yanğö galöm kölkölñi qeköba yaköriba nangi kinkin malman.”**

⁴¹ Iwiñan Jeikob kötümötuetñi wanğiyöhi, Isonöj miangöra aka könahiba munñi uruönön möt wanğiba malök. Nanñi uruñan mewö möta alañi kungöra kewö jiyök: “Iwinirangö kömupñangö nalöñan töriza. Yanğön kömuiga sahöt jingej nalöje miangörej ölop muni Jeikob qebi kömuma.”

⁴² Isogö mötmötñe mewö ahuiga kunöj miangö buzupñi möta Rebekagörej anda jii möta nahönñi könañgeñi Jeikobköra keu ali anda wanğita kaiga kewö jiyök: “Mötnöj, datki Isonöj mönö likepñi melenği qake öngöiga guhui kömumangö mötmöriza.

⁴³ Mewögöra nahöni, nöñön keu jimami, mi mönö tem kölman. Mönö döлки wahöta ölöñ köla Haran mire neni Labangörej anman. ⁴⁴ Anda yambuk nalö tosatñi toroqeba malnönga datkahö urupikñan amörima. ⁴⁵ Uruönönñi amöriba eriga yuai ak wanğinöñi, mi ölum qeigun nöñön miangö andöñe göhöra keu albi kaiga goañgita kame. Yanğön guhui kömunönga kunñan i qei kömumbapuk. Mönö wanigöra nalö mohok miangörejök öröröñ qahöwahotka etkömosötpileñbuk. “Mewö.

Aisaknöj Jeikob melaiğa Labangörej anök.

⁴⁶ Rebekanöj apñi Aisakörej anda kewö jiyök: “Nöñön iranyahötni Hit ambi yetköra aka toroqeba malmangö ölan nöhöi sihimbölo mörakzal. Jeikobnöj mewöyök Hit yengö böraturupñini yengörejök kun iranyahötniri ewö anömña membapuk. Gölme kianğörej asuhugeri, yengö silikñinan mönö mewöyök ahöza. Mewöñi kun memba kabapuk ewö, nöñön mönö malmalni wuanöngöra toroqeba malbileñak? Sihimbölonan mönö toroqeba önöñi qahö akapuk. “Rebekanöj mewö jiyök.

28

¹ Mewö jiiga Aisaknöj Jeikob köl öroi kaiga kötuetköba kewö jim kutum wanğiyök: “Nahöni, gi Keinan yengö nenböratñini yengörejök kun anömgi kude meman. ² Mewö qahöpmö, mönö wahöta Mesopotemia (Padan Aram) gölmenöj anda namğahö iwiñi Betuel yanğö mire angota ehongi Labangö böraturupñi yengörejök kun anömga meman. ³ Anömgi menönga Anutu, kukösum pakpakö Toñan mönö gi kötuetköba ahum sehip gihiiğa gwölönarökurupki yengö qötöñinan sehiğa könagesö kambu gwötpuk miengö iwi bömönñina akñan. ⁴ *Anutunöj mönö gi aka gwölönarökurupki iñini Abrahamgö kötümötuetñi mi toroqeba engima. Mewöyök gölme asagi Abraham wanğiiğa göñön miangörej kian aka maljani, mi buña qem angume.”

⁵ Mewö jiba Jeikob melaiğa mosöta Mesopotemia (Padan Aram) gölmenöj Labangörej anmangöra anök. Laban mi Aram azi Betuelgö nahönña aka Jeikob aka Iso yetkö namñiri Rebeka yanğö nenña malök. Mewö.

* 27:38: Hib 12.17 * 27:40: Hib 11.20 * 27:40: Jen 36.8; 2 Kin 8.20 * 28:4: Jen 17.4-8

Isonöŋ kakasun ambi kun meyök.

⁶ Aisaknöŋ Jeikob kötuetköba anömŋi memangöra Mesopotemia gölmenöŋ melaiyöhi, mi Isonöŋ mörök. Kötuetköm waŋgiba kewö jim kutum waŋgiyök: “Gi Keinan yeŋgö nenböratŋini yeŋgöreŋök kun anömgi kude meman.”

⁷ Mewö jim kutuiga iwinamŋi yetkö keu jit tem köla mosöta Mesopotemia (Padan Aram) gölmenöŋ anöhi, Isonöŋ mi mewöyök mörök. ⁸ Mi möta iwiŋi Aisaknöŋ Keinan ambi tököba möt bölim aŋguba malöhi, Isonöŋ mi eka möt kutuyök. ⁹ Mi möt kutuba iwiŋaŋgö jeŋe dop kölmaköra asaŋi Abrahamgö nahönŋi Ismaelnöŋ kömuiga yaŋgö mire anda bōratŋi Malahat, Nebaiotkö nenŋi mi meiga anōmurupŋi karōbut aket. Mewö.

Jeikobnöŋ Suepkö döŋŋi gaunöŋ ehök.

¹⁰ Jeikobnöŋ mewö Berseba miri mosöta Haran mire anmamgö anök. ¹¹ Anda mala gölme kunöŋ aŋgota wehön jeŋi geyöhaŋgöra aka miangöreŋ köt tatkeri, miengöreŋök kun memba nörop qömböŋi qeba suŋgem gaun ahöyök. ¹² Gaun ahöba miangöreŋ imut kun kewö ehök: Döp kungö kitipŋi gölmenöŋ algetka qak kitipŋi mi Suepnöŋ öŋgöba kuŋguba kiniga Anutugö garataurupŋi yeŋön miangöreŋ tiba öŋgöm et aket.*

¹³ Mewö aketka Kembunöŋ yaŋgö kösutŋe kinda keu kewö jii mörök: “Nöŋön Kembu, asagi Abrahamgö Anutuŋi aka iwiŋi Aisakö Anutuŋi akzal. Gölme ki ahözani, nöŋön mi gi aka göhö gwölönarökurupki engö buŋaya qem engimam.* ¹⁴ Göhö gwölönarökurupki yeŋön ahumsehip aketka jaŋgöŋinan gölmegö sömsöm ewö akŋa. Mewö aiga jula deŋda gölme wehön kotkotŋe aka gegeŋe, Saut likep aka Not likep, eu aka emu miangöreŋ göröken dop köla anda malme. Göhöra aka göhö gwölönarökurupki yeŋgöreŋök kungöra aka nöŋgö kötümötuetnan mönö gölmegö könagesö kambuŋi pakpak yeŋgö qakŋine öŋgöiga oayenköyaen akŋe.* ¹⁵ Mötnöŋ, nöŋön göbuk mala denike denike anda kaba malmani, miangö dop mönö sel jöhöm gihiba mal öŋgöba goaŋgitpiga gölme kiangöreŋ kunbuk lilingöba kaman. Nöŋön gi qahö gömosöta keu jim jöhöm giŋhali, miangö dop akiga öŋŋi asuhum teköma.”

¹⁶ Mewö jiiga Jeikobnöŋ gaun uruŋeyök imbiŋi möta wahöta kewö jiyök: “Kembunöŋ mönö öŋŋa gölme kiangöreŋ maljapmö, nöŋön mi mutuk qahö mötzal.” ¹⁷ Mewö jiiga jönömŋi unduiga keu kewö jiyök: “Gölme ki mönö kömbukŋi aka keŋgötmötmötŋambuk akza. Kianön mönö öŋŋa Anutugöreŋ tatat dundumŋi aka Suepkö nanŋuŋi akza.”

¹⁸ Mewö jiba miri gianjiiga söŋanök wahöta köt qömböŋi qeba ahöyöhi, mi memba wahöta jabö mötök ewö kuŋguba qakŋe kelök o mokoba miriyök. ¹⁹ Miriba gölme miangö qetŋi Betel (Anutugö miriŋi) qerök. Mutuk taon miangö qetŋi mi Luz qeta malget. ²⁰ Jeikobnöŋ gölme miangö qetŋi döläkŋi Betel qeta keu kewö jim jöhöba jöjöpäŋ keunöŋ jim köhöiyök: “O Anutu, göŋön nömbuk mala köna ki anda malmami, miangöreŋ nek galöm ak niŋgiba numbu neneŋamni aka silenangö esuŋi miwikŋaim niŋginöŋga ²¹ öläp luai qakŋe iwinangö mire kunbuk lilingöba kamam ewö, nöŋön mönö göhö jitsihitki tem köla malbiga göŋön nöŋgö Kembu Anutuni aka malman.

²² Köt ki memba wahöta jabö ewö mötök kuŋguzali, miangön mönö göhö tatat dundumgi ahöiga yuai pakpak tököm niŋgiba malmani, nöŋön mi öŋŋa mendeŋbiga kambu 10 aketka miengöreŋök mohok mohok memba kalema gihiba malmam. “Mewö.

29

Jeikobnöŋ Labangö mire aŋgorök.

¹ Jeikobnöŋ mewö jiba mosöta könaŋi toroqeba anda wehön kotkotŋaŋgö könagesö yeŋgö gölmenöŋ aŋgorök. ² Miangöreŋ aŋgota gölme köröŋe o löm kun ehök. Miri toŋi yeŋön lama kambuŋini enŋuaŋgita miangöreŋ o enŋgiba malget. Nalö miangöreŋ o löm miangö kösutŋe lama kambu karōbut ahögetka o löm numbuŋaŋgö kötŋi ketanŋi mi qahö

* 28:12: Jon 1.51 * 28:13: Jen 13.14-15 * 28:14: Jen 12.3; 22.18

metalget. ³ Lama galöm yeñön mutuk lama kambuñini pakpak miangöreñ tokom engiba köt mi o löm numbuñeyök gwililöngöba lamaaurupñini o engiget negetka köt mi kunbuk dundumñe köla malget.

⁴ Jeikobnöñ lama galöm mi kewö qesim engiyök: “Azi alaurupni, inini denikegöra?” Qesim engiiga “Nini Harangöra,” mewö melen wangiget.

⁵ Melen wangigetka kewö qesim engiyök: “Inini Nahorgö isiñi Laban möt wangize me qahö?” Qesim engiiga “Ölöp möt wangizin,” jiget.

⁶ Jigetka kewö qesim engiba jiyök: “I ölöp malja me qahö?” Mewö jiiga kewö jiget: “I ölöp malja. Eknöñ, yangö bōratñi Reizölnöñ mönō endu lama enɣuaŋgita kaza.”

⁷ Mewö jigetka Jeikobnöñ jiyök: “Eket, wehön ketañi ahöiga lama mi sunɣemgöra tokom engibingö nalöñan qahö töriza. Miangöra ölöp lamanñini o engiget negetka kunbuk enɣuaŋgita malmalñine anda al engigetka nenenamñini neme.”

⁸ Mewö jiiga kewö melenget: “Mewö ölöp qahö akin. Mutuk lama kambu pakpak tokom engiba köt mi o löm numbuñeyök gwililöngöbagun mönō lamaaurupñini o enɣiinga neme.”

⁹ Jeikobnöñ yembuk keu mewö eraum-möta kingetka miangöreñök Reizölnöñ iwiñangöreñ lama kambuñi enɣuaŋgita kayök. Reizöl yañön lama galöm nup memba malök. ¹⁰ Kaiga Jeikobnöñ ehonñangö bōratñi Reizöl aka ehonñangö lama kambuñi enɣeka o löm numbuñe anda köt mi metala ehonñi Labangö lamaaurupñi o engiyök. ¹¹ Enɣim teköba Reizöl numbu yöhötīm namba könahiba köhöikñi qeta sahöörök.

¹² Sahöta Reizölgöra jiyök: “Ni göhö iwigahö tinitosolomñi akzal. Ni Rebekagö nahönña. “Mewö jiiga Reizölnöñ möta ösumñan kiñkingöba iwiñangöreñ anda buzup mi jii mörök. ¹³ Labanöñ nenñangö nahönñi Jeikobkö buzupñi möta i ösumok miwikñaimamgöra anök. Anda miwikñaiaba eka aŋgöm wangiba numbuñi yöhötīm namba wangita miriñe öngöyohot. Öngöba yuai pakpak asuhuyöhi, Jeikobnöñ miangö kösohotñi jii mörök. ¹⁴ Mi möta kewö jiyök: “Ölöp, göñön nani sepkitipni akzan. “Mewö jiiga köiñ mohotkö dop yambuk tata malök. Mewö.

Jeikobnöñ Lea aka Reizöl anömyahötña etkömeyök.

¹⁵ Mewö maliga Labanöñ Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop köлма. Miangöra töwagi dawik memangö mötzani, mi ölöp jinöñga mötmam.” ¹⁶ Labangö bōratyahötñi yahöt malohot. Ketañangö qetñi Lea. Munñangö qetñi Reizöl. ¹⁷ Leagö jeñan eksihimñambuk ahökmö, Reizölgö silenangö kaisongolomñi aka jemesoholñi mi körek eksihimñambuk kötökñi ahök.

¹⁸ Jeikobkö urusihimñi mi Reizölgöreñ ahöyohangöra aka keu kewö jiyök: “Nöñön bōratki könañgepñi Reizöl memamgöra ölöp yambu 7 welen qem gihiba malmam.”

¹⁹ Mewö jiiga kewö jiyök: “I azi murutñi kun wangibiga qahö dop kölbapukmö, gi ghibiga dop köлма. Miangöra ölöp nömbuk ki malman.” ²⁰ Mewö jiiga Reizöl memamgöra yambu 7 welen qem wangiba malök. Urusihimñan Reizölgöra ahöhangöra aka yambu miengö möriga wehön awamñi tandök ahök. Mewö.

²¹ Yambu 7 teköiga Jeikobnöñ ehonñi Laban kewö jii mörök: “Nöñgö nup meme nalöñan lök teközawañgöra ölöp anömni Reizöl niñginöñga yambuk ahöba malmam.” ²² Labanöñ keu mi möta miri toni pakpak öröm tokom engiba lömbuan aliga nem söñgaip aket. ²³ Mi aket teköiga miri söñauiga Labanöñ bōratñi Lea wangita anda Jeikob wangiiga miri uruñe öngöba mohotñe ahöyohot. ²⁴ Labanöñ welen ambiñi qetñi Zilpa mi bōratñi Leagö welenqeqeña malmapköra wangiyök. ²⁵ Mohotñe ahöyohotka miri gianjiiga Jeikobnöñ anömñi eka möri Reizöl qahöpmö, i Lea aiga yöwöñangöreñ anda kewö jim wangiyök: “Gi mönō wani kimbia ak niñgizane? Ni Reizöl memamgöra welen qem gihiba malmam, gi mönō wuanöngöra tilipköm niñgizan?”

²⁶ Mi möta melenḁa kewö jiyök: “Gölme kianḁoreḁ datḁi öne maliga munḁan azi memapkö ahakmemenḁi mi nenḁoreḁ qahö ahöza. ²⁷ Mianḁöra ölop maren sösongai mi Leabuk sonda mohotkö dop mal songainöḁ teköiga munḁi mewöyök gihimam. I memangöra mönö mewöyök yambu 7 toroqeba welen qem niḁgiba malman.”

²⁸ Mewö jiiga urumohot aka Leabuk maren sösongai nalö mi sonda mohotkö dop mali teköiga Labanöḁ böratḁi Reizöl mewöyök anömḁi akḁapköra waḁgiyök. ²⁹ Labanöḁ welen ambini qetḁi Bilha mi böratḁi Reizölgö welenqeqeḁa malmapköra waḁgiyök. ³⁰ Jeikobnöḁ Reizöl i mewöyök anömḁa meyök. Urusihimḁan Reizölgöra ahöyohaḁgöra aka Reizöl mi Lea oḁgita jöpaköm waḁgiba malök. Mianḁöra yambu 7 toroqeba Laban welenḁi qem waḁgiba malök. Mewö.

Jeikobkö moröurupḁi asuhuget.

³¹ Jeikobkö uruḁan Leagö gwötpuk qahö ahöiga boromdökḁi tököiga Kembunöḁ ehi qahö dop köliga Lea gölöm almapköra bauköm waḁgiyökmö, munḁi Reizölnöḁ köpinḁa malök. ³² Leanöḁ köröbuk aka mala morö azia memba keu kewö jiyök, “Kembunöḁ tapötkokorokni ehiga apnan ölop könahiba jöpaköm niḁgiba malma. “Mewö jiba qetḁi mianḁö dop Ruben qerök. (Ruben Tapötkokorokni ehök.) ³³ Könaḁep kunbuk körö ala morö azi kun memba keu kewö jiyök: “Apnan boromdökḁi jöpaköm niḁgiiga Kembunöḁ mi möta morö ki mewöyök niḁgiza. “Mewö jiba qetḁi mianḁö dop Simeon qerök. (Simeon Kezapḁan mörök.)

³⁴ Mianḁö andöḁe kunbuk körö ala morö azi kun memba keu kewö jiyök: “Ni nahönurupḁi karöbut apnaḁgöra mealanḁöra yaḁön mönö könahiba uruḁi nömbuk jöhöma. “Mewö jiba qetḁi mianḁö dop Liwai qerök. (Liwai Uruḁi jöhöma.) ³⁵ Mianḁö andöḁe dumḁe kunbuk körö ala morö azi kun memba keu kewö jiyök: “Nöḁön nalö kewöḁe Kembu möpöseizal. “Mianḁöra qetḁi mianḁö dop Juda (möpöseip) qerök. Mianḁö andöḁe morö kunbuk qahö meyök. Mewö.

30

¹ Reizölnöḁ köpinḁi mala Jeikobköra nahönbörat kun qahö memba nanḁi könaḁi mewö eka datḁi Lea andö qeba uruḁan mututqutut möta Jeikobköra keu kewö jiyök: “Gi mönö morö qiwikḁainöḁ. Mi qahö qiwikḁainöḁga nöḁön mönö malmamgö osiba kömumam.”

² Mewö jiiga Jeikobnöḁ irimḁi seholiiga uruönön möt waḁgiba kewö jiyök: “Ni mönö morö denöwö qiwikḁaibilenak? Anutunöḁ gi morö memangö jöhöm gihiba malökmö, nöḁön Anutuya qahö.”

³ Mewö jiiga Reizölnöḁ kewö jiyök: “Nöḁgö welen ambini Bilha mi ki. Ölop yambuk ahönöḁga nöḁgöra morö mema. Yaḁön nam köliga nöḁön mewöyök yaḁgöreḁök nahönbörat miwikḁaim eḁgiba namḁini aka malmam.” ⁴ Mewö jiba welen ambini Bilha waḁgiiga anömḁa memba yambuk ahöyök. ⁵ Ahöiga Bilhanöḁ gölöm ala Jeikobkö nahönḁi meyök. ⁶ Nahönḁi meiga Reizölnöḁ kewö jiyök: “Anutunöḁ kewöt niḁgii dop kölbiga köuluk keuni möta morö azia niḁgiza. “Mianḁöra qetḁi Dan qerök. (Dan Kewöt niḁgii dop köljäl.) ⁷ Reizölgö welen ambini Bilha yaḁön kunbuk gölöm ala Jeikobkö nahönḁi kun meiga yahöt ahök.

⁸ Mewö meiga Reizölnöḁ kewö jiyök: “Datnambuk gwötpuk aum-möriba luhut aljal. “Mewö jiba mianḁö dop morö qetḁi Naftali (Aum-mörial) qerök. ⁹ Leanöḁ kunbuk gölöm qahö ala mi eka mianḁöra nanḁi welen ambini qetḁi Zilpa memba Jeikob waḁgii anömḁa ahök. ¹⁰ Anömḁa aka Jeikobkö morö azia meyök. ¹¹ Meiga Leanöḁ “Simbawoḁ!” jiba qetḁi Gad (simbawoḁ) qerök. ¹² Zilpa, Leagö welen ambini mianḁön Jeikobkö nahönḁi kun kunbuk meiga yahöt ahök.

¹³ Mewö aiga Leanöḁ keu kewö jiyök: “Nöḁön uruölöwak ketanḁi mötzal. Ambi yeḁön mönö nöḁgöra oyaenḁoyaen qeta malme. “Mewö jiba mianḁö dop morö qetḁi Aser qerök.

(Aser Oyaen)koyaen qetme.) ¹⁴ Witnön öliiga yandiyandi nalöje sömañi kunön Rubenön yaigep anda gölme köröje asagwalim amöt * miwikñaiyök. Amöt mi miwikñaiiba memba kaba namñi Lea wañgiyök. Wañgiiga Reizölnön datñañgöra kewö jiyök: “Göhö nahöngan amöt memba kazawi, miangö tosatñi mönön niñginönga nembu.”

¹⁵ Mewö jiiga Leanön kewö jiyök: “Göñön apni noañgitnönga dop kölmapak mötmörialmö, gi mönön nahönañgöreñ asagwalim amöt ki mewöñanök noañgitmamgö mötzan. Mi qahö dop kölja. “Mewö jiiga Reizölnön kewö jiyök: “Ölöp! Nahöngahöreñ amöt mi niñgiman ewö, mönön ölöp Jeikobpuk sungem ki ahömahot.”

¹⁶ Mewö jiiga Jeikobnön mare miangöreñ nup mosöta kaiga Leanön anda miwikñaim wañgiba kewö jiyök: “Nöñön nahönañgöreñ asagwalim amöt mianön lök göhö söngörögi mezal. Miangöra mönön nömbuk ahöbit. “Mewö jiiga Jeikobnön sungemñi miangöreñ yambuk ahöyohot.

¹⁷ Yambuk ahöyohotka Anutunön Leagöreñ keu köulukñi möriga gölöm ala Jeikobkö nahönñi 5:ñi meyök. ¹⁸ Mi memba keu kewö jiyök: “Nöñön welen ambini mi apni wañgialañgöra Anutunön miangö töwañi ki niñgiza. “Mewö jiba miangö dop qetñi Isakar (töwa) qerök. ¹⁹ Miangö andöje Leanön kunbuk gölöm ala Jeikobkö nahönñi 6:ñi meyök. ²⁰ Mi memba keu kewö jiyök: “Anutunön kalem qetpuk niñgiza. Apni Jeikobkö nahönurupñi 6 mealañgöra yañön mönön pöndañ nömbuk mala qetbuña niñgiba malma. “Mewö jiba miangö dop morö qetñi Zebulun qerök. (Zebulun qetbuña) ²¹ Nalö tosatñi teköiga Leanön morö börat memba qetñi Daina qerök.

²² Anutunön dumje Reizöl mewöyök mötmörim wañgiba keu köulukñi möta gölöm almangö bauköm wañgiyök. ²³ Bauköm wañgiiga gölöm ala morö nahön kun memba keu kewö jiyök: “Anutunön gamuni meköza.”

²⁴ Mewö jiba toroqeba kewö jiyök: “Kembunön mönön nahöni kun toroqeba niñgima. “Mewö jiba miangö dop morö qetñi Josef (Toroqeba niñgima.) qerök. Mewö.

Jeikobkö lama kambuñan sehiyök.

²⁵ Reizölnön nahönñi Josef meiga miangö andöje Jeikobnön Labangöra kewö jiyök: “Ni nani miri gölmene anmamgö mötzal. Miangöra ölöp melaim niñginönga lilingöba anmam.

²⁶ Anöm moröurupni kiengöra aka göhö welengi qeba malali, mönön i niñginönga mohotje köna anbin. Nöñön nup gwötpuk ketañi memba malali, mi nangak ölöp mötzan.”

²⁷ Mewö jiiga Labanön kewö jiyök: “Gi möt ölöwak niñgizan ewö, mönön ölöp ki malman. Kembunön göhöra aka ni kötuatköm niñgiba malöhi, nöñön unju qebiga keu mewö asuhui mötzal.”

²⁸ Mewö jiba toroqeba kewö jiyök: “Mönön nupkahö töwañangö jañgöni jinönga söngöröñi mi ölöp gihimam.” ²⁹ Mewö jiiga Jeikobnön kewö jiyök: “Nöñön göhö welengi denöwö qeba mala göhö mirigö sömbup kambuñi kambuñi galöm kölm engibiga qarigeri, mi nangak ölöp mötzan. ³⁰ Mutuk ni ki qahö kabiga miangöreñ sömbup yuaigi gwötpuk qahö ahöm gihiyökmö, mianön mönön ni kabiga nalö miangöreñ sehiba jesöngö akze. Ni denike denike anda kayali, miangöreñ Kembunön kötuatköm gihiiga malnön. Mewö malnönmö, ni mönön wani nalönön ölöp nani könagesöurupni nañgöm engimangöra aka nup yuai könahiba membilenjak?”

³¹ Mewö jiiga Labanön kewö qesiyök: “Ni mönön wania gihibilenjak?” Mewö qesiiga Jeikobnön melenja kewö jiyök: “Yuai kun kude niñgimanmö, yuai mohot ki nöngöra akñan ewö, ni ölöp toroqeba göhöreñ lama kambuñi kambuñi mi köyan köla jegalöm ak engiba malmam. ³² Ni ölöp göhöreñ lama aka meme kambugi pakpak mi merak engkek kewötmam. Mi kewöta lama moröñi baröm pakpak aka meme (noniñ) dömnöni tiktokñinambuk aka kulemñini diriweñ, soño me koromböñi mi pakpak mendenja nanñini tokom enggiman. Mienön ölöp nup memba malalangö töwani akje. ³³ Könañgep

* **30:14:** Ambi yeñön asagwalim amöt memba amqeba gölöm albingö akeri, mewö möt nariget.

nupnanğö töwani, lama aka meme mi enğek kewötmangöra kabanak, nalö mianğoreñ uruni diñdinanğö könanı mi amqeba kewö miwikñaiman: Meme (nonin) tiktokñini qahö aka diriweñ, soño me korombonğı qahö mi pakpak aka lama baröm qahö pakpak nõnğö kambunöñ kinmei, mi nõñön yonğorö meal, mewö möt kutuman.”

³⁴ Mewö jiiga Labanöñ kewö melenök: “Ni ölop urumohot akzal. Keu jizan ewö köna mi ahöma.” ³⁵ Mewö melenđa silim mianğoreñök Labanöñ meme (nonin) aziñi kulemñini jinjalalan aka diriweñ soño me korombonğı aka meme ambiñi pakpak kulemñini tiktokñinambuk aka diriweñ soño me korombonğı me sile jupñine yuai tuatñi taröhi, mi pakpak aka lama moröñi baröm pakpak mi kewöta meköm enğiba nanñi nahönurupñi yengö böröñine al enğiyök. ³⁶ Labanöñ mi al enğiba yembuk Jeikobköreñ lama aka meme kambu mi enğuanğita silim karöbut anangö dop anda mianğoreñ malget. Köröwen mewö malgetka Jeikobnöñ toroqeba Labangöreñ lama aka meme kambuñi kambuñi mi galöm köl enğiba malök.

³⁷ Mewö mala sau, kömin aka kuñgam ip miengö böröñini gwölögwölö kutuba memba silenini jölanjölan (jöranjöran) köndölatiiga sutñe sutñe tuariiga jinjalalan ahök. †

³⁸ Mewö aiga ip böröñini köndököndölatiñi mi memba sömbup yengö o joutñini pakpak mianğoreñ aliga o nembangöra kagetka wösöñineyök ahöyök. Mewö ahöiga lama aka meme kambu yeñön aziñan enğualöñmegö sihim könöpñi möta o nembangöra kaba miwikñaiaba eket. ³⁹ Mewö eka meme aziñi yeñön ip böröñi miengö kösutñine ambiñi enğualöñget. Mewö enğualöñgetka gölöm ala malgeranğöra moröurupñini jinjalalan, tiktokñinambuk aka diriweñ, soño me korombonğı mi enğömemba malget.

⁴⁰ Mewö malgetka Jeikobnöñ lama aka meme (nonin) moröñi mewöñi mi kewöta mendeñ enğiba nanñök nanñök kambu köl enğiyökmö, sömbup ketanñi mi arengöm enğiiga jeñini Labangöreñ sömbup baröm aka kimbiñini tiktokñinambuk yengöreñ göröken uba kinget. Mewö aka nanñanğöra lama aka meme (nonin) kambuñi kambuñi meköba miwikñaim enğiyök. Mi miwikñaiaba jöhöm enğiiga Labangö lama kambunöñ qahö anda toroqem enğiget.

⁴¹ Sömbup ambiñi köhöikñi yeñön aziñan enğualöñmegö sihim könöpñi mötketka Jeikobnöñ nalö dop mianğoreñ ip böröñi mi o joutnöñ alök. Mianğöra sömbup aziñi yeñön kaba mi wösöñine miwikñaiaba eka kösutñe mianğoreñ ambiñi mi enğualöñđa malget.

⁴² Mewö malgetmö, sömbup ambiñan ösumñini eretñi aket ewö, yanñön ip böröñi mi yengö wösöñine qahö ala malök. Mewö aka maliga sömbup ösumñini eretñi mienñön Labangöreñ kambunöñ toroqetgetka ösumñini köhöikñi yeñön Jeikobkö kambunöñ anda toroqetget. ⁴³ Jeikobnöñ mewö aka kindinbirik azi qetbuñanambuk aka töhötmöriam miwikñaiyök. Lama aka meme kambu gwötpuk buña qem anğuba welenqeçe ambazip enğuanğiriga kamel aka donki kambuñi kambuñi asuhum sehigetka tonñini ahök. Mewö.

31

Jeikobnöñ Laban mosöta ölöñ köla anök.

¹ Labangö nahönurupñan keu kewö jigetka Jeikobkö kezapñe geiga mörök: “Iwininan yuai buña qeba malöhi, Jeikobnöñ mi pakpak kalöpköba könjörata anğön kölök. Iwininanğö sukinapñi galöm köla mianğoreñök inapñi pakpak mi nanñanğöra miwikñaiaba kindinbirik akza.” ² Keu mi mörök aka yöwönanğö jemesoholñi eka kewö möt asariyök: “Labanöñ mutuk ala ölopñi ak niñgiba mala korökmö, mewö qahö toroqeba aka malja.”

³ Mewö möt asariiga Kembunöñ Jeikob kewö jii mörök: “Göñön mönö lilingöba iwiasaurupki yengö gölmenöñ anda tinitosolomurupki yembuk malman. Anda malnönğa nõñön göbuk kindi malmam.”

† **30:37:** Ip böröñi mi selğöra qahö alök. Mewöyök tiripqözölqözöl me jinan akñamğöra qahö. Anutunöñ yauen aka sunja jinan akingöra qahö jiyökmö, Jeikobkö uruñan diñgiiga tem köla malöhanğöra töhötmöriamğö könanı mewö kusum wanğiyök.

⁴ Jeikobnön keu mi möta Reizöl aka Lea yetköra keu ali aniga gölme köröje lama kambuñi kambuñi galöm köl enjyöhi, miangörej kayohot. ⁵ Kayohotka kewö jii mörohot: “Nöñön iwinirangö jemesoholñi eka kewö möt asarizal: Yañön mutuk ala ölopñi ak niñgiba mala korökmö, mewö kunbuk qahö aka malja. Iwinangö Anutuñan mönö töndup nömbuk kinda mala korök. ⁶ Ni ösumni pakpak qezaköba miangö dop iwinjiri welen qem wangiba mala korali, injiri mi ölop mötzahot.

⁷ “Mewö malalmö, yañön isimkakalek qakñe ak niñgiba mala nupnangö töwanji mi sömañi 10:gö dop utekutek ala malök. Mewö ak niñgiba malökmö, Kembunön angön köl wanjiiga genmororon kun qahö ak niñgiiga malal. ⁸ Nalö kunön kewö jiyök, ‘Lama aka meme (nonin) tiktokñinambuk asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini tiktokñinambuk engömeget. Nalö kunön kewö jiyök, ‘Lama aka meme (nonin) jinjalalan asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini jinjalalan engömeget. ⁹ Anutunön mewö aiga asuhuiga iwinirangö kambuñeyök sömbup könjörata enguanñita niñgiiga sehiyök.

¹⁰ “Sömbup aziñan ambiñi enñualönnda malgeri, nalö kun miangörej gaun kunön jeni uba wahöta ekiga meme (nonin) aziñan ambiñi enñualönnda kingeri, yeñgö silenini mi jinjalalan, tiktokñinambuk aka diriweñ, soño me korombonji pakpak aket. ¹¹ Nöñön gaun ekiga miangörej Anutugö garata kunñan nöngöra ‘Jeikob!’ qerök. Mewö qeriga ‘Ki kinjal,’ jiba melenñal. ¹² Melenñiga kewö toroqeba jiyök: ‘Labanön yuai pakpak ak gihimakzawi, nöñön mi eka mötzal. Miangöra ölop jegi uba wahöta eknön: Meme (nonin) aziñi pakpak ambiñi enñualönnda kinjei, yeñgö sileninan jinjalalan, tiktokñinambuk aka diriweñ, soño me korombonji akza. ¹³ *Nöñön Betel miangörej asuhum gihibiga köt dangunu kun kunguba miriba nöngöra keu jöhöba jöjöpañ keunön jim köhöinön. Nöñön Anutu mi aka göhöra keu kewö jizal: Gi mönö dölkki wahöta kantri ki mosöta nangi ahuahu gölmege kunbuk lilingöba anman.’ ”

¹⁴ Jeikobnön keuñi mewö jiiga Reizöl aka Lea yetköñ kewö melen wangiba jiyohot: “Iwinirangö mire börösamotkö bahöni kun mi neñgörej qahö toroqeba tatza. ¹⁵ Yañön azi netkiiga söngöröniran kaiga mi nanñangörök memba gil teköyök. Miangöra niri mönö kian tandök ak netkiiga mala korit. ¹⁶ Miangöra Anutunön iwinirangö kambuñeyök sukinap öroyuai könjörata wangiri sehiyöhi, mi pakpak mönö ölña nanine aka nahönböraturnini neñgö buñaya akza. Miangöra Anutunön jim kutum gihiyöhi, göñön mönö mi pakpak tem köla wuatangöman.”

¹⁷ Mewö jiyohotka wahöta mem mözözöm aka anöm-moröurupñi kököbihim enñiiga kamel qakñine öngöget.

¹⁸ Mirigö sömbup kambuñi pakpak közöl enñiiga mutuk anget. Sukinap yuaiñi (merömbuñi) pakpak Mesopotemia (Padan Aram) gölmenön mala miwikñaim sehiyöhi, mi körebörek kölolohoba iwiñi Aisakörej anbingöra Keinan gölmenön göröken anget. ¹⁹ Nalö miangörej Labanön lama juñini mitimangö aniga Reizölnön iwinangörej miri domlopion morörökñi yongorö meyök. ²⁰ Yongorö meiga Jeikobnön toroqeba yöwönji Aram azi Laban i kewö tilipköm wangiyök: Anbingö keuñi mi qahö jii mörökmö, mönö ölöñ mosöta anget. ²¹ Mewö ölöñ angetka kamel yeñön öroyuaiñi pakpak mem bisiget. Anda Yufreitis o kutuba Gilead gölme kundunambuk miangörej göröken anget. Mewö.

Labanön Jeikob wuatangöba anök.

²² Angetmö, silim karöbut aiga miangörej keu kewö jigetka Labanön mörök, “Jeikobnön mönö tököba ölöñ köla anök.” ²³ Mi möta wahöta tinitosolom aziurupñi enñömembra wehön 7:gö dop enñuatangöba anda mala Gilead gölme kundunambuk miangörej miwikñai ba enñömeget. ²⁴ Enñömembra sunjem miangörejök Anutunön Aram

* **31:13:** Jen 28.18-22

azi Labangöra gaunöŋ asuhuba keu kewö jii mörök: “Göŋön Jeikobköra kötümötuet me qesuak keu kun jibanbuköra mönö möt kutuba galöm mem anġuman.” ²⁵ Enġomegetka Jeikobnöŋ opo seri kounŋi Gilead gölme kundunambuknöŋ möröreŋgöba kunġuiga Laban aka aziurupŋi yeŋön mewöyök opo seri kounŋini miangöreŋ kunġuba ahöget.

²⁶ Ahöba wahöta qinġiŋi Jeikobköreŋ anda kewö jii mörök: “Gi mönö wani kimbiala ak niŋginöŋe? Gi tilipköm niŋgizan. Kerök yeŋön yarö gila ambi yonġorö örömakzei, mönö miangö tandök nöŋgö böratyahötŋi ölöŋ etkuangita kanöŋ. ²⁷ Gi wuanöŋgöra isimkakalek ak niŋgiba ösumok ölöŋ köla nömosöta kanöŋ? Gi mönö wuanöŋgöra keu kun qahö jinöŋ mötpi laŋ kanöŋ? Mi mötpileŋak ewö, nöŋön ölöŋ liŋet gwawet albi kömam köla gita kulele gegetka sösoŋgai qakŋe gumbulbi könanöŋ kabeak.

²⁸ “Mi mötpileŋak ewö, mönö ölöŋ isiurupni aka böratyahötŋi numbuŋini yöhötim namba yaizökzökŋini jibileŋak. Gi mönö uruqahö kimbiala aknöŋ. ²⁹ Nöŋön kukösumnambuk kaba ölöŋ ayuhum gihibileŋakmö, sunġem ahöbiga iwigahö Anutuŋan keu kewö jii mötzal: ‘Göŋön Jeikobköra kötümötuet me qesuak keu kun jibanbuköra mönö möt kutuba galöm mem anġuman.’ ³⁰ Miangöra muat, nangi iwigahö miri gölmeŋe liliŋgömamgö urusihimġi ketanġi möta malagun lök mosöta könanöŋ kaba maljan. Miangöra ölöŋ anmanmö, nöŋgö domlopionurupni mi mönö wuanöŋgöra yonġorö memba kanöŋ?”

³¹ Labanöŋ mewö jiiga Jeikobnöŋ kewö melen waŋġiyök: “Göŋön böratyahötŋi yarö ösum qakŋe noanġitpanbukö mötmöröba keŋgötŋi möta ölöŋ köla kain. ³² Kainmö, kunġan domlopionurupki meiga miwikŋaimani, i ölöŋ qenöŋga kömuma. Öroyuai pakpak memba maljali, mi ölöŋ tinitosolomurupniri yeŋgö jeŋine ek kewöta kinda göhöreŋ yuaigi kun miwikŋaiba eka mi ölöŋ meman. “Jeikobnöŋ mewö jiyökmö, anöŋni Reizölnöŋ domlopion mi yonġorö meyöhi, apŋan mi qahö möröhanġöra mi töŋpin jiyök.

³³ Mewö jiiga qinġiŋi Jeikobkö opo seri kounŋe öŋgöba qezanġa jaruba Leagö opo seri kounŋe öŋgöba toroqeba welen ambiyahöt mietkö opo seri kounŋire öŋgöba qezanġa jaruba yuai kun qahö miwikŋaiyök. Leagö kounŋi mosöta miangö andöŋe Reizölgö kounnöŋ öŋgöyök. ³⁴ Öŋgöyökmö, Reizölnöŋ domlopionurup mi memba gösönöŋ löŋgöta kamel qakŋe tatatkö dum uruŋe ala qakŋe öŋgöba qelanġim enġiba tarök. Mewö tariga iwiŋan opo kounŋanġö uruŋi körek qezanökmö, mi qahö miwikŋaiyök. ³⁵ Reizölnöŋ iwiŋi kewö jii mörök: “Ketanamni, ni köiŋnöŋ nehiga tatzalangöra aka göhö jemesoholge ölöŋ qahö wahötmam. Miangöra uruönön kude möt niŋgiman. “Mewö jiiga mirinġöŋ domlopionurupŋi miangöra jaruyökmö, mi qahö miwikŋaiyök.

³⁶ Qahö miwikŋaiiga kinda Jeikobnöŋ irimŋi sehöliiga tembula Laban kewö jim waŋgiba qesim waŋġiyök: “Nöŋön wani könaŋa ak siŋġial? Mönö wani silik bölöŋi ak gihialanġöra kahasililiŋnöŋ börojan suhum niŋgizan? ³⁷ Nöŋgö sukinapni pakpak qezan teköbagun mönö wanat yuaia kun miwikŋainöŋga nangi mirigahö buŋaya akawak? Mi ölöŋ memba yuhu kaba tinitosolomurupniri yeŋgö jeŋine alnöŋ eketka sutnire keu lömböt ahöiga mi kewöta jim teköba mindiŋgöm netkime.

³⁸ “Nöŋön göbuk lök yambu 20 mala koral. Nalö miangö uruŋe nupki membiga göhöreŋ lama aka meme (noniŋ) yeŋön morö memingö pömsöm qahö qegetmö, ölöŋpanök ahumsehip aka malget. Mewöyök lama aziŋi kun göhö sömbup kambunöhök qahö qem neal. ³⁹ Nalö tosatŋe sömbup kalŋan lama qeba yöhöqöhötüyöhi, mi qahö memba kaba gihiba malalmö, miangö kitipŋi mi nani kambunöhök memba salupŋe ala malal. Lamagi sunġemŋe me asakŋe yonġorö memba malbeahi, mi töndup miangö salupŋi almanġö jimkutukutu alnöŋga mi wuatangöba malal.

⁴⁰ “Silimnöŋ miri könöŋŋan nohotiriiga sunġemnöŋ amötŋan nuŋguiga sanġenŋi möta malal. Nalö gwötpuk gaun guli mem niŋgiiga malal. ⁴¹ Yambu 20:gö dop mewö göhö mire mala kotpi teköza. Yambu 14 mi böratyahötŋi etkömemamgöra welen qem gihiba malal. Miangö andöŋe yambu 6 mi lama bulmakau miwikŋaimamgöra göhöreŋ nup memba

malal. Mewö malalmö, göñön nup memegö töwani mi sömañi 10:gö dop utekutek ala malnöñ.

⁴² “Asani Abrahamgö Anutuñi iwini Aisaknöñ waikñi memba möpöseimakzawi, yañön andöne awörök qahö aka kötöngöm niñgibawak ewö, göñön mönö böröborak melaim niñginöñga köna anbilenañak. Mewö ak niñgibanakmö, Anutunöñ nöñgöreñ sihimbölo kahasililij möriga nup börönan sileqeçe aka memba malali, mi eka merak sunjem nöñgö keuni kewöta jim teköiga mötzan. “Mewö.

Jeikob aka Laban yetköñ jöhöjöhö ahot.

⁴³ Jeikobnöñ mewö jiiga Labanöñ kewö melen wañgiyök: “Ambi yahöt ki mönö nöñgö böratyahötña. Yetkö nahönböraturupñiri mi nöñgöreña. Lama bulmakau kambuñi kambuñi ki mi nöñgöreña. Yuai pakpak ki ekzani, mi körek nöñgö buñayök akza. Mewömö, muat nöñön merak böratyahötñi ki aka nahönböraturupñiri engömeyohori, yeñön anmegö keunijini jigetka mi qeapkömamgö lömbörizal. ⁴⁴ Miangöra ölop kaba gou köl anguba sutnire jöhöjöhö akit. Mi qendenbitpuköra mötmörim netkiba dangunu ewö sutnire ahöma.”

⁴⁵ Mewö jiiga Jeikobnöñ köt kun memba kuñguiga timbetuat ewö dangunu jaböñiri aka kinök. ⁴⁶ Mianön kiniga Jeikobnöñ tinitosolomurupñi yeñgöra köt memba tokomegöra jiyök. Mewö jiiga köt memba qaknöñ qaknöñ ala tokoget öñgöiga miangö kösutñe nene lömbuañ ohoba neget. ⁴⁷ Labanöñ köt kambu miangö qetñi Jegar Sahaduta qeri Jeikobnöñ qetñi Galed qerök. *

⁴⁸ Mewö qerohotka yöwöñan qingini Jeikob kewö jii mörök: “Köt kambu ki mönö merak netkö sutnire dangununira ahöma. “Miangöra Jeikobnöñ miangö qetñi Galed qerök. ⁴⁹ Labanöñ keu toroqeba kewö jiyök: “Kembunöñ mönö denña malbiri, nalö miangöreñ sutnire jeñan netkek tiba galöm mem netkiba malma. “Miangö dop gölme miangö qetñi kun Mizpa qerök. (Mizpa Galöm meme miri köröñji.)

⁵⁰ Labanöñ keu mi toroqeba kewö jiyök: “Göñön böratyahötñi öröm ureim ak etkiman me toroqeba kakasun ambi tosatñi engömeman ewö, mönö keu ki möta malman: Gölme azi kunñan kösutnire qahö mala netkehiga Anutunöñ mönö töndup ölop netkeka sutnire jöhöjöhö ahözawañgö keunji mi nañgöba jiba malma.”

⁵¹ Mewö jiba kunbuk toroqeba kewö jiyök: “Qingini mötnöñ, köt kambu ki aka mötök ki kuñguzali, mietköñ mönö netkö sutnire dangunu ewö tat öñgömahot. ⁵² Köt kambu ki mönö dangununira aka tat öñgöma aka mötök ki mi mewöyök dangununira aka tat öñgöma. Mietköñ jöhöjöhönirangöra kewö mötmörim netkiba tat öñgömahot: Nöñön mem bölim gihimamgö möta köt kambu ki qahö ongita göhöreñ kamam. Göñön mewöñanök mem bölim niñgimamgöra möta köt kambu aka mötök ki qahö etkonngita nöñgöreñ kaman. ⁵³ Abraham, Nahor aka yetkö iwini yeñgö bemñini Anutu yañön mönö keu sutnire asuhuiga mi kewöta jim teköm netkima. “Labanöñ mewö jiiga Jeikobnöñ keu mi jöhöba Anutugö qetñe jöjopañ keunöñ jim köhöiyök. Iwini Aisaknöñ Anutu miangö waikñi memba möpöseiba malök.

⁵⁴ Jeikobnöñ mewö aka gölme kundunje sömbup qeba mianön jöwöwöl ohoba tinitosolomurupñi öröm enñgiiga lömbuañnöñ kaget. Kaba nene memba sunjem liñet unduba kundunje miangöreñ ahöget. ⁵⁵ Ahögetka miri asariiga Labanöñ söñanök wahöta isiurupñi aka böratyahötñi numbuñini yöhötim memba kötuatköm enñgiba yaizökzökñini jiyök. Mi jiba enñgömosöta lilingöba miriñe anök. Mewö.

32

Jeikobnöñ Isobuk aitongöbitkö jörömqröm ahök.

* **31:47:** Dangunu köt kambu mi Hibru keunöñ Galed aka Arameik keunöñ Jegar Sahaduta.

¹ Yöwöñan aniga Jeikobnön mewöyök könanön aniga Anutugö garataurupñi tosatñan miwikñaim wañgiget. ² Miwikñaim wañgigetka engeka kewö jiyök: “I Anutugören yarö kambuya akze. “Miangö dop gölme miangö qetñi Mahanaim (yarö kambu yahöt) qerök.

³ Jeikobnön könanön anda mala kolek aziurupñi tosatñi mutuk melaim engii Edom kantrigö gölme qetñi Seir miangören datñi Iso ekingöra anget. ⁴ Melaim enggiba kewö jim kutum engiyök: “Inini mönö anda dat kembuni Iso kewö jigetka mötma: ‘Ketanamni mötnön, ni welen azigi Jeikob. Ni ehoniri Labanbuk mala kota mal teköba nalö kewöñe i mosöta kazal. ⁵ Miangören mala bulmakau, donki, lama, meme (nonin) kambuñi kambuñi aka welenqeçe ambazip miwikñaiba engömembra könanön kazal. O azi kembuni, nöñön göhö jege ak-kömukömu miwikñaimangöra möta keu buzupni ki mutuk albi göhören kaza.’ ”

⁶ Mewö jim kutum engiiga anda lilingöba kaba kewö jigetka mörök: “Nini datki Isogören anin. Yanön mönö aziurupñi 400 engömembra könanön kaba göbuk aitongöbingö jöjöröba malje.” ⁷ Mewö jigetka möta awöwöliba köñjiliñ ketanñi mörök. Mewö möta kinda könagesourupñi yambuk kageri, mi aka lama meme kambuñi kambuñi, bulmakau kambuñi kambuñi aka kamelurupñi mi menden engiiga kambu yahöt aket. ⁸ Kewö mötmöriba mewö ahök: “Isonön kaba yarö gila kambu kun engum ayuhuma ewö, kambu kun yenön mönö ölop ölon köla anbeak.”

⁹ Mewö mötmöriba kewö jiba köuluköyök: “O Anutu, asani Abrahamö aka iwini Aisakö bemñiri, göñön ölop möt niñgiman. Kembu, gi nangok keu kewö jinön möral: ‘Gi mönö wahöta nangi gölmenön lilingöba nangi tinitosolomurupki yengören anman. Endu anönga nöñön töhötmöriam gihibiga malman.’ Mewö jinön möral. ¹⁰ Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqeçenji aka malalmö, göñön töndup keugi pöndañ wuatangöba ak-kömukömugi pakpak kondel niñgiba malnön. Ni eretñi aka urukalemgi mi buña gem angumamangö dop qahö aka malal.

¹¹ “Datni Isonön könanön kaba nani, nam aka moröurupñini nini neñguba ayuhum neñgibapüköra nöñön keñgötni mötzal. Miangöra göñön mönö bauköm neñgiba yangö böröneyök meköm neñgiman. ¹² *Gi nangok keu kewö jinönga möral: ‘Nöñön töhötmöriam gihiba gwölönarökurupki ahumsehip engibiga qötöñinan qariba köwetkö sakösiñi ahözawañgö dop akña. Mi gwötpuk ketanñi ahömawañgöra aka oyoñoyoñgö dop qahö. Keu mi ölña.’ ”

¹³ Mewö köuluköba sungemñi mi gölme miangören ahöyök. Ahöbagun sömbup kambuñi kambuñi miengörenök datñi Iso kalem wañgimangöra sömbup kewö kewöt menden enggiba nanñinök al engiyök: ¹⁴ Meme (nonin) ambiñi 200, aziñi 20, lama ambiñi 200, aziñi 20, ¹⁵ kamel 30 moröurupñini juzunön, bulmakau ambiñi 40, aziñi 10, donki ambiñi 20, aziñi 10.

¹⁶ Kambu mewö mewö kewöt menden da kambu nanñök nanñök mi welenqeçeurupñi yengö böröñine al enggiba kewö jii mötket: “Inini ölop mutuk anda sömbup kambuñi kambuñi kiengö sutñine tiriñ kutuba enguañgita awatan anme.”

¹⁷ Mewö jiba kambu mutukñi anmeangö galömñi kewö jim kutum wañgiyök: “Könanön angetka datni Isonön miwikñaim enggiba kewö qesim gihima: ‘Gi dagö welenqeçe azia akzan? Gi denike anmam jiba kazan? Sömbup wösöge anjei, mi dagörena?’ ¹⁸ Mewö qesim gihiiga kewö jiman: ‘Mi welen azigi Jeikobkörena. Mi ketanamñi Iso kalem wañgimangöra al engii kaze. Nanñak mönö andöñine könanön kaza.’ ”

¹⁹ Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yengö galömñini andöñine kageri, i mewöyök jim kutum engiiga kewö mötket: “Inini datni Iso miwikñaime, mönö keu tandökñi miyök jigetka mötma.” ²⁰ Mewö jim kutum enggiba kewö mötmöriyök: “Nöñön esapköba uruñi memba eta ala kalem

* 32:12: Jen 22.17

wanjimamgöra sömbup kambuñi kambuñi melaim engibi mutuk anme. Datnan mi engeka uruñi böñjöh köliga amöribawak. Uruñi amöriiga ölop nanak yangö jemesoholñe ösöh angotpi siñgisöndokni mosöta ala ak ningibawak. “Mewö mötmöriba toroqeba kewö jiget mötmapkö jiyök: “Göhö welen azigi Jeikobnöh mönö andönine ösöh kaza.”

²¹ Mewö jiba kalemñi al engii mutuk könanöh angetmö, nannak sungem mi opo koumnöh tatmam jiba miangören tarök. Mewö.

Jeikobnöh Suep garatabuk aum-möriyohot.

²² Sungem miangören Jeikobnöh wahöta anömyahötñi, welen ambiyahötñi aka morönahönurupñi 11 mi enguançiriga anda Jabok o sakñi qöleqöleleñi kutubingö aket. ²³ Enguançiri o kutuba anda sukinap yuaini pakpak buñañi ahöyöhi, mi mewöyök memba an teköget.

²⁴ An tekögetmö, Jeikobnöh nannök o likepñe miangören kunbuk tarök. Nannök tariga azi kunñan kaiga yambuk sungem aum-möriba malohotka miri giançiyök.* ²⁵ Azi miänön luhut al wanjimamgö osiba eka miangöra Jeikob mi ikinñe qeyök. Qeiga mohotñe aum-möriba malohotka miangören Jeikobkö ikin sihitñan sulök. ²⁶ Sihitñan suliga azi miänön kewö jiyök: “Miri giançimamgö akzawangöra mönö ölop nömosötnönga anmam. “Mewö jiyökmö, Jeikobnöh kewö melen wançiyök: “Ni qahö kötuetsköm niñgiman ewö, nöñön mönö gi qahö gömosötpi anman.”

²⁷ Mewö melen wançiiiga “Gi qetki niñi?” jiba qesim wançiiiga “Jeikob,” jiyök.

²⁸ Mewö jiiga keu kewö jiyök: “Gi Anutu aka ambazip yembuk aum-möriba mala luhut al ençinöh. Miangöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)”*

²⁹ Mewö jiiga kewö jiyök: “Gi ölop qetki qetnönga mötmam. “Mewö jiyökmö, garatanöh miänön kewö melen wançiyök: “Gi denöwögöra nöngö qetnağöra qesizan?” Mewö melen wançiba miangören kinda kötuetsköm wançiyök.*

³⁰ Kötuetsköm wançiiiga Jeikobnöh kewö jiyök: “Ni Anutubuk mesohol köl ançuba jeñi törörök ekzalmö, töndup nehoriiga jebuk maljal. “Mewö jiba miangöra gölme miangö qetñi Penuel qerök. (Penuel Anutugö jemesoholñi) ³¹ Wehön jeñan lök koriga Jeikobnöh Penuel gölme mi mosöta onçita kaba ikinñi sulöhanğöra aka timkorik anök. ³² Azi miänön Jeikobkö ikin sihit toroqeqeñangö ginimuramñe (bidororo) qeyöhanğöra aka Israel könağesö yeñön nalö kewöñe mewöyök sömbup namba miangören ikin sihit toroqeqeñangö ginimuramñi mi tököba qahö nemakze. Mewö.

33

Jeikobnöh Isobuk aitongöyohot.

¹ Jeikobnöh jeñi uba wahöta Isonöh aziurupñi 400 yembuk mohotñe könanöh kageri, mi engehök. Miangöra nahönböraturupñi menden ençiba Lea, Reizöl aka welen ambiyahötñi yeñgö böröñine al ençiyök.

² Mewö al ençiba kewö arengöm ençiyök: Welen ambiyahötñi yetkөн nahönböraturupñiri ençuançita mutuk anget. Yeñgö andöñine Leanöh nahönböraturupñi yembuk angetka Reizöl aka nahöññi Josef yetkөн qöndökñi anohot.

³ Saiwanñi mewö arengöm ençiba nannak yeñgö wösöñine mutuk anda simin köla gölmenöh bamgöba wahöriiga indimñi 7 aiga anda datñangö jemesoholñe ançorök.

⁴ Ançorökmö, Isonöh munñi ekñamgöra ösumñan kiñkiñgöba kaba suhumgöm wançiba böröñan imbiñe gili geiga numbuñi yöhötim neiga urusahöt auyohot. ⁵ Isonöh jeñi uba wahöta Jeikobkö anöm-moröurupñi engeka munñi qesim wançiyök: “Ki denike yeñön

* **32:24:** Hos 12.3-4 * **32:28:** Jen 35.10 * **32:29:** Kemb 13.17-18

göbuk kaze?” Qesim wanğiiga kewö melenök: “Anutunöŋ kalem möriamŋi qakŋe nahönbörat ki welen azigi ni niŋgiyök.”

⁶ Mewö melenğa welen ambiyahötŋi yetköŋ nahönböratuŋi yembuk dowe kaŋgota simin köla gölmenöŋ bamgöget. ⁷ Mianğö andöŋe Lea aka nahönböratuŋi yeŋön mewöŋanök dowe kaŋgota simin köla gölmenöŋ bamgöget. Teteköŋe Josef aka Reizöl yetköŋ dowe kaŋgota simin köla gölmenöŋ bamgöyohot.

⁸ Mewö aketka Isonöŋ kewö qesim wanğiig: “Azi aka sömbup kambu pakpak könanöŋ miwikŋaim enğizali, mi könaŋi denöwögöra melaim enğinöŋga kaze?” Mewö qesim wanğiiga kewö jiyök: “O azi kembuni, nöŋön mi göhö jege ak-kömükömu miwikŋaimamgöra aka melaim enğial.”

⁹ Mewö jiyökmö, Isonöŋ keu kewö jiyök: “O muni, mi nöŋgöreŋ gwötputuk lök dopne ahöze. Mianğöra mi ölop toroqeba nangi buŋaya aka ahöma.”

¹⁰ Mewö jiiga Jeikobnöŋ kewö jiyök: “Mewö qahö. Göŋön neksihim aka ala ölopŋi ak niŋinöŋga göhö jemesoholgi ekiga Anutugö jemesoholŋi ewö akza. Mianğöra nöŋön göhö jege ak-kömükömu miwikŋaizal ewö, mönö kalemni ki ölop buŋa qem anğuman.

¹¹ Anutunöŋ kalem möriam kondel niŋgiiga mala kotpiga yuai pakpak osimakzali, mi pakpak ölop ahöm niŋgiza. Mewögöra uruölöwak kalemni memba kageri, mi ölop meman. “Mewö jiba kapan köla malöhanğöra Isonöŋ uruölöwak kalemni mi buŋa qem anğuyök.

¹² Buŋa qem anğuba kewö jiyök: “Mönö ölop mosöta köna anbin. Nöŋön köiputŋini akiga enğön ölop nömbuk kagetka anbin.”

¹³ Mewö jiyökmö, Jeikobnöŋ kewö jiyök: “Azi kembuni, mötnöŋ. Nahönböratuŋi yeŋön ösumŋini eretŋi akze aka lama namŋi aka bulmakau namŋi moröŋini juzu enğimakzei, nöŋön mi köyan köl enğimakzal. Mewö aiga i köna anmegöra wehön mohotkö dop könöputuk enğuatangöbinak ewö, yeŋön mönö ösumŋini eriga kambu körek pakpak kömumbeak. ¹⁴ Mewögöra azi kembuni, gi ölop mutuk anöŋga welen azigi nöŋön ösöŋösöŋ andöge guatangöba kamam. Sömbup enğuatangöbi wösöne mutuk anmei aka nahönböratuŋi ösumŋinanğö dop ösöŋösöŋ kaba mala mala bianğ Seir mire ketanŋami göhöreŋ kaŋgotpin.”

¹⁵ Mewö jiiga Isonöŋ kewö jiyök: “Mewö aiga nöŋön ölop aziurupni tosatŋi enğömosötpiga göbuk ösöŋ kame. “Mewö jiiga Jeikobnöŋ kewö qesiyök: “Gi mönö wuanöŋgöra mewö akanak? O azi kembuni, ni göhö jege ak-kömükömu miwikŋaibiga lök dop köl niŋgim teköza.”

¹⁶ Mewö jiiga Isonöŋ wehön mianğöreŋök lilingöba anda Seir miriŋe anğorök.

¹⁷ Jeikobnöŋ Sukot mire anda mianğöreŋ nanŋi miriŋi esiba sömbupurupŋi yeŋgöra koumŋi koumŋi qeyök. Mewögöra miri gölme mianğö qetŋi Sukot (Koumkoum) qerakze. Mewö.

¹⁸ Jeikobnöŋ mewö Mesopotemia (Padan Aram) gölme mosörök. Mosöta kaba Keinan gölmegö taon qetŋi Sekem mianğöreŋ ölopŋanök öllup kaŋgorök. Kaŋgota opo seri koumŋi taon kösutŋe gölme köröŋe möröreŋgöba kuŋguba tatket. ¹⁹ *Opo seri koumŋi gölme köröŋe kuŋguyöhi, yeŋön gölme kitipŋi mi Sekemgö iwiŋi Hamor yeŋgö nahönurupŋi yeŋgöreŋök silwö kötŋi 100 mianğön bohonŋi meyök. ²⁰ Bohonŋi memba mianğöreŋ jöwöwöl alta kun memba qetŋi “El, Israelgö bem Anutunŋi,” mewö qerök. (El bem)

34

Sekem yeŋön Daina mem bölim wanğiget.

¹ Leanöŋ Jeikobkö böratŋi Daina meyöhi, yeŋön nalö kunöŋ Keinan ambi seram enğekŋamgöra anök. ² Aniga gölme mianğö azi kembuŋi Hamor yeŋön Hiwi könagesögö

* 33:19: Jos 24.32; Jon 4.5

azia malök. Yangö nahönñi Sekem yanön Daina eka mianğöreñök eksihim möta öröba mem bölim wañgiyök. ³ Sekemnön wölbötñi Jeikobkö börtatñi Dainagöra pöröraköiga jöhöba urukalemñan jöpaköm wañgiba kelök keujan jiba tutuhum wañgiba malök. ⁴ Tutuhum wañgiba mala iwiñi Hamor kewö jii mörök: “Iwini, gi ölop ambi seram ki nöngö anömna akñapköra keu nup meman.”

⁵ Nalö mianğöreñ Jeikobkö nahönurupñi yeñön gölme köröñe anda mirigö sömbupurupñini galöm köl engiba malgetka Sekemnön Daina mem böliiga iwiñi Jeikobnön börtatñangö keu buzupñi mi mewö mörök. Mi mörökmö, mi mösamböta nahönurupñan mire kañgotmegöra keu bök mamböta tarök. ⁶ Mamböta tariga Sekemgö iwiñi Hamor yanön keu nup memamgöra Jeikobköreñ kayök. ⁷ Kaba tariga Jeikobkö nahönurupñan gölme köröñeyök kañgotket. Kañgota mianğöreñök yuai asuhuyöhañgö kösohotñi mi kewö mötket: Sekemnön Jeikobkö börtatñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

⁸ Urupik aketmö, Hamornön kewö jii mötket: “Nahöni Sekemgö uruwölbötñangö sihimñi mi engö nenbörtatñinañgöreñ mösölatiba tatza. Mianğöra ölop jim tekögetka Dainanön yangö anömñi akawak. ⁹ Ölop nembuk nenbörtaturupñini utekutek aka anğuin anda kaiga malbin. Mewö ölop qenaqena aka malbin. ¹⁰ Mewö aka ölop neñgö sutñine tata malme. Nini gölmenini ki mi qahö anğön kölbinmö, inini ölop mianğöreñ lañ anda kaba sihimñinañgö dop gölme kitipñi kitipñi buña qem anğuba miriñini memba nembuk anğumnep-qanğumnep aka malbin.”

¹¹ Mewö jiiga Sekemnön Dainagö iwinenurupñi yeñgöra kewö jiyök: “Nöñön engö jeñine ak-kömükömu miwikñaimangö möta qesim engizal. Mianğöra i me waigö qesim niñgimei, nöñön mi ölop engimam. ¹² Ambi bohonñi aka kalem memba kaba engimami, mianğö qötöñi mi ölop sihimñinañgö dop memba öñgöme. I me waigö qesim niñgimei, nöñön mi ölop engimam. Keuni kötñi ki: Enön mönö jim teköba nenbörtatñini niñgigetka nöngö anömna akña.”

¹³ Sekemnön nenñini Daina mem böliyöhañgöra aka Jeikobkö nahönurupñi yeñön isimkakalek qakñe Sekem aka iwiñi Hamor melen etkiba ¹⁴ keu kewö jigetka mötket: “Azi kungö silenje Anutugö aiwesökñi qahö yandigeri, nini nenbörtatñini azi mewöñi ölop qahö wañgibin. Mewö ahinga gamumamusumnön qaknine öñgöbapuk. Mianğöra nini i wañgingö osizin. ¹⁵ Inini silik mohok-kun kewö aketka neñön urumohot akin: Mutuk Anutugö aiwesökñi mi aziurupñini pakpak engö silenje yandiget teköiga nini maljin ewö akñe ewö, mönö nenbörtatñini ölop engibin. ¹⁶ Mewö aketka ölop embuk nenbörtaturupñini utekutek aka anğuin anda kaiga malbin. Mewö ölop engö sutñine tata könagesö kambu mohok aka malbin. ¹⁷ Mewö malbinmö, Anutugö aiwesökñi silenje yandibingö urumohot qahö akñe ewö, nini mönö nenbörtatñini wañgita kungen anbin.”

¹⁸ Keu mewö jigetka Hamor aka nahönñi Sekem yetkön keu mewöñi mianğöra mörohotka dop kölök.

¹⁹ Mewö mörohotka azi gwabö Sekemnön iwiñangö saiwaurupñi yeñgö sutñine tosatñi engonğita qetbuña ketañi memba malök. Yangö urusihimñan Jeikobkö börtatñangöra gwötpuk ahöyöhañgöra aka keu jigeri, mi wuatangömangö eksekpeksek qahö aka nalö qahö qem körii öñgöyök.

²⁰ Mewö aiga Hamor aka nahönñi Sekem yetkön Sekem taongö azi alaurupñi yembuk keu jibingöra taongö nanğu kösutñe totoko sombemñine anda kewö jiyohot: ²¹ “Azi kienön nembuk ala ölopñi ak anğumakze. Mianğöra nini ölop jim teköinga yeñön neñgö gölmenön tata lañ anda kaba miriñini memba nembuk anğumnep-qanğumnep aka malbin. Yeñön gölme kitipñi memegöra tiñi gwötpuk ahöza. Nini ölop yembuk nenbörtaturupñini utekutek aka anğuin anda kaiga malbin. ²² Nini silik mohok-kun kewö ahinga azi mienön nembuk malbingö urumohot akñe: Anutugö aiwesökñi mi azi mienğö silenje

yandiget ahözawi, mianğö dop mi mutuk körek neñgö silenine mewöyök yandiin teköiga nini ölop yembuk könagesö kambu mohot aka malbin.

²³ “Mewö ahinga yeñgöreñ mirigö sömbup kambuñini aka sukinap yuainini pakpak mi mönö nanini buñaya akñe. Mianğöra keu jigeri, mi ölop möta imbi kölinga yeñön neñgö sutnine tatat dundumñini miwikñaiba malme.”

²⁴ Mewö jiyohotka taongö kiripo nanğunje kaba tokogeri, yeñön körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yeñgö silenine yandim teköget.

²⁵ Yandim tekögetka wehön 3:ñi aiga mianğöreñ uziñinañgö sihimbölöñi mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetkөн bimgö souñiri ketañi memba taon mianğöreñ sanğabañga anda tihitñini qahö möta tatketka wölañ bim qeba azi pakpak qaurapañ enguyohotka kömum teköget. ²⁶ Hamor aka nahönñi Sekem mi mewöñanök bimgö sou ketañan etkuyohotka kömuyohot. Kömuyohotka Sekemgö mireyök nenñiri Daina mi öröba eta wañgita anohot.

²⁷ Mewö ahotka Jeikobkö nahönurupñan Sekemnöñ nenñini mem bölim wañgiyohañgöra aka taonöñ kinkingöba anda azi qamötñini engeka taongö sukinap yuaini kiom qeba yoñgorö meget. ²⁸ Lama, meme, bulmakau aka doñki kambuñi kambuñi aka öröyuainini pakpak taon uruñe aka gölme köröñe ahögeri, mi pakpak kalöpköba mem teköget. ²⁹ Sukinap yuainini pakpak otonda ambimoröurupñini körek enguangita miriñine yuainini tosati ahöyöhi, mi mönö kölolohoba kiom qeba yoñgorö memba tököba anget.

³⁰ Mewö aketka Jeikobnöñ Simeon aka Liwai kewö jii mörohot: “Inñiri mewö ahotka kahasililiñ ketanañgö keuñan mönö nöngö qakne öngöiga malmam. Gölme kianğö tonji Keinan könagesö aka Periz könagesö yeñön mönö kazik möt niñgiba malme. Nöngö könagesöni nini awamdökñi maljin. Mianğöra yeñön yarö aziurupñini tokom engiba qetala bim yarö gil niñgime ewö, yeñön mönö ölop qaurapañ nuñguba ni aka könagesöni ayuhum neñgime.”

³¹ Jeikobnöñ mewö jii mörohotmö, yetkөн keu kewö jiyohot: “Kunöñ neñgö nenini köna ketañi ambi tandök ak wañgiyöhi, nini mönö mianğö likepñi melenj engiinga dop kölja. “Mewö.

35

Jeikobnöñ Betel ani Anutunöñ kötuatköm wañgiyök.

¹ Anutunöñ Jeikob keu kewö jii mörök: “Gi mönö wahöta Betel mire anda tatat dundumgi miwikñaiba mianğöreñ Anutugöra jöwöwöl alta kun meman. Datki Isogöra ölöñ köla anöñga Anutunöñ nalö mianğöreñ asuhum gihiyöhi, mönö yañgöra alta mi meman.”*

² Mewö jii möta Jeikobnöñ saiwañi aka ambazip pakpak yambuk malgeri, i kewö jim kutum engiyök: “Lopionj bem yuai tömbuñi sutñine ahözei, mi mönö qeköba gilget geiga köl köñjorat mem anğuba silenini sanğonda opo malukuñini uteköme. ³ Ni köñjiliñ uruñe mala Anutu köuluköbiga melenj niñgiyök aka denike denike anda kaba malali, yañön mianğöreñ nömbuk mala korök. Mianğöra inñini mönö kagetka Betel mire anbin. Nöñön mianğöreñ Anutugöra jöwöwöl alta kun memam.” ⁴ Mewö jim kutum engiiga böröñine lopionj yuai tömbuñi pakpak ahögeri aka kezapñine jenjenj möndögeri, mi qeköba kölolohoba Jeikob wañgiget. Wañgigetka anda in ip kun Sekem mire kinöhi, mianğö könañe gölmenöñ esim löm kölok.

⁵ Mewö aka wahöta angetka taonñi taonñi liliköba tatkeri, Anutunöñ könagesöñini miengö uruñini kuñguiga waekanjam möta elemñini eri Jeikob aka nahönurupñi mi qahö enguatanañgöget. ⁶ Mewö anda mala Jeikobnöñ könagesöñi pakpak yambuk malgeri, mi enguangita Luz mire angotket. Luz qetñi alañi Betel mi Keinan gölmenöñ ahöza.

* 35:1: Jen 28.11-17

⁷ Mianğoreñ aņgota Jeikobnön jöwöwöl alta kun meyök. Datñangöra ölöñ köla anöhi, nalö mianğoreñ Anutunön gölme mianğoreñ asuhum waņgiyök. Mianğöra Jeikobnön miri gölme mianğö qetñi El-Betel qerök. (El-Betel Betelgö Bemñi.) ⁸ Betel mianğoreñ malgetka Rebekagö welen ambiñi Debora yañön kömuyök. Kömuiga Betel miri bapñe qerema ip kungö könañe löm kölget. Jingen qeta sahötkerangöra aka qerema ip mianğö qetñi Jingen sahötkö qeremañi mewö qetket.

⁹ Jeikobnön Mesopotemia (Padan Aram) gölmenöhök lilingöba kaiga Anutunön kunbuk asuhum waņgiba kötuatköm waņgiyök. ¹⁰ Kötuatköm waņgiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öngöba qetki mi Israel ahöma. “Kembunön mewö jiba qetñi Israel qerök. (Israel Anutubuk aum-möriyohot.)”

¹¹ Qetñi mewö qeta toroqeba Jeikob kewö jii mörök: “Nönön Anutu kukösum pakpakö Tonj akzal. Gi ölop ahumsehip aknönğa gwölönarökurupki yeņgö qötöñinan mönö qarim öngöma. Göhöreñök könagesö gwötpuk aka könagesö kambuñi kambuñi asuhume. Gi kiñi kiñi yeņgö bömön jalönjina akñan. ¹² Nönön gölme Abraham aka Aisak buña qem etkiali, mi mönö göhö buñaya qemam aka göhö andöge gwölönarökurupki yeņgö buñaya mewöyök akñapköra mi qemam.”

¹³ Anutunön keu mewö jii möriga Jeikob mosöta miri mianğoreñök öngöyök. ¹⁴ Anutunön keuñi jii möröhi, Jeikobnön gölme mianğoreñ mötök köt kun memba wahöta kuņguba mi wain o nalukñan miriba mianğö qakñe oil ipkö kelökñi mokoï geyök. ¹⁵ Anutunön yambuk keu jiyöhi, Jeikobnön miri gölme mianğö qetñi Betel (Anutugö miriñi) qerök. Mewö.*

Reizölnön kömuyök.

¹⁶ Mianğö andöge Jeikobnön saiwaurupñi enğuangita Betel miri mosöta anda mala Efrata miri dopdowigetka Reizölgö morö meme nalönan kam kuņguiga masö keta bölökñi qeyök. ¹⁷ Masö qönsihimñambuk ketañan qeyöhi, nalö mianğoreñ anjö meme ambinön keu kewö jii mörök: “O Reizöl, keņgötki kude mötnön. Gi mönö nalö kewöñe mewöyök morö azia kun kunbuk meman.”

¹⁸ Mewö jiiga morö memba kömumangö aka timotñi mem kuņgui ahöba qetñi mianğöra Benoni qerök. (Benoni sihimbölönañgö nahöni) Mewö qerökmö, iwiñan qetñi Benjamin qerök. (Benjamin Simbawoñ nahöni)

¹⁹ Reizölnön mewö kömuiga Efrata köna töwokñe Betlehem mianğoreñ löm kölget. ²⁰ Löm kölgetka Jeikobnön mötök köt kun memba Reizölgö qaksirinön kuņguyök. Reizölgöreñ mötök köt mi nalö kewöñe mewöyök toroqeba kinja.

²¹ Mewö asuhuiga Israelnön miri mi mosöta toroqeba anda mala Eder miri * köröpañgö likepñe aņgota opo seri koumñi mianğoreñ möröreñgöba kuņguyök. Mewö. ²² *Jeikobkö saiwaurupñi yeñön gölme mianğoreñ tata mala nahönñi mutukñi Ruben yañön iwiñangö anömñi bohonñi qahö memeni Bilha yañgöreñ anda mohotñe ahöyohotka iwiñi Israelnön mianğö buzupñi mörök.

Jeikobkö nahönurupñi

1 Hist 2.1-2

²³ Jeikobkö nahönurupñi 12 mi kewö: Leagö nahönurupñi Ruben mi Jeikobkö nahönñi mutukñi. Yaņgö andöge Simeon, Liwai, Juda, Isakar aka Sebulun. ²⁴ Reizölgö nahönyahötñi qetñiri Josef aka Benjamin. ²⁵ Bilha Reizölgö welen ambigö nahönyahötñi mi Dan aka Naftali. ²⁶ Zilpa Leagö welen ambigö nahönyahötñi mi Gad aka Aser. Jeikobkö nahönurupñi mewö mi Mesopotemia (Padan Aram) gölmenön asuhuget. Mewö.

* **35:10:** Jen 32.28 * **35:12:** Jen 17.4-8 * **35:15:** Jen 28.18-19 * **35:21:** der lama kambugö jegalöm meme miri köröpñi * **35:22:** Jen 49.4

Aisaknöj kömuyök.

²⁷*Jeikobnöj anda mala Kiriya Arba (qetji alani Hebron) miangö kösutje Mamre mire iwiñi Aisaköreñ angorök. Asani Abraham aka iwiñi Aisak yetkön mutuk gölme miangöreñ kian aka malohot. ²⁸Iwiñi Aisakö malmal nalöñi mi yambu 180 aiga kömuyök. ²⁹Azi namñi aiga yambuñan öliiga nöj qeba kömumba amböskonurupñi yengöreñ toroqeyök. Nahönyahötñi Iso (Esau) aka Jeikob yetkön qamötñi mi löm kölohot. Mewö.

36*Isogö gwölönarökurupñi**1 Hist 1.34-36*

¹Iso qetji alani Edom yangö gwölönarökurupñi yengö qet areñini kewö: ²Isonöñ Keinan ambi karöbut engimeyöhi, mienjö qetjini kewö: Ada mi Hit azi Elon yangö böratña, Oholibama mi Hiwi azi Zibeongö nahönñi Ana yangö böratña.* ³Basemat mi Ismaelgö böratñi Nebaiotkö nenñi.* ⁴Adanöñ Isogö nahönñi Elifaz meiga Basematnöñ yangö nahönñi Reuel meyök. ⁵Oholibamanöñ Jeus, Jalam aka Kora engömeyök. Isogö nahönurupñi mewö mi Keinan gölmenöñ asuhuget.

⁶⁻⁷Jeikob aka Iso yetköreñ mirigö sömbup kambuñi kambuñi gwötpuk ahögerangöra gölme kiana malohori, mianön qahö dop kölok. Sukinapñiran keta bölökñi aiga mohotje tata malbingö osiget. (6) Miangöra Isonöñ anömurupñi, nahönbörorupñi aka könagesöurupñi pakpak yangö mire malgeri, mi enguangirök. Mi enguangita lama bulmakau kambuñi kambuñi, donki kamelurupñi aka sukinap yuaini pakpak Keinan gölmenöñ mala miwikñaiyöhi, mi memba munñi Jeikob mosöta gölme kunöñ anök. ⁸Iso qetji alani Edom yanön mewö aka Seir gölme kundunambuk miangöreñ anda malget.

⁹Isonöñ Seir gölme kundunambuk miangöreñ mala Edom könagesö yengö bömön jalönjini ahöhi, yangö gwölönarökurupñi yengö qet areñini kewö: ¹⁰Isogö nahönurupñi yengö qetjini kewö: Anömñi Ada yangö nahönñi qetji Elifaz. Anömñi Basemat yangö nahönñi qetji Reuel. ¹¹Elifazkö nahönurupñi 5 mi Teman, Omar, Zefo, Gatam aka Kenaz. ¹²Isogö nahönñi Elifaz yangö anömñi bohönñi qahö memeni qetji Timna yanön Elifazkö nahönñi Amalek meyök. Isogö anömñi Ada yangö isi aziurupñi mi mewö. ¹³Reuelgö nahönurupñi 4 mi Nahat, Zera, Sama aka Miza. Isogö anömñi Basematkö isi aziurupñi mi mewö.

¹⁴Isogö anömñi Oholibama yanön Isogö nahönurupñi karöbut engömeiga qetjini Jeus, Jalam aka Kora qetket. Oholibama mi Zibeongö nahönñi Ana yangö böratñi ahök.

¹⁵Isogö gwölönarökurup kambuñi kambuñi yengö azi kembuñini mi kewö: Isogö nahönñi mutukñi Elifaz yangö nahönurupñi mi azi kembu qetjini Teman, Omar, Zefo, Kenaz, ¹⁶Kora, Gatam aka Amalek. Elifazkö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Ada yangö isiurupñi aket.

¹⁷Isogö nahönñi Reuel yangö nahönurupñi mi azi kembu qetjini kewö: Nahat, Zera, Sama aka Miza. Reuelgö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Basemat yangö isiurupñi aket.

¹⁸Isogö anömñi Oholibama yangö nahönurupñi mi azi kembu qetjini kewö: Jeus, Jalam aka Kora. Azi kembu mi Isogö anömñi Oholibama, Anagö böratñi yangö nahönurupñi aket. ¹⁹Iso (Esau) qetji alani Edom yangö nahönurupñi mewö aka yengö könagesöurup mienjö azi kembuñini mi mewö.

*Seir könagesögö qet areñi**1 Hist 1.38-42*

²⁰Hor könagesögö azi Seir yangö nahönurupñi mutuk Edom gölmenöñ malgeri, yengö qetjini kewö: Lotan, Sobal, Zibeon, Ana, ²¹Dison, Ezer aka Disan. Seirgö nahönurupñi

* 35:27: Jen 13.18 * 36:2: Jen 26.34 * 36:3: Jen 28.9

mi mutuk Edom gölmenöŋ Hor könagesö yeŋgö azi kembuŋina malgetka Isonöŋ könäŋgep kayök.

²² Lotangö nahönyahötŋi yahöt mi qetŋiri Hori aka Heman. Lotangö nenni qetŋi Timna.

²³ Sobalgö nahönurupŋi qetŋini kewö: Alwan, Manahat, Ebal, Sefo aka Onam.

²⁴ Zibeon yaŋgö nahönyahötŋi yahöt qetŋiri Aia aka Ana. Anagö kösohotŋi kewö: Yaŋön iwiŋi Zibeongö donkiŋi gölme qararaŋkölkölŋe galöm köl eŋgii nene jaruba negetka miangöreŋ o jeŋi jeŋi könöpŋinambuk miwikŋaiyök. ²⁵ Anagö nahönböratyahötŋi yahöt mi nahönŋi Dison aka böratŋi Oholibama. ²⁶ Disongö nahönurupŋi qetŋini kewö: Hemdan, Esban, Itran aka Keran.

²⁷ Ezergö nahönurupŋi qetŋini kewö: Bilhan, Zawan aka Akan.

²⁸ Disangö nahönyahötŋi yahöt qetŋiri Uz aka Aran.

²⁹ Hor könagesöŋi könagesöŋi yeŋgö azi kembu-urupŋini yeŋgö qetŋini mi Lotan, Sobal, Zibeon, Ana, ³⁰ Dison, Ezer aka Disan. Hor könagesöŋi könagesöŋi yeŋgö azi kembu-urupŋini mi areninaŋgö dop Seir gölmenöŋ mewö malget. Mewö.

Edom yeŋgöreŋ kiŋ kembu areŋi

1 Hist 1.43-54

³¹ Israel könagesö yeŋgöreŋ kiŋ kembu kun qahö galöm köl eŋgiiga qeljiŋe nalö miangöreŋ kiŋ kembu kewöŋan lök Edom gölme miangöreŋ galöm köl eŋgiba malget:

³² Beorgö nahönŋi Bela yaŋön Edom yeŋgö kiŋ kembuŋini ahök. Yaŋgö sitiŋaŋgö qetŋi Dinhaba.

³³ Belanöŋ kömuiga Bozra mirigö azi qetŋi Jobab, Zeragö nahönŋi yaŋön Belagö salupŋe kiŋ aka malök. ³⁴ Jobabnöŋ kömuiga Teman gölmegö azi qetŋi Husam yaŋön salupŋe kiŋ aka malök. ³⁵ Husamnöŋ kömuiga Hadad, Bedadkö nahönŋi yaŋön salupŋe kiŋ aka malök. Hadadnöŋ Moab gölmenöŋ anda Midian azi yembuk yarö gila eŋguba luhut alök. Yaŋgö sitiŋaŋgö qetŋi mi Awit. ³⁶ Hadadnöŋ kömuiga Masreka mirigö azi qetŋi Samla yaŋön salupŋe kiŋ aka malök.

³⁷ Samlanöŋ kömuiga Saul yaŋön salupŋe kiŋ aka malök. Yaŋgö miriŋi Rehobot mi Yufreitis o töwatŋaŋgö kösutŋe ahöyök. ³⁸ Saulnöŋ kömuiga Balhanan, Akborgö nahönŋi yaŋön Saulgö salupŋe kiŋ aka malök. ³⁹ Akborgö nahönŋi Balhanan kömuiga Hadarnöŋ salupŋe kiŋ aka malök. Yaŋgö sitiŋaŋgö qetŋi mi Pau. Anömŋaŋgö qetŋi Mehetabel. I Matredgö böratŋi aka Mezahabgö isiŋi malök.

⁴⁰ Isogö gwölönarökurupŋi yeŋgö azi kembu qet areŋi mi isikŋinaŋgö dop aka miri gölmeŋinaŋgö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupŋina malgetka qetŋinaŋgö dop miri gölmeŋinaŋgö qetŋini qetket. Edom qetŋi alaŋi Iso yaŋön mutuk gölme memba tata mala Edom könagesögö bömön jalöŋi ahök. Mewö.

37

Josef aka darumunurupŋi

¹ Aisaknöŋ Keinan gölmenöŋ kian aka maliga nahönŋi Jeikobnöŋ miangöreŋ toroqeba malök. ² Jeikobkö gwölönarökurupŋi miengö kösohotŋini kewö: Josefnöŋ azi gwabö yambuŋi 17 aiga darumunurupŋi, iwiŋaŋgö anömyahötŋi bohönŋiri qahö memenŋi Bilha aka Zilpa yetkö nahönurupŋi yembuk lama aka meme (noniŋ) kambuŋi kambuŋi galöm köl eŋgiba malget. Mewö mala darumunurupŋan silik akeri, miangö kösohotŋi bölöŋi bölöŋi mi iwiŋaŋgö jii möta malök.

³ Jeikobnöŋ azi namŋi aiga nahönŋi Josefnöŋ asuhuyöhi, miangöra iwiŋan i nahönurupŋi tosatiŋi pakpak eŋgoŋgita uruŋan jöpaköm waŋgiba malök. Nalö kunöŋ maluku köröpŋi ekjeritŋambuk böröŋi köröpŋi mi memba Josef waŋgiyök.

⁴ Iwiŋan i darumunurupŋi pakpak eŋgoŋgita uruŋan jöpaköm waŋgiba malöhi, yaŋgö

darumunurupñan mi eka könahiba kazik ak wangiba yambuk ala-alagö keunji kun qahö eraum-möta malget.

⁵ Sunjem kunöñ Josefnöñ gaun kun eka miangö kösohotñi mi darumunurupñi jiiga mötket. Mi mötketka uruñinan öngöiga kazik gwötpuk ak wangiba malget. ⁶ Kösohotñi mi kewö jiiga mötket: “Mötket, ni gaun kun ekzali, mi kewö: ⁷ Nini nupnöñ mala wit padi böranini jöhöbingö tandök akzin. Mewö ahinga nöngöreñ wit padi börani miangön wahöta köngöp kiniga engöreñ böran mienön mönö nöngöreñ böran liliköba sökoba kinje.”

⁸ Mewö jiiga möta darumunurupñan Josefköra kewö jiget: “Gi nengöreñ kinj kembuya akanak me? Gi ölna galöm köl nengimangöra mötzan me?” Josefnöñ gaunñi eka miangö kösohotñi jiyöhi, miangöra yengö uruñinan kunbuk toroqeba öngöiga kazik keta bölökñi möt wangiba malget.

⁹ Miangö andöñe gaun kun kunbuk eka miangö kösohotñi darumunurupñi kewö jiiga mötket: “Nöñön gaun kun ekiga miangöreñ wehön, köñ aka senjelau 11 mienön nöngöra sipköget.”

¹⁰ Kösohotñi mi iwinji aka darumunurupñi jii mötketka iwinjan tembula kewö jim wangiyök: “Gi gaun tandökñi mewöñi mi denöwögöra ekzane? Ni, namgi aka darumunurupki neñön mönö denöwö aka göhöreñ kaba jemesoholge simin köla gölmenöñ bangöbinak?” ¹¹ *Mewö asuhuiga darumunurupñan uruñinan mututqutut (jelös) möt wangiba malgetmö, iwinjan keu mi uru könömñe ali ahöiga mötmöriba malök. Mewö.

Josef bohonñi memba wangita Ijipt gölmenöñ anget.

¹² Nalö kunöñ Josefkö darumunurupñi yeñön iwinjanangöreñ lama kambu-urupñi galöm köl engibingöra Sekem miri kösutñe anda malget. ¹³ Miangöreñ malgetka Israelnöñ Josef kewö jii mörök: “Nahöni, göhö darumunurupkan Sekem kösutñe lama kambunini galöm köl engiba maljei, mi mötzan. Ölöp kanöñga melaim gihibi yengöreñ anman. “Mewö jiiga möta “Ölöp anmam,” jiyök.

¹⁴ Jiiga kewö jii mörök: “Gi mönö anda darumunurupki aka lama kambunini engeka denöwö maljei, miangö keu kösohotñi mi memba lilingöba kaba jinöñga mötmam. “Mewö jii möri Hebron örueñeyök (ruerueñeyök) melaim wanggiiga anda mala Sekem gölmenöñ angorök.

¹⁵ Sekem gölmenöñ angota gölme köröñe köna jaruba lan anda maliga azi kunñan miwikñaiaba eka kewö qesim wangiyök: “Gi wani yuaia jaruba maljan?”

¹⁶ Qesim wanggiiga kewö melenök: “Ni darumunurupni yengöra jaruzal. Yeñön denikeangöreñ mala lamaurupñini galöm köl engizei, mi ölöp jinöñga mötmam.”

¹⁷ Mewö meleniga kewö jiyök: “Yeñön lök gölme ki mosöta anget. Dotan mire anbingöra jigetka möral. “Mewö jiiga möta darumunurupñi yengö könanjine enguatañgöba mala Dotan miri kösutñe anda miwikñaim engiyök.

¹⁸ Miwikñaim engiba kösutñine qahö angorökmö, tikep endu kaiga darumunñan i eka tokoba Josef qebingö angönañ alget. ¹⁹ Angönañ ala nanñinök kewö eraum-mötket: “Eket, gaun ehok azi miangön mönö endu kaza. ²⁰ Ayop, mönö kagetka anda qein kömuiga qamötñi o lömñi kunöñ gilin geiga kewö jibin: ‘Sömbup kalñan mönö i qei kömuyök.’ Gaunñangö ölnan denöwö asuhumawi, mi mönö miangö andöñe ekin.”

²¹ Mewö eraum-mötketka Rubenöñ mi möta Josef böröñineyök meköba malmalñi jöhömangöra möta kewö jiyök: “I mönö kude qeinga kömuma.” ²² Toroqeba kewö jii mötket: “Sepñi mönö kude mokome. Gölme qararañkölkölñe o löm ki kinjawi, i ölöp miangöreñ gilgetka gemapmö, böröñinan mönö yangö silene kude misiriba qeme. “Rubenöñ Josef böröñineyök meköba angön köla wangita iwinjanangöreñ lilingöba anbitköra möta keu mewö jiyök.

* 37:11: Apo 7.9

²³ Mewö jii möta kingetka Josefnöŋ darumunurupŋi yeŋgöreŋ kaŋgorök. Kaŋgoriga malukuŋi köröpŋi ekjeritŋambuk böröŋi köröpŋi wöta kayöhi, mi laŋ öröba munjurata qeköget. ²⁴ Mi qeköba munŋini qeraköba memba anda o lömnöŋ gilgetka geyök. O löm mi oŋi qahöpmö, gwamönŋa kinök.

²⁵ Mewö aka nene nemingö eta tatket. Eta tata jeŋini uget aniga Ismael könagesögö kölköl-örörö azi tosatŋan Gilead miri mosöta kamelŋini totnöŋ totnöŋ al eŋgiba awatan kagetka eŋeket. Yeŋön kamel qakŋine gipmi bakötök, sile mirimirigö kelökŋi aka marasin ip tokuŋi qetŋi mör gipit mi algetka bisiba Ijpt kantrinöŋ anbingöra kaget.

²⁶ Mewö eŋgeka Judanöŋ darumunurupŋi kewö jii mötket: “Nini munini qein kömuiga sepŋaŋgö keuŋi köyatiba asambötŋin ewö, miaŋön mönö denöwö bauköm neŋgibawak? ²⁷ Yaŋön nanini munini aka nanini sepkitipnini akzawaŋgöra mönö böröŋinan silene kude misiriba qebimö, ölop kagetka anda Ismael azi mieŋön i söŋgörüŋi memegöra eŋgibin. “Mewö jiiŋa darumunurupŋan mi möta urumohot aka imbi kölget.

²⁸ *Mewö aketka Midian gölmegö Ismael könagesögö kölköl-örörö azi mieŋön kaba kaŋgota eŋgoŋgitpingö aket. Mewö aketka munŋini Josef mi o lömnöhök öröget koriga silwö kötŋi 20:nöŋ söŋgörüŋi memegöra al waŋgiget. Al waŋgigetka Ismael azi mieŋön i bohönŋi memba waŋgita Ijpt kantrinöŋ anget.

²⁹ Angetka Rubenöŋ kungenök liliŋgöba o lömnöŋ kaiga Josefnöŋ miaŋgöreŋ kunbuk qahö kiniga eka wösöŋi juliga wösöbirikŋi kondela malukuŋi munjurarök. ³⁰ Malukuŋi munjurata munurupŋi yeŋgöreŋ liliŋgöba kaba kewö jiyök: “Morö gwabönöŋ mönö denike ayapköba sohoza? Yei! Miaŋgö keuŋan nöŋgö qakne öŋgöiga mönö denöwö akileŋak?”

³¹ Mewö jiiŋa meme (noniŋ) aziŋi kun memba qeget kömuiga Josefköreŋ malukuŋi memba meme miaŋgö sepŋan kundumgöba membiliget. ³² Membiliba malukuŋi köröpŋi ekjeritŋambuk böröŋi köröpŋi mi memba mire anda iwiŋi kondela kewö jiget: “Nini ki miwikŋaizin. Mi nahöŋgi Josefköreŋa me qahö, mi ölop ek kewötman.”

³³ Mewö jigetka ek kewöta kewö jiyök: “Ki mi nahönaŋgöreŋ malukuya. Sömbup kalŋi kunŋan mönö yaijapaleleŋ qei kömuiga gwahörök. Öŋa, Josef mi yöhöqöhötiiga borom-borom ahök.” ³⁴ Mewö jiba amburereŋ aka wösöbirikŋi kondela malukuŋi munjurata sileni gölmenöŋ membiliba nahönŋaŋgö nalö köröpŋi jiiŋeŋ köla sahöta malök. ³⁵ Mewö maliga nahönböraturupŋi pakpak yeŋön kaba urukölalep mem waŋgibingö aketmö, yaŋön mi qetala tököba urukondumök möta kewö jiyök: “Qahö! Nöŋön mönö jiiŋeŋ köla sahöta mala kömumba uŋem mire nahönaŋgöreŋ gemam. “Mewö jiba Josefköra sahöta malök.

³⁶ Mewö maliga nalö miaŋgöreŋ Midian gölmegö kölköl-örörö azi yeŋön Josef waŋgita Ijpt kantrinöŋ aŋgota bohönŋi memegöra algetka Farao kiŋgö jembonŋi kun qetŋi Potifar, kiŋgö malmalŋaŋgö sikiriti yeŋgö suahö galömnina malöhi, yaŋön i söŋgörüŋi meiga welenqeŋeŋi omaŋi ahök. Mewö.

38

Juda aka Tamar

¹ Nalö miaŋgöreŋ Judanöŋ darumunurupŋi eŋgömosöta yagömanŋe Adulam mire geba azi kun qetŋi Hira yambuk tata malök. ² Miaŋgöreŋ mala Judanöŋ Keinan azi kun qetŋi Sua yaŋgö böratŋi eka anömŋa meiga mohotŋe ahöyohot. ³ Mohotŋe ahöyohotka anömŋan gölöm ala morö nahön memba qetŋi Er qerök. ⁴ Mewö qeta kunbuk gölöm ala morö nahön kun memba qetŋi Onan qerök. ⁵ Miaŋgö bapŋe dumŋe kunbuk morö nahön kun memba yaŋgö qetŋi Sela qerök. Morö nahön mi Kezib mire mala miaŋgöreŋ meyök.

⁶ Mewö malgetka Judanöŋ nahönŋi mutukŋi Er yaŋgöra ambi kun qetŋi Tamar waŋgiiga anömŋa ahök. ⁷ Anömŋa ahökmö, Judagö nahönŋi mutukŋi Er yaŋön Kembugö

* 37:28: Apo 7.9

jeje bölöni aka memba malöhi, miangöra Kembunöni jim teköm wanjiiga kömuyök. ⁸ Kömuiga Judanöni nahönni Onangöra kewö jiyök: “Gi ölop datkahö malöni memba qambötni akzanangö köna keunji wuatangöba yambuk ahöba datkahöra gwölönarök qiwiknaiman.”

⁹ Mewö jiyökmö, Onanöni gwölönarök mi yangö bujaya qahö akjawawi, mewö möta silik kewö aka malök: Datjangöra gwölönarök qiwiknabapuköra yangö anöm malönambuk ahöba malöhi, nalö miangören nalö dop morö qiwiknabapuköra sile onji mi öne gölmenöni qokoba malök. ¹⁰ Silik mewö aka malöhi, mi Kembangö jeje bölöni ahök. Miangöra Kembunöni i mewöyök jim teköm wanjiiga kömuyök. ¹¹ Kömuiga Judanöni iranji Tamargöra kewö jiyök: “Gi mönö iwigahö mire lilingöba anda malöya mala malnonga nahöni Selanöni qariba ketani akagun gi gömima. “Kejötöni kewö mötmöriba mewö jiyök: Selagö datyahötöni kömuyohotka yanön miangö dop mala mewöyök kömumbapuk. Mewö mötmöriba Tamargöra jiiga iwinangö mire lilingöba anda miangören tata malök.

¹² Miangören tata maliga nalö köröni teköiga Suagö boratni, Judagö anömni yanön kömuyök. Kömuiga jinjen köla sahöta mali teköiga Judanöni miri gölme qetni Timna miangören azi tosatni nanji lamaurupni yengö jupni mitigeri, i engekangöra öngöyök. Adulam mirigö azi alani Hira yambuk mohotne miangören öngöyohot. ¹³ Öngöyohotka Tamargöra buzup kewö jigetka mörök: “Mötnöni, göhө azi irangan mönö lamaurupni yengö jupni mitimangöra aka Timna miri gölmenöni anja.”

¹⁴ Mewö jigetka mörök. Judagö nahönni Selanöni lök qariba ketani aiga töndup i anömni aknapköra qahö wanjiyök. Miangöra Tamarnöni malö malmangö malukuji qeköba nörop kawösenöni nörop jeni esuhuba turum anguyök. Mewö aka Timna anangö könanöni anda taon qetni Enaim miangören anggota kiripo nanju kösutne tarök.

¹⁵ Tariga Judanöni kaba eka jemesoholni esuhuyöhangöra i qahö ek kutuba mi köna ketani ambia mewö mötmöriyök. ¹⁶ Iranja taröhi, mi qahö möt kutuyöhangöra aka köna jitne yangören anda kewö jiyök: “Ölop kanönga nöni göbuk ahöbit. “Mewö jiiga möta kewö qesiyök: “Nömbuk ahömanangö töwani mönö wani yuaia ningiman?”

¹⁷ Mewö qesiiga kewö jiyök: “Ni nani kambunöhök meme moröni gwaböni kun albi göhören kama. “Mewö jiiga kewö qesiyök: “Mi mutuk qahö kaba kangoriga keugahö ölni akjawangö yuai kun mi ningiman me qahö?”

¹⁸ Mewö qesiiga kewö jiyök: “Nöngö keunangö ölni akjawangö yuai kun mi mönö wani yuaia gihibilejak?” Mewö jiiga kewö melenök: “Köpep supapkan qetki mekötahömakzani, mi, miangö kösö wötni aka öröpki börogan memba kinjani, mönö mia ningiman. “Mewö meleniga yuai mi wanjiba yambuk ahöiga gölöm alök. ¹⁹ Yambuk ahöba wahöta mirine anda nörop kawöseni lulunda qeköba malö malmangö malukuji mi kunbuk löngöta malök.

²⁰ Mewö maliga Judanöni nalö kunöni Adulam mirigö azi alani Hira melaiba kewö jiyök: “Gi mönö meme (noni) moröni gwaböni memba anda ambi mi wanjionga nöngö keunangö ölni akjawangö yuaini mi melen gihiga memba kaman. “Nup mewö memapköra Hira melaiiga anökmö, Hiranöni ambi mi qahö miwiknaiyök. ²¹ Qahö miwiknaba Enaim azi tosatni kewö qesim engiba jiyök: “Jöwöwöl jikegö köna ketani ambinöni Enaim kiangören köna göraje taröhi, mi denike?” Mewö jiiga kewö melenja jiget: “Ambi mewöni kun mi kiangören qahö malök.”

²² Mewö jigetka Hiranöni öne lilingöba Judagören kaba jiyök: “Nöni anda ambi mi qahö ehal. Miri miangö tonji yanön mewöyök keu kewö jigetka möral: ‘Jöwöwöl jikegö köna ketani ambinji kun mi kiangören qahö malök.’”

²³ Mewö jiiga Judanöni kewö jiyök: “O alani, muat! Yanön yuai mi ölop memba malma. Yuai kun akirak, mönö gön köl netkigetka gamunöni turum netkibapuk. Nöni meme moröni gwaböni ki mi ölop albiga anökmö, göni ambi mi qahö miwiknainöni.”

²⁴ Mewö jiiga köiņ karöbutkö dop teköiga tosatņan Judagöra buzup keu kewö jigetka mörök: “Göhö irangi Tamarnöņ mönö serowilin aka gölöm ala malja. “Mewö jigetka Judanöņ mi möta Mosesgö köna keugö dop jimkutukutu kewö alök: “I mönö waņgita örörahöba könöpnöņ gilgetka geba jema.”

²⁵ I waņgita örörahöba angetka iranņan Judagöra keu kewö aliga anök: “O irani, yuai kiengö toņan mönö nömeiga gölöm ala maljal. Miangöra köpöp supap ki, miangö kösö wötņi aka öröp ki mönö ek kewöta toņi miwikņaiman.”

²⁶ Keu mewö ali aniga möta nanņi yuaiņi mi ek kewöta kewö jiyök: “Yaņön keu mi ölna jiza. Nöņön i nahöni Selagö anömņi akņapköra qahö waņgial. Miangöra yaņön mönö ni noņgita ambi diņdiņi aka keu mi jiza. “Mewö jiba ambi miambuk kunbuk qahö ahöyök.

²⁷ Könaņgöp morö memangö nalöņan kam kuņguiga morö gösöņangö uruņe siwisiwi azi moröņi yahöt tarohot. ²⁸ Tarohotka morö memangö aiga kunöņ böröņi suluiga erök. Eriga anjö meme ambinöņ mi eka möt kösö pisikņi pötpöt memba böröņe jöhöba kewö jiyök: “Yaņön mutuk asuhuza.”

²⁹ Mewö jiyökmö, morö mianöņ böröņi kunbuk öröi öngöiga alañan mutuk asuhuyök. Yaņön asuhuiga anjö meme ambinöņ kewö jiyök: “O mönö mewö aka könagi munjurata asuhuzan. “Mewö jiiga qetņi Perez qetket. (Perez Könaņi munjuratza.) ³⁰ Miangö andöņe alañangö böröņe möt kösö pisikņi pötpöt ahöyöhi, yaņön asuhuiga qetņi Zera qetket. (Zera pisikņi pötpöt) Mewö.

39

Josef aka Potifargö anömņi

¹ Nalö sutņe miangören İsmael könagesögö kölköl-örörö azi yeņön Josef waņgita Ijpt kantrinöņ aņgota bohonņi memegöra alget. Algetka Ijpt azi kun qetņi Potifar, Farao kingö jembonņi kun aka malmalņangö sikiriti yeņgö suahö galömnina malöhi, yaņön i söņgöröņi meiga welenqeqeņi omanı ahök.

² Mewö aka maliga Kembunöņ Josefpuk kiniga yuai pakpak aka memba malöhi, miangören mönö töhötmöriam miwikņaiyök. Yaņön toņi Ijpt azi yaņgö mire malök.*

³ Mewö maliga Kembunöņ Josefpuk kinda kondot waņgiiga yuai pakpak böröņan memba malöhi, mianöņ mönö töhötmöriamņambuk ahök. Mewö aiga toņan mi ehök. ⁴ Toņan mi ehi ölop dop köliga yaņgö jeņe eksihim miwikņaiiga jiiga nanņi malmalņangö galömņi ahök. Potifarnöņ Josef kuņgum waņgiiga miriņangö yuai pakpak galöm köliga sukinap buņaņi pakpak yaņgö böröņe aliga köyan köla malök. ⁵ Miriņangö yuaiņi aka sukinap buņaņi mi pakpak Josefnöņ galöm kölmapköra böröņe ala malöhi, Kembunöņ nalö miangörenök könahiba Ijpt azi miangö miri yuaiņi mi Josefköra aka kötuetsköba malök. Potifargö miriņe aka nupņe öröyulaiņi pakpak ahöyöhi, mi mönö kötumötuet qakņe ahöyök. ⁶ Mewö ahöiga Potifarnöņ öröyulaiņi ahöm waņgiyöhi, mi pakpak Josefkö böröņe al teköba kinda nanņak i me wai miangö waimanjatņi kun qahö mörök. Yaņön nene nemangöra mohot mötkurumkurum aka malök. Josefkö silenı öndölböndöl qariiga kaisoņgolomņan eksihimņambuk ahöiga malök.

⁷ Mewö maliga nalö tosatņi teköiga Potifargö anömņan Josef eka eksihimņi möta kewö jiyök: “Gi mönö kanöņga nömbuk ahöbit.”

⁸ Mewö jiyökmö, yaņön mi tököba toņangö anömņi kewö jii mörök: “Qahö! Mötnöņ, toni nanņak miriņe öröyulai ahözawaņgö waimanjatņi qahö ahakzapmö, sukinap buņaņi pakpak mi mönö nöņön galöm köla malmangöra nöņgö böröne al teköiga ahöza.

⁹ Mewö ahöiga miri kiangö uruņe i aka ni netkö kukösumniran mönö öröröņ ahöza. Göņön anömņi akzanaņgöra gi aņgön köl niņgiyökmö, yuai tosatņi kun mi nöņgöra qahö aņgön kölök. Miangöra nöņön denöwögöra aka ahakmeme bölöņi kötökņi mewöņi mi aka mianöņ Anutu qetala siņgisöndök akilenjak?” ¹⁰ Mewö jii möta keu mewöņi mi wehön

* 39:2: Apo 7.9

dop Josefköra jiba malökmö, yañön töndup mi qetala mala yañgö ahöahö dumnöñ anda yambuk ahöbitkö imbi qahö kölöc. Mewö yambuk mohotñe malbitkö mewöyök tököyök.

¹¹ Mewö tököba maliga wehön kunöñ mirigö welenqequeurupñi yengöreñök kunñan miri uruñe qahö maliga Josefnöñ nupñi jijiñi memamgöra miri uruñe öngöyök. ¹² Öngöiga ambi mianñön Josefkö malukuñe qelanjiba memba kewö jiyök: “Gi mönö kanöñga nömbuk ahöbit. “Mewö jiyökmö, Josefnöñ malukuñi mi yañgö böröñe mosöta ölöñ köla diñdingöba sombemnöñ silenje erök. ¹³ Malukuñi yañgö böröñe mosöta ölöñ köla sombemnöñ eröhi, ambi mianñön mi ehök.

¹⁴ Mi eka mirigö welenqequeurupñi engoholi kagetka yengöra kewö jiyök: “Mötket, apnan Hibru azi mi wañgita mirinine kayöhi, yañön mönö göngönahit ak neñgiba malja. Yañön nömbuk ahöbitköra nöngöreñ kotzapmö, nöñön qet gigilahözal. ¹⁵ Qet gigilahöbiga möta malukuñi nöngö wösöne mosöta ölöñ köla diñdingöba silenje geza.”

¹⁶ Mewö jiba Josefkö malukuñi kösutñe ali ahöi Josefkö toñan lilingöba kamapkö mamböta tari kayök. ¹⁷ Kaiga kösohotñi mewöyöhök jii möriga kewö jiyök: “Hibru welenqeque azi mi wañgitañöñga neñgöreñ kayöhi, yañön mönö nömbuk göngönahit akñamgöra nöngöreñ kotza. ¹⁸ Kotzapmö, nöñön qet gigilahöbiga möta malukuñi nöngö wösöne mosöta ölöñ köla diñdingöba silenje geza.”

¹⁹ Mewö jiiga Josefkö toñan anömñan kösohot mewö jii möriga kewö jiyök: “Göhö welenqepegan mönö mewö ak niñgiza. “Mewö jii möta irimñi seholiiga uruñi könöp jeyök. ²⁰ Uruñi könöp jeiga jiiga Josef memba Farao kiñgö kösö mirinöñ azi galöm köñ engiba malgeri, mönö kösö miri miangöreñ alget geba ahöba malök. ²¹ Josefnöñ kösö miri miangöreñ malökmö, Kembunöñ Josefpuk kinda kötuetsköba ak kömum wañgiba mali kösö mirigö galöm bohonñan mi eka yañgöra eksihim mörök.* ²² Eksihim mörohəñgöra azi pakpak kösö mire tatkeri, mi Josefnöñ galöm köñ engimapköra yañgö böröñe al engiyök. Yuai pakpak miangöreñ aka memba malgeri, mi Josefnöñ jim kutum engiyöhəñgö dop aka memba malget.

²³ Kembunöñ Josefpuk kinda kötuetsköm wañgiba kondoriga yuai pakpak aka memba malöhi, mi töhötmöriamñambuk asuhuba ahöyök. Miangöra kösö mirigö galöm bohonñan Josefnöñ yuai pakpak denöwö galöm köla jim kutum engiba malöhi, miangö waimanjatñi kun qahöpmañöp möta malök. Mewö.

40

Josefnöñ azi yahöt yetkö gaunñirañgö könañi jiyök.

¹ Nalö tosatñi teköiga Ijptkö kiñ kembunəñgö wain o qambigö galömñi aka bered ohohogö galömñi yetköñ ketañamñiri Ijptkö kiñi qetala köna siñgiyohot. ² Mewö ahotka Farao kiññöñ jembonñi yahöt, wain o qambigö galömñi bohonñi aka bered ohohogö galömñi bohonñi yetköra aka irimñi seholiyök. ³ Irimñi seholiiga jiiga etkuangita kiñgö malmaləñgö sikiriti yengö suahö galömñinañgö kösö mire yañgö böröñe al etkigetka geyohot. Josefnöñ kösö miri miangöreñök malök. ⁴ Sikiriti yengö suahö galömñinan Josef jim kutum wañgiiga i welen qem etkiba malök. Mewö maliga nalö tosatñi toroqeba kösö mire malget.

⁵ Mewö mala malgetka Ijpt kiñgö wain o qambigö galömñi aka bered ohohogö galömñi yetköñ sunjem mohot miangöreñök gaunñiri inanñök inanñök ehot. Gaunñirañgö könañi mi inanñök inanñök. ⁶ Mi ehotka Josefnöñ söñanöhök yetköreñ öngöba etkehi urueret aka bosoliba tarohot.

⁷ Mewö tarohotka Farao kiñgö jembon yahötñi yetköñ Josefkö ketañamñəñgö kösö mire yambuk mohotñe tarohori, i kewö qesim etkiyök: “Inñiri merak denöwögöra jeme-soholñiri wösöbirikje uba tatzahot?”

* 39:21: Apo 7.9

⁸ Qesim etkiiga kewö melenḁa jiyohot: “Niri nanḁök nanḁök gauniri ekzitmö, mietkö könaniri mi danḁön jii mötpirak?” Mewö jiyohotka Josefnöḁ kewö jiyök: “Anutunöḁ mönö gaungö könanini jiji Tonji akzapmö, ölop töndup gaunḁiri jiyohotka mötmam.”

⁹ Mewö jiiga wain o qambigö galöm bohonnaḁ gaunḁi ehöhi, miangö kösohotḁi mi Josef kewö jii mörök: “Nöḁön gauni uruḁe wain ip kun mi nöḁgö wösöne kiniga ekzal. ¹⁰ Wain ipkö böröḁi karöbut kingetka könahiba sötni jula kota kuḁguzawi, nalö miangöreḁök juranḁi kota tuliga kaḁenḁi kaḁenḁi asuḁuba öligetka ölnaḁgö kötni pisihize. ¹¹ Pisihigetka ni Farao kiḁgö qambinḁi mi böröḁan memba kinda ölnaḁgö kötni memba mözöhölbiga onḁi Farao kiḁgö qambinöḁ geiga kiḁgö böröḁe aljal.”

¹² Mewö jii möta Josefnöḁ kewö jii mörök: “Gaungahö könanḁi mi kewö: Ip böröḁi karöbut mi wehön karöbutkö söpsöpḁi akza. ¹³ Wehön karöbut teköiga Farao kiḁnöḁ göhö nöropki mem wahöta pösat gihiba kunbuk nupke al gihima. Gi mutuk yaḁgö wain o qambigö galöḁḁa mala qambi Farao kiḁgö böröḁe ala malnöḁi, miangö dop mönö kunbuk aka malman.

¹⁴ Mewö malmanmö, sösoḁgai qakḁe malmani, nalö miangöreḁ mönö ni mötmöriba ak kömum niḁgiba nöḁgö kösohotni Farao kiḁgöra jinöḁga mötma. Mewö aka bauköm niḁḁinöḁga kösö miri ki mosöta etpileḁak. ¹⁵ Mötnöḁ, ni Hibuḁ könagesögö gölmenöhök ösum-mumu qakḁe yoḁgorö noaḁgicketka kaba kianaḁgöreḁ mewöyök yuai bölöḁi kun kösö miri kianaḁgö dutḁe al niḁgieraḁgö dop mi qahö ahal.”

¹⁶ Josefnöḁ mewö jii möriḁa bered ohohogö galöm bohonnaḁ alaḁaḁgö gaunḁaḁgö könanḁi ölopḁi jim asariyöhi, mi eka kewö jii mörök: “Nöḁön mewöyök gauni ekiga miangöreḁ bered könde karöbut nöḁgö nöropne kunduta kazal. ¹⁷ Kaba könde qakḁe eu tatzawi, miangöreḁ bered yuai nahöḁḁinambuk könanḁi könanḁi Farao kiḁgöra ahözapmö, neiḁi neiḁi yeḁön kaḁgota könde kunduta kazali, miangöreḁök mi nem teköze.”

¹⁸ Mewö jii möta Josefnöḁ kewö melenḁa jiyök: “Gaungahö könanḁi mi kewö: Könde karöbut mi wehön karöbutkö söpsöpḁi akza. ¹⁹ Wehön karöbut teköiga Farao kiḁnöḁ jiiga liḁḁipnöḁ geriba qetohom gihiba nöropki aka qamötki mem wahöta ipnöḁ möndögetka neiḁi neiḁi yeḁön kaḁgota busugi nem teköme.”

²⁰ Mewö melenḁa jiiga wehön karöbut teköiga Farao kiḁgö ahuahü nalöḁan kam kuḁguiga jembonurupḁi pakpak i nene lömbuaḁ ohoba enḁiyök. Mi ohoba enḁiba wain o qambigö galöm bohonnaḁi aka bered ohohogö galöm bohonnaḁi yetkö nöropḁiri mi jembonurupḁi yeḁgö jeḁine memba wahörök. ²¹ Wain o qambigö galöḁḁan mutuk nupḁi memba malöhi, mi toroqeba memapköra kuḁgum waḁḁiiga dumḁe kunbuk qambi mi Farao kiḁgö böröḁe ala malök.

²² Mewö malökmö, kiḁnöḁ bered ohohogö galöm bohonnaḁgö keuḁi jim teköiga Josefnöḁ gaunḁiraḁgö könanḁi jii mörohoraḁgö dop i liḁḁipnöḁ eriba qetohoba nöropḁi aka qamötki mi mem wahöta möndöget. ²³ Miangö andöḁe wain o qambigö galöm bohonnaḁ Josef qahö mötmörim waḁḁiyökmö, i ölum qeiga laḁ malök. Mewö.

41

Kiḁnöḁ gaunḁi ehiga Josefnöḁ könanḁiri jim asariyök.

¹ Yambu yahöt teköiga Farao kiḁnöḁ gaun kun kewö ehök: Yaḁön Nail o töwatḁaḁgö göraḁe kiniga ² bulmakau döḁḁi 7 ölop sorokḁi kelök busuḁinambuk mi o töwatḁi miangöreḁök kota jeḁepözaḁ sutḁine kinda tembam keuḁaḁ neget. ³ Mienḁgö andöḁine bulmakau tosataḁi 7 sihitqarambuḁinanök kaisoḁgolomḁini piromḁi mi o töwatḁi miangöreḁök kota bulmakau mutukḁi mienḁgö kösutḁine anda o töwatḁaḁgö göraḁe kinget. ⁴ Bulmakau piromḁi sihitqarambuḁinanök mienöḁ bulmakau döḁḁi ölop sorokḁi kelök busuḁinambuk 7 mi gwahöt enḁiget. Farao kiḁnöḁ gaun mi eka miangöreḁök imbiḁi möta wahörök. ⁵ Wahöta gaunḁaḁgö kunbuk möta gem anda ahöba gaun kun kewö ehök:

Wit padi ip mohotkö kembraje ölni kötñi ketanji ketanji kañgeninambuk 7 ölop kötökñi mi loñkam gili eta kinget.

⁶ Miengö andöñine ölni kañgeninambuk 7 mi kunbuk loñkam gili eta kingetka gölme qararanjökölñangö luhut könöpñan mi engohotiriiga soholiba gilipitñi (ambetakñi) aket. ⁷ Ölni morömorö kañgeninambuk mi ölni kañgeninambuk kötñini ketanji ketanji kungukunñu mi gwahöt engiget. Farao kiññöñ miangöreñök imbiñi möta wahöriiga ölni qahöpmö, mi gauna ahök. ⁸*Miri asariiga Farao kiññöñ gaunñangö mötkurumkurum möta Ijpt kantrigö tiripqözölqözöl aka mötkutukutu azi pakpak öröm engii yanğö jemesoholñe kañgotket. Kañgotketka gaun ehöhanğö kösohotñi mi jii mötketmö, körek yeñön gaunñangö könañiri mi Farao kiñğöra jim asaribingö osiget.

⁹ Osigetka wain o qambigö galöm bohonñan kinda Farao kiñ kewö jii mörök: “O kiñ, nöñön köna siñgiali, miangö keuñan döлки urune kañgoriga mötmörizal. ¹⁰ Nalö kunöñ Farao kiññöñ jembonurupñi nengöra aka irimñi seholiiga nömemba malmalñangö sikiriti yeñgö suahö galömñangö kösö mire al niñgiyök. Ni aka bered ohohogö galöm bohonñi mi nömbuk nanñi kösö miriñe al netkiiga tarit.

¹¹ “Miangöreñ tata mala netkön suñgem mohot miangöreñök gauniri inanñök inanñök ehit. Gaunirañgö könañi mi inanñök inanñök. ¹² Gauniri ekziga Hibru azi gwabö kunöñ miangöreñ netpuk malök. Yanğön sikiriti yeñgö suahö galömñangö welenqeqeñi maliga niri gauniri yanğöra jizi mörök. Yanğön gaunirañgö könañiri mi inanñök inanñök jim asarim netkiyök. ¹³ Könañiri jii möriñangö dop ölni mönö törörök kewö asuhuyök: Nöñön nupni mutuk memba malali, Farao kiññöñ ni nup miangöreñ kunbuk al niñgiyökmö, alani bered ohohogö galömñangö keuñi jim teköiga liñgipñöñ eriba qetohoba nöropñi aka qamötki mi mem wahöta möndöget.”

¹⁴ Mewö jiiga Farao kiññöñ möta Josefnöñ jemesoholñe kañgotmapköra jim kutuba tosatñi melaim engiiga anda kösö mirigö dutñeyök zilañ wañgita kaget. Kagetka jiiga nörop jupñi mitigetka opo malukuñi uteköba Farao kiñğö jemesoholñe kañgorök. ¹⁵ Kañgoriga Farao kiññöñ Josefköra kewö jiyök: “Nöñön gaun kun ekiga köreñan miangö könañi jibingö osizemö, kunöñ göhö könagi kewö jiiga mötzal: ‘Kunñan göhöra gaunñi jii möta göñön miangö könañi ölop jim asarimakzan.’ ”

¹⁶ Mewö jiiga Josefnöñ Farao kiñğöra kewö melen wañgiyök: “O Farao kiñ, nöñön qahöpmö, Anutunöñ mönö gaungahö könañi jim asariba keu ölopñi gihiiga urugan ölöwakña.”

¹⁷ Mewö melen wañgiiga Farao kiññöñ kewö jiyök: “Nöñön gauni ekzali, miangö uruñe nanak Nail o töwatñangö görañe kinjal. ¹⁸ Miangöreñ kinbiga bulmakau dömnji 7 ölop sorokñi busuñini kelökñinambuk mi o töwatñi miangöreñök kota jöjöpözan sutñine kinda tembam keuqañ neze. ¹⁹ Miengö andöñine bulmakau tosatñi 7 sihitqarambuñinanök kaisoñgolomñini piromñi kötökñi mi o töwatñi miangöreñök kotze. Nöñön bulmakau bölöñi kötökñi mewöñi mi nalö kunöñ Ijpt gölme pakpak kiangöreñ qahö engehal. ²⁰ Bulmakau sihitqarambuñinanök kaisoñgolomñini piromñi mienñön bulmakau dömnji busuñini kelökñinambuk 7 mutuk kotzei, mi gwahöt engize.

²¹ “Mi gwahöt engizemö, mi töndup kaisoñgolomñinan gwahöt engizeañgö dop utekutek qahö aiga engekzalmö, mutuk kaisoñgolomñinan piromñi kötökñi kota kinjei, yeñön mewöñanök tok kinje. Ni gaun mewö eka imbini möta wahötzal. ²² Wahöta kunbuk ahöba gaun kun kewö ekzal: Wit padi ip mohotkö kembraje ölni kötñi ketanji ketanji kañgeninambuk 7 ölop kötökñi mi loñkam gili eta kinje.

²³ “Miengö andöñine ölni kañgeninambuk tosatñi 7 mi sötni jula kota loñkam gili eta kingetka gölme qararanjökölñangö luhut könöpñan mi engohotiriiga soholiba moröñi aka gilipitñi (ambetakñi) akze. ²⁴ Ölni morömorö gilipitñi kañgeninambuk mi ölni

* 41:8: Dan 2.2

kanjeninambuk ölop sorokni mi gwahöt enjize. Nöñön gaun yahöt mi eka tiripqözölqözöl aziurupni jibi mötzemö, yeñön körek mietkö könañiri jim asarim niñgibingö osize.”

²⁵ Farao kiñnön mewö jiiga Josefnön keu kewö jiyök: “O Farao kiñ, göhö gaunyahötki mietkö könañiri mi mohok akza. Anutunön yuai könañep akñamgö mötzawi, yañön mi Farao kiñ göhöra indelja. ²⁶ Bulmakau dömnji 7 ölop sorokni mi yambu 7:gö söpsöpni akze. Wit padi ölni kanjeninambuk ölop kötökni 7 mi mewöyöhök yambu 7:gö söpsöpni akze. Könañiri mi örörön aka mohok akzahot.

²⁷ “Bulmakau sihitqarambuñinanök kaisongolomñini piromni 7 könañep kotzei, mi yambu 7:gö söpsöpni akze. Wit padi ölni kanjeninambuk 7 gölme qararañkölkölnañgö luhut könöpñan enghotiriiga soholiba gilipitni (ambetakni) akzei, mi bödi (buörö) mal-malgö yambu 7 miangö söpsöpni akze. ²⁸ Anutunön yuai könañep akñamgö mötzawi, yañön mi göhöra indela kondelja. Farao kiñgöra keu dölki mewö jizali, mi mönö mewögöra aka jizal. ²⁹ O kiñ, yambu 7:gö dop nene möriam keta bölökni asuhuba Ijpt gölme pakpak dop köla ahöma.

³⁰ “Mi ahömapi, yambu 7 miengö andöñine bödigö yambu 7 asuhuba ayuayuhu ketani kondoriga Ijpt kantrinön bölima. Mianön asuhuiga nene möriam mutuk Ijpt gölmenön ahöyöhi, mi gölme dop yeñön ölum enjum teköma. ³¹ Bödi mi köhöikni kötökni ahömawanögöra aka gölme dop ambazip yeñön nene möriamgö yambuñi 7 mutuk Ijpt gölmenön ahöyöhi, miangö keuni mi kunbuk qahö möta malme. ³² Anutunön gaun könañi mohot mi indimni yahöt gihii ekzani, mi könañi kewögöra: Anutunön keu mi lök jöhöba jim köhöiba alök. Mi jim köhöiba alöhi, miangöra mianön mönö zilañ asuhuma.

³³ “Miangöra Farao kiñ göñön ölop mötkutukutu azi kun keu törörök kewörakzawi, mi möwölöhöba kuñgunönga Ijpt kantri ki galöm köla malma. ³⁴ Mewöñanök kiap bohonni bohonni kuñgum enjinönga gölme dop köla galömñina malme. Yeñön nene möriamgö yambuñi 7 miengö uruñine nene ölninambuk Ijpt gölmenön asuhumei, miangöra jiiga mendengetka bahöñini 5 asuhugetka miengöreñök mohot mohot memba gawmangö köwenön tokoba malme.

³⁵ “Yeñön mönö kinda jimkutukutu algetka yambu ölopni 7 asuhumei, miengö uruñine nene ölnini körek pakpak tokoba kewöta malme. Mewö aka wit padi mi Farao kiñgö köwe miriñi miriñi miangöreñ qezaköba malme. Mi taon dop gawmangö köwe miriñi miriñi miangöreñ qezaköba galöm köla malgetka könañepkö neneña ahöma. ³⁶ Nene mewö tokoba malmei, mi mönö gawmangö köwe miri dop galöm kölgetka kahaimök ahöiga könañep bödigö yambu 7 Ijpt gölme dop asuhumawi, nalö miangöreñ mi ölop memba mendennda memba malme. Mewö aketka kantrigö könagesö neñön bödi miangö nalöne nenegö qahö kömumba gororongöbin. “Mewö.

Farao kiñnön Josef Ijptkö azi kembuya kuñguyök.

³⁷ Josefnön keu mewö jiiga Farao kiñ aka jembonurupni pakpak yeñön areñ miangöra mötket dop köliga sihimni mötket.

³⁸ Mewö mötketka Farao kiñnön jembonurupni kewö jii mötket: “Azi kiangö uruñe bem yengö unañan kini maljawi, nini i ewö azi kun ölop qahö miwikñaibin.”

³⁹ Mewö jii mötketka Josefköra kewö jiyök: “Anutunön keu areñ pakpak ki indel gihizawi, miangöra gi ewö mötkutukutu azi keu törörök kewötpawak, mi kun qahö malja. ⁴⁰ Miangöra göñön mönö jakömbuak mirinanöngö galömni bohonni aka malman. Göñön nöngö könagesöurupni pakpak jim kutum enjinönga yeñön mönö göhöreñ keu tem köla keugi bapne malme. Nöñön jakömbuak dum tatatnön tarakzali, miyök mötmöriba miangöra aka gi goñgita ketananggi aka malmam.”*

⁴¹ Mewö jiba toroqeba kewö jiyök: “Mötnön, nöñön gi Ijpt kantri pakpak kiangö azi kembuya malmangöra kuñgum gihizal.” ⁴² Mewö jiba börö kesötñangö jenjenji mianön

* 41:40: Apo 7.10

supap köpew ewö qetnji mekötahöba malöhi, mi qeköba Josefko börö kesötne löngörök. Opo maluku eksihimjambuk opo tuatjan memenji mi löngöt wangiba sorom goulnöj memenji kun mi memba Josefko imbiñe kölok.*

⁴³ Mewö aka hos kare qetpuk soroknji nanñi kareñangö qorembiñi mi yangöra jim teköiga miangörej öngöiga hosnöj örögetka anda kaba malök. Mewö anda maliga kingö sikiriti yarö azi kunöj mutuk anda göda qem wangibingöra kewö qeri qetketka malök: “Kezap! Mönö kesalget!” Mewö ak wangiba Ijpt kantri pakpakö azi kembuya kungum wangiyök. ⁴⁴ Farao kiñnöj Josefköra kewö jiyök: “Nönön Farao kiñ akzalmö, Ijpt kantri pakpak kiangörej kunñan kun mönö göhö jitki qetala böröñi me könani mi kude mem wahötma.”

⁴⁵ Mewö jiba Josefko qetnji dölökñi (Ijpt keunöj) Zafenat-Panea qerök. Mewö qeta Heliopolis taongö jike nup galöm qetnji Potifera yangö böratñi Asenat mi anömña akñapköra wangiyök. Mewö kantrigö azi kembuya aka Ijpt kantri ekñamgöra anda liliköyök. ⁴⁶ Josefnöj yambuñi 30 aiga miangörej Farao Ijptkö kiñi yangö jakömbuak nupñi könahiba meyök. Mi memba Farao kingö sitiñi mosöta Ijpt uruñe dop köla liliköba malök.

⁴⁷ Nene möriamgö yambuñi 7 miangö nalöñe gölmeñine nene önöñi qahö asuhum engiyök. ⁴⁸ Nene möriamgö yambuñi 7 kam kungugeri, miangö nalöñe Josefnöj jiiga nene könani könani Ijpt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangörej nene ölni asuhugetka mi memba taonñine dop anda qenjarök köwe miriñine alget. ⁴⁹ Josefnöj jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitne ahözawangö dop öngöba kinök. Nene möriam sesegilgil asuhuba toroqeba ahöyöhangöra nene toruñini mi toroqeba oyoñ bibihigetka lömböriiga osiba mosötket.

⁵⁰ Bödi nalöñan qahö kam kunguiga qeljiñe miangörej anömñi Asenatnöj Josefko nahönyahötñi yahöt etkömeyök. Asenat mi Heliopolis taongö jike nup galöm qetnji Potifera yangö böratña. ⁵¹ Nahönñi mutukñi asuhuiga Josefnöj keu kewö jiyök: “Anutunöj bauköm niñgiiga kahasililin waimanjatni pakpak aka iwinangö mirigö yuaini pakpak mi lök ölum nuñgui maljali, miangöra. “Mewö jiba nahönñangö qetnji Manase (Ölum nuñguza.) qerök. ⁵² Nahönñi könangepñi asuhuiga Josefnöj keu kewö jiyök: “Ni sihimbölönañgö gölmeñe malbiga Anutunöj ahumsehip niñgizawi, miangöra. “Mewö jiba qetnji Efraim qerök. (Efraim Ahumsehip niñgiza.)

⁵³ Nene möriam ketanangö yambuñi 7 Ijpt gölme dop köla kam kungugeri, mi ahöm kota teköget. ⁵⁴ Yambu mi tekögetka Josefnöj keu jiyöhangö dop bödigö yambuñi 7 mi könahiba kam kunguget. Bödi mi gölme tosatñi pakpak dop köla asuhuba ahöyökmö, Ijpt gölmenöj nene mi miri dop köweñine ahöyök.* ⁵⁵ Ijpt könagesö körek pakpak yeñön könahiba bödi möta Farao kingö qeta nene engimapköra uletket. Uletketka möta Farao kiñnöj körek yeñgöra kewö jiyök: “Inini mönö Josefkörej angetka yuai mi me mi akñegö jim kutum engimawi, mi mönö tem köla ahakne.”*

⁵⁶ Bödinöj kantri jömukñi dop köla ahöba Ijptkö miriñi miriñi pakpak miangörej toroqeba gwötpuk lömböriyök. Mewö asuhuiga Josefnöj jiiga qenjarök köwe miriñi miriñi miangö nanñuñini öröba nene mi Ijpt yeñön söngöröñi memegöra alget. ⁵⁷ Bödi mi gölme pakpak dop köla lömböriba ahöyöhangöra ambazipnöj gölme dop miangörejök Ijpt kaba Josefkörej kanñota nene söngöröñi memba malget. Mewö.

42

Josefko daturupñan Ijpt gölmenöj anget.

* 41:42: Dan 5.29 * 41:54: Apo 7.11 * 41:55: Jon 2.5

¹ Ijpt miangören nene ahöyöhi, keu mi Keinan gölme miangören jigetka Jeikobnön möta nahönurupni kewö jii mötket: “Inini mönö wuanöngöra silekmalak aka kuruk je angeka malje? ² Ijpt miangören wit padi ahözawi, nöñön keu mewö möral. Nini qahö kömumba malmal toroqeba malbingöra inini mönö wahöta Ijpt geba miangören nene tosatni bohonni memba kagetka nemba malbin.”*

³ Mewö jii möta Josefkö daturupni 10 yeñön mirinini mosöta nene bohonni memingöra Ijpt gölmenön anbingö aket. ⁴ Iwinini Jeikobnön Josefkö munni Benjamingö qakne ayuayuhu kun öngöbapuköra kengetni möröhangöra i daturupni yembuk qahö melaim wangiiga anget.

⁵ Keinan gölmenön bödi mi mewöñanök ahöyöhangöra Israelgö nahönurupni yeñön Keinan azi tosatnan angeri, yeñö sutñine wit padi bohonni memingöra mohotne anget. ⁶ Angetmö, Josefnön Ijpt kantrigö azi kembunini tata malök. Yanön wit padi mi könagesöni pakpak yeñön bohonni memegöra aliga yangören kangota malget. Miangöra daturupnan kageri, yeñön kangota miangörenök yangö wösöñe simin köla gölmenön bangöget. ⁷ Mewö bangögetka Josefnön daturupni engeka möt kutum engiyökmö, könajamni köyatim engiba kian azigö tandök ak engiba örömureim keu könöpñambuk jiba kewö qesim engiyök: “Inini mönö denikepköra kazeye?” Qesim engiiga kewö melenget: “Nini Keinan gölmenöhök nene söñgöroni memingöra kazin.”

⁸ Mewö melengetka Josefnön daturupni möt kutum engiyökmö, yeñön i qahö möt kutum wangiget. ⁹ Qahö möt kutum wangigetka Josefnön mönöwök gaunni yeñöra ehöhi, mi mötmötne kangoriga mötmöriba jihip je sunini mitiba kewö jii mötket: “Yei! Inini mönö kegwek azia akze. Nini kantrinini denikeangören göröken awörök aka yarö gilbingö lömbörizini, inini mi ek kewöta mötpingöra ki kaze.”*

¹⁰ Mi möta kewö melen wangiget: “Azi kembunini, mewö qahö. Welenqequeurupki nini mönö nene söñgöroni memingöra kazin. ¹¹ Nini körekanök azi mohotkö nahönurupni akzin. Nini azi diñdini mala munen qahö jimakzin. Göhö welenqequeurupki neñön mönö gölme ek-kewötkö yarö azia qahö aka maljin.”

¹² Melen wangigetka “Qahö!” töhören geta kewö toroqeyök: “Nini kantrinini denikeangören göröken awörök aka yarö gilbingö lömbörizini, inini mi ek kewöta mötpingöra ki kaze.”

¹³ Mi möta kewö melen wangiget: “Welenqequeurupki nini Keinan gölmegö azini mohotkö nahönurupna, darumun 12 akzin. Munini qöndöknan nalö kewöñe iwininambuk mire tariga kunnan qahö toroqeba malja.”

¹⁴ Mewö melen wangigetka kewö jim engiyök: “Mewö aiga inini ölna gölme ek-kewötkö yarö azia akzei, mi lök jibi mötze.

¹⁵ Mewö maljeangöra nöñön kewö esapköm engimam: Farao kiñnön jebuk maljawi, nöñön keu öl töhöñni miangö dop jöjöpañ keu kewö jim köhöizal: Munni qöndöknan ki qahö kama ewö, inini mönö gölme ki qahö mosöta anme. ¹⁶ Inini keu ölni jize me qahö, nöñön mi esapkömangöra kewö jizal: Inini mönö sutñineyök kun melaigetka anda munni qöndökni wangita ki kamahot. Tosatni inini mönö ki mamböta kösö mire tata malme. Mewö qahö akne ewö, inini mönö ölna gölme ek-kewötkö yarö azia akze. Farao kiñnön jebuk malja ewö, nöñön keu öl töhöñni miangö dop jöjöpañ keu mi jim köhöizal.”

¹⁷ Mewö jim engiba jiiga kösö mirine al engigetka wehön karöbutkö dop tatket. ¹⁸ Wehön karöbut aiga Josefnön kaba keu kewö jii mötket: “Jeñinambuk toroqeba malbingö mötze ewö, inini mönö yuai jimami, mi aketka nöñön ölop malmalñini jöhömam. Nöñön mewöyök inini ewö Anutugö jitni ongitpilenbuköra kengetni mörakzal. Miangöra inini mönö kewö akne: ¹⁹ Inini azi diñdini munenini qahö malje ewö, darumun engörenök mönö kunnan kösö miri kiangören toroqeba tariga tosatni inini ölop wit padi memba mirinine lilingöba anme. Miangören anda mirinine könagesöurupñinan bödi aka maljei,

* 42:2: Apo 7.12 * 42:9: Jen 37.5-10

mi nene engime. ²⁰ Inini mönö mewö anda munñini qöndökñi wangita nöngörej kame. Kagetka keuninañgö ölñan mewö asuhuiga eka möt kutuba qahö engubi kömume. “Keunji mewö jiiga mönö miangö dop aket.

²¹ Yeñön nanñini Hibru keunöñ sutñine keu kewö eraum-mötket: “Nini munini silik ak wangiiini, miangö likepñi bölöñan mönö ölña qaknine öngöza. Yañön malmalñi jöhöba ak kömum wangibingöra uleta kuñgum neñgiiga kahasililini ketani ehinmö, yangö keunji möta mi qahö wuatangöin. Miangöra kahasililini lömbötñambuk kianñon neñgö qaknine öngöza.”

²² Mewö eraum-mötketka Rubenöñ kewö jiyök: “Nöñön kewö jibi mötket: ‘Inini azi gwabö mi silik bölöñi kude ak wangime.’ Mewö jialmö, inini nöngö keuni mi möta silekmalek aket. Mötket, nalö kewöñe yangö sepñangö keugö likepñan mönö qaknine öngöiga kahasililini mötzin.”*

²³ Mewö eraum-mötketka Josefnöñ yembuk Ijipt keunöñ keu jiiga kunöñ mi melenñök. Miangöra yeñön keunini jigetka ölop möt asariyöhi, mi daturupñan qahö möt kutuget.

²⁴ Josefnöñ keunini möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeñgö jeñine jöhöget. Mewö.

Josefkö daturupñan Keinan gölmenöñ lilingöget.

²⁵ Josefnöñ jimkutukutu kewö alök: “Welenqege inini mönö azi miengö toru gösöñine wit padi löngötketka numbuñe kotketka mohot mohot yeñgö moneñ esuñini mi totonine inannik inannik toruñine alme aka köna anangö nene semöññi mi tok engime. “Mewö jim kutum enñgiiga miangö dop ak engiget. ²⁶ Mewö ak engigetka wit padi toruñini mi donki qakñine ala mosöta anget. ²⁷ Anda mala gaun ahöbingöra miri kunöñ angota darumun yeñgöreñök kunñan donkiñi gumohomangöra aka toru kösöñi pösata moneñ esuñi mi toru numbuñe nene qakñe kiniga ehök. ²⁸ Mi eka darumunñi kewö jii mötket: “Eket, nöngöreñ moneñ mi mönö melenña torune utketka kinja. “Mewö möta wösöñini juliga aurum tililingöba angeka kewö jiget: “Anutunöñ mönö wani yuaia ki ak neñgizawe?”

²⁹ Anda mala Keinan gölmenöñ iwiñini Jeikobköreñ angota yuai asuhum enñgiyöhi, miangö kösohotñi mi körek kewö jigetka mörök: ³⁰ “Kantri miangö azi kembuñi yañön örömureim keu könöpuk jiba gölme ek-kewötkö yarö azia akinak, miangö tandök ewö ak neñgiyök.

³¹ “Mewö ak neñgiyökmö, nini yangöra kewö jiiin: ‘Nini azi diñdiñi muneñnini qahö mala gölme ek kewöttingöra aka qahö kazin. Qahöpmahöp! ³² Nini azi mohotkö nahönurupña, darumun 12 aka maljin. Kunñan qahö toroqeba maliga munini qöndökñan nalö kewöñe Keinan gölmenöñ iwininambuk mire tatza.’

³³ “Mewö jiinga gölme miangö azi kembuñan neñgöra keu kewö jiyök: ‘Inini azi diñdiñi me muneñi maljei, mi kewö kewöt engiba mötmam: Engöreñöhök darumunñini kun i mönö mosötketka nömbuk ki tariga tosatñi inini ölop wit padi memba lilingöba anme. Anda miriñine könagesöurupñinan bödi aka maljei, mi nene engime. ³⁴ Inini gölme ek-kewötkö yarö azia qahöpmö, azi diñdiñi muneñini qahö maljei, mi kewö kewöt engiba mötmam: Inini mönö anda munñini qöndökñi mi wangita nöngöreñ kame. Mewö kagetka darumunñini melenñ engibiga ölop gölme kiangöreñ angumnep-qangumnep aka malme.’ ”

³⁵ Mewö jiba toru gösöñineyök nene köweñine mokogetka moneñ esuñini moneñinambuk mi toruñine mohot mohot totonine kini miwikñaiget. Moneñ esuñini miwikñaiaba eka i aka iwiñini mohotñe auruba keñgötkotkot mötket. ³⁶ Mewö mötketka iwiñini Jeikobnöñ kewö jii mötket: “Inini nahönurupni körek pakpak noangitpingö mötze: Josefnöñ qahö malja. Simeon nembuk qahö malja. Benjamin mi mewöñanök noangita wangita anbingö jize. Sihimbölö pakpak miangön mönö nöngö qakne öngöza.”

* 42:22: Jen 37.21-22

³⁷ Mewö jii möta Rubenön iwiñangöra keu kewö jiyök: “Ni Benjamin qahö wañgita lilingöba kaba gihimam ewö, gi ölop nani nahönyahötmi yahöt mi etkunönga kömumahot. Benjamin mi ölop nöngö böröne alnönga i mönö galöm köla anda mala wañgita lilingöba kaba gihimam.”

³⁸ Mewö jiyökmö, Jeikobnön melenäda jiyök: “Nahönyahötmi qöndökni yahöt yetkörenök datñan kömuiga munñan mohot malja. Inini könanön anbingö mötzei, miangören ayuayuhu kunñan yangö qakne öngöma ewö, inini mönö kondotketka wösöbirik öngöngöñan nöngö qakne öngöiga kömumba nörop jupni yangonambuknön unem mire gemam. Miangöra nöngö nahönan mönö nömosöta embuk qahö anma. “Mewö.

43

Josefkö darumunurupñan lilingöba Ijpt anget.

¹ Keinan gölmenön bödi lömbötñambuk mi toroqeba ahöyök. ² Jeikobkö könagesöurupñan wit padi Ijpt kantrinöhök memba kageri, mi körek nem tekögetka qahöwahiga iwiñinan nahönurupni mi kewö jii mötket: “Inini mönö kunbuk lilingöba anda neneñamnini tosatni söngöröni meme.”

³ Mewö jii mötketka Judanön kewö jiyök: “Azi mianön mönö kapan köla neñgöra galöm meme keu köhöikni kewö jiyök: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’ ⁴ Miangöra göñön munini melainönga nembuk kama ewö, neñön ölop gömosöta neneñamnini söngöröni membingöra anbin. ⁵ Azi mianön keu kewö jii mörin: ‘Munñinan embuk qahö kama ewö, inini mönö nöngö jemesoholne kunbuk kañgotpingö osime.’ Miangöra göñön Benjamin anñön kölman ewö, nini qahö anbin.”

⁶ Mewö jiiga Israelnön kewö jiyök: “Inini mönö wanigöra munñini kun maljawi, keu mi azi miangö jiget möröhanğöra ni urulömböt ketani niñgize?”

⁷ Mewö jiiga kewö melenäda jiget: “Azi mianön nini aka könagesöurupnini enğöra törörök qeqesi könañi könañi neñgiba kewö jiyök, ‘Iwiñinan jebuk malja me qahö? Darumunñini kun malja me qahö?’ Mewö jiyöhanğöra qeqesini mi neñön ölnanök jiba melenin. Yangön könañep munini wañgita kamegöra jibawak, mi mönö qeljine nalö miangören denöwö mötpinak?”

⁸ Mewö jigetka Judanön iwiñi Israelgöra kewö jiyök: “Miangöra azi gwabö mi nöngö böröne ala melainönga mohotje anbin. Mewö aknönga amqeba zilañ gömosöta könanön aninga nini, gi aka anöm-moröurupnini neñön qahö kömum gororöngöbin. ⁹ Benjamingö malmalñangö sohoppni miangö keuñan mönö nöngö böröne ahöiga lilingöba kaba gihi-mamgö jim köhöizal. Nöñön i qahö wañgita lilingöba ki kaba göhö jemesoholge qahö alman ewö, miangö keu lömbötñan mönö nöngö qakne öngöiga göhö jege bisiba malbiga gölmenön malmalnan teköma. ¹⁰ Nalö köröpni eksekpeksek aka qahö mambötpinak ewö, neñön lök endu anda lilingöba ki kainga ambemni yahöt akawak.”

¹¹ Mewö jiiga iwiñini Israelnön kewö jii mötket: “Mewö akza ewö, inini mönö kewö akñe: Gölime kiangö töhötmöriamni ölop kötökni tosatni kewöni mi memba toru gösöñine löngöta anda azi mi kalema wañgime: Sile mirimirigö kelökni tosatni, moron onj tosatni, gipmi bakötök, marasin ip tokuñi qetni mör gipit, kömin, kuñgam aka saugö alañi almond miengö ölnini. ¹² Silwö moneñ walni toru gösöñinanğö numbuñine algetka memba kageri, mi aka miangö dop qakne toroqeba ala mindirigetka jañgöñan qariba 2:kö dop aiga mi memba lilingöba anda wañgime. Tosatñan köpösihira aka mi gösöñine alget me denöwö? ¹³ Munñini mewöyök wañgita zilañ wahöta azi miangören kunbuk lilingöba anget. ¹⁴ Anutu kukösum pakpakö Toñan mönö azi miangö jeñe ak-kömukömuñi enğiiga yangön darumunñini kun aka Benjamin mi embuk mire lilingöba kamegöra imbi kölma. Nöngö moröurupnan tönbirin akñe ewö, nöñön mönö öne töhön malman.”

¹⁵ Mewö jiiga kalem yuai mi memba silwö monej memba kageri, miangö dop qakne toroqeba ala mindirigetka jaŋgöŋan qariba 2:kö dop ahök. Mi memba Benjamin mohotne waŋgita wahöta ösumŋinan Ijpt anda Josefkö jeje angotket. ¹⁶ Angotketka Josefnöŋ Benjamin mi yeŋgö sutŋine eka miangöreŋök miriŋgö galömŋi kewö jim kutum waŋgiyök: “Gi mönö azi ki enŋuaŋgita nani mire anda al enŋinöŋga tatme. Tatketka anda sömbup kun qeba ohoba silimgö neneŋi mözözmöŋönöŋga yeŋön ölop nömbuk mohotne nene nembin.” ¹⁷ Josefkö miriŋgö galömŋan jim kutum waŋgiyöhaŋgö dop azi mi enŋuaŋgiriga Josefkö mire anget.

¹⁸ Enŋuaŋgiriga Josefkö mire anda jönömŋini unduiga keŋgötŋini möta kewö mötmöriba sutŋine jiget: “Mutuk kaininga moneŋnini melenđa toru gösöŋine algetka memba anini, miangöra yeŋön mönö neŋuaŋgita kaba ki al neŋgigetka tatzin. Yeŋön mönö qeraköba neŋgum ureiba luhut al neŋgiba neŋgömegetka welenqeŋeurupŋi omani ahinga doŋkiurupnini kalöpköba anŋön köl enŋibepuk.” ¹⁹ Mewö jiba kinda Josefkö mirigö galömŋi yaŋgöreŋ öŋgöba angetka miri naŋguŋe kiniga yaŋgöra keu kewö jiget: ²⁰ “O ketaŋamnini, nini nalö mutukŋa nene bohonŋi memingöra ki kain. ²¹ Kaba nene bohonŋi memba kunbuk lilingöba anda könanöŋ miri kunöŋ anda ahöbingöra tata toru gösöŋinaŋgö kösöŋi pösata moneŋnini totonine mi köreŋanök gösöŋini nanŋök nanŋök numbuŋine nene qakne ahöiga ehin. Miangöra monej mia merak kunbuk melenđa memba kazin. ²² Silwö monej mi daŋön toru gösöŋine melenđa kunbuk alöhi, mi neŋön qahö mötzin. Neŋön mi aka silwö monej tosatŋi mi qakne juhuköba nene söŋgöroŋi kunbuk memingöra gösöŋine ala memba kazin.”

²³ Mewö jigetka miri galömŋan kewö jiyök: “Waimanjat kude mötme. Nanŋini aka iwiŋinaŋgö Anutuŋan mönö kungö uruŋi kuŋguiga silwö monej mi toru gösöŋine aliga miwikŋaiget. Nöŋön enŋöreŋ silwö monej mi lök meal. Miangöra keŋgötŋini kude möta urubönjön tatme. “Mewö jiba Simeon waŋgita yeŋgöreŋ kayohot.

²⁴ Kayohotka mohotne enŋuaŋgita Josefkö mire öŋgögetka könaŋini saŋgoŋmegöra o enŋiyök aka doŋkiŋini gwözözak neneŋini mianön gumohom enŋiyök. ²⁵ Yeŋön silimgö neneŋi Josefkö mire mohotne nemeaŋgö keuŋi mötket. Miangöra Josefnöŋ silimmöŋ miriŋe kaŋgotmapköra mamböta kalem yuaiŋini mi aukne areŋgöba tatket. ²⁶ Tatketka Josefnöŋ mire kaiga kalem yuaiŋini memba kaba miriŋe öŋgögeri, mi waŋgiba wösöŋe simin köla gölmenöŋ bamgöget. ²⁷ Bamgöba wahötketka jölöŋini jiba denöwö maljei, qesim enŋiba kewö jiyök: “Iwiŋini azi namŋaŋgö jigeri, yaŋön denöwö malja? Toroqeba jebuk malja me qahö?”

²⁸ Mewö jiiga kewö melenget: “Göhö welenqeŋegi, neŋgö iwininan mönö ölop malja. Mönö toroqeba jebuk malja. “Mewö melenđa göda qem waŋgiba simin köla gölmenöŋ bamgöget.

²⁹ Mewö aketka jeŋan ui anda kaiga munŋi Benjamin, nanŋi namŋaŋgö nahönŋi mi eka kewö qesim enŋiyök: “Munŋini qöndökŋaŋgö jigetka mörali, yaŋön mönö ki akza me denöwö?” Qesim enŋiba toroqeba kewö jiyök: “Nahöni, Anutuŋöŋ mönö ak kömum gihiiga malman.”

³⁰ Mewö jiba munŋi eka wösöŋi pöröraköiga jeŋi asöliiga sahötmamgö möta miangöreŋök wölaŋ lilingöba enŋömosöta ösumŋan miri uruŋi ölöŋi kunöŋ öŋgöba nanŋök mala sahörök. ³¹ Sahöt teköba je imbilŋi saŋgoŋda miri uruŋi ölöŋi mi mosöta kaba törörök mökösoŋda kinda nanŋi galöm köl anŋuba numbu nene kölmegöra jiyök. ³² Ijpt yeŋön Hibru ambazip yembuk mohotne nene nemingö mötketka imbilöŋloŋambuk akzawaŋgöra mi osimakze. Miangöra Josefkö neneŋi mi inannök köl waŋgigetka tari darumunurupŋi yeŋgö mi inannök köl enŋiget tatketka Ijpt ambazip yambuk nene nemingö kaba tatkeri, yeŋgö neneŋini mi inannök kölgetka tatket. ³³ Josefnöŋ jiiga darumunurupŋi mi ahugeranŋö dop areŋgöm enŋigetka mutukŋan qaikne tariga

bezupñinan qöndökñe tariga Josefnöñ mesohol köl engiba tarök. Mewö tata nannini angek kutuba welipköba tatket.

³⁴ Mewö tatketka Josefnöñ jiiga nanñi teibolnöhök nene tosatñi mendenä memba kaba köl engigetka munñi Benjamingöra ambemñi 5:gö dop toroqeba kölgetka neyök. Mewö memba Josefpuk közölömbuan ala awamñanök o köhöikñi memba sösoñgai qakñe tatket. Mewö.

44

Josefnöñ darumunurupñi qambigö esapköm enñiyök.

¹ Mianğö andöñe Josefnöñ miriñangö galömñi jim kutum wañgiba kewö jiyök: “Gi mönö azi miengö toru gösoñine wit padi mi sirimeangö dop löngötnöñga numbuñine kotme. Mewöñanök mohot mohot yeñgö moneñ esuñini mi nanñök nanñök toto qeba toru gösoñinañgö numbuñine alman. ² Munñini qöndökñi yañgö toru gösoñangö numbuñe mianğöreñ nane qambi silwönöñ memeni mi wit padigö moneñi memba kayöhi, miambuk alman. “Mewö jim kutum wañgiiga mianğö dop ahök.

³ Miri asariiga söñanök azi mi melaim engigetka donkiñini enğuanğita könanöñ anget. ⁴ Anda siti mosöta köröwen qahö angetka Josefnöñ miriñangö galömñi kewö jim kutum wañgiyök: “Gi mönö zilañ wahöta azi mi enğuatangöba anda miwikñaim enğiba enğeka kewö qesim enğiman: ‘Azi kembunöñ ölöpnji ak enğiiga inñini mönö wuanöñgöra mianğö kitipñi bölöñi melen wañgiba kaze?’ ⁵ Nöñgö ketañamnan qambiñeyök kulun nemakzawi aka qambiñi mianğön unji aka keu asa-asambötñangö könanji miwikñaimakzawi, inñini qambi mi mönö wuanöñgöra yonğorö memba kaze? Inñini mönö silik mi bölöñi kötökña akze.’”

⁶ Josefnöñ miriñangö galömñi mewö jim kutum wañgiiga anda miwikñaim enğiba keuñi mi jiyöhanğö dop jii mötket. ⁷ Jii mötketka kewö melen wañgiget: “Ketañamninan keu tandökñi mewöñi mi mönö wuanöñgöra jiza? Göhö welenqeçeurupki neñön silik bölöñi mewöñi mi qahöp mahöp akzin. Mi yapmakek! ⁸ Mötnöñ, nini toru gösoñinañgö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöñgöra silwö me goul mi ketañamgahö mireyök yonğorö membinak? ⁹ Welenqeçeurupki neñgöreñök kungö toru gösoñe silwö qambi mi miwikñaiman ewö, yañön mönö kömupkö buñaya aiga tosatñi neñön ketañamnini, göhö welenqeçe omanji aka malbin.”

¹⁰ Mewö melen wañgigetka kewö jiyök: “Mewö mianğön ölöp. Jizeangö dop mi ölöp akin. Kungö toru gösoñöhök silwö qambi mi miwikñaimami, yañön mönö nöñgö welenqeçeni omanji akñapmö, tosatñi enğö silenine keu qahö ahöiga ölöp nanñinök miriñine anme.”

¹¹ Mewö jii möta körekñan gösoñini nanñök nanñök ösumok qeköba memba eta gölmenöñ ala numbuñinañgö kösoñi pösatket. ¹² Pösatketka Josefkö miriñangö galömñam datñini mutukñangö toru gösoñeyök könahiba qezanä jaruba anda anda munñini qöndökñi Benjamingö toru gösoñe teteköñe eka qambi mi mianğöreñ miwikñaiyök. ¹³ Mi miwikñaiiga yeñön uruñini kot gwözöñniga wösöbirikñini kondela malukuñini munjukunjuratket. Mewö aka sukinapñini donki qakñine ala kunbuk lilingöba sitinöñ anget.

¹⁴ Juda aka darumunurupñi yeñön lilingöba Josefkö mire angetka yañön tok miriñeyök tarök. Tariga wösöñe anğota simin köla gölmenöñ bamğöget. ¹⁵ Bamğögetka Josefnöñ kewö jiyök: “Inñini mönö wani siliha mi akze? Azi ni ewöñan mönö ölöp unju memba yuai yonğorö megetka mi miwikñaimakzali, inñini mi qahö mötze me?”

¹⁶ Mewö jiiga Judanöñ kewö melenñök: “O ketañamni, nini mönö wani keuya göhöra jibinak? Nini keugö jaruzin. Neñön yuai bölöñi qahö ahini, mi kondel gihibinañgö dop qahö. Anutunöñ mönö welenqeçeurupki, neñgö pinjitkö keuñi indeli aukñe ahöza. Mianğöra kungö toru gösoñeyök qambi mi miwikñaiçawi aka tosatñi neñön mewöyök mönö azi kembunangö welenqeçeurupñi omanji aka malbin.”

¹⁷ Mewö melenökmö, Josefnöñ kewö jiyök: “Nöñön yuai mewöñi mi qahö ak ençimam. Mi saumbañ! Azi dagö toru gösöñe qambi mi miwikñaizawi, yañönök mönö nöñgö welenqeqeni aka malmappmö, tosatñi inçini ölop luai qakñe lilingöba iwiñinañgöreñ mire anme.”

Judanöñ Benjamingöra Josefulet wañgiyök.

¹⁸ Mewö jiiga Judanöñ Josefkö wösöñe anda keu kewö jiyök: “O azi kembuni, ölop imbi kölnöñga welenqeqegi nöñön keu tosatñi azi kembuni göhöra jibilenak. Göñön Farao kiñ nanñambuk öröröñ akzanmö, töndup welenqeqegi nömbuk kazik kude ak niñçiman. ¹⁹ Azi kembuni göñön welenqeqeurupki nini mutuk kainga kewö qesim neñçinöñ: ‘Ençö iwiñini aka darumunçini kun maljahot me qahö?’

²⁰ “Mewö qesim neñçinöñga neñön azi kembuni göhöra kewö melençin: ‘Neñçö iwinini azi namñi aka munini azi gwaböya kun mire tatzahot. Munini miañön iwininan lök azi namñi aiga nalö miañgöreñ asuhuyök. Namñan azi morö yahöt etkimeiga datñan kömuiga nançök töhöñ malja. Yañön mönö iwiñangö wölböt (jojopañ) nahönñi akza.’ ²¹ Mewö melençinga göñön welenqeqeurupki neñçöra keu kewö jinöñ, ‘Inçini mönö munçini mi wañçita nöñgöreñ ki kagetka i ölop nani jenan uba ekñam.’

²² “Mewö jinöñga neñön azi kembunini göhöra kewö melençin: ‘Azi gwabö mi iwiñi mosötmançö osima. Iwiñi mosötpawak ewö, iwiñan mönö kömumbawak.’ ²³ Mewö melençinmö, göñön welenqeqeurupki neñçöra keu kewö jim kutunöñ: ‘Munçini qöndökñan embuk ki qahö kama ewö, inçini mönö nöñgö jemesoholne kunbuk kude asuhume.’

²⁴ “Mewö jim kutunöñga mirinine lilingöba anda nöñgö iwini, göhö welenqeqegi yañçöra azi kembuni göhö keugi mi jiinga mörök. ²⁵ Mi jiinga möta iwininan könañçep kewö jiyök: ‘Inçini mönö kunbuk anda neñçöra nene tosatñi söñçöröñi memba kame.’

²⁶ “Mewö jiyökmö, nini kewö jiin, ‘Neñön naninök anbingö osibin. Munini qöndökñan nembuk mohotñe anmapkö jiman ewö, mönö ölop anbin. Munini bezupñi qahö wañçita anbin ewö, neñön mönö azi miañçö jemesoholñe asuhubingö osibin.’

²⁷ “Mewö jiinga nöñgö iwini göhö welenqeqegi yañön kewö jiyök: ‘Anömmi Reizölnöñ nahönyahötñi yahöt etkimeyök. Mi nançini ölop mötze. ²⁸ Datñan nömosöta anda sohoiga kewö jial, “Sömbup kalñan mönö yöhöqöhöi kömumbawak me denöwö?” Nalö miañçöreñök könahiba i qahö ehal. ²⁹ Merak munçini ki mewöyök noañçita angetka könanöñ ayuayuhu kunñan yañçö qakñe öñçöma ewö, inçini mönö kondotketka wösöbirik öñçöñçöñan nöñgö qakne öñçöiga köñçiliñ möta kömumba nörop jupni yañçonambuknöñ uñem mire gemam.’”

³⁰ Judanöñ toroqeba keu kewö jiyök: “O azi kembuni, nöñön munini azi gwabö mi qahö wañçita anda iwini, göhö welenqeqegi yañçö mire añçotpileñak ewö, iwininan mönö ayuhubapuk. Yañön mönö uruñi pakpak nahönñi bezupñi yañçöreñ jöhöiga malmalçiri mohot maljahot. ³¹ Miañçöra azi gwabö mi qahö wañçita aninga iwininan mi eka mönö kömup miwikñaibapuk. Göhö welenqeqeurupki neñçöreñ mewö asuhuiga nini mönö kondoringa wösöbirik öñçöñçöñan iwinini göhö welenqeqegi yañçö qakñe öñçöiga kömumba nörop jupñi yañçonambuknöñ uñem mire gema. ³² Göhö welenqeqegi nöñön azi gwabönöñ qahö ayuhumapkö keuñi mi iwiñangöra jim jöhöba kewö jial: ‘I qahö wañçita göhöreñ lilingöba kamam ewö, miañçö keu lömbötñan mönö göhö jege nöñgö qakne öñçöba ahöiga gölmenöñ malmalni mewö mal öñçöm tekömam.’ ³³ Miañçöra göñön ölop jim tekönöñga nöñön azi gwabö yañçö salupñe azi kembuni göhö welenqeqegi omançi aka ki malbiga yañön daturupñi yembuk lilingöba mirinçine anme.

³⁴ “Azi gwabö miañön nömbuk qahö kama ewö, nöñön mönö denöwö aka iwiñangöreñ anbilenaçak? Wösöbirik öñçöñçöñan iwiñangö qakñe öñçöbawak, nöñön mönö mi ekñamçö tököm köhöizal. Miañçöra i mönö kude jöhöman.”

45

Josefnöŋ nanŋi könaŋi indelök.

¹ Judanöŋ mewö jüiga ambazip liliköm enŋgiba kinda enŋgeri, Josefnöŋ körek yeŋgö jeŋine toroqeba könaŋi köyatiba nanŋi galöm köl anŋgumangö lömböriba osiyök. Miangöra Josefnöŋ kewö silata qerök: “Enöŋ mönö körekŋanök nömosöta denget. “Mewö jüiga dengetka Ijpt azi kunŋan kösutŋine qahö kiniga Josefnöŋ nanŋi könaŋi mi darumunurupŋi yeŋgöra kewö indelök:”² Yaŋön amburereŋ aka ötömbepuk qei sahöriga Ijpt ambazip gumnöŋ malgeri, yeŋön mi möta Farao kiŋgö jakömbuak mire anda buzup keuŋi mi jigetka mötket.

³ Josefnöŋ sahöta kinda darumunurupŋi mi kewö jii mötket: “Ni Josef! Iwinan tok jebuk malja me qahö?” Mewö jii mötketmö, darumunŋan uruŋinan kot gwözöŋniga aurum tililingöba jeŋe öne kinda keu kun qahö mötmöriba melen waŋgibingö osiget. ⁴ Osiba kingetka Josefnöŋ yeŋgöra kewö jiyök: “Enöŋ mönö nöŋgö kösutne ki kaget. “Mewö jii kagetka kewö jiyök: “Ni Josef, darumunŋini bohoni memegöra algetka Ijpt kayali, mönö mia.

⁵ “Mönö uruköŋjiliŋ kude mötme. Anutunöŋ enöŋ kömumbepuköra ni mutuk melaim niŋgiiga qeljiŋe ki kabiga iŋini kaze. Ni bohoni memegöra al niŋgigetka ki kayali, miangöra mönö nanŋinaŋgöra irimsesewöl kude möt anŋgume. ⁶ Bödi kianöŋ lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö miangö uruŋe gölme qem kömöt qahö aka nene ölni qahö miwikŋaiba tokoba malbin.

⁷ “Anutunöŋ mönö köna wewelipköŋambuk wuatangöba enŋgö malmalŋinaŋgö bohonŋi jöhöiga toroqeba jebuk mala gwölönarök miwikŋaim enŋgiba gölme qakŋe malmegöra mötza. Miangöra aka ni mutuk melaim niŋgiiga qeljiŋe ki kabiga iŋini kaze. ⁸ Miangöra enöŋ qahö melaim niŋgiget tandök akzapmö, Anutunöŋ mönö ölna melaim niŋgiiga ki kayal. Yaŋön kuŋgum niŋgiiga Farao kiŋgö jembonŋi mutukŋi aka jakömbuak miriŋe wanat nup memakzei, körek yeŋgö ketaŋamŋina akzal. Mewö akiga Anutunöŋ Ijpt kantri jömukŋanök mi nöŋgö böröne aliga azi kembuŋina akzal.

⁹ “Iŋini mönö dölkü wahöta ösumŋinan iwinangöreŋ lilingöba anda keu kewö jigetka mötma: ‘Göhö nahöŋgi Josef yaŋön keu kewö jiza: Anutunöŋ ni kuŋgum niŋgiba Ijpt kantri jömukŋanök nöŋgö böröne aliga azi kembuŋina akzal. Miangöra göŋön mönö nalö kude qem körimanmö, zilaŋ nöŋgöreŋ kaman. ¹⁰ Ki kaba ölop tatat dumdunggi Gosen gölmenöŋ möhamgöba nane kösutne malman. Gi aka isimoröurupki, göhöreŋ lama bulmakau kambuŋi kambuŋi aka öroyuai pakpak buŋagi ahözawi, mi mönö memba kölolohoba kame.

¹¹ “Bödi kianöŋ mönö kunbuk toroqeba yambu 5:gö dop ahöm öŋgöma. Nalö miangö uruŋe gi, mirigahö saiwaurupki me tinitosolomurupki tosatŋi yeŋgöreŋök kunŋan bödi mala nenegö mözöqözöröm aka kömum gororonöbapuk. Miangöra mönö Gosen gölmenöŋ kaba mala wani yuaigöra osimei, nöŋön mi enŋgiba malmam.’ Iwininaŋgöra keu mi mönö mewö jigetka mötma.*

¹² “Ni nanak ölna ki kinda enŋgöra keu jizali, mi ölop nanŋini jeŋinan nek kutuze aka muni Benjaminöŋ mewöyök ni nek kutuza. ¹³ Miangöra iŋini mönö iwinangöreŋ anda Ijpt kantrinöŋ qetbuŋa ketanŋi pakpak niŋgigetka maljali aka yuai pakpak ekeri, miangö kösohotŋi mi iwini jigetka mötma. Mi möriga mönö ösumok waŋgita eta ki kame.”

¹⁴ Mewö jiba böröŋi munŋi Benjamingö imbiŋe gili geiga sahöriga Benjaminöŋ mewöŋanök anŋöm waŋgiba sahörok. ¹⁵ Toroqeba böröŋi daturupŋi körek yeŋgö imbiŋine gili geiga sahöta numbuŋini yöhötim neyök. Miangö andöŋe darumunurupŋan yambuk keu eraum-mötket. ¹⁶ Josefkö darumunurupŋan kageri, miangö buzupŋan Farao kiŋgö

* 45:1: Apo 7.13 * 45:11: Apo 7.14

jakömbuak mire aniga Farao kiñ aka jembonurupni pakpak yenjon mi möta uruölöwak mötket.

¹⁷ Mewö möta Farao kiñnön Josefköra kewö jiyök: “Darumunurupki mönö jinönga kewö akne: ‘Sukinapni mönö donki qaknine ala kunbuk lilingöba mirinjine Keinan gölme anme. ¹⁸ Anda iwiñini aka saiwaurupni enjuangita lilingöba nöngörej kame. Ki kagetka nöñön gölme ölop kötökni Ijpt kantri uruneyök möwölöhöba engibiga ölop miangö kelökni miwikñaiba nem söngaip aka malme.’”

¹⁹ “Mewöyök kewö jim kutum enginönga akne: ‘Ijpt kiangörejök mönö hosgö karenji tosatni memba anda anöm-moröurupni miangörej al engiba iwiñini wangita mohotne ki kame. ²⁰ Miriñinangö yuaini tosatni Keinan gölmenön mosötmei, miangö waimanjatni kude akne. Nöñön miangö salupne Ijpt kantri jömuk kiangö yuaini ölop kötökni mi engibiga buñanini akña.’”

²¹ Farao kiñnön mewö jiiga Israelgö nahönurupnan miangö dop aket. Josefnön Farao kingö jimkutukutu keñi wuatangöba hosgö karenji tosatni engiyök. Mewöyök köna anangö nene semön tosatni engiyök. ²² Mi engibagun daturupni mohot mohot yengö opo malukuñini dölökni totonine engiyökmö, munni Benjamingöra opo maluku dölökni börö kun wangiba moneñ silwö köt 300 wangiyök. ²³ Iwiñangöra Ijpt kantrigö yuai ölop sorokni jesöngö memba donki ten miengö qaknine aliga anget. Mewöñanök donki ambiñi ten miengö qaknine wit padi, bered aka nene tosatni iwiñangö köna semöna aliga bisiba anget. ²⁴ Angetka Josefnön darumunurupni melaim engii anbingö aketka keu kewö jii mötket: “Inini könanön anda angururuk kude akne.”

²⁵ Mewö jiiga Ijpt mosöta anda Keinan gölmenön iwiñini Jeikobkörej angotket. ²⁶ Angota iwiñinangöra keu kösohot kewö jiget: “Josefnön mönö toroqeba jebuk malja. Ijpt kantri jömukñanök mi yangö böröñe ahöiga azi kembunina aka malja. “Mewö jigetka keu mi qahö möt nariyöhanğöra urunji toroqeba amöriiga tarök.

²⁷ Mewö tarökmö, Josefnön keu pakpak jiyöhi, mi jiget mörök aka hosgö karenji tosatni i wangita Ijpt anmapköra ali kayöhi, iwiñini Jeikobnön mi eka kinda uru silenjan köleñni könöpkönöp ahök. ²⁸ Könöpkönöp aka kewö jiyök: “O mi alakña! Mi möt köhöizal. Nahöni Josefnön mönö toroqeba jebuk malja. Nöñön mönö anda i ekagun könanğep ölop kömumam. “Mewö.

46

Jeikobnön könağesöurupni yembuk Ijpt anget.

¹ Israelnön sukinap yuaini pakpak kölolohoba memba wahöta köna anök. Anda Berseba mire angota kinda miangörej iwiñi Aisakö Anutunangöra umjowöwöl ohoyök.

² Mi ohoba sunğem ahöiga jeñi meleşniga imut eka miangörej Anutunön Israelgöra keu jiba qetni “Jeikob, Jeikob!” qeriga “Ni ki,” jiba meleşnök.

³ Meleşniga kewö jiyök: “Ni Anutu, göhö iwigahö bemni. Gi Ijpt gemangö kengötki kude mötman. Nöñön miangörej kötuatköm gihibiga könağesö kambu ketani akne. ⁴ Nöñön mönö göbuk Ijpt gemam aka mewöyök gwölönarökurupki miangörejök enjuangitpiga kunbuk lilingöba kame. Göñön kömunönga Josef nanñi böröñan mönö göhö je jupki kusui etma.”

⁵ Miangö andöñe Jeikobnön Berseba miri mosötpin jiiga Israelgö nahönurupnan iwiñini aka anöm-moröurupni mi közözhom engigetka hosgö karenön öngöget. Farao kiñnön hosgö kare miangön engömemba kamegöra jiba ali memba anget. ⁶ Sukinapni aka miri sömbupni pakpak Keinan gölmenön mala buña qeba memba malgeri, mi tok mohotne memba anget. Jeikob aka gwölönarökurupni pakpak miengön mewö Ijpt anget.*

⁷ Gwölönarökurupni pakpak, isimoröurupni azi aka ambi mi körek enjuangita Ijpt anget.

* 46:6: Apo 7.15

⁸ Israel qetņi alaņi Jeikob aka yaņgö gwölönarökurupņi Ijipt angeri, yeņgö qetņini kewö: Jeikobkö nahönņi mutukņi Ruben. ⁹ Rubengö nahönurupņi qetņini Hanok, Palu, Hezron aka Karmi. ¹⁰ Simeongö nahönurupņi qetņini Jemuel, Jamin, Ohad, Jakin, Zohar aka Saul. Saulgö namņi mi Keinan ambi kun. ¹¹ Liwaigö nahönurupņi qetņini Gerson, Kohat aka Merari.

¹² Judagö nahönurupņi qetņini Er, Onan, Sela, Perez aka Zera. (Er aka Onan yetkön lök Keinan gölmenöņ kömuyohot.) Perezkö nahönyahötņi mi Hezron aka Hamul. ¹³ Isakargö nahönurupņi qetņini Tola, Puwa, Jasub aka Simron. ¹⁴ Zebulungö nahönurupņi qetņini Sered, Elon aka Jalel. ¹⁵ Jeikobkö nahönurupņi anömņi Leanöņ Mesopotemia (Padan Aram) gölmenöņ engömeyöhi, yeņgö qetņini mewö. Böraťiri Daina mi mewöyök meyök. Jeikob aka Lea yetkö isimoröurupņiri mi mewö oyoņda mindirigetka 33 ahök.

¹⁶ Gadkö nahönurupņi qetņini Zefon, Hagi, Suni, Ezbon, Eri, Arodi aka Areli. ¹⁷ Asergö nahönurupņi qetņini Imna, Iswa, Iswi aka Beria. Nenninaņgö qetņi Sera. Beriagö nahönyahötņi qetņiri Heber aka Malkiel. ¹⁸ Labanöņ ambi qetņi Zilpa böratņi Leagö welen ambia malmapköra waņgiyöhi, yaņön Jeikobkö nahönurupņi mewö engömeyök. Jeikob aka Zilpa yetkö isimoröurupņiri mi mewö oyoņda mindirigetka 16 ahök.

¹⁹ Jeikobkö anömņi Reizölgö nahönyahötņi mi Josef aka Benjamin. ²⁰ Josefkö nahönyahötņi Ijipt kantrinöņ asuhuyohori, mi qetņiri Manase aka Efraim. Namņiri qetņi Asenat mi Heliopolis (On) taongö jike nup galöm qetņi Potifera yaņgö böratņa.* ²¹ Benjamingö nahönurupņi qetņini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahönyahötņi Reizölnöņ etkömeyöhi, yetkö qetņiri mewö. Jeikob aka Reizöl yetkö isimoröurupņiri mi mewö oyoņda mindirigetka körekmakörek 14 ahök.

²³ Dangö nahönņi qetņi Husim. ²⁴ Naftaligö nahönurupņi qetņini Jaziel, Guni, Jezer aka Silem. ²⁵ Labanöņ ambi qetņi Bilha böratņi Reizölgö welen ambia malmapköra waņgiyöhi, yaņön Jeikobkö nahönurupņi mewö engömeyök. Jeikob aka Bilha yetkö isimoröurupņiri mi mewö oyoņda mindirigetka körekmakörek 7 ahök.

²⁶ Jeikobkö isimoröurupņi diņđiņi töhön yambuk Ijipt angeri, miengö jaņgöņini oyoņda mindirigetka körekņanök könagesö 66 aket. Nahönurupņi yeņgö anömņini mi jaņgö miangöreņ qahö toroqeket. ²⁷ Josefkö nahönyahötņi Ijipt kantrinöņ asuhuyohori, mi yahöt. Jeikobkö könagesöurupņi Ijipt angeri, miengö jaņgöņini mi mewö oyoņda mindirigetka 70 ahök. Mewö.*

Jeikob könagesöurupņi yembuk Ijipt aņgotket.

²⁸ Könanöņ anda mala Jeikobnöņ Juda mutuk melaiba kewö jiyök: “Gi mönö Josefköreņ anda Gosen gölmenöņ anangö könaņaņgöra qesim waņgiman. “Mewö jii möta anda kaiga Gosen prowinsnöņ aņgotket. ²⁹ Josefnöņ aņgotkeraņgö buzupņi möta jiiga hos karenöņ jöhöba mözözömgögetka qakņe öņgöba iwiņi Israelbuk aitoņgöbitkö Gosen gölmenöņ anök. Anda eka yaņgö jeņe aņgota böroņi imbiņe gili geiga aņgum waņgiba nalö köröņi titipepeņi memba urusahöt qeyök. ³⁰ Israelnöņ Josef kewö jii mörok: “Göņön toroqeba jebuk maljani, mi nanak gekzala nalö kewöņe ölöp jöjöröba kömumam.”

³¹ Mewö jiiga Josefnöņ darumunurupņi aka iwiņaņgö könagesöņi kewö jii mötket: “Nöņön mönö Farao kiņgöreņ öņgöba keu kewö jibi mötma: ‘Darumunurupņi aka iwiņaņgö könagesöņi Keinan gölmenöņ malgeri, yeņön lök nöņgöreņ kaze. ³² Darumunurupņi mienöņ lama bulmakau galömņini aka mi galöm köl eņgiba maljeaņgöra kabingö aka lama kambuņini, bulmakau kambuņini aka sukinap öroyuaiņini pakpak mi eņguaņgita kaze.’ ³³ Miangöra Farao kiņnöņ eņgoholi jemesoholņe aņgotketka kewö qesim eņgima: ‘İņini wani nuwa memakze?’

* 46:20: Jen 41.50-52 * 46:27: Apo 7.14

³⁴ “Mewö qesim enjiiga injini kewö melen wanjime: ‘Welenqequeurupki neñon mönö abu asaurupnini mutuk memba malgerangö dop moröröpnineyök lama bulmakau galöm kölköl nupni memba mala maljin.’ Mewö melen wanjigetka yanön ölop Gosen prowinsnön tatat dumdumnini möhamgömegöra on jiiga malme. Ijpt ambazip yeñon lama bulmakau galöm kölköl ambazip pakpak yengöra mötketka imbilonloninambuk ahakze. “Josefnön keunji mewö jii mötket.

47

Josefnön kingö jeñe korök.

¹ Josefnön anda Farao kingöra kewö jiyök: “Nöngö iwi darumunurupni yeñon lama bulmakau kambunini aka sukinap öröyuainini pakpak memba Keinan gölme mosöta kaba mala dölki Gosen gölmenön kangota malje.” ² Yanön darumunurupni yengöreñök azi 5 enjuañgita Farao kingö jeñe öngöba kingetka engehök.

³ Engeka kewö qesim enjiyök: “Inini wani nuwa memakze?” Mewö qesim enjiiga kewö melen wanjiget: “Welenqequeurupki neñon iwiurupninan mutuk malgerangö dop lama bulmakau galöm kölköl nupni memba mala maljin.”

⁴ Mewö jiba toroqeba kewö jiget: “Keinan gölmenön bödi lömbötñambuk ahözawanğöra welenqequeurupki neñon lama bulmakau kambunini yengöra nene qahö miwikñainin. Mianğöra neñon gölme kianğoreñ kusak malbingöra kain. Mewö aiga welenqequeurupki ölop on jiba jim teköm neñginönga nini Gosen prowins mianğoreñ tatat dumdumnini möhamgöbin.”

⁵ Mewö jigetka Farao kinñon Josef kewö jii mörök: “Iwi darumunurupkan göhöreñ kaget. ⁶ Ijpt kantri ki aukñe göhö jege ahözawanğöra ölop iwi darumunurupki gölme bahöni kelökni ölopni mianğoreñ al enjinönga malme. Ölop Gosen prowinsnön malme. Sutñine nup qetpuk meme azi tosatni maljei, mi möt enjiman ewö, ölop nöngö mirigö sömbup kambuni mi yengö böröñine al enjinönga galöm köl enjiba malme.”

⁷ Mewö jii möta Josefnön iwinji Jeikob Farao kingö jeñe wanjita kaiga ehi Farao kin mi kötuatköm wanjiyök. ⁸ Kötuatköm wanjiiga kewö qesim wanjiyök: “Göhö yambugi dawik akza?”

⁹ Qesim wanjiiga kewö melenök: “Nöñon yambu 130:gö dop gölmenön liliköba mala kota maljal. Nöngö malmalnanğö yambuñi pakpak mi awamdökni aka osikosinambuk aket. Iwiurupnan yambu sehisehni gölmenön liliköba malgeri, nöngö yambu qötönan yengöreñambuk dop mohot qahö akza.”

¹⁰ Mewö jiba Farao kin mi kunbuk kötuatköm wanjiba jemesoholñeyök eta anök. ¹¹ Josefnön iwi darumunni mi Farao kinñon jim kutuyöhangö dop Ijpt kantrinön al enjiba Ijptkö gölme bahöni kelökni ölopni kun mi Rameses prowins (Gosen) mianğoreñ enjiyök. ¹² Josefnön mewöyök iwi darumunurupni aka iwinangö könagesourupni pakpak mi neneñini anöm-morourupni malgeri, qötö mianğö dop dopñine enjiba malök.

Bödi nalöni lömbötñambuk.

¹³ Bödi ketanji mi lömbötñambuk ahöiga nenenön gölme dop qahöwahiga Ijpt aka Keinan kantri mietkö könagesöniran mönö nenegö kömum soholip aka malget.

¹⁴ Mewö mala Josefkoreñ kaba wit padi söngöröni megetka yanön monen pakpak Ijpt aka Keinan kantri uruñe ahöyöhi, mi tokoba memba Farao kingö jakömbuak mirigö köweñe alök. ¹⁵ Ijpt könagesö aka Keinan könagesö yengöreñ monen qahöwak teköiga Ijpt körek yeñon Josefkoreñ kaba kewö jiget: “Monenñinan qahöwak teközawanğöra göñon mönö nene neñgiman. Nene qahö neñgiman ewö, neñon mönö göhö jemesoholge kömumbin.”

¹⁶ Mewö jigetka Josefnön kewö jiyök: “Monenñinan qahöwakzawanğöra enğoreñ lama aka bulmakau ahözei, mönö mi memba kaba niñgigetka nöñon nene enjiman.”

¹⁷ Mewö jiiga anda lama bulmakaunini enġuanġita kaba Josef waŋgiget. Yeñon hosnini, lamaanini, memenini, bulmakaunini aka donkinini mi enġuanġita kaba nenegö söngöröña Josef waŋgiba nene memba malget. Lama bulmakaunini pakpak mi Josef waŋgigetka yañon nene enġiba mewö mianñon yambu mohotkö uruñe malmalñini naŋgöiga qahö kömuget.

¹⁸ Qahö kömugetka yambu mianñon teköyök. Teköiga yambu dölökne dumne kunbuk yaŋgöreñ kaba kewö jiget: “Azi kembunini, moneñnini qahöwakzawaŋgöra könañamnini ölni mi göhö jege ölop qahö köyatibin. Neŋgöreñ lama bulmakaunini mi mewöyök gihi-inga göhö buñaya ak teköza. Nini mi pakpak azi kembunini gi gihim teköinaŋgöra nanini aka gölmenini miyök ahöm neŋgiza. Mianğöra mönö wania kun gihibinak? ¹⁹ Nini mönö könañi wuanöŋgöra göhö jege töndup kömumbinak? Nanini kömuinga gölmeninan mönö wuanöŋgöra öne ahöba apopam köla bölibawak? Mianğöra mönö nanini aka gölmenini bohonini memba mianñon numbu nene neŋginöŋga nini ölop Farao kiŋgö welenqeçe omani ahinga gölmeninan mewöyök yaŋgö buñaya akña. Neñon toroqeba jebuk mala kömumbinbuköra mönö nene kötni neŋgiman. Neŋginöŋga gölme nup waŋgiinga öne qahö ahöba gönjañ akña.”

²⁰ Bödi köhöikñi kötökñi mianñon Ijpt könagesö yembuk ahöyöhaŋgöra yeñon körek mohot mohot nup gölmenini köröñi mi bohoninaŋgöra algetka Josefnöñ Ijpt gölme pakpak mi söngöröñi meiga Farao kiŋgö buñaya ak teköyök. ²¹ Josefnöñ Ijpt könagesö miri dop kantrigö jabö teteköñi uruñe malgeri, mi pakpak enğömeiga gawmangö welenqeçe omani aka malget. ²² Farao kiñnöñ jike nup galöm yeŋgö fotnait töwañini enġiiga memba mianñon malmalñini naŋgöba malget. Mewö aiga neneñinaŋgöra qahö lömböriiga gölmenini Josefnöñ söngöröñi memapköra qahö alget. Mianğöra jike nup galöm yeŋgöreñ gölme mienñon mohot kiñ Faraogö buñaji qahö aket.

²³ Josefnöñ könagesö yeŋgöra kewö jiyök: “Mötket, nöñon nanñini aka gölmenini söngöröñini mem teköbiga Farao kiŋgö buñaya akze. Mianğöra nöñon nene kötni enġibiga mi ölop memba gölmenöñ kömötme. ²⁴ Kömötketka ölni asuhuiga mi mönö kewötketka kambu 5 asuhugetka mienğöreñök mohot mohot mi Farao kiŋgöra ala waŋgiba malmemö, kambu 4 mi kunbuk gölmenöñ kömötmeaŋgöra aka neneñinaŋgöra ahöma. Mi nanñini, anöm-moröurupñini aka tosatñi miriñine maljei, mönö enğö neneñina ahöma.”

²⁵ Mewö jiiga kewö jiget: “Göñon neŋgö malmalnini bödinöhök meköñöñ. Mianğöra azi kembuninaŋgö jeje ak-kömukömu miwikñaibin ewö, neñon ölop Farao kiŋgö welenqeçe omani aka malbin.” ²⁶ Josefnöñ Ijpt yeŋgö gölmegöra jimkutukutu ali ahöba kota ki ohozali, nalö kewöñe mewöyök toroqeba ahöza. Jimkutukutu mi kewö: Nene nupkö ölnini mi mönö mendeŋgetka kambu 5 aiga mienğöreñök mohot mohot mi Farao kiŋgö buñaya akñaapköra ala malme. Jike nup galöm yeŋgöreñ gölme mienñon mohot Farao kiŋgö buñaji qahö aket.

Jeikobnöñ qamötñaŋgöra Josef qesiiga oñ jiyök.

²⁷ Israel yeñon Ijpt gölmegö prowins qetñi Gosen mianğöreñ tatat dundumñini memba gölme aŋgön köla malget. Mianğöreñ mala ahumsehip aketka qötöñinan gwötpuk qarivyök. ²⁸ Jeikobnöñ malmalñi yambu 17 mi Ijpt gölmenöñ malök. Malmalñi jömukñaŋgö yambuñi mi mindiriba 147 ahök.

²⁹ *Israelgö kömup nalöñan dopdowiiga nahöñni Josef jii kaiga kewö jii mörök: “Nöñon göhö jege ak-kömukömu miwikñaizal ewö, göñon mönö dölki urukalem kondela keu kewö pöndañ wuatangaöba mem yakömangö jiba börögi nöngö tambuni bapne ala kewö jim jöhöman: Nöñon kömumbiga qamötñi mi mönö Ijpt gölme kianğöreñ kude löm kölman.

³⁰ Nöñon kömumba iwi asani yembuk luhut memba ahömami, nalö mianğöreñ nöngö

* 47:29: Jen 49.29-32; 50.6

qamötni mi mönö Ijpt kantrinöhök memba anda iwi asani löm köl engigeri, yengö qaksirinine nesim kölman. “Mewö jiiga kewö jiyök: “Jizanaᅅgö dop mi ölop akᅅam.”

³¹ Mewö jiiga iwiᅅan kewö jiyök: “Keu mi mönö jöjöpaᅅ keunöᅅ jim köhöim niᅅgiman. “Mewö jiiga Josefnöᅅ mi jöjöpaᅅ keunöᅅ jim köhöiiga Jeikobnöᅅ mi möta bilipköba nöropᅅni memba geba öropᅅnaᅅgö kitipᅅ ala nariba Anutugö waikᅅni memba möpöseiyök. Mewö.

48

Jeikobnöᅅ Manase aka Efraim kötuetsköm etkiyök.

¹ Nalö tosatᅅni teköiga Jeikobnöᅅ kawöl miwikᅅaiiga keu mi Josefköra jigetka mörök. Mi möta nahönyahötᅅni yahöt Manase aka Efraim mi etkuᅅgita iwiᅅaᅅgöreᅅ anök. ² Aniga tosatᅅnaᅅ Jeikobköra kewö jigetka mörök, “Nahöᅅgi Josefnöᅅ mönö gi gekᅅamgöra kaza. “Israelnöᅅ keu mi möta ösumᅅni ahöyöhi, mi qezaköba ahöahö dumᅅneyök wahöta tarök. ³ Wahöta tata Josefköra kewö jiyök: “Anutu kukösum pakpakö Toᅅni yaᅅön Keinan gölmegö Luz miri mianᅅgöreᅅ nöᅅgöreᅅ asuhuba kötuetsköm niᅅgiba

⁴ kewö jiyök: ‘Nöᅅön ahumsehip gihibiga gwölönarökurupki yengö qötöᅅninan mönö qariba qariba öᅅgöiga göᅅön könagesö kambuᅅni kambuᅅni gwötpuk yengö bömöᅅn jalöᅅnina akᅅan. Gwölönarökurupki könage asuhum öᅅgömei, nöᅅön gölme ki mi i buᅅa qem engibiga yengö buᅅaᅅnina teteköᅅni qahö ahöm öᅅgöma.’*

⁵ Anutunöᅅ mewö jiyök. Mutuk nöᅅön Ijpt gölmenöᅅ göhöreᅅ qahö kayalaᅅgöreᅅ anömᅅgan nahönyahötᅅni yahöt Ijpt kianᅅgöreᅅ etkömeyöhi, yetköᅅn mönö nöᅅgö buᅅaya akᅅahot. Manase aka Efraim yetköᅅn mönö Ruben aka Simeon ewö nöᅅgö buᅅaya akᅅahot. ⁶ Mewö ahotka könaᅅgeᅅ gölme mesiᅅda yetköra distrik yahöt etkime. Efraim aka Manase yetkö bapᅅnire nahönböraturupki tosatᅅni asuhugerᅅ, mienöᅅn mönö nange buᅅaya akᅅe. Yeᅅön gölme bahöᅅnini buᅅa qem aᅅgumei, mi mönö Efraim aka Manase yetkö distrik yahötᅅniri mietkö uruᅅe ahögetka bohon toᅅniri ahotka datyahötᅅniri yetkö nembö bapᅅnire malme. ⁷ Nöᅅön Mesopotemia (Padan Aram) mosöta liliᅅgöba Keinan gölmenöᅅ kaba Efrata taon dopdowibiga anömni Reizölnöᅅ kömuiga wösöbirik ketanᅅi ahum niᅅgiyök. Kömuiga qamötᅅni mi Efrat anangö köna töwokᅅe löm kölal. Efrat mirigö qetᅅni alaᅅni mi Betlehem.’*

⁸ Israelnöᅅ mewö jiba Josefkö nahönyahötᅅni etkeka kewö qesim waᅅᅅiyök: “Azi moröᅅni yahöt ki daᅅön daᅅön?”

⁹ Qesim waᅅᅅiiga Josefnöᅅ iwiᅅaᅅgöra kewö jiyök: “Nöᅅgö nahönyahötᅅni Anutunöᅅ Ijpt kianᅅgöreᅅ niᅅgiyöhi, i mönö mia. “Mewö jiiga Israelnöᅅ jiyök: “Nöᅅön kötuetsköm etkimamaᅅgöra i ölop etkuᅅgitaᅅnöᅅga nöᅅgö kösutne kamahot.” ¹⁰ Mewö jiiga Josefnöᅅ nahönyahötᅅni etkuᅅgita kösutᅅe kagetka böroᅅni giliga imbiᅅire geiga numbuᅅniri yöhötim neyök. Israelnöᅅ azi namᅅni aiga jeᅅi ömuᅅ köliga yuai kun ek kutumamᅅgö töᅅpin aka osiyök. ¹¹ Numbuᅅniri yöhötim namba Josefköra kewö jiyök: “Nöᅅön mutuk göhö jemesoholgi kunbuk gekᅅamgöra qahö al mamböta malalmö, Anutunöᅅ köna mesariga dölkᅅi nangi aka nahönyahötᅅni mewöyök enᅅgekal.”

¹² Mewö jiiga Josefnöᅅ nahönyahötᅅni iwiᅅaᅅgö tambuᅅneyök etkömemba simin köla bamᅅgöba geyök.

¹³ Bamᅅgöba geba wahöta nahönyahötᅅni böroᅅnire memba etkuᅅgiriga nanᅅni iwiᅅaᅅgö wösöᅅne kayohot. Efraim mi böroᅅni ölnaᅅn memba Israelgö böroᅅni qaniᅅe ala Manase mi böroᅅni qaniᅅan memba Israelgö böroᅅni ölnᅅe alök. ¹⁴ Mewö al etkiyökmö, Efraim munᅅni aiga asaᅅan töndup böroᅅni ölnaᅅn böraᅅda yaᅅgö nöropᅅne alök. Manasenöᅅ Josefkö nahöᅅni mutukᅅni ahökmö, asaᅅan töndup böroᅅni qaniᅅan yaᅅgö nöropᅅne alök. Mewö aka

* 48:4: Jen 28.13-14 * 48:7: Jen 35.16-19

böröñi maripom ewö al kutuba nöropñire alök. ¹⁵ Mewö ala tata Josef kötuatköm wanğiba kewö jiyök:

“Asani Abraham aka iwini Aisak yetkôn Anutugö jeñe anda kaba aka memba malohot. Nöñön asuha mala korali,

Anutunöñ mönö nalö miangöreñ pöndañ köyan köl niñgiba mala korök.

¹⁶ Suep garatanöñ ni bölöñi pakpak miangöreñök meköba anğön köl niñgiba malöhi, yanğön mönö azi gwabö yahöt ki kötuatköm etkiba malma.

Ambazipnöñ yetkö qetñiri qetketka miangön mönö ni aka iwi asani Aisak aka Abraham nenğö qetbuñanini bisiba malmahot.

Yetkö könagesöñiran mönö gölme qakñe önöñi qahö sehiba malme.”

¹⁷ Mewö jiyökmö, Josefnöñ iwiñan böröñi ölnan Efraimgö nöropñe ali mi ehi dop qahö kölīga miangöra möt böliba iwiñanğö böröñi ölna memba Efraimgö nöropñeyök meköba Manasegö nöropñe almamğö ahök. ¹⁸ Mewö aka iwiñanğöra kewö jiyök: “Iwini, mewö kude aknöñ. Morö kianğön nahöni mutukñi akza. Miangöra börögi ölnan mönö yanğö nöropñe alnöñ.”

¹⁹ Mewö jiyökmö, iwiñan mi akñamğö qetala Josef kewö jii mörök: “Nahöni, mi ölop mötzal. Nöñön mi mötzal. Manasenöñ mewöyök qetbuñanambuk aiga yanğö gwölönarökurupñan mewöyök ahumsehip aka könagesö ketani akñemö, Efraimgö qetbuñan mönö Manasegöreñ qetbuña onğita ahöma. Yanğö gwölönarökurupñan mönö ahumsehip ketani aka könagesö kambuñi kambuñi gwötpuk aka malme.”

²⁰ Mewö jii möriğa silim miangöreñök kötuatköm etkiba kewö jiyök: “Israel yenğön mönö etkö qetñiri qeta könagesöñini kötuatköm enğiba kewö jime: Anutunöñ mönö oyaenğoyaen ak enğiğa enğön Efraim aka Manase ewö akñe. “Mewö jiba Manase mi Efraimgö nembö bapñe alök.*

²¹ Israelnöñ kötuatköm enğii teköiga Josefköra keu kewö jiyök: “Mötnöñ, nöñön kömumamğö akzalmö, Anutunöñ embuk mal onğöma. Yanğön mönö enğuanğiriga iwi asaurupñini yenğö gölmenöñ lilingöba anme. ²² Miangöreñ anda sutñine gölme mesinğetka nöñön göhö gölmeği toroqeba Sekem gölme kelökñambuk mi gihizal. Nöñön kukundu gölme mi Amor könagesö yembuk bim qeba nani timbi aka bingö sou ketani miangön yenğöreñök meal. Josef gi darumunurupki yenğö bohonñini akzananğöra mi darumunurupki yenğöra qahöpmö, göhö buñaya jim teköbi ahöma. “Mewö.

49

Jeikobnöñ nahönurupñi kötuatköm enğiyök.

¹ Miangö andöñe Jeikobnöñ nahönurupñi enğoholi kagetka keu kewö jiyök: “Inini mönö öröm tokogetka nöñön malmalñine könanğep denöwö asuhumawi, miangö kezapqetok keuñi indela jibi mötme.

² Jeikobkö nahönurupñi, inini mönö kaba tokoba iwiñini Israelgöreñ keu kezap ala mötket.

³ O Ruben, göñön nani nahöni mutukñi akzan.

Göñön nöngö ösum-mumuni aka ambi membige ösumnanğö ölni mutukñi asuhunöñ.

Qetbuñagahö aködamunñi aka kukösumñi miangön mönö munurupki yenğöreñ enğonğitza.

⁴ Luhutnöñ köwet siri kunduriga kalöpmalöp anda kamakzawi, göhö urugan mönö miangö dop wahöri kalöpköba lanğ anda kamakzan.

Göñön iwiği nöngö ahöahö dumne onğöba qömböñne qeba anömnambuk ahönönga dum miangön mönö anğöjörakñambuk aka tölohoyök.

Miangöra göhö qetbuñagahö aködamunñan mönö munurupki qahö toroqeba enğonğita ahöma.

⁵ Simeon aka Liwai yetkôn darumuna akzahot.

* 48:20: Hib 11.21

Yetkö timbi lingip nupñiran mönö kegwek kahasililin kondorakza.

⁶ Yetkön irimsesewöl qakñe azi enguyohot kömugetka öne töhön sihimñangöra bulmakau aziñi mienjö köna börö yuaiñini lañ engum yandiyohotka porin aket.

Miangöra yetkön keu goro jöhömakzahori, nöñön miambuk urumohot qahö ahakzal. Totoko almahori, nöñön miangöreñ yetpuk qahö toroqeba tatmam.

⁷ Urukazikñiran könöpñambuk akzawañgöra i jim qesuahöm etkizal.

Urusingokñiran kanjamñambuk akzawañgöra i jim jörahöm etkizal.

Nöñön könagesöñiri könden engibiga yeñön Jeikobkö gölme dop köla anme.

Nöñön menden engibiga yeñön Israel sutñine lañ lalöpköba malme.

⁸ O Juda, göhö darumunurupkan gi möpöseim gihiba malme.

Göhö börögan mönö kerökurupki yeñgö imbi jölñine tatma.

Iwigahö nahönurupñi yeñön mönö göhöra geba simin köla malme.

⁹* O Juda, göñön laion gwaböñi ewö maljan.

O nahöni, gi böröjan suhuba sömbup qem nemala miangöreñök lilingöba kazan.

Yañön laion ewö silenji al kötöteiba laion ambiñi ewö eta köla ahömakza.

Körekñan i suahö aka utuba möndöbingö keñgötñini mörakze.

¹⁰ Kukösumgö aiwesökñi mi kunñan Juda yeñgö böröñineyök qahö enñuanñitma.

Azi kembugö öröpñan könañi sutñire kiniga kunñan mi qahö qeköma.

Nanñi aka gwölönarökurupñan jakömbuak dumñe tata mal öngögetka könañgep kunöñ asuhuiga könagesö kambuñi kambuñi yeñön yañgö jitiñi tem köla malme.

¹¹ Yañön donñiñi wain ip kempañe jöhöi kinma.

Donñiñi moröñi mi wain kösö sutñire gwaröhöiga ahöma.

Yañön oponji mi wain onñan sanñonma.

Malukuñi mi wain kötnañgö sepñe kusahöla közöhölma.

¹² Wain o neiga jeñan wain onji ewö pisihiba inñan kölma.

Juzu onji neiga jitiñan juzu onji ewö tuarima.

¹³ Zebulun könagesö yeñön köwet jitiñe malme.

Yeñgö gölmenöñ wañgeñi wañgeñi surumakñe.

Gölmeñinañgö jaböñi miññön mönö Saidon taonöñ göröken anda ahöma.

¹⁴ Isakar mi donñi sihitñi kotkotñi miangö dop akza.

Donñi qakñe dum tatatkö gösöñi yahöt mietkö sutñire al kötöteiba lokoliba sölonña ahömakza.

¹⁵ Lokoliba sölonña luhut memba ahöiga dum mirinji mi ölop dop köliga gölmeñan sihim kötokñi akña.

Mi eka andöñi yuai lömbötñi anñumamgöra sipköba geiga tosatñan welenqeçe nup memapköra kuñguba jöhöm wañgime.

¹⁶ Tosatñan Dangö könagesöurupñi mulumgöm engigetka Dan yañön mönö awörök aka keu diñdiñangöra bim qeba malma.

Dan kambu yeñön Israelgö kambu tosatñi i ewö aka malme.

¹⁷ Dan yañön qatö mokoleñ ewö könanöñ ahöba hosgö gwakötñe yöhöiga töwöratiba giliga qakñe tatmawañön mönö tala andöandö gölmenöñ gema.

¹⁸ O Kambu, göñön ni kösö gwarönöhök meköba anñön köl niñgimangöra uba mambörakzal.

¹⁹ Kegwek kahasililin kambu yeñön Gad könagesö engum ohoba malmemö,

Gad yeñön mönö melenña könañine enñuatañgöba nanñini engum ohoba malme.

²⁰ Asergö gölmenöñ nene möriam gwötpuk asuhumakña.

Kiñ yeñön nene nahömñinambuk nemakzei,

yañön mönö nene mewöñi mi gölmeñe kömöt sehiba miññön tosatñi bauköm engiba malma.

* 49:9: Jan 24.9; Ind 5.5

- ²¹ Teunöŋ sihimŋaŋgö dop ösumŋan laŋ lalöpkömakzawi, Naftalinöŋ mönö miangö dop aka moröurupŋi engeksihimŋinambuk enġömembra malma.
- ²² Wain ip o jeŋaŋgö kösutŋe kömötketka kötŋi gwötpuk kuŋguba böröŋi giliga anda sel qösököba yaigep anakzawi, Josefŋöŋ mönö miangö dop akza.
- ²³ Yaŋgö kerökurupŋan timbi jaugemŋini memba urukönöp qakŋe Josefkö kambu mi enġuatangöba enġeriba enġum ohoba malme.
- ²⁴ Mewö malmemö, Jeikobkö bemŋi Anutu kukösumŋambuk yaŋgö böröŋan mönö mem köhöim waŋgiiga yaŋön timbi töhötni qahö mosöta börö sihitŋi kakŋi qahö qeiga malma. Anutu yaŋön mönö urugö lama galömŋi aka Israelgö aŋgönkölköl Tonŋi akza.
- ²⁵ Iwigahö Anutuŋan mönö bauköm gihiba malma. Bem kukösum pakpakö Tonŋan mönö kewö kötuetsköm gihiiga malman: Kiegö kötumötuetŋan mönö könakembayök göhöreŋ eriga gölme dutŋi emuyangö oŋan göhöreŋ koriga nahönbörat aka sömbup gwötpuk miwikŋaim enġiba malman.
- ²⁶ Kunduŋi kundunŋi mienġö kötumötuetŋinan nalöŋi nalöŋi ambazip dop köl enġii mala kotket. Kunduŋaŋgö sörokŋe yambu dop nene nupŋini memba malgetka nene möriam asuhui mala kotketmö, göhö iwigahö kötumötuetŋan mönö mi pakpak oŋgitza. Kötumötuet mienöŋ mönö Josefkö nörop qakŋe öŋgöme. Darumun sutŋine pom jembon tök-kutukutuŋi akzawaŋgö malmalŋe mi pakpak mönö ahöm öŋgöme.
- ²⁷ Benjamin mi kiam kalŋi ewö akza. Söŋan dop böröjaŋ suhuba sömbup enġuba nem gwahöt enġimakza. Silimnöŋ yuai kiom qemakzawi, mi sunġem dop mendenmakza. “Mewö.
- ²⁸ Israelgö kambu pakpak jaŋgöŋini 12 mi mewö. Iwiŋinan kötuetsköm enġiba keu mewö mewö jiiga mötket. Kötumötuetŋini murutŋi murutŋi mi nanŋök nanŋök mendenġa körek kötuetsköm enġiyök. Mewö.

Jeikobnöŋ kömuyök.

- ²⁹ Kötuetsköm enġiba kinda keu kewö jim kutum enġiyök: “Anutunöŋ mönö noaŋgiri nöŋön isik alaurupnan kömugeri, yembuk toroqemangö akzal. Nöŋgö qamötni mi mönö iwiurupni yeŋgö qöhöröŋine baŋet Hit azi Efrongö gölme köröŋe ahözawi, miangöreŋ löm köl niŋgime. ³⁰ Baŋet mi Keinan gölmenöŋ Makpela gölme köröŋe Mamre kösutŋe ahöza. Abrahamnöŋ gölme köröŋi baŋetŋambuk mi isikninaŋgö qaksiriŋi ahömapköra Hit azi qetŋi Efron yaŋgöreŋök söŋgöroŋi meyök.*
- ³¹ Abraham aka anömŋi Sara mi baŋet miangöreŋ löm köl etkiġet. Mewöyök Aisak aka anömŋi Rebeka mi miangöreŋ löm köl etkiġet. Nöŋön toroqeba Lea miangöreŋ löm köl waŋgial.* ³² Abrahamnöŋ gölme köröŋi baŋetŋambuk mi mutuk Hit yeŋgöreŋök bohonŋi meiga ahöza.” ³³ Jeikobnöŋ nahönurupŋi keu mewö jim kutum enġim teköba könayahötni öröi ahöahö dumnöŋ öŋgöiga nöŋ qeba kömuiga Anutunöŋ waŋgiri isik alaurupŋi yeŋgöreŋ toroqeyök. Mewö.*

50

Jeikob löm kölġet.

- ¹ Jeikobnöŋ kömuiga Josefŋöŋ luhuba iwiŋi kepolaköm waŋgiba lipköba anda imbiŋi gili geiga numbuŋi yöhötim neyök. ² Miangö andöŋe Josefŋöŋ doktaurupŋi jimkutukutuŋaŋgö bapŋe malgeri, mi iwiŋaŋgö qamötni sile mem köhököhöi kelöknöŋ mirimegöra

* 49:30: Jen 23.3-20 * 49:31: Jen 25.9-10 * 49:33: Apo 7.15

Jim kutum enjiyök. Jim kutum enjiiga yeñön Israelgö qamötñi mewö ak wanjiget. ³ Nup mi memba malgetka wehön 40 jömuk teköyök. Qamötñini kelöknöñ mirizema, miangö nupñi mi nalö köröpñi mewö memba maljema. Ijpt könagesö yeñön Jeikobköra wehön 70:gö dop jinjen köla sahöta malget.

⁴ Sahöta jinjen köla wösöbirik malgerangö nalöñi mianjön teköiga Josefnöñ Farao kingö jakömbuak mire nup memba malgeri, yeñgöra keu kewö jiyök: “Nöñön engö jeñine ak-kömukömu miwikñaijal ewö, injini mönö nöngö jitne memba Farao kingöra keu kewö jigetka mötma: ⁵ *Iwinan jebuk mala keu kewö jöhöba jöjöpañ keunöñ jim köhöimangöra jim kutum niñgiyök: ‘Nöñön kömumangö akzal. Ni nanangöra köt köteñ Keinan gölmenöñ esibi kinjawi, nöngö qamötñi mi mönö miangöreñ anda löm kölman.’ Miangöra ölop merak jinönga nöñön miangöreñ anda iwinangö qamötñi löm kölagun kunbuk lilingöba kamam.”

⁶ Mewö jii jigetka Farao kiñnöñ mi möta kewö jiyök, “Gi iwigahöra keu jöhöba jöjöpañ keunöñ jim köhöinöñi, miangö dop ölop anda iwigahö qamötñi löm kölman.”

⁷ Mewö jiiga Josefnöñ iwinangö qamötñi löm kölmangöra öngöyök. Farao kingö jembonurupñi qetbuñanambuk pakpak, jakömbuak mirinangö aka Ijpt kantrigö jitne memeurupñi qetbuñanambuk mi körek yambuk mohotje anget. ⁸ Josefkö mirigö saiwaurupñi körek pakpak, yangö darumunurupñi aka iwinangö könagesöurupñi yeñön mewöyök mohotje anget. Anöm-moröurupñini, lama, meme aka bulmakau kambuñi kambuñi miyök mönö engömosötketka Gosen gölmenöñ tatket. ⁹ Hosgö karenji karenji aka azi hos qakñine tatkeri, mi mewöyök anget. Mewö mindiriba kambu keta bölökñi anget.

¹⁰ Anda mala Jordan o kutuba likepñe toroqeba anda Atad mire wit padigö ölni aka kamböñi mendenja kewötkeri, miri gölme miangöreñ angota köhöikñanök jinjen köla silata sahöt böliba malget. Josefnöñ iwinangöra wehön 7:gö dop jinjen köla sahöta malök.

¹¹ Atad mire jinjen köla sahötketka gölme toni Keinan könagesö yeñön mi eka möta kewö jiget, “Ijpt yeñön jinjen sahötkö arenji öngöngöñi alje. “Mewö jigetka miri gölme miangö qetñi mi könahiba Abel Mizraim * qetket. Mi Jordan ogö wehön kotkotje ahöza.

¹² Jeikobnöñ nahönurupñi jim kutum enjiyöhi, yeñön miangö dop mewö ak wanjiget.

¹³ *Yeñön qamötñi anguba Keinan gölmenöñ anda Mamre kösutje Makpela gölme köröñe banjet ahözawi, miangöreñ anda löm kölget. Abrahamnöñ mutuhök gölme köröñi banjetambuk mi qaksirinini ahömapköra Hit azi Efron yangöreñök söngöröñi meyök.

¹⁴ Josefnöñ iwinangö qamötñi löm köli teköiga nanñi, darumunurupñi aka tosatñi pakpak yambuk iwinangö qamötñi löm kölbingö angeri, mienjön kunbuk Ijpt gölmenöñ lilingöba kaget. Mewö.

Josefnöñ likepñi qahö melenmamgö kunbuk jiyök.

¹⁵ Josefkö darumunurupñan iwinan kömuiga mi eka tata kewö mötmöröba jiget: “Josefköra silik bölöñi pakpak ak wanjiini, yanjön miangöra urukondum möt neñgiba nalö kewöñe könahiba likepñi melen neñgibapuk.” ¹⁶ Mewö jiba Josefköra keu jit kewö algetka anök, “Iwigan kömumangö aka neñgöra keu kewö jim kutuyök: ¹⁷ ‘Injini mönö Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñön mönö yeñgö siñgisöndokñini aka kahasilinini mi mosötman. Miangöra göñön ölop iwigahö Anutunangö welenqegeurupñi neñgö siñgisöndokñini mosötman. “Yeñön keu jit mi algetka Josefköreñ kaiga möta mönö qeta sahörök.

¹⁸ Miangö andöñe Josefkö darumunurupñan nanñinak kaba gölmenöñ tala wösöñe sipköba eta kewö jiget: “Mötnöñ, nini göhö welenqegeurupki omanji akzin.”

¹⁹ Mewö jigetmö, Josefnöñ melenja kewö jiyök: “Mönö keñgötñini kude mötme. Nöñön Anutugö salupñe qahö kinjal. ²⁰ Ölna, enjön silik bölöñan ayuhum niñgibingöra kapan

* 50:5: Jen 47.29-31 * 50:11: Abel Jinjen sahötkö arenji. Mizraim Ijpt. Hibru keu mewö. * 50:13: Apo 7.16

köla aketmö, Anutunöŋ mi möŋaiiga salupŋe yuai ölöŋŋi asuhumapköra kapaŋ köla ahök. Mewö aka kondota kuŋgum niŋgiiga könagesö gwötpuk eŋgö malmalŋini jöhöbiga miangö ölnan nalö kewöŋe aukŋe asuhiiga ek kutuzin. ²¹ Miangöra mönö keŋgötŋini kude mötket. Nöŋön mönö nanŋini aka anöm-moröurupŋini eŋgö malmalŋini körek nanŋöm eŋgiba malmam. “Mewö jiba bölöŋamŋinanŋö likepŋi qahö meleŋmamgö kunbuk jim köhöiba guŋböŋöŋöŋ ak eŋgiyök. Mewö.

Josefnöŋ kömuyök.

²² Josefnöŋ iwiŋaŋgö könagesöurupŋi yembuk toroqeba Ijpt gölmenöŋ malget. Josefnöŋ mal öŋgöiga yambuŋi 110 aiga kömuyök. ²³ Josefnöŋ isi amböurupŋi Efraimgöreŋök asuhugetka mi eŋgehök. Mewöyök Manasegö nahönŋi Makir yaŋgö nahönböraturupŋi asuhugetka Josefkö tambuŋe al eŋgigetka dohongöm eŋgiyök.

²⁴ Miangö andöŋe Josefnöŋ darumunurupŋi yeŋgöra keu kewö jii mötket, “Nöŋön kömumamgö akzalmö, Anutunöŋ mönö köyan köl eŋgiiga malme. Yaŋön inini gölme kiaŋgöreŋök eŋguaŋgita gölme Abraham, Aisak aka Jeikob yeŋgö buŋaŋina akŋapköra jim teköba jöjöpaŋ keunöŋ jim köhöiyöhi, mönö miangöreŋ anda malme.”

²⁵ *Mewö jii mötketka Israelgö nahönurupŋan keu jim jöhöba jöjöpaŋ keunöŋ kewö jim köhöimegöra jim kutum eŋgiyök: “Anutunöŋ köyan köl eŋgii malgetka nöŋön kömumbiga nöŋgö sihitni mi mönö gölme kiaŋgöreŋök aŋguba Keinan gölmenöŋ anme.” ²⁶ Mewö jiba yambuŋi 110 aiga kömuyök. Kömuiga Ijpt miangöreŋ qamötŋi mi sile mem köhököhöigö kelökŋan miriba qamöt bokisnöŋ algetka ahöyök. Mewö.

* 50:25: Eks 13.19; Jos 24.32; Hib 11.22

RUT

Rutkö sundutnji, Jöjöhö Walakņangö Buk jaņgö 8

Zöm-asa-asari

Aiwi kembu yengö nalöne Israel yengö malmalņini mihi öngöwa hetañanguk. Uruņini melengetka oyaenķoyaeņ malgetnöņ, miangö andöņe silekmalek malgetka heta heta sohoiga lömböt uruņe simbisembel malget. Mala miangö andöņe uruņini melenget. Mewö mewö hala malget. Rutnöņ nalö miangöreņ luaikö könaņi kundelök. Moab anbi yangön Israel aiwia meyök. Aiwi miangön komuiga Rutnöņ iranņi Israel anbi yanguk pöndaņ öröröņ jöhöwa Israelkö Anutuņi törörök qekötahöwa malök. Mewö mala kantriņi Moab mosota Israel uruņe kamba teteköņe apņi mutukņangö tinitosolomurupņi yengö sutņineyök aiwi dölökņi kun miwikņaiwa meyök. Yetkö gulinarökņiri kunöņ kiņ Deiwidkö amböņi halök. Deiwid yangön Israel yengö kiņini qetbuņaņi öngöngöņi malök. Deiwidkö gulinarökņi kun mihi Jisös. Rutnöņ yambu 1110-1100 bifo Kraist malök.

Aiwi kembu buk miangö sundutnji mienöņ malmalkö könaņi miewö kundelget: Anbazipnöņ Anutu andö qegetka nalö miangöreņ kahasililiņ kōndenmōnden ketanja qakņine öngöget. Rutkö sundutņan köna miewö kundelja: Kian anbi yangön uruņi Israelkö Anutuköreņ melenđa mötnarip kōnagesōnōņ toroqeiga kōtumōtuētņōņ qakņe öngöiga oyaenķoyaeņ halök.

Buk muyanğö bahöņi bohonņi 3 miņgi miewö:

- 1) Naominöņ Rutkuk Betlehem lilingöyöwöt. 1.1-22
- 2) Rutnöņ Boazkuk aitonğöyöwöt. 2.1–3.18
- 3) Boaznöņ Rut mihi anömņa meyök. 4.1-22

Elimelek hala saiwaurupņi yengön Moab anget.

¹ Walahok Israel uruņe kiņ kun qahö maliga aiwi kembu yengön kōnagesö galim köl engiwa malget. Nalö miangöreņ bödi hikņaiwa balöņ patpat söp köla ahöyök. Bödi nalö miangöreņ Juda aiwi kunöņ anömņi hala nahönweitņi engangita taonņini Betlehem mosota kantri qetņi Moab miangöreņ anda dum tatatņini möhamgöwa kiana malget. ² Aiwi qetņi Elimelek, anömņi qetņi Naomi hala nahönweitņiri qetņiri Malon hala Kilion. Balöņini qetņi Efrata. Yengön taonņini Betlehem mosota Moab balöņnöņ anda miangöreņ malget. *

³ Miangöreņ malgetka Naomikö apņi Elimeleknöņ komuyök. Komuiga Naominöņ anbi malöya hala nahönweitņe malget. ⁴ Nahönweitņi yetkōn mala qariwa Moabkö anbi weit qetņiri Orpa hala Rut † ⁴ miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balöņnöņ yambu 10:gö söp mala kutket. ⁵ Mala kuta nahönweitņi weit Malon ‡ hala Kilion yetkōn mewöyök komuyöwöt. Komuyöwötka namönņiri Naomi yangön apmeröņi qahö nanņök malök. Mewö.

Naomi hala Rut yetkōn Betlehem lilingöyöwöt.

⁶ Naominöņ nanņok Moab kantrinöņ mala nalö kunöņ buzup keu miewö zöget mörök: ‘Kembunöņ kōnagesöņi baukōm engiwa Israel miangöreņ numbu nene ölip miwikņaim engimamja.’ Mewö möta Moab mosota Israel balöņe lilingöwa anmamgöra mem mözözm hali iranweitņi yetkuk wahötket. ⁷ Wahöta köhöm balöņ malöhi, mihi mosota Juda balöņnöņ lilingöwa anmamgöra haliga iranweitņi yetkuk mohotņe kōnanöņ anget.

* **1:2:** Efrata mihi balöņ Betlehem liliköwa ahözawi, miangö qetņi. Rut 4:11; Jen 35:19; 1 Sml 16:18; Mai 5:2 † **1:3:** Rut keu miangö könaņi mihi ‘ala-ala’. Jisöskö ambösakonurupņi yengö sutņine anbi ‡ **1:5:** Malon keu miangö könaņi mihi ‘osumeret aiwi’

⁸ Könanöŋ andaga Naominöŋ iranweitŋi miewö etkezöyök: “Anbiweit, etkön mönö lilingöwa namönweitŋiri yetkö köhömnöŋ anda malmawöt. Etkön nöŋgö apmeröni komugeri hala ni nengöra ölipŋanök ala hal nengiwa malöwötka Kembunöŋ mönö miangö söp likepŋi melenđa ölipŋanök hal komum etkiiga malme. ⁹ Kembunöŋ ölip köna meiga iŋiri aiwi kunduk etkömimba malmal tatatŋiri yetkö köhömnöŋ miwikŋaiwa urusösöŋgai qakŋe malmawöt.” Mewö zömba numbuŋiri etköhötim neyöknöŋ, yetkön ambureren hala silata sahöröwöt.

¹⁰ Sahöta miewö zöyöwöt: “Qahöwi! Niri mönö gowuk lilingöwa göhö könagesö kiripki yengöreŋ anbin.”

¹¹ Mewö zöyöwötka melenđa miewö etkezöyök: “O iranweitni, mönö nöpaköra nonjuk kambitkö halzawöt? Nöŋgön kunduk merö nahönweit membiga qariyöwötka etkömembawörak me? Mewö römöŋgöwawörak ewö, miangön qahö söpköza. Qahöpmahöp! Mönö dölmuhu lilingöwa anmawöt. ¹² Ni anbi namönŋi halzalanğöra aiwi kunŋan qahö nömima. O iranweitni, etkön mönö lilingöwa köhömnire anöwöt. Ni kunduk aiwi memangö römöŋgöwa erap sunğem aiwi kunguk ahöwa köriğuk hala nahönweitni etkömembilenjak ewö, tondup mihi lömböriza.

¹³ Merö mietkön qariyöwötka apweitŋira etkimangö mamböta malmawörak me qahöpto? Yetköra hala aiwi memekö könanŋiri jöhöm anğua nalö köripŋi sutŋi mihi mönö in malmawötkuk. Miŋgi qahö söpköza. O iranweitni, mewö qahö. Kembunöŋ birinŋi böraŋda qeköm niŋgiiga apnan komuiga miangöra malmalninan lömböriiga nöŋgön etköra wösöjiniŋni mötzal.”

¹⁴ Mewö zöiga dumŋe kunduk silata sahöröwöt. Sahöröwöt teköiga Orpanöŋ iranŋangö yaizözökŋi zömba numbuŋi yöhötim nempa elenđa köhömnje anök. Orpanöŋ anöknöŋ, Rutnöŋ kapaŋ köla sele köpaŋe mösölatiyök. ¹⁵ Mewö mösölatiiga Naominöŋ miewö ezöyök: “Mötnöŋ, kasungan anja. Yaŋgön nanŋi bemŋi hala nanŋi anbazip kiripŋi yengöreŋ anja. Gi mönö mewöŋanök elenđa köhömgje anöŋ.”

¹⁶ *Mewö zöyöknöŋ, Rutnöŋ tondup miewö melenŋök: “Ni gi gomosotmamgö de kapaŋ köla zöman. Ölip zönöŋga gowuk anbit. Gi denike denike anmani, nöŋgön mönö mewöyök gowuk miangöreŋ anmam. Gi denike denike malmani, nöŋgön mönö mewöyök miangöreŋ malmam. Göhö anbazip kiripki miŋgi mönö nöŋgö anbazip kiripna halgetka göhöreŋ Anutu mihi mönö nöŋgöreŋ Anutuya hali malmam.

¹⁷ Gi denikeangöreŋ komumani, nöŋgön mönö mewöyök miangöreŋ mohok komumbi löm köl niŋgimeköra mötzal. Keu mihi miewö zöm köhöimam: Komup mohotnöŋ mönö mendenetkima. Iwai mörötŋi kunöŋ mendenetkima ewö, Kembunöŋ ölip miangö likepŋi melenŋiga nöŋgö qakne öŋgöma.”

¹⁸ Mewö zömba yaŋguk anmamgö köhöikŋanök kapaŋ köliga ekta möt qitiwa miangö keuŋi kunduk qahö zöyöknöŋ,

¹⁹ mohotŋamŋire anda mala Betlehem taonöŋ kauröwöt. Kauröwötka taongö anbazip patpat yengön i etkeкта sösoŋgai ketanŋi möta tokoget. Anbi yengön qeta Naomikö yaizözökŋi miewö zöget: “Hei! I halakŋa Naomiya me denöwö? Oe oe oe!”

²⁰ Mewö zögetka Naominöŋ miewö zöyök: “Nöŋgö qetni Naomi miŋgi in de qetme. Ni urusösöŋgai anbia qahö. Anutu kukosum Touŋan mönö kondot niŋgiiga urukombuk möta malzal. Miangöra nöŋgö qetni Mara qetketka söpköma. § ²¹ Nöŋgöreŋ iwai kombunŋi ahöiga mutuk taon muhu mosota analnöŋ, erap Kembunöŋ naŋgiriga biribörak lilingöwa omaŋe kazal. Kembu kukosum Touŋan keuni kewöta mem kirehöm niŋgiiga köŋjiliŋ qakŋe malzal. Miangöra qetni Naomi mihi in de qetme.” Mewö.

²² Naomi hala iranŋi Rut, Moab anbi miangön Moab mosota Betlehem taonöŋ kayöwöri, nalö miangöreŋ anbazipnöŋ könahiwa padikö alaŋi bali miŋgi nupŋine koholget.

* **1:16:** Rut 2.11-12; 2 Kiŋ 2.2-6 § **1:20:** Qet weit mihi Hibru keu könanŋiraŋguk. Naomi urusösöŋgai. Mara urukombuk.

2

Rutnōj Boazkō nupnōj bali qendaṅnōk.

¹ Naomikō apṅi Elimelekō isik uruṅe tinitosolomṅi aiwi qetbuṅaṅṅuk kun qetṅi Boaz malök.

² *Nalō kunōṅ Moab anbi Rut yaṅgōn iranṅi Naomikō muewō ezöyök: “Ölip zōm tekōnōṅga nōṅgōn nup kunōṅ anda anbazip bali ipṅi kohola iriremōnṅi mosoramjei, mihi qendaṅda tokomam. Ni ölip aiwi kungō jeṅe eksihim miwikṅaiwiga ‘Oṅ!’ zōiga ölip yaṅgō andōṅe anda mihi tokomam.” Mewō zōiga Naominōṅ zöyök: “O bōratni, ölip anman.”

³ Mewō zōiga mosota nup kun dahōreṅ nuwa, mihi qahō mötaga tondup laṅ anda kinda bali koholgetka yengō andōṅine anda ipṅi mohok mohok qeqelanṅaṅ heta ahōgeri, mihi qendaṅda qendaṅda anök. Nup körinṅe anōhi, mihi Boaz, iranṅi Elimelekō isiknōhök kun yaṅgōreṅ nuwa ahöyök.

⁴ Yaṅgōn dölmuhu Betlehemök kauta nup anbazipṅi engeikta yaizözökṅini muewō zöyök: “Bōnjōṅ! Kembunōṅ enguk malma.” Mewō zōiga melenṅa muewō qetket: “Kembunōṅ mönō kötuetkōm gihima.”

⁵ Mewō qetketka Boaznōṅ nup galimṅi muewō qesiyök: “Anbi mihi dahōn?”

⁶ Mewō qesiiga muewō melenṅök: “Anbi mihi köriwengōra. I Naomiguk Moab kantrinōhök kayōwöt. ⁷ Yaṅgōn sōṅan hōmandinṅe kamba qesim ninṅiiga ölip zōmbiga nup anbazip yengō kōnaṅine engohorata bali ipṅi qendaṅda tokoza. Nup pōndaṅ memba malzawa döldimuhu koumnōṅ endu anda luhut memba tatza.”

⁸ Mewō melenṅiga Boaznōṅ Rutkōra muewō zöyök: “Bōratni mötnōṅ, nōṅgōn keu goroya kun gihimam: Gi nup muhu de mosota tosatṅi yengō nupṅine qahō anda bali memba tokoman. Mönō nōṅgō welenqeṅe anbiurupni yenguk mohotṅe muyaṅgōreṅ qendaṅda malman. ⁹ Ni nup aiwiurupnan gömisiriwekukōra sōṅgo halzal. Nup denike denike anda padi koholmei, gi mönō mianṅō jegalim hala yengō andōṅine anda anbi yenguk malman. Ougaṅgō mötman ewō, welenqeṅe yengōn ou köwōraṅenōṅ huzei, ölip mianṅōreṅ anda ou neman.”

¹⁰ Mewō zōiga Rutnōṅ mihi möta balōṅnōṅ gewa bangōwa Boazkōra muewō zöyök: “Ni denōwōkōra kian mala tondup göhō jeṅe halkomukomu miwikṅaiwiga mewō köyan köl ninṅizan?”

¹¹ Mewō zōiga muewō melenṅök: “Nōṅgōn göhō ambamemegaṅgō sundutṅi mihi körek zōgetka mötzal. Göhōn apkan komuiga irangi ölip galim köla mala kutnōṅ. Göhōn namōnmamgi hala hikṅaihikṅai kantrigi mihi mosota anbazip walak qahō möt nenginōṅi, nengō sutṅine kamba malzan. ¹² Göhōn saiwaurupki ölipṅi hal enginōṅga Anutu Israel nengō Kembuninan mönō mianṅō tōwaṅi gihima. Kuruknōṅ ginginṅan merōurupṅi kölközizip hal engimamjawi, mianṅō sōp göhōn Anutukō aumṅe malmamgōra muhu kanōṅ.”

¹³ Mewō zōiga Rutnōṅ muewō melenṅök: “Ketaṅamni, ni göhō nup meme anbiurupki yengō sōp qahōpnōṅ, göhōn tondup ölipṅi hal ninṅizan. Göhōn keu nuṅgunōṅga seleni pōsatza.” Mewō melenṅök.

¹⁴ Numbu nene nalōṅan kaiga Boaznōṅ Rutkōra muewō zöyök: “Ölip muhu kamba bered muṅgu memba kasaknōṅ kundumgōwa neman.” Mewō haliga nup anbazip yenguk tariga Boaznōṅ bali ohomṅitiqitiṅi mihi waṅgiyök. Mihi waṅgiiga neiga tomenṅi juliga nene tosatṅi mosota tarök. ¹⁵ Tata wahōta anda toroqemba bali ipṅi qendaṅniga Boaznōṅ nup aiwiurupṅi muewō zōm qitim engiyök: “Yaṅgōn bali ipṅi mihi bōran mienṅō sutṅine mianṅōreṅ mewöyök qendaṅda tokoma ewō, inṅini mönō keu töhöreṅ de zōm waṅgime. ¹⁶ Mewō qahōpnōṅ, bali ipṅi tosatṅi mihi bōraṅṅineyök mewöyök hörōwa halget heriga kamba nanṅaṅgōra mem tokoma. Inṅini i de zōm waṅgime.”

* 2:2: Lew 19.9-10; Dut 24.19

¹⁷ Mewö zöm qitim engiiga Rutnön bali ipni qendaŋda tokoi öngöiga hölni hala kamböni menden etkimamgö sapak kerinanguknön humba qörörengöwa gösiiga hölni gösö karömbötkö söp (36 lita) haliga köhöm siŋsiŋgöwa kayök. ¹⁸ Mewö haliga bali hölni mihi memba taonön lilingöwa kamba dawik qendaŋda malöhi, mihi iranŋi kundel waŋgiyök. Miangö andöŋe nene söpŋe memba tosatŋi mosoröhi, mihi mewöyök ujeta waŋgiyök.

¹⁹ Mihi waŋgiiga miewö qesim waŋgiyök: “Gi erap denike anda bali qendaŋda memba malzan? Dahö nup uruŋe nup memba malzan? Aiwi galim köl gihizawi, Anutunön mönö i kötuetköm waŋgima.” Mewö zöiga dahö nupnön nup memba malöhi, yaŋgö sundutŋi Naomiköra zömba miewö zöyök: “Ni erap aiwi kunguk nup memba malzali, yaŋgö qetŋi mihi Boaz.”

²⁰ *Mewö zöiga Naomikö elemŋi heriga miewö zöi mörök: “Kembunön mönö Boaz kötuetköm waŋgima. Kembunön hal komum nengimamgö keu jöhöyöhi, miangö söp mönö pöndaŋ apmeröurupnan komugeri hala nini erap muhu malzini, nengöra halko-mukomuŋi qahö jöhöwa malza.” Toroqemba keu miewö zöyök: “Aiwi mihi nanini tinitosolomnina hala isikninangö sohopŋi meme aiwia. Miangöra yaŋgön mönö ölip galim köl nengima.”

²¹ Mewö zöi möta Moab anbi Rutnön miewö zöyök: “Keu kun toroqeba miewö zöi mötzal: ‘Gi mönö nöŋgö nup meme anbazip yenguk nömtik malnöŋga nöŋgöreŋ bali patpat mihi kohol teköme.’ ”

²² Mewö zöiga Naominön miewö zöyök: “O bōratni, mihi ölip. Gi tosatŋi yengö nup koriŋine anöŋga silik kirekŋi hal ghiwekuk. Miangöra gi ölip Boazkö nup meme anbi yenguk anda nup memba malman.” ²³ Mewö zöiga Rutnön Boazkö nup meme anbi yengö kösutŋine nömtik mala hölni qendaŋda tokowa maliga bali hala wit mietkö koholkohol nalöŋiran teköyök. Teköiga toroqemba iranŋi Naomiguk malöwöt. Mewö.

3

Rut hala Boaz yetkōn bali nupnōŋ aitōŋgōyōwōt.

¹ Nalö tosatŋi teköiga Naominön iranŋi Rutkö miewö zöyök: “O bōratni, ni ölip aiwi kun batököwa miwikŋaiwiga galim köl ghiiga yaŋguk sösoŋgai qakŋe köhömgö nangöhök tatman. ² Gi nup meme anbi yenguk mösölatiwa malnöŋi, yengö galimŋini Boaznön mönö nanini tinitosolomnina halza. Mötnön, yaŋgön erap suŋgem baliqeqe sombemnön gewa bali hölni hala kamböni menden etkimamgöra sapak kerinanguknön humba qörörengöwa kewötma.

³ Miangöra gi mönö dölmuhu ou ariwa selegi kelök umköhöwakŋanguknön miriwa opo sirigi löŋgöta baliqeqe sombemnön geman. Emu gemanön, mutuk tikep malnöŋga numbu nenenŋi hala ougisipŋi nem dariga miangö andöŋe ölip yaŋgö jeŋe hikŋainöŋga geikma. ⁴ Gawöngö möta heta denike höl köla ahömawi, mönö miŋgi ekta miangöreŋ anman. Kölközizip gihimapköra qesimani, miangö kaisöpsöpŋi mönö miewö halman: Gi yaŋgö qöhöröŋe anda könaŋe göröken esu kitipŋi menöŋ wahöriga gewa ahöman. Mewö ahönöŋga miwikŋaim ghiwa denöwö halmani, mihi gezöiga mötman.”

⁵ Iranŋan mewö zöiga Rutnön miewö melenök: “Keu patpat zözani, nöŋgön mihi ölip hal datmam.”

⁶ Mewö melenäda baliqeqe sombemnön gewa iranŋan zöm qitim waŋgiyöhaŋgö söwök miewö hal teköyök: ⁷ Boaznön suŋgem numbu nenenŋi hala ougisipŋi nem dari kip selenŋi mem kolihiga wahöta bali kirip kungö göräŋe gewa gawön ahöyök. Miangöreŋ ahöiga Rutnön ölöŋ zaŋ qemba anda könaŋe göröken esu kitipŋi mei wahöriga miangöreŋ gewa ahöyök. ⁸ Ahöiga suŋgem hömbiwiŋe iwai kungöra outupŋe tiiga imbiŋi möta elenäda anbi kun könaŋe ahöyöhi, mihi miwikŋaiwa ekta hauruyök.

* 2:20: Lew 25.25

⁹ Hauruwa qesim wanjiyök: “Gi dahön?” Qesim wanjiiga miewö melenök: “O ketanjamni, ni Rut, göhö welenqeçe anbia. Göhön nangi isikanjö sohopni meme aiwia halzan. Mianjöra Juda engö ambamemenini wuatanjöwa ni ölip galim köl niñgiwa esugan turum niñgiman.”

¹⁰ Mewö melenniga miewö zöyök: “O böratni, Kembunöñ mönö kötuetköm gihima. Gi ölip aiwi wanapni me pomni sukinapninanguk yengö andönjine anbanaknön, mewö qahö halzan. Gi walahok isikurupni ölip nangöm enjiwa malnöña erap mihi ongita silik ölip sorokni halzan. ¹¹ O böratni, gi mönö torok de hala böñjön malman. Gi anbi ölip sorokni halzani, miñgi taongö anbazip körekñan ölip mötze. Mianjöra gi ikö me waikö qesim niñgimani, nöngön mihi ölip hal teköm gihimam. ¹² *Ni göhö tinitosolomgi hala galim köl gihimamangö söp halzal. Keu miñgi höñapnön, aiwi kunön nöngö isikanjö sohopni meme aiwi bohönni halza. Nöngön yangö qerembenji miyök malzal. ¹³ Mewököra ölip sungem muhu miewö ahöman. Sohop meme aiwi bohönñan uran bohongi memangö zömbawak ewö, mihi ölipnön, bohongi memangö qahö mötma ewö, nöngön ölip bohongi memam. Keu mihi jöhöwa Kembukö qetne jöjöpan keunön zöm köhöizal. Mianjöra ölip böñjön ahönönga söñan halma.”

¹⁴ Boaznön mewö zömba anbi kunön baliqeçe sombemnön yangören heröhi, kunñan mihi mötpakuköra mörök. Mianjöra Rutnön Boazkö könañe heta ahöyöknön, wangerañ suluiga nalö mianjörenok kunñan i qahö ek qitiiga ölöñ anmapköra wahörök. ¹⁵ Wahöriga Boaznön miewö zöyök: “Mönö malukugi selegeyök meköwa mererengöwa memba kinön.” Mewö zöiga meköwa memba kiniga bali kötni 25 kilogramö söp kewöta mokoï geyök. Geiga memba köbibihwiwa Rutkö hawötne haliga hanjuwa lilingöwa taonön anök.

¹⁶ Rutnön mewö taonön anda irannangören angoriga miewö qesiyök: “O böratni, denöwö mala kazan?” Mewö qesiiga Boaznön yangö iwai patpat halöhi, mianjö sundutni zöi mörök.

¹⁷ Möriga miewö toroqemba zöyök: “‘Gi iranganören biribörak de anman,’ zömba bali munju niñgiza.”

¹⁸ Mewö zöiga Naominön miewö zöyök: “O böratni, aiwi mianön erap in luhut qahö memapnön, keugi galim köla maliga mihi mindingöget teköiga mianjö andöñe ölip tata luhut mema. Mianjöra gi mönö ösön mamböta tata keugi denöwö zögetka hikñaimawi, mihi mötman.” Mewö.

4

Boaznön Rut anömña meyök.

¹ Boaznön taongö kiripo nangune anda qenjarök sombemnön heta tarök. Tariga isikanjö sohop meme aiwiköra keu zöyöhi, yangön kamba ongitmamgö haliga yangöra miewö qerök: “O alani, gi ölip muhu kamba heta tatman.” Mewö qeriga kamba mianjören heta tarök. ² Tariga Boaznön taonöhok jötne meme aiwi 10 engömiiga kagetka tatmeköra zöiga mohotne heta tatket.

³ Tatketka Boaznön isikanjö sohop meme aiwiköra miewö zöyök: “Nalö miewöñe Naominön Moab kantri mosota lilingöwa kayöhi, yangön datnini Elimelekören balön kitipni mihi bohönni memeköra halza. ⁴ Mianjöra nöngön miewö römöngözal: Göhön keu mihi mötmangöra göhöra zözal. Göhön isiknirangö sohop meme aiwia halnönga nöngön göhö qerembenji halzal. Sohop meme aiwi möröttni kun qahö malja. Mianjöra göhön mihi bohönni memangöra kungum gihizal. Göhön miñgi bohönni memangö sihimni mötman ewö, mihi ölip bohönni memanön, mihi tököman ewö, ölip mihi mewöyök zönönga mötmam. Mihi ölip aiwi muhu tatzei, yengö jeñine zöman. Mihi könagesö kiripnangö jötne meme munju yengö jeñine zöman.” Boaznön mewö zöiga aiwi alanñan miewö zöyök: “Nöngön mihi ölip bohönni memam.”

* 3:12: Rut 2.20

⁵ Mewö zöiga Boaznöñ zöyök: “Göhön Naomikörej balöñ körinji miñgi söñgöronji memani, nalö miangörej mönö Moab anbi Rut, aiwi komuyöhangö malöñji miñgi mohok bohonji meman. Mewö hala aiwi komuyöhangö qetñan mönö birisamot balöñ miangörej ahömapköra mihi galim köla malman.”

⁶ Mewö zöiga sohop meme aiwi bohonñan miewö melenök: “Mewö haliga nöngön mihi bohonñi memangö osizal. Rutnöñ nani nahönböratni yenguk mohotñe birisamotni mendengetka mohot mohot yengön balöñ kitipñi merömerö miyök buña qem anguwekuk. Nöngön mewö halmangö osizal. Miangöra göhön ölip mihi söñgöronji menöñga nangi buñaya halma.” Mewö melenök.

⁷ *Walahok Israel uruñe kunñan balöñ iwai bohonñi meiga buñaji haliga miangö keunñan köhöimapköra yengön silik miewö hala malget: Keu zöm teköwa jöjöhö halget teköiga yetköreñök kunöñ köna esunji qeköwa alañi wañgizapma. Israel yengön iwai bohonñi memekö keunñan teköyöhi, mihi silik mewö miangön kundelzema.

⁸ Miangöra aiwi miangön Boazköra miewö zöyök: “Göhön mihi ölip söñgöronji menöñga buñaji halma.” Mewö zömba köna esunji qeköwa Boaz wañgiyök. ⁹ Mihi wañgiiga Boaznöñ jötñe meme aiwi hala könagösö patpat yengöra miewö engezöyök: “Nöngön Elimelek, Kilion hala Malon yengörej iwai patpat miñgi Naomikörejök söñgöronji mezal. Inini mihi erap jeqawa suluwa ölip nañgöwa zömeangö söp halze. ¹⁰ *Nöngön Moab anbi Rut, Malongörej malöya i mewöñanök bohonñi membi nöngö anömma halma. Mewö hala aiwi komuyöhangö qetñan birisamot balöñ miangörej ahömapköra mihi galim köla malmam. Qetñan mewö qahö ayapkömapnöñ, gulinarökurupñan Elimelekö qetñi ölum enguwakököra mihi ölip taon ofiskö bukñöñ ahöm öngöma. Inini mihi erap jeqawa suluwa ölip nañgöwa zömeangö söp halze.”

¹¹ *Boaznöñ mewö zöiga jötñe meme aiwi hala könagesö taongö kiripo nañgure sombemnöñ tatkeri, yengön körek miewö zöget: “Nini mihi jeqawa suluwa nañgöwin. Kembunöñ ölip anömgi göhö köhömgé kamawi, i kötuatköm wañgiiga yañgön Reizöl hala Lea yetkö söp halma. Yetköñ Jeiköbkö nahönböratuñi kombunji engömeyöwötka Israel könagesöñinan hikñaiyök. Göhön ölip Efrata balöñnöñ jötñe meme aiwi pomñi hala Betlehem taonöñ qetbuñagañguk malman. ¹² *Kembunöñ anbi malö ramikñi miangörejök gulinarök gihimawi, göhörej könagesö yengön mönö Juda hala Tamar yetkö nahöññiri Perez yañgö saiwakö söp hala malme.” Mewö.

Boazkö gulinarökurupñi yañgö qet areñ

¹³ Mewö hala Boaznöñ Rut wañgita köhömgé anda anömña meiga Kembunöñ kötuatköm wañgiiga köri hala nahöñña meyök. ¹⁴ Nahöñña meiga anbi yengön Naomiköra miewö zöget: “Nini Kembu möpöseizin. Yañgön erap isikañgö sohop meme aiwia gihizawa yañgön ölip galim köli gihawa malma. Merö miangön mönö Israel uruñe qetbuñagañguk halma.

¹⁵ Göhö irangan jöpaköm gihimamja. Göhö nahöñurupki 7 malweak ewö, yañgön mönö i patpat engongita bauköm gihiwa malök. Yañgön erap isiga gihiiga yañgön mönö malmalgi kölöñaiwa uruöliwam qem gihiwa malma. Könañgep anbi namöññi halnöñga yañgön ölip galim köli gihiiga malman.” ¹⁶ Mewö zögetka Naominöñ merö mihi memba dohongöwa galim köli wañgiwa malök.

¹⁷ Anbi kösutñe malgeri, yengön miewö zöget: “Naomikörejök isi nahöñña hikñaiza.” Mewö zömba qetñi Obed qetket. Obedkö nahöññi Jesi, isinji kinj Deiwid.

¹⁸ Qet areñ muhu mei Perezkörejök könahiwa kinda Deiwidkörej öngöza: Perezkö nahöññi Hezron, ¹⁹ Hezrongö nahöññi Ram. Ramgö nahöññi Aminadab. ²⁰ Aminadabkö nahöññi Nason. Nasongö nahöññi Salmon. ²¹ Salmongö nahöññi Boaz. Boazkö nahöññi Obed. ²² Obedkö nahöññi Jesi. Jesikö nahöññi kinj Deiwid. Mewö.

* **4:7:** Dut 25.9 * **4:10:** Dut 25.5-6 * **4:11:** Jen 29.31 * **4:12:** Jen 38.27-30

Jona Jonagörej kezapqetok keu Jim-asa-asahi

Buk kianön kezapqetok keu murutni akzap. Mi Jonagörap denöwe asuhuyöhi, miangöt kösohotni akzap. Anutunöj keu kewö jim kutum wanqiyök: Gi mönö Asiria kantrigöt siti bohonni qetni Niniwe miangörej anda urukunqungu nup meman. Asiria yejön kahasililini ketaunji ahöiga Israel yejön kerök miengörap kömumbepukörap kengötjini möta malget. Anutunöj Jona mewö jim kutum wanqiyökmö, yanön mi esapköba qetala Anutugöt koleknöj miangörej anmamgöt tököyök. Mi kewögörap tököyök: Anutunöj siti mi ayuhumangöt galöm meme keu jiyökmö, yanön miangöt dop ölna aknapkö qahöp möt köhöiyök.

Jonanöj tököba qetaliga lömböt öngöngöj qakne öngögetka miangöt andöje nanji imbi-imbi memba et ala tem köla anök. Anda urukunqungu nup meiga Niniwe sehisehni yejön urunini ölnap melenget. Miangörap Anutugöt urunan amöriiga qahöp ayuhum engiyök. Miangörap Jonagöt urunan böliba kömbuhiba nanjak kömumangöt mörök. Kiñ kunöj yambu 782-753 bifo Kraist galömjina maliga Jonanöj nalö miangörej nupni meyök. Miriñi Gat Hefer mi Nazaret kösutje, 5 kilomita anangö dop. Niniwe mi köröwen, 500-600 kilomita anangö dop.

Könanjep Israel yejön nanjinak kezapqetok ambazip yejörej keu möta kude tem kölgetka Anutunöj jiiga Asiria yejön kaba enguba enguangötketka mewö nanjini kinkinini mi mosötket. Buk kianön Anutugöt könanji yahöt kewö kondeljav: Körek nejön Anutugöt jitsihitni törörök tem kölbinangöt dop akzin. Mewö qahöp akzin ewö, lömbötnöj mönö ölnap qaknine öngömap. Könanji bohonni kun mi ak-kömükömu aka urujöpak. Yanön nanji kerök kambunji Asiria yejgöt singisöndokjini mewöyök mosöta ayuayuhunöhök meköm engimapköt kapan kölakzap. Likepni bölöni qaknine öngöbapuköt möt köhöiba urunini melenbingöt kunqum nenqimazap.

Buk kiangöt bahöj bohonni 4 mi kewö:

- 1) Anutunöj Jona oholiga yanqisen ahök. 1.1-17
- 2) Jonanöj urunji melenja söranöhök lolohoyök. 2.1-10
- 3) Jonanöj Niniwe könagesö urunini kunquyök. 3.1-10
- 4) Urunini melengetka Anutunöj ak kömum engiyök. 4.1-11

Jonanöj Kembu qetala mömölaköyök.

¹ *Israel miangörej Kembugörej keu mi Amitaigöt nahönni Jona yanjörej kewö asuhuyök: ² “Asiria kantrigöt siti ketaunji Niniwe mi wehön kotkotje ahöza. Yejön bau jegömöl aka bölöjamjini memba malakze. Miangöt keu mi nöngöt jemesoholne öngöiga mötzal. Miangörap göjön möp wahöta eu anda nöngöt buja keuni jiba miangön urunini kunquman.”

³ Mewö jiyökmö, Jonanöj möp Kembugöt jemesoholneyök ölöj köla wehön gegene göröken anmamgörap wahörök. Wahöta miri qetni Jopa (Jaffa) miangörej geba wange kun miwiknaiba “Ölöp yembuk Tarsis mire Spein kantrinöj anmam,” jiba köna söngöröj memba wangenöj öngöyök. Mewö öngöba Kembugöt jemesoholneyök mömölaköba anök.

⁴ Mewö anökmö, Kembunöj möp luhut köhöikni melaii köwetnöj anda qeiga siridim-bom ketaunji asuhuiga wangenöj miangörap jömgömangöt ahök. ⁵ Mewö aiga wange börö azi yejön kengötjini möta nanjini bemurupjinaangöt dop nanjök nanjök köuluköm engiget. Mewö aka wangenöj amgömapkörap miangöt inap yuaini mi körek gilgetka

* 1:1: 2 Kiñ 1 4.25

köwetnön gem teköyökmö, Jonanön wange dutnangöt uruñe geba mianğoreñ öl köla gaun lömbötñi ahöyök.

⁶ Mianğoreñ ahöiga wange galömnjan yangöreñ kaba kewö jiyök: “Gi möp wuanöngörap ki gaun ahözane? Möp wahöta nangi bemgi qeta köulukönöñga yanön mötmörim neñgiiga kude ayuhubinak.” Mewö jiyök.

⁷ Mewö jiiga sutñine kewö jiget: “Ayop möp kaget! Nini möp unju qeba azi dagöt siñgisöndokörap ayuayuhu ki neñgöt qaknine öngözawi, mianğöt könañi mewö miwikñaibin.” Mewö jiba unju qegetka Jonanön asuhuyök. ⁸ Asuhuiga jiget kaiga kewö qesim wanjiget: “Ayuayuhu ki mi dagöt siñgisöndokörap aka neñgöt qaknine öngözawi, gi möp mianğöt könañi jinöñga mörin. Gi wanat nuwa memakzan? Gi waniñeyök kazan? Göhöreñ kantri mi waniñe aiga göhöreñ könagesöurupki mi waniñe malje?”

⁹ Mewö qesim wanjigetka kewö melenök: “Ni Israelgöt Hibru azia akzal. Ni Kembu, Suepkö Anutuñi waikñi memba möpöseimakzal. Yanön köwet aka gölme örönñi miwikñaim etkiyök. ¹⁰ Yanön börö osikosibuk niñgiiga nöñön mi tököba Kembugöt jemesoholñeyök ölöñ köla kazal.”

Mewö melenniga azi yeñön mi möt yaköba gwötpuk awöwöliba kewö jiba jim wanjiget: “Yei! Gi möp wuanöngörap mewö akzane?” ¹¹ Köwet mi toroqeba bölim köhöiba ahöyök. Mianğörap yeñön kewö qesim wanjiget: “Nini möp denöwewö ak gihiinga köwetnön giñ qebawak?”

¹² Mewö qesim wanjigetka yeñörap kewö melenök: “Siridimbom ketauñi kianön möp nöngörap aka engöt qakñine öngöba qezawi, nöñön mi ölop mötzal. Mianğörap inini möp nömimba köwetnön gilgetka gemam. Gilget gebiga köwetnön ölop giñ qemap. Mewö jizal.”

¹³ Mewö jiiga börö azi yeñön töndup wange kunbuk gölme oronñe angotmapkörp lökuatnön nanğöbingöt qeba qegetmö, köwetnön bölim teköyöhangörap aka mi osiget. ¹⁴ Osiba Israelgöt Kembuñi yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianön kömumapkörp aiga mianğörap nini kude ayuhum neñgiman. Sepnangöt keuñi mi neñgöt qaknine kude alnöñga öngömap. Keu mi öñap.”

¹⁵ Mewö köuluköba anda Jona memba gilgetka köwetnön geyök. Geiga köwetkö kukñan ösumok bököiga giñ qeyök. ¹⁶ Giñ qeiga azi yeñön Kembugörap euam awöwöliba naluk ketauñi ala Kembu jöwöwöl ohom wanjiba keuñini kewö jöhöget: “Nini möp Kembugöt keuñi tem köla kude qetalbin.”

¹⁷*Jonanön köwetnön geiga Kembunön söra ketauñi kun melaiiga anda Jona gwahörök. Gwahoriga söra mianğöt uruñe suñgem silim karöbut ahöba malök. Mewö.

2

Jonanön gajugaju kömgokñe ahöba köuluköyök.

¹ Jonanön söra uruñe ahöba Kembu Anutuñi köuluköm wanjiba kewö jiyök: ² “Nöñön wahöjalñ uruñe Kembu köuluköm gihibiga göñön ölop keuni mötzan.

Ni unjem senjom kömgokñe ahöba uleralga göñön ölop uletni mötzan. ³ Göñön köwet röndum ketauñe tötal niñginöñga gezal.

Göñön köwet söñsöñaunangöt dutñe tuapkönön eralga göulu ketauñan esuhum niñgizap.

Göhöreñ qölqöl-söutsöt pakpak mi musulungöm niñgizap.

Göhöreñ siri pakpak mi qeba turuba nem ulahöm niñgizap. ⁴ Mia möta kewö mötmörizal:

Göñön ni göhöt jemesoholgeyök közöl niñginöñga maljal. Mi töndup nöñön möp kunbuk göhöreñ jöwöwöl jike kömbukñe göröken jenan ubi anma. Mi kunbuk kude ekileñahak kun. ⁵ O aka omanjaret mi nöngöt qakne öngöba turum niñgim teközap.

Röndumnöhök möp liliköm niñgim teközap.

* **1:17:** Mat 1 2.40

Köwetköt kumburereñi mianjôn möp nöröp jupni köpeiba esuhuzap. ⁶ Ni kundunangöt röndañ könañangöt dop yuhuyangöreñ eral. Röndañgöt botñi mianjôn möp nöngöt qakne jöhöm qözöñda jöhöm qözöñ köhöizap.

Yuhu maljalmö, o Kembu Anutuni, göñön möp neka röndañ dutñeyök kunbuk öröm niñginöñga malmalnöñ kotmam. ⁷ Nöngöt malmalnan qahöwakñamgöt aiga nöñön nalö miangöreñ Kembu, gi mötmörim gihibiga köuluknan öñgöba göhöt Suep jike kömbukñe euyangöreñ öñgöba göhöreñ añgotmap. ⁸ Ambazip kopa-bemlopion omani göda qem engimakzei, yeñön mewö aka kalem möriam Tonji gi andö guhumakze. ⁹ Andö mewö guhumakzemö, nöñön möp möpömöpösei löñet omsa köla naluk ala jöwöwöl ohom gihimangöt mötzal.

Nöñön yuaigöt keuñi jim jöhözali, miangöt dop möp ak sorokömakñam.

O Kembu, gi mohotnöñ nöngöt malmalnangöt bohoni jöhömangöt köhöizan. Keu mi öñap.”

¹⁰ Mewö köuluköm teköiga Kembunöñ möp söra mi jim kutum wañgiiga kaba kota Jona loñniga gölme oronñe erök. Mewö.

3

Jonanöñ Anutugöt nup mi Niniwe uruñe meyök.

¹ Gölme oronñe eriga Kembugöreñ keu ki mi kunbuk Jonagöreñ asuhuyök: ² “Göñön möp wahöta siti ketauñi Niniwe miangöreñ anda buña keu gihimami, mi jiba uruñini kuñguman.” ³ Keu mewö asuhuiga Jonanöñ wahöta Kembugöt keu jit tem köla Niniwe anök. Niniwegöt dopñi mi kewö: Gi görañeyök könahiba anda malnöñga wehön karöbut teköiga likepñe endu añgotman. ⁴ *Jonanöñ könahiba siti uruñe anda maliga wehön mohot teköiga buña keu qeta kewö jiyök:

“Wehön 40 kun ahözap. Mi teköiga Niniwe siti kianjôn möp melenñi gemap.”

⁵ Keu mewö qeta jiiga Niniwe könagesö yeñön Anutugöreñ keu möt nariba uruñini melenñda nene siñgi malbingöt nalö ala jim köhöiget. Mi jim köhöiba ambazip ketauñi moröñi yeñön lökñanök imbi melenñgöt samot meget silenine öñgöiga kau ariget.

⁶ Mewö aketka miangöt buzup keuñi mi Niniwegöt kiñ (praim minista) yangöreñ añgorök. Añgoriga möta jakömbuak dum tatatñeyök eta malukuñi köteköba samot memba at-turuba kau utuba ariba tarök. ⁷ Tata jim kutukutu kewö aliga Niniwe siti dop köl teköba anök: “Inini möp kiñ aka jembonurupñi yeñgöreñ jim kutukutu ki mötme: Kunñan kun möp nene kuluj kude nemap. Ambazip me bau kuruk-lama bulmakau-inini nene kuluj kun nemegöt kude möt engime. ⁸ Nene siñgi mewö mala samot mem teköba Anutu köhöikñanök sahöt köuluköm wañgiba nanñök nanñök könañamñini bölöñi aka ambazip ayuayuhu böröñini töwötpuk meget ahözawi, mi möp andö qem teköba mosötme.

⁹ Mewö ahinga Anutugöt uruñan kunbuk eriga wösöñi möt neñgiba kukñangöt könöpñi qeraköba siñgisöndoknini mosötpawak. Mi mosöriga kude ayuhubinak. Mewö jizin.”

¹⁰ Mi möt asahiba könañamñini bölöñi andö qeba uruñini melenñgetka Anutunöñ ahak-memenñini mi eka wösöñi möt engiba mötmötñi lilingöiga siñgisöndokñinangöt likepñi melenñ engimapkö ahöhi, mi mosörök. Uruñan mewö eriga kude mem bölim engiyök. Mewö.

4

Jonanöñ tembula irimñi seholidyök.

¹ Mewö asuhuyökmö, Jonanöñ miangörap urubölö ketauñi möta irimñi seholidyök.

² *Irimñi seholidyiga Kembu ulet wañgiba kewö jiyök: “Aek Kembu, gi ak-kömukömugöt bemñi mala ölop neñgehorimakzan. Göhöreñ kuki mi öñsöñ aiga kalem möriamgi mi

* 3:4: Mat 1 2.41; Luk 1 1.32 * 4:2: Eks 34.6

önöñji qahöp ahöza. Mewö urugi zölañ amöröiga wösögi möta könagesö kun mem bölöm enjimangöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³ *Merak malmalgöt tököba kömupköt möralga ölöwakzap. Miangörap Kembu, göñön möp malmalni dölki noañgötnöñ. Keu mi ölnap.”

⁴ Mewö ulerökmö, Kembunöñ kewö melenj wañgiyök: “Jona, gi ak-kömukömugörap irimsesewöl mötzani, mi dop köljap me qahöp?”

⁵ Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba miangöt aumñe tarök. Tata sitigörap mewö me mewö asuhumawi, mi ekñangörap uba tarök.

⁶ Mewö tarökmö, Kembu Anutunöñ Jona uruölöwak ak wañjimangörap jiiga ölnölun kun asuhuba köriba kota Jonagöt nöropñi aum köl wañgiyök. Aum köl wañgiiga ölnölungörap uruölöwak ketauñi möta tarök. ⁷ Tata sunjem kun ahöiga miri gianjiiga miangöreñ Anutunöñ taröñ kun melaiiga kaba ölnölun mi yöhöröngöiga sinñi soholiyök. ⁸ Wehönöñ koriga Anutunöñ jiiga luhut könöpñambuk kötökñi mi miri jeñi kotkotñeyök qeiga wehön jeñan nöropñe qei qei uruñi öngöba duhuiga kömumangöt möt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi ölna.”

⁹ Mewö jiyökmö, Anutunöñ Jonagörap kewö jiyök: “Gi ölnölungörap irimgi seholizawi, mi dop köljap me qahöp?” Mewö jiiga kewö melenj wañgiyök: “Irimni seholizawi, mi möp dop köljawa. Nöñgöt irimsesewölmi mi ketauñi aiga urunan kude amörimap. Miangörap ölop kömumam. Keu mi ölnap.”

¹⁰ Jonanöñ mewö jiiga Kembunöñ kewö jiyök: “Gi ölnölungöt böröñi kun kude memba mi kunde galöm kölnönga köriyök. Mi sunjem mohotkö uruñe asuhuyök aka sunjem mohotkö uruñe soholiba kömuyök. Töndup göñön nangak yuai omanñi mewöñi miangörap sahöta waimanjat mötzan.

¹¹ Mewö aiga nöñön möp denöwögörap siti ketauñi kiangöt könagesöñi yeñgörap waimanjat kude mötpileñak? Miangöt uruñe morö namande 1 20.000 (handöt twenti tausen) jañgö mi öngöta maljei, mi ölopñangöt aka bölöñangöt könañiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim enjibilenjbukörap nöñön möp sihimnan Niniwe engehörizal.” Mewö.

* 4:3: 1 Kiñ 19.4

Matyu

Ölöwak Buña Matyunöŋ ohoyök.

Jim-asa-asari

Matyu qet miangö könaŋi mi Kembugöreŋ kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melenđa gwarek 12 yengö sutŋine malök.

Ölöwak Buña ki Jisösgö könaŋi nanŋe Juda könagesö yengöra jim asarim enġimangöra aka ohoyök. Keu köŋi bohönŋi kewö, “Jisös Kraistnöŋ Amötqeŋe Tonini aka Kiŋnini akza.” Juda ambazip yengöra keu mi qahö dop köli uruŋinan bölii qaköget. Miangöra Matyunöŋ Jisös nupŋaŋgö könaŋi mi aukŋe jim asariba törörök kusum enġiyök. Jöhöjöhö Walŋe amötqeŋegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba ölnambuk ahök. Amötqeŋe Tonŋi mi Hibu keunöŋ Mesaia aka Griŋ keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buña ambazip kusum enġiba uruŋini mianön kuŋguba kawölŋini mem ölöwaka malök. Mewö memba aniga anġöletot asuhugetka mala maripom ipnöŋ öngöba kömuiga löm kölgetka kunbuk wahörök. Mewö mianön Anutu bemtohoŋaŋgö könaŋi kondel nenġiyök. Mewö aiga nini letota Anutugö nahönböraturupŋi akingö könaŋi asuhuyök. Jisösgö lesön bohönŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

Buk kianġö bahöŋi bohönŋi 7 mi kewö:

Jisösgö ambösakonurupŋi aka ahuahuŋi 1.1–2.23
 Jon O-melun azinöŋ urugö nup meyök 3.1-12
 Jisös o melun meiga Satanöŋ esapköyök 3.13–4.11
 Jisösnöŋ Galili uruŋe qenjarök nup meyök 4.12–18.35
 Jisösnöŋ Galili mosöta Jerusalem anök 19.1–20.34
 Sonda qöndökŋi Jerusalem mala kömuyök 21.1–27.66
 Kömupnöhök wahöta mala Suepnöŋ öngöyök 28.1-20

Jisös Kraistkö ambösakon yengö qet areŋ

Luk 3.23-38

¹ Jisös Kraistkö ambösakon yengö qet areŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

² Abrahamgö nahönŋi Aisak. Aisakö nahönŋi Jeikob. Jeikobkö nahönurupŋi Juda aka yaŋgö darumunurupŋi. ³ Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram. ⁴ Ramgö nahönŋi Aminadab. Aminadabkö nahönŋi Nason. Nasongö nahönŋi Salmon. ⁵ Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut. Obedkö nahönŋi Jesi. ⁶ Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök. Juda kiŋ pakpak mi Deiwidkö gwölönarökurupŋi aka malget.

⁷ Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa. ⁸ Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia. ⁹ Usiagö nahönŋi Jotam. Jotamgö nahönŋi Ahaz. Ahazgö nahönŋi Hezekia. ¹⁰ Hezekiagö nahönŋi Manase. Manasegö nahönŋi Amon. Amongö nahönŋi Josia. ¹¹ *Josiagö nahönurupŋi Jekonia aka yaŋgö darumunurupŋi. Nalö miangöreŋ Babilon yengön Israel könagesö enġuaŋgitetka Babilon anda kösö mire malmal ewö tandök welenqeŋeŋina malget.

* 1:11: 2 Kiŋ 24.14-15; 2 Hist 36.10; Jer 27.20

¹² Babilon kösö mire malmal ewö tandök mala mianğörej Jekoniagö nahönñi Sealtiel asuhuyök. Sealtielgö nahönñi Jerubabel. ¹³ Jerubabelgö nahönñi Abiud. Abiudkö nahönñi Eliakim. Eliakingö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqeqe Tonji qerakzin.

¹⁷ Nalö Abrahamğörejök könahiba mala kotketka Deiwid asuhuyöhi, isik miengö jañgö areñi mi 14. Kunbuk kiñ Deiwidğörejök könahiba mala kotketka Israel könagesö enğuanğitketka Babilon anda kösö mire malmal ewö tandök malgeri, isik miengö jañgö areñi mi mewöyök 14. Babilon kösö mire malmal ewö tandök malgeri, nalö mianğörejök könahiba mala kotketka Kraist asuhuyöhi, isik miengö jañgö areñi mi mewöyök 14.

Jisös Kraist mi kewö asuhuyök:

Luk 2.1-7

¹⁸ *Jisös Kraist asuhuyöhanğö kösohotñi kewö: Yanğö namñi Maria mi Josefbuk buñabuña mala mindimindiri qahö aka malohotka nalö mianğörej Uña Töröñan mem letot wañgiiga köröbuk mali könani mewö miwikñaiget. ¹⁹ Mewö miwikñaigetka azi buñani Josef yanön malmal diñdiñi malöhanğöra Mariagö könani aukñe asuhui gamuñambuk akapuköra tököyök. Mewö tököba uruñan i ölöñ mosötmanğö mötmöt areñi alök.

²⁰ Mewö mötmöriba ahöiga Kembangö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Mianğöra gi mönö i örönöñ mirige kaba anömgi akñapkö keñgötki kude mötman.

²¹ *Marianöñ mönö morö nahön mema. Azi mianön könagesöñi siñgisöndokñineyök amöt qem enğiiga solanime. Mianğöra göñön qetñi Jisös qetman.” Mewö jiyök.

²² Kembangöñ kezapqetok azi kun sölölohöiga keu kun jiyöhi, mianön öñambuk akñapköra yuai pakpak mi asuhuyök. Kezapqetok keu mi kewö, ²³ * “Ambi seram jömukñi kunöñ gölöñambuk aka morö azia meiga qetñi Imanuel qetme.” Qet mianğö könani kewö, “Anutunöñ nembuk malja.”

²⁴ Josefnöñ imbiñi möta wahöta Kembangö garatanöñ jim kutum wañgiyöhi, mönö mianğö dop aka Maria anömñi akñapköra wañgita miriñe anök. ²⁵ *Anda malohotmö, nalö sutñe mianğörej mohotñe qahö ahöyohot anda nahönñi meiga Josefnöñ qetñi Jisös qerök. Morö meiga mianğö andöñe awanöm malohot. Mewö.

2

Mötkutukutu azi wehön kotkotñeyök kaget.

¹ Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö mianğörej sengelaugö mötmöt azi wehön kotkotñeyök Jerusalem sitinöñ kaget. ² Kaba kewö qesiget, “Juda enğörej kiñ kembu akñawi, morö mi asuhuba denike ahöza? Nini wehön kotkotñe mala yanğörej undi asuhui eka könani mewö möta waikñi memba möpöseibingöra kazin.”

³ Mewö qesigetka kiñ kembu Herod aka Jerusalem könagesö yambuk malgeri, yeñön körek pakpak keu mi möta auruget. ⁴ Aurugetka kiñ Herodnöñ keu ala könagesögö jike nup galöm bohönñi aka Köna keugö böhi pakpak köl öröm enği kaget. Kaba tokogetka kewö qesim enğiyök, “Amötqeqe Tonji Kraistnöñ mönö denike asuhumapköra jigetka ahöza?”

⁵ Qesim enğiiga kewö melen wañgiget, “Yanön mönö Judia prowinsgö taon qetñi Betlehem mianğörej asuhuma. Mianğö keuñi mi kezapqetok azi Maikanöñ kewö ohoi ahöza,

⁶ * “O Betlehem könagesö Judia gölmenöñ maljei, enğö sutñineyök kembu ketani asuhuba

* 1:18: Luk 1.27 * 1:21: Luk 1.31 * 1:23: Ais 7.14 * 1:25: Luk 2.21 * 2:6: Mai 5.2

nani Israel könagesö mindingöba köyan köl neŋgima. Mianğöra inini Juda gölmegö jıtŋememe yeŋgö sutŋine malgetka qetbuŋaŋinan eretŋi qahöpmağöp akza.’”

⁷ Mewö melen waŋgigetka mötkutukutu azi mi ölöŋ eŋgoholi kagetka kewö qesim eŋgiyök, “Undiŋi mönö wani nalönöŋ asuhui könahiba eket?” Mianğö könaŋi törörök mötmamgö möta mewö qesim eŋgiyök. ⁸ Mianğö keuŋi möta melaiba kewö jim kutum eŋgiyök, “Inini mönö Betlehem anda morö mi törörök qesiba miwikŋaiba mianğöreŋök buzup keu algetka nöŋgöreŋ kama. Nöŋön mi möta mewöŋanök anda i waikŋi memba möpöseim waŋgimam.”

⁹ Kiŋnöŋ mewö munen jiba jim kutum eŋgiiga möta könanöŋ anget. Anda undi wehön kotkotŋe mala ekeri, mianğön nöropŋine mutukmutuk ani mötötei-geŋ Betlehem anda miri morö nahön ahöyöhi, mönö mianğöreŋ kinök. ¹⁰ Undi mi kini eka sösongai keta bölökŋi aket. ¹¹ Sösongai aka miri uruŋe öngöba morö aka namŋi Maria etkeket. I etkeka simin köla sipköba waikŋi memba möpöseim waŋgiget. Möpöseim waŋgiba bayanğösöŋini qeanda mianğöreŋök goul, jiniŋ paura aka sanda qetŋi mör mi uzeta kalem waŋgiget.

¹² Sunğem kun ahöget-ka Anutunöŋ gaun kondela kiŋ Herodköreŋ kunbuk anbepükö qetal eŋgiyök. Mianğöra köna kungenök nanŋini miri gölmeŋine lilingöba anget. Mewö.

Herodköra asamböta Josef anöm-moröŋi Ijpt anget.

¹³ Mötkutukutu azi mienğön angetka Josefnöŋ gaun ehiga Kembangöreŋ garata kunŋan asuhum waŋgiba kewö jii mörök, “Herodnöŋ morö qei kömumapkö jarum waŋgima. Mianğöra mönö wahöta morö aka namŋi etkuangita ölöŋ köla Ijpt kantrinöŋ anme. Mianğöreŋ anda malgetka bian nanak kamegö nalö jimami, mianğöreŋ mönö lilingöba kame.”

¹⁴ Mewö jii möta wahöta sunğem mianğöreŋök morö nahön aka namŋi etkuangita Ijpt anget. ¹⁵ *Ijpt anda malgetka kiŋ Herodnöŋ kömuiga nalö mianğöreŋök lilingöba kaget. Mutuk Kembangön kezapqetok azi Hosea sölölohöiga keu kewö jii ahöza, “Nöŋön nahöni oholbiga Ijpt gölme mosöta kayök.” Kezapqetok keu mianğön mönö mewö asuhuiga öljambuk ahök. Mewö.

Morö azi Betlehem gölmenöŋ eŋguget kömuget.

¹⁶ Mötkutukutu azi mienğön Juda gölme ölöŋ mosöta angetka Herodnöŋ mianğö könaŋi eka “Tilipköm niŋgiget,” jiba irimŋi gwötpuk sehiliiga jimkutukutu kewö alök, “Yarö azi, inini Betlehem aka gölme pakpak mi liliköba ahözawi, mönö mianğöreŋ anda azi morö (yara) yambuŋini yahöt aka mianğö bapŋe akzei, mi körek eŋguget kömume.” Mötkutukutu azi undi asuhuyöhaŋgö nalögöra törörök qesim eŋgiiga jiget möröhi, mianğö dop morö azi yambuŋinağöra jimkutukutu mi alök.

¹⁷ Kezapqetok azi Jeremaianöŋ keu kun jii ahözawi, mianğön mönö mewö asuhuiga öljambuk ahök. Keu mi kewö,

¹⁸ * “Silat mi Betlehem kösutŋeyök miri qetŋi Rama mianğöreŋök mötketka sahöt gigi-lahöze. Reizöl ambigö gwölönarökurup yeŋön moröurupŋini qahöwaketka ururen meze. Mianğöra sahötketka urukölalep mem eŋgibingö aketka urukondumök mörakze.” Mewö.

Ijpt mosöta Josef anöm-moröŋi Nazaret lilingöget.

¹⁹ Josefnöŋ Ijpt maliga kiŋ Herodnöŋ kömuiga mianğöreŋök Kembangöreŋ garata kunŋan gaunöŋ asuhum waŋgiba ²⁰ kewö jiyök, “Morö qeget kömumapkö mönögeri, yeŋön lök kömuget. Mianğöra mönö wahöta morö aka namŋi etkuangita lilingöba Israel gölmenöŋ anme.” ²¹ Mewö jiiga Josefnöŋ wahöta morö aka namŋi etkuangita lilingöba Israel gölmenöŋ anget.

²² Könanöŋ anda keu kewö mörök, “Herodkö nahönŋi Arkelausnöŋ iwiŋaŋgö salupŋe Judia prowins galöm köla malja.” Mewö möta mianğöreŋ anmamgö keŋgötŋi mörök.

* 2:15: Hos 11.1 * 2:18: Jer 31.15

Möta mali Anutunöŋ gaunöŋ Galili prowinsnöŋ anmegö jim kutum wanŋiiga wahöta mianŋöreŋ anget. ²³ *Galili prowinsnöŋ anŋota taon qetŋi Nazaret mianŋöreŋ malget. Mewö malgetka kezapqetok azi yeŋön Amötqeŋe Tonanŋöra keu jigeri, mianŋön ölnambuk ahök. Keu mi kewö, “Yaŋgö qetŋi mi Nazaret azi qeta malme.” Mewö.

3

Jon O-melun azinöŋ Jisösgö köna mesarök.

Mak 1.1-8; Luk 3.1-18; Jon 1.19-28

¹ Yambu tosatŋi teköiga Jon O-melun azinöŋ kaba Judia prowinsgö gölme qararanŋölkölŋe liliköba ambazip uruŋini Buŋa keunöŋ kuŋguba kewö jiba malök, ² **“Suep Tonan bemtohoŋi almawanŋgö nalöŋan lök kam kuŋguza. Mianŋöra mönö uruŋini melenŋa mianŋöreŋ anŋotket.”* ³ **Jongöra kezapqetok azi Aisaianöŋ keu kun kewö jiba ohoyök, “Kolek garata kunöŋ gölme qararanŋölkölŋe qeta maliga anda jölŋi kewö mötme, ‘Kembunöŋ kamawo! Mianŋöra mönö jöjöröba könaŋi mesatket. Mönö uruŋini mindiŋgöba könaŋi köl diŋgiba qölöleiget.’”*

⁴ **Jongöreŋ maluku mi kamel jupŋan memeni aiga kambaŋe örigit sömbup silenjan memeni mi jöhöba malök. Nenenamŋi mi gawöt jinam aka arökŋanŋö moronŋi. Mi pakpak kezapqetok azi Elaija (Elia) yaŋgö dowa.* ⁵ *Jonöŋ nupŋi meiga ambazip kambulelembe yeŋön Jerusalem siti aka Judia prowinsgö miri tosatŋi pakpak mienŋöreŋök yaŋgöreŋ öröba kaget. Mewöŋanök Jordan o likeplikap miri pakpak tat angeri, mienŋöreŋök kaget.* ⁶ *Kaba kaŋgota siŋgisöndokŋini jim miwikŋaigetka Jonöŋ i Jordan o töwatŋe o melun mem enŋiyök.*

⁷ **Mem enŋiyökmö, Farisi (Köna keugö kapaŋkölköl) aka Sadyusi (Jike nupkö kapaŋkölköl) ambazip gwötpukŋan o melun mem enŋimapköra kagetka enŋeka yeŋgöra kewö jiyök, “O qatö moröŋi, iŋini uruŋini qahö melenŋetka Anutugö irimŋan seholiiga likepŋi melenŋ enŋimangö akza. Mi ölöŋ kölbingö goro keuŋi mi mönö danŋon jii möta sömbuŋini möta ki kaze?”* ⁸ *Mianŋöra mönö ölnanök uruŋini melenŋme. Bölönamŋineyök liliŋgögetka ölni asuhui mi mönö ahakmemeninan aukŋe kondela malme.*

⁹ **“Uruŋine möndömöndö keu kewö jibingö kude mötmörime, ‘Neŋön mönö Abrahamgö gwölönarökŋa malinga Anutunöŋ qahö ayuhum nenŋima.’ Mewö jiba töptöpŋine qemakzemö, ölni mi qahö ahakze. Nöŋön mianŋöra kewö jibi mötket, Anutunöŋ köt ki ölöp jim kutum enŋiiga letota Abrahamgö gwölönarökurupŋi aka Anutu möpöseimakŋemö, iŋini denöwö?”*

¹⁰ **“Uruŋini qahö melenŋme ewö, Anutunöŋ mönö iŋini ip ewö tenŋöri etpingö akze. Ip pakpak kötni ölöpŋi qahö kuŋgumakzei, mi mönö köli etiket könöpnöŋ gili geme. Ip mewöŋi kölmangö kesinŋi lök jitŋi saŋe ala ip könaŋe ali jöjöröba ahöza. Anutunöŋ mönö bölönamŋinaŋgö likepŋi melenŋ enŋima.*

¹¹ **“Nöŋön iŋini uruŋini melenŋmeanŋöra o töhönöŋ melun mem enŋizalmö, nöŋgö andöne azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgöreŋ öŋgitma. Yaŋön azi öŋgöŋgöŋi akŋawanŋöra nöŋön yaŋgö köna esuŋi bauköba gösönöŋ löŋgöta tenŋömangö qötötanŋömam. Yaŋön mönö Uŋa Töröŋi uruŋine ali könöp bölamŋan köl könjörat enŋiiga mewö mianŋön melun mem enŋima.*

¹² **“Yaŋön ölni aka kamböŋi mendenŋ etkimangö sapakŋi memba kaŋgota uba qöröreŋgöba kewötma. Kewöta wit kötni tokoba köweŋe almapmö, kamböŋi aka gwau-gulapŋi mi mönö usuŋniga könöpnöŋ geba teteköŋi qahö jema.” Mewö.*

* **2:23:** Mak 1.24; Luk 2.39; Jon 1.45 * **3:2:** Mat 4.17; Mak 1.15 * **3:3:** Ais 40.3 * **3:4:** 2 Kin 1.8 * **3:7:** Mat 12.34; 23.33 * **3:9:** Jon 8.33 * **3:10:** Mat 7.19

Jonöñ Jisös o melun mem wanjiyök.

Mak 1.9-11; Luk 3.21-22

¹³ Nalö miangören Jisösnöñ Galili prowins mosöta Jordan o töwatñe Jongören kaba o melun mem wanjimapköra qesiyök. ¹⁴ Qesiyökmö, Jonöñ qetal wanjiba kewö jiyök, “Göñön ölop ni o melun mem ningibanakmö, göñön siñgisöndok qahö aka mönö denöwögöra nöngören kazan?”

¹⁵ Mewö jiiga Jisösnöñ kewö melenök, “Nalö kewöñe mi ölop akñan. Mewö akziga mianön Anutunöñ ahakmeme diñdiñ wuatangöbingö keu jiyöhi, miangö ölni asuhuiga dop kölma.” Mewö jiiga Jonöñ möri dop kölga urumohot ahök.

¹⁶ Urumohot aka o melun mem wanji teköiga miangörenök onöhök koriga kewö asuhuyök: Suepnöñ anañiiga Jisösnöñ uba ehiga Anutugö Uña Töröñan melenäda kembö nei ewö aka Jisösgö qakñe eta meyök. ¹⁷ *Eta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wanjizal.” Mewö.

4

Satanöñ Jisös esapköba malök.

Mak 1.12-13; Luk 4.1-13

¹ *Miangö andöñe Uña Töröñan Jisös kungum wanjiiga gölme qararanökölñe Bölöñangö Tonan esapköm wanjimapköra aka anök. ² Miangören anda sunjem asak 40 Anutugöra nene siñgi mala nenegö kömuyök. ³ Nenegö kömuiga öme bohonñini qetñi esapesap Tonj yañön asuhuba kewö jiyök, “Gi Anutu Nahönña akzan ewö, mi mönö kondela köt ki jim kutunöñga letota beret aketka neman.”

⁴ *Mewö jiyökmö, Jisösnöñ keu kewö melenök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö nenjimakzadmö, Anutugö jitneyök keu kamakzawi, mi pakpak tem kölinga mianön mönö gumohom nenjiiga köhöiba maljin’.”

⁵ Mewö jiiga Bölöñangö Tonan Jisös wanjita Jerusalem siti töröñe anda jöwöwöl jikegö bonje euyangören öngöba ali kinök. ⁶ *Mewö kiniga kewö jii mörök, “Gi Anutugö Nahönña akzan ewö, mönö kiangörenök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupñi jim kutum enjiiga ölop kököbihigetka geba kötnöñ könage qahö guhum qizit akña.’ Miangöra geba kude ayuhuman.”

⁷ *Mewö jiiga kewö melenök, “Qahö! Buña Kimbinöñ keu kun mewöyök kewö ahöza, ‘Gi mönö Kembugi Anutu kude esapköm wanjiman.’ ”

⁸ Mewö jiiga Bölöñangö Tonan kunbuk wanjita kundunji köröp tiñtiñ kunöñ öngöba gölme pakpak yengö kantri tohoñi tohoñi aka miengö inap yuainini aködamunñinambuk pakpak kondel wanjiyök. ⁹ Kondel wanjiba kewö jiyök, “Göñön simin köl ningiba waikni memba möpöseim ningiman ewö, nöñön öroyuai pakpak ki mönö tököm gihibi buña qem anguba galöm köl engiman.”

¹⁰ *Mewö jiiga Jisösnöñ kewö jii mörök, “Qahö! Satan gi mönö kesalnöñ. Buña Kimbinöñ keu kun kewö ohoget ahöza, ‘Gi mönö Kembugi Anutu, ia mohot simin köl wanjiba waikñi memba möpöseiman’.”

¹¹ Mewö jiiga Bölöñangö Tonan miangörenök Jisös mosöta kesalök. Mewö aiga garata yenön kaba Jisös bauköm wanjiget. Mewö.

Jisösnöñ könahiba Galili uruñe urugö nup meyök.

Mak 1.14-15; Luk 4.14-15

* **3:17:** Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35 * **4:1:** Hib 2.18; 4.15 * **4:4:** Dut 8.3

* **4:6:** Sum 91.11-12 * **4:7:** Dut 6.16 * **4:10:** Dut 6.13

12 *Miangö andöñe Jon O-melun azi kösö mire * alget tari Jisösnöñ mi möta Judia prowins mosöta Galili anök. 13 *Anda prowins miangöreñ miriñi Nazaret mosöta Kaperneam anda malök. Kaperneam siti mi Zebulun aka Naftali gölmenöñ Galili o angö qöhöröñe ahöza. 14 Miangöreñ mala nupñi meiga Anutunöñ keu kun kezapqetok azi Aisaia sölölohöiga jiyöhi, miangön ölnambuk ahök. Keu mi kewö,

15 **“Ambazip Zebulun gölmenöñ aka Naftali gölmenöñ Jordan likepñe malgetka sutñine köna namñi köwetnöñ göröken anda kinjawi aka Juda qahöpmö, kambu tosatñan Galili prowinsnöñ maljei,*

16 *könagesö mienön söñaupnöñ mala asakñi ketañi ekñe. Kömupnöñ ambazip aum köl engiiga pandaman gölmenöñ maljei, yengöra mönö miri wañgaran suruma.”*

17 *Jisösnöñ Kaperneam mala nalö miangöreñök könahiba Buña keuñi jim asariba ambazip uruñini kuñguba kewö jiba malök, *“Suep Toñan bemtohoñi almawañgö nalöñan mönö kam kuñguza. Miangöra mönö siñgisöndok malmalñini mosöta uruñini melenget.”* Mewö.

Jisösnöñ gwarekurupñi mutukñi enggohök.

Mak 1.16-20; Luk 5.1-11

18 Mewö jiba liliköba mala Galili o angögö görañe mötöteiba anda darumun yahöt Saimon qetñi alañi Pitö aka munñi Andru etkehök. Yetköñ söra örörö azia mala mösakñiri o angönöñ söra öröbitköra gila malohot. 19 Jisösnöñ etkeka kewö jiyök, *“Aziyahöt, iñiri mönö ni nuatañgöba kayohotka kusum etkibi ambazip söra ewö öröm engimakñahot.”*

20 Mewö jiiga miangöreñök mösakñiri mosöta könahiba Jisös wuatañgöba anohot.

21 Jisösnöñ yetpuk borom kun toroqeba anda kunbuk darumun yahöt Zebedigö nahönyahötñi Jeims aka Jon etkehök. Yetköñ iwiñiri Zebedibuk wañgenöñ tata mösakñini möhamgöba jöhöba malgetka engeka etkohök. 22 Mewö engeka etkoholiga miangöreñök wahöta wañge aka iwiñiri mosöta könahiba Jisös wuatañgöba andöñe anohot. Mewö.

Jisösnöñ ambazip kusum enggiba mem ölöwak engiyök.

Luk 6.17-19

23 *Jisösnöñ anda Galili prowins uruñe lökñanök liliköba köuluk miriñine öngöba bemtohoñgö Ölöwak Buñani jim asariba uruñini kuñguba kusum enggiba malök. Mewö aka sutñine ambazip kawöl aka jepajerepe könañi könañi engöhöi malgeri, mi mem ölöwak enggiba malök.

24 Mewö memba maliga Jisösgö qetbuñanñan sehiba Siria kantri dop köl teköba anök. Mewö ani mi möta kawöl ambazip pakpak enguañgita yañgöreñ kaget. Tosatñan uzi kawöl aka jepajerepe könañi könañi engöhöi malget. Tosatñan ömewörömenöñ uruñine geiga töñöt me kölköljinñibuk malget. Tosatñan tala eta enguiga bözok mitiba semben auba malget. Tosatñan sileninañgö likepñi kömukömuñi malget. Mewö mewöñi mienön Jisösgöreñ kagetka mem ölöwak engiyök.

25 Mewö ak engiiga ekerangöra ambazip könagesö ketañi yeñön Jisösgö andöñe wuatañgöba kaget. Kambu ketañi ketañi mi Galili prowins aka Ten Taon distriknöhök kaget. Kambu tosatñan Jerusalem siti aka Judia prowinsgö miri tosatñeyök kaget. Kambu tosatñan Jordan o likepñeyök kaget. Mewö.

5

Jisösnöñ kundunje kindu kusum engiyök.

* 4:12: Mat 14.3; Mak 6.17; Luk 3.19-20 * 4:12: Kiñ Herodnöñ ambi kun ölöñ meiga Jon O-melun azinöñ i miangöra jim wañgiiga irimñi sehölii jiiga opotöröp yeñön Jon jöhöba kösö mire alget tarök. * 4:13: Jon 2.12

* 4:15: Ais 9.1-2 * 4:17: Mat 3.2 * 4:23: Mat 9.35; Mak 1.39

1 Jisösnöñ ambazip kambu ketani engeka kundunje öngöba tariga gwarekurupñan kanğota liliköm wanğiget. 2 Liliköm wanğigetka könahiba ambazip kambunji kambunji kusum enğiba kewö jiyök.

Denike yeñön simbawon akze?

3 “Denike yeñön Anutugö jeñe etqeqeñi tandök mötzei, yeñön Suepkö bemtohoñi buña qem anğumeanğöra mönö simbawon akze.

4 *Denike yeñön jinğen köla sahötzei, Anutunöñ i urukölalep enğimapköra mönö simbawon akze.

5 *Denike yeñön guñböñjönjön malakzei, Anutunöñ gölme ki mi yeñğöra enğii buñañina akñapköra yeñön mönö simbawon akze.

6 *Denike yeñön Anutugö jeñe solanibingöra kapan köla mi nene aka ogö ewö kömumba qemjen qeba maljei, Anutunöñ mönö sihimñini mi gumohom enğima. Mianğöra yeñön mönö simbawon akze.

7 Denike yeñön tosatñi ak kömum enğimakzei, Anutunöñ i ak kömum enğimapköra yeñön mönö simbawon akze.

8 *Denike yeñö uruñinan sarakñi akzawi, yeñön ölop Anutu ekñe. Mianğöra yeñön mönö simbawon akze.

9 Denike yeñön luai qemakzei, yeñö qetñini mi Anutugö nahönböraturupñi qetme. Mianğöra yeñön mönö simbawon akze.

10 *Anutunöñ keuñini jim teköi solanizeanğöra sesewerowero ak enğimakzei, yeñön Suepkö bemtohoñi buña qem anğume. Mianğöra yeñön mönö simbawon akze.

11 *Ambazipnöñ inini nöñğöra aka uruqe qe keu töhöreñ jim enğiba sesewerowero aka keu bölöñi könañi könañi silenine ala munenmunen jimakzei, enñön mönö simbawon akze.

12 *Mötket, Anutunöñ töwanini öngöñgöñi Suep mire ali ahözawanğöra mönö gönköirañ ala sösongai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak enğigetka enñön yeñö andöñine asuhuba yembuk öröröñ malje.” Mewö.

Inini gölmeğö sihi aka kiwa ewö akze.

Mak 9.50; Luk 14.34-35

13 Jisösnöñ jiyök, “Inini gölme ambazip yeñö howe tandök akzemö, howe nahömñan piahima ewö, mi mönö denöwö möhamgöinga kunbuk nahömñambuk akawak? Mianğö könañi kun qahö. Toroqeba yuai kungöra qahö dop kölmampö, mi nesak ewö gilget geiga ambazipnöñ mi könañinan tiahöme.

14 * “Inini gölmeñi gölmeñi yeñö kiwa tandök ewö aka malje. Siti kun kundunje öngöba meget tatzawi, mianñön tölapñe tatmamgö osimakza. 15 *Kunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri urunje maljei, mönö körek yeñö jeñini kuñguiga asakñi ehakñe.

16 * “Mewöñanök mönö enğö asakñini kondelgetka ambazip sutñine asariiga ehakñe. Amba-zipnöñ ahakmemeñini ölopñi eka mianğöra Iwiñini Suep mire maljawi, mönö i möpöseiba malme.” Mewö.

Jisösnöñ Köna keugö könañi kusum enğiyök.

17 “Nöñön Mosesgöreñ Köna Keu aka kezapqetok ambazip yeñö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñön qeapkömamgöra qahöpmö, keu mi tem köl teköbi miengö ölninan pöndañ asuhumapköra aka kaba maljal. 18 *Nöñön keu ölni kun kewö jibi mötket, Mosesgö Köna keunöhök kulem

* 5:4: Ais 61.2 * 5:5: Sum 37.11 * 5:6: Ais 55.1-2 * 5:8: Sum 24.3-4 * 5:10: 1 Pitö 3.14 * 5:11: 1 Pitö 4.14 * 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12 * 5:18: Luk 16.17

moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuhugetka Suep gölme yetkön görön qemahot.

19 “Miangöra kunñan Köna keugö jimkutukutu morörökñi miengörenök keu kun koyonaniba ambazip mewö kusum engimakzawi, yañön Suepkö bemtohoñe angoriga qetñi morörökñi bezup qetme. Mewö qetmemö, kunñan mi tem köla wuatangöba ambazip mewö kusum engimakzawi, yañön Suepkö bemtohoñ uruñe angoriga qetñi ketanjamnini qetme.

20 “Nöñön miangö dop kewö jibi mötket: Engö ahakmemeñini solanñi miangön mönö Köna keugö böhi aka Farisi (Köna keugö kapankölköl) yeñgö silikñini tandök ewö örörön akapuk. Silikñinan yeñgö silikñini gwötpuk qahö ongitma ewö, eñön mönö Suepkö bemtohoñ uruñe qahö angotme.” Mewö.

Yom kazik aka enjuget kömukömuğö könañi.

21 *Jisösnöñ toroqeba jiyök, “Eñön möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

22 “Mewö jiget mötketmö, nöñön keu mi kewö jim tuaribi mötme: Kunñan alañambuk anjururuk aka irimñan sehooli yom kazik akzawi, i mönö mewöyök distrikö keu jakeñe al wañgiget keuñi jim tekömeangö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yeñgö jeñine al wañgiget keuñi jim tekömeangö dop akza. Kunñan alañi lösö keunöñ jim böliba ‘Gi anğöjörakabuk akzan,’ jizawi, yañön mönö könöp sianöñ gemawañgö dop akawak.

23 “Miangöra göñön kalem naluki memba kaba altanöñ almamgö aknönnga miangören keu kewöñan mötmötke kanğotpwak: Alagahö uruñe keu ahöi yañön kazik ak gihimamgö mötza. Keu mewöñi mötmöriman ewö, 24 kalemgi mi mönö alta wösöñe ala mutuk alagahören anda yambuk keuñiri jim solaniba urumohot aka miangö andöñe kunbuk kaba kalem naluki Anutugöra alman.

25 “Kerökan silege ala keu jakeñe öröm gihimamgö aiga komitigören anda köna namñe miangören mönö kapan köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiga (jas, majistreit) jimtekötekö toñangö jeñe anğotnönnga möta jii opotöröpkö böröñe genönnga kösö mire al gihibapuk. 26 Nöñön keu ölni kewö jibi mötnöñ, Gi miangören töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yoñgorögö könañi

27 * “Keu kun kewö jiget mötzema, ‘Sero yoñgorö kude akñan.’ 28 Mewö jiget mötketmö, nöñön keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañön lök uruñan yambuk sero yoñgorö akza.

29 * “Jegi ölnan siñgisöndok akñangö kölgrom ak gihima ewö, mi mönö qözöla gilnöñ anma. Sile kitipki kunñan ayuhui mewö Suepnöñ öñgönönnga dop kölmapmö, silegi jömukñi malnönnga gil gihigetka könöp sianöñ geba ayuhubanbuk. 30 *Börögi ölnan siñgisöndok akñangö kölgrom ak gihima ewö, mi mönö yandiba gilnöñ anma. Sile kitipki kunñan ayuhui Suepnöñ öñgönönnga dop kölmapmö, silegi jömukñi mala könöp sianöñ geba ayuhubanbuk.” Mewö.

Awanöm anğömosötmosötkö könañi

31 * “Keu kun kewö jiget ahöza, ‘Kunñan anömñi mosötmawi, yañön mönö anğömosötmosöt papia ohoba anömñi wañgima.’ 32 *Mewö jiget ahözapmö, nöñön kewö

* 5:21: Eks 20.13; Dut 5.17 * 5:27: Eks 20.14; Dut 5.18 * 5:29: Mat 18.9; Mak 9.47 * 5:30: Mat 18.8; Mak 9.43 * 5:31: Dut 24.1-4; Mat 19.7; Mak 10.4 * 5:32: Mat 19.9; Mak 10.11-12; Luk 16.18; 1 Kor 7.10-11

jibi mötme: Kunñan anömñi qesabulum aiga mosötpawakmö, könañi kungöra anömñi mosöt-mawi, mewö mianñon mönö anömñan qesabulum akñapakö kondota sinğisöndokö keunambuk akña. Mewö aiga azi kunbuk meiga azi dölökñi mianñon mönö mewöyök qesabulum akña.” Mewö.

Keunini jöjöpaj keunöñ kude jim köhöime.

³³ * “Keu kun mi mewöyök möpñeyök kewö jiget mötzema, ‘Keunini jöjöpaj keunöñ jim köhöigeri, mi mönö kude onğitme. Kembugöra yuai akingö keunini jöjöpaj keunöñ jim jöhögeri, mi mönö wuatangögetka ölnambuk akña.’

³⁴ * “Mewö jiget mötketmö, nöñon keu mi kewö jim tuaribi mötme: Keunini mönö jöjöpaj keunöñ qahöpmahöp jim köhöime. Suep mi Anutugö jakömbuak dumñi akzawangöra aka keu kewö kude jime, ‘Keu ölni qahö jimam ewö, Suep Toñan ölop likepñi melenñi qakne öngöma.’

³⁵ * “Gölme mi Anutugö könañangö döpnñi akzawangöra aka keu kewö kude jime, ‘Keu ölni qahö jimam ewö, gölmenöñ ölop tinğita turum ningima.’ Jerusalem mi Kiñ Tök-kutukutunangö sitiñi akzawangöra aka keu kewöñi mi mewöyök kude jime, ‘Keu ölni qahö jimam ewö, Kiñ Ketañi yanñon ölop qemasolokepñangö likepñi melenñi qakne öngöma.’

³⁶ Gi nörop jupki inñani menöñ tuatñi akñapakö osiman aka nörop jupki tuatñi menöñ inñani akñapakö osiman. Mianğöra keu kewö kude jiman, ‘Keu ölni qahö jimam ewö, Anutunöñ ölop nöropñi qeiga jupñangö mundañan uteköma.’ ³⁷ Jöjöpaj keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñi mianğoreñ keu yuai toroqemei, mi mönö Bölöñangö Toñan sölölohöm enğii asuhuma.” Mewö.

Jinöñ jibi aknöñ aki mi kude akñe.

Luk 6.29-30

³⁸ * “Keu kun kewö jiget mötzema, ‘Kunñan jegi qösökömawi, gi mönö kitipñi melenñda yangö jeni qösököman. Kunñan jitki kumburatimawi, gi mönö kitipñi melenñda yangö jitñi kumburatiman.’

³⁹ “Mewö jiget mötketmö, nöñon keu mi kewö jim tuaribi mötme: Kunñan bölöñi ak enğimawi, i mönö kude qetala tuarenñon ak wangime. Mewö qahöpmö, nuñgulumgi ölni qekötahöma ewö, mönö nuñgulumgi likepñi mewöyök qekötahömapköra melenñman.

⁴⁰ Kunñan ‘Sileötañgi memam,’ jiba keunöñ al gihimangö mötza ewö, mönö mosöta malukugi qakñi mewöyök wanginöñga buña qem anguma.

⁴¹ “Mewöyök kunñan gösöñi kilomita (mail) mohotkö dop siriba anmangö kuñgum gihima ewö, mönö ölop tem köla kilomita (mail) yahötkö dop siriba yambuk anman.

⁴² Kunñan göhöreñ yuai kungöra qesim gihimawi, mi mönö wangiman. Kunñan ‘Yuai niñginöñga kitipñi bian melenñmam,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm enğiman.

Luk 6.27-28, 32-36

⁴³ * “Keu kun kewö jiget mötzema, ‘Ambazip kösutñine mala alaurupñini akzei, mi jöpaköm enğimakñemö, kazikurupñini mönö melenñda kazik ak enğiba malme.’

⁴⁴ “Mewö jiget mötketmö, nöñon keu mi kewö jim tuaribi mötme: Inñini mönö kazikurupñini jöpaköm enğiba kinda sesewerowero ak enğimakzei, yengöra mönö köuluköba malme. ⁴⁵ Mewö ahakñe ewö, mewö mianñon Iwiñinan Suep mire maljawi, mönö yangö könañi kondela nahönböratuñi aka malme. Yangö könañi kewö: Yanñon wehönñi qahö angön köliga kota ambazip ölopñi aka bölöñi mewöyök mem asarim enğiba kie aliga ambazip diñdiñi aka gonğonñi yengö nupñini mewöyök mem kelörakza.

* 5:33: Lew 19.12; Jan 30.2; Dut 23.21 * 5:34: Jei 5.12; Ais 66.1; Mat 23.22 * 5:35: Ais 66.1; Sum 48.2 * 5:38: Eks 21.24; Lew 24.20; Dut 19.21 * 5:43: Lew 19.18

46 “Enjön mönö niŋginöŋ gihibigö tandökŋi oŋgita Anutugö könaŋi kondela ahakŋe. Takis tilipqilipŋinambuk megetka sisitŋini memakzei, yeŋön alaurupŋinan jöpaköm enŋigetka i melenđa jöpaköm enŋimakze. Mi urumelenŋö silikŋi qahö. Injini yeŋgö silik miyök wuatangöba ahakŋe ewö, Anutugöreŋ tosa kun qahö ahuiga yaŋön mönö silikŋinanŋö likepŋi qahö enŋiiga töwa kun qahö buŋa qem aŋgume. Miangöra mönö ambazip körek pakpak jöpaköm enŋiba malme.

47 “Urumelenŋö kopa ambazipnöŋ mewöyök sutŋine jölöŋini jim aŋguba maljemö, mi urumelenŋö aiwesökŋi qahö. Injini yeŋgö dop alaurupŋini enŋö sutŋineyök jölöŋini jim aŋgumakŋe ewö, mewö mönö kopa ambazip ewö akze. Kopa ambazip yeŋgö silikŋini mönö oŋgita qetpuk sorokŋi aka malme? 48 *Enŋö Suep Iwiŋinan aködamun sorokŋi akzawi, enjön mönö miangö dop aködamun sorokŋinambuk aka malme.” Mewö.

6

Mözöqözöröŋ ambazip mi kalem enŋimakŋe.

1 *Jisösnöŋ kewö kusum enŋiyök, “Mönö kewögöra galöm mem aŋguba malme: Ahakmemenŋini solanŋi diŋdiŋi mi ambazipnöŋ eka enŋöra mötket öŋgömapköra aka kude ahakŋe. Mewö ahakŋe ewö, enŋö Iwiŋini Suepnöŋ maljawaŋön mönö silikŋinanŋö likepŋi qahö enŋiiga töwa qahö buŋa qem aŋgume.

2 “Miangöra ‘Mözöqözöröŋ ambazip kalem enŋimam,’ jiba mi qenjarökŋöŋ kömam tömunbuk uba kolek almegöra kude akŋan. Urumelenŋö silesile ambazip yeŋön ambazipnöŋ miwidimgöm (mem biwim) enŋimegöra möta köuluk mire aka köna namŋe anda ambazip enŋeka mewö ahakze. Nöŋön keu öl töhöŋŋi kun kewö jibi mötme, Yeŋön mönö silikŋinanŋö töwaŋi pakpak lök buŋa qem aŋgugetka Suep Toŋan mi qahö toroqema.

3 “Göŋön mewö kude akŋanmö, ‘Mözöqözöröŋ ambazip kalem enŋimam,’ jiba börögi ölŋan denöwö akzawi, börögi qaniŋan mi kude mötma. * 4 Kalemgi miangön tölapŋe ahöiga Iwigan ahakmeme tölapŋi ehakzawi, yaŋön mönö töwa gihima.” Mewö.

Köuluk nupkö könaŋi kewö:

Luk 11.2-4

5 * “Miangöra Anutugö köulukömei, mi mönö urumelenŋö silesile ambazip yeŋgö dop kude akŋe. Yeŋön ambazipnöŋ enŋekŋegöra möta sihimŋinan köuluk mire aka köna soŋanöŋ kinda köulukömakze. Nöŋön keu öl töhöŋŋi kun kewö jibi mötme, Yeŋön mönö silikŋinanŋö töwaŋi pakpak lök buŋa qem aŋgugetka Suep Toŋan mi qahö toroqema.

6 “Göŋön mewö kude akŋanmö, ‘Anutugö köulukömam,’ jiba mönö nangi miri uruŋi moröŋe öŋgöba nanŋu köla Iwigi tölapŋe maljawi, i köuluköm waŋgiman. Mewö aknöŋga Iwigan ahakmeme tölapŋi ehakzawi, yaŋön mönö töwa gihima.

7 “Köulukömei, miangöreŋ mönö urumelenŋö kopa ambazip yeŋgö tandök ewö † keu oyoŋdewetdewet mi kude jiba malme. Yeŋön keu jit sehisehiŋi jigetka Anutunöŋ miangöra aka kezap ala möt enŋimapkö mötmörimakze. 8 Mönö kewögöra yeŋgö dop kude aka malme: Injini wani yuaigöra osiba mözöqözöröŋ akzei, Iwiŋinan mi qahö köulukögetka qeljiŋe lök mötza. 9 Mönö kewö köulukömakŋe:

“Neŋgö Iwinini, gi Suepnöŋ maljan. Göhö qetki mönö töröŋi ahöma.

10 Mönö galöm köl neŋginöŋga bemtohoŋgahö ölŋi asuhuma.

Göhö jitsihitki Suepnöŋ tem kölakzei, mewöŋanök mönö gölmenöŋ asuhuma.

11 Merakö nenenji mönö dopnine neŋgiman.

* **5:48:** Lew 19.2; Dut 18.13 * **6:1:** Mat 23.5 * **6:3:** Börögi qaniŋan mi kude mötma, keu miangö könaŋi kewö: Mi mönö tölapŋe aknöŋga wölböt alagan mewöyök mi kude mötma. Anutunöŋ sölölohöm gihiiga nup ölöpŋi amqeba memakzani, mi mönö nangak ölum guhumakza. * **6:5:** Luk 18.10-14 † **6:7:** Kian kantri yeŋön Anutu qahö möt waŋgiba bemŋini murutŋi murutŋi köuluköba keu omani oyoŋdewetdewet mi laŋ jiba malje.

¹² Tosatni yengörej tosa nengörej ahözawi, nini mi mosöt engizin ewö, gi mönö mianjö dop nengö tosanini sanjonman.

¹³ Esapesapnö et neygubapuköra mönö angön köl nengiba Bölöni Tonangö böröneyök † meköm nengiman. (Gi nangak bemtohor Tonji, kukösum Tonji aka asakmararan Tonji mi nalöni nalöni mala kota malnöy aka teteköni qahö mal öngöman. Mi ölja.)

¹⁴ *Inini ambazip yengö singisöndokjini mosötme ewö, engö Suep Iwiñinan mönö mewöyök engö singisöndokjini mosötma. ¹⁵ Mosötmapmö, ambazip yengö singisöndokjini qahö mosötme ewö, engö Iwiñinan mönö mewöyök engö singisöndokjini qahö mosötma.” Mewö.

Nenegö singi malmal mi kewö ahakje:

¹⁶ “Nenegö singi malmei, mianjörej mönö urumelengö silesile ambazip ewö kukbosole kude aka malme. Yenön Anutugöra nene singi malakzei, ambazipnöy mi ekjegöra aka zolonj örögetka jemesoholjinan mölmölimakza. Nöñon keu öl töhöñji kun kewö jibi mötme, Yenön mönö silikñinanjö töwanji pakpak lök buña qem angugetka Suep Tonjan mi qahö toroqema.

¹⁷ “Göñon mewö kude akñanmö, Anutugöra nenegö singi mala mianjörej mönö sinim jupuknöy me saipenöy jemesoholgi sanjon da nörop jupki qeba malman. ¹⁸ Mewö aka nenegö singi malnöyga ambazipnöy qahöpmö, Iwigi tölapñe maljawanön mi ekña. Mewö aknöyga Iwigan ahakmeme tölapñi ehakzawi, yanön mönö töwa gihima.” Mewö.

Söngöröñi ketanji yuai mi mönö Suepnöy tokome.

Luk 12.33-34

¹⁹ *“Moneñ inap yuai mi mönö gölmenöy ahöm engimapköra kude tokome. Mewö tokogetka mianjörej jijilukut kezaplönlonjöy mi yöhötigetka kahawet töromnöy (ros, ufen) mem böliiga kegwek-kahasililij yenön miri qesiñda öngöba yonjorö memakze.

²⁰ “Gölmenöy qahöpmö, Anutugö jitsihitñi tem kölgetka qetbuñanjan qarimapköra mönö kapanj kölme. Mewö aketka guli dötnamñini qainñi kun mi Suep mire ahöiga gurem jijilukutnöy mi qahö yöhötigetka kahawet töromnöy (ros, ufen) mi qahö mem bölime. Kegwek-kahasililij yenön eu qahö öngöba miri qesiñda qahö yonjorö meme. ²¹ Yuaigöra aködamunñi memba mötnöy öngözawi, mianjön miri kungen ahöiga göñon mönö urugi mewöyök mianjörej qekötahöba malman.” Mewö.

Silegö asakñi mi kewö:

Luk 11.34-36

²² “Göhö jegi mi uru silegahö kiwanji akza. Mianjöra kawöl kunöy jegi qahö mem böliza ewö, mianjön mönö unöy asarim teköi Anutugö asakñan ölop uruge mem asariiga malmalgi pakpak asakñe malman.

²³ “Asakñe malmanmö, sihim kömbönañi bölöñan me yuai kunñan jegi mem böliba asakñi közambötza ewö, mianjön silegö malmalgi pakpak mewöyök mem söñauiga pandaman uruñe jipjap malman. Mewö aiga söñaupnöy urugahö asakñi közamböri söñauza ewö, nangi pandamanöy mönö Yei! keta bölökñi wewelipñambuk akza.” Mewö.

Anutu me moneñ möt nariman?

Luk 16.13; 12.22-31

²⁴ “Kunñan kembu yahöt welen qem etkimamgö osimakza. Kunñan mewö akñamgö mötzawi, yanön mönö kun kazik ak wanjiba kun uruñan jöpaköma. Kungörej qekötahöba kun jijiwilit ak wanjima. Mianjöra enön Anutu aka moneñ inap mi mindiriba welen qem etkibingö osime.” Mewö.

Anutu möt nariba waimanjat kude akñe.

† **6:13:** “Bölöni Tonangö böröneyök meköm nengiman,” tosatñan keu mi kewö melenje: bölöneyök meköm nengiman.

* **6:14:** Mak 11.25-26 * **6:19:** Jei 5.2-3

25 “Mewö aiga nöjön kewö jibi mötket: İjini gölmenöŋ malmeanğö waimanjatŋi mi kewö jiba kude akŋe, ‘Mönö wani yuainöŋ gumohom aŋgubinak aka wanatnöŋ sileninağö löngötpinak?’ Jeŋinambuk maljei, mianöŋ bohonŋi aiga nenenöŋ mönö mianğö nemböŋe akza. Sileninambuk maljei, mianöŋ bohonŋi aiga opo sörönöŋ mönö mianğö nemböŋe ahöza. Mönö mi mötmörime.

26 “Könakemba neiŋi neiŋi mönö eŋgekŋe. Mienöŋ nene kötni qahö qesin gilakze. Padi ölni qahö yandiba köwe miriŋine qahö tokomakze. Mi qahöpmahöp aiga eŋğö Suep İwiŋinan mönö töndup i gumohom eŋgimakza. İjini nei yeŋğö dop qahöpmö, eŋğö söŋgörüŋinan mönö nei söŋgörüŋini eŋğöŋgita öŋgöŋğöŋi akza me qahö? Mönö mi mötmöriget anök.

27 “Eŋğöreŋök kunjan waimanjat aka mewö mianöŋ gölmenöŋ malmawanğö nalöŋi mi sömaŋi mohotkö dop mem toroqema me qahö? Mi qahöpmahöp! § 28 Opo söröŋinağöra mönö denöwögöra waimanjat akze? Mi qahö dop kölja. Sombemğö jariŋ juranŋi qarimakzei, mönö mi uba eŋgekŋe. Mienöŋ opo söröŋinağöra möt qahö loŋgalakze aka nup tosatŋi qahö memakze.

29 **“Mi töndup nöjön kewö jibi mötme, Kiŋ Solomonöŋ goul silwöŋi qeraköba asonbilikŋambuk malökmö, yağö malukuŋi mi kiteŋ soranŋin me jura kungö dop eksihimŋambuk qahö ahöyök. 30 Sombemğö jariŋ juranŋi töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöŋ mi ölöpŋanök meŋölömakza. Mianğöra yaŋön iŋini mewöyök ölop esuhum eŋgima. İjini jariŋ juranğö dop qahö. Anutunöŋ köyan köl eŋgimamğö möta mianğöra sihimŋi öŋgöŋğöŋi mörakza. O ambazip, mötnariŋinan mönö wuanöŋğöra öne töhön morörökŋi akza?*

31 “Mewö aiga iŋini mönö malmalinanğö waimanjat aka mötkurumkurum kude ahakŋe. Mi aka lömböriba kewö jibepuk, ‘Nini mönö wani nene aka wani oya nembinak?’ aka ‘Wani yuainöŋ silenini esuhubinak?’

32 “Mi kewögöra: Urumelenğö kopa yeŋön yuai pakpak mi buŋa qem aŋgubingö kapan köla urukönöp ahakze. İjini yuai pakpaköra mözöröŋğöba osimakzei, eŋğö Suep İwiŋinan mönö mi möt teköza. 33 Mianğö urukönöp kude akŋemö, mutuk mönö Anutugö bemtohoŋnöŋ aŋgota yağö jeŋe solanibingö kapan kölme. Uruŋini mianğöreŋ alget ahöiga yaŋön mönö galöm köl eŋgiba yuai mewöŋi pakpak mi mewöŋanök eŋgima.

34 “Mewö aiga iŋini mönö uran malmeanğö waimanjatŋi kude ahakŋe. Urangö waimanjatŋi mi urangöra. Silim mohot mohotkö waimanjatŋini mönö nanŋök nanŋök bisiinga dopŋine akŋa.” Mewö.

7

Jimtekötekö toŋi ewö kude akŋe.

Luk 6.37-38, 41-42

¹ İisösnöŋ toroqeba kewö jiyök, “Anutunöŋ keuŋini kewöta jim teköi etpepuköra mönö tosatŋi yeŋğö keuŋini kude kewöta jim teköme. ² *Mianğö könaŋi kewö: İjini tosatŋi yeŋğö keuŋini kewöta jim tekömei, Anutunöŋ mönö dop mohot mianöŋök nanŋini keuŋini kewöta jim teköma. İjini tosatŋi yeŋğöra jimkutukutu ala memba öŋğöba eta kewöt eŋgimakzei, Anutunöŋ mönö mianğö dop nanŋini ak eŋgii öŋğöba erakŋe.

³ “Gi alagahö jeŋe gödöwöröt morörökŋi ekzanmö, nangi jege ip sahötŋi ketanŋi ahözawi, mia mönö wuanöŋğöra kude ek kutuzan? ⁴ Me denöwögöra aka amqeba alagahöra kewö jizan, ‘Alani mötnöŋ, ni ölop jegeyök gödöwöröt itaköbi etma?’ Mewö amqeba jizanmö, ip sahötŋi ketanŋi mi nange jege ahöza.

§ 6:27: Tosatŋan jabö 27 mi kewö melenđa jize: Eŋğöreŋök kunjan waimanjat aka mewö mianöŋ silenini wan fitğö dop toroqeba mem körimamğö osima. * 6:29: 1 Kiŋ 10.4-7; 2 Hist 9.3-6 * 7:2: Mak 4.24

⁵ “O gi urumelenğö silesile azia, gi mönö mutuk nange jegeyök ip sahötñi (tametñi) ketañi memba gilman. Mi mem gilagun törörök ek kutuba alagahö jeñeyök gödöwöröt morörökñi mi ölop itakönönga etma. ⁶ Yuaigöra mötketka tök-kutukutuñi qainñi kun akzawi, mi mönö kiam kude engime. Guli damandan qeçenñi mi mönö bau wösöñine kude gilget anma. Mewö akñe ewö, yeñön mönö mi könañinan tiahöm engiba dumñe melenđa nanñini engöhöba yöhöqöhötüm engibepuk.” Mewö.

Mönö qesiba jaruba Anutugö nanğunje qeba malme.

Luk 11.9-13

⁷ “Mönö Anutu köuluköme. Köulukögetka kewöta engima. Urugö yuaigö Anutugören böröjan memba jarume. Mi jarugetka kondeliga miwikñaime. Kinda nanğunöñ qeme. Qegetka nanğunñi öröm engima. ⁸ Kunñan Anutu köulukömakzawi, yañön mönö likepñi buña qem anğuma. Yuaigö jarumakzawañön mönö mi miwikñaima. Nanğunöñ qemakzawañgöra mönö nanğun öröm wañgima.

⁹ “Mötket, ambazip engörenök danñön kewö akawak: Nahönñan bisketköra qesiiga köt wañgima? ¹⁰ Me nahönñan söragöra qesiiga qatö wañgima?

¹¹ “Mewö aiga inñini ambazip bölöñi aka töndup kalem ölopñi ölopñi nahönböraturupñini engibingö dop akze ewö, engö Iwiñini Suep mire maljawañön mönö kalemñi denöwö anğön kölbawak? Yañgö uruñangö ahakmemenñi mi neñgongita tandökñi kun akza. Mianğöra inñini yuai ölopñangöra köuluköba qesim wañgime ewö, yañön mönö sihimñan mi engima.

¹² * “Mianğöra ambazipnöñ yuai pakpak nanñinañgö ak engimegö mörakzei, mianğö dop mönö nanñini mewöyök i ak engimakñe. Mewö aketka Mosesgö Köna Keu aka kezapqetok ambazip Buzup Kimbi keuñini mianñön mönö ölninambuk aketka mindimindiri könañan aukñe asuhuma.” Mewö.

Mönö kiripo nanğun giwikñi kutuba anme.

Luk 13.24

¹³ “Könöp sianöñ gebingö könañi mi amqeçenñi aka numbuñangö nanğunñi mi ketañi. Ambazip sehisehiñan nanğun mi kutuba köna mi mötöteiba anme. Mianğöra inñini mönö kiripo nanğun giwikñi kutuba mianğö uruñe anme.

¹⁴ “Malmal köhöikñe anğotpingö könañi mi pökpökñi (pipitñi) osukosubuk aiga numbuñangö nanğunñi mi giwikñi. Ambazip awamdökñan nanğun mi miwikñaima.” Mewö.

Ipkö könañi mi ölni eka möt kutume.

Luk 6.43-44

¹⁵ “Kezapqetok ambazip takapulakanñi yeñön lamagö sile ewö esuñini löngöta engören kamakzemö, uruñinan ubibi kiam kalñi ewö akze. Mianğöra inñini mönö yeñgöra aka tihitñini möta galöm mem anğuba malme. ¹⁶ Nupñinañgö ölni eketka könañini kondeli ölop möt kutume. Nejoñ kötni mi jömnöñ asuhumakza me qahö? Warun kötni mi koururuknöñ (köwörörök) asuhui tokomakzin me qahö? Qahö.

¹⁷ “Mianğö dop ip ölopñi pakpak mienñön ölni ölopñi kuñgumakzemö, ip bölöñan mönö kötni bölöñi kuñgumakza. ¹⁸ Ip ölopñan ölni bölöñi kuñgumamgö osiza aiga ip bölöñan kötni ölopñi kuñgumamgö osiza.

¹⁹ * “Ip pakpak ölni ölopñi qahö kuñgumakzei, mi mönö galömñan kutuba memba könöpnöñ giliga geme. ²⁰ * Mianğö dop ambazip mienğö nupñinañgö ölni eketka könañini kondeli ölop möt kutume.” Mewö.

Gwarek ölnangö könañi

Luk 13.25-27

* 7:12: Luk 6.31 * 7:19: Mat 3.10; Luk 3.9 * 7:20: Mat 12.33

21 “Nöngö Suep Iwinangö jitsihitni tem kölakzawañön mönö yangö bemtohoññön angotma. Gwötpuk yeñön nöngöra ‘Kembuni, Kembuni!’ qeta jimakzemö, körek yeñön Suepkö bemtohoññön qahö angotme.

22 “Jimtekötekögö nalö ketani mianğoreñ gwötpuk yeñön kaba nöngöra kewö jime, ‘O Kembu Kembu, neñön mönö göhö qetke yuai asuhumapkö kezapqetok keu qeljiñe jiba malin. Neñön mönö göhö qetkahö ösumnöñ ömewöröme enğuatangöba malin. Göhö qetkan mönö nam köl neñgiiga anğoletot ösum-mumuñinambuk gwötpuk memba malin. Mi ölum guhuza me?’ 23 *Mewö jigetka nalö mianğoreñ könañini aukñe kewö jibi mötme, ‘Nöñön inini nalö kunöñ qahö möt enğial. Iwilele ahak ambazip, inini mönö nömosöta kesalget.’” Mewö.

Miri memegö mötkutukutu ölöñji aka piromñi

Luk 6.47-49

24 “Mewö aiga denike yeñön keu jitni jizali, mi möta mianğö dop tem köla memakzei, nöñön körek yeñö könañamñini kondela mötkutukutu azigö dop ala kewö jimam, Yañön miriñi jamönjiñ köt qakñe meyök. 25 Mewö meiga kie uru nalöñe kie römbum yöhöba eriga göulu luhuiga luhut ketani qeiga o göulu köhöikñi gila miri selñe kuñguyökmö, miri mi jamönjiñ köt qakñe mei kinöhañğöra aka qahö kusuyök.

26 “Denike yeñön keu jitni jizali, mi möta mianğö dop qahö tem köla memakzei, nöñön körek yeñö könañamñini kondela azi mötkutukutuñi piromñangö dop ala kewö jimam, Yañön miriñi sak kösahet qakñe meyök. 27 Mewö meiga kie uru nalöñe kie römbum yöhöba eriga o luhuiga luhut ketani qeiga o göulu köhöikñi gila miri selñe kuñgui kusuiga goromororongöba erök.” Mewö.

Ambazipnöñ Jisösgö kukösumñangöra welipköget.

28 *Jisösnöñ keu mi jim teköiga ambazip kambuñi kambuñi yeñön mötketka kusum enğiyöhi, tandök mianğöra auruba welipköget. 29 Yañön yeñö Köna keugö böhiurupñinañö tandök qahö kusum enğiyökmö, kukösum Toñi akzawañö dop ambazip kusum enğiiga möta tandök mianğöra welipkögetka nemböñini teköyök. Mewö.

8

Jisösnöñ uzikuku azi kun mem solaniyök.

Mak 1.40-45; Luk 5.12-16

1 Jisösnöñ kunduñi mi mosöta eri könagesö kambulelembe ketanan andöñe wu-atañğöget. 2 Mewö kagetka mianğoreñ uzikuku azi kunöñ kaba simin köla Jisösgö wösöñe geba kewö jiyök, “O Kembu, göñön sihimgan mem ölöwak niñgimangö mötzan ewö, mönö ni ölöp mem solanim niñgiman.”

3 Mewö jiiga böröñi böranda silenji misiriba jiyök, “Nöñön mi akñamgö mötzal. Gi mönö solaniman.” Mewö jiiga uzikukuñi mi mianğoreñök solanii ölöwahök. 4 *Solaniiga kewö jim kutum wañgiyök, “Mötnöñ, kianğö buzup keuñi mi kun kude jinöñ mötme. Qahöpmö, mönö jike nup galömgöreñ anda silegi kondel wañgiman aka Mosesgöreñ jimkutukutuñi wuatañğöba solani-zanañö saiwap nalukñi ala jöwöwöl ohoman. Mi ohonöñ ehiga ambazipnöñ könañamgi möt kutume.” Mewö.

Jisösnöñ suahö galöm kungö nup aziñi mem ölöwahök.

Luk 7.1-10

5 Jisösnöñ Kaperneam taonöñ kañgoriga Rom suahö galöm kunñan yangöreñ kaba köuluköba kewö jiyök, 6 “O Kembu, nöngö nup azinañö silenji likepñan kömukömuñi aiga sihimbölä kanjamñambuk möta mire ahöza.”

* 7:23: Sum 6.8 * 7:28: Mak 1.22; Luk 4.32 * 8:4: Lew 14.1-32

⁷ Mewö jiiga kewö jii mörök, “Nöñön mönö anda i mem ölöwakña.” ⁸ Mi möta kewö melenđa jiyök, “O Kembu, ni mewöröpñan malbiga nöngö miri boñan goalöñmapkö gamuni mötzal. Mianğöra keu jitkanök jinöñga welen azinan ölöwakña.

⁹ “Mi kewögöra: Ni nanak mewöyök galömnangö kukösum bapñe al niñgigetka maljal. Nöngö bapne yarö azi malgetka mi jim kutum engimakzal. Yeñgöreñök kungöra ‘Anman,’ jim kutubi yañön anma. Kungöra ‘Kanöñ,’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

¹⁰ Jisösnöñ keu mi möta welipköba ambazip wuatangöba kageri, yeñgöreñ lilingöba kewö jiyök, “Nöñön keu öñi kun kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaial.

¹¹ * “Nöñön keu kewö jibi mötme: Ambazip kambulelemenöñ mönö wehön kotkotñeyök aka wehön geñeyök kaba Suepkö bemtohoñ uruñe kañgota Abraham, Aisak aka Jeikob yembuk nene sösoñgai aka malme. ¹² *Yeñön mewö malmemö, bemtohoñgö nahönböraturup mi mönö engömosöta aköm engigetka pandamanöñ yaigep geme. Mianğöreñ malmei, yeñön mönö sahöt gigilahöba irimñini yöhözömgögetka qetñi qeri malme.”

¹³ Mewö jiba suahö galömgöra kewö jiyök, “Gi mönö mirige anman. Mötnaripkahö dop mönö asuhum gihima.” Mewö jiiga welen azinjan mönö aua mianğöreñök ölöwahök. Mewö.

Jisösnöñ kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴ Jisösnöñ Pitögö mire anda Pitögö suhunñan silekönöp kawöl yöhöi ahöiga ehök. ¹⁵ I eka böröñe misiriiga silekönöpñan mosöri wahöta könahiba Jisös nene ohoba gumohom wangiyök.

¹⁶ Mewö malgetka miri söñauiga mianğöreñ ambazipnöñ alaurupñini ömeñinambuk mi gwötpuk enguanğita yañgöreñ kaget. Kagetka ömewöröme mi keuñan jiba közöl engiiga kota anget aka kawöl ambazip pakpak mi mem ölöwak engiyök. ¹⁷ *Mewö mianñön Anutunöñ keuñi kezapqetok azi Aisaiagö uruñe ali jii ahözawi, mianñön öñjambuk ahök. Keu mi kewö, “Yañön mönö neñgö uzi kawölnini meiga qakñe öñgöiga bisiyök.” Mewö.

Jisös wuatangöbingö möndömöndö keuñi

Luk 9.57-62

¹⁸ Jisösnöñ ambazip kambu ketañi liliköm wangiget engeka nalö mianğöreñ gwarekurupñi yembuk o angö kutuba likep angotpingö jim kutuyök. ¹⁹ Köna keugö böhi kunñan Jisösgöreñ kaba kewö jii mörök, “Böhi, gi denike denike anmani, nöñön mönö mianğöreñ gi guatangöba kamam.”

²⁰ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön öngot jajöñini memba malakzemö, Suep gölmegö azi öññan mönö denike anda nöropñi wani qömböñnöñ nariba luhut membawak?”

²¹ Mewö jii gwarek yeñgöreñök kunöñ kewö jii mörök, “Mi ölöpmö, iwinan kömumangö aiga mutuk jinöñga anda galöm kölbö kömui löm kölbögun.” ²² Mewö jiyökmö, Jisösnöñ melenđa jiyök, “Mosötnöñ, köhömuñi yeñön qamötniñi köhömuñi mi ölop löm kölmemö, göñön mönö kaba ni nuatangöman.” Mewö.

Jisösnöñ jiiga raidimbom göröñ qeyök.

Mak 4.35-41; Luk 8.22-25

²³ Jisösnöñ anda wañge uruñe öñgöiga gwarekurupñan wuatangöba yambuk mothne anget. ²⁴ Angetka raidimbom ketañan ömtöröp (töröpñanök) o angönöñ asuhuba gilök. Giliga sirinöñ wañge uruñe geiga numbuñe qemangö ahökmö, Jisösnöñ gaun

* 8:11: Luk 13.29 * 8:12: Mat 22.13; 25.30; Luk 13.28 * 8:17: Ais 53.4

ahöyök. ²⁵ Gaun ahöiga gwarekurupñan anda möndöba jiget, “Hei Kembu, mönö bauköm nenjinöñ. Nini anğönöñ ayuhubingö akzin.”

²⁶ Mewö jigetka melenđa kewö jim enğiyök, “O inini mötnariñini morörökñi, mönö wuanöñgöra kenğöt mötmöt azia akze?” Mewö jiba wahöta luhut aka siri jim qetal etkiiga sirinöñ nöñ qeba ahöyök. ²⁷ Mewö aiga awöwöliba qesiba jiget, “Yei! Azi kia mönö denöwöñan malja. Yanñon mönö luhut aka köwet jim kutum etkiiga jitñi tem köl wanğizahot.” Mewö.

Ömenöñ bau uruñine gegetka azinöñ ölöwahot.

Mak 5.1-20; Luk 8.26-39

²⁸ Mewö asuhuiga o anğö kutuba likepñe Gadara yeñgö gölmenöñ anğorök. Mianğöreñ anğota azi ömenjirambuk yahöt yetkön qaksirinöhök kaba Jisös miwikñaiyohot. Yetkön irimsesewöl azi urukönöpñirambuk ahotka kunñan köna mianğöreñ anmamgö osiyök. ²⁹ Yetkön Jisös miwikñaiya silata kewö qet gigilahöyohot, “Aek! Gi Anutugö Nahönñi akzan. Gi mönö denöwö ak nenğimamgöra kazan? Sihimbölö mötmöt nalöñan qahö kam kuñguiga qeljiñe mi könöpñambuk ak nenğimamgö ki kazan me?”

³⁰ Mianğöreñök köröwen qahöpmö, kösutñine mianğöreñ bau kambu ketañi kun gwözözak uruñe kulunđa malget. ³¹ Mianğöra ömenöñ kewö jiba Jisös ulet wanğiget, “Göñon nini közöl nenğiman ewö, mönö melaim nenğinöñga ölop bau kambu miengö uruñine gebin.”

³² Ulet wanğigetka Jisösnöñ “Mönö anda geget,” jiba jim kutuyök. Mewö jim kutuiga mianğöreñök azi uruñireyök kota anda bau uruñine geget. Gegetka bau kambu körek yeñon mönö luhuba nembönembönöñ anda jororongöba o anğönöñ geba nemulahöba kömuget.

³³ Kömugetka bau galöm yeñon ölöñ unjurata taonöñ anda keu buzupñini pakpak jiget. Azi ömenjirambuk yetkoreñ yuai asuhuyöhi, mianğö buzupñi mewöyök jiget mötket. ³⁴ Jiget möta taon ambazip pakpak yeñon mosöta Jisös miwikñaiya ekingö kaget. Kaba eka Jisösnöñ yeñgö mindimindiri sel gölme mosöta anmapkö ulet wanğiget. Mewö.

9

Jisösnöñ azi sile likepñi kömukömuñi möhamğöyök.

Mak 2.1-12; Luk 5.17-26

¹ Jisösnöñ wanğe uruñe öñgöba kunbuk o anğö kutuba likepñe anğota nanñe taonöñ kayök. ² Nalö mianğöreñ azi tosatñan alanini sile likepñi kömukömuñi tumbulahöpnöñ ahöyöhi, mi kululunöñ ala anğuba kaget. Mewö kaba Anutu möt narim wanğigeri, Jisösnöñ yeñgö tandökñini mi ehi dop köliga kawöl azigöra kewö jiyök, “Nahöni, nöñon siñgisöndoki mosötzal. Mönö köhöiba ewebibigabuk saitñgit malman.”

³ Mewö jiiga Köna keugö böhi tosatñan kinda uruñinan kewö mötmöriget, “Azi kianñon mönö Anutu ilita mepaqepaik akza.”

⁴ Mewö mötmörigetmö, Jisösnöñ mötmötñini mi möt kutuba kewö jiyök, “Inini mönö wuanöñgöra keu bölöñi uruñinan mötmörize? ⁵ Nöñon ‘Siñgisöndoki mosötzal,’ jizali, keu mianñon mönö awamñanök jijiña. Kunñan mewö jiiga tosatñan keu mianğö ölni qahö ekñe. Mianğöra mi keu awamñanğö dop. Nöñon keu kun kewö jimamgö mötzal, ‘Mönö wahöta anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianñon mönö aukñe asuhui ekñe.

⁶ “Mötket, gölmenöñ siñgisöndok mosötmosötkö kukösumñi mi Suep gölmegö azi ölnanğöreñ ahözawi, inini mianğö könananğöra janjun malbepuk. Mianğöra keu lömbötñi mi azi kianğöra jibi ölni eket.” Mewö jiba azi sile likepñi kömukömuñanğö jeñe eka jiyök, “Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omanñi akawak?”

⁷ Mewö jiiga mianğöreñök wahöta miriñe anök. ⁸ Mewö asuhuiga ambazip kambu yeñön mi eka welipköba Anutu möpöseim wañgiget. Gölme azigöra kukösum mewöñi wañgiyöhañgöra Anutu möpöseiget. Mewö.

Jisösnöñ Matyu (Liwai) oholök.

Mak 2.13-17; Luk 5.27-32

⁹ Jisösnöñ mianğöreñök anda takis ofis oñgitmamgö aiga mianğöreñ azi qetñi Matyu tariga eka jii mörök, “Gi mönö nöñgö andöne kanöñ.” Mewö jii möta wahöta takis nup mosöta Jisösgö andöñe anök.

¹⁰ *Anda Matyugö mire anda nene namba tatkeri, nalö mianğöreñ takis meme azi tilipqilipñinambuk aka siñgisöndok azi gwötpukñan kaba Jisös aka yañgö gwarekurupñi yembuk tata nene mohotñe neget. ¹¹ Mewö negetka Farisi (Köna keugö kapañkölköl) yeñön mi eka Jisösgö gwarekurupñi kewö jim engiget, “Aek! Engö böhiñinan mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹² Mewö jim engigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak engimakzapmö, kawöl ambazipnöñ mönö doktagöreñ anakze. ¹³ *Nöñön siñgisöndok ambazip engoholmamgöra kaba maljalmö, ambazip nanñinañgö mötketka solanñi akzei, i qahö. Mianğöra keu kiangö könañi mönö anda kusum añguba mötme, ‘Nöñön jöwöwöl ohobingö qahöpmö, ak kömum añgubingö sihimñi mötzal.’” Mewö.

Nene siñgi malmalgö keuñi

Mak 2.18-22; Luk 5.33-39

¹⁴ Nalö mianğöreñ Jon O-melun azigö gwarekurupñi yeñön Jisösgöreñ kaba kewö qesiget, “Neñön aka Farisi (Köna keugö kapañkölköl) yeñön Anutugöra nene siñgi gwötpuk malahakzin. Nangi gwarekurupkan mönö wuanöñgöra nene siñgi qahö malje?”

¹⁵ Mewö qesigetka kewö meleñnök, “Ölña, nini wani nalönöñ nene siñgi malakzin? Ambi meme nalöñe azigö andöörupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön mianğöra aijölöñ söñgaiba tata siñgi malbingö osimakze. Osimakzemö, Anutunöñ noañgiri kömumbiga yeñön mönö nalö mianğöreñ ölop siñgi malakñe.

¹⁶ (“Inini malmal walñi aka sösongai Buña dölokñi mi mindirim etkibingö osime. Mianğö keu pasetñi mi kewö jibi mötket:) Löñgölöñgöt walñi jurariga kunöñ opo dölokñi qahö sañgonşañgonñi mitiba mianñön opo su jöhanñi qahö ala umğöreñgömakza. Opo su jöhanñi dölokñi mewöñan mönö waziba löñgölöñgöt walñi öröiga kunbuk tiñgiriga kinimñan qariba böliqölibapuk.

¹⁷ “Mewöñanök kunöñ wain o dölokñi mi jobö me toru walñi lama silenjan memenji mianğöreñ qahö kusuiga gemakza. Mewö akawak ewö, wain o dölokñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Mianğöra wain o dölokñi mi toru dölokñeyök mokoin geiga dop köлма. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, mianñön mönö jula kisipisirik eriga namba kawöl nengöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölokñi mi mindirim etkibingö osime.) Mewö.”

Jairusnöñ böratñangöra Jisös köuluköyök.

Mak 5.21-43; Luk 8.40-56

¹⁸ Jisösnöñ keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöñgö böratnan mönö döлки kömuzapmö, mönö kaba

* 9:10: Luk 15.1-2 * 9:13: Mat 12.7; Hos 6.6

börögan sileje misirinönga guliba toroqeba malma.” ¹⁹ Köuluköm waŋgiiga wahöta gwarekurupŋi yembuk i wuatangöba anget.

Kawöl ambi kunöŋ Jisösgö malukuŋi misiriyök.

²⁰ Angetka miangöreŋ sutŋine ambi kun malök. Yaŋön (yara) yambu 12 miangö dop köiŋnöŋ ehiga nalö dop kawöl yöhöiga malök. Ambi mianön Jisösgö andöŋe kaba malukuŋangö kitip suŋi misiriyök. ²¹ Mi misiriba nanŋangöra kewö jiyök, “Nöŋön i oseimangö möt lömböriba malukuŋeyök borom kun misiribileŋak ewö, mönö ölop ölöwakŋam.”

²² Mewö jiba misiriiga Jisösnöŋ miangöreŋök lilingöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitŋgit malman.” Mewö jii möta aua miangöreŋök ölöwahök.

Jisösnöŋ Jairusgö böratŋi mem guliyök.

²³ Toroqeba angetka Jisösnöŋ keu galömŋangö mire öngöba ambazip jingŋe köla awölop ugeri aka ambazip kambu göju gilgeri, mi eŋgeka kewö jim kutum eŋgiyök, ²⁴ “Mönö yaigep anget. Ambi moröŋan qahö kömuzapmö, gaunök ahöza.” Mewö jim kutum eŋgiiga mötketka gönahit ewö aiga gön köl waŋgiget.

²⁵ Gön köl waŋgigetmö, ambazip kambu ketani mi jiiga yaigep angetka ambi moröŋangö ahöahö miri uruŋe öngöba böröŋe meiga wahörök. ²⁶ Wahöriga miangö buzup keuŋan sehiba mindimindiri sel mi körek dop köla anök. Mewö.

Jisösnöŋ jegömöl azi yahöt mem ölöwak etkiyök.

²⁷ Jisösnöŋ miri gölme mi mosöta anmamgö ani jegömöl azi yahötŋan wuatangöba andöŋe kaba kewö qerohot, “Deiwickö gwölönarökŋi, gi mönö ak kömum netkiman.”

²⁸ Mewö qerohotka miri kungö uruŋe öngöiga jegömöl azi yetköŋ Jisösgöreŋ kayohotka kewö qesim etkiyök, “Jeŋiri mem tohomangö kukösumŋi nöngöreŋ ahözawi, mi möt narizahot me qahö?” Qesim etkiiga kewö melen waŋgiyohot, “Kembuniri, mi ölop möt narizit.” ²⁹ Mewö melen waŋgiyohotka je dapötŋire misiriba jiyök, “Mötnaripŋirangö dop mönö asuhuma.”

³⁰ Mewö jiiga jeŋiran tohoyök. Mewö asuhuiga galöm meme keu köhöikŋi al etkiba kewö jiyök, “Mörohot, kiangö buzupŋi mi kun kude jiyohot mötme.” ³¹ Mewö jiyökmö, yetköŋ mosöta anda miangö buzupŋi jim sehiyohotka mindimindiri sel mi körek dop kölok. Mewö.

Jisösnöŋ mötök azi kungö keuŋi möhamgöyök.

³² Jeŋiri tohoi anohotka töŋöt azi keu jijiŋi qahö mi waŋgita Jisösgöreŋ kaget. ³³ Kagetka Jisösnöŋ ömeŋi közöli mötök azinöŋ keu jiiga ambazip kambu yeŋön mi eka welipköba jiget, “Tandök kewöŋi mi Israel uruŋe mönöwök nalö kungen qahö ehin. Qahö. Dölki je murutŋa ekzin.”

³⁴ *Mewö jigetmö, Farisi (Köna keugö kapaŋkölköl) yeŋön jiget, “Yaŋön mönö öme yeŋö kembuŋinangö ösumnöŋ ömewöröme eŋguatangömakza.” Mewö.

Jisösnöŋ könagesö yeŋgö wösöŋi mörök.

³⁵ *Jisösnöŋ anda miri aka taon dop liliköba ambazip köuluk miriŋine kusum eŋgiba bemtohongö Ölöwak Buŋa jim asariba mianön uruŋini kuŋguba uzi kawöl aka jepajerepe könaŋi könaŋi mem ölöwak eŋgiba malök. ³⁶ *Mewö mala ambazip kambuŋi kambuŋi eŋgehiga lama galömŋini qahö tandök simbisembel aka ilingösöŋ qeŋgalaŋga malgetka yeŋgöra wösöŋi mörök.

* **9:34:** Mat 10.25; 12.24; Mak 3.22; Luk 11.15
22.17; 2 Hist 18.16; Eze 34.5; Mak 6.34

* **9:35:** Mat 4.23; Mak 1.39; Luk 4.44

* **9:36:** Jan 27.17; 1 Kin

³⁷ *Mewö engekka gwarekurupni kewö jii mötket, “Anutugö nupnön nene ölni gwötpuk öliba ahözapmō, mi tokobingö nup meme ambazipnön mönō awamdökni malje. ³⁸ Miangöra nene öliölinangö Kembujan nup meme ambazip melaim engimapkōra mönō köulukōba malme. Köulukōm wangetka nup ambazip asuhaba ölni mi mem tokome.” Mewö.

10

Aposol 12 yengö qetjini *Mak 3.13-19; Luk 6.12-16*

¹ Jisösnön gwarekurupni 12 engoholi yangören kagetka ömewöröme közöl engimegö kukösumni al engiyök. Mewöyök uzi kawöl qemjem-mamjen könañi könañi mem ölöwaknegö kukösumni al engiyök. ² Melaimelai azi aposol 12 miengö qetjini kewö: mutukni yanön Saimon, qetni kun Pitö qetket aka yangö munni Andru. Miangö andöñe Jeims aka munni Jon, iwiñiri qetni Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönni aka Lebeus qetni kun Tadius, ⁴ Saimon Zelot-politik azia * aka Judas Iskariot. Kariot azi mianön könanjen Jisös mamalolo mem wangetka.

Jisösnön gwarekurupni 12 melaim engiyök. *Mak 6.7-13; Luk 9.1-6*

⁵ Jisösnön azi 12 mi melaim engiba kewö jim kutum engiba jiyök, “Inini kian kantrigö ambazip yengören kude anme. Mewöyök Samaria prowins yengö taonñini kunön kude anme. ⁶ Miangören kude anmemö, Israel könagesögö lama sohogeri, mönö yengören anme. Mi nup mutukni. ⁷ *Denike denike anmei, miangören mönö Buña keu kewö jiba jim asarime, ‘Suepkö bemtohojan mönö dowe kazawa miangö uruñe angotme.’

⁸ “Ambazip kawölñinambuk mönö mem ölöwak engiba kömukömuñi mi mem gulim engiba malme. Uzikuku ambazip mönö mem solanim engigetka öme wöröme közöl engiba malme. Anutunön yuai kalema engiyöhi, mi mönö toroqeba kalema engiba malme.

⁹ “Köna anmeangöra soujeni goul me silwö me ain kopönön memenji mi mönö irimuñganine kude jöhöme. ¹⁰ *Ambazipnön nup meme ambazip malmalñini nangömeangö dop akze. Miangöra köna anmeangö yuaini ki mi kude memba anme: gösö qahö, maluku semönñi qahöpmö, mohot meme, köna esu qahö, öröp qahö.

¹¹ “Anda taon me miri denike denike angotmei, miangören mönö danön azi ipni qetbuñanambuk akzawi, miangöra qesigetka miri engimei, mönö miangörenök mala nup memba taon mi mosöta köna anme. ¹² Miri kunön öngöba luainön yembuk ahömapkö jime. ¹³ Mi jigetka luainini anön kölmeangö dop akze ewö, luaininan mönö yengö qakñine öngömappmö, mi anön kölmeangö dop qahö akze ewö, luaininan mönö lilingöba nanñine kama.

¹⁴ * “Anda mala miri kunön angotketka qahö köl öröm engiba keunini qahö mötketka nesampurekñini mönö kewö jiba kondel engime, ‘Nini engö gölmenön kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jiba ölop miri me taon mi mosöta toroqeba anme. ¹⁵ *Nönön keu ölni kun kewö jibi mötme: Anutunön nalö ketane qemasolokepñinangö likepni meleni taon miangö qakñe öngömawi, dop mianön mönö Sodom aka Gomora gölme yengö dop ongita toroqem engima.” (Sodom Gomora yanön bölöñi kanjamñambuk memba uruñini qahö melengetka Anutunön könöpnön könden engiyök.) Mewö.

* **9:37:** Luk 10.2 * **10:4:** Nesönöl pati Zelot yanön Rom gawman tuarenjon aka nanñine kinkin mbingöra tuaköpek memba malget. * **10:7:** Luk 10.4-12 * **10:10:** 1 Kor 9.14; 1 Tim 5.18 * **10:14:** Apo 13.51 * **10:15:** Mat 11.24; Jen 19.24-28

Anda nup megetka sesewerowero asuhuma.

Mak 13.9-13; Luk 21.12-17

16 **“Mötket, lama yeñön aröknañgö kiam kalñi yeñgö sutñine gegetka luhuba eñgöhöbepuk, nöñön inini miangö tandök ewö melaim eñgibi anme. Miangöra mönö mokoleñ † ewö mötkutukutu qakñe galöm mem añguba mala kembö ewö ambazip böñjöñi köpösihitkö keuñini qahö malme. 17 *Ambazipnöñ inini öröba keu jakeñine al eñgiba köuluk miriñine keu nupñini memba ihilek wahiñambuknöñ tauköm eñgime. Miangöra ambazip mewöñi yeñgöra mönö galöm mem añguba malme.*

18 *“Tosatñan nöñgöra aka eñguañgiketka kantriñi kantriñi yeñgö kiñ kembu aka premiö yeñgö jemesoholñine kinme. Mewö kinda nöñgö könañamni nañgöba jigetka azi ipñi mi aka kian kantri könañesö yeñön mi mötme. 19 Mi mötmemö, keu jakeñe al eñgigetka kinmei, nalö miangöreñ wani keuya denöwö jibinak, miangö waimañjatñi kude mötme. Keu jimei, mi Uña Töröñan aua miangöreñök eñgima. 20 Nanñine uruñineyök keu kude jimemö, Iwiñinañgö Uña Töröñan mönö uruñini sölölohöiga keu jime.*

21 *“Urumeleñgö kopa kunöñ darumunñan uruñi meleñnö-hañgöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamurupñini qetal eñgiba jigetka eñguget kömume. 22 *Nöñgö qetnañgöra aka kantriñi kantriñi yeñön körek kazik al eñgigetka malmemö, kunñan kapañ köla nalö tekömawañgö dop köhöiba böñ qeba kinmawi, yañön mönö oyaenköyaen buña qem añguma.*

23 *“Taon kunöñ sesewerowero ak eñgime, mi mönö kök ala taon kunñan anme. Nöñön keu ölni kun kewö jibi mötme: Inini Israel taonñi taonñi qahö liliköm tekögetka Suep gölmegö azi ölnan mönö liliñgöba kama. 24 *Gwarek kunñan böhiñi oñgita mötmötñambuk qahö akza aka welenqege kunñan ketañamñi oñgita nupkö mötmöt qahö memba malja.*

25 *“Gwareknöñ böhiñi ewö mötmötñambuk aiga dop köлма aka welenqegeñöñ ketañamñi ewö nupkö mötmöt memba maliga dop köлма. Miri uruñi kungö saiwa galömñi jim böliba qetñi Katakömulat ‡ qetket ewö, yañgö saiwaurupñi yeñgö qetñini mönö amqeba awamñanök mewö qerakñe.” Mewö.*

Dagöra keñgötñini mötketka dop köлма?

Luk 12.2-7

26 *“Ambazipnöñ yuai önun meget ahözawi, mi pakpak mönö lulungetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. Miangöra ambazip yeñgöra keñgötñini kude möta malme. 27 Nöñön keu söñaupnöñ ölöñ jimami, mi mönö asakñe jime. Keu sañep algetka kezapñine gei mötmei, mi mönö sombemnöñ aukñe jime. Miangöra mönö keuñinañgö galöm memba malme.”*

Dagöra keñgötñini möringa dop köлма.

28 *“Tosatñan sileñini qem kömumbeakmö, uñañini qem kömumbingö osime, yeñgöra keñgötñini kude möta malme. Mi qahöpmö, yuai mutukñi ki: Kunñan kukösum memba uña aka sile mohot ayuhum etkiiga könöp sianöñ gemahori, yañgöra mönö keñgötñini möta malme. 29 Tosatñan bekösöm (jöröröm, ulisit) yahöt moneñ kötni mohot-töpnöñ söñgöröñi memegöra alakzemö, etkerigetka Iwiñinan oñ qahö jiiga yetköreñök mohotnöñ gölmenöñ qahö etma.*

* **10:16:** Luk 10.3 † **10:16:** Mokoleñ aka raskol yeñön aukñe bim qegetka zilañ miwikñaiba jöhöm eñgibeak. Miangö dop lömböribapuköra gwarek neñön maslim, komyunist aka tosatñi yeñgö sutñine qetnini misinari mi aukñe qahö jimakzin. Mötkutukutu mi ölöpñi. * **10:17:** Mak 13.9-11; Luk 12.11-12; 21.12-15 * **10:21:** Mak 13.12; Luk 21.16 * **10:22:** Mat 24.9, 13; Mak 13.13; Luk 21.17 * **10:24:** Luk 6.40; Jon 13.16; 15.20 * **10:25:** Mat 9.34; 12.24; Mak 3.22; Luk 11.15 ‡ **10:25:** Juda yeñgöreñ Katakömulat qetñi Belzebul. Mi ömewöröme yeñgö ketañamñini. Matyu 9.34 miangöreñ Jisösgöra qet bölöñi mi qetket. Miangö dop Jisösgö alaurupñi neñgöra qet bölöñi könañi könañi qerakñe. * **10:26:** Mak 4.22; Luk 8.17

³⁰ “Anutunöŋ köyan köl enŋiba nörop juŋŋini pakpak mewöyök oyoŋ teköba jaŋgöŋini mötza. ³¹ Ambazip enŋö söŋgöroŋini mi bekösöm ulisit gwötpuk enŋoŋgita öŋgöŋöŋi akza. Mianŋöra kenŋötŋini mönö kude möta malme.” Mewö.

Kraist jim miwikŋaime me qaŋ kölme?

Luk 12.8-9

³² “Mewö aiga kunŋan ni ambazip jeŋine jim miwikŋaim niŋimawi, nöŋön mönö mewöŋanök i Iwini Suep mire maljawanŋö jeŋe jim miwikŋaimam. ³³ *Mewömö, kunŋan ni ambazip jeŋine qaŋ köl niŋimawi, nöŋön mönö mewöŋanök Iwini Suep mire maljawanŋö jeŋe qaŋ köl mam.” Mewö.

Jisösgöra luai qahöpmö, kazik asuhuma.

Luk 12.51-53; Luk 14.26-27

³⁴ Jisösnöŋ toroqeba kewö jiyök, “Kewö kude mötmörime: Jisösnöŋ luai qemamgöra aka gölmenöŋ erök. Nöŋön luai qemamgöra qahöpmö, nöŋgöra aka jula denŋetka bimgö sou ketaŋan aume.

³⁵ * “Mi kewögöra jizal: Nöŋgö Buŋa keunan ambazip uruŋini kuŋgui melenŋeranŋöra kewö asuhuma, ‘Iwi morö yetköŋ jula kerök-kerök ahotka nam morö yetköŋ tötal aŋguyohotka iranŋan iranŋi qetala julmahot. ³⁶ Ambazip nanŋini saiwauruŋinan mönö kerökurupŋini akŋe.’

³⁷ “Kunŋan ni göragöra al niŋgiba iwiŋi me namŋi jeŋep ala jöpakömawi, yaŋön mönö nöŋgöreŋ qahö dop kölma. Kunŋan ni göragöra al niŋgiba nahönŋi me böratŋi jeŋepŋe ala jöpakömawi, yaŋön mönö nöŋgöreŋ qahö dop kölma. ³⁸ *Sisitŋini megetka kunŋan ni nuatanŋöba sihimbölä möta maripomnöŋ kömumamgö qahö jöjörömawi, yaŋön mönö nöŋgöreŋ qahö dop kölma.

³⁹ * “Kunŋan nanŋi malmal siyoŋsayoŋi qahö mi miwikŋaimawi, yaŋgö malmalŋan mönö sohoma. Kunŋan nöŋgöra aka malmalŋi köleŋniga sohomawi, yaŋön mönö oyaenŋoyaen malmal miwikŋaima.” Mewö.

Anutunöŋ nupŋinanŋö töwaŋi enŋima.

Mak 9.41

⁴⁰ * Jisösnöŋ jiyök, “Kunŋan iŋini miriŋe köl öröba köyan köl enŋimawi, yaŋön mönö ni köl öröm niŋgima. Kunŋan ni köl öröm niŋimawi, yaŋön melaim niŋgiyöhi, mönö i miriŋe köl öröm waŋgima. ⁴¹ Kunŋan kezapqetok ambazip kun kezapqetok nupŋanŋöra aka miriŋe köl öröba köyan köl mawi, yaŋön mönö kezapqetok ambazipkö töwaŋi buŋa qem aŋguma. Kunŋan ambazip solanŋi kun solanŋi akzawanŋöra aka miriŋe köl öröba köyan köl mawi, yaŋön mönö ambazip solanŋanŋö töwaŋi buŋa qem aŋguma.

⁴² “Kunŋan morö kienŋöreŋök kungöra nöŋgö gwarekni akzawanŋöra aka o amöŋni qambiŋambuk nemapköra waŋgimawi, Anutunöŋ mönö mianŋö töwaŋi melenŋa waŋgima. Nöŋön keu ölni kun kewö jibi mötme: Nanŋöm enŋime, mienŋön mönö töwa meme.” Mewö.

11

Jongö gwarekyahötŋi Jisösgöreŋ kayohot.

Luk 7.18-35

¹ Jisösnöŋ gwarekurupŋi 12 keu mewö kusum enŋii teköiga miri mi mosöta toroqeba Galili prowinsgö taon tosatŋe anda Buŋa keu kusum enŋiba mianŋön uruŋini kuŋguba malök.

² Nalö mianŋöreŋ Jon O-melun azinöŋ kösö mire tata Kraistnöŋ nup mewö meyöhi, mi möta gwarekyahötŋi melaim etkii Jisösgöreŋ anohot. ³ Kewö qesim waŋgimahotköra

* **10:33:** 2 Tim 2.12 * **10:35:** Mai 7.6 * **10:38:** Mat 16.24; Mak 8.34; Luk 9.23 * **10:39:** Mat 16.25; Mak 8.35; Luk 9.24; 17.33; Jon 12.25 * **10:40:** Mak 9.37; Luk 9.48; 10.16; Jon 13.20

melaim etkii anda jiyohot, “Mem ölöwak azi kamapköra mambörakzini, göjön mia akzan me azi kun bian kamapköra mambötpin?”

⁴ Mewö qesim wanjiyohotka kewö melenök, “Yuai eka mötzahori, miangö kösohotni mönö anda Jon kewö jiyohot mötma: ⁵ *Jegömöl yejön jeñini uba eketka lokon yejön köna anda kagetka uzikuku yejön solanigetka kezapduhup yejön keu mötketka kömuget yejön guliba wahötketka etqegeñi yeñgöra Ölöwak Buña jim asaribiga mörakze. ⁶ Mewö asuhui eketka kungö uruñan qahö bölii andö nuñgumawi, yañön mönö simbawoñ akza.”

⁷ Mewö jiiga Jongö gwarek yetkөн anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölñe miangöreñ wania ekingöra anget? Luhutnöñ jehot uwutapköba metali anjañbanjañ ahakzawi, inini azi mewöñi ekingöra anget me? ⁸ Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini eksi-himñinambuk löngörakzei, mienön mönö kiñ yeñgö jakömbuak miriñine malje. Mi gölme qararañkölkölñe qahö.

⁹ “Me wanat yuaia ekingöra anget? Kezapqetok azi kun ekingöra me? Ölna, nöjön kewö jibi mötket: Azi ekeri, yañön mönö kezapqetok ambazip pakpak engongita tandökñi kun akza. ¹⁰ *Yañgö könañi mi mönöwök kewö ohoget ahöza, ‘Mötnöñ, nöjön kolekni garata kun melaibiga qeljiñe anda ambazip uruñini mindingöba göhö könañi mesariga göjön mönö yañgö andöñe gölmenöñ emu geman.’

¹¹ “Keu mewö ahözapmö, nöjön keu ölni kun kewö jibi mötket: Ambinöhök morö pakpak asuhugeri, yeñgö sutñine Jonöñ mönö körek engongita qetbunañambuk kinja. Kinjapmö, Suepkö bemtohoñ uruñe angota Anutugö qetbunañi miwikñaimakzei, yeñgö sutñine eretñi kondikñi yañön mönö Jon ongitza.

¹² * “Jon O-melun azinöñ Buña keu jiiga nalö miangöreñök könahiba Suepkö bemtohoñi könöpnambuk tuarenjoñ aka yarö gilakzemö, töndup ösumñan anda qarimakza. Könöpnambuk yarö gilakzeañön mönö bemtohoñ mi nanninañgöra öröba buña qem angumakze. ¹³ Bemtohoñgö könañi mi Mosesgöreñ Köna keunöñ aka kezapqetok ambazip körek yeñgö Buzup Kimbiñine ohogetka oyoñda mala koringa Jonöñ asuhuba ölni aukñe indelök. ¹⁴ *Keu ki möt angön kölböngö mötze ewö, Elaija (Elia) asuhumawañgö dop ahöhi, Jonöñ mönö mia akza. ¹⁵ Kunñan urukezapñambuk maljawi, yañön mönö keu mi kezap ala möt kutuma.

¹⁶ “Ambazip merak gölmenöñ maljei, mi mönö wanatpuk dop al engibileñak? Yejön namande ewö akze. Mienön maket sombemnöñ tata keu gön gila lañ qeta kewö jimakze, ¹⁷ ‘Nini awölop uinga inini liñet gwawet qahö unduget. Nini jinjeñ kölinga inini qahö toroqeba sahötket.’

¹⁸ “Miangö könañi kewö: Jon O-melun azinöñ kaba nene siñgi mala wain o qahö neiga yañgöra jimakze, ‘Öme kunöñ uruñe geiga malja.’

¹⁹ “Suep gölmegö azi ölnan kaba nene nem söngaip aiga yañgöra kewö jimakze, ‘Mötket, yañön bau numbu tandök közöjeriba wain o gwötpuk namba takis tilipqilipñinambuk aka bölöñi meme yeñgö alañina malja!’ Anutugö mötkutukutu köl gulimakzei, yeñgö ahakmemeninañgö ölnan mönö mötkutukutu-ñinan dop köljawi, mi kondelakza.” Mewö.

Jisösnöñ taon 3 yeñgöra Yei wösöbirik! jiyök.

Luk 10.12-15

²⁰ Miangö andöñe Jisösnöñ könahiba taon tosatñi tembul engiyök. Taon tosatñi miangöreñ angöletotñi kukösumñinambuk sehisehiñi meiga asuhugetmö, töndup uruñini qahö melenget. Miangöra i tembula kewö jim engiyök, ²¹ * “O Korazin toñi, nöjön

* **11:5:** Ais 35.5-6; 61.1 * **11:10:** Mal 3.1 * **11:12:** Luk 16.16 * **11:14:** Mal 4.5; Mat 17.10-13; Mak 9.11-13

* **11:21:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4

engöra Yei! jiba sahötzal aka Betsaida toni, engöra mewöyök Yei! jiba sahötzal. Nöjön yengören anbiga keuni jibi sösönihii angöletotni kukösumñinambuk asuhugetmö, uruñini töndup qahö melenget. Angöletot mi kian gölmenöñ Taiö aka Saidon sitinöñ asuhubeak ewö, yeñön mönö nalö köröpñi uruñini melenbingö kaisöpsöpñi kondela dodohonöñ angömiriba kau ariba sahötpeak.

²² “Sahötpeakmö, nöjön kewö jibi mötme: Anutunöñ könañgep Korazin aka Betsaida yengö keuñini jim teköba likepñi meleni sihimbölö mötmei, nalö ketanji mianjören mi mönö Taiö aka Saidon yengö sihimbölö dopñi ongita mötme.

²³ * “Aka Kaperneam toni, Anutunöñ inini ölop mem wahöt engii Suep mire öngöbeak me qahöpto? Qahöpmaöp! Inini mönö kömupkö senjom mire kölölohoba geme. Nöjön yengören anbiga keuni jibi sösönii angöletotni kukösumñinambuk asuhugetmö, uruñini töndup qahö melenget. Angöletot mi Sodom taonöñ asuhubeak ewö, taon mianjöñ mönö nalö kewöñe mewöyök toroqeba kinbawak.

²⁴ * “Kinbawakmö, nöjön kewö jibi mötme: Anutunöñ könañgep Kaperneam engö keuñini jim teköba likepñi meleni sihimbölö mötmei, nalö ketanji mianjören mi mönö Sodom gölme yengö sihimbölö dopñi ongita mötme.” Mewö.

Lömbötñinambuk enjöñ mönö nöngören kaba luhut meget.

Luk 10.21-22

²⁵ Nalö mianjören Jisösnöñ keu kewö jiyök, “O Iwini, göjön Buña keugi mötkutukutu ambazip mötmöt ketanji megeri, yengören asambötnöñmö, ambazip nahönbörat ewö nanñinañgöra mötketka gukmaulem akzei, mi mönö yengören indelnöñga möt asarize. Mianjöra nöjön Suep gölmegö Kembuñi gi möpöseim gihizal. ²⁶ O Iwini, gi nangak mewö asuhumapköra mötnöñ dop köli ölöwahök.

²⁷ * “Iwinan mönö yuai pakpak jim kutuiga nöngö buñaya ahök. Iwinan Nahönñangö könañi nanñök möt yaköiga kunöñ mi qahö mötza. Mewöyök Nahönñan Iwinangö könañi möt yaköiga kunñan mi qahö mötza. Mewöyök kunñan Iwinangö könañi qahö möt yaköiga Nahönñanök mi mötza aka ambazip möwölöhöm engiba yengöra mi indelmawi, yeñön mönö Iwi möt wañgime.

²⁸ “Nup memba urulömbötñinambuk maljei, inini mönö körek nöngören kagetka uru-awam engibi luhut meme. ²⁹ * Nöngö temni mönö awötñine ala angugetka Buñani kusum engibi mi möt soroköba malme. Nöjön uruni memba et ala guñböñjönjöñ azia akzalanjöra ölop uruawam engibi luhut miwikñaime. ³⁰ Nöngö temni meget anguinga dopñine akza aiga lömböt engibi bisimei, mianjöñ mönö awamñi akza.” Mewö.

12

Jisösnöñ Sabat kendongö Kembuñi akza.

Mak 2.23-28; Luk 6.1-5

¹ * Mianjö andöñe Sabat kendon kunöñ Jisösnöñ wit padi nup köröñi ketanji kutuba anök. Aniga gwarekrupñan wösöñini enguiga wit ölni mohot mohot könahiba böronñinan misiba neget. ² Negetmö, Farisi (Köna keugö kapañkölköl) tosatñan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme sonjöñi ongitze?”

³ * Mewö jigetka kewö melenök, “Kin Deiwidnöñ yarö aziurupñi yembuk liliköba wösöñini enguiga yuai akeri, mi lök oyonget me qahö? ⁴ * Yanjöñ mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yanjöñ aka yanjö sunjgurumurupñan mi nembepuköra sonjö

* **11:23:** Ais 14.13-15; Jen 19.24-28 * **11:24:** Mat 10.15; Luk 10.12 * **11:27:** Jon 3.35; 1.18; 10.15 * **11:29:** Jer 6.16 * **12:1:** Dut 23.25 * **12:3:** 1 Sml 21.1-6 * **12:4:** Lew 24.9

ahöyökmö, mi töndup neget. ⁵ *Mewöñanök jike nup galöm yeñön Sabat kendonöñ jöwöwöl jikenöñ kinda nup memba nup memegö soñgoñi oñgita töndup keuñinambuk qahö ahakze. Keu mi Köna keunöñ oyonget me qahö?

⁶ “Mi oyonget, mewö mötzalmö, nöñön kewö jibi mötme: Ki kinjawi, yañön mönö jöwöwöl jike oñgita öngöñgöñi akza. ⁷ *Buña Kimbigö keu kun kewö ahöza, ‘Nöñön jöwöwöl ohomegöra qahöpmö, sutñine ak kömum añgumegöra mötzal.’ Inini keu miangö könañi mötpeak ewö, ambazip pinjtkö keunini qahö neñgö keunini mönö lañ qahö jim teköbeak.

⁸ “Mi kewögöra jizal: Suep gölmegö azi ölnan mönö Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mak 3.1-6; Luk 6.6-11

⁹ Jisösnöñ miri mi mosöta köuluk miriñine öngöyök. ¹⁰ Miangöreñ azi böröñi sosoholiñi kun tarök. Ambazipnöñ Jisös keu jakeñe al wañgibingöra kewö qesim wañgiget, “Azi Sabat kendonöñ möhamgöba Köna keu oñgitpin me qahö?”

¹¹ *Qesim wañgigetka kewö melenök, “Eñgöreñök dañön kewö akza: Azi kungö lamanñi mohok-kunñan Sabat kendonöñ lömnöñ gema ewö, yañön mi qahö memba öröiga kotma?”

¹² Azigö bohonñan mönö lamagö bohonñi gwötpuk oñgitzawi, mönö mi mötmörime. Miangöra Sabat kendonöñ nup ölöpnöñ memba mewö Köna keu qahö oñgitpin.”

¹³ Mewö melenä azi miangö jiyök, “Gi mönö börögi qötöteinöñ.” Mewö jüiga qötöteiiga mutuk ahöhi, miangö dop ölöwaka böröñi alañangö dop ahök. ¹⁴ Mewö asuhuiga Farisi (Köna keugö kapañkölköl) yeñön yaigep anda totoko ala Jisös denöwö aka qein kömumapkö keu jim jaruget. Mewö.

Anutugö nup meme azi tök-kutukutuñi kewö:

¹⁵ Jisösnöñ keuñini mi ek kutuba miangöreñök miri mi mosöta kungen anök. Aniga gwötpukñan yañgö andöñe wuatangöba angetka yeñgö sutñine kawöl ambazip pakpak mem ölöwak eñgiyök. ¹⁶ Mi mem ölöwak eñgiba könañi aukñe jibepüköra köhöikñanök qetal eñgiyök. ¹⁷ Mewö aiga Anutunöñ kezapqetok azi Aisaia sölölohöiga keu kun jiyöhi, miangön mönö mewö ölnambuk ahök. Keu mi kewö jii ahöza,

¹⁸ * “Eket, ki mönö nöñgö nup azini aiga i möwölöhöm wañgial. Nöñön wölböt alani yañgöra mötppi ölöwahiga urunan yañgöra söngaimakzal. Nöñön Uñani Töröñi yañgö uruñi dop kölmapköra melaibi geiga yañön keu diñdianök jim tekömakzalañgö Buñañi indela jim sehiiga kantriñi kantriñi yeñgöreñ anma.

¹⁹ Yañön añgururuk qahö aka keu töhöreñ qahö qerakña. Ambazip kunñan yañgö qet kourukñi mi rowoñqeqe könanöñ qahö mötma.

²⁰ Jehot qölökögeri, yañön mi qahö qesiñma. * Lambegö wikñan jem kutuba sanjöp aiga bölamñan jem bökbök ahakzawi, yañön mönö mi qahö qömbököma. Mewö nupñi memba ambazipnöñ keu diñdini wuatangömegöra bim qeba maliga keu miangön luhut aliga köirañ alme.

²¹ Kantriñi kantriñi yeñön mönö yañön bauköm eñgimapköra mamböta jörömqörömñini yañgö qetñe ala malme.” Mewö.

Jisösnöñ öme yeñgö ösumñini oñgita qei etza.

Mak 3.20-30; Luk 11.14-23

²² Ömenöñ azi kun töñöt aka numbuñi jöhöiga jeñan gömölii mötök malöhi, mi wañgita Jisösgöreñ kaget. Jisösnöñ i mem ölöwahiga ömenan kota mosöri nesilamñan lolohoiga

* **12:5:** Jañ 28.9-10 * **12:7:** Mat 9.13; Hos 6.6 * **12:11:** Luk 14.5 * **12:18:** Ais 42.1-4 * **12:20:** Jehot aka lambegö wikñi mi ambazipköra jiza. Ambazipnöñ kun qeba jañgauranga ak wañgigetka mötnariñan pömsöm qemapkö akzawi, Jisösnöñ i mem ölöwakña.

kunbuk keu jiba uba ehök. ²³ Uba ehiga ambazip kambu pakpak yeñon mi eka auruba Jisösgöra jiget, “Azi kianon mönö Deiwidkö gwölönarökni akza me?”

²⁴ *Mewö jigetmö, Farisi (Köna keugö kapankölköl) yeñon mi möta kewö jiget, “Azi kianon kungö ösumnöñ qahöpmö, öme yeñgö Kembunini Katakömulat yangö ösumnöñ ömewöröme enjuatanömakza.”

²⁵ Mewö jigetmö, Jisösnöñ urumötmötñini möt teköba kewö jii mötket, “Kantri denike yeñgö galömurupñinan sutñine anjururuk aka julmei, yeñon mönö ayuhum anjugetka kantrininan böliba sahopñanök aka qeqelanlan ahöma. Mewöyök siti me miri kungö könagesö yeñon sutñine anjururuk aka julmei, yeñon mönö galömkölköl nupñini memba kinbingö osime.

²⁶ “Mötket, Satanöñ mönö alañi Satan kun wuatanögbawak ewö, yeñon mönö sutñine anjururuk aka julbeak. Mewö aiga gawman nupñini mendingö osigetka ömetohoninan mönö denöwö kinbawak?”

²⁷ “Mötket, nöñon Katakömulatkö ösumnöñ ömewöröme közöl engibileñak ewö, engö alaurupñinan mönö dagö ösumnöñ mi közöl engibeak? Miangöra yeñon mönö keunini ölni me qahö, mi kewöta jim teköme. † ²⁸ Mi jim tekömemö, Anutugö ösumñan nöñgö böro kesötni sölölohöi öme enjuatanömakzal ewö, Anutugö bem-tohonan mönö engören kam kunguza. ²⁹ Kunñan azi köhöikñangö köna böroni mutuk qahö jöhöma ewö, yanon mönö denöwö miriñe öngöba qezanda sukinapñi membawak? Mutuk i jöhöi tarigun mönö ölop miriñeyök öroyuaiñi pakpak wangita memba anma. (Miangö dop nöñon mewöyök Satan jöhöba andöñe ömeñi enjuatanömakzal.)

³⁰ * “Kunñan nömbuk qahö maljawi, yanon mönö qetal ningim�akza. Kunñan ambazip nöñgö qetne tokomegöra qahö örom engim�akzawi, yanon mönö menden engim�akza. ³¹ Miangöra nöñon keu kun kewö jibi mötme: Ambazip singisöndok aka mepaqepaik pakpak ahakzei, mi Anutunöñ ölop mosörakzäpmö, kunñan Uña Töroni ilita mepaikömawi, miangö singisöndokni Anutunöñ mönö nalö kunöñ qahö mosötma. Sauban!

³² * “Kunñan Sup gölmegö azi ölni qetala keu jima ewö, Anutunöñ mi ölop mosötmapmö, kunñan Uña Töroni qetala keu yuai jimawi, yangö singisöndokni mi Anutunöñ gölmenöñ malmawanö dop me kömup andöñe miangören qahö mosötma.”

Ipkö könañi mi ölni eka kewöta möt kutume.

Luk 6.43-45

³³ * “Ipkö könañi mi ölni eka kewöta mötzin. Miangöra mönö ip galöm kölgetka ölöwaka ölni ölopñi kunjumakña me ip mem böligetka ölni böloni kunjumakña. ³⁴ * Azi uruñan yuai kokolak qei ahözawi, mia mönö numbuñan aukñe jimakza. Miangöra qatögö moröñi inini, nanñinak böloni aka mönö denöwö keu ölopñi jibeak? ³⁵ Azi ölopñangö uru köweñe ölopñangö möriamñi ahözawi, yanon mönö ölopñi mi aukñeyök jimakza. Azi bölonangö uru köweñe bölonangö möriamñi ahözawi, yanon mönö böloni mi aukñe jimakza.

³⁶ “Mewö jimakzäpmö, nöñon keu ölni kun kewö jibi mötme: Ambazipnöñ sonö walöñda keu jit omani omani jimei, yeñon mönö keu pakpak miangö könañi mi jimtekötekögö nalö ketanö Anutugöra jim asarigetka kewötma. ³⁷ Miangö könañi kewö: Anutunöñ mönö keu jitki kewöta miangö dopkeugi jim teköi solaniman me keugabuk aka lömböt miwikñaiman.” Mewö.

Böhi tosatñan anöletököra kapan köla uletket.

Mak 8.11-12; Luk 11.29-32

³⁸ * Nalö miangören Farisi (Köna keugö kapankölköl) aka Köna keugö böhi tosatñan

* **12:24:** Mat 9.34; 10.25 † **12:27:** Nanñini silegalömurupñinan Anutugö qetñi öme mi Katakömulatkö kukösumnöñ közöl engigetka nöñon mi Anutugö ösumnöñ közöl engim�akzal. Öroröñ qahö kinjinangöra danon keu munenñi wuatanömakza? Yeñon me nöñon? * **12:30:** Mak 9.40 * **12:32:** Luk 12.10 * **12:33:** Mat 7.20; Luk 6.44

* **12:34:** Mat 3.7; 23.33; 15.18; Luk 3.7; 6.45 * **12:38:** Mat 16.1; Mak 8.11; Luk 11.16

Jisösgöra kewö jiget, “Böhi, gi ölop anğöletot kun menönga mi ekingö mötzin.”

³⁹ *Mewö jigetka kewö melenj engiyök, “Ambazip merak gölmenöj maljei, mi kambu bölöñi aka serowilin ahakze. Yeñön Anutugö aiwesökñanğöra kapan kölakzemö, aiwesök kun kezapqetok azi Jonagöra lök asuhuyök. Anutunöj aiwesök murutñi kun qahö al engima. ⁴⁰ *Jonanöj sunğem silimñi karöbut köwet sömbupkö (gajugaju) gölömñe malöhi, mianğö dop Suep gölmegö azi ölnan mewöyök sunğem asak karöbutkö dop gölme uruñe ahöma.

⁴¹ *“Jonanöj Niniwe ambazip sutñine anda Anutugö keunöj uruñini kuñgui möta mianğöreñök uruñini melengetmö, mötket, nöñön sutñine asuhaba kinda Jonagö ahakmemeñi onğita ahakzal. Mewö ahakzalmö, inini töndup nesampurek ak niñgimakze. Mianğöra Niniwe ambazipnöj jimtekötekögö nalö ketane ambazip kambu ki kinjei, embuk öröröj kömupnöhök wahöta engö qöhöröjine mohotñe kinme. Mohotñe kinda Niniwe yeñön keu kewö engö silenine alme, ‘Inini Suep gölmegö azi ölni nesampurek ak wanğigetka Anutunöj likepñi melenj engii sihimbölö öngöngöñi mötme.’ Niniwe yeñön mewö jigetka ahakmemeñinan nanñini könanamñini indelgetka gamuñini mötme.

⁴² *“Könanamñinanğö kaisöpsöpñi kun kewö: Anutunöj mönöwök mötkutukutu öngöngöñi ketani mi kin Solomon wanğiiga Saut görökenök kantri kungö qin ambinöj Solomongö mötkutukutuñi mötmamgö sihimñi mörök. Sihimñi möta gölme gorañeyök wahöta köna köröp tiñtiñi kaba mala Solomongö mötmötñi mörök.

“Mi mörökmö, mötket, nalö kewöñe nöñön sutñine asuhaba kinda Anutugöreñ mötkutukutu öngöngöñi memba kazali, mi Solomongö mötkutukutuñi onğitza. Onğitzapmö, inini töndup nesampurek ak niñgiba tönpin kingetka qahö dop kölja. Mianğöra Anutunöj könanğep ambazip körek pakpak öröm engii keuñini jim tekömapköra jeñe anğotmei, nalö mianğöreñ Saut kantrigö qin ambi mianğön mönö mewöyök anğotma. Yanğön ambazip kambu ki kinjei, embuk öröröj kömupnöhök wahöta engö qöhöröjine mohotñe kinma. Mohotñe kinda keu kewö engö silenine alme, ‘Inini Jisös nesampurek ak wanğigetka Anutunöj likepñi melenj engii sihimbölö öngöngöñi mötme.’ Yanğön mewö jiiga silikñi kewöta nanñinanğöra gamuñini mötme.” Mewö.

Öme yeñön azi uruñe lilingöbingö kapan kölje.

Luk 11.24-26

⁴³ “Ömenöj azi uruñeyök kota gölme qararanğölkölñe anda lañ liliköba mala luhut memamgö miri jaruba kun qahö miwikñaima. ⁴⁴ Mi qahö miwikñaiaba osiba kewö jima, ‘Mirini mosöta kazali, mianğöreñ mönö kunbuk lilingömam.’ Mewö jiba lilingöba miriñi usuñda meñölöi ahöyöhi, mi gwamönñi ahöi miwikñaima.

⁴⁵ “Mewö miwikñaiaba anda öme tosatñi 7 enğuanğitma. Öme 7 mi nanñi onğita bölöñi kötökñi akze. Yanğön mi enğuanğiriga kaba miri mi öngöba mianğö uruñe malme. Mewö aiga azi mianğö könanñi mutuk kilenkilen ahökmö, könanğep bölöqölim teköma. Ambazip kambu bölöñi ki merak gölmenöj maljei, engöreñ mewöyök mewö asuhuma.” Mewö.

Jisösgö nam-munurupñi

Mak 3.31-35; Luk 8.19-21

⁴⁶ Jisösnöj toroqeba ambazip kambu yeñgöra keu jiba maliga nam-munñan kaba yaigep kinda yambuk keu jibingö mötket. ⁴⁷ Mötketka kunñan kewö jii mörök, “Mötnöj, göhö nam-mungan mönö yaigep kinda göbuk keu jibingö mötze.”

⁴⁸ Keu mi jii mörökmö, yanğöra melenja kewö jiyök, “Nöngö namni dañön? Nöngö munurupni mi dañön?” ⁴⁹ Mewö jiba böröñi gwarekurupñi yeñgöreñ göröken börañda jiyök, “Eket, nöngö namni aka munurupni ölni mönö ki.” ⁵⁰ Denike yeñön nöngö Suep

* 12:39: Mat 16.4; Mak 8.12 * 12:40: Jon 1.17 * 12:41: Jon 3.5 * 12:42: 1 Kinj 10.1-10; 2 Hist 9.1-12

Iwinanğö jitsihitji tem kölakzei, körek mienjön mönö nöngö namni aka nenmunurupni akze.” Mewö.

13

Qesin qesin azigö dopkeu.

Mak 4.1-9; Luk 8.4-8

¹ Nalö mianğoreñök Jisösnöñ miri mi mosöta o anğö jitje geba tarök. ² *Tariga ambazip kambulembenöñ yangöreñ anda tokogetka wanjenöñ öngöba tarök. Tariga ambazip kambu pakpak yeñön anğö görane saknöñ tokoget.

³ Mewö tokogetka dopkeu gwötpuk jii mötketka kewö jiyök, “Mötket! Azi kunjan nene kötni qesin gilmamğöra nupnöñ anök. ⁴ Anda qesin giliga kötni tosatjan köna jitje geba kölget. Geba kölgetka (warawen) neiñi neiñi kanğota mi nem teköget.

⁵ “Kötni tosatjan köt jamönjiñnöñ geba kölget. Geba köla mianğoreñ gölme gwötpuk qahö miwikñaget. Gölme dutñi qahö ahöyöhanğöra korapñi zilañ kotket. ⁶ Kotketmö, wehönöñ kota enğuba jem kutum enğiiga jalöñini qahöpköra soholiba gororönğöget.

⁷ “Kötni tosatjan siriuret wahiñinambuknöñ geba kölget. Geba kölgetka mienjön kota gem turuba böbölöhöt mem enğiget. ⁸ Mewö pömsöm qeyökmö, kötni tosatjan gölme ölopñe geba kölget. Geba köla tosatñi miengö kötnini 100 asuhuget. Tosatjan kötnini 60, tosatjan 30 mianğö dop ahum sehiget. ⁹ Kunjan urukezapñambuk malja ewö, yanjön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mak 4.10-12; Luk 8.9-10

¹⁰ Mewö jiiga gwarekurupñan kaba Jisös kewö qesim wanğiget, “Gi mönö wuanöngöra ambazip yeñgö ‘Keu jimam,’ jiba dopkeunöñ ala jimakzan?” ¹¹ Qesim wanğigetka kewö melenđa jiyök, “Mi kewögöra: Suepkö bemtohone anğota malbingö keu tölapñi mi enğöra aukñe jibi möt kutuzemö, yeñgöra mi mewö qahö.

¹² * “Mianğö könañi kewö: Kunjan mötkutukutuñambuk maljawi, Anutunöñ mönö mi toroqem wanğiiga köl guliba möriamñambuk malmappmö, kunjan mötkutukutuñi qahö maljawi, Anutunöñ mönö mötmötñi moröñi ahözawi, mi mewöyök qeköba wanğitma.

¹³ “Ambazip yeñgö keu jimam jiba kewögöra dopkeunöñ ala jimakzal: Yeñön nanñini jeñinan yuai ekagun könañi töndup qahö ek kutume. Nanñini kezapñinan keu törörök mötagun könañi töndup qahö möt asarime. ¹⁴ *Kezapqetok azi Aisaianöñ qeljine keu kun jiba ohoyöhi, mianjön ambazip mewöñi yeñgöreñ ölnambuk ahakza. Keu mi kewö, ‘Keu möt bibihibagun könañi töndup kude möt asarime. Yuai ek bibihibagun könañi töndup kude ek kutume.

¹⁵ Ambazip kambu kienğö uruñinan mönö köhöikñi gwözönđa ahöza. Kezapñinan keu möt bibihiba jeñini kömaziliköba (kömazilihiwa) malje. Mewö qahö akeak ewö, mönö jeñinan yuai ek kutuba kezapñinan keu möta uruñinan könañi möt asariba uruñini melengetka nöñön i ölop mem ölöwak enğibileñak.’

¹⁶ * “Keu mewö ahözappmö, enğö jeñinan yuai ek kutuzawanğöra mönö simbawon akze. Kezapñinan keu möt kutuzawanğöra mönö simbawon akze. ¹⁷ Nöñön keu öl töhönñi kun kewö jibi mötket: Kezapqetok ambazip aka Anutugöreñ ambazip solanñi gwötpukñan inñini yuai ki ekzei, mi ekingö awöwenğöba malgetmö, qahö eket. Inñini keu ki mötzei, yeñön mi mötpingö awöwenğöba malgetmö, qahö mötket.” Mewö.

Jisösnöñ dopkeugö könañi jiyök.

Mak 4.13-20; Luk 8.11-15

* **13:2:** Luk 5.1-3 * **13:12:** Mat 25.29; Mak 4.25; Luk 8.18; 19.26 * **13:14:** Ais 6.9-10 * **13:16:** Luk 10.23-24

18 “Qesiñ gilgil azigö dopkeu jizali, mianğö könani mi kezap ala mötme. 19 Nene kötni qesiñ giliga köna jitne geba kölöhi, mi kewö: Kunğan bemtohoñgö Buña keuñi möta könani qahö möt asariiga Bölöñangö Toñan kaba uruñe kötni kömötkeri, mi çeköma. 20 Nene kötni qesiñniga köt jamönjiñnönğ geba kölöhi, mi ambazip söpsöpñi kun. Yeñön Buña keu möta mi mianğöreñök sösoñgai qakñe möt añgön kölakze.

21 “Mewö ahakzemö, uruñine jalöñi qahö ahöm enğimapmö, nalö töröptökñi miyök kin köhöiba malme. Buña keugöra aka kahasililiñ me sesewerowero asuhuiga nalö mianğöreñök mönö tala enğuma. 22 Nene kötni qesiñniga siriuret wahiñinambuknönğ geba kölgeri, mi kewö: Yeñön Buña keu mötketka uruñine gezapmö, gölmenönğ mal-malgö waimanjatñi aka moneñ inap memegö urukönöpñi ahuba lömbörim enğimakza. Qetbuñanambuk akingöra köpösönğögetka sihim kömböñani bölöñi tosatñan mewöyök uruñine dumgöba Buña keu böbölohot mem wañgize. Mewö aiga öñini qahö gilipitñi (ambetakñi) akñe.

23 “Nene kötni gölme ölopñe qesiñniga geba kölgeri, mi ambazip kewöñi: Yeñön Buña keu kezap ala möta möt asariba pöñan kinda öñini miwikñaimakze. Tosatñan keu jit mohotnöhök kötni 30 miwikñaimakze. Tosatñan öñini 60, tosatñan keu köt mohot mohot miengö öñini 100 mem sehiba miwikñaimakze.” Mewö.

Dorowetkö söpsöp keu

24 Jisösnönğ söpsöp keu kun kewö jii mötket, “Suepkö bemtohoñangö könani mi azi kewöñangö dop ala jimam. Yeñön nupñe anda nene kötni ölopñi qesiñ gilök. 25 Qesiñ gilökmö, sunğem ahögetka mianğöreñ kerök aziñan kaba wit padi sutñine mianğöreñ dorowetkö kötni qesiñ gila mosöta anök. 26 Wit padi kötnan jula wahöta öñgöba öñi asuhuyöhi, nalö mianğöreñ dorowetnönğ mewöyök aukñe asuhuyök.

27 “Mianön aukñe asuhuiga welenqeçeurupñan mi eka nup toñangöreñ kaba kewö jigetka mörök, ‘Ketañamnini, nupke nene köt ölopñi qesiñ gilnönğ me qahö? Dorowetkö kötni mi mönö denikeyök mianğöreñ geba asuñuza?’

28 “Mewö jigetka möta kewö jii mötket, ‘Kerök azinönğ mi qesiñ gilök.’ Mewö jii möta welenqeçe yeñön kewö jiget, ‘Nini ölop anda dorowet mi qözöla tokobingö mötzan me qahö?’ 29 Mewö jigetmö, kewö jii mötket, ‘Qahö! İnini dorowet qözöla tokoba mianğöreñ padi tosatñi mi mewöyök qözölbepuk.

30 “Mönö mosötkeka mohotñe qariba wahörohotkun öñi meme nalöñan kam kuñguiga nalö mianğöreñ nöñön padi misimisi ambazip yeñgöra kewö jibi mötme: Mönö mutuk dorowet memba tokoba ohomegöra börangöba kösönönğ jöhöme. Mi jöhöbagun mönö wit padi öñi mi tokoba memba kaba nöñgö köwe mire alme.’ ” Mewö.

Nejoñ kötnangö dopkeu

Mak 4.30-32; Luk 13.18-19

31 Jisösnönğ dopkeu kun kewö toroqeba jii mötket, “Suepkö bemtohoñi mi kewö: Azi kunğan nejoñ (nemuya) kötni memba nanñe nup gölmeñe anda alök. 32 Kötni mi morö közözömñi. Mi nene köt pakpak miengö eretñini akzapmö, jula wahöta yöha pakpak enğonğita qariba ip akña. Mewö aka kiniga könakemba neiñi neiñi kañgota aipñini ip mianğö böroñe alakze.” Mewö.

Yistkö dopkeu

Luk 13.20-21

33 Jisösnönğ dumñe kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunönğ ‘Beret ohomam,’ jiba yist memba flaua amae (dis) karöbut mianğöreñ mindiriba melenqeleñ aka anda anda tari körekanök qariyök.” Mewö.

Jisösnönğ denöwögöra söpsöpkeuñi keuñi jiyök?

Mak 4.33-34

³⁴ Jisösnöñ keu pakpak mi könagesö yengöra söpsöp keunöñ jiyök. Söpsöpkeu qahö mewö keu kun qahö jii mötket. ³⁵ *Mewö aiga Anutunöñ kezapqetok azi kun sölölohöiga keu kun jiyöhi, mianjön öljambuk ahök. Yanjön keu mi kewö jii ahöza, “Nöngö numbunan mönö amqeiga söpsöp keunji keunji jimam. Anutunöñ gölme miwikñaiiga asuhuyöhi, nalö mianjörenjök keu tölapñe ahöi mala korini, nöñjön mönö keu mi aukñe jim indelmam.” Mewö.

Dorowetkö söpsöpkeugö könañi

³⁶ Jisösnöñ söpsöp keu mi jim teköba ambazip kambu ketanji engömosöta miri uruñe öngöyök. Öngöiga gwarekurupñan yangören kaba kewö qesiba jiget, “Dorowet nene nupnöñ asuhuyöhi, gi mönö söpsöp keu mianjö könañi jim asarim nengiman.”

³⁷ Mewö jigetka kewö melenja jiyök, “Suep gölmegö azi öljän mönö nene kötnji ölpñji ölpñji qesinj gilakza. ³⁸ Nene nup mi gölmegö kantri pakpak. Nene kötnji ölpñji mi bemtohongö nahönbörat engöra jizal aka dorowet mi azi bölöñangö nahönbörat yengöra jizal. ³⁹ Keröknöñ mi qesinj gilöhi, mi Bölöñangö Toñangöra jizal. Padi misimisi nalöñi mi gölmegö nalöñan tekömawanjö nalö ketanji mi. Padi misimisi ambazip mi Suep garata yengöra jizal.

⁴⁰ “Dorowet tokoba könöpnöñ ohoget jemawi, mianjö dop mönö gölmegö nalöñan tekömawanjö nalö ketanje asuhuma. ⁴¹ Suep gölmegö azi öljän mönö garataurupñi melaim enjiiga kaba keu areñ bölöñi pakpak Kraistkö bemtohoñ uruñe siñgisöndok akingö kondorakzawi, mi qeapköba mindinjöme aka bölöñi meme ambazip pakpak mi qözöla qezaköm enjime. *

⁴² “Mewö mindinjindinj aka ambazip mi gil enjigetka owen imarurubuk jeba ahözawi, mianjörenj geme. Mianjörenj gemeañjön mönö sahöt gigilahöba irimñini yöhözömgögetka qetñi qeri malme. ⁴³ Nalö mianjörenj ambazip solanñi mienjön mönö wehön tandök aka Iwiñinangö bemtohoñ uruñe asariba mal öngöme. Kunñan urukezapñambuk maljawi, yanjön mönö keu mi kezap ala möt kutuma.” Mewö.

Guli dötnam mesamesambötñangö söpsöpkeu

⁴⁴ “Suepkö bemtohoñi mi guli damandanj söngöröñi öngöngöñi mianjö dop kewö akza: Mi nupnöñ mesambötket ahöiga azi kunñan mi miwikñaiiba anjön köla kunbuk gölmenöñ mesambörök. Mesamböta mianjöra söngaiiba anda sukinapñi pakpak bohonñi memegöra ali moneñ kaiga mianjön nup gölme mi bohonñi meyök.” Mewö.

Sorom kötnangö dopkeu

⁴⁵ “Suepkö bemtohoñi mi stua azigö dop ala söpsöp keu kun kewö jimam: Yanjön sorom kötnji ekjeritñambuk jaruba malök. ⁴⁶ Jaruba mala sorom kötnji mohot söngöröñi ketanji miwikñaiiba anda sukinapñi pakpak bohonñi memegöra ali moneñ kaiga mianjön sorom kötnji mi bohonñi meyök.” Mewö.

Mösak örörögö söpsöpkeu

⁴⁷ “Suepkö bemtohoñi mi mösakö dop ala söpsöpkeu kun kewö jimam: Mi o anjönöñ gilget geiga söra tandökñini könañi könañi gegetka engömeme tokoyök. ⁴⁸ Tokoi kokolak qeiga ambazipnöñ mi örogetka körökñe koriga eta tata söra ölpñji kewöta sakapnöñ tokogetmö, bölöñi mi gilgetka anök. ⁴⁹ Keu mianjö dop mönö gölmegö nalöñan tekömawanjö nalö ketanje asuhuma. Suep garata yenjön kaba ambazip bölöñi mi solanñi mienjörenjök kewöt enjime. ⁵⁰ Kewöt enjiba ambazip bölöñi mi gil enjigetka owen imarurubuk jeba ahözawi, mianjörenj geme. Mianjörenj gemeañjön mönö sahöt gigilahöba irimñini yöhözömgögetka qetñi qeri malme.” Mewö.

* **13:35:** Sum 78.2 * **13:41:** Keu areñ (ideology) bölöñi yauenj mötmöt, komyunist, maslim aka mötmöt areñ tosatñi mi ambazip jöhöm enjiget qakögetka malmalñinan böliba sohomakzawi, garata yenjön mönö mi pakpak qeapköba mindinjöme.

Keu kötñi walñi aka dölökñi

⁵¹ Jisösnöñ söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenđa “On!” jiget. ⁵² “On!” jigetka kewö jii mötket, “Miri tonan miriñangö köweñeyök inap yuai walñi aka dölökñi uzeta alakza. Mianğö dop Köna keugö böhi pakpak Suep bemtohoñgö gwarekurupñi akeri, yeñön mönö mewöyök uruñinañgö köweñineyök keu aködamunñinambuk dölökñi aka keu ölop sorokñi walñi uzeta jimakze.” Mewö.

*Nazaret yeñön Jisös andö qeget.**Mak 6.1-6; Luk 4.16-30*

⁵³ Jisösnöñ dopkeu mi jim teköba miri gölme mi mosöta anök. ⁵⁴ Anda malqarip taonñe anğota köuluk miriñine öngöba Buña keu kusum engiyök. Kusum engiiga auruba welipköba kewö jiget, “Yei! Kezapjupjup! Yanñön mötkutukutu ki aka anğöletot kukösumñinambuk mi mönö denikeyök meza? ⁵⁵ Azi ki mönö miri kianğö mitimqege azigö nahönña. Namñañgö qetñi Maria aka munurupñi Jeims, Josef, Saimon aka Juda. Mi ölop mötzin. ⁵⁶ Nenurupñan mönö körek sutnine ki malje. Mianğöra yuai pakpak ki mönö denikeyök memba kaba akza?”

⁵⁷ *Nazaret yeñön mewö jigetka uruñinan böliiga mianğoreñ qaköget. Qakögetmö, Jisösnöñ kewö jii mötket, “Kezapqetok azi mi nanñi taonöñ aka nanñi mire jijiwilit ak wañgimakzemö, miri tosatñe mewö qahö.” ⁵⁸ Mewö jiiga mötnaripñinan qahö asuhuiga yañgiseñinañgöra aka anğöletot kukösumñinambuk mi mianğoreñ gwötpuk qahö meyök. Mewö.

14*Jongö jölñi kutugetka kömuyök.**Mak 6.14-29; Luk 9.7-9*

¹ Nalö mianğoreñ gölme bahöñangö (Galili prowinsgö) kiñ Herod yañön Jisösgö qetbuñañi mörök. ² Mi möta welen-qeçeurupñi yeñgöra kewö jiyök, “Mi mönö Jon O-melun azia. Yanñön mönö kömupñöhök wahöta nupñi meiga anğöletot kukösumñinambuk asuhumakze.” Waimanjat möta mewö jiyök.

³ *Mi kewögöra jiyök: Herodnöñ munñi Filipkö anömñi Herodias ölon meiga Jon O-melun azinöñ kiñ jim wañgiiga opotöröp melaime engiiga anda Jon memba jöhöba kösö mire al wañgiget. ⁴ *Jonöñ Herodköra keu kewö jiyök, “Gi qambötke memba mala Köna keu onğitzan.” ⁵ Mewö jiiga Herodnöñ Jon qeget kömumapkö mörökmö, könagesö yeñön Jongöra mötketka kezapqetok azia malöhi, mianğöra könagesö yeñgöra keñgötñi mörök.

⁶ Keñgötñi mörökmö, Herodkö ahuahua nalöñan kaiga ketaurupñan tokoba tatketka Herodiasgö böratñan yeñgö jeñine danis aliga Herodnöñ mianğö eksihimñi gwötpuk mörök. ⁷ Mianğöra ambi seram mianñon wani yuaigöra qesibawak, kiñnöñ mi tököm wañgimamgö keu jöhöba keu mi jöjopañ keunöñ jim köhöiyök. ⁸ Mewö jim köhöiiga namñan ambi seram mi kuñgum wañgiiga kewö jiyök, “Mönö qesinöñga Jon O-melun azigö jölñi yandigetka nöropñi memba ki kaba köndenöñ niñgima.”

⁹ Mewö jiiga kiñgö uruñan kömbuhiiga wösöbirik mörökmö, jöjopañ keuñan jöhöi ketaurupñan mi mötketka yeñgö jemesoholñine etpapüköra möta nöropñi wañgimegöra jim kutuyök. ¹⁰ Mewö jim kutuba opotöröpñi kun melaiba jiyök, “Gi mönö kösö mire anda Jongö jölñi yandiba nöropñi memba kaman.” ¹¹ Mewö jiiga Jongö nöropñi köndenöñ ala memba kaba ambi seram mi wañgiiga memba anda namñi wañgiyök. ¹² Jongö gwarekurupñan mianğö buzupñi möta anda qamötñi memba qaksirigö köt köteñnöñ ala löm kölget. Löm köla anda keu mi Jisös jiget mörök. Mewö.

* 13:57: Jon 4.44 * 14:3: Luk 3.19-20 * 14:4: Lew 18.16; 20.21

Jisösnöñ azi 5000 nene gumohom enjgiyök.

Mak 6.30-44; Luk 9.10-17; Jon 6.1-14

¹³ Jisösnöñ Jongö kösohotñi möta miri mi mosöta wañgenöñ öngöba gölme kötikñi kunöñ nanñinök malbingöra anget. Ambazip kambu yeñön miangö buzupñi möta taon aka miriñini mosöta Jisösgö andöñe wuatangöba gölme köna anget. ¹⁴ Angetka Jisösnöñ wañgenöhök eta ambazip kambuleleme engeka yeñgöra wösöñi mörök. Wösöñi möta sutñine kawöl engehöi malgeri, mi mem ölöwak enjgiyök.

¹⁵ Mewö aka mali mare aiga gwarekurupñan Jisösgöreñ kaba kewö jiget, “Böhi, nini gölme kötikñi kiangöreñ malinga wehön jeñan teköba gemangö akza. Miangöra gi ölop ambazip kambu ki melaim enjinöñga miriñi miriñi miengöreñ anda numbu nenenini söñgöroröñi memba neme.”

¹⁶ Mewö jigetmö, Jisösnöñ kewö jii mötket, “Yeñön ölop kiangöreñ tatme. Enñön mönö nanñinak i nene gumohom enjgime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba niñgime.”

¹⁹ Mewö jiba ambazip kambu mi kegwañ lulplupnöñ eta tatmegöra jim kutum enjiiga tatket. Tatketka beret 5 aka söra yahöt mi memba Suenöñ ui öngöiga kötuetköba beret mindipköba gwarekurupñi enjiiga ambazip kirip dop mendenja enjiget. ²⁰ Mendenja enjigetka ambazip körekmakörek memba nem timbireñ aket. Nem timbireñ aka nene ki-tipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. ²¹ Azi beret negeri, yeñgö jañgöñini mi 5000. Ambi nahönbörat yeñgö jañgöñini mi qahö meget. Mewö.

Jisösnöñ o anğö qakñe tiba tiba anök.

Mak 6.45-52; Jon 6.15-21

²² Neget teköiga Jisösnöñ miangöreñök gwarekurupñi jim kutum enjiba kewö jiyök, “Inini mönö wañgenöñ öngöba qeljine o anğö kutuba likepñe anme. Nöñön ölop nalö sutñe ambazip kambu ki melaim enjibagun kamam.” ²³ Ambazip melaiba enjgubula kundune öngöba nanñök mala köuluköyök. Köuluköba mali mare aiga kundune nanñik kötikñi tarök. ²⁴ Tariga wañgeninan lök o anğö bibine köröwen aniga luhutnöñ angerañgöreñök gila kaiga sirinöñ wañgenöñ giliga kekwilik anda kayök.

²⁵ Mewö ahiga miri awöranğöiga (3-6 kilok) miangöreñ Jisösnöñ o anğö qakñe tiba tiba gwarekurupñi yeñgöreñ kayök. ²⁶ Kaba o anğö qakñe tiba tiba kaiga gwarekurupñan mi eka keñgötporiñ aka “Köwet Songoriñnöñ kaza,” jiba sömbuñini möta qeta silatket.

²⁷ Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitiñgit malme. Nanak kazal. Keñgötñini kude mötme.”

²⁸ Mewö jii möta Pitönöñ melenja kewö jii mörök, “Göñön Kembuya akzan ewö, mönö ölop jinöñga nöñön o qakñe tiba tiba göhöreñ kamam.”

²⁹ Jisösnöñ mi möta “Ölop kanöñ,” jiyök. Mewö jiiga Pitönöñ wañge mosöta o anğö qakñe tiba tiba könahiba Jisösgöreñ anök. ³⁰ Könahiba anökmö, luhutnöñ gwötpuk gili mi eka keñgötporiñ aka könahiba o uruñe geba kewö qerök, “Kembu, bauköm niñginöñ.”

³¹ Qeriga Jisösnöñ miangöreñök böröñi böranda Pitögö böröñe memba kewö jiyök, “Mötñarički morörökñi. Mönö wuanöñgöra uruyahöt akzan?”

³² Mewö jiba bauköm wañgi wañgenöñ öngöyohotka luhutnöñ nöñ qeba göröñ alök.

³³ Göröñ aliga azi wañgenöñ tatkeri, yeñön waikñi memba möpöseim wañgiba kewö jiget, “Alakña, gi Anutugö nahönña.” Mewö.

Jisösnöñ Genesaret mala mem ölöwak nup meyök.

Mak 6.53-56

³⁴ O anğö kutuba likepñe Genesaret mire anğota wañge mosöta saknöñ geget. ³⁵ Saknöñ gegetka miri miangö ambazipnöñ Jisös möt kutum wañgiget. Möt kutum wañgiba keu algetka miri pakpak kösutñe tatkeri, miangöreñ aniga buzupñi möta kawöl ambazip

körek enġuanġita Jisösgören kaget. ³⁶ Kagetka kinda Jisös malukuġanġo suġe misiribingö ulet waġgiba malġet. Misirigeri, körek yeġön mönö ölöwak teköget. Mewö.

15

Ambösakon yeġön keu kusum sohoget.

Mak 7.1-13

¹ Mianġö andöġe Farisi (Köna keugö kapanġölköl) aka Köna keugö böhi tosatġan Jerusalem sitiyök Jisösgören kaba kewö qesim waġgiget, ² “Göhö gwarekurupkan wuanöġgöra köna walöġda ambösakoninanġö silikġini qeze? Yeġön mönö böröġini sanġonġa dom-amöt qahö qeba töndup könahiba nene neze?”

³ Mewö qesim waġgigetka kewö jii mötket, “Nanġinak mönö wuanöġgöra ambösakoninanġö silikġini wuatāġöbingöra köna walöġda Anutugören jöjöpāġ keu qeze? ⁴ *Mianġö keuġi kun kewö: Anutunöġ kewö jim kutuyök, ‘Iwinanġi mönö göda qem etkimakġan,’ aiga ‘Kunġan iwiġi me namġi qesuahömawi, i mönö qegetka kömuma.’

⁵ “Mewö jim kutuyökmö, iġini keu mi onġita kewö jimakze, ‘Kunġan iwiġanġöra me namġanġöra kewö jima: Wösöni mötzal. Nöġgö nanġönanġö yuaini buġa qem anġubanak, mi lök Anutugö saiwap naluköra kewöta albi ahöza. Kunġan mewö jiba iwiġi me namġi göda qem waġġimawaġgö dop qahö akza.’

⁶ “Mewö jiba silikġini walġanġöra aka Anutugö jöjöpāġ keuġi utalgetka omanġi aka pömsöm qemakza. Mi qahö dop köġja. ⁷ O urumelengö silesile ambazip, kezapqetok azi Aisaianöġ mönö enġö könanamġini törörök qelġiġe indela kewö jii ahöza,

⁸ *‘Ambazip kambu kianġön mönö numbu jitġinan ölöġnanök göda qem niġġimakzemö, uruġinan nönöġgan ak niġgiba kungen algetka köröwen ahöza.

⁹ Mewö ahöiga nöġgö waikni öne töhöġn memba möpöseim niġġimakze. Köna keu kusum enġibin, jiba salupġe ambazip yeġgö jimkutukutuġini mi numbu o alakze.’” Mewö melenġ enġiyök.

Azi uru mi denöwö tölohoba lantiza?

Mak 7.14-23

¹⁰ Jisösnöġ ambazip kambu kunbuk enġoholi kagetka kewö jii mötket, “Iġini mönö keu ki kezap ala möt asarime. ¹¹ Yuai azigö numbuġeyök uruġe gemakzawi, mianġön qahö tölohom waġġimakzapmö, nanġi numbuġeyök keu erakzawi, mianġön mönö tölohom waġġimakza.”

¹² Mewö jii mötketka gwarekurupġan kaba kewö qesiget, “Farisi (Köna keugö kapanġölköl) yeġön keu mi mötket enġui uruġinan bölizawi, mi mötzan me qahö?”

¹³ Qesigetka kewö melenġök, “Nöġön warök pakpak nöġgö Suep Iwinan qahö kömörohü, mi mönö jalöġinambuk qözölmam. ¹⁴ *Muat, i mönö enġömosötme. Yeġön ‘Jegömöl ambazip enġuanġitpin,’ jimakzemö, nanġini jeġinan mönö gömöġiza. Jegömöl kunġan jegömöl alanġi kun böröġe memba waġġitma ewö, yetkön mönö mohotġe lömnöġ geba etkuma.”

¹⁵ Mewö melenġniga Pitönöġ jiyök, “Dopkeu mianġö könanġi mönö jim asarinöġ mörin.”

¹⁶ Mewö ġiiga Jisösnöġ jiyök, “O alaurupni, iġini mewöyök toroqeba mötmötġini ölöġni qahö akze me? ¹⁷ Yuai pakpak azi numbuġeyök uruġe gemakzawi, mi köġgokġe geba yaigep erakza. Mi möt kutuze me qahö?

¹⁸ *‘Mi erakzapmö, keu uru könöġġeyök kota numbuġeyök erakzawi, mianġön mönö tölohom waġġimakza. ¹⁹ Ambazip uru könöġġineyök yuai kewöġi asuġuba korakza: Keu bölöġi mötmöriba suġa jinanġ memba ambazip enġuget kömumegö mörakze. Qesabulum aka serowilin akingö mörakze. Yoġgorö membingö mörakze. Jitnöġ alal keu munenġi jibingö mörakze. Andöqeqe keu yöhösanġ jiba Anutu mepaiköbingö mörakze. ²⁰ Yuai

* 15:4: Eks 20.12; 21.17; Dut 5.16; Lew 20.9 * 15:8: Ais 29.13 * 15:14: Luk 6.39 * 15:18: Mat 12.34

mewöñan mönö ambazip tölohom engimakzapmö, böröñini qahö sanjon da nene nemakzei, mianjon azi kun qahö tölohomakza.” Mewö.

Kenan ambi kunñan kapan köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. ²² Aniga Kenan ambi, gölme miangö toni kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinjin ak wañgiiga sihimbölö ketanji mörakza.”

²³ Qeta jiyökmö, Jisösnöñ keu kun qahö melenök. Mewö aiga gwarekurupñan kaba kewö kungum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.” ²⁴ Mewö jigetka melenök, “Iwinan Israel könagesögö lama sohoso-honji miyöhök amöt qem engimamgöra aka melaim niñgiiga kazal.” ²⁵ Mewö melenniga ambi mianjon kösutñe kaba simin köl wañgiba jiyök, “Kembu, mönö bauköm niñginöñ!”

²⁶ Mewö jiyökmö, Jisösnöñ kewö melen wañgiyök, “Qahö, morö yeñgö miriñineyök beret memba kiam enjiinga qahö dop kölbapuk. Juda nini kianurup engö qetñini kiam qerakzin. Nöñön mutuk Juda ambazip bauköm engibiga kantri tosatñi enjon mönö kiamgö dop mamböta malme.”

²⁷ Melen wañgiyökmö, ambinöñ jiyök, “Kembu, mi ölop mötzalmö, kiam moröñi yeñön mönö mewöyök toninañgö tebolnöñök nene boromñi eriga nemakze.” ²⁸ Mewö jiiga Jisösnöñ kewö jii mörök, “O ambi, göhö mötnaripki mi ketanji. Miangöra ulet niñgizanañgö ölni mönö asuhuma.” Mewö jii möta böratñan aua miangöreñök ölöwahök. Mewö.

Jisösnöñ kawöl ambazip sehiseñini meiga ölöwaket.

²⁹ Jisösnöñ gölme mi mosöta kaba Galili o añgögö jitñe kangota kundunje öngöba eta tarök. ³⁰ Tariga ambazip kambulelembenöñ yañgöreñ kaba ambazip kewöñi enjuañgitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl tosatñi gwötpuk engöhöi malgeri, mi enjuañgita Jisösgö köna kösutñe al enjigetka mem ölöwak enjyök.

³¹ Mem ölöwak enjiiga ambazip keuñini mötökñi yeñön keu jigetka köna böröñini heramheramgöñi yeñön ölöwaka dñngigetka simalokon yeñön köna tiba anda kagetka jeñini döndöngöñi yeñön je uba eketka ambazip kambu yeñön mi eka welipköba Israel neñgö Anutunini möpöseiget. Mewö.

Jisösnöñ azi 4000 nene gumohom enjyök.

Mak 8.1-10

³² Jisösnöñ gwarekurupñi engoholi yañgöreñ kagetka kewö jii mötket, “Nöñön ambazip kambu kiangöra wösöni mötzal. Yeñön nöñgöreñ kaba wehön karöbut lök mala kotketka neneñini qahöwahiga ekzal. Könanöñ anda mala kemañe jeñini gili tirinbirin akepuköra i öne melaim engimamgö töközal. Miangöra i nene gumohom engimamgö mötzal.”

³³ Mewö jii gwarekurupñan melen da kewö jiget mörök, “Gölme qararañkölkölñe kiangöreñ neñön mönö denikeyöhök numbu nene gwötpuk miwikñaiba ambazip kambulelembe ki gumohom engibinak?” ³⁴ Mi möta Jisösnöñ kewö qesim enjyök, “Engöreñ beret dawik ahöza?” Qesim enjiiga “Beret 7 aka söra moröñi tosatñi ahöza,” jiget. ³⁵ Jigetka Jisösnöñ ambazip kambu mi gölmenöñ geba tatmegöra jim kutum enjiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupñi enjiiga yeñön mi ambazip kambu dop toto qem enjiget. ³⁷ Toto qem enjigetka memba nem timbireñ-göget. Nem timbireñgöba nene kitipñi mosötket geyöhi, mi sakap 7 miangöreñ qezakögetka numbuñe qeyök. ³⁸ Azi nene negeri, yeñgö jañgöñini mi 4000. Amba nahönbörat yeñgö jañgöñini mi qahö meget. ³⁹ Jisösnöñ ambazip kambu melaim enjiiga angetka nanñi wañgenöñ öngöba Magadan gölmenöñ anök. Mewö.

16

*Böhi tosatñan anğöletot ekingöra kapan kölget.
Mak 8.11-13; Luk 12.54-56*

¹ *Farisi (Köna keugö kapankölköl) aka Sadyusi (Jike nupkö kapankölköl) tosatñan Jisösgören kaba keugö bötaknöñ örömap-köra esapköm wanğiba kewö qesiget, “Mönö jinöñga Suepnöhök anğöletot kun asuhuiga ekin.” ² Mewö jigetka kewö melenök, “Wehön gemangö ahiga miangören kewö jimakze, ‘Suepnöñ pisihiizawanğöra uran wehön ölopñi akña.’

³ “Mewöyök söñanök kewö jimakze, ‘Suepnöñ pisihiiga kousunöñ töwizawanğöra mön kie luhut gilma.’ Mewö mewö jiba suepkö tandökñi eka kie wehögö könañi ölop kewörakzemö, nalö maljini, miangö aiwesökñi kewötpingö qahö mötze. Mi qahö dop kölja. ⁴ *Ambazip kambu bölöñi gölmenöñ mala qesabulum ahakzei, yeñön Anutugö aiwesökñi asuhumapköra kapan kölakzemö, Anutunöñ kezapqetok azi Jonagö aiwesökñi lök enğiiga aiwesök tosatñi qahö toroqeba kondel engima.” Mewö jiba enğömosöta kungen anök. Mewö.

*Farisi aka Sadyusi yeñön wösökömbuk ewö akze.
Mak 8.14-21*

⁵ Jisösnöñ gwarekurupñi yembuk o anğö kutuba likepñe anğota semön membingö ölüm enğuyöhi, mi eket. ⁶ *Mi eketka Jisösnöñ kewö jii mötket, “Inini Farisi aka Sadyusi pati yahöt yeñgö wösökömbukñini aka gipñi kakñi mietköra mönö galömñini meme. Mi ölopñanök qahö kewöta andö qegetka mietköñ mönö yist ewö qariba mem bölim enğimahot.”

⁷ Jiiga keu pasetñi mi qahö möt asariba sutñine kewö eraum mötket, “Nini beret qahö memba kazin. Miangöra jiza me denöwö?” ⁸ Mi eraum mötket kezapñe geiga kewö jii mötket, “O inini mötnariñini morörökñi, wuanöñgöra ‘Beret qahö mezin,’ jiba nanñini eraum mötze? ⁹ *Nöñgö könañamni mi wuanöñgöra qahö möt kutuze? Nöñön beret 5 mi 5000 yeñgöra mindipköbiga miangö kitipñi qezakögetka könde dawiknöñ geba numbunje qeyök? Mi ölüm enğuz me qahö?”

¹⁰ * “Mewöyök beret 7 mi 4000 yeñgöra mindipköbiga miangö kitipñi qezakögetka sakap dawiknöñ geba kokolak qeyök? Mi ölüm enğuz me qahö? ¹¹ Ni beretköra keu qahö jizali, mi denöwö aka qahö möt kutuze? Nöñön beretköra qahöpmö, Farisi aka Sadyusi pati yeñgö wösökömbukñini aka gipñi kakñi kewöta andö qemegöra jizal.” ¹² Mewö jiiga miangörenök keuñanğö könañi kewö möt asariget, “Aha! Plaua mem qariqari yistkö galöm mem anğubingöra qahö jiyökmö, Farisi pati aka Sadyusi pati yeñgören keu lolonqalonñi andö qebingöra jiyök.” Mewö.

*Pitönöñ Jisösgö könañi jim miwikñaiyök.
Mak 8.27-30; Luk 9.18-21*

¹³ Jisösnöñ Sisaria Filipai taongö kösutñe anda miangören gwarekurupñi kewö qesim enğiyök, “Ambazipnöñ Suep gölmegö azi ölni nöñgöra denöwö jimakze? Ni niñia akzal?” ¹⁴ *Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi Jeremaia me kezapqetok azi walñi yeñgörenök kun akzan.’”

¹⁵ Mewö jigetka kewö qesim enğiyök, “Aka nanñinak nöñgöra denöwö jize? Ni niñia akzal?” ¹⁶ *Qesim enğiiga Saimon Pitönöñ melenđa jii mörök, “Gi Amötqeqe Tonji Kraist aka malmal Tonji Anutugö Nahönñi akzan.”

* **16:1:** Mat 12.38; Luk 11.16 * **16:4:** Mat 12.39; Luk 11.29 * **16:6:** Luk 12.1 * **16:9:** Mat 14.17-21 * **16:10:** Mat 15.34-38 * **16:14:** Mat 14.1-2; Mak 6.14-15; Luk 9.7-8 * **16:16:** Jon 6.68-69

¹⁷ Mewö jiiga Jisösnöñ melenđa kewö jii mörök, “O Saimon Jonagö nahönñi, gölme azi sep busuñambuk kunñan qahöpmö, nöñgö Iwini Suep mire maljawi, yañön mönö keu mi göhöreñ indelök. Mianğöra göñön mönö simbawoñ akzan. ¹⁸ Nöñön kewö jibi mötman: Gi Pitö (nanine keunöñ jamönñiñ) aknöñga nöñön jamönñiñ mianğö qakñe urumelenñ könagesönañgö tandöñi albi nañgöm enğinöñga uruñini möhamgöba köhöiba kinme. Göñön i galöm köl enğinöñga kömup Toñan i senjom mirigö kiripo nañguñe öröm enğimamgö osima. Ömewöröme tosatñi yeñgö kukösumñinan mewöyök i köndenđa luhut al enğibingö osime.

¹⁹ * “Nöñön Suep bemtohoñangö ki moröñi yahöt gihimam. Gi gölmenöñ siñgisöndok jöhönöñga mianñön mönö Suep mire mewöyök jöhöjöhöñi ahöma. Gi gölmenöñ siñgisöndok mosöta pösatnöñga mianñön mönö Suep mire mewöyök pösatpösatñi ahöma.” ²⁰ Mewö jiba Amötqeçe Toñi Kraist ahöhi, mi aukñe jiget kunñan mötpepuköra gwarekurupñi yeñgöra soñgo köhöikñi al enğiyök. Mewö.

Jisösnöñ kömumamgö keuñi jiyök.

Mak 8.31–9.1; Luk 9.22-27

²¹ Nalö mianğöreñgök Jisösnöñ könahiba gwarekurupñi yeñgöra keu kewö indelök, “Nöñön Jerusalem anda sihimbölö gwötpuk mötman. Kantrigö jitñememe, jike nup galöm aka Köna keugö böhi yeñön nuñgugetka kömumam. Kömumbiga wehön karöbut aiga kömupnöñhök wahötmam.”

²² Jisösnöñ mewö jiiga Pitönöñ öröm wañgiba görañe anda könahiba qetala kewö jim wañgiyök, “O Kambu, mi nalö kunöñ asuhum gihibapuköra Anutunöñ mönö sel jöhöm gihima.” ²³ Qetal wañgiiga lilingöba Pitö kewö jim wañgiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Gi nöñgö köna utumamgö mötnöñga urunan böliza. Mianğöra Satan, gi mönö döлки nöñgö jemesoholneyök kesalnöñ!” Mewö.

Kraist wuatangöbingö söñgöröñi

²⁴ * Nalö mianğöreñ Jisösnöñ gwarekurupñi keu kewö jii mötket, “Kunñan nöñgö andöne kamamgö mötzawi, yañön mönö nanñi urusilenangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatangöba kama. ²⁵ * Kunñan malmalñi nanñangöra angön köla nanñi imbi-imbi maljawi, yañön mönö malmalñi ölni jöhöi sohoma. Sohomapmö, kunñan gölmegö malmalñi nöñgöra aka kölenđa tököm niñgimawi, yañön mönö malmal ölnangö könañi miwikñaiba köhöiba malma.

²⁶ “Kunñan gölmeñi gölmeñi miengö öröyuaini pakpak köl öröiga buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga uñañan ayuhuiga qahö dop kölma. Sukinapñi mianñön mönö urusösöñgai qahö ak wañgima. Qahöpmahöp. Körek neñön mönö bohonini jöhöm angubingö osibin.

²⁷ * “Suep gölmegö azi ölnan könañgep Suep garata töröñi yembuk ki etketka Iwiñangö asakmararañi eka aurume. Nalö mianğöreñ mohot mohot neñgö ahakmemenini kewöta likepñi mianğö dop neñgima. ²⁸ Nöñön keu ölni kun kewö jibi mötme: Kianğöreñ kinjei, enğö sutñineyök tosatñan Suep gölmegö azi ölnan kinñ aka asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

17

Jisösgö sileñe letotqetot ahök.

Mak 9.2-13; Luk 9.28-36

¹ * Wehön 6 teköiga Jisösnöñ Pitö, Jeims aka Jeimsgö munñi Jon enğuanğita nanñinök

* **16:19:** Mat 18.18; Jon 20.23 * **16:24:** Mat 10.38; Luk 14.27 * **16:25:** Mat 10.39; Luk 17.33; Jon 12.25 * **16:27:** Mat 25.31; Sum 62.12; Rom 2.6 * **17:1:** 2 Pitö 1.17-18

kundunji köröpñi kunöñ öngöba kötikle malget. ² Malgetka jemesoholñine kiniga Jisösgö sile tandökñan letota murutñi ahök. Jemesoholñan wehön jenji ewö kölkölbilibilikñambuk asariiga malukuñan tuat lalamñi aka asakñambuk ahök.

³ Mewö aiga eketka Moses aka Elaija yetkön asuhum engiba Jisösbuk keukeu jiget. ⁴ Jigetka Pitönöñ könahiba keu jiba Jisösgöra kewö jiyök, “Kembu, nenñon kiangören uruölöwak mötzin. Miangöra sihimgan mötzan ewö, nöñon ölop koum karöbut qemam. Göhö kun, Mosesgö kun aka Elaijagö kun.”

⁵ *Mewö jiba kiniga unuñunñ tuat lalamñi asakmararañambuk kunöñ eta aumñan esuhum engiiga miangö uruñeyök qet kun kewö eriga mötket, “Azi ki mi nani wölböt nahöna. Nöñgö urusihimni ketañan mönö yangören ahöza. Mönö yangö keuñi möta malme.” ⁶ Gwarek yeñon keu mi möta jönömñini undui sipköba gölmenöñ eta kenğötñini gwötpuk mötket.

⁷ Mewö mötketka Jisösnöñ yengören kaba silenini oseiba kewö jii mötket, “Mönö wahötket. Kenğötñini kude mötme!” ⁸ Keu mi möta uba wahöta tosatñi qahö enğeketmö, Jisösnöñ nanñök kiniga eket. Mewö.

Jon O-melun-azi mi Elaijagö salupñi akza.

⁹ Kunduñeyök etketka Jisösnöñ sörokñi miangören kewö jim kutum engiyök, “Inñini yuai ekzei, miangö buzupñi mi ambazip kun kude jiget mötme. Suep gölmegö azi ölnan kömupnöhök wahöriga miangö andöñe mi ölop jim asariba malme.”

¹⁰ *Mewö jim kutum engiiga gwarekurupñi karöbut yeñon Jisös kewö qesim wañgiget, “Köna keugö böhi yeñon keu kewö mi wuanöñgöra jimakze, ‘Kezapqetok azi Elaijanöñ mönö mutuk Suepnöhök eriga Amötqeqe Toñan miangö andöñe asuhuma?’ ”

¹¹ Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhangöma. Keu mi ölnapmö, ¹² *nöñon kewö jibi mötme: Elaijanöñ lök eta asuhuyökmö, i eka könañi qahö möt kutugetmö, ambazipnöñ i nanñini sihimñini wu-atañgöba lañ ak wañgiget. Mewönanök Suep gölmegö azi ölni mewöyök lañ ak wañgigetka Juda yengö böröñine geba sihimbölö mötma.” ¹³ Elaijagöra mewö jiba ölna Jon O-melun azigöra keu jii mötkeri, gwarek yeñon mi mewö möt asariget. Mewö.

Jisösnöñ öme wuatangöi morönöñ ölöwahök.

Mak 9.14-29; Luk 9.37-43

¹⁴ Jisös aka gwarek karöbut yeñon kunduneyök eta ambazip kambu yengören kagetka azi kunöñ Jisösgö kösutñe kaba simin köl wañgiba kewö jii mörök, ¹⁵ “Kembu, göñon mönö nahöni ak kömum wañgiman. Kawölnöñ yöhöiga tala eta qeiga bözok mitiba semben auba sihimbölö gwötpuk mörakza. Nalö gwötpuk tala könöpnöñ me onöñ gemakza. ¹⁶ Nöñon i wañgita gwarekurupki yengören kazalmö, yeñon i mem ölöwak wañgibingö osize.”

¹⁷ Mewö jiiga melen wañgiba jiyök, “Yei, gölmegö yangisen aka misimkaulup ambazip, mönö nalö dawik embuk mala qatön engubiga Anutu qahö möt narigetka sihimbölö mötmam? I mönö wañgita nöñgören ki kaget.” ¹⁸ Wañgita kagetka Jisösnöñ öme mi jim wañgii mosöta ani morönöñ nalö miangörenök ölöwahök.

¹⁹ Ölöwahiga gwarekurupñan mi eka nanñinök Jisösgören kaba tata kewö qesim wañgiget, “Nenñon mönö wuanöñgöra mi naninök wuatangöbingö osizin?”

²⁰ *Qesim wañgigetka kewö jii mötket, “Mötnaripñinan morörökñi akzawañgöra mi wuatangöbingö osize. Nöñon keu ölni kun kewö jibi mötme: Mötnaripñinangö ölni mi neñon kötnangö dop ahöbawak ewö, enñon ölop kundunji kiangö Toñangöra kewö jim kutubeak, ‘Gi mönö kundunji mi meköba wahöta anda likepñe endu alman.’ Mewö jiba möt narigetka miangö dop aiga endu anma. Anutu möt narigetka inahöm engiiga yuai

* **17:5:** Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * **17:10:** Mal 4.5 * **17:12:** Mat 11.14 * **17:20:** Mat 21.21; Mak 11.23; 1 Kor 13.2

kungöra qahö qaköbeak.” ²¹ (Öme tandökñi mewöñi mi mönö köuluköba nene siñgi mala wuatangöbin. Yuai murutñi kun ahinga qahö kota anma. Mewö.)

Jisösnöñ kömumangö Bunñi jiiga yahöt ahök.

Mak 9.30-32; Luk 9.43b-45

²² Jisösnöñ gwarekurupñi yembuk mohotñe Galili prowins uruñe liliköba könanöñ angetka Jisösnöñ keu köññi kewö jii mötket, “Anutunöñ Suep gölmegö azi ölni mi gölme ambazip yeñgö böröñine al wañgii gema. ²³ Geiga i qegetka kömuma. Kömuiga wehön karöbut aiga mönö kömupnöñök wahötma.” Gwarekurupñan mi möta uruñinan lömböriiga wösöbirik mötket. Mewö.

Jisösnöñ jöwöwöl jikegö takisñi alök.

²⁴ *Jisösnöñ gwarekurupñi yembuk Kaperneam taonöñ kañgotketka jöwöwöl jikegö takis meme azi yeñön Pitögöreñ kaba kewö qesim wañgiget, “Eñgö böhiñinan jöwöwöl jikegö takisñi alma me qahö?”

²⁵ Qesim wañgigetka “On!” jiyök. Miangö andöñe Pitönöñ miri uruñe öngöiga Jisösnöñ keu mutukñi kewö qesim wañgiyök, “Saimon, gi denöwö mötmörizan? Denike yeñön kölköl-örörögö töwañi aka takis tosatñi mi gölmegö kiñ azi kembu yeñgöra alakze? Kantri toni neñön me kian yeñön mi algetka tokomakze?”

²⁶ Mewö qesim wañgiiga melenña “Kian yeñön,” jiyök. Mewö jiiga Jisösnöñ kewö jii mörök, “Mewö aiga kantri toni neñön mi albinangö dop qahö akzin. ²⁷ Mewö akzinmö, takis qahö alinga azi miengö uruñinan bölipapuköra mönö anda kösö kawiki o angönöñ gilman. Gila söra mutukñi öröba memani, mönö miangö numbuñi mesaköba moneñ köññi miangöreñ miwikñaiman. Moneñ köññi mi azi yahöt netkö takisnirangö dop. Mönö mi memba eñgiba mianön nöñgö aka nangi takisniri alman.” Mewö.

18

Gwarek sutñine danön mutukñi akza?

Mak 9.33-37; Luk 9.46-48

¹*Nalö miangöreñ gwarek yeñön Jisösgöreñ kaba kewö jiget, “Suepkö bemtohonñ uruñe danön öngöñgöñi akza?” ² Mewö jigetka namande moröñi kun qeri kaiga sutñine ali kinök. ³*Kiniga kewö jiyök, “Nöñön keu ölni kun kewö jibi mötme: Uruñini qahö melenña nahönbörat ewö qahö akñe ewö, inini mönö nalö kunöñ Suepkö bemtohonñöñ qahö añgotme.

⁴ Miangöra kunñan nanñi memba et ala morö kiangö dop akñawi, yañön mönö Suepkö bemtohonñ uruñe öngöñgöñi akza. ⁵ Kunñan namande kewöñi kun nöñgö qetne köl öröba köyan kölmawi, yañön mönö ni köl öröm niñgima.” Mewö.

Singisöndökö kölgorom mönö qetal eñgime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñi möt narim niñgizei, kunñan yeñgöreñök kun kölgorom ak wañgiiga singisöndök akñawi, azi mianön mönö lömböt öngöñgöñi miwikñaima. Anutunöñ lömböt miangö likepñi denöwö wañgiiga dopñe akawak? Kemuñ jamönñiñ jölñe jöhöba köwet röndumnöñ gilget mulumgöi gebawak, mianön mönö awamñi ahum wañgii tandök akawak.

⁷ “Singisöndökö supatitikan mönö awamñanök asuhumakza. Miangöra gölme ambazip eñgöra Yei wösöbirik! mötzal. Kunñan supatitik angön kölmangö osimakzappmö, kun danön tosatñi kölgorom ak eñgiiga singisöndök akñei, yañgöra mönö Yei! jiba sahötzal. Sihimbölö öngöñgöñan mönö yañgö qakñe öñgöma.

* 17:24: Eks 30.13; 38.26 * 18:1: Luk 22.24 * 18:3: Mak 10.15; Luk 18.17

8 **“Börögan me könagan siŋgisöndok akŋangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikŋi miwikŋaiba oyaenŋkoyaen akŋanmö, köna börö yahötpuk malnöŋga könangep könöp sianöŋ gil gihigetka gebanbuk. Sia könöpŋi mi teteköŋi qahö jema.*

9 **“Mewöŋanök jegan siŋgisöndok akŋangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikŋe aŋgota oyaenŋkoyaen akŋanmö, je yahötpuk malnöŋga könöp siagö könöpŋöŋ gil gihigetka gebanbuk.” Mewö.*

Lamanöŋ sohöyöhi, miangö dopkeu

Luk 15.3-7

10 *“Ambazip moröŋi kienŋgöreŋök kun memba et al waŋgibe-puköra mönö galömnini meme. Nöŋön keu kewö jizal: Yengö kölközizip garataurupŋinan mönö Suep miri miangöreŋ nöŋgö Suep Iwinangö kösutŋe mala jemesoholŋi sundan ehakze. Miangöra jijiwilit kude ak engime. 11 (Suep gölmegö azi ölnan mönö ambazip sohosohöŋi mem letot engii oyaenŋkoyaen akŋegöra erök.)*

12 *“Keu kianŋöra denöwö mötmörize? Azi kungö lamaurupŋi 100 malgetka miengöreŋök kunŋan sohoba janjuŋ aniga toŋan denöwö akŋa? Yaŋön mönö 99 mi kundunŋe engömosöta anda mohot janjuŋ anöhi, miangö jaruba anma. 13 Jaruba anda mala miwikŋaiba ewö, nöŋön keu ölni kun kewö jibi mötme: Yaŋön 99 janjuŋ qahö angeri, miengöra nalö miangöreŋ gwötpuk qahö söŋgaimapmö, mohot miangöra öŋöŋi qahö söŋgaiba malma. 14 Miangö dop engö Iwiŋini Suep mire maljawaŋön mönö ambazip moröŋi kienŋgöreŋök kunŋan sohoba könöp sianöŋ gebapuköra mörakza.” Mewö.*

Alagan siŋgisöndok ak gihiga kewö akŋan:

15 **“Urumelenŋ alagan siŋgisöndok ak gihima ewö, gi mönö yaŋgöreŋ anda mesohol köl waŋgiba köna siŋgiyöhi, mi kondel waŋgiman. Mewö aknöŋga keugi möta bapŋe anma ewö, göŋön mönö alagi luhut al waŋginöŋga kunbuk urumohot aka malmahot. 16 *Mewö aknöŋga keugi möta miangö bapŋe qahö anma ewö, göŋön mönö toroqeba ala mohot me yahöt etkuaŋgita yaŋgöreŋ anme. Mewö Buŋa Kimbigö keu kianŋö dop akŋan, ‘Keu pakpak mi ambazip yahöt karöbutŋan nanŋöba jigetka köhöima.’*

17 *“Mewö aketka keuŋini möta miangö bapŋe qahö anma ewö, göŋön mönö urumelenŋ könagesögö jitreŋememe yengöra jinöŋga yambuk eraum mötme. Eraum mötmemö, yengö keu bapŋe mewöyök qahö anma ewö, mi mönö aukŋe jigetka jabö ahui urumelenŋö kopa ewö ak waŋgiba malman. Takis tilipqilip-ŋinambuk megetka sisitŋini memakzei, miangö tandök ewö i mönö mosötnöŋga yaigep malma.”*

Siŋgisöndokö jöhöjöhöŋi aka pösatpösatŋi

18 **“Nöŋön keu öln töhöŋŋi kun kewö jibi mötme: Enöŋ siŋgisöndok gölmenöŋ jöhömei, mi pakpak mönö Suep mire mewöyök jöhöjöhöŋi ahöma aka siŋgisöndok gölmenöŋ mosöta pösatmei, mi pakpak mönö Anutunöŋ mosöri Suep mire mewöyök pösatpösatŋi ahöma.*

19 *“Toroqeba keu kewö jibi mötme: Gölmenöŋ engöreŋök yahötŋan keu mi me mi miangöra urumohok aka köuluköbitkö keu jöhömahori, mi nöŋgö Iwini Suep mire maljawaŋön mönö etkiiga buŋa qem aŋgumahot. 20 Mi kewögöra: Ambazip yahöt me karöbutŋan nöŋgö qetne igen me waigen tokomei, nöŋön mönö miangöreŋ yengö sutŋine malman.” Mewö.*

Welenqeŋe ak-kömukömuŋi qahöpkö söpsöp keu

21 **Nalö miangöreŋ Pitönöŋ Jisösgöreŋ kaba keu kewö jii mörök, “Kembu, alanan siŋgisöndok ak niŋgimakzawi, nöŋön mi indimŋi dawikö dop mosötpiga dop kölma? Indimŋi 7 mi gwötpuk. Miangö dop mosötpiga dop kölma me qahö?” 22 Jisösnöŋ mi möta*

* 18:8: Mat 5.30 * 18:9: Mat 5.29 * 18:15: Luk 17.3 * 18:16: Dut 19.15 * 18:18: Mat 16.19; Jon 20.23

* 18:21: Luk 17.3-4

kewö melenj wanjiyök, “Indimni 7 qahöpmö, 70 taims 7 * mi mosötnönga dop kölma. Nöñön göhöra mewö jizal. ²³ Mianjö könañi mi kewö jim tuarimam. Suepkö bemtohoñi mi kiñ azi kembugö dop albi kewö akza: Kiñnöñ welenqeçeurupñi engohola moneñini galöm kölgeri, mianjö areñ papiañi kondelget mindiñgömapköra kapañ kölök.

²⁴ “Mewö könahiba moneñanjö kösohotñi kewöta mindiñgögetka mianjöreñ azi kun wanjita kagetka yanjö jeñe kinök. Tosañi 10 milyön kina mi yanjöreñ ahöyök. ²⁵ Mi ahöyökmö, tosañi mi mekömamgöra moneñi qahö dop köli osiyöhanjöra aka ketañamñan kinda kewö jim kutuyök, ‘Sukinapñi ahözawi, mi pakpak mönö söngöröñi memegöra alme. I aka anöm-moröñi i mewöyök mönö söngöröñini memegöra algetka moneñ kaiga mianjön tosañi mi meköme.

²⁶ “Mewö jim kutuiga welenqeçerñan wösöñe eta simin köla sipköba kewö ulet wanjiyök, ‘Gi mönö urukönöp kude aka mökösoñda mamböt niñginönga göhöreñ tosañi pakpak mi ölop meköm gihimam.’ ²⁷ Mewö ulet wanjiiga ketañamñan welenqeçerñanjöra wösö mötmöt aka tosañi mi kutuba mosöta pösari erök. ²⁸ Erökmö, yaigep anda mianjöreñ welenqeçe alañi kun miwikñaiba ehök. Yanjö tosañi mi silim 100:kö töwanj (Kina500,-) mianjö dop yanjöreñ ahöyök. I eka memba jölñi köhöikñanök mözöhöla kewö jiyök, ‘Nöñgöreñ tosa göhöreñ ahözawi, mi mönö meköm niñgiman me?’

²⁹ “Mewö jiiga welenqeçe alañan wösöñe eta simin köla sipköba kewö ulet wanjiyök, ‘Gi mönö urukönöp kude aka mökösoñda mamböt niñginönga göhöreñ tosañi mi ölop meköm gihimam.’

³⁰ “Mewö jiyökmö, yanjön mi tököba anda jii memba jöhöba kösö mire alget tari tosañi mekögetka etma. ³¹ Yuai mi asuhiiga welenqeçe alaurupñan tandök mi eka uruñinan kömbuhiiga wösöbirik möta anda mianjö kösohotñi mi körek ketañamñananjöra jigetka mörök.

³² “Mi möta ketañamñinan welenqeçe mutukñi mi qeri jeñe kañgoriga kewö jii mörök, ‘Gi nup meme azi bölöñi! Gi tosañi kutuba mosötmamgö qesim niñginönga nöñön mi pakpak mosöt gihizal. ³³ Nöñön gehoriba ak kömum gihibiga göñön mewöyök mianjö dop welenqeçe alagi ak kömum wanjinönga dop kölbawak.’

³⁴ “Ketañamñan mewö jiiga irimni seholiiga welenqeçe mianjö keuñi jim teköba kösö mirigö galöm yengö böröñine al wanjiiga sihimbölö gwötpuk möta tatma. Mianjöreñ tata tosañi kiñgöreñ ahöyöhi, mi pakpak meköm teköiga etma. ³⁵ Söpsöp keu kianjö ölnj kewö: Inini mohot mohot alañananjö siñgisöndokñi uruñinan qahö mosötme ewö, nöngö Suep Iwinan mönö mewöyök keu mianjö dop ak enjima.” Mewö.

19

Awanöm anjömosötmösötkö keuñi

Mak 10.1-12

¹ Jisösnöñ keu mi jim teköbagun Galili prowins mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. ² Kaiga ambazip kambulelebenöñ wuatañgöba kagetka mianjöreñ mem ölowak enjiyök.

³ Mem ölowak enjiiga Farisi (Köna keugö kapañkölköl) tosatñan yanjöreñ kaba keugö bötaknöñ örömapkö esapköm wanjiba kewö qesim wanjiget, “Azinöñ könañi i me waigöra anömñi mosötmawi, mi Köna keu onjgitma me qahö?”

⁴ *Qesim wanjigetka melenja kewö jiyök, “Miwimiwikñai Toñan lök könakönahineyök i ‘azi aka ambi malmegöra miwikñaim enjiyök.’ Buña keu mi oyoñget me qahö?”

⁵ *Miwikñaiba kewö jiyök, ‘Mianjöra azinöñ mönö iwinamñi etkömosöta anömñanjöreñ anda qekötahöiga yetkön sile mohot aka malmahot.’ Keu mi oyoñget me qahö? ⁶ Mewö

* **18:22:** 70 taims 7 = 490. Mianjö dop alagahö siñgisöndokñi mi mönö qösösök mosötman.

* **19:4:** Jen 1.27; 5.2

* **19:5:** Jen 2.24

aka toroqeba yahöt qahö akzahotmö, sile mohot aka malmahot. Anutunöñ azi aka ambi mindirim etkiyöhi, ambazip kunöñ mönö i kude mendenj etkima.”

⁷ *Mewö jii möta kewö jiget, “Azinöñ anğömosötmosöt papia ohoba anömñi ölop mosötma. Mosesnöñ mönö wuanöñgöra keu mewö jim kutum nenji ahöza?” ⁸ Mewö jigetka kewö jim enjiyök, “Mosesnöñ mönö uruköhöikñinanğöra aka anömñi mosötmapkö keu mewö jim kutuyökmö, könakonahineyök mewö qahö ahöyök. ⁹ *Nöñön kewö jibi mötme: Anömñan qesabulum qahö ahiga töndup wuatangöba ambi kun memawi, yanön mönö sero yonğorö akña. Kunñan ambi mosötmosötñi memawi, yanön mönö sero yonğorö akña.”

¹⁰ Jisösnöñ mewö jiiga gwarek yeñön jiget, “Awanöm sutñire anğömosötptkö sonjo mewö ahöza ewö, mönö awanöm qahö ahinga dop kölma.”

¹¹ Mewö jigetmö, Jisösnöñ kewö meleşnök, “Miangö keunji kusum enjizali, ambazip köreknan mi nanñinanğöra anğön köla miangö dop ölop qahö akñemö, Anutunöñ keu mi ambazip tosatñi yeñgöra enjiyöhi, yeñönök mönö miangö dop akñe. ¹² Miangö könani kewö: Tosatñan nam körö uruñe ahuba miangöreñök könahiba awanöm akingö qahö mötze. Tosatñan ambazipnöñ sileñini yandiba * kondot enjigetka awanöm akingö dop qahö akze. Tosatñan Suep bemtohoñanğöra aka awanöm qahö akingö keunji jim jöhöba keunji mi wuatangömakze. Kunñan keu mia me mia möt anğön köla wuatangömangö dop akzawi, yanön mönö miangö dop akña.” Mewö.

Jisösnöñ nahönbörat kötuëtköm enjiyök.

Mak 10.13-16; Luk 18.15-17

¹³ Nalö miangöreñ tosatñan nahönbörat morömorö enjuangita Jisösnöñ böröñi nöropñine ala köulukömapköra yanğöreñ kagetmö, gwarek yeñön ambazip mi jim qetal ak enjiget. ¹⁴ Mewö aketka Jisösnöñ kewö jiyök, “Nahönbörat moröñi mi ölop enğömosötketka nöngöreñ kame. Suepkö Tonjan ambazip mewö mia bemtohoñi buña qem enjima. Miangöra i kude jöhöm enjime.” ¹⁵ Mewö jiba böröñi nöropñine ala enğömosöta kungen anök. Mewö.

Jisösnöñ azi pomñi kungö qambañ keu jiyök.

Mak 10.17-31; Luk 18.18-30

¹⁶ Nalö kungen azi kunöñ Jisösgöreñ kaba kewö qesim wanjiyök, “Böhi, nöñön ahakmeme ölopñi denöwö aka malmal köhöikñanğö buña qem angubileñak?” ¹⁷ Qesim wanjiiga kewö jii mörök, “Ahakmeme ölopñi denöwö, wuanöñgöra mewö qesim niñgizan? Mohot-kunñan mönö ölopñi akza. Malmal köhöikñe anğotmamangö mötman ewö, mönö jöjöpañ keu tem köla malman.”

¹⁸ *Mi möta kewö jii mörök, “Wani jöjöpañ keugöra jizan?” Jisösnöñ mi möta jiyök, “Mönö ki, ‘Ambazip kun kude qenöñ kömuma, Sero yonğorö kude akñan, Yonğorö kude meman, Jitnöñ alal keu kude jiman, ¹⁹ *Iwinamgi mönö göda qem etkimakñan,’ aka ‘Nangi jöpaköm anğumakzani, miangö dop mönö ambazip pakpak jöpaköm enjimakñan.’ ”

²⁰ Mewö jiiga azi gwabönöñ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöñ jiyök, “Gi aködamungabuk malmangö mötman ewö, mönö anda sukinapki söngöröñi memegöra alnöñ moneñ kaiga ambazip wanapñi enjiman. Mewö aknöñga sukinapki ketani (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²² Mewö jiyökmö, gwabönöñ keu mi möta sukinapñi gwötpuk ahöyöhanğöra aka wösöbirik möta jeñi asöliiga öne mosöta anök. Mewö. ²³ Mosöta aniga Jisösnöñ gwarekurupñi kewö jii mötket, “Nöñön keu ölnji kun kewö jibi mötme: Yei! Ambazip pomñi yeñön

* **19:7:** Dut 24.1-4; Mat 5.31 * **19:9:** Mat 5.32; 1 Kor 7.10-11 * **19:12:** Azi kötni kölkölgöra jiza. * **19:18:** Eks 20.13-16; Dut 5.17-20 * **19:19:** Eks 20.12; Dut 5.16; Lew 19.18

mönö Suepkö bemtohoññöñ angotpingö lömbörība kupuk-kapak akñe. ²⁴ Mi kewö jim tuarimam: Sömbup ketañi kamel mi kondi kinimñe ölop qahö angotma. Mianğö dop ambazip pomñi yeñön Anutugö bemtohoñ uruñe angotpingö lömbörība qaköme.”

²⁵ Mewö jii möta gwarek yeñön aurum tililingöba kewö jiget, “Opoñ! Ambazip dañön mönö Suepkö buñaya akawak?” ²⁶ Mewö jigetka Jisösnöñ uba engeka kewö jiyök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yanñon yuai kun aka memangö qahö osiba qakömakza.” Mewö.

Jisösgö nup memegö töwañi

²⁷ Pitönöñ keu mi möta melenđa kewö jiyök, “Mötnöñ, neñön mönö yuai pakpak mosöta gi guatanğöba kain. Mianğö likepñi mönö wani yuaia membin?” ²⁸ *Mewö jiiga Jisösnöñ kewö jii mötket, “Nöñön keu ölni kun kewö jibi mötme: Yuai pakpak kölönaiiga Suep gölmegö azi ölnan jakömbuak dumñe tari asakmararañan asarimawi, nalö qainñi kun mianğöreñ ni nuatanğöba kageri, eñön mönö mewöyök jakömbuak dum 12 mianğöreñ tata Israel kambu 12 yeñgö keuñini kewöta jim teköme.

²⁹ “Kunñan nöngö qetnanğöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi enğömosoriga Anutunöñ mönö mianğö likepñi onğita melen wañgiiga sehima. Mewö sehiiga malmal köhöikñi teteköñi qahö buña qem anğuma. ³⁰ *Mewö asuhumapmö, mutukñi enğöreñök gwötpukñan dagibezupñi aketka dagibezupñi yeñgöreñök gwötpukñan mutukñi akñe.” Mewö.

20

Wain nup meme ambazip yeñgö dopkeu

¹ Jisösnöñ jiyök, “Suepkö bemtohoñi mi kewö: Gölme toni kunöñ söñanök wahöta yaigep anda azi tosatñi engeka wain nupñe monen nup memegöra qesim enğiyök. ² Qesim enğiiga ‘Ölop,’ jigetka silim mohotkö töwañini (Kina 5) enğimapkö urumohot aketka melaim enğiiga wain nupñe anget.

³ “Angetka 9 kilok mianğö dop aiga kunbuk toroqeba anda azi tosatñi maket sombemñe önewat kingetka engehök. ⁴ Engeka kewö jii mötket, ‘Inini mönö mewöyök nöngö wain nupne anda nup megetka töwañini dopñeyök enğimam.’

⁵ “Mewö jiiga wain nupñe anget. Angetka 12 kilok aiga kunbuk anök aka mare 3 kilok mianğö dop dumñe kunbuk yaigep anda mewöñanök ahök. ⁶ Mewö aka mare 5 kilok mianğö dop yaigep aniga azi tosatñi dumñe kunbuk öne lañ kingetka engehök. Engeka kewö qesim enğiyök, ‘Inini mönö wuanöngöra silim köröp ki öne malje?’

⁷ “Mewö qesim enğiiga kewö melenget, ‘Kunñan monen nup memingöra qahö qesim nenğiza. Mianğöra öne ki kinjin.’ Melengetka kewö jii mötket, ‘Inini mönö mewöyök nöngö wain nupne anda nup meget.’ ⁸ *Nup megetka mare aiga wain nup tonan nup galömnñi öröba kewö jii mörök, ‘Gi mönö nup meme azi enğohola töwañini enğiman. Mare qöndökñi kazei, yeñgöreñök könahiba enğiba anda söñanök kazei, yeñgöreñ teköman.’

⁹ “Mewö jiiga mare 5 kilok nupnöñ kageri, yeñön kañgotketka silim mohotkö töwañi (Kina 5) mi mohot mohot enğiiga meget. ¹⁰ Mutuk nupnöñ kageri, yeñön kañgota töwañini onğita memegöra mötmörigetmö, i mohot mohot mewöyök silim mohotkö töwañi (Kina 5) enğiiga meget. ¹¹ Töwa mohot miyök memba könahiba gölme tonanğöra uruñinan ihururuk möta jimongot ak wañgiba kewö jiget, ¹² ‘Nini wehöngöra nöngöp ariba nupkö lömbötñi bisizinmö, azi mi dölok-kun nup memegöra qesim enğizan. Yeñön aua mohot-kungö dop nup mezemö, göñön töndup yeñgöra mötmörinöñga nembuk öröröñ akze. Mi qahö dop kölja.’

* **19:28:** Mat 25.31; Luk 22.30 * **19:30:** Mat 20.16; Luk 13.30 * **20:8:** Lew 19.13; Dut 24.15

¹³ “Mewö jigetmö, yeŋgöreŋök kungöra kewö melenḁa jiyök, ‘Alani, ni göbuk keu jiba silim mohotkö töwa (Kina 5) gihimamgö urumohot akzit. Mianḁö dop töwa miyöhök gihibiga dop kölja. Mönö mi mötmöriman. ¹⁴ Urugi mianḁöra bölibapukmö, mönö nangi töwagi memba anman. Azi dölök-kun nup memegöra qesim enḁizali, yeŋgöra mewöyök töwa gihizali, mönö miyök enḁimamgö mötzal.

¹⁵ “Nani moneŋnöh nani sihimnaḁö dop akiga dop kölja me qahö? Nöhön ekbonep qahö akiga urugan auiga jegi bosoleiza me?” ¹⁶ *Jisösnöh keu mi jim teköba kewö jiyök, “Mianḁö dop qöndökŋi yeŋön mutukŋi aketka mutukŋi yeŋön qöndökŋi akŋe.” Mewö.

Jisösnöh kömumamgö keuŋi jiiga karöbut ahök.

Mak 10.32-34; Luk 18.31-34

¹⁷ Jisösnöh Jerusalem sitinöh öngöbingöra gölme köna angetka gwarekurupŋi 12 mi öröm enḁiba göraŋe anda kewö jii mötket, ¹⁸ “Mötket, nini Jerusalem öngöbin. Mianḁöreŋ kunŋan Suep gölmegö azi ölni mamalolo mem waŋgiiga jike nup galöm aka Köna keugö böhi yeŋö böröhine gema. Yeŋön kömumapkö keuŋi jim teköba ¹⁹ kian gawman yeŋö böröhine al waŋgime. Al waŋgigetka mepaiköba ihilek wahinambuknöh tauköm waŋgime. Tauköm waŋgiba maripomnöh qegetka kömuma. Kömumba wehön karöbut aiga kömupnöhök wahötma.” Mewö.

Jeims Jon namŋiran yuaigöra ulerök.

Mak 10.35-45

²⁰ Nalö mianḁöreŋ Zebedigö nahönyahöt yetkö namŋiran nahönyahötŋi yetpuk Jisösgöreŋ kaba simin köl waŋgiba yuai qainŋi kungöra uletmamgö jiyök. ²¹ Mewö jiiga qesim waŋgiyök, “Gi wani yuai akŋamgö mötzan?” Qesim waŋgiiga kewö jiyök, “Göhön ölop jim kutunöŋga nöŋgö nahönyahötŋi kietkön mönö göhö bemtohoŋnöh eu öngöba kunöh börögi ölnje aka kunŋan börögi qaniŋe tata yuai pakpak galöm kölbeak.”

²² Mewö jiyökmö, Jisösnöh melenḁa kewö jiyök, “Inini mianḁö könaŋi qahö möt yaköba uletze. Nöhön qambi kakŋambuk nemami, iniri mi ölop nemba sihimbölo mötmahot me qahö?” Mi möta “Ölop nemit,” jiyohot. ²³ Jiyohotka kewö jii mörohot, “Mi ölnja! Nöhön qambi kakŋambuk nemami, iniri mi mewöŋanök nemahotmö, nöŋgö böröni ölnje me qaniŋe daŋön tatmahori, nöŋön keu mi jim kutumamaḁö dop qahö. Nöŋgö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölnan mönö welenqeqeya akza.

²⁴ Darumun yahöt yetkön mewö ulerohotka alaurupŋi 10 yeŋön mi möta urubölo aket.

²⁵ *Mewö aketmö, Jisösnöh enḁoholi kagetka kewö jii mötket, “Gölmegö kantriŋi kantriŋi miengö jembonŋinan mönö azi kembu tandök ak enḁimakze. Yeŋö ketaŋamŋinan mönö keu jim kutuba mindiŋgöm enḁiba kukösumŋini kondelakze. Inini könaŋini mi ölop mötze.

²⁶ *Enḁö sutŋine silik mewö ahöbapukmö, kunŋan enḁö sutŋine ketaŋamŋini akŋamgö mötzawi, yaŋön mönö welen qem enḁiba malma.

²⁷ “Mewöyök kunŋan enḁö sutŋine mutukŋi malmamgö mötzawi, yaŋön mönö enḁö nembö bapŋine mala welenqeqeŋini omani akŋa. ²⁸ Suep gölmegö azi ölnan mönö mewöyök silik mewöŋi kondela nanŋi welen qem waŋgimegöra aka qahö kayök. Qahöpmö, mönö welen qem enḁiba ambazip sehisehiŋi yeŋö sohopeniŋi memamgöra aka eta malmalŋi kölenḁa mosötma.” Mewö.

Jisösnöh jegömöl azi yahöt mem ölöwak etkiyök.

Mak 10.46-52; Luk 18.35-43

* **20:16:** Mat 19.30; Mak 10.31; Luk 13.30 * **20:25:** Luk 22.25-26 * **20:26:** Mat 23.11; Mak 9.35; Luk 22.26

²⁹ Jisösnöñ gwarekurupñi yembuk Jeriko siti mosötpingö aketka ambazip kambulembenöñ enguatanğöba andöñine kaget. ³⁰ Mewö kagetka jegömöl azi yahöt köna jıtñe tarohot. Tarohotka “Jisösnöñ nenğonğitmamgö akza,” jiget möta kewö qerohot, “Kembu Deiwidkö gwölönarökñi, mönö ak kömum netkinöñ!”

³¹ Mewö qerohotka ambazip kambu yeñon keu bök tatmahotköra qetal etkigetmö, yetkön mönö kapan köla kewö qerohot, “Kembu Deiwidkö gwölönarökñi, mönö ak kömum netkinöñ!” ³² Mewö qerohotka Jisösnöñ dörök ala yangöreñ kamahotköra qeri kayohotka kewö qesim etkiyök, “Alayahötñi, nöñon wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.”

³⁴ Mewö jiyohotka Jisösnöñ yetköra wösöñi möta jeñiri misirii miangöreñök tohoiga uba Jisös wuatanğöba andöñe anohot. Mewö.

21

Jisösgöra köirañ kölgetka Jerusalem öngöyök.

Mak 11.1-11; Luk 19.28-40; Jon 12.12-19

¹ Jisösnöñ gwarekurupñi yembuk Jerusalem siti dopdowiba Oil ip kundunje Betfage mirinöñ kaget. Kaba gwarekyahötñi yahöt melaim etkimamgöra aka ² kewö jii mörohot, “Miri wösöñire tatzawi, mönö miangöreñ anmahot. Anda miangöreñ angota donki ambiñi kösönöñ jöhöget kinjawi aka donki moröñi mi miangöreñök miwikñaim etkimahot. Mi mönö pösat etkiba memba nöngöreñ kamahot.

³ “Pösarohotka kunñan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka donki mi zilañ al etkiiga ki kamahot. ⁴ Anutunöñ keu kun kezapqetok azi kungö urunje ali jiyöhi, mianñon ölnambuk akñapköra mewö asuhuyök. Keu mi kewö,

⁵ * “O Jerusalem ambazip Zaion kundunji liliköba maljei, yengöra mönö kewö jigetka mötme, ‘Mötket, engö kiñ kembunjan mönö engöreñ asuhuma. Yanñon guñböñjönjön aka donki qakñe tata kama. Donki lömböt bisimakzawanğö moröñi miangö qakñe tata kama.’ ”

⁶ Jisösnöñ gwarekyahötñi melaim etkiiga anda keu jiyöhanğö dop ahot. ⁷ Yetkön donki ambiñi moröñambuk etkömemba kayohot. Kayohotka malukuñini qeköba donki qakñire algetka Jisösnöñ moröñanğö qakñe öngöba tarök.

⁸ Mewö tata aniga ambazip kambulembeñan göda qeba malukuñini qeköba köna namñe tumbulgetka tosatñan ip urunje anda böröñi qezunğata köna namñe tumbulget.

⁹ *Tumbulgetka ambazip kambu jeñe köl öröba angeri aka andöñe wuatanğöba kageri, yeñon kewö jiba qetket, “Hosana! Anutu möpöseizin. Deiwidkö gwölönarökñi owe owe! Kembugö qetñe kamawi, Anutunöñ mönö i kötuetköma. Hosana! Qetbuñagi möpöseininga euyangöreñ öngöza! Owe owe!”

¹⁰ Mewö qetketka Jerusalem sitinöñ öngöba sitigö ambazip körekñan auruba göjupmajup aka kewö qesiget, “Azi ki mönö niñia?”

¹¹ Qesigetka ambazip kambulembe yeñon kewö melenget, “Yanñon mönö kezapqetok azi Jisös, Galili prowinsgö Nazaret mirigöra.” Mewö.

Jisösnöñ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnöñ jöwöwöl jikegö tohon urunje anök. Miangöreñ ambazip engehiga inap bohonñi memegöra algetka söngöröñi megeri, yanñon mi pakpak közöl enğiiga etket. Moneñ utekutek ambazip yengö jakenñini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹³ *Mewö aka kewö jii

* **21:5:** Zek 9.9 * **21:9:** Sum 118.25, 26 * **21:13:** Ais 56.7; Jer 7.11

mötket, ‘Aisaianöŋ keu kun kewö ohoi ahöza, ‘Nöŋgö jikenan mönö köulukö mirinina akŋapkö qetme.’ Keu mi ahözapmö, inini mi utekögetka kegwek-kahasililiŋ yeŋgö banjet ewö akza.”

¹⁴ Mewö aiga jegömöl aka simalokon ambazip jöwöwöl jikenöŋ yaŋgöreŋ kagetka mem ölöwak enġiyök. ¹⁵ Mewö asuhuyökmö, jike nup galöm aka Köna keugö böhi yeŋön aŋgöletot meyöhi, mi eket aka nahönbörat jöwöwöl jikenöŋ qeta “Hosana! Deiwidkö gwölönarökŋi owe owe!” jigeri, mi enġeka urubölö aket.

¹⁶ *Urubölö aka kewö jim waŋgiġet, “Morö mi keu qetzei, mi mötzan me qahö?” Jim waŋgiġetka kewö melenġ enġiyök, “Ölöp mötzal. Inini nalö kungen Buŋa keu ki oyonġet me qahö, ‘Göŋön mönö nahönbörat aka morösepsep juzu nemakzei, mi kusum enġinöŋga nangi törörök möpöseim gihimakze.’ ”

¹⁷ Mewö jiba enġömosöta siti mosöta mare aiga Betani anda ahöyök. Mewö.

Jisösnöŋ fig ip kun qesuahöiga ululunġöyök.

Mak 11.12-14, 20-24

¹⁸ Ahöba söŋanök wahöta kunbuk sitinöŋ anda nenegö kömuyök. ¹⁹ Nenegö kömumba köna jittä fig ip * kun eka mianġö könaŋe anök. Anökmö, ölnġi qahö miwikŋaiiga sinŋanök kiniga ehök. Mewö eka ip mi kewö jim waŋgiġet, “Göŋön mönö nalö kunöŋ ölgö kunbuk kude kunġuman.” Mewö jim waŋgiġetka fig ip mianġön mönö mianġöreŋök ululunġöyök.

²⁰ Ululunġöiga gwarekurupŋan mi eka auruba kewö jiget, “Fig ipnöŋ mönö denöwö ösumok ululunġöza?” ²¹ *Jigetka Jisösnöŋ kewö melenġök, “Nöŋön keu ölnġi kun kewö jibi mötme: Mötnariġ töp memba uruyahöt qahö akeak ewö, fig ipköra yuai asuhuzawi, inini miyök qahö akeakmö, ki mewöyök ölöp akeak: Kunduŋi kianġö tonġanġöra kewö jim kutubeak, ‘Mönö kunduŋi ki qeköba wahöta anda köwetnöŋ alman.’ Mewö jim kutuba Anutu möt nariġiga mönö mianġö dop ahuma. ²² Wani yuaigöra qesiba köulukömei, mi pakpak buŋa qem aŋgubingö möt narigetka mönö buŋanġini akŋa.” Mewö.

Jitŋememe yeŋön Jisösgö kukösumŋanġö qesiget.

Mak 11.27-33; Luk 20.1-8

²³ Jisösnöŋ jöwöwöl jikegö tohoŋ uruŋe anda ambazip kusum enġiġa jike nup galöm aka kantriġö jitŋememe tosatŋi yeŋön yaŋgöreŋ kaŋgotket. Kaŋgota kewö qesim waŋgiġet, “Gi kianġöreŋ yuai akzani, mi mönö daŋön jim kutum gihiġa ahakzan? Mianġö kukösumŋi mi daŋön gihiyök?”

²⁴ Qesim waŋgiġetka kewö melenġ enġiyök, “Nöŋön mewöyök keu kun qesim enġimam. Mi melenġ niŋgime ewö, nöŋön mewöyök daŋön kukösum niŋgiġa yuai ki ahakzali, mi jibi mötme. ²⁵ Jonöŋ ambazip o-melun mem enġiba malöhi, yaŋön mianġö kukösumŋi mi denikeyök meyök? Suet Tonġan waŋgiġet me gölme tonġan waŋgiġet?” Mewö qesim enġiġa sutŋine eraum möta kewö jiget, “ ‘Kukösumŋan Suetnöhök asuhuyök,’ mewö jibin ewö, yaŋön mönö kewö jima, ‘Inini mönö wuanöŋgöra Jon qahö möt narim waŋgiġet?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neŋön mönö ambazip kambu yeŋgöra keŋgötnini möta osibin. Könagesö pakpak yeŋön mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö melenġet, “Mi qahö mötzin.” Mewö melenġetka Jisösnöŋ kewö jii mötket, “Mewö aiga nöŋön mewöyök yuai ki ahakzalaŋġö kukösumŋi daŋön niŋgiyök, mi qahö jibi mötme.” Mewö.

Kunġö nahönyahöt yetkö söpsöpkeu

* **21:16:** Sum 8.2 * **21:19:** Fig mi sambu ipkö alaŋi kun. Mi nupŋine kömötketka kötnġi nahömnġinambuk asuhuġetka gwötpuk nemakze. * **21:21:** Mat 17.20; 1 Kor 13.2

²⁸ Jisösnöñ söpsöpkeu kun kewö jiyök, “Inini keu kiangöra denöwö mötmörize? Azi kun nahönyahötñi yahöt malget. Nalö kunöñ iwiñiran nahönñi kungören anda kewö jiyök, ‘Nahöni, gi ölop merak nöngö wain kösö nupne anda nup meman.’

²⁹ “Mewö jiiga kewö melenök, ‘Ni töközal.’ Mewö jiyökmö, könangep keuñi miangö möt böliba elenda anda nup meyök. ³⁰ Miangö andöñe iwiñiran nahönñi kungören anda nahönñi mutukñangö jiyöhi, keu miyök jii mörök. Mi möta keu kewö jiba melenök, ‘On! Ketañamni, ölop anmam.’ Mewö jiyökmö, töndup qahö anök.”

³¹ Jisösnöñ mewö jiba qesim engiyök, “Yahöt yetkörenök danön mönö iwiñirangö jitñi tem kölok?” Mewö qesim engiiga kewö melenget, “Nahönñi mutukñi yanön.” Mewö melengetka kewö jii mörök, “Nöñön keu öl töhönñi kun kewö jibi mötme: Takis meme ambazip tilipqilipñinambuk aka köna ketañi ambi yeñön mönö inini engongita mutuk Anutugö bemtohoñ uruñe öngöme.

³² *³² “Keu miangö könañi kewö: Jon O-melun azinöñ engören kaba Anutugö jene solanibingö könañi kondeliga inini yangö keuñi mi qahö möt narigetmö, takis meme ambazip tilipqilipñinambuk aka köna ketañi ambi yeñön mönö i möt narim wangiget. Yeñön i möt narim wangigeri, inini mi eka töndup könangep mewöyök nanñini qahö möt bölim anguba elenda i qahö möt narim wangiget.” Mewö.

*Wain kösö nup galöm bölöñi miengö dopkeu
Mak 12.1-12; Luk 20.9-19*

³³ *³³ Jisösnöñ jiyök, “Dopkeu kun kewö mötme: Gölme toni kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketañi kötnöñ meyök. Miangören waingö ölni ala könanöñ tözöhölget onan lalanöñ geyök. Wain jout ketañi mi kötnöñ memba wain yongorö membepüköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, ‘Mönö nup memba öñangö bahöñi nanñini memba bahöñi toni ni ningime.’ Mewö jiba nup mi böröñine ala engömosöta kantri kunöñ anda malök.

³⁴ “Mala mali ölni öliyöhangö nalöñi (yambu 5) töriiga miangören welenqeqeurupñi kun melaim engiiga galöm yengören anda wain nup öñangö bahöñi wangimegöra jiget. ³⁵ Jigetmö, galöm yeñön i engömembra jöhöba tosatñi kömbinöñ sepgwörörök enguba tosatñi enguget kömugetka tosatñi kötnöñ gila enguget kömuget. ³⁶ Miangö andöñe welenazi tosatñi toroqeba melaim engiiga gwötpuk aketmö, i mewöñanök öröm ureim mem engiget.

³⁷ “Mewö aketka wain nup toñan keu jaruba jiyök, ‘Nani nahöni mönö göda qem wangime me denöwö?’ Mewö jiba qöndökñi mi nahönña melaiiga yengören anök. ³⁸ Anökmö, wain nup galöm yeñön nahönñi eka sutñine kewö eraum möta jiget, ‘Yanön mönö börösamotñangö toni akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup toñan mi möta kaba nup galöm mi mönö denöwö ak engima?”

⁴¹ Jisösnöñ mewö qesiiga kewö jiget mörök, “Galöm bölöñi mi mönö köndennda yayapaleñ mem engima aka nup galöm dölökñi miwikñaim engiba wain kösö nupñi yengö böröñine alma. Yeñön ölni ölimawangö nalöñe bahöñi törörök wangimakñe.”

⁴² *⁴² Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, miangön mönö tandö kömbönañi aiga miwikñaiget. Miangön tinjiriga mirinöñ gororongöba eta kölma. Kembunöñ tandö mi kuñguiga jeninan ehinga qetbuñabuk aiga welipkömakzin?’

⁴³ “Miangöra kewö jibi mötme, Anutunöñ mönö bemtohoñi enguangita ambazip kambu kun engiiga yeñön miangö ölni ölop kuñgumakñe. ⁴⁴ Kunñan tandö bohönñi miangören

* 21:32: Luk 3.12; 7.29-30 * 21:33: Ais 5.1-2 * 21:42: Sum 118.22-23

tötöngata eta qemawi, mi mönö silenji kutumutumapmö, ain tandö mianjon jöla tala kungö qakne eta kölmawi, mi mönö körek qözömözö-zamgöma.”

⁴⁵ Jisösnöñ mewö jiiga jike nup galöm aka Farisi (Köna keugö kapañkölköl) yeñön dopkeuñi mi möta könañi möt asariba kewö jiget, “Mi mönö neñgöra jiza.” ⁴⁶ Miangöra i memba jöhöbingö mötketmö, ambazip kambu yeñgöra keñgötñini möta osiget. Ambazip kambu yeñön Jisösgöra mötketka kezapqetok azia ahök. Mewö.

22

Maren lömbuanğö söpsöp keu

Luk 14.15-24

¹ Jisösnöñ kunbuk könahiba söpsöp keunöñ keu kewö jiyök, ² “Suepkö bemtohoñi mi kianğö dop akza: Kiñ azi kembunöñ nahönñağgöra maren lömbuanğ arengöba mözözömgöyök. ³ Mözözömgöba welenqeçeurupñi melaim engiba kewö jiyök, ‘Nöñön ambazip tosatñi maren lömbuanğñöñ kamegö mötzal. İnini mönö yeñgöreñ kolek anda kamegö jiget mötme.’ Mewö jii anda jigetmö, ambazip mienjon mi möta kabingö tököba tañqañ aket.

⁴ “Mianğö andöñe welenqeçeurup tosatñi kunbuk melaim engiba kewö jiyök, ‘Ambazip kamegöra jiali, mönö yeñgöreñ anda kewö jime: Mötket, nöñön lömbuanğö neneñamni lök mözözömgöbiga tatza. Nöñgö bulmakau aziñi aka bulmakau tosatñi gumohom enğıinga kelökñinambuk akeri, mi enguba ohom qeraköinga yuai pakpak lök jöjöröba ahöza. İnini mönö maren lömbuanğñöñ kaget.’

⁵ “Mewö jii angetka ambazip mienjon keu mianğö kezap qahö algetmö, nöñöñgan aka lañ anget. Tosatñan nene nupñine angetka tosatñan kölköl-örörö nupñine anget. ⁶ Tosatñan kiñgö welen-qeçeurupñi qelanjiba engömemba öröm ureim ak engiba enğüet kömuget. ⁷ Kömugetka kiñgö irimñi seholiiga yarö kambuñi melaim enğıiga anda kinda enğüet kömukömu azi mi köndenğ engiba taon miriñini mi ohogetka jeyök.

⁸ “Mianğö andöñe kiñnöñ welenqeçeurupñi yeñgöra kewö jiyök, ‘Maren lömbuanğ mözözömgöinga jöjöröba tatzapmö, ambazip kamegöra jiali, yeñön mönö sösoñgainöñ kakagö dop ölöñi qahö akze. ⁹ Mianğöra inini mönö köna soñanöñ aka miri sombemñi sombemñi mianğöreñ anda ambazip mi me mi miwikñaim enğıime, i mönö maren lömbuanğñöñ kamegöra jiba kapañ köla kuñgum enğıime.’

¹⁰ “Mewö jiiga welenqeçeurupñan mosöta könañi könañi mianğöreñ anda ambazip mi me mi miwikñaim enğıigeri, mi körek pakpak öröm tokom enğıiget. Ambazip ölöñi aka bölöñi mewöyök mi mewö kagetka maren lömbuanğ mirinöñ kokolak qeiga tebol liliköba tatket. ¹¹ Tebol liliköba tatketmö, kiñnöñ i enğekñamgöra kaba mianğöreñ azi kun maren lömbuanğö maluku tuatñi qahö köli geiga ehök. ¹² Azi mi eka kewö jii mörök, ‘Alani, gi maren lömbuanğö malukuñi qahö löngöta töndup denöwögöra miri kianğö uruñe kazan?’ Mewö jiiga azi mianjon keuñi bököiga ölöñ tarök.

¹³ * “Mewö tariga kiñnöñ welenqeçeurupñi kewö jim kutum enğıiyök, ‘Mönö azi mi memba köna böröñi jöhöba yaigep gilgetka pandamanöñ gema.’ Mianğöreñ malmeanjon mönö sahöt gigilahöba irimñini yöhözömgögetka qetñi qeri malme. ¹⁴ Keu mianğö dop Anutunöñ ambazip sehisehiñan kamegöra jiyökmö, awamdökñi yeñön keu mi möt anğön köla kaba Anutunöñ kambu möwölöhöm enğıiyöhi, mönö yeñgö sutñine kañgotme.” Mewö.

Takis alalgö Jisös esapköm wañgiget.

Mak 12.13-17; Luk 20.20-26

¹⁵ Mianğö andöñe Farisi (Köna keugö kapañkölköl) yeñön anda eraum möta Jisös qesiba keugö bötaknöñ öröi gwaröhöm wañgibingö areñi alget. ¹⁶ Mewö areñ ala gwarekurupñi aka premiö Herodkö pati-alaurupñi tosatñi melaim enğıigetka Jisösgöreñ kaba kewö

* **22:13:** Mat 8.12; 25.30; Luk 13.28

qesiba jiget, “Böhi, göñön azi ölni akzani, nini mi mötzin. Göñön ambazip tosatni qahö engek soriba tosatni qahö qepureim enjimakzanmö, dop mohotnöñ kewöt nenjimakzan. Mianğöra kuñgum gihigetka qahö gonğiba ketani qahö esuhum enjimakzanmö, Anutugöreñ köna mi keu ölnağö dop kusum nenjimakzan. Göñön Anutugöreñ keu diñdini mianğön öngöngöñi eretni mohot pakpak jim qindiñ ak nenjimakzan. ¹⁷ Mianğöra keu kianğöra denöwö mötmörizan, mi jinöñ mötpin. Nini sisa-kiñğöra takis ala mianğön Mosesgö Köna keu siñgibin me qahö?”

¹⁸ Mewö qesigetka areñini muneni möt kutuba kewö jii mötket, “O urumelenğö silesile azi, inini mönö wuanöngöra keugö bötaknöñ al niñgibingö esapköm niñgize? ¹⁹ Ölop takis alalgö moneni kun kondel niñgigetka eki.” Mewö jiiga silwö moneni (Kina 5) kun memba kaget.

²⁰ Kagetka kewö qesim enjyök, “Dagöreñ imut aka qet mi ki ohoget ahöza?” ²¹ “O mi sisa-kiñğöreñ,” mewö melenđa jiget. Jigetka kewö jii mötket, “Mewö aiga yuai sisa-kiñğö imutjambuk buñani akzawi, mi mönö yañğöra al wañgime. Yuai kun Anutugö buñaya akzawi, mi mönö Anutugö buña qeme.” ²² Mewö jii möta yañğöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm wañgiget.

Mak 12.18-27; Luk 20.27-40

²³ *Sadyusi (Jike nupkö kapañkölköl) yeñön ‘Kömugeri, yeñön kude wahötme,’ jiba malget. Nalö mianğöreñ yeñğöreñök tosatnan Jisösgöreñ kaba kewö qesim wañgiba jiget, ²⁴ * “Böhi, Mosesnöñ kewö jim kutum nenjyök ahöza, ‘Azi kun ambi meiga nahönbörat qahö ahui kömuiga munñan ölop malöni memba mala gwölönarök qiwikñaim wañgiiga datñağö qet bisiba malma.’ ²⁵ Mötnöñ, nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. Kömuiga munñan malöni mi meyök.

²⁶ “Memba mala kömuiga munñi kunñan malöni mi meyök. Meiga mianğö andöñe munñi kunöñ ambi miyök meyök. Mewöña mewö darumun 7 pakpak yeñön ambi mohok miyök memba gwölönarök qahö mala kömum teköget. ²⁷ Kömum tekögetka qöndökñi malöñini mi mewöyök kömuyök. ²⁸ Göñön ‘Kömugeri, yeñön guliba wahötme,’ jizanzmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhañğöra aka mönö dagö anömña akawak?”

²⁹ Mewö qesigetka Jisösnöñ melenđa kewö jii mötket, “Inini keu jim sohoze. Urumelenğö Buña Kimbiñi aka Anutugö kukösumñi qahö möt kutuzeañğöra mönö janjuñ ahakze. ³⁰ Ölna, kömupnöhök wahöta nalö mianğöreñ awanöm qahö akñemö, garata yeñön Suep mire maljeañğö tandök aka malme.

³¹ “Mötket! Kömugeri, yeñön guliba wahötmegö keuñi Anutunöñ engöra jiyöhi, inini mi lök oyoñget me qahö? Keu mi kewö, ³² * “Nöñön Anutu Abrahamgö Kembu, Aisakö Kembu aka Jeiköbökö Kembuya mala kota maljal.’ Anutunöñ kömukömuñi yeñğö Kembuñini qahöpmö, malmal köhöikñi maljei, mönö yeñğö Kembuñina malja.” ³³ Jisösnöñ mewö ambazip kambu kusum enjii möta welipköget. Mewö.

Jöjöpañ keu bohonñi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapañkölköl) yeñön Jisös qesim wañgigetka melenđa jim soroköiga keu böc akeri, mi Farisi (Köna keugö kapañkölköl) yeñön möta kaba tokoget. ³⁵ *Yeñğöreñök böhi kun Köna keu törörök möt kutuyöhi, yañğön kaba Jisös bötak ala kewö qesim wañgiyök, ³⁶ “Böhi, Mosesgö Köna keu uruñe wani jöjöpañ keu mi bohonñi ketani akza?”

* 22:23: Apo 23.8 * 22:24: Dut 25.5 * 22:32: Eks 3.6 * 22:35: Luk 10.25-28

³⁷ *Qesim wanğiiga melenök, “Bohonji ketanji mi kewö, ‘Gi urugi jömuknji, unagi jömuknji aka mötmötki jömuknji mianön mönö Kembu Anutugi jöpaköba malman.’
³⁸ Mianön jöjöpañ keu bohonji aka mutuknji akza. ³⁹ *Jöjöpañ keu miangö alanji kewö, ‘Nangi jöpaköm anğumakzani, mewöñanök mönö ambazip pakpak jöpaköm enğiba malman.’
⁴⁰ Jöjöpañ keu yahöt mi mönö Mosesgö Köna keu aka kezapqetok ambazip yengö Buzup Kimbi pakpak miengö bohonjina akza.” Mewö.

Kraist mi kinj Deiwidkö Kembunji aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapañkölköl) yeñon kaba tokogetka Jisösnöñ kewö qesim enğiyök,
⁴² “Injini Kraistköra denöwö mötze? Yanön mönö dagö nahönña akza?” Mewö jiiga melenđa jiget, “Mönö kinj Deiwidkö gwölönarökña akza.”

⁴³ Jigetka jiyök, “Mewö akzapmö, denöwö aka Unja Töröñan Deiwid sölölohöm wanğiiga yangöra ‘Nani Kembuni,’ qeta kewö jiyök,

⁴⁴ *‘Anutunöñ kinda nöngö Kembuni kewö jii mörök, Göñon mönö kaba nöngö böröni ölñe tatnönğa nöñon nalö sutñe kerökurupki tim tötala luhut al enğiba göhö köna tambö gwaröñe al enğimam. Nalö mi kam kuñgumawanğö dop mönö asak-mararañöñ ki tatman.’

⁴⁵ Deiwidnöñ nanñak mewö jiba qetñi ‘Nöngö Kembuni’ jiza. Kembuni jiba mönö denöwö aka yangö gwölönarökñi mohot akawak?”

⁴⁶ Mewö jiiga miangö kitipñi kunöñ kun melenmamgö osiba keu bök kinget. Sömañi miangörenök körek yeñon Jisös kunbuk keu kungö qesim wanğibingö kölköldömdöm aka mosötket. Mewö.

23

Urumelenğö silesile malmalgö galöm meme keu

Mak 12.38-39; Luk 11.43, 46; 20.45-46

¹ Nalö miangören Jisösnöñ ambazip kambulelembe aka gwarekurupñi yengöra kewö jii mötket, ² “Köna keugö böhi aka Farisi (Köna keugö kapañkölköl) yeñon Mosesgö jakömbuaknöñ tata Köna keugö könañi kukösum qakñe kusum enğimakze. ³ Mianğöra keu pakpak jim kutum enğimakzei, mi mönö tem kölmemö, ahakmemenini mi kude wuatangöme. Yeñon keu jitñinan jim asarimakzemö, nanñinak mi qahö wuatangömakze. Mianğöra mönö i ewö kude ahakñe.

⁴ “Yeñon keuñi keuñi jim kutuba miangö köñjöñ lömbötñi ambazip awötñine alagun algetka mi tem kölbिंगö lömböriiga jarañbarañ ahakzemö, nanñinak i kesötñini moröñi kunöñ bauköm enğibingö wösömötmötñini kun qahö ahöza.

⁵ *‘Yeñon ahakmemenini pakpak ambazipnöñ enğekñegöra aka memakze. Baiböl keu köt (memori wös) irimunğa bokisñini mem qariba aukñe kondela Buña mötmötñinanğöra aiweliköm anğumakze. Malukuñinanğö suñe aködamungö biretñi ketanji ketanji memba möndömakze. * ⁶ Yeñon közölömbuañnöñ dum tatat mutukñe jegep tatpingö mörakze aka köuluk mire qaikñe eu tatpingö sihimñi mörakze. ⁷ Maketnöñ me könanöñ ambazip enğeketka jölöñini jimegö möta ‘O ketanjanini,’ qetñini mewö qetmegöra sihimñini mörakze.

⁸ “Yeñon mewö ahakzemö, mohok-kun yanön enğö Böhiñini aiga injini körekñan yangö urumelenğ alaurupñi akze. Mianğöra enğö qetñini böhinini qetmegöra kude mötme. ⁹ Mohok-kun yanön Iwiñini akza. Yanön Suep mire maljawanğöra gölme azi kungöra

* 22:37: Dut 6.5 * 22:39: Lew 19.18 * 22:44: Sum 110.1 * 23:5: Mat 6.1; Jan 15.38; Dut 6.8 * 23:5: Baiböl memori wös irimunganji mi (Dut 6.8) koropen me jenjen ewö jöhömalget. Malukuñinanğö suñe aködamungö biretñi mötnöñ memba möndömalgeri, mi Anutugö ambazip öl töhönñi akeranğö aiwesökñi ahök.

neᅅgö iwinini qet mewö kude qetme. ¹⁰ Kraist mohok-kun nöᅅön enᅅgö ketaᅅamᅅini akzal. Mianᅅöra enᅅgö qetᅅini ketaᅅamnini qetmegöra kude mötme.

¹¹ **“Mewö qahöpmö, enᅅgö sutᅅine bohönᅅi akzawaᅅön mönö welen qem enᅅgiba malma. ¹² *Mewö malmappmö, kunᅅan nanᅅi uruᅅi memba öᅅgömawi, Anutunöᅅ mönö i memba et al waᅅgima. Kunᅅan nanᅅi uruᅅi memba etmawi, Anutunöᅅ mönö i memba öᅅgöba al waᅅgima.”*

*Jisösnöᅅ Farisi yeᅅgöra wölköba Yei! jiyök.
Mak 12.40; Luk 11.39-42, 44, 52; 20.47*

¹³ “O Köna keugö böhi aka mianᅅgö kapaᅅkölköl ambazip! Inᅅini urumelengö silesile ambazip aketka lömböt qakᅅine öᅅgözawaᅅgöra mönö wölköba Yei! jizal. Ambazip Suepkö bemtohoᅅ uruᅅe aᅅgotpepukö nanᅅuᅅi köla jöhömakze. Nanᅅinak mianᅅgö uruᅅe qahö aᅅgotze aka tosatᅅan mianᅅgö uruᅅe aᅅgotpingö akzei, inᅅini i jöhöba aᅅgön köl enᅅgimakze. ¹⁴ O Köna keugö böhi aka mianᅅgö kapaᅅkölköl ambazip! Inᅅini urumelengö silesile ambazip aketka lömböt qakᅅine öᅅgözawaᅅgöra mönö wölköba Yei! jizal. Inᅅini malö yeᅅgöreᅅ miri yuai bidaᅅda gagabe köla enᅅguaᅅgirakze aka qetbuᅅaᅅini asuhumapköra aka köuluk köröᅅᅅi köuluköba töptöᅅᅅine qemakze. Mianᅅöra Anutunöᅅ keuᅅini jim teköba likeᅅᅅi öᅅgöᅅᅅi melenᅅi enᅅgö qakᅅine öᅅgöma.

¹⁵ “O Köna keugö böhi aka mianᅅgö kapaᅅkölköl ambazip! Inᅅini urumelengö silesile ambazip aketka lömböt qakᅅine öᅅgöza-waᅅgöra mönö wölköba Yei! jizal. Inᅅini kunöᅅ Juda ambazip kun akᅅapköra kapaᅅ köla köwetᅅi köwetᅅi kutuba gölmeᅅi gölmeᅅi lilikömakze. Mewö aketka kunᅅan Juda neᅅgö ahakmemenöᅅ qekötahömawi, i mönö kusum sohom waᅅgigetka könöᅅ siagö buᅅaya kun akᅅa. Nanᅅini ewö qahöpmö, indimᅅi yahöt nanᅅini enᅅgöᅅgita böliqölima.

¹⁶ “Jeᅅinan gömöliiga ambazip böroᅅine memba enᅅguaᅅ-girakzei, lömböt enᅅgö qakᅅine öᅅgözawaᅅgöra mönö wölköba Yei! jizal. Inᅅini keu kewö jimakze, ‘Kunᅅan jöwöwöl jikeᅅgö qetᅅe keuᅅi jöjöpaᅅ keunöᅅ jim köhöima ewö, mianᅅön qahö köhöimapmö, kunᅅan jöwöwöl jikeᅅgö yuai goulnöᅅ memeni mianᅅgö qetᅅe jöjöpaᅅ keuᅅi jima ewö, jöjöpaᅅ keu mianᅅön mönö jöhöm waᅅgima.’

¹⁷ “O jegömöl ambazip mötkutukutuᅅini piromᅅi! Yuai goulnöᅅ memeni aka jöwöwöl jike yahöt mietköreᅅök wani yuainöᅅ öᅅgöᅅᅅi akza? Goulnöᅅ nanᅅak kömbukᅅi qahö akzapmö, jöwöwöl jikenöᅅ algetka mianᅅön mönö mi mem kömbuhiza.

¹⁸ “Keu kun kewö jimakze, ‘Kunᅅan altagö qetᅅi qeta keuᅅi jöjöpaᅅ keunöᅅ jim köhöima ewö, mianᅅön qahö köhöimapmö, kunᅅan naluk kötin altanöᅅ ahözawi, mianᅅgö qetᅅi qeta jöjöpaᅅ keuᅅi jima ewö, jöjöpaᅅ keu mianᅅön mönö jöhöm waᅅgima.’

¹⁹ “O jegömöl ambazip! Naluk kötin aka alta mietköreᅅök wani yuainöᅅ öᅅgöᅅᅅi akza? Naluknöᅅ nanᅅak eretᅅi akzapmö, altanöᅅ algetka mianᅅön mönö naluk mem kömbuhiza. ²⁰ Mianᅅöra kunᅅan altagö qetᅅe keuᅅi jöjöpaᅅ keunöᅅ jim köhöimawi, yaᅅön alta aka yuai pakpak altanöᅅ ahözawi, mönö mianᅅgö qetᅅe keuᅅi jim köhöima.

²¹ “Kunᅅan jöwöwöl jikeᅅgö qetᅅe keuᅅi jöjöpaᅅ keunöᅅ jim köhöimawi, yaᅅön mönö jike mianᅅgö aka mianᅅöreᅅ mal köhöizawaᅅgö qetᅅe keuᅅi jim köhöima. ²² *Mewöyök kunᅅan Suepkö qetᅅe keuᅅi jöjöpaᅅ keunöᅅ jim köhöimawi, yaᅅön Anutugö jakömbuak dum aka mianᅅöreᅅ tatzawaᅅgö qetᅅe keuᅅi jim köhöima.

²³ **“O Köna keugö böhi aka mianᅅgö kapaᅅkölköl ambazip! Inᅅini urumelengö silesile ambazip aketka lömböt qakᅅine öᅅgözawaᅅgöra mönö wölköba Yei! jizal. Inᅅini nene pakpak mendeᅅda bahöᅅi 10 mianᅅöreᅅök mohot Anutugö buᅅaya qemakze. Gipᅅi, raki aka kiap kösö köt mi mewöyök mendeᅅda tenöhök mohot mi Anutugö buᅅa qemakze. Naluk mi törörök alakzemö, Köna keugö köᅅᅅi bohönᅅi ki mönö oᅅgita mosörakze: Gi*

* **23:11:** Mat 20.26-27; Mak 9.35; 10.43-44; Luk 22.26 * **23:12:** Luk 14.11; 18.14 * **23:22:** Ais 66.1; Mat 5.34

* **23:23:** Lew 27.30

ambazip sutņine ahakmeme diņđi wuatangöba ak kömum anguba keu pöndaņ wuatangöba malman. Keu bohonņi mi mönö kapaņ köla wuatangöba malme aka keu morömorö mi mewöyök kude onğita mosötme. ²⁴ Jeņinan gömöliiga ambazip böröņine memba enguangirakzei, iņini söp obuk nembepuköra onņini saianöņ kewörakzemö, sömbup ketañi kamel mi laņ gwahörakze. ²⁵ O Köna keugö böhi aka mianğö kapaņkölköl ambazip! Iņini urumelenğö silesile ambazip aketka lömböt qakņine öngözawangöra mönö wöziköba Yei! jizal. Iņini amöt gem angubingöra qambi aka al nenegö silenņi sanğon yakömakzemö, dogo jimamonņini qahö galöm köla yuai laņ göröngöba membagun megetka nepaqepalok mianğon uruņini kokolak qei malje.

²⁶ “O jegömöl azi Köna keugöra kapaņ kölakzani, gi mönö mutuk qambigö uruņi sanğonņonga silenņan mewöyök sarakņi akņa. ²⁷ *O Köna keugö böhi aka mianğö kapaņkölköl ambazip! Iņini urumelenğö silesile ambazip aketka lömböt qakņine öngözawangöra mönö wöziköba Yei! jizal. Iņini qaksirigö maripomņi sanğongetka tuatņi akeak, mönö mianğö dop akze. Silenņinan eksihimņinambuk tandök akzemö, qaksirigö uruņe qamöt sihit aka yuai imbilonļonambuk mianğon kokolak qei ahöza.

²⁸ “Mianğö dop eņon mewöyök ambazip jeņine ölņa diņđi tandök asuhumakzemö, urumelenğö silesile tandök aka qewöloņnöņ mönö uruņini kokolak qei malje.”

Bölöņi memeņangö likeņņi

Luk 11.47-51

²⁹ “O Köna keugö böhi aka mianğö kapaņkölköl ambazip! Iņini urumelenğö silesile ambazip aketka lömböt qakņine öngözawangöra mönö wöziköba Yei! jizal. Iņini kezapqetok ambazip yeņğö qaksirinöņ simen koum memakze aka ambazip solañņi yeņğö köt köteņini meņölömakze. ³⁰ Mewö aka kewö jimakze, ‘Neņon ambösakonini yeņğö nalönöņ malbinak ewö, mönö yembuk qahö toroqeinga kezapqetok ambazip yeņğö sepņinan mönö neņğö qakņine qahö öngöbawak.’

³¹ “Mewö jiba mianğon nanņinak kezapqetok ambazip engugeri, yeņğö isiurupņina akzei, mönö keu mi naņğöba jiba dangunu ewö kinje. ³² Mianğöra ambösakonņinan siņgisöndok könahiba akeri, mianğö dop iņini mönö toroqeiba körek ak teköme.

³³ * “O soramen, iņini mönö qatö moröņi ewö akze. Anutunöņ keuņini jim teköi könöp sianöņ gebepuköra mönö denöwö unjuritpeak? Mi mönö osime. ³⁴ Mianğöra mötket, nöņon kezapqetok aka mötkutukutu ambazip aka Köna keugö böhi melaim eņgibi eņğoreņ kame. Kagetka yeņğoreņök tosatņi i eņguget kömume aka tosatņi maripom qakņe al eņgime. Tosatņi köuluk miriņine örörahöm eņgiba keuņini jim teköba ihileknöņ tauköm eņgiba közöl eņgigetka taonņi taonņi mianğoreņ anakņe.

³⁵ * “Azi solañņi Abelğö sepņan eriga mianğoreņök könahiba eņguba kota mala Zekaraia jöwöwöl jike kömbukņi aka jöwöwöl alta mietkö sutņire qeget sepņi eri mianğoreņ teköyök. Ambazip solañņi yeņğö sepņini gölmenöņ mokomalgeri, sep pakpak mianğö kitipņan mönö eņğö qakņine öngöma. ³⁶ Nöņon keu ölņi kun kewö jibi mötme: Sepņinangö kitipņi pakpak mi mönö ambazip merak maljei, eņğö qakņine öngöi Anutunöņ likeņņi melen eņgii mötme.”

Jisösnöņ Jerusalem könagesö jöpaköm eņgiyök.

Luk 13.34-35

³⁷ Jisösnöņ jiyök, “O Jerusalem Jerusalem, iņini kezapqetok ambazip enguget kömugetka Anutunöņ ambazip melaim eņgii eņğoreņ kamakzei, mi kötnöņ kumbuköm eņgimakze. Poi namņan moröurupņi giņiņi bapņe ala köjöhohom eņgimakzawi, nöņon mönö mianğö dop nalöņi nalöņi göhö könagesöurupki kötala tokom eņgimangö möta malalmö, iņini mi

* 23:27: Apo 23.3 * 23:33: Mat 3.7; 12.34; Luk 3.7 * 23:35: Jen 4.8; 2 Hist 24.20-21

tököba mala kotket. ³⁸ *Mötket, Anutunöj mönö jike mirinjini andö qeiga sahopenanök ahöma.

³⁹ *“Mewö ahömapmö, nöjön kewö jibi mötket, injini ni kunbuk qahö nekje. Könanjep nalö kun kam kungui miangören neka kewö jime, ‘Kembugö qetje kam nenjizawi, Anutunöj mönö i kötuetköm wanjima.’ Mewö.”

24

Jöwöwöl jikenöj köndermönder asuhuma.

Mak 13.1-2; Luk 21.5-6

¹ Jisösnöj jöwöwöl jike mosöta eriga gwarekurupnan yangören kaba jöwöwöl jikegö tohon uruje miri tatkeri, mi Jisös kondel wanjiget. ² Kondel wanjigetka melenja kewö jii mötket, “Miri pakpak mi ölop engekzemö, nöjön keu ölja kewö jibi mötket: Mi mönö köndergetka mirigö köt kun mi köt kungö qakje qahö ahömapmö, qeqelanjan aka sahopenanök ahöma.” Mewö.

Kahasilinj aka sesewerowero asuhuma.

Mak 13.3-13; Luk 21.7-19

³ Jisösnöj Oil ip kunduje anda tariga gwarekurupnan nanjinöhök yangören kaba kewö qesim wanjiget, “Böhi, keu jizani, miangö ölni mönö wanat nalönöj asuhum tinjirma aka göjön kanönga gölmegö nalöjan tekömangö aknawi, miangö aiwesöknan mönö denöwö asuhum? Mia ölop jinöj mörin!”

⁴ Mewö qesim wanjigetka melenja kewö jiyök: “Kunjan isimkakalek aiga janjun anbepekora mönö galömni memba malme. ⁵ ‘Ambazip gwötpuknan asuhuba nöngö qetne kewö jime, ‘Nöjön Amötqeqe Tonj Kraist akzal’. Mewö jiba ambazip gwötpuk tilipköm engime. ⁶ Injini yarö mienjö buzupni aka ötöjini asuhugetka mörakje. Mi möta jönömni undubapukora mönö galömni meme. Yuai mewöj mi mutuhök asuhumapkö jijnja. Mi asuhumapmö, gölmegö nalöjan mönö miangörenök zilan qahö teköma.

⁷ “Kantri kunjan kantri kun engubingöra wahötme. Ambazip kambu kunjan kambu kun yembuk aröj angubingöra wahötme. Gölmengi gölmengi miangören bödini bödini (buöröj buöröj) asuhume aka kenöj ketani ketani mi qözöla memba gölme melenji gemakja. ⁸ Yuai pakpak mi ambi köröbuknöj masi könahiba engumakzawangö dop. Gölmegö nalöjan mönö miangö dop könahiba tekömangö akja.

⁹ * “Mewö aknapmö, nalö miangören tosatnan injini urujini melengerangöra aka gawman yengö böröjine al engigetka sihimbölö ak engiba enguget kömume. Kantri pakpak yenjön nöngöra aka kazik ak engimakje. ¹⁰ Nalö miangören gwötpuknan mötnaripni mosöta angönan memba kazik ak angume. ¹¹ Kezapqetok ambazip takapulakanj gwötpuknan asuhuba ambazip gwötpuk kilik-kaluk ak engigetka janjun anakje.

¹² “Iwilele Tonjan sehiba ambazip galöm köl engimawangöra aka urumelen ambazip sehisehij yengö urujinan amöriiga urukalemninan söörauma. ¹³ *Kunjan kapan köla köhöiba böj qeba kinda maliga gölmegö nalöjan tekömawi, yanön mönö oyaenkoyan buja qem anguma. ¹⁴ Anutugö bemtohonangö Ölöwak Buja ki mönö mutuk gölmegö kantrij kantrij pakpak miangören jim sehigetka könagesö dop nanjönangö keunji mötketkun gölmegö nalöjan miangö andöje teköma.” Mewö

Jerusalem sitigö köndermönder uru-önönjambuk

Mak 13.14-23; Luk 21.20-24

¹⁵ * “Kezapqetok azi Danielnöj köndermönder uru-önön-jambukö keunji jii ahöza. Keu miangö dop tosatnan kaba köndermönder aka yuai angöjörakjambuk mi jöwöwöl jike

* 23:38: Jer 22.5 * 23:39: Sum 118.26 * 24:9: Mat 10.22 * 24:13: Mat 10.22 * 24:15: Dan 9.27; 11.31; 12.11

töröŋe alget kiniga ekŋei, - keu ki oyoŋmawaŋön mönö ölop kezap ala möt kutuma-
 16 nalö mianğöreŋ Judia prowinsnöŋ malmei, eŋön mönö misiŋğöba öröba kunduje
 anme. 17 *Miri kösutŋe sombemnöŋ malmawaŋön mönö eta gösö yuaiŋi memamğöra
 miri uruŋe kude öŋğöma. 18 Nupnöŋ anda malmawaŋön mönö mewöyök malukuŋi
 memamğöra liliŋğöba mirinöŋ kude anma.

19 “Yei! Ambi gölömbuk aka morö juzunöŋ yeŋön nalö mianğöreŋ denöwö ösumŋinan
 anbeak? 20 Mianğöra yuai mi kie uru me Sabat kendongö nalöŋe kude asuhumapköra
 köuluköme.

21 * “Mi kewögöra: Nalö mianğöreŋ kahasililiŋ keta bölökŋi asuhuma. Kahasililiŋ
 dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak
 miwikŋaiyöhi, nalö mianğöreŋök könahiba nalö kianğöreŋ mala kota nalö sutŋe kun kude
 asuhuyök. Mönöwök qahö asuhuyök aka könanğep nalö kunöŋ kunbuk qahö ahuma.
 Mianğöra mönö köuluköba malme. 22 Kembunöŋ wahöjaliŋ nalö mi qahö mem töribawak
 ewö, ambazip körekŋan mönö ayuhum teköbeakmö, ambazip nanŋanğöra möwölöhöm
 eŋgiyöhi, yeŋğöra aka wehön mienğö qötöŋini mem törima.

23 “Nalö mianğöreŋ kewö jime, ‘Mötket! Kraistnöŋ ki malja,’ me ‘Eket! Amötqeŋe Toŋan
 endu kinja.’ Kunŋan mewö jima ewö, mi mönö kude möt narime. 24 Mi kewögöra:
 Amötqeŋe toŋi munenŋi aka kezapqetok ambazip takapulakanŋi asuhuba anğöletot aka ai-
 wesök ketanŋi ketanŋi megetka letotme. Mewö letotketka Anutunöŋ ambazip nanŋanğöra
 möwölöhöm eŋgiyöhi, i mewöyök eŋjololon mem eŋgimegö esapköba kapan kölgetka janjuŋ
 akepek. Eŋön ölopŋanök galöŋŋini memba malgetka mi osibeak. 25 Mötket! Nöŋön yuai
 pakpak mi qahö asuhuiga qeljiŋe lök jibi mötze.”

Suep gölmegö azi ölnan mönö asuhum tiŋgitma.

Mak 13.24-27; Luk 21.25-28

26 * “Mianğöra ‘Amötqeŋe Toŋan mönö gölme apopamkölkölŋe malja,’ mewö jiget mötme
 ewö, mianğöreŋ mönö kude anme. Me ‘Mötket! Kraistnöŋ mönö miri mianğö uruŋe
 asuhuba tatzawi,’ mewö jiget möta mi kude möt narime. 27 Mi kewögöra: Suep
 gölmegö azi ölnan kunbuk kamawi, nalö mi mönö wölbilikö dop kewö akŋa: Mi wehön
 kotkotŋeyök zilaŋ biliksik ala likepŋe wehön gegene dop köla asariba ani ekzini, yaŋön
 mönö mianğö dop asuhuma.

28 * “Sömbup gisakŋan kungen ahöiga, manu köraraknöŋ mianğöreŋ öröba tokomakzei,
 mianğö dop asuhuma.” Mewö

Suep gölmegö azi ölnan asuhuma.

Mak 13.24-27; Luk 21.25-28

29 * “Wahöjaliŋ nalö mianğön teköiga mianğöreŋök wehön jeŋan injaŋ köliga köiŋnöŋ
 ömuŋ kölma. Senğelau yeŋön suepnöhök teköba etme aka suepnöŋ uturuköiga mianğö
 öröyuaiŋi mi tatatŋini mosöta eŋjololon aketka sohoma.

30 * Nalö mianğöreŋ Suep gölme azi ölnanğö aiwesökŋan suepnöŋ asuhuiga ekŋe. Nalö
 mianğöreŋ gölmegö könagesö pakpak yeŋön jiŋgen köla sahötme. Sahöta Suep gölmegö
 azi ölni yaŋön suepkö kousu qakŋe kaŋgori ekŋe. Kukösumŋi ketanŋan saköl-diŋdiŋambuk
 aukŋe asuhuiga asakmararanŋi ekŋe. 31 Kaŋgori eketka tömunŋi qainŋi kun ugetka
 ötöŋi köhöikŋi mötketka Suep garataurupŋi melaim eŋgiiga yeŋön ambazip Anutunöŋ
 nanŋanğöra möwölöhöm eŋgiyöhi, i gölme göraŋi likeplikep euke emuke mianğöreŋök
 kölolohoba eŋgungitme.” Mewö

Geröp ipkö dopkeu

Mak 13.28-31; Luk 21.29-33

* 24:17: Luk 17.31 * 24:21: Dan 12.1; Ind 7.14 * 24:26: Luk 17.23-24 * 24:28: Luk 17.37 * 24:29: Ais
 13.10; 34.4; Eze 32.7; Joel 2.10, 31; 3.15; Ind 6.12-13 * 24:30: Dan 7.13; Zek 12.10-14; Ind 1.7

³² “Inini geröp ip eka tandökni mötmöriba dopkeu ki mötme. Böröñan lök oñambuk aiga sinnini yoñgoigetka mi eka möta kewö jimakze, ‘Wehön nalöñan mönö dopdowiza.’
³³ Enön mewöñanök aiwesök miangö dop asuhuiga eka möt asariba könañi kewö jime, ‘Jisösnöñ mönö nanñunöñ dopdowiza.’

³⁴ “Nöñön keu ölni kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma. ³⁵ Suep gölmenöñ ayapkömahotmö, nöñgö Buña keunan mönö nalö kunöñ qahö ayapköma.” Mewö.

Jisös kamawanjö nalöñi mi kunñan qahö mötza.

Mak 13.32-37; Luk 17.26-30, 34-36

³⁶ “Suep gölmegö azi ölnan kamapmö, dawinöñ kam kuñgumawi, miangö wehönñi me aua nalöñi mi kunñan kun kude mötza. Suep garatanöñ mi qahö mötze. Anutugö Nahönñan mewöyök mi qahö mötza. Iwinöñ nanñök mi mötza. ³⁷ *Mönöwök Noagö nalöñe ambazipnöñ malmalñini qemasolokep qakñe mala ayuhugeri, miangö dop mönö Suep gölmegö azi ölnan kunbuk kamawanjö nalöñe asuhuma.

³⁸ “O göulu ketanjan qahö kaiga qeljiñe miangören ambazip nene lömbuan ala o köhöikñi namba ambi kenam bohönñangö alget anda kaiga anjömeget. Ahakmeme mewö aka memba qemasolokep malgetka Noanöñ wanje uruñe öngöyöhi, silim miangören teköyök. ³⁹ *Teköiga wanat yuai asuhumawi, mi qahö mötketka o göulu ketanjan kaba jinonñi qahö ayuhum enjiyök. Könañep Suep gölmegö azi ölnan kunbuk kamawi, nalö miangören ambazipnöñ mewöñanök qemasolokep aka mala ayuhume.

⁴⁰ Nalö miangören azi yahöt nupnöñ malohotka yetkörenök kun wanjita kun mosötme.

⁴¹ Mewöñanök ambi yahöt tawen urasiba (bunahöba) tatmahori, yetkörenök kun wanjita kun mosötme.

⁴² “Kembunöñ kamawanjö nalöñi me auanji qahö mötzeangöra mönö uruguliguli aka malme. ⁴³ *Gwölö malbingö keu ki mönö möt kutume: Sunjem aiga kegwek-kahasiliñ azinöñ wani nalönöñ me auanöñ kamawi, miri tonjan mi mötpawak ewö, yanön mönö gwölö mala miriñi ölöpnanök galöm meiga qesin da öngömangö osima. ⁴⁴ Inini ‘Suep gölmegö azi ölnan nalö kiangören qahö kanjotma,’ jiba mötmörigetka yanön mönö nalö miangörenök kanjotma.” Mewö.

Nup azinöñ silekmalek mala ayuhuyök.

Luk 12.41-48

⁴⁵ “Mewö aiga nup meme ambazip sutñine danön tin kutuba tosatñi enjonñitza? Tosatñan söroraua nup mosötmetka kunñan mötkutukutu ölöpnangö qakñe kapan köla pöndañ memakzawi, yanön mönö simbawon akza. Miri tonjan ahakmemenji kewöta eka kungen anda miriñangö öroyuanji mi böröñe ali galöm akña. Galöm aka welenqequeurupñi jiyöhanjö dop köyan köla nalö diñdiñe gumohom enjimakña. ⁴⁶ Mewö köyan köñ enjiba maliga tonjan lilingöba kaba mewö eka mönö simbawon jima.

⁴⁷ “Nöñön keu ölni kun kewö jibi mötket: Tonjan simbawon jiba sukinapñi pakpakö galömñi kuñgum wanjima. ⁴⁸ Kuñgum wanjimapmö, nup meme okonñi yanön uruñan mötmöriba kewö jima ewö, ‘Kembunangö kaka nalöñan mönö köröpñi ahöza.’ ⁴⁹ Mewö jiba könahiba nup meme ambazipurupñi enjum ureiba közölömbuan ala söñgaiba o köhöikñi namba uruñi sohoiga enjololon silekmalek aka malma.

⁵⁰ “Mewö mala nalö kunöñ kembunji kanjotmapköra qahö mambötmawi, mönö miangören kanjotma. Nalögöra ikmaok inululun mali mönö aua miangören kanjotma. ⁵¹ qeba yayapalelen mem wanjiba jim kutuiga urumelenjö silesile ambazip ewö köñöp sianöñ geba sihimbölö mötma. Mewö möta sahöt gigilahöba irimñini yöhözömgögetka qetñi qeri malme.” Mewö.

* 24:37: Jen 6.5-8 * 24:39: Jen 7.6-24 * 24:43: Luk 12.39-40

25

Ambi seram tengö söpsöp keu

¹ *Jisösnöj jiyök, “Kunbuk kamami, nalö miangören Suepkö bemtohojan kewö akja: Maren lömbuan nalöje ambi seram jömukni tenjan ‘Azi bujabuk aitonögöbin,’ jiba kiwanjini memba könanöj anget. ²Yengörenök 5 mi mötkutukutuñinambuk aketmö, tosatni 5 yengö mötkutukutuñini mi piromni. ³Mötkutukutuñini piromni yeñön kiwanjini megetmö, könöp (kuwiñ) kelökni * qahö memba anget. ⁴Mötkutukutuñinambuk yeñön kiwanjini aka kuwiñ kelök kirinini mewöyök memba anget. ⁵Angetka azi bujanöj zilañ qahö kaiga mambötketka nalö köriyöhanğora körek yengö jeñini böñböñ meiga nöropñini eri sipkoba gaun ahöget.

⁶“Gaun ahögetmö, sunğem bibiñe kunöj tömun qeri qet kewö mötket, ‘Mötket, azi buja kazawo! Mönö yanğoren anda aitonögöme.’ ⁷Qet mi möta ambi seram ten mi körekjan wahöta kiwanjini memba möhamgöba ohotiriget. ⁸Ohotirigetka mötkutu-kutuñini piromni yeñön mötmöt ambi yengören kaba kewö jiget, ‘Neñgö kiwaninan böközawağora eñön mönö kuwiñ kelökni tosatni neñgime.’

⁹“Mewö jigetka mötkutukutuñinambuk yeñön melenđa kewö jiget, ‘Qahö. Mi inini aka nini dopnine qahö. Mianğora mönö stuanöj anda nanjini kuwiñ kelökñini söngöröñi meme.’

¹⁰“Mewö jigetmö, kuwiñ kelökni bohonni memingöra anda könanöj malgetka azi bujanöj mönö miangörenök kañgorök. Ambi seram jöjöröba kingeri, yeñön anda yambuk aitonögöba maren lömbuan miri uruñe öngögetka nañguni kölget. ¹¹*Ambi seram stuanöj angeri, yeñön mewöyök könanğep kañgota nañgu qeba kewö qetket, ‘Kembu Kembu, mönö nañgu metal neñginöñ!’

¹²“Mewö qetketmö, kewö melenđa jiyök, ‘Qahö. Ni inini qahö möt engizal. Keu ölña mi jizal.’ ” ¹³Jisösnöj söpsöp keu mewö jiba gwarekurupni yengöra keu kewö jii mötket, ‘Inini ni kamamağö nalöñi me auañi kude mötzeañğora mönö uruguliguli aka malme.’ Mewö.

*Moneñ esu galöm kölgerañgö söpsöpkeu.**Luk 19.11-27*

¹⁴*“Mönö dopkeu kianğö dop asuhuma: Azi kun miriñi mosöta köröwen kantri kunjan anmamğö möta welenqeçeurupni engoholi kagetka moneñ sukinapni galöm kölmegöra jim kutum engiba böröñine alök. ¹⁵Nup memeniñi kewöta ölñi dawik asuhumawağö dop möta nup meme azi kungöra moneñ esu 5 (Kina 5000,-) wañgiba kun moneñ esu yahöt (Kina 2000,-) wañgiba kun mohok-kun (Kina 1000,-) wañgiyök. Mewö galöm kölmegöra mendenj engiba engömosöta anök.

¹⁶“Azi Kina 5000,- meyöhanön miangörenök anda kölköl-örörö nup meiga moneñ sehiiga esu 5 kunbuk meyök. ¹⁷Mewöhanök Kina 2000,- meyöhanön anda kölköl örörö nup meiga moneñ sehiiga esu yahöt kunbuk meyök.

¹⁸“Mewö meyohotmö, azi moneñ esu mohok-kun (Kina 1000,-) meyöhanön mönö mosöta anda gölme esiba azi kembuwağö moneñi löm köla asambörök. ¹⁹Nalö köröpni teköiga welenqeçe yengö azi kembuñinan lilingöba kaba ‘Nup megerañgö kösohotñini möta kewötmam,’ jiba köl öröm engiiga kaget.

²⁰“Mewö kagetka azi Kina 5000,- meyöhanön jeñe kañgota esu 5 kunbuk toroqeba memba kaba kewö jiyök, ‘Ketañamni mötnöñ, göñön moneñ esu 5 niñginöñi, nöñön mianğö kölköl öröröñi membi sehiiga esu 5 kunbuk asuhuiğa memba kazal.’

* **25:1:** Luk 12.35 * **25:3:** Könöp (kuwiñ, qiwiñ) kelökni mi Oil ipkö kötñi mözözamğögetka kelökni mi asuhuyök. Miri söñauiga ip sunje opo köpeiba kelök miangören kundumğöba kiwa ohotiriba könanöj angetka 15 minitkö dop jeyök.

* **25:11:** Luk 13.25 * **25:14:** Luk 19.11-27

21 “Mewö jiiga azi kembujan kewö melenj wanjiyök, ‘Mi ölop. Gi nup meme azi ölopni memburik-qemburiki qahö. Gi yuai awamni memba mi kapankapan aka galöm köla malnonga sehiyök. Miangöra nöñon yuai gwötpuk göhö böröge albi miangö galömna malman. Ölop kaba azi kembang nongö miri urune kangota mohotne sösöngai aka malbin.’ 22 Azi Kina 2000,- meyöhanön mewönanök kangota kewö jiyök, ‘Ketanamni mötnön, göñon monej esu yahöt ninjinöni, nöñon miangö kölköl-öröröni membi sehiiga esu yahöt kunbuk asuhuiga memba kazal.’

23 “Mewö jiiga azi kembujan kewö melenj wanjiyök, ‘Mi ölop. Gi nup meme azi ölopni memburik-qemburiki qahö. Gi yuai awamdökni memba mi kapankapan aka galöm köla malnonga sehiyök. Miangöra nöñon yuai gwötpuk göhö böröge albi miangö galömna malman. Ölop kaba azi kembang nongö miri urune kangota mohotne sösöngai aka malbin.’

24 “Miangö andöñe azi monej esu mohok-kun (Kina 1000,-) meyöhanön kangota kewö jiyök, ‘Ketanamni mötnön, nöñon könanamgi kewö möt yaköyal: Azi kembujan mönö azi köhöikni könöpñambuk akza. Nangak nene kötni qahö qesin gilnonga miangörej mönö töndup ölni sounöñ yandiba memangö mörakzan. Padi kötni qahö esinöñ geiga miangörej mönö töndup ölni qezakömangö mörakzan.

25 “Mewö möt yaköba kenjötni möta anda göhö monej esugi mi gölmenöñ asambötpiga ahöyök. Eknöñ, monej esu ninjinöni, miyöhök mönö törörök ki.’ 26 Mewö jiba mi wanjiyökmö, azi kembujan melenja kewö jim wanjiyök, ‘Gi injarere aka welenqege bölöñi akzan! Gi könanamni möt yakönöñ: Nanak nene kötni qahö qesin gilbiga miangörej mönö töndup ölni sounöñ yandiba memangö mörakzal. Nanak padi kötni qahö esibi geiga miangörej töndup ölni qezakömangö mörakzal. Nongö tandökni mewö möt yaköbagun mönö wuanöngöra ak sohoba malnön?’

27 “Gi nongö monejni benknöñ alnonga dop kölbawak. Benknöñ alnonga qariiga lilingöba kayali, nalö kiangörej mi ölop sunambuk membilenjak.’ 28 Toroqeba tosatni yengöra jiyök, ‘Inini mönö qölzöm injarere azi miangö monej esuni mi wanjita kun esu 10 miwikñaiyöhi, mönö i wanjime.’

29 * “Dopkeu kiangö könanj kewö: Denike yengörej yuai ahözawi, körek yengöra mönö toroqeba engiget sehiiga kelenmalelen ahöm engima. Mewö sehimapmö, kungörej yuai kun qahö ahözawi, yanjörej yuai mi mönö mewöyök wanjitetka öne töhöntöhön malma.

30 * Ayop, welenqege azi omanj nupñangö ölni qahö i mönö yaigepne gilgetka söñaupnön gema. Miangörej geba sahöt gigilahöba göböñini yöhözömgögetka qetni qeri malme.” Mewö.

Jimtekötekögö nalö ketanje kewö asuhuma:

31 * “Suep gölmegö azi ölnan kinda Suep garata pakpak enjwanjita mohotne kamei, nalö miangörej Suepkö asakmararanan asuhuiga yanön Kin Kembugö jakömbuak dumnön tatma. 32 Tata jiiga gölmegö ambazip kambu pakpak qezaköm engigetka yangö jene asuhume. Asuhugetka lama galömnan lamaurupni meme (nonin) yengörejök mendenj engizawi, miangö dop i mendeqendenj ak engima. 33 Mi ak engiba jiiga lama mi böröñi ölnje aka meme (nonin) mi qaniñe al engime.

34 “Mewö al engigetka Kin Kembunöñ böröñi ölnje kinmei, yengöra kewö jima, ‘Nongö Iwinan kötuatköm engii malgeri, inini mönö kaget. Iwi Anutuninan gölme pakpak miwikñaim engiyöhi, nalö miangörejök lök engöra bemtohon mözözömgöba mei jöjöröba ahöba kotzawi, inini mönö kaba mi buña qem anjuba malme.

35 ‘Mi kewögöra jizal: Nöñon yakanangö kömumba malbiga inini nene ninjiba malget. Nöñon ögöra qemjenj qeba malbiga inini o ninjiba malget. Nöñon kian aka malbiga inini köl öröm ninjigetka mirinje öngöba malal. 36 Nöñon sile esunangöra osiba malbiga inini

* 25:29: Mat 13.12; Mak 4.25; Luk 8.18 * 25:30: Mat 8.12; 22.13; Luk 13.28 * 25:31: Mat 16.27; 19.28

opo kereŋ niŋgiba malget. Nöŋön kawöl nöhöi ahöbiga iŋini galöm köl niŋgiba malget. Nöŋön kösö mire malbiga iŋini ni nekingöra miangöreŋ kaba malget.’

³⁷ “Mewö jüiga ambazip solanŋi yeŋön kewö melenŋ waŋgiba jime, ‘Kembu, gi mönö wani nalönöŋ yakagahö kömunöŋ geke gumohom gihibe malin? Mönö wani nalönöŋ ogöra qemjeŋ qeba malnöŋga geke o gihibe malin? ³⁸ Mönö wani nalönöŋ kiana kanöŋga geke köl öröm gihiinga mirinine öŋgönöŋga malin? Mönö wani nalönöŋ sile esugahöra osiba malnöŋga geke opo kereŋ gihibe malin?’

³⁹ ‘Mönö wani nalönöŋ kawöl göhöi ahönöŋga geke me kösö mire malnöŋga möta gi gekingöra göhöreŋ kaba malin?’ ⁴⁰ Mewö jigetka Kiŋ Kembunöŋ melenŋda kewö jii mötme, ‘Nöŋön keu ölni kun kewö jibe mötme: Iŋini nani urumelenŋ alaurupni etqeceŋi kienögöreŋök kungöra yuai kun akeri, mi pakpak mönö ni ak niŋgiba malget.’

⁴¹ “Mewö jibe miangö andöŋe böröŋi qaniŋe kinmei, yeŋgöreŋ melenŋda kewö jima, ‘Twinan qesuahöm enŋii malgeri, iŋini mönö nömosöta kesalget. Könöp sia teteköŋi qahö jem öŋgömawi, mönö miangöreŋ anda geme. Anutunöŋ mi Bölöŋaŋgö Tonji aka yaŋgö garataurupni yeŋgöra mözözömgöba meköiga jöjöröba ahöza. ⁴² Mi kewögöra jizal: Nöŋön yakanöŋgö kömumba malbiga iŋini nene qahö niŋgiba malget. Nöŋön ogöra qemjeŋ qeba malbiga iŋini o qahö niŋgiba malget.

⁴³ ‘Nöŋön kian aka kabiga iŋini qahö köl öröm niŋgigetka miriŋine qahö öŋgöba malal. Nöŋön sile esunöŋgöra osiba malbiga iŋini opo kereŋ qahö niŋgiba malget. Nöŋön kawöl nöhöi ahöyal aka kösö mire malalmö, iŋini ni nekingöra miangöreŋ qahö kaba malget.’

⁴⁴ “Mewö jüiga yeŋön mewöyök melenŋ waŋgiba kewö jime, ‘Kembu, gi mönö wani nalönöŋ yakagahö kömunöŋ me ogöra qemjeŋ qeba malnöŋ me kiana malnöŋ me sile esugahöra osiba malnöŋ me kawöl göhöi ahönöŋ me kösö mire malnöŋga nini gi qahö welen qem gihibe malin?’

⁴⁵ “Mewö jigetka melenŋda kewö jii mötme, ‘Nöŋön keu ölni kewö jibe mötme: Iŋini urumelenŋ alaurup etqeceŋi kienögöreŋök kungöra yuai kun qahö akeri, mi pakpak mönö ni qahö ak niŋgiba malget akza.’

⁴⁶ * “Mewö jii mötketka likepni melenŋ enŋii qakŋine öŋgöiga aköm enŋii anda sihimbölö nalö teteköŋi qahö möta mal öŋgöme. Mewö mal öŋgömemö, solanŋi yeŋön oyaenköyaen malmal mi nalö teteköŋi qahö mal öŋgöba malme.” Mewö.

26

Jisös qein kömumapkö aŋgönaŋ alget.

Mak 14.1-2; Luk 22.1-2; Jon 11.45-53

¹ Jisösnöŋ keu pakpak mi jim teköba gwarekurupni kewö jii mötket, ² * “Silim yahöt teköigun Pasowa kendonŋi kam kuŋguma. * Iŋini mi ölop mötze. Kam kuŋguiga Suep gölmegö azi ölni mi kian gawman yeŋgö böröŋine algetka maripomnöŋ qegetka kömuma.”

³ Nalö miangöreŋ jike nup galöm aka kantrigö jiteŋememe yeŋön tokoba jike nup galöm bohonŋi qetŋi Kaiafas yaŋgö jakömbuak miriŋe tatket. ⁴ Miangöreŋ tata denöwö möndöŋninga Jisös ölöŋ memba qeget kömumbawak, miangö könaŋi jaruba kewötket. ⁵ Jaruba kewöta kewö jiget, “Ambazip irimŋini sehöliiga karimŋi karimŋi asuhubepüköra mi sösoŋgai kendon nalöŋe akingö osibin.” Mewö.

Ambi kunöŋ Jisös o umköhöwakanambuknöŋ miriyök.

Mak 14.3-9; Jon 12.1-8

⁶ Jisösnöŋ Betani mirinöŋ mala Saimon kun uzikukuŋi mem solaniyöhi, yaŋgö mire öŋgöba tarök. ⁷ * Miangöreŋ nene memba tariga ambi kunöŋ köt-kirin kun memba

* **25:46:** Dan 12.2 * **26:2:** Eks 12.1-27 * **26:2:** Pasowa mi nanine keunöŋ Ak-kömükömu kendon. Keu miangö könaŋi: neŋgehoriba neŋgoŋgörok. Eksodus 12.15 * **26:7:** Luk 7.37-38

yanğoreñ kayök. Kirin mi nöluk tuat-tuat qetñi alabastö mianñon memenja. Mia o umköhöwakñambuk mianñon kokolak qeqeña. Yanñon mi bohonñi ketanjan memba kaba onñi Jisösgö nöröpñe mimbiliba miriyök.

⁸ Miriiga gwarekurupñan mi eka urubölö aka kewö jiget, “Mi mönö wuanöngöra mewö ayuhuzawi? ⁹ O kelökñambuk mi bohonñi memegöra ali monen öngöngöñan asuhuiga mi ambazip wanapñi enjiiga dop kölbawak.”

¹⁰ Jisösnöñ urumötmötñini mi ek kutuba kewö jii mötket, “Ambi kianğö uruñi mi wuanöngöra mem bölice? Yanñon silik ölpñi ak soroköm niñgiiga dop kölja. ¹¹ *Ambazip wanapñi mi nalöñi nalöñi sutñine malmemö, nöñon engö sutñine nalö dop qahö mamam.”

¹² “Nöñon kömumbi löm köl niñgimeangöra aka kelök mianñon sileni nömiriza. ¹³ Nöñon keu ölni kun kewö jibi mötket: Ölöwak Buña ki kantri igen waigen jim sehigetka anmawi, mianğoreñ ambi kianñon yuai ak niñgizawi, mianğö buñañi mohok jiget sehiiga yanğöra mötmöriba malme.” Mewö.

Judasnöñ Jisös mamalolo mem wanğimamğö urumohot ahök.

Mak 14.10-11; Luk 22.3-6

¹⁴ Nalö mianğoreñ gwarekurupñi 12 yanğoreñök kun qetñi Judas Iskariot yanñon jike nup galöm yanğoreñ anda ¹⁵ *kewö qesim enjiyök, “Nöñon Jisös mamalolo mem wanğiba böröñine albiga enñon töwa wania niñgibeak?” Qesim enjiiga silwö monen kötñi 30 oyoñda böröñe alget. ¹⁶ Aua mianğoreñök könahiba Jisös nalö kungen mamalolo mem wanğimamğö köna möt jaruba köinbiñğöba malök. Mewö.

Jisösnöñ gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yistñi qahö mianğö kendon silim mutukñe (Seqononöñ) gwarek yetkön Jisösgöreñ kaba kewö qesim wanğiyohot, “Böhi! Nini miri denikeangöreñ anda pasowa lama mözözömgöm gihiziga neman? Sihingi denöwö ahöza?”

¹⁸ Qesim wanğiyohotka kewö melenñök, “Inñiri Jerusalem sitinöñ öngöba azi kun mötzali, i miwikñaiba kewö jiyohotka mötma, ‘Böhinöñ jiza: Nöngö nalönan mönö † dopdowiza. Nöñon göhö mire kaba gwarekurupni yembuk Pasowa lama membin.’ ” ¹⁹ Gwarek yetkön Jisösnöñ jim kutum etkiyöhi, mianğö dop aka Pasowa lama mözözömgöyohot.

²⁰ Mare aiga miri söñauiga Jisösnöñ gwarekurupñi 12 yembuk miri mianğoreñ kanğota öngöba dum kösutñe tata nene mendenja neget. ²¹ Nene negerangöreñ Jisösnöñ kewö jii mötket, “Nöñon keu ölni kun kewö jibi mötket: Engöreñök kunñan mönö mamalolo mem niñgima.” ²² Mewö jii möta mianğoreñök uruñinan wösöbirik ketanñi aiga könahiba nanñök nanñök qesim wanğiba jiget, “Kembu, mönö nöngöra jibanbuk?”

²³ *Qesim wanğigetka kewö melenñök, “Nömbuk beret kuluñnöñ kundumğözawi, mönö yanñon. ²⁴ Suep gölmegö azi ölnan mönö yanğöra keu ohoget ahözawañğö dop ölna gölme mosöta anmapmö, kunñan i mamalolo mem wanğimawi, yanğöra mönö Yei! jiba sahötzal. Mianğö likepñi kanjamñambuknöñ mönö yanğö qakñe öngöma. Azi mi nam körö uruñeyök qahö asuhubawak, mianñon mönö amqem wanğibawak.” Mewö.

²⁵ Mewö jiiga Judas mamalolo mem wanğimawañon kewö melenja jiyök, “Böhi, mi mönö nöngöra jibanbuk?” Jisösnöñ kewö jii mörök, “Jizani, mönö mewö!” Mewö.

Kembubuk semön qöndökñi neget.

Mak 14.22-26; Luk 22.14-20; 1 Kor 11.23-25

²⁶ Nene memba tata Jisösnöñ beret memba kötuetköba mindipköba enğiba kewö jiyök, “Ki nani busuni. Ki memba neget.”

* 26:11: Dut 15.11 * 26:15: Zek 11.12 † 26:18: Anutunöñ Jisös kömumawañğö nalöñi alöhi, mianğöra jiza.

* 26:23: Sum 41.9

²⁷ Mewö jiba wain qambi memba saiwap jiba engiba kewö jiyök, “Inini körek qambi kiangörenök neget. ²⁸ *Ki nani sepmi. Mi Anutunöŋ ambazip yembuk jöhöjöhö areŋ aiga köhöimapköra sepmi mokoget geiga ambazip gwötpuk yeŋgö siŋgisöndokŋini mosötma. ²⁹ Nöŋön keu kun kewö jibi mötket: Nöŋön wain kösögö öŋi ki kiangören kunbuk toroqeba qahö nemam. Könaŋgep Iwinaŋgö bemtohoŋ uruŋe eu taringa közölömbuan almawi, wehön miangören mönö wain o qainŋi kun mia nemam.”

³⁰ Mewö jiiga söŋŋai liŋet köla mosöta anda Oil ip kundunje öŋgöget.

Pitönöŋ Jisös qaŋ kölmapkö jii mörök.

Mak 14.27-31; Luk 22.31-34; Jon 13.36-38

³¹ *Öŋgöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galömnini qebiga lama kambunan denme.’

Miangö dop enön körek suŋgem kiangören uruŋini nöŋgöra aka böliiga nömosöta buratime.

³² *Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangören asuhum engimam.”

³³ Mewö jiiga Pitönöŋ melenŋda kewö jii mörök, “Yeŋön körek uruŋini göhöra aka böliiga gömosöta buratime ewö, nöŋön mönö töndup nalö kunöŋ qahö gömosötma.” ³⁴ Jiiga Jisösnöŋ jii mörök, “Nöŋön keu öŋi kun kewö jibi mötnöŋ: Kuruknöŋ qahö qeriga göŋön merak suŋgem qaŋ köl niŋginöŋga indimŋi karöbut akŋa.”

³⁵ Mewö jiyökmö, Pitönöŋ kewö jii mörök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetŋi Gezemane miangören aŋgotket. Aŋgota Jisösnöŋ gwarekurupŋi kewö jii mötket, “Nöŋön endu anda köuluköbiga inŋini ölöp nalö sutŋe ki nanŋinök tatme.” ³⁷ Mewö jiba Pitö aka Zebedigö nahönyahöŋŋi yahöt etkuangita angetka Jisösnöŋ könahiba wösöbirik möriga köŋjiliŋan köna böröŋi qeköyök.

³⁸ Nalö miangören kewö jii mötket, “Nöŋgö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Inini ölöp kiangören tata nömbuk guli malbin.”

³⁹ Mewö jiba nanŋök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimŋi ahöza ewö, sihimbölögö qambiŋi kianön mönö nöŋgö qakne öŋgöbapüköra noaŋgitman. Noaŋgitman me qahö, mi mönö nangi jit keugahö dop asuhuma. Mi nöŋgö sihimgö dop qahö.”

⁴⁰ Mewö jiba liliŋgöiga gwarekurupŋi karöbut yeŋön gaun ahöget engeka Pitögö kewö jii mörök, “Inini aua mohot-töp nömbuk guli malbingö kude köhöize me? ⁴¹ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et enŋubapüköra mönö köuluköba guliguli malme.”

⁴² Mewö jii möriga kunbuk engömosöta anda indimŋi yahöt aiga kewö köuluköba jiyök, “Iwini, sihimbölögö qambi kianön qahö noŋgitma ewö, mi ölöp nemam-mö, mi mönö nangi jitkahö dop asuhuma.”

⁴³ Köuluköba liliŋgöiga jeŋini böŋböŋ meyöhaŋgöra kunbuk gaunök ahöget engehök.

⁴⁴ Kunbuk engömosöta likep anda keu miyöhök kunbuk jiba köuluköiga indimŋi karöbut ahök. ⁴⁵ Gwarek yeŋgören liliŋgöba kaba kewö jii mötket, “Inini toroqeba luhut memba gaunök ahöbingö mötze me? Mötket! Kunöŋ Suep gölmegö azi öŋi mamalolo mem waŋgiiga bölöŋi meme yeŋgö böröŋine öŋgöma. Miangö aua nalöŋan lök kam kuŋguza.

⁴⁶ Mönö wahötketka anin! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöñ mewö jiba kiniga miangörenñ gwarekurupñi 12 yeñgörenök kun qetñi Judas yañön kambu ketañi kun jitñe mem enjiiga kanğotket. Jike nup galöm aka kantrigö jitñememe yeñön i melaim enğigetka bingö sou ketañi aka lingipñini memba kaget.

⁴⁸ Mamalolo memangö ahöhi, yañön mutuk yembuk aiwesök keu kewö jöhöba jii mötket, “Nöñön azi numbuñi yöhötüm nemami, yañön mönö mia akza. Mönö i memba jöhöme.”

⁴⁹ Mewö jiba kaba miangörenök Jisösgörenñ anğota “Böhi, böñjñ!” jiba numbuñi yöhötüm neyök. ⁵⁰ Yöhötüm neiga Jisösnöñ kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisösgörenñ kanğota qelanjiba memba jöhöget. ⁵¹ Jöhögetka Jisösbuk malgeri, yeñgörenök kunñan böronñan bingö sou ketañi öröba jike nup galöm bohonñanğö welenqeçenñ qeba kezapñi köteköi erök.

⁵² Jisösnöñ mi eka kewö jii mörök, “Mönö mosötnöñ! Bingö sou ketañi körök memei, i mönö körek bingö sou ketañan enğui kömume. Miangöra mönö sougi kupinñe qenöñ geyök! ⁵³ Nöñön Iwini köuluköbiga ölop bauköm niñgimawi, mi mötzan me qahö? Köuluköm wañgibileñahi, yañön mönö miangörenök garata yarö kambu † 12 onğita melaim enğii kaba bauköm niñgibeak. ⁵⁴ Bauköm niñgibeak ewö, Buña Kimbigö keuñan mönö denöwö ölnambuk akawak? Buña Kimbi keugö dop yuai kianñön mönö asuhumapkö dop jijiña akza.”

⁵⁵ *Nalö miangjörenök Jisösnöñ yarö kambu yeñgöra kewö jii mötket, “Ni kegwek-kahasiliñ azia qahöpmö, töndup nöngöra mewö möta bingö sou ketañi aka lingip memba nömemba jöhöbingöra kanğotze. Nöñön wehön dop jöwöwöl jikenöñ embuk tata kinda Buña keu kusum enğiba malbiga qahö nömiget. ⁵⁶ Mewömö, yuai pakpak ki mönö kezapqetok ambazipnöñ keu ohogeri, mienñön ölnambuk akñapköra asuhuza.” Jisös jöhögetka gwarek yeñön körek Jisös mosöta buratiba unjurata anget. Mewö.

Jikegö jitñememe yeñön Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögeri, yeñön i wañgita jike nup galöm bohonñi qetñi Kaiafas yañgö mire anget. Angetka Köna keugö böhi aka kantrigö jitñememe yeñön miangörenñ kaba tokoget. ⁵⁸ Angetka Pitönöñ sikepsikep enğuatangöba miangörenñ anğota jakömbuak mirigö kiripo uruñe öngöyök. Öngöba teteköñe denöwö asuhumawi, mi ekñamgöra welenqeçe azi yeñgö sutñine tarök.

⁵⁹ Mewö tarökmö, jike nup galöm aka jike kaunsöl kambu yeñön Jisösgö silenöñ alal keu denöwö möndöba nañgöinga qeget kömumapkö jim jaruget. ⁶⁰ Jaruba kinda gwötpukñan wahöta kinda keu muneñi Jisösgö silene ala nañgöba jigetmö, töndup könañi kun qahö miwikñaiget. Qahö miwikñaigetmö, teteköñe azi yahöt kanğota ⁶¹ *kewö jiyöhot, “Azi kianñön kewö jiiga mörit, ‘Ni ölop Anutugö jöwöwöl jikenñi köndenbiga gölmenöñ eriga wehön karöbutkö uruñe mi kunbuk mem wahöta kuñgumam.’ ”

⁶² Mewö jiyohotka jike nup galöm bohonñan wahöta Jisös qesim wañgiba kewö jiyök, “Yeñön göhö silege keu ala nañgözei, miangö likepñi kun jiman me qahö?” ⁶³ Qesim wañgiiga Jisösnöñ yuai bölöñi kun qahö ahökmö, töndup keuñi bök kinök. Keuñi bök kiniga jike nup galöm bohonñan kewö jii mörök, “Nöñön Anutu malmal Tonangö qetñe kewö qesiba kuñgum gihizal: Gi Anutugö Nahönñi Kraist akzan me qahö, mi törörök jiba jöjöpañ keunöñ jim köhöinöñga mötpin.”

† **26:53:** Rom yeñgörenñ lijon me yarö kambu kun mi yarö azi 6000 miangö dop aka maljema. Miangöra yarö kambu 12 miengö jañgöñini mi Suep garata 72.000 miangö dop. * **26:55:** Luk 19.47; 21.37 * **26:61:** Jon 2.19

⁶⁴ *Mewö jiiga kewö jiyök, “Jizani, mönö mia. Miamö, nöñön körek engöra kewö jibi mötket: Nalö kewöneyök könahiba Suep gölmegö azi ölnan mönö Kukösum Tonangö böröñi ölnje tata suepkö kousu qakñe eri ekñe.”

⁶⁵ *Keu mi jiiga jike nup galöm bohonñan malukuñi munjurata kewö jiyök, “Yei, iwinangö jitñi! Mönö Anutu mepaiköza. Tosatñan keuñi nangömegöra kunbuk qahö qesim engibin. Anutu mepaiközawi, mi dölki nanñinak möt teköze. ⁶⁶ Miangöra denöwö mötmörize?” Mewö qesim engiiga kewö jim teköget, “Yañön mönö kömupkö buñaya akña.”

⁶⁷ *Mewö jim teköba jene söutkölap söutköm miriba böröñinan misiba mesoholñe qekötahöget. Tosatñan nangulumñe qekötahöba ⁶⁸ kewö jiget, “Gi kezapqetok azi Kraist akzanangöra danñon guhuzawi, mönö yangö qetñi qetnöñ mörin.” Mewö.

Pitönöñ Jisös qañ kölöc.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöñ yaigep kiripo uruñe sombemnöñ tarök. Tari welenqeçe ambi kunñan yangöreñ kaba kewö jiyök, “Gi mewöyök Galili azi Jisösbuk mohotñe malnöñ.” ⁷⁰ Mewö jiyökmö, körek yeñgö jeñine qañ köla kewö jiyök, “Keu jizani, mi köndatzal.” ⁷¹ Mewö jiba kiripo nangune geiga welenqeçe ambi kunñan i eka azi kösutñe kingeri, mi kewö jii mötket, “Azi kianñon mönö mewöyök Nazaret azi Jisösbuk malök.”

⁷² Mewö jiiga kunbuk qañ köla jöjöpañ keunöñ jim köhöiba kewö jiyök, “Nöñön azi mi qahö möt wangizal.” ⁷³ Nalö borom kun teköiga azi kösutñe kingeri, yeñon Pitögöreñ kota kewö jiget mörök, “Alakña! Göñon mewöyök yeñgöreñök kun akzan! Galili keu jöl jizani, mianñon mönö mewöyök mi kondeliga mötzin.” ⁷⁴ Mi möta könahiba nanñi qesuahöm anguba jöjöpañ keunöñ jim köhöiba jiyök, “Ni azi mi qahö möt wangizal! Munen jibilenjak ewö, Anutunöñ mönö likepñi melenñ ningima.” Mewö jiiga miangöreñök kuruk qerök.

⁷⁵ Kuruk qeri möta Jisösnöñ keu kewö jii möröhi, mi mötmöriyök, “Göñon mutuk indimñi karöbut qañ köl ninginöñga kuruknöñ qetma.” Keu mi mötmöröiba wösöñi julmamgö aiga yaigep geba sahöt böliyök. Mewö.

27

Jisös wangita Pailötkö böröñe alget.

Mak 15.1; Luk 23.1-2; Jon 18.28-32

¹ Miri gianjiiga amandñe jike nup galöm pakpak aka kantrigö jitñe meme (70) yeñon tokoba Jisös qeget kömumapkö keuñi eraum mötket. ² Eraum mötket teköiga Jisös jöhöba wangita Rom premiö Pailötkö böröñe alget. Mewö.

Judasnöñ imbi auyök.

Apo 1.18-19

³ *Jisös qeget kömumawangö keuñi jim tekögetka Judas mamalolo wangiyöhanñon mi möta möt bölim anguba silwö moneñ köt 30 wangigeri, mi memba jike nup galöm aka kantrigö jitñememe yeñgöreñ anda melenñda engiba kewö jiyök, ⁴ “Nöñon singisöndok aka azi köpösihitñi qahö mi mamalolo mem wangibiga qeget kömuma.” Mewö jiyökmö, yeñon jiget, “Mi neñgöreñ yuaia qahö! Mi mönö nangi manjara!” ⁵ Mewö jiget möta silwö moneñ köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñon moneñ köt mi memba kewö jiget, “Moneñ ki mönö azi sepñangö bohonña. Miangöra mi jöwöwöl jikegö moneñ köwenöñ albingö dopñi qahö. Mewö aka Mosesgö Köna keu ongitpinbuk.”

⁷ Mewö jiba eraum möta moneñ mianñon gwakömnöñ kimbut meme azi kungöreñ gölme köröñi kun bohonñi megetka kian ambazip yeñgö qaksirinñina ahök. ⁸ Miangöra aka

gölme köröni mianğo qetnji mi nalö kewöne mewöyök toroqeba ‘Gölme köröni sepñambuk,’ qerakze.

⁹ *Kezapqetok azi Jeremaianöñ keu qeljiñe jiyöhi, mianjön mönö ölñambuk ahök. Keu mi kewö, “Yeñon Israel könagesögö jitñememeni aka azi mi söñgöronji memegöra kewöta algetka silwö monen köt 30 ahöhi, mi meget. Mi azigö bohonña.

¹⁰ Yeñon mi memba mianjön gwakömnöñ kimbut meme azi kungöreñ gölme köröni kun bohonñi meget. Mi mönö Kembunöñ jim kutum niñgiyöhanğö dop mewö meget.” Mewö.

Pailötnöñ Jisös qesim wañgiyök.

Mak 15.2-5; Luk 23.3-5; Jon 18.33-38

¹¹ Nalö mianğöreñ Jisösnöñ Pailötkö jeñe kiniga kewö qesim wañgiyök, “Ölña, gi Juda yeñgö kiña akzan me qahö?” Qesim wañgiğa Jisösnöñ melenđa jii mörök, “Mönö nangak jizani, mewö.” ¹² Jike nup galöm aka kantrigö jitñememe (70) yeñon keu gwötpuk Jisösgö sileñe ala jigetmö, töndup keu kitipñi kun qahö melenñök.

¹³ Keu bök kiniga Pailötnöñ Jisös kunbuk qesim wañgiba jiyök, “Mötnöñ! Yeñon keu gwötpuk göhö silege ala nanğöba jizei, mi mötzan me qahö?” ¹⁴ Mewö jiyökmö, Jisösnöñ bölöñi kun qahö ahökmö, töndup keu miengö likepñi kun qahö melenñök. Keu bök kiniga premiönöñ gwötpuk welipköyök. Mewö.

Pailötnöñ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöñ yambu (yara) dop pasowa sösongai nalöñe kösö mireyök azi mohok sihimñinanğö dop qetnji qeta qesigeri, mi pösat engizapma. ¹⁶ Nalö mianğöreñ azi kun qetnji Barabas qetkeri, yanön kösö mire tarök. I bölöñamñanğöra miwidimğögetka malök.

¹⁷ Mewö aiga tokogetka kewö qesim engiyök, “Barabas me Jisös, qetnji Kraist qerakzei, yetköreñök niñia pösat engibi etmapköra mötze?” ¹⁸ Galöm yeñon Jisösgöra körögisigisi mötkeñgöra aka i premiögö böröñe al wañgiget. Mi möta sihimñinanğö mewö qesim engiyök.

¹⁹ Mi mörökmö, jimtekötekögö jakömbuak dum tatatñe tariga anömñan buzup keu kun kewö ali kayök, “Ni merak sunğem gaun kun eka mianğöreñ azi mianğöra aka sihimbölo gwötpuk mötzal. Mianğöra azi solanñi mi mönö lömböt kude wañgiman.”

²⁰ Keu mewö kayökmö, jike nup galöm aka kantrigö jitñememe yeñon ambazip kambu uruesiesi mem engiba kewö jiget, “Mönö Barabas pösata Jisös maripomnöñ qemegöra jiman. Mewö qesim wañgime.”

²¹ Mewö jigetka premiönöñ melenđa qesim engiyök, “Azi yahöt mietköreñök mönö niñia pösat engibi etmapköra mötze?” Mewö qesim engiğa “Barabas!” jiget. ²² Mewö jigetka Pailötnöñ kewö qesim engiyök, “Mewö jizeanğöra Jisös, qetnji Kraist qerakzei, nöñon i mönö denöwö ak wañgibileñak?” Mewö qesim engiğa yeñon körek qetket, “Mönö maripomnöñ qeget jiman!”

²³ Mewö qetketka premiönöñ jiyök, “Mi wuanöngöra? Yanön mönö wani bölöña ahök?” Mewö jiyökmö, yeñon mi möta kapan köla toroqeba qet gigilahöba kewö qetket, “Mönö maripomnöñ qeget jiman!” ²⁴ *Mewö qetketka kezap-ölök aketka göjupmajupnöñ kunbuk qariğa Pailötnöñ mi eka möta bim karim asuhapuköra o memba böröñi ambazip kambu jeñine sanğonda kewö jiyök, “Azi kianğö sepñi mokoget gemawi, mianjön mönö nöngö qakne qahöpmö, mönö nanñini qakñine öngöma.”

²⁵ Mewö jiğa ambazip kambu körek pakpak yeñon kewö melenğet, “Sepñanğö likepñan mönö nini aka nahönböratnini nengö qaknine öngöma!” ²⁶ Mewö melenğetka Pailötnöñ Barabas pösat engii erökmö, Jisösyä jiğa ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

* 27:9: Zek 11.12-13 * 27:24: Dut 21.6-9

Jisös kukulömbuar ak wanjiget.

Mak 15.16-20; Jon 19.2-3

²⁷ Böröjine aliga Rom premiögö yarö azi yejön Jisös wanjita premiögö jakömbuak mirigö kiripo uruñe angotket. Angota yarö kambu lökñanök öröm engigetka kaba tokoba Jisös liliköm wanjiget. ²⁸ Liliköm wanjiba nanñi sile esunji köteköba maluku pisikñi gugakgugak kun löngöt wanjiget. ²⁹ Löngöt wanjiba sötman kösö limbiñda ila ewö nöropñe kölget geyök. Geiga jehot kun böröñi ölñe ala simin köl wanjiba göngönahit ak wanjiba kewö jiget, “Owe owe, Juda yeñgöreñ kin, owe!”

³⁰ Titipepe mewö aka söutkölap qeba jehot öröpñi wanjita mianjön nöropñe qeget. ³¹ Mepaqepaik mewö ak wanjim teköba maluku pisikñi gugakgugak mi qeköba nanñe sile esu kunbuk löngöt wanjiba maripomnöñ qebingöra wanjita anget. Mewö.

Jisös maripomnöñ qeget.

Mak 15.21-32; Luk 23.26-43; Jon 19.17-27

³² Anda köna namñe azi kun qetñi Saimon miwikñaiget. Yanjön Afrika siti qetñi Sairini mianjö azaña. Miwikñaiba kunjum wanjigetka Jisösgö maripomñi memba angyök.

³³ Jisös mewö wanjita gölme kun qetñi Golgota mi nanine keunöñ Nöröpsihit, mianjöreñ anda angotket. ³⁴ *Angota wain o aka marasin qetñi mör mi mindiriba lolonqalon memba nemapköra wanjigetmö, Jisösnöñ mi esapköba memba möta tököyök.

³⁵ *Tököiga kinda maripomnöñ qeget. Qeget kiniga kiawen meget qötöñi ahuiga mianjö dop Jisösgö sile esunji sutñine mendenña meget. ³⁶ Mi memba tata Jisös jegalöm ak wanjiget. ³⁷ Nöröpñe eu qegerangö könanji kewö ohoba qeget, ‘Juda yeñgö kin kembunña ki.’ ³⁸ Kegwek-kahasililin azi yahöt mi yambuk maripomnöñ etkuget. Kun böröñi ölñe, kun qanñe likeplikep mewö etkuget.

³⁹ *Ambazip onjita anda kaba kukulömbuar aka jelikit aka nörop köla kewö jiget, ⁴⁰ * “Ye! Gi mönö jöwöwöl jike ölöp köndenöñga gölmenöñ eriga wehön karöbutkö uruñe kunbuk mem wahöt kunjumamgö jinöñ. O, gi azi qetpuk! Gi Anutugö Nahönña akzan ewö, mönö ölöp nangi bauköm anjuba maripomnöñök etman.”

⁴¹ Jike nup galöm, Köna keugö böhi aka kantrigö jitrjememe yejön mewöyök mepaqepaik ak wanjiba kewö jiget, ⁴² “Tosatña bauköm engiba malökmö, nanñi bauköm anjumamgö osiza. Yanjön Israelgö kin akza ewö, mönö döлки maripomnöñök eri eka mi möt naribinak. ⁴³ *Yanjön Anutu möt narim wanjiba ewebibiñambuk mala nanñanjöra ‘Anutugö Nahönñi akzal’ jiiga mörin. Ayop, Anutunöñ i nalö kewöñe meköm wanjimamgö mötza me qahöwi, mi ölöp ekin.” Mewö jiget. ⁴⁴ Kegwek-kahasililin azi yambuk maripomnöñ etkugeri, yetkөн mewöñanök uruqeçe keu töhöreñ jim wanjiyohot. Mewö.

Jisösnöñ kömuyök.

Mak 15.33-41; Luk 23.44-49; Jon 19.28-30

⁴⁵ Silim bibiñi 12 kilok aiga mianjöreñök söñaupnöñ eta gölme pakpak dop köla ahöiga anda aua karöbutkö dop ahök. ⁴⁶ *Jisösnöñ 3 kilok mianjöreñ nanñe keunöñ kewö qet ketanji qerök, “Eloi, eloi, lama sabaktani?” Mi nanine keunöñ: Anutuni, Anutuni, mönö wuanöñgöra andö nunjuzan?

⁴⁷ Mewö qeriga azi kösutñe kingeri, yeñgöreñök tosatñan mi möta jiget, “Mönö Elai-jagöra qetza.” ⁴⁸ *Mianjöreñök yeñgöreñök kunñan ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbuñe eu ali neyök. ⁴⁹ Neyökmö, tosatñan jiget, “Mönö mosötketka nanñök kinök. Elaijanöñ kaba meköi etma me qahöpto, mönö mi ekin.”

* 27:34: Sum 69.21 * 27:35: Sum 22.18 * 27:39: Sum 22.7; 109.25 * 27:40: Mat 26.61; Jon 2.19 * 27:43: Sum 22.8 * 27:46: Sum 22.1 * 27:48: Sum 69.21

⁵⁰ Mewö aketka Jisösnöñ kunbuk qet ketanji qeta söñgöörö ösum kondikñi öröba kömuyök. ⁵¹ *Kömuiga miangörenök jöwöwöl jikegö uruñe opo * kinöhi, miangön euyök bibiñe jurata eta yahöt ahök. Mewö eriga gölmenöñ kenöñ ketanjan meiga köt ketanji ketanji mesiñnok. ⁵² Qaksirigö köt kötenji mienjö numbuñinan nanñök anañigetka ambazipñi sarakñi kömugeri, yeñgörenök gwötpukñan guliba wahötket. ⁵³ Wahöta qaksirigö köt kötenjini mosöta Jisösnöñ kömupnöhök wahöröhi, miangö andöñe Jerusalem siti töröñi miangören kaba ambazip gwötpuk asuhum enjigetka engeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenöñ meiga yuai tosadni pakpak asuhuyöhi, mi eka auruba jönömñini gwötpuk unduiga kenjötporiñ aka kewö jiget, “Yañön mönö ölña Anutugö Nahönña akza.”

⁵⁵ *Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wangiba malget. ⁵⁶ Yeñgö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök. ⁵⁸ Yañön Pailötgöreñ anda Jisösgö qamötñi memangö qesiyök. Qesiiga suahö azinöñ mi Josef wangimegö jim kutum enjiyök.

⁵⁹ Jim kutum enjiiga Josefñöñ anda Jisösgö qamötñi memba eta opo tuatñan esuhuyök. ⁶⁰ Esuba memba qaksirinöñ anda nanñi kötenjölökñi kötnöñ urorohogetka kinöhi, qamötñi mi miangöreñ alök. Mewö ala köt ketanji kun metaliga kötenj numbuñi közipköiga mosöta anök. ⁶¹ Magdalagö Maria aka Maria alanji kun yetköñ miangöreñ köt kötenj mesohol köla tarohot.

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta miangöreñ jike nup galöm aka Farisi (Köna keugö kapañkölköl) yeñön Pailötköreñ anda tokoba kewö jiget, ⁶³ * “Ketanjamnini, enjololöngö urukungukungu azi miangön jebuk malöhi, nalö miangöreñ kewö jii mörin, ‘Nöñön wehön karöbut teköiga kunbuk guliba wahötmam.’ Neñön keu mi mötmörizin.

⁶⁴ Miangöra göñön ölop yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölöñ memba asamböta ambazip kewö jiget mötpeak, ‘Jisösnöñ mönö kömupnöhök wahörök.’ Mewö jigetka tilipqilip enjololöñ keu kondikñi kianön mönö enjololöñ keu mutukñi ongiriga böliqolibapuk.” ⁶⁵ Mewö jigetka kewö jii mötket, “Yarö azi ki mönö ölop enguanğita anda al enjigetka qaksiri kötenj numbuñi mi törörök galöm köl soroköme.”

⁶⁶ Mewö jii möta qaksirinöñ anda köt kötenangö numbuñe köt ketanji algetka közipköba kinöhi, mi supapñi ala yarö azi al enjigetka jegalöm köhöikñi meget.

28

Jisösnöñ kömupnöhök wahörök.

Mak 16.1-10; Luk 24.1-12; Jon 20.1-10

¹ Sabat kendon tatket teköiga Sonda söñanök wahöta miri gianjiiga Magdalagö Maria aka alanji Maria kun yetköñ qaksirigö köt kötenj ekitkö anohot. ² Anohotka miangöreñök kenöñ ketanji kewögöra meyök: Kembangö garata kunöñ Suepnöhök eta qaksirinöñ kaba

* **27:51:** Eks 26.31-33 * **27:51:** Opo mi jöwöwöl jikegö oleni kömbukñi aka oleni töröñi kötökñi mietkö sutñine kinök. * **27:55:** Luk 8.2-3 * **27:63:** Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

numbuṅe köt ketanji qetali ani qakṅe tarök. ³ Garatagö kaisonjolomnji mi wöl ewö aiga malukuṅji mi kousu ewö tuat lalamnji ahök.

⁴ Mewö asuhuiga yarö azi qaksiri galöm megeri, yeṅön yangöra awöwöliba jönömñini undui kömum töriget. ⁵ Mewö aketka garatanöṅ ambi yahöt yetköra keu kewö jiyök, “Jisös maripomnöṅ qegeri, injiri yangöra jaruzahot, mi mötzal. Miangöra mönö keṅgötñiri kude mötmahot. ⁶ Nanṅak jiyöhaṅgö dop mönö kömupnöhök wahötza. Miangöra ki qahö ahöza. Mönö kaba dum ahöyöhi, salupnji mi ekṅahot.

⁷ “Mi eka ösumok gwarekurupnji yeṅgöreṅ anda buzup keu ki jiyohot mötme, Jisösnöṅ kömupnöhök wahötza. Mötket, yaṅön mönö qeljiṅe mutuk Galili prowinsnöṅ anma. Injini ölop miangöreṅ anda i ekṅe. Mötket, nöṅön mi lök jibi mötze.”

⁸ Mewö jiiga zilaṅök qaksiri mosöta keṅgötñiri möta töndup önöṅi qahö söṅgaiba buzup mi memba gwarekurupnji jiyohot mötmegöra ösumñiran anohot. ⁹ Ösumñiran anohotka Jisösnöṅ i könanöṅ asuhum etkiba “Söṅanñiri!” jiyök. Mewö jiiga kösutṅe anda sipköba könaṅe meraköba waikṅi memba möpöseim waṅgiyohot. ¹⁰ Möpöseim waṅgiyohotka kewö jii mörohot, “Keṅgötñiri kude mötmahot. Mönö anda munurupnan Galili anmegö keu jiyohotka miangöreṅ anda ni nekṅe.” Mewö.

Qaksiri galöm meme yeṅön kösohotñini jiget.

¹¹ Ambiyahöt yetkön köna anohotka qaksirigö köt köteṅ galöm meme yarö azi tosatñan sitinöṅ kaba jike nup galöm engeka yuai pakpak asuhuyöhi, miangö kösohotñi jiget mötket. ¹² Yeṅön mi möta Juda yeṅgö jitṅememeurupñini öröm enṅigetka mohotṅe totoko ala Jisös wahötwahötkö keu asambötṅingö keu areṅ miwikñaiba moneṅ keta bölökñi mi yarö azi enṅiget.

¹³ Mi enṅiba kewö jim kutum enṅiget, “Injini mönö keu kewö jime: Nini suṅgem gaun ahöṅga gwarekurupñan ölöṅ kaba qamötñi yoṅgorö memba anget. ¹⁴ Keu mewö jigetka keu mianön premiögö kezapṅe gei mötma ewö, lömböt enṅö qakṅine öṅgöbapuköra neṅön mönö uruṅi mölöwöriba memba eta alinga waimanjat qahö malme.”

¹⁵ Mewö jim kutum enṅigetka miangö dop aka moneṅ memba anda nup keuñini wuatangöget. Mewö aketka Juda yeṅön keu mi sutṅine jim sehigetka möta malgetka anda nalö kewöṅe mewöyök mi toroqeba jiget mörakzin. Mewö.

Misin nup membingö jimkutukutuṅi

Mak 16.14-18; Luk 24.36-49; Jon 20.19-23; Apo 1.6-8

¹⁶ *Gwarekurup 11 yeṅön Jerusalem mosöta Galili prowinsnöṅ anda Jisösnöṅ kunduṅe anmegöra jiyöhi, miangöreṅ öṅgöget. ¹⁷ Miangöreṅ öṅgöba Jisös eka waikṅi memba möpöseim waṅgigetmö, tosatñan yangöra uruyahöt aket. ¹⁸ Möpöseim waṅgigetka yeṅgöreṅ kaba kewö jiiga mötket, “Suepkö aka gölmegö kukösum pakpak mi Anutunöṅ niṅgiiga nöṅgöreṅ ahöza.

¹⁹ *“Miangöra injini mönö gölme dop anda ambazip kambu pakpak kewö enṅömegetka nöṅgö gwarekurupni akṅe: I mönö İwi, Nahön aka Uṅa Töröṅi neṅgö qetnine o melun mem enṅime ²⁰ aka nöṅön keu wuatangömegöra jim kutum enṅiali, mi pakpak tem kölmegöra mönö kusum enṅiba malme. Mötket, nöṅön mönö nalöṅi nalöṅi embuk mala anda malbiga gölmegö nalöṅan teköma.” Mewö.

* 28:16: Mat 26.32; Mak 14.28 * 28:19: Apo 1.8

Mak Ölöwak **Buᅇa Maknöᅇ ohoyök.** **Jim-asa-asari**

Mak namᅇi qetᅇi Maria, iwiᅇi qetᅇi qahö mötzin. Jerusalem siti toᅇi malget. (Aposol 12.12) Nanᅇi kösohotᅇi kun qetᅇi qahö qeta boᅇ 14.51-52 mianᅇöreᅇ ohoi ahöza. Pitönöᅇ bauköm waᅇgiiga uruᅇi melenᅇniga Buᅇa kusum waᅇgiyök. Waᅇgiiga numbutᅇi Barnabas aka Pol yetpuk liliköba misin nup memba anda Pol mosöta deᅇnohot. Deᅇnohotka toroqeba nup memba mala Buᅇa kösohot mohok mohok qezaköba mindiriba kian kantri yeᅇgöra Grik keunöᅇ ohoyök. Jisösgö keuᅇi mi Arameik. Mi “Eli eli lama lama sabaktani,” mianᅇö dop.

Jisösnöᅇ urugö nupᅇi denöwö memba Anutugö Nahönᅇi aka ambazip bauköm enᅇgiba malöhi, Maknöᅇ keu mi jim asariba ohoyök. Jisösgö nupᅇi bohönᅇi karöbut: Buᅇa kusum enᅇgiyök, ömewöröme közöl enᅇgiyök aka siᅇgisöndok mosöta kawölᅇi kawölᅇi mem ölöwahök.

Buk kianᅇö bahöᅇi bohönᅇi 6 mi kewö:

Keu mutukᅇi: Jon aka Jisös 1.1-13

Qenjarök nup Galili uruᅇe meyök 1.14–9.50

Galili mosöta Jerusalem anök 10.1-52

Jerusalem Sonda mohot mala kömuyök 11.1–15.47

Jisösnöᅇ kömupnöᅇhök wahörök 16.1-8

Wahöta asuhuba Suepnöᅇ öᅇgöyök 16.9-20

¹ Amötqeqe Toᅇi Jisös Kraist mi Anutugö Nahönᅇi akza. Nöᅇön yaᅇgö Ölöwak Buᅇaᅇi könahiba ohozal.

Jonöᅇ Jisösgö köna mesarök.

Mat 3.1-12; Luk 3.1-18; Jon 1.19-28

² *Anutunöᅇ Suep uruᅇe Nahönᅇaᅇgöra keu kun jiiga kezapqetok azi Aisaianöᅇ mi ohoiga yaᅇgö Buzup Kimbinöᅇ kewö ahöza, “Mötnöᅇ. Nöᅇön kolek garatani kun melaibiga qeljiᅇe anda ambazip uruᅇini mindiᅇgöba göhö könagi mesariga göᅇön yaᅇgö andöᅇe gölmenöᅇ geman.”

³ * “Kolek garata kunöᅇ gölme qararaᅇkölkölᅇe qeta maliga anda qetᅇi kewö mötme, ‘Kembunöᅇ kamawo! Mianᅇöra mönö jöjöröba könaᅇi mesatket. Mönö uruᅇini mindiᅇgöba könaᅇi qölöleiget’.”

⁴ Keu mianᅇö dop azi kun qetᅇi Jon asuhuyök. Qetᅇi alaᅇi O-melun azi. Asuhuba gölme qararaᅇkölkölᅇe mala kinda Buᅇa keuᅇi kewö jiba malök, “Iᅇini mönö uruᅇini melenᅇgetka nöᅇön o melun mem enᅇgimam. Mewö aketka Anutunöᅇ siᅇgisöndokᅇini saᅇgoᅇda mosötma.” ⁵ Mewö jiba maliga Judia prowinsgö miriᅇi pakpak aka Jerusalem siti yeᅇön kambuᅇi kambuᅇi köla öröba Jongöreᅇ kaget. Kaba kaᅇgota siᅇgisöndokᅇini jim miwikᅇaigetka Jonöᅇ i Jordan o töwatᅇe o-melun mem enᅇgiyök.

⁶ *Jongöreᅇ silepöke mi kamel jupᅇan memenᅇi aiga kembraᅇe öriᅇit sömbup silenᅇan memenᅇi mi jöhöba malök. Nenenᅇamᅇi mi gawöt jinam aka arökᅇaᅇgö moroᅇ onᅇi, mia namba malök. Mi pakpak kezapqetok azi Elaija (Elia) yaᅇgö dowa. ⁷ Jonöᅇ keu kewö jim asariba malök, “Nöᅇgö andöᅇe azi kukösumᅇi köhöikᅇi kun kama. Yaᅇgö kukösumᅇi öᅇgöᅇgöᅇan mönö nöᅇgöreᅇ onᅇitma. Yaᅇön azi öᅇgöᅇgöᅇi akᅇawaᅇgöra nöᅇön yaᅇgö köna esuᅇaᅇgö kösöᅇi bauköba pösatmamᅇö qötötaᅇgömam. ⁸ Nöᅇön o töhönöᅇ melun mem enᅇgizalmö, yaᅇön mönö Uᅇa Töröᅇan melun mem enᅇgima.” Mewö.

* 1:2: Mal 3.1 * 1:3: Ais 40.3 * 1:6: 2 Kiᅇ 1.8

*Jonöñ Jisös o melun mem wanjiyök.**Mat 3.13-17; Luk 3.21-22; 4.1-13*

⁹ Nalö miangören Jisösnöñ Galili prowinsgö miri Nazaret miangörenök Jongören kaiga Jordan o töwatñe o-melun mem wanjiyök. ¹⁰ Mem wanjiiga onöhök koriga miangörenök Suepnöñ añañiiga Jisösnöñ uba ehiga Uña Töröñi melenða kembö nei ewö aka Jisösgö çakñe eta meöyk. ¹¹ *Mi ehiga Suep mireyök keu kun kewö asuhuyök, “Göñön mönö nani wölböt nahöni aknöñga köröni ölöwahiga geknahöm ak gihizal.” Mewö.

*Satanöñ Jisös esapköba malök.**Mat 4.1-11; Luk 4.1-13*

¹² O melun mem wanjiiga miangörenök Uña Töröñan Jisös kuñgum wanjiiga gölme qararañkölkölñe anök. ¹³ Anda wehön 40 miangö dop miangören maliga öme bohonñini Satan yañön esapköm wanjiiga malök. Sömbup kalñi miengö sutñine maliga Suep garata yeñön bauköm wanjiiga malget. Mewö.

*Jisösnöñ gwarekurupñi mutukñi enggoholök.**Mat 4.12-22; Luk 4.14-15; 5.1-11*

¹⁴ Könañgep Jon kösö mire alget tariga Jisösnöñ nalö miangören Galili prowinsnöñ lilingöba anök. Anda Anutugö Ölöwak Buñañi jim asariba malök. ¹⁵ *Jim asariba kewö jiyök, “Anutunöñ bemtohoñi almawanjö nalöñan mönö dopdowiza. Anutunöñ nalö aliga mala malgetka döлки akza miangöra mönö uruñini melenða Ölöwak Buña möt nariget.” ¹⁶ Jisösnöñ mewö jiba liliköba mala Galili o añañgö görañe mötöteiba anda söra örörö azi yahöt ekehök. Qetñiri Saimon, munñi qetñi Andru. Yekñön mösakñiri o añañönñ söra öröbitköra gila malohot. ¹⁷ Jisösnöñ etkeka kewö jiyök, “Aziyahöt, inñiri mönö ni nuatanga kayöhotka kusum etkibi ambazip söra ewö öröm engimakñahot.” ¹⁸ Mewö jiiga miangörenök mösakñiri mosöta könahiba Jisös wuatanga anöhot. ¹⁹ Jisösnöñ yetpuk borom kun toroqeba anda Zebedigö nahönñi Jeims aka munñi Jon ekehök. Yetköñ mewöñanök wanjenöñ tata mösakñiri möhamgöba jöhöba malohot. ²⁰ Malohot ekeka miangörenök etkoholök. Etkoholiga iwinñiri Zebedi aka moneñ nup aziurupñi wanjenöñ engömosöta könahiba Jisös wuatanga andöñe anohot. Mewö.

*Jisösnöñ öme kun wuatangaöyök.**Luk 4.31-37*

²¹ Mewö mohotñe anda Kaperneam sitinöñ angotketka Sabat kendon aiga Jisösnöñ miangörenök köuluk mirinñine öngöba Buña kusum engiyök. ²² *Köna keugö böhi ewö çahöpmö, kukösum ahöm wanjiyöhangö dop kusum engiba ahakmemenangö dop akñegöra jiyök. Miangöra könañgesö yeñön mi eka auruba welipköget.

²³ Köuluk mirinñine miangören nalö miangörenök azi kun ömenambuk tariga öme mianñön qetñi kewö qerök, ²⁴ “O Jisös, Nazaret azia! Gi wania ak neñgimangö akzane? Mönö ayuhum neñgimangöra kazan me? Ni könañamgi möt kutuzal. Gi Anutugören azi Tök-kutukutuñi mi akzan.”

²⁵ Mewö qeriga Jisösnöñ tembula kewö jim wanjiyök, “Gi mönö keugi bököiga azi ki mosöta kesalnöñ.”

²⁶ Mewö jim wanjiiga ömenöñ azi mi utuköba urepköm wanjiiga qet bölöbölö qeta kota mosöta anök. ²⁷ Aniga körekñan nemböñini teköiga welipköba qesim anguba kewö jiget, “Yei! Ki mönö wani yuaia? Ki mötmöt dölokñi kukösumñambuk. Yañön ömewöröme mewöyök jim kutum engiiga jitñi tem kölje.”

²⁸ Mewö asuhuiga Jisösgö qetbuñañan köñöpuk sehiba miri kösutñe tat angeri, miangören anda anda Galili prowins pakpak dop kölok. Mewö.

* **1:11:** Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 * **1:15:** Mat 3.2 * **1:22:** Mat 7.28-29

Jisösnöñ kawöl ambazip gwötpuk meiga ölöwaket.

Mat 8.14-17; Luk 4.38-41

²⁹ Jisösnöñ Kaperneam yanğoreñ köuluk miri mosöta miangöreneñok Jeims Jon yetpuk Saimon aka Andru yetkö mire öngöget. ³⁰ Miangöreneñ öngögetka Saimongö suhunjan silekönöp kawöl yöhöi ahöyök. Ahöiga buzupñi mi ösumok Jisös jiget mörök. ³¹ Jiget möta yanğoreñ anda böröñe memba kököbiiga wahörök. Wahöriga silekönöpñan mosöriga nene ohoba gumohom enjgiyök.

³² Gumohom enjiiga mare aiga wehön jeni geiga miangöreneñ Kaperneam tonji yeñön kinda ambazipñi ambazipñi kawöl ömenjambuk mi körek enguanğita Jisösgöreneñ kaget.

³³ Kaperneam taonöhök kambulembenöñ kaba Saimongö miri nanğune tokoget.

³⁴ Tokogetka kinda ambazip kawöl könañi könañi enğöhöyöhi, mi gwötpuk mem ölöwak enjgiyök. Mewöyök ömewöröme yeñön Jisösgö könañi mötkerañğora Jisösnöñ numbuñini muhungöba gwötpuk enğuatangöyök. Mewö.

Amöt böröñi Galili körek dop kölök.

Luk 4.42-44

³⁵ Jisösnöñ gaun ahöiga miri wanğarañ suruiga wahöta miri yaigepñe geba görañe anda nanğök tin kutuba miangöreneñ köuluköyök. ³⁶ Köuluköiga Saimon aka alaurupñi yambuk malgeri, yeñön zilañ könañe anget. ³⁷ Anda miwikñaiba kewö jiget mörök, “Ambazip körekñan mönö göhöra jaruze.”

³⁸ Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñön Buña keu miri dop jim sehimamğora eta maljal. Miangöra mönö miri liliköba anbin.”

³⁹ *Mewö jiba anda Galili prowins körek liliköba köuluk miriñine Buña keu jiba ömenji ömenji mi enğuatangöba malök. Mewö.

Jisösnöñ uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöñ taon kunöñ maliga uzikuku azi kunñan kaba simin köla Jisösgö wösöñe geba kewö köuluköm wanğiyök, “Göñön sihimgan mem ölöwak niñgimamğö mötzan ewö, mönö ni ölop mem solanim niñgiman.”

⁴¹ Mewö jiiga yanğora wösöñi möta böröñi böranda silenji misiriba jiyök, “Nöñön mi akñamğö mötzal. Gi mönö solaniman.” ⁴² Mewö jiiga uzikukuñi mi miangöreneñok solanii ölöwahök. ⁴³ Solaniiga galöm meme keu köhöikñi wanğiba miangöreneñok “Ölop anman,” jiyök. ⁴⁴ *Goro mi kewö jiiga mörök, “Mötnöñ. Kiangö buzup keuñi mi kun kude jinöñ mötme. Qahöpmö, mönö jike nup galömgöreneñ anda silegi kondel wanğiman aka Mosesgöreneñ jimkutukutu wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipñöñ könañamgi möt kutume.”

⁴⁵ Jisösnöñ mewö jiyökmö, yanğon anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangöreneñ aukñe kunbuk anmamğö osiyök. Osiba taon andöñine miri gwamönñi miangöreneñok malök. Miangöreneñ maliga miri dop miangöreneñok ambazipñi ambazipñi mi yanğoreñ kaget. Mewö.

2

Jisösnöñ azi sile likepñi kömukömuñi möhamğöyök.

Mat 9.1-8; Luk 5.17-26

¹ Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök. Kaiga “Mire malja,” jiget mötket. ² Ambazip gwötpukñan mi möta tokoba yanğö miri nanğu söndakñe gwözönğda sombemñe kokolak qeget. Kokolak qegetka Jisösnöñ kinda Buña keu jiiga mötket. ³ Mötketka miangöreneñ azi kun sile likepñi kömukömuñi, mi wanğita yanğoreñ kaget. Azi 4:ñan i kululunöñ ala anğuba kaget. ⁴ Kagetka gwözönğda

* 1:39: Mat 4.23; 9.35 * 1:44: Lew 14.1-32

kingeranğöra aka Jisösgö kösutne anda albingö osiget. Osiba miri qakne öngöba Jisösgö bohonneyök bo esim lulunget. Lulungetka kinimni ahuiğa miangören kawöl azi mi kululunambuk kösönöñ jöhöba algetka geiyök. ⁵ Mewö geiga Anutu möt narim wanğigeri, Jisösnöñ yengö tandökni mi ehi dop köliga kawöl azigöra kewö jiyök, “Nahöni! Nöñön siñgisöndoki mosötzal.”

⁶ Mewö jiiga Köna keugö böhi tosatñan sutñine tata uruñinan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan siñgisöndokni mosörakzapmö, azi kunñan mi qahö.”

⁸ Uruñinan mewö mötmörigetka Jisösnöñ miangörenök uruñan mi möt kutuba kewö jii mötket, “Inini mönö wuanöngöra keu mewöni uruñinan mötmörize? ⁹ Nöñön ‘Siñgisöndoki mosötzal,’ kawöl azigö mewö jizali, keu mianön mönö awamñanök jijiña. Kunñan mewö jiiga tosatñan keu miangö ölni qahö ekne. Miangöra mi keu awamñangö dop. Nöñön keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianön mönö aukne asuhui ekne. ¹⁰ Mötket, gölmenöñ siñgisöndok mosötmosötkö kukösumni mi Suep gölmegö azi ölnangören ahözawi, inini miangö könañangöra janjun malbepuk. Miangöra keu lömbötñi mi azi kianöra jibi ölni eket,” Mewö jiba azi sile likepni kömukömuñangö jene eka jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamni mi mönö mewöyök denöwögöra omañi akawak?” ¹¹ Mewö jiba azi sile likepni kömukömuñi kewö jii mörök, “Nöñön göhöra jizal: Gi mönö wahöta tumbulahöpki memba mirige anöñ.”

¹² Jiiga mönö wahöta miangörenök tumbulahöpni memba ambazip pakpak yengö jenine yaigepne anök. Mewö aniga körekñan welipköba Anutu möpöseiba kewö jiget, “Yei! Tandök kewöni mi mönöwök nalö kungen qahö ehin. Qahö. Dölki je murutña ekzin.” Mewö.

Jisösnöñ Matyu (Liwai) oholök.

Mat 9.9-13; Luk 5.27-32

¹³ Jisösnöñ kunbuk Kaperneam mosöta anğönöñ geba sak qöhöröñe anda malök. Maliga ambazip kambulelemenöñ yangören kagetka Buña keu kusum engiyök. ¹⁴ Anda takis ofis onğitmangö aiga miangören azi qetni Liwai Alfiusgö nahönñi tariga eka jii mörök, “Gi mönö nöngö andöne kanöñ.” Mewö jiiga möta wahöta takis nup mosöta Jisösgö andöne anök.

¹⁵ Anda Liwaigö mire anda nene memba tatkeri, nalö miangören takis meme azi tilipqilipñinambuk aka siñgisöndok azi gwötpukñan kaba Jisös aka yangö gwarekurupni yembuk tata nene mohokne neget. Gwötpukñan mönö Jisös wuatangöba malget.

¹⁶ Jisösnöñ takis meme tilipqilipñinambuk aka siñgisöndok ambazip tosatni yembuk tata nene negeri, mi Farisi (Köna keugö kapañkölköl) aka yengören böhi tosatñan eka Jisösgö gwarekurupni kewö jim engiget, “Aek! Yanön mönö wuanöngöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnöñ likepni kewö jii mötket, “Sile unditundit ambazipnön doktagöra qahö ak engimakzapmö, kawöl ambazipnön doktagören anakze. Nöñön siñgisöndok ambazip engoholmamgöra kaba maljalmö, ambazip nanñinangö mötketka solanñi akzei, i qahö.” Mewö.

Nene siñgi malmalgö keunji

Mat 9.14-17; Luk 5.33-39

¹⁸ Nalö miangören Jongören gwarekurupni aka Farisi (Köna keugö kapañkölköl) yenön nene siñgi malgetka tosatñan Jisösgören kaba kewö qesiget, “Jon O-melun azigö gwarekurupni neñön Anutugöra nene siñgi malahakzin. Farisi (Köna keugö

kapaŋkolköl) yeŋgö gwarekurupŋinan mewöŋanök aka malje. Nangi gwarekurupkan mönö wuanöŋgöra Anutugöra ŋiŋgi qahö malje?”

¹⁹ Mewö qesigetka kewö melenök, “Ölŋa! Nini wani nalönöŋ nene ŋiŋgi malakzin? Ambi meme nalöŋe azigö andöurupŋan könöpŋi algetka ambigö sepkitipurupŋan yuai mi tökömakze me qahö? Nöŋön nani gwarekurupni yeŋgö azi buŋaya aka yeŋgö sutŋine köisirik tatzal. Tatpiga yeŋön miangöra aijölöŋ söŋgaiba tata ŋiŋgi malbingö osimakze. ²⁰ Osimakzemö, Anutunöŋ noaŋgiri kömumbiga yeŋön mönö nalö miangöreŋ ölop ŋiŋgi malakŋe.

²¹ (Inini malmal walŋi aka söŋŋai Buŋa dölökŋi mi mindirim etkibingö osime. Miangö keu pasetŋi mi kewö jibi mötket:) Löŋgölöŋgöt walŋi jurariga kunŋan opo dölökŋi qahö saŋŋoŋsaŋŋoŋi mitiba mianön opo su jöhanŋi qahö uhum memba umgöreŋgömakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²² Mewöŋanök kunŋan wain o dölökŋi mi jobö me toru walŋi lama silenŋan memenŋi miangöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miangöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, mianön mönö jula kisipisirik eriga nemba kawöl neŋgöhöbapuk. Mewö akapüköra o ölopŋi mi gina ölopŋe umakzin. Inini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnöŋ Sabat kendongö Kembuŋi akza.

Mat 12.1-8; Luk 6.1-5

²³ *Miangö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga gwarekurupŋan wösöŋini enŋuiga wit ölpŋi mohot mohot könahiba böröŋinan misiba neget. ²⁴ Mewö negeraŋgöra Farisi (Köna keugö kapaŋkolköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme ŋoŋŋoŋi oŋgitze?”

²⁵ *Mewö jigetka kewö melenök, “Kiŋ Deiwidnöŋ yarö aziurupŋi yembuk liliköba wösöŋini enŋuiga nenegöra osiba yuia akeri, mi lök nalö kunöŋ oyöŋget me qahö?”

²⁶ *Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepüköra ŋoŋgo ahöiga töndup neyök. Nemba aziurupŋi tok enŋiiga mohotŋe neget. Nalö miangöreŋ azi qetŋi Abiatar yaŋön jike nup galöm bohonnaŋgö nup memba malök.”

²⁷ Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸ Mewö aiga Suep gölmeŋgö azi ölpŋan mönö Sabat kendongö Kembuŋi mewöyök akza.”

3

Jisösnöŋ azi böröŋi söŋöŋgöŋi mem ölöwahök.

Mat 12.9-14; Luk 6.6-11

¹ Jisösnöŋ kunbuk köuluk mire öŋgöiga miangöreŋ azi böröŋi sosoholiŋi kun tarök. ² Miangöreŋ azi böröŋi sosoholiŋi kun tarök. Ambazipnöŋ Jisös keu jakene al waŋgibingöra “Azi mi Sabat kendonöŋ möhamgöma me qahö?” jiba Jisös je galöm memba tatket. ³ Megetka Jisösnöŋ azi böröŋi sosoholiŋi mi kewö jii mörök, “Mönö wahöta jenine kinöŋ.” ⁴ Mewö jiba kewö jii mötket, “Köna keu wuataŋgöba Sabat kendonöŋ yuai ölopŋi

* 2:23: Dut 23.25 * 2:25: 1 Sml 21.1-6 * 2:26: Lew 24.9

me bölöñji akin? Ölop kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

⁵ Keuñini göröñ tatketka lilingöm purik engehi uruñinan köhöikñi gwözöñnöhañgöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiba kunbuk ölöwahök. ⁶ Ölöwahiga Farisi (Köna keugö kapankölköl) yeñön yaigep anda miangörenök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöñ kawöl ambazip mem ölöwak engiyök.

⁷ Mewö megetka Jisösnöñ gwarekurupñi enguangita o angö jitñe anget. Angetka Not prowins qetñi Galili miangörenök ambazip kambuleleme yeñön könañe wuatangöba anget. Judia prowins miangörenök mewöyök yangören kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öröba kaget. Jisösnöñ angöletot ketañi ketañi memba malöhi, miangö buzupñi möta mindiqindiriba kañgotket. ⁹ *Mewö kañgota utal wañgibepuköra Jisösnöñ gwarekurupñi kewö jii mötket, “Ölököm niñgibepuköra inini mönö wañge kun miwikñaiba nöñgöra dowe alget tarök.” ¹⁰ Mewö jii möta ambazip sehisehiñi mem ölöwak engiba malök. Miangöra qemjem-mamjen aka sile lölömböröñinambuk pakpak yeñön silene misiribingöra liliköba gwötpuk aum metala utal wañgiget. ¹¹ Ömeñi ömeñi yeñön Jisös eka jemesoholñe gölmenöñ geba kewö qetket, “Gi Anutugö Nahönñi akzan!”

¹² Mewö qetketka Jisösnöñ qetal engiba könöñamñan aukñe asuhubapuköra songo köhöikñi al engiyök. Mewö.

Jisösnöñ gwarekurupñi möwölöhöm engiyök.

Mat 10.1-4; Luk 6.12-16

¹³ Könañgep Jisösnöñ kundunje öngöba miangören nanñi sihimñangö dop azi engoholiga yangören kaget. ¹⁴ Kagetka azi 12 mi yambuk malmegöra al engiba Buña keuñi jim sehimegöra melaim engiyök. ¹⁵ Melaim engiba ömewöröme közöl engimegö kukösumñi engiyök.

¹⁶ Mewö aka azi 12 ki kewö al engiyök: Pitö, Jisösnöñ qet mi Saimon wañgiyök. ¹⁷ Jeims aka munñi Jon, iwiñiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandañgö Nahönyahötñi. ¹⁸ Andru, Filip, Bartolomyu, Matyu, Tomas, Jeims Alfiusgö nahönñi, Tadius, Saimon Zelot-politik azia* ¹⁹ aka Judas Iskariot. Kariot azi miangön könañgen Jisös mamalolo mem wañgiyök. Mewö.

Jisösnöñ öme yeñgö kukösumñini ongiita qei etza.

Mat 12.22-32; Luk 11.14-23; 12.10

²⁰ Jisösnöñ mi al engiba kunduneyök eta nanñi miriñe kayök. Mire kaiga ambazip kambu ketañi kunbuk kañgota tokogetka mönö miangöra tosolomñi yembuk nene nembangö osiget. ²¹ Osigetka sepkitipurupñan mi möta “Uruñi lök sohoza!” jiget. Jiba geba wañgitpingöra anget.

²² *Angetka Köna keugö böhi Jerusalemök kageri, yeñön jiget, “Satangö Katakömulatnöñ mönö uruñe geiga malja. Yañön öme yeñgö kembuñinañgö ösumnöñ ömewöröme enguatangömakza.”

²³ Mewö jigerangöra Jisösnöñ engoholi kagetka dopkeunöñ kewö jii mötket, “Satanöñ mönö denöwö alañi Satan kun wuatangöbawak? ²⁴ Kantri kungö galömurupñinan sutñine angururuk aka julme ewö yeñön mönö galömkölköl nupñini memba kinbingö osime. ²⁵ Mewöyök miri kungö könagesö yeñön sutñine angururuk aka julme ewö, mönö

* **3:9:** Mak 4.1; Luk 5.1-3 * **3:18:** Nasönöl pati zelot yeñön Rom gawman tuarenjon aka nanñine kinkin membangöra tuaköpek memba malget. * **3:22:** Mat 9.34; 10.25

galömkölköl nupñini memba kinbingö osime. ²⁶ Mewöyök Satangö könagesö yeñön sutñine anğururuk aka tuarenjon ak anğubeak ewö, galömkölkölñinanğö ösumñan eriga bemtohonñinan mönö qahöwaktamğö akza.

²⁷ Kunñan azi köhöikñanğö köna böröñi mutuk qahö jöhöma ewö, yañön mönö miriñe öngöba qezanğda sukinapñi memamğö osima. Mutuk i jöhöi tarigun mönö ölop miriñeyök öröyuaiñi pakpak wañgita memba anma. (Mianğö dop nöñön mewöyök Satan jöhöba andöñe ömenji enğuatamğömakzal.) Mewö.

Singisöndok mosötmosötñi qahö

²⁸ Nöñön keu ölni kun kewö jibi mötme, “Ambazip ketanji moröñi singisöndok ahakzei, mi Anutunöñ mosörakza. Lömbötñambuk me awamñi mepaqepaik akeak mönö mi Anutunöñ sanğon enğima. ²⁹ *Sanğon enğimapmö, Kunñan Uña Töröñi ilita mepaikömawi, mianğö singisöndokñi Anutunöñ mönö nalö kunöñ qahö mosötma. Saumban! Singisöndok mianğön mönö qakñe öngöiga nalö teteköñi qahö Anutugö jeñe keuñambuk malma.” Mewö jiyök. ³⁰ “Ömenöñ uruñe geyöhawa malja,” Jigeranğöra aka mewö kusum enğiyök. Mewö.

Jisösgö nam-munurupñi.

Mat 12.46-50; Luk 8.19-21

³¹ Mewö eraum mötketka nam-munñan kaba yaigep kinda yeñğoreñ etmapkö keu alget yañğoreñ anök. ³² Aniga ambazip kambu yeñön liliköm wañgiba tata kewö jiget mörök, “Mötnöñ! Göhö nam-mungan mönö yaigep kinda göhöra qesize.”

³³ Jigetka melenğda kewö jii mötket, “Nöngö namni mi danğon aka munurupni danğon?”

³⁴ Jisösnöñ mewö jiba ambazip liliköm wañgiba tatkeri, i uba enğeka kewö jiyök, “Eket nöngö namni aka munurupni mönö ki. ³⁵ Anutugoreñ jitsihitñi tem kölahakzei, mienğön mönö nöngö namni aka nen-munurupni akze.” Mewö.

4

Qesiñ gilgil azigö dopkeu

Mat 13.1-9; Luk 8.4-8

¹ *Jisösnöñ kunbuk o anğö jitñe geba könahiba kusum enğiyök. Kusum enğiiga ambazip kambulembenöñ yañğoreñ anda tokogetka wañgenöñ öngöba o anğö qakñe anda tarök. Tariga ambazip pakpak yeñön anğö görane saknöñ tokoget. ² Mewö tokogetka dopkeu gwötpuk jiba kusum enğiyök. Kusum enğiba kewö jiyök.

³ “Mötket! Azi kunñan nene kötni qesiñ gilmanğöra nupnöñ anök. ⁴ Anda qesiñ giliga kötni tosatñan köna jitñe geba kölget. Geba kölgetka (warawen) neiñi neiñi kanğota mi nem teköget. ⁵ Kötni tosatñan köt jamönjiñnöñ geba kölget. Geba köla mianğoreñ gölme gwötpuk qahö miwikñaiget. Gölme dutñi qahö ahöyöhanğöra korapñi zilañ kotket. ⁶ Kotketmö, wehönöñ kota enguba jem kutum enğiiga jalöñini qahöpköra soholiba gororonğöget. ⁷ Kötni tosatñan siriuret wahinambuknöñ mianğoreñ geba kölget. Geba kölgetka mienğön kota qem turugetka böbölöhot mem enğiget. Mewö aka ölni qahö kuñguget. ⁸ Kötni tosatñan gölme ölopñe geba kölget. Geba köla korapñini jula wahöta ipñinanğö ölniñi ölopñi asuhuget. Tosatñan kötnini 30, Tosatñan kötnini 60, tosatñan 100 mianğö dop ahum sehiget.” ⁹ Mewö jiba jim teköyök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Jisösnöñ wanigöra dopkeu jiyök.

Mat 13.10-17; Luk 8.9-10

¹⁰ Kambu ketanji yeñön denğda angetka Jisösnöñ nanñök tarök. Nanñök tariga gwarekurupñi 12 aka tosatñi liliköm wañgigeri, mi mohotñe dopkeu kiengö könanñanğöra qesim

* 3:29: Luk 12.10 * 4:1: Luk 5.1-3

wanġiget. ¹¹ Qesim wanġigetka kewö melenġa jiyök, “Anutugö bemtohoġe anġota mal-bingö keu tölapġi mi enġöra aukġe jibi möt kutuzemö, yaigep maljei, yenġöra mi pakpak mönö dopkeunöhök asuhumakza. ¹² *Mewö asuhuiga ‘Nanġini jeġinan yuai ekagun könaġi töndup qahö möt kutume. Nanġini Kezapġinan keu törörök mötagun könaġi töndup qahö möt asarime. Mi möt asaribeak ewö, mönö ölop uruġini melenġetka Anutunöġ siġgisöndokġini mosötpawak.’ ”

Jisösnöġ dopkeugö könaġi jiyök.

Mat 13.18-23; Luk 8.11-15

¹³ Jisösnöġ toroġeba kewö jii mötket, “Dopkeu miangö könaġi kewö. Mi kude möt asarize ewö, dopkeu tosatġi pakpak jimami, mi mönö denöwö möt asaribeak? ¹⁴ Dop Keu miangö könaġi kewö: Qesiġgilgil azinöġ Buġa keu qesiġda gilja. ¹⁵ Nene kötġi köna jitġe geba kölġeri, mi kewö: Buġa keu qesiġ gilgetka ambazip uruġine gezapmö, mi mötketka Satanöġ miangöreġök kaba keu uruġine qesiġget geyöhi, mi qeköba enġuanġirakza. ¹⁶ Nene Kötġi qesiġniga köt jamönjiġnöġ geba kölġeri, mi mewöyök ambazip söpsöpġi kun. Yenöġ Buġa keu möta miangöreġök sösoġgai qakġe möt anġön kölakze. ¹⁷ Mewö ahakzemö, uruġine jalöġi qahö ahöm enġimapmö, nalö töröptökġi miyök kin köhöiba malme. Buġa keugöra aka kahasililiġ me sesewerowero asuhuiga nalö miangöreġök mönö tala enġuma. ¹⁸ Nene kötġi qesiġniga siriuret wahinambuknöġ geba kölġeri, mi kewö: Yenöġ Buġa keu mötketka uruġine geza. ¹⁹ Gezapmö, gölmenöġ mal-malgö waimanġatġi aka moneġ inap memegö urukönöpġi ahuba lömbörim enġimakzal. Qetbuġanambuk akingö köpösöġġetka sihim kömbönaġi bölöġi tosatġan mewöyök uruġine dumgöba Buġa keu böbölohot mem wanġize. Mewö aiga ölni qahö gilipitġi (ambetakġi) akġe. ²⁰ Nene kötġi gölme ölopġe qesiġniga geba kölġeri, mi ambazip kewöġi: Yenöġ Buġa keu kezap ala möta möt anġön köla pöndaġ kinda ölni miwikġaimakze. Tosatġan keu jii mohoknööhök kötġi 30 miwikġaimakze. Tosatġan ölni 60, tosatġan keu köt mohot mohot miengö ölni 100 mem sehiba miwikġaimakze.” Mewö.

Lampe mi asakġi nenġimapköra ahöza.

Luk 8.16-18

²¹ *Jisösnöġ keu kun kewö jiyök, “Kunġan lambe me kiwa memba ohotiriba kimbut me dum bapġe alma me qahö? Mi waniġe alma? Mi mönö miangö dum tatatnöġ aukġe alma. ²² *Mewöġanök yuai kun asambötket ahözawi, mi mönö aukġe asuhum tiġitmapköra ahöza. Yuai kun köl turuġet ahözawi, mi mönö lulunġet kötulmapköra aka ahöza. ²³ Kunġan urukezapġambuk malja ewö, yanöġ mönö dopkeu ki kezap ala möt kutuma.” Mewö.

Denöwö diwelopmen ahüza?

²⁴ *Jisösnöġ keu kewö jii mötket, “Keu mötzei, mi mönö möt anġön köla urukönimġine ala köl guliba malme! (Mewö malgetka uruġini diġiiga mötmötġinan qariiga möt kömume.) Inġini tosatġi yenġö keuġini kewöta jim tekömei, Anutunöġ mönö jimkutukutuġini mohot miangö dop nanġini keuġini kewöta jim teköma. Dop mi mönö onġita likepġi melenġ enġima. ²⁵ *Miangö könaġi kewö: Kunġan mötkutukutuġambuk maljawii, Anutunöġ mönö mi toroġem wanġiiga malmappmö, kunġan mötkutukutuġi qahö maljawii, Anutunöġ mönö mötmötġi moröġi ahözawi, mi mewöyök qeköba wanġitma. Mewö.

Buġa keu kötġi mi korapġambuk.

²⁶ Jisösnöġ dopkeu kun kewö jiyök, “Anutugöreġ bemtohoġi mi kiangö dop: Azi kunġan nuwe anda nene kötġi qesiġda gilma. ²⁷ Qesiġda gila anda sunġem silim ahöba

* 4:12: Ais 6.9-10 * 4:21: Mat 5.15; Luk 11.33 * 4:22: Mat 10.26; Luk 12.2 * 4:24: Mat 7.2; Luk 6.38

* 4:25: Mat 13.12; 25.29; Luk 19.26

wahöta ahöba wahöriga nene kötñangö korapñi jula korakze. Denöwö jula korakzei, mi nanñak qahö möt kutuza. ²⁸ Gölmenöñ nanñök nam köli ölni asuhumakza: Mutuk ipñi, könanñep ölni aka miangö andöñe ölnangö kötñi mi körek asuhuba qarim teköme. ²⁹* Ölni qarim teköba öliiga ölni memegö nalöñi aiga welenqequeurupñi melaim enñgiiga souñini kapenkapenñgöñi jitñinambuk memba ölni membingöra nupñe anme.” Mewö.

Nejoñ kötñangö dopkeu

Mat 13.31-32, 34; Luk 13.18-19

³⁰ Jisösnöñ dopkeu kun kewö jiyök, “Anutugö bemtohoñi mi wanatpuk dop albinak me wanat söpsöp keu jiba jim asaribinak? ³¹ Mi nejoñ kötñangö dop kewö akza: Kötñi mi morö közözömñi. Mi gölmegö nene köt pakpak miengö eretñini akza. Mewö aiga nup gölmenöñ esize. ³² Esizemö, jula wahöta yöha pakpak enñgongita qariba böröñi ketanñi gili anje. Mewö gili angetka könakembagö neiñi neiñi miengön aipñini miangö aumñe alakze.” Mewö.

Jisösnöñ dopkeu gwötpuk jiyök.

³³ Jisösnöñ dopkeu mewöñi mewöñi mi gwötpuk jiba mala Buña keu jiiga mötket. Möt kutugerangö dop mi jiiga möta malget. ³⁴ Nalö dopkeuñi pakpak mi dopkeunöñ jiba malök. Keuñi kun öne kude jiyökmö, gwarekurupñi yembuk nanñinök malgetka keu pakpak miengö könanñini mi jim asarim enñgiba malök. Mewö.

Jisösnöñ jiiga raidimbom göröñ qeyök.

Mat 8.23-27; Luk 8.22-25

³⁵ Wehön miangören mare aiga Jisösnöñ gwarekurupñi kewö jii mötket, “Mönö mosöta angö kutuba likepñe angotpin.” ³⁶ Mewö jiiga ambazip kambu enñgömosöta Jisös wanñigetka wanñenöñ tari anget. Wanñe tosatñi mi mewöyök yembuk awatan anget. ³⁷ Angetka raidimbom ketanñan ömtöröp (töröpñanök) giliga sirinöñ wanñe uruñe gegetka wanñe numbuñe qemangö ahök. ³⁸ Mewö aiga Jisösnöñ wanñe teteköñe tata qömböñnöñ nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini anñgönöñ ayuhubingöra akzin. Miangö waimanñatñi kun mötzan me qahö?”

³⁹ Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöñ!” Mewö jiiga luhutnöñ döngöiga sirinöñ nöñ qeba ahöyök. ⁴⁰ Mewö aka kewö jim enñgiyök, “Inñini mönö wuanöñgöra kenñgöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹ Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanñon mönö luhut aka köwet jim kutum etkiiga jitñi tem köljahot?” Mewö.

5

Ömenöñ bau uruñine gegetka azinöñ ölöwahot.

Mat 8.28-34; Luk 8.26-39

¹ Mewö asuhuiga angö kutuba likepñe Gerasin yengö gölmenöñ angotket. ² Anñgota körökñe öñgögetka Jisösnöñ wanñe mosöriga miangörenök azi ömenambuk kun mi qaksirinöhök kaba kinda Jisös miwikñaiyök. ³ Azi mi qaksirinöñ mala qamöt kötenñi esiba urorohoget ahögerangören ahöm malök. Azi körekñön könanböröñi tapep (munñgamunña) kösönöñ jöhöbingö osiba malget. ⁴ Indimñi gwötpuk könanñi tapep kösönöñ jöhöba börötakñi qeba malgetmö, börö takñi kusula köna kösöñi titikutuba maliga körekñan i galöm köl osiget. ⁵ Osiba sunñgem asak dop sundan qaksirigö köt kötenñnöñ me kundunñe lanñan ahöba malök. Mewö mala silata qeta silenñi kötnöñ qem kutumutuba malök.

⁶ Jisösnöñ tikep kaiga eka ösumñan kaba gölmenöñ kösutñe geba simin kölök. ⁷⁻⁸ Simin köliga Jisösnöñ ömenñi mi kewö jim wanñimangöra ahök, “Öme bölöñi! Gi mönö azi ki mosöta anöñ!” Mewö jimangöra aiga qet bölöbölö ketanñi qeta jiyök, “Aek! Gi Jisös, Anutu

* 4:29: Joel 3.13

öngöngöñangö Nahönñi akzan. Gi denöwö ak niñgimangöra kazan? Nöhön Anutugö jemesoholñe ulet gihizal: Gi keu jöhöba jöjöpñ keunöñ jim köhöiba mönö sihimbölo köñöpñambuk kude ak niñginöñ.”

⁹ Mewö jiiga kewö qesiyök, “Gi qetki niñi?” Qesiiga jiget, “Nini gwötpuk maljinangöra qetnini Lijön jizin.” Mi nanine keunöñ Kerök kambu ketani. ¹⁰ Mewö jiba kapan köla kewö ulet wañgiget, “Gi neñguatanğöbanak, mewö mönö gölme kianğöreñök kude melaim neñgiman.”

¹¹ Kösutñine kundunñi marömñe miangöreñ bau kambu ketani kun gwözözak uruñe kulunđa malget. ¹² Miangöra ömenöñ kewö jiba Jisös ulet wañgiget, “Göhön melaim neñginöñga nini ölop bau miengö uruñine gebin.” ¹³ Jigetka “Mönö anda geget,” jiba jim kutum enñiiga azi uruñeyök kota anda bau uruñine geget. Gegetka miangöreñök bau kambu 2000 miangö dop mi mönö luhuba nembönembönöñ anda jororonğöba o angönöñ geba nemulahöba kömuget.

¹⁴ Kömugetka bau galöm yeñön öloñ unjurata taon aka miri morömorö miangöreñ anda keu buzupñi jiget. Jiget mötketka ambazip sesegilgil yeñön yuai asuhuyöhi, mi ekingöra kaget. ¹⁵ Kaba Jisösgöreñ kangota eketka azi öme kambuñambuknöñ malöhanöñ mönö opo sileötañi törörök jöhöba tata uruñi amöriiga imbi mötmötñi pakpak asuhuiga eka awöwöliget. ¹⁶ Kingetka bau mi denöwö geba kömugeri aka azi ömenambuk yangöreñ yuai asuhuyöhi, mi ekeranöñ kösohot yahöt mi jiget mötket.

¹⁷ Möta kinda Jisösnöñ mindimindiri sel gölmeñini mosöta anmapkö ulet wañgiget.

¹⁸ Ulet wañgigetka mosöta wañgenöñ öngömangöra ahiga azi ömenambuk malöhanöñ kaba Jisösbuk mohotñe anda malmangöra qesiyök.”

¹⁹ Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki engeka Kembunöñ angöletot ketani aka ak-kömum gihiyöhi, miangö kösohotñi jinöñga mötme.”

²⁰ Mewö jiiga mosöta anda Jisösnöñ angöletot ketani ketani ak wañgiyöhi, miangö keunñi könahiba Ten-taon distrik uruñe jim sehiiga körekñan welipköget. Mewö.

Jairusnöñ böratñangöra Jisös köuluköyök.

Mat 9.18-26; Luk 8.40-56

²¹ Jisösnöñ wañgenöñ öngöba lilingöba angö kutuba likepñe kaiga ambazip kambu gwötpukñan yangöreñ kaba tokogetka angö jitñe kinget. ²² Kingetka köuluk mirigö keu galöm kun qetñi Jairus yanöñ kaba Jisös eka wösöñe geba simin köl wañgiyök. ²³ Simin köl wañgiba kapan köla köuluköba kewö jiyök, “Böratni moröñan mönö kömumangö akza. Mönö kaba börogi qakñe alnöñga ölöwaka toroqeba malma.”

²⁴ Mewö jiba Jisös wañgiriga mohotñe anohotka ambazip kambulelembe yeñön andönjire anda ölöqölököba liliköm etkiba anget. Mewö.

Kawöl ambi kunöñ Jisösgö malukuñi misiriyök.

²⁵ Angetka miangöreñ sutñine ambi kun malök. Yanöñ (yara) yambu 12:gö dop köiñnöñ ehiga nalö dop kawöl yöhöiga malök. ²⁶ Mewö mala sihimbölo gwötpuk möriiga sile galöm gwötpukñan yangö nup megetka baukbauk kun kude miwikñaiba malök. Yanöñ sile galöm ambazip yeñgö töwañinangöra moneñ inapñi körek gila malökmö, kawölñi miangön mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöhön i oseimangö möt lömböriba malukuñeyök borom kun misiribileñak ewö, mönö ölop ölöwakñam.” Mewö jiba ambazip kambu sutñine Jisösgö andönje anda malukuñe misiriyök.

²⁹ Misiriiga sepñi miangöreñök jöpköiga qemjem-mamjenan qahöwahiga silenjan ölöwahiga mörök. ³⁰ Ölöwahiga Jisösnöñ miangöreök ösumñi kun kutuba anöhi mi möta ambazip kambu sutñine lilingöba jiyök, “Dañön malukuni misiriza?”

³¹ Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba goseize. Mi eka denöwö ‘Dañön nömisiriza?’ jizan?”

³² Mewö jigetmö, Jisösnöñ kunbuk “Dañön mi akza?” jiba mi miwikñaimangöra lilingöba uba engehök. ³³ Engehiga ambi silene angöletot asuhuyöhi, yañön mi möta mianğöra kenğötñi möta jönömñi unduiga kaba Jisösgö wösöñe geba simin köla könani pakpak jiiga mörök. ³⁴ Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenğan mönö qahöwahiga ölop urubönjöññöñ anman.” Mewö.

Jisösnöñ Jairusgö böratñi mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Mianğöra böhigö qakñe lömböt toroqeba kude alman.”

³⁶ Jiiga Jisösnöñ keu mianğö nönöñgan aka köuluk mirigö keu galömñi kewö jii mörök, “Kenğötki kude mötnöñ! Mönö ni möt narim niñginöñ.” ³⁷ Mewö jiba ambazip tosatñi engömosöta Pitö, Jeims aka Jeimsgö munñi Jon miyök enğuanğiri i wuatangöba anget. ³⁸ Anda köuluk mirigö keu galömñangö mire anğotketka ambazip kambu göju megetka engehök. Gwötpukñan jingey köla köhöikñanök sahöta amburereñ meget. ³⁹ Engeka mire öngöba kewö jii mötket, “İñini mönö wuanöngöra göju memba sahötze? Morö mianñon qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl wañgigetmö, yañön i körek enğuatangöba morögö iwinamñi aka tosatñi yambuk malgeri, miyök enğuanğiriga morönöñ ahöyöhañğoreñ öngöget. ⁴¹ Öngögetka börat mi böröñe memba yangöra jiyök, “Talita kum.” Mi nanine keunöñ Ambi moröñi, ni göhöra jizal: Mönö wahötnöñ!

⁴² Mewö jiiga ambi (yara) yambuñi 12 mianñon mönö mianğöreñök wahöta kinda anda kayök. Mewö aiga eka kesötñini yöhözömgöba welipköget. ⁴³ Welipkögetka mianğö buzupñi kun jiget mötpepukö jiba sonğo köhöikñi al enğiyök. Al enğiba ambi moröñi numbu nene wañgiget nemapkö jiyök. Mewö.

6

Nazaret yeñön Jisös andö qeget.

Mat 13.53-58; Luk 4.16-30

¹ Mi asuhuiga Jisösnöñ Jairusgö miri gölme mosöriga gwarekurupñan wuatangöba yambuk anda Jisösgö malqarip taonön anğotket. ² Sabat kendonöñ kaiga köuluk mire öngöba Buña keu könahiba kusum enğiyök. Kusum enğiiga möta ambazip gwötpukñan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuñi mi mönö dañön kusum wañgiiga jiza? Aka anğöletot kukösumñinambuk mewöñi mi mönö dañön inahöi böröñan meiga asuhuze? ³ Azi ki mönö miri kianğö mitimqeçe azia. Mariagö nahöññi aka Jeims, Josef, Juda aka Saimon yeñgö datñina. Nenurupñan mönö sutnine ki malje.” Nazaret yeñön mewö jigetka uruñinan böliiga mianğöreñ qaköget.

⁴ *Qakögetka Jisösnöñ kewö jii mötket, “Kezapqetok azigö sepkitip aka tinitosolomurupñan mönö nanñi taonöñ jijiwilit ak wañgimazemö, miri tosatñi mianğöreñ mewö qahö.

⁵ Mewö akerangöra Jisösnöñ kawöl ambazip mohot mohot böröñi qakñine ala mem ölöwak enğiyökmö, anğöletot kukösumñinambuk tosatñi memamgö osiyök. ⁶ Mewö ahiga mötnaripñinan qahö asuhuiga yangiseñinağöra aka auruyök. Auruba Nazaret mosöta kösutñe miriñi miriñi liliköba Buña keu kusum enğiba malök. Mewö.

Jisösnöñ gwarekurupñi 12 melaim enğiyök.

Mat 10.5-15; Luk 9.1-6

* 6:4: Jon 4.44

⁷ Jisösnöj gwarekurupñi 12 mi engoholi kagetka könahiba yahöt yahöt pakpak melaim engiyök. Melaim engiba ömewöröme közöl engimegö kukösumñi engiyök. ⁸ *Mi engiba kewö jim kutum engiyök, “Köna anmeangöra öröpñini memba anme. Yuai tosatñi kun kude meme. Köna naleme qahö, gösö qahö me soujeni mi irimunganine kude jöhöme. ⁹ Köna esu ölop könañine jöhöba maluku semönñi qahöpmö, mohot meme.” ¹⁰ Mewö jiba kewö jii mötket, “Anda miri denike denike angotmei, mönö miangörenjök mala nup memba taon mi mosöta köna anme. ¹¹ *Anda mala miri kunöj angotketka qahö köl öröm engiba keuñini qahö mötketka nesampurekñini mönö kewö jiba kondel engime, ‘Nini engö gölmenöj kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jigetka könañamñini solanñi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruñini melenmegö Buña keuñi jim sehiba malget. ¹³ *Mala öme gwötpuk enguatanjöba kawöl ambazip gwötpuk kelöknöj engömiriba mem ölöwak engiget. Mewö.

Kiñ Herodnöj kenjötni mörök.

Mat 14.1-12; Luk 9.7-9

¹⁴ *Jisösgö qetbuñan sehiba kiñ Herodkö kezapne gei mörök. Ambazipnöj kewö jiget, “Jon o melun azinöj mönö kömupnöhök wahöta nupñi meiga anjöletot kukösumñinambuk asuhumakze.”

¹⁵ Mewö jigetmö, tosatñan kewö jiget, “Mi mönö Elaija (Elia)” Tosatñan toroqeba jiget, “Mi kezapqetok azi walñi yengörenjök kun.”

¹⁶ Mewö jigetmö, kiñ Herodnöj mi möta kewö jiyök, “Jon o melun azi nöñon jibi jölñi kutugeri, yanñon mönö kömupnöhök wahöta malja.” Waimanjat möta Mewö jiyök.

Jongö jölñi kutugetka kömuyök.

¹⁷ *Mi kewögöra jiyök: Herodnöj munñi Filipkö anömñi Herodias ölon meiga Jon o melun azinöj kiñ jim wanjiiga opotöröp melaim engiiga anda Jon memba jöhöba kösö mire al wanjiget. ¹⁸ Jonöj Herodköra keu kewö jiyök: Gi qamböt ki memba mala Köna keu ongitzan.”

¹⁹ Mewö jiiga Herodiasnöj Jon kazik ak wanjiba qeget kömumapkö mörökmö, miangö könañi kun qahö miwikñaiyök. ²⁰ Qahö miwikñaiba Jonöj azi solanñi aka sarakñi töröñi ahöhi, mi möta sel jöhöba kölközizip ak wanjiba Jongöra kenjötni möta malök. Mewö mala Jongö jitneyök keu möröhi, mi uruñi kuñgugetka keu gwötpüköra uruyahöt ahök. Mi töndup töndup Jongö keuñi mötmangö sihim mörök.

²¹ Mewö aiga Herodiasnöj Jon qemangö könañi qahö miwikñaiba maliga miangö nalöñi ölopñi kewö kam kuñguyök: Kingö ahuahua nalöñan kaiga közölömbuan ala jembon aka suahö galömurupñi aka Galili prowinsgö jitmeme bohonñi mi köl öröm, engiiga kaba tatket. ²² Kaba tatketka Herodiasgö boratñan miri miangö uruñe kangota danis aliga Herod aka yambuk tebol liliköba tatkeri, yeñon miangö eksihimñi gwötpuk mötket. Mewö mötketka kiñnöj ambi serangöra kewö jiyök, “Boratni! Wani yuaigöra sihimgi mötzani, mi ölop qesinönga tököm gihimam.” ²³ Mewö jiba keu mi jöjopañ keunöj jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenda likepñi kun gihibiga galömñi akñan.”

²⁴ Mewö jii möta yaigep anda namñi kewö qesim wanjiyök, “Namni, ni mönö Kiñnöj wani yuaya niñgimapköra qesimam?”

Mewö qesim wanjiiga kewö melennök, “Möno jinönga Jon O-melun azigö jölñi yandi-getka nöropñi memba kaba niñgiman.”

* **6:8:** Luk 10.4-11 * **6:11:** Apo 13.51 * **6:13:** Kemb 5.14 * **6:14:** Mat 16.14; Mak 8.28; Luk 9.19 * **6:17:** Luk 3.19-20

²⁵ Mewö melenjiga miangörenek miri uruñe kiñkiñgöba kiñgöreñ öngöba kewö qesiba jiyök, “Kewöni! Nöñön sihimnan kewö mötzal: Göñön mönö jimkutunöñga Jon O-melun azigö jölñi yandiba nöropñi memba kaba köndenöñ algetka mia döldöpki niñgiman.”

²⁶ Mewö jiiga kiñgö uruñan kömbuhiiga wösöbirik mörökmö, jöjöpaj keuñan jöhöi ketaurupñan mi mötketka yeñgö jemesoholjine etpapuköra qequesiñi andö qemamgö möt lömböriba tököyök. ²⁷ Tököba miangörenek opotöröpñi kun melaiba jiyök, “Gi mönö anda Jongö jölñi yandiba nöropñi memba kaman.” ²⁸ Mewö jiba melaiiga kösö miri gwaröñe anda jölñi yandiba nöropñi memba kaba köndenöñ ala ambi seram mi wanjiiga namñi wanjiyök. ²⁹ Jongö gwarekurupñan miangö buzupñi möta anda qamötñi memba qaksirigö köt köteñnöñ ala löm kölget. Mewö asuhuyöhangöra kiñ Herodnöñ könanjep Jisösgöra jiyök, “Jonöñ mönö kömupnöñök guliba wahöta malja.” Mewö.

Jisösnöñ azi 5000 nene gumohom enjiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yeñön Jisösgöreñ kaba tokoba yuai memba ambazip kusum enjigeri, miangö kösohotñi pakpak jiget mörök. ³¹ Jiget möriaga ambazip totnöñ totnöñ qösösök kaba anda aketka silenini köñganjiiga nene nemingö nalö qahö ahöyök. Miangöra Jisösnöñ gwarekurupñi kewö jii mötket, “Inini mönö kaba gölme kötikñe nan-inök malbingöra anda borom kun luhut meme.” ³² Mewö jiiga enjömosöta wanjenöñ öngöba gölme kötikñi kungen nanñinök malbingöra anget.

³³ Angetka ambazipnöñ mi eka gwötpukñan miangö buzupñi möta taon aka miri dop miengöreñök gölme köna kiñkiñgöba mutuk anda miangöreñ angotket. ³⁴ *Angotketka Jisösnöñ wanjenöhök eta ambazip kambu ketanji engehiga lama galömnini qahö tandök ilingösöñ lañ malgetka yeñgöra wösöñi mörök. Wösöñi möta könahiba Buña keu könanji könanji kusum enjiyök. Mewö.

Jisösnöñ azi 5000 nene gumohom enjiyök.

³⁵ Mewö aka maliga miri jeñan teköba gemamgö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumamgö akza.

³⁶ Miangöra gi ölop ambazip ki melaim enjinöñga miri aka kum dowe dowe tat anjei, miangöreñ anda numbu neneñini söñgöronji memba neget.

³⁷ Mewö jigetmö, kewö melenja jii mötket, “Enön mönö nanñinak i nene gumohom enjime.” Mewö jiiga jiget, “Neñön mönö denöwö akinto? Nup meme nalö 200:kö töwanji (Kina 1000,-) ahöza. Moneñ mia memba anda nene beret söñgöronji memba gumohom enjibingöra jizan me?”

³⁸ Mewö qesim wanjigetka jiyök, “Nanñine nene beret dawik ahöza? Mi anda eket.” Mewö jiiga gösöñini qeanda jiget, “Beret 5 aka söra yahöt mia memba maljin.”

³⁹ Mewö jigetka Jisösnöñ ambazip kambu kewö jim kutum enjiyök, “Ambazip pakpak, inini mönö denja nene nemingö kambu morömorö tokoba luplup görökñe geba tatket.”

⁴⁰ Mewö jim kutum enjiiga kambuñi kambuñi dowe dowe denja tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnöñ ui öngöiga kötuatköba beret mindipköba gwarekurupñi enjiiga ambazip kirip dop mendenja sutñine alget. Söra yahöt mi mewöyöhök kambu pakpak yeñgöra mendenjök. ⁴² Mendenjiga ambazip körekmakörek memba nem timbireñ aket. ⁴³ Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negeri, yeñgö jañgöñini mi 5000.

Jisösnöñ o anjö qakñe tiba tiba anök.

Mat 14.22-33; Jon 6.15-21

* **6:34:** Jan 27.17; 1 Kiñ 22.17; 2 Hist 18.16; Eze 34.5; Mat 9.36

⁴⁵ Neget teköiga Jisösnöñ mianğöreñök gwarekurupñi jim kutum enğiba kewö jiyök, “İñini mönö wañgenöñ öngöba qeljiñe o anğö kutuba likepñe Betsaida mire anme. Nöñön ölop nalö sutñe ambazip kambu ki melaim enğibagun kamam.” ⁴⁶ Mewö jiba yaizökzök jim enğiba enğubula kundunje öngöba köuluköyök. ⁴⁷ Köuluköba mali mare ahiga nannik kötikñi kundunje maliga wañgeninan anğö bibiñe anök. ⁴⁸ Ani lökuatnöñ qeba qem bibihiba nanğöget aniga luhutnöñ angeranğöreñök gila kai lömböriiga bömbömgöget. Miri awörañgöiga (3-6 kilok) mianğöreñ Jisösnöñ mewö enğeka o anğö qakñe tiba tiba gwarekurupñi yengöreñ Kaba enğonğitmangö ahök. ⁴⁹ O anğö qakñe tiba tiba kaiga eka “Köwet Songoriñnöñ kaza!” jiba könahiba qeta silatket. ⁵⁰ Qeta silata körek i eka kenğötporiñ aketmö, Jisösnöñ mianğöreñök keukeu jiba kewö jii mötket,

“Alaurupni! Mönö ewebibiñinambuk saitiñgit malme. Nanak kazal. Kenğötñini kude mötme.” ⁵¹ Mewö jiba yengöreñ wañgenöñ öngöiga luhutnöñ nöñ qeba göröñ alök. Göröñ aliga jönömñini undui önöñi qahö auruget. ⁵² Mutuk beret mem sehiba gumohom enğiyöhi, mianğö könani qahö möt asarigetmö, uruñinan gwözöñniga tok auruba tatket. Mewö.

Jisösnöñ Genesaret mala mem ölölowak nup meyök.

Mat 14.34-36

⁵³ O anğö kutuba likepñe Genesaret mire anğota wañge mosöta saknöñ geget. ⁵⁴ Wañge mosöta Saknöñ gegetka ambazipnöñ Jisös mianğöreñök möt kutum wañgiget. ⁵⁵ Möt kutum wañgiba keu algetka kiñkiñgöba mindimindiri sel gölmeñine miri dop liliköget. Lilikögetka möta könahiba kawöl ambazip kululunöñ angum enğiba Jisösnöñ miri denike malöhanğö dop enğuanğita kaget. ⁵⁶ Miri dop, taon, miri me koum kungö uruñe anöhanğö dop kawöl ambazip enğuanğita sombemñine al enğiget. Al enğiba silene me Jisös malukuñanğö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

7

Ambösakon yeñön keu kusum sohoget.

Mat 15.1-9

¹ Köna keugö kapañkölköl aka mianğö böhi tosatñi Jerusalem sitinöhök kageri, yeñön Jisösgöreñ kaba tokoget. ² Nalö mianğöreñ Jisösgö gwarekurup tosatñan böröñini kude sanğonda dom amöt qahö qeba nene negetka enğeka uruñini böliyök.

³ Farisi (Köna keugö kapañkölköl) aka Juda ambazip tosatñi pakpak yeñön ambösakon yengö silikñini wuatangöba malget. Mianğöra böröñini mutuk sanğon soroköbagun nene nemalget. ⁴ Mewöyök nupnöñök me maketnöñök kamei, mutuk o utuba arim tönjoratagan nene misimalget. Mewöyök kiwi qambi, közökimbut aka jout pakpak mi sanğonda amöt qemalget. Silik mewöñi mewöñi mi gwötpuk wuatangöba malget.

⁵ Mianğöra Köna keugö kapañkölköl aka mianğö böhi yeñön Jisös kewö qesim wañgiget, “Göhö gwarekurupkan wuanöngöra ambösakoninanğö silikñini qahö wuatangöba böröñini domamöt qahö qeba töndup nene neze.”

⁶* Mewö qesim wañgigetka kewö jii mötket, “O urumelenğö silesile ambazip, kezapqetok azi Aisaianöñ mönö enğö könanmñini törörök indela Buzup Kimbi kun kewö ohoi ahöza,

‘Ambazip kambu kianñön mönö numbu jitñinan ölopñanök göda qem niñgimakzemö, uruñinan nöñnangan ak niñgiba kungen algetka köröwen ahöza.

⁷ Mewö ahöiga nöngö waikni öne töhön memba möpöseim niñgimakze.

Köna keu kusum enğibin, jiba salupñe ambazip yengö jimkutukutuñini mi numbu o alakze.’

* 7:6: Ais 29.13

⁸ Aisaianön mewö ohoyök. Inini mönö miangö dop Anutugören jöjöpañ keu andö qeba ambösakonñinanğö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölöpñanök Anutugören jöjöpañ keu qeapkömakze. ¹⁰ *Miangö keuñi kun kewö: Mosesnön kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwinji me namñi qesuahömawi, i mönö qegetka kömuma.’ ¹¹ Mewö jim kutuyökmö, inini keu mi onğita kewö jimakze, ‘Kunñan iwinamñi yetköra kewö jima. Wösöni mötzal. Nöngö nangönanğö yuaini buña qem anğubahorak, mi lök Anutugö danğe tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wanğigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemenñinanğö silikñini jim kutuba mianjön Anutugören jöjöpañ keu utala omanji aka pömsöm qemakza. Inini yuai mewöñi gwötpuk ahakze.” Mewö melenğ enğiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnön ambazip kambu kunbuk enğoholi kagetka kewö jii mötket, “Inini mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, mianjön mönö tölohom wanğimangö osimakzapmö, nanñi urukönömñeyök keu kota erakzawi, mianjön mönö tölohom wanğimakza. ¹⁶ Kunñan kezapñambuk malja ewö, yanjön mönö keu ki kezap ala möt kutuma.” Mewö.

¹⁷ Jisösnön mewö jiba ambazip kambu enğömosöta anda miri kunön öngöyök. Öngöba tariga gwarekurupñan dopkeu mianğö könanğöra qesiget. ¹⁸ Qesigetka kewö jii mötket, “O alaurupni, inini mewöyök mötmötñini ölöpñi qahö akze me? Nene yuai azi yaigepñeyök uruñe gemakzawi, mi tölohom wanğimangö osimakza. Mi möt kutuze me qahö? ¹⁹ Mi urukönömñe qahö gemakzapmö, kömgokñe geba yaigep erakza.” Jisösnön keu mewö jiba mianjön “Numbu nene pakpak mem sarahim teköyök.”

²⁰ Jisösnön toroqeba kewö jiyök, “Azi urukönömñeyök keu kota erakzawi, mianjön mönö tölohom wanğimakza. ²¹ Ambazip uru könömñineyök yuai kewöñi asuhuba korakza: Keu bölöñi mötmöröba serowilin akingö mörakze. Yonğorö memba suña jinan memba ambazip enğugət kömumegö mörakze. ²² Qesabulum akingö mörakze. Membagu memböngö nepaqepalok köpösöngömakze. Bidañda gatmisimisi, jiliwitiñ aka isimkakalek akingö mörakze. Lösö jiba urupik akingö mörakze. Kezapjupjup aka körögisigisi akingö mörakze. Söngöröqök mala andöqeçe keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze. ²³ Yuai bölöñi pakpak mianjön mönö ambazip uru könömñineyök kota ambazip tölohom enğimakza.” Mewö.

Kenan ambi kunñan kapan köla köuluköyök.

Mat 15.21-28

²⁴ Jisösnön wahöta Genesaret gölme mosöta siti qetñiri Taiö aka Saidon mietkö distrik qetñi Fonisia mianğö uruñe anök. Anda miri kunön öngöba buzupñi kunñan mötpapuköra numbuñini muhungöyökmö, töndup tölapñe malmangö osiyök. ²⁵ Osiiga mianğörenök ambi kun böratñi moröñan ömeñambuk maliga Jisösgö buzupñi möta yanğören kaba könañe geba simin kölök. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yanjön böratñanğö uruñeyök öme közölmapköra ulet wanğiyök. ²⁷ Ulet wanğiiga kewö jii mörök, “Juda nini mutuk nanine nahönböraturni gumohom enğiinga bikñi enğuma. Mianğöra morö yengö miriñineyök beret memba kiam enğiinga qahö dop kölmapuk. Juda nini kianurup enğö qetñini kiam qerakzin. Nöñön mutuk Juda ambazip bauköm enğibiga kantri tosatñi enjön mönö kiamgö dop mamböta malme.”

* 7:10: Eks 20.12; 21.17; Lew 20.9; Dut 5.16

²⁸ Mewö jii möta kewö melenök, “Kembu, mi ölop mötzalmö, kiam moröni yenön mönö mewöyök morö yengören nene boromni tebol bapne eriga nemakze.”

²⁹ Mewö meleniga Jisösnöni kewö jii mörök, “Keu mewö jizanağöra ölop möt gihizal. Öme mianön mönö dölki bōratki mosōta anja. Mianğōra ölop anman.”

³⁰ Mewö jii möta mirine ani ömenöni bōratni mosōriga dumne ahōiga ehök. Mewö.

Jisösnöni azi kun möhamgöyök.

³¹ Jisösnöni kunbuk Taiö siti gölme mosōta Saidon sitinöni anda onğita mösököba Tentaon gölmegö bibini onğita Galiligö o anğö kösutne kayök. ³² Kaiga kezapduhup azi kun keuni qahōwakapköra ahōhi, mi wanğita Jisösgören kaget. Kaba bōroni nöröpne almapköra qesim wanğiget. ³³ Qesim wanğigetka azi mi wanğita ambazip kambu mosōta kungen anohot. Anda Jisösnöni bōrō suapni kezapne ala kinda kunbuk nanji bōrō suapne sōutköba nesilamne misiriyök. ³⁴ Misiriba suepnöni ui onğōiga osonğombuk köuluköba nanne keunöni “Efata,” nanine keunöni Tohonöni! mewö jiyök.

³⁵ Mewö jiiga kezapyahötñan tohoyohotka nesilamñan lolohoiga keuni ölopñanök jiyök. ³⁶ Jiiga Jisösnöni mianğö buzupni ambazip jiget mötpepukōra qetal enğiyök. Qetal enğiba kapan köliga yenön mi kapan köla jim sehiba malget. ³⁷ Jim sehiba malgetka ambazipnöni kamböni welipköba kewö jiget, “Yuai pampak ölopñanök ahakza. Kezapduhup kezapni metohoiga mötketka ambazip mötökni yengö nesilamñini pōsariga keu jimakze.” Mewö.

8

Jisösnöni ambazip 4000 nene gumohom enğiyök.

Mat 15.32-39

¹ Nalö mianğören ambazip kambu ketanjan dumne kunbuk tokoget. Nenenini qahō malgeranğöra Jisösnöni gwarekurupni enğoholi yangören kagetka kewö jii mötket, ² “Nönön ambazip kambu kiengöra wōsōni mötzal. Yenön nongören kaba wehön karöbut lök mala kotketka nenenini qahōwahiga ekzal. ³ Yengörenök tosatñan köröwenök kaba malgetka nönön ‘Ölop mirinine anme,’ jibi nene qahō negetka öne melaim enğibiga könanöni anda mala kemañe jeni gili tirinbirin akepuk.”

⁴ Mewö jiiga gwarekurupñan melenja kewö jiget mörök. “Gölme qararanğölkölne kianğören kunñan mönö denikeyöhök numbu nene mewöni mi mönö miwikñaiba kambu ki gumohom enğibawak?”

⁵ Mewö möta kewö qesim enğiyök, “Enğören beret dawik ahōza?” Qesim enğiiga “Beret 7 ahōza,” jiget.

⁶ Jigetka Jisösnöni ambazip kambu mi gölmenöni geba tatmegöra jim kutum enğiiga geba tatket. Geba tatketka beret 7 mi memba Anutugö saiwap jiba mindipköba gwarekurupni enğiba ambazip kambu dop sutñine almegöra jiyök. Mewö jiiga mianğö dop alget. ⁷ Yengören söra morömorö tosatni mewöyök ahöyök. Mi tok memba kötuetköba ambazip kambu dop sutñine toto gem enğimegöra jim kutuyök. ⁸ Jim kutuiga enğiget memba nem timbirengöget. Nem timbirengöba nene kitipni mosötket geyöhi, mi sakap 7 mianğören qezakögetka numbuñe qeyök. ⁹ Azi nene negeri, yengö janğöni mi 4000. Negetka melaim enğiiga mirinine anget. Mewö.

Böhi tosatñan anğöletot ekingöra kapan kölget.

Mat 16.1-4

¹⁰ Angetka mianğörenök gwarekurupni yembuk wanğenöni onğöba distrik qetni Dalmanuta mianğören anget. ¹¹ *Farisi (Kōna keugö kapanğölköl) tosatñan mianğören kaba Jisösbuk könahiba jitnakölik aket. Keu bōtaknöni örōmapköra esapköm wanğiba kewö kapan

* 8:11: Mat 12.38; Luk 11.16

köla qesiget, “Mönö jinönga Suepnöhök anğöletot kun asuhuiga ekin.” ¹² *Mewö jigetka uruñan lömböriiga osonğombuk qeiga jiyök, “O ambazip nalö kewöñe gölmenöñ maljei, inini mönö wuanöngöra Anutugö aiwesök asuhumapköra kapan kölakze? Nöñön keu ölni kun kewö jibi mötme: Anutunöñ aiwesök mewöñi mi qahö memba kondel engima. Ombañ saumbañ!”

¹³ Mewö jiba engömosöta kunbuk gwarekurupñi yembuk wañgenöñ öngöba anğö kutuba likepñe anğotket. Mewö.

Farisi aka Herod yeñön wösökömbuk ewö akze.

Mat 16.5-12

¹⁴ Miangören anğota semön membingö ölum enğuiga beret mohot-töp mia wañgenöñ memba tatket. ¹⁵ *Tatketka Jisösnöñ kewö jim kutum enğiyök, “Inini Köna keugö kapankölköl (Farisi) yeñgö wösökömbukñini aka Herodkö gipmi kakñi mietköra mönö galömnini meme. Mi ölöpñanök qahö kewöta andö qegetka mietköñ mönö yist ewö qariba mem bölim enğimahot.”

¹⁶ Jiiga keu pasetñi mi qahö möt asariba sutñine kewö eraum mötket. “Beretnini qahöpköra jiza me denöwö?”

¹⁷ Mi eraum mötket kezapñe geiga kewö jii mötket, “Wuanöngöra beretnini qahö jiba eraum mötze? Nöñgö könañamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸ *Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enğuza me qahö? ¹⁹ Nöñön beret 5 mi 5000 yeñgöra mindipköbiga miangö kitipñi qezakögetka könde dawikñöñ geba numbuñine qeyök?” Qesim enğuiga “Könde 12,” jiget.

²⁰ Jigetka toroqeyök, “Nöñön beret 7 mi 4000 yeñgöra mindipköbiga miangö kitipñi qezakögetka sakap dawikñöñ geba kokolak qeyök?” Qesim enğuiga sakap 7 jiget.”

²¹ Jigetka jii mötket, “Miangöra könañamni mi mönö tok qahö möt asarize me?” Mewö

Jegömöl azi kun jeñi metohoyök.

²² Jisösnöñ gwarekurupñi yembuk Betsaida taonöñ kaget. Miangören kaba jegömöl azi kun wañgita Jisösgören kañgota böröñan misirimapkö köuluköm wañgiget. ²³ Köuluköm wañgigetka jegömöl azi mi böröñe memba wañgita miri yaigepñe anohot. Anda söutnezit jeñe ala böröñi nöropñe ala qesim wañgiyök, “Yuai kun ekzan me qahö?”

²⁴ Qesim wañgiiga jeñi ui öngöiga jiyök, “Ambazip engekzalmö, mi ip tandöktandök aketka imutimutñanök engekiga anda kaba kinje.”

²⁵ Mewö jiiga kunbuk böröñan jeyahötni misiriiga tohoyohotka törörök uiga asarim sölölöngöiga yuai pakpak ölöpñanök ek teköyök. ²⁶ Ek teköiga melaim wañgiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö könañi jim miwikñaiyök.

Mat 16.13-20; Luk 9.18-21

²⁷ Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Könanöñ anda gwarekurupñi kewö qesim enğiyök, “Ambazipnöñ nöngöra denöwö jimakze? Ni ninia akzal?”

²⁸ *Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgörenök kun akzan.’

²⁹ *Mewö jigetka kewö qesim enğiyök, “Aka nanñinak nöngöra denöwö jize? Ni ninia akzal?” Qesim enğuiga Pitönöñ kewö melenñök, “Gi Anutugören Amötqeqe Toñi Kraist akzan.”

* **8:12:** Mat 12.39; Luk 11.29 * **8:15:** Luk 12.1 * **8:18:** Jer 5.21; Eze 12.2; Mak 4.12 * **8:28:** Mak 6.14-15; Luk 9.7-8 * **8:29:** Jon 6.68-69

³⁰ Mewö jiiga könañi aukñe jiget kunñan mötpapuköra soñgo köhöikñi al enñgiyök.

Jisösnöñ kömumangö keuñi jiyök.

Mat 16.21-28; Luk 9.22-27

³¹ Jisösnöñ gwarekurupñi könahiba kewö kusum enñgiyök, “Suep gölmegö azi ölnan mönö sihimbölö gwötpuk mötma. Kantrigö jitmeme, jike nup galöm aka Köna keugö böhi yeñon mönö andö qeba qegetka kömuma. Kömui wehön karöbut teköiga kömupnöhök wahötma.” ³² Jisösnöñ keu mi qahö köyatiba aukñe jiiga Pitönöñ miangörenök öröm wañgiba gorañe anda könahiba qetal wañgiyök. ³³ Qetal wañgiiga lilingöba gwarekurupñi uba engeka Pitö qetala kewö jim wañgiyök, “Gi keu mötmörizani, mi Anutugören keuya qahöpmö, gölme ambazip aka Satangö sihima. Miangöra Satan, gi mönö döki nöñgö jemesoholneyök kesalnöñ.” Mewö.

Kraist wuatangöbingö söñgörüñi.

³⁴ *Jisösnöñ ambazip kambu aka gwarekurupñi enñgoholi kagetka keu kewö jii mötket, “Kunñan nöñgö andöne kamangö mötzawi, yañon mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawañgö dop mökösoñda ni nuatangöba kama. ³⁵ *Kunñan malmalñi nanñangöra añgön köla nanñi imbi-imbi maljawi, yañon mönö malmalñi ölni jöhöi sohoma. Sohomapmö, kunöñ gölmegö malmalñi mi ni aka nöñgö Ölöwak Buñanangöra aka köleñda tököm niñgimawi, yañon mönö malmal ölnangö könañi miwikñaiba köhöiba malma. ³⁶ Kunñan gölmenñi gölmenñi miengö öryuainñi pakpak köl öroi buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga uñañan ayuhuiga qahö dop kölma. Sukinapñi miangön mönö urusösöñgai qahö ak wañgima. Qahöpmahöp! ³⁷ Körek neñon mönö bohonini jöhöbingö osibin. ³⁸ Ambazip kambuñi kambuñi nalö kewöñe gölmenöñ qesabulum aka siñgisöndok tosatñi aka malakze. Kunñan yeñgö sutñine nöñgö qetni aka Buña keuni memba et aljawi, mi Suep gölmegö azi ölnan mewöyök ehöröñ kölma. Yañon könañgep Suep garata töröñi yembuk ki etiketka Iwiñangö asakmararañi eka aurugetka yañon azi me ambi mewöñi mönö ehöröñ köl wañgima.” Mewö.

9

¹ Mewö jiba kewö jii mötket, “Nöñon keu ölni kun kewö jibi mötme: Kiangören kinjei, enñgö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

² *Wehön 6 teköiga Jisösnöñ Pitö, Jeims aka Jon enñgungita ambazip enñgömosöta nanñinök kundunñi köröpñi kunöñ öñgöba kötikñe malget. Miangören malgetka jemesoholñine kiniga Jisösgö sile tandökñan letota murutñi ahök. ³ Malukuñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sañgoñmakzei, mönö mi onñgita tuariyök. ⁴ Mewö aiga Elaija aka Moses yetkön asuhum enñgiba Jisösbuk keukeu jiget. ⁵ Jigetka Pitönöñ könahiba keu jiba Jisösgöra kewö jiyök, “Ketañamnini! Neñon kiangören uruölöwak mötzin. Miangöra neñon ölop koum karöbut qebin: Göhö kun, Mosesgö kun aka Elaijagö kun.” ⁶ Gwarek yeñon jönömñini gwötpuk unduiga Pitönöñ “Denöwö jimam,” jiba keu jaruyök.

⁷ *Keu jaruba kiniga unuñunuñ tuat lalamñi asakmararañambuk kunöñ eta aumñan esuhum enñgiiga miangö uruñeyök qet kun kewö eriga mötket, “Azi ki nani wölböt nahöna

* **8:34:** Mat 10.38; Luk 14.27 * **8:35:** Mat 10.39; Luk 17.33; Jon 12.25 * **9:2:** 2 Pitö 1.17-18 * **9:7:** Mat 3.17; Mak 1.11; Luk 3.22

akza. Mönö yangö keunji möta malme.”⁸ Keu mi möta könöpkuk lilingöm purik um jaruba tosatni kunbuk qahö etkeketka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

⁹ Kunduneyök etketka Jisösnöñ sörökñi miangören kewö jim kutum engiyök, “Inini yuai ekzei, miangö buzupñi mi mönö ambazip kun kude jiget mötme. Suep gölmegö azi ölnan kömupnöhök wahöriga miangö andöñe mi ölöp jim asariba malme.”

¹⁰ Mewö jim kutum engiiga gwarekurupñi karöbut yeñön keu mi uruñine angön köla “kömupnöhök wahötwahötkö” könañi mi nanñini qesim anguba eraum mötket.¹¹ *Eraum möta Jisös kewö qesim wangiget, “Köna keugö böhi yeñön mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

¹² Qesim wangigetka melenđa kewö jiyök, “Elaijanöñ mutuk eta asuhuba malmal pakpak möhamgöma. Keu mi ölna akzapmö, keu kun ki mönö wuanöngöra ohoget ahöza: Suep gölmegö azi ölnan mönö sihimbölö gwötpuk möriga jijiwilit ak wangime.”¹³ Keu yahöt mi ahözahotmö, nöñön kewö jibi mötme: Elaijanöñ lök eta asuhuyökmö, yangöra Buña keu ohoget ahözawangö dop ambazipnöñ i nanñini sihimñini wuatangöba lan ak wangiget.” Mewö.

Jisösnöñ öme wuatangöi morönöñ ölöwahök.

Mat 17.14-21; Luk 9.37-43

¹⁴ Jisös aka gwarek karöbut yeñön kunduneyök eta gwarekurupñi tosatni yeñgören kaba yuai kewö eket: Köna keugö böhi tosatñan kinda yembuk jitnakölik aka goranora keu jigetka ambazip jesöngöñan liliköba engeka kinget.¹⁵ Mewö kinda ambazip kambu pakpak yeñön Jisös eka miangörenök auruba kinjingöba kösutñe anda jölöñi jiget.¹⁶ Jölöñi jigetka kewö qesim engiyök, “Inini wanatköra yembuk jitnakölik aka goranora keu jize?”

¹⁷ Qesim engiiga kambuneyök azi kunöñ melenđa kewö jii mörök, “Böhi! Nöngö nahöni ömenöñ numbuñi muhungöba töñöt mem wanggiiga wangita göhören kazal.¹⁸ Mi miangören me miangören memba mendawöla öröm giliga eta qeba numbuñeyök qölqöl söutsöt eriga irimñi yöhözömgöba silenjan sölöpkömakza. Mewö ahiga kaba göhö gwarekurupki ulet engiba öme mi wuatangömegö jizalmö, yeñön osize.”

¹⁹ Mewö jiiga melen wangiba jiyök, “Gölmegö yangisen ambazip yei! Mönö nalö dawik embuk mala qatön engubiga Anutu qahö möt narigetka sihimbölö mötmam. I mönö wangita nöngören kaget.

²⁰ Mewö jiiga wangita yangören kaget. Kagetka ömenöñ Jisös eka miangörenök morö utuköba urepköm wanggiiga wölöhariba tala gölmenöñ qeba pörañpörañ mitiba semben auba ahöiga numbuñeyök qölqöl söutsöt kota erök.²¹ Jisösnöñ mi eka iwiñi kewö qesim wangiyök, “Nalö dawikö dop yuai ki lök asuhum wanggiiga kotza?” Qesim wanggiiga jiyök, “Mi lök morörökñeyök asuhum wangiyök.

²² Mi mem bölim wangimangöra nalö tosatñe könöpnöñ, nalö tosatñe onöñ metal wanggiiga nalö gwötpuk geba qebayök kinahakza. Mewömö, miangö kukösumñi kun göhören ahöza ewö, mönö ak kömumba bauköm netkiman.”

²³ Mewö jiiga jiyök, “‘Kukösumñi göhören ahöza ewö,’ jizan. Anutugö kukösumñan mönö yuai kungöra qahö qakömakza. Anutu möt narizawanöñ mönö yuai pakpak ölöp ahakña.”

²⁴ Mewö jiiga iwiñan miangörenök qeta jiyök, “Anutu möt narizalmö, mötnaripnan lölöwöröñi akza. Mötnaripni mönö mem köhöiman.”

²⁵ Jiiga ambazip jesöngöñan ösumñinan kaba kingetka eka miangöra öme mi kewö jim wangiyök, “Gi töñöt aka kezapduhupkö ömeñi, nöñön jim kutum gihizal: Gi mönö azi ki mosöta kota anda kunbuk kude lilingöba kaman.”

* 9:11: Mal 4.5; Mat 11.14

²⁶ Jim wanjiiga qeta silata morö mi utuköba könöpuk urepköm wanji wölöhariiga utala kota anök. Kota aniga qeba qamöt tandök aka ahöiga gwötpukñan mi eka “Wösöñi alja!” jiget. ²⁷ Mewö jigetmö, Jisösnöñ böröñe memba köbibiiga wahöta kinök.

²⁸ Mewö kiniga Jisösnöñ miri uruñe öngöiga gwarekurupñan nanñinök tata kewö qesim wanjiget, “Neñön mönö wuanöñgöra mi naninök wuatangöbingö osizin?”

²⁹ Qesim wanjigetka kewö jii mötket, “Öme tandökñi mewöñi mi mönö köuluköba nene sinji mala wuatangöbin. Yuai murutñi kun ahinga qahö kota anma.” Mewö.

Jisösnöñ kömumangö Buñani jiiga yahöt ahök.

Mat 17.22-23; Luk 9.43b-45

³⁰ Jisösnöñ gwarekurupñi yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök. ³¹ Mia tököba gwarekurupñi kusum engimangöra ölöñ anget. Könanöñ anda keu kötni kewö jii mötket, “Anutunöñ Suep gölmegö azi ölni mi gölme ambazip yengö böröñine al wanji gema. Geiga i qegetka kömuma. I qeget kömui wehön karöbut teköiga miangöreñ mönö kömupñöhök wahötma.”

³² Keu kötni mewö jii mötketmö, mi qahö möt kutuget aka könanñi denöwö, mi qesibingö kölköldömdöm aket. Mewö.

Gwarek sutñine danön mutukñi akza?

Mat 18.1-5; Luk 9.46-48

³³ Mewö anda Kaperneam taonöñ kangetket. Miangöreñ kangota nanñi miri uruñe öngöba gwarekurupñi kewö qesim engiyök, “Inñini Könanöñ kaba wani keuya eraum mötze?”

³⁴ *Yeñön könanöñ kaba ‘Danön öngöñgöñi akza’ mia nanñinök eraum möta kaget. Miangöra qesim enjiiga keu böc tatket. ³⁵ *Keu böc tatketka Jisösnöñ geba tata gwarekurupñi 12 engoholi kagetka kewö jii mötket, “Kunñan mutukñi malmangö mötza ewö, yanön mönö körek engö nembö bapñine eta qöndökñi aka tosatñi pakpak welen qem engimakña.” ³⁶ Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket, ³⁷ * “Kunñan namande kewöñi kun nöngö qetne miriñe köc öböba köyan kölmawi, yanön mönö ni köc öböm niñgima. Kunñan mewö ak niñgizawi, yanön niyök qahöpmö, danön melaim niñgiyöhi, mönö i mewöyök köc öböm wanji gema.” Mewö.

Jisösnöñ gwarekurupñi mindiñgöm engiyök.

Luk 9.49-50

³⁸ Jonöñ Jisös kewö jii mörök, “Böhi! Nini azi kun neñgö andönine qahö kayöhi, yanön göhö qetnöñ ömewöröme közöl enjiiga ehin. Yanön nembuk qahö liliköba maljawangöra nini i qetal wanjiin.”

³⁹ Mewö jiiga Jisösnöñ jiyök, “I kude qetal wanjime. Kunñan nöngö qetni qeta angöletot mezawi, yanön mönö miangö andöñe nöngö andöqeke keu awamñanök jimangö osima.

⁴⁰ *Kunñan qahö qetal neñgimazawi, yanön mönö neñgö areñnöñ malja. (Miangöra nöngö alaurupni tosatñi mi kude qetala angösirip meme.) ⁴¹ *I mönö nanñöm enjigetka Anutunöñ töwanini enji gema. Kunñan Kraistkö qetne yanö buñani akzeangöra aka o qambi nemegö enjimawi, Anutunöñ mönö miangö töwanñi melenña wanji gema. Nöñön keu ölni kun kewö jibi mötme: Nanñöm enjime, mienñön mönö töwa meme.” Mewö.

Sinjisöndökö kölgrom mönö qetal enjime.

Mat 18.6-9; Luk 17.1-2

* 9:34: Luk 22.24 * 9:35: Mat 20.26-27; 23.11; Mak 10.43-44; Luk 22.26 * 9:37: Mat 10.40; Luk 10.16; Jon 13.20 * 9:40: Mat 12.30; Luk 11.23 * 9:41: Mat 10.42

⁴² Jisösnöŋ keu kewö jiyök, “Morö kewöŋi möt narim niŋgizei, kunŋan yeŋgöreŋök kun kölgorom ak waŋgiiga siŋgisöndok akŋawi, azi mianöŋ mönö lömböt öŋgöŋgöŋi miwikŋaima. Anutunöŋ lömböt mianöŋö likepŋi denöwö waŋgiiga dopŋe akawak? Kemuŋ jamönŋiŋ jölŋe jöhöba köwet röndumnöŋ gilget mulumgöi gebawak, mianöŋ mönö awamŋi ahum waŋgi tandök akawak. ⁴³ *Mianöŋö böroŋan siŋgisöndok akŋangö kölgorom ak gihima ewö, mönö yandim gilman. Yandim gilagun börotak mala malmal köhöikŋi miwikŋaiba oyaenŋkoyaen akŋanmö, böro yahötpuk mala könaŋep köŋöp sianöŋ gebanbuk. Sia köŋöpŋi mi nalö kunöŋ qahö bököma. ⁴⁴ Mianöŋöŋ ‘Döhöŋini enöghöm pilikuta mala qahö kömume aiga köŋöpŋinan nalö kunöŋ kude bököma.’

⁴⁵ Mewöyök könaŋan siŋgisöndok akŋangö kölgorom ak gihima ewö, mönö yandim gilman. Yandim gilagun könatohot mala malmal köhöikŋi miwikŋaiba oyaenŋkoyaen akŋanmö, köna yahötpuk malnöŋga köŋöp sianöŋ gil gihigetka gebanbuk. ⁴⁶ Mianöŋöŋ ‘Döhöŋini enöghöm pilikuta mala qahö kömume aiga köŋöpŋinan nalö kunöŋ kude bököma.’

⁴⁷ *Mewöŋanök jegan siŋgisöndok akŋangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoŋnöŋ aŋgota oyaenŋkoyaen akŋanmö, je yahötpuk malnöŋga köŋöp sianöŋ gil gihigetka gebanbuk. ⁴⁸ *Mianöŋöŋ ‘Döhöŋini enöghöm pilikuta mala qahö kömume aiga köŋöpŋinan nalö kunöŋ kude bököma.’

⁴⁹ Köŋöp sia mianöŋöŋ ambazip körek mi howe sihi kölköl ewö köŋöpŋnöŋ enöghogetka sihimbölöŋi mötme.

⁵⁰ *Howe mi ölöŋŋi akzapmö, howegö sihimŋi mosötma ewö, mi mönö denöwö möhamögetka nahömŋi kunbuk ahubawak? Inini mewöŋanök urumohot malmalgö nahömŋi mosötpepuk. Mianöŋöŋ Suep howeŋini mosötpepuköra mönö galömŋini memba sutŋine luai qem aŋguba malme.” Mewö.

10

Awanöm aŋgömosötmosötkö keuŋi

Mat 19.1-12; Luk 16.18

¹ Jisösnöŋ wahöta Kaperneam miri mosöta Jordan o kutuba likepŋe anda mötöteiba eta kunbuk o mi kutuba Judia prowinsnöŋ kayök. Kaiga ambazip kambulelembenöŋ kunbuk yaŋgöreŋ tokogetka akmalöhi, mianöŋö dop kunbuk kusum enöghiyök.

² Kusum enöghiyöga Farisi (Köna keugö kapaŋkölköl) tosatŋan yaŋgöreŋ kaba keugö bötaknöŋ örömapkö esapköm waŋgiba kewö qesim waŋgiget, “Azinöŋ anömŋi mosötmawi, mewö mianöŋö Köna keu onöghitma me qahö?”

³ Qesim waŋgigetka melenŋa kewö jii mötket, “Mosesnöŋ mianöŋö keuŋi denöwö jim kutum enöghiyöga ahöza?”

⁴ *Mewö jii möta kewö jiget, “Azinöŋ aŋgömosötmosöt papia ohoba anömŋi ölöŋ mosötma. Mosesnöŋ mewö jim kutui ahöza.”

⁵ Mewö jigetka kewö jim enöghiyök, “Yaŋöŋ mönö uruköhöikŋinanöŋöra aka jimkututu mewö ohom enöghiyök. ⁶ *Ohom enöghiyökmö, Anutunöŋ könakönahine yuai pakpak miwikŋaiyöhi, nalö mianöŋöŋök ‘Azi aka ambi malmegöra miwikŋaim enöghiyök.’

⁷ *Mianöŋöŋöra azinöŋ mönö iwinamŋi etkömosöta anömŋanöŋöŋ anda qekötahöiga ⁸ yetköŋ sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunöŋö azi aka ambi mindirim etkiyöhi, ambazip kunŋan mönö i kude mendeŋ etkima.”

¹⁰ Jisösnöŋ mewö jiba miri uruŋe öŋgöiga gwarekurupŋan keu mianöŋöra kunbuk qesim waŋgiget. ¹¹ *Qesim waŋgigetka kewö jii mötket, “Azi kunöŋ anömŋi wuatangöba ambi

* **9:43:** Mat 5.30 * **9:47:** Mat 5.29 * **9:48:** Ais 66.24 * **9:50:** Mat 5.13; Luk 14.34-35 * **10:4:** Dut 24.1-4; Mat 5.31 * **10:6:** Jen 1.27; 5.2 * **10:7:** Jen 2.24 * **10:11:** Mat 5.32; 1 Kor 7.10-11

kun memawi, yanjon mönö qesabulum sero yongorö akña. ¹² Mewöyök ambi kunön apñi wuatangöba azi kun memawi, yanjon mönö qesabulum sero yongorö akña.” Mewö.

Jisösnön nahönbörat kötuëtköm engiyök.

Mat 19.13-15; Luk 18.15-17

¹³ Ambazip tosatñan nahönbörat morömorö enguançgita Jisösnön engömisirimapköra yangören kagetmö, gwarek yeñon ambazip mi jim qetal engiget. ¹⁴ Mewö aketmö, Jisösnön mi eka uruñi böliiga kewö jii mötket, “Nahönbörat moröñi mönö engömosötketka nönçören kame. Anutunön ambazip mewö mia bemtohoñi buña qem engima. Miançöra i kude jöhöm engime. ¹⁵ *Nöñon keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem ançumawi, yanjon mönö miançö uruñe ançotmamçö osima. ¹⁶ Mewö jiba tambuñe ala dohongöm engiba böröñi nöropñine ala kötuëtköm engiyök. Mewö.

Jisösnön azi pomñi kungö qambañ keu jiyök.

Mat 19.16-30; Luk 18.18-30

¹⁷ Jisösnön könahiba köna anmamçö ahiga azi kunön ösumñan yangören kayök. Kaba wösöñe geba simin köla kewö qesim wañçiyök, “Böhi ölopñi, nöñon mönö denöwö aka malmal köhöikñañçö buña qem ançubilençak?”

¹⁸ Qesim wañçiga kewö jii mörök, “Nönçöra ‘Böhi ölopñi,’ mi wuanönçöra jizan? Anutu mohotñan ölopñi akza. Azi kunñan i ewö ölopñi qahö akza. ¹⁹ *Gi jöjöpañ keu ki möt teközan,

‘Ambazip kun kude qenön kömuma. Sero yonçorö kude akñan. Yonçorö kude meman. Jitnön alal keu kude jiman. Kalöpköba yonçorö kude meman. Iwinamçi mönö göda qem etkimakñan.’”

²⁰ Mewö jii möta kewö jiyök, “Böhi, mi pakpak mönö gwaböneyök tem köla mala kotçal.”

²¹ Mewö jiiga Jisösnön uba eka urukönömñan jöpaköm wañçiba kewö jii mörök, “Mohot kungöra kewö osizan: Gi mönö anda sukinapki pakpak söngörönji memegöra alnön monen kaiga ambazip wanapñi engiman. Mewö aknönçga sukinapki ketañi (guli masapugi milyön kinagi ewö) ketañi mi Suep mire ahöm gihima. Mewö aka ni nuatangöba kaman.” ²² Jisösnön mewö jiyökmö, sukinapñi gwötpuk ahöyöhañçöra aka keu mi möta uruñi bosoleiiga wösöbirik aka jeni asöliiga öne mosöta anök.

²³ Mosöta aniga Jisösnön ui anda kaiga gwarekurupñi kewö jii mötket, “Yei! Ambazip monen inapñinambuk yeñon mönö Anutugö bemtohoñnön ançotpingö lömböriba kupuk-kapak akñe.”

²⁴ Mewö jiiga gwarek yeñon mi möta welipkögetmö, Jisösnön toroqeba kewö jii mötket, “Gupanurupni, ambazip denike yeñon monen inapñini möt narimakzei, yeñon mönö Anutugö bemtohoñ uruñe ançotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö ançotma. Miançö dop ambazip pomñi yeñon Anutugö bemtohoñ uruñe ançotpingö lömböriba çaköme.”

²⁶ Mewö jii möta aurum tililingöba nanñinañçöra kewö jiget, “Opopon! Ambazip danjon mönö Suepkö buñaya akawak?”

²⁷ Mewö jigetka Jisösnön uba ençeka kewö jiyök, “Ambazipnön mi esapköba osiba çakömakzemö, Anutunön mewö qahö ahakza. Anutunön mönö yuai pakpak ölop ahakza. Yanjon yuai kun aka memamçö qahö osiba çakömakza.” Mewö.

Jisösgö nup memegö töwanji

²⁸ Pitönön keu mi möta melença Jisös kewö jii mörök, “Mötnön, neñon mönö yuai pakpak mosöta gi guatangöba kain.”

* 10:15: Mat 18.3 * 10:19: Eks 20.12-16; Dut 5.16-20

²⁹ Mi möta Jisösnöñ kewö jiyök, “Nöñön keu ölni kun kewö jibi mötme: Kunñan nöñgö aka Ölöwak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi engömosöriga Anutunöñ mönö miangö likepñi ongita meley wañgiiga sehima. ³⁰ Kunñan yuai mi mosöröhi, Anutunöñ mönö salupñe mi 100:kö dop toroqeba wañgiiga nanñi buñaya akña. Gölmegö malmalnöñ sesewerowero uruñe malmapmö, jike miri, darumun, nenbehöt, iwinam, nahönbörat aka nup kisi mi mönö salupñe ahum wañgima aka nalö könañgepñe malmal köhöikñi teteköñi qahö buña qem añguma. ³¹ *Mewö asuhumapmö, mutukñi engöreñök gwötpukñan dagibezupñi aketka dagibezupñi yeñgöreñök gwötpukñan mutukñi akñe.” Mewö.

Kömumangö keuñi jiiga karöbut ahök.

Mat 20.17-19; Luk 18.31-34

³² Jisösnöñ gwarekurupñi yembuk Jerusalem sitinöñ öñgöbingöra gölme köna anget. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñön mönö keñgötñini mötket. Mewö aketka Jisösnöñ gwarekurupñi 12 mi kunbuk öröm engiba könahiba kusum engiyök. Yañgöreñ yuai asuhumawi, keu mi jim asariba kewö jiyök, ³³ “Mötket, nini Jerusalem öñgöbin. Miangöreñ kunñan Suep gölmegö azi ölni mamalolo mem wañgiiga jike nup galöm aka Köna keugö böhi yeñgö böröñine gema. Yeñön kömumapkö keuñi jim teköba kian gawman yeñgö böröñine al wañgime. ³⁴ Al wañgigetka mepaiköba söutkölap qeba ihilek wahiñambukñöñ tauköm wañgime. Tauköm wañgiba qegetka kömuma. Kömumba wehön karöbut teköiga kömupnöhök wahötma.” Mewö.

Jeims Jon yetköñ yuaigöra ulerohot.

Mat 20.20-28

³⁵ Jisösnöñ mewö jiiga Jebedigö nahönyahötñi Jeims aka Jon yetköñ yañgöreñ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Inñiri wani yuai ak etkimangöra mötzahot?”

³⁷ Qesim etkiiga kewö jiyohot, “Göñön ölop jim kutunöñga niri göhö asakmararañöñ eu öñgöba kunöñ börögi ölñe aka kunñan börögi qaniñe tata yuai pakpak galöm kölbina.”

³⁸ *Mewö Jiyohotmö, Jisösnöñ kewö jii mörohot, “Inñiri miangö könañi qahö möt yaköba uletzahot. Nöñön qambi asöñambuk nemami, inñiri mi ölop nemba sihimbölö mötmahot me qahö? Jöm nöñgwambukñöñ melun mem niñgimei, inñiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölña! Nöñön qambi asöñambuk nemami, inñiri mi mewöñanök memahot aiga jöm nöñgwambukñöñ melun mem niñgimei, mianñön mönö inñiri mewöyök melun mem etkime. ⁴⁰ Mem etkimemö, nöñgö böröni ölñe me qaniñe dañön tatmahori, nöñön keu mi jim kutumamañgö dop qahö. Anutunöñ dum yahöt mi denike yetköra mözözömgyöhi, mi mönö yetköra etkiiga nömbuk tata galöm kölmahot.” Mewö.

Galöm ölñan mönö welenqeqeya akza.

⁴¹ Jeims Jon yetköñ mewö ulerohotka alaurupñi 12 yeñön mi möta könahiba urubölö aket. ⁴² *Mewö aketmö, Jisösnöñ engoholi kagetka kewö jii mötket, “Gölmegö kantriñi kantriñi miengö jembonñinan galöm köl engibingö jizei, yeñön mönö azi kembu tandök ak engimakze. Yeñgö ketañamñinan mönö keu jim kutuba mindingöm engiba kukösumñini kondelakze. Inñini könañini mi ölop mötze. ⁴³ *Engö sutñine silik mewö ahöbapukmö, kunñan engö sutñine ketañamñini akñamgö mötzawi, yañön mönö welen qem engiba malma. ⁴⁴ Mewöyök kunñan engö sutñine mutukñi malmamgö mötzawi, yañön mönö körek engö nembö bapñine mala welenqeqeñini omanñi akña. ⁴⁵ Suep gölmegö azi ölñan mönö mewöyök silik mewöñi kondela nanñi welen qem wañgimegöra aka qahö kayök.

* **10:31:** Mat 20.16; Luk 13.30 * **10:38:** Luk 12.50 * **10:42:** Luk 22.25, 26 * **10:43:** Mat 23.11; Mak 9.35; Luk 22.26

Qahöpmö, welen qem engiba ambazip sehisehini yenjö sohopnini memamgöra aka eta malmalni kölenja mosötma.

Bartimeus jeni gömöliiga mem ölöwahök.

Mat 20.29-34; Luk 18.35-43

⁴⁶ Jisösnöj gwarekurupni yembuk Jeriko sitinöj kaget. Kaba siti mi mosötpingö aketka ambazip kambulembenöj enguatangöba andöjine kaget. Mewö kagetka jegömöl azi qetni Bartimeus, Timeusgö nahönni yanön monej aka nene wangimegö ulet engiba köna jitje tarök. ⁴⁷ Tariga “Nazaret-azi Jisösnöj kaza!” jiget möta könahiba kewö qerök, “Jisös Deiwidkö gwölönarökni, mönö ak-kömum ningiman!”

⁴⁸ Mewö qeriga gwötpukjan bök tatmapköra qetal wangigetmö, yanön mönö kapan köla qerök. “Deiwidkö gwölönarökni, mönö ak-kömum ninginöj!”

⁴⁹ Qeriga Jisösnöj dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukunji qeköba gila pöranj wahöta kinda Jisösgöreñ anök.

⁵¹ Aniga kewö qesim wangiyök, “Alani, nöjön wani yuai ak gihimamgöra mötzan?” Mewö qesim wangiiiga jegömöl azinöj jiyök, “Ketanamni, ni jeni kunbuk umamgöra mötzal.”

⁵² Mewö jiiga Jisösnöj kewö jii mörök, “Mötnaripkan mönö mem ölöwak gihiza. Mönö ölöp anman.” Mewö jii möta jeñan miangöreñök tohoiga uba andöjine Jisös wuatangöba anök. Mewö.

11

Jisösgöra köirañ kölgetka Jerusalem öngöyök.

Mat 21.1-11; Luk 19.28-40; Jon 12.12-19

¹ Jisösnöj gwarekurupni yembuk Jerusalem siti dopdowiba Betfage aka Betani miri yahöt kösutjire kaba Oil ip kunduje öngöba gwarekyahötñi yahöt melaim etkimamgöra aka ² kewö jii mörohot, “Miri wösöjire tatzawi, mönö miangöreñ anohot. Anda miangöreñ angota donki moröñi kösönöj jöhöget kinjawi, mi miangöreñök miwikñaimahot. Donki mi dölökña, azi kunjan qakñe qahö tatatña. Mi mönö pösata memba ki kamahot. ³ Pösarohotka kunjan ‘Wuanöngöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilañ melenjiga kunbuk ki kama.’

⁴ Mewö jiba melaim etkiiga anda donki moröñi miri towokñe miri kungö nangune kösönöj jöhöget kiniga miwikñaiba pösarohot. ⁵ Pösarohotka azi tosatñi miangöreñ kingeri yenön kewö qesim etkiget, “Hei, wania akitköra donki moröñi pösatzahot?”

⁶ Mewö qesim etkigetka Jisösnöj jiyöhangö dop jiyohot möta “Ölöp memba anmahot,” jiget. ⁷ Jigetka memba Jisösgöreñ kayohotka malukunini qeköba donki moröñangö qakñe algetka öngöba tarök. ⁸ Mewö tata aniga ambazip jesöngöñan göda qeba malukunini qeköba köna namñe tumbulgetka tosatñan gölme köröñe anda ip sinñi mitiba tumbulget. ⁹ *Tumbulgetka ambazip jeñe köl öröba angeri aka andöñe wuatangöba kageri, yenön kewö jiba qetket, “Hosana, owe owe! Anutu möpöseizin. Kembugö qetñe kamawi, Anutunöj mönö i kötuetköm wangima. ¹⁰ Kiñ Deiwidnöj kantri tohoñ kunguba galöm köl engiyöhi, nalö mewöñan mönö kunbuk kam neñgiza. O Anutu mönö kantri tohoñnini kötuetköman. Hosana! Qetbuñagi möpöseininga euyangöreñ öngöza. Owe Owe!”

¹¹ Mewö qetketka Jerusalem sitinöj öngöba jöwöwöl jikegö tohoñ uruñe anök. Miangöreñ liliköba yuai pakpak ehi mare ahiga eta gwarekurupni ¹² yembuk jike mosöta Betani mire anda ahöget. Mewö.

* **11:9:** Sum 118.25-26

*Jisösnöñ fig ip kun qesuahöiga ululungöyök.**Mat 21.18-19*

¹² Ahöba söñanök wahöta gwarekurupñi yembuk Betani miri mosöta angetka Jisösnöñ nenegö kömuyök. ¹³ Nenegö kömumba ui aniga fig ip kun* sinñambuk kini ehök. Eka “Sinñangö uruñe ölni tari miwikñaiba nembilenjak,” jiba fig ipkö könañe anök. Anökmö, ölnangö nalöñan qahö töriyöhanğöra sinñanök kini ehök. ¹⁴ Mewö eka ip mi kewö jim wanğiyök, “Kunñan ölni kunbuk kude nema.”

Mewö jim wanğiiga keu mi gwarekurupñan mötket. Mewö.

*Jisösnöñ jöwöwöl jike jim kömbuhiyök.**Mat 21.12-17; Luk 19.45-48; Jon 2.13-22*

¹⁵ Anda mala Jerusalem sitinöñ öngögetka Jisösnöñ jöwöwöl jikegö tohoñ uruñe anök. Mianğoreñ ambazip engehiga inap bohonñi memegöra algetka söngöröñi megeri, mi könahiba közöl enğiiga etket. Moneñ utekutek ambazip yengö jakenñi metali anget. Mewöyök kembö bohonñi memegöra algeri, miengö dum tatatñi mi tok tötaliga anget. ¹⁶ Sombem kömbukñi kutuba yuai siriba anğotkanğotkö könañi jöhöyök. ¹⁷ *Mewö aka kusum enğiba kewö jii mötket, “Aisaianöñ keu kun kewö ohoi ahöza, ‘Nöngö jikenan mönö gölmenñi gölmenñi pakpak yengö köulukö mirinñina akñapkö qetme.’ Keu mi ahözapmö, inñi mi utekögetka kegwek-kahasiliñ yengö banjet ewö akza.”

¹⁸ Mewö jii möta ambazip kambu pakpak yeñön mianğöra nemböñini teköiga welipköget. Mianğöra jike nup galöm aka Köna keugö böhi yeñön mi möta Jisösgöra kenğöñini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöñ gwarekurupñi yembuk siti mosöta yaigep anda ahöget. Mewö.

*Fig ipnöñ ululungöiga eket.**Mat 21.20-22*

²⁰ Ahöba söñanök wahöta könanöñ anda fig ip mi onğitpingö aketka jalöñambuk ulungöba kini eket. ²¹ Kiniga Pitönöñ Jisösgöreñ keu mötmörriba kewö jii mörök, “Ketanamni eknöñ, fig ip qesuahönöñi, mi mönö ululungöba kinja.”

²² Jii möta Jisösnöñ kewö melenök, “Anutugö mötnarip mönö töp memba malme.”

²³ *Nöñön keu ölni kun kewö jibi mötme, “Kunñan keuñangö ölni ahumapkö uruyahöt qahö aka kundunñi kianğö toñangöra kewö jim kutubawak, ‘Mönö kundunñi ki qeköba wahöta anda köwetnöñ alman.’ Mewö jim kutuba Anutu möt nariiga ölni mönö mianğö dop ahuma. ²⁴ Mianğöra nöñön kewö jibi mötme: Wani yuaigöra qesiba köulukömei, mi pakpak lök buña qem anğuzin, mewö möt narigetka mönö buñanñi akña. ²⁵ *Inñi kinda Anutu köulukögetka kunñan alañangö pinjitköra urubölö akña ewö, pinjit mi mönö mosötme. Mewö akñe ewö, enğö Iwiñini Suep mire maljawanñön mönö mewöñanök enğöreñ singisöndok mosötma. ²⁶ (Inñi tosatñi yengöreñ singisöndok qahö mosötme ewö, enğö Iwiñini Suep mire maljawanñön mönö mewöñanök enğöreñ singisöndok qahö mosötma.)” Mewö.

*Jitñememe yeñön Jisösgö kukösumñangö qesiget.**Mat 21.23-27; Luk 20.1-8*

²⁷ Jisösnöñ gwarekurupñi yembuk kunbuk Jerusalem sitinöñ öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yanğöreñ kanğotket. ²⁸ Kanğota kewö qesim wanğiget, “Gi kianğöreñ yuai akzani, mi mönö danñön jim kutum gihiiga ahakzan? Mi memamgö kukösumñi mi danñön gihiyök?”

* **11:13:** Fig mi sambu ipkö alañi kun. Mi nupñine kömötketka kötni nahömninambuk asuhugetka gwötpuk nemakzema. * **11:17:** Ais 56.7; Jer 7.11 * **11:23:** Mat 17.20; 1 Kor 13.2 * **11:25:** Mat 6.14-15

²⁹ Qesim wanjigetka kewö melenj enjgiyök, “Nöhön mewöyök keu kun qesim enjimam. Mi melenj ninjigetka nöñön mewöyök danön kukösum ninjiiga yuai ki ahakzali, mi jibi mötme. ³⁰ Jonöñ ambazip o-melun mem enjgiba malöhi, yanön miangö kukösumñi mi denikeyök meyök? Suep Toñan wanjiyök me gölme toñan wanjiget? Mi jiget mötmam.”

³¹ Mewö melenj enjiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yanön mönö kewö jima: Inini mönö wuanöñgöra Jon qahö möt narim wanjiget? Mi qahö dop kölja. ³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yengöra kenjötñini möta mi jibingö osiget. ³³ Miangöra “Mi qahö mötzin,” melenjget. Mewö melenjgetka Jisösnöñ kewö jii mötket, “Mewö aiga nöñön mewöyök yuai ki ahakzalanjögö kukösumñi danön ninjiyök, mi qahö jibi mötme.” Mewö.

12

Wain kösö nup galöm bölöñi miengö dopkeu
Mat 21.33-46; Luk 20.9-19

¹ *Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketanji kötnöñ meyök. Miangöreñ waingö ölni ala könanöñ tözöhölget onan lalanöñ geyök. Wain jout ketanji mi memba wain yongorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim enjgiba kewö jiyök, “Mönö nup memba ölnangö bahöñi nanñini memba bahöñi tonji ni ninjime.” Mewö jiba nup mi böröñine ala enjgömosöta kantri kunöñ anda malök. ² Mala mali ölni öliyöhangö nalöñi (yambu 5) töriiga miangöreñ welenqeqeñi kun melaim wanjiiga galöm yengöreñ anda wain nup ölnangö bahöñi wanjimegöra jiyök. ³ Jiyökmö, galöm yeñön i memba jöhöba kömbinöñ qeba wuatangögetka böröñi börak lilingöyök. ⁴ Miangö andöñe welen azi kun melaii yengöreñ aniga nöropñi qesinda gamu qem wanjiget. ⁵ Miangö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim enjiiga tosatñi kömbinöñ sepgwörörök enjguba tosatñi enjuget kömuget. ⁶ Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wanjime me denöwö?’ Mewö jiba qöndökñi mi nahönña melaiiga yengöreñ anök. ⁷ Anökmö, kaiga eka sutñine kewö jiget, ‘Yanön mönö börösamotñangö tonji akña. Ayop, mönö memba qein kömuiga wain kösö nup kianön mönö nanine buñanina akña.’ ⁸ Mewö jiba memba jöhöba qeget kömuiga qamötñi nup yaigepñe gilget geyök.

⁹ Wain nup toñan mi möta mönö denöwö akña? Yanön mönö nanñak kaba nup galöm mi könden enjgima aka nup galöm dölokñi miwikñaim enjgiba wain kösö nupñi yengö böröñine alma. ¹⁰ *Buña Kimbigö keu ki lök oyongget me qahö?

‘Miri meme yeñön köt tandö kun andö qeba öne mosötket taröhi, miangön mönö tandö kömbönañi ahiga miwikñaijet. Miangön tinjiriga mirinöñ mönö gororongöba eta kölma.

¹¹ Kembunöñ tandö mi kunjiiga jeninan ehinga qetbuñabuk ahiga welipkömakzin.’”

¹² Jisösnöñ mewö jiiga galöm yeñön keu miangö könañi möt asariba kewö jiget. “Dopkeu mi mönö nengöra jiza.” Miangöra i memba jöhöbingö mötketmö, ambazip kambu yengöra kenjötñini möta osiba mosöta anget. Mewö.

Takis alalgö Jisös esapköm wanjiget.
Mat 22.15-22; Luk 20.20-26

¹³ Juda jitñememe yeñön Farisi aka premiö Herodkö pati alaurup tosatñi melaim enjgiba kewö jiget, “Inini mönö Jisösgöreñ anda qesiba keugö bötakñöñ öröi gwaröhöm

wanjime.” Mewö jigetka Jisösgören kaget. ¹⁴ Jisösgören kaba kewö jigetka mörök, “Böhi, göñön azi ölni akzani, nini mi mötzin. Göñön ambazip tosatni qahö engek soriba tosatni qahö qepureim enjimakzanmö, dop mohotnöñ kewöt nengimakzan. Mianğöra kuñgum gihigetka qahö goñgiba ketani qahö esuhum enjimakzanmö, Anutugören köna mi keu ölnağö dop kusum nengimakzan. Göñön Anutugören keu diñdini mianñön öngöngöñi eretni mohot pakpak jim qindiñ ak nengimakzan. Mianğöra nini sisa-kiñğöra takis ala mianñön Mosesgö Köna keu siñgibin me qahö? Mi alinga dop kölja me qahö?”

¹⁵ Mewö jiget möta areñini munenji mi möt kutuba kewö jii mötket, “Inini wuanöngöra keugö bötaknöñ al niñgibingö esapköm niñgize? Ölop silwö monen (Kina 5) kun memba kaget eki.”

¹⁶ Mewö jiiga mi memba kagetka kewö qesim enjiyök. “Dagören imut aka qet mi ki ohoget ahöza?” “Mi sisa kiñğören!” Mewö melenđa jiget.

¹⁷ Jigetka kewö jii mötket, “Mewö ahiga yuai sisa-kiñğö imutñambuk buñani ahözawi, mi mönö yangğöra al wanjime. Yuai kun Anutugö buñaya ahözawi, mi mönö Anutugö buña geme.” Mewö jii möta yangğöra gwötpuk welipköget. Mewö.

Kömupnöhök wahötwahötkö esapköm wanjiget.

Mat 22.23-33; Luk 20.27-40

¹⁸ *Sadyusi (Jike nupkö kapañkölköl) yeñön “Kömugeri yeñön kude wahötme,” jiba malget. Yeñğörenök tosatñan Jisösgören kaba kewö qesim wanjiget, ¹⁹ * “Böhi, Mosesnöñ kewö jim kutum nengiyök ahöza,

‘Azi kun ambi meiga nahönbörat qahö ahui kömumba malöñi öne mosöriga munñan ölop malöñi memba gwölönarök qiwikñaim wanjiiga datñangö qet bisiba malma.’

²⁰ Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. ²¹ Kömuiga munñan malöñi mi memba mala mewöyök gwölönarökñi qahö öne kömuyök. Kömuiga munñi kun yangğö bapñe mianñön ambi miyöhök memba mala öne kömuyök. ²² Mewöña mewö darumun 7 pakpak yeñön ambi mohot miyöhök memba gwölönarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñön Kömugeri yeñön guliba wahötme, jizanmö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhanğöra aka mönö dagö anömña akawak?”

²⁴ Mewö qesigetka Jisösnöñ melenđa kewö jii mötket, “Inini keu jim sohoze. Urumelenğö Buña Kimbiñi aka Anutugö kukösumñi qahö möt kutuzeanğöra mönö janjuñ ahakze. ²⁵ Ölna, kömupnöhök wahöta nalö mianğören awanöm qahö akñemö, garata yeñön Suep mire maljeanğö tandök aka malme. ²⁶ *Mötket! Kömugeri, yeñön guliba wahötmegö keuñi mi Mosesgö Buknöñ kewö ahöza: Sötman köhösonöñ könöp bölam ahuba qahö jem kutuyöhi, inini kösohot mi oyoñget me? Anutunöñ mianğören Moses kewö jii mörök,

‘Nöñön Anutu Abrahamgö Kembu, Aisakö Kembu aka Jeikobkö Kembuya mala kota maljal.’

²⁷ Isik bömöñ karöbut yeñön Anutubuk mala mal köhöiba öngöme. Anutunöñ köhömuñi yeñğö Kembuñini qahöpmö, malmal köhöikñi maljei, mönö yeñğö Kembuñina akza. O Sadyusi (Jike nupkö kapañkölköl pati) inini mönö keu gwötpuk möt sohomakze.” Mewö melenñök.

Jöjopañ keu bohonñi yahöt mi denöwö?

Mat 22.34-40; Luk 10.25-28

²⁸*Jisösnöñ Sadyusi (Jike nupkö kapankölköl) yembuk eraum möta jim soroköba melen engiyöhi, mi Köna keugö böhi azi kunöñ mörök. Mewö möta jeñe kañgota kewö qesim wañgiyök, “Jöjöpañ keu pakpak miengöreñök bohonñi ketañi mi denöwö?”

²⁹*Qesim wañgiiga melenök, “Bohonñi ketañi mi kewö, ‘Israel könagesö mötket! Anutu mi Kembunini. Yanön Kambu mohot ahiga bem alañi kun qahö.

³⁰Miangöra urugi jömukñi, uñagi jömukñi, mötmötiki jömukñi aka kuki jömukñi, mianön mönö Kambu Anutugi jöpaköba malman.”

³¹*Jöjöpañ keu miangö alañi kewö, ‘Nangi jöpaköm añgumakzani, mewöñanök mönö ambazip pakpak jöpaköm enjiba malman.’

Jöjöpañ keu kunñan mönö keu yahöt mi qahö etkonñgita.”

³²*Köna keugö böhigöra mewö melenñiga jiyök, “Böhi! Gi törörök keu öñangö dop jizan. Anutunöñ mohot akza. Bem alañi kun qahö. ³³*Gi urugi jömukñi, mötkutukutugi jömukñi aka kuki jömukñi, mianön Anutu jöpaköba malman. Aka nangi jöpaköm añgumakzani, mewöñanök mönö ambazip pakpak jöpaköm enjiba malman. Jöjöpañ keu yahöt mi bohonñi ketañi akzahot. Mi tem kölmani, mianön mönö jöwöwöl pakpak aka naluk kötin tosatñi enñonñgita.” ³⁴Mewö jiiga Jisösnöñ urumötmötñi möri dop köliga kewö jii mörök, “Gi Anutugö bemtohonñöñ añgotmangö dopdowizan.” Mewö eraum möröhotka körek yeñön Jisös toroqeba qesim wañgingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölöñarökñi.

Mat 22.41-46; Luk 20.41-44

³⁵Jisösnöñ jöwöwöl jikenöñ kinda Buña keu kusum enjiba kewö qesim engiyök, “Kraistnöñ kiñ Deiwidkö gwölöñarökñi akzawi, Köna keugö böhi yeñön keu mi denöwögöra jimakze? ³⁶*Deiwidnöñ nanñak Uña Töröñan sölölohöm wañgiiga kewö jiyök, ‘Anutunöñ kinda nöngö Kembuni kewö jii mörök: Göñön mönö kaba nöngö böröni öñe tatnöñga nöñön nalö sutñe kerökurupki tim tötöla luhut alenñiba göhö köna tambö gwaröñe al enñimam. Nalö mi kam kuñgumawañgö dop mönö asakmararaññöñ ki tatman.’

³⁷Deiwidnöñ nanñak mewö jiba qetñi ‘nöngö Kembuni’ jiza.’ Kembuni jiba mönö denöwö aka yañgö gwölöñarökñi mohot akawak?” Mewö jiiga ambazip kambu ketañi yeñön Jisösgö keuñangö sihimñi möta kezap alget. Mewö.

Urumelenñö silesile malmalgö galöm meme keu.

Mat 23.1-36; Luk 20.45-47

³⁸Jisösnöñ kusum enjiba toroqeba kewö jiyök, “Inini mönö Köna keugö böhi yeñgöra galöm memba malme. Yeñön maluku köröpñi löngöta anda kaba kondel angubingö mörakze aka maketnöñ me könanöñ ambazip enñigetka jölöñini jimegö mörakze. ³⁹Köuluk mire qaikñe eu tatpingö sihimñi mörakze, aka közölömbuaññöñ dum tatat mutukñe jegep tatpingö mörakze. ⁴⁰Yeñön malö yeñgöreñ miri yuai bidañda gagabe köla enñuanñgirakze, aka qetbuñañini asuhumapköra köuluk köröpñi köuluköba töptöpñine qemakze. Miangöra Anutunöñ keuñini jim teköba likepñi öñgöñgöñi melenñi qakñine öñgöma.” Mewö.

Ambi malö kunöñ naluk kötin öññi alök.

Luk 21.1-4

⁴¹Jisösnöñ jöwöwöl jikenöñ naluk dundum andöñe tariga ambazipnöñ moneñ miangöreñ alget geiga uba enñehök. Ambazip pomñi sukinapñinambuk gwötpuk yeñön kañgota kina moneñ lömbötñambuk alget geyök. ⁴²Alget geiga malö wanapñi kunöñ kañgota souje kötni yahöt, mi toiya tosatñi miangö dop ali geyök. ⁴³Jisösnöñ mi eka

* 12:28: Luk 10.25-28 * 12:29: Dut 6.4-5 * 12:31: Lew 19.18 * 12:32: Dut 4.35 * 12:33: Hos 6.6

* 12:36: Sum 110.1

gwarekurupni köl öröm engiba kewö jii mötket, “Nöñön keu ölni kun kewö jibi mötme: Malö wanapni kianön naluk aljawi, mi mönö tosatni pakpak yeñön yuai dundumnöñ alget gezawi, miangö dopni ongita alja. ⁴⁴ Körek yeñön moneñ gwötpuk ahöm engiiga kitipñanöhök aljemö, ambi kianön mönö köruebörue maljawangö dop yuaini pakpak al teköba öne töhön malma.” Mewö.

13

Jöwöwöl jikenöñ köndenmönder asuhuma.

Mat 24.1-2; Luk 21.5-6

¹ Jisösnöñ jöwöwöl jike mosöta eriga gwarekurupni yeñgöreñök kunñan kewö jii mörök, “Böhi eknöñ! Jikegö tohoñ uruñe miriñi miriñi mi mönö wewelipñambuk. Mi kötnöñ memba meñölögetka ölöpbölöpni kinja.”

² Jisösnöñ mi möta keu kewö melenök, “Jikegö tohoñ uruñe miri ketani ki engekzanmö, mi mönö köndengetka mirigö köt kun mi köt kungö qakñe qahö ahömapmö, qeqelanlan aka sahopñanök ahöma.”

Kahasililiñ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundune öngöba likepñe endu jöwöwöl jikenöñ kinöhi, mi eka tatket. Miangöreñ tata Pitö, Jeims, Jon aka Andru yeñön Jisös nanñök öröba kewö qesim wangiget, ⁴ “Böhi! Keu jizani, miangö ölni mönö wanat nalönöñ asuhum tiñgitma aka yuai pakpak mi könahiba asuhum tekömawi, miangö aiwesökñan mönö denöwö asuhuma? Mia ölop jinöñ mörin.”

⁵ Mewö qesim wangigetka könahiba kewö jii mötket, “Kunñan isimkakalek aiga janjun anbepeköra mönö galömñini memba malme. ⁶ “Ambazip gwötpukñan asuhuba nöngö qetne kewö jime, ‘Nöñön Kraist akzal.’ Mewö jiba ambazip gwötpuk tilipköm engime. ⁷ Inini yarö miengö buzupñini aka ötöñini asuhugetka mörakñe. Mi möta jönömñini kude undumakña. Yuai mewöñi mi mutuhök asuhumapkö jijiña. Mi asuhumapmö, gölmegö nalöñan mönö miangöreñök zilañ qahö teköma. ⁸ Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. Gölmeñi gölmeñi miangöreñ kenöñ ketani ketani qözöla memba gölme meleni gemakña. Mewöyök bödiñi bödiñi (buöröñi buöröñi) asuhuba öngöba ahöma. Yuai mewöñi mi ambi köröbuknöñ masi könahiba engumakzawangö dop. Gölmegö nalöñan mönö miangö dop könahiba tekömangö akña.

⁹ *Mewö akñapmö, inini ölop galömñini mem anguba malme. Ambazipnöñ inini öröba keu jakeñe al engiba köuluk mireñini keu nupñini memba kömbinöñ engume. Tosatñan nöngöra aka enguangitketka kantriñi kantriñi yeñgö kin kembu aka premiö yeñgö jemesoholñine kinme. Mewö kinda nöngö könañamni nanñgöba jigetka mötme. ¹⁰ Ölöwak Buña ki mönö mutuk gölmegö kantriñi kantriñi pakpak yeñgöra jim sehim tekögetkun gölmegö nalöñan miangö andöñe teköma. ¹¹ Öröba enguangita keu jakeñe al engigetka kinmei, nalö miangöreñ keu denöwö jibinak, miangö waimanjatni qeljine kude mötme. Uña Töröñan aua miangöreñök keu engimawi, mönö mia jime. Nanñine uruñinangöra keu qahö jimemö, Uña Töröñan mönö uruñini sölölohöiga keu jime. ¹² Urumelengö kopa kunöñ darumunñan uruñi melenöhöngöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratni mamalolo meiga kömuma aka nahönbörat yeñön iwinamurupñini qetal engiba jigetka enguget kömume. ¹³ *Kantri pakpak yeñön nöngö qetnangöra aka kazik ak engigetka malmemö, kunñan kapan köla köhöiba böñ qeba kinda maliga gölmegö nalöñan tekömawi, yanñön mönö oyaenköyaen buña qem anguma. Mewö.

* **13:9:** Mat 10.17-20; Luk 12.11-12 * **13:13:** Mat 10.22

*Jerusalem sitigö köndermönder uru-önönjambuk**Mat 24.15-28; Luk 21.20-24*

14 **“Könanjep tosatjan kaba köndermönder aka yuai angjöörakjambuk jikenöñ qahö alalgö dop mi altanöñ ala kiniga ekñei, - keu ki oyoñmawanöñ mönö ölop kezap ala möt kutuma - nalö miangöreñ Judia prowinsnöñ malmei, enöñ mönö misingöba öröba kunduje anme. 15 *Miri kösutñe sombemnöñ malmawanöñ mönö eta yuaini memamgöra miri uruñe kude öngöma. 16 Nupnöñ anda malmawanöñ mönö mewöyök malukuñi memamgöra lilingöba mirinöñ kude anma. 17 Yei! Ambi gölömbuk aka morö juzunöñ yeñön nalö miangöreñ denöwö ösumñinan anbeak. 18 Miangöra yuai mi kie luhut nalöñe kude asuhumapköra köuluköme. 19 *Nalö miangöreñ kahasililinj keta bölöknji asuhuma. Kahasililinj dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangöreñök könahiba nalö kiangöreñ mala kota nalö sutñe kun qahö asuhuyök. Mönöwök qahö asuhuyök aka könanjep nalö kunöñ qahö ahuma. Miangöra mönö köuluköba malme. 20 Kembunöñ wahöjalinj nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötöñini mi mem törima.*

21 Nalö miangöreñ kewö jime, ‘Mötket! Kraistnöñ ki malja.’ aka ‘Eket! Amötqeçe Tonjan endu kinja.’ Kunñan mewö jima ewö, mi mönö kude möt narime. 22 Mi kewögöra: Amötqeçe toni munenji aka kezapqetok ambazip takapulakanji asuhuba angöletot aka aiwesök jemurutñi megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök enjololon mem engimegö esapköba kapan kölgetka janjuñ akepek. Enöñ ölopñanök galömnini memba malgetka mi osibeak. 23 Nöñön yuai pakpak mi kude asuhuiga qeljine lökñanök jibi mötze. Mi mutuk jizalanğöra mi mönö uruñine ala galömnini mem anguba malme. Mewö.

*Suep gölmegö azi ölnjan mönö asuhum tinğitma.**Mat 24.29-31; Luk 21.25-28*

24 **Wahöjalinj mi teköiga nalö miangöreñök wehön jeñan injan köliga köiñnöñ ömuñ kölma. 25 *Senğelau yeñön suepnöhök teköba etme aka suepnöñ uturuköiga miangö öroyuaini mi tatatñini mosöta enjololon aketka sohoma. 26 *Nalö miangöreñ Suep gölmegö azi ölnji yanöñ kousu qakñe kanğori ekñe. Kukösumñi ketanjan saköl-diñdiñambuk aukñe asuhuiga asakmararanji ekñe. 27 Kanğota Suep garataurupñi melaim engiiga yeñön ambazip Anutunöñ nanñangöra möwölöhöm engiyöhi, i gölme göranji likeplikkep, euke emuke miangöreñök kölolohoba enguanğitme. Mewö.*

*Geröp ipkö dopkeu**Mat 24.32-35; Luk 21.29-33*

28 Inini geröp ip eka tandökñi mötmöriba dopkeu ki mötme. Böröñan lök onambuk aiga sinñan yoñgoigetka mi eka möta kewö jimakze, ‘Wehön nalöñan mönö dopdowiza.’ 29 Enöñ mewöñanök aiwesök miangö dop asuhuiga eka möt asariba könanji kewö jime, ‘Jisösnöñ mönö nanñunöñ dopdowiza.’ 30 Nöñön keu ölnji kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma 31 Suep gölmenöñ göröñ qemahotmö, nöñgö Buña keunan mönö qahö ayapköma.’ Mewö.

*Jisös kamawanğö nalöñi mi kunñan qahö mötza.**Mat 24.36-44*

32 **Suep gölmegö azi ölnjan dawinöñ kamawi, miangö wehönñi me aua nalöñi mi kunñan kun qahö mötza. Suepnöñ garata yeñön mi qahö mötze. Anutugö Nahönñan*

* 13:14: Dan 9.27; 11.31; 12.11 * 13:15: Luk 17.31 * 13:19: Dan 12.1; Ind 7.14 * 13:24: Ais 13.10; Eze 32.7; Joel 2.10, 31; 3.15; Ind 6.12 * 13:25: Ais 34.4; Joel 2.10; Ind 6.13 * 13:26: Dan 7.13; Ind 1.7 * 13:32: Mat 24.36

mewöñanök mi qahö mötza. Iwinöñ nanñök mi mötza. ³³ Nalö dawinöñ asuhumawi, mi qahö mötzeangöra enñön mönö alöm memba uruguliguli malme. ³⁴ *Mi dopkeu kiangö dop ahöza: Azi kunöñ mirinji mosöta kantri kungen anök. Anmangöra aka galömurupñi yuai pakpakñangöra jim kutum engiba nangü kinji böröñine ala kukñi engiyök. Kukñi engiba welenqeçeurupñi mohok mohok nup keu engiyök. Engiba mala nangü galömñi mewöyök uruguliguli malmapköra jim kutum wangiyök. ³⁵ Miri tonjan dawinöñ lilingöba kamawi, mi qahö mötze. Mare me sunjem ömbibine kama me? Wangaran suruiga kama me? Wehön gianjiiga kama me? Miangö dop inini mi qahö mötzeangöra mönö uruguliguli malme. ³⁶ Könöpuk wölan kaiga enñön gaun ahögetka mewö miwikñaim engibapuk. ³⁷ Inini mönö uruguliguli malme. Keu mi gwarekurupñi engöra jizali, mi mewöyök alaurupñi körek pakpak engögöra jizal: Inini mönö urugwölögwölö malme.” Mewö.

14

Jisös qein kömumapkö angöñan alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistñi qahö miangö kendonñi töriyohot. Wehön yahöt teköiga miangöreñ könahibitkö ahotka jike nup galöm aka Köna keugö böhi yeñön tokoget. Tokoba denöwö möndöñninga Jisös ölöñ memba qeget kömumbawak, miangö könani jaruba kewötket. ² Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösongai kendon nalöñe akingö osibin.” Mewö jiget.

Ambi kunñan Jisös o umköhökambukñöñ miriyök.

Mat 26.6-13; Jon 12.1-8

³ *Jisösnöñ Betani mirinöñ mala Saimon kun uzikukunji mem solaniyöhi, yangö mire öngöba tarök. Miangöreñ nene nempa tariga ambi kunñan köt kirin kun memba yangöreñ kayök. Kirin mi nöluk tuat-tuat qetñi alabastö mianñön memenja. Mia o umköhökambuk ölni qetñi nad mianñön kokolak qeba tarök. Yanñön mi bohonñi ketanjan memba kaba nöluk jölñi kutuba onji Jisösgö nöropñe mimbiliba miriyök. ⁴ Miriiga azi tatkeri, yengöreñök tosatñan urubölö aka nanñinök kewö eraum mötket, “Nad o mi mönö wuanöñgöra mewö ayuhuzawi? ⁵ Nad o kelökñambuk mi bohonñi memegöra albawak ewö, ölop silim 300:kö töwanji (Kina 1500,-) ongita yöhötibawak. Mi ambazip wanapñi engiiga dop kölbawak.” Mewö jiba ambi mi jim wangiget.

⁶ Jim wangigetka Jisösnöñ kewö jii mötket, “Ambi ki kude jim wangime. Wuanöñgöra urunji mem bölize? Yanñön silik ölopñi ak soroköm ningiiga dop kölja. ⁷ *Ambazip wanapñi mi nalöñi nalöñi sutñine malgetka ölopñi ak engibingö möta mi ölop nalö dop akñemö, nöñön engö sutñine nalö dop qahö malmam. ⁸ Yanñön mi nanñi akakmemenjangö dop ak ningiza. Nöñön kömumbi löm köl ningimeangöra ölop qeljine sileni kelökñöñ nömiriza. ⁹ Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangöreñ ambi kianñön yuai ak ningizawi, miangö buñanji mohok jiget sehiiga yangöra mötmöriba malme.” Mewö.

Judasñöñ Jisös mamalolo mem wangimangö urumohok ahök.

Mat 26.14-16; Luk 22.3-6

¹⁰ Gwarekurupñi 12 yengöreñök kun qetñi Judas Iskariot yanñön Jisös mamalolo mem wangimangöra aka jike nup galöm yengöreñ anök. ¹¹ Yengöreñ anda keunji jiiga mi möta urunjanan ölöwahiga söngöröñi monen wangibingöra keu jöhöget. Keu jöhögetka Jisös nalö kungen mamalolo mem wangimangö köna möt jaruba köinbingöba malök. Mewö.

* **13:34:** Luk 12.36-38 * **14:1:** Eks 12.1-27 * **14:1:** Kantri qetñi Ijipt miangöreñ Kembugö garatanöñ engehoriiba engongirök, kendon miangö qetñi Nei keunöñ Pasowa. Eksodus 12.15 * **14:3:** Luk 7.37-38 * **14:7:** Dut 15.11

Jisösnöj gwarekyahöttni yahöt kewö jiba melaim etkiyök.

Mat 26.17-25; Luk 22.7-14, 21-23; Jon 13.21-30

¹² Beret yistni qahö mianjö kendon silim mutukne (Seqononöj) pasowa lama kun qeba ohozema. Mianjöra Jisösgö gwarekurupnan jiget, “Böhi, nini miri denikeangörej anda pasowa lama mözözömgöm gihiba nembin? Sihimgi denöwö ahöza?”

¹³ Mewö jigetka gwarekyahöttni yahöt kewö jiba melaim etkiyök, “Injiri Jerusalem sitinöj öngöyohotka azi kun o kumbut kunduta kaiga miwiknajimahot. Miwiknaiba i ölop wuatangöba anmahot. ¹⁴ Anohotka mire öngöiga mianjö tonji kewö jiyohot mötma, ‘Böhinöj kewö jiza: Ölop miri urunji kun ninjinöjga mianjörej öngöba gwarekurupni yembuk pasowa lama nembin.’ ¹⁵ Mewö jiyohotka tonjan möta miri qakne eu öngöba urunji ketanji kun kondel etkima. Mianjörej dum tatat yuai mözözömgöget ahöza. Mi kondel etkiiga mianjörej lama qeba ohomahot.”

¹⁶ Mewö jiiga gwarekyahöttnan mosöta sitinöj öngöba Jisösnöj keu jiyöhi, mianjö dop miwiknaiba kinda lama qeba ohom mözözömgöyohot.

¹⁷ Miri söñauiga Jisösnöj gwarekurupni 12 yembuk miri mianjörej kangetket. ¹⁸ *Kangeta öngöba dumnöj tata nene negetka Jisösnöj kewö jii mötket, “Nöñön keu ölni kun kewö jibi mötket: Engörejök kun nömbuk nene nemba tatzawanön mönö mamalolo mem ningima.”

¹⁹ Mewö jiiga urunjanan wösöbirik aiga könahiba nanjök nanjök qesim wangiba jiget, “Nöngöra jibanbuk?”

²⁰ Qesim wangigetka kewö jii mötket, “12 engörejök kun nömbuk beret kuluñnön kundungözawi, yanön. ²¹ Suep gölmegö azi ölnan mönö yangöra keu ohoget ahözawangö dop gölme mosöta anma. Anmapmö, mamalolo mem wangimawi, yangöra Yei wösöbirik! jizal. Anutunöj mönö likepni öngöngöni melen wangima. Azi mi nam köröuruneyök qahö ahubawak, mianön mönö amqem wangibawak.” Mewö.

Kembubuk semön qöndökni neget.

Mat 26.26-30; Luk 22.14-20; 1 Kor 11.23-25

²² Nene nemba tata Jisösnöj beret memba kötuatköba mindipköba engiba kewö jiyök, “Ki nani busuni. Ki memba neget.”

²³ Mewö jiba wain qambi memba saiwap jiba engiiga köreknan qambi kianjörejök neget. ²⁴ *Negetka kewö jii mötket, “Ki nani sepni. Ki Anutunöj ambazip yembuk jöhöjöhö arej aiga köhöimapköra sepni mokoget geiga ambazip gwötpuk amöt qem engima. ²⁵ Nöñön keu ölni kun kewö jibi mötket: Nöñön wain kösögö ölni kianjörej kunbuk toroqeba qahö nemam. Könanjep Anutugö bemtohoj uruje eu taringa közölömbuan almawi, wehön mianjörej mönö wain o qainni kun mia nemam.”

²⁶ Mewö jiiga sösongai linet köla mosöta anda Oil ip kunduje öngöget. Mewö.

Pitönöj Jisös qan kölmapkö jii mörök.

Mat 26.31-35; Luk 22.31-34; Jon 13.36-38

²⁷ *Öngöba Jisösnöj kewö jii mötket, “Kezapqetok azi kunöj keu kun kewö ohoi ahöza, ‘Nöñön galömñini qebiga lama kambunan denme.’

Mianjö dop enön körek urunini bölliga nömosöta buratime.

²⁸ *Buratigetka nunqumemö, nöñön mönö kömupnöhök wahöta mutuk Galili prowinsnöj anda mianjörej asuhum engimam.”

²⁹ Mewö jiiga Pitönöj kewö jii mörök, “Yeñön körek urunini bölliga gömosöta buratime ewö, nöñön mönö töndup mewö qahö akñam.”

³⁰ Jiiga Jisösnöj jii mörök, “Nöñön keu ölni kun kewö jibi mötnöj: Kuruknöj indimni yahöt qahö qeriga göñön merak sunqem qan köl ninjinöjga indimni karöbut akña.”

³¹ Mewö jiyökmö, Pitönöŋ kapan köla köhöiköhöi ahök, “Böhi! Mewö qahöpmö, ni nunjugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pampak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³² Mewö eraum möta anda arö kun qetŋi Gezemane miangöreŋ aŋgotket. Aŋgota gwarekurupŋi kewö jii mötket, “Nöŋön endu anda köuluköbiga iŋini ölop nalö sutŋe ki tatme.” ³³ Mewö jiba Pitö, Jeims aka Jon enŋuaŋgita anget. Angetka Jisösnöŋ könahiba könjiliŋ kanjamŋambuk möriga köna böröŋi qeköyök. ³⁴ Mewö aka kewö jii mötket, “Nöŋgö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Iŋini ölop kiangöreŋ tata nömbuk guli malbin.”

³⁵ Mewö jiba nanŋök boromkun toroqeba anda simin köla sipköba sihimbölä nalöŋi mi Iwiŋaŋgö jitŋaŋgö dop oŋgitmapköra köuluköyök. ³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölogö qambiŋi ki mönö noaŋgitman. Noaŋgitpanak, mi nöŋgö sihimgö dop qahöpmö, mönö nangi jitkahö dop asuhuma.”

³⁷ Mewö jiba liliŋgöiga gwarekurupŋi karöbut yeŋön gaun ahöget eŋgeka Pitögö kewö jii mörök, “Saimon, gi gaun ahözan me? Gi aua mohot-töp guli malmamgö kude köhöizan me? ³⁸ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et eŋgubapüköra mönö köuluköba guliguli malme.”

³⁹ Mewö jii möriga kunbuk eŋgömosöta anda keu miyöhök kunbuk jiba köuluköyök. ⁴⁰ Köuluköba liliŋgöiga jeŋini böŋböŋ meyöhaŋgöra kunbuk gaunök ahöget eŋgehök. Gaunöhök wahöta keu melenbingö janjuŋ aket.

⁴¹ Jisösnöŋ ani indimŋi karöbut aiga liliŋgöba kaba kewö jii mötket, “Iŋini toroqeba luhut memba gaunök ahöbingö mötze me? Mötket! Kunöŋ Suep gölmegö azi ölni mamalolo mem waŋgiiga bölöŋi meme yeŋgö böröŋine öŋgöma. Miangö aua nalöŋan lök kam kuŋguza. Eŋgö gaun ahöahö nalöŋinan mönö teköza. ⁴² Mönö wahötketka anin. Mötket! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöŋ mewö jiba kiniga miangöreŋök gwarekurupŋi 12 yeŋgöreŋök kun qetŋi Judas yaŋön kambu kun jitŋe mem eŋgiiga kaŋgotket. Jike nup galöm, Köna keugö böhi aka kantrigö jitŋememe yeŋön i melaim eŋgigetka bimgö sou ketanŋi aka liŋgipŋini memba kaget. ⁴⁴ Mamalolo memamgö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötüm nemami, i eka ‘Möno mi!’ jiba memba jöhöba törörök galöm köla anme.”

⁴⁵ Mewö jiba kaba miangöreŋök Jisösgöreŋ aŋgota “O Böhini!” jiba numbuŋi yöhötüm neyök. ⁴⁶ Yöhötüm neiga eka Jisös qelanjiba memba jöhöget. ⁴⁷ Jöhögetka kösutŋe kingeri, yeŋgöreŋök kunŋan bimgö sou ketanŋi öröba jike nup galöm bohonŋaŋgö welenqeqeŋi qeba kezapŋi köteköi erök. ⁴⁸ Jisös jöhögetka keu kewö jii mötket, “Ni kegwek-kahasiliŋ azia qahöpmö, töndup nöŋgöra mewö möta bimgö sou ketanŋi aka liŋgip memba nömemba jöhöbingöra kaŋgotze. ⁴⁹ *Nöŋön wehön dop jöwöwöl jikenöŋ embuk kinda Buŋa keu kusum eŋgiba malbiga qahö nömigetmö, yuai ki mönö Buŋa Kimbigö keuŋan ölnambuk akŋapköra asuhuza. ⁵⁰ Jisös jöhögetka gwarek yeŋön körek Jisös mosöta buratiba unjurata anget. Mewö.

Sepguli kunöŋ unjurata anök.

⁵¹ Azi gwabö kunöŋ bindoŋi tuatŋanök köpeiba Jisösgö andöŋe wuatangöba anök. Oponŋi tosatŋi qahö löŋgöta aniga i esapköba meget. ⁵² Membaliŋgö osiba bindoŋi qekögetka aukŋamŋe unjurata anök. Mewö.

* 14:49: Luk 19.47; 21.37

Jikegö jitnememe yeñon Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba wañgita jike nup galöm bohonnañgö mire anget. Angetka jike nup galöm pakpak, kantrigö jitnememe aka Köna keugö böhi yeñon miangörej anda tokoget.

⁵⁴ Angetka Pitönöñ sikepsikep enjuatangöba jike nup galöm bohonnañgö mire angota jakömbuak mirigö kiripo uruñe öngöyök. Öngöba welenqeçe azi yeñgö sutñine tata könöp kösutñe jömörök. ⁵⁵ Mewö tarökmö, jike nup galöm aka jike kaunsöl kambu yeñon Jisösgö silenöñ alal keu denöwö nañgöinga qeget kömumapkö jim jarugetmö, könañi kun qahö miwikñaiget. ⁵⁶ Jaruba kinda gwötpukñan keu munenji silenje ala nañgöba jigetmö, keuñinan könañi mohok qahö ahök.

⁵⁷ Mewö aiga tosatñan wahöta kinda keu munenji silenje ala nañgöba kewö jiget, ⁵⁸ * “Yañon kewö jiiga mörin, ‘Nöñon jöwöwöl jike börönöñ memenji ki köndenbiga gölmenöñ eriga wehön karöbutkö uruñe jike qainñi kun börönöñ memenji qahö mi mem wahöta kuñgumam.’ ” ⁵⁹ Mewö jigetmö, töndup keuñinan könañi mohok qahö ahök.

⁶⁰ Mewö aiga jike nup galöm bohonnañ wahöta mesohol köl enjiba kinda Jisös qesim wañgiba kewö jiyök, “Yeñon göhö silege keu ala nañgözei, miangö likepñi kun jiman me qahö?”

⁶¹ Qesim wañgiiga yuai bölöñi kun qahö ahökmö, töndup likepñi kun qahö melenja keuñi böc kinök. Keuñi böc kiniga jike nup galöm bohonnañ kunbuk kewö qesim wañgiyök, “Anutu möpöseim wañgimakzini, gi yañgö Nahönñi Kraist akzan me qahö?”

⁶² * Qesim wañgiiga “On!” jiba kewö jii mötket, “Suep gölmegö azi ölnan mönö kukösum Tonangö böröñi ölnje tata suepkö kousu qakñe eri ekñe.”

⁶³ Keu mi jiiga jike nup galöm bohonnañ malukuñi munjurata kewö jiyök, “Yei, iwinangö jitñi! Tosatñan keuñi nañgömegöra kunbuk qahö qesim enjibin. ⁶⁴ * Anutu mepaiközawi, mi mönö nanñinak möt teköze. Miangöra denöwö mötmörize?” Mewö qesim enjiiga yeñon körek Jisös kömupkö buñaya akñapköra jim teköget.

⁶⁵ Mewö jim teköba tosatñan könahiba söutkölap miriba jemesoholñi esuhuba böröninan misiba qeba kewö jiget mörök, “Dañon guhuzawi, mi ölop jinöñ mörin.” Jikegö kiripo galöm (sikiriti) yeñon mewöyök Jisös memba nuñgulumñe qekötahöget. Mewö.

Pitönöñ Jisös qañ kölök.

Mat 26.69-75; Luk 22.56-62; Jon 18.15-18, 25-27

⁶⁶ Nalö miangörej Pitönöñ kiripo uruñe sombemnöñ malök. Emu maliga jike nup galöm bohonnañgö welenqeçe ambiñi kunñan miangörej kañgorök. ⁶⁷ Kañgota Pitönöñ könöp kösutñe jömöri ehiba kewö jiyök, “Gi mewöyök Nazaret azi Jisös miambuk malnöñ.”

⁶⁸ Mewö jiyökmö, Pitönöñ qañ köla kewö jiyök, “Keu jizani, mi qahö möta köndatzal.” Mewö jiba kiripo nañgunje geiga kinda kuruk qerök.

⁶⁹ Nañgunöñ geiga welenqeçe ambi kunñan i miangörej kunbuk eka azi kösutñe kingeri, i könahiba kewö jii mötket, “Azi kianañon mönö yeñgöreñök kun akza.”

⁷⁰ Mewö jii mötketmö, yañon kunbuk qañ kölök. Qañ köliga nalö borom kun teköiga azi kösutñe kingeri, yeñon kunbuk Pitögöra kewö jiget, “Göñon Galili azia kun akzanañgöra mönö alakña, yeñgöreñöhök kun akzan.”

⁷¹ Mi möta könahiba nanñi qesuahöm anguba jöjopañ keunöñ jim köhöiba jiyök, “Azi keuñi jizei, mi qahö möt wañgizal. Munenji jibilenjak ewö, Anutunöñ mönö likepñi melenji niñgima.”

⁷² Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewö jii möröhi, Pitönöñ mi mötmörüyök, “Göñon indimñi karöbut qañ köl niñginöña

* 14:58: Jon 2.19 * 14:62: Dan 7.13 * 14:64: Lew 24.16

kuruknön qeri indimñi yahöt akña.” Keu mi mötmöriba wösöñi julmamgö aiga sahöt bölüyök. Mewö.

15

Jisösnön premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

¹ Miri gianjiiga amandinje jike nup galöm, kantrigö jitñememe (70), aka Köna keugö böhi aka jike kaunsöl pakpak yeñon kot öngöngöñi miangö totoko ala Jisösgö keu jim teköget. Jim tekögetka Jisös jöhöba wangita premiö Pailötkö böröñe alget. ² Rom premiö yañon Jisös kewö qesim wangiyök, “Ölña, gi Juda yeñgö kiña akzan me qahö?” Qesim wangjiiga Jisösnön melenja jii mörök, “Mönö nangak jizani, mewö.”

³ Jike nup galöm yeñon keu gwötpuk Jisösgö silene ala jiget. ⁴ Jigetka Pailötnön Jisös kunbuk qesim wangiba jiyök, “Mötnön! Yeñon keu gwötpuk göhö silege ala jizei, göñon miangö likepñi kun jiman me qahö?”

⁵ Mewö jiyökmö, Jisösnön bölöñi kun qahö ahökmö, töndup keu kitipñi kunbuk qahö melenök. Keu bök kiniga premiönön welipköyök. Mewö.

Pailötnön Jisös kömumapkö jim teköyök.

Mat 27.15-26; Luk 23.13-25; Jon 18.39–19.16

⁶ Yambu (yara) dop pasowa sösöngai nalöñe premiönön kösö mireyök azi kun qetñi qeta qesigeri, mi pösat engizapma. ⁷ Nalö miangören azi kun qetñi Barabas qetkeri, yañon kösö mire tarök. Yañon kegwek-kahasiliñ azi tosatñi yembuk karim gila azi kun qeget kömuyöhi, miangöra kösö mire al engiget. ⁸ Mewö aiga könagesö yeñon premiögö miri sombemñe eu öngöba kinda könahiba akñalöhangö dop akñapkö qesim wangiget. ⁹ Qesim wangigetka melenja kewö jii mötket, “Nöñon Juda engören kiñ pösatpi etmapkö mötze me?” ¹⁰ Jike nup galöm yeñon Jisösgöra körögisigisi mötkerangöra aka i premiögö böröñe al wangiget. Mi möta sihimñinanjö mewö qesim engiyök.

¹¹ Qesim engjiiga jike nup galöm yeñon ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wangime.” ¹² Mewö jigetka kunbuk melenja qesim engiyök, “Mewö jizeangöra Juda engören kiñ qetñi mewö qerakzei, nöñon mönö i denöwö ak wangibileñak?”

¹³ Mewö qesim engjiiga kunbuk qetket, “Mönö maripomnön qeget jiman!”

¹⁴ Mewö qetketka Pailötnön kewö jii mötket, “Mi wuanöngöra? Yañon mönö wani bölöña ahök?” Mewö jiyökmö, yeñon mi möta kapan köla toroqeba qet gigilahöba kewö qetket, “Mönö maripomnön qeget jiman!”

¹⁵ Mewö qetketka Pailötnön ambazip kambu sihimñinanjö dop akñamgö möta Barabas pösat engii erökmö, Jisösyia jiiga ihilek wahinambuknön qeyöyaköba qeget. Mewö qegetka maripomnön qemegöra Rom yarö azi yeñgö böröñine alök. Mewö.

Jisös kukulömbuar ak wangiget.

Mat 27.27-31; Jon 19.2-3

¹⁶ Yarö azi yeñon Jisös wangita premiögö jakömbuak mirigö kiripo urune angotket. Angota yarö kambu lökñanök öröm engigetka miangören kaget. ¹⁷ Kaba maluku pisikñi gugakgugak mi Jisösgö silene löngöt wangiba sötmän kösö limbiñda ila ewö nöropñe kölget geyök. ¹⁸ Mewö geiga könahiba waikñi memba jölöñi jiget, “Owe owe, Juda yeñgören kiñ, owe!” ¹⁹ Titipepe mewö aka jigetka jehotnön nöropñe qeba söutkölap qeba simin köl wangiba sipköba möpöqöpösei munenji mem wangiget. ²⁰ Mepaqepaik mewö ak wangim teköba maluku pisikñi gugakgugak mi qeköba nanñe sile esu löngöt wangiba maripomnön qebingöra wangita anget. Mewö.

*Jisös maripomnöḡ qeget.**Mat 27.32-44; Luk 23.26-43; Jon 19.17-27*

21 *Anda köna namḡe azi kun qetḡi Saimon miwikḡaiget. Yanḡön Afrika siti qetḡi Sairini mianḡö aziḡa aka Aleksander aka Rufus yetkö iwiḡira. Yanḡön nupnöḡök kaḡgoriga kuḡgum waḡgigetka Jisösgö maripomḡi memba aḡguyök. 22 Jisös mewö waḡgita gölme kun qetḡi Golgota mi nanine keunöḡ nöröp sihit, mianḡöreḡ anda aḡgotket. 23 Aḡgota wain o aka marasin qetḡi mör mi mindiriba loloḡqaloḡ memba waḡgigetmö, Jisösnöḡ mi tököyök. 24 *Tököiga kinda maripomnöḡ qeget. Qeget kiniga kiawen meget qötöḡi ahuiga Jisösgö sile esuḡi mohok mohok sutḡine mianḡö dop mendeḡda meget. 25 Söḡan 9 kilok mianḡöreḡ maripomnöḡ qeget. 26 Maripomnöḡ qeba nöröpḡe eu qegeraḡö könaḡi kewö ohoba qeget, “Juda yeḡö kiḡ kembuḡina ki.” 27 Kegwek-kahasiliḡi azi yahöt mewöyök yambuk maripomnöḡ etkuget. Kun böröḡi öḡḡe kun qaniḡe likeplikep mewö etkuget. 28 *(Anutugöreḡ Buḡa Kimbinöḡ keu kewö ohoget ahöza, “I kewöta kegwek-kahasiliḡi azi ewö mötmöriba yeḡö sutḡine alget.” Keu mianḡön mewö öḡḡambuk ahök.)

29 *Ambazip oḡgita anda kaba kukulömbuaḡ aka jelikit aka nöröp köla kewö jiget, “Yei! Gi mönö jöwöwöl jike öḡḡ kōndeḡnöḡga gölmenöḡ eriga wehön karöbutkö uruḡe kunbuk mem wahöt kuḡgumamḡö jinöḡ. O, gi azi qetpuk! 30 Mönö nangi bauköm aḡguba maripomnöḡök etman.”

31 Jike nup galöm aka Köna keugö böhi yeḡön mewöyök sutḡine mepaqepaik ak waḡgiba jiget, “Tosatḡa bauköm eḡgiba malökmö, nanḡi bauköm aḡgumamḡö osiza. 32 Yanḡön Amötqeqe Toḡi Kraist aka Israelgö kiḡ akza ewö, mönö döḡki maripomnöḡök eri eka mi möt naribinak.” Mewö jiget.

Azi yambuk maripomnöḡ etkugeri, yetkön mewöyök uruqeqe keu töhöreḡ jim waḡgiyohot. Mewö.

*Jisösnöḡ kömuyök.**Mat 27.45-56; Luk 23.44-49; Jon 19.28-30*

33 Silim bibiḡi 12 kilok aiga mianḡöreḡ sḡḡaupnöḡ eta gölme pakpak dop köla ahöiga anda aua karöbutkö dop ahök. 34 *Jisösnöḡ 3 kilok mianḡöreḡ nanḡe keunöḡ kewö qet ketanḡi qerök, “Eloi, eloi, lama sabaktani?” Mi nanine keunöḡ: Anutuni, Anutuni mönö wuanöḡgöra andö nuḡguzan?

35 Mewö qeriga azi kösutḡe kingeri, yeḡöreḡök tosatḡan mi möta jiget, “Mötket! Mönö Elaiḡagöra qetza.” 36 *Yeḡöreḡök kunöḡ ösumḡan anda mömöndö kun kahali tandök mi memba wain o asöḡḡambuknöḡ kundumgöba ip göröm kitipḡe jöhöba suruba Jisös numbu susuḡe eu ali neiga jiyök, “Möno mosötketka nanḡök kinök. Elaiḡanöḡ kaba meköi etma me qahöpto, mönö mi ekin.”

37 Mewö aketka Jisösnöḡ qet ketanḡi qeta wösöḡi nöḡ qeiga kömuyök.

38 *Kömuiga mianḡöreḡök jöwöwöl jikegö uruḡe opo kinöhi, mianḡön mönö euyök bibiḡe jurata eta yahöt ahök. 39 Suahö galömnöḡ maripom mesohol köla kinda Jisösnöḡ wösöḡi nöḡ qeiga kömuyöhi, mi eka kewö jiyök, “Azi kianḡön mönö öḡḡa Anutugö nahönḡa akza.”

40 *Ambi tosatḡan mewöyök sikep kinda yuai mi eket. Yeḡö sutḡine Magdalagö Maria aka Maria Jeims dubatḡi aka Joses yetkö namḡiri aka Salome yeḡön mohotḡe kinget. 41 Yeḡön Jisösnöḡ Galili prowinsnöḡ maliga mianḡöreḡ i wuatḡḡöba welen qem waḡgiba malget. Mewöyök ambi tosatḡi gwötpuk Jisösbuk Jerusalem sitinöḡ öḡḡöba kageri, yeḡön mewöḡanök kösutḡe kinget. Mewö.

* 15:21: Rom 16.13 * 15:24: Sum 22.18 * 15:28: Ais 53.12 * 15:29: Sum 22.7; 109.25; Mak 14.58; Jon 2.19
* 15:34: Sum 22.1 * 15:36: Sum 69.21 * 15:38: Eks 26.31-33 * 15:40: Luk 8.2-3

Jisösgö qamötñi löm kölget.

Mat 27.57-61; Luk 23.50-56; Jon 19.38-42

⁴² Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³ Neñgogie miangören Arimatia toni, azi qetbuñañambuk qetñi Josef yañon kayök. Yañon mewöyök Anutu bemtohoñangö ölni asuhumapköra mamböta malök. Yañon Juda yeñgö jike kaunsöl kambugö jitñememe kun aka Sabat kendonöñ könahimangö ahörañgöra aka keñgötñi yaköriba Pailötkören anda Jisösgö qamötñi memangö qesiyök. ⁴⁴ Qesiiga “Ölña kömuza me qahöpto?” jiba mötmöriba suahö galömñi jii kaiga “Jisösnöñ nalö köröpñi me töröpñi kömuza,” jiba qesim wañgiyök. ⁴⁵ Qesim wañgiiga buzup keuñi möta Jisösgö qamötñi Josef jim teköm wañgiyök. ⁴⁶ Jim teköm wañgiiga opo tuatñi söñgöroni memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ uroro-hogetka dum ahöyöhi, miangören alök. Ala köt kötañi kun metaliga köteñ numbuñi közipköyök. ⁴⁷ Denike alöhi, mi Magdalagö Maria aka Maria Josesgö namñi yetkön kinda ehot. Mewö.

16

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangören Magdalagö Maria, Maria Jeimsgö namñi aka Salome yeñon “Jisösgö qamötñi anda miribin.” jiba jiniñ jimoronöñ umköhöwakñambuk söñgöroni meget. ² Memba ahöba Sonda söñanök wahöta miri gianji wehön jilinjölañ kori qaksirinöñ anget. ³ Anda eraum möta jiget, “Qaksirigö numbuñe köt ketañi tatzawi, mi mönö dañon qetalma?” ⁴ Mewö jiba ugetka ani kewö eket: Köt keta bölökñi mi lök qetalget anda ahöyök. ⁵ Qaksirigö köt köteñ numbuñi mewö añañiba kiniga uruñe öngöget. Öngögetka ölnine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶ Awöwöligetmö, kewö jii mötket, “Mönö keñgötñini kude mötme. Inini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangören suluget ahöyök. ⁷ *Miangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljine mutuk Galili prowinsnöñ anma. Inini mewöyök miangören anda keuñi jiyöhañgö dop i ekñe.’”

⁸ Mewö jiiga auruba jönömñini unduiga köt köteñök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

Jisösnöñ Magdalagö Mariagören asuhuyök.

Mat 28.9-10; Jon 20.11-18

⁹ Jisösnöñ Magdalagö Maria yañgö uruñeyök öme 7 enguatangöiga malök. Jisösnöñ kömupnöñök wahöta Sonda söñan amandiqnöñ mutuk Maria mi asuhum wañgiyök. ¹⁰ Asuhum wañgiiga alaurupñan Jisösbuk mala kota nalö miangören jingey köla sahötkeri, Marianöñ mönö yeñgören anda buzupñi jii mötket. ¹¹ Mötketmö, Jisösnöñ guliba mali Marianöñ ehöhi, mi qahö möt nariget. Mewö.

Jisösnöñ alayahötñi yetkören asuhuyök.

Luk 24.13-35

¹² Miangö andöñe alayahötñan Jerusalem siti mosöta miri kunöñ anbitköra könanöñ anohotka Jisösnöñ kaisongolomñan melenñiga asuhum etkiyök. ¹³ Yetkön mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

* 16:7: Mat 26.32; Mak 14.28

Jisösnöŋ gwarekurupŋi asuhum enġiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könaŋgep gwarekurupŋi 11 mienön tokoba nene namba tatketka yeŋgöra mewöyök asuhuyök. Asuhuba uruköhöikŋinaŋgöra tembula kömupnöhök wahöriga ekeranön buzupŋi jiget möta mi qahö möt narigeri, miaŋgöra i jim enġiyök. ¹⁵ *Jisösnöŋ kewö jii mötket, “Injini mönö kantri dop anda gölmeŋi gölmeŋi liliköba ambazip mal anjeaŋgö dop Ölöwak Buŋani jim asarigetka mötme. ¹⁶ Kunŋan Anutu möt nariiga o melun mem waŋgigetka uruŋi melenmawi, yaŋön mönö letota Suepkö buŋaya akŋa. Kunŋan qahö möt nariba yaŋgiseŋ malmawi, Anutunöŋ mönö yaŋgö keuŋi jim teköiga könöp siagö buŋaya akŋa. ¹⁷ Möt narim niŋgiba malmei, mi aiwesök mem enġibiga könaŋamŋini kewö asuhuma: Yeŋön nöŋgö qetne ömewöröme enġuatangöme. Kantri tosatŋi yeŋgö keuŋini jime. ¹⁸ Mokoleŋ böröŋinan memba wahötme. Möröm warabe o yuai negetka miaŋön mönö qahö mem bölim enġima. Böröŋini kawöl ambazip qakŋine algetka ölöwakŋe.” Mewö.

Jisösnöŋ Suep mire öŋgöyök.

Luk 24.50-53; Apo 1.9-11

¹⁹ *Kembu Jisösnöŋ keuŋi mewö jii mötketka Anutunöŋ waŋgiriga Suepnöŋ öŋgöba Anutugö böröŋi ölŋe tata malja. ²⁰ Eu maljapmö, gwarekurupŋan mosöta miri gölme dop anda Buŋa keuŋi jim sehiba malget. Mewö malgetka Kembunöŋ yembuk nup memba inahöm enġiiga aŋgöletot asuhugetka keuŋinan köhöiyök. Mewö.

* 16:15: Apo 1.8 * 16:19: Apo 1.9-11

Luk Ölöwak Buña Luknöŋ ohoyök. Jim-asa-asari

Urumelen yeŋön miti dölökŋi qahö memba kazei, dokta Luknöŋ mi azi öngöŋgöŋi Tiofilusgöra kondelmamgöra aka Ölöwak Buña ki ohoyök. Luk yaŋön Jisösgö gwarekŋi 12 yeŋgöreŋök kun qahöpmö, Grik azia aka kawöl ambazip mem ölöwak nupnöŋ malök. Luknöŋ Jisösgö könaŋi yahöt kewö kondel nenŋiza: 1) Anutunöŋ Amötqeqe Tonŋi melaimamgö keu jöhöiga Israel yeŋgöra asuhuyök, 2) Yaŋön mönö kantriŋi kantriŋi mem ölöwak nenŋimamgöra kayök. Kembangö Uŋaŋan Jisös oholiga “ambazip etqeqeŋi yeŋgöra Ölöwak Buña” jim asariyök. Ambazip yuai könaŋi könaŋi miangöra osigeri, Jisösnöŋ yeŋgöra waimanŋat möta bauköm enŋiba malök. Luknöŋ kösohot mewöŋi sehisehiŋi areŋgöba ohom teköyök. Luknöŋ sösoŋgaigö kösohotŋi gwötpuk ohoyök. Jisösnöŋ mutuk gölmenöŋ erök aka teteköŋe miangöreŋ gölme mosöta Suepnöŋ öngöyök. Miangöra sösoŋgai sehisehiŋi mi boŋ 1-2 aka boŋ 24 miangöreŋ ahöza. Jisösnöŋ Suepnöŋ öngöiga Buña nup mem sehigetka mötnariŋ kambunöŋ qariba qariba anök. Luknöŋ miangö kösohotŋi mi buk qetŋi “Aposol nup meme” miangöreŋ ahöi ahöza.

Luknöŋ Ölöwak Buña ohoyöhi, miangö keu bohonŋi mi kewö dop köla ali ahöza: Köuluk nup megetka ölni asuhuyök, Uŋa Töröŋan ambazip sölölohöm enŋii malget, Ambi yeŋön Jisösbuk nup gwötpuk nanŋöba meget, Anutunöŋ siŋgisöndokŋini mosöta malök.

Buk kiangö bahöŋi bohonŋi 8 mi kewö:

Buk kiangö könaŋi Luknöŋ ohoyök boŋ 1.1-4

Jon O-melun azi aka Jisös asuhiba qariyohot 1.5–2.52

Jon O-melun azinöŋ Anutugö nup meyök 3.11-20

Jisös o melun mem waŋgiiga esapesap miwikŋaiyök 3.21–4.13

Jisösnöŋ qenjarök nupŋi Galili prowinsnöŋ meyök 4.14–9.50

Galili mosöta köna anda Jerusalem aŋgorök 9.51–19.27

Jerusalem aŋgota sonda qöndökŋi malök 19.28–23.56

Wahöta asuhum enŋiba Suepnöŋ öngöyök 24.1-53

Matyu Mak Jon yeŋön kösohot tosatŋi qahö ohogeri, mi Luknöŋ nanŋök ohoi bahöŋi 2 aka 6 miangöreŋ ahöza. Kösohot tosatŋi mi kewö: Garata yeŋön liŋet kölget, Lama galöm yeŋön Jisös asuhiiga kaba eket, Jisösnöŋ moröröpŋe jöwöwöl jikenöŋ öngöyök, Samaria azinöŋ gurusep azi ak kömum waŋgiyök aka nanŋi imbi-imbi azinöŋ siŋgisöndokŋi geba sohoyöhi, miangö dopkeu.

Luknöŋ kimbi Tiofilusgö ohoyök.

¹ Kezapqetok ambazipnöŋ Amötqeqe Tonŋi ahumapkö keu jigetka miangö ölni sutnine asuhuyöhi, ambazip gwötpukŋan miangö kösohotŋi könahiba ohoget. ² Yuai ölni mi sutnine asuhiiga tosatŋan mi könakönahineyök könahiba kota nanŋine jeŋinan eka möt yakögeri, yeŋön miangö dop miangö buzupŋi toroqeba jim sehigetka kezapnine geba nanine buŋaya ahök. Ambazip mewöŋi yeŋön Buña mi könahiba papianöŋ ohoba areŋgöget ahöza.

³ Nöŋön mewöyök yuai pakpak asuhiba koröhi, mi törörök qesim enŋibi könaŋeyök könahiba jigetka möt kutuzal. O Tiofilus nöŋön göhöra mötŋi öngöŋgöŋi akzan. Nöŋön göbuk keu eraum mötŋi kömöti ölöwahiga Jisösgö kösohotŋi mi köreŋanök areŋgöba ohozal. ⁴ Buña keu ölni kusum gihigetka mötzani, göŋön miangö könaŋi oyoŋda köreŋanök möt kömuman. Mewö.

Jon asuhumapkö keuji Geibrielnöj jiyök.

⁵*Judia prowinsgö kin qetnji Herod yangö nalöne azi kun qetnji Zekaraia malök. Yanön jike nup galöm mala Abaiagö nup arenönöj kinök. Anömni qetnji Elisabet yanön mewöyök jike nup galöm Arongö gwölönarökni kun ahök. ⁶Yekjön Anutugö jeje malmal diñdini mala Kembangö jöjöpän keu aka jimkutukutuñi pakpak törörök wuatangöba köpösihitkö keujiri qahö malohot. ⁷Malohotmö, Elisabetnön köpingöra gwölönarökñiri qahö mala ambazip namñi ahot.

⁸Nalö kunöj Abaiagö nup areñ nalöñan kaiga Zekaraianöj jike nup galöm nup memapköra Anutugö jemesoholne kanğorök. ⁹Kanğoriga jike nup galöm yeñön aiakanjini wuatangöba sutñine nup mendenđa Zekaraia mekögetka Kembangö altanöj öngöba jiniñ wörönñambuk ohoyök. ¹⁰Jiniñ wanafu ohoho nalöñan kam kuñguiga yanön yuai wörönñambuk mi ohoiga ambazip kambu pakpak yeñön jöwöwöl jike yaigepne mamböta Anutu köuluköba malget.

¹¹Jiniñ ohoiga wörönñan pukpuköba miri uruñi dop köluga miangörej Kembangö garata kunöj altanöj eu asuhum wanğiba böröñi öljne göröken kinök. ¹²Kiniga Zekaraianöj eka auruba kenğötñi mörök. ¹³Kenğötñi mörökmö, garatanöj kewö jii mörök, “Zekaraia, gi kenğötki kude mötnöj. Anutunöj köulukiki lök mötza. Mianğöra anömngan gölöm ala morö nahöna mema. Mi meiga göñön qetnji Jon qetman.

¹⁴Nahönñi asuhuiga urugan yangöra ölöwahiga söngainönga ambazip gwötpukñan sösongai akne. ¹⁵*I nam körö uruñe tariga Uña Töröñan miangörejök könahiba uruñi kokolak qeiga qariba wain me o köhöikni mi qahö nemba Kembangö qöhöröje azi öngöngöñi aka malma.

¹⁶Mewö mala Israel ambazip gwötpuk urumelen enjiiga Kembangöni Anutugörej lilingöme. ¹⁷*Anutugö Uñan kezapqetok azi Elaija inahöiga kukösum qakne nup meyöhi, yanön mönö miangö dop mutuk qeljiñe aniga Kembangö andöñe kama. Yanön anda könagesö uru kuñgum enjiiga Kembangö kamapköra jöjöröba kinme. Iwi aka nahönbörat jula dengetka uru kuñgum enjiiga kunbuk mindirim anğume aka qegetal ambazip mi diñdini yeñgö mötmöt arenönöj anğotme.”

¹⁸Suep garatanöj mewö jiiga Zekaraianöj jiyök, “Anömni netkön ambazip namñi akzirangöra keugan mönö dewöwö öljambuk akawak?”

¹⁹*Mewö jiiga melenök, “Ni Geibriel. Nöñön Anutugö mesoholne kinbi melaim niñgii buzup ölöpñi ki memba kaba jibi mötzan. ²⁰Nöngörej keu jit öljambuk asuhumawi, göñön mi jibi qahö möt narizanağöra keugan mönö qahöwahiga mötök malman. Mewö malnönga buzup keu kianğö öljni asuhumapkö nalöñan kam kuñguiga miangörej nesilamgan lolohoi keu kunbuk jiman.”

²¹Nalö sutñe miangörej ambazipnön mamböt mala Zekaraianöj jöwöwöl jikenöj nalö köröp tiñtiñi kinöhanğöra mötkurumkurum aket. ²²Mewö aka tatketka yaigep eta keu jimangö osiiga möt asariba kewö jiget, “Yanön jöwöwöl jikenöj kinda jeñi meleni Suepnöhök imut kun ekza.” Mewö jigetka böröñanök kaisöpsöp al enğiba mötök aka malök.

²³Mewö mala jike nup meme nalöñan teköiga lilingöba miriñe anök. ²⁴Wehön tosatiñi teköiga Elisabetnön gölöm ala köiñ 5 miangö dop mire asamböta kewö jiba tata malök, ²⁵“Moröni qahöpköra ambazipnön memba eta al niñgigetka Kembangö mesohol köl niñgiba miangö lömbötñi memba gila ak kömum niñgiza.” Mewö.

Jisös asuhumapkö keuji Geibrielnöj jiyök.

²⁶Elisabetnön gölöm alöhanğö köiñi 6 aiga Anutunöj garatanj qetnji Geibriel melaiiga Galili prowinsgö miriñi kun qetnji Nazaret miangörej erök. ²⁷*Eta ambi seram jömukñi

* 1:5: 1 Hist 24.10 * 1:15: Jan 6.3 * 1:17: Mal 4.5-6 * 1:19: Dan 8.16; 9.21 * 1:27: Mat 1.18

qetņi Maria yaņgöreņ anök. Yaņön azi qetņi Josef yaņgö ambi buņaya malök. Josefnöņ kiņ Deiwidkö gwölönarökņi kun ahök. ²⁸ Garatanöņ Mariagöreņ anda kewö jiyök, “O Maria, silingi ölöņņi. Kembunöņ kalem möriam gihiba göbuk kinma.”

²⁹ Mewö jiyökmö, Marianöņ jölöņ mianğöra gwötpuk auruba könaņi jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöņ kalem möriam gihiiga yaņgö jeņe dop köljan. Mianğöra keņgötki kude mötnöņ. ³¹ *Mötnöņ, göņön gölöm ala morö nahöna meman. Memba qetņi Jisös qetman. ³² *Jisös yaņön qariba azi qetbuņañambuk aiga qetņi ‘Öņgöņgöņi ketañğö Nahönņi,’ qetketka malma. Mewö mali Kembu Anutunöņ amböņi kiņ Deiwidkö jakömbuak dum waņgiiga salupņe ambazip galöm köl eņgiba malma. ³³ Jeikobkö könagesö yeņgö kiņa aka teteköņi qahö galöm köl eņgiba malma. Bemtohoņi mianğön mönö nalö kunöņ kude qahöwakņa.”

³⁴ Garatanöņ mewö jiiga Marianöņ jii mörök, “Yei! Ni azigö könaņi qahö mötzal. Mianğöra keu jizani, mianğö ölni mönö denöwö asuhuma?”

³⁵ Mewö jii möta meleņnök, “Uņa Töröņan mönö aum köl gihiiga Anutu öņgöņgöņi ketañğö ösumņan dop köla turum gihima. Mianğöra morö memani, yaņön töröņi aiga ambazipnöņ qetņi ‘Anutugö Nahönņi,’ jiba qerakņe. ³⁶ Mötnöņ. Tinigi Elisabet yaņön mewöyök ‘Köpin mala morö memangö osiza,’ jigetmö, töndup ambi namņi aka nalö kewöņe morö nahöngö gölömņambuk aiga köiņi 6 akza. ³⁷ *Anutunöņ yuai kun akņamğö jiba mi qahö qaköba osimakza.”

³⁸ Mewö jiiga Marianöņ jiyök, “Mötnöņ, nöņön Kembugö welenqeçe ambia akzal. Mianğöra keu jizani, mianğö dop ölöp ahum niņgima.” Mewö jiiga Suep garatanöņ mosöta anök. Mewö.

Marianöņ Elisabetköreņ kusuk anda ehök.

³⁹ Marianöņ mi möri nalö köröņņi qahö aiga wahöta zilaņ jöjöröba gölme kundune öņgöba Judia prowinsgö taon kunöņ anök. ⁴⁰ Anda Zekaraiagö mire öņgöba anömnı Elisabet eka söņgaiba jölöņi jiyök. ⁴¹ Jölöņi jiiga mianğöreņök möri morö nahönöņ körö uruņe luhuba öņgöba eri Uņa Töröņan Elisabetkö uruņi kokolak qeyök.

⁴² Kokolak qeiga qet ketani qeta kewö jiyök, “O alani, Anutunöņ kötümötuetņi öņgöņgöņi al gihiiga ambi sutnine malman aka morö memani, i mewöņanök kötuetköm waņgima. ⁴³ Denöwögöra Kembunañğö namņan kaba neiga mewö asuhum niņgiza? ⁴⁴ Mötnöņ, gi jölöņni jinöņga keu jölgi kezapne gei morönöņ urune mewöyök sösoņgai qakņe luhuba öņgöba etza. ⁴⁵ Kembunöņ buzup keuņi jiiga möta mianğö ölni asuhumawi, mi möt narizanaņğöra göhö mötpi simbawoņ akzan.” Mewö.

Marianöņ sösoņgai liņet kölök.

⁴⁶ *Marianöņ keu mi möta kewö jiyök,
“I-ia! Nöņgö urukönömnan mönö önöņi qahö Kembu möpöseiza.

⁴⁷ Nöņgö uņanan Anutu, Amötqeçe Toni yaņğöra söņgaiba köiraņ kölja.

⁴⁸ *Nöņön welenqeçe ambi etqeçeņi maljalmö, Anutunöņ töndup mesohol köla ak kömum niņgiza.

Mötnöņ, ambazip kambuņi kambuņi merak könahiba asuhumei, yeņön mönö nöņğöra ‘Simbawoņ!’ jiba möpöseim niņgiba malme.

⁴⁹ Kukösum Toņan mönö aņgöletot öņgöņgöņi mem niņgii maljal.

Yaņgö qetņi mi Töröņi.

⁵⁰ Ambazip merak gölmenöņ maljei aka könaņgep ahum sehimei, yeņgö sutņine gwöt isik denike yeņön Anutugö jitņi oņgitpinbukö keņgötņini mötmei, yaņgö ak-kömukömuņan mönö yembuk pöndaņ ahöma.

* **1:31:** Mat 1.21 * **1:32:** 2 Sml 7.12, 13, 16; Ais 9.7 * **1:37:** Jen 18.14 * **1:46:** 1 Sml 2.1-10 * **1:48:** 1 Sml 1.11

⁵¹ Anutunöŋ böröŋan aŋgöletot memba mianöŋ kukŋi kondel neŋgiiga ehin.

Ambazip nanŋini miwidimgöba söŋgöroqök malgeri, yaŋön mönö i köndenŋ enŋgiiga sim-bisembel aka malget.

⁵² *Kiŋ kembuŋi kembuŋi jakömbuak dumŋine tata ambazip galöm köŋ enŋgiba malgeri, yaŋön i mianŋörenök qeköba utal enŋgiiga etket. Etketmö, etqeŋeŋi ia mönö mem wahöta al enŋgiyök.

⁵³ Ambazip yuaigö jaŋkötataŋ malgeri, miengö uruŋini mönö yuai ölöŋŋi ölöŋŋi mianöŋ kokolak qeyökmö, ambazip pomŋi mi melaim enŋgiiga böröŋini bōrak öne anget.

⁵⁴⁻⁵⁵ *Yaŋön ambösakonurupnini meköba enŋgömeiga Israel aketka nini toroqeba Anutugö welenqeŋeurupŋi maljin.

Anutunöŋ mönöwök jöjöpäŋ keuŋi kewö jim jöhöm neŋgiyök, ‘Nöŋön Abraham aka yaŋgö gwölönarökurupŋi teteköŋi qahö mal öŋgöba malmei, i ak kömum enŋgiba malmam.’

Mewö jiba keuŋi mi qahö ölum qei mala korök.

Qahöpmö, yaŋön mönö keu jitŋi mi wuatangöba mala merak bauköm neŋgimamgöra kaza.”

Marianöŋ mewö jiyök.

⁵⁶ Marianöŋ köiŋ karöbut mianŋö dop Elisabetpuk mala kunbuk miriŋe lilingöyök. Mewö.

Jon O-melun azinöŋ asuhuyök.

⁵⁷ Elisabetkö morö meme nalöŋan kam kuŋguiga morö nahöna meyök. ⁵⁸ Morö nahöna meiga miri kösutŋe malgeri aka tinitosolomurupŋi yeŋön Kembunöŋ ak-kömukömu öŋgöŋgöŋi kondel waŋgiyöhi, mi möt asariba yambuk mohotŋe sösoŋgai aket.

⁵⁹ *Sösoŋgai aka wehön 7 teköiga wahöta anda Anutugö aiwesökŋi morö silene yandimegöra tokoget. Tokoba iwiŋaŋgö qetŋi Zekaraia mi wakaŋ mem waŋgibingöra jiget. ⁶⁰ Jigetmö, namŋan jiyök, “Mi qahöpmahöpmö, qetŋi mönö Jon qetpin.”

⁶¹ Jiiga kewö jiget mörök, “Jon qetzanmö, göhö tinitosolomgi yeŋgörenök kunŋaŋgö qetŋi mi qahö ahöza.” ⁶² Mewö jiget möri kinda iwiŋan yaŋgö qetŋi qetmapkö qesiba böröŋinan kaisöpsöp alget.

⁶³ Kaisöpsöp algetka tafegöra qesii waŋgigetka mianŋören kulem kewö ohoyök, “Qetŋi mi Jon.” Mewö ohoiga mianŋöra körek aurum tililingöget. ⁶⁴ Aurum tililingögetka mianŋörenök numbuŋi amgöiga nesilamŋi lolohoiga keu jiba Anutu möpöseyök.

⁶⁵ Möpöseiiga miri alaurupŋini pakpak yeŋön qemsömbuŋini gwötpuk mötket. Mötketka yuai asuhuyöhi, mianŋö buzupŋi eraum mötketka sehiba Judia kunduŋi gölme pakpak dop kölöc.

⁶⁶ Buzupŋi eraum mötketka körekŋan mi möta urukönömŋine ala aŋgön köŋget. Kembunöŋ kukösumŋi morösepsep qakŋe mokoŋ malöhi, mianŋö könaŋi möt asariba kewö jiget, “Morö kianöŋ qariba mönö wani yuaia kun denöwö akŋa?” Mewö.

Zekaraiänöŋ kezapqetok keu jiyök.

⁶⁷ Mewö jigetka Uŋa Töröŋan iwiŋi Zekaraiagö uruŋi kokolak qeiga kezapqetok keu kewö jiyök,

⁶⁸ “Nini Israel neŋgörenŋ Kembu Anutu möpöseibin. I-ia!

Yaŋön mönö könagesöurupŋi mesohol köŋ neŋgiba sohopenini memamgöra jöjöröba kama.

⁶⁹ Anutunöŋ welen aziŋi kiŋ Deiwidkö könagesö neŋgö sutninyök azi kukösumŋambuk kuŋgui wahöta Amötqeŋe Tonina akŋa.

⁷⁰ Möpŋaŋgö möpŋeyök kezapqetok ambazipurupŋi tök-kutukutuŋi i sölohöm enŋii keu jit kewö jiba malget,

* 1:52: Job 5.11; 12.19 * 1:54-55: Jen 17.7 * 1:59: Lew 12.3

⁷¹ ‘Nöñön mönö kerökurupnini yeñgö ösumñini qebi eriga bohonñini jöhömam. Denike yeñön kazik ak engimei, nöñön mönö körek yeñgö böröñineyök meköba sel jöhöm engimam.’

⁷² Keu mewö jiba bömöñurupnini ak kömum engiba yembuk jöhöjöhö areñ qainñi kun jöhöyöhi, mi mötmöriba wuatangöiga amötqeqegö ölni asuhuma.

⁷³ Jöhöjöhö keu mi bömöñini Abrahamgöra jiba jöjöpañ keunöñ jim köhöii ahöza.

⁷⁴ Jöhöjöhö keu miangö ölni kewö:

Yañön nini kerökurupnini yeñgö böröñineyök meköm neñgiiga yeñgöra keñgötnini qahö möta welenni qem wañgiba malbin.

⁷⁵ Yañön keunini jim teköi solaniba yañgö jeñe sarakñi aka malmalnini ölülp mewö mala kömumbin.

⁷⁶ *O gömokni Jon, göñön qariba mala qeljine mala ambazip uruñini mindiñgöba mewö mianñön Kembugö könañi mesatnöñga kama.

Miangöra qetki ‘Anutu öngöngöñi ketanañgö kezapqetok azia,’ mewö qetketka malman.

⁷⁷ Mewö mala amötqeqegö könañi mi Anutugö könagesöurupñi kusum enñinöñga mi möt kutuba uruñini melengetka Anutunöñ siñgisöndokñini sañgonñda mosötma.

⁷⁸ Anutuninan uruñan jöpaköba ak kömum neñgimakza.

Mewö aka mesohol köl neñgiba undiñi euyañgöreñök ali gilikbilik akza.

Mewögöra neñön mönö wañgarañ surui aukñe asaribingö akzin.

⁷⁹ *Nini pandamanöñ jipjap taringa kömupkö kondotkondot Toñan aum köl neñgimakzapmö, wehön jilinbölañ kota qaknine kuñguba mem asarim neñgima.

Mem asarim neñgiiga luaigö könañi aukñe asuhui eka miangöreñ angota tiba kinbin.” Zekaraianöñ mewö jiyök.

⁸⁰ Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölñe mala mali nalöñan kam kuñguiga Israel könagesö yeñgö jeñine aukñe asuhuba qenjarök nupñi könahiba meyök. Mewö.

2

Jisös Betlehem taonöñ ahuyök.

Mat 1.18-25

¹ Jon O-melun azinöñ ahuiga nalö miangöreñ sisa kiñ Ogastus yañön Rom sitinöñ gölmeñi gölmeñi galöm köl enñiyök. Galöm köl enñiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

² Areñ nup mi nalö mutukña meget. Megeri, nalö miangöreñ azi qetñi Qirinius yañön Siria prowinsgö premiö mala galöm köl enñiyök. ³ Ogastusnöñ jimkutukutu aliga ambazip körek pakpak yeñön öröba anda qetñini areñnöñ ohomegöra nanñini ahuahu miri bohonñini dop anget.

⁴ Galili prowinsgö taon qetñi Nazaret miangöreñ azi qetñi Josef malök. Yañgö amböñi mi kiñ Deiwid. Kiñ Deiwidkö taonñi qetñi Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök. ⁵ Anmam jiiga nalö miangöreñ ambi buñañi qetñi Marianöñ gölöñambuk malök. Maliga i auangita qetñiri ohomegöra mohotñe anohot.

⁶ Anda Betlehem angorohotka Mariagö morö meme nalöñan kam kuñguyök. ⁷ Kam kuñguiga qenjarök ahöahö mire angota miangö uruñe tiñi qahö miwikñaiyohot. Miangöra bau bulmakau miriñe öngöba tarohot. Tata miangöreñ nahönñi mutukñi memba oponöñ esuhuba bulmakau joutñe ali geba ahöyök. Mewö.

* 1:76: Mal 3.1 * 1:79: Ais 9.2

Lama galöm yeñön Suep garata engeketa.

⁸ Betlehem taon gölme miangören azi tosatjan sunjem dop gölme köröni miangören anda lama kambunini galöm köl enjiba malget. ⁹ Mewö malgetka sunjem miangören Kembangö garata kunjan kösutjine asuhum enjiyök. Asuhum enjiiga Kembangö asakmararanan liliköm enjiba asariiga qem sömbunini möta jönmöni unduyök. ¹⁰ Jönmöni unduyökmö, Suep garatanöj jii mötket, “Mönö kezap alget. Nöñön sösongai Buja ketanji ambazip körek pakpak yeñgöra memba kazal, mi indel enjimam. Miangöra jönmöni kude unduma. ¹¹ Buja mi kewö: Engö Amötqeqe Tonjanan döлки ahuza. Yanön kin Deiwidkö taonöj asuhuba Kambu qetji Kraist akza. ¹² Keu miangö aiwesökni kewö: Inini anda morö sepsep oponöj esuhuba bulmakau joutje alget ahözawi, mi miwiknaime.”

¹³ Garatanöj mewö jiiga miangörenök garata kambu ketanjan Suepnöhök kanjuta yambuk aitonjöba Anutugö möpömpösei linjet köla kewö jiget,

¹⁴ “Anutugö qetbunaji möpöseininga Suepnöj euyangören öngöza. Yanön ambazip nanjanjöra meköm enjiyöhi, yeñgöra körö ölöwak möta gölmenöj luai al enjiza.” Mewö.

Lama galöm yeñön anda Jisös eket.

¹⁵ Garata yeñön enjömosöta Suepnöj lilingöba öngögetka lama galöm yeñön naninak kewö jiget, “Ayop, Betlehem miangören yuai ahuiga Kambunöj miangö keunji jii mötzini, nini mönö mia anda ekin.”

¹⁶ Mewö jiba ösumjanan anda Maria Josef aka morösepsep bulmakau joutje ahöyöhi, miwiknaiba eket. ¹⁷ Eka kinda garatanöj morögöra keu jii möta kageri, mi indela jim asariget. ¹⁸ Jim asarigetka mötkeri, yeñön körek pakpak auruba welipköget.

¹⁹ Welipkögetmö, Marianöj keu pakpak mi uru könömne ala dungöba jöhöba könaji mötmöriba malök. ²⁰ Welipkögetmö, yuai pakpak Suep garatanöj jiyöhanjö dop asuhuyöhi, mi lama galöm yeñön eka möta miangöra Anutugö sösongai linjet köla möpöseiget. Möpöseiba mosöta lilingöba anget. Mewö.

Morö qetji Jisös qetket.

²¹ *Jisös ahui Sonda mohot miangö dop teköiga Anutugö aiwesökni silene yandibingö nalöni kaiga qetji Jisös qetket. Suep garatanöj qet mi mutuk qeta wanjiigun nalö miangörenök nanjanjö gölöm uruje ahuyök. Mewö.

Jisös wanjita Anutugö bunaya alget.

²² *Mosesgö Köna keunöj keu kewö ahöza, “Ambinöj morö nahönji mutukni memba silim 40 kounje mali teköiga söro gulunji köl könjorat wanjiba inini mönö jöwöwöl jikenöj öngöba morö mi Anutugö jene algetka yanjö bunaya akja.” Miangöra nalö mi kam kunjuiga Josef Maria yetkön keu mi tem köla Jisös wanjita Kembangö bunaya aknapköra Jerusalem öngöyohot.

²³ *Kembangö Köna keunöj keu kewö ohoget ahöza, “Morö nahön pakpak sep mutuk mokozei, mi mönö Kembangö bunaya aknapköra qem teköba mem sarahime.” Yetkön keu mi wuatängöyohot. ²⁴ Mewöyök Kembangö Köna keunöj jimkutukutu keu ahözawangö dop kembö me kembö supsup nei yahöt mi jöwöwöl ohomahotköra Jerusalem sitinöj öngöba anohot.

²⁵ Nalö miangören azi kun qetji Simeon Jerusalem malök. Yanön urunji jömuk Anutugören qekötahöba urumelenjö kölguliguli aiga Uja Töröjan yambuk kiniga Amötqeqe Tonjan Israel uruje asuhumapköra mamböta malök. ²⁶ Mamböta maliga Uja Töröjan keu kewö indeli mörök, “Gi Kembangö Amötqeqe Tonji Kraist ahui mutuk ekagun kömupkö sihimbölöni mötman.” ²⁷ Iwinamjan Mosesgö Köna keu wuatängöba Jisös wanjita jöwöwöl jikenöj öngöyohot. Öngöyohotka Uja Töröjan Simeon sölölohöi nalö miangörenök

* 2:21: Lew 12.3; Luk 1.31 * 2:22: Lew 12.6-8 * 2:23: Eks 13.2, 12

mewöyök jikenöŋ öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösöŋgai liŋet

²⁹ “O Kambu, merak welen azigan ölop anda uruluainöŋ mala kömuma.

³⁰ Göhö keugahö dop Amötqeŋe Tonji melainöŋ asuhuiga i nani jenan eka simbawon mötzal.

Miangöra ölop anda kömumam.

³¹ Göjön amötqeŋegö könaŋi mözözömgöba kantri pakpak yengöra indel enginöŋga mi eka möt kutume.

³² *Göjön Amötqeŋe Tonjanö asakŋi indelnöŋga kian kantri yengö uruŋini kuŋguiga asarime

aka qetbuŋagan nangi könagesögi Israel nenö sutnine mewöyök qarima.”

Simeongö kezapqetok keu

³³ Simeonöŋ morögöra keu mewö jiiga iwinamŋan möta köŋkuŋ aka welipköyohot.

³⁴ Welipköyohotka kötuatköm engiba namŋi Maria kewö jii mörök,

“Mötnöŋ, Anutunöŋ morö ki kuŋguba ali Israel ambazip sehisehiŋan i andö qeba eta enŋugetka

gwötpukŋan uruŋini melenŋa ölöwakŋe.

Anutunöŋ nanŋak i ali aiwesök aiga gwötpukŋan i tuaköpek jim wanŋime.

³⁵ Tuaköpek jim wanŋigetka urumötmötŋini asa-asambötŋan mewö aukŋe asuhuma.

Nangi urugan mewöyök wösöbirik aiga mianöŋ sou zuluk alalŋi ewö urugi kuŋguba qesiŋma.” Mewö.

Ana ambigö kezapqetok keu

³⁶ Jerusalem miangöreŋ kezapqetok ambi namŋi kun qetŋi Ana malök. Yanö isikŋi qetŋi Aser, iwiŋi qetŋi Fanuel. Ambi mianöŋ seramŋe azi memba mali yambu (yara) 7 mohotŋe malohot. ³⁷ Malohotka apŋi kömui malö aka mala kori nalö miangöreŋ yambuŋi 84 ahök. Yanöŋ nalö dop jöwöwöl jikenöŋ öngöba mi silim kun qahö mosörökmö, sunŋem asak Anutugöra nene siŋi mala köuluköba waikŋi memba möpöseiba malök.

³⁸ Yanöŋ nalö miangöreŋök kaŋgota morö mi eka Anutu möpöseiyök. Anutunöŋ Jerusalem ambazip sohopeniŋi memapköra mamböta malgeri, körek yengöra morö miangö könaŋi jim asarii mötket. Mewö.

Jisösbuk Nazaret lilingöget.

³⁹ *Josef Maria yetköŋ Kambunöŋ areŋi jim kutuiga Köna keunöŋ ahözawi, mi körek ahot teköiga Galili prowinsnöŋ lilingöba taonŋiri Nazaret miangöreŋ anohot. ⁴⁰ Morönöŋ qariba wahöta köhöiba mötkutukutuŋi ahuba kokolak qeiga Anutugö kalem möriamŋan qakŋe öngöi kinök.

Jisös yaraŋi 12 aiga jöwöwöl jikenöŋ öngöget.

⁴¹ *Jisös iwinamŋan yambu (yara) dop ak-kömukömu* kendon nalöŋe Jerusalem siti öngöba anjahotma. ⁴² Mewö mala Jisös yambu (yara)ŋi 12 aiga silikŋini ahakzeangö dop nalöŋi kam kuŋguiga mewöyök öngöba anget. ⁴³ Anda mala kendon nalö mianöŋ teköiga lilingöba miriŋire anohot. Anohotmö, morö gwabö Jisösnöŋ Jerusalem tari iwinamŋan mi qahö möt kutuyohot. ⁴⁴ “Yanöŋ ambazip kambu yembuk anja,” jiba silim mohotkö dop köna anda sepkitip aka alaurupŋiri yengö uruŋine qeta jaruyohot. ⁴⁵ Qeta jaruyohotmö, qahö miwikŋaiba kunbuk lilingöba Jerusalem anda jaruyohot.

* **2:32:** Ais 42.6; 49.6; 52.10 * **2:39:** Mat 2.23 * **2:41:** Eks 12.1-27; Dut 16.1-8 * **2:41:** Anutunöŋ Ijip miangöreŋ Israel ambazip enŋehoriba enŋonŋiröhi, ak-kömukömu kendon miangö qetŋi kun Pasowa.

⁴⁶ Jaruba malohotka silim karöbut teköiga jöwöwöl jikenöŋ öngöba miangöreŋ miwikŋaiyohot. Miwikŋaiyohotka azi ketani yeŋgö sutŋine tarök. Tari kusum wanŋigeri, mi möta qesim enŋgiba tarök. ⁴⁷ Tata Buŋa keugö könaŋi törörök möt asariba diŋdiŋanök meleŋniga körek pakpak yeŋön mi möta welipköget. ⁴⁸ Iwinamŋan eka auruba namŋan jii mörök, “Nahöni, gi denöwögöra mewö ak netkizan? Mötnöŋ, niri iwigabuk göhöra waimanŋat möta qeta jaruba malit.”

⁴⁹ Mewö juiga kewö meleŋ etkiyök, “Inŋiri mönö wuanöŋgöra ni göraim niŋgizahot? Ni Iwinanŋö mire tatpi dop kölja, mi mötzahot me qahö?” ⁵⁰ Mewö meleŋ etkiyökmö, yetköŋ keu jiyöhi, miangö könaŋi mi qahö möt asariyohot.

⁵¹ Qahö möt asariyohotmö, töndup wahöta yetpuk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba anŋön kölök. ⁵² *Jisösnöŋ mala qarui yambu (yara)ŋi öngöiga mötkutukutuŋi asariba sehiiga Anutunöŋ kalem möriamŋi wanŋii köhöiba ambazip aka Anutu yeŋgö jeŋine dop köl enŋiyök. Mewö.

3

*Jon O-melun azinöŋ Buŋa keu jiyök.
Mat 3.1-12; Mak 1.1-8; Jon 1.19-28*

¹ Zekaraiagö nahönŋi Jon yaŋön nupŋi könahiyök. Nalö miangöreŋ sisa kiŋ qetŋi Taiberius yaŋön Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl enŋii malget. Galöm köl enŋimamgöra gölmeŋi gölmeŋi Israel liliköba ahözei, mi meŋgetka bahöŋi 4 aiga miengö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiöŋina malök. Kiŋ Herodnöŋ Galili prowins galöm köl enŋiyök aka datŋi Filipnöŋ Ituria aka Trakonitis prowins yahöt miengö kembunŋina malök aka Lisantias yaŋön Abilene gölme memba malök.

² Jike nup galöm bohonŋini yahöt malohot, qetŋiri Anas aka Kaiafas. Nalö miangöreŋ Zekaraiagö nahönŋi Jon yaŋön gölme qararanŋkölkölŋe maliga Anutugöreŋ Buŋa keu asuhuiga mörök. ³ Anutugö Buŋa möta anda Jordan o töwatŋanŋö kösutŋe miri dop liliköba malök. Liliköba mala Buŋa keunöŋ uruŋini kuŋguba kewö jiba malök, “Inŋini mönö uruŋini meleŋgetka nöŋön o melun mem enŋimam. Mewö aketka Anutunöŋ ŋiŋgisöndokŋini ŋanŋoŋda mosötma.”

⁴ *Miangö keuŋi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza,
“Kolek garata kunŋan gölme qararanŋkölkölŋe qeta maliga anda qetŋi kewö mötme,
‘Kembunöŋ kamawo! Miangöra mönö jöjöröba könaŋi mesatket. Mönö uruŋini mindiŋgöba könaŋi qölöleiget.

⁵ Köna örue pakpak mönö qem tigetka diŋdiŋi akŋa.

Kunduŋi wanŋaŋi pakpak mi mönö qeköba köl qölöleigetka köröŋi akŋa.

Köna mösökqösökŋambuk mi mönö möhamgögetka diŋgime.

Luhutnöŋ köna misiiga simbiŋsambaŋ tatzawi, mi mönö kutuba mesatketka solanima.

⁶ Anutunöŋ oyaenŋoyaenŋ Tonŋi melaii kaiga gölmeŋi gölmeŋi pakpak yeŋön mi eka ek kutume.”

⁷ *Jonöŋ miangö dop uruŋini kuŋguiga ambazip kambuŋi kambuŋi yeŋön o melun mem enŋimapköra yaŋgöreŋ kagetka enŋeka yeŋgöra kewö jiyök, “O qatö moröŋi, inŋini uruŋini qahö meleŋgetka Anutugö irimŋan sehöliiga likepŋi meleŋ enŋimamgö akza. Mi ölöŋ kölbingsö goro keuŋi mi mönö danŋon jii möta sömbunŋini möta ki kaze?”

* 2:52: 1 Sml 2.26; Qam 3.4 * 3:4: Ais 40.3-5 * 3:7: Mat 12.34; 23.33

8 **“Miangöra mönō ölnanök uruñini melenme. Bölönamñineyök lilingögetka ölni asuhui mi mönō ahakmemenjanan aukñe kondela malme. Uruñine möndömöndō keu kewō kude mötmörime, ‘Neñön mönō Abrahamgö gwölönarökña malinga Anutunöñ qahö ayuhum neñgima.’ Mewö töptöpñine qemakzemö, ölni mi qahö ahakze. Nöñön miangöra kewö jibi mötket: Anutunöñ köt ki ölop jim kutum enñiiga letota Abrahamgö gwölönarökurupñi aka Anutu möpöseimakñemö, inñini denöwö?”*

9 **“Uruñini qahö melenme ewö, Anutunöñ mönō inñini ip ewö tengöri etpingö akze. Ip pakpak ölni ölopñi qahö kuñgumakzei, mi mönō köli etket könöpnöñ gili geme. Ip mewöñi kölmamgö kesinñi lök jitñi sañe ala ip könane ali jöjöröba ahöza. Anutunöñ mönō bölönamñinanagö likepñi melen enñgima.”*

10 Mewö jüiga ambazip kambuñi kambuñi yeñön kewö qesiba jiget, *“Mewögöra nini mönō denöwö ahinga dop köлма?”*

11 Qesiba jigetka kewö melenök, *“Kunñan maluku yahöt memba maljawi, yañön mönō mietköreñök kun mi malukuñi qahö i wangima aka denike yeñön nenenjambuk maljei, yeñön mönō mewöyök nenenjini qahö yeñgöra menden enñgime.”*

12 **Takis meme azi tosatan mewöyök o melun mem enñimapkö kaba qesim wangiget, “Böhi, neñön mönō denöwö ahinga dop köлма?”* 13 Qesim wangigetka jii mötket, *“Gawmanöñ takisgö jim kutum enñii ahözawi, dop mi mönō qahö onñgita meme.”*

14 Yarö azi tosatan mewöyök qesim wangiget, *“Niniato? Neñön denöwö ahinga dop köлма?”* Qesim wangigetka kewö jii mötket, *“Kungöreñ monengöra kuñguba upetkupet aka kiom kude kölmemö, nanñini töwanñini memakzei, miambuk mönō urumohok aka ösöñ malme.”* 15 Ambazip pakpak yeñön *“Jonöñ Amötqeqe Tonñ Kraist akapuk,”* jiba uruñinan mewö mötmöriget. Miangö könani mötpingö kezapñini köröpñi aket.

16 Mewö aketka Jonöñ körek yeñgöra kewö jiyök, *“Nöñön o töhönöñ melun mem enñizalmö, azi kukösumñi köhöikñi kun kama. Yangö kukösumñi öngöñgöñan mönō nöngöreñ onñgitma. Yañön azi öngöñgöñi akñawanğöra nöñön yangö köna esuñangö kösöñi bauköba pösatmamgö qötötangömam. Yañön mönō Uña Töröñi uruñine ali könöp bölamñan kölmönjorat enñiiga mewö miangön melun mem enñgima.* 17 Yañön ölni aka kamböñi menden etkimamgö sapakñi memba kangota uba qörörengöba kewötma. Kewöta wit kötni tokoba köweñe almapmö, kamböñi aka gwaugulapñi mi mönō usuñniga könöpnöñ geba teteköñi qahö jema.”

18 Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeñgöra jim asariba malök. 19 **Malökmö, gölme bahöñangö kin Herod yañön datñangö anömñi qetñi Herodias mi ölöñ meyök aka bölöñi könani könani aka malöhi, miangö sapñi Jonöñ qeba munjurariga jim wangiyök.* 20 Jim wangiba bölönamñi kun toroqeba aka Jongöreñ nupñi tözöpköba suahö galömñi jii Jon memba kösö mire alget. Mewö.

Jonöñ Jisös o melun mem wangiyök.

Mat 3.13-17; Mak 1.9-11

21 Jonöñ ambazip pakpak o melun mem enñgiba Jisös mewöyök o melun mem wangiyök. Mem wangii köuluköiga miangöreñök Suepnöñ añañiyök. 22 **Añañiiga Uña Töröñan melenđa kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñön mönō nani wölböt nahöna aknöñga köröni ölöwahiga geknahöm ak gihizal.”* Mewö.

Jisösgö isikurupñi yeñgö qet areñjini

Mat 1.1-17

* 3:8: Jon 8.33 * 3:9: Mat 7.19 * 3:12: Luk 7.29 * 3:19: Mat 14.3-4; Mak 6.17-18 * 3:22: Jen 22.2; Sum 2.7; Ais 42.1; Mat 3.17; Mak 1.11; Luk 9.35

²³ Jonöŋ Jisös o melun mem waŋgiiga yambu (yara)ŋi 30 mianğö dop aiga amötqeŋe nupŋi könahiba memba malök. Memba maliga Josefğö nahönŋa akzawi, ambazipnön mewö mötmöriget. Jisös iwiŋi Josef, asaŋi qetŋi Heli. ²⁴ Jisös amböŋi qetŋi Matat, sukumŋi qetŋi Liwai. Liwai iwiŋi Melki, asaŋi Janai, amböŋi Josef, ²⁵ sukumŋi Matatias. Matatias iwiŋi Amos, asaŋi Nahum, amböŋi Esli, sukumŋi Nagai. ²⁶ Nagai iwiŋi Mat, asaŋi Matatias, amböŋi Semen, sukumŋi Josek. Josek iwiŋi Joda, ²⁷ asaŋi Joanan, amböŋi Resa, sukumŋi Zerubabel. Zerubabel iwiŋi Sealtiel, asaŋi Neri,

²⁸ amböŋi Melki, sukumŋi Adi. Adi iwiŋi Kosam, asaŋi Elmadam, amböŋi Er, ²⁹ sukumŋi Josua. Josua iwiŋi Eliezer, asaŋi Jorim, amböŋi Matat, sukumŋi Liwai. ³⁰ Liwai iwiŋi Simeon, asaŋi Juda, amböŋi Josef, sukumŋi Jonam. Jonam iwiŋi Eliakim, ³¹ asaŋi Melea, amböŋi Menna, sukumŋi Matata. Matata iwiŋi Neitan, asaŋi Deiwid, ³² amböŋi Jesi, sukumŋi Obed. Obed iwiŋi Boaz, asaŋi Salmon, amböŋi Nason,

³³ sukumŋi Aminadab. Aminadab iwiŋi Admin, asaŋi Arni, amböŋi Hezron, sukumŋi Perez. Perez iwiŋi Juda, ³⁴ asaŋi Jeikob, amböŋi Aisak, sukumŋi Abraham. Abraham iwiŋi Tera, asaŋi Nahor, ³⁵ amböŋi Serug, sukumŋi Reu. Reu iwiŋi Peleg, asaŋi Eber, amböŋi Sela, ³⁶ sukumŋi Kainan. Kainan iwiŋi Arpaksad, asaŋi Siem, amböŋi Noa, sukumŋi Lamek. ³⁷ Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunöŋ mei ahuyök. Mewö. ³⁸ (-)

4

Satanöŋ Jisös esapköba malök.

Mat 4.1-11; Mak 1.12-13

¹ Jonöŋ Jisös o melun mem waŋgiiga Uŋa Töröŋan uruŋi kokolak qei Jordan onöhök liliŋğöiga waŋgita gölme qararaŋkölköŋe anök. ² Anda mianğöreŋ mali Bölöŋi Toŋan esapköm waŋgii wehön 40 teköyök. Nalö 40 mianğöreŋ nene kun qahö nemba mali teköiga neneŋaŋğö kömuyök.

³ Yakaŋaŋğö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunöŋga letota beret aketka neman.”

⁴ *Jii möta melenök, “Qahö, Buŋa Kimbinöŋ keu kewö ohoget ahöza, ‘Nenenöhök ambazip malmal qahö neŋgimakza.’ ”

⁵ Meleniŋa waŋgita kundunŋi köröpŋi kunöŋ öŋğöba gölmegö kantriŋi kantriŋi pakpak mi zilaŋ kondel waŋgiyök. ⁶ Kondel waŋgiba jii mörök, “Nöŋön kantri pakpak mi galöm köl eŋgimangö kukösumŋi aka inap yuainangö aködamunŋi mi nöŋğö böröne alalŋa ahöza. Mianğöra mi nani sihimnangö dop niŋia waŋgimam jiba ölop waŋgimam. Mianğöra yuai pakpak ki mönö göhö böröge almam. ⁷ Mianğöra gi waikni memba möpöseim niŋgiman ewö, mi pakpak mönö göhö buŋaya ak teköma.”

⁸ *Mewö jii möta kewö melenök, “Qahö, Buŋa Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen qem waŋgiba malman.’ ”

⁹ Meleniŋa Jisös waŋgita Jerusalem sitinöŋ anda jöwöwöl jikegö boŋe euyangöreŋ öŋğöba kewö jii mörök, “Gi Anutugö nahönŋa akzan ewö, mönö kiangöreŋök luhuba emu geman. ¹⁰ *Buŋa Kimbinöŋ keu kun kewö ohoget ahöza, ‘Anutunöŋ garataurupŋi jim kutum eŋgiiga ölopŋanök galöm köla sel jöhöm gihime,’ ¹¹ *aka keu kun kewö, ‘Yeŋön böröŋine ala nöŋögölim gihigetka geba kötnöŋ könage qahö guhum qizit akŋa.’ ” Mianğöra geba kude ayuhuman.

¹² *Mewö jiyökmö, Jisösnöŋ kewö melen waŋgiyök, “Qahö! Anutunöŋ jiza, ‘Gi mönö Kembugi Anutu kude esapköm waŋgiman.’ ”

* 4:4: Dut 8.3 * 4:8: Dut 6.13 * 4:10: Sum 91.11 * 4:11: Sum 91.12 * 4:12: Dut 6.16

¹³ Bölöñi Tonjan esapesap pakpak mi Jisös ak wanji teköiga mosöta anök. Mewö.

Jisösnöñ könahiba amötqeqe nup meyök

Mat 4.12-17; Mak 1.14-15

¹⁴ Jisösnöñ gölme qararankölkölñi mosöri Uña Töröñangö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli mirinji mirinji liliköba köuluk mirinji Öngöba Buña keu kusum enjiyök. Kusum enjiiga mötkeri, körek yeñön mönö söñgaiba möpöseim wanjiget. Mewö.

Nazaret yeñön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret miangöreñ anök. Sonda kendonöñ kaiga ahakzawangö dop köuluk mire Öngöba Buña Kimbi oyoñ enjimangö wahörök. ¹⁷ Wahöri kezapqetok azi Aisaiagö Buzup Kimbi wanjigetka kötula keu kembangan kewö ohoget ahözawi, mi miwikñaiyök:

¹⁸ **“Kembugö Uña Töröñan nöngö urune geba nup memegö kelök supapñi*

köl niñgiba ambazip etqeqeñi yeñgöra Ölöwak Buña jim asarimakzal. Yanñön melaim niñgiiga keu kewö jim sehimakzal:

Bölöñan gwaröhöm enji maljei, Anutunöñ mönö i pösata meköm enjiiga malme.

Anutunöñ jegömöl ambazip jeñini mem tohoiga kunbuk uba ekñe.

Taikpaik memba eta alget maljei, Anutunöñ mönö i meköm enjiiga siyoñsayoñi qahö malme.

¹⁹ *Kembunöñ amötqeqegö yambu ölöpñi ali kam kunjumawi, nöñön miangö kolekña kaba mi jim asarimakzal.”*

²⁰ *Keu mewö oyoñda köpöp supap mi köpeiba galöññi wanjiba eta tarök. Tariga köuluk mire tatkeri, yeñön körek je qisilmisilñi qahö dörötköba ehiget. ²¹ Ehigetka könahiba kewö jii mötket, “Buzup Kimbigö keu ki oyoñbi kezapñine gei mötzei, miangö öñan mönö merak asuhuza.”*

²² *Mewö jii mötketka kalem möriam keunji keunji numbuneyök eriga körekñan mi möta welipköba jim soroköm wanjiba keu miangö jiji-kilik-kilikñi mi kewö jiget, “Azi ki Josefgö nahönña me?”*

²³ *Jigetka kewö jii mötket, “Inini nalöñi nalöñi keu köñi ki jimakze, ‘Mem ölöwak azi gi mönö nangi mem ölöwak anguman.’ Inini keu köñi mi dölkö nöngöra jibingö mötze, mi mötzal. Mi jiba kewö jibeak, ‘Gi Kaperneam taonöñ anda angöletot Öngöngöñi menöñga buzupñi möriini, miangö dop mönö nangi miri kiangöreñ mewöyök meman.’ ” ²⁴ *Mewö jiba jiyök, “Nöñön keu öñi kun kewö jibi mötme: Kezapqetok ambazip kunöñ mönö nanñi malqarip taonöñ qahö dop kölja.*

²⁵ **“Nöñön keu ölbölñi kun kewö jibi mötme: Elaijagö (Elia) nalöñe Anutunöñ Suep nanñi köli yambu (yara) karöbut aka köiñ 6 miangö urune kie qahö yöhöiga bödi ketanji ahuiga gölme pakpak dop kölok. Nalö miangöreñ ambi malö gwötpuk Israel urune malget. ²⁶ *Gwötpuk malgetmö, Anutunöñ Elaija yeñgöreñök kungöreñ anmapkö qahö melaiyökmö, kian gölme Saidongö miri qetñi Sarefat miangöreñ ambi malö mohot-töp yanñgöreñ melaiiiga anök. ²⁷ *Kezapqetok azi Elisagö nalöñe uzikukunöñ Israel azi gwötpuk turum enjiiga malgetmö, yeñgöreñök kunñan kun qahö solaniyök. Qahöpmö, kian gölme Siriagö azi qetñi Naman yanñön mohot-kun mönö Elisagö keunji möt nariba solaniba ölöwahök.”*

²⁸ *Jisösnöñ mewö jiiga köuluk mire tatkeri, yeñön körek keu mi möta irimñini seheliiga urupik aket. ²⁹ Urupik aka wahöta Jisös közöla taon yaigepñe wuatangöba taon mi*

* **4:18:** Ais 61.1-2 * **4:24:** Jon 4.44 * **4:25:** 1 Kinj 17.1 * **4:26:** 1 Kinj 17.8-16 * **4:27:** 2 Kinj 5.1-14

kundunangö sem kösutne meget kinöhi, miangörenj aköget gemapköra anget. ³⁰ Angetmö, sutnjine qendenja engömosöta anök. Mewö.

Kaperneam taonöj öme kun közölök.

Mak 1.21-28

³¹ Jisösnöj Galili prowins uruje Kaperneam sitinöj eta angota Sabat kendonöj ambazip kambu kusum engiyök. ³² *Kusum engiiga keujan kukösumjambuk aiga jiyök. Miangöra könagesö yejön mi eka auruba welipköget.

³³ Köuluk miri miangörenj azi kun ömenjambuk tarök. Tariga ömenjan teringöba silata qetnji kewö qerök, ³⁴ “Aek! Jisös, Nazaret azia! Gi wania ak nenjimangö akzane? Mönö ayuhum nenjimangöra kazan me? Ni könanjamgi möt kutuzal. Gi Anutugörenj azi Tök-kutukutuñi akzan.”

³⁵ Mewö qeriga Jisösnöj tembula kewö jim wanjiyök, “Gi mönö keugi bököiga azi ki mosöta kesalnöj.” Mewö jim wanjiiga ömenöj azi mi memba gili tala sutnjine gölmenöj geiga miziqizikni qahöpmahöp aka kota mosöta anök.

³⁶ Aniga körekñan nemböjini teköiga welipköba sutnjine eraum möta kewö jiget, “Yei! Keu ki mönö wani keuya? Yanön kuk aka ösum-mumu qakne ömewöröme jim kutum engiiga tem köla kota anje.” ³⁷ Mewö asuhuiga Jisösgö qetbuñanan sehiba miri pakpak kösutne tat angeri, miangörenj anda gölme mi dop kölök. Mewö.

Jisösnöj kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöj wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öngöngöni yöhöi ahöyök. Ahöiga yangöra aka Jisös köuluköm wanjiget. ³⁹ Köuluköm wanjigetka anda sipköba geba sile könöp jim kutum wanjiiga mosoriga miangörenök wahöta nene ohoba gumohom engiyök.

⁴⁰ Wehön jeni teköba geiga miangörenj ambazip denike yejön alaurupñini kawöl könanji könanji mianön engöhöi ahögeri, mi körek enjuañgita Jisösgörenj kaget. Kagetka böröñi körek yeñgö qakñine inañjik inañjik aliga ölöwak teköget. ⁴¹ Ömewöröme yejön mewöyök ambazip gwötpuk yeñgö uruñineyök kota silata kewö qetket, “Gi Anutugö nahönñi akzan.”

Jisösnöj Amötqege Tonji Kraist akzawi, yejön mi mötkerañgöra Jisösnöj jim engiba numbuñini muhungöba enjuañgöyök. Mewö.

Amötqege nupñi Galili dop kölök.

Mak 1.35-39

⁴² Jisösnöj gaun ahöiga miri wanjaran suruiga wahöta nanjik tirin (tin) kutuba geba görañe kunöj anök. Anökmö, ambazip yejön göraim wanjiba anda miwikñaiba kude engömosöta anmapköra esapköba angön köl wanjiget. ⁴³ Angön köl wanjigetmö, kewö jii mötket, “Nönön Anutu bemtohonñangö Ölöwak Buñani mi taon tosatñi yeñgöra mewöyök jim asarim engibi dop kölma. Anutunöj mönö miangöra melaim niñgiyök.”

⁴⁴ Mewö jiba anda Galili prowins liliköba köuluk mirinje Buña keunöj uru kuñgum engiba malök. Mewö.

5

Jisösnöj gwarekurupñi mutukñi engöholök.

Mat 4.18-22; Mak 1.16-20

¹ *Nalö kunöj Jisösnöj Genesaret o angö jitne kiniga ambazipnöj kambu köla Anutugö Buña keu mötpingö ölöqölököba liliköm wanjiget. ² Liliköm wanjigetka kinda wanje yahöt köwet görañe tarohotka etkehök. Söra örörö yejön wanje mi mosöta geba mösakñini

* **4:32:** Mat 7.28-29 * **5:1:** Mat 13.1-2; Mak 3.9-10; 4.1

kusahöla sanjonget. ³ Wanje kun mi Saimongörena. Jisösnöñ mianjören öngöba toni kewö qesim wanjiyök, “Göñön mönö nanjönöñga borom kun noanjita onöñ göröken anma.” Qesim wanjiiga nanjöiga anda wanjenöñ tata ambazip kambu kusum enjiyök.

⁴ Kusum enjim teköba Saimongöra jiyök, “Göñön mönö wanje ki nanjönöñga o anjö bibine aniga alaurupki yembuk mösakñini söragöra gilgetka gema.”

⁵ *Jiiga Saimonöñ melenök, “Ketanamni, nini sunjem köröp mösak gil bibihiba öñji kun qahö mezin. Qahöpmö, göñön jim kutuzanangöra mönö töndup anda gilina gema.”

⁶ *Mewö melenji jiyöhanjö dop aketka söranöñ awamñi qahö mösakñine gegetka buratibingö aket. ⁷ Mewö aketka alaurupñini wanje kunöñ malgeri, yengöra kaba bauköm enjimegö börökaek kölgetka kaget. Kagetka wanje yahöt mi söranöñ kokolak qegetka nemulahöm taköyohot.

⁸⁻⁹ Söra öngöñgöñji mewö memba eka mianjöra körekñan welipköget. Welipköba Saimon Pitönöñ mi eka Jisösgö wösöñe geba simin köla jiyök, “O Kembu, ni singisöndok azia akzalanjöra mönö nömosöta anöñ.” ¹⁰ Saimongö alayahötñi Jeims aka Jon Zebedigö nahönyahötñi yetkөн mewöyök nemböñiri teköiga welipköyohot. Saimonöñ keunji jiyökmö, Jisösnöñ kewö melenök, “Möno kenjötki kude mötman. Gi kianjö andöñe ambazip mi söra ewö öröba enjömemba malman.”

¹¹ Mewö jiiga wanjenini öröba kota saknöñ ala öryuainini pakpak mosöta Jisösgö andöñe wuatangöba anget. Mewö.

Jisösnöñ uzikuku azi kun mem solaniyök.

Mat 8.1-4; Mak 1.40-45

¹² Jisösnöñ taon kunöñ maliga mianjören azi kun silenji uzikukunöñ mem bölim teköiga tarök. Tata Jisös eka kösutñe simin köla geba kewö köuluköm wanjiyök, “O Kembu, göñön sihimgan mem ölöwak niñgimangö mötzan ewö, mönö ni ölop mem solanim niñgiman.”

¹³ Mewö jiiga böröñi böranda silenji misiriba jiyök, “Nöñön mi akñamgö mötzal. Gi mönö solaniman.” Mewö jiiga uzikukunji mi mianjörenök solaniyök. ¹⁴ *Solaniiga kewö jim kutum wanjiyök, “Mötnöñ kianjö buzup keunji mi kun kude jinöñ mötme. Qahöpmö, gi mönö jike nup galömgören anda silegi kondel wanjiba Mosesgören jimkutukutunji wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipnöñ könañamgi möt kutume.”

¹⁵ Mewö jiyökmö, mi töndup Jisösgö qetbuñani sehiba miri dop asariba anök. Anöhanjö dop ambazip kambunji kambunji yenön keunji mötpingö aka kawölñini mem ölöwakñapkö yangören kaba tokoget. ¹⁶ Kagetmö, Jisösnöñ enjömosöta gölme qararanjökökölñe anda mala köuluköyök. Mewö.

Jisösnöñ azi sile likepñi kömukömuñi möhamgöyök.

Mat 9.1-8; Mak 2.1-12

¹⁷ Jisösnöñ wehön kunöñ Buña keu kusum enjiiga Farisi (Köna keugö kapanjökököl) aka Köna keugö böhi tosatñan Galili aka Judia prowinsgö mirinji mirinji aka Jerusalemök kaba ambazip kambu sutñine tatket. Kembangö kukösumñan Jisös nam köl wanjiiga ambazip kawölñini mei ölöwaket.

¹⁸ Nalö mianjören azi tosatñan alanini sile likepñi kömukömuñi mi kululunöñ ala anguba kaget. Kaba kutuba Jisösgö kösutñe miri uruñe öngöba albingö esapköget. ¹⁹ Esapkögetmö, ambazip kambunöñ ölököba kingeranjöra panpanjöba miri uruñe öngöbingö köna kun qahö miwikñaiba memba miri qakñe öngöget. Öngöba bo kötnöñ memenji mi esim lulungetka kinimñi ahui kawöl azi kululunambuk kösönöñ jöhöba mianjören algetka ambazip sutñine Jisösgö wösöñe geyök. ²⁰ Mewö geiga Anutu möt

* 5:5: Jon 21.3 * 5:6: Jon 21.6 * 5:14: Lew 14.1-32

narim wanğigeri, Jisösnöŋ yeŋgö tandöknini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

²¹ Mewö jiiga Köna keugö böhi aka Farisi yeŋön mi möta könahiba kewö jiba mötmöriget, “Azi ki niŋja? Yaŋön mönö Anutu ilita mepaqepaik akza. Anutu mohotŋan siŋgisöndoknini mosörakzapmö, azi kunŋan mi qahö.”

²² Mewö mötmörigetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miangöra gwötpuk mötmörize? Mi qahö dop kölja. ²³ ‘Nöŋön siŋgisöndoki mosötzal, jizali, keu miangön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋaŋgö dop. Nöŋön keu kun kewö jimamangö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, miangön mönö aukŋe asuhui ekŋe.

²⁴ Mötket, gölmenöŋ siŋgisöndok mosötmosötkö kukösumŋi mi Suep gölmegö azi ölnaŋgöreŋ ahözawi, iŋini miangö könaŋaŋgöra janjuŋ malbepuk. Miangöra keu lömbötŋi mi azi kiangöra jibi ölni eket.” Mewö jiba azi sile likepŋi kömukömuŋi yaŋgöra jiyök, “Nöŋön göhöra jizal: Gi mönö wahöta tumbulahöpki memba mirige anöŋ. Keu lömbötŋi mi ölnambuk akŋa ewö, keu awamŋi mi mönö mewöyök denöwögöra omaŋi akawak?”

²⁵ Mewö jiiga miangöreŋök jeŋine wahöta tumbulahöpŋi ahöyöhi, mi memba Anutu möpöseiba mosöta miriŋe anök. ²⁶ Mewö asuhuiga ambazip körekŋan welipköba sömbuŋini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnöŋ Matyu (Liwai) oholök.

Mat 9.9-13; Mak 2.13-17

²⁷ Miangö andöŋe Jisösnöŋ Kaperneam mosöta anda takis ofis oŋgitmamgö aiga miangöreŋ takis meme azi qetŋi Liwai tariga eka jii mörök, “Gi mönö nöŋgö andöne kanöŋ.” ²⁸ Mewö jii möta nupŋi pakpak mosöta wahöta Jisösgö andöŋe anök.

²⁹ Anda Jisös miriŋe köl öröba yaŋgöra közölömbuan ketanŋi mözözömgöyök. Mözözömgöba takis meme tilipqilipŋinambuk aka alaurupŋi tosatŋi öröm enğiiga kambu ketanŋi köla yembuk tata nene neget. ³⁰ *Mewö negetka Farisi (Köna keugö kapaŋkölköl) aka yeŋgöreŋ böhi yeŋön mi eka jimöŋgot aka Jisösgö gwarekurupŋi kewö jim enğiget, “Aek! Iŋini mönö wuanöŋgöra takis meme tilipqilipŋinambuk aka siŋgisöndok ambazip yembuk tata nene aka o neze? Mi qahö dop kölja.”

³¹ Mewö jim enğigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak enğimakzapmö, kawöl ambazipnöŋ mönö doktagöreŋ anakze. ³² Nöŋön siŋgisöndok ambazip uruŋini melenmegö enğoholmamgöra kaba maljalmö, ambazip nanŋinaŋgö mötketka solanŋi akzei, i qahö.”

Nene siŋgi malmalgö keuŋi

Mat 9.14-17; Mak 2.18-22

³³ Ambazip tosatŋan Jisösgöreŋ kaba qesiget, “Jon O-melun azigö gwarekurupŋi neŋön nalö gwötpuk Anutugöra nene siŋgi mala köuluk totoko köröpŋi alakzin. Farisi (Köna keugö kapaŋkölköl) yeŋgö gwarekurupŋinan mewöŋanök aka maljemö, nangi gwarekurupkan mönö pöndaŋ nene aka o nemakze.”

³⁴ Mewö qesigetka kewö melenök, “Ölna! Nini wani nalönöŋ nene siŋgi malakzin? Ambi meme nalöŋe azigö andöurupŋan könöpŋi algetka ambigö sep kitipurupŋan yuai mi tökömakze me qahö? Nöŋön nani gwarekurupŋi yeŋgö azi bunaya aka yeŋgö sutŋine köisirik tatzal. Tatpiga siŋgi malbingö jigetka yeŋön aijölöŋ söŋgaiba tata siŋgi malbingö osimakze. ³⁵ Osimakzemö, Anutunöŋ noaŋgiri kömumbiga yeŋön mönö nalö miangöreŋ ölop siŋgi malakŋe.

* 5:30: Luk 15.1-2

³⁶ “Inini malmal walñi aka sösöngai Buña dölökñi mi mindirim etkibingö osime. Miangö dopkeu pasetñi kun mi kewö jibi mötket: Löngölöngöt walñi jurariga kunöñ löngölöngöt dölökñi mitiba opo su johanni mianön qahö ala uhum görengömakza. Mewö akawak ewö, opo su johanni dölökñan mönö walñambuk öröröñ qahö aka mi öröba munjurariga böliqölibapuk.

³⁷ “Mewöñanök kunöñ wain o dölökñi mi jobö me toru walñi lama silenjan memenji miangöreñ qahö kusuiga gemakza. Mewö akawak ewö, wain o dölökñan mönö qariba toru qesiniga jula mokoiga gölmenöñ eta sohoiga toruñan böliqölibepuk.

³⁸ “Miangöra wain o dölökñi mi toru dölökñeyök mokoin geiga dop kölma. (Mewöñanök kunöñ o ölöpnji mi gina gisagisahöñe qahö umakzin. Mewö ubinak ewö, mianön mönö jula kisipisirik eriga nemba kawöl neñgöhöbapuk. Mewö akapüköra o ölöpnji mi gina ölöpnje umakzin. Inini mewöyök malmal walñi aka Ölöwak Buña dölökñi mi mindirim etkibingö osime.) ³⁹ Kunñan wain o walñi möpöseiba nemba malakzawi, yanön wain o dölökñi nemangö sihimñi qahö möta ölan alakza.” Mewö.

6

Jisösnöñ Sabat kendongö Kembuñi akza.

Mat 12.1-8; Mak 2.23-28

¹ *Miangö andöñe Sabat kendon kunöñ Jisösnöñ wit padi nup köröñi ketanji kutuba anök. Ani gwarekurupñan wösöñini enjuiga wit ölnji mohot mohot böröñinan misiba sömanña neget. ² Mewö negerangöra Farisi (Köna keugö kapañkölköl) tosatñan mi eka kewö jiget, “Inini mönö wuanöngöra Sabat kendongö nup meme soñgoñi oñgitze?”

³ *Mewö jigetmö, Jisösnöñ kewö melenök, “Kin Deiwidnöñ yarö aziurupñi yembuk liliköba wösöñini enjuiga yuai akeri, mi lök oyonget me qahö? ⁴ *Yanön mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yanön aka yanö sunğurumurupñan mi nembepüköra soñgo ahöyök mi töndup neget.”

⁵ Mewö jiba kewö jii mötket, “Suep gölmegö azi ölnjan mönö Sabat kendongö Kembuñi akza.” Mewö.

Jisösnöñ azi böröñi sösöröngöñi mem ölöwahök.

Mat 12.9-14; Mak 3.1-6

⁶ Jisösnöñ Sabat kendon kunöñ köuluk mire öngöba Buña kusum engiyök. Miangöreñ azi kun böröñi ölnji soholiiga tarök. ⁷ Köna keugö böhi aka Farisi (Köna keugö kapañkölköl) yeñön Jisös eka keu jakene al wañgibingö könañi jaruba “Azi mi Sabat kendonöñ möhamgöma me qahö?” jiba je galöm memba tatket. ⁸ Tatketmö, Jisösnöñ mötmötñini mi möt kutuba azi böröñi sosoholiñi mi kewö jii mörök, “Mönö wahöta jenine kinöñ.” Mewö jiiga wahöta kinök.

⁹ Kini Jisösnöñ jii mötket, “Köna keu wuatangöba Sabat kendonöñ yuai ölöpnji me bölöñi akin? Ölöp kungö bohonñi johöbin me mosöringa ayuhuma. Wanat kun meinga dop kölma? Mi qesim enjibi jiget.” ¹⁰ Mewö jiba körek pakpak lilingöm purik engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiiga kunbuk ölöwahök.

¹¹ Ölöwahökmö, galöm yeñön irimñini gwötpuk seholiiga “Jisös denöwö ak wañgibin?” jiba nanñini eraum mötket. Mewö.

Gwarekurupñi 12 möwölöhöm engiyök.

Mat 10.1-4; Mak 3.13-19

* 6:1: Dut 23.25 * 6:3: 1 Sml 21.1-6 * 6:4: Lew 24.9

¹² Nalö miangören Jisösnöñ kundunje köulukömangö öngöba sunjem köröp mi Anutu köuluköm wangiba mali miri alök. ¹³ Miri gianjiiga gwarekurupñi engohola yengörenök ¹² möwölöhöm engiba melaimelai azi aposol qet mi engiyök.

¹⁴ Qetñini kewö qerök: Saimon, Jisösnöñ qetñi Pitö wangiyök, yangö munñi Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñi aka Saimon qetñi kun Tuaköpek azi qetket.* ¹⁶ Judas Jeimgö nahönñi aka Judas Iskariot. Kariot azi miangön könanggen mamalolo azia ahök.

Jisösnöñ kawöl ambazip mem ölöwak engiyök.

Mat 4.23-25

¹⁷ Jisösnöñ aposolurupñi yembuk kunduneyök eta gölme köröñe anda kinget. Kingetka gwarek kambunñi ketanñi aka ambazip kambuleleme yengön yangöra tokoba mambötket. Yenön “Buñanñi jii möringa kawölnini mem ölöwakña,” jiba miangöra Judia prowins pakpak, Jerusalem siti aka köwet jitneyök Taiö aka Saidon taon miangörenök kaba tokoget. ¹⁸ Ömewörömenöñ kölköljinñin mem engiyöhi, yengön mewöyök kaba ölöwaket. ¹⁹ Kukösumñan yangörenök kutuba yengören öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

Simbawon aka kezapjupjup ahakö keunñi

Mat 5.1-12

²⁰ Jisösnöñ gwarekurupñi uba wahöta engeka kewö jiyök, “Anutugö bemtohonñ mi wanapñi engö buñaya. Miangöra wanapñi inñini mönö simbawon akze.

²¹ Nalö kewöñe nenegö ewö kömumba qemjen qeba maljei, Anutunöñ mönö sihimñini mi gumohom engima. Miangöra inñini mönö simbawon akze. Nalö kewöñe sahötzei, enön mönö sösöngai aka gön kölme. Miangöra wösöbirik maljei, inñini mönö simbawon akze.

²²* “Ambazipnöñ inñini Suep gölmegö azi ölnangöra aka kazik aka yaköriba sileñe ala uruqeçe keu töhörenñ jim engiba kiam sekbölö ewö qetñini kutumei, inñini mönö simbawon akze.

²³* Ambösakonurupñinan miangö dop kezapqetok ambazip yengöra ak engiba malget. Mötket! Anutunöñ töwanñini öngöngöñi Suep mire ali ahöza. Miangöra mewö ak engigetka nalö miangören mönö söngai koiran kölme.

²⁴ Inñini simbawon maljemö, pomñi sukinapñinambuk inñini malmal siyonsayonñi qahö maljei, mi teköma. Miangöra nöñön engöra wöziköba ‘Yei!’ jizal.

²⁵ Nalö kewöñe nem timbirenñ maljei, inñini mönö wösöñini ali (buörö) bödi malme. Miangöra nöñön engöra wöziköba ‘Yei!’ jizal. Nalö kewöñe sösöngai aka gön köljei, inñini mönö amburereñ aka sahötme. Miangöra nöñön engöra wöziköba ‘Yei!’ jizal.

²⁶ “Ambösakonurupñinan kezapqetok ambazip takapulakanñ jim möpöseim engiba malget. Ambazip pakpak miangö dop ak engigetka nöñön engöra wöziköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

²⁷ “Bölöñi ak engimemö, inñini keuni möta maljei, nöñön engöra kewö jibi mötme: mönö kerökurupñini uruñinan jöpaköm engiba malme. Denike yengön kazik ak engizei, i mönö ölpñanök ak engiba malme.

* **6:15:** Nasönöl pati zelot yengön Rom gawman tuarenñon aka nanñine kinkin membingö tuaköpek memba malget.

* **6:22:** 1 Pitö 4.14 * **6:23:** 2 Hist 36.16; Apo 7.52

28 “Denike yeñön qesuahöba jinjerereñ ak engize, i mönö köl tömbiba kötuetköm engime. Örom ureim ak engize, yeñgöra mönö Anutugö köuluköme.

29 “Kunñan nuñgulumgi likepñi qekötahöliiga likepñi mewöyök melen wañgiman. Kunñan qakñangö malukugi goañgiriga göñön mönö dutñangö oponi mohokne memangö möri mi kude añgön kölman.

30 “Yuaigö ulet gihigetka mi mönö körek yeñgöra engiman. Kunñan göhö inap yuaigi meiga mi mönö melen gihimapkö kude kapan köla qesiman. 31 *Ambazipnön yuai nanñinanğö ak engimegö mörakzei, miangö dop mönö nanñini mewöyök i ak engimakne.

32 “Gölmegö siñgisöndok ambazipnön alaurupñinan jöpaköm engigetka kitipñi melenđa jöpaköm engiba möpöseim añgumakze. İnini miangö dop gölmegö tandökñi wuatangömakze ewö, Anutugöreñ tosa qahö ahuiga mönö denöwö inini möpöseim engibawak? Alaurupñini aka kerökurupñini mi mönö mohotne jöpaköm engigetka töwa enjiiga oyaenköyaen akne.

33 “Gölmegö siñgisöndok ambazipnön alaurupñinan yuai ölopñi ak engigetka kitipñi melen engiba ala ak añguba möpöseim añgumakze. İnini miangö dop aka gölmegö tandökñi wuatangömakze ewö, Anutugöreñ tosa qahö ahuiga inini qahö möpöseim engima.

34 “Gölmegö siñgisöndok ambazipnön moneñ yuai mi siñgisöndok ambazip tosatñi yeñgöra engiba kitipñi miyök melen engimegöra kapan kölakze. Mi gölmegö ahakmemeya. İnini tosatñan tosañini melen engimegö al mambötetka Anutunön mönö denöwö möpöseim engibawak? Tosatñan tosañini qahö melen engigetka Anutunön mönö kitipñi mi melenđa töwa engima.

35 “Inini mönö Suet Toñangö ahakmemeya aka memba malme. Gölmegö ambazipnön bölöñi aka saiwap qahö jimakzemö, Anutunön töndup i ölopñi ak engimakza. Miangöra inini mönö kerökurupñini uruñinan jöpaköba ölopñanök ak engiba moneñ yuai engiba miangö likepñi kun melenđa engimegöra kude al mambötme. Mewö aka malgetka töwanınan sehiba öngöñgöñi aiga Anutu öngöñgöñangö nahönböraturupñi aka malme.

36 “Suet Iwiñinan körek pakpak ak kömum engimangö mötzawi, inini mönö miangö dop ambazip pakpak ak kömum engiba malme.” Mewö.

Jimtekötekö toñi ewö kude akne.

Mat 7.1-5

37 “Ambazip tosatñi yeñgö keuñini mi kude kewöta jim teköme. Mi qahö jim teköm engigetka Anutunön mönö nanñini mewöyök qahö jim teköm engima. İnini tosatñi yeñgö siñgisöndokñinanğö likepñi mi qahö melen engime. Mi qahö melen engigetka Anutunön mönö nanñini siñgisöndokñinanğö likepñi mi mewöyök qahö melen engima. İnini mönö tosatñi yeñgö siñgisöndokñini mosötme. Mi mosötetka Anutunön nanñini siñgisöndokñini mewöyök sañgonđa mosötma.

38 “Inini ambazip tosatñi yeñgöra yuai ak engigetka Anutunön mönö miangö dop kewöta yuai mi melenđa engöra ak engima. Miangöra inini mönö yuai kalema engimakne. Mewö engigetka Anutunön mönö mewöñanök kalema engimakne. Ölña, Anutunön ekbonep qahö möta bauköm engimakne. Anutunön kewöta inini engigeri, miangö dopñi jömuk memba kiwinön moko numbuñe kori utuköi qöröran aiga mulumgöi gei toroqeba qakne moko dopñi onğita qeqelanlan eri, mi mönö gösöñine löngöt engima.” Anutugö könani mewö.

Ambazipnön nanñini könani eka mötme.

39 *Jisösnön dopkeu kun kewö jii mötket, “Jegömöl ambazip kunön jegömöl alañi kun ölop böröñe memba wañgitma me qahö? Mewö anbahorak mönö mohotne lömnön geba etkubawak. 40 *Gwareknön böhiñi qahö onğitza. Böhiñinan mötmöt pakpak törörök kusum enji möt kömumei, körek yeñön mönö böhiñini ewö akne.

* 6:31: Mat 7.12 * 6:39: Mat 15.14 * 6:40: Mat 10.24-25; Jon 13.16; 15.20

41 “Gi wuanöngöra alagahö jeje gödöwöröt morörökñi ekzanmö, nangi jege ip sahötñi ketanji ahözawi, mia denöwö kude ek kutuzan? 42 Nangi jege ip sahötñi ketanji ahözawi, mi qahö ek kutuba denöwögöra alagahö kewö jibanak, ‘Alani mötnöñ! Jege euke gödöwöröt geba tatzawi, mi ölop itaköbi etma.’ O urumelenögö silesile azi, gi mönö mutuk nange jegeyök ip sahötñi (tapötñi) ketanji mi memba gilman. Mi mem gilagun törörök ek kutuba alagahö jeje gödöwöröt geba tatzawi, mi ölop itakönöngga etma.” Mewö.

Ipkö könanji mi ölnji eka kewöta möt kutume.

Mat 7.16-20; 12.33-35

43 “Ip ölopñi kunjan ölnji bölöñi qahö kuñgumakza. Mewöñanök ip bölöñi kunjan ölnji ölopñi qahö kuñgumakza. 44 *Jau köñji mi jömnöñ asuhuiga membingö osimakzin aka muli ölnji mi koururuknöñ asuhuiga qeköbingö osimakzin. Mianögö dop ipkö ölnji eka kewöta könanji möt kutume.

45 * “Azi uruñan yuai kokolak qei ahözawi, mia mönö numbuñan aukñe jimakza. Mianögöra azi ölopñanögö uru köweñe ölopñanögö möriamñi ahözawi, yañön mönö ölopñi mi aukñeyök jimakza. Azi bölöñanögö uru köweñe bölöñi ahözawi, yañön mönö bölöñi mi aukñe jimakza.” Mewö.

Miri tandö köhöikñi aka lölöwöröñi

Mat 7.24-27

46 “Inini nöngöra ‘Kembu Kembu!’ qet mi mönö wuanöngöra qerakzemö, nöñön yuai memegö jimakzali, mi qahö tem köla memakze.

47 “Denike yeñön nöngöreñ kaba keuni möta tem köla mezei, nöñön yeñgö könanjamñini kondela dopkeunöñ jimam. 48 Yañön mitim qeçe azi kianögö dop akza: Azi mianön ‘Miri memam,’ jiba löm köröpñi esiba geba tandöñi köt jamönjin qakñe kuñgum köhöii kinök. Mewö kiniga kie uru nalöñe o göulu köhöikñi gila miri kemañe kuñguyökmö, ölopñanök mem muhungöi kinök. Mianögöra kusumangö qem bibihiiga köhöiba kinök. 49 Qem bibihiyökmö, kunöñ keuni möta qahö tem köla mezawi, yañön mönö mitimqeçe azi kianögö dop akza: Yañön ‘Miri memam,’ jiba tandö qahö esim kömöta gölme qakñe kut bim miyök ala meyök. Mei kiniga kie uru nalöñe o göulu köhöikñi gila miri kemañe kuñguiga miri mi mianögöreñök kusuiga goromororöngöba erök.” Mewö.

7

Jisösnöñ suahö galöm kungö nup aziñi mem ölöwahök.

Mat 8.5-13

1 Jisösnöñ ambazip kambu sutñine mala Buña keñji pakpak mi jii mötketka engömosöta Kaperneam taonöñ kañgorök. 2 Mianögöreñ Rom suahö galöm kungö nup aziñan kawöl yöhöi kömumangö ahök. Galömñan yañgö möri öngöngöñi ahök.

3 Mianögöra Jisösgö buzupñi möta Juda yeñgö jitñememe tosatñi melaim enjiiga Jisösgöreñ anda kewö qesiget, “Mönö kaba welen aziñi mem ölöwakñan.” 4 Anda Jisösgöreñ angota kapañ köla köuluköba jiget, “Ketanjamñini, suahö galöm mianön mönö bauköm wañgimanañgö dop ölop sorokñi akza. Mianögöra mönö kanöñ.” 5 Mötnöñ, yañön Juda ambazip kambu neñgöra ak wañgiiga ‘Köuluk mirinini membin,’ jiinga kian yañön moneñ ali meget.”

6 Mewö jiget möta yembuk anök. Anökmö, suahö galömgö mirinji dopdowii yañön alaurupñi melaim enjiba Jisösgöra keu kewö alök, “O Kembu, ni mewörökñi malbiga nöngö miri boñan gualöñmapkö gamuni mötzal. Mianögöra mönö qahö aum kömumba kaman. 7 Ni nanañgö mötpi eretñi akzawañgöra göhöreñ kamangö dop kude mötzalmö, keu jitkanök jinöngga welen azinan ölöwakñan. 8 Mi kewögöra: Ni nanak mewöyök galömnañgö kukösum bapñe al niñgiget maljal. Nöngö bapñe yarö azi malgetka mi jim

* 6:44: Mat 12.33 * 6:45: Mat 12.34

kutum engimakzal. Yengörenök kungöra ‘Anman’ jim kutubi yanön anma. Kungöra ‘Kanön’ jim kutubi yanön kama aka welen azini kungöra ‘Nup ki meman,’ jibiga yanön mi mema.”

⁹ Jisösnön keu mi möta suahö galömgöra welipköba ambazip kambu wuatängöba kageri, yengören lilingöba kewö jiyök, “Nönön kewö jibi mötme: Israel könagesö sutnine mewöyök mötnarip ketanji mewöni mi kungö uruñe qahö miwikñaial.”

¹⁰ Mewö jiiga suahö galömgö kolekaziurupñan lilingöba mire angota welen azi miwikñaiba eketka ölöwaka tarök. Mewö.

Jisösnön malö kungö nahönji mem guliyök.

¹¹ Miangö andöñe Jisösnön taon qetñi Nain miangören aniga gwarekurupñi aka ambazip kambulembenön wuatängöba anget. ¹² Miangören taon kiripo nanğunji dopdowiiga qamöt kun anguba kaget. Malö kungö nahönña mohok-kunñan kömuiga taongö ambazip kambu ketanjan tokoba löm kölbingö kaget.

¹³ Kembunön malö mi eka wösöñi möta jii mörök, “Kude sahötman.” ¹⁴ Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnön. Nönön göhöra mewö jizal.” ¹⁵ Mewö jiiga qamöt mianön guliba wahöta könahiba keu jiyök. Keu jiiga Jisösnön namñambuk anmapkö wangiyök.

¹⁶ Ambazip pakpak yeñon mi eka qem sömbuñini möta Anutu möpöseiba jiget, “Kezapqetok azi ketanji kunön mönö sutnine asuhuba malja.” Tosatñan jiget, “Anutunön könagesöñi mesohol köl nenñii maljin.”

¹⁷ Yangö keu buzupñi mi sehiba Judia prowins pakpak dop köla gölmenji gölmenji likeplikep miangören an teköyök. Mewö.

Jongö gwarekyahötñi Jisösgören kayohot.

Mat 11.2-19

¹⁸ Jon O-melun azinön kösö mire tariga gwarekurupñan yuai pakpak mi asuhuyöhi, miangö kösohotñi jiget mörök. ¹⁹ Jiget möta gwarekñi yahöt etkoholi kayohotka Kembugören anda kewö qesim wangimahotköra melaim etkiyök, “Mem ölöwak azi kamapköra mamböringa göñon mia akzan me azi kun bian kamapköra mambötpin.”

²⁰ Melaim etkiiga Jisösgören angota jiyohot, “Jon O-melun azinön kewö qesim gihibitköra melaim netkiiga kazit, ‘Mem ölöwak azi kamapköra mamböringa göñon mia akzan me azi kun bian kamapköra mambötpin.’ ”

²¹ Jisösnön nalö miangörenök ambazip gwötpuk uzi kawöl izekwaizek (ijenwaijen) aka ömeñinambuk mi mem ölöwak engiyök aka jegömöl ambazip gwötpuk jeñini metohoi uba eket. ²² *Jongö gwarek yahötñan angota qesim wangiyohotka kewö melenök, “Yuai eka mötzahori, miangö kösohotñi mönö anda Jon kewö jiyohot mötma: Jegömöl yeñon uba eketka lokon yeñon köna anda kagetka uzikuku yeñon solanigetka kezapduhup yeñon keu mötketka kömuget yeñon guliba wahötketka etqeqeñi yengöra Ölöwak Buña jim asaribiga mörakze. ²³ Mewö asuhui eketka kungö uruñan qahö bölii andö nunñumawi, yanön mönö simbawon akza.”

²⁴ Mewö jiiga Jongö gwarek yetkön anohotka Jisösnön könahiba Jongö könañi ambazip kambu yengöra kewö jim asariyök, “Injini gölme qararanjölköñe miangören wania ekingöra anget? Luhutnön jehot uwutapköba metali anjanbanjan ahakzawi, injini azi mewöni ekingöra anget me?

²⁵ “Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñi kulemñi ek sihimñambuk löngöta anda kaba siyonñsayonji qahö maljei, mienön mönö kiñ yengö jakömbuak mirinñine malje. Mi gölme qararanjölköñe qahö.

* 7:22: Ais 35.5-6; 61.1

26 “Me wanat yuaia ekingöra anget? Kezapqetok azi kun ekingöra me? Ölña, nöñön kewö jibi mötket: Azi ekeri, yañön mönö kezapqetok ambazip tosatñi enğonğita tandökñi kun akza. 27 *Yağö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljiñe anda ambazip uruñini mindiğöba göhö könaği mesariga göñön mönö yağö andöñe gölmenöñ emu geman.’ 28 Keu mewö ahözapmö, nöñön kewö jibi mötket: Ambinöhök morö pakpak enğömegetka asuhugeri, yeğö sutñine Jonöñ mönö körek enğonğita qetbuñañambuk kinja. Kinjapmö, Anutugö bemtohoñ uruñe añağota Anutugö qetbuñañi miwikñaimakzei, yeğö sutñine eretñi kondikñi yañön mönö Jon onğitza.”

29 *Ambazip könağesö pakpak aka yeğö sutñine takis meme yeñön mohokñe Jongö Buñañi mötkeri, yeñön jim köleñda “Aha! Anutugö köna diñdiñi jim asariza,” jiba uruñini melengetka Jonöñ o melun mem enğiyök. 30 Mewö enğiyökmö, Farisi aka Köna keugö böhi yeñön Anutugö areñi qahö tem köla Buñañi andö qeba silekmalek aketka Jonöñ o melun qahö mem enğiyök.

31 “Ambazip merak gölmenöñ maljei, mi mönö wanatpuk dop al enğibileñak? Yeğö silikñini mi denöwö? 32 Yeñön namande ewö akze. Mienöñ maket sombemnöñ tata keu gön gila lañ qeta kewö jimakze, ‘Nini awölop uinga iñini liñet gwawet qahö unduget. Nini jingene kölinga iñini qahö toroqeba sahotket.’ 33 Mianğö könañi kewö: Jon O-melun azinöñ kaba nene siñgi mala wain o qahö neiga iñini yağöra jimakze, ‘Öme kunöñ uruñe geiga malja.’

34 “Suep gölmegö azi ölñañ kaba nene nem söñgaip aiga eñön jimakze, ‘Mötket, yañön bau numbu tandök közöjeriba wain o gwötpuk nempa takis tilipqilipñinambuk aka bölöñi meme yeğö alañina malja.’ 35 Körek pakpak Anutugö mötkutukutu köl gulimakzei, yeğö ahakmemeninağö ölñañ mönö mötkutukutuñinan dop köljawi, mi kondelakza.” Mewö.

Singisöndok ambinöñ Jisösgö könañi kelök miriyök.

36 Farisi (Köna keugö kapankölköl) azi yeğöreñök kunñañ Jisös mi nannañ miriñe kaba nene nemapkö köl öroyök. Köl öroi anda miriñe öngöba nene dumñe tarök. 37 *Taon mianğöreñ singisöndok ambi kun malök. Yañön Jisös Farisi azigö mire öngöba tata nene neyöhi, mianğö buzupñi möta kelök umköhökambuk mokoï köt kirin kun kokolak qeyöhi, mi memba öngöba kayök. Kirin mi nöluk tuat-tuat qetñi alabastö mianöñ memena.

38 Öngöba kaba Jisösgö könañe geba tata könañiba sahöri imbilñañ tiñgita geba könañe miriyök. Miriiga nörop jupñañ keren memba kutui öroniiga könañi numbuñañ yöhötim nempa kelök umköhökambuknöñ miriyök. 39 Miriyökmö, Farisi azinöñ Jisös köl öroyöhi, yañön mi eka uruñan kewö mötmöriyök, “Ambi ki singisöndokñambuha. Azi kianañ kezapqetok azia malbawak ewö, yañön mönö ambi könañe misirizawağö könañi möt kutubawak.”

40 Jisösnöñ mi möt kutuba kewö melenñda jiyök, “Saimon, nöñön keu kun jimamğö mötzal.” Jiiga jiyök, “Böhi, ölop jinöñ mötpi.”

41 Jiiga Jisösnöñ kewö jii mörök, “Ambazip yahötñañ benknöñ anda tosa albitkö moneñ galömñağö qesiyohot. Kunöñ silim 500:kö töwañi (Kina 2500,-), kunöñ silim 50:gö töwañi (Kina 250,-) mianğö dop tosa albitkö qesiyohot. Qesiyohotka mianğö dop etkiyök. 42 Etkiba könañep tosañiri misimahot jiiga moneñiri qahöwahiga osiyohot. Osiyohotka benk galömñañ tosañiri qeköba kutuba mosöt etkiyök. Mosöt etkiiga yetköreñök dañön i uruñan gwötpuk jöpaköm wañgimakza?”

43 Mewö qesiiga Saimonöñ kewö melenñök, “Nöngö mötmötnöñ tosa ketañi kutuba mosöt wañgiyöhi, yañön.” Mewö melenñiga jiyök, “Gi keu törörök kewöta jizan.”

* 7:27: Mal 3.1 * 7:29: Mat 21.32; Luk 3.12 * 7:37: Mat 26.7; Mak 14.3; Jon 12.3

⁴⁴ Mewö jiba ambigören lilingöba kewö jii mörök, “Ambi ki eknöj. Nöjön mirige kotpiga göjön könani saŋgoŋmamgö o kun qahö niŋgizanzmö, ambi kianjön mönö könani imbilŋan miriba nörop juŋŋan keren memba kutui öröniza. ⁴⁵ Göjön numbuni qahö yöhötüm nezanmö, ambi kianjön mönö mire kotpiga miangörenök kapaŋ köla könani yöhötüm nempa malja. ⁴⁶ Göjön nöropni kelök kude mirizanzmö, ambi kianjön mönö kelök umköhöwakŋambuknöj könane nömiriza. ⁴⁷ Miangöra nöjön kewö jibi mötnöj: Anutunöj ambi kianjö siŋgisöndokŋi gwötpuk mi mosöta saŋgoŋniga miangöra uruŋan ni gwötpuk jöpaköm niŋgiza. Kunöj siŋgisöndok boromdökŋi ahiga Anutunöj siŋgisöndokŋi morörökŋi mosöriga yaŋön uruŋan borom kun miyök jöpaköm niŋgimakza.”

⁴⁸ Mewö jiba ambi mi kewö jii mörök, “Nöjön göhö siŋgisöndoki saŋgoŋda mosötzal.”

⁴⁹ Mewö jüiga azi mohotŋe nene nempa tatkeri, yeŋön könahiba nanŋinök kewö jiget, “Siŋgisöndok saŋgoŋda mosötzawi, yaŋön mönö niŋi asia akŋamgö mötza?”

⁵⁰ Mewö jigetmö, Jisösnöj ambigöra jiyök, “Mötnariŋkan mönö amöt qem gihiza. Ölop luainöj anman.” Mewö.

8

Ambi tosatŋan Jisös nanjöba anget.

¹ Miangö andöŋe Jisösnöj liliköba taonŋi taonŋi aka miriŋi miriŋi miangören anda Anutugö bemtohoŋgö könaŋi jim asariba Ölöwak Buŋa keunöj ambazip uruŋini kuŋguba malök. Gwarekurupŋi 12 yeŋön yambuk mohotŋe anget. ² *Mewöyök ambi tosatŋan yambuk anget. Ambi mi mutuk kawöl engöhöi ömenöj kölköljijij mem engii malgetka Jisösnöj mem ölöwak engiyök. Ambi mi kewö: Maria qetŋi kun Magdalagö ambia qetket. Jisösnöj yaŋgö uruŋeyök öme 7 közöl engii kota anget. ³ Ambi kun qetŋi Joana. Yaŋgö apŋi qetŋi Kuza yaŋön kiŋ Herodkö jakömbuak miri miangören gawmangö monen galömŋa malök. Ambi kun qetŋi Susana, Yeŋön aka ambi tosatŋi gwötpuk yeŋön nanŋini monen inapŋinan Jisös aka gwarekurupŋi könanöj galöm köla nanjöm engiget. Mewö.

Qesiŋqesiŋ azigö dopkeu

Mat 13.1-9; Mak 4.1-9

⁴ Ambazipnöj taon dop miangörenök öröba Jisösgören kaba kambulelembenöj tokogetka Jisösnöj dopkeu kun kewö jiyök:

⁵ “Azi kunöj nene kötŋi qesiŋ gilmanjö anök. Anda qesiŋniga kötŋi tosatŋan köna jitŋe geba kölget. Geba kölgetka ambazipnöj tim tökötahögetka könakemba (warawen) neiŋi neiŋi kaŋgota mi nem teköget. ⁶ Kötŋi tosatŋan köt jamönjiŋnöj geba kölget. Geba köla miangören gölme oŋambuk qahö miwikŋaiba korapŋi kota soholiba gororoŋgöget.

⁷ “Kötŋi tosatŋan siri uret wahinambuknöj geba kölget. Geba kölgetka mienöj öröröj kota engoŋgita qem turuba böbölohot mem engiget. ⁸ Kötŋi tosatŋan gölme ölopŋe geba kölget. Geba köla jula wahöta ölni ölopŋi asuhaba handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöj denöwögöra dopkeugö könaŋi jiyök.

Mat 13.10-17; Mak 4.10-12

⁹ Mewö jüiga gwarekurupŋan dopkeu kianjö könaŋangöra Jisös qesim wanŋiget. ¹⁰ *Qesim wanŋigetka jiyök, “Anutugö bemtohoŋe angota malbingö keu tölapŋi mi engöra aukŋe jibi möt kutuzemö, tosatŋi yeŋgöra mia dop keunöj jibi mörakze. Mewö möta nanŋini jeŋinan yuai ekagun könaŋi töndup qahö ek kutume. Nanŋini kezapŋinan keu törörök mötagun könaŋi töndup qahö möt asarime.”

* **8:2:** Mat 27.55-56; Mak 15.40-41; Luk 23.49 * **8:10:** Ais 6.9-10

*Jisösnöj dopkeugö könañi jiyök.
Mat 13.18-23; Mak 4.13-20*

11 “Dopkeu mianğö könañi kewö: Köt qesiñ giljawi, mi Anutugöreñ Buña keu. 12 Nene kötni köna jıtne geba kölgeri, mi kewö: Ambazip tosatñan Buña keu mötzmö, mi mötketka Bölöñi Tonjan kaba uruñini melenđa Suepkö buña akepuköra keu kötni mi uruñineyök qeköba enğuanğirakza. 13 Nene kötni qesiñniga köt jamönjiñnönğ geba kölgeri, mi ambazip söpsöpñi kun. Yeñön Buña keu möta mi söşöngai qakne möt anğön kölakzemö, uruñine geba jalönini qahö megeranğöra nalö töröptökñi miyök möt nariba malgetka esapesapkö nalöñe mönö tala enğuma.

14 “Nene kötni qesiñniga siriuret wahiñinambuknönğ geba kölgeri, mi kewö: Yeñön Buña keu mötketka uruñine gezapmö, gölmenönğ malmalgö waimanjatñi aka monen inap memegö urukönöpñi ahuba lömbörim enğimakza. Qetbuñañinambuk akingöra köpösönğögetka sihim kömbönañi bölöñi tosatñan mewöyök uruñine dumğöba Buña keu böbölöhot mem wañgize. Mewö aiga ölni qahö gilipitñi akne. 15 Qahöpmö, nene kötni gölme ölopñe geba kölgeri, mi ambazip kewöñi: Yeñön Buña keu kezap ala mötketka uruñini ölopñi geñmonji qahö mianğöreñ geiga sohobapukö mökösönğda 8kapanj köla galöm kölgetka ölni ölopñi ölopñi miwikñaimakze.” Mewö.

*Yuai asa-asambötñi pakpak mi aukne ahuma.
Mak 4.21-25*

16 * “Kunñan lambe me kiwa ohotiriba kimbutnönğ kude köl turuma me dum bapne qahö alma. Mi qahöpmö, mi mianğö dum qakne ali tatma. Tata asariiga tosatñan miri uruñe öngöbingö mötzei, yeñön mianğö asakñi eka ölop öngöme.

17 * “Mewöñanök urunine yuai kun asambötket tölapne ahözawi, mi mönö aukne asuhum tiñgitma. Yuai kun köl turuin ahözawi, mi mönö luluñgetka kötula ahöma.

18 * “Mianğöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawi, Anutunönğ mönö mi toroqem wañgii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunönğ mönö mötmötñi morönji mi mewöyök qeköba wañgitma.” Mewö.

*Jisösgö nam-munurupñi.
Mat 12.46-50; Mak 3.31-35*

19 Jisösnönğ mewö jiba maliga nam munñan i ekingö kagetmö, ambazip kambu ketanjan öloköba gwözönğerañğöra kösutne anbingö osiget. 20 Osiba kingetka kunñan kewö jii mörök, “Göhö nam-mungan mönö yaigep kinda gi gekingö mötzei.”

21 Jii mörökmö, Jisösnönğ kewö melenđa jii mötket, “Ambazip ki Anutugö Buña keu möta tem köla köl gulimakzei, mienön mönö nönğö namni aka munurupni akze.” Mewö.

*Jisösnönğ jüiga raidimbom görönğ qeyök.
Mat 8.23-27; Mak 4.35-41*

22 Wehön kunönğ Jisösnönğ gwarekurupñi kewö jii mötket, “Mönö mosöta o anğö kutuba likepne anğotpin.” Mewö jüiga wañgenönğ mohotne öngöba o anğö qakne anget. 23 Anda opo seri möröreñğögetka luhutnönğ nañğöiga angetka Jisösnönğ gaun ahöyök. Ahöiga luhut raidimbom o anğönönğ gila siri kunduriga wañge uruñe geyök. Geba numbuñe qemamğö aiga ayuhubingö aket.

24 Ayuhubingö aka gwarekurupnan anda möndöba jiget, “Kembu Ketanjanini, mönö nini anğönönğ ayuhubingö akzin.” Mewö jigetka imbiñi möta luhut aka o anğögö sirinji kewö jim qetal etkiiga ösumñiran eriga nönğ qeba ahöyök.

* 8:16: Mat 5.15; Luk 11.33 * 8:17: Mat 10.26; Luk 12.2 * 8:18: Mat 25.29; Luk 19.26

²⁵ Mewö aiga jii mötket, “Engö mötnaripņini mi denike?” Mewö jiyökmö, yeņön awöwöliba qem sömbuņini möta jiget, “Yei, azi kia mönö denöwöņan malja? Yaņön mönö luhut aka köwet siri jim kutum etkiiga jitņi tem köl waņgizahot.” Mewö.

Ömenöņ bau uruņine gegetka azinöņ ölöwahök.

Mat 8.28-34; Mak 5.1-20

²⁶ Jisösnöņ gwarekurupņi yembuk toroqeba opo seri möröreņgögetka luhutnöņ naņgöi anda o aņgö kutuba Galili prowins likepņe Gerasa gölmenöņ aņgotket. ²⁷ Mianğöreņ aņgota saknöņ öņgöi azi ömeņambuk kun mi taonöhök kaba Jisös miwikņaiyök. Azi mi qaksirinöņ mala qamöt köteņi esiba urorohoget ahögeraņgöreņ ahöm malök. Nalö köröpņi opo maluku qahö löņgöta miri kungö uruņe qahö ahömalök.

²⁸⁻²⁹ Ömenöņ nalö köröpņi öröm ureim waņgiiga azi gwötpukņan bөрö takņi qeba könaņi tapepnöņ (munğamuņga) jöhöba galöm köla malgetmö, tapepņi öroi tiņgitqinğiriga ömenöņ kuņguiga gölme qararaņkölkolņe anda laņ malök. Mianğöra Jisösnöņ ömeņi mi kewö jim kutum waņgimamğöra ahök, “Öme bölöņi, gi mönö kota azi ki mosöta anöņ.” Mewö jimamğö aiga Jisös eka silata gölmenöņ kösutņe geba qet gigilahöba kewö qerök, “Aek Jisös, gi Anutu öņgöņgöņaņgö nahönņi akzan. Gi mönö denöwö ak niņgimamğöra ki kazan. Nöņön ulet gihizal: Gi sihimbölö könöpņambuk kude ak niņginöņ.”

³⁰ Mewö jiiga kewö qesiyök, “Gi qetki niņi?” Ömewöröme gwötpuk uruņe geba malgeraņgöra “Qetnini lijön jizin” jiget. Mi nanine keunöņ Kerök kambu ketañi. ³¹ Mewö jiba Jisös kewö ulet waņgiget, “Gi neņguataņgöba öme löm dutņi qahö mianğöreņ gebingöra kude jim kutum neņgiman.”

³² Kösutņine kunduņi marömņe mianğöreņ bau kambu ketañi kun gwözözak uruņe kulunđa malget. Mianğöra ömenöņ kewö jiba ulet waņgiget, “Gi ölop jinöņga nini bau miengö uruņine gebin.” Ulet waņgigetka “Mönö anda geget.” Jiba jim kutum enğiyök. ³³ Jim kutum enğiiga azi uruņeyök kota anda bau uruņine geget. Gegetka bau kambu yeņön mönö luhuba nembönembönöņ anda jororoņgöba o aņgönöņ geba nemulahöba kömuget.

³⁴ Mi asuhuiga bau galöm yeņön mi eka taon aka miri morömorö mianğöreņ ölöņ unjurata anda keu buzupņi mi jiget mötket. ³⁵ Jiget möta ambazip sesegilgil yeņön yuai asuhuyöhi, mi ekingöra kaget. Kaba Jisösgöreņ kaņgota azi uruņeyök ömenöņ kotkeri, yaņön könaņe tariga miwikņaiget. Opo sileötañi törörök jöhöba uruņi amöriiga imbi mötmötni pakpak asuhuiga eka awöwöliget. ³⁶ Azi ömeņambuk malöhaņön denöwö ölöwahöhi, mi jeņinan ekerañön jiget mötket.

³⁷ Möta gwötpuk awöwöliba qem sömbuņini mötket. Mianğöra Gerasa gölmegö ambazip kambu pakpak yeņön Jisösnöņ engömosötmakğöra ulet waņgiget. Ulet waņgigetka lilingöba anmamğö waņgenöņ öņgömamğö ahök. ³⁸ Öņgömamğö aiga azi uruņeyök ömenöņ kotkeri, yaņön kaba Jisösbuk mohotņe anda malmamğöra qesiyök. Mewö qesiyökmö, Jisösnöņ qetala melaim waņgiba kewö jiyök,

³⁹ “Gi mönö lilingöba mirige anda Anutunöņ aņgöletot ketañi ketañi ak gihiyöhi, mianğö kösohotņi jinöņga mötme.” Mewö jiiga anda Jisösnöņ aņgöletot ketañi ketañi ak waņgiyöhi, mianğö keuņi mi taon uruņe liliköba miri dop jim sehiyök. Mewö.

Jairusnöņ bөрatņaņgöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söņgaiba öröm waņgiget. ⁴¹ Köuluk mirigö keu galöm kun qetņi Jairus yaņön kaba Jisösgö wösöņe geba simin köla miriņe kamapğöra köuluköm waņgiyök. ⁴² Moröurupņi qahöpmö, bөрatņi mukmorö mohok yambuņi (yara) 12:gö dop mala kömumamğö ahök. Jisös köl öröm waņgigetka aniga ambazip kambunöņ likeplikep ölököba utal waņgiget. Mewö.

Kawöl ambi kunöŋ Jisösgö malukuŋi misiriyök.

⁴³ Utal waŋgiba angetka mianğoreŋ sutŋine ambi kun malök. Yaŋön yambu (yara) 12 mianğö dop köiŋnöŋ ehiga nalö dop kawöl yöhöiga malök. Yaŋön sile galöm yeŋğö töwaŋini moneŋ inapŋi pakpak gil maliga sile galöm körekŋan mem ölöwakingö osiget.

⁴⁴ Ambi mianğön Jisösgö andöŋe anda malukuŋaŋğö kitip suŋi misiriiga mianğoreŋğök sepŋi jöpköyök.

⁴⁵ Jisösnöŋ qesiba jiyök, “Daŋön nömisiriza?” Mewö jiyökmö, ambazip körekŋan mi qaŋ kölgetka Pitönöŋ jiyök, “Ketaŋamni, ambazip kambunöŋ ölököba utal aŋguba kaba goseize.”

⁴⁶ Jiiga Jisösnöŋ jiyök, “Qahö, kunŋan nömisiriga ösumni kun ani mötzal.” ⁴⁷ Mewö jiiga ambinöŋ “Könaŋamni lök asuhuza,” jiba jönömŋi unduiga kaba Jisösgö wösöŋe simin köla kawölŋaŋğö könaŋi aka misiriba mianğoreŋğök ölöwahöhi, mianğö könaŋi aukŋe jiiga ambazip kambu körekŋan mötket. ⁴⁸ Mötketka Jisösnöŋ kewö jii mörök, “Böratni, mötnaripkan mönö mem ölöwak gihiza. Ölop urubönjöhönöŋ anman.” Mewö.

Jisösnöŋ Jairusgö böratŋi mem guliyök.

⁴⁹ Keu mewö jiba kiniga köuluk mirigö keu galömnäŋğö mireyök kunŋan welen kaba Jairusgöra jiyök, “Böratkan kömuza! Mianğöra böhigö qakŋe lömböt toroqeba kude alman.”

⁵⁰ Jiyökmö, Jisösnöŋ keu mi möta köuluk mirigö keu galömŋi kewö jii mörök, “Keŋğötki kude mötman! Mohok-kun akŋan. Mönö ni möt narim niŋginöŋga böratkan ölöwakŋa.”

⁵¹ Mewö jiba yaŋğö mire anda ambazip tosatŋi eŋğömosöta Pitö, Jon, Jeims aka morö böratkö iwinamŋi iyök eŋguaŋgiri nanŋinök miri uruŋe öŋğöget. ⁵² Öŋğögetka ambazip körekŋan jinğen köla sahöta amburereŋ megetmö, Jisösnöŋ jiyök, “Yaŋön qahö kömuzapmö, gaunök ahöza. Mianğöra mönö sahöt mosötme.”

⁵³ Mewö jiiga gönahit ewö aiga “Mönö kömuza!” möta gön köl waŋgiget. ⁵⁴ Gön köl waŋgigetmö, börat mi böröŋe memba qeta jiyök, “Böratni, mönö wahötnöŋ.” ⁵⁵ Mewö jiiga uŋaŋan liliŋğöiga mianğoreŋğök wahöta kinök. Kiniga numbu nene waŋgiget nemapkö jiyök. ⁵⁶ Iwinamŋan mi eka welipköyohotmö, Jisösnöŋ yuai asuhuyöhi, mianğö buzupŋi kun jiget mötpepukö soŋgo al eŋgiyök. Mewö.

9

Jisösnöŋ gwarekurupŋi 12 melaim eŋgiyök.

Mat 10.5-15; Mak 6.7-13

¹ Jisösnöŋ gwarekurupŋi 12 mi eŋgoholi tokogetka ömewöröme pakpak közöl eŋgimegöra aka uzi kawöl mem ölöwakŋegöra kukösumŋi ösum-mumuŋambuk al eŋgiyök. ² Kukösum eŋgiba kewö jiba melaim eŋgiyök, “Inini mönö anda Anutugö bemtohoŋaŋğö könaŋi ambazip jim asarim eŋgiba kawöl ambazip mem ölöwak eŋgiba malme.” ³*Melaim eŋgiba jii mötket, “Inini köna anmeaŋğöra yuaini kun qahö memba anme, öröp qahö, gösö qahö, köna nalem qahö, soujeŋi qahö. Maluku semönŋi qahöpmö, mohok meme.

⁴ “Anda mire denike denike aŋgotmei, mönö mianğoreŋğök mala nup memba taon mi mosöta köna anme ⁵Anda mala miri kunöŋ aŋgotketka qahö köl öröm eŋgiba keuŋini qahö mötketka nesampurekŋini mönö kewö jiba kondel eŋgime, ‘Nini eŋğö gölmenöŋ kainga sölbuham köna tambönine mekötahözawi, mi mönö tim tönjöraringa nanŋine liliŋğöba gema.’ Mewö jigetka könaŋamŋini solanŋi möt kutugetka ölop taon mi mosöta toroqeba anme.”

⁶ Mewö jiiga mosöta anda miriŋi miriŋi liliköba miri dop Ölöwak Buŋa jim asariba kawöl ambazip mem ölöwak eŋgiba malget. Mewö.

* 9:3: Luk 10.4-11; Apo 13.51

Herodnön Jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, miangö qetbuñan sehiba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinön mönö kömupnöhök wahöta malja.” Miangöra kiñnön keugö jaruba lalalulu siksauk ahök. ⁸ Ahökmö, tosatñan jiget, “Elaijanön kunbuk asuhuba malja.” Tosatñan toroqeba jiget, “Kezapqetok azi walñi yeñgöreñök kunön mönö guliba wahöta malja.” ⁹ Mewö jigetmö, kiñ Herodnön kewö jiyök, “Jon O-melun azi mi nöñon jibi jölñi kutugetmö, kungö keuñi mewö jiget mötzali, mi mönö danön?” Mewö jiba Jisös ekñamgö kapañ köla jörömqöröm ahök. Mewö.

Jisösnön azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñon Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enguanñita ambazip qenjarökñini mosöta taon qetñi Betsaida miangö kösutñe nanñinök kötikñe malbingö anget. ¹¹ Angetmö, ambazip kambu yeñon mi möta Jisös andöñe wuatangöba anget. Anda Jisösgöreñ kagetka köl öröm enñiba Anutu bemtohoñangö könañi jim asariba kawöl ambazip mem ölöwak engiyök.

¹² Mewö aka mali wehön jeñan teköba gemangö ahök. Mewö aiga gwarek 12 yeñon kaba Jisös kewö jiget mörök, “Nini gölme kötikñi kiangöreñ maljinangöra gi ölop ambazip kambu ki melaim enñinöñga miri koum dowe dowe tat anjei, miangöreñ anda ahöahö miri aka nene miwikñaiame.”

¹³ Mewö jigetmö, kewö jii mötket, “Enñon mönö nanñinak i nene gumohom enñime.” Mewö jiiga melenget, “Nini beret sahötñi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeñgöra nene söñgöröñi membinak me? ¹⁴ (Yeñon azi 5000:gö dop malje.)” Mewö melengetka gwarekurupñan kewö jii mötket, “Enñon mönö ambazip enñgöra jiba menden enñigetka kambu dop 50:gö dop nene nemingö tokoba eta tatme.”

¹⁵ Jiiga mewö aka menden enñigetka ambazip körekñan eta kambuñi kambuñi tat anget. ¹⁶ Tat angetka beret 5 aka söra yahöt mi memba suepnön ui öngöiga kötuetköyök. Kötuetköba beret mindipköba gwarekurupñi enñiiga ambazip kirip dop menden da sutñine alget. ¹⁷ Sutñine algetka körekmakörek memba nem timbireñ aket. Nene kitipñi kitipñi mosötkeri, mi gwarek yeñon qezakögetka sakap 12 miangöreñ geba kokolak qeyök. Mewö.

Pitönön Jisösgö könañi jim miwikñaiyök.

Mat 16.13-20; Mak 8.27-30

¹⁸ Nalö kunön Jisösnön nanñök gölme kungen köuluköiga gwarekurupñan yambuk malgetka qesim enñiba kewö jiyök, “Ambazipnön nöñgöra denöwö jimakze? Ni ninia akzal?”

¹⁹ *Jiiga melen da kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kunñan kömupnöhök wahöta maljan.’ ”

²⁰ *Mewö jigetka kewö qesim enñiyök, “Aka nanñinak nöñgöra denöwö jize? Ni ninia akzal?” Qesim enñiiga Pitönön melen da jii mörök, “Gi Anutugöreñ Amötqeqe Tonji Kraist akzan.” Mewö.

Jisösnön kömumangö keuñi jiyök.

Mat 16.20-28; Mak 8.30–9.1

* 9:7: Mat 16.14; Mak 8.28; Luk 9.19 * 9:19: Mat 14.1-2; Mak 6.14-15; Luk 9.7-8 * 9:20: Jon 6.68-69

²¹ Mewö jiiga könañi aukñe jiget kunñan mötpepuköra sonjo köhöikñi al enjiyök. Mewö.
²² Jisösnöñ jiyök, “Suep gölmegö azi ölnan mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñon mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatängöbingö söngöröñi

²³ *Jisösnöñ ambazip pakpak yeñgöra keu kewö jii mötket, “Kunñan nöngö andöne nuatängöba kamangö mötzawi, yeñon mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatängöba kama.

²⁴ * “Kunñan malmalñi nanñangöra angön köla nanñi imbi-imbi maljawi, yeñon mönö malmalñi ölni jöhöi sohoma. Sohomapmö, kunñan gölmegö malmalñi nöngöra aka köleñda tököm niñgimawi, yeñon mönö malmal ölnangö könañi miwikñaiba köhöiba malma.

²⁵ “Kunñan gölmeñi gölmeñi miengö öröyuaini pakpak köl öröiga buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga könöp sianöñ geba uñañan ayuhuiga qahö dop kölma. Sukinapñi mianñon mönö urusösöngai qahö ak wangima. Qahöpmañöp!

²⁶ “Kunñan nöngö qetni aka Buña keuni memba eta aljawi, i Suep gölmegö azi ölnan mewöyök ehöröñ kölma. Yeñon könañep Suep garata töröñi yembuk ki etketka yeñgö, nanñangö aka Iwiñangö asakmararañini eka aurume. Nalö mianñoreñ azi me ambi mewöñi mönö ehöröñ köl wangima. ²⁷ Nöñon keu ölni kun kewö jibi mötme: Kiangöreñ kinjei, engö sutñineyök tosatñan Anutugö bemtohoñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

Jisösgö sileñe letotqetot ahök.

Mat 17.1-8; Mak 9.2-13

²⁸ *Keu mi jiiga wehön 8:kö dop teköiga Jisösnöñ Pitö, Jon aka Jeims enguanñita kundune öngöba Anutu köuluköyök. ²⁹ Köuluköiga mianñoreñ jemesoholñangö kaisongolomñan letota tandökñi murutñi ahök. Malukuñan tuat lalamñi aka kölköl-bilikbilikñambuk asariyök. ³⁰ Mianñoreñök eketka azi yahötñan asuha Jisösbuk keu keu jiget. Mi Moses aka Elaija. ³¹ Asakmararañ uruñe asuha Jisösbuk keu kewö eraum mötket, “Anutunöñ Jisös sihimbölö möta kömumapkö melaiiga eta zilañ Jerusalem sitinöñ aniga areñ mianñon ölnambuk ak teköma.”

³² Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeket. ³³ Engeketka kinda Jisös mosötpitkö ahotka Pitönöñ Jisösgöra jiyök, “Ketañamnini, neñon kiangöreñ uru ölöwak mötzin. Mianñöra neñon ölop koun karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

³⁴ Mewö jiba kiniga unuñunñ kunöñ eta aumñan esuhum enjiiga kousu uruñe mala awöwöliba jönömñini unduyök. ³⁵ *Jönömñini undui kingetka kousu uruñeyök qet kun kewö eriga mötket, “Azi ki mi nani nahöna. I ambazip amöt qem enjimangöra möwölöhöm wangial. Mönö yangö keuñi möta malme.”

³⁶ Qet mianñon eri möta gwarek yeñon mianñoreñök uba Jisösnöñ nanñök kini eket. Kundune yuai ekeri, mianñö buzupñi mi nalö mianñoreñ kude jiba keu bök malgetka kunñan kun qahö mörök. Mewö.

* 9:23: Mat 10.38; Luk 14.27 * 9:24: Mat 10.39; Luk 17.33; Jon 12.25 * 9:28: 2 Pitö 1.17-18 * 9:35: Ais 42.1; Mat 3.17; 12.18; Mak 1.11; Luk 3.22

Jisösnöñ öme wuatangöi morönöñ ölöwahök.

Mat 17.14-21; Mak 9.14-29

³⁷ Ahöba wahötketka Jisösnöñ gwarekurupñi karöbut yembuk kunduneyök eta sörökne ambazip kambuleleme engeget. ³⁸ Engegetka ambazip kambunöhök azi kunñan qeta kewö jiyök, “Böhi, nöngö nahöni mukmoröya akzawangöra mönö kaba i ekñan. Miangöra köuluköm gihizal. ³⁹ Mötnöñ, öme kunöñ i memba mendawöli miangöreñök qet gigilahöi utuköm wangii wölöhariiga numbuñeyök qölqölsöutsöut erakza. Öme miangön öröm ureim wangiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet engizalmö, yeñön mi osize.”

⁴¹ Mewö jiiga Jisösnöñ melen wangiba jiyök, “Yei, gölmegö yangisen aka misimkaulup ambazip, nöñön mönö nalö dawik embuk mala qatön engubiga Anutu qahö möt narigetka sihimbölö mötmam? Nahöngi mönö wangita ki kanöñ.”

⁴² Morö mi wangita kaiga nalö miangöreñ mewöyök ömenöñ morö utuköba urepköm wangiiiga wölöhariyök. Mewö ahökmö, Jisösnöñ öme mi jim wangii mosöri morö mem ölöwaka iwinji wangiyök. ⁴³ Anutugö kukösumñi ketanñan mewö asuhuiga körekñan mi eka nemböñini teköi welipköget. Mewö.

Jisösnöñ kömumangö bunañi jiiga yahöt ahök.

Mat 17.22-23; Mak 9.30-32

Jisösnöñ yuai pakpak mi meyöhi, miangöra ambazip körekñan welipkögetka Jisösnöñ nalö miangöreñ gwarekurupñi keu köñji kewö jii mötket, ⁴⁴ “Keu ki mönö kezap ala mötme: Anutunöñ Suep gölmegö azi ölni mi gölme ambazip yeñgö böröñine al wangii gema.” ⁴⁵ Keu köñji mi jii mötketmö, mi qahö möt kutuget. Anutunöñ mi köl turui tölapne ahöiga mi qahö möt asariget aka könani denöwö, mi qesibingö kölköldömdöm aket. Mewö.

Gwarek sutñine danön mutukñi akza?

Mat 18.1-5; Mak 9.33-37

⁴⁶ *Gwarek neñgöreñök ‘Danön öngöngöñi akza?’ jiba keu mi mötmoriget. ⁴⁷ Mi mötmorigetmö, Jisösnöñ urumötmötñini möt kutuba namande moröñi kun memba qöhöröñe ali kinök. ⁴⁸ *Kiniga kewö jii mötket, “Körek engöreñök kunñan eretñi kondökñi akzawi, yanön mönö öngöngöñi akza. Miangöra kunñan namande ki nöngö qetne miriñe köl öröba köyan kölmawi, yanön mönö ni köl öröm niñgima. Kunñan ni köl öröm niñgimawi, yanön melaim niñgiyöhi, mönö i mewöyök köl öröm wangima.” Mewö.

Kunöñ keröki qahö, yanön mönö alagi akza.

Mak 9.38-40

⁴⁹ Nalö miangöreñ Jonöñ könahiba keu kewö jiyök, “Ketanamni, azi kunñan göhö qetnöñ öme közöl enjiiga ehin. Yanön nembuk qahö liliköba maljawangöra nini i qetal wangiin.”

⁵⁰ Mewö jiyökmö, Jisösnöñ kewö jii mörök, “I kude qetal wangime. Kunñan qahö qetal engimakzawi, yanön mönö engö areñnöñ malja. (Miangöra inini mönö nöngö alaurupni tosatñi mi qetala angösirip mem engibepuk.)” Mewö.

Samaria miri kun yeñön Jisös andö qeget.

⁵¹ Jisösnöñ Suepnöñ öngömangö ahök. Miangö nalöni törizawangöra Jisösnöñ kinda “Jerusalem sitinöñ anmam,” jiba jim köhöiba könahiba könanöñ anök. ⁵² Anda kolek qeljine aliga mutuk anget. Könanöñ anda mala Samaria prowinsgö miri kunöñ angota “Jisösgöra mözöqözözöm akingöra kazin,” jiget. ⁵³ Jiba angetka anökmö, “Ni Judia prowinsnöñ Jerusalem jike göröken anmam” jiiga miangöra miri angön köla yaizökzök qahö jiget. ⁵⁴ *Mewö aketka gwarekyahötñi Jeims aka Jon yekñön mi eka jiyohot,

* 9:46: Luk 22.24 * 9:48: Mat 10.40; Luk 10.16; Jon 13.20 * 9:54: 2 Kinj 1.9-16

“O Kambu, Suepnöhök könöp eta engohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöñ lilingöba tembula jim etkiyök. ⁵⁶ Mianğöreñök toroqeba miri kunöñ anget. Mewö.

Jisös wuatangöbingö möndömöndö keunji

Mat 8.18-22

⁵⁷ Könanöñ angetka azi kunñan kaba Jisösgöra jiyök, “Gi denike denike anmani, nöñön mönö mianğöreñ gi guatangöba kamam.”

⁵⁸ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmegö azi ölnan mönö denike anda nöropñi wani qömböñnöñ nariba luhut membawak.”

⁵⁹ Jisösnöñ azi kungöra jiyök, “Gi kaba ni nuatangöman.” Jiyökmö, kewö melenök, “Kambu, mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.”

⁶⁰ Mewö jiyökmö, Jisösnöñ melenöda jiyök, “Mosötnöñ! Köhömuñi yeñön qamötni köhömuñi mi ölop löm kölmemö, göñön mönö anda Anutu bemtohoñangö könañi jim asarim engiba malman.”

⁶¹ *Kunbuk azi kunñan kanğota jiyök, “Kambu, nöñön gi guatangömangö sihimni mötzalmö, mötnöñ, gi ölop jinöñga mutuk mire anda tinitosolomurupni yaizökzökñini jibigun.”

⁶² Jiyökmö, Jisösnöñ melenök, “Kunöñ gölme mesinmesinğö kinöñ mi hos andöñe jöhöba böröñan kinöñ supñe memba kini aniga dumñe lilingöba andöñe uzawi, yeñön mönö Anutugö bemtohoñnöñ angota nupñi memawangö dop qahö akza.” Mewö.

10

Jisösnöñ gwarek 72 melaim engii anget.

Mat 9.37-38; 10.7-16

¹ Mianğö andöñe Kambunöñ gwarek tosatñi 72* mi möwölöhöm engiyök. Nanñak “Taonñi taonñi mirinji mirinji anmam,” jiba mianğöreñ yahöt yahöt meköba mutuk melaim engiyök. ²*“Melaim engimam,” jiba kewö jii mötket, “Anutugö nupnöñ nene ölni gwötpuk öliba ahözapmö, mi tokobingöra nup meme ambazip nini awamdökñi maljin. Mianğöra mönö nene öliölinangö Kambuñi köuluköm wanğigetka nup meme ambazip melaim engiiga ölni mem tokome.

³*“Inini mönö anme. Mötket, lama yeñön arökñangö kiam kalñi yeñgö sutñine gegetka luhuba engöhöbepuk, nöñön inini mianğö tandök ewö melaim engibi anme. ⁴*Inini moneñ irimunğa me gösö kun me köna esu mi kude memba anme. Anda könanöñ ambazip engeka jiji-kilik-kilik yaizökzök kude akñe.

⁵ “Anda miri kunöñ öngöba mutuk kewö jime, ‘Anutunöñ miri kianğöreñ luai ali böñjöh malme.’ ⁶ Mewö jigetka kunñan luai angön kölmangö dop akzawi ewö, luaininan mönö yangö qakñe öngömapmö, kunñan mi qahö angön kölma ewö, luaininan mönö lilingöba nanñini qakñine öngöma. ⁷*Miri öngömei, mönö mianğöreñök mala nup meme. Ambazipnöñ nup meme ambazip malmalñini nanğomeangö dop akze. Mianğöra yeñön nene aka o engime, mi mönö neme. Miri tosatñe lanlan kude ahöme. Miri suen kude anda kame.

⁸ “Taon mianğöreñ me mianğöreñ angotketka köl öröba nene engime, mia mönö neme. ⁹ Nemba tosatñan mianğöreñ kawöl engöhöi ahöme, i mönö mem ölowak engime. Mewö aka kewö jiget mötme, ‘Anutugö bemtohoñan mönö dowe kaiga mianğö uruñe angotme.’

* **9:61:** 1 Kinj 19.20 * **10:1:** Tosatñan oyoñda 70 jize. Tosatñan 72 jize. * **10:2:** Mat 9.37-38 * **10:3:** Mat 10.16 * **10:4:** Mat 10.7-14; Mak 6.8-11; Luk 9.3-5 * **10:7:** 1 Kor 9.14; 1 Tim 5.18

10 *Mewö aknemö, taon kunöŋ angotketka andö engumei, mianğoreŋ mönö maketnöŋ me sombemnöŋ anda kewö jiget mötme,

11 ‘Nini engö taonöŋ kainga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuhuza.’ 12 *Nöŋön kewö jibi mötket: Anutunöŋ nalö ketanŋe qemasolokepŋinanğö likepŋi melenŋi taon mianğö qakŋe öngömawi, dop mianğön mönö Sodom yeŋö sihimbölo dopŋi oŋgita toroqem engima.”†

Jisösnöŋ taon 3 yeŋgöra ‘Yei wösöbirik!’ jiyök.

Mat 11.20-24

13 *‘‘O Korazin toŋi, nöŋön engöra ‘Yei!’ jiba sahötzal aka Betsaida toŋi, engöra mewöyök ‘Yei!’ jiba sahötzal. Nöŋön yeŋgöreŋ anbiga keuni jibi sösonihii anğöletotni kukösumŋinambuk asuhugetmö, uruŋini töndup qahö melenget. Anğöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini melenbingö kaisösöpŋi kondela dodohonöŋ anğömiriba kau ariba sahötpeak.

14 ‘‘Sahötpeakmö, Anutunöŋ könanğep Korazin aka Betsaida yeŋgö keuŋini jim teköba likepŋi melenŋi sihimbölo mötmei, nalö ketanŋi mianğöreŋ mi mönö Taiö aka Saidon yeŋgö sihimbölo dopŋi oŋgita mötme. 15 *Aka Kaperneam toŋi, Anutunöŋ inŋini ölop mem wahöt engii Suep mire öngöbeak me qahöpto? Qahöpmahöp! Inŋini mönö kömupkö senjom mire kölölohoba geme.

16 *‘‘Kunŋan keuŋini mötmawi, yaŋön mönö nöŋgö keuni mötma. Kunŋan andö engumawi, yaŋön mönö ni andö nuŋgumapmö, kunŋan ni andö nuŋgumawi, yaŋön melaim niŋgiyöhi, mönö i andö gema.’’ Mewö.

Gwarek 72 yeŋön lilingöba söŋgaiget.

17 Gwarek 72† yeŋön mala lilingöba kaba söŋgaiba kewö jiget, ‘‘Kembu, nini göhö qetke öme wöröme jim kutum engiinga yeŋön mewöyök keunini bapŋe anda tököba anget.’’

18 Mewö jigetka Jisösnöŋ melennök, ‘‘Nöŋön Satan kakögetka Suepnöhök luhuba wöbilik ewö aköba gei ehal. 19 *Mötket, nöŋön kukösum engibiga inŋini ölop kitim soramen, skorpion (nendaŋ kömbukŋi pomemba) aka kerökŋinanğö ösum-mumuŋi jitŋambuk pakpak tiget eriga luhut alme. Mianğöra yuai kunŋan qahö engum mizit ak engima.

20 ‘‘Mianğöra ömewöröme yeŋön keuŋini bapŋe anjemö, töndup engöreŋ söŋŋai bohonŋi mi mianğöra kude söŋgaim. Engö qetŋini Suep mire ohoget Anutugö buknöŋ ahözawi, mianğöra mönö önöŋi qahö söŋgaim.’’ Mewö.

Jisösnöŋ söŋgaiba Anutu möpöseiyök.

Mat 11.25-27; 13.16-17

21 Nalö mianğöreŋ Uŋa Töröŋan Jisös inahöm waŋgiiga söŋgaiba keu kewö jiyök, ‘‘O Iwini, göŋön Buŋa keugi mötkutukutu ambazip mötmöt ketanŋi megeri, yeŋgöreŋ asambötnöŋmö, ambazip nahönbörat ewö nanŋinanğöra mötketka gukmaulem akzei, mi mönö yeŋgöreŋ indelnöŋga möt asarize. Mianğöra nöŋön Suep gölmegö Kembuŋi gi möpöseim gihizal. O Iwini, gi nangak mewö asuhumapköra mötnöŋ dop köli ölöwahök.

22 *‘‘Iwinan mönö yuai pakpak jim kutuiga nöŋgö buŋaya ahök. Iwinan Nahönŋanğö könanŋi nanŋök möt yaköiga kunŋan mi qahö mötza. Mewöyök kunŋan Iwiŋanğö könanŋi qahö möt yaköiga Nahönŋanök mi mötza aka ambazip möwölöhöm engiba yeŋgöra mi indelmawi, yeŋön mönö Iwi möt waŋgime.’’

* 10:10: Apo 13.51 * 10:12: Jen 19.24-28; Mat 11.24; 10.15 † 10:12: Sodom yeŋön bölöŋi kanjamŋambuk memba mala uruŋini qahö melengetka Anutunöŋ könöpŋöŋ köndenŋ engiyök. * 10:13: Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * 10:15: Ais 14.13-15 * 10:16: Mat 10.40; Mak 9.37; Luk 9.48; Jon 13.20 † 10:17: Tosatŋan oyoŋda 70 jize. Tosatŋan 72 jize. * 10:19: Sum 91.13 * 10:22: Jon 3.35; 10.15

²³ Jisösnöñ mewö jiba gwarekurupñi yeñgöreñ lilingöba nanñinök ölöñ kewö jii mötket, “Inini yuai ek kutuzei, denike yeñön mi ek kutuzei, yeñön mönö jeñinanğöra aka simba-won akze. ²⁴ Mianğö könañi kewö: Nöñön keu kewö jibi mötket, Kezapqetok ambazip aka kiñ azi kembu gwötpukñan inini yuai ki ekzei, mi ekingö awöweñgöba malgetmö, mi qahö eket. Inini keu ki mötzei, yeñön mi mötpingö awöweñgöba malgetmö, mi qahö mötket.” Mewö.

Jöjöpañ keu bohonñi yahöt mi denöwö?

Mat 22.34-40; Mak 12.28-31

²⁵ *Köna keugö böhi kunñan wahöta Jisös bötak ala kewö qesim wañgiba jiyök, “Böhi, nöñön denöwö aka malmal kömbönañi teteköñi qahö buña qem añgubilenjak?” ²⁶ Jiiga Jisösnöñ kewö melenđa qesiyök, “Mosesgö Köna keunöñ keu denöwö ohoget ahöza? Mianğö könañi denöwö?” ²⁷ *Qesiiga melenđa jiyök, “‘Gi urugi jömukñi, uñagi jömukñi, kuki jömukñi aka mötmötki jömukñi mianñön mönö Kembu Anutugi jöpaköba malman,’ aka ‘Nangi jöpaköm añgumakzani, mewöñanök mönö ambazip pakpak jöpaköm eñgiba malman.’”

²⁸ *Jiiga Jisösnöñ melenñök, “Törörök melenjan. Mi tem köla malmal kömbönañanğö buñaya akñan.” ²⁹ Mewö melenñökmö, Köna keugö böhinöñ ‘Mi tem köla solanñi akzal,’ mewö mötmöriba könañamñi kondelmangö möta Jisösgöra jiyök, “Ambazip sutñine mala korali, yeñgöreñök mönö dagöra jizan? Ninja qahö jöpaköm wañgubilenjak?”

Samaria azinöñ gurusep azi ak-kömum wañgiyök.

³⁰ Mewö jiiga Jisösnöñ melenđa jiyök, “Azi kunñan Jerusalem siti mosöta Jeriko mire geba könanöñ kegwek-kahasililij yeñgö böröñine gei meget. Memba inap yuaiñi wañgita oponi qeköba gurusep qeba gila angetka kömumangö aka ahöyök. ³¹ Ahöba mamböriğa jike nup galöm kunñan köna miyök anda eka ek siriba köna likepñeyök anda oñgita anök. ³² Aniga mamböri jike nup azi (Liwait) kunñan mianğöreñ kañgota eka mewöñanök ek siriba oñgita anök. ³³ *Anökmö, Samaria prowinsgö azi§ kunñan köna miyök anda ahöyöhi, mianğöreñ añgota eka wösöñi möta ehoriyök.

³⁴ “Ehoriba kösutñe geba uziñi kelök aka wain oñan miriba esuhuyök. Uziñi esuhuba memba kököbihiba doñkiñi qakñe ala wañgita qenjarök ahöahö mire anda ala köyan köl wañgiyök. ³⁵ Köyan köl wañgiba ahöba wahöta söñanök silim yahötkö töwanji (Kina 10,-) uzeta qenjarök mirigö toñi wañgiba jiyök, ‘Azi ki mönö köyan köl wañgiba malnöñga moneñ gihizali, mi kude dop köla oñgitma ewö, mi mönö lilingöba kaba mianğöreñ toro-qeba gihimam.’ ³⁶ Azi karöbut könañamñini mewö kondelget. Azi kegwek-kahasililij yeñgö böröñine geyöhi, yañgö alañi dañön ahök? Yeñgöreñök dagöra mötnöñ, i uru kalem ak wañgiyök?”

³⁷ Qesim wañgiiga melenñök, “Ak kömum wañgiyöhi, yañön.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

Jisösnöñ Marta Maria yetpuk kusuk tarök.

³⁸ *Jisösnöñ gwarekurupñi yembuk könanöñ angetka Kembunjan miri kunöñ añgorök. Añgoriğa ambi kun qetñi Marta yañön köl öröm wañgii miriñe öñgöyök. ³⁹ Martagö munñi qetñi Maria malök. Yañön Kembu eka könañi kösutñe eta tata Buña keu jiyöhi, mi kezap ala mörök. ⁴⁰ Mörökmö, Martanöñ lömbuan nupnöñ öroi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöñ dop kölja me qahö? Mianğöra mönö Maria jinöñga kaba bauköm niñgima.”

⁴¹ Jiiga Kembunöñ melenđa jii mörök, “Marta Marta, gi yuai könañi könañi mianğöra waimanjat möta mötkurumkurum aka könöpñambuk aka kinjan. ⁴² Mewö kinjanmö,

* 10:25: Mat 22.35-40; Mak 12.28-34 * 10:27: Lew 19.18; Dut 6.5 * 10:28: Lew 18.5 * 10:33: 2 Hist 28.15

§ 10:33: Juda yeñön Samaria ambazip jijiwilit ak eñgezema. * 10:38: Jon 11.1

waimanjat mohok kun memba mem köhöininga dop kölma. Nini yuai sehise-hinji miangöra qahö osizin. Marianöñ kewöta urugö likepñi möhamgöm anjgumangö möwölöhöba simbawon akza. Malmalgö bahöñi ölopñi mi kunjan kun kude wanjitma.” Mewö.

11

Jisösnöñ köulukö könañi kusum enjgiyök.

Mat 6.9-13; 7.7-11

¹ Jisösnöñ miri kunöñ köuluköba mali teköiga gwarekurupñi yengörenök kunjan kewö jiyök, “Kembu, Jon O-melun azinöñ gwarekurupñi köulukö könañi kusum enjgiyöhi, gi mönö mewöñanök nini kusum neñgiman.”

² Jiiga Jisösnöñ kewö jii mötket, “Inini köuluköbin jiba kewö jime: Iwi, göhö qetkan mönö töröñi ahöma. Mönö galöm köl neñginöñga bemtohonjahö ölni asuhuma. (Göhö jitsihitki Suepnöñ tem kölakzei, gölmenöñ mönö mewöñanök asuhuma.)

³ Gi wehön dop nene dopnine neñgiman.

⁴ Tosatjan bölöñi ak neñgigeri, nini körek yengö singisöndokñini mosötzin ewö, gi mönö neñgören singisöndok sanjon neñgiman.

Gi esapesapnöñ eta neñgubapuköra anjon köl neñgiba Bölöñi Tonanjö böröñeyök meköm neñgiman.”*

⁵ Jisösnöñ toroqeba kewö jii mötket, “Engörenök kunjan sunjem bibine alañanjö mire anda möndöba kewö jima, ‘Alani, beret karöbut ninjinöñga likepñi bian melen gihibi. ⁶ Alani kunjan könanöñ mala nöngören kanjoriga nenenamni qahöpköra gumohom wanjimangö jaruzal.’ ⁷ Mewö jii alañan miri uruneyök kewö melenja jima, ‘Gi gaun gwölö ak neñgizan. Ni nanjunji lök köl köhöbiga nahönböraturopnan nömbuk tumbulahöpnini tumbula gaun ahözin. Miangöra wahöta mi gihimangö osizal.’ ⁸ Mewö jimapmö, nöñon jibi mötket: Miri tonjan alañi akzawangöra aka qahö wahöta wanjimapmö, mi töndup kapan köla jiba kinjawangöra mi ölop wahöta qesizawangö dop körek wanjima.

⁹ “Nöñon miangö likepñi kewö jibi mötket: Mönö Anutu köuluköme. Köulukögetka enjgima. Anutugören mönö yuaigö böröñan memba jarume. Mi jarugetka kondeliga miwikñaine. Kinda nanjunöñ qeme. Qegetka nanju tal enjgima. ¹⁰ Kunjan Anutu köulukömakzawi, yanjon mönö likepñi buña qem anjguma, yuaigö jarumakzawanjon mönö mi miwikñaima. Nanjunöñ qemakzawangöra mönö nanju öröm wanjima.

¹¹ “Iwiurup engörenök danjon kewö akza: Nahönjan söragöra qesiiga salupne qatö wanjima. ¹² me kuruk kötnanjö qesiiga skorpion (nendañ kömbukñi pomemba) wanjima? ¹³ Mewögöra inini ambazip bölöñi akze aka töndup kalem ölopñi ölopñi mi nahönböraturopñini enjgibingö mötze ewö, Sup Iwinöñ mönö kalemñi denöwö anjon kölbawak? Yanjö urunanjö ahakmemenji mi neñgongita tandökñi kun akza. Miangöra Uña Töröñanjöra köuluköba qesim wanjime ewö, yanjon mönö sihimñan i melaiiga urujine gema.” Mewö.

Jisösnöñ öme yengö ösumñini onjita qei etza.

Mat 12.22-32; Mak 3.20-27

¹⁴ Ömenöñ azi kun töñöt aka numbuñi jöhöiga mötök maliga Jisösnöñ ömenji mi wu-atangöiga kota mosöri nesilamñan lolohoiga kunbuk keu jiyök. Keu jiiga ambazip kambu yenon mi eka welipköget. ¹⁵ *Welipkögetmö, yengörenök tosatjan kewö jiget, “Yanjon mönö öme yengö kembunji Katakömulat yanjö ösumnöñ ömewöröme enjuatanjömakza.”

¹⁶ *Mewö jigetka tosatjan Jisös keugö bötaknöñ örömapköra esapköm wanjiba kewö

* **11:4:** Tosatjan keu mi kewö melenja jimakze: bölöñeyök meköm neñgiman. * **11:15:** Mat 9.34; 10.25 * **11:16:** Mat 12.38; 16.1; Mak 8.11

qesiget, “Gi mönö jim kutunönga Suepnöhök anğöletot kun asuhuiga ekin.”¹⁷ Qesigetmö, yañön uru mötmötñini möt teköba kewö jii mötket, “Kantri denike yeñgö galömurupñinan sutñine anğururuk aka julmei, yeñön mönö ayuhum anğugetka kantriñinan böliba sahoppañanök ahöma. Mewöyök miri kungö könagesö yeñön julmei, miriñinan mönö qeqlañlan ahöma.

¹⁸ “Mötket! Satangö könagesö yeñön mewöyök sutñine anğururuk aka julbeak ewö, yeñön mönö gawman nupñini membingö osigetka ömetohonñinan mönö denöwö kinbawak? Injini nöngöra kewö jize: Yañön Katakömulatkö ösumnöñ ömewöröme enğuatangömakza.¹⁹ Mewö jizemö, mötket, nöñön Katakömulatkö ösumnöñ ömewöröme közöl enğibileñak ewö, enğö alaurupñinan mönö dagö ösumnöñ mi közöl enğibeak? Mianğöra yeñön mönö keuñini ölni me qahö, mi kewöta jim teköme.[†] ²⁰ Mi jim tekömemö, Anutugö ösumñan nöngö börö kesötñi sölölohöi öme enğuatangömakzal ewö, Anutugö bemtohonñan mönö enğöreñ kam kuñguza.

²¹ “Azi köhöikñan timbi liñgipñambuk miri gölmeñi galöm meiga sukinapñan mönö kahaimök ahöma.²² Mewö ahömapmö, azi köhöikñi kötökñan luhuba kaba qeba luhut al wañgiba timbi liñgipñi nariyöhi, mi körek wañgita qezañda sukinapñi memba anda alaurupñi mendeñ enğima.

²³ * “Kunñan nömbuk qahö maljawi, yañön mönö qetal niñgimakza. Kunñan ambazip nöngö qetne tokomegöra qahö öröm enğimakzawi, yañön mönö mendeñ enğimakza.” Mewö.

Öme yeñön azi uruñe liliñgöbingö kapan kölje.

Mat 12.43-45

²⁴ “Ömenöñ azi uruñeyök kota gölme qararañkölkölñe anda lañ liliköba mala luhut memangö miri jaruba kun qahö miwikñaiba ölan yöhöiga kewö jima, ‘Mirini mosöta kazali, mianğöreñ mönö kunbuk liliñgömam.’²⁵ Mewö jiba liliñgöba miriñi usuñda meñölöi ahöyöhi, mi mewöñanök ahöi miwikñaima.²⁶ Mewö miwikñaiba anda öme tosatñi 7 enğuanğitma. Öme 7 mi nanñi onğita bölöñi kötökñi akze. Yañön mi enğuanğiriga kaba miri mi öngöba mianğö uruñe malme. Mewö aiga azi mianğö könañi mutuk kilenkilen ahökmö, könañep bölim qölim teköma.” Mewö.

Denike yeñön simbawoñ akze?

²⁷ Jisösnöñ keu mewö jiba mali ambazip kambu sutñineyök ambi kunñan qeta Jisös kewö jii mörök, “Gömokni, ambinöñ gölöm ala gömimba juzu gumohom gihiyöhi, nöñön yañgö mötñi simbawoñ akza.”²⁸ Mewö jiyökmö, Jisösnöñ kewö meleñnök, “Mi jizanmö, nöñön kewö jimam: Ambazip Anutugö keugöra kezap ala möta tem köla köl gulimakzei, yeñön mönö simbawoñ akze.” Mewö.

Böhi tosatñan anğöletoköra kapan köla uletket.

Mak 8.11-12; Mat 12.38-42

²⁹ * Ambazip kambunöñ tokogetka qariiga Jisösnöñ toroqeba keu kewö jiyök, “Ambazip merak gölmeñöñ maljei, mi kambu bölöña. Yeñön Anutugö aiwesökñañgöra kapan kölakzemö, aiwesök kun kezapqetok azi Jonagöra lök asuhuyök. Anutunöñ aiwesök murutñi kun qahö al enğima.³⁰ * Keu mianğö könañi kewö: Anutunöñ mönöwök Jona melaiiga Niniwe yeñgö sutñine anda Anutugö aiwesökñi ahök. Mianğö dop Suep gölmegö azi ölnan mewöyök ambazip kambu kianğö sutñine asuhaba uruñini meleñmegöra kuñgum enğiba aiwesökñina akña.

† **11:19:** Nanñini sile galömurupñinan Anutugö qetñi qeta töndup öme mi Katakömulatkö kukösumnöñ közöl enğigetka nöñön mi Anutugö ösumnöñ közöl enğimakzal. Öroröñ qahö kinjinañgöra dañön ölni aka dañön keu muneni wuatangömakzawi, mi ambazipnöñ kewöta jim teköme. * **11:23:** Mak 9.40 * **11:29:** Mat 16.4; Mak 8.12 * **11:30:** Jona 3.4

31 **“Könaŋamŋinaŋgö kaisösöpŋi kun kewö: Anutunöŋ mönöwök mötkutukutu öngöŋgöŋi ketanji mi kin Solomon waŋgiiga Saut görökenök kantri kungö qin ambinöŋ Solomongö mötkutukutuŋi mötmamgö sihimŋi mörök. Sihimŋi möta gölme göraŋeyök wahöta köna köröp tiŋtiŋi kaba mala Solomongö mötmötnji mörök. Mi mörökmö, mötket, nalö kewöŋe nöŋön sutŋine asuhuba kinda Anutugöreŋ mötkutukutu öngöŋgöŋi memba kazali, mi Solomongö mötkutukutuŋi oŋgitza. Oŋgitzapmö, iŋini töndup nesampurek ak niŋgiba tönpin kingetka qahö dop kölja.*

“Miaŋgöra Anutunöŋ könaŋep ambazip körek pakpak öröm enŋii keuŋini jim tekömapköra jeŋe aŋgotmei, nalö miaŋgöreŋ Saut kantrigö qin ambi miaŋön mönö mewöyök aŋgotma. Yaŋön ambazip kambu ki kinjei, embuk öröröŋ kömupnöhök wahöta enŋö qöhöröŋine mohotŋe kinma. Mohotŋe kinda keu kewö enŋö silenine alma, ‘Iŋini Jisös nesampurek ak waŋgigetka Anutunöŋ likepŋi melen enŋii sihimbölö öngöŋgöŋi mötme.’ Yaŋön mewö jiiga silikŋi kewöta nanŋinaŋgöra gamuŋini mötme.

32 **“Jonanöŋ Niniwe ambazip sutŋine anda Anutugö keunöŋ uruŋini kuŋgui möta miaŋgöreŋök uruŋini melengetmö, mötket, nöŋön sutŋine asuhuba kinda Jonagö ahakmemeŋi oŋgita ahakzal. Mewö ahakzalmö, iŋini töndup nesampurek ak niŋgimakze.*

Miaŋgöra Niniwe ambazipnöŋ jimtekötekögö nalö ketanje ambazip kambu ki kinjei, embuk öröröŋ kömupnöhök wahöta enŋö qöhöröŋine mohotŋe kinme. Mohotŋe kinda Niniwe yeŋön keu kewö enŋö silenine alme, ‘Iŋini Suep gölmegö azi ölni nesampurek ak waŋgigetka Anutunöŋ likepŋi melen enŋii sihimbölö öngöŋgöŋi mötme.’ Niniwe yeŋön mewö jigetka ahakmemeŋinan nanŋini könaŋamŋini indelgetka gamuŋini mötme.” Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

33 **“Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miaŋgö dum tatatnöŋ alma. Mewö ali tosatŋan miri uruŋe öngöbingö mötzei, yeŋön miaŋgö asakŋi eka ölöp öngöme. 34 Göhö jegi mi uru silegahö kiwaŋi akza. Miaŋgöra kawöl kunöŋ jegi qahö mem böliza ewö, miaŋön mönö tohoba asarim teköi Anutugö asakŋan ölöp uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, miaŋön silegö malmalgi mewöyök mem söŋauiga pandaman uruŋe jipjap malman.*

35 *“Mewö aiga mötnöŋ, söŋaupnöŋ urugahö asakŋi közamböri söŋaubapuköra mönö tihitki möta galöm mem aŋguman. 36 Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋ-kilik-kilikŋambuk aka jemesoholgan asariza. Kiwa ketanjan silege kuŋguba kölköl-bilikbilikŋambuk mem asarim gihizawi, malmalgi mönö miaŋgö dop Anutugö asakŋe al teköba malman.” Mewö.*

Urumelenŋö silesile tandököra ‘Yei!’ jiiga 6 ahök.

Mat 23.1-36; Mak 12.38-40; Luk 20.45-47

37 *Jisösnöŋ keu mi jim teköi Farisi (Köna keugö kapaŋkölköl) azi kunöŋ kewö jiba köl öröm waŋgiyök, “Gi ölöp nöŋgö mire öngöba tata nene nembin.” Mewö jiiga anda öngöba nene nemamgö tarök. 38 Mutuk böröŋi qahö saŋgoŋda eta tarökmö, Farisi azinöŋ silik mi eka welipköyök. 39 Welipköiga Kembunöŋ kewö jii mörök, “O Farisi iŋini mönö ölna amöt qem aŋgubingöra qambi aka al nenegö silenji saŋgoŋ yakömakzemö, nanŋini uruŋinan mönö tölohoza. Mi dogo jimamoŋ aka qewöloŋ miaŋön kokolak qei malje.*

40 *“O iŋini, uruŋini qahö. Kunöŋ silenji pakpak miwikŋaiyöhi, yaŋön mönö uruŋi mewöyök miwikŋaiyök me qahö? Iŋini mönö wuanöŋgöra uru likepŋaŋgöra taŋqaŋ akze?*

* 11:31: 1 Kinj 10.1-10; 2 Hist 9.1-12 * 11:32: Jona 3.5 * 11:33: Mat 5.15; Mak 4.21; Luk 8.16

Mi qahö dop kölja. ⁴¹ Mianğöra yuai kiwi al nenenöŋ tatzawi, mi mönö kalema ambazip wanapŋi enğime. Mewö aketka Anutunöŋ amöt qem enğii enğöreŋ yuai pakpak mönö sarakŋi ahöma.” Mewö.

⁴² *“O Farisi ambazip, lömböt qakŋine öngözawaŋğöra mönö wöziköba ‘Yei!’ jizal. Inini nene pakpak mendenđa bahöŋi 10 mianğöreŋök mohot Anutugö buŋaya qemakze. Gipŋi, supe aka yöha könaŋi könaŋi mi mewöyök menđenđa tenöhök mohot mi Anutugö buŋa qemakze. Naluk mi törörök alakzemö, Köna keugö kötŋi bohonŋi ki mönö onğita mosörakze: Gi Anutu uru könömŋan jöpaköm waŋgiman aka ambazip sutŋine ahakmeme diŋdiŋi wuatangöba malman. Keu bohonŋi mi mönö kapan köl a wuatangöba malme aka keu morömorö mi mewöyök kude onğita mosötme.

⁴³ “O Farisi, lömböt qakŋine öngözawaŋğöra mönö wöziköba ‘Yei!’ jizal. Inini köuluk mire dum tatat mutukŋe jegep tatpingö sihimŋi mörakze. Maketnöŋ me könanöŋ ambazip enğeketka jölöŋini jimegö mörakze. ⁴⁴ O inini, lömböt qakŋine öngözawaŋğöra wöziköba ‘Yei!’ jizal. Inini qaksiri qetŋini qahö mianğö dop akze. Ambazipnöŋ qamöt wörönŋambuk denike ahözawi, mi qahö möta qakŋine lanlan tiba yuai dönqizinnambuk oseiba tölohokakze.” Mewö.

⁴⁵ Jisösnöŋ keu mewö jüga Köna keugö böhi yeŋğöreŋök kunŋan möta melenđa kewö jiyök, “Böhi, gi keu mewö jiba nini mewöyök gamu qem nenğizan.”

⁴⁶ Mewö jiyökmö, Jisösnöŋ keu kewö jiyök, “O Köna keugö böhi, enğö qakŋine mewöyök lömböt öngözawaŋğöra wöziköba ‘Yei!’ jizal. Inini keuŋi keuŋi jim kutuba mianğö könjöŋ lömbötŋi ambazip qakŋine alagun algetka mi tem kölbingö lömböriiga jaraŋbaraŋ ahakzemö, nanŋinak i kesötŋinan borom kun bauköm enğibingö wösömötmötŋini kun qahö ahöza.

⁴⁷ “O inini, lömböt qakŋine öngözawaŋğöra mönö wöziköba ‘Yei!’ jizal. Inini kezapqetok ambazip yeŋğö qaksirinöŋ simen kum memba menjölomakzemö, nanŋini ambösakonŋinan mönö i enğugət kömuget. ⁴⁸ Nanŋini ambösakonŋinan kezapqetok ambazip enğugət kömugetka inini yeŋğö qaksiriŋine kum memba simen alakze. Mewö aka mianğön ambösakonŋini yeŋğö ahakmemegöra imbi köl keuŋini nanğöba jiba dangunu ewö kinje.

⁴⁹ “Mianğöra Anutu, mötkutukutu Tonji yaŋön kewö jiza, ‘Nöŋön kezapqetok ambazip aka aposol melaim enğibi enğöreŋ kame. Kagetka yeŋğöreŋök tosatŋi i enğugət kömume aka tosatŋi sesewerowero ak enğime.’

⁵⁰ “Anutunöŋ Suep gölme miwikŋaim etkiyöhi, nalö mianğöreŋök könahiba kezapqetok ambazip enğugətka sepŋini mokoget eri, mianğö sep kitipŋi pakpak mi ambazip merak maljei, mönö enğö qakŋine öngöi sihimbölö mötme. ⁵¹ *Abelgö sepŋan eri mianğöreŋök könahiba enğuba kota mala Zekaraia jöwöwöl alta aka jöwöwöl jike kömbukŋi mietkö sutŋire qeget sepŋi eri mianğöreŋ teköyök. Nöŋön keu kewö jibi mötme: Sepŋinaŋğö kitipŋan mönö ambazip merak maljei, enğö qakŋine öngöiga sihimbölö mötme.

⁵² “O Köna keugö böhi inini, lömböt qakŋine öngözawaŋğöra mönö wöziköba ‘Yei!’ jizal. Inini Anutugö mötmöt membingö nanğu ki moröŋi mi ambazip enğuanğita anğön köl enğimakze. Nanŋinak mianğö uruŋe qahö anğotket aka tosatŋan mianğö uruŋe anğotpingö akzei, inini i jöhöba anğön köl enğiba malget.”

⁵³ Jisösnöŋ keu mewö jiba mosöta ani Köna keugö böhi aka Farisi yeŋön könahiba keu könöpŋambuk jim waŋgiba keu könaŋi könaŋi jimapkö qeqesi gwötpuk al waŋgiget.

⁵⁴ Al waŋgigetka numbuŋeyök keu kun qiwitipköiga mianğön köpeiba keugö bötaknöŋ örömapköra mönöget. Mewö.

* **11:42:** Lew 27.30 * **11:51:** Jen 4.8; 2 Hist 24.20-21

12

Urumelenḡo silesile malmalgö galöm meme keu

Mat 10.26-27

¹ *Jisösnöḡ keuḡi jiiḡa nalö sutḡe mianḡöreḡ ambazip tausenni tausenni yaḡḡöreḡ tokoba ölöqölököba utakutal aḡguba kinget. Mewö aka kingetka könahiba gwarekurupḡi kewö jii mötket, “Yuai mutukḡi ki: Inini mönö Farisi (Köna keugö kapaḡkölköl) yeḡḡo urumelenḡo silesile ahakmemeḡinanḡöra galömḡini meme. Mi wösö kömbukḡi ewö akza. Mi qahö mosötme ewö, mianḡön mönö yist ewö qariba mem bölim eḡgima.

² * “Ambazipnöḡ yuai önun meget ahözawi, mi pakpak mönö kötulgetka aukḡe ahuma. Mewöḡanök keu asambötket ahözawi, mi pakpak mönö indelgetka möt kutume. ³ Mianḡöra mönö keuḡinanḡö galöm memba malme. Inini keu söḡaupnöḡ ölöḡ jimei, mi mönö asakḡe jigetka mötme. Inini miri uruḡe waḡḡömḡi kungen saḡepnöḡ kezapḡine jimei, mi sobemnöḡ aukḡe jim asarime.” Mewö.

Dagöra keḡḡötḡini mörin dop köлма.

Mat 10.28-31

⁴ “Alaurupḡi nöḡön eḡḡöra kewö jibi mötme: Tosatḡan silenḡini qem kömumba mianḡö andöḡe yuai kun toroqeba akingö osimei, yeḡḡöra mönö keḡḡötḡini kude möta malme. ⁵ Mi qahöpmö, dagöra keḡḡötḡini mötketka dop kölmawi, nöḡön mi kondel eḡgimam. Kun daḡön kukösüm memba eḡgui kömugetka tötal eḡḡi könöḡ sianöḡ gemei, yaḡḡöra mönö keḡḡötḡini möta malme. Eḡḡöra keu mi kunbuk jizal: yaḡḡöra mönö keḡḡötḡini möta malme!

⁶ “Tosatḡan bekösöm (jjööröm, ulisit) 5 mi toiya yahötḡan söḡḡöröḡi memegöra alakzemö, Anutunöḡ miḡḡöreḡök mohok-kungö qahö ölüm qeyök. ⁷ Anutunöḡ köyan köl eḡgiba nörop jupḡini pakpak mewöyök oyon teköba jaḡḡöḡini mötza. Ambazip eḡḡö söḡḡöröḡini mi bekösöm ulisit gwötḡuk eḡḡoḡgita öḡḡöḡöḡi akza. Mianḡöra keḡḡötḡini mönö kude möta malme.” Mewö.

Kraist jim miwikḡaime me qaḡ köлма?

Mat 10.32-33; 12.32; 10.19-20

⁸ “Nöḡön keu kun jibi mötket: Kunḡan ni ambazip jeḡine jim miwikḡaim niḡgimawi, Sueḡ gölmegö azi ölnḡan mönö mewöḡanök i Anutugö garataurup yeḡḡo jeḡine jim miwikḡaime. ⁹ Mewömmö, kunḡan ni ambazip jeḡine qaḡ köl niḡgimawi, nöḡön mönö mewöḡanök i Anutugö garataurup yeḡḡo jeḡine qaḡ kölmam.

¹⁰ * “Kunḡan Sueḡ gölmegö azi ölnḡi qetala keu jimawi, Anutunöḡ mi ölop mosötmapmö, kunḡan Uḡa Töröḡi ilita mepaqepaik akḡawi, yaḡḡö siḡḡisöndokḡi mi Anutunöḡ qahö mosötma.

¹¹ * “Ambazipnöḡ inini öröba keu jakḡine al eḡḡigetka köuluk miriḡine me kiap premiö aka kantriḡi kantriḡi miḡḡö kiḡ kembu yeḡḡo jemesoholḡine kinmei, nalö mianḡöreḡ keuḡinanḡö likeḡḡi wani keuya denöwö jibinak mianḡö waimanḡatḡi kude mötme. ¹² Mi kewögöra: Inini keu jimei, mi Uḡa Töröḡan aua mianḡöreḡök kusum eḡḡiḡa jime.” Mewö.

Nepaqepalok azi pomḡanḡö dopkeu

¹³ Ambazip kambu sutḡineyök azi kunḡan Jisösgö jiyök, “Böhi, iwiniran kömuḡa gi mönö datnaḡö jinöḡa iwiniraḡöreḡ börosamotḡi mendeḡda niḡgima.”

¹⁴ Mewö jiyökmö, Jisösnöḡ kewö melen waḡḡiyök, “O azi, daḡön etkö jimtekötekö tonjiri akḡamḡöra kuḡḡum niḡḡiyöha gölmeḡjiri mendeḡbilenḡak?” ¹⁵ Mewö jiba keu

* **12:1:** Mat 16.6; Mak 8.15 * **12:2:** Mak 4.22; Luk 8.17 * **12:10:** Mat 12.32; Mak 3.29 * **12:11:** Mat 10.19-20; Mak 13.11; Luk 21.14-15

kewö toroqeyök, “Inap ainemalukuñinan awamñanök me kelenmaleleñ ahöbawak, malmalñinañgö könani mi mianğoreñ qahö ahöza. Malmalñini qahö kewöta moneñ sukinapnön möndöme ewö, mönö ayuhume. Mianğöra membagun memingö nepaqepalok (gridi) pakpaköra mönö galömñini memba malme.”

¹⁶ Mewö jiba dopkeu kun kewö jii mötket, “Azi pomñi kun malök. Yanñon gölmeñe nene nupñi meiga töhötmöriam ketani asuhuyök. ¹⁷ Mi asuhuiga uruñan kewö mötmöriba jiyök, ‘Nöñgö köwe mirini mi morörökñi. Mianğöra padi gösöñi gösöñi, koñ kambuñi kambuñi, sehoñ böranni böranni mi mönö denikeağoreñ tokobilenak? Mönö denöwö akñamto?’ ¹⁸ Mewö jiba jiyök, ‘Mönö kewö akñam: Ni köwe mirini köndeñda salupñe köwe miri ketani ketani memam. Mi memba nene töhötmöriamni aka sukinapni pakpak mönö mianğoreñ qezaköbi tatma. ¹⁹ Mianğoreñ tariga nanağöra kewö jimam: O gi simbawoñ! Töhötmöriamgi mönö awamñi qahö ahöm gihiza. Mianğöra mönö nene nem söñgaiba yambuñi yambuñi siyoñsayoñi qahö luhut memba ösoñ malman.’ ²⁰ Mewö jiyökmö, Anutunöñ kewö jii mörök, ‘O gi, urugi qahö! Nöñon nalögi ala jim teköba uñagi sungem kianğoreñök goağitpiga kömuman. Kömunöñga öroyuai pakpak buña qem añguba malnöñi, mi mönö dagö buñaya akñapto?’

²¹ “Kunñan nanñanğöra ainemaluku guli dötnam yuai tokomakzappmö, Anutugö qöhöröñe urugö töhötmöriamñi qahö ahöm wañgizawi, yanğöra mönö lömböt ketani mewö asuhuma.” Mewö.

Anutu möt nariba waimanjat kude akñe.

Mat 6.25-34

²² Jisösnöñ gwarekurupñi kewö jii mötket, “Mewö asuhumapmö, nöñon enğöra kewö jibi mötket: Inini gölmenöñ malmeağö waimanjatñi mi kewö jiba kude akñe: Nini mönö wanat yuainöñ gumohom añgubinak aka wanatnöñ sileninañgö löñgötpinak? ²³ Sileninañbuk maljei, mianñon bohonñi aiga opo kereñnöñ mönö mianğö nembö bapñe ahöza. Jeñinañbuk maljei, mianñon bohonñi aiga nenenöñ mönö mianğö nembö bapñe ahöza.

²⁴ “Mönö koekoe nei engekñe: Mienñon nene köñi qahö qesiñ gilakze. Padi ölni qahö yandiba köwe miriñine qahö tokomakze. Yöha sihiñini mi qeköm nemi mirinöñ qahö alakze aka Anutunöñ mi töndup i gumohom enğimakza. Ambazip enğö söñgöroñini mi nei söñgöroñini enğonğita öñgöba ahöza. Mönö mi mötmöriget anök.

²⁵ “Enğoreñök kunñan waimanjat aka mewö mianñon gölmenöñ malmawañgö nalöñi mi sömañi mohotkö dop mem toroqema me qahö? Mi qahöpmahöp!*

²⁶ “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? ²⁷ *Inini mönö jariñ jurani aködammunñinañbuk mi engekñe: Mienñon opo söroñinañgöra möt qahö lonğalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi asoñ-bilikbilikñambuk löñgöta malökmö, yanğö malukuñi mi kiteñ soranjiñgö dop eksihimñambuk qahö ahöyök.

²⁸ “Jariñ jurani töhön mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ jurani mewöñi kun mi tok ölöpñanök meñölömakza. Mianğöra yanñon inini mewöyök ölop esuhum enğima. Inini jariñ jurani mianğö dop qahö akze. Anutunöñ köyan köl enğimamğö mötzawi, sihimñi mianñon mönö yuai pakpak enğonğita öñgöza. O ambazip, mötnariññinan mönö wuanöñgöra morörökñi akza?

²⁹ “Mewö aiga inini mewöyök malmalñinañgöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini mianğoreñ kude ala urueret aka urukönöpuk miwikñaiabepuk. ³⁰ Kantri dop urumelenğö kopa yeñon yuai mewöñi pakpak buña qem añgubingö kapan köla urukönöp

* **12:25:** Tosatñan kewö melenğda jize: Enğoreñök kunñan waimanjat aka mewö mianñon silenñi wan fitkö dop toroqeba mem körimamğö osima. * **12:27:** 1 Kiñ 10.4-7; 2 Hist 9.3-6

ahakze. Mi ahakzemö, injini nene opo yuaigöra mözöröngöba osizei, Iwiñinan mönö mi möt teköza. ³¹ Miangö urukönöp kude akñemö, mönö Anutugö bemtohoññöh aņgotpingö kapañ kölme. Uruñini miangören aļget ahöiga yañöh mönö galöm köl eņgiba yuai mewöñi mi mewöñanök toroqem eņgima.” Mewö.

Buñanini Suepnöh me gölmenöh tokoinga dop kölja?

Mat 6.19-21

³² “O kambuni morörökñi, Iwiñinan bemtohoñ al eņgimamgö mötzawañgöra mönö kenğötñini kude möta malme. ³³ Gölmegö moneñ inapñi mi kapañ köla qeraköbepuk. Miangöra yuai ahöm eņgizawi, mi mönö söņgöröñaņgö ala moneñ öröba bahöñi ambazip wanapñi kalemñinaņgöra eņgime. Mewö aketka qetbuñañini guli dötnam ewö mi Suep mire ahöba sehiba kude qahöwakña. Moneñ gösöñini qainñi kun mi Suep miangören qahö bölime. Gurem jijilukut aka yoņgorö meme yeñöh mönö eu öņgöba yuai mem bölibingö osime.

³⁴ “Yuaigöra aködamunñi memba mötnöh öņgözawi, mianöh miri kungen ahöiga göñöh mönö urugi mewöyök miangören qekötahöba malman.” Mewö.

Urugwölö mala nup megetka dop kölma.

³⁵ *“Injini mönö Anutugö nupñi membingöra jöjöröba opo söröñini jöhöm yaköba aködamunñinambuk kinda uruñinaņgö kiwanan ohotirigetka jeiga malme. ³⁶ *Mi kianğö dop: Miri toñi kun mi ambazip amemegö lömbuaññöh kaba söņgaibingöra öröm waņgigetka anök. Miangören ani moröurupñan mire tata lilingömapköra jeñinan yaigep uba ‘Kiñsiñ-pañsañ!’ jiba kapañ köla mambötze. Mamböta malgetka yañöh nalö miangören me miangören kaņgota naņgunöh qebawak, yeñöh mönö miangörenök naņgu örögetka kotma. Injini mönö morö mienğö dop aka jöjöröba malme.

³⁷ “Kembunöh lilingöba kaiga nup memeurupñi tosatñan urugwölö malgetka mewö miwikñaim eņgimawi, yeñöh mönö simbawoñ akze. Nöhön ölna kewö jibi mötket: Yañöh kaņgota tokom eņgiba nene dumnöh ali tatketka nene gumohom eņgimamgö jöjöröm aņguba welen qem eņgima. ³⁸ Yañöh ömbibiñe me miri awöraņgöiga miangören lilingöi tosatñan urugwölö malgetka miwikñaim eņgimawi, yeñöh mönö simbawoñ akze.

³⁹ *“Gwölö malbingö keu ki mönö ölop mötmörime: Sunğem aiga kegwek azinöh wanat nalönöh me auanöh kamawi, miri toñan mi mötpawak ewö, yañöh mönö gwölö mala miriñi ölop galöm meiga qesiñda öņgömamgö osima. ⁴⁰ Injini ‘Suep gölmegö azi ölnan nalö kianğören qahö kaņgotma,’ jiba mötmörime, yañöh mönö nalö miangörenök kaņgotma. Miangöra injini mewöyök jöjöröba malme.” Mewö.

Nup azinöh silekmalek mala ayuhuyök.

Mat 24.45-51

⁴¹ Jisösnöh keu mewö jii Pitönöh qesiyök, “Kembu, gi dopkeu ki mi neņgöra me ambazip tosatñi pakpak yeņgöra mohok jizan?”

⁴² Mewö qesii Kembunöh jiyök, “Nup meme ambazip sutñine dañöh tiñ kutuba tosatñi eņgoņgitza? Tosatñan sörörauba nup mosötketka kunñan mötkutukutu ölopñaņgö qakñe kapañ köla pöndañ memakzawi, yañöh mönö simbawoñ akza. Miri toñan ahakmemeñi kewöta eka kungen anda miriñaņgö öroyuaiñi mi yaņgö böröñe ali galöm akña. Galöm aka welenqequeurupñi jiyöhaņgö dop köyan köla nalö diñdine gumohom eņgimakña. ⁴³ Mewö köyan köl eņgiba maliga toñan lilingöba kaba mewö eka mönö simbawoñ jima.

⁴⁴ “Nöhön keu ölni kun kewö jibi mötket: Toñan simbawoñ jiba sukinapñi pakpakö galömñi kuņgum waņgima. ⁴⁵ Kuņgum waņgimapmö, nup meme okonñi yañöh uruñan mötmöriba kewö jima ewö, ‘Kembunaņgö kaka nalöñan mönö köröpñi ahöza.’ Mewö jiba könahiba nup meme ambazipurupñi eņgum ureiba közölömbuañ ala söņgaiba o köhöikñi

* 12:35: Mat 25.1-13 * 12:36: Mak 13.34-36 * 12:39: Mat 24.43-44

nemba urunji sohoiga enjololon silekmalek aka malma. ⁴⁶ Mewö mala nalö kunöŋ Kembunji kaŋgotmapkora qahö mambötmawi, mönö miangöreŋ kaŋgotma. Nalögöra ikmaok inululun mali mönö aua miangöreŋ kaŋgota qeba yaijapaleŋ mem waŋgiba jim kutuiga qegetal ambazip ewö könöp sianöŋ geba sihimbölö mötma.

⁴⁷ “Nup meme kunjan Kembuŋgö jitsihitji möt yaköyökmö, keu areŋi jiyöhaŋgö dop qahö jöjöröm aŋguba nupŋi memba malöhi, Kembuŋan miangö likepŋi jiiga jöhöba ihileknöŋ ambemŋi gwötpuk qeaköba qeme. ⁴⁸ Mewö qememö, nup meme azi kunjan Kembuŋgö jitsihitji qahö möt yaköba yuai aka meiga likepŋi ölop jiget ihileknöŋ qemeaŋgö dop akzawi, Kembunöŋ miangö likepŋi jiiga amqeqeŋi qeme. Anutunöŋ kungöra yuai gwötpuk waŋgiyöhi, yaŋön mönö mi mem sehiiga ölni gwötpuk ahumapkora al mambötma. Anutunöŋ kungöra yuaigö warökŋi sehisehiŋi al waŋgiyöhi, yaŋön mönö mi mem sehiiga ölni sehisehiŋi ahui melen waŋgimapkora qesima.” Mewö.

Jisösnöŋ könöp bölam memba eri deŋnök.

Mat 10.34-36

⁴⁹ “Nöŋön gölmenöŋ könöp ala ubi jemapkora etpiga urusihimni miangö bölamjan lök jeyöhaŋgöra ahöza. ⁵⁰ *Ahözapmö, mi ‘Ala umam,’ jibi sihimbölö gwötpuk mi nöŋgö qakne öŋgöba mösölumgöm niŋgimangö akŋa. Anutunöŋ mewö mianön melun murutŋi mem niŋgima. O ni wahöjalin ketanji möta malbi mem niŋgii miangöreŋ teköma. ⁵¹ Kewö mötmöröbepuk: Jisösnöŋ luai qemamgöra aka gölmenöŋ erök. Nöŋön kewö jibi mötket: Nöŋön luai qemamgöra qahöpmö, nöŋgöra aka jula deŋgetka köŋ jabö ahuma.

⁵² “Mi kewögöra jizal: Nöŋgö Buŋa keunan ambazip urunji kuŋgui melengeraŋgöra nalö kewöneyök könahiba kewö asuhuma: Miri kungö uruŋe ambazip 5 yeŋön sutŋine aŋgururuk aka julme. Likep karöbut yeŋön yahöt yetpuk aŋgururuk aketka likep yahöt yetköŋ karöbut yembuk jujul aka malme. ⁵³ *Iwi morö yetköŋ jula kerök-kerök ahotka nam morö yetköŋ tötal aŋguyohotka iranjan iranji qetala julmahot.” Mewö.

Nalö maljini, mi möt kewötme.

Mat 16.2-3

⁵⁴ Jisösnöŋ toroqeba ambazip kambu yeŋgöra kewö jii mötket, “Wehön gegeŋe miri böuleiba kousu töwiiga inini mi eka miangöreŋök ‘Kie kama,’ jimakze. Mewö jigetka kama. ⁵⁵ Saut görökenök luhut giliga eka möta kewö jimakze, ‘Miri könöpŋambuk akŋa.’ Jigetka miangö dop akŋa. ⁵⁶ O urumelenöŋ silesile ambazip, inini suep gölmegö tandökjiri eka kie wehöngö könaŋjiri ölop kewörakzemö, nalö ki maljini, miangö könaŋj qahö kewöta möt kutugetka qahö dop kölja.” Mewö.

Aŋgururukŋi mindiŋögetka solanima.

Mat 5.25-26

⁵⁷ “Inini ‘Yuai diŋdiŋi mi denöwö akin,’ jiba miangö könaŋi mi denöwögöra aka nanŋinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakeŋe öröm gihimangö aiga jimtekötekö galömgöreŋ anda köna namŋe miangöreŋ mönö kapaŋ köla imbi mohok aka keuŋjiri jim solanimahot. Mewö qahö akŋahot ewö, kerökan ölop örörahöm gihiiga (jas, majistreit) jimtekötekö toŋaŋgö jeŋe aŋgotnöŋga möta jii opotöröpkö böröŋe genöŋga kösö mire al gihibapuk. ⁵⁹ Nöŋön kewö jibi mötnöŋ, Gi miangöreŋ töwagi pakpak almanangö dop qaköba tatman. Toiyagi kondikŋi mewöyök al teköbagun mönö töwagi memba etman.” Mewö.

13

Urunji melenget me kömumba ayuhuget.

¹ Nalö miangöreŋök tosatŋan kaŋgota Jisös kösohot kewö jiget mörök, “Galili ambazip tosatŋan Jerusalem jikenöŋ jöwöwöl ohogetka premiö Pailötnöŋ jiiga

* 12:50: Mak 10.38 * 12:53: Mai 7.6

suahö galömurupñan miangören öngöba engum kömugetka sepñini eta lama bulmakau sepñinambuk lolonqalon ahök.”

² Mewö jigetka melenða kewö jii mötket, “Inini miangöra kewö mötmöribepuk: Galili ambazip mienön Galili ambazip tosatñi pakpak engongita singisöndok aka malgerangöra sihimbölö mi mötket. ³ Mewö qahöpmö, nöñön kewö jibi mötket: Inini uruñini qahö melenme ewö, inini körekñan mönö mewöyök ayuhum teköme. ⁴ Me miri qetñi Siloam miangören miri köröpñi kunñan eta köla ambazip 18 turum engii kömugeri, inini yengöra kewö mötmöribepuk: Yeñön Jerusalem könagesö tosatñi pakpak engongita singisöndok aka keuñinambuk malget. ⁵ Qahöpmö, nöñön kewö jibi mötket: Inini uruñini qahö melenme ewö, inini körekñan mönö mewöyök ayuhum teköme.” Mewö.

Muli ip gorosonñangö dopkeu

⁶ Jisösnöñ dopkeu kun kewö jiyök, “Azi kunñan muli ip kömöri nupñe kota kini miangö ölni jarumamgö anökmö, kun qahö miwikñaiyök. ⁷ Qahö miwikñaiya nup galömñangöra jiyök, ‘Mötnöñ, nöñön muli ip kiangö ölni yambu (yara) karöbutkö dop kaba jaruyalmö, kun qahö miwikñaiyal. Miangöra mi mönö wuanöngöra toroqeba gölmegö kelökñi önewat öroi sihitñanök akapuk. Miangöra mi mönö köla gilmöñ anma.’ ⁸ Toñan mewö jiyökmö, galömnöñ melenða jii mörök, ‘O azi kembuni, mi ölop mosötnöñga yambu (yara) ki kunbuk kinma. Nöñön nalö sutñe kiangören kinöñnöñ gölme esiba kundupköba isonbason ala liliköbi kelökñambuk akña. ⁹ Nöñön mewö akiga yambu (yara) andöñe miangö ölni ölop ahubawak. Mi qahö ahuma ewö, mi ölop kölman.’ ” Mewö.

Jisösnöñ Sabat kendonöñ ambi kun mem ölöwahök.

¹⁰ Jisösnöñ Sabat kendonöñ köuluk miri kunöñ öngöba Buña keu kusum engiyök. ¹¹ Miangören ambi kun tarök. Ömenöñ yambu (yara) 18 miangö dop mem löwörim wanñiiga könisemñi milipköiga qötöteimamgö osiba tata malök. ¹² Jisösnöñ ambi mi eka oholi kaiga kewö jii mörök, “Ambi, eksekpeksek kawölñan mönö gömosöri ölöwakzan.” ¹³ Mewö jiba böröñi nöropñe ali miangörenök qötöteiba Anutu möpöseim wanñiyök.

¹⁴ *Möpöseim wanñiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömñan mi eka miangöra möri bölii keu könahiba ambazip kambu yengöra jiyök, “Nup memegö nalö 6 ahözawi, miangören mönö kaba mem ölöwak engimapköra jime. Mi Sabat kendonöñ qahö.”

¹⁵ Mewö jiyökmö, Kembunöñ melenða kewö jiyök, “O urumelenögö silesile ambazip! Inini pakpak bulmakau aziñini me donñini mi Sabat kendonöñ mireyök pösata enguangitketka onöñ anda nemakze me qahö? Engörenök kunöñ mi qahö angön köl engimakza. ¹⁶ Mötket! Ambi kianön Abrahamgö gwölönaröha aiga Satanöñ jöhöm wanñi yambu (yara) köröpñi 18:gö dop maliga nöñön kösöñi mi Sabat kendonöñ pösatpi dop köl engiza me qahö?” ¹⁷ Mewö jiiga tuarenjonurupñi pakpak yeñön gamuñini mötket aka ambazip kambu pakpak yeñön angöletot wewelipñambuk meyöhi, mi pakpak eka möta söñgaiget. Mewö.

Nejon kötnangö dopkeu

Mat 13.31-32, 34; Mak 4.30-32

¹⁸ Jisösnöñ dopkeu kun kewö jiyök, “Anutugö bemtohoñangö könani mi denöwö? Mi wanatpuk dop albilenak? ¹⁹ Mi nejon kötnangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienön aipñini ip miangö böröñe alget.” Mewö.

Yistkö dopkeu

Mat 13.33

* 13:14: Eks 20.9-10; Dut 5.13-14

²⁰ Jisösnöñ dumñe kunbuk dopkeu kun kewö jiyök, “Anutugö bemtohoñi mi wanat yuaibuk dop albilenjak? ²¹ Mi yist me flaua mem qarigarigö dop kewö akza: Ambi kunñan ‘Beret ohomam,’ jiba yist memba flaua könde karöbut miangörej mindiriba melenqelen aka anda anda tari körekñanök qariyök.” Mewö.

Mönö nanğu giwikñe jaram tiba anğotme.

Mat 7.13-14, 21-23

²² Jisösnöñ anda taonñi taonñi aka miriñi miriñi miangörej Buña kusum engiba anda mala Jerusalem sitinöñ göröken anök. ²³ Ani kunñan kewö qesim wañgiyök, “Kembu, uruñini melenget Anutunöñ amöt qem engii letotmei, mi ambazip awamdökña me denöwö?” Qesim wañgii kewö jii mötket,

²⁴ “Inini mönö nanğu giwikñe anğotpingö jaram tiba aum-mörime. Nöñön kewö jibi mötket: Ambazip gwötpukñan Anutugö bemtohoñ uruñe anğotpingö esapkömömö, mi osime. ²⁵ Könañep miri tonñan wahöta nanğu köligun inini nalö miangörej könahiba yaigep kinda nanğunöñ qeba kewö jime, ‘Kembu, mönö nanğu öröm neñginöñ.’ Mewö jigetka melenđa kewö jii mötme, ‘Ni qahö möt engizal. Inini denikegöra, mi qahö mötzal.’ ²⁶ Mewö jiiga inini miangörejök könahiba kewö jime, ‘Neñön mönö göbuk köisirik tata nene nein. Göñön mönö liliköba neñgö sombemnöñ Buña kusum neñginöñ.’ ²⁷ *Mewö jimemö, yañön keu kewö jima, ‘Inini denikeangöra, ni qahö möt engizal. Miangöra kewö jibi mötket: Bölöñi meme pakpak, inini mönö nömosöta kesalget.’

²⁸ **“Kesalgetka miangörej Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könañini mewö miwikñaiba sahöt gigilahöba irimñini yöhözömgögetka qetñi qeri malme. ²⁹ Ambazipñi ambazipñi mi wehön kotkotñeyök aka gegeneyök aka likepliket Not Saut miangörejök kaba Anutugö bemtohoñnöñ anğota dum tatatñini memba nene nem söñgaip aka malme. ³⁰ *Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

Kiñ Herodnöñ kiam soñ miangö dop akza.

Mat 23.37-39

³¹ Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Miangöra mönö miri ki mosöta anman.”

³² Jigetka kewö melenğ engiyök, “Inini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enğuatangömam aka kawöl ambazip mem ölöwak engiba malmam. Anmami, uruwale mönö miangöreñ anğota nupni mekömam.’

³³ “Kezapqetok ambazip sehisehijni mi Jerusalem sitinöñ enğugetka kömuget. Miri tosatñe qahö toroqeba enğuget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem anğotpiga nuñguget kömumam ewö, mönö yeñgöreñ aiakanjina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, inini kezapqetok ambazip enğuget kömugetka Anutunöñ ambazip melaim engii engöreñ kamakzei, mi kötnöñ kumbuköm enğimakze. Poi namñan moröurupñi ginginñi bapñe ala köjöjohom enğimakzawi, nöñön miangö dop nalöñi nalöñi göhö könağösöurupki suhuba tokom enğimangö möta malalmö, inini mi tököba mala kotket. ³⁵ *Mötket! ‘Anutunöñ mönö jike miriñini andö qeiga sahopñanök ahöma.’ Mewö ahömapmö, nöñön kewö jibi mötket, inini ni kunbuk qahö nekñemö, könañep nalö kun kam kuñgui miangöreñ neka kewö jime, ‘Kembugö qetñe kam neñgizawi, Anutunöñ mönö i kötuetsköm wañgima.’ Mewö.”

* 13:27: Sum 6.8 * 13:28: Mat 22.13; 25.30 * 13:28: Mat 8.11-12 * 13:30: Mat 19.30; 20.16; Mak 10.31

* 13:35: Sum 118.26; Jer 22.5

14

Jisösnöñ kawöl azi kun mem ölöwahök.

¹ Jisösnöñ Sabat kendon kunöñ Farisi (Köna keugö kapañkölköl) yeñgö jitnememe kungö miriñe öngöba nene neyök. Nemba tari tosatñan galöm memba ektiget. ² Mianğöreñ yangö jemesoholñe kawöl azi kun köna böröñi onöñ ölököba qarui tarök. ³ Jisösnöñ i eka könahiba Köna keugö böhi aka Farisi mi qesim engiba kewö jiyök, “Sabat kendonöñ azi mem ölöwak wañgiba mewö mianñon Köna keu ongitpin me qahö?”

⁴ Mewö jiyökmö, yeñon göröñ qeba tatket. Tatketka böröñan azi mi misiriba mem ölöwaka melaii anök. ⁵ *Ani kewö jii mötket, “Engöreñök kungöreñ morö me bulmakau aziñi mi Sabat kendonöñ o lömnöñ gema ewö, mi mönö ösumok örögetka kotma. Dañon mi qahö öröi kotpawak?” ⁶ Mewö qesim engii mianğö likepñi melenbingö lömböriba numbuñini muhungöba bök tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkölköl) azinöñ ambazip nenegöra köl öröm engiyöhi, yeñon dum qaikñe eu meköba tatkeri, Jisösnöñ mi eka mianğöra dopkeu kun kewö jii mötket, ⁸ * “Kunñan gi amembitkö lömbuanğöreñ köl öröm gihii mianğöreñ anda dum jegenñeyök qahö memba tatman. Mewö akñan ewö, tosatñi köl öröm engiyöhi, yeñgöreñök kunñan gi gongita qetbuñanambuk akapuk.

⁹ “Yañon kanğoriga lömbuan toñan göhöreñ kaba kewö jibawak, ‘Gi dum ki mosötnöñga öñgöñgöñi yañon tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk. ¹⁰ Mewö qahöpmö, kunöñ köl öröm gihimawi, gi ölop dum siminñe emu anda tatman. Mewö tatnöñga lömbuan toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñon ambazip göbuk tata nene nezei, mönö körek yeñgö jeñine qetbuñagabuk akñan. ¹¹ *Mi kewögöra: Nanñini uruñini memba öñgömei, Anutunöñ i körek memba et al engima. Kunñan nanñi uruñi memba etmawi, Anutunöñ mönö i memba öñgöba al wañgima.”

¹² Farisi (Köna keugö kapañkölköl) azinöñ ambazip köl öröm engii lömbuanñöñ tatketka Jisösnöñ lömbuan toñi lilingöba eka kewö jii mörök, “Gi silingö me sunğemgö lömbuan kun ohoba mianğöreñ nangi alaurupki me darumunurupki mi kude köl öröm engiman. Tinitosolomurupki me miri kasunñangö ambazip pomñi qetbuñaninambuk mi kude köl öröm engiman. Mewöñi lömbuanğöra köl öröm enginöñi, i mewöñanök köl öröm gihiba tosa gi mi meköm gihiget teköma. Mewö akñan ewö, Anutunöñ mönö mianğö töwanñi qahö gihima.

¹³ “Mewö qahöpmö, lömbuan mözözömgöba ohomani, gi mönö ambazip etqeñeñi mia köl öröm engiman. Ambazip wanapñi, simalokon aka jegömöl akzei, mönö mia engoholnöñga dop kölma. ¹⁴ Mi köl öröm enginöñga yeñon tosa meköm gihibingö osigetka gi mianğöra simbawon aka malman. Tosanñi mi öne ahöi malnöñga solanñi yeñon kömupnöhök wahötketka nalö mianğöreñ Anutunöñ nanñak mi göhöra meköm gihima.” Mewö.

Lömbuan ali möndömöndö keu jiba tököget.

Mat 22.1-10

¹⁵ Jisösnöñ mewö jiiga nene memba tatket yeñgöreñök kunñan mi möta kewö jii mörök, “Kunöñ Anutugö bemtohon uruñe anğota nene memba tatmawi, nöñon yangöra simbawon jizal.”

¹⁶ Mewö jiiga kewö melenñök, “Azi kunñan sunğemgö lömbuan ketanñi mözözömgöba ohoba ambazip gwötpuk öröm engiget kamegöra jiyök. ¹⁷ Lömbuan nalöñi kam kuñgui welenqeñeñi kun melaii köl öröm engimangö jiyöhi, yeñgöreñ anda jii mötket, ‘Yuai

* 14:5: Mat 12.11 * 14:8: Qam 25.6-7 * 14:11: Mat 23.12; Luk 18.14

pakpak lök mözözömgöinga ahöza. Mianğöra mönö ölop kame.’ ¹⁸ Jii mötketmö, mi möta yeñön körekmakörek könahiba yuai tosatñe möndöba tököget. Mutukñan jiyök, ‘Ni arö kun söngöröñi mealanğöra mianğoreñ anda ekñamgö mötzal. Mianñön jöhöm niñgiza. Mianğöra ölop anda jinöñga möta kude möt bölim niñgima.’ ¹⁹ Kunñan jiyök, ‘Ni bulmakau aziñi 10 söngöröñini meali, mi kösönöñ ilikñine jöhöbi kinöñ örögetka anda nup esapköba qeba qindipkömam. Mianñön jöhöm niñgizawanğöra ölop jinöñga möta kude möt bölim niñgima.’ ²⁰ Kunñan toroqeba kewö jiyök, ‘Ni ambi urandöpki bohonñi mealanğöra kamamgö osizal.’

²¹ “Mewö jigetka welenqeqenöñ lilingöba azi kembunğöra buzup mi jii mörök. Möta uruñi könöp jeiga welenqeqenñ kewö jim kutum wanğiyök, ‘Gi mönö wölañ taongö köna namñe aka sombemñöñ anda ambazip etqeqenñ, wanapñi, köna böröñini titingitñi, jegömöl aka simalokon ambazip mi mönö enğuanğitnöñga lömbuan miri uruñe ki kame. ²² Jiyöhanğö dop ak teköba kaba kewö jiyök, ‘Kembuni, jim kutum niñgizananğö dop akzalmö, dum tiñi tok ahöza.’

²³ “Mewö jiiga azi kembunöñ jiyök, ‘Gi mönö könanöñ aka rowoñqeqenine anda ambazip tat anjei, mi kapañ köla kuñgum enğinöñga lömbuan miri uruñe kanğota kokolak gеме. ²⁴ Nöñön kewö jibi mötket: Ambazip mutuk köl öröm enğimamgö jiali, yeñğoreñök kunñan kun nöñgö lömbuanñöñ qahö kanğota nempa nahömñi mötma.’ ” Mewö.

Jisösgö gwarek malmalgö könañi

Mat 10.37-38

²⁵ Jisösnöñ ani ambazip kambu ketañi yeñön wuatangöba angetka lilingöba kewö jii mötket, ²⁶ * “Kunñan nömbuk kaba malmam jiba ni göragöra al niñgiba iwinamñi, anömmoröñi, darumunñi, nenbehötñi aka nanñi malmalñi mewöyök jegep ala jöpakömakzawi, yañön mönö nöñgö gwarekni akñamgö osima. ²⁷ * Sisitñini megetka kunñan ni nuatanğöba sihimbölö möta maripomñöñ kömumamgö qahö jöjörömawi, yañön mönö nöñgö gwarekni akñamgö osima.

²⁸ “Enğoreñök kunñan miri köröpñi memamgö mötza ewö, yañön mönö mutuk eta tata monenñi miri mem tekömawanğö dop akza me qahö, mianğö könañi kewöta ek kutuma. ²⁹ Mewö qahö aka miri tandöñi kömöta mi mem tekömamgö köhököhöiñi qahö ahöm wanğiiga mosöri öne kiniga ambazip pakpak mi eka könahiba jiji-ilit jiba mepaik wanğibepuk. ³⁰ Mewö ak wanğiba kewö jibepuk, ‘Azi mi könahiba miriñi meyökmö, mi mem tekömamgö qahö köhöiyök.’ Mianğö dop Jisös wuatangöman me qahö, mi törörök kewöta möt kutuman.” Mewö

³¹ Jisösnöñ keu mi toroqeba kewö jiyök, “Mewöyök kiñ azi kembu kunñan kiñ kunbuk aröñda ‘Bim qemam,’ jiba denöwö akña? Yañön zilañök kerök qahö al wanğimapmö, mutuk jembonurupñi öröm tokom enğii tata qambañ keu kewö eraum mötme, ‘Nanine aziurupnini 10.000 maljin aiga likepñe kerökurupnini mi 20.000 malje. Azi kembuninan i enğuanğita kaget enğeka ölop köhöiba enğubin me qahöpto?’ ³² ‘Qahö köhöibin,’ jime ewö, yañön kerök kiññöñ köröwen tariga mianğoreñök jitñememurupñi melaim enğii yañğoreñ anda luai qebingö goro eraum mötme. ³³ Mewöyök enğoreñök kunñan yuai pakpak ahöm wanğizawi, mi jegep almawanñön mönö nöñgö gwarekni akñamgö osima. Mianğöra mönö nia jegep al niñgigetka dop kölma.” Mewö.

Howe nahömñi qahö mi yuaia omanñi kötökñi.

Mat 5.13; Mak 9.50

³⁴ “Howe mi ölopñi akzappmö, sihimñi mosötma ewö, mi mönö denöwö möhamgöinga kunbuk sihimñambuk akawak? ³⁵ Nesak omanñi mi gölme kelökñambuk akñapköra tokoba isonbasoñ alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenöñ gilinga geba öne töhöntöhön ahöma. (Gi mewöñanök nöñgö

* 14:26: Mat 10.37 * 14:27: Mat 10.38; 16.24; Mak 8.34; Luk 9.23

gwarekni aka kembangan kutuba nömosötman ewö, mönö yuai omanji akjan.) Kunjan kezapnambuknöj malja ewö, yanjon mönö keu mi möt kutuma.” Mewö.

15

Lamanöj sohyök, miangö dopkeu

Mat 18.12-14

¹ *Takis tilipqilip aka megeri aka singisöndok ambazip tosatni mi jesöngönan Jisösgö Buñani mötpingö kaget. ² Mewö kagetmö, Farisi aka Köna keugö böhi yeñon Jisösgöra uruñinan böliiga irikuruk keu kewö jiget, “Azi mianjon singisöndok ambazip engimemba yembuk tata nene neza.” ³ Mewö jigerangöra Jisösnöj dopkeu kun kewö jii mötket,

⁴ “Engöreñök kungö lamaurupni 100 malgetka miengöreñök kunjan sohoba janjun aniga tonan denöwö akña? Yanjon mönö 99 mi gölme qararanölkölne engömosöta anda mohot janjun anöhi, miangö jaruba anda mala miwikñaiiga teköma. ⁵ Miwikñaiiba urusösöngai aka awötne ala kama. ⁶ Mire kaba alaurupni aka tosatni kösutne malmei, mi engoholi tokogetka kewö jii mötme, ‘Lamani sohyöhi, mi lök miwikñaiizalangöra mönö nömbuk sösongai akin’ ⁷ Nöñon kewö jibi mötme: Miangö dop singisöndok azi mohotjan uruñi melenmawi, yangöra Suep mire sösongai ketani asuhuma. Ambazip 99 nanjine jeñine solanji diñdiji aka uruñini melenbingö qahö möta maljei, yeñgöra sösongai mewöni qahö asuhuma.” Mewö.

Monej kötni sohyök, miangö dopkeu

⁸ “Mewöyök ambi kunjan silwö monej kötni 10 memba maliga miengöreñök mohokjan geba sohoiga denöwö akña? Yanjon mönö kiwa ohotiriba kapan köla miri usunda jaruma. Jaruba mala miwikñaiiga teköma. ⁹ Mi miwikñaiiba ambi alaurupni aka ambi tosatni kösutne maljei, mi engoholi tokogetka kewö jii mötme, ‘Nöngöreñ soujeni mohotjan sohyöhi, mi miwikñaiizalangöra mönö nömbuk sösongai aki.’ ¹⁰ Miangö dop nöñon kewö jibi mötme: Singisöndok ambazip kunjan uruñi melenniga Anutugö garataurupni yeñon miangöra sösongai öngöngöni akña.” Mewö.

Nanji imbi-imbi azinöj kumkanjam aka imbiñi meleñök.

¹¹ Jisösnöj toroqeba kewö jiyök, “Azi kungö nahönyahötñi yahöt malohot. ¹² Munjan iwinangöra kewö jiyök, ‘Iwini, gi mönö monej sukinapki mendenja nöngö bahöni ningiman.’ Mewö jiiga öroyuaiñi pakpak dopñire mendenja etkiyök. ¹³ Mi etkiiga nahöñni moröñan sömanji yahöt karöbut mala inap yuaiñi pakpak mi kölölohoba memba kantri kungen anök. Miangöreñ anda nanji imbi-imbi aka köna ketani ambi yembuk kiam bau ewö söñaup malmal mala monej inapni gil teköyök.

¹⁴ “Yuai pakpak gil teköiga bödi (buörö) ketani asuhuba gölme pakpak mi dop kölök. Yanjon nalö miangöreñ könahiba öngöpni aka osiyök. ¹⁵ Osiba kantri miangö toni kungöreñ anda nupköra qesim wanjiiga melaii yangö bau selne geba bau galömñina malök. ¹⁶ Miangöreñ mali bau yeñon sokop kötni neget eka ‘Ölöp mi nemi gölömni dop kölbawak,’ jiyökmö, mi mewöyök kunjan qahö wanjiyök.

¹⁷ “Mewö mala uruñi ahuiga kewö jiyök, ‘Iwinangö nup ambazip wanat awamni yeñon nup megetka söngöröni engii nene nem timbireñ aka maljemö, nöñon kiangöreñ uzukörörap aka bödi mala kömumangö akzal. ¹⁸ Ni mönö wahöta iwinangöreñ lilingöba anda kewö jibi mötma, ‘Iwini, ni singisöndok memba mianjon gi aka Suep Tonji qetal etkiba qetki mem böliial. ¹⁹ Miangöra göñon kunbuk nöngöra ‘Nahöni,’ jimanangö dop qahö akzal. Gi ölöp jinönga welenqeqega kun akjam.’

²⁰ “Mewö jiba wahöta iwinangöreñ anök. Anda mala miri dopdowii iwinan tikep endu kinda ehi kaiga wösöni pöröraköiga ehoriba ösumnan diñdängöba anda imbiñe gili geiga numbuñi yöhötim namba ‘Nahöni, owe owe!’ jiyök. ²¹ Mewö ahökmö, nahöñnan jiyök,

* 15:1: Luk 5.29-30

‘Iwini, ni singisöndok memba miangön gi aka Suep Tonj qetal etkiba qetki mem böliäl. Miangöra gönjön kunbuk nöngöra ‘Nahöni,’ jimanangö dop qahö akzal.’

²² “Mewö jii iwiñan miangöreñök welenqequeurupñi kewö jii mötket, ‘Inini mönö ösumok maluku aködamunñambuk kun memba kaba löngöt wangiget. Ila jalö imbiñe köla meñölöm wangiba köna esu könañe löngöt wangiget. ²³ Mewöyök selnöñ anda bulmakau dömnji kelökñambuk kun memba kaba qeba ohogetka nempa sösöngai albin. ²⁴ Nahöni ki kömum taköyöhañön mönö kunbuk guliba kaza. Yañön lök sohoigun Anutunöñ kunbuk miwikñaiiga asuhum tiñgitza.’ Mewö jiiga könañe sösöngai alget.

²⁵ “Sösöngai algetmö, datñan nupnöñ mala lilingöba miri dopdowiba miangöreñ liñet gwawet köla unduba söñgaigeri, miangö kourukñi mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim wangiyök. ²⁷ Qesim wangiiiga kewö jiyök, ‘Mungan lilingöba kaiga iwiñan i kunbuk meiga unditundit aiga miangöra jiiga bulmakau dömnji kelökñambuk qeba ohoba söñgaize.’

²⁸ “Mewö jiiga irimñi seholiiga mire öngömamgö tököyök. Tököyökmö, iwiñan mi möta yaigep eta uruluai keu ösöñ jiba mölöwörim wangiyök. ²⁹ Mölöwörim wangiyökmö, yañön melenña kewö jiyök, ‘Iwini, nöñön yambu gwötpuk welengi qeba mala jimkutukutugi nalö kunöñ qahö ongita malalmö, töndup gönjön nalö kunöñ meme (noniñ) moröñi kun alaurupni yembuk sösöngai albingöra qahö niñginöñ. ³⁰ Qahö niñginöñmö, nahöngi kianñön köna ketañi ambi yembuk mala moneñ inapki ayuhuba kanjoriga gönjön mönö yangöra aka jinöñga bulmakau dömnji kelökñambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñani pakpak mi mönö göhö buñaya mohok akza. ³² Mohok akzapmö, mungi kianñön kömum taköyöhañön kunbuk guliba kaza. Yañön lök sohoiga Anutunöñ kunbuk miwikñaiiga asuhum tiñgitza. Miangöra dölni nene sösöngai alinga dop kölja.’ ” Mewö.

16

Sukinap galöm tilipqilipñambukö dopkeu

¹ Jisösnöñ gwarekurupñi keu kun kewö jii mötket, “Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, ‘Yañön göhöreñ moneñ inapki köndenña lañ gila malja.’ ² Mi möta galöm mi jii kaiga jim wangiyök, ‘Ni göhöra buña bölöñi jiget mötzal. Gi nöngö miri aka sukinapni kunbuk galöm kölmanangö dop qahö akzan. Miangöra mi denöwö galöm köla malnöñ, miangö löpötñi jim asarim niñgiman.’ ³ Mewö jiiga uruñan kewö mötmöriyök, ‘Miri tonñan galömkölköl nupni noañgiri denöwö akñamto? Ösumni qahö dop köljawangöra gölme esimamgö osizal aka ulet azi malmamgö gamuni mötzal. ⁴ Yañön galömkölköl nupni noañgitmawi, nöñön nalö miangöreñ denöwö akiga tosatñan miriñine kölni öroba köyan kölni niñgibeak? Aha! Köna kun mötmörizal.’

⁵ “Mewö jiba ambazip tonñan tosa al enñiyöhi, mi pakpak nannjik nannjik örom enñiiga kaget. Mutukñan kaiga yangöra kewö jiyök, ‘Tonangöreñ tosa göhöreñ dawik ahöza?’ ⁶ Mewö qesiiga jiyök, ‘Oil dram 100 meal.’ Mewö jiiga kewö melenñök, ‘Gi tosa papiagi memba ki tata ösumok uteköba 50 ohonöñga ahöma.’ ⁷ Mewö jiba azi kun qesim wangiyök, ‘Aka gi? Göhöreñ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreñ 16.800 kilogram mewö ohonöñga ahöma.’

⁸ “Mewö aiga miri tonñan möta jim-ölöwak keu kewö jiyök, ‘Galömnan tilipqilip qakñe yuai ahöhi, mi mötkutukutu ölöpnji kondelja.’ ” Kembu Jisösnöñ kösohot mewö jiba toro-qeba jiyök, “Söñaupkö ahakmeme wuatangömakzei, yengö mötkutukutuñini mi ambazip tosatñi merak maljei, mi tilipqilip ak enñimeangö dop ahözapmö, Anutugö asakñe maljei, yengö mötkutukutuñini mi miangö bapñe akza.

9 “Miangöra kewö jibi mötket: Tosatjan gölmegö moneñ inapnön ambazip tilipköm enjimazemö, enñon mönön mianñon memba alaurup miwikñaim enjime. Mi miwikñaim enjigetka gölmegö yuainön qahöwakñawi, Anutunön mönön nalö miangörej köl öröm enjiiga malmal köhöikñi mire angota teteköñi qahö malme.

10 “Kunñan yuai morörökñi memba kapan köla törörök galöm köljawi, yanñon mönön yuai ketanji mewöyök törörök galöm kölma. Kunñan yuai morörökñi galöm köla kitik-katuk akzawi, yanñon mönön yuai ketanji mi mewöyök galöm kölmapkö jiinga kitik-katuk akña. 11 Gölmegö moneñ inapñi böröñine algetka mi pöndañ qahö galöm kölgetka ölni qahö asuhuyök ewö, kunñan mönön yuai buñañi öngöñgöñi ölni mi böröñine qahö alma. 12 Inini tosatñi yengörej yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañon kun enjibawak?

13 * “Welenqege kunñan kembu yahöt welen qem etkimamgö osimakza. Kunñan mewö akñamgö mötzawi, yanñon mönön kun kazik ak wañgiba kun uruñan jöpaköma. Kungörej qekötahöba kun jijiwilit ak wañgima. Miangöra enñon Anutu aka moneñ inap mi mindiriba welen qem etkibingö osime.” Mewö.

*Monengö urukönöp akepukö goro keu
Mat 11.12-13; 5.31-32; Mak 10.11-12*

14 Farisi (Köna keugö kapankölköl) yenñon monengö nahöm gwötpuk ahöm enjii malgerañgöra Jisösnön keu pakpak mi jiyöhi, mi möta je misiba ilit wañgiget. 15 Ilit wañgigetka kewö jii mötket, “Farisi enñon mönön ambazip jenine solanñi tandök kondel enjibingö könöpuk ahakzemö, Anutunön uruñinañgö könañi möt kutum teköza. Ambazip jenine yuai kungöra mötketka öngöñgöñi akzawi, mi Anutunön ehi imbilonñambuk ahakza.

16 * “Bemtohonñgö könañi mi Mosesgörej Köna keunön aka kezapqetok ambazip yengö Buzup Kimbiñine ohogetka oyoñda mala koringa Jonön asuhuba ölni aukñe indelök. Nalö miangörejök könahiba keu mi jim sehiba Anutugö bemtohone angotmegöra ambazip uruñini kuñgumakzin. Ambazip körekñan mönön jaram tiba kapan köla bemtohon miangö uruñe angotpingö ahakze. 17 * Suep gölmenön görön qemahotkö dop akzahotmö, Köna keugö kulem jönbolanñi mohok-kun mi nalö kungen qahö kötökñi ayapköma. Mewö.

18 * “Azi kunñan anömñi mosöta ambi kun memawi, yanñon mönön qesabulum akña. Azi kunñan ambi apñan mosöröhi, mi memawañon mönön mewöyök qesabulum akña.” Mewö.

Azi pomñi aka Lazarus

19 “Azi pomñi kun malök. Yanñon opo maluku gugakgugak pisikñi aködamunñambuk löngöta mala nalö dop nene söngaip aka siyonsayonji qahö malök. 20 Mewö malökmö, yangö miri nanñunji kösutñe azi wanapñi kun qetñi Lazarus ahöba malök. Uzi nömböñnön silenji dop köla tarök. 21 Wösöñi aliga gwarönön ahöba azi pomñangö tebolnöhök nene irip boromñi eri mia nemamgö mörök. Möta ahöiga kiam yenñon kanñgota uzi nömböñi bözöba malget.

22 “Mewö mala wanapñi yanñon kömuyök. Kömui Suep garata yenñon wañgita öngöba Abrahamgö qöhöröñe alget tarök. Azi pomñi yanñon mewöñanök kömuiga löm kölget. 23 Löm kölgetka kömupkö senjom mire geiga jem sölöngöi sihimbölö ketanji möta ui öngöiga Lazarus Abrahamgö qöhöröñe köröwen endu tari etkehök. 24 Etkeka silata qeta jiyök, ‘O iwini Abraham, mönön wösögi möt ningiman. Ni könöp bölamnön nohoi kiangörej wahöjalij öngöñgöñi möta kinjal. Miangöra mönön Lazarus melainön anda kesöt sunan onön kusahöla kaba nesilanne mirii amörima.’

25 “Mewö jiyökmö, Abrahamnön melejñök, ‘Nahöni, mönön ki mötmörinön anök. Göñon gölmenön malmal sösongañambuk lök malnön teköyökmö, Lazarusnön gölmenön

* 16:13: Mat 6.24 * 16:16: Mat 11.12-13 * 16:17: Mat 5.18 * 16:18: Mat 5.32; 1 Kor 7.10-11

malmalni qemjem-mamjen aka malök. Mewö malökmö, nalö kewöje urukölalep ak wanjiinga tatzapmö, göñön sihimbölö möta wahöjalin qakne kinjan. ²⁶ Mewö maljin aiga toroqeba kewö jizal: Anutunöñ nini aka injini sutnine mendenä jabö al köhöii ahöza. Miangöra tosatñan jabö qösököba nengörenök engören kanjotpingö mötpeak, mi mönö osime. Mewöyök likep endu maljei, enön mewöyök nengören yuhu kanjotpingö qaköme.’ ²⁷ Mewö jiiga kewö jiyök, ‘Iwini, mewö aiga kewö ulet gihizal: Göñön mönö Lazarus melainöñga iwinangö mire anma. ²⁸ Miri miangören darumunurupni 5 maljei, yeñön mewöñanök senjom miri kiangören eta sihimbölö ketani mötpepuk. Miangöra mönö jinöñga anda kezapqetok keu jii mötme.’

²⁹ “Mewö ulerökmö, Abrahamnöñ jiyök, ‘Qahö! Mosesgö Köna keu aka kezapqetok ambazip yengören Buzup Kimbi mi yengö buñaya ahöza. Keu mia mönö kezap ala mötme!’ ³⁰ Mewö jiiga kewö jiyök, ‘O iwi Abraham, mewö qahöpmö, kömukömuñi nengörenök kunjan yengören anbwak, mewö mönö urunini melenbeak.’ ³¹ Jiiga Abrahamnöñ kewö jii mörök, ‘Yeñön Moses aka kezapqetok ambazip yengö keugöra kezap qahö alje ewö, mewöñanök kömukömuñi nengörenök kunjan wahöta keu jibawak, yeñön mönö töndup Anutu qahö möt narim wanjibeak.’ ” Mewö.

17

Singisöndökö kölgorom mönö qetal engime.

Mat 18.6-7, 21-22; Mak 9.42

¹ Jisösnöñ gwarekurupni keu kewö jii mötket, “Bölöñangö supatitikan mönö awamñanök asuhumakza. Kunöñ supatitik angön kölmangö osimakzapmö, kun danön tosatni kölgorom ak enjiiga singisöndök akñei, yangöra mönö wözlököba ‘Ye!’ jizal. Sihimbölö öngöñgöñan mönö yangö qakne öngöma. ² Yanön ambazip moröñi yengörenök kun kölgorom ak wanjiiga singisöndök akñawi, azi mianön mönö lömböt öngöñgöñi miwikñaima. Anutunöñ lömböt miangö likepni denöwö wanjiiga dopne akawak? Kemun jamönjin jölne johöba köwet röndumnöñ gilget mulungöi gebawak, mianön mönö awamñi ahum wanji tandök akawak.

³ “Miangöra mönö nanñini galömñini mem anguba malme. Alagi kunjan singisöndök akzawi, i mönö jim mindin ak wanjiman. Jim mindin ak wanjinöñga möt bölim anguba wösöñi mötma ewö, gi mönö singisöndökni mosöt wanjiman. ⁴ Wehön kungö urune singisöndök 7 ak bölim gihiba indimni 7 göhöreñ lilingöba kewö jima, ‘Alani, ni singisöndök akzalanöñga möt bölim anguzal.’ Mewö jima ewö, gi mönö singisöndökni mosöt wanjiman.” Mewö.

Mötnaripkö ölni mi kukösumñambuk.

Mat 17.20; 21.21; Mak 11.23

⁵ Aposol yeñön Kembugöra jiget, “Mötnaripnini mönö toroqeba mem köhöiman.” ⁶ Mewö jigetka Kembunöñ melenök, “Mötnaripñinangö ölni mi nejon köñangö dop ahöbawak ewö, enön ölop nömozup ip* kiangöra kewö jim kutubeak, ‘Gi mönö jöla jalögabuk wahöta luhuba köwetnöñ geba nangi kömöta kinman.’ Mewö jiba möt narigetka ip mianön mönö keunini tem kölma.” Mewö.

Welenqege ölöñi mi denöwö?

⁷ “Engörenök kungö nup azinöñ bulmakau memba nupnöñ anda kinöñ öroi gölme mesinma me lama galömñina malma. Mala mire kanjori miangören toñan kewö jii mötma me qahöpto, ‘Gi mönö mire kota tata nenegi neman.’ ⁸ Mewö qahö! Yanön mönö kewö jima: ‘Gi mönö o ariba möhamgöm anguba sunjengö nenenamni ohoba ala ninjinöñ neman. Miangö andöje nangi nenenangi ohom neman.’ ⁹ Mewö jim kutum

* **17:3:** Mat 18.15 * **17:6:** Jisösnöñ mulberi ip kun kondelök. Ip mi nömozup ewöya, kötni köuruk (köwörörök) kötni ewö neneña.

wanjiiga nup aziñan jiyöhangö dop nupñi mem teköi dop köliga galömñan miangöra möpöseim wanjima me qahö? Qahö! ¹⁰ Engö könañini mi mewöñanök ahöza. Galömñinan yuai pakpak jim kutum enjiyöhi, inñini mi ak teköba miangören kewö jime, ‘Nini nup ambazip töhöna maljin. Galömninan yuaigöra jiyöhi, mönö miyök memba kazinañgöra möpömöpösei jarubingö osizin.’ ” Mewö.

Jisösnöñ azi 10 silenini mem solaniyök.

¹¹ Jisösnöñ Jerusalem sitinöñ anmamgöra Galili aka Samaria prowins yahöt mietkö sutñire köna ahöyöhi, miangören anök. ¹² Könanöñ anda miri kunöñ angoriga azi 10 silenini uzikukunambuk yeñön miwikñaiba eka tikep endu kinget. ¹³ Kinda köhöikñanök qeta jiget, “Ketañamnini Jisös, mönö neñgöra ak kömum gihima!”

¹⁴ *Qeta jigetka engeka kewö jii mötket, “Inñini mönö jike nup galöm yeñgören anda silenini kondel enjime.” Mewö jiiga tem köla könanöñ angetka sileninan miangören solaniba ölöwahök. ¹⁵ Ölöwahökmö, 10 yeñgörenök kunñan silenini solanii eka lilingöba kaba Anutu köhöikñanök qeta möpöseiyök. ¹⁶ Möpöseiba Jisösgö könañe geba sipköba simin köla ‘Saiwap!’ jiyök. Azi mi Samaria azia. Juda yeñön Samaria prowinsgö ambazip yeñgöra mötketka eretñi ahakzapma.

¹⁷ Saiwap! jiiga Jisösnöñ melenña jiyök, “Mi ölop akzanmö, azi pakpak 10 engö sileninan lök solanim teköyök me? Azi 9 mienñön mönö denike malje? ¹⁸ Kian azi göñön nangik lilingöba kaba Anutu möpöseizanzmö, azi 9 yeñön mönö anda nöñöñgan akze.” ¹⁹ Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

Anutugö bemtohoñi mi denöwö asuhuma?

Mat 24.23-28, 37-41

²⁰ Farisi (Köna keugö kapañkölköl) yeñön Jisös kewö qesim wanjiba jiget, “Anutugö bemtohoñi mi mönö wanat nalönöñ asuhuma?” Jiget möta melenña kewö jiyök, “Anutugö bemtohoñan mönö jeninan ekinangö dop qahö asuhuma. ²¹ Mötket! Anutugö bemtohoñi mi sutñine uruñine asuhuba ahöza. Miangöra mi kiangören me enduyangören ahözawi, mewö jibingö osimakzin.”

²² Jisösnöñ gwarekurupñi kewö jii mötket, “Könañep nalö kun kam kunjumawi, miangören Suep gölmegö azi ölnangö nup meme wehöññi miengörenök kun ekingö ak enjimapmö, mi kunbuk ekingö osime. ²³ Nalö miangören kewö jiget mötme, ‘Mötket! Amötqeçe Toñan mönö endu malja. Mötket! Mönö ki asuhuza.’ Mewö mewö jigetka i ekingöra miangören ösumok kude luluhuba anme. ²⁴ Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akña: Mi suep likepñeyök zilañ biliksik ala asariba likepñe dop köla anjawi, yañön mönö miangö dop asuhuma. ²⁵ Könañep mewö asuhumapmö, mutuk ambazip nalö kewöñe gölmenöñ maljei, yeñön azi mi yaköriba andö qem wanjigetka sihimbölö ketañi mötma.

²⁶ * “Mönöwök Noagö nalöñe ambazipñöñ malmalñini qemasolokep qakñe mala ayuhuger, miangö dop mönö Suep gölmegö azi ölnan kunbuk kamawangö nalöñe mewöyök asuhuma. ²⁷ *Noagö nalöñe nene lömbuan ala o köhöikñi namba ambi kenam bohonñangö alget anda kaiga angömeget. Ahakmeme mewö aka memba qemasolokep malgetka Noanöñ wanje uruñe öngöyöhi, silim miangören teköyök. Teköiga o göulu ketañan kaba ambazip jinonñi qahö löm köl enñi o nemulahöba kömuget.

²⁸ * “Lotkö nalöñe mewöyök qemasolokep malgetka mewöñanök asuhuyök. Ambazipñöñ nene lömbuan ala o jawat namba nup köl kömöta jike mirinñini memba geköm nemi ala yuai bohonñi memegöra algetka yuai tosatñi bohonñi memba malget. ²⁹ Mewö aka memba malgetmö, Lotnöñ Sodom miri mosöta aniga wehöñ miangörenök

* 17:14: Lew 14.1-32 * 17:26: Jen 6.5-8 * 17:27: Jen 7.6-24 * 17:28: Jen 18.20-19.25

könöp aka köt sömsöm könöpñambuk mi mönö kie ewö suepnöhök eta ambazip jinonñi qahö engehohi kömuget. ³⁰ Könañgep Suep gölmegö azi ölnan kunbuk asuhumawi, nalö miangörej ambazipnön mewöñanök qemasolokep aka mala ayuhume.

³¹ “Silim miangörej sombemnön malmawanön mönö inap yuaini memamgöra miri uruñe kude öngöma me nupnön anda malmawanön mönö mewöñanök miriñe kude lilingöba kama. ³² Lot anömñan melenja andöñe uba kömumba köt ahöhi, mönö mi mötmörime. ³³ *Kunñan malmalñi siyonñayonñi qahö nanñangöra angnön köla nanñi imbi-imbi malmamgö mötzawi, yanğö malmalñan mönö sohomapmö, kunñan malmalñi nönğöra aka köleñniga sohomawi, yanğön mönö malmal ölnanğö könañi miwikñaiya oyaenköyaen malma.

³⁴ “Nönön kewö jibi mötket: Sunğem miangörej azi yahöt dumnön möhotñe ahöyohotka yetkörejök kun wanğita kun mosötme. ³⁵ Mewöyök ambi yahöt mi möhotñe tawen urasiba (bunahöba) tatmahori, yetkörejök kun wanğita kun mosötme.” ³⁶ (Azi yahöt nupnön malohotka yetkörejök kun wanğita kun mosötme.)

³⁷ Jisösnön mewö jiiga gwarekurupñan melenja jiget, “O Kembu, mi denikeangörej asuhuma?” Mewö jigetka kewö jii mötket, “Sömbup gisakñan kungen göröken ahömawi, manu köraraknön mönö miangörej öröba tokomakzei, mönö miangö dop asuhuma.” Mewö.

18

Malönön kapan köla uleriga azi ketanjan bauköyök.

¹ “Inini mönö nalö dop Anutu köuluköba qemalokolip qahö aka malme.” Jisösnön mewö jiba miangö dopkeuñi kewö jii mötket, ² “Taon kunön keu jimtekötekö azi kun malök. Yanğön ambazip yanğö keugöra gamuñi qahö möta nanñi imbi-imbi mala Anutugö jitiñ onğitpilenbuköra kenğötñi qahö mörök. ³ Taon miangörej malö ambi kun malök. Yanğön sundan dop keu jimtekötekö azi miangörej anda kewö jiba malök, ‘Kunñan nömbuk anğururuk akzawanğöra göñön ölop bauköm niñgibanak.’

⁴ “Mewö jiiga nalö köröpñi mi möta andö qeba malökmö, könañgep uruñan kewö jiyök, ‘Nönön ambazip yanğö keugöra gamuni qahö möta nani imbi-imbi mala Anutugö jitiñ onğitpilenbuköra kenğötñi qahö mötzal. ⁵ Mewö maljalmö, malö kianğön mönö keu söksök pöndañ jim niñgiba kamakzawanğöra ölan nöhöiga ölop bauköm wanğibiga keuñi teköma. Qahö bauköm wanğibileñak ewö, yanğön mönö qösösök kaiga qeriqerini mötpilenbuk.’ ”

⁶ Kembunön kösohot mi mem teköba jiyök, “Jimtekötekö azi gonğonjan keu jiyöhi, mönö miangöra kezap ala könañi mötmöriget. ⁷ Anutunön ambazip nanñangöra möwölöhöm enğiyöhi, yanğön sunğem asak bauköm enğimapköra köulukögetka Anutunön mönö yanğö keuñi kewöta jim teköi ölöwakñe. Bauköm enğimamgö jiba tanqan qahö aka nalö qahö könjörari öngöma. Mi qahöpmañöp! ⁸ Nönön kewö jibi mötket: Anutunön mönö nalö kude köriiga keuñi kewöta jim teköi ölöwakñe. Wölan bauköm enğimakzapmö, mi töndup Suep gölmegö azi ölnan lilingöba kaba ambazip kewöt enğimawi, nalö miangörej mötnarip ölni miwikñaima me qahöpto?” Mewö.

Farisi aka takis meme yetkö köulukñiri

⁹ Ambazip tosatñan nanñinanğö mötket öngöiga solanñi diñdiñi akzin jiba tosatñi mötketka eretñi ahök. Jisösnön i enğeka dopkeu kun kewö jii mötket, ¹⁰ “Azi yahötñan jöwöwöl jikenön öngöba köuluköyohot. Kunön Farisi aka kunñan takis meme azia.

¹¹ “Farisi (Köna keugö kapankölköl) yanğön kindan nanñök kewö köuluköyök, ‘O Anutu, ambazip tosatñan uruñini gonğiiga kalöpmalöp aka sero yanğorö ahakze, ni yanğö dop qahö maljal me takis meme endu kinjawı, ni yanğö dop mewöyök qahö maljal. Miangöra

* 17:33: Mat 10.39; 16.25; Mak 8.25; Luk 9.24; Jon 12.25

saiwap jim gihizal. ¹² Nöñön sonda dop sömañi yahöt nenegö sinji malakzal. Nöñön moneñ inapni pakpak mendenäda 10:nöhök mohok Anutugö buñaya qemakzal.’

¹³ “Mewö köuluköyökmö, takis meme yañön wañgömñi kunöñ kinda Suepnöñ eu umamgö gamuñi möta böröñan jeñi esuhuba kewö köuluköyök, ‘O Anutu, singisöndok azi ni mönö ak kömum ningiman.’ ¹⁴ *Nöñön kewö jibi mötme: Yañön mönö Anutugö jeñe solaniba miriñe lilingöyökmö, Farisi (Köna keugö kapañkölköl) yañön mewö qahö. Denike yeñön nanñini uruñini memba öngömei, Anutunöñ mönö i körek memba et al engimamö, kunñan nanñi uruñi memba etmawi, Anutunöñ mönö i memba öngöba al wañgima.” Mewö.

Jisösnöñ nahönbörat kötuetköm engiyök.

Mat 19.13-15; Mak 10.13-16

¹⁵ Ambazip tosatñan nahönbörat morömorö mewöyök enguangita Jisösnöñ böröñan engimisirimapköra yañgöreñ kaget. Kagetmö, gwarek yeñön mi eka jim qetal ak engiget. ¹⁶ Mewö aketmö, Jisösnöñ nahönbörat mi köl öröm engii kagetka kewö jiyök, “Nahönbörat moröñi mi ölop engömosötketka nöngöreñ kame. Anutunöñ ambazip mewö mia bemtohoñi buña qem engima. Miangöra i kude jöhöm engime. ¹⁷ Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem angumawi, yañön mönö miangö uruñe angotmamgö osima.” Mewö.

Jisösnöñ azi pomñi kungö qambañ keu jiyök.

Mat 19.16-30; Mak 10.17-31

¹⁸ Galömkölköl azi kunñan Jisösgöreñ kaba kewö qesim wañgiyök, “Böhi ölopñi, nöñön mönö denöwö aka malmal köhöikñañgö buña qem angubilenjak?”

¹⁹ Qesim wañgiiga kewö jii mörök, “Gi nöngöra ‘Böhi ölopñi’, mi wuanöngöra jizan? Anutu mohotñan ölopñi akza. Azi kunñan i ewö ölopñi qahö akza. ²⁰ *Gi jöjöpañ keu ki möt teközan, ‘Sero yongorö kude akñan, Ambazip kun kude qenöñ kömuma, Yongorö kude mema, Jitnöñ alal keu kude jimañ, Iwinamgi mönö göda qem etkimakñan.’ ”

²¹ Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” ²² Jii Jisösnöñ möta kewö jii mörök, “Mohot-kungöra kewö osizan. Gi mönö anda sukinapki pakpak söngöröñi memegöra alnöñ moneñ kaiga mendenäda ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatañgöba kaman.” ²³ Mewö jiyökmö, azi mianön kindiñbirik malöhañgöra aka keu mi möta wösöbirik aka jeñi asöliiga öne mosöta anök.

²⁴ Wösöbirik ahöhi Jisösnöñ mi eka kewö jiyök, “Yei! Ambazip moneñ inapñinambuk yeñön mönö Anutugö bemtohoñnöñ angotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö angotma. Miangö dop ambazip pomñi yeñön Anutugö bemtohoñ uruñe angotpingö lömböriba qaköme.”

²⁶ Keu mi jii mötkeri, yeñön kewö jiget, “Opoñ! Ambazip dañön mönö Suepkö buñaya akawak?” ²⁷ Mewö jigetka kewö melenök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yañön yuai kun aka memamgö qahö osiba qakömakza.”

Jisösgö nup memegö töwanji

²⁸ Pitönöñ keu mi möta melenäda kewö jiyök, “Mötnöñ, neñön mönö miri gölmenini mosöta gi guatañgöba kain.” ²⁹ Mewö jiiga Jisösnöñ kewö jii mötket, “Nöñön keu ölni kun kewö jibi mötme: Kunñan Anutugö bemtohoññañgöra aka yuai kun mosöröhi, - mi miri gölmenji, anöm-moröñi, darumunñi me iwinamñi - mi engömosöriña ³⁰ Anutunöñ

* 18:14: Mat 23.12; Luk 14.11 * 18:20: Eks 20.12-16; Dut 5.16-20

mönö salupne toroqeba onqita likepni melen wanjiiga mi gölmegö malmalnöñ mema aka malmal könanqepne malmal köhöikni teteköñi qahö buña qem anquma.”

Jisösnöñ kömumangö keunji jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupni 12 mi öröm engii kagetka kewö jiyök, “Mötket, nini Jerusalem öngöbin. Kezapqetok ambazipnöñ Suep gölmegö azi ölnangöra keu pakpak ohogeri, mi mönö ölnambuk ak teköma. ³² Kunöñ i mamalolo mem wanjiiga kian gawman yengö böröñine gema. Yeñon jijiwilit aka mepaiköba keu töhören jim wanqiba söutkölap qeme. ³³ Söutkölap qeba ihilek wahinambuknöñ tauköm wanqiba qeget kömuma. Kömumba wehön karöbut aiga kömupnöñök wahötma.”

³⁴ Mewö jiyökmö, gwarek yeñon keu mi qahöpmahöp möt asariget. Keu jiyöhi, mi asaambötne ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunjan nene moneñ wanqimegöra uleta köna jitne tarök. ³⁶ Tariga ambazip kambu könanöñ onqita angetka kourukñini möta “Wanat yuai asuhuza?” jiba qesim engiyök.

³⁷ Qesim engiiga kewö jiget, “Jisös, Nazaret azinöñ mönö könanöñ kaba gonqitmangö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum ningiman!”

³⁹ Mewö qeriga ambazip mutuk angeri, yeñon bök tatmapköra qetal wanqigetmö, yanön kapan köla qet gigilahöyök, “Deiwidkö gwölönarökñi! Gi mönö ak-kömum ningiman!”

⁴⁰ Qet gigilahöiga Jisösnöñ dörök ala kewö jim kutuyök, “I mönö böröñe memba nöngören kame.” Jiiga memba dowe kanqotketka kewö qesim wanqiyök,

⁴¹ “Alani! Gi mönö wani yuai ak gihimangöra mötzan?” Qesim wanjiiga jiyök, “Kembu! Ni jeni kunbuk umangöra mötzal.”

⁴² Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

⁴³ Mewö jiiga miangörenök jeni tohoiga törörök uba Anutu möpöseiba Jisös wuatangöba andöñe anök. Ambazip pakpak yeñon yuai mi eka Anutu möpöseiget. Mewö.

19

Zakiusnöñ uruñi meleynök.

¹ Jisösnöñ Jeriko taonöñ kanqota kutuba anmamgö ahök. ² Miangören azi kun qetñi Zakius malök. Yanön azi pomñi aka takis meme yengö jitnememenina malök. ³ Yanön Jisösgö kaisongolomni ekñangö ak wanqiyökmö, azi töröptökñangöra ambazip kambu sutñine kinda kökörüba osiyök. ⁴ “Jisösnöñ ki kaba nenqonqitma,” jiget möta ekñangöra ösumök anda ambazip engonqita sikamore ip* qakne öngöba tarök. ⁵ Tari Jisösnöñ miangören anqota jeñan ui öngöi eka yanqöra kewö jiyök, “Zakius, gi mönö ösumök etnöñ. Ni merak göhö mire kabi mohotne tatpit.”

⁶ Mewö jiiga ösumök eta söngaiba köl öröm wanjiiga mirine anohot. ⁷ Anohotka ambazip körekñan mi eka irikuruk aka kewö jiget, “Mönö wuanöngöra siñgisöndok azi mewöñangö mire öngöba tatza?”

⁸ Mewö jigetmö, Zakiusnöñ ambazip sutñine aukne wahöta kinda Kembugöra kewö jiyök, “Kembu mötnöñ, nöñon ainemalukuni bibine mendenä likepni ambazip wanapñi yengöra engimam aka denike yengören öroyuai kun dop onqita tilipqilip aka wanqirali, mi mönö ambemñi 4:gö dop toroqeba melenä engimam.”

* 19:4: Sikamore mi köwu ewöya, kötni neneña.

⁹ Mewö jiiga Jisösnöñ yangö kónañangöra kewö jiyök, “Anutunöñ merak miri kiangö tonji amöt qem wanji letotza. Yanñon mewöyök Abrahamgö gwölönarökurupñi yeñgö sutñine malja. ¹⁰ *Suep gölmegö azi öñan mönö ambazip sohogeri, mi jaruba amöt qem enjimangöra aka erök.” Mewö.

Moneñ esu 10 mendeñda enjiyök, miangö dopkeu.

Mat 25.14-30

¹¹ *Jisösnöñ kaba Jerusalem siti dopdowiba keunji jii ambazip mi mötkeri, yeñon kewö mötmöriget, “Anutugö bemtohoñangö öñan zilañ asuhuma.” Mewö mötmörigerangöra Jisösnöñ dopkeu kun kewö jiyök, ¹² “Azi qetbuñambuk kunñan kewö jiyök, ‘Ni mirini mosöta kantri kunöñ köröwen anbiga miangören ni kiñ kembu kuñgum niñgigetka mala lilingöba kamam.’ ¹³ Mewö gölme köröwen anmamgö jiba nup aziurupñi 10 engholi kagetka moneñ esu 10 mendeñda enjiba kewö jiyök, ‘Nöñon anda mala bian lilingöba kamam. Enñon nalö sutñe kiangören moneñ kianñon kölköl-örörö nup memba mem sehime.’ ¹⁴ Mewö jiba anökmö, könagesöurupñan kazik ak wanjiba kewö jiget, ‘Nini azi kianñon nanine azi kembu aka galöm köñ nengimapkö töközin.’ Mewö jiba welen azi tosatñi melaim enjiget andöñe anda buzup mi jiget mörök.

¹⁵ “Mewö mörökmö, töndup kantri anök, miangören yeñon i azi kembu kuñgum wanjigetka nanñi prowinsnöñ kunbuk lilingöba kayök. Kaba nup aziurupñi moneñ esu enjiyöhi, mi jiiga yangö jeñe kañgotket. Mohot mohot yeñon kölköl-örörö nup memba moneñ mem sehigetka dawik asuhuyöhi, mi kondelget ekñangöra qesim enjiyök. ¹⁶ Nup azi mutukñan jeñe kañgota jiyök, ‘Kembu, nöñon moneñ esugi mem sehibiga toroqeba kunbuk esu 10 miwikñaijal.’

¹⁷ “Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapankapan aka galöm köla malnöñga sehiyök. Miangöra nöñon taon gölme 10 mindiriba göhö böröge albi yeñgö galömñina malman.’ ¹⁸ Mewö jiiga nup azi alañan jeñe kañgota kewö jiyök, ‘Kembu, nöñon göhö moneñ esugi mem sehibiga toroqeba kunbuk esu 5 miwikñaijal.’ ¹⁹ Mewö jiiga yangöra mewöyök kewö jii mörök, ‘Mi ölop. Nöñon taon gölme 5 mindiriba göhö böröge albi yeñgö galömñina malman.’

²⁰ “Kunbuk kunñan kañgota jiyök, ‘Kembu eknöñ. Göhö moneñ esugi ki. Mi oponöñ esuhuba lolongöbi ahöyök. ²¹ Göñon azi könöpñambuk akzangöra aka göhöra keñgötñi möta malal. Gi nangak inap yuai köwenöñ qahö alnöñi, mia töndup memamgö mörakzan. Gi nangak nene köñi qahö kömötnöñga asuhuyöhi, miangö öñi mi töndup yandiba memamgö mörakzan.’

²² “Mewö jiiga mendeñda kewö jim wanjiyök, ‘Gi nup azi bölöñi. Nangak keu jizani, nöñon miangö dop kewöt gihiba likepñi melen gihimam. Ni azi könöpñambuk akzal. Nanak yuai köwenöñ qahö ala mi memamgö mörakzal. Nanak nene köñi qahö kömöta miangö öñi mi töndup yandiba memamgö mörakzal. Mi ölop möta malnöñ. ²³ Gi könani mewö mötagun mönö wuanöngöra moneñ esuni mi benknöñ qahö alnöñga qariyök. Mi kölköl-örörö nupñöñ albanak ewö, miangöñ mönö sehiiga nöñon kaba suñambuk membileñak.’

²⁴ “Mewö jiba azi kösutñe kingeri, mi kewö jii mötket, ‘Inini mönö yangö böröñeyök moneñ esunji mi wanjita esu 10 miwikñaiyöhi, i wanjime.’ ²⁵ Jii möta kewö jiget, ‘Kembu, yangören moneñ esu 10 mi lök ahöza!’ ²⁶ *Mewö jigetka mendeñda jiyök, ‘Nöñon kewö jibi mötket: Ambazip yuai ahöm enjizawi, yeñgöra körek mönö mi toroqem enjigetka sehimapmö, kungören yuai kun qahö ahözawi, morörökñi mia mönö mewöyök wanjitetka öne töhön malma.’ ²⁷ Mewö jizalmö, kerökurupñan nöñon kiñ kembu aka galöm köñ enjimangö tökögeri, i mönö enguanñita kagetka enjeka jim kutubi enjugetka kömume.’ ” Mewö.

* 19:10: Mat 18.11 * 19:11: Mat 25.14-30 * 19:26: Mat 13.12; Mak 4.25; Luk 8.18

Jisösgöra köiraŋ kölgetka Jerusalem öngöyök.

Mat 21.1-11; Mak 11.1-11; Jon 12.12-19

²⁸ Jisösnöŋ keu mi jim teköba mosöta Jerusalem sitinöŋ öngömamgöra mutuk anök. ²⁹ Anda Betfage aka Betani miri yahöt kösutŋire kaba kundunŋi qetŋi Oil ip kundunŋi qerakzei, miangören öngöba gwarekyahötŋi yahöt melaim etkiyök. Melaim etkimamgö aka ³⁰ kewö jiyök, “Miri wösöŋire tatzawi, mönö miangören anmahot. Anda miangören angota donki moröŋi kösönöŋ jöhöget kinjawwi, mi miwikŋaimahot. Donki mi dölökŋa, azi kunöŋ qakŋe qahö tatatŋa. Mi mönö pösata memba ki kamahot. ³¹ Pösarohotka kunŋan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’”

³² Mewö melaim etkiiga anda jiyöhaŋgö dop miwikŋaiyohot. ³³ Miwikŋaiba donki moröŋi pösatpitkö ahotka toŋan jiget, “Hei! Donki moröŋi mi wanigöra pösatzahot?”

³⁴ Jigetka kewö melenohot, “Kembuniran miangöra osiza.” ³⁵ Mewö jiba memba Jisösgören kaba malukuŋini qeköba donki qakŋe tumbula jigetka Jisösnöŋ öngöba tarök.

³⁶ Mewö tata aniga ambazip kambu yeŋön göda qeba opo malukuŋini qeköba köna namŋe tumbulget.

³⁷ Tumbulgetka anda Jerusalem dopdowiba Oil ip kundunŋaŋgö sörökŋe geiga gwarek kambu pakpak yeŋön könahiba söŋgaiba anöletot pakpak kukösum qakŋe mei ek-eri, miengöra qet ketanŋi qeta Anutu möpöseim waŋgiba ³⁸ *kewö jiba qetket, “Anutu möpöseizin. Kiŋ Kembugö qetŋe kamawi, Anutunöŋ mönö i kötuetköma. Luaigi aka qetbuŋagi möpöseininga Suepnöŋ euyaŋgören öngöza. Owe owe!”

³⁹ Mewö qetketka Farisi (Köna keugö kapaŋkölköl) tosatŋan ambazip kambu sutŋine kinda kewö jim waŋgiget, “Böhi, mönö gwarekurupki jim enŋinöŋ.” ⁴⁰ Mewö jim waŋgigetka kewö melenök, “Nöŋön kewö jibi mötme: Yeŋön göröŋ kinbeak ewö, köt yeŋön mönö silata qetpeak.” Mewö.

Jisösnöŋ Jerusalem sitigöra sahörök.

⁴¹ Jisösnöŋ Jerusalem dopdowiba siti mi eka sahörök. ⁴² Sahöta kewö jiyök, “Enögören luai denöwö ahubawak! Inini miangö könaŋi wehön kiangören möt kutugetka dop kölbawakmö, nalö kewöŋe mi jeŋini qahö tohozawaŋgöra aka tölapŋe ahöza. ⁴³ Miangö könaŋi kewö: Nalö kun kam kuŋgumawi, miangören kerök yeŋön kaŋgota kiripo köhöikŋan siti ki kuŋgum liliköba likeplikap eu emu kinda gwan ala kahasililiŋ ak enŋime. ⁴⁴ Anutunöŋ mesohol köla enŋoholiga inini nalö bohonŋi mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön köndenmönden enŋigetka mirigö köt kun mi köt kuŋgö qakŋe qahö kinmapmö, siti kianaŋön mönö qeqelanlaŋ ahöma. Yeŋön jike miriŋini köndennda moröurupŋini siti uruŋe maljei, mi enŋum ureime.” Mewö.

Jisösnöŋ jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnöŋ keu mi jim teköba jöwöwöl jikegö tohon uruŋe anda inap bohonŋi memegöra algeri, mi könahiba közöl enŋiiga etket. ⁴⁶ *Közöl enŋiba kewö jii mötket, “Aisaianöŋ keu kun kewö ohoi ahöza, ‘Nöŋgö jikenan mönö köulukö miriŋina akŋa.’ Keu mi ahözapmö, inini mi utekögetka kegwek-kahasililiŋ yeŋgö baŋet ewö akza.”

⁴⁷ *Jisösnöŋ nalö dop jöwöwöl jikenöŋ öngöba Buŋa keu kusum enŋiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸ Mewö jigetmö, ambazip kambu pakpak mienöŋ yambuk qekötahöba Buŋaŋi kezap ala mötket. Miangöra “Mönö denöwö akinak?” jiba köna kun qahö miwikŋaiget. Mewö.

* 19:38: Sum 118.26 * 19:46: Ais 56.7; Jer 7.11 * 19:47: Luk 21.37

20

Jitnememe yeñon Jisösgö kukösumñangö qesiget.

Mat 21.23-27; Mak 11.27-33

¹ Jisösnöñ jöwöwöl jikenöñ öngöba ambazip kambu kusum engiba Ölöwak Buña jim asarim engiba malök. Nalö kunöñ mewö aiga jike nup galöm aka Köna keugö böhi yeñon kantrigö jitnememe tosatñi yembuk Jisösgö jeñe kañgotket. ² Kañgota kewö qesim wañgiget, “Gi kiangöreñ yuai akzani, mi mönö dañon jim kutum gihiiga ahakzan? Miangö kukösumñi mi dañon gihiyök? Mi jinöñga mötpin.”

³ Qesim wañgigetka kewö melenj engiyök, “Nöñon mewöyök qesim engibi mi jiget mötmam. ⁴ Jonöñ ambazip o-melun mem engiba malöhi, yañon miangö kukösumñi mi denikeyök meyök? Suet Tonjan wañgiyök me gölme tonjan wañgiget?”

⁵ Mewö melenj engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañon mönö kewö jima, ‘Mewö aiga inini i mönö wuanöngöra qahö möt narim wañgiget? Mi qahö dop kölja.’ ⁶ Könagesö pakpak yeñon Jongöra ‘Kezapqetok azia akza,’ jiba mi köhöikñanök möt nariba malje. Miangöra ‘Gölme ambazipnöhök asuhuyök,’ jibin ewö, yeñon mönö irimñini seholiiga kötnöñ nenjume.” ⁷ Keu mewö kewöta kewö melenjet, “Kukösumñan denikeyök ahuyöhi, nini mi qahö mötzin.”

⁸ Mewö melenjetka Jisösnöñ kewö jii mötket, “Mewö aiga nöñon mewöyök yuai ki ahakzalanjö kukösumñi dañon niñgiyök, mi qahö jibi mötme.” Mewö.

Wain kösö nup galöm bölöñi, miengö dopkeu

Mat 21.33-46; Mak 12.1-12

⁹ *Jisösnöñ könahiba ambazip dopkeunöñ kewö jii mötket, “Azi kunjan wain kösö nup köla kömörök. Köl kömöta nup galöm tosatñi miwikñaim engiba jüiga nupñi memba ölnangö bahöñi nanñini memba bahöñi tonji wañgimegöra böröñine alök. Böröñine ala engömosöta kantri kunöñ anda nalö köröpñi malök.

¹⁰ “Mala mali ölni öliyöhanjö nalöñi (yambu 5) töriiga miangöreñ welenqeqeñi kun melaim wañgiiga galöm yengöreñ anda wain nup ölnangö bahöñi wañgimegöra jiyök. Jiyökmö, nup galöm yeñon i kömbinöñ qeba wuatangögetka böröñi börak lilingöyök. ¹¹ Miangö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatangögetka böröñi börak lilingöyök. ¹² Lilingöiga nup tonjan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³ “Mewö aketka wain nup tonjan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴ Mewö jiba nahöññi melaiiga anökmö, wain nup galöm yeñon i eka sutñine kewö eraum möta jiget, ‘Yañon mönö börösamotñangö tonji akña. Ayop, i mönö qein kömuiga wain kösö nup kiangön mönö nanine buñanina akña.’ ¹⁵ Mewö jiba gilgetka nup yaigepñe geiga qeget kömuyök. Wain nup tonjan mi möta mönö denöwö ak engima?

¹⁶ Yañon mönö nanñak kaba nup galöm mi köndenj engima aka nup galöm dölökñi miwikñaim engiba wain kösö nupñi yengö böröñine alma.” Jisösnöñ dopkeu mewö jii möta jiget, “Mi qahö dop kölja. Yapmakek!” ¹⁷ *Jigetmö, Jisösnöñ i törörök engeka kinda kewö jiyök, “Buña Kimbigö keu kun kewö ahöza, ‘Miri meme yeñon köt tandö kun andö qeba öne mosötket taröhi, mianjön mönö tandö kömbönañi aiga miwikñaiget.

Mianjön tinjiriga mirinöñ mönö gororonjögöba eta kölma.’ Keu miangö könañi denöwö?

* 20:9: Ais 5.1 * 20:17: Sum 118.22

¹⁸ Mianğöra kewö jibi: Kunñan tandö bohonñi mianğörenñ totöngata eta qemawi, mi mönö silenñi kutumutumapmö, ain tandö mianñön jöla tala kungö qakñe eta kölmawi, mi mönö körek qözömözözamgöma.”

¹⁹ Jisösnöñ mewö jiiga Köna keugö böhi aka jike nup galöm yeñön keu mianğö könañi möt asariba kewö jiget, “Dopkeu mi mönö neñgöra jiza.” Mianğöra i nalö mianğörenñök memba jöhöbingö mötketmö, ambazip kambu yeñgöra keñgötñini möta osiget. Mewö.

Takis alalgö Jisös esapköm wañgiget.

Mat 22.15-22; Mak 12.13-17

²⁰ Juda jitñememe yeñön Jisösgö jegalöm meget. Mewö memba keuñi kun qiwitipköi keugö bötaknöñ öröi gwaröhöm wañgimegöra aka azi tosatñi melaim enñgiget yañgörenñ kaget. Opotöröp aka premiö yeñgö böröñine al wañgibingö möta Buña keu ölopñi jiji tandök aka qesiba keuñangö kezap alget.

²¹ Arenñ mewö ala qesiba kewö jiget, “Böhi, nini göhö könañi mötzin. Göñön keu diñdiñi jiba kusum neñgimakzan. Göñön ambazip tosatñi qahö enñgek soriba tosatñi qahö qepureim enñgimakzanmö, dop mohotnöñ kewöt neñgimakzan. Mewö aka Anutugörenñ köna mi keu öñangö dop kusum neñgimakzan.” ²² Mianğöra nini sisa-kiñgöra takis ala mianñön Mosesgö Köna keu siñgibin me qahö?”

²³ Mewö jigetmö, Jisösnöñ isimkakalek arenñini möt kutuba kewö jii mötket, ²⁴ “Ölop silwö moneñ (Kina 5) kun kondel niñgigetka eki. Dagörenñ imut aka qet mi mianğörenñ ohoget ahöza?” “O, mi sisa-kiñgörenñ,” mewö melenñda jiget.

²⁵ Jigetka kewö jii mötket, “Mewö aiga yuai sisa-kiñgö imutñambuk buñañi akzawi, mi mönö yañgöra al wañgime. Yuai kun Anutugö buñaya akzawi, mi mönö Anutugö buña qeme.” ²⁶ Jisösnöñ mewö jiyöhañgöra ambazip kambu yeñgö jeñine keugö bötaknöñ al wañgibingö osiba keuñangöra welipköba keu bök kinget. Mewö.

Kömupnöhök wahötwahötkö Jisös esapköm wañgiget.

Mat 22.23-33; Mak 12.18-27

²⁷ *Sadyusi böhi pati yeñön “Kömugeri, yeñön kude wahötme,” jiba malget. Yeñgörenñök tosatñan Jisösgö jeñe kañgota kewö qesim wañgiba ²⁸ *jiget, “Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömuiga munñan ölop malöñi memba mala gwölönarök qiwikñaim wañgiiga datñangö qet bisiba malma.’

²⁹ “Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. ³⁰ Kömuiga munñan malöñi mi meyök. ³¹ Mianğö andöñe munñi kunñan ambi miyök meyök. Mewöña mewö darumun 7 pakpak yeñön ambi mohok miyök memba gwölönarök qahö mala kömum teköget. ³² Kömugetka tekögetka qöndökñi malöñini mi mewöyök kömuyök. ³³ Göñön ‘Kömugeri yeñön guliba wahötme,’ jizanmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhañgöra aka mönö dagö anömña akawak?”

³⁴ Mewö jigetka Jisösnöñ kewö melenñök, “Nalö kewöñe gölme kianğörenñ ambazip awanöm aka malahakze. ³⁵ Mi malahakzemö, ambazip uruñini melenñgetka Anutunöñ eka möri dop köliga kömupnöhök wahöta miri gölme kun euyañgörenñ anğota malmei, yeñön mianğörenñ qahö amime.

³⁶ “Mianğö könañi kewö: Mötnarip ambazip guliba kömupnöhök wahötmei, yeñön Anutugö nahönböratuñi akze. Yeñön Suep garata tandök ewö aka kunbuk qahö kömumemö, teteköñi qahö mal öngöme. ³⁷ *Mötket! Kömugeri, yeñön guliba wahötmegö keuñi mi Mosesnöñ mewöyök nañgöba jiyök. Ip köhösnöñ köñöp bölam ahuba qahö jem kutuyöhi, yañön mi eka kösohotñi ohoi mianğörenñ keu kewö ahöza, ‘Nöñön Anutu Abrahamgö Kembu, Aisakö Kembu aka Jeiköbkö Kembuya mala kota maljal.’ ³⁸ Isik

bömön karöbut yejön Anutubuk mala mal köhöiba öngöme. Körek köhöiba maljei, yejön mönö malmalñini Anutugöra malje. Mianğöra Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza.”

³⁹ Jisösnöñ mewö melenñiga Köna keugö böhi tosatñan melenñda kewö jiget, “Böhi, mi törörök jizan.” ⁴⁰ Mewö jiba keu kun kunbuk qesim wañgibingö kölköldömdöm aka mosötket. Mewö.

Kraist mi kiñ Deiwidkö Kembuñi aka gwölöñarökñi.

Mat 22.41-46; Mak 12.35-37

⁴¹ Jisösnöñ keu kun kewö jii mötket, “Kraistnöñ Kiñ Deiwidkö gwölöñarökñi akzawi, tosatñan keu mi denöwögöra jimakze? ⁴² *Deiwidnöñ nanñak keu kewö jiiga Sumbara (Buña liñet, sam) Kimbinöñ ahöza, ‘Anutunöñ kinda nöñgö Kembuni kewö jii mörök, Göñön mönö kaba nöñgö böröni ölñe tatnöñga

⁴³ nöñön nalö sutñe kerökurupki tim tötala luhut al enğiba göhö köna tambö gwaröñe al enğimam.

Nalö mi kam kuñgumawañgö dop mönö asakmararañnöñ ki tatman.’

⁴⁴ Deiwidnöñ mewö jiba qetñi ‘Nöñgö Kembuni’ jiza. ‘Kembuni’ jiba mönö denöwö aka yañgö gwölöñarökñi mohot akawak?” Mewö.

Urumelenğö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöñ gwarekurupñi yeñgöra keu kewö jiiga ambazip kambu pakpak mi mötket, ⁴⁶ “Köna keugö böhi yeñgöra mönö galömmñini memba malme. Yejön maluku köröpñi löngöta anda kaba kondel añgubingö mörakze. Maketnöñ me könanöñ ambazip enğeketka jölöñini jimegö mörakze. Mewöyök köuluk mire qaikñe eu tatpingö sihimñi mörakze aka közölömbuañnöñ dum tatat mutukñe jegep tatpingö mörakze. ⁴⁷ Yejön malö yeñgöreñ miri yuai bidañda gagabe köla enğuañgirakze aka qetbuñañini asuhumapköra köuluk köröpñi köuluköba töptöpñine qemakze. Mianğöra Anutunöñ keuñini jim teköba likepñi öñgöñgöñi melenñi qakñine öñgöma.” Mewö.

21

Ambi malö kunñan naluk kötin ölñi alök.

Mak 12.41-44

¹ Jisösnöñ kinda ui ani ambazip pomñi yejön nalukñini mi naluk dundumñe alget geyök. ² Alget geiga ambi malö wanapñi kunñan kaba souje kötni pisikñi yahöt ali geyöhi, mi mewöyök ehök. ³ Mi eka kewö jiyök, “Nöñön keu ölñi kun kewö jibi mötket: Malö wanapñi kianön naluk aljawi, mi mönö tosatñi pakpak enğongita alja. ⁴ Mianğö könañi kewö: Körek yejön moneñ ketañi ahöm enğiiga kitipñanöhök aljemö, ambi kianön köruebörue maljawañgö dop yuaiñi pakpak al teköba öne töhön malma.” Mewö.

Jöwöwöl jikenöñ köndenñmöndenñ asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimñambuk aka kalemñi kalemñi Anutugöra algeri, mianön meñölögetka aködamunñambuk ahöyök, gwarek tosatñan mi eka eraum mötketka Jisösnöñ keu kewö jii mötket, ⁶ “Miri ki enğekzei, mi mönö köndenñgetka mirigö köt kun mi köt kungö qakñe qahö ahömapmö, qeqelañlañ aka sahopñanök ahöma.”

Kahasililiñ aka sesewerowero asuhuma.

Mat 24.3-14; Mak 13.3-13

* 20:42: Sum 110.1

⁷ Mewö jiiga möta qesim wanget, “Böhi, keu jizani, miangö ölni mönö wanat nalönöñ asuhum tinjitma aka asuhumangö akñawi, miangö aiwesökñan mönö denöwö asuhuma?”

⁸ Qesim wangetka kewö jiyök, “Kunñan isimkakalek aiga janjuñ anbepekora mönö galömñini memba malme. Ambazip gwötpukñan asuhuba nöngö qetne kewö jime, ‘Nöñön Kraist akzal,’ aka, ‘Nalönöñ mönö töriza.’ Mewö jimemö, enñön mönö yengö andöñine kude anme. ⁹ Yarö aka karimñi karimñi asuhugetka ötöñini mötmemö, jönömñini kude unduma. Yuai mi mutuhök asuhumapkö jijiña. Mi asuhumapmö, gölmegö nalöñan mönö miangöreñök zilañ qahö teköma.”

¹⁰ Mewö jiba toroqeba kewö jii mötket, “Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. ¹¹ Gölmeñi gölmeñi miangöreñ kenöñ ketanji ketanji qözöla memba gölme melenji gemakña. Mewöyök bödiñi bödiñi (buöröñi buöröñi) asuhuba öngöba ahöma. Kawöl köhöikñi köhöikñi mienñön asuhugetka sesegilgil kömumakñe. Suepnöñ aiwesök ketanji jemurutñi murutñi engeka kenjöt kotkot akñe.” Mewö.

Ölöwak Buñagöra kerök asuhuma.

Mat 24.9-14; Mak 13.9-13

¹² “Yuai pakpak mi asuhumemö, mutuk qeljine tosatñan inñini uruñini melengerangöra aka engömembra jöhöba sesewerowero ak engime. Tosatñan öröm engiba köuluk miriñine keu nupñini memba jim tekögetka kösö miriñi miriñi miangöreñ al engime. Tosatñan nöngö qetnanğöra aka enguangetketka kantriñi kantriñi yengö kin kembu aka premiö yengö jemesoholñine kinme. ¹³ Mewö kinda nöngö könañamni nanğöba jigetka mötme. ¹⁴ *Keu jakenje al engigetka kinmei, nalö miangöreñ keu denöwö jibinak, miangö waiman-jatñi qeljine kude mötme. Keu mi mönö urukönömñine algetka ahöma.

¹⁵ “Mi kewögöra: Nöñön embuk kinda mötkutukutu engiba numbuñini mem amqemam. Uruawamñanök malgetka tuarenjonurupñini yengöreñök kunñan mötkutukutu mi qetala keuñini qeapköba memba et al engibingö osima. ¹⁶ Nanñini iwinam, darumun, tinitosolom aka alaurupñini yenñön mewöyök angönañ mem engigetka engöreñök tosatñi engugetka kömume. ¹⁷ Kantri pakpak yenñön nöngö qetnanğöra aka kazik ak engigetka malme.

¹⁸ “Mewö malmemö, nöñön köyan köl engibi nöropñinañgö jupñi kunñan qahö sohoma. ¹⁹ Inñini kapan köla köhöiba böñ qeba kinda miangöñ mönö luhut ala oyaenkyoayen malmal buña qem angume.” Mewö.

Jerusalem sitigö köndenmöñdenj uru-önönñambuk

Mat 24.15-21; Mak 13.14-19

²⁰ “Könañgep yarö kambu yenñön kanğota Jerusalem siti liliköba gwan almei, inñini mi eka miangöreñ kewö mötmörime, ‘Siti bohonñi köndenmöñdenjmegö nalöñan mönö kam kuñguza.’ ²¹ Nalö miangöreñ Judia prowinsnöñ malmei, enñön mönö misinğöba öröba kundunje anme. Sitenöñ malmei, enñön mönö siti mosötme. Siti yaigepñe mire malmei, enñön mönö sitinöñ kude anme.

²² * “Mi kewögöra: Buña Kimbinöñ kezapqetok keu ohoget ahözawi, mi pakpak mönö ölnambuk akña. Keu miangö dop Anutunöñ nalö miangöreñ singisöndokninañgö likepñi melenja qakñine ali öngöma. ²³ Anutunöñ Israel könagesö singisöndokninañgöra irimñi seholiiga kazikñi kondel engiiga gölmenöñ kahasililin keta bölökñi asuhuma. Ambi gölömbuk aka morö juzunöñ yenñön mönö nalö miangöreñ denöwö ösumñinan anbeak? Miangöra Yei! jizal.

²⁴ “Köndenmöñdenj miangöreñ ambazip tosatñi mi bimgö sou ketanñan engugetka kömume. Tosatñi kösö gwaröhöm engiba enguangetketka kantri pakpak yengö sutñine

* **21:14:** Luk 12.11-12 * **21:22:** Hos 9.7

anġotme. Anġotketka kian kantri yejñon kaŋgota Jerusalem tiamġöba malme. Mewö malgetka Anutunöj nalöjini tohot qei tatzawi, mianjñon kam kuŋguiga mosötme.” Mewö.

Suep gölmegö azi öljñan mönö asuhum tinġitma.

Mat 24.29-31; Mak 13.24-27

²⁵ * “Wehön aka köinj jeñire aka senġelau mianġöreñ aiwesök murutñi murutñi asuhume. Köwetnöj siri qegetka ötöj ketañi ahumakzawangöra gölmegö kantri pakpak yejñon tötbörömñini kaiga wahöjalin möta malme. ²⁶ Mewö malgetka suepnöj uturuköiga mianġö öröyuaini mi tatatñini mosöta enjololon aketka sohoma. Mianġöra gölmenñi gölmenñi mianġöreñ lömböt bölöñi kötökñi asuhumapköra mamböt-torok mala keñġötñini möta uruñini duhuiga jegilgil akñe.

²⁷ * “Nalö mianġöreñ Suep gölmegö azi öljñi yanjñon kousu qakñe kañgori ekñe. Kukösumñi ketañan saköl-diñdiñambuk aukñe asuhuiga asakmararañi ekñe. ²⁸ Mewö kañgotmapmó, yuai mi könahiba asuhumei, enjñon mönö nalö mianġöreñ Suepnöj öñġöbingö nalöjñinan törimawangöra nööröñini uba wahöta uruñini qezaköba awösamkakak kinme.” Mewö.

Geröp ipkö dopkeu

Mat 24.32-35; Mak 13.28-31

²⁹ Jisösnöj dopkeu kun kewö jii mötket, “Injini geröp aka ip tosatñi mi eka tandökñini mötme. ³⁰ Ip mi sinnjan yonġoigetka mi eka mianġö könañi nanñinak möt asariba kewö jimakze, ‘Wehön nalöjñan lök dopdowiza.’ ³¹ Enjñon mewöñanök keu jizali, mianġö öljñan asuhuiga eka möt asariba könañi kewö jime, ‘Anutugö bemtohoñan mönö dopdowiza.’

³² “Nöjñon keu öljñi kun kewö jibi mötket: Ambazip merak gölmenöj maljei, yejñon qahö kömugetka yuai pakpak jizali, mi mönö yeñġö malmal nalöjine asuhuma. ³³ Suep gölmenöj göröj qemahotmö, nöñġö Buña keunan mönö qahö ayapköma.” Mewö.

Urugwölö mosöta köhömuñi malbinbuk.

Mat 24.42-44; Mak 13.33-37

³⁴⁻³⁵ “Nalö ketañi mianjñon ambazip körek gölmenöj maljei, yeñġö qakñine mewö asuhuma. Mianġöra mianjñon wölañök kaba simba ewö qeraköm enġibapuk. Mianġöra gölmenöj malmalgö waimanjatñan qakñine öñġöiga közölömbuan ala o köhöikñi negetka enjololon aiga uruñinan lömböribapuköra mönö galömñini mem anġuba malme.

³⁶ “Mianġöra mönö nalö dop urugwölö mala köuluköba malme. Mewö malgetka ösum enġiiga yuai pakpak mi asuhumawi, mianġö uruñeyök kök ala mönö Suep gölmegö azi öljñanġö jemesoholñe awösamkakak kinme.” Mewö.

³⁷ * “Nalö mianġöreñ Jisösnöj wehön dop jöwöwöl jikenöj kinda Buña kusum enġiiga miri mare aiga mosöta kundunñi qetñi Oil ip kundunñi qerakzini, mianġöreñ öñġöba ahömalök. ³⁸ Mewö maliga ambazip kambu pakpak yejñon wehön dop söñanök jöwöwöl jikenöj öñġöba Buñañi jii mötpingöra yanġöreñ kamalget. Mewö.

22

Jisös qein kömumapkö anġönañ alget.

Mat 26.1-5; Mak 14.1-2; Jon 11.45-53

¹ * Mewö malgetmö, beret yistñi qahö mianġö sösongainñi, qetñi kun Pasowa kendon jimakzin, mi töriyök.* ² Töriiga mianġöreñ jike nup galöm aka Köna keugö böhi yejñon ambazip kambu yeñġö keñġötñini mötkerañgöra aka nanñinök tokoba “Denöwö ahinga qeget kömumbawak,” jiba köna jaruba mötmöriget.

* **21:25:** Ais 13.10; Eze 32.7; Joel 2.31; Ind 6.12-13 * **21:27:** Dan 7.13; Ind 1.7 * **21:37:** Luk 19.47 * **22:1:** Eks 12.1-27 * **22:1:** Pasowa mi nanine keunöj neñġehoriba neñġonġirök. Eksodus 12.15

Judasnöh Jisös mamalolo mem wanġimamgö urumohok ahök.

Mat 26.14-16; Mak 14.10-11

³ Nalö miangören Satanöh Judasgö uruġe geyök. Judas mi Jisösgö gwarekurupni 12 yengörenök kun. Kariot mireyök kayöhangöra qetni kun Iskariot qetket. ⁴ Yanön jike nup galöm aka jikegö kiripo galöm bohonni yengören anda Jisös mamalolo memba böröjine almamgö keuġi jiyök. ⁵ Yenön mi möta “Ayop!” jiba uruġinan ölöwahiga söngöröjini monen wanġibingö keu jöhöget. ⁶ Keu jöhögetka Judasnöh Jisös ölöġ mamalolo memba böröjine almamgö köna möt jaruba köinbingöba malök. Mewö.

Jisösnöh gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistni qahö miangö kendon silim kunöh Pasowa lama qeba ohozema. Nalö miangön kam kuġguyök. ⁸ Jisösnöh Pitö aka Jon kewö jiba melaim etkiyök, “Injiri anda Pasowa lama mözözömgöyohotka nembin.”

⁹ Mewö jiiga qesim wanġiyohot, “Mi denikeangören anda mözözömgöbit?”

¹⁰ Qesim wanġiyohotka kewö melenök, “Mörohot! Injiri sitinöh angorohotka azi kun o kimbut kunduta kaiga miwiknaimahot. Miwiknaiba i wuatangöba anda mire öngömawi, miangören öngömahot. ¹¹ Öngöba miri toni kewö jiyohot mötma, ‘Böhinöh göhöra jiza: Ala mirigi denike? Nejön ölop miangö uruġe kaba gwarekurupni yembuk Pasowa lama nembin?’ ¹² Mewö jiyohotka möta miri qakne eu öngöba uruġi ketani kun kondel etkima. Miangören dum tatat yuai mözözömgöget ahöza. Mi kondel etkiiga miangören lama qeba ohomahot.”

¹³ Mewö jii anda Jisösnöh keu jiyöhi, miangö dop miwiknaiba kinda lama qeba ohom mözözömgöyohot. Mewö.

Kembubuk semön qöndökni neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöġan kaiga Jisösnöh aposolurupni yembuk nene nemingö eta tatket. ¹⁵ Tatketka kewö jii mötket, “Nöjön Pasowa lama ki embuk nemingö gwötpuk ak niġiba malök. Nene ki nembagun mönö sihimbölö mötmam. Miangö nalöġan töriza. ¹⁶ Mi törizawangöra kewö jibi mötket: Nöjön Pasowa lama kiangören kun toroqeba qahö nemam. Könaġep nene semön kiangö ölnan aukne asuhumawi, mi Anutugören bemtohoġ uruġe euyangören nemam.”

¹⁷ Mewö jiba wain qambi memba kötuetköba kewö jiyök, “Mönö ki memba nanġinak anġuba neme. ¹⁸ Nöjön kewö jibi mötket: Ni wain kösögö ölni kiangören kunbuk toroqeba qahö nemam. Kunbuk nemami, mi Anutugören bemtohoġ asuhum teköiga miangören nemam.”

¹⁹ Mewö jiba beret memba kötuetköba mindipköba enġiba kewö jiyök, “Ki nani busuni. Ki enġöra aka tököm enġizal. Nemba ni mötmörim niġiba malme.” ²⁰ *Mi enġii negetka mewöġanök wain qambi memba kewö jiyök, “Qambi ki mi jöhöjöhö areġ dölökni akza. Nöjön amöt qem enġimamgöra aka sepi mokoba kömumam. Sep miangön mönö Anutugören jöhöjöhö areġi mem köhöima.

²¹ * “Mewö akzapmö, mötket, mamalolo mem niġimawanön mönö mohotne ki nene memba tatzit. ²² Ölna, Anutunöh jim kutuyöhi, Sup gölmegö azi ölnan mönö miangö dop gölme mosöta anma. Anmapmö, mamalolo mem wanġimawi, yanġöra mönö wölziköba ‘Yei!’ jizal. Anutunöh mönö likepni öngöngöjini melen wanġima.”

²³ Mewö jiiga gwarekurupnan könahiba sutġine eraum qesim anġuba jiget, “Nengörenök mönö danön mamalolo mem wanġibawak?” Mewö.

* 22:20: Jer 31.31-34 * 22:21: Sum 41.9

*Gwarek yenjon sutjine goranora aket.
Mat 20.25-27; Mak 10.42-44*

24 **“Gwarek nengöreñök galöm bohonji mi danjon akza?” mewö jigetka miangöra mewöyök sutjine goranora asuhuyök. 25 *Mi asuhuiga Jisösnöñ kewö jii mötket, “Gölmegö kantriñi kantriñi mienjö kiñinan mönö azi kembu tandök aka galöm köl engimakze. Yenjö pom jembonñinan mönö keu jim kutuba könagesöñini mindingöm engigetka welenjini qeba ‘Azi ölöpnji!’ jiba möpöseim engimakze. 26 *Mewö ahakzemö, enjon miangö dop kude akje. Engö sutjine kunjan ketanjamñini akzawanjon mönö eretjanjö dop aka malma. Galöm bohonjan mönö welenqege ewö aka malma.*

27 **“Kunöñ tata nene neiga kunjan nene köl wanjiba anda kamakzawi, yetköreñök öngöñgöñi mi danjon? Ölna, ‘Tata nene nezawanjon mönö öngöñgöñi akza.’ Mewö jiget mörakzinmö, nöñon engö sutjine welenqege ewö aka maljal.*

28 *“Mewö malbi esapköm ningigetka wahöjalinj wahösömbu urunje angotpiga injini töndup kapan köla nömbuk qekötahöba mala kotze. 29 Iwinan jim kutum ningiiga nöñon yanjö bemtohoñi kukösum qakje galöm kölakzal. Miangöra nöñon toroqeba jim kutum engibiga injini mewöyök kukösum qakje ambazip kiñ ewö galöm köl engimakje. 30 *Miangöra injini ölop nöñgö bemtohoñne angota nene dumni liliköba tata o aka nene nempa malme aka azi kembu tatatnöñ tata Israel ambazip kambu 12 yenjö keunji kewöta jim teköm engime.” Mewö.*

*Pitönöñ Jisös qañ kölmaqkö jii mörök.
Mat 26.31-35; Mak 14.27-31; Jon 13.36-38*

31 *Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi denja erakzawi, Satanöñ mönö miangö dop enjon löwöriba yanjö böröñe gemegöra uturuköba esapesap al engimangö kapan köla jöjöröza. 32 Jöjörözapmó, göhö mötnaripkan sörauba pömsöm qebapuköra nöñon göhöra köuluköba malal. Miangöra nalö kungen urugi melenja nöñgöreñ kamani, miangöreñ mönö mötnarip alaurupki nanjöba mem köhöim engiman.”*

33 *Mewö jiiga Saimonöñ melenök, “Kembu, nöñon göbuk kösö mire anbitkö aka mohotje kömumbitkö jöjöröba maljal.”*

34 *Mewö jiyökmö, Jisösnöñ jii mörök, “Pitö, nöñon kewö jibi mötnöñ: Kuruknöñ merak qahö qeriga göñon mutuk ni möt ningimangö qañ kölnöñga indimñi karöbut akja.*

Gösö aka bimgö sou ketanj miyök memba anme.

35 **Jisösnöñ gwarekurupñi kewö qesim engiyök, “Nöñon injini mutuk gösö qahö, moneñ gösö qahö, köna esu qahö mewö melaim engibi angeri, miangöreñ yuai kungöra osiget me qahö?” Qesim engiiga “Yuai kungöra qahö osiin,” jiget.*

36 *Jigetka kewö toroqeba jiyök, “Mutuk mewö aketmö, nalö kewöñe kungöreñ gösö aka moneñ gösö tunji ahözawi, mi ölop memba tenjöba malma. Bimgö sou ketanj mi kungöreñ qahö ahöza, yanjon mönö malukuñi bohonji memegöra ala moneñ miwikñaiba sou mi bohonji mema. 37 *Nöñon miangöra kewö jibi mötket: Anutugö keu nöñgöra jigeri, mi körek pakpak köhöim teköma. Miangö nalöñan mönö kam kunjumangö akza. Buña keu kun kewö ohoget ahöza, ‘Yanjon bölöñi meme yenjö kambunine ahöma, jiget.’ Miangöra jizal: Keu miangö ölni mi nöñgöreñ asuhum teköma.”*

38 *Mewö jiiga gwarekurupñan jiget, “Kembu eknöñ, bimgö sou ketanj yahöt ki ahözahot.” Mewö jigetka “Mi dop kölja,” jiba melenj engiyök. Mewö.*

* 22:24: Mat 18.1; Mak 9.34; Luk 9.46 * 22:25: Mat 20.25-27; Mak 10.42-44 * 22:26: Mat 23.11; Mak 9.35

* 22:27: Jon 13.12-15 * 22:30: Mat 19.28 * 22:35: Mat 10.9-10; Mak 6.8-9; Luk 9.3; 10.4 * 22:37: Ais 53.12

Jisösnöj Gezemane arönöj köuluköyök.

Mat 26.36-46; Mak 14.32-42

³⁹ Jisösnöj miri mosöta silikni wuatangöba Oil ip kunduje öngöiga gwarekurupnan andöje anget. ⁴⁰ Öngöba miangören angota kewö jii mötket, “Esapesapnöj et engubapuköra mönö köuluk nup meme.”

⁴¹ Mewö jiba engömosöta köt gilin anakzawi, miangö dop anda simin köla köuluköyök ⁴² Köuluköba kewö jiyök, “Iwini, gönön urusihimgi mötzan ewö, sihimbölögö qambiñi kianön mönö nöngö qakne öngöbapuköra noangitman. Noangitman me qahö, mi mönö nangi jit keugahö dop asuhuma. Mi nöngö sihimgö dop qahö.” ⁴³ Mewö köuluköiga garata kunjan Suepnöhök asuhuba mem köhöim wangiyök. ⁴⁴ Mem köhöim wangiiiga könjiliñ öngöngöñi möta mönö kapan köla uruñi qezaköba köuluköyök. Köuluköiga nöngöpñi mi sep jöjöl ewö tingita gölmenöj etket.

⁴⁵ Köuluköm teköba wahöta gwarekurupni yengören anök. Anda miwikñaiba engehi wösöbiriknöj mem et engii söroräuba gaun ahöget. ⁴⁶ Ahögetka jiyök, “Mönö wuanöngöra gaunök ahöze? Mönö wahöta esapesapnöj et engubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöj mewö jiba kiniga miangören azi kambu kangotket. Gwarekurupni 12 yengörenök kun qetni Judas yanön jitnemem engiba Jisösgören kangota numbuni yöhötüm neyök. ⁴⁸ Yöhötüm neyökmö, Jisösnöj kewö jii mörök, “Judas, gi numbuni yöhötüm memba mewö miangön Suep gölmegö azi ölni mamalolo mem wangizan me?”

⁴⁹ Mewö aiga tosatnan Jisös liliköm wangiba kingeri yeñön yuai asuhumangö ahi mi eka jiget, “Kembu, nini bimgö sou ketanjan enguin me?” ⁵⁰ Mewö jiba yengörenök kunjan jike nup galöm bohonnañgö welenqeqeñi qeba kezapni ölni köteköi erök.

⁵¹ Erökmö, Jisösnöj melenja “Mönö mosötket!” jiba welenqeqegö kezapni yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohonnañi aka kantrigö jitnememe yeñön Jisös membingö kangotkeri, mi kewö jii mötket, “Ni kegwek-kahasiliñ azia qahöpmö, töndup nöngöra mewö möta bimgö sou ketani aka lingip memba kangotze.

⁵³ *Nöñön wehön dop jöwöwöl jikenöj embuk malbiga inini böröñini böranda ni qahö nömiget. Mi qahöpmö, döлки söñaupkö ösumnan luhut ala aukne asuhuiga engö nalöñinan kam kuñguza.” Mewö.

Pitönöj Jisös qañ kölö.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeñön Jisös memba jöhöba wangita jike nup galöm bohonnañgö mire anget. Angetka Pitönöj andöñine sikepsikep enguatangöba anök. ⁵⁵ Miangören anda jakömbuak mirigö kiripo uruñe geba sombem bibiñe könöp ohoba mohotne tatket. Pitönöj mewöñanök yengö sutñine tarök. ⁵⁶ Tari welenqeqe ambi kunjan Pitönöj könöp kösutne tari ehiba kewö jiyök, “Azi kianön mönö mewöyök yambuk malök.”

⁵⁷ Mewö jiyökmö, Pitönöj qañ köla kewö jiyök, “Ambi, ni i qahö möt wangizal.”

⁵⁸ Mewö jiba tari kude köriiga azi kunjan eka jiyök, “Gi mewöyök yengörenök kun akzan.” Mewö jiyökmö, Pitönöj melennök, “Alani, ni qahö.”

⁵⁹ Aua mohotkö dop teköiga kunjan keu mi kunbuk kapan köla jiyök, “Azi kianön mewöyök ölna yambuk malök. Yanön mönö Galili azia akza.”

⁶⁰ Mewö jiyökmö, Pitönöj melennök, “Azi, keu jizani, mi köndatzal.” Mewö jiba kiniga miangörenök kuruk qerök.

* 22:53: Luk 19.47; 21.37

⁶¹ Qeriga Kembunöŋ lilingöba Pitö uba ehiga mianğoreŋök keuŋi kewö jiyöhi, mi mötmöriyök, ‘Gi merak indimŋi karöbut qaŋ köl niŋginöŋga kuruknöŋ qetma.’ ⁶² Keu mi mötmöriba wösöŋi julmamgö aiga yaigep geba sahöt böliyök. Mewö.

Jisös jim gönahit ak waŋgiget.
Mat 26.67-68; Mak 14.63-65

⁶³ Yarö azi Jisös memba jöhögeri, yeŋön mepaqepaik ak waŋgiba kinda qeapköget. ⁶⁴ Qeapköba jemesoholŋi esuha qesiba jiget, “Gi kezapqetok azia akzanangöra danön guhuzawi, mönö yaŋgö qetŋi qetnöŋ!” ⁶⁵ Mewö jiba gwötpuk terenqeren da ilita jim qetal waŋgiget. Mewö.

Jikegö jitŋememe yeŋön Jisösgö keu nup meget.
Mat 26.59-66; Mak 14.55-64; Jon 18.19-24

⁶⁶ Jim qetal waŋgiba malgetka miri gianjiiga kantrigö jitŋememe aka jike nup galöm aka Köna keugö böhi yeŋön tokoba Jisös waŋgita Juda yeŋgö jike kaunsöl kambu yeŋgö jeŋine alget.

⁶⁷ Mianğoreŋ algetka jiget, “Göŋön Amötqeŋe Tonji Kraist akzan ewö, mi mönö aukŋe paŋ jinöŋga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸ Me qesim enğibileŋaha kun, mi mönö qahö melen niŋgime. ⁶⁹ Mewö mötzalmö, nalö kewöneyök könahiba Suep gölmegö azi ölŋi yaŋön mönö Anutu, kukösum Tonjaŋgö böröŋi ölŋe tata malma.”

⁷⁰ Mewö jiiga mianğoreŋök körekŋanök kewö jiba qesiget, “Ölŋa, gi Anutugö nahönŋa akzan me qahö?” Mewö qesigetka kewö melen enğiyök, “Mi akzalaŋgö keuŋi mönö nanŋinak jize.” ⁷¹ Melen enğiiga jiget, “Nanŋak uŋemuŋem (guŋemguŋem) keuŋi mönö nanŋi numbuŋan jiiga möt teközin. Mianğöra tosatŋan keuŋi nanğömegöra mönö wuanöŋgöra kunbuk qesim enğibinak?” Mewö.

23

Jisösnöŋ premiö Pailötkö jeŋe kinök.
Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeŋön wahöta Jisös waŋgita premiö Pailötköreŋ anget. ² Yaŋgöreŋ anda könahiba silene keu ala unden da kewö jiget, “Azi kiangö könaŋi kewö eka mörin: Yaŋön ambazip kuŋgum enğiiga enjololöŋ aka karim asuhumakze. Nini Sisa kiŋgö takis kude almegöra soŋgo alakza. Nanŋangöra ‘Ni Amötqeŋe Tonji Kraist aka kiŋ akzal,’ jimakza.”

³ Mewö jigetka Pailötnöŋ kewö qesim waŋgiyök, “Ölŋa, gi Juda yeŋgö kiŋa akzan me qahö?” Qesim waŋgiiga Jisösnöŋ melen da jiyök, “Mönö nangak jizani, mewö.”

⁴ Pailötnöŋ jike nup galöm aka ambazip kambu yeŋgöra kewö jii mötket, “Nöŋön azi kiangö pinjitŋi kun qahö miwikŋaizal.”

⁵ Mewö jii möta kunbuk kapaŋ köla kuŋguba jiget, “Yaŋön mönö ambazip kambu kuŋgum enğiba Buŋaŋi Galili prowinsnöŋ könahiba kusum enğiba gölme dop köla kaba Judia prowins kiangöreŋ mewöyök mi jim sehimakza.”

⁶ Mewö jiget möta qesim enğiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnöŋ Galili aka prowins tosatŋi mindiriba galöm köl enğiba nalö mianğoreŋök Jerusalem sitinöŋ kaba malöhi, mianğöra Pailötnöŋ Jisös Herodköreŋ waŋgita anget. Mewö.

Jisösnöŋ kiŋ Herodkö jeŋe kinök.

⁸ Herodnöŋ Jisösgö kösohotŋi möta lök nalö köröpŋi ekŋamgö sihimŋi möta malöhanğöra i eka uruŋan gwötpuk ölöwahök. Jisösnöŋ anğöletot kun meiga ekŋamgö al mamböta

³¹ “Nöñön Anutugören ip gwölögwölö akzal aka nöñgöra töndup kewö ak ningize. Inini ip köhömunji siñgisöndokñinambuk könöp sihit qeba kinje. Miangöra Anutunöñ likepñi melen engiiga könöpnöñ amqeqeñanök engohotiriiga sihimbölö öñgöñgöñi mötme.”

³² Bölöñi meme yahöt mi mewöyök Jisösbuk mohotñe etkubingöra etkuangita anget.

³³ Anda gölme qetñi Nöröpsihit qetzei, miangören angota Jisös maripomnöñ qeget. Qeba bölöñi meme yahöt mi mohotñe kun ölñe kun qaniñe likeplikep mewö etkuget. ³⁴*Mewö aketmö, Jisösnöñ jiyök, “Iwini, yeñön yuai akzei, miangö könañi qahö möt kutuzeangöra siñgisöndokñini mönö mosöt engiman.”

Qeget kiniga Jisösgö sile esuñangöra kiawen megetka qötöñi ahui miangö dop mendenja meget.

³⁵*Mewö aketka ambazip kambu yeñön kinda mi uba eket. Eketmö, Juda jitmeme yeñön mewöyök mepaqepaik mem wañgiba kewö jiget, “Anutunöñ möwölöhöm wañgii Amötqeqe Tonji Kraist akza ewö, tosatñi bauköm engiba malöhañön mönö nanñi bauköm anguma.”

³⁶*Yarö azi yeñön mewöyök keu gönahit jiba ilita kösutñe anda wain o asölñambuk kusahöla memba öñgöba wañgiba ³⁷ kewö jiget, “Gi Juda yeñgören kiñ kembuya akzan ewö, mönö ölop nangi bauköm anguman.”

³⁸ Nöröpñe eu kulem kun kewö ohoget kinök, “Juda yeñgö kiñ kembuñina ki.”

³⁹ Kegwek-kahasililij azi yahöt mohotñe möndögetka kingeri, yetköreñök kunjan uruqeqe keu töhöreñ Jisös jim wañgiba kewö jiyök, “Gi Amötqeqe Tonji Kraist akzan ewö, mönö nangi bauköba niri mewöyök bauköm netkinöñ.”

⁴⁰ Mewö jiyökmö, alañan jim wañgiba kewö jiyök, “Gi gödaqeqegi qahö. Gi Anutugöra mewöyök keñgötki qahö mötzan me? Yeñön jim teköba sihimbölö öröröñ neñgigetka bisizin. ⁴¹ Niri ölña pinjit ahirañgöra likepñi dopñe melenja ak netkigetka sihimbölö mötzit. Mi mötzitmö, azi kianañön bölöñi kun qahö aiga ia töndup ayuhuze.” ⁴² Mewö jiba jiyök, “Jisös, gi bemtohoñgahö uruñe angotmani, miangören mönö ni mötmörim ningiman.”

⁴³ Jiiga kewö jiyök, “Nöñön keu ölña jibi mötnöñ: Göñön mönö merak nömbuk oy-aenköyaen mire öñgöba malman.” Mewö.

Jisösnöñ kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. ⁴⁵*Nalö miangören jöwöwöl jike uruñe opo kinöhi, mianñön mönö euyök bibiñe jurata eta yahöt ahök. ⁴⁶*Jisösnöñ nalö miangören köhöikñanök qeta kewö jiyök, “Iwini, nöñön uñani göhö böröge aljal.” Mewö jiba söñgörö ösum kondikñi öröba kömuyök.

⁴⁷ Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañön mönö ölña azi solañja akza.”

⁴⁸ Ambazip kambu pakpak mi ekingö kaba tokogeri, yeñön yuai mi asuhui eka wösöñini juliga nörop gila mohot mohot miriñine anget. ⁴⁹*Angetmö, ambazip pakpak Jisös möt wañgigeri, yeñön sikep kinda i uba eket. Ambi tosatñan Jisös wuatangöba Galiliyök kageri, yeñön mewöyök kinda mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹ Juda yeñgören taon qetñi Arimatia miangörenök azi ölopñi qetbuñañambuk qetñi Josef yañön mewöyök kayök. Yañön Anutu bemtohoñangö ölñi asuhumapköra mamböta

* 23:34: Sum 22.18 * 23:35: Sum 22.7 * 23:36: Sum 69.21 * 23:45: Eks 26.31-33 * 23:46: Sum 31.5

* 23:49: Luk 8.2-3

malök. Yanön Juda yenjö jike kaunsöl kambugö jitnememe mala Jisösgö keu jim jöhöba akeri, miangö urumohok qahö ahök.

⁵² Yanön Pailötköreñ anda Jisösgö qamötñi memangö qesiyök. ⁵³ Qesiba öngöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangöreñ qahö algeri, Jisösgö qamötñi mi miangöreñ alök. ⁵⁴ Sabat kendon tatatkö yuainji mözözömgögeri, miangö wehön jeni gemangö ahök.

⁵⁵ Gemangö aiga ambi Jisösbuk Galiliyök kageri, yenön Josefgö könañe qaksirinöñ anda yanön Jisösgö qamötñi memba köt köteñnöñ alöhi, mi eket. ⁵⁶ *Miangöreñök lilingöba mire anda jiniñ suamburup umköhöwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnöñ Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

24

Jisösnöñ kömupnöhök wahörök.

Mat 28.1-10; Mak 16.1-8; Jon 20.1-10

¹ Sabat kendon tatket teköiga Sonda söñanök miri gianjiiga ambi yenön wahöta jiniñ jimoröñ umköhöwakñambuk mözözömgögeri, mi memba qaksirinöñ anget. ² Anda kunñan qaksirigö numbuñe köt ketañi qetali ani eket. ³ Mi eka köt köteñ uruñe öngögetmö, Kembu Jisösgö qamötñi qahö miwikñaget. ⁴ Miangöra mötkurumkurum möta kingetka azi yahöt malukuñiri tuatñi kölköl-bilikbilikñambuk yetkөн wösöñine kinohotka etkeket.

⁵ Mi etkeka awöwöliba gölmenöñ geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yenjö sutñine jaruze? ⁶ *Yanön ki qahö ahözapmö, mönö guliba wahötza. Galili prowinsnöñ mala keu jii mötkeri, mi mönö mötmörime: ⁷ Yanön kewö jiyök, ‘Kunöñ Suep gölmegö azi ölni mamalolo mem wanjiiga bölöñi meme yenjö böröñine geiga maripomnöñ qeget kömumba wehön karöbut aiga guliba wahötma.’”

⁸ Mewö jiyohotka keuñi mi mötmötñine angoriga mötmöriget. ⁹ Mewö mötmöriba qaksirinöhök lilingöba kaba yuai pakpak asuhuyöhi, miangö buzup keuñi mi gwarek 11 aka tosatñi pakpak yenjöra jiget mötket. ¹⁰ Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yenön mi kaba aposol yenjöra jiget mötket.

¹¹ Buzup keu mi jiget mötketmö, keu jigeri, mi keu omanñi tandök ahöhi, mewö mötmöriba mi qahö möt nariget. ¹² Qahö möt narigetmö, Pitönöñ wahöta ösumñan qaksirinöñ anda köt köteñ uruñe ui aniga opo esu miyök miangöreñ tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanöñ anohot.

Mak 16.12-13

¹³ Wehön miangöreñök Jisösgö gwarekurupñi yenjöreñök yahötñan Jerusalem siti mosöta miri qetñi Emeus sewen mail miangöreñ anbitkö anohot. ¹⁴ Könanöñ anda yuai asuhuyöhi, mi pakpak nanñirök eraum mörohot. ¹⁵ Mi eraum möta könanñi jim lömböriba anohotka Jisösnöñ nanñak kösutñire angota mohotñe anget. ¹⁶ Angetmö, jeniñi közamböri i qahö ek kutuyohot. ¹⁷ Qahö ek kutuyohotka kewö jiyök, “Inñiri nanñirök wani keuya könanöñ eraum möta kazahot?” Mewö jiuga dörok mitiba wösöbirik jeje uba eka kinohot.

¹⁸ Eka kinda yetköreñök kun qetñi Kliopas yanön kewö qesim wanjiyök, “Pasowa kendonöñ yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

* 23:56: Eks 20.10; Dut 5.14 * 24:6: Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

¹⁹ Qesim wanggiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yanön kezapqetok azia mala Anutu aka ambazip pakpak yengö jenjine ahakmeme kukösumñambuk aka keu köhöikñi jiba malök. ²⁰ Mewö maliga nengö jike nup galömnini aka galömkölköl aziurupninan i wangita premiögö böröñe algetka kömumapkö jim teköi maripomnöñ qeget kömuyök. ²¹ Yanön Israel könagesönini kösönöhök pösata sohpnini memapköra al mamböta jörömqröm aka malinmö, Yei! i mönö qeget kömuyök. Yuai mi asuhuiga mala koringa merak sömañi karöbut lök akza.

²² “Mi qahö dop köliga merak nengörenök ambi tosatñan keunöñ kunguba welipköm nengiget maljin. Yanön söñan amandñe qaksirinöñ anda, ²³ qamötñi qahö miwikñaba lilingöba kewö jize, “Nini Suet garata yahötkö jemelen imut ehinga yetköñ ‘Jisösnöñ guliba malja,’” jiyohotka mötzin. ²⁴ Keu mi möta azi nembuk maljei, yengörenök tosatñan qaksirinöñ anda ambi yanön keu jizei, miangö dop ahöiga ekze. Löm gwamönñi ekzemö, nanñi qahö ekze.”

²⁵ Keu mi möta kewö jii mörohot, “Yei! Inini kezapqetok yanön keu jigeri, mi pakpak mönö wuanöngöra ölanbölan aka ajojohoba gawönjeje mala qahö möt narize? ²⁶ Amötqeqe Toni Kraistnöñ sihimbölo mewöñi mötagun nanñi asakmararan uruñe öngöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yanön keu jigeri, miangörenök könahiba nanñangöra keunñi pakpak ohoget ahözawi, miangö könani jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangören toroqeba anmamgö mörök. ²⁹ Mewö mörökmö, yetköñ kapan köñ wangiba kewö jiyohot, “Miri mare aiga wehön jeñan lök gemangö akza. Miangöra ölop netpuk tata ahöman.” Mewö jiyohotka yetpuk mire öngöba tatket. ³⁰ Tata yetpuk nene nemingö aka beret memba kötuatköba mindipköba etkimangö aiga yuai kewö asuhuyök:

³¹ Miangörenök jeniran tohoiga ek kutuyohotka at atop (jiataton) köliga kunbuk qahö ehot. ³² Mewö aiga nanñirök kewö eraum mörohot, “Köna namñe Buña Kimbigö keu jiba könani jim asarim netkizawi, nalö miangörenök mönö urunire könöp jezawangö dop mötzit.”

³³ Mewö jiba miangörenök wahöta Jerusalem sitinöñ lilingöba angota gwarekurupñi 11 aka alaurup yembuk tokoba tatkeri, mi miwikñaim engiyohot. ³⁴ Miwikñaim engiyohotka kewö jiget mörohot, “Kembunöñ mönö ölna wahöta Saimongören asuhum wangiza.”

³⁵ Mewö jigetka nanñirak könanöñ yuai asuhuyök aka beret mindipköyöhi, nalö miangören uruniri tohoiga möt kutuyohot, miangö kösohotñi mem engiyohot. Mewö.

Jisösnöñ gwarek kambuñi asuhum engiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupñi yanön keu mi eraum möta tatketka miangörenök Jisösnöñ nanñak sutñine asuhuba kinda kewö jiyök, “Alaurupni, luainöñ embuk ahöma!”

³⁷ Mewö jiiga kengötporiñ aka jöñömñini undui “Öme imura ekzin,” mewö mötmöriget. ³⁸ Mewö mötmörigetmö, kewö jii mötket, “Inini denöwögöra auruba mötmöt mewöñi uruñine ahuza? ³⁹ Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekze. Mönö nömisiriba nek kömume.”

⁴⁰ Mewö jiba köna böröñi kondel engiyök. ⁴¹ Kondel engiyökmö, mi sösongainangöra töndup qahö möt nariba welipköba tatketka kewö qesiba jiyök, “Nenemñini kun ki tatza me qahö?” ⁴² Mewö jiiga söra jejenñi miangö kitipñi kun wangiget. ⁴³ Wangigetka memba neiga eket.

⁴⁴ Neiga eketka kewö jii mötket, “Ni embuk mala nalö miangören keu jibi mötkeri, miangö ölni nalö kiangören asuhui ekze. Nöñon kewö jiba malal: Nöngö keu mi Mosesgö Köna keu aka kezapqetok azi yengö Buzup Kimbi aka Sumbara (Buña linjet) buknöñ ohoget ahözawi, mi pakpak mönö ölnambuk ak teköma.”

⁴⁵ Mewö jii mötketka miangörenök Buja Kimbigö könañi möt kutumegöra uruñini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnöñ sihimbölo möta kömumba sömañi karöbut aiga kömupnöhök wahötma. ⁴⁷ Miangöra enön mönö Jerusalem sitinöñ könahiba Buja keu nöngö qetne jim asariba kantri pakpak dop köla anda uru kuñgum engimakñe. Denike yenön uruñini melenmei, Anutunöñ mönö yengö siñgisöndokñini mosöta sañgoñma.

⁴⁸ “Keu mi ölnambuk ahök aka akñawi, inñini mi asuhui eka nañgöba jiba dangunu ewö kinme. ⁴⁹ *Mötket! Iwinan kalem engimapkö keu jöhöyöhi, nöñön i melaibiga uruñine gema. Euyangörenök kukösum albi qakñine öngöma. Inñini siti kiangören miangöra mamböta tata malme.” Mewö.

Jisösnöñ Suep mire öngöyök.

Mat 16.19-20; Apo 1.9-11

⁵⁰ *Jisösnöñ keuñi jim teköba gwarekurupñi enguangita anda Betani miri kösutñe añgota miangören bölöñi mem wahöta kötuetköm engiyök. ⁵¹ Kötuetköm engiiga miangörenök Anutunöñ wañgiriga engömosöta Suepnöñ öngöyök. ⁵² Öngöiga sösongai ketañi möta sipköba waikñi memba möpöseim wañgiba Jerusalem lilingöget. ⁵³ Lilingöba sundan dop jöwöwöl jikenöñ mala Anutu möpöseim wañgiba malget. Mewö.

* 24:49: Apo 1.4 * 24:50: Apo 1.9-11

Jon

Ölöwak Buña Jonöŋ ohoyök.

Jim-asa-asari

Jonöŋ nanŋi qetŋi Ölöwak Buña kiangöreŋ aukŋe qahö ohoyökmö, nanŋangöra kewö jiza, “Gwarek Jisösnöŋ uruŋan jöpaköm waŋgiyök.” (19.26) Jonöŋ urujöpak urukalemgö keuŋi kapan köla jimakza. Jonöŋ Ölöwak Buña ki mi ambazipnöŋ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönŋi aka Amötqeŋe Toŋi akza. Inŋini mönö i möt köhöiba mewö mianön malmal köhöikŋi miwikŋaime.” Jisösnöŋ mutuk Iwigöreŋ mala keu jitŋa malök. (1.1) Mewö mala gölme azia aka ösum-mumuŋi aka mötmötŋi mi aiwesök aŋgöletot memba mianön kondelök. Mi kondela bemtohongö könaŋi jim asariiga tosatŋan uruŋini melengetka tosatŋan töndup yaŋgiseŋ aket.

Jisösnöŋ kewö akza, jiyök: Amötqeŋe Toŋi (4.26), malmalgö nene wötŋi (6.35), miri gölme euyaŋgö buŋaya (8.23), bem koŋkoŋ (8.58), gölme pakpakö asakŋi (9.5), naŋgu (10.7), lama galöm ölöŋi (10.11), Anutugö Nahönŋi (10.36), Kembu aka Böhi (13.13), kömupnöhök wahötawahöt Toŋi aka malmal kömbönaŋi Toŋi (11.25), köna, keu ölni aka malmal köhöikŋi (14.6), wain ip ölni (15.1), kulem namŋi mutukŋi aka teteköŋi A aka Z (Ind 1.8), Mutukŋi aka Qöndökŋi (Ind 1.17) aka mewö mewö.

Jisösnöŋ gwarekurupŋi ölna jöpaköm eŋgiba malöhi, goro keu qöndökŋan (Boŋ 13-17) mi törörök kondelja. Keu mi nahömŋambuk. Kömupnöhök wahötagun Pitö mem köhöimapköra kewö qesiyök: “Ni jöpaköm niŋgizan me qahö? Mewö akzan ewö, mönö alaurupni köyan köl eŋgiman.”

Buk kiangö bahöŋi bohönŋi 6 mi kewö:

Keu mutukŋi 1.1-18

Jon O-melun azi aka gwarekurup mutukŋi 1.19-51

Jisösnöŋ qenjarök nup meyök 2.1-12.50

Teteköŋe Jerusalem kaba mala kömuyök 13.1-19.42

Guliba wahöta alaurupŋi asuhum eŋgiyök 20.1-31

Galili kaba gwarekurupŋi asuhum eŋgiyök 21.1-25

Anutugö numbu jitŋi malmalŋambuk.

¹ Könakönahiŋe möpŋaŋgö möpŋeyök keu jit malök. Yaŋön malmalgö könaŋi naŋgöba jiba kota malök. Keu jit yaŋön Anutugö qöhöröŋe mala korök aka nanŋak bem Anutuyöhök ahök. ² Keu jit yaŋön könakönahiŋe Anutugö qöhöröŋe malök. ³ Yaŋgö qöhöröŋe mala bauköm waŋgiiga yuai pakpak ahuyök. Yuai kun qahö bauköm waŋgibawak, mi mönö qahö ahubawak. ⁴ Keu jit yaŋön malmal bömöŋŋanök ahök. Yaŋgöreŋ malmal köhöikŋi mianön ambazip mem asarim eŋgiiga eka mala kotket. ⁵ Asakŋan panaman uruŋe asarimakzapmö, söŋaupnöŋ malgeri, yeŋön asakŋaŋgö könaŋi mi qahö möt asariba mala kotket. Mewö.

⁶⁻⁷ * Anutunöŋ ambazip körek pakpak asakŋi möt narimegöra möta kolek azi qetŋi Jon melaiiga asuhuyök. Asuhuba kaba asakŋaŋgö könaŋi indela naŋgöba jiba malök. ⁸ Jonöŋ nanŋak asakŋi mi qahö aka malökmö, yaŋön mönö asakŋaŋgö könaŋi mi naŋgöba jiba malök. ⁹ Asak ölbölni yaŋön ambazip gölme dop mem asarim neŋgimakzawi, yaŋön gölmenöŋ asuhumangö ahök.

¹⁰ Yaŋön könakönahiŋe gölmeŋi gölmeŋi miangö öröyuiŋi pakpak mi nam köl eŋgiiga ahuget. Ahugetka nanŋak sutŋine mala korökmö, gölme ambazipnöŋ töndup i qahö

* 1:6-7: Mat 3.1; Mak 1.4; Luk 3.1-2

möt kutum wanğiba tönpin malget. ¹¹ Mewö tönpin malgetka nanñi miri gölmeñe kaiga könagesöurupñan zikzik tököba nesampurek aka andö qem wanğiget. ¹² Mewö aketmö, denike yeñon köl öröm wanğiba qetbuñani möta möt narigeri, yeñon mönö körek yeñgöra köna mesari kewö asuhuyök: Nanñak nam köla kukösum enğıga ahuahu dölökñi ahuba Anutugö nahönböraturupñi aket. ¹³ Anutugö jitsihitñan mönö nam köl enğıga asuhuget. Gölmee azinöñ jiti sihitñi wuatangöba anömñambuk keu jöhöiga gölöm ala morö meiga asuhuzawi, yeñon köna mewö mianñon Anutugö nahönböraturupñi qahö aket. Mewö.

¹⁴ Keu jiti yeñon azi silebuk aka sutnine anda kaba malök. Mewö maliga aködamunñi uba eka malin. Iwiñan Nahöññi mohok-kungöra aködamunñi pakpak ala aum köl wanğıga qainñi kun maljawi, yeñon mönö mianğö dop kalem möriamñan uruñi kokolak qeiga aködamunñambuk aka nalö dop keu öl töhöññi jiba malök.

¹⁵ Jonöñ azi mianğö könañi nanğöba kewö qeta jiba malök, “Nöñon kungöra keu jiba malali, yeñon mönö mia akza. Kewö jiba malal: Nöñgö andöne azi kun kamawi, nöñon qahö asuhubiga yeñon mutuk malök. Mianğöra yanğö qetbuñanan mönö ni nonğita öngöngöñi akza.” Jon O-melun azinöñ mewö jiba malök.

¹⁶ Kalem möriamñan azi mianğö uruñi kokolak qeiga aködamunñambuk malöhi, yeñon mönö mianğö dop kötuetañ mi nalöñi nalöñi mokoiga körek neñgö qaknine öngöi malin. ¹⁷ Mosesnöñ Köna keunini nam köli asuhuyökmö, Jisös Kraistnöñ keu ölni indel teköba Anutugö kalem möriamñi nam köli aukñe asuhuyök. ¹⁸ Gölmee azi kunñan Anutu nalö kunöñ qahö ehök. Nahöññi mohok-kunñan Iwigö wösöñe mala kota malöhi, yeñon mönö gölmenöñ eta könañi indel neñgii mörin. Mewö.

Jon O-melun azinöñ nanñi könañi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitiñememe yeñon jike nup galöm aka jöwöwöl jikegö welenqeqe tosatñi Jerusalem sitinöhök melaim enğıgetka Jongöreñ kaget. Kaba qesim wanğiba jiget, “Gi wani azia akzan? Könañamgi denöwö?” Mewö jigetka könañamñi indela jii mötket.

²⁰ Könañamñi qahö qañ kölökmö, aukñe kewö jim miwikñaiyök, “Nöñon Amötqeqe Tonji Kraist qahö akzal.”

²¹ *Mewö jiiga kapan köla qesim wanğiget, “Gi mönö azi ninia akzan? Gi Elaija (Elia) akzan me qahö?” Qesim wanğigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” melenñök.

²² Melenñiga qesiget, “Gi ninia akzan? Melaim neñgigetka kazini, yeñgöra mönö denöwö melennda jiini mötme? Gi nangi könañi denöwö jim asariman?”

²³ *Qesigetka kewö jii mötket, “Kezapqetok azi Aisaianöñ keu kun kewö jii ahöza, ‘Ni garata aka gölmee qararañkölkölñe mala kewö qerakzal: Kembunöñ kamawo! Mianğöra inini mönö uruñini mindingöba könañi mesata möhamğöget.’ Ni mianğö kolek garatañi akzal.”

²⁴ Azi melaim enğıgetka Jongöreñ kageri, mi Farisi (Köna keugö kapankölköl) azia aket. ²⁵ Yeñon kunbuk kewö jiba qesim wanğiget, “Gi Amötqeqe Tonji Kraist qahö akzan aka Elaija (Elia) me kezapqetok azi yeñgöreñök kun qahö akzani, mianğöra mönö wuanöngöra ambazip o melun mem enğımakzan?”

²⁶ Qesim wanğigetka kewö melen enğıyök, “Nöñon o töhöñöñ enğömirimakzalmö, azi kun inini qahö möt kutuzei, yeñon lök sutñine kinja. ²⁷ Azi kun nöñgö andöne kamapköra jiba malali, yeñon mönö mi. Yeñon kaiga ketamñi aka malma. Mianğöra nöñon yanğö kösutñe anda wayangösöñi tengöba köna esuñangö kösöñi pösatmamğö qötötangömam.”

²⁸ Jonöñ Jordan o likepñe miri qetñi Betani mianğöreñ mala ambazip o melun mem enğıgiba malök. Yuai mi mönö mianğöreñ asuhuyök. Mewö.

* **1:21:** Dut 18.15, 18; Mal 4.5 * **1:23:** Ais 40.3

Jonöñ Jisösgöra “Anutugö lama moröñi,” jiyök.

²⁹ Mi asuhuiga miri gianjiiga Jonöñ Jisös tikep kaiga eka jiyök, “Eket, azi mi Anutugören lama moröñi. Yanön mönö gölmeñi gölmeñi nengö singisöndoknini köl köñjörari solanibin. ³⁰ Nöñön kungöra keu jiba malali, yanön mönö mia akza. Kewö jiba malal: Nöñgö andöne azi kun kamawi, nöñön qahö asuhubiga yanön lök mutuhök malök. Miangöra yanö qetbuñanan mönö ni nonjita öngöngöñi akza. ³¹ Nöñön i mutuk qahö möt kutuyalmö, Anutunöñ könañamñi Israel ambazip nengöra indeli mötpingöra mötza. Mi möta ni melaim niñgiiga kaba o melun mem engimakzal.”

³² Jonöñ mewö jiba dangunu ewö kinda nangöba kewö jiyök, “Uña Töröñan mönö Suepnöhök eta kembö nei ewö yanö nöröpñe eta köla tari ehal. ³³ Nöñön i mutuk qahö möt kutuba malalmö, kunöñ ambazip o melun mem engimangöra melaim niñgiyöhi, yanön kewö jii möral, ‘Uña Töröñan kungö nöröpñe eta köla tari ekñani, yanön mönö Uña Töröñi ambazip uruñine ala melun mem engima.’ ³⁴ Nöñön mi ehalangöra aka könañamñi kewö nangöba jizal, ‘Yanön Anutugö Nahönñi akza’.” Mewö.

Jisösnöñ gwarekurupñi mutukñi engoholök.

³⁵ Mewö jiiga miri gianjiiga Jonöñ kunbuk o jitñe miangörenök aniga gwarekurupñi yengörenök yahötñan yambuk mohotñe kinget. ³⁶ Kingetka Jisösnöñ miangören engongita anöhi, i törörök uba ehiba jiyök, “Azi mi ehot. Yanön mönö Anutugören lama moröñi ewö akza.”

³⁷ Mewö jiiga gwarek yahöt yetkön keu mi möta Jisösgö andöñe anohot. ³⁸ Anohotka Jisösnöñ lilingöba andöñe kayohori, i etkeka kewö qesim etkiyök, “Injiri niñia jaruba kazahot?” Mi möta jiyohot, “Ketañamniri! Gi miri denike ahöba maljan?” (Juda yeñön ‘Ketañamnini’ keu mi böhigöra jiget.)

³⁹ Mewö jiyohotka melenök, “Mönö kaba ehot!” Mewö meleniga wehön möñaiiga 4 kilok miangö dop ahök. Wehön möñaiiga miangören mohotñe anda miri denike ahöba malöhi, mi eket. Mi eka miangören yambuk malohotka miri söñaua sungem aiga mosöta kayohot.

⁴⁰ Jonöñ keu jiiga gwarek yahötñan möta Jisösgö andöñe anohori, yetkörenök kungö qetñi Andru, datñi qetñi Saimon Pitö. ⁴¹ Andru yanön mutuk datñi Saimon miwikñaiba kewö jii mörök, “Niri Amötqeqe Tonji mönö miwikñaizit.” Amötqeqe Tonji mi Grik keunöñ Kraist. ⁴² Mewö jiba datñi wangita Jisösgören anohot. Anohotka Jisösnöñ Saimon törörök uba ehiba jiyök, “Gi Saimon, Jongö nahönñi akzannö, nöñön qetki Sifas qetpi ahöma.”* Mewö.

Jisösnöñ Filip aka Natanael etkoholök.

⁴³ Miri gianjiiga Jisösnöñ Galili prowinsnöñ anmamgö möta anda könanöñ azi qetñi Filip miwikñaiba kewö jii mörök, “Gi mönö ni nuatangöba kaman!” ⁴⁴ Filipnöñ Andru aka Pitö yetpuk miriñini mohok. Taonñini qetñi Betsaida.

⁴⁵ Filipnöñ azi qetñi Natanael miwikñaiba kewö jii mörök, “Mosesnöñ azi kungöra Köna keunöñ ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetñi Jisös, iwiñi qetñi Josef, miriñi qetñi Nazaret.”

⁴⁶ Natanaelnöñ mi möta welipköba jiyök, “O Nazaret! Mi miri qandakña. Yuai ölopñi kun mönö miangörenök asuhumawangö dop qahö.” Mewö jiiga Filipnöñ jii mörök, “Mönö kaba nangak ek kutuman!”

⁴⁷ Mewö jii möta Jisösgören kaba asuhuiga eka yanö keu kewö jiyök, “Eket! Azi kianön mönö Israel azi öñi akza. Uruñe munen geñmoñi kun qahö.”

* **1:42:** Sifas mi Grik keunöñ Pitö, nanine keunöñ köt jamönñi.

48 Mewö jiiga Natanaelnöŋ qesim waŋgiba jiyök, “Gi mönö denöwö aka ni möt kutum niŋgizan?” Mewö jiiga Jisösnöŋ melenđa jiyök, “Gi fig ip† könaŋe tatnöŋga gek kutuyal. Mutuk gek kutubiga Filipnöŋ mianğö bapŋe geke goholök.”

49 Mewö jiiga Natanaelnöŋ melenđa jii mörök, “O Ketaŋamni, gi mönö ölna Anutugö Nahönŋi akzan. Gi Israel nenğöreŋ azi Kembuya maljan!”

50 Mewö jiiga Jisösnöŋ melenđa jiyök, “Ni mutuk kewö jizal, ‘Gi fig könaŋe tatnöŋga gek kutuyal.’ Mewö jim miwikŋaizalaŋğöra ölop möt narim niŋgizan. Anutugöreŋ kukösum ki eka mötzani, mi mönö yuai kötoŋdökŋi akza. Ölni ketaŋi mi mönö bian eka möta malman.”

51 *Mewö jiba toroqeba jii mörök, “Nöŋön keu öl töhönni kun kewö jibi mötnöŋ: Könaŋep nöŋğö gwarekurupni aketka kutum enğuasöriğa imut kewö ekŋe: Suep naŋgunöŋ taliga Anutugö garataurupŋan asuħuba Suep gölmegö Azi Ölni yambuk nariba yaŋğöreŋ eta öŋğöba aketka enğekŋe.” Mewö.

2

Jisösnöŋ o mem letoriga wain ahök.

1 Jisösnöŋ Filip aka Natanael etkoholiga silimŋi karöbut teköi malgetka kunöŋ ambi memegö maren lömbuaŋ ali tokoget. Mi Galili prowinsgö miri qetŋi Kana mianğöreŋ alget. Jisösgö namŋan mianğöreŋ mohotŋe ani malget. 2 Jisös aka yaŋğö gwarekurupŋi mi mewöyök öröm enğigetka lömbuaŋnöŋ mohotŋe malget. 3 Mianğöreŋ malgetka wain onöŋ qahöwahiga Jisös namŋan nahönŋaŋğöra jiyök, “Yeŋğöreŋ wain o qahöwakza.”

4 Mewö jiiga kewö jii mörök, “Namni, mi denöwö akŋamğöra jizan? Jim kutum niŋgizan me? Nöŋğö aŋğöletot meme nalönan mönö qahö kam kuŋguiga maljal.”

5 Mewö jii möta welenqeŋe yeŋğöra kewö jiyök, “Yaŋön yuai kungöra jim kutum enğimawi, mi iŋini ölop akŋe.”

6 Juda yeŋön amöt qem aŋgubingöra Köna keuŋini wuatangöba böröŋini saŋgoŋmaljema. Mianğö dop miri mianğöreŋ köuraŋen ketaŋi 6 tarök. Köuraŋen mohot mohot mi o gina 8 me 12 mianön geba kokolak qenahaŋğö dopŋan tatket.

7 Jisösnöŋ mi eka kewö jii mötket, “Iŋini mönö o uba kaba mokogetka köuraŋen ki kokolak qeget.” Mewö jii möta jiyöhaŋğö dop aket. 8 Köuraŋen mi kokolak qegetka kewö jim kutum enğiyök, “Mönö o qakŋi tosatŋi uba anda lömbuaŋ galöm waŋgime.” Jim kutum enğiiga memba anget.

9 Uba angetmö, galömnöŋ o letota wain ahöhi, mi memba möta denikeyök memba kageri, mi qahö möt asariba auruyök. Auruyökmö, welenqeŋenöŋ o ugeri, yeŋön mi möta jigetka galömnöŋ maren toŋi oholi kayök. 10 Kaiga kewö jii mörök, “Maren nalöŋe körek pakpak yeŋön wain o ölopŋi mi mutuk memba kaba enğimakze aka mi memba enğololoŋ aketkun wain o nahömŋi qahö mi könaŋep enğimakze. Göŋön wain o ölopŋi mi mutuk aŋğön köla qahö enğiba dölni nalö onğita memba kazan. Mi silik murutŋi kun akzan.”

11 Jisösnöŋ aŋğöletot mutukŋi ki mi Galili prowinsgö miri qetŋi Kana mianğöreŋ meyök. Mi memba mewö mianön kukösumŋi indeliga asuhuyök. Mi asuħuiga gwarekurupŋan möt narim waŋgiget.

12 *Közölömbuaŋnöŋ malget teköiğa Jisös, yaŋğö nam-munŋi aka gwarekurupŋi yeŋön miriŋine Kaperneam anget. Mianğöreŋ anda sömaŋ tosatŋi toroqeba malget. Mewö.

Jisösnöŋ jöwöwöl jike jim kömbuhyök.

Mat 21.12-13; Mak 11.15-17; Luk 19.45-46

† 1:48: Fig mi sambu ewöya. Mi nupŋine kömötketka kötŋi nahömŋambuk asuħuiga mi nalö gwötpuk nezema. * 1:51: Jen 28.12 * 2:12: Mat 4.13

13 *Nalö mianğören Juda neñğören ak-kömukömu kendon nalöñan dopdowiyök. Anutunöñ mönöwök neñgehoriña neñğonğiröhi,* mianğöra söñgaibingö aketka Jisösnöñ mewöyök mirinji mosöta Jerusalem sitinöñ öñğöyök. 14 Sitinöñ öñğöba jöwöwöl jikegö tohoñ uruñe anda yuai kewö miwikñaiyök: Ambazip bulmakau aziñi, lama aka kembö nei mi bohonñi memegöra alget aka tosatñan monen utekutek albingöra tatkeri, mi engehök.

15 Mi engeka kösönöñ tapep (munğamunğa) möñjönđa mianön enğohotiriba enğuyök. Enğuba ambazip mi körek közöl enğiba lama bulmakaunambuk jöwöwöl jikenöhök enğuatangöyök. Utekutek ambazip yeñğö souje kötnini metaliga mokoba eriga tebolñini metali anget. 16 Kembö bohonñini memegöra algeri, ambazip mi kewö jim enğiyök, “Yuai mi mönö memba kesala yaigep anget. Inini nöñğö Iwinanğö jöwöwöl jikenji ki mönö wuanönğöra utekögetka kölköl-örörö miri ewö akza?”

17 *Mewö jiiga Buña keu kun gwarek yeñğö mötmötñine kanğoriga mötmöriget. Keu mi kewö ohoget ahöza, “Nöñğö urunan göhören jike mi kömbukñi ahömapköra kapan kölbige mianön urune newañ köñöp ewö jeiga waimanjat mianön kawöl miwikñaimakzal.”

18 Mi közöl enğiiga Juda jitñememe yeñön tembula wahöta Jisöğören kanğota kewö qesim wañgiget, “Gi mönö wani anğöletot kun aknöñga kukösumgi ehinga dop köl neñgiigun kimbi mewöñi akanak?”

19 *Mewö qesim wañgigetka kewö melen enğiyök, “Inini jöwöwöl jike ki köndengetka gölmenöñ eriga nöñön mi wehön karöbutkö uruñe memba wahöta kuñgumam.”

20 Melen enğiiga kewö jiget, “Yambu (yara) 46:gö uruñe jöwöwöl jike ki memba mala mem tekögetka asuhaba kinja aiga göñön mi wehön karöbutkö uruñe mönö denöwö aka memba wahöta kuñgubanak?”

21 Mewö jigetmö, Jisösnöñ jikegö keu mi nanñi silenangö söpsöpña ala jiyök. 22 Jisösnöñ könanğep kömupnöhök wahoriga söpsöp keu jiyöhi, mi nalö mianğören gwarekurupñi yeñğö mötmötñine kanğori ölop möt asariget. Mi mötmöriba Jisösnöñ keu jiyöhi, mi aka Buña keu ohogeri, mi pakpak möt nariget. Mewö.

Jisösnöñ ambazip könanamni möt teköza.

23 Jisösnöñ Jerusalem sitinöñ ak-kömukömu kendongö nalöñe mala anğöletot kukösumñambuk meyöhi, mi ambazip gwötpukñan eka qetñi möt nariba yanğören lapingöget. 24 Lapingögetmö, Jisösnöñ ambazip pakpak yeñğö könanamñini möt kutum teköyök. Mewögöra ambazip pakpak qahö möt narim teköm enğiba keuninanğö bapñe qahö anda malök. 25 Ambazip uruñine keu yuai ahöyöhi, Jisösnöñ kunñan ambazip uruñinanğö könanji mi indela kondel wañgimawanğö dop qahö ahök. Mönö nanñak mi ölop möt kutum teköyök. Mewö

3

Jisösnöñ Nikodemus urumelenğö könanji kusum wañgiyök.

1 Juda könagesögö jike kaunsöl sutñine jitñememe azi kun qetñi Nikodemus malök. Yanön Farisi (Köna keugö kapankölköl) kambunöñ kinök. 2 Yanön sunğem kunöñ Jisöğören kanğota kewö jii mörök, “Ketanamni, gi anğöletot memakzani, mi azi kunñan Anutu yambuk qahö kiniga nanñök memamgö osimakza. Mianğöra gi Anutunöñ nam köl ghiiga böhi akzan, mewö mötzin.”

3 Mewö jiiga kewö jiba melen wañgiyök, “Nöñön keu öl töhöññi kun kewö jibi mötnöñ: Kunñan Anutugörenöñ ahuahu dölokñi qahö ahuma ewö, yanön mönö Anutugö bemtohoñe anğota ekñamgö osima.”

* 2:13: Eks 12.1-27 * 2:13: Anutunöñ Ijpt mianğören Israel ambazip neñgehoriña neñğonğirök, mianğö sösoñğainji mi Nei keunöñ Pasowa. Eksodus, Mekömekö 12.15 * 2:17: Sum 69.9 * 2:19: Mat 26.61; 27.40; Mak 14.58; 15.29

⁴ Melen wanğiiga kewö jiyök, “Kunñan lök ahuba ambazip namñi aka malagun ahuahü dölökñi mönö denöwö ahubawak? Yanñon mönö nam körö uruñe anğori kunbuk gölöm ala memamgö osima.”

⁵ Mewö jüiga kewö melenñök, “Nöñon keu öl töhöññi kun kewö jibi mötnöñ: Kunñan o melun mem wanğigetka Uña Töröñan uruñe geiga mewöñi mianñon ahuahü dölökñe qahö ahuza ewö, mewöñi mianñon mönö Anutugö bemtohoñ uruñe anğotmamgö osima. ⁶ Gölmegö iwinam enğoreñök morö ahuzawi, mi gölme moröya. Uña Töröñan inahöba nam köliga morö asuhumakzawi, mi mönö Suepkö moröya.

⁷ “Mewögöra inini ahuahü dölökñi Anutugöreñök qahö ahume, mianñon mönö qahö dop kölja. Keu mi jibiga mianğöra mönö kude auruman. ⁸ Luhutnöñ nanñi imbi-imbi lanğiliga ötoñi mörakzanmö, mi denikeyök kaba gilakza aka denike gila anakzawi, gi mianğö könañi qahö möt asarizan. Uña Töröñan ambazip nam köl enğiiga ahuahü dölökñe ahugeri, körek yeñgö könañinan mönö luhut mianğö dop akza.”

⁹ Mewö melenñiga Nikodemusnöñ köñkuñ aka kewö jiyök, “Mi ahakö dop qahö.”

¹⁰ Mewö jüiga Jisösnöñ jiyök, “Gi Israel könağesö kusum neñgimakzan aka töndup keu mianğö könañi qahö möt asarizan. Mi kude dop kölja. ¹¹ Nöñon keu öl töhöññi kun kewö jibi mötnöñ: Neñon wania möt kutuzini, mi jiba indelakzin aka wania jeninan eka mötzini, mi nanğöba jimakzin. Mewö ahakzinmö, enñon töndup Buña keunini mi qahö möt anğon kölakze.

¹² “Gölmegö yuaini jenöñ ehekñi mianğö keuñi jibiga möta qahö möt narim niñgize ewö, nöñon Suepkö yuaini qahö ehekñi mianğö könañi jibiga mötmei, mi mönö denöwö möt naribeak? ¹³ Gölmegö azi kunñan Suepnöñ qahö öngöyökmö, Suep gölmegö Azi ölnan Suep mire mala eta asuhuyöhi, yanñon mönö lilingöba Suepnöñ öngöma.

¹⁴ * “Anutunöñ Moses gölme qararanğölkölñe jim kutui kopö ainöñ mokoleñ imutñi memba tohotnöñ kösököi kinöhi, mianğö dop Suep gölmegö Azi Ölni mi kösökögetka öngöba kinma. ¹⁵ Ambazip i möt narim wanğizei, yeñon körek pakpak malmal köhöikñi miwikñaiba malmegöra aka eu öngöma.

¹⁶ “Mianğö könañi kewö: Ambazip i möt narim wanğizei, yeñgöreñök kunñan ayuhubapuköra Anutunöñ gölme dop önöñi qahö jöpaköm neñgiyök. Neñon körek letota malmal köhöikñanğö buñaya akingöra mönö Nahöññi mohotsirik mi neñgiyök. ¹⁷ Ambazip gölme dop mal anjini, Anutunöñ Nahöññi neñgö keunini jim tekömapköra aka qahöpmö, Nahöññan amöt neñguiga kantri dop letota oyaenğoyaen akingöra aka melaiiga gölmenöñ erök.

¹⁸ “Ambazip kunñan Nahöññi möt narizawi, Anutunöñ yanğö keuñi jim teköiga qahö ayuhumapmö, kunñan Jisös qahö möt narim wanğizawi, Anutunöñ yanğö keuñi lök jim teköiga malja. Anutugö Nahöññi mohotsirikö qetñi qahö möt narizawanğöra aka könöp siagö buñaya akña. ¹⁹ Anutunöñ gölme ambazip keunini jim tekömakzawi, mianğö könañi kewö: Asakñan lök gölmenöñ eta asuhuyökmö, ambazipnöñ ahakmeme bölöñi bölöñi aka memba malget. Mewö mala Anutugö asakñi tököba uruñini söñaupkö ahakmemenöñ lanğöhöba mala kotket.

²⁰ “Körek pakpak ahakmeme bölöñi ahakzei, yeñon Anutugö asakñi tököba andö qemakze. Anutunöñ ahakmemenini bölöñi bölöñi mi indela jim enğiiga gamuñini mötpepuköra keñgötñini mörakze. Mi möta asakñanğö uruñe qahö anğorakze. ²¹ Qahö anğorakzemö, kunñan kun keu ölni wuatanğöba maljawi, yanñon ölop asakñanğö uruñe kanğotma. Anutunöñ sölölohöm wanğiiga ahakmemeni aka memba malöhi, mianğöra ahakmemeni mianñon aukñe asuhumapköra mötza.” Mewö.

Jon O-melun azinöñ Jisösgö könañi jim miwikña iyök.

* 3:14: Jan 21.9

²² Jisösnöñ mewö jim teköba kinda gwarekurupñi enġuañgita Jerusalem siti mosöta Judia prowinsgö miri andöñe anget. Mianġöreñ anda gwarekurupñi yembuk sonda tosatñi toroqeba yembuk mala ambazip o melun mem enġiba malök. ²³ Jisösnöñ mewö malökmö, Jonöñ mewöyök miri qetñi Salim mianġö kösutñe malök. Miri qetñi Ainon mianġöreñ o jök ahöyök aka ambazipnöñ Jongöreñ kañgota o melun mem enġimapkö qesigetka amqeba mem enġiba malök. ²⁴ *Nalö mianġöreñ Jon mi kösö mire qahö algetka tarök.

²⁵ Juda yeñön amöt qem anġubingöra böröñini sañgoñmaljema. Mewögöra Jongö gwarekurupñi yeñön Juda azi kunbuk keu mianġö goranora aka könahiba jitnakölik jiget. ²⁶ Mewö jigetka lömböriiga Jongöreñ kaba kewö jiget mörök, “Ketañamnini mötnöñ, azi Jordan o likepñe göbuk maliga nangak könañamñi nañgöba jinöñi, yañön ambazip o melun mem enġiiga jesöñgöñan mönö yañgöreñ anakze.”

²⁷ Jonöñ mi möta kewö meleñnök, “Anutunöñ azi kungöra yuai kun Suepnöhök qahö al wañgibawak ewö, yañön mönö mi buña qem anġumangö osiza. ²⁸ *Yambuk mala kewö jial, ‘Ni Amötqeqe Tonji Kraist qahö akzalmö, Anutunöñ melaim niñgiiga mutuk kazala yañön andöne kama.’ Nöñön keu mi jiali, inñi mi ölop nanñinak nañgöba jiba malbeahanġö dop akze. ²⁹ Mianġö keuñi dop ala kewö jimam: Azi kunñan ambi buñañambuk aka ambi memangöra sösöñgai keu jim sehiba malja. Mewö maliga azi alañan kösutñe kinda sösöñgai keuñanġö jölñi möta yañgöra önöñi qahö söñgaimakza. Mianġö dop nöñön Jisösgö alañi aka yañgöra söñgaibiga sösöñgai mianñön döлки uruni kokolak qeiga maljal. ³⁰ Jisösgö qetbuñañan qarim sehiiga nöñgöreñan mönö waziiga dop köлма.” Mewö.

Jisösnöñ Suepnöhök eröhanġö könañi jiyök.

³¹ “Dañön euyañgöreñök eröhi, yañön ambazip körek pakpak enġoñgita öñgöñgöñi akza. Kunñan gölmenöñ asuhuba gölmegö buñaya akza aka gölmenöñ malmalgö keuñi jimakza. Suepnöhök eta kayöhanñön mönö körek pakpak enġoñgita öñgöñgöñi akza. ³² Yañön yuai eka möt kutuba malöhi, mianġö könañi jiba nañgöba dangunu ewö kinja. Mewö kinjapmö, nañgönañgö keuñi mi ambazip kunñan kun qahö möt anġön kölja.

³³ “Ambazip kunñan nañgönañgö keuñi möt anġön köljawi, yañön Anutu ölbölñi akzawañgö keuñi mem köhöiiga pöwöwömñi akña. ³⁴ Anutunöñ kolek aziñi melaiba Uñani Töröñi musa qakñe qahöpmö, kelenmaleleñ wañgimakza. Mianġöra kolek aziñan mönö Anutugö keu töhöññi indela jimakza. ³⁵ *Iwinöñ Nahöññi uruñan jöpaköm wañgimakzawañgöra aka yuai pakpak buña qem wañgiba böröñe ali ahöza.

³⁶ “Ambazip kunñan Nahöññi möt nariba uruñi melenjawawi, yañön mönö kunbuk letota malmal köhöikñañgö buñaya akza. Kunñan Nahöññañgö keuñi qahö tem kölakzawi, Anutugö irimesewölñan mönö yañgö qakñe öñgöba pöndañ kini malmal köhöikñañgö könañi qahö ek kutuba önewat lañ malja.” Mewö

4

Jisösnöñ Samaria ambi kunbuk keu eraum mörohot.

¹ Jisösnöñ mewö ambazip kusum enġiiga gwarekurupñi aketka o melun mem enġiba mewö mianñön Jon O-melun azi luhut ala malöhi, keu mi Farisi (Köna keugö kapañkölköl) yeñgö kezapñine gei mötket. Yeñön mi mötkeri, buzup mi jiget sehiba Kembugö kezapñe gei mörök. ² Jisösnöñ nanñak ambazip qahö o melun enġiyökmö, yañön jiiga gwarekurupñan mi aket. ³ Mi möta Judia prowins mosöta lilingöba kunbuk Galili prowinsnöñ göröken anget. ⁴ Köna mewö anda Samaria prowins onġita anget.

* **3:24:** Mat 14.3; Mak 6.17; Luk 3.19-20 * **3:28:** Jon 1.20 * **3:35:** Mat 11.27; Luk 10.22

⁵* Onḡita anda Samaria prowinsḡo taonḡi kun qetḡi Sikar miangḡoreḡ anḡorök. Sikar taon mi Jeikobnḡḡ ḡölme bahḡḡi kun nahḡḡḡi Josef waḡḡiyöhi, miangḡö kösutḡe ahöza. ⁶ Jeikobkö o lömḡḡi diginḡambuk mi Sikar taonḡḡ ahöza. Jisösnḡḡ köna kayöhaḡḡöra aka silenḡi lömböriiga silim bibiḡe o lömḡḡi miangḡoreḡ anḡota kösutḡe eta tarök.

⁷ O löm kösutḡe tariga Samaria ambi kunḡḡ o umangḡö kayök. Kaiga Jisösnḡḡ eka kewö jii mörök, “Gi ölop o ninḡinḡḡga nembilenḡak.” ⁸ Nalö miangḡoreḡ gwarekurupḡan nene bohonḡḡi membingḡöra i mosöta taonḡḡ angetka nanḡirök kinohot.

⁹* Juda ambazipnḡḡ Samaria prowins qepureim enḡiba yembuk köisirik qahö maljema aka pake mohot mianḡḡn o qahö uzema. Mewögöra nanḡirök kinohot miangḡoreḡ ambinḡḡ kewö jii mörök, “Gi Juda azia aiga ni Samaria ambiapmö, denöwögöra ‘O ninḡinḡḡga nembilenḡak,’ jiba qesim ninḡizan?”

¹⁰ Jisösnḡḡ qeḡesi mi möta kewö melenḡ waḡḡiyök, “Gi Anutu kalemḡanḡö könaḡḡi möt kutunḡḡga dop kölbawak. Daḡḡn ‘O ninḡinḡḡga nembilenḡak,’ jiba qesim gihizawi, yanḡö könaḡḡi möt asaribanak ewö, i mönö qesinḡḡga malmalgö onḡi gihibawak.”

¹¹ Mewö jiiga kewö jii mörök, “O ketaḡamni, o umangḡö pakegi kun qahö ahöza aka o löm kianḡḡn mönö diginḡambuk akza. Miangḡöra malmalgö ogöra jizani, mi mönö denikeyök miwikḡainḡḡga ahubawak? ¹² Isik bömönini Jeikob yanḡḡn o lömḡḡi ki nenḡiyök. Yanḡḡn mutuk nanḡak aka yanḡö andḡḡe nahönurupḡan ki kaba o uba nemba maljema aka bulmakau kambuḡi kambuḡi o enḡigetka nemba maljema. Gi Jeikob onḡita öḡḡöḡḡḡi aka ambazip o mem sehim enḡimangḡö jizan me?”

¹³ Mi möta Jisösnḡḡ kewö melenḡnök, “Ambazip körekḡan o ki nembagun mönö kunbuk ogö kömumba nemingö mörakḡe. ¹⁴ Mewö malmemö, nöḡḡn kungöra o waḡḡimami, yanḡḡn mi nembagun nalö kunḡḡ ogö kunbuk qahö kömuma. Mewö qahöpmö, o waḡḡimami, mi mönö yanḡö uruḡe letota malmalgö o jeni jöpjöpkḡḡi qahö aiga malma. Mewö mali mönö uzumḡöba malmal köhöikḡi tetekḡḡi qahö waḡḡimakḡa.”

¹⁵ Mewö melenḡniga ambinḡḡ jiyök, “O ketaḡamni, gi mönö o mia ninḡinḡḡga nemi. Mi nembagun nalḡḡi nalḡḡi kunbuk ogö qahö kömumbilenḡak aka o umangḡöra ki könasöksök qahö tibilenḡak.”

¹⁶ Mi jiiga kewö jim kutum waḡḡiyök, “Gi mönö anda apki waḡḡita ki kamahot.”

¹⁷ Mewö jim kutum waḡḡiiga “Ni apni qahö,” jiba melenḡnök. Melenḡniga kewö jii mörök, “Gi ‘Apni qahö,’ keu mi törörök jizan. ¹⁸ Gi ölnḡa azi 5 enḡömembra malnḡḡ aka merak kun memba maljani, yanḡḡn mönö göhö apki qahö akza. Keu jizani, mi öl töhöḡḡa.”

¹⁹ Ambinḡḡ mi möta kewö jii mörök, “Ketaḡamni, gi mönö kezapḡetok azi qainḡḡi kun akzan. Nöḡḡn tandöki mewö gek kutum gihizal. ²⁰ Nenḡö ambösakonurupḡninan kundunḡi kondela kianḡoreḡ öḡḡöba sipköba köuluköba malḡetmö, Juda enḡḡn kewö jimakze, ‘Samaria enḡḡn mönö Jerusalem sitinḡḡ öḡḡöba jöwöwöl jikenḡḡ sipköba köulukögetka dop kölnḡa.’”

²¹ Mi möta Jisösnḡḡ kewö jim kutuyök, “O ambi, nalö kun kam kuḡguma. Inḡini nalö miangḡoreḡ Iwi waikḡḡi memba möpöseibingöra kundunḡi kianḡoreḡ me Jerusalem miangḡoreḡ qahö öḡḡöba malme. Gi keu mi ölop möt narinḡḡga dop kölnḡa. ²² Samaria inḡini Anutugö könaḡḡi törörök qahö möt kutuba töndup yanḡö waikḡḡi laḡ memba möpöseimakze. Amötqeqegö könaḡḡi mi Juda nenḡö sutnine aukḡe asuhuba ahöza. Miangḡöra Juda nenḡḡn Anutuninanḡö könaḡḡi möt kutuba waikḡḡi memba möpöseininga dop kölnḡa.

²³ “Töndup nalö kun kewö asuhuma: Nalö miangḡoreḡ Unḡa Töröḡan ambazip sölölohöba inahöm enḡiiga keu ölnḡi wuatangöba Iwi waikḡḡi memba ölnḡa möpöseiba malme. Iwininan ambazip mewöḡḡi jarum enḡiba asuhumegöra sihimḡḡi möta malja. Nalö murutḡḡi mianḡḡn mönö lök kam kuḡguba dölnḡi ahöza. ²⁴ Anutunḡḡ Unḡaya akza. Miangḡöra Unḡa miangḡö

* 4:5: Jen 33.19; Jos 24.32 * 4:9: Esra 4.1-5; Neh 4.1-2

waikni memba möpöseimakzei, yeñon mönö Uña Töröñan sölölohöba inahöm enjiiga keu ölni wuatangöba möpöseiba malme.”

²⁵ Jisösnöñ mewö jim kutuiga ambinöñ jii mörök, “Amötqeçe Tonji qetñi Kraist qetzei, yañon kamangö akza, mi mötzal. Yañon kamawi, nalö miangöreñ mönö keu pakpak indel neñgiiga mötpin.”

²⁶ Jisösnöñ keu mi möta könañi kewö indelök, “Göbuk ki kinda keu eraum mötziri, nöñon mönö mia akzal.” Mewö.

Gwarek yeñon kaba yetpuk toroqeget.

²⁷ Könañamñi indeliga gwarek yeñon miangöreñök lilingöba kaget. Kaba ambibuk eraum mörohot, mi eka welipkögetmö, kunöñ kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölöñ tatket.

²⁸ Ölöñ tatketka ambinöñ o pakeni mosöta taonöñ anda ambazip yeñgöra kewö indela jii mötket, ²⁹ “Mötket! Nöñon azi kun miwikñaibiga yuai pakpak aka malali, miangö könañi indela jii mötzal. Miangöra yañon mönö Amötqeçe Tonji Kraist akapuk. Mönö nanñinak kaba azi mi ekñe.” ³⁰ Keu mi möta taon mosöta öröba Jisösgöreñ anget.

³¹ Gwarek yeñon nalö sutñe miangöreñ Jisös qesim wañgiba kewö jiget, “Ketañamñini, ölop nene nenöñ.”

³² Mewö jigetmö, kewö jiyök, “Nöñon neneñamni qainñi kun memba maljali, inñini miangö könañi qahö möt kutuze. Qahö!”

³³ Mi möta nanñini qesim anguba kewö jiget, “Kunñan nene kun memba kaba wañgiza me denöwö?”

³⁴ Mewö jigetka kewö jii mötket, “Melaim niñgiiga kayali, nöñon yañgö jitñi tem köla nupñi mem sorokömakzali, miangön mönö nöñgö neneñamni akza. ³⁵ Inñini keu kewö jibepuk, ‘Köiñ 4 kunbuk ahöiga ölöm-izi-izi nalöñan töröma.’ Mötket, nöñon miangöra kewö jizala kezap alget: Nup boni ketanji miangö ölninan lök öliiga meme nalöñinan kam kuñguza. Inñini mönö jeñini uget aniga mi uruñine ek kutume. ³⁶ Tosatñan mutuk keu kötni qesinñda gila malgetka ölnan nalö kewöñe asuhuiga tosatan mi lök tokoba töwanñini megetka ambazipñi ambazipñi malmal köhöikñangö buñaya ahakze. Mewö asuhuiga ölni meme yeñon qesinñ gilgil ambazip yembuk mindiriba mohotñe söñgaiba simbawon mötze.

³⁷ ‘Kunöñ kötni qesinñ giliga kunöñ ölni mezawi,’ keu mewö jimakzei, mi keu ölna. Mi Anutugö nup memegö könañi indelja. ³⁸ Nöñon inñini melaim enñgibiga nup qainñi kunöñ nanñinak yuai kötni qahö kömötkeri, mönö nup miangöreñ anda ölni meme. Tosatñan mutuk silenñini qeba nup memba malgetka enñon yeñgö könañine anda nup megerangö ölni miwikñaiba memakñe. Mewö melaim enñgizal.” Mewö

Samaria ambazip gwötpukñan uruñini melenget.

³⁹ Samaria ambinöñ keu kewö nangöba jiyök, “Nöñon azi kun miwikñaibiga yuai pakpak aka malali, yañon mönö miangö könañi indela jii mötzal.” Mewö jiyöhangöra Samaria ambazip gwötpukñan Sikar taon miangöreñ uruñini melenñda Jisös möt narim wañgiget. ⁴⁰ Möt narim wañgiba yañgöreñ kaba yembuk toroqeba malmapköra kapan köla qesigetka silim yahötkö dop toroqeba miangöreñ malök.

⁴¹ Mewö mala keu jiba malöhangöra aka gwötpukñan Jisös möt nariba toroqem wañgigetka kambuñini qariyök. ⁴² Toroqem wañgiba ambigöra kewö jiget, “Azi kianñon ölna gölmenñi gölmenñi neñgöreñ Amötqeçe Tonina akza. Neñon mi göhö keugörök qahö toroqeba möt narizinmö, mi naninak kezap ala möta möt kutuzin.” Mewö.

Jisösnöñ jembon azi kungö nahöñni mem ölöwahök.

⁴³ Jisösnöŋ Samaria maliga silim yahöt teköiga engömosöta Galili prowinsnöŋ anök.
⁴⁴ *Jisösnöŋ nanŋak nalö kunöŋ keu kun kewö naŋgöba jiyök, “Kezapqetok ambazip kunŋan nanŋe miri gölmenöŋ maliga yaŋgöra qahö mötket öŋgöiga göda qahö qem waŋgimakze.”

⁴⁵ *Mewö jiyökmö, töndup nalö miangöreŋ nanŋe Galili prowinsnöŋ kaŋgoriga miangöreŋ mewöyök tosatŋan jölöŋi jiget. Yeŋön ak-kömukömu kendongöra Jerusalem sitinöŋ öŋgöba Jisösnöŋ kendon nalöŋe aŋgöletot meyoŋhi, mi pakpak eka mötket. Miangöra nalö miangöreŋ ölop köl öröm waŋgiget.

⁴⁶ *Galili prowins yeŋön köl öröm waŋgigetka miri qetŋi Kana mutuk o meiga letota wain ahöŋhi, miangöreŋ kunbuk kayök. Taon qetŋi Kaperneam miangöreŋ kiŋ kembangö jembonŋi kun malök. Yaŋgö nahönŋan kawöl yöhöiga ahöyök.

⁴⁷ Ahöba kömumangö ahök. Miangöra Jisösnöŋ Judia prowins mosöta Galili uruŋe kayöŋhi, yaŋön miangö buzupŋi möta Jisösgöreŋ anda kewö qesim waŋgiyök, “Gi ölop kaba nahöni mem ölöwak waŋgiman.” ⁴⁸ Qesim waŋgiiga kewö jii mörök, “Inini ni öne qahö möt narim niŋgimeangö dop akzei, mi qahö dop kölja. Nöŋön aŋgöletot aiwesök membi ekagun mönö amqeba ni möt narim niŋgiba uruŋini melenbeak.”

⁴⁹ Mewö jii mörökmö, jembonöŋ kewö jiyök, “Ketaŋamni, nahönan kömumbapuköra mönö ösumok kaman.”

⁵⁰ Mewö jiiga melen waŋgiyök, “Nahöŋan mönö ölöwaka malma. Miangöra mönö ölop lilingöba anman.” Mewö melen waŋgiiga yaŋön mi möt nariba lilingöba anök. ⁵¹ Anda könanöŋ maliga welenqequeurupŋan kaba miwikŋaiba kewö jiget mörök, “Nahöŋan lök ölöwaka malja.”

⁵² Mi möta qesim engiba jiyök, “Wani nalönöŋ könahiba ölöwahök?” Mewö jiiga jiget mörök, “Uran mare wan kilok miangöreŋ sile könöŋni mosörök.” ⁵³ Mi möta mötmötŋi kewö ahuba asariyök: Aha! Jisösnöŋ “Nahöŋan mönö ölöwaka malma,” jiyöŋhi, mönö aua miangöreŋök ölöwahök. Keu mi möt asariba i aka saiwaurupŋi pakpak yeŋön uruŋini melenŋa Jisös möt narim waŋgiget.

⁵⁴ Jisösnöŋ Judia mosöta Galili prowins uruŋe kaba aŋgöletot kun ki meiga yahöt ahök. Mewö.

5

Jisösnöŋ Betesda o aŋgö jitŋe azi kun mem ölöwahök.

¹ Könaŋgep nalö kunöŋ Juda yeŋgö kendon ketaŋi kun töriiga Jisösnöŋ Jerusalem sitinöŋ öŋgöyök. ² Jerusalem sitigö selnöŋ naŋgu kun mi lama yeŋgöra ahöyök. Miangö kösutŋe o aŋgö kun qetŋi Hibru keunöŋ Betesda qetkeri, mi ahöyök. Miangö göraŋe luhut miri köröŋni ketaŋi 5 tatket. ³ Luhut miri 5 miangö uruŋe kawöl ambazip kambu ketaŋi ahözema. Tosatŋan jeŋini gömölii tatket. Tosatŋan simalokon aka tatket. Tosatŋan likepŋini kömukömuŋa tatket.*

⁴ Nalö tosatŋe Kembangöreŋ garata kunöŋ eta o aŋgönöŋ timjaliiga unduzapma. Onöŋ unduiga nalö miangöreŋök kunŋan mutuk aŋgönöŋ geiga kawölŋi mi me mi mi miangön ölöwahakzapma. Miangöra mamböta tatket. ⁵ Miangöreŋ azi kun yambu (yara) 38 miangö dop kawöl yöhöiga ahömalök. ⁶ Miangöreŋ ahöiga Jisösnöŋ kaŋgota eka lök nalö köröp tiŋtiŋi kawöl yöhöi ahöba malöŋhi, mi möta kewö qesim waŋgiyök, “Gi ölöwakŋangö ak gihiza me qahö?”

⁷ Qesim waŋgiiga kewö melen waŋgiyök, “O Kembu, onöŋ unduba ötoŋ qeiga alani daŋön noaŋgita o aŋgönöŋ anda al niŋgibawak? Alani mewöŋi kun qahö malja. Nanak

* **4:44:** Mat 13.57; Mak 6.4; Luk 4.24 * **4:45:** Jon 2.23 * **4:46:** Jon 2.1-11 * **5:3:** Mötmöt ambazip tosatŋan kewö mötmörimakze: Könakönahine jabö 3:gö kitipŋi teteköŋi aka jabö 4 mi kewö ohoget ahöyök: Yeŋön o aŋgönöŋ gwözöŋda undumapkö mamböta tatzema.

anmamgö möta esapköba malali, nalö miangörenjök tosatni yeŋgörenjök kunöŋ ni nonjita anda gemalget.”

⁸ Melenj waŋgiiga Jisösnöŋ jii mörök, “Gi mönö wahöta tumbulahöpki memba anöŋ.”

⁹ Mewö jii möta miangörenjök ölöwaka tumbulahöpŋi memba anök. Anökmö, yuai mi Sabat kendonöŋ asuhuyök. ¹⁰ *Miangöra Juda yeŋön azi ölöwahöhi, yaŋgöra kewö jiget mörök, “Merak Sabat kendon akza. Miangöra tumbulahöpki memba aŋgunöŋga qahö dop kölja.”

¹¹ Mi möta kewö melenj ni mötket, “Möhamgöm niŋgizawaŋön mönö kewö jim teköm niŋgiza, ‘Gi mönö tumbulahöpki memba anöŋ’.”

¹² Mi möta kewö qesim waŋgiget, “Azi daŋön göhöra ‘Tumbulahöpki memba anöŋ,’ jiza?”

¹³ Qesim waŋgigetmö, Jisösnöŋ mem ölöwahiga ambazip kambu ketanjan ölökögetka yeŋgö sutŋineyök sömuniba anök. Miangöra daŋön mi ak waŋgiyöhi, mi qahö möta tönpin kinök.

¹⁴ Miangö andöŋe jöwöwöl jike tohonj uruŋe öŋgöiga Jisösnöŋ miangörenj miwikŋaim waŋgiba qambaŋ keu kewö jii mörök, “Mötnöŋ, gi lök ölöwakzan. Miangöra ayuayuhu törösait bölöŋi kötökŋi kun asuhum gihibapüköra mönö siŋgisöndok kunbuk kude aka malman.”

¹⁵ Azi ölöwahöhi, yaŋön Jisös ek kutuba anda Juda jitŋememe yeŋgöra kewö jii mötket, “Azi mem ölöwak niŋgiyöhi, yaŋgö qetŋi Jisös.” ¹⁶ Mi möta Jisösnöŋ Sabat kendonöŋ nup mewöŋi meyöhi, Juda jitŋememe yeŋön miangöra aka sesewerowero ak waŋgiba malget. ¹⁷ Mewö malgetmö, Jisösnöŋ kewö melenj eŋgiyök, “Nöŋgö Iwinan sundan dop nup memakza aiga nöŋön mewöŋanök mi memakzal.”

¹⁸ Mewö melenj eŋgiba ambazip Sabat kendongö keu tosatŋi toroqeba algetka Jisösnöŋ mi ahakmemeŋan qeapköba yeŋgö jeŋine siŋgisöndok ahök. Siŋgisöndok mi toroqeba Anutugöra ‘Iwini’ jiba Anutu tandök ewö maljawangö dop aka nanŋi mem öŋgöyök. Juda ambazip yeŋön yuai yahöt miangöra aka möt kömbuhiba kapaŋ köla Jisös qebingö jim köhöiget. Mewö.

Malmal gulimapkö kukösumŋi mi Jisösgörenj ahöza.

¹⁹ Mewö aketmö, Jisösnöŋ keu kewö jii mötket, “Nöŋön keu öl töhöŋŋi kun kewö jibi mötket: Nahönöŋ nanŋi uruŋangö yuai kun qahö memakzapmö, Iwinöŋ yuai memakzawi, Nahönŋan mönö mewöŋanök memakza. Miangöra Iwinöŋ yuai meiga ehakzawi, yaŋön mönö miyök memakza. ²⁰ Iwinöŋ Nahönŋi urunöŋ jöpaköm waŋgiba mala nanŋak nup memakzawi, mi pakpak kondel waŋgimakza. Miangöra aŋgöletot eka maljei, mi yuai eretŋi. Miangö ölni mi könaŋgep kondel eŋgiiga eka nemböŋini teköi welipköba malme.

²¹ “Kun kewögöra welipköme: Iwinöŋ ambazip kömukömuŋi eŋgömindiga gulimakze. Nahönŋan mönö miangö dop mewöŋanök ambazip köhömuŋi niŋia gulimegö mötzawi, mi eŋgömindiga gulimakze. ²² Mewöŋanök Iwinöŋ kungö keuŋi qahö jim tekömakzapmö, jimtekötekö nupkö kukösumŋi pakpak mi kewögöra Nahönŋangö böroŋe ali ahöza:

²³ “Ambazip Iwi göda qem waŋgimakzei, miangö dop körekŋan Nahönŋi göda qem waŋgimegöra mötza. Iwinöŋ Nahönŋi melaim waŋgiyök. Miangöra kunŋan Nahön qahö göda qem waŋgizawi, yaŋön mönö Iwi mewöyök göda qahö qem waŋgiza.

²⁴ “Miangöra nöŋön keu öl töhöŋŋi kun kewö jibi mötket: Kunŋan nöŋgörenj Buŋa keu möta mötmöriba ni melaim niŋgiyöhi, i möt narim waŋgiza ewö, yaŋön mönö malmal köhöikŋangö buŋaya akza. Nöŋön keuŋi jim teköbiga köhöp siagö buŋaya qahö akŋa. Kömup köhöikŋangö likepŋi mosöta jabö kutuba malmal köhöikŋangö likepŋe aŋgota mal öŋgöma.

* 5:10: Neh 13.19; Jer 17.21

²⁵ “Nöñon keu öl töhöññi kun kewö jibi mötket: Nalö kun kama aka nöñgöra aka lök kam kuñguza. Nalö mianğoreñ singisöndok aka uru köhömuñi akzei, yeñon Anutugö Nahönñan keu qeri mötme. Mi möta tem kölmeanñon mönö guliba köhöiba malme. ²⁶ Mi kewögöra: Iwinöñ nanñak malmal köhöikñi kondorakzawi, mianğö dop malmal gulim köhöimapkö kukösumñi mi Nahönñi wañgii yañon mewöyök ambazip mem gulim engimakza. ²⁷ Yañon Suep gölmegö Azi Ölni maljawañgöra aka Iwinöñ ambazip keuñini jim tekömapkö kukösumñi mewöyök yañgö böröñe ali buñañi ahök.

²⁸ “Nöñon keu kötni jizali, mianğöra mönö kude aurume. Nalö kun kam kuñgumawi, mianğoreñ körek pakpak qaksirinöñ ahözei, yeñon mewöyök qet qetmawi, mi mötme. ²⁹ *Qetñi mi möta wahöta aukñe asuhugetka ahakmeme ölöpnñi aka malgerañon malmal köhöikñe öngömemö, ahakmeme bölöñi aka malgeri, nöñon yeñgö keuñini jim teköbiga kömup köhöikñañgö buñaya akñe. ³⁰ Nöñon nani urunañgö yuai kun nanak aka memamgö osizal. Ni Iwigö jitñe mörakzali, mönö mianğö dop ambazip keuñini jim teköm engimakzal. Nani imbinañgö dop lañ qahö memakzalmö, melaim niñgiyöhi, mönö yañgö keuñi wuatañgömakzal. Mianğöra jimtekötekö keuni jimakzali, mi mönö dopñeyök asuhumakza.” Mewö.

Tosatñan Jisösgö könañamñi nañgöba jiget.

³¹ “Nöñon nani könañamni nañgöba jibileñak ewö, keuni mianñon ölop qahö köhöibawak. ³² Alani kunöñ nöñgö könañamni nañgöba jimakza. Yañon nöñgöra keu jimakzawi, mianñon mönö köhöiba ölnambuk akza, mi mötzal. ³³ *Inini jitñememe melaim engigetka Jongöreñ kagetka keu ölnañgö dop nöñgö könañamni indela jiba nañgöyök.

³⁴ “Jiba nañgöyökmö, nöñon gölme azigö nañgönañgö keuñi mi möta qahö mötpi öngöza. Qahö öngözapmö, Jongö nañgönañgö keugöra jimakzali, mi mönö inini nalö kewöñe letotketka Anutunöñ bohonñini jöhömapköra aka jimakzal. ³⁵ Jonöñ kiwa ketañi aka ölöpnñanök jeba asariyökmö, inini nalö köröpnñi qahöpmö, töröptökñanök yañgö asakñe lañ söñgaibingö sihimñi mötket.

³⁶ “Jonöñ könani töröptökñanök jiiga mötketmö, kunöñ mi nañgöba jimakzawi, yañgö keuñan mönö Jongöreñ nañgönañgö keu ongitza. Nani Iwinan nupñi al niñgii membüga ölni asuhumakza. Ölni mianñon mönö könañamni kewö nañgöba indelakza: Iwinöñ mönö melaim niñgii jitñe memenñi akzal. ³⁷ *Iwinöñ melaim niñgii erali, yañon könañamni nañgöba jiba malök. Inini nalö kunöñ yañgö keu kourukñi qahö mötket aka kaisongolomñi qahö eket. ³⁸ Yañon niñia melaiiga eröhi, inini i qahö möt narim wañgize. Mianğöra yañgö keuñan mönö engö uruñine qahö kinja.

³⁹ “Inini malmal köhöikñañgö könañi mi Buña Kimbinöñ ahöm engiza, mewö mötmöröba mi oyoñda uru könömñine ala Suepkö buñaya akingö mötze. Mewö mötzmö, kimbinñi kimbinñi pakpak mienñon mönö nöñgö könañamni nañgöba indelakze. Mi möt yaköze me qahö? ⁴⁰ Nañgönañgö keu gwötpuk ahözapmö, inini malmal köhöikñi buña qem anğubingöra nöñgöreñ kabingö tökömakze.

⁴¹ “Gölme ambazipnöñ qetbuña niñgigetka qarimapköra qahö mambötzal. Mi niñgigetka mötpi qahö öngöi maljal. ⁴² Mewö maljalmö, engö könañamñini mi kewö ahöza, mi mötzal: Inini uruñini Anutugöreñ qahöpmahöp jöhöba urukalem qahö ak wañgiba malje. ⁴³ Nöñon Iwinañgö qetñi qeta kabiga inini andö qem niñgimakzemö, kunöñ nanñi qetñi qeta kamawi, inini mönö i ölop möt anğon köla köl öröm wañgime.

⁴⁴ “O inini nanñini möpösem anğuba qetbuñañini qarimapkö mötket öngöza. Öngözapmö, bem mohotñan Anutu ölni akzawi, yañon qetbuña engimapköra qahö kapan kölje. Mewö aködamunñinambuk akñegöra qahö jaram tiba kinje. Mianğöra denöwö ni möt narim niñgibeak? Mi mönö osibeak.

* 5:29: Dan 12.2 * 5:33: Jon 1.19-27; 3.27-30 * 5:37: Mat 3.17; Mak 1.11; Luk 3.22

⁴⁵ “Nöñön inini ‘Iwigö jemesoholne keu jakeñe al engimam,’ mewö mötmöríbepuk. Inini Mosesgö keugö jörömqöröm al wañgiba Suep mire öngöbingö mamböta maljemö, Anutugö jeñe angotketka Mosesnön nanñak Anutugö keu jakeñe ala jim aum engiiga gamuñini mötme.

⁴⁶ “Mi kewögöra: Mosesnön nöngö könañamni jim asariba Buña Kimbinön ohoi ahöza. Miangöra Moses möt narim wañgibeak ewö, mönö nia möt narim niñgibeak. ⁴⁷ Mewömö, Mosesgöreñ kimbua qahö möt nariba tem köljeañgöra mönö nöngö keuni mi denöwö möt naribeak? Mi kupuk-kapakñambuk akapuk.” Mewö.

6

Jisösnön azi 5000 nene gumohom engiyök.

Mat 14.13-21; Mak 6.30-44; Luk 9.10-17

¹ Miangö andöñe Jisösnön Galili o anğö, qetñi kun Taiberias o anğö qetkeri, mi kutuba likepñe anğorök. ² Kawöl ambazip möhamgöm engii anğöletot asuhui ekerañgöra aka ambazip kambu jesöngöñan Jisösgö andöñe wuatangöba kaget. ³ Jisösnön gwarekurupñi engömeiga kundunje öngöba tatket.

⁴ Nalö miangöreñ Juda nengöreñ ak-kömükömu kendonön törüyök.* ⁵ Jisösnön je ui aniga ambazip kambu jesöngöñan yangöreñ kanğotkeri, i enğeka Filipköra jiyök, “Nini nene denikeyök bohonñi meinga kambu mewöñan nem timbireñ aketka dop kölbaşak?”

⁶ Yuai akñamgö ahöhi, mi nanñak mörökmö, keu mi Filip esapköm wañgiba jiyök.

⁷ Mewö jiiga kewö melenök, “Nene beret silim 200:kö töwañi (Kina 1000,-) mianön bohonñi memba mendenñinga körek yeñön kitipñanöhök nembeak aka töndup qahö dop köl enğibawak.”

⁸ Mewö jiiga gwarekurupñi yeñgöreñök kun qetñi Andru, Saimon Pitögö munñan kewö jii mörök, ⁹ “Azi moröñi kun kianğöreñ malja. Yangöreñ bali† beret 5 aka söra yahöt ahözapmö, ambazip sehisehiñi kewö kagetka yeñgöra mi qahö dop kölma.”

¹⁰ Jisösnön jiyök, “Inini mönö ambazip kambu ki jiba mendenñ engigetka nene nemingö eta tatme.” Gölme miangöreñ kegwan luplup gwötpuk ahöyök. Miangöra azi jañgöñini 5000:gö dop yeñön gölmenön eta tatket.

¹¹ Eta tatketka Jisösnön beret mi memba saiwap jiba ambazip tatkeri, mendenña engiyök aka söra mi mewöyök mendenña sihimñinan jigerañgö dop engiyök. ¹² Mendenña engiiga memba nem timbireñ aketka Jisösnön gwarekurupñi kewö jii mötket, “Nene kitipñi ayuhubapaköra mi mönö qezaköget.” ¹³ Mewö jiiga möta bali beret 5 miangöreñök memba kitipñi kitipñi mosötket taröhi, mi qezakögetka sakap 12 miangöreñ geba kokolak qeyök.

¹⁴ Jisösnön anğöletot mewö mei asuhuiga ambazipnön eka welipköba jiget, “Keza-pqetok azi gölmenön asuhumapkö jigeri, yañön mönö ölña mia akza.” ¹⁵ Mewö jiba Jisösgöra köiran ala kiñ kembuñini akñapkö mötmöriget. Mötmöriba kaba liliköm wañgiba walimgöba kiñ kuñgum wañgibingö aket. Mewö möt kutuba enğek tököba engömosöta kunbuk kundunje öngöba nanñök malök. Mewö.

Jisösnön o anğö qakñe tiba tiba anök.

Mat 14.22-33; Mak 6.45-52

¹⁶ Neget teköiga mare aiga Jisösgö gwarekurupñi yeñön o anğögö jitñe geget. ¹⁷ Geba wañgenön öngöba gölme mi mosöta o anğö kutuba likepñe Kaperneam mire göröken anget. Angetka miri söñaum teköiga Jisösnön töndup yeñgöreñ qahö asuhuyök. ¹⁸ Angetka luhut köhöikñanök giliga o anğönön könöpuk kunduta öngöba erök.

* **6:4:** Anutunön mönöwök nenğehoriba nenğonğiröhi, Juda yeñön miangöra yambu (yara) dop nalö ala söñgaimakze. Nei keunön qetñi Pasowa jize. Eksodus 12.15 † **6:9:** Bali mi padi, wit, out aka sehön miangö alanjini kun.

¹⁹ Öngöba eriga lökuatnön qeba nanjöba 5 me 6 kilomita mianjö dop angetka Jisösnön o anjö qakne tiba tiba wanje kösutne kaiga eka auruba kenjötporin aket. ²⁰ Mewö mötketka kewö jii mötket, “Nanak kazal. Kenjötnini kude mötme.” ²¹ Mewö jii möta Jisösnön wanjenön öngömapkö jigetka öngöyök. Öngöiga wanjeninan mianjörenök ösumok enguanqita gölme görañe anbingö akeri, mianjören angotket. Mewö.

Ambazip yeñon Jisösgöra um jarum bibihiget.

²² Mianjören angotketka miri gianjiiga ambazip kambu ketanji yeñon o anjö likepne toroqeba mala kewö mötmöriget, “Uran wanje mohotjan tari ehinga Jisösnön gwarekurupni yembuk wanjenön qahö öngöba anök. Jisös umbula nanjinök anget. Wanje murutni kun qahö ehin. Mianjöra Jisösnön kunbuk ki malja.”

²³ Mewö mötmöriba tosatjan kewö jiget, “Wanje mohotnön angetmö, ölna, Taiberias taonök wanje tosatni kaget. Wanje mi Kembunön beretköra saiwap jiiga nempa tarini, mönö gölme mianjö kösutne kagera Jisösnön wanje mianjörenök kunön öngöba anök me denöwö?” ²⁴ Ambazip kambu yeñon mewö jiba Jisös aka gwarekurupni mianjören qahö miwikñaim enqiget. Mewö eka möta mewöñanök wanjenön öngöba Kaperneam taonön anda Jisös jaruget. Mewö.

Jisösnön malmal köhöikñangö neneñi akza.

²⁵ Ambazipnön Jisös jaruba o anjö likepne yuke göröken miwikñaiba eka kewö jiget mörök, “O Ketanamnini, gi mönö wani nalönön ki kazan?”

²⁶ Mewö jigetka kewö melen enqiyök, “Nönön keu öl töhöñni kun kewö jibi mötket: Inini anjöletot membi ekeranjöra aka ni qahö jarum niñgizemö, nene beret kötuetköbi nempa nem timbiren akeri, mönö mianjöra ni nuatanjöba ki kaze. ²⁷ Nene ayapkömawi, mi miwikñaibingöra urukönöp kude aka malmemö, urugö neneñan malmal köhöikñi enqimakzawi, mönö mia buña qem anqubingöra kapan köla malme. Iwi Anutunön munqem silimbannji Suep gölmegö Azi Ölni wanjiiga kukösumñan walörniga ölop urugö nene enqiiiga oyaenqoyaen akne. Mewö aka mal köhöiba kömumba toroqeba teteköñi qahö malme.”

²⁸ Mewö melen enqiiiga kewö qesim wanqiget, “Anutugö sihimñangö dop ahakmeme tandökñi mönö denöwö ahinga dop kölbawak?”

²⁹ Qesim wanqigetka kewö melenök, “Anutunön azi melaim wanqiyöhi, inini i möt narim wanqiba malme. Ahakmeme mianön mönö Anutu sihimñangö dop akza.”

³⁰ Mewö meleniga kewö qesim wanqiget, “Mewö aiga gi kunbuk wani anjöletot kukñambuk kun menöñga eka möt narim gihibinak? Gi mönö wani yuai kun Mosesnön ahök, mianjö dop aka meman? ³¹ *Buña Kimbi kun kewö ohoget ahöza, ‘Yañon Suepnöhök nene beret enqiiiga neget.’ Keu mianjö dop nanine ambösakon yeñon gölme qararanqölkölne anda mala nene qetni mana nempa malget aka gi mönö könanamgi Moses onqita denöwö kondelbanak?”†

³² Qesim wanqigetka Jisösnön kewö jii mötket, “Inini mianjö könanji ölop qahö möt kutuze. Nönön keu öl töhöñni kun kewö jibi mötket: Mosesnön anjöletot Tonji qahö ahök. Yañon nene beret mi Suepnöhök qahö enqii negetmö, nani Iwinan mönö Suepnöhök beret ölbölñi enqimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöikñi enqimakza.”

³⁴ Mewö jii möta kewö jiget mörök, “O Kambu, gi nalö dop nene beret mi nenqinöñga nempa malbin.”

³⁵ Jisösnön mi möta jiyök, “Nönön malmal köhöikñangö neneñi akzal. Kunñan nönjören kazawi, yañon nem timbiren aka wösöñi nalö kunön qahö alma. Kunñan ni möt narim

* **6:31:** Eks 16.4, 15; Sum 78.24 † **6:31:** Gölme qararanqölkölne Anutunön söñan dop söñangö yuai amötñi, jöhanñi tuatñi aka awamñi juzu paura ewö ali gölmenön ahöi eka yaigep sombemñon anda qezaköba koumñine kaba beret lölöwöröñi memba nezema. Eks 16.13-36

niŋgimakzawi, yaŋön ogöra qahö kömuma. ³⁶ Mewö aigun iŋini ni nek teköba tündup qahö möt narim niŋgize. Mi mönö lök jibi mötze. ³⁷ Aka tündup Iwinöŋ ambazip tosatŋi niŋgimakzawi, yeŋön mönö körek nöŋgöreŋ kame. Kunŋan nöŋgöreŋ kamawi, nöŋön mönö i qahö yakörimam.

³⁸ “Nöŋön Suepnöhök eta nani imbinangö dop yuai laŋ aka memba malmamgöra qahö asuhuyal. Mewö qahö. Melaim niŋgiyöhi, mönö yaŋgö jitkö dop nup memba malmamgöra eral.

³⁹ “Melaim niŋgiyöhi, yaŋgö jitsihitŋan kewö ahöza: Yaŋön ambazip nöŋgö böröne al enŋiiga maljei, nöŋön mi pakpak köyan köl enŋiba malbiga yeŋgöreŋök kunŋan kun qahö sohoba ayuhuma. Qahö ayuhugetka nöŋön i nalö ketane enŋömindiba mem gulim enŋimam.

⁴⁰ “Iwinangö jitsihitŋan kewö ahöza: Tosatŋan Nahönŋi eka möt narim waŋgizei, yeŋön körek nalö kewöŋe letota malmal köhöikŋi buŋa qem aŋguba malme. Mewö mal kömugetka nöŋön i nalö ketani mianŋgöreŋ enŋömindiba mem gulim enŋimam.”

⁴¹ Jisösnöŋ mewö jiiga keu kötŋi kun kewö ahök, “Nöŋön malmalgö nene ölni aka Suepnöhök eta asuhuyal.” Mewö jiyöhangöra aka Juda jitŋememe yeŋön möt böliba uruŋinan ihururuk jiba jim waŋgiget. ⁴² Jim waŋgiba jiget, “Azi ki Jisös, Josefkö nahönŋa. Yaŋgö iwinamŋi mi ölop möt etkizimö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö melenök, “Uruŋinan mönö kude ihururuk jiba jim niŋgime. ⁴⁴ Iwi ni melaim niŋgiyöhi, yaŋön ambazip qahö öröm enŋiza ewö, enŋgöreŋök kunŋan nöŋgöreŋ kamangö osima. Öroi kabawak ewö, nöŋön i mönö nalö ketane enŋömindiba mem gulim waŋgimam.

⁴⁵ * “Kezapqetok yeŋgöreŋ kimbinöŋ keu kewö ohoget ahöza, ‘Anutunöŋ i körek pakpak kusum enŋii mötme.’ Iwinöŋ ambazip kusum enŋii keu möta urukönömŋine ala maljei, yeŋön mönö körekŋanök nöŋgöreŋ kame. ⁴⁶ Ambazip kunŋan Iwi qahö eka malja. Iwigöreŋök eröhi, yaŋön mohot kun mönö i eka malja. ⁴⁷ Nöŋön keu öl töhöŋŋi kun kewö jibi mötket: Kunŋan ni möt narim niŋgizawi, yaŋön mönö malmal köhöikŋi buŋa qem aŋguba mal öŋgöma.

⁴⁸ “Nöŋön malmal köhöikŋangö nene ölni akzal. ⁴⁹ Mötket! Enŋö ambösakonuruŋinan gölme qararanökölŋe anda mala nene qetŋi mana nemba malgetmö, tündup kömumba gisahöget. ⁵⁰ Yeŋön kömugetmö, nene beret nalö kewöŋe Suepnöhök eta maljawi, kunŋan mi nemba mala qahö kömum köhöima.

⁵¹ “Nene beret malmalŋambuk Suepnöhök eröhi, mi nöŋön akzal. Kunŋan nene mi nemba malmawi, yaŋön mönö teteköŋi qahö köhöiba malma. Nene waŋgiba malmami, mi nöŋgö busuni. Gölmeŋi gölmeŋi yeŋön köhöiba malmegöra mi al enŋimam.”

⁵² Jisösnöŋ mewö melenŋiga Juda jitŋememe yeŋön sutŋine urukönöpŋi jim qesim aŋguba jiget, “Yei! Azi kianön mönö denöwö aka busuŋi neŋgiiga nembinak?”

⁵³ Mi möta jigetka kewö jii mötket, “Nöŋön keu öl töhöŋŋi kun kewö jibi mötket: Iŋini Suep gölmeŋi Azi ölnangö sepŋi aka busuŋi qahö neme ewö, malmal köhöikŋi mianön mönö enŋö uruŋine qahö ahöma. ⁵⁴⁻⁵⁵ Nöŋgö sepnan o ölni akza aka nöŋgö busunan nene ölni akza. Miangöra kunŋan nöŋgö sep busuni nemakzawi, yaŋön mönö letota malmal köhöikŋangö buŋaya aka mal öŋgöma. Mewö mal kömuiga nöŋön i nalö ketane mindiba mem gulim waŋgimam.

⁵⁶ “Kunŋan nöŋgö sep busuni nemakzawi, yaŋön mönö nömbuk qekötahöba kinakza aka nöŋön yambuk kinakzal. ⁵⁷ Iwinöŋ Malmal Toŋi aka melaim niŋgiba wötŋi aka nam köl niŋgiiga köhöiba maljal. Mewöŋanök kunŋan ni nem niŋgimakzawi, nöŋön mönö mewöŋanök yaŋgö wötŋi aka nam köl waŋgibiga ölop köhöiba malma. ⁵⁸ Nene ölni Suepnöhök eröhi, mi nöŋön akzal. Enŋö ambösakonuruŋinan Anutugö nene nemba

* 6:45: Ais 54.13

mala kömugetmö, nalö kewöñe engörenök kunñan beret ki nemba malmawi, yañön mönö teteköñi qahö köhöiba malma.”

⁵⁹ Jisösnöñ Kaperneam taongö köuluk miriñe kinda keu mi jim kusum engiyök. Mewö.

Gwarek gwötpukñan uruñini böliiga Jisös mosötket.

⁶⁰ Jisösgö gwarekurupñi yengörenök gwötpukñan keu mi möta jiget, “Keu jit jizawi, mianñön mönö keu köt ewö lömbötñambuk akza. Mi möringa uruninan lömböriba bölim teköza. Mianğöra mi kunbuk mötpingö ölan neñgöhöiga i mönö mosötpin.”

⁶¹ Gwarek yeñön Jisösgö keugöra möt böliba uruñinan ihururuk jiba jim wañgigetka Jisösnöñ mi uruñan enğuañgita möta kewö jii mötket, “Keu jizali, mi möt böliize me qahö?

⁶² Keu mianğöra möt böliize ewö, könañgep mönö denöwö asuhubawak? Suep gölmegö Azi ölnan mutuk miri mala koröhi, euyangören kunbuk lilingöba öngöi ekñe ewö, nalö mianğören mönö denöwö mötme?

⁶³ “Uña Töröñi yañön ambazip mem gulim enğimakza. Inini gölme ambinöhök ahuba busuñinambuk akzemö, ahuahu dölökñe qahö ahuba nanñini ösumñinan öne letota Suepkö buña ahak mi qahöpmahöp. Uña Töröñan malmal köhöikñi enğizawi, nöñön keu kötñi mi jim tuaribi möta malget. ⁶⁴ Mewö möta malgetmö, engörenök tosatñan töndup ni qahö möt narim niñgiba malje.” Denike yeñön qahö möt narim wañgigeri aka dañön könañgep mamalolo mem wañgimawi, Jisösnöñ mi könakönahineyök möta korök. Mianğöra mewö jiyök.

⁶⁵ Mewö jiba toroqeba jiyök, “Mianğöra nöñön kewö jibi mötme: Nöngö Iwinan ambazip kun qahö inahöm wañgiza ewö, yañön mönö nöngören kamamgö osima.”

⁶⁶ Keu mianğöra aka gwarek yengörenök gwötpukñan poraiba ziriñziriñ aka mosöta yambuk qahö toroqeba anda kaget. ⁶⁷ Mianğöra Jisösnöñ gwarek 12 mienğöra kewö jiyök, “Inini mönö mewöñanök nömosöta anbingö mötze me qahö?”

⁶⁸ *Mewö jiiga Saimon Pitönöñ meleñnök, “O Kembu, nini mönö dagören anbinak? Malmal köhöikñangö Buña keuñi mi mönö göhören ahöza. ⁶⁹ Göñön Anutugören azi sarakñi akzani, nini mi möt nariba möt asariba maljin.”

⁷⁰ Mewö meleñniga Jisösnöñ möta jiyök, “Nöñön azi 12 inini möwölöhöm enğial aka engörenök kunöñ mönö bölöñangö bohonñi akza.” ⁷¹ Judas Saimon Iskariotkö nahönñi yañön gwarek 12 yengö sutñine mala könañgep mamalolo mem wañgiyök. Jisösnöñ keu mi yañöra möta jiyök. Mewö.

7

Jisösnöñ munurupñi yembuk keu eraum mötket.

¹ Juda jitñememe yeñön Jisös qebingö kapan kölgerangöra Judia prowins uruñe anda kamamgö tököyök. Mianğöra Judia mosöta Galili prowins uruñe anda liliköba maliga köiñ tosatñi teköyök. ² *Mi teköiga Juda yengören kendon kun qetñi koumkoum mianğö nalöñan törüyök.*

³ Mianğöra Jisösgö munurupñan kewö jiget mörök, “Gi kianğören mala anğöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴ Kunñan nanñak aukñe asuhumamgö mörakzawi, yañön yuai kun tölapñe qahö memakza. Anğöletot mewöñi memakzanangöra mönö ambazip kambuñi kambuñi yengö jeñine anda asuhuba könañamgi indelman.” ⁵ Munurupñan qahö möt narim wañgiba tönpin malgerangöra aka mewö lañ jiget.

* **6:68:** Mat 16.16; Mak 8.29; Luk 9.20 * **7:2:** Lew 23.34; Dut 16.13 * **7:2:** Juda yengören yambu jeñi qeçe sösongai kendonñi mi yambu (yara) dop kewö alget: Wain nupñine anda ip sinñi memba koumkoum qeba mianğören ahöba wehön 8 söñgaiba kendon tata malget. Wehön kondikñe sösongai öngöñgöñi alget. Mönöwök gölme qararankölkölñe yambu (yara) 40 mianğö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15

⁶ Mewö jigetka kewö jii mötket, “Urugö nup aukne memamgö nalönan qahö kam kunjuiga maljalmö, engö nalönanan mönö sundan dop anmeanjö dop ahöza. ⁷ Gölme ambazipnöñ kazik ak engibingö osimakzemö, nöñön yengö ahakmemeñini bölöñi indela nanjöba jibi mötzeangöra mönö ni kazik ak niñgimakze. ⁸ Anmamamgö nalönan mönö qahö kam kunjuza. Mianjöra nöñön sösöngai kendon kianjöreñ qahö öngömam. Nöñön mire tatpiga injini ölop endu anda öngöba söngaimé.” ⁹ Keu mewö jii mötketka Galili prowins urune toroqeba malök. Mewö.

Jisösnöñ koumkoum sösöngainöñ malök.

¹⁰ Jisösgö munurupñan koumkoum kendongöra angetmö, nanjak mire tata könangep aukne qahöpmö, tolapköba anda Jerusalem öngöyök. ¹¹ Juda yengö jitnememurupñinan sösöngai nalöne Jisösgö jeñi jaruba qesiqesi aka kewö jiget, “Azi mi denike?”

¹² Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yañön mönö ambazip kambu enololon ak engiiga kahapmahap ahakze.” ¹³ Mewö mewö lañ jigetmö, Juda jitnememe yengöra kenjöñini möta malgerangöra kunñan yanjö keuñi aukne qahö jiyök. Mewö.

Jisösnöñ nanñi könani ambazip kusum engiyök.

¹⁴ Kendon sösöngai bibiñe malgetka Jisösnöñ jöwöwöl jike tohon urune öngöba könahiba ambazip kusum engiyök. ¹⁵ Kusum engiiga Juda yeñön welipköba kewö jiget, “Azi ki mötmöt jake öngöngöñe qahö öngöba töndup Buña Kimbigö könani denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buña jimakzali, nöñön mianjö Tonji qahö akzal. Nanak qahöpmö, melaim niñgiyöhi, nöñön mönö yanjö mötmötñi memba kaba jimakzal. ¹⁷ Ambazip kunñan Anutugö jitsihitñangö dop aka memamgö mötzawi, yañön mötmöt jibiga mianjö Tonji dañön akza, mi möt kutuma. Anutunöñ Buñani nöñgö urune ali asuhuza me nani imbinangö keu lañ jimakzal?”

¹⁸ “Kunñan nanñi imbiñe mötmöriba keu jimakzawi, yañön nanjak qetbuñañambuk akñangö mötza. Mewö mötzapmö, melaimelai azi kun tonan qetbuñañambuk akñapköra kapañ köljawi, yañön mönö jitnememe ölbölñi geñmoñi qahö akza. ¹⁹ Mosesnöñ Köna keu al engii mi ahöza me qahö? Mi ahözapmö, engöreñök kunñan mi qahö tem köla wuatangömakza. Injini mönö wuanöngöra kapañ köla ni nungubingö mötmörize?”

²⁰ Mewö jii möta ambazip kambu yeñön kewö melenget, “Ömewörömenöñ mönö uruge geba kinja. Dañön kapañ köla gi guhumangö mötmöriza?”

²¹ Mewö melengetka jii mötket, “Nöñön angöletot mohot membiga injini körek pakpak auruba köñkun akze. ²² *Mosesnöñ silenine Anutugö aiwesök yandibingöra jim kutum engiyöhi, o Mosesnöñ mi mutuk qahö jim kutuyökmö, amböskonurupñinan mi könahiba memba malgetka silik mi neñgöreñ kaiga Sabat kendonöñ mewöyök azi silenini yandimakze.

²³ * “Nini Mosesgö Köna keu walöñnin siñgisöndok ahubapüköra köhöikñi mötzin. Mi mötzinmö, keu mi qetala Sabat kendonöñ mewöyök azi silenini yandiba töndup nanñini qahö jim anguba silebile malje. Mewö maljemö, nöñön azi jömukñi Sabat kendonöñ mem ölöwak wanñiali, mianjöra mönö wuanöngöra mi yom jim niñgize? ²⁴ Injini ambazip silenini miyöhök eka mewö mianjöñ bahösöhamök kewöta keu lañ jim tekömakzei, mi mönö mosötme. Mi mosöta urunini törörök möt kewöta keu ölñanök jim teköme.” Mewö.

Jisösnöñ Amötqeçe Tonji akza me qahö?

²⁵ Jerusalem tonji yengöreñök tosatñan kewö jiget, “Azi kapañ köla qebingö mötmörize, yañön mönö mia me? ²⁶ Eket, yañön ambazip jeñine aukne keu juiga qahö jim wanñize. Mewögöra azi kianjöñ Amötqeçe Tonji Kraist akzawi, keu mi ölña galömkölköl azi yengö

* 7:22: Jen 17.10; Lew 12.3 * 7:23: Jon 5.9

kezapņine geiga mōtze me qahō? ²⁷ Amōtqeçe Toņi Kraistnōņ kamapkōra jiba kota malgeri, yaņōn ‘Denikeyōk asuhumawi, mi kunōņ kun qahō mōtma,’ jizemō, azi kianōn denikeyōk asuhuyōhi, mi mōnō ölöp mōtzin.”

²⁸ Mewō eraum mōtketka Jisōsnōņ jōwōwöl jikegō tohoņ uruņe kindā imbiņi memba wahōta kusum eņgiba keu kewō jiyōk, “Inini nōņgōra kewō jize, ‘Azi mi mōt waņgiba miriņi denikegō mi ölöp mōtzin.’ Nani kukōsum qakņe qahō asuhiba kinjal. Melaim niņgiyōhi, yaņōn melaimelai Toņi ölni aiga i qahō mōt kutum waņgiba malje. ²⁹ Yaņōn melaim niņgiiga yaņgōreņōk eralaņgōra i ölöp mōt waņgizal.”

³⁰ Mewō jiiga i memba jōhöbingō mōtketmō, nalōņan qahō kam kuņguyōhaņgōra aka kunņan silene qahō meyōk. ³¹ Mewō mōtketmō, ambazip kambu yeņgōreņōk gwōtpukņan mōt narim waņgiba kewō jiget, “Kraistnōņ kamawi, yaņōn mōnō azi ki oņgita aņgōletot memba malma me denōwō? Mewō tandōk akza.” Mewō.

Jisōs memba jōhömegōra naņgu galōm melaim eņgigetka kaget.

³² Ambazip kambu yeņōn Jisōsgōra mewō goranora jiba jitnakōlik akeri, mi Farisi (Kōna keugō kapaņkōlköl) yeņōn mōtket. Mi mōta jike nup galōm yembuk kindā naņgu galōm (sikiriti) tosatņi melaim eņgigetka memba jōhöbingō kaget. ³³ Kagetka Jisōsnōņ kewō jiyōk, “Nōņōn embuk nalō törōptōkņi toroqeba malmam. Mi malagun eņgōmosōta melaim niņgiiga erali, mōnō yaņgōreņ liliņgōba öņgōmam. ³⁴ Öņgōbiga gōraim niņgiba malmemō, ni qahō miwikņaim niņgime. Nōņōn miri malmami, iņini miangōreņ kabingō osime.”

³⁵ Mewō jiiga Juda jitņememe yeņōn sutņine kewō erauget, “‘Nini miwikņaim waņgibingō osibin,’ jiza. Miangōra mōnō denikeaņgōreņ öņgōmamgōra jiza? Juda ambazip tosatņan denja kantri tosatņe anda Grik yeņgō sutņine maljei, mōnō yeņgōreņ anda Grik ambazip kusum eņgimamgō mōta jiza me? ³⁶ Keu kewō jiza, ‘Gōraim niņgiba malmemō, ni qahō miwikņaim niņgime,’ aka keu kun kewō jiza, ‘Nōņōn miri malmami, iņini miangōreņ kabingō osime.’ Keu yahōt mietkō kōnaņiri denōwō?”

Malmal kōhöikņaņgō oņan mōnō jeņi tohoba kaņgotma.

³⁷ *Mewō eraugetmō, kendon sōņgaigeri, miangō wehōn qōndōkņi ketani mianōn kam kuņguiga Jisōsnōņ kindā kōhöikņanōk qeta kewō jiyōk, “Kunņan ogōra kōmuzawi, yaņōn mōnō nōņgōreņ kaba nema. ³⁸ *Buņa Kimbigō keu kun kewō ohoget ahōza, ‘Kunņan ni mōt narim niņgizawi, yaņgō uruņeyōk malmal kōhöikņaņgō oņan mōnō tohoba saksakōba kaņgorakņa.’ ”

³⁹ Mewō jiyōkmō, keu mi Uņa Tōrōņaņgōra aka kewō jiyōk, “Denike eņōn ni mōt narim niņgizei, iņini mōnō Uņa Tōrōņi buņa qem aņguba malme.” Anutunōņ Jisōs gōlmenōņ malōhaņgō dop Suepkō asakmararaņi qahō al waņgiiga malōk. Miangōra Uņa Tōrōņi qahō melaigā eta uruņine geiga öne malget. Mewō.

Ambazip sutņine jujul ahui malget.

⁴⁰ Jisōsnōņ mewō jiiga ambazip kambu yeņgōreņōk tosatņan keu mi mōta kewō jiget, “Azi kianōn mōnō ölni kezapqetok azi asuhumapkō jigeri, mōnō mia akza.”

⁴¹ Tosatņan jiget, “Yaņōn Amōtqeçe Toņi Kraist akza.” Mewō jigetmō, tosatņan qetala jiget, “Kraistnōņ mōnō denōwō Galili prowinsnōhōk kabawak? Mi qahō dop kōlja.

⁴² *Buņa Kimbinōņ kewō jiza, ‘Kiņ Deiwidnōņ Judia prowinsgō taon morōņi Betlehem miangōreņ malōhi, Kraistnōņ miangōreņōk asuhiba Deiwidkō gwōlōnarōkurupņi yeņgōreņōk kunņan akņa.’ ”

⁴³ Mewō mewō laņ jigetka ambazip kambu yeņōn Jisōsgōra aka jula denget. ⁴⁴ Yeņgōreņōk tosatņan memba jōhöbingō mōtketmō, kunņan silene qahō meyōk. Mewō.

Juda galōm yeņōn Jisōs qahō mōt narim waņgiget.

* 7:37: Lew 23.36 * 7:38: Eze 47.1; Zek 14.8 * 7:42: 2 Sml 7.12; Mai 5.2

⁴⁵ Jöwöwöl jikegö kiripo galöm (sikiriti) yeñön lilingöba jike nup galöm aka Farisi (Köna keugö kapañkölköl) yeñgöreñ kagetka kewö jim enjiget, “Inini wuanöñgöra i qahö memba kaze?”

⁴⁶ Jim enjigetka kewö melenget, “Azi mianön keu jimakzawi, kunñan nalö kunöñ keu tandökñi mewöñi qahö jiyök.”

⁴⁷ Mewö melengetka Farisi (Köna keugö kapañkölköl) yeñön qesiba jim enjiget, “Inini tok enjololon ak enjii malje me? ⁴⁸ Galömkölköl azi neñgöreñök kunñan mönö i qahö möt narim wangiyök. Aka Farisi (Köna keugö kapañkölköl) neñgöreñök kunöñ kun uruñi yañgöreñ göröken melenök me qahö? ⁴⁹ Mewö qahöpmahöpmö, ambazip kambu Mosesgö Köna keu qahö möt kutuba Jisösgö keu möta kopa keu lañ jimakzei, yeñgöra muat! Anutunöñ mönö i qesuahöm enjiiga ayuhume.”

⁵⁰ *Mewö jim enjigetka azi qetñi Nikodemus mutuk Jisösgöreñ kaiga qambañ wangiyöhi, yañön mewöyök yeñgöreñök kun aka sutñine tata kewö jii mötket, ⁵¹ “Azi kunöñ siñgisöndok ahöhi, mi qahö qesiinga jiiga möta töndup kewöringa dop kölja me qahö? Qahö kewöta keuñi öne jim teköbin ewö, mönö naninak Köna keunini qebin me? Mi qahö dop kölma.”

⁵² Mewö jii möta kewö melen wangiget, “Gi mewöyök Jisös ewö melenja Galili qandak azia akzan me? Galili prowinsnöhök kezapqetok azi kun qahö asuhumawi, mi mötzin. Mewö mi nangak Buña Kimbi oyoñda könañi jaruba möt kutuman.” ⁵³ Mewö jitnakölik aka jula denja miriñine anget. Mewö.

8

Ambi kunöñ serowilin aiga miwikñajiget.

¹ Miriñine angetmö, Jisösnöñ anda Oil ip kundunje öngöyök. ² Öngöba ahöba miri gianjiiga söñanök kunbuk lilingöba jöwöwöl jikenöñ öngöiga ambazip kambu pakpak kaba liliköm wangigetka eta tata kusum enjyök.

³ Kusum enjiiga Köna keugö böhi aka Farisi (Köna keugö kapañkölköl) yeñön ambi kun wangita yañgöreñ kaget. Ambi mianön sero yongorö ahiga miangöra memba jöhögeri, mi wangita kambu jeñine alget. ⁴ Jeñine ala Jisösgöra jiget, “Böhi, ambi kianön qesabulum ahiga mönö miangöreñök miwikñajiba memba kazin. ⁵ *Mosesnöñ Köna keu ala miangöreñ ambi mewöñi mi kötnöñ gila qeinga kömumapköra jim kutum neñgiyöha ahöza. Mewö ahözapmö, göñön yañgöra denöwö jiman?”

⁶ Mewö jiba miangöreñ möndöba Jisös keugö bötaknöñ öroi qaköiga qebingö könañi ahui keu jakeñe albingöra jiget. Mewö jigetka sipköba eta böröñan kulem kun gölmenöñ ohoyök.

⁷ Ohoyökmö, toroqeba kapañ köla qesim wangigetka hök ala wahöta diñdiñi kindi kewö jii mötket, “Enögöreñök kunñan siñgisöndok kun qahö aka maljawi, yañön mönö ölop köt mutukñi memba gila qema.” ⁸ Mewö jii mötketka kunbuk sipköba eta kulem kunbuk gölmenöñ ohoyök.

⁹ Jisösnöñ keu jiyöhi, mianön engömembra jöhöiga nanñini siñgisöndokñini gamuñambuk akeri, mi Anutunöñ kondeliga nanñini uruñinan nañgöba jiiga isikusukñini qahöwahök. Mianön qahöwahiga keu göröñ kingetka bohonñinan mutuk engömosöta aniga yañgö nemböñan andöñe aniga tosatñi mohot mohot yeñön mömölaköba körek an teköget. Qöndökñan aniga Jisösnöñ zoñ kunguba tari ambinöñ nanñök yambuk kinök. ¹⁰ Jisösnöñ hök ala wahöta diñdiñi kindi ambi eka kewö jii mörök, “Ambi, keu jakeñe al gihibingö jizei, yeñön mönö denike gi sök ni sök anjeje? Yeñgöreñök kunöñ kindi gi kömumangö keuñi qahö jim teköza me?”

* 7:50: Jon 3.1-2 * 8:5: Lew 20.10; Dut 22.22-24

11 Jii möta melenök, “O Kambu, kunöŋ qahö jim teköm niŋgiza!” Mewö meleniga jii mörök, “Nöŋön mewöyök gi qahö jim teköm gihizal. Gi mönö dölki könahiba siŋgisöndok kunbuk kude aka malman.” Mewö.

Gölme dop neŋgö asaknini mi jisös.

12 *Jisösönöŋ keu kunbuk suariba kewö jii mötket, “Nöŋön ambazip gölmeŋi gölmeŋi tat anjei, eŋgö asaknini akzal. Kunŋan ni nuatangöba kamawi, yaŋön mönö söŋaupnöŋ jipjap qahö qeba malmappmö, malmal köhöikŋaŋgö asakŋi miangö uruŋe malma.”

13 *Mewö jiiga Farisi (Köna keugö kapaŋkölköl) yeŋön kewö jiget mörök, “Nanganök könaŋamgi naŋgöba jim asarimakzani, miangön mi qahö dop köl köhöiza. Qahö!”

14 Mewö jiget möta kewö jii mötket, “Nöŋön denikeyök eta kayali aka denike anda öŋgömami, mi möt teközal. Miangöra nanak könaŋamni naŋgöba jim asarimakzali, keu mi mönö ölop dop köl köhöiza. Mi köhöizapmö, iŋini nöŋgö könani mi ölna qahö möt kutuze.

15 Eŋön ambazip sileŋini miyöhök eka mewö miangön bahösapsap kewöt eŋgiba keuŋini laŋ jim tekömakzemö, nöŋön ambazip kungö keuŋi qahö jim tekömakzal.

16 “Ni nanök qahö maljalmö, Iwi melaim niŋgiyöhi, yaŋön mönö nömbuk kini maljit. Miangöra kungö keuŋi jim teköbilenak ewö, mi mönö diŋdiŋanök kewöta dopŋe jim teköbilenak. 17 *Yahötŋan keu kun urumohot aka naŋgöba jiyohotka dop köl köhöimakza. Keu mi eŋgö Köna keuŋine mewöyök ohoget ahöza.

18 “Nöŋön nani könaŋamni naŋgöba jimakzal aka Iwi melaim niŋgiyöhi, yaŋön mewöyök nöŋgö könaŋamni naŋgöba jimakza. Miangöra yahöt akziga miangön ölop dop köla köhöim teköza.”

19 Jisösönöŋ mewö jii möta kewö qesim waŋgiget, “Göhö Iwigi mi denike malja?” Qesim waŋgigetka melenök, “Iŋini ni aka Iwini netkö könaŋamniri qahö möta malje. Iŋini nöŋgö könaŋamni möt kutubeak ewö, mönö nöŋgö Iwini mewöyök möt waŋgibeak.”

20 Jisösönöŋ jöwöwöl jikegö naluk dum kösutŋe kinda ambazip kusum eŋgiba keu mi jiyök. Mi jiyökmö, nalöŋan qahö kam kuŋguyöhaŋgöra aka kunŋan i qahö memba jöhöyök. Mewö.

“Denike öŋgömami, iŋini miangöreŋ öŋgöbingö osime.”

21 Jisösönöŋ keu kun kewö toroqeba jii mötket, “Nöŋön eŋgömosöta anda malbiga iŋini ni göraim niŋgiba malme aka siŋgisöndok akeri, miangöreŋ qekötahöba kinda kömum köhöime. Miangöra denike öŋgömami, iŋini miangöreŋ öŋgöbingö osime.”

22 Juda jitŋememe yeŋön mi möta jiget, “Kewö jiza, ‘Denike öŋgömami, iŋini miangöreŋ öŋgöbingö osime.’ Keu mi denöwö? Imbi aumangöra jiza me?”

23 Mewö jigetka jii mötket, “Iŋini gölme kiangö toni aka maljemö, nöŋön miri gölme euyangö buŋaya akzal. Eŋön gölmeŋöŋ ahuba gölme kiangö buŋaya aka maljemö, nöŋön mutuhök gölme kiangöreŋ qahö ahuyal. 24 Qahö ahuba malmalgö könaŋi nalö dop mala korali, nöŋön mönö mia akzal. Nöŋgöra mewö qahö möt narize ewö, mönö siŋgisöndok akeri, mi qahö mosötpiga miangöreŋ qekötahöba kinda kömum köhöime. Könaŋi miangöra aka kewö jibi mötze, ‘Iŋini siŋgisöndok akeri, mönö miangöreŋ qekötahöba kinda kömum köhöime’. Keu mi ölna.”

25 Keu mi möta kewö qesim waŋgiget, “Gi mönö niŋia akzan?” Qesim waŋgigetka melenök, “Könaŋamni lök indelbiga mötzei, nöŋön mönö mia akzal. 26 Nöŋön eŋgöra keu gwötpuk ölop toroqeba jibilenak aka siŋgisöndok gwötpuk akeri, miangö keuŋi ölop jim teköbilenakmö, melaim niŋgiyöhi, yaŋön mönö nöŋgö melaimelai Toni ölni akza. Yaŋön keu jiiga yaŋgöreŋök möta kota maljali, nöŋön mönö keu mi aukŋe jibiga gölmeŋi gölmeŋi yeŋön mörakŋe.”

27 Mewö melenökmö, Iwigöra keu suariba jiyöhi, yeŋön mi qahö möt asariget.

28 Jisösönöŋ toroqeba kewö jii mötket, “Nöŋön malmalgö könaŋi nalö dop mala korali,

* 8:12: Mat 5.14; Jon 9.5 * 8:13: Jon 5.31 * 8:17: Dut 19.15

mönö mia akzal. Mianğö könani mi könangep ölop möt asarime. Nöñon yuai kun nani ösumnan me nani imbinanğö dop qahö ahakzalmö, Iwinan keu kusum ningiba malöhi, mönö mianğö dop keu jitni ki jimakzal. Keu kötni yahöt mianğö könani mi könangep möt asarime. Injini Suep gölmegö Azi Ölñi kösökögetka eu öngöba kömumawi, nalö mianğören mi ölop möt asarime.

²⁹ Melaim ningiyöhi, yanön mönö nömbuk kini maljit. Ahakmeme möri dop köl wanğimakzawi, nöñon mönö sundan mia ahakzal. Mianğöra yanön qahö nömosöriğa nanök qahö maljal.”

³⁰ Keu mewö jiyöhanğöra aka ambazip gwötpukñan uruñini melenđa Jisös möt narim wanğiget. Mewö.

Abrahamğö gwölönarökurup munenji aka Jisös.

³¹ Jisösnöñ Juda ambazip tosatñan möt narim wanğigeri, yenğöra keu kewö jii mötket, “Nöñgö Buña keunan uruñine geiga mianğören qekötahöba kinje ewö, mönö ölña nöñgö gwarekurupni akze. ³² Mewö mala keu ölñanğö könani möt kutugetka Buña keu ölñan injini bölöhanğö kösönöhök pösat enğiiga solanji (fri) aka malme.”

³³ *Mewö jii möta melenđa kewö jiget, “Nini Abrahamğö gwölönarökurupñi mala könagesö walñi akzin. Mewögöra azi kunöñ kösö gwarö mem nenğiiga maljinanğö jizani, mi qahö. Nini mönö nalö kunöñ etqeçenji mewö qahö aka malin. Aiga gi denöwögöra aka kewö jizan, ‘Kösönöhök pösat enğiiga solanji aka malme?’ Keu mi qahö dop kölja.”

³⁴ Mewö jigetka kewö melen enğiyök, “Nöñon keu öl töhöñni kun kewö jibi mötket: Singisöndok akzei, körek yenön singisöndokö welenqeçe omanji töwa qahö aketka mianğö kösöñan köpeim enğimakza. ³⁵ Köpeim enğimakzapmö, welenqeçenöñ tonanğö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

³⁶ “Nahönñan bölöhanğö kösönöhök pösat enğiiga solanime ewö, enön mönö ölña kösö gwarö qahö solanji (fri) aka malme. ³⁷ Injini Abrahamğö gwölönarökurupñi maljei, mötzalmö, bölöhan uruñini gwözönjawanğöra nöñgö Buña keunan mösösönihim enğiba kondondönğöba erakza. Könani mianğöra mönö kapan köla ni nuñgubingö mötze. ³⁸ Nöñon Iwinanğö qöhöröñe mala yuai eka mala korali, mianğö keuña jimakzal. Enön mewöyök iwiñinan keu jii mötkeri, mianğö dop ahakze.”

³⁹ Jisösnöñ mewö melen enğiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Injini Abrahamğö gwölönarökurupñi akeak ewö, mönö yanğö ahakmemenji wuatänğögetka dop kölbawak. ⁴⁰ Mianğö tandökñi kewö akza: Nöñon Anutugö jitneyök keu möta mianğö dop keu ölbölñi mi jibi mörakze. Nalö kewöñe injini kapan köla azi ni nuñgubingö mötzemö, Abrahamnöñ mewö qahö ahök. ⁴¹ Nanñini iwiurupñinanğö ahakmeme miyök wuatänğöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak nenğiza.” Mewö.

“Bölöñi Tonanğö buñaya akze,” jiyök.

⁴² Jisösnöñ kewö jii mötket, “Anutunöñ nanñak iwi ak enğibawak ewö, nöñon yanğörenök eta asuhualanğöra mönö ölop ni uru jöpaköm ningibeak. Nani ösumnöñ nam kölīga qahö asuhuyalmö, Anutunöñ melaim ningiiga eta maljal. ⁴³ Keu jimakzali, mi wuanöñğöra möt asaribingö lömbörimakze? Nöñgö keunan uruñini undenjawanğöra mi möt kutubingö olan qeba zikzik tökömakze. Mewögöra mi möt asaribingö osimakze?”

⁴⁴ “Mönö iwiñini Bölöñi Tonanğö buñaya akze. Sihim kömbönanñinan mönö iwiñinanğö sihimñi bölöñi wuatänğöbingöra ahöza. Yanön könakönahineyök ambazip enğuget kömukömu azia aka kota malja. Keu ölñan uruñe qahö kinjawanğöra aka keu ölñi onğita lolonqalolon kinja. Munen jiji azia aka munen jijigö iwiñi akzawanğöra munen jimakzawi, mi mönö nanñi uruñanğöra jimakza.

* 8:33: Mat 3.9; Luk 3.8

⁴⁵ “Yañön munen jimakzapmö, nõñön keu ölñi jimakzal aigun inini ni qahö möt narim niñgimakze. ⁴⁶ Inini körekñan nõngö kõnani kewö kondelbingö osize: Yañön siñgisöndok aka keuñambuk malja. Kõnañamni mewö jaruzemö, nõñön keu ölñi jimakzali, mi mõnö wuanõngöra qahö möt narim niñgize?”

⁴⁷ “Kunñan Anutugö buña akzawi, yañön mõnö Anutugöreñ keu kezap ala mörakza. Inini Anutugö buña qahö akzeañgöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

⁴⁸ Jisösnöñ Juda ambazip yeñgö kõnañini indeliga likepñi melenña kewö jiget mörök, “Gi Samaria prowinsgö lolonqalon azia aknõnga ömewörömenõñ uruge geiga maljan. Mewö jiba dopñe jizin me qahöwi, mi ölöp nangak jinõñ mörin.”

⁴⁹ Mewö möta kewö melenñök, “Ömenõñ urune qahö geiga maljal. Ni Iwinanök göda qem wañgiba maljal aigun töndup eñön gamu qem niñgimakze. ⁵⁰ Mewö ahakzemö, nanak qetbuñanambuk akñamgö jaram qahö timakzal. Mohot kunñan mewö akñamgö bimñi qeba malja. Azi yañön mohot kewöt niñgiba ‘Dop köljan,’ jiba jim teköm niñgimakza. ⁵¹ Nõñön keu öl töhõnñi kun kewö jibi mötket: Kunñan nõngö Buña keuni tem köla wuatangömakzawi, yañön mõnö nalö kunõñ kömup köhöikñangö buñaya qahö akña.”

⁵² Mewö melenñiga Juda jitñememe yeñön Jisös kewö jiget mörök, “Abraham aka kezapqetok ambazip yeñön kömuget aigun göñön töndup kewö jinõnga siksauk akza, ‘Kunñan nõngö Buña keuni tem köla wuatangömakzawi, yañön nalö kunõñ kömup köhöikñangö buñaya qahö akña.’ Mewö jizanañgöra gi öme kunõñ uruge geiga maljan. Mi döлки ölöp möt asarizin. ⁵³ Neñgö bömönini Abraham kömuyöhi, göñön mõnö i ongita yañgö ketañamñi akzan me? Kezapqetok yeñön mewöyök kömuget. Gi nangahöra mötnõñ õngöiga ‘Ketañi niñia akzal?’ jiba mötzan?”

⁵⁴ Mewö jiget möta kewö melenñök, “Nanañgöra mötpi õngöiga Anutugö aködamunñi mi nana buña qem añgubilenjak ewö, qetbuñani mi mõnö nesak akawak. Iwinan nanñi aködamunñi niñgiyõhanñgöra aka qetbuñanambuk aka maljal. Eñön yañgöra ‘Neñgö bem Anutunini akza,’ jize. ⁵⁵ Eñön kõnañi mi ölöp qahö möt kutumakzemö, nõñön i ölöp möt wañgizal. ‘I qahö möt wañgizal,’ jibilenjak ewö, mõnö inini ewö tilipqilip azi akilenjak. Ni azi mewõñi qahö akzalmö, i ölöp möt wañgizal aka yañgö keuñi tem kölakzal. ⁵⁶ Engö bömönñini Abrahamnõñ ni gölmenõñ eta malmangöra mamböta nalö mi ekñamgöra uru sösõngai aka malök. Nalö kewõñe Suepnõñ mal köhöiiga nõñön asuhubiga nõngö nalöni eka miangöra sõñgaiyök.”

⁵⁷ Mewö melenñiga Juda jitñememe yeñön kewö jiget mörök, “Yambugi (yara) 50 qahö ongita miangö bapñe maljan aka ‘Abraham ehal,’ jinõnga qahö dop kölja.”

⁵⁸ Mi möta jii mötket, “Nõñön keu öl töhõnñi kun kewö jibi mötket: Abrahamnõñ qahö asuhuiga nõñön lök nalö miangöreñ malal.”

⁵⁹ Mewö jii möta kötnõñ gila qebingöra köt umburañgöba megetmö, Jisösnõñ tölapköba jöwöwöl jikegö tohoñi mosöta ölõñ köla anök. Mewö.

9

Jisösnöñ jegömöl azi kun mem ölöwahök.

¹ Jisösnöñ toroqeba kõna anda azi kun nam körö uruñeyök jegömöl asuhuyöhi, mi ehök. ² Mi ehiga gwarekurupñan qesim wañgiba jiget, “Ketañamnini, yañön mõnö dagö siñgisöndoköra aka jegömöl mewõñi asuhuyök? Nanñi siñgisöndoköra me iwinamñi yetkö siñgisöndoköra?”

³ Jigetka kewö melenñök, “Nanñak siñgisöndok kun qahö ahök aiga iwinamñan siñgisöndok qahö ahotmö, Anutugö kukösumñan yañgö malmalñe aukñe asuhumapköra mewö ahuyök. ⁴ Wehönõñ asariba ahözawañgöreñ mõnö melaim niñgiyõhanñgö nuwa

töp memba malbin. Sunjem akɲawi, miangöreɲ körek nup membingö osibin. ⁵ *Nöñön gölmenöɲ malmamaɲgö dop gölmenji gölmenji engö asakɲini aka asariba malmam.”

⁶ Mewö jiba gölmenöɲ söutköi geiga gwakötak melenɲa jegömöl azigö jene timbilyök. ⁷ Timbiliba kewö jim kutuyök, “Gi mönö Siloam o aɲgönöɲ anda jegi saɲgoɲman.” (Siloam qet mi nanine keunöɲ Melaimelai azi.) Mewö jim kutuiga anda jeni saɲgoɲni tohoiga ui asariiga lilingöba miriɲe kayök.

⁸ Mewö kaiga alaurupɲan kösutɲe malgeri aka tosatɲan mutuk nene yuaigöra ulet engiba mali ekeri, yeñon i eka jiget, “Jegömöl azi nenegö uleta tata malöhi, yañon azi mia me?”

⁹ Tosatɲan jiget, “Yañon mönö mia.” Tosatɲan jiget, “Qahö, kaisoɲgolomɲi i ewö akzapmö, yañon qahö.” Mewö mewö jigetka nanɲak jiyök, “Nöñön mönö ia akzal.”

¹⁰ Mewö jiiga kewö qesiget, “Jegi mönö denöwö aknönɲa tohoza?”

¹¹ Qesigetka kewö melenɲe engiyök, “Azi qetɲi Jisös qerakzei, yañon söutköi gwakötaknön geiga melenɲa jene timbiliba jim kutuba kewö jiyök, ‘Gi mönö Siloam o aɲgönöɲ anda jegi saɲgoɲman.’ Mewö jiiga o miangöreɲ anda jeni saɲgoɲbi tohoiga ubi asariyök.”

¹² Mewö melenɲe engiiga kewö qesiget, “Azi mi denike malja?” Qesim waɲgigetka “Qahö mötzal,” jiyök. Mewö.

Farisi yeñon jeni tohoyöhaɲgöra qeqesi alget.

¹³ Azi jegömöl malöhi, yañon “Qahö mötzal,” jiiga ambazipnön i waɲgita Farisi (Köna keugö kapaɲkölköl) yeɲgöreɲ anget. ¹⁴ Jisösnön söutɲan gwakötakpuk melenɲa jene timbiliba metohoyöhi, mi mönö Sabat kendon nalöɲe meyök. ¹⁵ Miangöra Farisi yeñon mewöyök kewö qesim waɲgiget, “Jegi mönö denöwö aknönɲa tohoza?” Qesim waɲgigetka kewö melenɲe engiyök, “Azi miangön mönö söutɲan gwakötakpuk melenɲa jene timbiliiga anda jemesoholni saɲgoɲda jeni ubi asariza.”

¹⁶ Mewö melenɲe engiiga Farisi yeɲgöreɲök tosatɲan jiget, “Azi miangön Sabat kendon köteközawi, miangöra mönö Anutugöreɲ azia qahö akza.” Tosatɲan jiget, “Mewö qahö! Azi goɲgoɲni kunɲan mönö denöwö aka aɲgöletot mewöɲi memamgö köhöibawak?” Mewö mewö jiba nanɲini jula denget.

¹⁷ Mewö dengetka jegömöl azi miangöreɲ kunbuk lilingöba jiget, “Jegi metohoyöhi, yañgöra mönö denöwö jiman?” Mewö jigetka “Kezapqetok azia akza,” jiyök.

¹⁸ Mewö jiiga jeni ölna gömöliyöha tohoiga uyöhi, Juda jitɲememe yeñon mi qahö möt nariget. Qahö möt nariba uruyahöt kinda iwinamɲi öröm etkigetka kayohot. ¹⁹ Kayohotka kewö qesim etkiget, “Azi ki etkö nahönɲira me qahö? ‘Jegömöl asuhuyök,’ jizahotmö, denöwö aka mönö dölkɲi jeni uba ekza?”

²⁰ Qesim etkigetka kewö melenɲehot, “Azi ki netkö nahönira akza aka jegömöla asuhuyök, mi ölop mötzit. ²¹ Mewö mötzitmö, denöwö aka dölkɲi jeni uba ekzawi, mi qahö mötzit. Dañon jeni metohoi uzawi, niri mewöyök qahö mötzit. Gömokɲi qahö, lök qariba töwatɲi jörak alalɲa aka mötkutukutuɲambuk akza. Miangöra mönö nanɲaɲgö qesigetka könaɲi ölop jima.”

²² Juda jitɲememe yeñgöra kenɲgötɲiri möta mewö jiyohot. Yeñon sutɲine keu kewö jöhöba urumohot aka kinget, “Kunɲan Jisös Amötqeqe Toɲi Kraist akzawi, mewö jim miwikɲajima ewö, i mönö köuluk miri kambunöhök közöl waɲgibin.” ²³ Keu miangöra aka kewö jiyohot, “Gömokɲi qahö, lök qariza. Miangöra mönö nanɲi qesim waɲgime.”

²⁴ Miangöra azi jegömöl malöhi, mi kunbuk öröget kaiga kewö jiget mörök, “Azi mi siɲgisöndok azia akza, mi mötzin. Miangöra mönö Anutugö qetbuɲaɲi möpöseinöɲga aködamanɲambuk ahi dop kölma.”

²⁵ Mi möta kewö melenɲök, “Siɲgisöndok azia akza me qahö, nöñon mi qahö mötzal. Mohot kewöyök mötzal: Nöñon jegömöl malalmö, dölkewöɲe kunbuk ölop uba ekzal.”

* 9:5: Mat 5.14; Jon 8.12

²⁶ Mewö melenjiga kewö qesim wanjiget, “Wani yuaia ak gihiza? Jegi mönö denöwö metohoza?”

²⁷ Qesim wanjigetka kewö melenj engiyök, “Nöñön lök melenj engizalmö, enñon keu jizali, mi qahö mötze. Wuanöngöra mi kosikñi kunbuk jibi mötpingö kapan kölje? Enñon mönö mewöyök yangö gwarekurupñi akingö mötze me?”

²⁸ Mewö melenj engiiga mepaqepaik aka uruqege keu töhörenj kewö jim wanjiget, “Gi mönö yangö gwarekña akzanmö, neñon Mosesgö gwarekurupña maljin. ²⁹ Anutunöñ Mosesya Buña keu wanjii mötzinmö, azi mianñon mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yañon denikeyök asuhuyöhi, inñini mianñöra tok kök qeba tönpin akzeañöra mi welipközal. Ölña welipközalmö, töndup nöngö jeni metohoiga ölop uba ekzal. ³¹ Ambazip gonjonñi yeñon Anutu köulukögetka qahö möt engimakza, mi mötzin. Mi mötzinmö, kunñan Anutu göda qem wanjiba dingiba keu jitñi tem köla wuatangömakzawi, yangö köulukñi mönö kezap ala mörakza. ³² Kun jegömöl asuhuiga kunöñ kaba jeñi metohoyöhi, kösohot mewöñi mi mutuhök qahö möta malin. Suep gölmenöñ asuhuyohot, nalö mianñöreñök könahiba kota mala merak mianñöreñ kösohot mewöñi kun qahö mörin. ³³ Anutugöreñök qahö kabawak ewö, yañon mönö yuai mewöñi memangö osibawak.”

³⁴ Mewö jii möta kewö jim wanjiget, “Twinamgan sinjisöndokpuk gölöm alohotka sinjisöndok pakpak miambuk ahuba qarinoñañon merak ninia kusum neñgimangö mötzan. Mi qahö dop kölja.” Mewö jim wanjiba közölgetka gumnöñ erök. Mewö.

Urujenöñ gömöliiga ilingösöñ jipjap malmal.

³⁵ Közölgetka gumnöñ eröhi, keu mianñon Jisösgö kezapñe gei möta azi mi miwikñaiba kewö jii mörök, “Gi Anutugö Nahöññi möt narim wanjizan me qahö?”

³⁶ Mi möta kewö qesiba melenjök, “O Ketañamni, azi mi dañon? Mi jinöñ mötagun i ölop möt narim wanjimam.”

³⁷ Melenjiga kewö jim kutum wanjiyök, “Gi kewö uba neknöñ. Göbuk keu jizali, azi mia mönö nöñon akzal.”

³⁸ Mi möta jiyök, “O Kambu, ni möt narim gihizal.” Mewö jiba sipköba köuluköm wanjiyök.

³⁹ Jisösnöñ jiyök, “Nöñon ambazip kewöta keunini jim tekömangöra aka eta gölmenöñ asuhuyal. Nöngöra aka tosatñan jegömöl akzei, yeñgö jeñini tohoiga ölop uba ek kutume. Tosatñi jeñini ölopñi maljei, yeñon nöngöra aka bau jegömöl aka malme.”

⁴⁰ Mewö jiiga Farisi tosatñan kösutñe mianñöreñ kinda keu mi möta kewö qesiget, “Wae! Nini tok jegömöl azia akzin me? Neñgöra jizan me?”

⁴¹ Mewö qesigetka kewö jii mötket, “Inñini ‘Jegömöl akzin,’ jibeak ewö, mönö sinjisöndok qahö ahöm engibawakmö, nalö kewöñe ‘Ölop ek kutuzin,’ mewö jimakzeañöra aka sinjisöndokñinan mönö ahöm köhöim engima.” Mewö.

10

Lama aka galömñini ölopñi.

¹ Jisösnöñ galöm meme keu kewö jiyök, “Nöñon keu öl töhöññi kun kewö jibi mötket: Tosatñan lama tohoñ uruñe öngöbingöra nanñunöhök qahöpmö, sel walöñda gezei, yeñon mönö kegwek aka yoñgorö meme ambazip akze. ² Kunñan nanñunöñ gezawi, yañon lama miengö galömñina akza. ³ Yañon kañgoriga nanñu galömñan eka nanñu öröm wanjiiga eta qeriga lama yeñon keu jölñi ölop möt kutumakze. Galömñinan nanñi lamaurupñi engohola qetñini qeta enñuanñiriga tohoñini mosöta ölop yaigepñe anakze.

⁴ “Nanñi lamaurupñi pakpak enñuanñiriga tohoñini mosöta yaigepñe angetka yañon jitreñememeñini aka mutuk aniga keu jölñi möt kutuzeañöra andöñe wuatangöba anakze.

⁵ Nanɲini galömɲini ölop wuatangömakzemö, kian kunɲan kaiga i qahöpmahöp wuatangöme. Kian yeŋgö keu jölɲini qahö möt kutuzeangöra mönö ziriɲziriɲ aka yaŋgöra kök ala deŋme.”

⁶ Jisösnöŋ keu tölapɲi mi jii mötketmö, keuɲangö könaɲi qahö möt asariba köŋkuɲ qeget. Mewö.

Jisösnöŋ lama galöm ölopɲi akza.

⁷ Köŋkuɲ qegetka toroqeba engöra kewö jiyök, “Nöŋön keu öl töhönni kun kewö jibi mötket: Nöŋön lama tohongö naŋguɲi akzal. ⁸ Nöŋgö andöne kambu galöm pakpak mutuk kageri, yeŋön kegwek aka yoŋgorö meme ambaziwa aket. Mewö akerangöra lama yeŋön i qahö möt kutum engiba malget.

⁹ “Nöŋön mohot lama tohongö naŋguɲi akzal. Denike eŋön Anutubuk köhöiba malbingö jiba nömbuk qekötahöba maljei, nöŋön mönö amöt qem engibiga letotme. Mewö aka lama tohoŋ uruŋe öngöba eta yaigep anda nene gölmeɲi möriamɲambuk miwikɲaimakɲe. ¹⁰ Yoŋgorö meme yeŋön wuanöŋgöra kamakze? Yeŋön yoŋgorö memba neŋguba ayuhum neŋgibingöra kamakze. Yuai murutɲi akingöra qahö. Nöŋön mewö qahö akzal. Nöŋön iɲini malmal köhöikɲi miwikɲaiba oyaenɲkoyaen aka malmegöra kaba maljal.

¹¹ “Nöŋön lama galöm ölopɲi akzal. Lama galöm ölopɲan mönö lamaurupɲi yeŋgöra aka malmalɲi köleɲda engima. ¹² Kunɲan lama toŋi qahö aka bohon memegörök kaba laŋ galöm köl engimakzawi, mi kewö: Kiam kalɲan kaiga eka lamaurup engömosöta unjurata aniga kiam kalɲan lama engöhöba kiom enguba mendeŋ engima. ¹³ Yaŋön yaigewök kaba bohon memegörök ‘Lama galöm köl engimam,’ mi jitnöŋ jiba lama engöra waimanjat qahö möta nesampurek qakɲe mala laŋ unjurata anma.

¹⁴⁻¹⁵* “Nöŋön lama galöm ölopɲi akzal. Iwinan ni möt niŋgiiga nöŋön Iwini möt wangiba maljal. Miangö dop nöŋön nani lamaurupni möt engibiga yeŋön ni möt niŋgimakze. Nöŋön malmalni lamaurupni engöra aka köleɲda mosötmam. ¹⁶ Nöŋgöreŋ lama kambu tosatɲi mi mewöyök ahuba malme. Yeŋön lama tohoŋ kiangö toŋi qahö maljemö, töndup nöŋgö keu jölɲi mörakɲe. Nöŋön i mewöyök enguanɲitpiga miangö dop anda kamakɲe. Könaŋgep kambuɲi kambuɲi mienöŋ mindiriba kambu mohot aketka galöm mohotɲan galöm köl engiiga malme.

¹⁷ “Iwinöŋ kewögöra aka ni urunöŋ jöpaköm niŋgimakza: Nöŋön malmalni mosöta kunbuk guliba mal öngömam. Mi Iwigö jeŋe dop kölja. ¹⁸ Malmalni kunɲan qahö noaŋgitmapmö, mi nanak köleɲda mosötmam. Iwinan jim kutum niŋgiiga nanak malmalni köleɲda mosötmam aka miangö andöŋe kunbuk guliba mal öngömam. Kukösum mewöŋi mi nöŋgöreŋ ahöza.”

¹⁹ Jisösnöŋ keu mi jiyöhaŋgöra aka Juda jitɲememe yeŋgö sutɲine goranora kunbuk asuhuyök. ²⁰ Yeŋgöreŋök gwötpukɲan kewö jiget, “Ömewörömenöŋ uruŋe geyöhawa mala kahapmahap akza. Mönö wuanöŋgöra keuɲi mötɲinak? Muat mosötpin.”

²¹ Tosatɲan jiget, “Keu mewöŋi mi kölkölɲiɲiɲ azigö keu ewö qahö. Ömewörömenöŋ mönö jegömöl ambazip yeŋgö jeŋini denöwö metohobawak?” Mewö erauget.

Juda jitɲememe yeŋön Jisös andö qeget.

²² Mönöwök jöwöwöl jike köl köŋjörata naŋguɲi öröget. Mi yambu (yara) dop mötmöriba kendongö söŋgaibingöra* Jerusalem tokoget. Nalö mianöŋ kam kuŋguiga kömunjaŋ kie uru nalö amötɲi ahök.

²³ Jisösnöŋ jöwöwöl jikegö tohoŋ uruŋe kiŋ Solomongö sombem söraŋambuk qetkeri, miangöreŋ anda liliköyök. ²⁴ Anda liliköiga Juda jitɲememe yeŋön kaba liliköm wangiba

* **10:14-15:** Mat 11.27; Luk 10.22 * **10:22:** Kendon qetɲi Hanuka mi Disemba 25 könaɲiba wehöŋ 8 miangö dop tata söŋgaiget. Miri pakpak kiwa ohotiriget asariiga ip sinɲi tokoba liŋet köla sö söŋgai aket.

kewö qesim wanjiget, “Könañamgi köyatinönga mönö nalö dawik toroqeba mamböttingö mötzan? Gi Amötqeqe Tonji akzan me qahö, mi mönö aukne jinönga mötpin.”

²⁵ Mewö jim qesim wanjigetka kewö melenj engiyök, “Nöñön lök jibiga mötketmö, injini nöngö keuni mi qahö möt narize. Nöñön Iwinangö qetne angöletot ahakzali, mianjön mönö könañamni indela nangöba kondelakze. ²⁶ Mi nangöba kondelakzemö, injini nöngö lama kambu uruñe qahö maljeangöra aka keuni qahö möt narimakze.

²⁷ “Nöñön mönö lamaurupni möt engibiga yeñön mewöyök nöngö keu jölmi möta ni nuatangömakze. ²⁸ Nöñön malmal köhöikni engibiga letota nalö kunöñ qahö kötökñi ayuhume. Kunñan kun i nöngö böröneyök qahö öröba köndenj engima. ²⁹ Nöngö Iwinan i nöngö böröne al engiyöhi, yeñön körek engongita öngöngöñi ketani akza. Mianjöra körekñan i nöngö Iwinangö böröneyök öröba köndenj engibingö osime. ³⁰ Ni aka Iwi netkön mönö mohot aka maljit.”

³¹ Jisösnöñ mewö jiiga Juda jitnememe yeñön kunbuk gölmenöhök köt umburangöba memba mianjön gila qebingö aket. ³² Mewö aketmö, kewö jim engiyök, “Iwinöñ nam köl niñgiiga angöletot ketani gwötpuk aka membiga ekeri, mienjörenjök mönö wania kun mötmöröba ni kötnöñ gila nuñgubingö mötze?”

³³ *Jim engiiga Juda yeñön melenja jiget, “Neñön angöletot ketani aknöñangöra aka qahö kötnöñ gila guhubingö akzinmö, Anutu mepaqepaik ak wanjizanañgö likepñi ak gihibin. Gi gölme azia aigun silegi öne mem öngöba Anutu tandök akñamgö jizan.”

³⁴ *Mewö jigetka Jisösnöñ melenj engiyök, “Buña Kimbinöñ Köna keu kun kewö ohoget ahöza, ‘Anutu nöñön jial: Injini mönö nöngö bemurupni akze.’ ³⁵ Buña Kimbigö keu mi mönö pömsöm qahö qemapmö, pöwöwöm ahöma. Mianjöra Anutunöñ keuñi ali kaba ambazip buñajina ahöhi, Anutunöñ yeñgö qetñini ‘bemurup’ mewö qet engiyök. ³⁶ Ambazip omani mewö qet engiyökmö, Iwinöñ azi mem sarahiba melaiiga gölmenöñ eröhi, eñön mönö denöwö aka yangöra kewö jize, ‘Gi Anutu mepaqepaik ak wanjiba maljan.’ Nöñön ‘Anutugö nahönñi akzal,’ keu mewö jibiga eñön mönö wuanöngöra mi mötket qahö dop kölja? Injini Anutugörenj Buña keu mi qeze me?”

³⁷ “Nup memakzali, mi eketka Iwinangö ahakmemegö dop qahö ahakza ewö, mönö kude möt narim niñgime. ³⁸ Iwinangö ahakmemegö dop aka memba maljal ewö, könañamni mewö eka mönö möt narim niñgime. Mi keunangöra aka qahö möt naribeak ewö, mönö angöletotnangöra aka töndup möt narim niñgime. Iwinöñ nömbuk qekötahöba kinja aka nöñön Iwibuk qekötahöba kinjali, injini mianjögö könañi möt sölöngöba asarimegöra jizal.”

³⁹ Jisösnöñ mewö jiiga kunbuk memba jöhöbingö mötketmö, börö bapñineyök unjurata eta anök.

⁴⁰ *Engömosöta Jordan o töwatñi kutuba kunbuk likepñe anda Jonöñ mutuk o melun mem engiba malöhi, mianjörenj angota nalö tosatñi toroqeba mianjörenj malök.

⁴¹ Mianjörenj maliga ambazip gwötpukñan yangörenj kangota eka kewö jiget, “Jonöñ angöletot mohot kun qahö meyökmö, keu pakpak azi kiangöra jiyöhi, mi mönö keu ölña jiba malök.” ⁴² Kanjotkeri, yeñgörenjök gwötpukñan uruñini melenja möt narim wanjiget. Mewö.

11

Jisösgö alañi Lazarusnöñ kömuyök.

¹ *Betani taongö azi kun qetñi Lazarus mianjön kawöl yöhöi ahöyök. Maria aka Marta darumun yetkön Betani taon mianjörenjök malohot. ² *Maria mianjön Kambu o köhöwakñambukñöñ miriba nörop jupñan könañi kereñ meyök. Lazarus kawöl yöhöi ahöyöhi, mi yangö nenña. ³ Lazarusnöñ kawöl yöhöi ahöiga nenyahötñan buzup keu

* 10:33: Lew 24.16 * 10:34: Sum 82.6 * 10:40: Jon 1.28 * 11:1: Luk 10.38-39 * 11:2: Jon 12.3

kewö alohotka Jisösgöreñ anök, “Kembu mötnöñ, alami yangö ak gihimakzawi, yangön mönö kawöl yöhöi ahöza.”

⁴ Buzup mi anökmö, Jisösnöñ mi möta kewö jiyök, “Kawöl mianön azi alani kömumapköra aka qahö asuhum wanji ahöza. Miangöra qahöpmö, Anutugö Nahönñan i mem ölöwaka miangöra Suepkö aködamunñambuk aiga ambazipnöñ könanji mi ek kutuba Anutu möpöseigetka qetbuññan asarim sehima. Kawöl mi miangöra aka asuhum wanjiyök.”

⁵ Jisösnöñ Marta, yangö munji aka nenniri Lazarus yengöra ak wanjiiga malök. ⁶ Mewö malökmö, töndup kawölñangö buzupñi möta miri malöhi, miangöreñök sömañ yahöt toroqeba malök. ⁷ Mi mali nalö mi teköiga gwarekurupñi yengöra kewö jii mötket, “Nini mönö Judia prowinsnöñ lilingöba anbin!”

⁸ Mewö jiiga melenget, “Ketanamnini, Juda yeñön uruwale kapañ köla kötnöñ gila guhubingö mötket. Miangöra kunbuk Judia lilingöba anmamgö jizani, mi qahö dop kölja.”

⁹ Mewö melengetka Jisösnöñ keu kewö jiyök, “Wehögö auanji 12 ahözei, kunñan miangö asakñe köna anmawi, yangön mönö yuai kunñan qem mizit qahö ak wanjiiga. Gölmegö asakñan asarim wanjiiga ölop eka anma. ¹⁰ Ölop anmapmö, kunñan kiwanji qahö ahöm wanjiiga sunjem jipjap anmawi, yangön mönö qem mizit miwikñaima.” ¹¹ Keu mi jibagun kewö jii mötket, “Alanini Lazarusnöñ gaunwat ahözapmö, nöñön anda gaunöhök möndöbi wahötma.”

¹² Keu mi möta kewö jiget mörök, “Kembu, ölna gaun ahöza ewö, mönö ölop ahöba ölöwakña.”

¹³ Jisösnöñ Lazarus kömuyöhanjö keu sainji jiyökmö, gwarek yeñön ‘Gauna ahöza,’ jiyöhi, miangö möt bibihiba keu könanji qahö möt kutuget. ¹⁴ Qahö möt kutugeranjöra Jisösnöñ aukñeyök jim miwikñaiiba jiyök, “Lazarusnöñ kömuyöha ahöza. ¹⁵ Nöñön yambuk qahö malbiga kömuyöhanjöra nöñön anda mem gulibiga wahöri eketka mötnariññinan asuhum köhöima. Mewö aiga engöra söñgaiba ‘Simbawon akñe!’ jizal. Mönö wahötketka yangöreñ anin.”

¹⁶ Mewö jim miwikñaiiga Tomas qetñi kun Siwisiwi qetkeri, yangön gwarek alaurupñi yengöra kewö jii mötket, “Nini ölop mohotñe miangöreñ anin. Andagun yambuk kömuin.” Mewö.

Malmal Tonjan nenyahötñi urunji qesawöliyök.

¹⁷ Lazarusnöñ kömumba wehön 4 lök qaksirinöñ ahöi teköiga Jisösnöñ kanjoriga buzupñi mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Miangöra Juda ambazip gwötpukñan Marta Maria nenniri kömuyöhanjöra ‘Soñgon etkekin,’ jiba kaba tatket.

²⁰ Tatketka Martanöñ “Jisös kaza,” jiget möta miri mosöta könanöñ anda miwikñaiyökmö, Marianöñ mire tarök. ²¹ Könanöñ miwikñaiiba kewö jii mörök, “Kembu, gi kiangöreñ malbanak ewö, nenan mönö qahö kömumbawak. ²² Qahö kömumbawakmö, göñön nalö kewöñe mewöñanök Anutugö yuai kungöra köuluköman ewö, mi pakpak ölop miwikñaim gihiiga asuhuma, mewö mötzal.”

²³ Keu mi möta Jisösnöñ jii mörök, “Göhö nengan mönö guliba wahötma.”

²⁴ Mi möta Martanöñ jiyök, “Gölmegö nalö teteköñe kömukömuñi yeñön wahötmei, yangön mönö nalö ketanji miangöreñ guliba wahötmawi, mi möt yaközal.”

²⁵ Mewö jiiga Jisösnöñ jii mörök, “Kömupñöhök wahötwahötkö Tonji mi nöñön akzal. Nanak Malmal köhöikñangö Tonji akzal. Miangöra kunñan ni möt narim niñgizawi, yangön kömumapmö, töndup toroqeba mal köhöiba malma. ²⁶ Kunñan kun gölmenöñ mala möt narim niñgiza ewö, yangön mönö nalö kunöñ qahö kömum köhöima. Qahö! Keu mi möt narizan me qahö?”

²⁷ Martanöŋ keu mi möta jiyök, “O Kembu, mi möt narizal. Göŋön Anutugö Nahönŋi akzan. Amötqeŋe Tonŋi Kraist gölmenöŋ asuhumapkö jigeri, göŋön mönö mia akzan. Mewö möt narizal.” Mewö.

Jisösnöŋ sahöri imbilŋan erök.

²⁸ Martanöŋ keu mewö jiba miriŋe lilingöba anda munŋi Mariagöra keu ölöŋ jiiga göraŋe kaiga jiyök, “Böhinöŋ kaba könanöŋ kinda göhöra endu anda ekŋangöra jiza.”

²⁹ Mewö jiiga Marianöŋ keu mi möta miangörenök i mosöta Jisösgören anök. ³⁰ Anökmö, Jisösnöŋ miri sombemnöŋ qahö kaŋgoriga endu Martanöŋ köna namŋe miwikŋaiba ehöhi, miangörenök kinök. ³¹ Juda ambazip yeŋön Mariabuk miri uruŋe uru qesawölökö tatketka Marianöŋ zilaŋ wahöta gumnöŋ eta aniga eka kewö mötmöriba jiget, “Yaŋön mönö qaksirinöŋ anda sahötma.” Mewö jiba yaŋgö andöŋe wuatangöba anget.

³² Marianöŋ anda Jisös kinöhanŋoren anŋota eka könaŋe sipköba eta kewö jii mörök, “O Kembu, göŋön ki malbanak ewö, nenan mönö qahö kömumbawak.”

³³ Mewö jiba silata qeta sahöriŋa Juda ambazip yambuk kaba naŋgöba mohotŋe sahötkeri, Jisösnöŋ mi eka wösöŋi pölpölgöiga jeŋi asöliiga köna böröŋi jönömŋambuk unduyök. ³⁴ Jönömŋambuk undui qesim enŋiyök, “I denike alget ahöza?” Qesim enŋiiga jiget mörök, “Kembu, kewö kaba eknöŋ!”

³⁵ Mewö jigetka Jisösnöŋ sahörök. ³⁶ Sahöriŋa Juda ambazip yeŋön eka jiget, “Yei! Mönö alaŋangöra önöŋi qahö ak waŋgii malök.”

³⁷ Mewö jigetmö, tosatŋan keu mi qeba kewö jiget, “Jegömöl ambazip jeŋini metohoba malök ewö, mönö ölöŋ Lazarus jiiga qahö kömumbawak me?” Mewö.

Jisösnöŋ Lazarus mem guliiga kömupnöhök wahörök.

³⁸ Mewö laŋ jigetka Jisösgö wösöŋi kunbuk pölpölgöiga jeŋi asöliiga qaksirinöŋ anök. Qaksirinöŋ anda yuai kewö ehök: Köt köteŋ urorohoba qamötŋi miangö uruŋe ala naŋguŋi köt ketaŋan köl közipkögetka tarök. ³⁹ Mi eka kewö jiyök, “Mönö köt qililingögetka anök.” Mewö jiiga azi kömuyöhanŋö nenŋi Marta yaŋön kewö jii mörök, “O Kembuni, sömaŋ 4 ahözawaŋgöra lök wörönŋambuk akza.”

⁴⁰ Jisösnöŋ mi möta Martagöra kewö jiyök, “Gi möt narim niŋgibanak ewö, Anutugö kukösumŋan aködämunŋambuk asuhuiga ekanak. Mutuk keu mewö jibiga mötnöŋ me qahö?”

⁴¹ Mewö jiiga köt qililingöget aniga Jisösnöŋ eu ui öngöiga kewö jiyök, “Iwi, gi köulukni mötzanaŋgöra aka ‘Pipsaiwap!’ jim gihizal. ⁴² Gi nalö dop köulukni mörakzani, mötzalmö, göŋön melaim niŋginöŋga gölmenöŋ erali, ambazip kambu liliköm niŋgiba ki kinjei, yeŋön mi möta möt narimegöra aka keu ki jizal.”

⁴³ Mewö jiba imbiŋi memba wahöta ketaŋanök qeta kewö jiyök, “Lazarus, gi mönö wahöta kaŋgotnöŋ!” ⁴⁴ Mewö qeriga azi kömukömuŋi yaŋön guliba wahöta kayök. Köna böröŋi opo kawukŋambuknöŋ esuha jemesoholŋi opo jöhanŋan köpeiba jöhöget ahöi dundunŋambuk kayök. Mewö kaiga Jisösnöŋ jiyök, “Mönö dundunŋi pösatketka ölöŋ anma.” Mewö.

Juda galöm yeŋön Jisös kömumapkö anŋönaŋ geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagören kaŋgota Jisösnöŋ yuai aiga asuhuiga ekeri, yeŋgörenök gwötpukŋan uruŋini melenŋa Jisös möt narim waŋgiget. ⁴⁶ Möt narim waŋgigetmö, tosatŋan Farisi (Köna keugö kapaŋkölköl) yeŋgören anda Jisösnöŋ yuai ahöhi, miangö kösohotŋi jiget mötket.

⁴⁷ Mi jiget mötketka jike nup galöm aka Farisi yeŋön jike kaunsöl jitŋememe öröm enŋiget tokogetka kewö jiget, “Azi mianöŋ anŋöletot kukösumŋambuk sehisehiŋi memakza-waŋgöra i mönö denöwö ak waŋgiinga dop kölbawak? ⁴⁸ Wakosoraŋ aka yuai kun qahö ak waŋgiinga toroqeba mewö aka malma ewö, mönö ambazip körek pakpak i möt narim

wanğibeak. Mewö aketka Rom gawman yeŋgö irimñini seholiiga kaba nanini jöwöwöl jikenini aka ambazip kambu ki nenguanğitketka öne töhöñ malbinbuk.”

⁴⁹ Mewö jiget tatketka yeŋgöreñök kun qetñi Kaiafas yañön yambu (yara) miangöreñ jike nup galöm bohonñi aka nup mia memba malök. Yañön wahöta goro keu kewö jii mötket, “Inini uru mötmötñinaŋgö kinimñi tok qahö tohoza. ⁵⁰ Inini keu ki ölop qahö kewötze: Nini ambazip kambu körekñanök ayuhuinga lömböt keta bölökñi akapuk. Miangöra azi mohotñan Juda kambu neŋgö aip selnini ala sohpnini memba kömuiga dop kölma.”

⁵¹ Yañön keu mi nanñi imbiñe qahö ahuiga jiyökmö, yambu (yara) miangöreñ jike nup galöm bohonñi malöhañgöra aka nanñak keuñangö könani qahö möta kezapqetok keu jiyök, “Jisösnöñ ambazip kambu neŋgöra aka kömui dop kölma.” Keu mi ölña jiyök. ⁵² Juda ambazip kambu neŋgöröhök qahö kömuyökmö, Anutugöreñ urumelen könagesö gölme dop denqenda mal anjini, nini mewöyök mindirim neñgiiga urumelen kambu mohok aka malbingöra kömuyök. Kömumapkö keuñi mi qeljiñe jiyök.

⁵³ Wehöñ miangöreñök könahiba jitñememe yeñön tokoba mewö eraum möta Jisös kömumapkö keuñi jim köhöiba arenñi alget. ⁵⁴ Miangöra Jisösnöñ toroqeba Juda yeŋgö sutñine aukñe qahö anda kaba malök. Mewö qahöpmö, eñgömosöta gölme qararanökölñangö görane anök. Miangöreñ anda taon qetñi Efraim miangöreñ angota gwarekurupñi yembuk nanñinök malget.

⁵⁵ Juda neŋgöreñ ak-kömukömu kendonöñ töriyök.* Miangöra Juda ambazip gwötpukñan miri dop miriñini mosöta köl könjorat ak anğubingöra möta Jerusalem sitinöñ öngöget. ⁵⁶ Jisös jaruba mala jöwöwöl jikegö tohoñ uruñe kinda eraum möta kewö qesim anğuget, “Jisösnöñ sösongai kendongöra ki kama me qahöpto? Denöwö mötze?”

⁵⁷ Mewö qesim anğugetmö, jike nup galöm aka Farisi yeñön jimkutukutu keu kewö algetka sehiyök, “Kunñan Jisösgö ahöm tatatñi eka mötmawi, yañön mönö neŋgöreñ kaba buzupñi jii möta anda memba jöhöbin.” Mewö.

12

Marianöñ Jisös o köhöwakñambuknöñ miriyök.

Mat 26.6-13; Mak 14.3-9

¹ Anutunöñ mönöwök neñgehoriba neñgonğiröhi, miangö ak-kömukömu kendonñan* töriba sömañi 6 teköiga miangöreñ kam kuñgumamgö ahök. Jisösnöñ nalö miangöreñ miri qetñi Betani miangöreñ anök. Mutuk azi qetñi Lazarus mem gulli kömupnöhök wahöta malöhi, mönö yaŋgö mire anğorök. ² Miangöreñ anğoriga Jisös göda qem wanğibingöra miri kunöñ nene ohoba mözözömgöget. Martanöñ ohom tönden köl eñgiyökmö, azi Jisösbuk mohotñe tata nene negeri, Lazarusnöñ yeŋgö sutñine tarök.

³* Mewö tatketka Marianöñ kelök kirin kun lömbötñi 500 gram mi memba Jisösgöreñ kayök. Kirin mi o umköhöwakñambuk ölñi qetñi nad bohonñi öngöngöñi ketani miangön kokolak qequeña. Yañön mi memba kaba simin köla Jisös könane mimbiliba miriba nörop jupñan kereñ meyök. Mewö aiga miri uruñe tatkeri, mi ogö wöronñan pukpuköba dop köla ahöiga mötket.

⁴ Mewö asuhuiga Jisösgö gwarek yeŋgöreñök kun qetñi Judas Iskariot, könangep Jisös mamalolo meyöhi, azi miangön qetala kewö jiyök, ⁵ “O köhöwakñambuk mi mönö wuanöngöra bohonñi memegöra qahö alök? Iwinaŋgö jitñi! Mi albawak ewö, mönö silim 300:kö töwañi (Kina 1500,-) miangö dop yöhötibawak. Mia ambazip wanapñi eñgiinga dop kölbowak.” ⁶ Mewö jiyökmö, keu mi ambazip wanapñi yeŋgöra waimanjat möröhañgöra aka qahö jiyök. Yeŋgöra aka qahöpmö, yoñgorö meme azia mala moneñ

* **11:55:** Kendon qetñi Nei keunöñ Pasowa jize. Anutunöñ mönöwök Israel ambazip neñgehoriba neñgonğiröhi, miangöra yambu dop nalö ala söngaimakzema. Eksodus 12.15 * **12:1:** Eksodus 12.15 * **12:3:** Luk 7.37-38

gösö kutukutulanjini galöm köli monej alget geiga mianğoreñök kitipñi nanñanğöra memba malök. Mönö mianğöra aka mi jiyök.

⁷ Mewö jiiga Jisösnöñ jiyök, “Inini ambi ki mönö kude jim wañgime. Nöñön kömumbiga löm köl niñgimeañgö nalöñi törizawañgöra ölop sileni o umköhöwakñambuknöñ nömıriza.

⁸ *Ambazip wanapñi mi mönö nalö dop sutñine malakzemö, nöñön embuk nalöñi nalöñi qahö malmam.” Mewö.

Lazarus qebingö keu jöhöba añgöñan alget.

⁹ Jisösnöñ Betani mire malöhi, mi Juda ambazip kambu gwötpukñan möta mianğoreñ kaget. Jisösgöröhök qahö kagetmö, Lazarus kömupnöhök mem gulii wahöröhi, i mohot ekingö likeplikep öröba kañgotket. ¹⁰ Mewö kañgotketmö, jike nup galöm yeñön Lazarus mewöyök qein kömumapkö keu jöhöget. ¹¹ Juda ambazip gwötpukñan Lazarusgöra aka Betani anda uruñini melenđa Jisös möt nariget. Mianğöra keu mewö jöhöget. Mewö.

Jisös köirañ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta mianğoreñ ambazip kambulembenöñ ak-kömukömu kendongöra Jerusalem sitinöñ kañgota malgeri, yeñön buzup keu kewö mötket, “Jisösnöñ Jerusalem kamangö könanöñ kaza.” ¹³ *Keu mewö möta umji böröñi memba könanöñ miwikñaibingö anda kewö jiba qetket,

“Hosana, owe owe! Anutu möpöseizin. Kembangö qetñe kamawi, Anutunöñ mönö kötuetköma! Israel neñgö Kiñ Kembunini owe owe!”

¹⁴ Jisösnöñ donki moröñi kun miwikñaiba mianğö qakñe öngöba tarök. Mi kezapqetok keu kun kewö ohoget ahözawañgö dop asuhuyök,

¹⁵ *“O Jerusalem ambazip Zaion kundunji liliköba maljei, inini mötket, engö Kiñ Kembuninan mönö kama.

Donki moröñañgö qakñe tata kama. Mianğöra keñgötñini mönö kude mötme.”

¹⁶ Jisösgö gwarekurupñan yuai asuhuyöhi, mianğö könañi mutuk qahö möt kutugetmö, könañep ölop möt asariget. Jisösnöñ Suepnöñ öngöba asakmararañambuk malöhi, keu mi nalö mianğoreñ mötmöröba kewö jiget, “Aha! Keu mi mönö Jisösgöra ohoget ahöza aka ambazipnöñ keu mianğö dop ak wañgigetka öljambuk ahök.”

¹⁷ Ambazip Jisösbuk Betani malgeri, yeñön dangunu ewö kinda buzupñi jim sehiget. Jisösnöñ Lazarus qeriga kömupnöhök guliba wahöta qaksirigö köt köteñ mosöta kañgoriga ambazip kambunöñ ekeri, yeñön Jisösgö könañi nañgöba jiba jim asariget. ¹⁸ Jisösnöñ añgöletot mi meyöhi, keu mi mötkerañgöra aka ambazip kambunöñ luluñda köl öröm wañgibingö anget.

¹⁹ Mewö angetka Farisi (Köna keugö kapañkölköl) yeñön nanñinök eraum möta kewö jiget, “Mötket. Gölmeñi gölmeñi ambazip yeñön mönö luluñda öröba yañgö andöñe anakze aka nini keu nup miyök mem bibihiinga ölni kun qahö asuhuza.” Mewö.

Grik ambazip tosatñan Jisös jaruget.

²⁰ Juda ambazip ak-kömukömu kendongöra Jerusalem sitinöñ öngöba Anutu waikñi memba möpöseigeri, yeñgö sutñine Grik ambazip tosatñi mohotñe malget. ²¹ Yeñön gwarek qetñi Filip yañgoreñ kaget. Filipnöñ Galili prowinsgö taon qetñi Betsaida mianğö azia malök. Grik yeñön yañgoreñ kaba qesiba kewö jiget mörök, “Ketañamnini, nini sihimninan Jisös ekingö mötzin.”

²² Mewö jiget möta Andrugoreñ anda keu mi jii mörök. Jii möta mohotñe anda Jisös jiyohot mörök. ²³ Keu mi möta melenđa kewö jiyök, “Suepkö asakmararañan Suep gölmegö Azi Ölni yañgoreñ kunbuk asuhum kutuiga asarimawi, mianğö nalöñan mönö töriza. ²⁴ Nöñön kömupnañgö söpsöp keu öl töhöññi kun kewö jibi mötket: Sehoñ kötñi

* 12:8: Dut 15.11 * 12:13: Sum 118.25, 26 * 12:15: Zek 9.9

gölmenöŋ qahö geba julma ewö, mönö öne miyök ahöma. Mewö öne ahömapmö, geba julma ewö, korapŋan mönö jula öndölböndöl wahöri ölni gwötpuk söhöma.

²⁵*“Miangö dop denike yeŋön malmalŋini nanŋinanŋöra aŋgön köla nanŋini imbi-imbi siyonsayoni qahö malbingö ak enŋimakzawi, yeŋgö malmalŋinan mönö sohoma. Mewö sohomapmö, kunŋan kun nanŋi malmalŋi göragöra ala nia jegep al niŋgimawi, yaŋön mönö malmal ölni öndölböndölŋambuk miwikŋaiba köhöiba teteköŋi qahö mal öngöma. ²⁶ Kunŋan ni welen qem niŋgimangö jizawi, yaŋön mönö ni nuatangöba mali dop kölma. Weleni qemakzawi, mönö ni anda kaba malmamaŋöreŋ mewöyök nömbuk malma. Kunŋan nömbuk mala weleni qem niŋgimakzawi, Iwinöŋ mönö i göda qem waŋgii malma.” Mewö.

Jisösnöŋ kömumba gulimawaŋgö keu saiŋi jiyök.

²⁷ Jisösnöŋ jiyök, “Wösöni döлки kot gwözöŋniga amqam aka maljal. Denöwö jibilenjak? Keu jaruzal. O Iwi, gi ölop aua nalö kewöŋaŋgö köŋjiliŋöhök meköm niŋgiman. Töndup kewögöra mewö qahö köulukömam: Aua kiaŋgö sihimbölöŋi mi mökösoŋda bisimangöra aka nangak qakne aljan. ²⁸ O Iwi, gi mönö nangi aködamungi al niŋgiba qetbuŋagi mem qariman.” Mewö köuluköiga Suepnöhök keu kewö asuhaba erök, “Nöŋön aködamuni lök al gihiba mewö qetbuŋani mem qarial aka toroqeba mem qaribiga sehiba anma.”

²⁹ Keu mi asuhuiga ambazip kambu kinget yeŋön mi möta jiget, “Wöl pöndaŋ qetza.” Tosatŋan jiget, “Suep garata kunŋan yaŋgöra keu jiiga kourukŋi mötzin.”

³⁰ Mewö mewö jigetka kewö jii mötket, “Kouruk mi nöŋgöra aka qahö asuhuzapmö, mi enŋöra aka asuhaba. ³¹ Nalö kewöŋe gölmeni gölmeni ambazip ahakmeme bölöŋi wuataŋgömakzei, yeŋgö kewötkewöt nalöŋinan mönö mesohol köl enŋiza. Anutunöŋ yeŋgö keuŋini jim teköba likepŋi melen enŋiiga qakŋine öngömapkö akza. Nalö kewöŋe Anutunöŋ Bölöŋaŋgö Kembuŋi gölme dop galöm köl enŋimakzawi, mönö i közöliga yaigep etmapkö akza. ³² Yaŋön etmapmö, nöŋgöra kewö asuhuma: Ambazipnöŋ gölmenöhök nömemba könakemba kösököm niŋgigetka öngöba kinbiga köna ahuiga ambazip gölme dop öröm enŋibiga lulunŋa nöŋgöreŋ kaba kambu köla kinme.” ³³ Mi kömup denöwöŋi kömumawi, miangö keu saiŋa mewö jii mötket.

³⁴*Ambazip kambu yeŋön mi möta kewö jiget mörök, “Nini Köna keu oyoŋda kewö mötzin, ‘Kraistnöŋ qahö kömumba teteköŋi qahö mal öngöba malma.’ Göŋön wuanöŋgöra kewö jizan, ‘Suep gölmegö Azi Ölni gölmenöhök memba kösökögetka könakemba öngöba kinma.’ Suep gölmegö Azi Ölni mi daŋön?”

³⁵ Mi möta melen enŋiyök, “Asakŋan nalö töröptökŋi kunbuk sutŋine asariba malma. Söŋaupnöŋ qakŋine öngöba turum enŋii miangö buŋaŋi akepuköra mönö asakŋe anda kaba malme. Asakŋan ahöm enŋimawaŋgö dop mönö asakŋe malme. Daŋön panamanöŋ jipjap anda kamakzawi, mönö denike aŋgotmawi, mi qahö mötza. ³⁶ Miangöra asakŋan nalö dawik embuk malmawi, nalö miangöreŋ mi mönö urunöŋ möt aŋgön köla malme. Asakŋaŋgö könagesö aka malmegöra mönö asakŋi mi möt nariba malme.” Jisösnöŋ keu mewö jiba enŋömosöta tölapköba anök. Mewö.

Juda ketani yeŋgö uruköhöikŋinan qahö löwöriyök.

³⁷ Jisösnöŋ aŋgöletot gwötpuk memba maliga Juda yeŋön mi jeŋinan eketmö, töndup i qahö möt narim waŋgiba silebile malget. ³⁸*Mewö malgetka kezapqetok azi Aisaiagöreŋ keu kun mi ölnambuk asuhuyök. Yaŋön keu mi kewö ohoyöha ahöza, “O Kembu, neŋön Buŋa keu jim asariba uruŋini kuŋgum enŋimakzinmö, daŋön mi möt naribawak? Kembunöŋ kukösumŋi mi mönö dagöra indeli möt asarima?”

* **12:25:** Mat 10.39; 16.25; Mak 8.35; Luk 9.24; 17.33 * **12:34:** Sum 110.4; Ais 9.7; Eze 37.25; Dan 7.14 * **12:38:** Ais 53.1

³⁹ Amötqeqe Toñi môt narim wañgibingö lömböriba osigeri, Aisaianöñ mianğö könañi mōta keu kun qeljiñe kewö jiba ohoyōha ahōza,

⁴⁰ **“Nanñini jeñinan yuai eka könañi ek kutubepuk me uruñinan keu könañi môt asaribepuk. Mi môt asariba uruñini melenjebepuk. Uruñini melenjgetka mem ölöwak enğibilenjbuk. Yañön mewö asuhubapukōra ambazip jeñini mem gömöliba uruñini gwözöñniga malje.”*

⁴¹ Jisösnöñ Suepkö asakmararaññöñ asariba mali Aisaianöñ mewö eka könañi jim asariba keu mi jiyök.

⁴² Jitñememe aka galömkölköl azi yeñğöreñök gwötpukñan mewöyök Jisös môt narigetmō, Farisi (Kōna keugö kapañkölköl) yeñön köuluk miri kambunöhök közöl enğibepukōra mi aukñe qahö jim miwikñaiget. ⁴³ Ambazipñöñ möpöseim enğimeğōra kapañ kölgetmō, Anutunöñ möpöseim enğimapkōra mi qemasolokep aket. Mewö.

Jisösgö keuñan ambazip kewōta keunini jim tekōma.

⁴⁴ Tosatñan mewö aketmō, Jisösnöñ keu qeta kewö jiyök, *“Kunñan môt narim niñgizawi, yañön niyök qahö môt narim niñgizapmō, kunöñ melaim niñgiyōhi, i mewöyök môt narim wañgiza. ⁴⁵ Kunñan ni neka mönō melaim niñgiyōhi, i mewöyök ehakza. ⁴⁶ Ambazip kun ni môt narim niñgizawañön mönō sōñaupnöñ qekötahōba malbapuk. Mianğōra nöñön eta asuhuba gölmeñi gölmeñi enğö asakñina aka maljal.*

⁴⁷ *“Nöñön eta asuhuba gölmeñi gölmeñi enğö keuñini jim tekōmamğōra aka qahö kayalmō, ambazip gölme dop amöt qem enğibiga nalö kewōñe letota Suepkö buñaya akñegōra aka kayala maljal. Mianğōra ambazip nöñgö Buña keuni mōta qahö tem köla wuatañgōmakzei ewö, nöñön yeñgö keuñini qahö jim tekōmam. ⁴⁸ Denike yeñön jijiwilit ak niñgiba Buña keuni qahö môt anğön köljei, yeñgö jim teteköñinan mönō kewö asuhuma: Nöñön Buña keu jibi mötkeri, keu mianğön mönō nalö ketañe keuñini jim tekōiga sihimbölöñini mianğö dop môtme.*

⁴⁹ *“Kōnañi kewōğōra mewö asuhuma: Nöñön Buña keu jiba malali, mi keu omanñi qahö. Mi nani imbineyök qahö asuhuiga jiba kota malal. Mewö qahöpmō, Iwi melaim niñgiyōhañön nanñak keu jit denöwö jimami, mianğö jim kutum niñgiiga jiba kota maljal. ⁵⁰ Iwigöreñ jimkutukutu mianğön mönō inñini malmal köhöikñe al enğimakza, mi mötzal. Mianğōra Iwinan mi jimamğö jim kutum niñgiyōhi, mönō mianğö dop Buña keu jimakzal.”* Mewö.

13

Jisösnöñ gwarek yeñgö könañini sanğonñök.

¹ Ak-kömükömu kendonöñ* törüiga Jisösnöñ könañi kewö môt yaköyök, *‘Gölme mosōta Iwinañğöreñ öñgömamañgö nalöñan mönō töriza.’* Mewö môt yakōba nanñi alaurupñi gölmenöñ malgeri, mi uruñan jöpaköm enğiba mala tetekōñe mianğöreñ mewöyök uru jöjöpñi mi kondel enğiyök.

² Kömumawañgö nalöñan kam kuñgumamğö aiga nalö kunöñ sunğemğö nene nemingö tokoba mohotñe tatketka yuai kewö asuhuyök: Saimon Iskariotkö nahönñi qetñi Judas i Satanöñ lök sölölohöyök. Jisös mamalolo ak wañgimapkö keuñi mi sanjap alı uruñe geiga mōta tarök. ³ Jisösnöñ nanñi könañi mi kewö môt kutuyök, *‘Twinöñ yuai pakpakö kukösumñi mi nöñgö böröne aliga Anutugöreñök eta mala kunbuk yañğöreñ öñgömamğö akzal.’*

⁴ Könañi mewö môt kutuba nene nempa tatkerañğöreñök wahōta malukuñi kötekōba nupkö opo jōhanñi kun memba kemañe köpeiba jōhöyök. ⁵ Mi jōhōba o joutnöñ mokoi geiga könahiba gwarekurupñi yeñgö könañini sanğonñök. Sanğon tekōba opo jōhanñi

* **12:40:** Ais 6.10 * **13:1:** Anutunöñ mönōwök Israel ambazip neñgehoriba neñğonñirōhi, kendon mianğö qetñi Nei keunöñ Pasowa jize. Eksodus 12.15

(tauöl) kemaŋe köpeiba jöhöyöhi, mianjón kōnaŋini kutuyök. ⁶ Saŋgoŋda anda Saimon Pitögö kōnaŋe kaŋgoriga kewö jii mörök, “O Kembu gi welenqeŋe etqeŋeŋi qahö. Göjōn nōngö kōnani saŋgoŋnōŋga qahö dop kölma.”

⁷ Mewö jii möta kewö melenjök, “Yuai dölki akzali, göjōn mianjögö kōnaŋi nalö kewöŋe qahö möt kutuzanmō, kōnaŋepnōŋ mi ölop möt asariba malman.”

⁸ Melenjiga kewö kapaŋ köla jiyök, “Gi mönō nōngö kōnani nalö kunōŋ qahöpmaöp saŋgoŋman.” Mewö jiiga kewö jiyök, “Nōjōn gi qahö saŋgoŋ gihimam ewö, gi mönō nōngö gwarekni toroŋeba malmangö osiman.”

⁹ Mewö jiiga Saimon Pitōnōŋ pōrösöl ala auruba melenjök, “Kembu, mewögōra gi kōnananök qahöp-mō, bōroni aka nōrōpni mi mohotŋe saŋgoŋman.”

¹⁰ Mewö melenjiga kewö jii mörök, “Kunŋan o ariba kaiga kōnaŋi tok saŋgoŋninga töwōtŋi qahö sarakŋi ak tekōma. Injini körek lök sarakŋi ak tekōzemō, mohotnōhök sarakŋi qahö akza.” ¹¹ Daŋjōn mamalolo ak waŋgimangö ahōhi, Jisōsnōŋ mi möta mianjögōra kewö jiyök, “Injini körek sarakŋi qahö akze.”

¹² *Kōnaŋini saŋgoŋ tekōba malukuŋi kunbuk löŋgōta eta tari negetka kewö qesim eŋgiba jiyök, “Nōjōn yuai ak eŋgizali, injini mianjögö kōnaŋi möt asarize me qahö? ¹³ Injini nōngōra ‘Bōhi!’ aka ‘Kembu!’ mewö noholakze aka nōjōn mi ölna akzal. Mianjögōra mi dopŋe jimakze. ¹⁴ Nōjōn eŋgö Kembu Bōhiŋini aka welenqeŋe eretŋaŋgö silik memba kōnaŋini saŋgoŋjal ewö, injini mönō mewōŋanök memba et al aŋguba weleqeŋe aka kōnaŋini saŋgoŋ aŋguba malgetka dop kölma. Mi mönō nupŋina.

¹⁵ “Nōjōn aka kondel eŋgizali, injini mönō mianjögö dop naŋgōba welen qem aŋguba malme. Mewö malmegōra mianjögö silikŋi nōjōn merak kondel eŋgibiga ekze. Mi mötmōriba mianjögö tandökŋi wuatŋögetka dop kölma. ¹⁶ *Nōjōn keu ölä töhōnŋi kun kewö jibi mötket: Welenqeŋeŋeŋ eretŋi aiga toŋan öŋgōŋgōŋi akza. Gwareknōŋ bōhiŋi oŋgita öŋgōŋgōŋi akŋamgö osima. Mewöyök azi kembu kunōŋ garatŋi melaiiga kolek anda nup memakzawi, yaŋjōn mönō kembuŋaŋgö bapŋe malakza. ¹⁷ Injini keu kötni mi merak möt kutuze. Mewögōra silememe mosōta alaurupŋini nembō bapŋine anda malme ewö, nōjōn mönō eŋgōra ‘I-ia simbawoŋ!’ jimam.” Mewö.

Kunōŋ mamalolo ak waŋgimangö qeljine jiyök.

Mat 26.20-25; Mak 14.17-21; Luk 22.21-23

¹⁸ * “Keu jizali, mi mönō injini lökŋanök qahö eŋgōmeza. Nōjōn niŋia möwölöhōba eŋgōmeali, eŋgö kōnaŋamŋini mönō ölop möt kutuzal. Mewö maljalmō, Buŋa Kimbi kun mianjōn ölnambuk aiga dop kölma. Keu mi kewö, ‘Kunōŋ nōngōreŋ nene mohotŋe neziri, yaŋjōn mönō kelewele aka gwakōtŋan tötal niŋgiba nunŋumangö jōjörōza.’†

¹⁹ “Ni ölni kōnaŋep asuhumawaŋgö keuŋa mutuk jizal. Mianjögōra ölni asuhumawi, injini nalö mianjögōreŋ nōngö kōnani möt asariba kewö jime, ‘Aha! Malmalgö kōnaŋi nalö dop mala kota malōhi, yaŋjōn mönō mia akza.’ Mewö jiba möt narim niŋgimegōra nōjōn keu mi qeljine aukŋe jibiga mötze.

²⁰ * “Nōjōn keu ölä töhōnŋi kun kewö jibi mötket: Nōjōn ambazip kun melaibi nup memamgōra kaiga kunŋan i köl örōzawi, yaŋjōn mönō ni tok köl örōm niŋgima. Mewōŋanök ni köl örōm niŋgizawaŋjōn mönō melaim niŋgiyōhi, mönō i mewöyök köl örōm waŋgima.”

²¹ Jisōsnōŋ keu mewö jiba wösōŋi kot gwōzōŋda jul takōmamgö ahiga keu indela kewö jiyök, “Nōjōn keu ölä töhōnŋi kun kewö jibi mötket: Eŋgōreŋök kunŋan ni mamalolo mem niŋgima.”

²² Mewö jiiga gwarekurupŋan nanŋini kuŋkaliliŋ uba aŋgehiba nanjök nanjök kewö mötmōriget, ‘Mōnō dagōra jizapto?’ Mewö mötmōriba uruyahöt tōnpin tatket. ²³ Tōnpin

* **13:12:** Luk 22.27 * **13:16:** Mat 10.24; Luk 6.40; Jon 15.20 * **13:18:** Sum 41.9 † **13:18:** Gwakōtŋan tötal niŋgiba nunŋumangö jōjörōza, keu mi Israel yeŋgōreŋ dopkeu kun. Kōnaŋi kewö: Yaŋjōn uruŋan qetala utakōm niŋgiza.

* **13:20:** Mat 10.40; Mak 9.37; Luk 9.48; 10.16

tata nene negetka Jisösgö wölböt gwarekñan yaŋgö qöhöröneyök tarök. ²⁴ Yaŋön tariga Saimon Pitönöñ nöröpñan gwarek mi söpsöp ak waŋgiba kewö jii mörök, “Keu mi dagöra jizawi, mi qesiba jinöñ mötpi.”

²⁵ Mewö jii möta lapingöba Jisösgö töptöpñe naŋgöba kewö qesiyök, “Kembu, azi mi daŋön?”

²⁶ Mewö qesiiga melen waŋgiyök, “Beret kitipñi kuluñnöñ kundumgöba kun waŋgimami, yaŋön mönö mi.” Melen waŋgiba beret kitipñi memba kuluñnöñ kundumgöba Judas waŋgiyök. Judasgö iwiñi qetñi Saimon Iskariot. ²⁷ Beret kitipñi mi waŋgiiga Satanöñ miangörenök Judasgö uruñe geyök. Miangöra Jisösnöñ i jim kutum waŋgiba kewö jiyök, “Yuai akñani, mi mönö zilañ akñan.” ²⁸ Keu mewö jiyökmö, mi wuanöngöra jii möröhi, mi gwarek tosatñan mohokñe tata nene negeri, yeŋgörenök kunñan kun qahö möt asariyök. ²⁹ Gwarek tosatñan miangöra kewö mötmöriget, “Judasnöñ moneñ gösögö galömña malöhi, miangöra kendon nalöñe yuai osibini, mi bohonñi memapköra melaiza me ambazip wanapñi moneñ yuai kun memba eŋgimapköra jiza.”

³⁰ Judasnöñ keu mi ölop möt asariba beret kitipñi mi memba miangörenök mosöta yaigep aniga sungem ahök. Mewö.

Jisösnöñ jöjöpañ keu dölokñi jim kutuyök.

³¹ Judasnöñ mosöta yaigep aniga Jisösnöñ kewö jiyök, “Dölki Anutunöñ aködammunñi Suep gölmegö Azi Ölñi al teköm waŋgiiga yaŋön Anutugö qetbuñañi mem qarai asuħuza.

³² Yaŋön Anutugö qetbuñañi mem qariba Anutubuk qekötahözawaŋgöra Anutunöñ mönö mewöñanök yaŋgö qetbuñañi mem qarima. Mi nalö qahö körii mem qaraiiga asakmararañan asuħum tiŋgiri mal öñgöma.

³³ * “O gömokurupni, nöñön nalö töröptökñi kunbuk embuk malmam. Mi mala eŋgömosötpiga könaŋep jarum niŋgiba malme. Juda yeŋgöra kewö jibi mötket, ‘Ni miri anmami, iñini miangören kabingö osime.’ Keu miyöhök dölkö eŋgöra mewöyök jizal.

³⁴ * “Nöñön jöjöpañ keu dölokñi jim kutum eŋgizal: Iñini mönö uruñinan jöpaköm aŋguba malme. Nöñön urukalem ak eŋgiba malali, iñini mönö miangö dop jöpaköba urukalem ak aŋguba malme. ³⁵ Sutñine uruñinan jöpaköm aŋguba malme ewö, ambazip körek yeñön eŋgeka könañamñini möt kutuba kewö jiba malme, ‘Aha! Mönö Jisösgö gwarekurupñi akze.’ ” Mewö.

Pitönöñ Jisös qaŋ kölmapkö keu qeljine jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöñ Jisös kewö qesim waŋgiyök, “Kembu, gi denike anman?” Qesim waŋgiiga melenök, “Ni denike anmami, gi miangören nuataŋgöba kamangö osiman. Nalö kewöñe osimanmö, könaŋep mia ölop nuataŋgöba kaman.”

³⁷ Meleniiga kewö qesiyök, “Kembu, ni mönö wuanöngöra nalö kewöñe gi guataŋgöba kamangö osimam? Nöñön mönö malmalni göhöra aka köleñda mosötman.”

³⁸ Qesiiga kewö melenök, “Gi ölña malmalgi nöngöra aka köleñda mosötmamgö jizan me? Keu mi jitkanök jizan. Nöñön keu öl töhöññi kun kewö jibi mötnöñ: Merak kuruknöñ qetmamgö dopdowiiga göñön nalö miangören qaŋ köl niŋginöñga indimñi karöbut akña.” Mewö.

14

Jisösnöñ gwarekurupñi urukölalep mem eŋgiyök.

¹ “Uruñinan mönö waimañat kude möta wösöbirik kude aka malme! Mönö Anutu möt narime aka ni mohok möt narim niŋgiba malme! ² Nöngö Iwinangö miri bohonñe miri

* 13:33: Jon 7.34 * 13:34: Jon 15.12, 17; 1 Jon 3.23; 2 Jon 5

uruñi sehisehiñi ahöze. Mi qahö ahöbeak ewö, mönö engöra keu kewö jibilenjak: Nöñön mönö miangöreñ öngöba engö dum miri mem möhamgömam.

³ “Nöñön mutuk anda öngöba engö dum miriñini mem möhamgömam-mö, nöñön miri malmami, iñini mewöyök nömbuk miangöreñ mohotje malbingö sihimñi mötzal. Miangöra nöñön mönö kunbuk lilingöba kaba enguanjitpiga euyangöreñ öngöme. ⁴ Nöñön miri denike anmami, iñini miangö könañi lök möt kutuze.” Mewö.

Iwigöreñ anangö köna mi Jisös.

⁵ Jisösnöñ mewö jiiga gwarek qetñi Tomas yañön kewö jiyök, “O Kembu, gi miri denike anmani, nini mi qahö mötzin. Miangöra miangö könañi mi mönö denöwö möt kutubinak?”

⁶ Mi möta kewö jii mörök, “Nöñön Köna akzal. Nöñön Keu ölni aka Malmal köhöikñi akzal. Kunñan Iwigöreñ angotmamgö möta nöngöreñ kama ewö, yañön mönö köna miwikñaima. Köna murutñi kun qahö ahöza. ⁷ Iñini ni ölna möt kutum ningibeak ewö, mönö nani Iwini mewöñanök möt kutum wangibeak. Iñini nalö kiangöreñök könahiba nöngö Iwini lök eka möt wangize.”

⁸ Mewö jiiga Filipnöñ kewö jii mörök, “O Kembu, gi Iwi kondel neñginöñga neñön i uba ehinga dop köl neñgima.”

⁹ Mi möta Jisösnöñ jii mörök, “O Filip, ni nalö köröp tiñtiñi embuk pöndañ malbigun neka töndup könani qahö möt kutuzan me? Kunñan ni nek kutuyöhi, yañön mönö Iwini mewöyök eka malja. Miangöra gi mönö denöwögöra Iwi kondel neñginöñga ekingöra jizan?”

¹⁰ “Nöñön Iwibuk qekötahöba kinbiga Iwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawañön nam köl ningii ölni ahumakza. Miangöra nup memakzali, mi mönö yangö nuwa memakzal.

¹¹ “Nöñön Iwibuk qekötahöba kinbiga Iwinöñ nömbuk qekötahöba kinja. Iñini mönö mewö möt narim ningiget. Keu mi jitnöñ jibi möta qahö möt narim ningibeak ewö, mi mönö angöletotni ekzeangöra aka möt narim ningime. ¹² Nöñön keu ö! töhöññi kun kewö jibi mötket: Denike yeñön ni möt narim ningizei, yeñön mewöyök ni angöletot memba malali, miyöhök memakñe. Miyöhök memakñe aka nalö tosatje nöñön meali, miangö dopñi ongita mi memakñe. Nöñön Iwigöreñ öngöba malmamangöra aka angöletot öngöñgöñi ketañi megetka asuhume.

¹³ “Iwinan nöngöra aka qetbuñanambuk akñapkö mötzal. Miangöra aka Iñini nöngö qetne wani yuaigöra köulukömei, nöñön mönö mi akñam. Mewö akigun miangön Iwinangö qetbuñani jigetka qarimakña. ¹⁴ Iñini yuai kungöra nöngö qetne köuluköba qesim ningime ewö, nöñön mönö mi akñam. ¹⁵ Iñini uruñinan jöpaköm ningimakze ewö, mönö nöngö jöjöpañ keuni tem köla wuatangöba malme.” Mewö.

Jisösnöñ Uña Töröñi melaimangö jim jöhöyök.

¹⁶ “Nöñön Iwi köuluköm wangibiga yañön nam köiput Toñi kun engiiga eta nöngö salupni aka teteköñi qahö embuk mal öngöma. ¹⁷ Nam köiput Toñi mi Uña Töröñi. Yañön keu ölnangö Toñi akza. Uruñini qahö melenget yeñön i qahö ek kutuba qahö möt wangize. Miangöra yeñön i köl öröba möt angön kölbingö osimakzemö, Uña yañön lök embuk malja aka könañep uruñine geba embuk kinma. Miangöra i kiana qahöpmö, i ölop möt kutum wangize.

¹⁸ “Nöñön engömosötpiga gwani morö ewö qahö aka malme. Ni mönö engöreñ lilingöba kamam. ¹⁹ Nalö töröptökñi teköigun gölme ambazip omanñi yeñön ni kunbuk qahö neka malme. Yeñön qahöpmö, uruñini melengeri, eñön ni ölop nehakñe. Nöñön köhöiba maljalangöra iñini mewöñanök guliba köhöiba malme. ²⁰ Iwi, nani aka iñini, nini mohok aka maljin. Nöñön Iwinambuk qekötahöba kinbiga iñini nömbuk qekötahöba kingetka

nöñön embuk qekötahöba kinjal. Miangö könañi mi Uña Töröñan uruñine gemawañgö nalöñe ölop möt asarime.

²¹ “Kunñan nani jöjöpañ keuni pakpak möt añañön köla tem kölakzawi, yañön mönö uruñan ni jöpaköm niñgimakza. Kunñan ni jöpaköm niñgiiga nöñgö Iwinan mönö i jöpaköm wañgimakza aka nöñön i jöpaköm wañgimakzal. Nöñön i jöpaköba könañamni indel wañgibiga möt kutuma.”

²² Jisösnöñ mewö jiiga Judas Iskariotkö wakañi Judas yañön kewö jiyök, “Kembu, gi denöwögöra könañamgi neñgöreñök indelman aka ambazip uruñini qahö melenñeri, yeñgöra mi köyatim eñgimamgö jizan?”

²³ Mewö jiiga kewö melenñ wañgiyök, “Kunñan uruñan jöpaköm niñgimakza ewö, yañön mönö nöñgö Buña keuni tem köla wuatangöba malma. Mewö maliga Iwinan i jöpaköm wañgiiga Iwi netkön mönö yañgö uruñe geba pöndañ yambuk mohotñe malbin.

²⁴ Kunñan ni uruñan qahö jöpaköm niñgimakza ewö, i mönö nöñgö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yañön mi niñgiiga jimakzal.

²⁵ “Nöñön keu pakpak mi embuk pöndañ malali, nalö miangöreñ kusum eñgiba malal.

²⁶ Mewö malalmö, Iwinöñ Uña Töröñi nöñgö qetne melaiiga eta nam köiput (aka tinjonjon) Tonñini akña. Yañön keu pakpak kusum eñgiba nöñön qambañ keu pakpak eñgiali, mi ölüm eñgubapuköra köl gulim eñgimakña.

²⁷ “Nöñön luai eñgizal. Nane luai sorokni qainñi kun mi albi uruñine ahöma. Gölmenöñ ambazip yeñön luai qem añañmakzei, nöñön miangö tandök ewö kude qem eñgimakzalmö, mi oñgita luai qainñi kun eñgimakñam. Miangöra uruñinan mönö wösöbirik kude aka kengötñini kude möta malme.

²⁸ “Nöñön keu kewö jibiga mötket, ‘Nöñön eñgömosöta öñgöba mala kunbuk eñgöreñ lilingömam.’ Inñini uruñinan ni ölna jöpaköm niñgibeak ewö, keu jizali, miangöra ölop söñgaibeak. Iwinöñ nöñgö ketañamni akza. Miangöra ni ‘Iwinangöreñ öñgömam,’ jizali, inñini mi möta ölop urusösöñgai miwikñaigetka dop kölbawak. ²⁹ Keu döлки jibi mötzei, miangö ölni bian asuhuma. Ölni asuhumawi, inñini nalö miangöreñ mi ölop mötmöriba möt narime. Miangöra mi nalö kiangöreñ qeljine jibi mötze.

³⁰ “Nalöni törizawañgöra embuk keu gwötpuk kunbuk jimamgö dop qahö mötzal. Bölöñañgö Kembuñan gölme dop galöm köl eñgimakzawi, yañön mönö kamamgö jöjöröza. Yañgö ösumñan mönö luhut qahö al niñgiba kondondöñgöma. Nöñgöreñ köna mi yañön jim kutumawañgö dop qahö ahöza. ³¹ Qahö ahözapmö, nöñön Iwi jöpaköm wañgimakzalañgöra yuai pakpak keu jim kutum niñgimakzawañgö dop ahakzal. Gölme ambazipnöñ nöñgö könañamni mewö jim kusum eñgigetka möt asarimegöra mötzal. Miangöra mönö mosöta wahöta kagetka anbin.” Mewö.

15

Jisösnöñ wain ip bömöññi, neñön böroññi akzin.

¹ Jisösnöñ gwarek yeñgöra kewö jiyök, “Nöñön wain ip öl sorokñi akiga nöñgö Iwinan wain nupkö tonñi akza. ² Nöñön ip ewö qak böronambuk akzal. Ip böroni pakpak ölnini qahö miwikñaiba gilipitñi akzei, Iwinan mi kutum gil eñgima. Ip böroni pakpak nöñgöreñ tatketka ölnini ahum sirizei, Iwinan mi mönö köl köñjörat eñgima. Ahakmemegö ölni qarim kuwulem sehisehiñi miwikñaimegöra mönö mem solanim eñgima.

³ “Inñini Buña keu jibi mötketka mianñön lök mem solaniba köl köñjörat eñgii sarakñi aka malje. ⁴ Miangöra eñön mönö nömbuk qekötahöba kinme. Mewö kingetka nöñön embuk kinmam. Wain böroññi kunñan ip kemañe qahö tata tala etza ewö, mi mönö nanñi nam köl añañguba ölni ahum wañgimapkö osima. Miangö dop inñini mewöñañök nömbuk qahö qekötahöba kinje ewö, mönö nanñinök ahakmemegö ölni öne ahum wañgibingö osime.

⁵ “Ni waingö ipni akiga enön miangö böröni akze. Inini nömosöta nanñinök kinda yuai kun akingö osime. Miangöra kunñan nömbuk qekötahöba kiniga nöñön yambuk qekötahöba kinbiga yanñon mönö ahakmemegö ölni önöni qahö miwikñaiba siriba malma. ⁶Denike yeñon nömbuk qahö qekötahöba kinje ewö, wain ip tonjan mönö i ip böröni ewö kutum engiba gili yaigep anme. Anda soholigetka memba tokoba könöpnöñ gili geba jeme.

⁷ “Yeñon jememö, likepni inini mönö nömbuk qekötahöba kinme. Mewö kingetka nöñgö Buña keunan engö uruñine qekötahöba kinja ewö, inini i me wai buña qem angubingö mötzei, mi mönö Iwi köuluköm wanñigetka engima. ⁸ Inini nöñgö gwarekurupni aka kingetka ahakmemeniangö ölni önöni qahö ahuba eta tatketka malme. Mewö memba malgerangöra Iwinangö qetñan mönö aködamunñambuk aka ahöma. ⁹ Iwinan ni jöpaköm niñgiba malöhi, nöñon mönö miangö dop mohot jöpaköm engiba malal. Inini mönö nöñgö urukalem uruñe kinme. ¹⁰ Nöñon Iwinangörej jöjöpañ keu tem köla mala kota yanñgö urukalem uruñe kinjal. Miangö dop enön nöñgö jöjöpañ keuni memba tem köla malme ewö, mönö ölop nöñgö urukalem uruñe kingetka jöpaköm engiba malmam.

¹¹ “Nöñon uru sösoñgai al engibi engörej kutuiga uruñini kokolak qei ahöiga önöni qahö söñgaim sehiba malmegöra keu mi jibi mötze. ¹² *Nöñgörej Köna keu mi kewö: Nöñon uru jöpaköm engiba malali, inini mönö miangö dop nanñini jöpaköm anguba malme. ¹³ Kunñan alaurupni yeñgöra aka nanñi malmalni tököba mosötmawi, mianñon mönö urukalem öñgöñgöni ketanji akza. Kunñan mi onñgita jöpaköm engimangö osima. Urukalem tosatñi mi miangö eretñi.

¹⁴ “Nöñon yuai akñegöra jim kutum engimakzali, inini miangö dop ahakze ewö, mönö nöñgö alaurupni akze. ¹⁵ Welenqegegö könani kewö: Galömnjan nupni denöwö aka memakzawi, mi welenqegeñan qahö mörakza. Miangöra engö qetñini ‘Welenqegeurupni,’ mewö qahö toroqeba engoholmam-mö, Iwinangörejök Buña keu mörali, mi pakpak mönö engöra indelbiga mötze. Mewögöra qetñini ‘Alaurupni,’ mewö engoholbiga dop kölja.

¹⁶ “O alaurupni, enön ni qahö möwölöhöm niñgigetmö, nöñon inini möwölöhöba kuñgum engibiga kinje. Miangöra enön liliköba anda ölni kewö miwikñaiba pöndañ sirigetka ahöahöni ahi dop köлма: Nöñgö qetni qeta yuai mi me mi miangöra Iwi köulukömei, mi mönö engii buñañini akña. ¹⁷ Inini mönö sutñine jöpaköm anguba malme. Nöñon jöjöpañ keuni mewö jim kutum engizal.” Mewö.

Urumelenğö kopañi yeñon inini kazik ak engime.

¹⁸ “Gölmenöñ uruñini qahö melenget yeñon kazik ak engime ewö, mönö keu kewö mi möt kutume: Yeñon mutuk ni mewöñanök kazik ak niñgiba malget. ¹⁹ Inini urumelenğö kopa kambunöñ malbeak ewö, kambu-urup mienñon mönö nanñini alaurupni urukalem ak engibeak. Mi ak engibeakmö, nöñon inini möwölöhöba yeñgö areñnöñök engömembiga murutñi aka malje. Yeñgörej ahakmeme bölöni mi andö qeba maljeangöra aka kazik ak engimakze.

²⁰ * “Nöñon keu kun kewö jibi mötkeri, mi mönö urukönömñine ala mötmörime, ‘Welenqegeñon eretñi aiga tonjan ketanñamñi akza. Gwareknöñ böhiñi onñgita öñgöñgöni akñamgö osima.’ Miangö dop tosatñan ni sesewerowero ak niñgiba mala kotket ewö, tosatñi yeñon mönö nöñgö undumurupni inini mewöñanök sesewerowero ak engiba malme. Yeñon nöñgörej Buña keu möt angön köla malget ewö, inini nöñgö keuni jim sehiba malgetka mönö mewöñanök ölop möt angön köla malme. ²¹ Mewö malmemö, ni melaim niñgiyöhi, yeñon i qahö möt wanñize. Miangöra silebile qakñe yuai könani könani lañ ak engime, mi mönö nöñgö qetbuñanangöra aka asuhum engima.

* **15:12:** Jon 13.34; 15.17; 1 Jon 3.23; 2 Jon 5 * **15:20:** Mat 10.24; Luk 6.40; Jon 13.16

²² “Nöñön yeñgöreñ qahö eta Buña keu jibi mötpeak ewö, yeñön mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba köl turubingö osize. Möndömöndö keuñini mönö denöwö miwikñaibeak?
²³ Kunñan ni kazik ak niñgizawi, yañön mönö Iwini mewöñanök kazik ak wañgiza.
²⁴ Anğöletot öngöñgöñi ketañi meali, mi kunñan kun engö sutñine qahö memba malök. Nöñön mi qahö membilenak ewö, yeñön mönö köpösihitñinañgö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.

²⁵ * “Mewö ak netkiba malgetka Buña keu kun öljambuk ahök. Mosesnöñ köna keu engiyöhi, mianğöreñ keu mi kewö ohoget ahöza, ‘Yeñön öne töhön lañ kazik ak niñgiba malget.’ Keu mianğön lök öljambuk ahök.

²⁶ Nöñön Iwigöreñ öngöba köiput Tonji melaibiga engöreñ kaba uruñine geba nañgöm engima. Uña Töröñi yañön keu öljañgö Tonji akza. Yañön Iwigöreñök eta nöñgö könañamni nañgöba jim asarim engiba malma. ²⁷ Yañön mewö malma aka eñön mewöñanök nöñgö könañamni nañgöba jim asariba malme. Nöñön könahiba urugö qenjarök nup memba malali, eñön mönö könakönahiyeyök nömbuk mala kotket. Mianğöra inñini mönö mi ölop jim asariba malme. Mewö.

16

Jisösgö gwarekurupñi bim engöhöi utal engime.

¹ Jisösnöñ toroqeba kewö jiyök, “Inñini tala eta engui janjuñ akepuköra nöñön keu mi qeljine jibi mötze. ² Uruñini qahö melenget yeñön mönö köuluk miri kambuñineyök utal engigetka yaigep eta malme. Könañgep nalö kun kam kuñgumawi, mianğöreñ inñini nöñgöra aka engugetka kömume. Mewö enguba kewö jime, ‘Mewö mianğön Anutugö welenni qeinga Anutugö uruñan ölöwakza.’ Körekñan mewö möt sohoba jime. ³ Yeñön Iwi aka ni netkö könañamniri qahö möt asarimakzeañgöra aka mewö ak engiba malme.

⁴ “Mewö tönpin malmemö, nöñön keu mi qeljine engöra jibi mötze. Mianğöra nalö mi kam kuñguiga keu mianğö ölni asuhumawi, inñini nalö mianğöreñ ölop kewö jime, ‘Kraistnöñ kiangö buzup keuñi lök qeljine jii mörin.’ Nanak embuk malalañgöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵ “Nöñön nalö kiangöreñ melaim niñgii erali, mönö yañgöreñ öngömamgö akzal aigun engöreñök kunñan kun kewö qahö qesim niñgiza, ‘Gi denike anman?’ ⁶ Keu mewö jizali, eñön mi möta mianğöra wösöbiriknöñ uruñini kokolak qei malje.

⁷ “Mewö maljemö, töndup nöñön mianğö likepñi keu ölni kun kewö jibi mötket: Nöñön engömosöta lilingöba öngömami, mianğö ölnan asuhuiga mönö kewö mem ölöwak engima: Nöñön öngöba köiput Tonji melaibiga engöreñ eta uruñine gema. Nöñön qahö engömosöta öngöbilenak ewö, Tonji yañön mönö engöreñ etmamgö osima.

⁸ “Köiput Tonji yañön eta malmalgö könañi kewö kondel engiba malma: Gölme dop siñgisöndokñini indela kondeli Anutunöñ keuñini jim teköiga solanime me uruñini qahö melengetka keuñini jim teköba likepñi melen engima. Ambazipnöñ könañamñini mewö eka möt kutume. ⁹ Ni qahö möt narim niñgizeañgöra siñgisöndökö könañi indel engiiga möt kutume.

¹⁰ “Anutugö köna solanñi möt sohoba nöñgöra keu lañ jimakze. Mianğöra yañön nöñgö könañamni indela kondel engiiga kewö möt kutum niñgime: Nöñön solanñi mala Iwinañgöreñ lilingöba öngöbiga ni kunbuk qahö neka malme. ¹¹ Bölöñangö Kambuñi gölme dop galöm köl engimakzapmö, Anutunöñ yañgö keuñi lök jim teköyöha könöp siagö Tonji akña. Mianğö dop körek neñgö keunini mewöyök jim teköma.

* 15:25: Sum 35.19; 69.4

12 “Nöñön ölop keu gwötpuk toroqeba jibilenakmö, mi nalö kewöñe jibiga usuñumburan aka köl gulibingö osibepuk. 13 Mi osibepukmö, keu ölnañgö Tonji, Uña Töröñi yañön eta uruñine geba keu sañep qei mötme. Mi nanñi imbiñangö dop lañ qahö jiba malmappmö, Anutugöreñ keu kezap ala mötzawi, yañön mönö miyök jimakña aka könañgep yuai asuhumawi, mi qeljiñe indela jima. Miangöra yañön engömemba keu ölni pakpak miangö o angöñe al engiiga keu ölnañgö köna tiba anme.

14 “Yañön mönö nane köwenöhök keu memba jim asariba uru kuñgum engiba malma. Miangöra mönö nöngö könani indeliga nöñön qetbuñanambuk ahakñam. 15 Iwinangöreñ yuai pakpak ahözawi, mi mönö nöngö böröne ali ahöza. Miangöra jizal, ‘Yañön mönö nane köwenöhök keu memba jim asariba uru kuñgum ak engiba malma.’ Keu mi mewö.”

Wösöbirik malgetka melenjiga urusösöngai mötme.

16 “Nalö töröpñi kun teköiga inini ni kunbuk qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe.”

17 Mewö jiiga gwarekurupñi yengöreñök tosatñan nanñinök kewö eraum mötket, “Keu kewö jiza, ‘Nalö töröpñi kun teköiga inini ni qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe,’ aka keu kun kewö jiza, ‘Ni Iwinangöreñ öngömam.’ Mewö jiiga mötzini, keu yahöt miangö könañi mi denöwö?”

18 Mewö eraum möta uzohola jiget, “Yañön ‘Nalö töröpñi teköigun,’ jizapmö, keu miangö könañi denöwö? Mi wuanöngöra jizawi, nini mi qahö möt asarizin.”

19 Mewö jiba qesim wañgibingö mötketka Jisösnöñ engek kutuba kewö jii mötket, “Keu kewö jizal, ‘Nalö töröpñi kun teköiga inini ni qahö nekñe. Miangö andöñe nalö töröpñi kun teköigun mönö asuhum engibi ölop kunbuk nekñe,’ Inini mönö keu miangö könañi jaruba eraum mötze me?”

20 “Nöñön keu öl töhöññi kun kewö jibi mötket: Nöñön anbiga inini jinñeñ köla sahötmemö, uruñini qahö melenget yeñön lañ börum memba sösöngai aka malme. Inini wösöbirik aka malmemö, wösöbirikñini mianñön mönö nöngöra aka melenja sösöngai aka malme. 21 Ambinöñ morö memangö nalöñi kam kuñguiga masö qeiga qemjen qakñe morö mezapmö, morö dölökñi memba kinda i eka sösöngainangöra mönö sihimbölöñi mi ölum qemakza. 22 Miangö dop inini mewöyök nalö kewöñe wösöbirikpuk maljemö, nöñön könañgep kunbuk asuhuba engekiga inini ölop urusösöngai buk malme. Urusösöngainini mi kunñan kun qahö enguañgitma.

23 “Nalö miangöreñ yuai kungöra ni qahö qesim niñgimemö, köulukñini Iwigöreñ algetka diñdiñanök ani amqei malme. Nöñön keu öl töhöññi kun kewö jibi mötket: Inini nöngö qetnöñ yuai kungöra Iwi köuluköm wañgime ewö, yañön mi mönö tököm engima. 24 Nömbuk mala kageri, inini nalö miangöreñ yuai kungöra nöngö qetne qahö köuluköba malget. Mönö Iwi köuluköba malme. Köulukögetka ölop melenj engima. Mi engiiga sösöngaininan asuhum sehiba uruñini kokolak qem teköi malme.” Mewö.

Jisösnöñ gölmeğö ahakmeme bölöñi mi luhut alakza.

25 “Keu jibi möta kamakzei, mi keu sainñambuk jibi möta malget. Könañgep nalö kun kam kuñgumawi, miangöreñ keu sainñi mi kunbuk qahö qeba jibi mötme. Qahöpmö, Iwinangö könañi mi aukñe jim asariba malmam. 26 Nalö miangöreñ inini nöngö qetni qeta Iwi köuluköba malme. Miangö könañi kewö: Inini köulukñini Iwigöreñ albingöra nöngöreñ kunbuk qahö kamakñemö, nanñinak Iwigöreñ diñdiñi köuluköba malme. Nöñön engö jit memba Iwigö qahö köulukömam.

27 “Iwinöñ nanñak uruñan jöpaköm engiba köulukñini kewögöra möta malma: Nöñön Anutugöreñök erali, inini nöngö könani mewö möt nariba pöndañ uruñinan jöpaköm niñgiba mala kotketka köna mewö ahuiga köulukñini möta malma. 28 Nöñön Iwi mosöta gölmenöñ eta mala gölme mosöta kunbuk lilingöba Iwinangöreñ öngömam.”

²⁹ Mewö jiiga gwarekurupñan jiget, “Mötnöñ, keu dölki jizani, mi sainji qahö qeba jizan. Mi mönö aukñeyök jinöñga ölop möt asarizin. ³⁰ Nini merak könañamgi kewö möt yaközin: Göñön mönö nanganök yuai pakpak möt tekönöñga kunñan kun qesiba kusum gihimapköra qahö osizan. Mianğöra gi Anutugöreñök etnöñi, nini mi ölop möt narizin.”

³¹ Mewö jigetka Jisösnöñ melenđa jiyök, “Merak ölop möt narim niñgizemö, ³² mötket, nalö tandökñi kun kama aka mianñön lök mesohol köla nanñunöñ kinja. Nalö mianñön kam kuñguiga enñön kenğötñini möta nömosöta dençeñđa simbisembel aketka nanök malmam. Töndup nanöhök töhön qahö malmam-mö, Iwinan nömbuk malma. Iwinöñ nömbuk malmawanğöra aka nanöhök töhön qahö malmam. ³³ Enñön toroqeba gölmenöñ mala kahasililiñ qakñe möta malmemö, nömbuk qekötahöba luainöñ malmegöra möta keu qöndökñi ki jibi mötze. Keuyök qahö jizalmö, nöñön gölmegö ahakmeme bölöñi mi lök luhut ala wahijambannji kusum teköbiga erök. Mianğöra mönö ewebibiñinambuk köhöiba saitañgit malme.” Mewö.

17

Jisösnöñ nanñanğöra Iwi köuluköyök.

¹⁻² Jisösnöñ keu mewö jim teköba Suepnöñ göröken ui öñgöiga kewö köuluköyök, “Iwini, göñön gölme dop ambazip pakpak Nahöñgi nöñgö bapne al enñinöñga kukösum qakñe Kembu ak enñizal. Ambazipnöñ Nahöñgi nöñgö keuni ölop qahö andö qeba onğita malme. Göñön ambazip sutñineyök tosatñi meköba nöñgö böröne al enñiba kewö jim kutum niñginöñ, ‘Gi mönö i körek kusum enñinöñga malmal köhöikñi miwikñaiba malme.’ Nup mi mem teköbiga Nahöñgan qetbuñagi mem qarimapköra mönö aködamungi niñginöñ. Nöñgö nalöni mi dölki kam kuñguiga kinda mewö köuluközal.

³ “Malmal köhöikñanğö könañi mi kewö: Göñön mohot Anutu öñji akzan aka azi Jisös Kraist ni melaim niñginöñga erali, ambazipnöñ netkö könañamniri mewö möt kutume. Malmal kömbönañi mewö miwikñaime. ⁴ Nup al niñgiba ‘Meman,’ jiba jim kutum niñginöñi, nöñön mi tem köla memba mala meköyal. Aködamungabuk mala qetbuñagi gölmenöñ indel sehibiga aködamunñambuk ahök.

⁵ “O Iwi, nöñön gölme qahö asuhuiga Suep mire mianğöreñ göhö qöhörönge asakmararañbuk asariba malal. Asakmararañ miyöhök mönö dölki kunbuk al niñginöñga asuhum kutum niñgiiga kunbuk göhö qöhörönge asakmararañbuk asariba malmam.” Mewö.

Jisösnöñ gwarekurupñi yeñgöra aka köuluköyök.

⁶ “O Iwini, göñön gölme ambazip tosatñi kewöta nöñgö böröne al enñinöñi, nöñön göhö qetbuñagi mi yeñgöra indela kondela malal. Yeñön göhö buñaya aketka göñön i nöñgö böröne al enñinöñga yeñön göhö Buña keugi mi möt anğön köla malje. ⁷ Göñön yuai niñginöñga mi pakpak göhöreñök kamakzawi, yeñön mi nalö kewöñe lök möt kutuze. ⁸ Göñön keu Buña niñginöñi, nöñön mi gwarekurupni kusum enñibiga möt anğön köla malje. Ni gömosöta gölmenöñ erali, yeñön mi öñja möt yaköze. Göñön melaim niñginöñga asuhuyali, yeñön mi mewöyök möt narize.

⁹ “Ni yeñgöra aka köuluköm gihizal. Urumelenğö kopa ambazip yeñgöra qahö köuluközalmö, könagesö nöñgö böröne al enñinöñga uruñini melenđa göhö buñaya akzei, mönö yeñgöra aka köuluköm gihizal. ¹⁰ Ambazip pakpak nöñgö buña akzei, yeñön mönö göhö buñaya akze aka ambazip göhö buñaya akzei, yeñön mönö nöñgö buña mewöyök akze. Nani aködamuni al enñibiga mianğö qakñe kinda ahakmemeñini aketka nöñgö qetbuñanan qarim sehimakña. ¹¹ Ni gölmenöñ malmalni teköiga göhöreñ kotmamğö akzalmö, yeñön toroqeba gölmenöñ malme. O Iwi Töröñi, göñön qetki niñginöñga mianğö ösumñan mönö sel jöhöm enñinöñga qahö julme. Netkön mohot aka maljiri, yeñön mianğö dop mohot aka malmegöra köuluközal.

12 **“Nöñön yembuk gölmenöñ mala korali, nalö miangöreñ qetbuñagi niñginöñga miññön sel jöhöm engiba malal. Buña Kimbigö keu kunöñ ölnambuk akñapköra azi mohok-kunñan sohoba könöp siagö buñaya aka sihimbölä möta malma. Nöñön galöm köl engialangöra yengöreñök tosatñan qahö janjun aka sohoget. 13 Tosatñan qahö sohogetmö, nöñön dölkü gölmenöñ mala göhöreñ kamangöra kaba keu ki jizal: Nöñgö uru sösoñgainan mönö yengöreñ kutui megetka uruñini kokolak qeiga söñgaiba malme. Mewö asuhumapköra köuluközal. 14 Nöñön göhö Buña keugi kusum engibiga möta malje. Nöñön gölmege ahakmeme bölöñi mi qahö wuatangömakzali, yeñön mönö mewöyök mi qahö wuatangöba andö qemakze. Miangöra gölmenöñ uruñini qahö melenget yeñön mönö kazik ak engimakze.*

15 *“Nöñön gölmenöhök enguanğit mangöra qahö qesim gihizalmö, Bölöñi Tonangöreñök angön köla sel jöhöm engiba malmangöra köuluközal. 16 Nöñön gölmege ahakmeme bölöñi andö qeba mi qahö wuatangöbiga yeñön mewöyök mi andö qeba qahö wuatangömakze. 17 Keu ölni miññön mönö mem sarahim engiba malman. Göhö Buña keugan mönö keu öl töhöññi akza. 18 Göñön melaim niñginöñga gölme ambazip sutñine anda nup memba malali, nöñön mewöñanök i melaim engibiga gölme ambazip yengö sutñine denja anme. 19 O Iwini, yeñön keu ölnangö dop malmalñini körek tököm gihimegöra aka bauköm engiba nani malmalni jömkök tököm gihizal.” Mewö.*

Jisösnöñ mötnariñ ambazip pakpak nengöra köuluköyök.

20 *“O Iwini, nöñön gwarekurupni yengörök aka qahö köuluközalmö, Buña keu jim sehigetka ambazip möt narim niñgime, mönö yengöra aka mewöyök köuluközal. 21 Iwi göñön nömbuk qekötahöba kinöñga nöñön mewöyök göbuk qekötahöba kinjal. Miangö dop yeñön mewöyök netpuk qekötahöba kinmegöra mötzal. Nangak melaim niñginöñga erali, gölme ambazipnöñ mi möt narimegöra aka yeñön körek pakpak mohot aka malmegöra köuluközal. 22 Naniri mohot aka maljiri, yeñön mewöñanök mohot aka malmegöra aka aködampung al niñginöñi, nöñön mi yengöra al engial.*

23 *“Nöñön yembuk qekötahöba kinbiga göñön nömbuk qekötahöba kinjan. Miangö dop yeñön keuñini jöhöm teköba mohot aka malmegöra köuluközal. Mohot aka kingetka gölme ambazipnöñ könañamni kewö möt asarime: Göñön melaim niñginöñ etpiga jöpaköm niñgiba malnöñi, miangö dop i mewöyök jöpaköm engiba malnöñ.*

24 *“O Iwini, göñön gölme qahö miwikñainöñi, qeljine nalö miangöreñ lök urugan jöpaköm niñgiba asakmararañ al niñginöñga mala koral. Könañep alaurup niñginöñi, nöñön yeñön mewöyök asakmararañ mi ekñegöra mötzal. Miangöra nöñön miri malmami, yeñön miangöreñ nömbuk mohotñe malbingö sihimñi mötzal.*

25 *“O Iwi solanñi, gölme ambazip uruñini qahö melenğeri, yeñön gi qahö möt kutum gihiba mala kotketmö, nöñön gi ölöñanök möt kutum gihizal. Nangak melaim niñginöñi, nöñgö urumelen alaurupnan mi lök möt yaköze. 26 Nöñön göhö qetki mi jim tuarim engibiga möta malget. Göñön urugan jöpaköm niñgiba malnöñi, urukalem miññön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.*

18

Jisös memba jöhöget.

Mat 26.47-56; Mak 14.43-50; Luk 22.47-53

1 *Jisösnöñ keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangöreñ anget. 2 Jisös aka yanğö gwarekurupñi yeñön qösösök miangöreñ tokoba malget. Miangöra Judas mamalolo mem wañgimangö ahöhi, yanğön mewöyök arö mi ölöp mörök.*

* 17:12: Sum 41.9; Jon 13.18

³ Jike nup galöm aka Farisi (Köna keugö kapañkölköl) yeñön jöwöwöl jikegö kiripo galöm (sikiriti) tosatñi melaim enjigetka Judasnöñ i aka gawmangö yarö azi kambu kun enjömeiga mohotñe kaget. Yeñön kiwa lambe aka timbi lingipñini memba bisiba arönöñ kaget. ⁴ Kagetka Jisösnöñ yuai pakpak mewö asuhum wañgimawi, mi lök möröhañgöra aka wahöta aukñe kaba kewö qesim enjyök, “Inini dagöra jaruze?”

⁵ Qesim enjiiga kewö melenget, “Nini Jisös Nazaret tonji mia jaruzin.” Melengetka kewö jiyök, “Mia nöñön.” Judas mamalolo meme azi yañön mewöyök yembuk kinök.

⁶ “Mia nöñön,” Jisösnöñ keu mewö jiiga möta andöandö anda gölmenöñ tala eta enjuyök. ⁷ Mewö aketka kunbuk qesim enjyök, “Inini mönö dagöra jaruze?” Qesim enjiiga jiget, “Jisös Nazaret tonji ia jaruzin.”

⁸ Jigetka melenök, “Mia nöñön, mi lök jibi mötze. Inini nia jarum ningize ewö, mönö azi ki ölop enjömosötketka öne anme.” ⁹ Mutuk köuluköba gwarekurupñi yengöra keu kun kewö jii mötket, “Ambazip nöngö böröne al enjinönga maljei, nöñön mi köyan köl enjiba malbiga yengöreñök kunöñ kun qahö sohoba ayuhuyök.” Keu mianön öñambuk akñapköra Jisösnöñ jitmeme yengöra keu mewö jiyök.

¹⁰ Mewö jiiga Saimon Pitönöñ bingö sou ketani memba malöhi, yañön mi kupinneyök öröba jike nup galöm bohonñangö welen aziñi qeba kezapñi öñe göröken köteköi erök. Welenqege azi mi qetñi Malkus. ¹¹ *Mewö asuhuiga Jisösnöñ Pitö kewö jim kutum wañgiyök, “Gi bingö sou ketani mi mönö kunbuk alnönga kupinñe geyök. Iwinan sihimbölögö qambi o qöñambuk nöngö bunaya qeyöhi, mi ölop möta mökösoñda mesohol kölmam.” Mewö.

Jisös wañgitketka Anasgö jeñe kinök.

¹² Suahö galömñinan jiiga yarö azi kambu aka Juda yengö nanju galöm (sikiriti) yeñön Jisös memba jöhöget. ¹³ Jöhöba wañgita mutuk jike nup galöm qetñi Anas yängö mire anget. Anasgö qingñi qetñi Kaiafas yañön jike nup galöm bohonñi aka yambu (yara) miangöreñ nup mi memba malök. ¹⁴ *Kaiafasnöñ mutuk Juda ambazip yengöra qambañ keu kewö jiyök, “Ambazip kambu jömuk ayuhum teköbinbuköra azi mohotñan nengöra aka kömuiga dop köлма.” Mewö.

Pitönöñ Jisös könahiba qañ kölok.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alañi kun yetkön andöñine anohot. Anohotka alañi mianön jike nup galöm bohonñi möt wañgiyöhañgöra aka ölop amqeba Jisös wuatangöba jakömbuak miri sel uruñe geyök.

¹⁶ Yañön geyökmö, Pitönöñ sel yaigepñe nangunöñ kinök. Mewö kiniga gwarek alañan jike nup galöm bohonñi möt wañgiyöhi, yañön yaigepñe geba nanju galöm ambi yambuk keu jii möta nanju öröiga Pitö wañgita sel uruñe geyohot. ¹⁷ Gebitkö ahoñi, miangöreñ welenqege ambi sel nangunji galöm kölöhi, yañön Pitö eka kewö qesim wañgiyök, “Gi öñja mewöyök azi miangö gwarek yengöreñök kun akzan me?” Mewö qesim wañgii möta “Ni qahö!” jiyök.

¹⁸ Welen azi aka nanju galöm (sikiriti) yeñön amötñangöra aka könöp jeba ururuñgöba ahöiga jömöta kinget. Mewö kingetka Pitönöñ mewöyök yengö sutñine anda könöp jömöta kinök. Mewö.

Jike nup galöm bohonñan Jisös qequesi al wañgiyök.

Mat 26.59-66; Mak 14.55-64; Luk 22.66-71

¹⁹ Jike nup galöm bohonñi Anas yañön Jisösgö qequesi al wañgiba kewö jiyök, “Gi ambazip denöwö kusum enjiba gwarekurupki niñi niñi enjömemba maljan?”

²⁰ Mewö jiiga kewö melen wañgiyök, “Ni nalö dop aukñe ambazipñi ambazipñi kusum enjiba malal. Juda könagesö pakpak neñön jöwöwöl jikenöñ öñgöba köuluk mirininangö

* **18:11:** Mat 26.39; Mak 14.36; Luk 22.42 * **18:14:** Jon 11.49-50

dop tokomakzini, ni mönö mianğören kinda kusum enğiba malal. Buña keu tölapni kun qahö jial. ²¹ Nönön keu denöwö ambazip kusum enğiba malali, wuanöngöra ni mewö qesim ningizan? Nönön keu jibiga ambazip möta malgeri, yeñön mönö keunangö kötni möt teköze. Mianğöra i qesim enğinönga dop kölma.”

²² Mewö melen wanğiyökmö, jikegö kiripo galöm (sikiriti) kunöñ kösutne kinda Jisös nunğulumne qekötahöba jiyök, “Jike nup galöm bohonnan qesim gihiiga gi keu silik mewöni mönö wuanöngöra melen wanğizan? Gödaqegegi qahö.”

²³ Mewö jiiga kewö melen wanğiyök, “Keu bölöña jibilenak, mi mönö indelnönga dop kölmapmö, keu ölni jizal ewö, mönö wuanöngöra ni öne nunğuzan?”

²⁴ Mewö melen wanğiga Anasnöñ Jisös melaiba jiiga tapepni (munğamunğa) tok böröñe tariga wanğita jike nup galöm bohonni Kaiafas yanğören anget. Mewö.

Pitönöñ Jisös qañ köliga yahöt karöbut ahök.

Mat 26.71-75; Mak 14.69-72; Luk 22.58-62

²⁵ Saimon Pitönöñ könöp jömöta kiniga tosatnan qesiba kewö jiget, “Gi ölna mewöyök yangö gwarekurupni yeñğörenök kun akzan me qahö?” Mewö jigetka qañ köla “Ni qahö,” jiyök.

²⁶ Pitönöñ jike nup galöm bohonnanğö welen azini qeba kezapni qeköi eröhi, yangö tinitosolomni welenqege ala ni kunöñ mi möta qesiba jiyök, “O gi mönö arönöñ yambuk mohokne malohotka gekzal me denöwö?”

²⁷ Mewö jiiga Pitönöñ kunbuk qañ köliga nalö mianğörenök kuruknöñ könahiba qeriga mörök. Mewö.

Jisösnöñ premiö Pailötkö jeñe kinök.

Mat 27.1-2, 11-14; Mak 15.1-5; Luk 23.1-5

²⁸ Miri gianjiiga söñanök Jisös Kaiafasğö mirinöhök wanğita eta Rom premiögö jakömbuak mire anget. Juda yeñön urunini tölöhoba kölköljinjin akinbuköra waimanjat möta kewö jiget, * “Ak-kömukömu kendongö lama nemingö osibinbuk.” Mewö jiba möt lömböriba premiögö jakömbuak miri urune qahö öngöget. ²⁹ Mianğöra premiö Pailötnöñ yaigep eta enğeka kewö qesim enğiyök, “Azi kianön mönö wani pinjit aiga keu jim wanğiba wanğita kaze?”

³⁰ Qesim enğiga melenget, “Azi mianön kegwek me bölöni meme azi kun qahö akawak ewö, neñön mönö öne töhöni i wanğita göhö böröge qahö albinak.”

³¹ Mewö melengetka Pailötnöñ jii mötket, “Inini mönö nanñinak keu jakenine al wanğiba Köna keuninanğö dop kewöta keuni jim teköme.” Mewö jii möta jiget, “Neñön azi kun kömumapkö keuni jim teköbingö sonğo ahöi osizin.” ³² *Juda yeñön mewö jigetka Jisös nanñak kömup denöwöni kömumawi, keu mi indela jiiga mewö mianön ölnambuk ahök.

³³ Pailötnöñ Juda yeñö keunini möta kunbuk jakömbuak miri urune öngöba Jisös oholi kaiga kewö qesim wanğiyök, “Gi Juda enğören kin kembunina akzan me qahö?”

³⁴ Mewö qesim wanğiga melen da kewö qesiyök, “Keu mi mönö nangi urugeyök jizan me tosatnan nönğöra keu mewö jiba jitke algetka jizan?”

³⁵ Mewö qesiiga Pailötnöñ melenök, “Yei! Ni mönö Juda azia aka Juda enğö keunini nanğomakzal me? Qahöp mahöp! Ni Rom premiö malbiga nangi ambazip kambu-urupki aka jike nup galöm yeñön mönö goanğita nönğö böröne al gihize. Göñön mönö wanat yuai aknöñ?”

³⁶ Mewö melen niga jiyök, “Nönğö kinthoñni mianğö köna ni mi gölme kianğören qahö ahöza. Nönön gölmegö kinthoñ kungö kin kembuya akilenak ewö, nönğö sunğurumurupnan mönö ölop wahöta nönğöra aka suahö akeak. Suahö aka nönön Juda

* **18:28:** Rom gawman yeñöra Juda yeñön kewö möt nariget: Nini Rom yeñö jakömbuak mire öngöinga urunini tölöhoi ösumnini eri kölköljinjinambuk aka ak-kömukömu kendongö lama töröni nemingö osibin. Mianğöra sombemnöñ yaigep malget. * **18:32:** Jon 3.14; 12.32

jitnememe yeŋgö böröŋine gebilenbuköra kapan köla bim qegetka nömembangö osibeak. Mi osibeakmö, nöŋgö kiŋ tohonnanŋgö könanji mi miri kungen ahöza. Ni gölme azi kembuya qahö akzal.”

³⁷ Keu mi jiiga Jisös kewö qesim waŋgiyök, “Gi töndup kiŋ kembu qainŋi kun akzani, mi ölna me qahö?” Mewö qesim waŋgii melenök, “Ni kiŋ kembu qainŋi kun akzali, mi nangak jizan. Nöŋön keu ölni nanŋöba jim tuarimamgöra aka gölmenöŋ eta asuhuyal. Körek yeŋön keu ölnanŋgö likepŋe maljei, yeŋön mönö nöŋgö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸ Mewö melenŋiga Pailötnöŋ mepaqepaik aka qesiyök, “Keu ölni mi mönö wania kun?” Mewö qesiba kunbuk Juda yeŋgören geba söndaknöŋ kinda kewö jii mötket, “Nöŋön azi miangö pinjitŋi jaruba kun qahö miwikŋaizal.” ³⁹ “Kun qahö miwikŋaizalmö, ahakmemeni kun kewö ahöi mötze: Yambu (yara) dop ak-kömukömu kendon nalöŋe kösö mireyök azi mohot engöra pösatpi erakza, mi mötze. Miangöra Juda engö kiŋ kembuŋini ölop engöra pösatpi etpawak me qahö? Miangöra inini sihimŋinan denöwö mötze?”

⁴⁰ Mewö jii möta melenŋa kewö qetket, “Qahö, i qahöpmö, Barabas pösatnöŋga nenŋören etma!” Mewö qetketmö, Barabas yanŋön kegwek azia aka bim karim kun megeri, miangö bohonŋi ahök. Mewö.

19

Pailötnöŋ Jisös maripomnöŋ kömumapkö jim teköyök.

¹ Silata qetketka Pailötnöŋ Jisös waŋgita anda jiiga yarö azi yeŋön ihilek wahiŋambuknöŋ tauköba qeget. ² Yarö azi yeŋön tauköba mepaqepaik kewö ak waŋgiget: Yeŋön Jisös geba kösö wahiŋambuk memba köpeiba ila möhamgöba nöropŋe kölget geiga maluku pisikŋi gugakgugakŋambuk mi köl waŋgigetka geyök. ³ Mewö aka kösutŋe arengöba kinda jiget, “Owe owe! Juda engö Kiŋ Kembuŋini, owe!” Mewö jiba nuŋgulumŋe gwötpuk qekötahöget.

⁴ Mewö mepaqepaik ak waŋgigetka Pailötnöŋ kunbuk yaigepŋe geba kewö jii mötket, “Mötket! Nöŋön azi mi kewöta pinjitŋi kun qahö miwikŋaizal. Miangöra i kunbuk waŋgitpiga engö jeŋine eriga könanji mewö möt kutuba ekŋe.” ⁵ Mewö jii mötketka Jisösnöŋ eta söndakŋe kini kewö eket: Tosatŋan kösö wahibuknöŋ ila köpeiba nöropŋe köla maluku pisikŋi gugakgugakpuk köl waŋgigetka kiniga Pailötnöŋ jii kewö mötket, “Azi ölni ki eket!”

⁶ Mewö jii mötketka jike nup galöm aka nanŋu galöm (sikiriti) yeŋön i eka keu wölwölbuk qeta jiget, “Maripomnöŋ qeget kömuma. Maripomnöŋ qeget kömuma.” Mewö jigetka Pailötnöŋ jitŋine memba kewö jii mötket, “Nöŋön pinjitŋi kun qahö miwikŋaizal. Miangöra inini mönö nanŋinök i memba maripomnöŋ qeget kömumbawak.”

⁷ Juda jitnememe yeŋön keu mi möta kapan köla kewö jiget, “Nenŋören Köna keu ahöza. Keu miangö dop kewöringa kömumawaŋgö dop akza. Nanŋi memba öngöba ‘Anutugö nahönŋi akzal,’ jimakza. Miangöra mönö kömupkö buŋaya aiga dop kölma.”

⁸ Mewö kapan köla jigetka Pailötnöŋ möta bönni wahöriŋa jönömŋi undui keŋgötŋi mörök. ⁹ Mewö möta Jisös waŋgita kunbuk jakömbuak miri uruŋe öngöba kewö qesim waŋgiyök, “Gi denikegöra?” Qesim waŋgiyökmö, yanŋön kitipŋi kun qahö melenŋa keu bök kinök. ¹⁰ Keu bök kiniga kewö jii mörök, “Gi nöŋgöra keu kitipŋi kun melenŋan me qahö? Nöŋön jim teköbiga pösat gihime me maripomnöŋ guhugetka kömuman. Miangö kukösumŋi mi nöŋgören ahöza. Miangö könanji mötzan me qahö?”

¹¹ Mewö jii möta kewö melenŋ waŋgiyök, “Kunöŋ euyangörenök kukösum qahö al gihiyök ewö, gi mönö azi omanji mala yuai ak niŋgimangö osibanak. Miangöra azi kun danŋön ni göhö böröge al niŋgizawi, yanŋö siŋgisöndokŋan mönö göhören pinjit oŋgita ketanji akza.”

¹² Mewö melen wanğiyöhanğora aka Pailötnöñ Jisös pösari etmapkö kapan kölök. Mewö kapan kölökmö, Juda yeñon qet gigilahöba kewö jiget, “Pösatnöñga etma ewö, mönö sisa kiñgö alañi qahö toroqeba aka malman. Kunöñ nanñanğö möri öñgöiga ‘Kiñ kembuya akzal’ jizawi, yañon mönö sisa kiñ tuarenjoñ ak wanğiza.”

¹³ Mewö jigetka keu mi möta jim kutuiga Jisös wanğita yaigep etket. Etketka premiö Pailötnöñ jake kun kötnöñ ala tömbulget ahöyöhi, mianğoreñ öñgöba keu jimtekötekögö dum tatatñe eta tarök. Jake mianğö qetñi Hibru keunöñ Gabata jimalget. Mi nanine keunöñ Jake Kötnöñ mem tömbultömbulñi. ¹⁴ Eta taröhi, Juda ambazipnöñ wehön mianğoreñ ak-kömukömu kendon tatpingöra jöjöröget. Wehön mi aiga silim bibiñi dopdowiiga Pailötnöñ dum tatatñe tata Juda yeñgöra kewö jii mötket, “Eket, engö kiñ kembunini ki!”

¹⁵ Mewö jii möta qet gigilahöget, “Yapmakek! Yapmakek! Maripomnöñ qeget kömuma!” Qet gigilahögetka kewö jiyök, “Engö kiñ kembuninangö keuñi jim teköbiga maripomnöñ öñgömapköra jize me?” Mewö jiiga jike nup galöm yeñon melenđa jiget, “Sisa kiñnöñ mohok kiñ kembunina akza. Neñgöreñ kiñ kembu murutñi kun qahö ahöza!”

¹⁶ Mewö melenđa jigetka Pailötnöñ Jisösgö keuñi jim teköba maripomnöñ qeget kömumapköra böröñine alök. Böröñine aliga yarö azi yeñon Jisös memba galöm kölget.

Jisös maripomnöñ qeget.

Mat 27.32-44; Mak 15.21-32; Luk 23.26-43

¹⁷ Galöm kölgetka nanñi maripomñi nanñak anğuba siti kutuba yaigep geba gölme kun qetñi Nöröpsihit qerakzema, mianğoreñ anget. Nöröpsihit qet mi Hibru keunöñ Golgota qerakze. ¹⁸ Mianğoreñ anda maripomnöñ qeget aka yambuk azi yahöt likeplikep mohotñe etkuba Jisös sutñire algetka kinget.

¹⁹ Mewö qegetka Pailötnöñ kulem ohoba jiiga maripomnöñ Jisösgö nöröpñe göröken eu ala qeget. Kulem mi kewö ohoi kinök, “Jisös Nazaret toni, Juda yeñgö kiñ kembunina ki.” ²⁰ Jisös maripomnöñ qegeri, gölme mi siti kösutñe ahöyök aka kulem mi keu karöbut, Hibru, Latin aka Grik keu mianñon ohoget kinök. Mianğöra Juda ambazip gwötpukñan onğita anda kaba eu uba kulem mi oyonget. ²¹ Mewö ohoiga Juda yeñgö jike nup galöm yeñon Pailöt kewö jiget mörök, “ ‘Juda yeñgö kiñ kembunina ki,’ mewö kude ohomanmö, kewö ohoman, ‘Nanñanğöra Juda kiñ kembunina akzal, jiyök.’ ”

²² Mi möta Pailötnöñ keu kewö melenñök, “Keu lök ohozalangöra mi mönö mewö ahöma.”

²³ Yarö azi yeñon Jisös maripomnöñ qebagun opo silepöke öröyuaini memba azi 4 sutñine mendenđa 4 aiga totonine meget. Mewö megetka malukuñi ahöi megetmö, mi kewögöra ölop qahö mendenget: Mi körekñanök opo jöhanñi mohotñan memenja. Opo kitipñi kitipñi qahö mindiriba euyök liliklilik uhum megetka emu gegeni ahöyök. Mianğöra mi bölibapuköra mendenbingö osiget. ²⁴ *Osiba eraum möta kewö jiget, “Mi mitiinga qahö dop kölma. Mianğöra ölop mianğö unji qeinga toni ahuma.” Mewö jiba unji qegetka Buña keu kun öñambuk ahök. Keu mi kewö ohoget ahöza, “Yeñon opo silepökenni memba sutñine mendenđa totonine memba malukunangö unji mönahot algetka kunöñ luhut alma.”

Yarö azi yeñon keu mianğö dop aket.

²⁵ Jisös maripomnöñ qeget kiniga ambi kewöñan könañe kinget: Jisösgö nam nasöñi aka Klopas anömñi qetñi Maria aka Magdalagö ambi qetñi Maria. ²⁶ Jisösnöñ namñi aka wölböt gwarekñi kösutñe kinohotka etkeka namñanğöra kewö jiyök, “Namni, mönö nahöngi ki eka tönjoñgöba malman.”

* 19:24: Sum 22.18

²⁷ Mewö jiba gwarek mi kewö jii mörök, “Mönö namgi ki eka tönjongöba malman.” Mewö jii möta Jisösgö namñi nalö miangörenjök wangiriga miriñe anda mohotñe malohot. Mewö.

Jisösnöñ maripomnöñ kinda kömuyök.

Mat 27.45-56; Mak 15.33-41; Luk 23.44-49

²⁸* Jisösnöñ nupñi pakpak mem teköyöhi, mi möta miangören Buña Kimbigö keu kunöñ ölnambuk akñapköra kewö jiyök, “Ni ogöra ak niñgiza.”

²⁹ Miangören qem nene kun wain o asölnambuk miangön kokolak qeba tarök. Mi tariga köwet mömündö kun kahali tandök mi memba wain onöñ kundumgöba songorep suñe qesamböta meget öngöiga numbuñe alget. ³⁰ Algetka wain o asölnambuk mi memba jiyök, “Mönö teköza.” Mewö jiba malmalñi mosötmangöra nöropñi wambelahöi eri imutñi koriga nöñ qeyök. Mewö.

Jisösgö marömñi liñgipnöñ utohoget.

³¹ Jisösnöñ nöñ qeiga Juda ambazipnöñ silim miangören ak-kömukömu kendon tat-pingöra jöjöröget. Ak-kömukömu Sabat kendon mi kendon nalö ketañi ahök. Miangöra Juda jitñememe yeñön waimañat möta kewö jiget, “Qamöt mienñon Sabat kendon nalöñe maripomnöñ kingetka qahö dop kölja.” Mewö jiba premiö Pailötkören anda kewö qesim wangiget, “Gi ölop jinönga anda maripomnöñ engugeri, yeñgö töwat sihitñini kusugetka qamötñini meköin etme?” ³² Qesim wangigetka jim teköiga yarö azinöñ kangetket. Kangetka Jisösbuk maripomnöñ etkugeri, mi zilañ kömumahotköra mutuk yetkörenjök kungö töwat sihitñi kusuba likep anda kungören mewöñanök aket.

³³ Mewö aketmö, Jisösgören kangetka lök kömuyök. Mewö eka sihitñi qahö kusuget. ³⁴ Qahö kusugetmö, yarö azi yeñgörenjök kunñan liñgip memba marömñi umburatiiga miangörenjök sep aka o erök.

³⁵ Mewö aketka kunöñ yuai mi jeñan ehöhi, yañön mi nañgöba jiba ki ohoi ahöi döлки oyonje. Keu nañgöba jiba ohoi ahözawi, mi mönö keu ölna akza. Inini mewöyök mi möt narimegöra möta keu ölna jizawangö dop mötza. ³⁶* Yuai mi asuhuyöhi, mi Buña Kimbigö keu kunöñ ölnambuk akñapköra asuhuyök. Keu mi kewö, “Yañgö sihitñi mönö kude kusume.”

³⁷* Aka Buña Kimbigö keu kun kewö ahöza, “Azi utohogeri, yeñön mönö yañgören göröken jeñini uba ekñe.” Inini keu yahöt miangöra aka mi möt narime. Mewö.

Jisösgö qamötñi köt köteñnöñ löm kölget.

Mat 27.57-61; Mak 15.42-47; Luk 23.50-56

³⁸ Miangö andöñe Arimatia taon toni qetñi Josef kayök. Yañön Jisösgö gwarekñi aka malökmö, Juda jitñememe yeñgöra kengötñi möta mötnaripñi köyatiba malök. Yañön kaba premiö Pailötkören anda Jisösgö qamötñi mekömamgö qesim wangiyök. Qesim wangiiiga möta jim teköiga kaba meköyök.

³⁹* Azi qetñi Nikodemus mutuk Jisösgören sungem kayöhi, yañön mewöyök kayök. Kaba qamöt mirimamgöra kelök köhöwaktambuk qetñi mör mi repa onambuk melengeri, mi esu mohot lömbötñi 30 kilogö dop bohonñi memba kaba Josef bauköm wangiyök. ⁴⁰ Bauköm wangiba mohotñe Jisösgö qamötñi meköyohot. Meköba jiniñ wöronñi ölopñi memba qamöt silenje ala opo tuatñi miangön köpeiyohot. Juda ambazip neñön qamötnini mewö aka mözözömgöba löm köl engizinma.

⁴¹ Jisös maripomnöñ qegeri, gölme miangö likepñe arö kun ahöyök. Arö miangören qaksirigö köt köteñ löm dölokñi kun urorohoget kinök. Miangören qamöt kun qahö

* 19:28: Sum 69.21; 22.15 * 19:36: Eks 12.46; Jan 9.12; Sum 34.20 * 19:37: Zek 12.10; Ind 1.7 * 19:39: Jon 3.1-2

algetka gwamönñi ahöyök. ⁴² Gwamönñi aka kösutñe ahöiga Juda ambazipnön ak-kömukömu kendon tatpingöra jöjörögetka nalöñini töriyök. Mianğöra Jisösgö qamötñi memba mianğoreñ ala löm kölohot. Mewö.

20

Jisösgö löm qaksirinjan gwamönñi ahök.

Mat 28.1-8; Mak 16.1-8; Luk 24.1-12

¹ Sabat kendon tatket teköiga Magdalagö Maria yañön Sonda söñanök wangaran suruiga qaksirinön anök. Anda je ui ani köt ketanji ehiga mianñön lök köteñ urorohonji mianğö numbuñeyök qetalget kaba ahöyök. ² Mewö eka mianğoreñök mosöta ösumok anda Saimon Pitö aka Jisösgö wölböt gwarekñi yetköreñ kaba kewö jii mörohot, “Mönö Kembangö qamötñi qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinön anohot. ⁴ Mohotñe ösumok anohotmö, gwarek alañan ösumñan anda Pitö onğita mutuk qaksirinön anğorök. ⁵ Anğota köt köteñ urorohonji mianğö uruñe qahö öngöba numbuñe öne kököriba ui aniga oponji köpeköpeñanök ahöiga ehök. ⁶ Mi ehiga Saimon Pitönön mewöyök andöñe kanğota köt köteñ uruñe öngöba oponji köpeköpeñanök ahöi ehök. ⁷ Mi ehök aka nöropñi opo jahönñi kunön köpeiba esuhugeri, mi tosatñan kusuba silegö oponji miambuk qahö mindiriba kungen algetka nanñök tariga ehök.

⁸ Mewö ehiga gwarek alañan mutuk qaksirinön kanğoröhi, yañön mewöyök köt köteñ uruñe öngöba yuai mi eka möt nariyök. ⁹ Jisös guliba kömupnöhhök wahötmawi, yetkön Buña Kimbigö keu mewöñi mi qeljine qahö möt asariba tönpin mala korohot. Mewö.

Jisösnön Magdalagö ambi Mariagöreñ asuhuyök.

Mat 28.9-10; Mak 16.9-11

¹⁰ Mala kota mianğoreñök möt nariba lilingöba mirinire anohot. ¹¹ Yetkön anohotmö, Marianön nanñök qaksirigö köt köteñ numbuñe kinda sahörök. Mewö sahöta köteñ urorohonji mianğö uruñe kököriba ui anök. ¹² Ui aniga Suep garata yahöt malukuñiri tuat lalamñi etkehök. Jisösgö qamötñan ahöyöhi, yetkön mönö mianğoreñ tarohot. Kunön nöropñi ahöyöhanğoreñ tariga kunön könañe tarök.

¹³ Mewö tata kewö jiyohot mörök, “Ambi, gi mönö wuanöngöra sahötzan?” Mi möta jiyök, “Kembunangö qamötñi memba anda denike alget ahözawi, mi qahö mötzal.”

¹⁴ Mewö jiba lilingöba Jisösnön kösutñe kiniga ehökmö, kaisongolomñi mi qahö ek kutuba tönpin kinök. ¹⁵ Tönpin kiniga Jisösnön kewö qesim wangiyök, “Ambi, gi mönö wuanöngöra sahötzan? Dagöra jaruzan?” Mewö qesim wangigga arö galömñan kinja me denöwö, mewö mötmöriba kewö jiyök, “O ketanjamni, gi qamötñi memba anğuba kungen anda alnön ewö, mönö denike ahöza, mi jinönga möta anda memam.”

¹⁶ Mewö jiiga Jisösnön qetñi qeta “Maria!” jiyök. Mi qeta jiiga yangöreñ lilingöba Hibru keunön qeta “Raboni!” jiyök. Mi nanine keunön “Ketanjamni.”

¹⁷ Mewö jiiga kewö jii mörök, “Ni Iwinangöreñ qahö öngöba ki kinjal. Mianğöra ni kude nömisirimanmö, nöngö munurupni yengöreñ anda buzup kewö jinön mötme: Nönön mönö Iwi Anutuni aka engö Iwi Anutunini yangöreñ lilingöba öngömam.”

¹⁸ Mewö jii möta Magdalagö ambi Maria yañön lilingöba anda gwarekurupñi kewö jii mötket, “Nönön Kembu ekiga keu mewö mewö jii mötzal.” Mewö.

Jisösnön gwarekurupñi asuhum enğiyök.

Mat 28.16-20; Mak 16.14-18; Luk 24.36-49

¹⁹ Sonda mianğoreñök miri söñauiga gwarek yeñön ömbibiñe tokoba Juda yengöra kenğötñini möta miri nanğunji köla ki namñi misiget geiga tatket. Mewö tatketka Jisösnön asuhuba sutñine kinda kewö jiyök, “Alaurupni, luainön embuk ahöma!” ²⁰ Mewö jiba böröyahötñi aka marömñi kondeliga Kembu eketka sösongainön uruñini kokolak qeyök.

21 Kokolak qeiga toroqeba kewö jiyök, “Alaurupni, luainöñ embuk ahöma! Iwinöñ ni melaim niñgiiga nöñön inini mewöñanök melaim engizal.”

22 Mewö jiba nöropñine memba ösum engiba uwulamgöba jiyök, “Mönö Uña Töröñi meget. 23 *Inini ambazip sinjisöndokñini mosöta sanjonje ewö, mi mönö Anutugö jeñe solanim teköza. Ambazip sinjisöndokñini qahö mosöta sanjonje ewö, mi mönö Anutugö jeñe qahö solaniza.” Mewö.

Jisösnöñ Tomas asuhum wanjiyök.

24 Jisösnöñ gwarekurupñi mewö asuhum engiyökmö, gwarek 12 yengöreñök kun qetñi Tomas, qetñi alañi Siwisiwi qetkeri, yanön nalö miangöreñ sutñine qahö malök.

25 Tomasnöñ kaiga gwarek tosatñan “Mönö Kembu ekzin,” jiget möta kewö jiyök, “Jenan birin löpötñi böröñe eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

26 Mewö jiiga sonda mohot teköiga gwarek yeñön Sonda miangöreñ kunbuk mire qezaköba nanju köla ki memba Tomasbuk mohotñe tatket. Mohotñe tatketka Jisösnöñ kunbuk asuhaba sutñine kinda kewö jiyök, “Alaurupni, luainöñ embuk ahöma!”

27 Mewö jiba Tomasgöra jiyök, “Gi mönö börögi böranda böröyahötñi eka kesötñan marömne misirimam. Mewö aka yanjiseñ mosöta uruyahötñi yaköriba ni möt narim niñgiman.”

28 Mewö jiiga kewö melenök, “O, gi nöngö Kembu Anutuna!”

29 Mewö melenñiga kewö jii mörök, “Gi nekzanangöra ni ölop möt narim niñgizanmö, ambazip qahö neka töndup ni möt narim niñgimakzei, yeñön mönö simbawon akze.” Mewö.

Jonöñ Ölöwak Buña ki kewögöra ohoyök:

30 Jisösnöñ nup ösum-mumu qakñe memba maliga angöletot sehisehñi tosatñi mi gwarek yengö jeñini qakñe asuhugetmö, mi buk kiangöreñ qahö ohoyal. 31 Keu tosatñi ohoyali, mi kewögöra ohoyal: Jisösnöñ Anutugö Nahönñi aka Amötqeçe Tonji Kraist akzawi, inini keu mi möt nariba mewö mianön Jisösgö qetbuñanangöra aka malmal köhöikñi buña qem angume. Mewö aka malmegöra nöñön Ölöwak Buña papia ki ohobiga engöreñ kaza. Mewö.

21

Jisösnöñ gwarek 7 yengöreñ asuhiiga söra jök öröget.

1 Könanjep Jisösnöñ kunbuk gwarek tosatñi yengöreñ asuhuyök. Taiberias o angö jitñe miangöreñ kewö asuhum engiyök: 2 Gwarek azi kewöñan mohotñe malget: Saimon Pitö, Tomas qetñi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatñi yengöreñök yahöt.

3 *Mohotñe malgetka Saimon Pitönöñ jii mötket, “Ni mönö söra örömanangöra anmam.” Mewö jiiga tosatñan jiget, “Nini ölop göbuk mohokñe anbin.” Mewö jiba mosöta wanjenöñ öngöba anda sungem miangöreñ söra kun qahö öröget. 4 Söra qahö öröba öne malgetka miri lök gianjiiga Jisösnöñ saknöñ kinök. Kinökmö, yangö kaisongolomñi mi qahö ek kutuget. 5 Jisösnöñ kinda engohola jiyök, “Alaurupni, söra kun öröze me qahö?” Jiiga melennda “Qahö!” jiget.

6 * “Qahö!” jigetka kewö jim kutum engiyök, “Inini mönö mösakñini wange ölna göröken gilgetka eri ölop söra miwikñaime.” Mi möta mösakñini gilgetka söra sehisehñi geba ölokögerangöra öröget kotmapkö osiiga öröm suksuköget.

* 20:23: Mat 16.19; 18.18 * 21:3: Luk 5.5 * 21:6: Luk 5.6

⁷ Mewö aiga Jisösgö wölböt gwarekñi mianjón Saimon Pitö kewö jii mörök, “Mi mönö Kembuya!” Mewö jiiga Kembangö qetñi möta opo bindonjanök jöhöba malöhanjóra silepökenji köpeiba mianjörenjök o anjónñj luhuba geyök. ⁸ Yeññon sak qöhöröñje 100 mita mianjögö dop kösutñe anda malget. Mianjögöra Pitönñj geba ani gwarek tosatñi yeññon wanje lökuatnñj qem nanjögöba anda mösak sörañambuk örögetka wanje andöñje kayök.

⁹ Mewö kaba sak körikñe öñgöba mianjörenj yuai kewö eket: Könöp jeiga gapnñj söra jejenji aka beret soñsoñ ahöyök. ¹⁰ Mi eketka Jisösnñj kewö jii mötket, “Injini döлки söra örözei, mönö mianjörenjök tosatñi memba ki kaget.”

¹¹ Mi jiiga Saimon Pitönñj möta wanjenñj öñgöba mösak öröiga körikñe öñgöyök. Öñgöiga ölnji 153 eket. Mösak mi söra ketanji sehisehñi mienjón kokolak qegetmö, mösaknñj töndup qahö tinjirök. ¹² Ölnji mi eketka Jisösnñj kewö jii mötket, “Mönö kaba söñangö nenenji neget!” Mewö jii möta kaba “Mi Kembunina,” mewö möt kutugetmö, gwarek yeñjörenjök kunñan “Gi danjón?” mewö qesimangö urulömböt aka qahö qesiyök. ¹³ Qahö qesiyökmö, Jisösnñj anda beret memba enjiba söra mewöyök mendenja enjiyök.

¹⁴ Jisösnñj kömupnöhök wahöta gwarekurupñi asuhum enjyöhöngö indimñi karöbut mi ahök. Mewö.

Jisösnñj Pitö kunbuk kunjuba mem köhöiyök.

¹⁵ Söñangö nenenji neget teköiga Jisösnñj Saimon Pitögöra kewö jii mörök, “Saimon Jongö nahönñi! Alaurupki kienjón ni urunjan jöpaköm niñgimakzei, gi mönö i enjögita gwötpuk jöpaköm niñgimakzan me qahö?” Mi möta kewö melejñök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.” Mewö melejñiga Jisösnñj jii mörök, “Gi mönö nöñgö lamaaurupni moröñi gumohom enjiba malman.”

¹⁶ Mewö jii möri indimñi yahöt qesim wanjyiyök, “Saimon Jongö nahönñi! Gi ölnja jöpaköm niñgimakzan me qahö?” Mi möta kewö melejñök, “O Kembu, ni göhöra ak niñgimakza. Gi wölböt alani akzan. Mi nangak ölop mötzan.” Mewö melejñiga Jisösnñj jii mörök, “Gi mönö nöñgö lamaaurupni galöm köl enjiba malman.”

¹⁷ Mewö jii möri indimñi karöbutñi qesim wanjyiyök, “Saimon Jongö nahönñi! Gi mönö ölnja wölbötkan (jojopangan) nöñgö ak gihimakza me qahö?” Mewö qesim wanjiiga urujöjöpakö qeqesinji mohot miyök qesuga indimñi karöbut ahöhanjóra Pitönñj wösöbirik möta melejnda kewö jiyök, “O Kembu, gi yuai pakpak ölop möt teközan. Gi wölböt alani akzan. Göññon mönö nangak mi ölopñanök mötzan.” Mewö jiiga Jisösnñj jii mörök, “Gi mönö nöñgö lamaaurupni gumohom enjiba malman.”

¹⁸ “Nöññon keu öl töhöññi kun kewö jibi mötnñj: Gi sepgulia mala nangak sileötanji jöhöba köna igen me waigen ‘anmam,’ jiba ak gihiyöhöngö dop ölop anda kaba malnñj. Mewö mala malnñjmö, azi namñi akñani, nalö mianjörenj börögi börañnöñga kunñan kaba opo silepökegi jöhöm gihiba köna kungen qahö anmangö mötmani, mönö mianjörenj goanjiriga anman.”

¹⁹ Jisösnñj kezapqetok keu mewö jiba Pitö kömumawangö keu sainji indelök. Yanjón kömup tandökñi qainñi kun kömuiga Anutugö qetbuñani qarimapköra mötmöröba mi jiyök. Keu mi jiba yanjögöra jii mörök, “Gi mönö kaba ni nuatanjögöba malman!” Mewö.

Jisösnñj Pitöbuk gwarek kunjögö keunji eraum mörohot.

²⁰ Pitönñj Jisösbuk anda lilingöba Jisösgö wölböt gwarekñan andöñjire kaiga ehök. Gwarek mianjón ak-kömukömu lama negeri, mianjörenj nöropñan Jisösgö töptöpñe nariba jiyök, ‘Kembu, göhörenj mamalolo azi mi danjón?’ ²¹ Gwarek mianjón könanjire kaiga Pitönñj i eka Jisös kewö qesim wanjyiyök, “Kembu, gwarek kianjögöra mönö denöwö asuhuma?”

²² Qesim wanjiiga kewö jii mörök, “Nöññon yanjögö malmal arenji mewö me mewö albilenjak, mi mönö göhörenj waimanjara qahö. Nöññon jibiga yanjón qahö kömumba nöññon gölmenñj lilingöba kamamanjögö nalöñje toroqeba jebuk mal öñgöbawak, keu mi yanjögö

keuya akawak. Gi mönö yangö keuji mosöta nangi malmalgi möhamgöba galöm köl anguba nöngö andöne kaba ni nuatangöba malman.”

²³ Keu mewö jiiga tosatjan laj möta jim sehigetka urumelen alaurup yengö sutjine keu mi kewö jim sohoget, “Gwarek mianön qahö kömuma.” Mewö jim sohogetmö, Jisösnöj jebuk teteköji qahö mal öngömapköra qahö jiyökmö, keu kewö jiyök, “Nöjön yangö malmal areni mewö me mewö albilenak, mi mönö göhören waimanjara qahö. Nöjön jibiga yanön qahö kömumba nöjön gölmenöj lilingöba kamamanö nalöje toroqeba jebuk mal öngöbawak, keu mi yangö keuya akawak. Gi mönö yangö keuji mosöta nangi malmalgi möhamgöba galöm köl anguba malman.” Mewö.

Nanak mi pakpak jenan eka nangöba ohom engizal.

²⁴ Gwarek mianön yuai mi jenan eka mala mianö dop mi nangöba jim asariba Ölöwak Buja ki ohoyök. Körek pakpak enön gwarek mianö könañi mötzeangöra aka ölop tönguba kewö jiba malme, “Yanön keu nangöba jiyöhi, mianön mönö keu öl töhöñji akza.”

²⁵ Jisösnöj nup aka angöletot tosatji sehisehiji mi mewöyök aka memba malök. Miengö kösohotjini mohot mohot mi lökjanök törörök ohobinak ewö, mönö buk papia böranji böranji sehisehiji asuhugetka kantri dop papia köwe miri (laibreri) pakpak miangören alinga kokolak qeba ölököiga tiñi töndup qahö dop kölbawak. Mewö mötmörizal.

Aposol Nup Meme

Aposol yeñön Uña Töröñaᅅgö ösumnöᅅ nup meget.

Jim-asa-asari

Dokta Luknöᅅ buk qetᅅi “Kraistkö Ölöwak Buña” ohoba kösohotᅅi toroqeba buk qetᅅi “Aposol nup meme” ohoyök. Jisösnöᅅ gwarekurupᅅi mutukᅅi kusum engii Uña Töröñan sölölohöm engiiga Kraistkö keu buzupᅅi jim sehigeri, Luknöᅅ miangö kösohotᅅi aukᅅe almangöra möta kewö (1.8) ohoyök, ‘Yeñön mi Jerusalem sitinöᅅ könahiba Judia prowins dop köla Samaria prowinsnöᅅ anda toroqeba gölme göraᅅe eu emu likeplikep angetka dop köl teköba anök.’ Mutuk Juda könagesö uruᅅe nup megetka uruᅅini melenᅅa guligetka Kraistkö qeburuᅅ könahiba yöhöba sehiba anda anda kantriᅅi kantriᅅi dop köliga urumelenᅅ könagesö yeᅅgö bohonᅅini ahök. Kösohotᅅi oyonᅅei, Luknöᅅ yeᅅgö uruᅅini böñjöᅅ almangö kapanᅅ köla keu köᅅᅅi yahöt kewö ohom asariyök,

1) ‘Kraistkö alaurupᅅan Rom mindimindiri gawman mi tuarenjoᅅ qahö ak engiba malje. Yeñön mi memba et almegöra tuaköpek qahö akze. Tosatᅅan mewö mötpeak, mi böñᅅi öne wahötᅅapuk.’

2) ‘Juda yeñön jike nup meget korembenᅅi aiga ölnᅅi asuhumapköra mamböta malgeri, Jisösnöᅅ mönö ölnᅅi mi memba kaba engiyök.’ Keu köᅅᅅi mi.

Jisösgö Buña keuᅅi kuᅅguba jim sehiba zioz könahiba mem köhöigetka toroqeba aniga urumelenᅅ yeᅅgö kambuᅅinan qariyök. Miangö dop “Aposol nup meme,” kösohot mi juliga keu bahöᅅi bohonᅅi karöbut kewö akze: 1) Jisösnöᅅ Suep mire öᅅgöiga gwarek yeñön Jerusalem malgetka Kraistkö Buña keuᅅan könahiba qeburuᅅ yöhöyök. 2) Yöhöba qariba Palestain gölmegö prowins tosatᅅe anök. 3) Kunbuk qariba kantriᅅi kantriᅅi Sutᅅire Köwet liliköba tat anᅅei, mi dop köla teteköᅅe siti bohonᅅi Rom anök.

“Aposol nup meme” miangö keu bohonᅅi mi Uña Töröñaᅅgö könaᅅi aka nup memenᅅi. Aposol aka mötnarip ambazip yeñön yambu dölokᅅaᅅgö (Pentekost) nalöᅅe Jerusalem köulukögetka Uña Töröñan ösumᅅambuk uruᅅine geyök. Uruᅅine geba sölölohöba mem köhöim engiiga denᅅa kantri liliköba nup megetka ölnᅅi könaᅅi könaᅅi asuhuyök. Zioz ambazip aka yeᅅgö jitᅅememe yeñön Kraistkö Buña keu mi könakönaᅅiᅅe denöwö jiba malgeri, Luknöᅅ miangö keuᅅi ohoiga mi ölop buk kiangöreᅅ oyonᅅa mötᅅin. Ambazip uruᅅini melenᅅa mindiriba naᅅgöm aᅅguba malgeri, yeñön Buña keugö kukösumᅅi möt kutugetka miri dop aukᅅe asuhuyök. Denöwö asuhuyöhi, Luknöᅅ miangö kösohotᅅi ohoba Uña Töröñaᅅgö kukösumᅅi kondel neᅅgiza.

Buk kiangö bahöᅅi bohonᅅi 4 mi kewö:

1. Buña keu naᅅgöba jibingöra jöjöröget 1.1-26
 - a) Jisösnöᅅ jimkutukutu ala Uña engimangö jiyök 1.1-14
 - b) Judas Iskariotkö salupᅅe Matias meköget 1.15-26
2. Jerusalem sitinöᅅ Buña keu naᅅgöba jiget 2.1–8.3
3. Judia aka Samaria Buña keu naᅅgöba jiget 8.4–12.25
4. Polnöᅅ misin nup memba malök 13.1–28.31
 - a) Misin nup liliköba megetka 1 ahök 13.1–14.28
 - b) Jerusalem totoko ala keu jöhöget 15.1-35
 - c) Misin nup liliköba megetka 2 ahök 15.36–18.22
 - d) Misin nup liliköba megetka 3 ahök 18.23–21.16
 - e) Pol Jerusalem, Sisaria aka Rom kösö mire tarök 21.17–28.31

Jisösnöᅅ zioz könaᅅiyök.

1 *O Tiofilus!

Luk nõnõn kõsohotni mutukni ohoyali, miangõren Jisõsnõn nup kõnahiba memba lilikõba ambazip kusum engiba malõhi, miangõ kõsohotni pakpak arengõba albi eknõn. 2 Jisõsnõn nup memba melaimelai azi aposolurupni mowõlõhõba kusum engiba mala Uña Tõrõnanõ gö õsum qakne nup memegõra jim kutum engiyõk. Mi engiiga Anutunõn wangiri Suepnõn õngõyõk. Nõnõn kõsohotni ohoyali, mi miangõren ohom tekõyal. Merak miangõrenõk kõsohot mi toroqeba ohomam.

3 Jisõsnõn sihimbõlõ mõta kõmumba kõmupnõhõk wahõta wehõn 40 gölmenõn toroqeba malõk. Nalõ miangõ uruñe aposolurupni sõmanji gwõtpuk asuhum engiba Anutu be-mtohoñanõ kõnanji toroqeba jim asarim engiba malõk. Mewõ mala aiwesõk tandõk kõnanji kõnanji memba kondel engiyõk. Yeñõn mi eka Jisõsnõn guliba maljawi, mi õlõp mõt yakõget. Aiwesõk ekeri, yeñõn mi nanõgõba jiba dangunu ewõ kinje aka kunñan mi qeapõmamõ osima.

4 *Nalõ kunõn yembuk mohotne mala kewõ jim kutum engiba jiyõk, “Inini Jerusalem siti ki mõnõ zilañ kude mosõtme. Iwinan ‘Kalem uruñine al engimam,’ jiba keunji jõhõi jibi mõtkeri, mi mõnõ õlñambuk akña aiga eñõn mõnõ miangõra mambõta malme. 5 *Mutuk Jonõn ambazip o tõhõnõn melun mem engiba malõkmõ, Anutunõn nalõ kude kõriiga Uña Tõrõnõ uruñine ala miangõn melun mem engima.” Mewõ.

Jisõsnõn Suep mire õngõyõk.

6 Aposol yeñõn nalõ kunõn tokogetka Jisõsnõn sutñine asuhuiga kewõ qesim wangiget, “Kembu, göñõn mõnõ nalõ kewõne me wani nalõnõn Israel kantrigõ tohoñi mi kunbuk kunõguba mem kõhõiman?”

7 Qesim wangigetka kewõ jii mõtket, “Iwinõn nanñi kukõsum qakne yambu gwani aka aua nalõ arengõba ali ahõzawi, mi mõnõ eñõn mõtmeangõ dop qahõ. 8 *Mi qahõpmõ, Uña Tõrõnan eta uruñine gemawanõn mõnõ kukõsum engiiga letota nõngõ kõnani nanõgõba jiba malme. Mi Jerusalem sitinõn kõnahiba Judia prowins dop kõla Samaria prowinsnõn anda lilikõba toroqeba gölme gõrañe eu emu likepliket angetka dop kõl tekõba anma.”

9 *Jisõsnõn keu mi jim tekõiga Anutunõn jeñini qakne wangita wahõriga kusunõn eta esuhuiga euyangõren õngõiga ekingõ uget õngõba atatop (jiataton) kõliga jaruba kinget.

10 Mewõ õngõiga suepnõn eu ehiba kingetka miangõrenõk azi yahõt malukunñi tuat lalamñi yetkõn kõsutñine asuhuba kinohot. 11 Kinda kewõ jiyohot, “Galili azi inini mõnõ denõwõgõra suepnõn eu ubayõk kinje? Anutunõn Jisõs ki engõ sutñineyõk wangita Suep mire eu õngõi ekzei, yanõn mõnõ tandõk mewõnanõk kunbuk lilingõba etma.” Mewõ.

Judas Iskariotkõ salupne Matias meget.

12 Mewõ jiyohotka aposol yeñõn Jerusalem siti kõsutne kundunji qetñi Oil ip kundunji miangõrenõk lilingõba eta 1 kilomitagõ dop kaba sitinõn kanõtket*. 13 *Jerusalem kanõgõta miri uruñi kun qakne tat malgeri, miangõren anda õngõget. Õngõgeri, yeñõn qetñini kewõ: Pitõ, Jon, Jeims aka Andru; Filip, Tomas, Bartolomyu aka Matyu; Jeims Alfusgõ nahõnñi, Saimon Zelot politik azia aka Judas Jeimgõ nahõnñi†. 14 Azi pakpak mienõn urumohot aka ambi yembuk kapanõ kõla kõulukõba malget. Yeñõn sutñine Jisõs munurupni aka namñi Maria yeñõn mewõyõk malget.

15 Kõulukõba mala wehõn kunõn mõtnarip ambazip janõgõnini 120 miangõ dop tokogetka Pitõnõn sutñine wahõta keu kewõ jiyõk, 16 “Azi alaurupni! Jisõs memba jõhõgeri, Judasnõn yeñõnõn kõna kondelõk. Uña Tõrõnan Judasgõ keu mi mutuhõk kin Deiwidkõ

* 1:1: Luk 1.1-4 * 1:4: Luk 24.49 * 1:5: Mat 3.11; Mak 1.8; Luk 3.16; Jon 1.33 * 1:8: Mat 28.19; Mak 16.15; Luk 24.47-48 * 1:9: Mak 16.19; Luk 24.50-51 * 1:12: Juda yeñõn 1100 mita mi Sabat kendonõn qahõ õngita anjema. Miangõra Kõna keu qahõ õngita kaget. * 1:13: Mat 10.2-4; Mak 3.16-19; Luk 6.14-16 † 1:13: Zelot pati yeñõn nanñini kinkin mbingõra Rom mindimindiri gawmanbuk tuakõpek aka urukõnõp aka malget.

uruŋe saŋep ali numbu jitŋan jiiga Sumbara buk (Buŋa Liŋet buk Sam) mianğoreŋ ohoget ahözawi, mianğon mönö ölnambuk ahuyök. ¹⁷Jisösnöŋ Judas möwölöhöi nanine kambunöŋ kun mali nupŋi memapkö kuŋgui melaimelai azi bohonŋi aposol ahök.

¹⁸*“Judasnöŋ ahakmeme bölöŋi aiga söngöröŋi waŋgiget memba mianğon gölme köröŋi kun bohonŋi meyök. Mi memba mianğoreŋ imbi auba nöröpŋan melenđa gölmenöŋ kuŋguiga gölömŋi juliga irip kömoŋgokŋi datŋi munŋi mi körek usuba erök. ¹⁹Mewö ahiga Jerusalem ambazip pakpak mianğö buzupŋi möt teköba gölme mianğö qetŋi nanŋine keunöŋ Akeldama qetket. Mi nanine keunöŋ Sep Gölme köröŋi.”

²⁰*Pitönöŋ toroqeba kewö jiyök, “Sumbara (Sam) buk mianğoreŋ keu kun kewö ohoget ahöza,

‘Miriŋi mönö baloŋi gwamön kinma. Mi kunŋan toŋi qahö aka maliga miriyök kinma,’

aka keu kun kewö ahöza,

‘Kunöŋ ölop yaŋgö salupŋe galöm nup memba kinma.’

²¹⁻²²*“Mewögöra aka nini azi kun möwölöhöba kuŋguinga nembuk jitŋe meme aka dangunu ewö kinda Jisösnöŋ kömupnöhök wahöröhi, mianğö Buŋaŋi naŋgöba jiba mali dop kölma. Jonöŋ Jisös o melun mem waŋgiiga Kembunöŋ nalö mianğoreŋök qenjaröknöŋ anda nupŋi könahiba memba neŋgö gölmenöŋ liliköba anda kaba mali Anutunöŋ sut-nineyök waŋgita öŋgöyök. Azi nalö pakpak mianğoreŋ kambunine mohotŋe mala korini, mönö yeŋgöreŋök kun möwölöhöinga dop kölma.”

²³Pitönöŋ mewö jiiga azigö jaruba azi yahöt qetŋiri qetket. Kun qetŋi Josef, qetŋi alaŋi Barsabas aka qetŋi kun Jastus. Azi kungö qetŋi Matias. ²⁴Qetŋiri qeta kewö köuluköba jiget, “O Kembu, gi ambazip urunini körek pakpak möt kutuzan. Mianğöra gi azi kietköreŋök niŋia möwölöhözani, mi mönö kondel neŋgiman. ²⁵Judasnöŋ goŋgiba geŋmoŋ aka eta aposol nup mosöta bölöŋamŋaŋgö dop ayuhuba geyöhi, yaŋgö salupŋe azi kunöŋ mönö aposol aka kinda melaimelai azigö nup memba malma.”

²⁶Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeŋgö sutŋine dum kun waŋgigetka kambuŋine toroqeyök. Mewö.

2

Uŋa Töröŋan eta gwarek uruŋine geyök.

¹*Jisösnöŋ kömuyöhi, nalö mianğoreŋök sonda 7 teköiga wehön ⁵⁰* mianğoreŋ yambu jeŋi qeŋe nalöŋi kam kuŋguiga urumelen ambazip pakpak yeŋön tokoba kendon tatket.

²Tatketka mianğoreŋöhök Suepnöhök yuai kun biliksik eri kouruk ketanŋi asuhui mötket. Dimbomnöŋ köhöikŋanök qemakzawi, mönö mianğö tandök ewö asuhuba eta miri tatkeri, mi körek kokolak qeyök. ³Miri kokolak qeba yuai mianğon denqenđa sehiba könöp bölam tandök ewö nöröpŋini qakŋe öŋgöi eket.

⁴Mewö asuhuiga Uŋa Töröŋan körek yeŋgö uruŋini kokolak qeiga gölme tosatŋe keu ahözawi, mi könahiba jiget. Uŋa Töröŋan sölölohöba keu saŋep alöhaŋgö dop aukŋe jiget.

⁵Juda ambazip tosatŋan Anutu göda qeba kantri könanŋi könanŋi suep bapŋe tat anjei, mianğoreŋ denđa anda mala Jerusalem lilingöba kageri, tosatŋi mewöŋi mewöyök sitinöŋ malget. ⁶Mewö mala kouruk ketanŋi mi möta ambazip kambu gwötpukŋan kaŋgota tokoget. Tokoba kingetka mötnarip ambazipnöŋ keu murutŋi murutŋi jigeri, mi pakpak möta nanŋak nanŋak möt asariba mianğöra aurumpurik aka köŋkuŋ aket.

⁷Köŋkuŋ aka welipköba jiget, “Mötket! Azi ki keuŋi keuŋi jizei, yeŋön mönö körek Galili ambaziwa akze me? ⁸Nini kantri murutŋi murutŋi mianğoreŋ ahuba kota malinga yeŋön mönö denöwö aka malqarip kantrininaŋgö dop keunini nanŋik nanŋik jigetka mötzin? ⁹Nini Partia ambazip, Midia ambazip aka Elam ambazip ki kinjin. Nini

* **1:18:** Mat 27.3-8 * **1:20:** Sum 69.25; 109.8 * **1:21-22:** Mat 3.16; Mak 1.9; 16.19; Luk 3.21; 24.51 * **2:1:** Lew 23.15-21; Dut 16.9-11 * **2:1:** 50 mi Grik keunöŋ Pentekost.

tosatñan Mesopotemia malin. Tosatñan Judia malje aka tosatñan Kapadosia gölmenöñ malget. Ambazip tosatñan Pontusgöra, tosatñan Eisia prowinsgöra akzin aka yeñön nanini keunine keu jigetka mötzin.

¹⁰ “Tosatñan Frigia gölme mosöta ki kaba malje. Tosatñan Pamfilia taon mosötket. Tosatñan Ijipt kantrinöñ malget. Tosatñan Sairini gölme likepñe Libia kantrinöñ malget. Tosatñi nini Rom sitiyök kusukñanök ki kaba maljin. ¹¹ Nini tosatñan Juda ambazip ahuba maljin aka tosatñan kantri tosatñe ahuba könangep Juda ambazip ahin. Mewö kinjin aka yeñön keu jigetka nini keunini mohot mohot mi ölop möt kutuzin. Neñgöreñök tosatñan gölme jölanñi qetñi Krit mosöta köwet kutuba kaget. Tosatñan Arebia keu jize. Nini mewöñan maljinmö, yeñön söngaiba Anutunöñ angöletot öngöngöñi ahöhi, miengö könani mi nanine keunöñ nanñik nanñik jigetka mötzin.” ¹² Mewö jiba körek yeñön auruba lalalulu siksauk aka nanñini kewö jim qesim anguget, “Kiangö könani mönö denöwö?” Mewö qesim anguba keu jaruba tönpin kinget.

¹³ Tönpin kingetmö, tosatñan mepaqepaik aka kewö jiget, “Yeñön wain o nahömñambuk gwötpuk nempa enololoñ akze.” Mewö.

Pitönöñ Uña Töröñangö könani jim asariyök.

¹⁴ Mewö jigetka Pitönöñ aposol 11 yembuk mohotñe wahöta kinda köhöikñanök qeta ambazip kambu yeñgöra kewö jii mötket, “Alaurup, Juda ambazip aka ambazip körek Jerusalem maljei, nöñön yuai asuhuzawangö könani jibi kezap ala mi mötket. ¹⁵ Inini tosatñan neñgöra kewö jize, ‘Yeñön o köhöikñi negetka uruñinan enololoñ akza.’ Mewö mötmörizemö, neñön mewö qahö akzin. Ki söñangö 9 kilokñi akza. Söñan mi o nene nalöya qahö. ¹⁶ Qahöpmö, kezapqetok azi Joelnöñ Buña keu kewö jiyöhi, mianön mönö ölnambuk akza,

¹⁷ *‘Anutunöñ jiza: Kembugö kaka nalöñan törimawi, nöñön nalö miangöreñ Uñani Töröñi mokobiga ambazip körek yeñgö qakñine öngöma. Öngöba sölölohöba kutum enguasöriaga kewö asuhuma:

Engö nahönböraturupñinan kezapqetok keuñi keuñi jimakñe.

Engö gwabö seramurupñinan jeñini melenñi imutñi imutñi ehakñe.

Engö ambazip namñi yeñön gaunñi gaunñi ekñe.

¹⁸ Uñani Töröñi mokomami, mi azi aka ambi weleni qeba malmei, yeñgö qakñine mewöyök öngöiga kezapqetok keu jimakñe.

¹⁹ Nöñön angöletot suepnöñ albiga uget eu öngöiga ekñe aka gölmenöñ aiwesök mi kewö ekñe:

Yuai sepnambuk, könöp öngöngöñi aka köwak köndumñambuk mi asuhume.

²⁰ Wehön jeñan pandaman meiga köiñnöñ pisihiba sep ewö akña.

Mewö asuhuiga miangö andöñe Kembugöreñ nalö ketanñan kam kuñguma.

Wehön mi aködamun aka qetbuñanambuk.

²¹ Denike yeñgöreñök kunñan kun Kembugö qetñi qeta köulukömawi, yanön mönö amöt qem wanñiiga letotma.’ Joelnöñ mewö ohoi ahöza.

²² “O Israel ambazip, inini mönö kezap ala keu ki mötket: Anutunöñ Jisösgö malmal nalöñe sölölohöm wanñii mali angöletot, aiwesök aka aiaka ösum-mumuñambuk mi engö sutñine gölmenöñ aukñe asuhuget. Inini mi ölop mötze. Anutunöñ yuai mi asuhum wanñiba mewö mianön Nazaret azi miangö könani nanñgöba jiba kondel engiba malök.

²³ *‘Anutunöñ mönöwök Jisösgö keuñi qeljine jöhöba möt kutuba kewö jiyöha ahöza, ‘Amötqeqe Toñan mönö pinjit azi yeñgö böröñine etma.’

Keu miangö dop Anutunöñ Jisös qahö angön köli engö böröñine erök. Mewö eriga inini kömumapkö qetketka kian kantri gawman yeñön Mosesgöreñ Köna keu qahö möta töndup jim kutugetka böröñinan Jisös memba maripomnöñ qeget kömuyök. Kömuyökmö, sepnan

* **2:17:** Joel 2.28-32 * **2:23:** Mat 27.35; Mak 15.24; Luk 23.33; Jon 19.18

mönö engö qakñine öngöyöha ahöza. ²⁴*Jisösnöñ kömuyökmö, kömupkö kösö gwaröñe eri kömup Tonan i jöhöba nalö köröpñi galöm köl wanğimamgö osiyök. Mi Anutugöreñ qahö dop kölök. Mianğöra yañön i mem guliba kömupkö sihimbölöñeyök meköiga wahörök.

²⁵*Kiñ Deiwidnöñ Jisösgöra kewö jiyök ahöza,

‘Nöñön garañguruñ aka talbilenbuköra Kembunöñ böröni ölñe malja.

Yañön nalö dop qöhöröñne kiní imut ewönöñ eka maljal.

²⁶⁻²⁷ Mewö mala kömumam-mö, kömupkö uñem mire gebiga andö qahö nuñguman.

Göñön nangi wölböt azi sarakñi tök-kutukutuñi ni mönö meköm niñginöñga kömupkö lömnöñ ahöba qahö gisahömam.

Mianğöra urunan sösöñgai aiga numbu nesilamnan renduñ liñet köla maljal.

Silenan mewöyök guliba wahötmawanğöra al mamböta jörömqöröm aka luhut memba ahöma.

²⁸ Göñön malmal köhöikñañgö köñañi kondel niñginöñga möt kutumam.

Nöñön göhö jemesoholge pöndañ malbiga göñön uruni sösöñgainöñ kokolak qeman.’

Deiwidnöñ Jisösgöra mewö jii ahöza.

²⁹ “O alaurupni! Pitö nöñön bem ambönini kiñ Deiwidkö köñañi mi awösamkakak qakñe aukñe kewö jim asarimam: Deiwidnöñ kömuiga löm kölgetka qaksiriñan merak sutnine ki ahöza. ³⁰*Deiwidnöñ kezapqetok azia aka malöhañön kewö mörök: Anutunöñ gwölönarökurupñi yengöreñök kun möwölöhöba kuñgui nanñi ewö azi kembugö dum tatatñe tatma. Anutunöñ keu mi jöhöba jöjopañ keunöñ jim köhöiba malök. ³¹ Kunñan tatmawi, mi qeljiñe eka mörök. Amötqeqe Tonñ Kraist yañön kömupnöhök wahötmawi, Deiwidnöñ mi möta kewö jiyök,

‘Kraistnöñ mala kömumapmö, kömupkö uñem mire geiga Anutunöñ i andö kude qei ahöma.

Yañgö silenñi mi kude mosöri qamötñan kömupkö lömnöñ qahö gisahöma.’

³² Anutunöñ Jisös mem gulii wahöriga mewö mianñön keu mi ölñambuk ahök. Nini körek mi je kötninan eka nañgöba jiba dangunu ewö kinjin. ³³ Jisösnöñ wahöta mala Anutunöñ wanğiri öngöba böröñi ölñe tatza. Mianğöreñ tata Iwinöñ Uña Töröñi melaimapkö jim jöhöyöhi, yañön (promis) mi möta i mokoí eriga ölñi merak ki asuhui eka mötze.

³⁴*Deiwidnöñ Suepnöñ kude öngöyök. Yañön nanñak keu kewö jii ahöza,

‘Anutunöñ Suep miri uruñe nani Kembunanğöra kewö jim kutui mörök:

Göñön mönö kaba böröni ölñe asakmararañ kianğöreñ eta tata malman.

³⁵ Mewö tata malnöñga nöñön nalö sutñe kianğöreñ tuarenjoñurupki tim tötala luhut al engimam.

Luhut al engibiga yeñön tala geba sihimbölö möta sahöta köna döp ewö akñe.

Mewö aketka göñön ölöp wahöta yengö qakñine tiba söñgaiba malman.’

³⁶ “O Israel ambazip, iñini Jisös maripomnöñ qegetka kömuyökmö, Anutunöñ Jisös mi kuñguiga Kambu aka Amötqeqe Tonñ Kraist ak neñgiba malja. Israel kambu pakpak iñini mönö mianğö köñañi möt yaköme.”

³⁷ Pitönöñ mewö jüiga ambazip kambunöñ möta uruñini qesiñni Pitö aka aposol tosatñi yengöra kewö jiget, “Azi alaurup, nini mönö dendenöwö ahin dop kölma?”

³⁸ Jigetka Pitönöñ kewö jii mötket, “Iñini mönö uruñini melenget. Mohot mohot uruñini melenğerañgö dop neñön mönö Jisös Kraistkö qetñe o mem melun mem engibin. Mi engiinga Anutunöñ siñgisöndokñini sanğonda mosöta Uña Töröñ kalemñi mi buña qem engima. ³⁹ Anutunöñ Uña mi engimamgö jim jöhöyöhi, keu mi mönö nanñini aka engö gwölönarökurupñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañön jöhöjöhö keu (promis) mi mönö körek engöra aka mewöyök jiba jöhöi ahöza.”

* **2:24:** Mat 28.5-6; Mak 16.6; Luk 24.5 * **2:25:** Sum 16.8-11 * **2:30:** Sum 132.11; 2 Sml 7.12-13 * **2:34:** Sum 110.1

⁴⁰ Pitönöŋ mewö jiba toroqeba qambaŋ keu tosatŋi gwötpuk mianöŋ uruŋini kuŋguba kewö jiyök, “Ambazip misimkaulup ki gölmenöŋ maljei, Anutunöŋ mi amöt qem enŋiiga letotmegö mötza. Yembuk sihimbölö miwikŋaibepuköra mönö uruŋini melenŋa ambazip goŋgoŋi mi jabö ala enŋömosötme.” ⁴¹ Pitönöŋ mewö jiiga ambazip jesöŋgöŋan keuŋi möt anŋön kölgetka o melun mem enŋiget. Mi mem enŋigetka könagesöŋine toroqetka jaŋgöŋinan wehön mianŋöreŋök 3000 mianŋö dop qariyök. Mewö.

Mötnariŋ yeŋön uru jöhöm anŋuba malget.

⁴² Uruŋini melenŋeri, yeŋön urumohok aka urunöŋ jöhöm anŋuba nalö dop anŋeka tokogetka aposol yeŋön Buŋa keu kusum enŋigetka beret mindipköba nempa köuluk nup memba malget. Pöndaŋ malmal mewöŋi malget.

⁴³ Mewö kinda Anutugö qetŋan bölibapuköra jönöm undu-undu aka malget. Mewö malgetka Anutunöŋ sölölohöm enŋiiga aposol yeŋön jitŋe memeniŋi aka nup megetka anŋöletot aiwesök murutŋi murutŋi asuhuget. ⁴⁴ *Anutu möt narigeri, yeŋön körek malmalŋini mohotŋe mala sukinap (ainemaluku) yuainiŋi pakpak mindiriba mohotŋe memba malget.

⁴⁵ Mewö memba mala gölme sukinap yuainiŋi bohonŋi memegöra algetka söŋgöŋöŋi enŋiget kayöhi, mi sutŋine mözöqözöröŋ aka osigeranŋö dop mendenŋ anŋuba malget. ⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöŋ toko-malget. Beret mi miriŋini dop mindipköba nemalget aka numbu neneniŋi mi geŋmoŋini qahö söŋŋgai qakŋe tata nemalget. ⁴⁷ Aiakanŋini mewö aka Anutu möpöseiba malgetka ambazip pakpak yeŋön i enŋek soriba malget. Enŋek soriba malgetka kambuŋinan qariiga Kembunöŋ nalö dop ambazip tosatŋi uru melenŋ enŋiiga letota mindimindiri areŋine toroqet. Mewö.

3

Pitönöŋ lokon azi kun mem ölöwahök.

¹ Juda yeŋön mare dop 3 kilok köuluközema. Mare kunöŋ Pitö Jon yetköŋ köuluk nalö mianŋöreŋ jöwöwöl jikenöŋ öŋgöyohot. ² Öŋgöyohotka mianŋöreŋ azi kun nam köŋö uruŋeyök lokon asuhaba tat malöhi, mi anŋuba kaba jöwöwöl jikegö kiripo naŋguŋe alget. Alauruŋŋan silim dop kaba kululunöŋ anŋuba kiripo naŋgu qetŋi Naŋgu Eksihimŋambuk qetkeri, mianŋöreŋ alget tarök. Tata ambazip jikenöŋ öŋgögeri, yeŋön monenŋ kalem waŋgimegöra ulet enŋgiba malök.

³ Mewö algetka tari Pitö Jon yetköŋ jöwöwöl jikenöŋ öŋgöbitkö ahotka etkeka i mewöŋanök kalemgö ulet etkiyök. ⁴ Ulet etkiiga jemesoholŋi uba eka Pitönöŋ kewö jii mörök, “Mönö niri netkeknöŋ!”

⁵ Mewö jii möta je kusumusulŋi qahö etkehiba yuai kun böŋöŋireyök niŋgimahotkö mambörök. ⁶ Etkehiga Pitönöŋ jiyök, “Nöŋgöreŋ silwö me goul monenŋ qahö ahözapmö, nöŋgöreŋ yuai kun ahözawi, mi ölop gihimam: Gi mönö Nazaret azi Jisös, Amötqeqe Toŋi Kraistkö qetŋe wahöta anman!”

⁷ Mewö jiba böŋöŋi ölnje memba kököbihiiga wahörök. Wahöriŋa könaŋi aka gwaköt sihitŋi mönö mianŋöreŋök köhöiget. ⁸ Köhöigetka wahöta luhuba yetpuk jöwöwöl jikenöŋ öŋgöba mianŋöreŋ anda kaba serenŋeren unduba Anutu möpöseiyök. ⁹ Mewö anda kaba Anutu möpöseim waŋgiiga ambazip kambu pakpak yeŋön mi eket. ¹⁰ Mi eka kewö jiget, “Azi ki kalem waŋgimegöra jikegö kiripo Naŋgu Eksihimŋambukö kösutŋe tata uleta malöhi, mönö mia.” Mewö jiba möt waŋgiba “Silenŋe wani yuaia asuhuzapto?” jiba auruba nemböŋini teköi welipköget. Mewö.

Pitönöŋ jöwöwöl jikenöŋ Buŋa keu jii mötket.

* 2:44: Apo 4.32-35

¹¹ Welipkögetka ulet azi mianjon sundan Pitö Jon yetpuk mohotje anda kaiga ambazip kambu körek pakpak yenjon ösumnjinan kösutjine kaba jöwöwöl jikegö tohon uruje öngöba kinj Solomongö sombem söranjambuknönj tokoba kinda ehiget.

¹² Mewö ehigetka Pitönönj engeka könahiba kewö jii mötket, “O Israel alaurupni, injini mönö wanigöra yuai ki eka auruze? Wanigöra niri uba netkehize? Azi kianjon ölöwaka köna anda kazawi, mi mönö netkö ösumnönj me Anutugö Buñaje pitirik maljirangöra aka qahö. Mewö kude mötmörime. ¹³ *Nanine ambösakonini Abraham, Aisak aka Jeikob yengö bem Anutunönj mönö Nahönñi Jisös asakmararanj wangiiga jitjememenji öngöngönji ahiga ölni asuhuiga ekze. Injini Jisös mi memba galöm yengö börönjine algetka premiö Pailötnönj pösatmangö keunji jöhöba jiyökmö, enjon Jisös mi yangö jene qan köla andö qem wangiiget.

¹⁴ *Injini azi diñdijni aka sarakñi mi andö qem wangiba azi qeçe azi kun pösatmapkö kapan köla qeta qesiget. ¹⁵ Mewö qeta qesiba mewö mianjon malmalgö Tonjan kömumapkö keunji jigetka kömuyök. Kömuyökmö, Anutunönj i mem guliiga kömupnöhök wahörök. Netkön mi jeninan eka nangöba jiba yangö dangunu ewö kinjin. ¹⁶ Mewö kinda Jisösgö qetñi möt narim wangiba maljit. Azi ki eka möt wangizei, mi mönö qet miangö ösumnan mem köhöiiga kinja. Jisösnönj sölölohöm netkii mötnaripniran asuhui miangö qakñe kinda jim kutuziga köna gwakötñan ölöwak teköiga injini körek mi ekze.

¹⁷ “O alaurupni! Jisös kömumangö kapan kölgeri, enjon mi mönö gukmaulem qakñe aket, mi mötzal. Nanñini aka galömurupnjinan mewöyök yuai ak wangigeri, miangö könanji kude möt kutuba lanj aket. ¹⁸ Mewö aketmö, miangö likepñi Anutunönj kewö ahök: Anutunönj keunji mönöwök kezapqetok ambazipurupñi pakpak yengö jitñine aliga qeljine kewö jiba ohoget, ‘Anutugö Amötqeqe Tonji Kraistnönj mönö sihimbölö mötma.’ Miangöra injini mewö aketka Anutugö keu mianjon mönö mewö ölnjambuk ahök. ¹⁹ Miangöra mönö urujini melenja Anutugörenj lilingöba kagetka singisöndokñini kutuba sanjonma.

²⁰ “Anutunönj oyaenkoyaen Tonji akza. Injini öne lanj malbepüköra Anutunönj Jisös qeljine möwölöhöyök. Miangöra injini mönö urujini melenjetka Amötqeqe Tonji Kraist melaiiga engörenj kaiga yambuk qekötahögetka malmalninan guliiga oyaenkoyaen nalöñinan kam kunjuma. ²¹ Anutunönj möpñangö möpñe könahiba keunji kezapqetok ambazipurupñi tök-kutukutuñi pakpak yengö jitñine aliga qeljine kewö jiba malget, ‘Anutunönj Amötqeqe Tonji anjon köl wangii Suep mire tata mali yuai pakpak kunbuk arengöba kölöñaimawi, mönö nalö miangörenjök melaiiga Suep mosöta etma.’ Jisösnönj keu miangö dop eta nenngörenj kayök.

²² *Mosesnönj kewö jii mötket, ‘Kembu Anutunönj Juda kambu engö sutñineyök kezapqetok azi kun mem guliiga wahöta Moses ni ewö akña.

Yanjon ipñina kinda engöra keu jimawi, mönö mi pakpak kezap ala möta tem köla malme!

²³ *Kunñan kun kezapqetok azi miangö keunji qahö tem kölmawi, Anutugö könagesö enjon mönö yangö keunji jim teköba ayuhum wangime.’

²⁴ Kezapqetok ambazip Samuelgörenjök könahiba kota keu jigeri, mienjon mönö körekmakörek mewöyök kezapqetok keu nalö kewöñe ölnjambuk akzawi, mia qeljine jiba malget. ²⁵ *Anutunönj ambösakonurupnini yembuk jöhöjöhö arenji aka Abrahamgöra kewö jii mörök,

‘Göhö gwölönarökurupki yengörenjök kunñan ahuba wahötmawi, Anutu nönjon mönö yangöra aka gölmegö ambazip kambunji kambunji pakpak kötuatköm engibi oyaenkoyaen akñe.’

Anutunönj jöhöjöhö keunji indeli kezapqetok ambazipnönj mi toroqeba jim köhöiba malgeri, mi mönö engöra aka ali ahöza. ²⁶ Anutunönj Nahönñi mem guli wahöri kötuatköm

* 3:13: Eks 3.15 * 3:14: Mat 27.15-23; Mak 15.6-14; Luk 23.13-23; Jon 19.12-15 * 3:22: Dut 18.15, 18 * 3:23: Dut 18.19 * 3:25: Jen 22.18

engimapköra melaiiga mutuhök engören erök. Mianğöra mönö dölki urunini melenđa nanjik nanjik malmalninanğö köna bölöni andö qeme. Mewö aka oyaenköyaen akne.” Mewö jiyök.

4

Pitö Jon yetkön jike kaunsöl kambunöñ kinohot.

¹ Pitö Jon yetkön ambazip kambu yengöra keu mewö jiyohotka jike nup galöm yeñön, jikegö kiripo galöm bohonñan aka Sadyusi (Jike nupkö kapankölköl) yeñön wahöta jenire kanğotket. ² Gwarekyahötnan ambazip kambu kusum engiba kewö jiyohot, “Jisösnöñ kömupnöhök wahörök. Mianğö dop kömugeri, yeñön mewöñanök guliba wahötme.” Mewö jiyohotka urunini bölüiga yetköreñ kanğotket. ³ Kanğota etkömemba miri söñauyöhanğöra aka kösö mire al etkiba jiget, “Miri gianjiigun keu jakeñe al etkibin.”

⁴ Mewö jigetmö, Buña keuñiri mötkeri, yengörenök jesöngöñan urunini melenđa Jisös möt nariget. Möt narigeri, yengö janğöñinan qariiga 5000:gö dop aka malget.

⁵ Miri gianjiiga galömkölköl aziurupñini, Juda yengö jitje memeurupñini aka Köna keugö böhi yeñön Jerusalem tokoget. ⁶ Tokoba jike nup galöm bohonñi qetñi Anas yanön sutñine tarök. Mewöyök Kaiafas, Jon, Aleksander aka jike nup galöm bohonñanğö saiwaurupñi tosatñi pakpak mi mohotñe tatket. ⁷ Tatketka Pitö Jon etkuangita jeñine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letorök?”

⁸ Qesim etkigetka Uña Töröñan Pitögö urunji kokolak qei kinda kewö jii mötket, “Kantrigö galömkölköl azi aka jitñememeurupñini, mötket! ⁹ Niri lokon azi denöwö alabauk ak wangiziga könañi guliba ölöwahök, merak mewö qesim netkize. ¹⁰ Mianğöra mianğö likepñi mi ölop jibiga inñini aka Israel ambazip könagesö pakpak mötme. Enñon Nazaret azi Jisös, Amötqeqe Tonini maripomnöñ qegetmö, Anutunöñ i mem gulli kömupnöhök wahörök. Jisös qetñanğö ösumñan mönö azi ki möhamgöiga engö jeñine ölöwaka kinja. ¹¹ *Keu kun kewö,

‘Miri meme azinöñ köt tandö kun andö qeba mosötketmö, Anutunöñ mi aliga ain tandö kömbönañi bohonñi akza.’

Ain tandö bohonñi mi Jisös.

¹² “Jisös mohotnöñ mönö amöt qem neñgiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin.”

¹³ Mewö jim teköiga tandökñiri eka kewö jiget, “Azi yahöt kietkön mötmöt mire qahö öngöba töndup keu köhöikñi köhöikñi jiba awösamakak kinda suahö ewö akzahot.” Mewö jiba köñkun aka welipköba könañiri möt kutuba jiget, “Alakña! Azi yahöt mietkön mönö Jisösbuk mala letorohot.” ¹⁴ Könañiri möt kutuba jiba lokon azinöñ ölöwaka yetpuk kinöhi, mi eka keuñiri qeapköbingö osiget. ¹⁵ Mi osiba jike kaunsöl kambu engömosöta yaigep gemahotkö jim kutuget geyohotka nanñinök keu jaruba goro aket.

¹⁶ Goro aka jiget, “Nini azi yahöt ki mönö denöwö ak etkibinto? Yetkön jim kutuyohotka angöletot qainñi kun asuhuyöhi, mi Jerusalem körek pakpak yeñön möt teköze aka nini mi mewöyök qañ kölböngö osizin. ¹⁷ Mi osizinmö, mianğö keuñi ambazip sutñine kunbuk sehiba anbapüköra mönö ölop kewö jim kutum etkiinga dop kölma, ‘Inñiri mönö Jisösgö qetnöñ keu kunbuk kude jimahot.’ Mewö jiba köhöikñanök jim qetal etkiinga sörauyohotka kunñan kun mi qahö möri teköma.”

¹⁸ Mewö jim jöhöba etkoholget öngöyohotka kewö jim kutum etkiget, “Inñiri mönö Jisösgö qetnöñ keu kun kude toroqeba jiba ambazip kusum engimahot.” Mewö jiba sonğo köhöikñi al etkiget. ¹⁹ Mewö jim kutum etkigetmö, Pitö Jon yetkön melenđa kewö jiyohot, “Netkön engö jimkutukutunñini tem kölbitköra Anutugören keu memba et aljiğa omani

* 4:11: Sum 118.22

akapuk. Mi Anutugö jemesoholne dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netkôn yuai eka möriri, mi köyatiba keu bök malbirangö dop qahö.”

²¹ Mewö jiyohot mötketka ambazip körekñan angöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambuñi 40 lök ongita malök. Miangöra mönö Anutu gwötpuk möpöseiba malget. Mewö.

Mötnarip yeñon köuluköba kin köhöiget.

²³ Jike nup galöm bohonñi aka jitñememe yeñon Pitö Jon galöm meme keu jim etkiba etkömosötketka nanñiri alaurupñiri yeñoreñ lilingöba anohot. Anda keu pakpak jigeri, mi jiyohotka mötket. ²⁴ *Mi jiyohotka möta urumohot aka uruñini qezaköba jölnini memba wahöta Anutu kewö köuluköm wangiget, “O Kambu öngöngöñi ketanji, göñon Suep, gölme, köwet aka yuai pakpak miengöreñ ahözawi, mi miwikñaim engiba Tonjina akzan.

²⁵ *Göñon mönöwök nangi Uña Töröñi melainöñ eta nup azigi Deiwid, neñgö ambönini yangö numbuñe keugi ali göhö jitki memba kewö jiyök,

‘Urumeleñgö kopa yeñon mönö wuanöngöra göjuñi göjuñi memakze?

Kantriñi kantriñi yeñon mönö denöwögöra aka mötmöt omanji omanji mötmörimakze?

²⁶ Gölmegö kiñ kambuñi kambuñi yeñon gölmeninangö dop wahörakze.

Pom jembonñi jembonñi yeñon mindiriba tokomakze. Mewö qeburuñ yöhöi Kambu aka yangö Amötqeçe Tonji qetal etkimakze.’

²⁷ *Ölña, keu miangö dop siti kiangöreñ asuhuyök. Gi Nahöngi Töröñi Jisös kungunönga Amötqeçe Tonina akza. Yanñon asuhuiga azi kambu yahöt Herod aka Pontius Pailöt yetkôn Rom gawman galöm aka nanine Israel isikurupnini yembuk mindiriba toto ala tuarenjon ak wangiget. ²⁸ Gi nangak ösumgi aka jitkahö dop yangöra yuai asuhumapkö keuñi jiba qeljine jöhöba arengönöñ. Yeñon yuai mi ak wangigetka keu areñ pakpak mi mewö öljambuk ahök.

²⁹ “O Kambu, nini gi welen qem gihiinga merak galöm meme keu neñgizei, gi mönö mi eka nanñom neñginönga ölop göhö Buña keugi suahö ewö awösamkakak kinda jiba malbin.

³⁰ Göñon mönö börögi surunönga kawöl ambazip mi Nahöngi Töröñi Jisösgö qet ösumne ölöwakne aka angöletot aiwesök murutñi murutñi asuhumakne. Keu mi ölña.”

³¹ Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnarip ambazipnön uru jöhöm anguget.

³² *Urumeleñ kambu ketanji yeñon urumohot aka mötmöt mohot aka malget. Yuai pakpak ahöm engiyöhi, mi göhöreñök me nöngöreñök, mewö qahö jigetmö, yuai pakpakñini mi mutulangöba mohot aiga malget. ³³ Mewö malgetka Anutugö ösumñan engualöñniga köhöigetka aposol yeñon jitñini memba dangunu ewö kinda Kambu Jisösnön kömupnöhök guliba wahöröhi, keu mi nangöba jiba malget. Mewö malgetka Anutunöñ kalem möriamñi ketanji mokom engiiga ambazipnön göda qem engiget. ³⁴ Mewö malgetka miangö dop sutñine kunñan yuai kungöra qahö mözöröngöba osiba malök. Körek pakpak nene nupñi nupñi aka miriñi miriñi miengö tonji akeri, yeñon mi bohonñi memegöra alget. Mewö algetka söngöröñi monen kaiga mi memba kaget. ³⁵ Memba kaba aposol yangö böröñine algetka körek pakpak mözöröngöba osigerangö dop mi sutñine mendenja engiba malget.

* **4:24:** Eks 20.11; Neh 9.6; Sum 146.6 * **4:25:** Sum 2.1-2 * **4:27:** Mat 27.1-2; Mak 15.1; Luk 23.1, 7-11; Jon 18.28-29 * **4:32:** Apo 2.44-45

³⁶ Azi kun qetņi Josef, aposol yeņon qetņi Barnabas qetkeri, mi nanine keunon: Uru nanğonanğo azi, yanon gölme jolanņi qetņi Saiprus mianğoreņ asuħuba qariba jike nup azia (Liwait) malok. ³⁷ Yanon mewoyok nene nup gölmenņi bohonņi memegora ali moneņ kaiga songoronņi mi memba aposol yeņoreņ kaba boronņine alok. Mewo.

5

Ananaias Safaira yetkoreņ tilipqilip

¹ Mewo aka malgetmo, azi kun qetņi Ananaias anomņi qetņi Safaira yetkon nup gölmeniranğo bahonņi bohonņi memegora alohot. ² Alohotka songoronņi kaiga azinon moneņ bahonņi nanğanğora anğon kola asambori anomņan mi mot tekoi bahonņi kun memba kaba aposol yeņgo boronņine alok.

³ Boronņine alokmo, Pitonon kewo jiyok, “O Ananaias, gi monö wuanonggöra Satan qahö qetalnonga urugi kokolak qeza? Yanon urugi kokolak qeiga gonon esapkoba Uņa Toronņi isimkakalek ak wanğiba nup gölmeğo moneņ bahonņi anğon kola asambotzan? ⁴ Gi mianğo tonņi aknonņi, nalö mianğoreņ mi nangi buņaya ahok me? Aiga nup gölmeği bohonņi megetka songoronņi kayohi, moneņ mi monö göhö buņaya ahok me? Gi monö wuanonggöra urugan keu johoba yuai ki akzan? Gi moneņ jiba mewo mianon ambazip qahö tilipkom neņgizanmo, Anutu nanņi monö tilipkom wanğizan!”

⁵ Mewo jiiga keu mi mot sasauha tala gölmenon geba komuyok. Mewo komuiga ambazip pakpak mianğo buzupņi mota sombu motmot ketanņi aket. ⁶ Komuiga azi gwabö yeņon kota qamotņi memba esuħuba anğuba anda lom kolget.

⁷ Aua karobut tekoiğa anomņan yuai asuhuyohi, mi qahö mota kayok. ⁸ Kaiga Pitonon anomņi Safaira kewo qesim wanğiyok, “Inņiri nup meme gölmenņiri bahonņi bohonņi memegora alohotka moneņ kayohi, mi mianğo dop me qahö? Mi jinonga motpi!”

Qesim wanğiiga kewo melenok, “Moneņ mi olņa mianğo dop kayok.”

⁹ Mewo melenņiga jim wanğiyok, “Inņiri monö wuanonggöra urumohok aka Kembugö Uņa Toronņi tilipkom wanğizahot? Motnon, apkan komuiga azinon memba anda lom koljei, yeņon monö nanği ki dopdowigetka kourukņi motzan. Yeņon gi mewoyok esuħuba anğum gihiba anme.” ¹⁰ Mewo jiiga mianğoreņok tala Pitogö konanğe geba komuyok. Komuiga azi gwabö yeņon kota qamotņi miwiknaiba memba anğuba anda anğanğo qohoronņe lom kolget. ¹¹ Lom kolgetka urumelen kambu jomukņi yeņon mota awowoligetka buzupņi sehiiga korek pakpak motketka sombu motmot ketanņi aket. Mewo.

Aposol yeņon ambazip gwotpkuk mem olowak enğiget.

¹² Mewo aketka Anutugö kukosumņan aposol inahom enğiiga nup memba boronņini ambazip qakņine algetka Anutunon aiwesok anğoletot meiga sutņine gwotpkuk asuħuget. Ambazip Jisos mot narigeri, korek yeņon jowowol jikeğo tohon uruņe onğoba kin Solomongo sombem soranğambuknon tokoba kambu mohot aka malget.

¹³ Mewo tokoba malgetka ambazip tosatan kenğotņini mota zirinğiriņ aketka kunņan totokonņine qahö onğoyok. Mewo qahöpmö, ambazip kambu yeņon goda gwotpkuk qem enğiba malget. ¹⁴ Mewo tokoba malgetmo, tonđup ambazip sehisehinņi yeņon kambuņini toroqem enğiba malget. Azi aka ambi kambuņi kambuņi yeņon Jisos mot nariba uruņini melengetka kambuņinan qariba sehiyok. ¹⁵ Aposol yeņon nup mewo megetka ambazip sehisehinan olowaket. Mewo olowakeranğora aka tosatan kawol ambazip enğuanğita kululu kola anğuba kona goranğe mewoyok dum mohangoba moki tumbula mianğoreņ al enğiba kewo jiget, “Pitonon kaba neņonğitmawi, imutimutņan monö nalö mianğoreņ yeņoreņok kungö qakņe onğoi olowakawak!”

¹⁶ Mewoyok taon aka miri Jerusalem siti lilikoba tat anjei, mienğoreņok ambazip kambu gwotpkunğan oroba kaget. Mewo kaba ambazip kawol enğohoyohi aka omenon

töñöt memba* kölköljinjin ak engigeri, mi enğuangita kaba kañgotket. Kañgotketka körek yeñön ölöwaket. Mewö.

Garatanöñ aposol kösö mireyök enğuangiri etket.

¹⁷ Mewö aka malgetka jike nup galöm bohonnan aka yañgö sunğurumurupni Sadyusi (jike nupkö kapankölköl) pati nañgöm wañgigeri, körek yeñgö irimñini seholiiga urupik aket. ¹⁸ Urupik aka aposol engömembra jöhöba gawmangö kösö mire al engiget. ¹⁹ Al engigetmö, sunğem mianğoreñ ahögetka Kembugöreñ garata kunöñ kösö miri nañguni öröba enğuangita yaigep eta kewö jiyök, ²⁰ “Mötket! Inini mönö anda jöwöwöl jikenöñ öngöba ambazip jeñine kinda malmal dölökñañgö könañi pakpak aukne jigetka mötme.”

²¹ Mewö jii möta miri gianjiiga jöwöwöl jikenöñ öngöba kinda Buña keu kusum engiget. Mewö kinda kusum engigetka jike nup galöm bohonni aka alaurupñan nañgöm wañgigeri, yeñön añgota jike kaunsöl kambu aka Israel jitñememeurup köl öröm engigetka mohotne tokoget. Tokoba kinda opotöröp tosatni aposol enğuangitpingö melaim engigetka kösö mire anget. ²² Angetmö, i mianğoreñ qahö miwikñaim engiba öne lilingöba kösohotñini kewö alget, ²³ “Nini ölña kösö mire añgota nañguni köhöikni kötökni kölget kini wahip azinöñ nañgunöñ kingetka ehin. Mi ehinmö, nañguni öröba öngöba mianğoreñ azi kun qahö miwikñaizin.”

²⁴ Mewö jigetka jikegö kiripo galöm bohonni aka jike nup galöm bohonni yeñön keu mi möta uruñini lalalulu siksauk aiga jiget, “Opoñ! Merak mewö asuhuba könañgep kunbuk supapköiga denöwö akapuk!” ²⁵ Mewö jigetka kunñan kota kewö jii mötket, “Mötket, azi kösö mire al engigeri, yeñön mönö jöwöwöl jikenöñ kinda ambazip Buña keu kusum engize!” ²⁶ Mewö jii mötketka jikegö kiripo galöm bohonnan opotöröp engömeiga anget. Anda “Ambazipnöñ köt gila neñgubepuk!” jiba keñgötñini möta lolonñanök jöwöwöl jikenöñ öngöba aposol enğuangita kaget.

²⁷ Mewö enğuangita kaba jike kaunsöl kambu yeñgö jeñine alget kingetka jike nup galöm bohonnan kewö qesim engiyök, ²⁸ * “Inini Jisösgö qetne keu kun kude kusum engime! Neñön mewö jiba songo köhöikni al enğiinmö, keu mianğö ölñan mönö denöwö asuhuyök? Eñön mönö toroqeba kusum engiba mala Jerusalem siti ki Jisösgö keunöñ kokolak qegetka maljin. Aiga azi mianñön kömumba sepni mokoiga eñön neñgöra kewö jimakze, ‘Yañgö keuñan mönö Juda neñgö qakñine öngöyöha ahöza.’ ”

²⁹ Mewö jiyökmö, Pitö aka aposol tosatñan kewö melenget, “Neñön ambazip engö jimkutukutuñini tem kölbingöra aka Anutugöreñ keu andö qeinga qahö dop kölma. Qahö! ³⁰ Anutunöñ nanine amböskonurupninañgö bemñina akza. Inini Jisös ip kembane möndöba qegetka kömuyökmö, Anutunöñ i mem gulii wahörök. ³¹ Anutunöñ i mem guliba wañgita öngöi nannji böröñi ölñe ali tatza. Euyangöreñ tari Anutunöñ siñgisöndoknini mosöt neñgimangöra kuñgui Pom Kembunini aka Amötqeçe Tonini akza. Mewö aka Israel könagesö urumelen ak neñgimangö mötza. ³² Nini yuai mi eka keu pakpak mi nañgöba jiba dangunuñi aka kinjin. Uña Töröñan mewöyök keu mi nañgöba jimakza. Anutunöñ Uña Töröñi ambazip jitni tem köl wañgimakzei, mönö yeñgö uruñine ala buña qem engiza.”

³³ Pitönöñ keu mewö jiiga jike kaunsöl kambu yeñön mötketka uruñini sounöñ qesiñqesiñ ewö qesiñnök. Qesiñniga uruñini könöp jeiga aposol enğuget kömumegö mötket. Mewö.

Gamalielnöñ alaurupni jim mölöwörim engiyök.

³⁴ Mewö mötketmö, Farisi (Köna keugö kapankölköl) azi kun qetni Gamaliel yañön jike kaunsöl kambu yeñgö sutñine tarök. Yañön Köna keugö böhi azia mali ambazip pakpak göda qem wañgigetka jitñememenjina ahök. Mewö aka wahöta aposol enğuangitketka yaigepne geba borom kun mambötmegöra jim kutuyök.

* **5:16:** Töñöt mi kewö: Ömenöñ numbuñi möwöngöiga keu bök malja. * **5:28:** Mat 27.25

³⁵ Mewö jim kutui gegetka jitnememe alaurupji kewö jii mötket, “Israel aziurup, injini azi ki denöwö ak engibeak, miangöra mönö ölöpnanök galöm mem angume. ³⁶ Mutuk emune azi kun qetji Teudas yanön wahöta ‘Nönön ketanjamnina akzal,’ jiiga merak (yara) yambu tosatji teköi maljin. Teudasnön mewö jiiga azi 400:gö dop yambuk örörön jöhöba mindiriba malgetmö, kunjan qei kömui tosatjan aziurupji imbi köl wangigeri, mi kunjum engigetka buratigetka qeburuninan pömsöm qeba qahöwahök.

³⁷ “Yanö andöje Galili azi kun qetji Judas asuhuyök. Yanön takis memegöra ambazip qetjini ohoba arengögeri, nalö miangörej asuhuyök. Asuhuba ambazip mölöwörim enjiiga karim aknegöra sungurum alabaukurupji aket. Mewö aketmö, i mewöyök qegetka kömuyök aka tosatjan sungurumurupji imbi köl wangigeri, mi kunjum engigetka buratiget. ³⁸ Mewö aiga nönön kewö jibi mötket: Injini mönö azi kiengö silenine yuai lan kude akne. Yenön nup ki megetka qeburun ahuzawi, mi gölme ambazipkö mötmöt areñneyök ahuzaw ewö, mi mönö sohoba pömsöm qeba qahöwakña. Miangöra i mönö engömosötketka etme. ³⁹ Mi qahöwakñapmö, Anutugö mötmöt areñnöhök ahubawak ewö, enön mönö qeburun mi jöhöbingö osime. Injini Anutu nanji qetala tuarenjon ak wangiba malbepuk. Nanjini kónanini mewö miwikñabepüköra mönö galömñini mem angume!”

⁴⁰ Gamalielnön mewö jiiga goro keunji angön köla wuatangöget. Mi wuatangöba aposol engoholget kotketka opotöröpköra jigetka raukapan (raurapan) mem engiget. Raukapan mem engigetka jike kaunsöl kambu yenön aposol mi Jisösgö qetne keu kun toroqeba jibepükö sonjo köhöikñi al engiba “Eta anme,” jiget.

⁴¹ Mewö jigetka jike kaunsöl kambu mosöta anget. Könanön anda kewö jiget, “Jisösgö qetkora aka qetbuñanini mewö mem sohozei, mi Anutunön mötza. Yanön nini sihimbölo mewöni mötpinanö dop möta nengehiga ölop dop kölja.” Mewö jiba uruninan miangöra ölöwahiga söngaiget. ⁴² Söngaiba nup toroqeba memba silim dop jöwöwöl jikenön öngöget aka mirinji mirinji miangörej anda Buña keu kusum engiba malget. Jisösnön Amötqepe Tonj Kraist akzawi, yenön miangö Ölöwak Buñani jiba mianön ambazip urunini kunjuba malget. Mewö.

6

Nupbauk azi (dikon) 7 meköm engiget.

¹ Gwarek jangöñinan qariba öngöiga Juda ambazip kambu yahöt aka malget. Tosatjan kantri tosatneyök kaba Grik keu jiget aka tosatjan nanjine gölmenjine mala kota Arameik aka Hibu keu jiget. Mewö malgetka nalö miangörej goranora (noragora) asuhuyök. Grik keu jigeri, yenön kewö jigetka böliyök, “Aposol yenön nalö dop nene inap menden neñgimazemö, Grik keu ambi malö nenjö nene inap bahöni mi bahösapsap neñgimakze. Örörön qahö misigetka qahö dop kölja.”

² Mewö jigerangöra aka aposol 12 yenön gwarek kambu köl öröm engiget tokogetka kewö jiget, “Nenön silegö nup memba nene menden da engiba Anutugö Buña nupköra nalönini ölop qahö dop köli urugö nupninan etpapuk. Mi kude dop kölja. ³ Mewögöra alaurupnini, mötket! Enön mönö nanjini sutñineyök nupbauk miwikñaim engime. Uña Töröñan azi urunini kokolak qeiga Anutunön mötkutukutunji qainji kun al enjii qetbuña ölopñi memba kinjei, mönö azi mewöni 7 meköm engime. Mi meköm engigetka nup mi enjiinga mi galöm köla memba malme. ⁴ Yenön mewö malmemö, naninak nalö jömukñanök köuluköba Anutugörej Buña keu jegep kinda jim sehiba malbin. Nup miangörej mönö pöndañ kinbin.”

⁵ Mewö jigetka kambu pakpak yenön “Ölop dop kölja!” jiget. Mewö jiba azi qetji Stiwen meköget. Stiwen mi Anutu köhöikñanök möt narim wangiga Uña Töröñan urunji kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetji Antiokia

mianğoreñ ahuba könanğep Juda azia aka uruñi Kraistköreñ melenñök. ⁶ Mi meköba möwölöhöm enğigetka aposol yenğö jemesoholñine öngöm angetka böröñini nöröpñine ala köuluköba kötuetköm enğiget.

⁷ Anutugöreñ keu jim sehigetka töhötmöriamñambuk aiga gwarek yenğö jañğöñinan Jerusalem sitinöñ qariba sehiyök. Jike nup galöm yenğö kambunöhök sehisehiñi yenön mewöyök uruñini melenñda Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösumñi mianjön nupbauk azi Stiwengö uruñi kokolak qei kinda aiwesök angöletot ketanji ketanji mi ambazip sutñine mei asuhuget.

⁹ Mi asuhugetmö, Juda tosatñan wahöta Stiwen angötuaerenjoñ ak wañgiget. “Lolohoba kageraño köuluk miri kambu”^{*} yenğö sutñine Juda tosatñan Sairini aka Aleksandria Ijipt siti yahöt mianğoreñök lilingöba kaba kinget. Azi mewöñan mindiriba wahöta Silisia aka Eisia prowinsnöhök kageri, yenğö kambunöhök Juda azi tosatñi enğömemba mohotñe Stiwenbuk möndöñda goranora aka jitnakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketanjanğö qakñe keuñi melenñda jiyöhi, mi Juda yenön qeapköbingö osiba etket. ¹¹ Osiba eta mömölaköba anda azi tosatñi miwikñaiba kungum enğiba kaba kewö jiget, “Yañön mepaqepaik keu jiba mianjön Moses aka Anutu qetal etkii mörin.”

¹² Mewö jiba anda ambazip kambu, yenğö jitñememe aka Köna keugö böhi miengö urugege keu jigetka uruñini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yenğö jeñine anget. ¹³ Anda azi tosatñi enğuanğitketka kota Stiwengö silenje keu muneñi ala kewö nañğöba jiget, “Azi kianjön mönö jöwöwöl jikenini aka Mosesgöreñ Köna keu tuarenjoñ aka qahö mosörakzapmö, mi toroqeba jimahakza. ¹⁴ Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki köndeñniga qeqelanlan ahöma aka Mosesnöñ Köna keu neñgii ahözawi, mi uteköma.’ ”

¹⁵ Mewö jigetka jike kaunsöl kambugö totokonöñ tatkeri, yenön köreknan Stiwen törörök ugetka kaisoñgolomñan Suep garata tandök ewö ahiga eka mötket. Mewö.

7

Stiwenöñ keu likepñi melenñda jii mötket.

¹ Stiwen keu jakeñe al wañgigetka kini jike galöm bohonñan kewö qesim wañgiyök, “Keu mi ölna me muneña?”

Stiwenöñ Abrahamgö kösohotñi jiyök.

² *Qesim wañgiiga likepñi kewö melenñök, “Aziurup, iwi darumuni, nöñön kewö jibi mötket: Nanine ambönini Abrahamnöñ Mesopotemia gölmenöñ maliga asakmararañ Tonji Anutu yañön asuhum wañgiiga Mesopotemia mosöta Haran mirinöñ anda malök.

³ Anutunöñ kewö jii mörök,

‘Gi nangi miri gölmeği aka tinitosolomurupki enğömosöta gölme kun kondel gihimami, mönö mianğoreñ anda malman.’

⁴ *Mewö jii möta Kaldia gölme mosöta Haran gölmenöñ anda malök. Mianğoreñ mali iwiñan kömui Anutunöñ melaim wañgiiga inini nalö kewöñe ki maljei, mönö gölme kianğoreñ kaba könahiba tata malök. ⁵ *Gölme kianğoreñ tata maliga Anutunöñ gölme kitipñi borom kun köna tamböñanğö dop mi qahö buña qem wañgiyök. Gölme kianğö tonji qahöpmañöp qahöpmö, Abrahamgö gwölönarökñi qahö ahuiga Anutunöñ nalö mianğoreñök yañğö keu qeljine kewö jiba jöhöyök,

* **6:9:** Köuluk miri kambu kungö qetñi mi kewö asuhui qetket: Ambazip pomñi yenön tosatñi bohonñini enğömegetka buñañini aka tonjanğö welennini öne qeba mala (sleiw) böröñineyök lolohoba kageri, yenön mönö nanñini köuluk miri kambuñini ala qetñini mi mewö qetket. * **7:2:** Jen 12.1 * **7:4:** Jen 11.31; 12.4 * **7:5:** Jen 12.7; 13.15; 15.18; 17.8

‘Nöñön gölme ki mi gi aka göhö andöge gwölönarökurupki ahumei, mönö engöra engibi miangö tonji akne.’

6 *Mewö jiba toroqeba keu kewö jiyök,

‘Göhö gwölönarökurupkan gölme kungen anda kian aka malme. Kian aka malgetka gölme miangö tonji yeñön jöhöm engigetka tonjinañgö welennini öne qeba malme. Mewö malgetka tulungöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalin qakne malme.

7 *Mewö malmemö, nöñön könangep gölme ambazip welennini qeba malmei, mi keunöñ ala jim teköm engimam.’

Mewö jiba toroqeba jiyök,

‘Mewö asuhuiga gwölönarökurupkan gölme mi mosöta gölme kiangöreñ lilingöba kaba waikni memba möpöseim ningiba malme.’ Mewö.

Aisak, Jeikob aka Josefyengö kösohotñini jiyök.

8 *‘Anutunöñ Abrahamgöra mewö jiba aiwesök kewö akñegöra jii mörök, ‘Injini nömbuk jöhöjöhö akñegöra mönö nöngö aiwesök esöñini köla azi silenine yandiba malme.’ Miangö dop Abrahamnöñ nahönñi Aisak ahuiga silim 8 aiga miangöreñ aiwesök mi silene yandiyök. Aisaknöñ nahönñi Jeikob qiwikñaiba aiwesök mi yandiyök aiga Jeikobnöñ nahönurupñi qiwikñaaim engiba miangö dop yandim engiyök. Jeikobkö nahönurupñi 12 yeñön Israel neñgöreñ ambösakonurupnina aket.

9 *‘Ambösakonurupninan munñini Josef mi andö qem wañgiba bohonñi memegöra algetka tosatñan söngöröñi memba wañgita Ijpt kantrinöñ anda algetka malök. Miangöreñ malökmö, Anutunöñ yambuk kinök. 10 *Yambuk kiniga könjilin könani könani qakne öngöi möröhi, körek miengöreñök mönö meköm wañgiyök. Meköm wañgiba kalem möriamñi wañgii mötkutukutuñi ölöpñan asuhuyök. Mi asuhuiga Ijpt kantrigö farao kiñ yangö jeñe añgori ehi dop köliga azi kembu kuñgum wañgii Ijpt kantri aka farao kiñgö jakömbuak miri yuaini galöm köñ engiba malök. 11 *Galöm köñ engiiga bödi nalöñi kam kuñguiga Ijpt pakpak aka Kenan gölme mi dop kölöc. Miangöra ambazipnöñ kahasililin ketani möta malget. Mewö mala nanine amböurupninan nene miwikñaibingö meme yangap meget.

12 *‘Mewö megetka ‘Ijpt gölme miangöreñ padi ahöza,’ mewö jigetka Jeikobnöñ mörök. Mewö möta nahönurupñi, nanini amböurupnini mi nalö mutukñi melaim engii miangöreñ anget. 13 *Mewö anda mala lilingöba iwiñinañgöreñ kaget. Könangep indimñi kun kunbuk angetka Josefnöñ könangamñi indeli mötket. Mötketka farao kiñnöñ mewöñanök tinitosolomñi engeka könaniñi möt kutuyök. 14 *Möt kutuiga Josefnöñ keu ala iwiñi Jeikob aka tinitosolomurupñi pakpak mi köñ öröm engii yangöreñ anget. Ambazip angeri, yeñgö jañgöñini mi 75 ahök.

15 *‘Jeikob mewö wañgitketka Ijpt gölmenöñ anök. Anda mala miangöreñ kömuyök. Amböurupninan mewöyök kömum teköget. 16 *Kömum tekögetka qamötñini memba añguba Kenan gölmenöñ lilingöba Sekem mire kaba löm köñ engiget. Mönöwök Abrahamnöñ Sekem (Sikem) mala gölme kun azi qetñi Hamor yangö gwölönarökurupñi yeñgöreñök moneñnöñ söngöröñi meyöhi, mönö miangö qaksirine köñ köteñ urorohoba miangöreñ al engiget.’ Mewö.

Mosesnöñ Ijpt kantrinöñ ahuba mala korök.

17 *Stiwenöñ toroqeba kewö jiyök, ‘Anutunöñ mönöwök jöhöjöhö keu Abraham wañgiyöhi, mi öñambuk akñapkö nalöñi töriba dopdowiyök. Dopdowiyöhi, miangö

* 7:6: Jen 15.13-14 * 7:7: Eks 3.12 * 7:8: Jen 17.10-14; 21.2-4; 25.26; 29.31-35.18 * 7:9: Jen 37.11, 28; 39.2, 21 * 7:10: Jen 41.39-41 * 7:11: Jen 42.1-2 * 7:13: Jen 45.1, 16 * 7:14: Jen 45.9-10, 17-18; 46.27 * 7:15: Jen 46.1-7; 49.33 * 7:16: Jen 23.3-16; 33.19; 50.7-13; Jos 24.32 * 7:17: Eks 1.7-8

dop Israel yeñon Ijpt gölmenöñ ahum sehiba malgetka kambuñinan qariba öngöyök. ¹⁸ Qariba öngöiga farao kiñ kunöñ wahöta könahiba Ijpt galöm köl engiyök. Kiñ dölokñi mianön Josefgö könañi mi qahö möta malök. ¹⁹ *Yanğö könañi kude möta nanini könagesö mi isimkakalek qakñe tilipköba amböurupnini mulungöm engii malget. Mewö malgetka kiñnön köhöiba Israel kewö jim kutum engiyök, ‘Injini mönö morö azi sepsepñini memba yaigepñe anda onöñ gilgetka geba kömume.’

²⁰ *‘wö jiiga nalö miangörenök morö kun qetñi Moses asuhuyök. Anutunöñ i eka möri dop kölok. Mosesnön ahuiga iwinamñan i köiñ karöbut miangö dop mirinire galöm köla malohot. ²¹ *Köiñ karöbut mi teköiga namñan wañgita yaigepñe anda köndenöñ o qakñe ala mosörök. Mosöta ani farao kiñgö böratñan miwikñaiba meiga nahönñi aiga galöm köl wañgii malök. ²² Mewö maliga Ijpt yeñgören mötmöt aka aiaka pakpak mi kusum wañgigetka miangö dop Ijpt yeñgören mötkutukutu azi ketañi ahök. Yanğon keuñi aka ahakmemenji mi ösum-mumu qakñe jiba aka malök.

²³ *‘Mosesgö (yara) yambuñi 40 teköiga miangören Israel darumunurupñi yeñgö prowinsnön anda engekñangö mötmöriba keuñi jöhöba anök. ²⁴ Anda Ijpt azinöñ Israel azi kun yambuk öne töhön anğururuk aka öröm ureim ak wañgiba qeyöhi, mi ehök. Mi eka anda Israel azi mi bauköm wañgiba andöñe anda likepñi melenđa Ijpt azi mi qeba qem kömuyök. ²⁵ Qem kömuiga Anutunöñ Mosesgören nariba Israel ambazip farao kiñgö böröneyök meköm enjimamgöra kukösum wañgii kayök. Yeñon Moses eka könañi mewö ölop möt asarize, mewö mötmöriyökmö, yeñon mi qahö möt asariba öne tönpin malget.

²⁶ ‘Miri gianjiiga kunbuk yeñgören ani Israel azi yahötñan auyohotka etkehök. Etkeka esapköba sutñire luai ahumapkö möta kewö jiyök, ‘Azi yahöt, injiri darumuna. Nanniri mohot mianön mönö wuanöñgöra mewö ayuhum anğuzahot?’ ²⁷ Mewö jiyökmö, azinöñ alañi mem bölim wañgiyöhañon mönö Moses könöpuk utala kewö jim wañgiyök, ‘Gi mönö neñgören galöm aka jimtekötekö azia akzan me? Dañon mewö kuñgum gihiiga kinjan?’ ²⁸ Gi uran Ijpt azi qenöñ kömuyöhi, mönö mewö ni nuñgumamgöra jizan me?’

²⁹ *Mewö qesim wañgiiga keu miangöra aka Ijpt kantri mosöta ölon köla Midian gölmenöñ anda kiana malök. Mewö mala ambi memba nahönyahötñi yahöt qiwikñaim etkii malget.” Mewö.

Mosesnön gölme qararañkölkölñe yambu 40 malök.

³⁰ *Stiwenöñ keu toroqeba kewö jiyök, “Mewö malgetka (yara) yambu 40 teköiga miangören Mosesnön gölme qararañkölkölñe liliköba kundunji qetñi Sainai miangö könañe mali Suep garata kunñan asuhuyök. Mi ip köhösö kembrañe könöp bölam asuhuba qahö jem kutuyöhi, miangören asuhum wañgiyök. ³¹ Mewö asuhum wañgiiga tandök miangöra welipköba könañi eka möt kutumamgöra kösutñe ani Anutugörenök keu kun kewö kai mörök, ³² ‘Nönön göhö ambösakonurupki yeñgö Anutunina akzal. Nönön Abraham, Aisak, Jeikob yeñgö Kembunina mala kota maljal.’ Mewö jii möta jönömñi könahiba unduiga miangören göröken uba ekñangö keñgötñi mörök.

³³ “Keñgötñi mörökmö, Kembunöñ kewö jii mörök, ‘Gölme tiba kinjani, mi gölme kömbukña. Miangöra gi mönö köna esugi qeköman! ³⁴ Nöngö ambazip kambu-urupni Ijpt maljei, mi mulungöm enjigetka sihimbölo qakñe aum-möriba malje. Nönön mi eka maljal. Yeñon osongom engui sahöt uletzei, nönön mi möt teközal. Nönön yeñgö böröñineyök meköm enjimamgöra etzal. Miangöra gi mönö döлки wahöta ki kanöñga melaim gihibiga Ijpt anman!’ Mewö jiyök.”

Mosesnön Israel enğuañgiri yambu 40 könanöñ malget.

* **7:19:** Eks 1.10-11, 22 * **7:20:** Eks 2.2 * **7:21:** Eks 2.3-10 * **7:23:** Eks 2.11-15 * **7:29:** Eks 18.3-4
* **7:30:** Eks 3.1-10

³⁵ *Stiwenön keu toroqeba kewö jiyök, “Yeñön Moses qañ köla köndat wañgiba kewö jiget, ‘Gi mönö galöm aka jimtekötekö azia akzan me? Dañön mewö kuñgum ghiiga kinjan?’ Mewö qañ köla jigetmö, Anutunön Moses mi melaim wañgiiga yeñgö pom kembuñina ahök. Suep garatanön ip köhösonön bölam jeyöhangöreñ asuhum wañgiyöhi, yañön mönö Anutugöreñ buzup keu mi memba kaba uruñi kuñgui mekömekö aziñina ahök. ³⁶ *Israel mekömekö aziñina aka ambazipurupñi mi aiwesök aᅅgöletot könañi könañi memba Ijpt kantrinöhök meköba enᅅuaᅅgiriga mosöta Köwet Pisikñi miangöreñ kaget. Emu kagetka miangöreñ aka gölme qararaᅅkölkölñe mewöñanök toroqeba aiwesök aᅅgöletot murutñi murutñi mi (yara) yambu 40 miangö uruñe memba kondeli eka malget. ³⁷ *Mosesnön pom kembuñina mala Israel könagesö yeñgöra kewö jiyök, ‘Anutunön Juda kambu enᅅö sutñineyök kezapqetok azi kun möwölöhöba kuñguiga ni ewö akña.’

³⁸ *‘Israel yeñön gölme qararaᅅkölkölñe kaba malgetka pom kembuñini aka nanine amböskonurupñini yembuk mala könagesöñini galöm köl enᅅiyök. Galöm köl enᅅiba kundunñi qetñi Sainai miangöreñ öᅅgöi Suep garata kunñan keu jii möta yambuk malök. Mewö mala Anutunön malmal köhöikᅅaᅅgö keuñi sundan jii möta malöhi, yañön keu mi miangö dop jiiga neñgö Buñaya ahök.

³⁹ “Yañön pom kembuñina malökmö, nanine amböskonini yeñön keuñi tem köl wañgingö ölan enᅅöhöiga andö qeget. Andö qeba utal wañgiba uruñini möñaiiga Ijpt kantrinön kunbuk lilingöbingö sihimñi mötket. ⁴⁰ *Mewö möta Mosesgö datñi Aron yañgöra kewö jiget, ‘Mosesnön pom kembunini aka Ijpt kantrinöhök meköba neᅅuaᅅgiriga kaini, yañön kundunñe öᅅgöba tandök denöwö akzawi, nini mi qahö mötzin. Mi qahö mötzinañgöra göñön ölop tandö lopionñ menöᅅga mienön jitñememenini aketka könañine toroqeba anbin.’

⁴¹ *‘Mewö jiba miangöreñök goul memba miangön lopionñ kun bulmakau moröñangö tandök meget. Mi memba jöwöwöl memba kaba al wañgiba lömbuañ ohoba yuai böröñinan megeri, miangö sösoᅅgai aka möpöseiget. ⁴² *Mewö aketmö, Anutunön mi eka ölan yöhöiga andö enᅅui Suepkö seᅅgelau Tonñ waikñini memba möpöseim enᅅimegöra enᅅömosörök. Kezapqetok azi Amosnön keu kun ohoi Buzup Kimbinön ahözawi, mönö miangö dop kewö aket,

‘O Israel ambazip, inñini gölme qararaᅅkölkölñe kaba (yara) yambu 40:gö dop mala nalö miangöreñ sömbup jöwöwöl ohoba naluk tosatñi memba kaba niñgiba malget me qahö?’

⁴³ Mi qahöpmö, enñön mönö bem qetñi Molok yañgö opo seri koumñi mi aᅅguget aka bem qetñi Refan yañgöreñ seᅅgelau imutñi mi aᅅguba kaba malget.

Enñön imut lopionñ mi waikñiri memba möpöseim etkibingö meget buñañina ahök.

Miangöra aka nöñön mönö inñini közöl enᅅibi kerökurupñinan kaba enᅅuaᅅgiketka anda mala köröwen Babilon kantrigö andöñe öᅅgöba malme!’ ” Mewö.

Stiwenön opo seri jikegö keuñi jiyök.

⁴⁴ *‘Amböskonurupñini yeñön gölme qararaᅅkölkölñe kaba mala Anutugö dangununñi kuñguba opo seri jike memba aᅅguba malget. Mi memba aᅅguba Anutunön jikenñi memegöra Moses jim kutum wañgiba söpsöp imutñi kondel wañgii ehöhi, mönö miangö dop meget kinök. ⁴⁵ *Mosesnön amböskonurupñini galöm köl enᅅiiga yeñön opo seri jike mi aᅅguba malget. Könañep Josuanön wahöta galöm köl enᅅii gwölönarökurupñinan jike mi buña qem aᅅguba toroqeba kaba mala kantri ki kaᅅgotket. Kantri ki kaᅅgotketka

* **7:35:** Eks 2.14 * **7:36:** Eks 7.5; 14.21; Jan 14.33 * **7:37:** Dut 18.15, 18 * **7:38:** Eks 19.1–20.17; Dut 5.1-33

* **7:40:** Eks 32.1 * **7:41:** Eks 32.2-6 * **7:42:** Amos 5.25-27 * **7:44:** Eks 25.9, 40 * **7:45:** Jos 3.14-17

Anutunöŋ gölme tonji kambuŋi kambuŋi enġuatangöi angetka gölmeŋini angön köla meget. Memba tata malgetka kin Deiwidnöŋ asuhuyök.

⁴⁶ *“Yaŋön asuha Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’ ⁴⁷ *Mewö qesim waŋgiyökmö, Solomonöŋ jiiga Anutugöra jöwöwöl jike meget. ⁴⁸ Mi megetmö, Öŋgöŋgöŋi Ketani yaŋön azinöŋ miri böröŋinan megeri, mianġöreŋ qahö malja. Mianġö keuŋi kezapqetok azi kunŋan kewö ohoi ahöza,

⁴⁹ *‘Kembunöŋ jiza: Nöŋgöreŋ jakömbuak dum tatatni mi Suepnöŋ ahöiga gölme mi könanangö döŋŋi aiga mianġöreŋ tiba tatzal.

Inini mönö nöŋgöra miri tandökŋi denöwö megetka dop kölbawak?

Me miri denikeangöreŋ miwikŋaim niŋgigetka mianġöreŋ öŋgöba luhut memba malbilenjak?

⁵⁰ Yuai pakpak mi mönö nanak nani börönan miwikŋaim enġial mi mötze.’” Mewö.

Stiwenöŋ kaunsöl yeŋgö uruŋini kuŋguyök.

⁵¹ *“O qeġetal ambazip, enġö uruŋinan mönö duhuiga kopa akze! Kezapŋinan köungöba qahö kötökŋi tohoza! Mi duhuzawaŋgöra Anutugöreŋ keu qetala kezapjupjup ahakze. Ambösakonŋinan Uŋa Töröŋi tuarenjoŋ ak waŋgiba malgetka enön mönö yeŋgö dop toroqeba mewöŋanök Uŋa Töröŋi sundan dop andö qemakze! ⁵² Enġö ambösakonurupŋinan kezapqetok ambazip awamŋi qahö sesewerowero ak enġiba malget. Yeŋgöreŋök danön mönö kahasililin qahö miwikŋaiyök? Yeŋön Azi Solanŋan asuhumapkö kezapqetok keuŋi jigetka i enġuget kömuget. Yeŋön kömugetka Azi Solanŋan nanjak asuhuiga inini i mamalolo ak waŋgiba qeġet kömuyök. ⁵³ Anutunöŋ garataurupŋi melaim enġiiga Suepnöhök eta Köna keu enġigetka Buŋaŋini ahökmö, enön mi qahö tem köla malget.” Mewö.

Stiwen kötnöŋ qeġet kömuyök.

⁵⁴ Stiwenöŋ keu mewö jiiga jike kaunsöl yeŋön mötkeri, mi uruŋini sounöŋ qesiŋqesiŋi ewö qesiŋnök. Qesiŋniga uruŋini könöŋ jeiga ambarik (amdabö) yöhöba wahöta kinget. ⁵⁵ Mewö aketmö, Uŋa Töröŋan Stiwengö uruŋi kokolak qeiga jeŋi Suepnöŋ göröken ui öŋgöiga Jisös Anutugö asakmararaŋ uruŋe euyangöreŋ Anutugö böröŋi ölŋe kini ehök. ⁵⁶ Jisös eka jiyök, “Mötket! Suepnöŋ aŋaŋiiga Suep gölmegö Azi Ölŋan mönö Anutugö böröŋi ölŋe kiniga ekzal.”

⁵⁷ Mewö jii möta qet gigilahögetka göju ketani wahöriġa kezapŋini böröŋinan gwözöŋda körekŋan luhuba anda qeraköba meget. ⁵⁸ Mewö memba taon göraŋe örörahöba anda yaigepŋe ala kötnöŋ könahiba gila qeġet. Mewö qeġetka tosatŋan mi eka kinda malukuŋini qeköba mölohoba azi gwabö Solgö kösutŋe alget. ⁵⁹ Mewö aka kötnöŋ gila qebayök kingetka Stiwenöŋ Anutugö köuluköba kewö jiyök, “O Kambu Jisös, gi mönö uŋani memba angön kölman!” ⁶⁰ Mewö jiba siminŋan geba köla qet gigilahöba jiyök, “Kambu, siŋgisöndok ki akzei, mianġö lömbötŋi mönö yeŋgö qakŋine kude alman!” Mewö jiba nöŋ qeba kömuyök. Mewö.

8

Solnöŋ urumelen kambu sesewerowero ak enġii denġet.

¹ Stiwen qeġet kömuyöhi, mi Solnöŋ mewöyök möri dop kölök. Nalö mianġöreŋök sesewerowero ketani ahuiga Jerusalem sitigö urumelen kambu kazik ak enġiget. Mianġöra yeŋön körekŋanök siti mosöta denġa Judia aka Samaria prowins yahöt mi dop köla angetka aposol yeŋönök kapan köla sitinöŋ malget. ² Ambazip Anutu göda qeba

* **7:46:** 2 Sml 7.1-16; 1 Hist 17.1-14 * **7:47:** 1 Kin 6.1-38; 2 Hist 3.1-17 * **7:49:** Ais 66.1-2 * **7:51:** Ais 63.10

waikni memba malgeri, yengörenök tosatnjan Stiwen kömuyöhangöra jinjen köla gwötpuk sahöta qamötñi memba anda löm kölget.

³ *Löm kölgetmö, Solnöñ urumelen könagesö janngauranga mem engiba miriñi miriñi liliköba öngöba urumelen azi aka ambi örörahöba engömemba gili etketka jiiga kösö mire al engiget. Mewö.

Filipnöñ Samaria sitinöñ Buña nup meyök.

⁴ Urumelen ambazipnöñ denja miri dop anda kaba liliköba malgeri, yeñön Ölöwak Buña jiba mianön ambazip uruñini kunguba malget. ⁵ Filipnöñ Samaria prowinsgö siti kunöñ geba Amötqeçe Tonji Kraistkö könañi jim asarim engii mötket. ⁶ Mia jim asarim engiba anğöletot meiga letotketka ambazip kambu yeñön mi eka keu jiyöhi, mi urumohot aka kezap ala möta anğön kölget.

⁷ Filipnöñ nup meiga Anutugö ösumñan öme gwötpuk mi ambazip uruñineyök enguatanğöyök. Enguatanğöiga qet bölöbölö qeta kota anget. Nup meiga ambazip sehisehiñi likepñini kömukömuñi aka lokon malgeri, mi ölöwaket. ⁸ Mewö aiga Samaria sitinöñ sösöngai öngöngöñi asuha ahöyök. Mewö.

Sile galöm azi Saimonöñ timbiqim bilim ahök.

⁹ Sösöngai ahöyökmö, Samaria siti miangören suña jinañ azi kun qetñi Saimon malök. Yeñön (yara) yambu tosatñi qarösongo amötqeçe nup memba Samaria ambazip welipköm engiiga malget. Mewö malgetka “Azi öngöngöñi akzal,” jiba nanngöra möri öngöyök. ¹⁰ Ambazip öngöngöñi eretñi yeñön körek pakpak Saimongö keugöra kezap ala möta kewö jimalget, “Anutugö ösumñi qetñi ‘Kukösum ketañi,’ qetzei, mianön mönö azi miangö uruñe geiga ahöza.” ¹¹ Saimonöñ qarösongo amötqeçe nup mi nalö köröpñi memba ambazip welipköm engiiga malget. Mewö ak engiyöhangöra aka yanğören qekötahöba malget.

¹² Mewö malgetmö, Filipnöñ kaba Anutugö bemtohone anğotpingö Ölöwak Buñani aka Jisös Kraist qetnangö könañi mi jim asarim engiyök. Mi jim asarim engiiga ambazip gwötpukñan Buña keu möt nariba uruñini melengetka o melun mem engiyök. ¹³ Mewö aketka Saimonöñ mewöyök keu mi möt nariiga o melun mem wanğigetka Filipkö kösutñe kaba mala wuatanğöyök. Mewö aiga Filipnöñ anğöletot aiwesök ketañi ketañi mei asuhugetka mi eka welipköba malök. Mewö.

Uña Töröñan Samaria yeñgö uruñine geyök.

¹⁴ Samaria ambazipnöñ Anutugören Buña keu mewö möt anğön kölgeri, miangö buzupñan sehiba Jerusalem sitinöñ ani aposol yeñön mötket. Yeñön mi möta Pitö aka Jon meköba melaim etkigetka yeñgören anohot. ¹⁵ Anda anğota yeñgöra aka köuluköba Uña Töröñan uruñine gemapköra Kembu qesiyohot. ¹⁶ Könañi kewögöra qesiba köuluköyohot: Yeñön Kembu Jisösgö qetñe o melun mem engigetmö, Uña Töröñan yeñgörenök kungö uruñe qahö gei öne malget. ¹⁷ Miangöra köuluköba böröñiri nöropñine alohotka Uña Töröñan uruñine geiga meget. Mewö.

Saimonöñ Uña Töröñi söngöröñi memamgö jiyök.

¹⁸ Aposol yetkөн böröñiri ambazip nöropñine alohotka Anutunöñ miangö dop Uña Töröñi yeñgö uruñine aliga Saimonöñ mi eka moneñ memba kaba kewö jiyök, ¹⁹ “Injiri mönö kukösum mewöñi mi nia kun niñgiyohotka memba böröni denike yeñgö nöropñine almami, Uña Töröñan mönö yeñgö uruñine gema.”

²⁰ Mewö jiyökmö, Pitönöñ kewö jim wanğiyök, “Aek! Yapmakek! Göñön Anutugö kalemñi mi moneñnöñ söngöröñi memamgöra jizan. Miangöra gi mönö monengabuk könöp sianöñ geman. ²¹ Göhö urugan mönö Anutugö jeñe qahö diñgiza. Miangöra gi Buña keu kianğö ölni kun qahöpmahöp meman. ²² Bölöñamgeyök mönö urugi melenda Kembu

* 8:3: Apo 22.4-5; 26.9-11

köulukönönga yañon uru mötmötkahö sinjisöndokni mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Sinjisöndokan mönö kösö ewö köpeim gihiiga qaközan.”

²⁴ Pitönöñ mewö jiiga suña jinañ azi Saimonöñ kewö melen etkiyök, “Mönö nöngöra aka Kembangö köuluköyohotka keu jizahori, mianjö ölni kun qahö asuhum niñgibawak.”

²⁵ Aposol yetkөн Kembangö Buña keu mi siti mianjören nanjöba jiba jim asariba engömosöta anohot. Könanöñ anda Samaria prowinsgö mirinji mirinji liliköba ambazip urunini Ölöwak Buña keunöñ kunjum engiba mala Jerusalem sitinöñ lilingöba anohot. Mewö.

Filipnöñ Afrika azi kungöra Buña keu jii mörök.

²⁶ Kembangören garata kunñan Filipköra keu kewö jii mörök, “Gi mönö Jerusalem siti mosöta Saut göröken anman. Gölme qararankölkölne köna isikni (walni) Gaza taonöñ gemakzei, mönö mianjören anman.” ²⁷ Mewö jii möta Filipnöñ amqeba mosöta anök. Anda Afrika azi kunñan mirine lilingöba ani könanöñ miwikñaiyök. Yañon Etiopia kantrigö kandasi qingö jembonni öngöngöñi aka ambi kembangö jakömbuak mirine moneñ aka inap yuaini galöm köla malök. Silenangö yuaigöra aka Juda azi akñamgö osiyökmö, töndup Anutugö waikni memba möpöseimangöra Jerusalem sitinöñ kayök.

²⁸ Kaba mirine lilingömagöra hos karenöñ öngöiga hosnöñ örögetka könanöñ anök. Mianjören anda kezapqetok azi Aisaiagö buk kötula oyonnda tarök. ²⁹ Mewö aiga Uña Töröñan Filipköra sanep ala keu kewö jiyök, “Gi mönö hos kare mianjö qöhöröne anda mötöteiba anman.” ³⁰ Uña Töröñan mewö jiiga mianjörenök ösumñan kösutne anök. Anda azinöñ kezapqetok azi Aisaiagö buk mianjö Buña keunni oyonni mörök. Möta kewö qesim wanjiyök, “Keu oyonjani, mi ölop möt asarizan me qahö?”

³¹ Qesim wanjiiga jiyök, “Kunñan qahö jim asariiga nanak mi denöwö möt asaribilenjak?” Mewö jiiga hos karenöñ öngöiga mohotne tarohot. ³² *Buña Kimbi oyonnöhi, mi kewö, “Azinöñ lama qem yandibingöra memba wanjitzei, yañon mönö mianjö dop ösön sororonjöba ahöyök.

Galömñan lama moröñangö jupni fitanöñ mitiiga qöhöröne göröñ qeba tim gwirinji qahö kinjawi, yanjö numbuñangö dop mönö qahö waumgöba anañiyök.

³³ Memba et al wanjigetka kunñan keu jakeñe keunangö likepni qahö nanjöba jiiga öne jim teköget. Gölmenöñ malmalni mewö wanjitket. Gwölönarökurupni qahö mewö kömuyök. Mianjöra kunñan qet areni könanep qahö oyonnda jima.”

³⁴ Jembonöñ mi oyonnda Filip kewö qesim wanjiyök, “Kezapqetok azinöñ keu mi dagöra jiza? Mi nanñangöra me azi kungöra jiza? Gi ölop mianjö könanji jinöñ mötpi.” ³⁵ Qesim wanjiiga kezapqetok yengören Buzup Kimbinöhök könahiba Jisösgö Ölöwak Buña mi könanambuk jim asarii mörök. ³⁶ Mewö eraum möta könanöñ anda o kösutne angorohotka qin jembonñan jiyök, “Eknöñ, o töwatni ki ahöza. Mianjöra gi ölop o melun mem niñgiman. Keu kunöñ angön köl gihiza me qahö?” ³⁷ (Mewö jiiga Filipnöñ jiyök, “Gi keu jibi mötzani, mi urugi jömuk Anutugören ala möt narizan ewö, mi ölop akñam.” Jiiga keu kewö melenök, “Jisös Kraistnöñ Anutugö Nahönñi akza, nöñon mi möt narizal.”

³⁸ Mewö melennda jim kutuiga hos kare jöhögetka mohotñamñire oe geba Filipnöñ o melun mem wanjiyök. ³⁹ Mi mem wanjiiga onöhök korohotka Kembangö Uña Töröñan Filip wanjiri öngöba sök aliga qin jembonñan i kunbuk qahö ehök. Qahö ehökmö, toroqeba sösongai qakne miri gölmeñe Etiopia anök. ⁴⁰ Filipnöñ sök ala anda taon qetni Asdod mianjören asuhui miwikñaiget. Mianjörenök toroqeba taonni taonni liliköba

* 8:32: Ais 53.7-8

miangörenj Ölöwak Buja keunöj ambazip urunini kuŋguba anda mala Sisaria taonöj kaŋgorök. Mewö.

9

Kembunöj Sol asuhum waŋgiiga urunji melenök.

Apo 22.6-16; 26.12-18

¹ Nalö sutje miangörenj Solnöj urukönöp qakŋe kinda uru silenji bölam tepköiga Kembangö gwarekurupŋi engum ureim engiba malök. Mewö mala jike nup galöm bohonŋi yaŋgörenj anök. ² Yaŋgörenj anda kewö kuŋguba qesiyök, “Köna dölökŋi wuatangöba maljei, yeŋgörenjök tosatŋan Damaskus sitinöj köröwen malje. Miangöra nöŋön ölop endu anda jarum engiba kun miwikŋaimami, i mönö jöhöba waŋgita Jerusalem sitinöj kamam. Damaskus sitinöj Juda neŋgö köuluk miri galöm kölakzei, yeŋön i angön köl engibepuköra mönö jimtekötekö kimbi ohoba niŋginöŋga memba anda kondel engimam.” Mewö jii ohoi memba anök.

³ Könanöj anda mala Damaskus siti dopdowimangö aiga yuai kun wölaŋ kewö asuhuyök: Asakmararaŋ kun Suepnöhök wölbilik ewö asuhuba eta liliköm waŋgiyök.

⁴ Liliköm waŋgii tala gölmenöj geba ahöba kouruk kun möriga keu kewö jii mörök, “Sol Sol, gi mönö wuanöŋgöra sesewerowero qakŋe al niŋgizan?”

⁵ Mewö jiiga Solnöj qesiba jiyök, “Kembu, gi danön?” Mewö jiiga melenök, “Ni Jisös sesewerowero qakŋe al niŋgimakzani, ni mönö mi. ⁶ Mi akzalmö, ölop wahöta sitinöj anman. Miangörenj anda wani yuai akŋani, kunŋan miangö buzupŋi jii mötman.”

⁷ Azi yambuk köna anda malgeri, yeŋön keuŋini qahöwahiga tömtömimba kinget. Yeŋön keu kouruk ölna mötketmö, azi kun qahö eket. ⁸ Keu melenjiga Solnöj gölmenöhök wahörökmö, jeŋi uba yuai kun qahö eka jipjap kinök. Mewö kiniga böröŋe memba Damaskus sitinöj waŋgita anget. ⁹ Angetka wehön karöbut miangö dop jipjap mala o me nene kun qahö nempa öne malök. Mewö.

Ananiasnöj Sol o melun mem waŋgiyök.

¹⁰ Damaskus sitinöj Jisösgö gwarekŋi kun qetŋi Ananias malök. Kembunöj kutum wasöriga imut ehiga “Ananias!” qerök. Qetŋi qeriga jiyök, “O Kembu, ni ki maljal.”

¹¹ Mewö jiiga jii mörök, “Gi mönö wahöta köna qetŋi Köna Diŋdiŋi jimakzei, miangörenj anman. Miangörenj anda Judasgö mire öngöba Tarsus azi qetŋi Solgöra qesiman. Mötnöj, yaŋön ni köuluköm niŋgiba tatza. ¹² Köuluköba tata uruŋan imut kun kewö ehök: Azi qetŋi Ananiasnöj miriŋi uruŋe kaŋgota jeŋi kunbuk tohomapköra böröŋi nöropŋe alma.”

¹³ Kembunöj keu mewö jii möta melenök, “O Kembu, ambazip gwötpukŋan azi miangö kösohotŋi lök jiget möral. Yaŋön Jerusalem sitinöj göhörenj könagesöurup sarakŋi mi gwötpuk engum ureim ak engiba malök. ¹⁴ Jike nup galöm bohonŋi yeŋön nam köla kukösum waŋgigetka Damaskus siti kiangörenj mewöyök nup miyök memangöra kayök. Ambazip göhö qetki qeta köulukömakzini, yaŋön mönö nini körek pakpak neŋgömempa jöhöm neŋgimangö mötza.”

¹⁵ Mewö melenökmö, Kembunöj jii mörök, “Nöŋön azi mi meköm waŋgibiga qetni bisiba nöŋgöra bim qeba malma. Mewö mala gölmenji gölmenji liliköba Buŋani jim sehiiga Israel aka kian kantri ambazipnöj mötme. Keu jakenji jakenji miangörenj örögetka azi kembu gwötpuk yeŋö jeŋine angota Buŋani jii mötme. Miangöra mönö töndup anöj.

¹⁶ Yaŋön qetni bisiba miangöra sihimbölö gwötpuk mötma. Nöŋön miangö arenji kondel waŋgimangö mötza.”

¹⁷ Mewö jii möta Ananiasnöj anda miri miangö uruŋe öngöba böröyahöŋi Solgö nöropŋe ala jiyök, “Sol alani, köna namŋe kaŋöŋga Jisösnöj asuhum gihiyöhi, Kembu miangön mönö melaim niŋgiiga kazal. Göhö jegan kunbuk tohoiga Uŋa Töröŋan urugi kokolak qemawaŋgöra jiiga kazal.” ¹⁸ Mewö jiiga miangörenjök yuai sönuetŋambuk

tandök mianjön jeneyök tala et teköi jeni tohoyök. Jeni tohoiga ui asariiga wahörök. Wahöta jiiga o melun mem wanjiyök. ¹⁹ O melun mem wanjiiga nene nempa köhöiyök. Solnön köhöiba gwarek yeñgö sutjine Damaskus sitinön wehön tosatni malök. Mewö.

Solnön Damaskus sitinön Buja nup meyök.

²⁰ Mala mianjörenök wahöta Juda yeñgö köuluk mirinji mirinji mianjören öngöba Jisösgö könani jim asariba ambazip urunini kunguba kewö jiyök, “Jisösnön mönö Anutugö nahönji akza.”

²¹ Mewö jii möta körek yeñön auruba welipköba jiget, “Jerusalem sitinön qet mia qet köulukögeri, azi kianjön mi enjum ureiba malök me qahö? Mewönanök kianjören kayöhi, mi mönö nini jöhöba neñguanji jike nup galöm bohönji yeñgö böröjine al neñgimangöra kayök. Mianjöra mönö denöwö letota nanjak Anutugö keu miyök nanjöba jiza?”

²² Mewö jigetmö, Anutunön Sol ösum-mumu wanji kunbuk köhöiba malök. Köhöiba mala Juda ambazip Damaskus sitinön malgeri, yeñgö urunini kunguba kewö jiba malök, “Jisösnön ölna Anutugören Amötqeqe Tonji Kraist akza.” Keu mi jim köhöiba könani kondela maliga yeñön könkun aka keu mi qeapköbingö osiba malget.

²³ *Silim gwötpuk teköiga mianjören Juda yeñön tokoba keu nup memba Sol qeget kömumapkö anjönani alget. ²⁴ Anjönani algetmö, mianjö buzupni mi Solgö kezapne gei mörök. Solnön Damaskus siti mosötmangö aiga mianjören qeget kömumapköra siti kiripo nanjone yangöra sunjem asak je galöm memba malget. ²⁵ Mewö memba malgetmö, gwarekurupnan sunjem kunön sakap (misak) ketani memba kösönön jöhöba Sol sakapnön ala siti selgö kinimneyök alget geba anök. Mewö.

Solnön Jerusalem kusuknanök anda malök.

²⁶ Solnön anda Jerusalem sitinön angota Jisösgö gwarekurup yembuk esapköba toroqeyökmö, körek yeñön Sol gwarek aka malöhi, mi qahö möt narigerangöra aka yangöra kenjötnini mötket. ²⁷ Kenjötnini mötketmö, azi qetni Barnabas yanjön ala ak wanjiba köyan köla wanji aposol yeñgören anda kondela kösohotni kewö jim asarim enjiyök, “Sol azi kianjön könön kaiga Kembunön asuhum wanji ehiga keunji jii mörök aka könangep Jisösgö qetni mi Damaskus sitinön jim asariba köhöiknanök uru kungum enjiba malök.”

²⁸ Kösohotni mewö jim asarim enjiiga yembuk toroqeba Jerusalem siti urune liliköba awösamakak kinda Kembangö qetni aukne qeta ambazip urukungukungu köhöikni al enjiba malök. ²⁹ Mi al enjiba mala Juda ambazip Grik keu möta malgeri, yembuk eraum möta möndömkösök keu melenqelen ahökmö, yeñön Sol kapan köla qeget kömumapkö mötket. ³⁰ Mi esapkögetka alaurupnan Sol miwiknaiba wanji Sisaria taonön anda kinda melaigetka nanjök toroqeba ahuahua taonni qetni Tarsus mianjören anök. Mewö.

Urumelen kambu yeñön luainön malget.

³¹ Solnön urunji melenjiga mianjö andöne urumelen könagesö pakpak Judia, Galili aka Samaria prowins dop köla malgeri, yeñön luai miwiknaigetka Unja Töröjan i mem köhöiba nanjöm enjiiga malget. Mewö mutulanjöba Kembangö keunji ongitpinbuköra kenjötnini möta nup megetka urumelen könagesöjinan qarim sehiiga malget. Mewö.

Pitönön Lida azi kun mem ölöwahök.

³² Pitönön mirinji mirinji liliköba Jisösgö könagesö sarakni enjeka anda mala nalö kunön taon qetni Lida mianjören angorök. ³³ Angota mianjören azi kun qetni Ainas miwiknaiyök. Likepni kömukömunji aiga dumnöhök ahöba mali (yara) yambu 8 teköyök. ³⁴ Pitönön i miwiknaiba kewö jiyök, “Ainas, Jisös Kraistnön gi mem ölöwak gihiza. Mianjöra mönö wahöta tumbulahöpki qezaköman.” Mewö jiiga mianjörenök wahörök.

* 9:23: 2 Kor 11.32-33

³⁵ Mewö asuhuiga Lida aka Saron ambazip pakpak yeñon i eka uruñini melenđa Kembangörenj qekötahöget. Mewö.

Pitönöñ Jopa anda Tabita mem guliyök.

³⁶ Jopa taonöñ gwarek ambi kun qetñi Tabita malök. (Qet mi Grik keunöñ Dorkas, nanine keunöñ teu, Inklis keunöñ deer.) Yanön nalö dop nup ölopñi ölopñi memba kalem sehisehiñi mendenđa ambazip etqeceñi bauköm enjgiba malök. ³⁷ Pitönöñ gölme miangörenj mali Tabitanöñ nalö miangörenj kawöl asuhum wanji kömuyök. Kömui qamötñi sanjonđa memba miri uruñi kunöñ öngöba alget.

³⁸ Lida mi Jopa taon kösutñe tarök. Miangöra Pitönöñ Lida malöhi, gwarek yeñon mi möta azi yahöt melaim etkigetka anda Pitö kewö qesim wanjiyohot, “Gi mönö zilañ kanöñga netpuk Jopa taonöñ anbin.” ³⁹ Qesim wanjiyohotka miangörenjök amqeba yetpuk anget. Anda angotketka qamöt miri uruñe ahöyöhanjorenj wanjita öngöget. Öngögetka ambi malö pakpak Pitö liliköba sahöta Dorkasnöñ yembuk mala opo maluku uhum memba enjiyöhi, mi kondel wanjiget. ⁴⁰ Kondel wanjigetmö, Pitönöñ jii körek yeñon gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöñ.” Mewö jiiga jeni uba Pitö eka wahöta tarök.

⁴¹ Tariga Pitönöñ böröñe memba kököbiihiiga wahöta kinök. Kiniga urumelenj alaurupñi aka ambi malö engehöli öngöget. Öngögetka kömupnöhök guliba wahöröhi, ambi mi jemesoholñine ali eket. ⁴² Miangö keu buzupñi mi Jopa uruñe miri dop ani möta ambazip gwötpukñan könahiba Kembu möt narim wanjiget. ⁴³ Pitönöñ Jopa miangörenj sömanji tosatñi toroqeba mala Saimongö mire tata ahöyök. Azi mi köna esu memegöra bulmakau silenji urasiba sanjonđa möhamgöba malök. Mewö.

10

Korniliusnöñ Pitö ohola uruñi melejök.

¹ Taon qetñi Sisaria miangörenj suahö galöm kiannji kun qetñi Kornilius malök. Yanön yarö kambu bahöñi kun qetñi “Italigö yarö kambu” qetkeri, miangörenj yarö azi 100 yeñgö galömnina malök. ² Yanön saiwaurupñi pakpak yembuk Anutu göda qeba waikñi memba möpöseiba malget. Mewö malgetka Juda ambazip wanapñi yeñgöra kalem sehisehiñi enjgiba Anutu qösösök (qörörök) köuluköba malök. ³ Mare kunöñ 3 kilok miangö dop aiga Kembunöñ Kornilius kutum wasöriga imut kun ehök. Imut törörök eka miangörenj Anutugörenj garata kunñan miriñe öngöi ehök. Garata mianjön öngöba “Kornilius!” jiba qetñi qerök.

⁴ Mewö qeriga garata ehiba sömbuñi möta jiyök, “Ketanamni, wanigöra ki kazan?” Mewö jiiga melejök, “Gi köuluköba malnöñga keugi Anutugörenj öngöiga möri ölöwakza. Gi ambazip wanapñi kalemñi kalemñi mendenj enjimakzani, mi Anutunöñ möta anjön köla göhöra mötmöriba melaim niñgiiga kazal. ⁵ Miangöra mönö dölki kolek alnöñga Jopa taonöñ aniga azi qetñi Saimon, qetñi kun Pitö qetzei, ia wanjita kame. ⁶ Yanön sömbup silenanjö nup meme azi qetñi Saimon yanjögö mire köwet jitñe miangörenj malja.”

⁷ Suep garatanöñ Korniliusgöra keu mewö jibagun mosöta anök. Mosöta aniga welenqeceñi yahöt etkoholi kayohot. Kayohotka yarö azi kun kösutñeyök kapañ köla Anutu göda qeba malohori, i mewöyök oholi kayök. ⁸ Kagetka garatagörenj keu mi körek jii mötketka melaim enji Jopa taonöñ anget. Mewö.

Kembunöñ Pitö kutum wasöriga imut ehök.

⁹ Azi yeñon könanöñ angetka miri gianji taon dopdowigetka silim bibiñe miangörenj Pitönöñ miri uruñi kun eu miangörenj öngöba kinda köuluköyök. ¹⁰ Kinda köuluköba nenegö kömumba yuai nemangö möta jii ohoget. Ohogetka nalö miangörenj Kembangö alburupñan qeiga tata imut kun kewö ehök: ¹¹ Suepnöñ ananjiga könde ketani kun erök. Könde mi opo tuatñi ketananjögö tandök ewö ahök. Garata yeñon yuai miangö wanjögömi 4

mianğoreñ memba nanğöbeak, mianğö tandök ewö gölmenöñ erök. ¹² Yuai mianğö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöñ ölölöngöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde mianğö uruñe mohotñe etket. ¹³ Etketka mianğoreñ qet kun asuhuba keu kewö jii mörök, “Pitö, gi mönö wahöta yuai ki qeba ohoba nenöñ.”

¹⁴ Mewö jii mörökmö, Pitönöñ jiyök, “O Kembu, mewö qahö kötökñi! Mi dönqizinñambuk. Ni nalö kunöñ yuai anğöjörakñambuk mi kude neal. Ni mianğöra imbilonñon mötzal.”

¹⁵ Mewö jiiga qet mianğön kunbuk asuhuba yanğöra jiyök, “Anutunöñ yuai jim könjörari ahözawi, göñön mianğö qetñi anğöjörakñambuk mewö qetnönğa qahö dop kölja.” ¹⁶ Yuai mewöñi mi kunbuk asuhui indimñi karöbut ahök. Indimñi karöbut aiga mianğoreñök könde mi kunbuk örögetka Suepnöñ öngöyök.

¹⁷ Pitönöñ imut mi eka mianğö könañanğöra köñkuñ aka mötmamgö möt bibihiba tarök. Mewö tariga nalö mianğoreñök Korniliusnöñ azi melaim enği kaba Saimongö miri jaruba mianğöra qeçesi aka miwikñaiba kanğota miri nanğunje kinget. ¹⁸ Miri nanğunje kinda kewö qeta qesiget, “Saimon qetñi alañi Pitö qetzei, yanğön miri kianğoreñ malja me qahö?”

¹⁹ Pitönöñ toroqeba imut mianğö könañanğöra möt bibihiba tariga Uña Töröñan kewö jii mörök, “Mötnöñ, azi karöbutñan kaba gi jarum gihize. ²⁰ Nöñön azi mi melaim enğibiga ki kaze. Mianğöra mönö dölki wahöta geba uruyahöt mosöta yembuk anman.” ²¹ Mewö jiiga Pitönöñ azi mianğoreñ geba jiyök, “Mötket, inñini azi jaruzei, nöñön mia akzal. Mönö denöwögöra kaze?”

²² Jiiga melenget, “Suahö galöm Kornilius mi azi diñdiñi akza. Yanğön Anutu waikñi memba möpöseiba mali Juda ambazip kambu körek yeñön göda öngöngöñi qem wanğimakze. Anutugö garata töröñi kunñan asuhum wanğiba kewö jim kutui mörök, ‘Gi mönö kolek ala Pitö köl öröm wanğinönğa mirige öngöba keu uruñeyök jimawi, mi kezap ala mötman.’ ” ²³ Mewö melengetka öröm enği miri uruñe öngögetka köyan köl enği köisirik tata ahöget. Ahögetka miri gianjiiga Pitönöñ wahöta yembuk anök. Jopa taon mianğoreñök ala tosatñi enğömeiga yambuk mohotñe anget. Mewö.

Pitönöñ kian ambazip yembuk tokoget.

²⁴ Mohotñe anda sömañi mohot ahöba anda mala Sisaria taonöñ anğotket. Anğotketka Korniliusnöñ yengö mamböt aka malök. Mewö mala tinitosolom aka alaurupñi ölöpñi mi köl öröm enği miriñe tokoba tatket. ²⁵ Anğota Pitönöñ mire öngömamgö aiga Korniliusnöñ wahöta eta jölöñi jiba könañe geba sipköm wanğiyök. ²⁶ Sipköm wanğiyökmö, Pitönöñ böröñe memba kököbihiiga wahöri kewö jiyök, “Mönö wahötnöñ, nia kun gölme aziyök akzal.”

²⁷ Mewö jii yambuk eraum möta miri uruñe öngöyohotka ambazip gwötpukñan tokoba tatkeri, mi engehök. ²⁸ Engeka kewö jii mötket, “Inñini Juda ambazip nengö könañamnini mötze. Juda nini ambazip kianñi enğö mire öngöba embuk köisirik tatatkö songo ahöi osizin. Mi osizinmö, Anutunöñ keuñi kun kondel niñgiba kewö jiyök, ‘Göñön ambazip inñi wainñi yengö qetñini mi anğöjörak imbilonñonambuk mewö kude qetman.’ ” ²⁹ Mianğöra inñini kolek ala köl öröm niñgigetka nöñön qahö qetala kaba kanğotzal. Kanğota kewö qesizal: Inñini mönö wuanönğöra kolek ala köl öröm niñgiget? Mi ölop jiget mötpi.”

³⁰ Mewö jiiga Korniliusnöñ melennök, “Ni mare kunöñ nalö kewöñe 3 kilok mianğoreñ mirine tata köuluk nup memba mala kotpi merak sömañi 4 akza. Köuluk nup memba malbiga mianğoreñök azi kun sileötani asakmararañambuk mianğön asuhuba wösöne kinök. ³¹ “Wösöne kinda kewö jiyök, ‘Kornilius, gi köuluköba malnönğa keugi Anutugöreñ öngöiga möri ölöwakza. Gi kalemñi kalemñi ambazip wanapñi menden enğimakzani, mi Anutunöñ möta anğön köla göhöra mötmöriba melaim niñgiiga kazal. ³² Mianğöra mönö

dölki kolek alnönnga Jopa taonön aniga azi qetnji Saimon, qetnji kun Pitö qetzei, ia wanğita kame. Yanğon sömbup silenğangö nup meme azi Saimon yanğö mire köwet jitnje malja.’

³³ “Mewö jiyöhanğöra aka nöñon miangörenök kolek albiga göhöreñ kaget. Göñon keuni möta kazanangöra uruni ölöwakza. Kembunön keu pakpak jimangö jim kutum gihiyöhi, göñon mi ölop jinön mötpin. Nini pakpak dölki miangöra tokoba Anutugö jemesoholnje ki tatzin.” Mewö.

Pitönön Korniliusgö mire Buña keu jiyök.

³⁴ *Korniliusnön mewö jiiga Pitönön könahiba kewö jiyök, “Aha! Anutunön ambazip tosatnji qahö engek soriba tosatnji qahö qepureim engimakzapmö, dop mohotnön kewöt neñgimakza. Yanğö jeñe kunñan anğöjörakñambuk qahö akza. Nöñon mi dölki ölña möt kutuzal.

³⁵ “Mewö qahöpmö, ambazip kambuñi kambuñi körek yengö sutñine denike yengörenök kunñan Anutu waikñi memba möpöseiba aiakanan kóna diñdini wuatangözawi, yanğon mönö Anutugö jeñe dop kölja. ³⁶ Jisös Kraistnön ambazip körek neñgö Kembuya aka luai qem neñgimakzawi, Anutunön Buña keuñi mi Israel könagesö neñgören ali kayök. Buña miangön kaiga nini miangö Ölöwak Buñañi jim asariba maljin. ³⁷ Jonön ambazip uruñini kuñguba kewö jiyök, ‘Inini mönö uruñini melengetka nöñon o melun mem engimam.’ Mewö jiiga miangö andöñe keu mi Galili prowinsnön könahiba jiget sehiba anda Judia prowinsnön anğota körek dop kölök. Inini mi lök mötze.

³⁸ “Anutunön Uña Törönji Nazaret azi Jisösgö uruñe mokoiga kukösum buña qem anğuba gölme dop liliköba malöhi, mi yambuk kiniga anda ambazip ak kömum engiyök. Bölönangö Toñan ambazip ösumñan jöhöba öröm engii gegeri, yanğon mi pakpak mem ölöwak engim teköyök. ³⁹ Yuai mi Juda neñgö gölmenön aka Jerusalem sitinön aka memba maliga ip kemañe ala qeget kömuyök. Nini mi pakpak eka nanğöba jiba dangunuñi aka kinjin. ⁴⁰ Kömumba ahöi sömañi karöbut aiga Anutunön mem gulii wahörök. Wahöta indimñi gwötpuk ambazip asuhum engiyök.

⁴¹ “Yanğon ambazip kambu pakpak yengöra qahö asuhuyökmö, Anutunön mutuhök nini möwölöhöm neñgiiga Jisösnön kömupnöhök wahöta malöhi, nalö miangören yambuk keu eraum möta nene anğum nem malini, mönö neñgöra asuhuiga nini miangö keuñi nanğöba jiba kinjin. ⁴² Mewö kininga Jisösnön kewö jim kutum neñgiyök, ‘Anutunön kuñgum niñgiiga nöñon ambazip maljei aka kömugeri, yengören jimtekötekö Toñina akzal. Miangöra enñon mönö nöngö kónañamni mi ambazip kambu dop yengöra nanğöba jim asariba malme.’ ⁴³ Ambazip denike yeñon Jisös möt narim wanğiba qetnji qerakzei, Anutunön mönö qet mi möta yengö siñgisöndokñini mosöta sanğonmakza. Yanğö kónañamñi mewö ahözawi, mi kezapqetok ambazip körek yeñon nanğöba jim asariba ohoget ahöza.” Mewö

Uña Törönjan kian ambazip yengören erök.

⁴⁴ Pitönön keu mewö jibayök kiniga Uña Törönjan ambazip kezap ala mötkeri, yengö uruñine geyök. ⁴⁵ Anutunön Uña Törön kalempni mi kian ambazip yengö uruñine mewöyök mokoï geyöhi, mi Pitögö alaurupñan eka aurugət. Juda ambazip silenine Anutugö aiwesökñi yandigetka uruñini melenđa Jisös möt nariba Pitö wuatangöba kaba tatkeri, mienñon mönö auruba kewögöra welipköget: ⁴⁶ Yeñon kantri tosatnji yengö keuñini murutñi murutñi könahiba jiba Anutu möpöseiget. Miangöra welipkögetka Pitönön kewö qesiba jiyök, ⁴⁷ “Yeñon Uña Törönji mi neñon ahin ewö anğon köla buña qem anğuzei, mi mötzin. Miangöra i ölop o melun mem enğiinga dop kölma. Mi ahinga danñon qetal neñgibawak?”

* 10:34: Dut 10.17

⁴⁸ Mewö jiba jim kutum enjiiga Pitögö alaurupñan kinda Jisös Kraistkö qetñe Kornilius saiwaurupñi o melun mem enjiget. O melun mem enjigetka Pitö anğön köl wañgigetka toroqeba silim tosatñi yembuk malök. Mewö.

11

Pitönöñ Jerusalem anda nupñanğö kösohotñi jiyök.

¹ Kian kantri yeñon mewöyök Anutugöreñ keu memba anğön kölgeri, miangö buzupñi mi aposol aka urumelen alaurup Judia prowins dop köla mala mötket. ² Miangöra Pitönöñ Jerusalem sitinöñ lilingöba öngöiga Juda silenine Anutugö aiwesök yandigetka uruñini melenğeri, yeñon jijiwilit (jelikit) aka jim wañgiget. ³ Jim wañgiba kewö jiget, “Kian kantri azi Anutugö aiwesökpuk qahö maljei, gi mönö wuanöngöra anda yembuk köisirik tata nene nenöñ? Mi qahö dop kölja.” ⁴ Mewö jigetka könakönahineyök könahiba yuai asuhuyöhi, mi körek pakpak areñambuk jim asarim enğiba kewö jiyök,

⁵ “Nöñon Jopa sitinöñ mala köuluköbiga Kembangö alburupñan nunğuga tata imut kun kewö ehal: Suepnöñ anañiiga könde ketanji kun erök. Könde mi opo tuatñi ketanğö tandök ewö ahök. Garata yeñon yuai miangö wañğömñi 4 miangöreñ memba nañğöbeak, miangö tandök ewö nöngö kösutneyök eta ahöyök. ⁶ Eta ahöiga yuai miangö uruñe törörök ekiga sömbup könañi könañi miangöreñ tatket. Sömbup tosatñi mi gölmenöñ köna 4:ñan tiba anakze. Tosatñi kalñi könöpñinambuk akze. Tosatñan wösöñinan ölölöngöba anakze. Mewöyök nei könañi könañi könakemba bölbölgöba anakzei, yuai mewö mi könde miangö uruñe mohotñe etketka enğehal. ⁷ Enğekiga qet kun mewöyök asuhuba kewö jii möral, ‘Pitö, mönö wahöta yuai ki qeba ohoba nenöñ.’

⁸ “Mewö möralmö, nöñon kewö jial, ‘O Kembu, ni miangöra imbilonlon mötzal. Yuai dönqizin anğöjörakñambuk mewöñi mi nalö kungen nöngö numbunan qahö os-eyök. Miangöra mi mönö qahö kötökñi nemam.’ ⁹ Mewö jibiga qet miangön kunbuk Suepnöhök asuhuba kewö jiyök, ‘Anutunöñ yuai jim könjörari ahözawi, göñon miangö qetñi anğöjörakñambuk mewö kude qetman.’ ¹⁰ Yuai mewöñi mi indimñi karöbut asuhuyök. Mewö asuhuiga yuai pakpak mi kunbuk örögetka Suepnöñ lilingöba öngöyök. ¹¹ Öngöba atatop (jiataton) köliga nalö miangöreñök Korniliusnöñ Sisaria taonöhök azi karöbut melaim enji nöngöreñ kageri, yeñon miri tarini, miangö nanğunje kinget.

¹² “Nanğunje kingetka Uñanöñ kewö jim kutum ningii möral, ‘Gi mönö uruyahöt yaköriba yembuk anman.’ Keu mi mötpiga urumelen alaurupni 6 yeñon mewöyök Jopa mosöta nömbuk Sisaria taonöñ anin. Sisaria anğota suahö galöm miangö mire öngöin. ¹³ Öngöinga keu kösohot kewö ak neñgiyök, ‘Garata kunñan nöngö mire asuhuiga ekiga kinda kewö jii möral: Gi mönö Jopa mire kolek ala azi qetñi Saimon, qetñi kun Pitö i wañgita kaget. ¹⁴ Yanön kaiga Buña keu jiiga gi aka saiwaurupkan mi möt nariba uruñini melenğetka körek amöt qem enjiiga letotme.’

¹⁵ “Kösohot mi ak neñgiiga nöñon könahiba Buña keu jial. Mi jibi mötketka Uña Töröñan könakönahine nengö urunine geyöhi, mönö miangö dop kezap ala mötketka yeñgö uruñine mohot geyök. ¹⁶ *Yanön geiga ekiga miangöreñök Kembangö keu kun nöngö mötmötnöñ kanğori mötmörial. Keu mi kewö, ‘Jonöñ o töhönöñ melun mem enjiyökmö, nöñon Uña Töröñi uruñine ala miangön melun mem enğimam.’ ¹⁷ Neñon Kembu Jisös Kraist möt narim wañgiinga Anutunöñ kalemñi neñgiyöhi aka yeñon möt narigetka Anutunöñ kalemñi miyök enğö uruñine mewöyök alök. Miangöra aka ni ewöñan mönö denöwö Anutu kukösum Tonji esapköba qetal wañgibileñak? Yanön mewö ak enjiiga nöñon anğön köl wañgimangö osial.”

¹⁸ Pitönöñ kösohotñi mewö jii möta uruñini amörii böñjöñ aiga Anutu möpöseiba kewö jiget, “Ölña, nini urunini melenğda malmal köhöikñanğö buñaya akzin mötzinmö,

* 11:16: Apo 1.5

Anutunöŋ köna mohot mi kian kantri ambazip yeŋgöra mewöyök al engii ahöza. Mi mönö dölki asariba möt kutuzin.” Mewö.

Kian kantrinöŋ urumelen kambu mutukŋi asuhuyök.

¹⁹ *Stiwen qeget kömuyöhanğöra aka kahasililiŋ asuhuiga urumelen ambazipnöŋ denđa liliköba anda kaget. Anda kagetka tosatŋan köwet jitŋe Fonisia gölmenöŋ anget. Tosatŋan köwet kutuba gölme jölanŋi qetŋi Saiprus miangören anget. Tosatŋan Siria prowinsgö sitiŋi qetŋi Antiokia anget. Mewö denđa angetmö, ambazip sutŋine Jisösgö Buŋa keu mi Juda ambazip yeŋgörök jigetka mötket. Kian kantri yeŋgöra mi qahö jiget.

²⁰ Qahö jigetmö, Saiprus aka Sairini azi tosatŋan yeŋgö sutŋine malget. Yeŋön kian gölmenöŋ qariba Antiokia sitiŋi kaŋgota gölme toni yembuk Grik keunöŋ eraum möta Kambu Jisösgö Ölöwak Buŋa mi mewö Juda qahö yeŋgöra mewöyök jim asarim engiget.

²¹ Mi jim asarim engigetka Kembunöŋ yembuk mali ösumŋan ambazip uruŋini kuŋgum engii gwötpuk yeŋön Kambu Jisös möt nariba uruŋini melenđa yanğören qekötahögetka kambuŋini qariiga ketanŋi ahök.

²² Mewö aiga miangö buzupŋan anda Jerusalem könagesö yeŋgö kezapŋine gei mötket. Mi möta Barnabas melaigetka Antiokia sitiŋi anök. ²³ Anda aŋgota Anutunöŋ kalem möriamŋi ambazip engii ölöwakeri, mi jeŋan eka möri öngöi söŋgaiba qambaŋi kewö jiyök, “Iŋini mönö körek pakpak uruŋini qezaköba köhöiba Kembubuk qekötahöba kinme.”

²⁴ Barnabasnöŋ azi ölöpŋi aiga Uŋa Töröŋan uruŋi kokolak qeiga uruyahöt andö qeba uruŋi jömuk miangön Jisös möt narim waŋgiba malök. Miangöra ambazip gwötpukŋan uruŋini melenđa Kembugö kambunöŋ toroqegetka qariyök.

²⁵ Barnabasnöŋ Antiokia mosöta Sol jarumamğöra Tarsus taonöŋ anök. ²⁶ Anda miwikŋaiba waŋgiri Antiokia sitiŋi kayohot. Kaba miangören mohotŋamŋire (yara) yambu mohot jömukŋanök mala zioz nup memba uruŋini melenğeri, mi kambuŋi kambuŋi köla kusum engiyohotka ambazip gwötpukŋan mötmöt memba urukönömŋine alget. Antiokia ambazipnöŋ mutukŋi könahiba gwarek qetŋini Kraistkö alaurup (kristen, Kraistkö buŋa) qeta malget. Mewö.

Kian kantrigö urumelen yeŋön Juda nanğöm engiget.

²⁷ Nalö miangören kezapqetok ambazip tosatŋan Jerusalem mosöta Antiokia sitiŋi eta kaŋgotket. ²⁸ *Yeŋgörenök kun qetŋi Agabus mi wahöta Uŋa Töröŋan sölölohöi buzup keu kewö jii mötket, “Bödi ketanŋan asuhaba gölmeŋi gölmeŋi dop köla ahöma.” Mewö jiiga miangö dop sisa kiŋ qetŋi Klodius yanğö galömkölköl nalöŋe asuhuyök. ²⁹ Mi asuhuiga gwarek yeŋön mindiriba urumelen alaurupŋini Judia prowinsnöŋ malğeri, mi nanğöm engiba mindimindiri naluk ketanŋi alget anmapkö keu jöhöget. ³⁰ Keu mi jöhöget aka miangö dop ölna aket. Yeŋön moneŋ aka yuai tokoba Barnabas Sol yetkö böröŋire ala melaim etkigetka Jerusalem anda urumelen könagesö yeŋgö jitŋememurupŋini engeka engiyohot. Mewö.

12

Herodnöŋ Jeims qeba Pitö kösö mire alök.

¹ Nalö miangören kiŋ Herodnöŋ* urumelen könagesö sesewerowero mem engibingö möta jiiga urumelen ambazip tosatŋi engimemba jöhöm engiget. ² Kiŋnöŋ jiiga Jongö datŋi Jeims mi bingö sou ketanŋan qegetka kömuyök.

³ Mewö jii kömuiga Juda ambazip tosatŋan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistŋi qahöpkö kendon

* 11:19: Apo 8.1-4 * 11:28: Apo 21.10 * 12:1: Kiŋ Herod Agripa I (mutukŋi) yanğön (yara) yambu 37-44 miangören Palestain pakpak galöm köl engiba malök.

nalöne jiiga asuhuyök. ⁴ *Miangöra kinönöy kewö jiyök, “Nönön ak-kömukömu kendon† teköiga Juda yenjö keu jakeje almam.” Mewö jiba jii kösö mire alget. Algetka yarö azi 16 yenjön sutjine kambu 4 köla nalö utekutek aketka azi 4:nan sundan sunjem asak kinda galöm mem wangiba malget. ⁵ Pitö mewö galöm mem wangiba malgetka kösö mire ahöyökmö, urumelenön könagesö yenjön sundan dop yangöra aka Anutu kapan köla köuluköba malget. Mewö.

Suep garatanön Pitö pösata wangita erök.

⁶ Köuluköba malgetka ak-kömukömu (Pasowa) kendon teköiga sunjem miangören yarö azi yahötjan Pitö tapep (mungamunga) yahötnön jöhöm köhöiyohotka sutjire gaun ahöyök aka wahibuk tosatjan nanju andöne kinda kösö miri galöm meget. Kin Herodnön miri gianjiiga Pitö wangita keu jakeje almangö mötmöriba areñ ali gaun ahöget. ⁷ Gaun ahögetmö, Kembugö garata kunjan wölan asuhuba Pitö qöhöröne kini kösö mirigö uruji asarim teköi Pitögö nambulne qeba jiyök, “Mönö zilanj wahötnön.” Mewö jii tapep (mungamunga) yahötjan miangörenök Pitögö böröneyök öne sulohot. ⁸ Sulohotka garatanön jii mörök, “Mönö opogi jöhöba köna esugi utnön.” Mi möta mewö ahök. Mi aiga toroqeba jii mörök, “Mönö malukugi kölnön geiga ni nuatanggöba kaman.”

⁹ Mewö jii möta miri uruji mosöta wuatanggöyök. I wuatanggöba anökmö, garatanön yuai ahöhi, mi ölna asuhuyök me qahö, yanön miangöra möri janjun ahök. Yanön gaun ahöba imut ehöhi, miangö tandöktandök möri ahök. ¹⁰ Miri uruji mosöta nanju mutukne galöm memba kinohori, mi etkongita nanju kunön angota etkongita öne kutuba anda kösö miri silenangö ain kiripone angorohot. Angorohotka nanju köhöikni ketani miangön mönön nanjök öne taliga yaigepne siti köna numbune geyohot. Geba köna namni strit kun toroqeba anohotka garatanön wölan Pitö mosöta sök alök.

¹¹ Sök aliga Pitögö uruji tohoiga kewö jiyök, “O Kembunön mönön garatanji melaii kaba Herodgö böröneyök meköm ningiza, mi mötzal. Juda ambazipnön nongö silene yuai asuhumapköra mambötzei, yanön mönön yuai pakpak miangörenök bohoni jöhöza. Nönön dölki mi ölna möt kutuzal.”

¹² Mewö möt kutui asariiga Jongö namni Mariagö mirinön göröken anök. Jon miangö qetji kun Mak qetket. Miri miangören ambazip gwötpukjan tokoba Anutu köuluköba malget. ¹³ Mewö malgetka Pitönön kaba söndaknön kinda nanjunön qeyök. Nanjunön qeiga welenqeqe ambi qetji Roda yanön kaba “Gi danön?” jiba qesiyök. ¹⁴ Qesiba kinda Pitögö jölji möt kutuba “I-ia kazan!” jiba söngaiba luhuba nanju qahö öröba ösumjan miri urune öngöba jiyök, “Pitönön kaba nanjunön kinja.” ¹⁵ Jii möta yangöra “Urugi sohoi jizan,” jiget. Jigetmö, yanön bohön köla “Keu ölna jizal!” jiyök. Mewö jiiga jiget, “Mi mönön Pitögö garatanjan kinja.”

¹⁶ Mewö eraum mötketmö, Pitönön nanju qebayök kiniga öröba eka auruget. ¹⁷ Aurugetka börönan söpsöp ala ölnön almegö jiyök. Jiba Kembunön kösö mireyök wangiri yaigepne eröhi, kösohot mi jiyök, “Inini buzup ki mönön bisop Jeims aka urumelen alaurup tosatji yanöra jigetka mötme.” Mewö jiba engömosöta miri kungen anök. Mewö.

Pitönön kösö miri mosöriiga Herodgö irimni seholyök.

¹⁸ Miri gianjiiga yarö azi yanön Pitö jaruba “Denike sömuniba sök ala anja?” jiba miangöra kahasililin aka waimanjat ketani mötket.† ¹⁹ Herodnön mewöyök Pitö miwiknaimegö jii jarum bibihiba qahö miwiknaigetka azi wahibuk Pitögö galöm megeri, mi keu jakeje ala gwötpuk qesim engiba jim teköba enguangita enguget kömumegö jim kutum

* **12:4:** Eks 12.1-27 † **12:4:** Pasowa nanine keunön qetji alanji mi walönsörak aka goukölköl. Israel ambazip yanön Ijpt mala nanjunini sepnön mirigetka Anutugö garatanön nengehori ba nenngita morö mutuknini qahö engui kömuget. ‡ **12:18:** Kösö azinön ölnön kölbawak, azi wahibuk mi mönön engugetka kömuzema. Rom gawman nupkö areñi mewö. Miangöra kahasililin aka waimanjat ketani mötket.

engiyök. Miangö andöne Judia prowins mosöta Sisaria taonöy geba miangören malök. Mewö.

Anutunöy kiñ Herod kitipni wanjii kömuyök.

²⁰ Fonisia prowinsgö taon qetjiri Taiö aka Saidon yejön nenegö nupjini membingö osiba kiñ Herodkö kantri yeğörenök nene yuainjini bohonji memba malget. Mewö malgetka Herodkö irimji seholiiga Taiö Saidon kerök ak engiba nene engimegö songo alök. Miangöra yejön mindiriba jitnememeurupjini melaim engigetka kambu köla kiñ Herod ekingöra anget. Angetka jembonji qetji Blastus jakömbuak miriñangö galömñan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wanjigetka jiyök, “Ölöp keujini kötöngöba andöjine kinmam.”

²¹ Mewö jiiga kiñnöy keu melen engimangö nalö mem engiiga miangören tokogetka nanji silenji meñölöba kiñ azi kembangö malukuñi köla eta jakömbuak dum tatatje tata yeğöra sösongai keu jiyök. ²² Jiiga ambazip kambu yejön möta kewö jiba qetket, “Keu mi Anutugören keuya. Mi gölme azigö keuya qahö.” ²³ Mewö qetketmö, kiñnöy mewö aka Anutugö qetbuñaji qañ köla qahö möpöseiba nanji möri öngöyök. Miangöra Kembangören Suet garata kunñan miangörenök qei döñnönöy yöhösii kömuyök. ²⁴ Mewö asuhuyökmö, Anutugören Buña keu mi jiba malgetka töhötmöriamñambuk aka sehiyök.

²⁵ Antiokia siti yejön Barnabas aka Sol nanjonañgö misin nup kun§ etkigeri, yetkөн mi Jerusalem mala meköyohot teköyök. Mi teköiga Jon qetji kun Mak qetkeri, i wanjita mohotje Jerusalem mosöta Antiokia sitinöy lilingöba kaget. Mewö.

13

Barnabas Sol yetkөн misin nupkö könahiba anohot.

¹ Antiokia sitinöy tosatñan urujini melenja urumelen könagesö aketka jitnememejini kewöñan kezapqetok keu jiba kusum engiba malget: Qetjini Barnabas aka Simeon qetji kun Injani (Grik keunöy Naijö) aka Lusius (Sairini gölmegöra), Manain (mi kembu gawönö Herod* yambuk örörön mala qariyohot) aka Sol. ² Urumelen könagesö yejön Kembangö waikñi memba möpöseiba nene siñgi malgetka miangören Uña Törönjan kewö jiyök, “Nöñön Barnabas aka Sol nup qainji kun memahotköra etkoholal. Miangöra enjön mönö i jim teköba melaim etkigetka anmahot.”

³ Mewö jiiga köulukömegöra nene siñgi mala börönjini nöropñire algetka Kembangö ösumñan etkualöñniga melaim etkigetka anohot. Mewö.

Saiprus gölme jölanje anda nup meget.

⁴ Uña Törönjan mewö melaim etkiiga miri qetji Selusia miangören geyohot. Miangören geba wanjenöy öngöyohotka opo seri öröba mörörengögetka luhutnön nanjöi anda gölme jölanji Saiprus miangö wehön kotkotje angotket. ⁵ Angotketka siti qetji Salamis miangören anda Juda ambazip yeğö köuluk miriñi miriñi miangören öngöba Anutugö Buña keu jiba uru kungum enjiyohot. Azi qetji Jon i mewöyök wanjirohotka yetpuk anda kaba alabaukñira malök. ⁶ Mewö mala gölme jölanji jömukñi liliköba kutuba likepñe wehön gegeñe Pafos sitinöy angotket. Miangören angota Juda azi qetji Barjisös miwikñaget. Yanön suña jinan azia aka kezapqetok azi takapulakanji malök.

⁷ Suña azi mi gölme jölanji miangö kiapñi qetji Sergius Pol yanjö mire tata malök. Kiap mianön mötkutukutu azia malök. Mewö mala Anutugören Buña keu mötmangö sihimñi ahöiga Barnabas Sol köl öröm etkii yanjören kayohot. ⁸ Kayohotmö, Elimas, (suña memegöra qetji Grik keunöy mewö jimalgeri,) yanön kiapnön Anutu möt narim

§ 12:25: Antiokia yeğören nanjonañgö monen mi memba anda Jerusalem urumelen könagesögö jitnememeurup yeğö börönjine alohot. Miangöra qetji nanjonañgö misin nup kun jizin. Apo 11.30 * 13:1: Herod Antipas yanön (yara) yambu 4 B.K.-39 A.D. miangören Galili aka Perea prowins yahöt mi galöm köl engiba malök.

wanjibapuköra tuarenjon ak etkiba kiap urunji keunon enjololon memamgo esapkoyok.
 9 Esapköiga Sol, qetnji alanji Pol qetkeri, Unja Töronjan yangö urunji kokolak qei Elimas törorök ek kutuyök.

10 Ek kutuba kewö jiyök, “Yei! Timbiqimibilim azi gi mönö Bölöni Tonangö moröya akzan! Satanon urugi isimkakaleknon kokolak qeiga silenon alal konañi konañi aka malakzan. Keu diñdini pakpakö kerökñi aka Kembugoreñ kona diñdini möwöramgononga gonjimakzawi, mi mönö mosötman me? 11 Miangöra mötnon! Kembunon mönö böröni qake aliga osumñan turum gihiiga jegi gömölii wehon asakñi ekñamgö osiman. Yanon nalö meyohangö dop mönö janjun aka malman.” Jii miangoreñök söñauptonon qakñe eta turui ömun köla jipjap aka ilingösön anda kaba böröñe memegö qesiba böröñan mezañqezan ahök. 12 Yuai mi asuhuiga kiapnon mi eka Kembugö Buña keu mötmönñangöra welipköba möt narim wanjiyök. Mewö.

Pisidiagö Antiokia taonon misin nup meget.

13 Polnon nejakurupni yembuk Pafos miri mosöta wanjenon öngögetka opo seri öröba mörörengögetka luhutnon nanöiga anda mala Pamfilia prowinsgö siti qetnji Perga miangoreñ angotket. Miangoreñ angota kinda Jonon etkömosöta elenña Jerusalem sitinon lilingöyök. 14 Lilingöyökmö, yetkon Perga siti mosöta toroqeba anda Pisidia prowinsgö taon qetnji Antiokia miangoreñ angorohot. Miangoreñ angota Sabat kendonon köuluk mirinone öngöba tarohot. 15 Tarohotka köuluk mirigö galöm yeñon Mosesgö Kona keu aka kezapqetok yengoreñ Buzup Kimbi oyonña welen algetka eta kewö qesim etkiget, “Azi alayahöt, etkoreñ keu kun könagesö urunini kunjubingöra ahöza ewö, mi mönö ölop jiyohot mötpin.”

16 Mewö jigetka Polnon wahöta börö misiba kewö jiyök, “Israel kianurup aka gölme tonji nembuk Anutu waikñi memba möpöseimakzei, inini mönö kezap ala mötket. 17 *Israel ambazip kambu nanine bemnini mi Anutu. Yanon bömönurupnini möwölöhöm engiiga amböskonurupninan Ijpt gölmenon anda kian aka malget. Anutunon nalö miangoreñ Israel ambazip kambu mi töhötmöriam engiiga sehiba qetbuñanambuk aket. Mewö aketka Anutunon angöletot aka kukösumni kondela mianon enguanñiri Ijpt kantri mosöta yaigep kaget.

18 * “Kaba mala gölme qararankölkölñe kutuba kaba ahakmeme bölöni aka malgetka Anutugö irimñan seheliiga (yara) yambu 40:gö dop urubölö möta malök. 19 *Möta malökmö, töndup kaba mala Kenan gölmenon kangetket. Kangetketka miangoreñ ambazip kambu 7 közöla könden enñiba gölmenini memba mendenña isikurupnini tone tone akñegö buña qem enñiyök. 20 * “Mewö asuhuiga (yara) yambu 450 miangö dop anök. Miangö andöñe Anutunon jimtekötekögö azi kembuñi kembuñi kunjum enñiyök. Mi kunjum enñii mala kotketka Samuelnon asuhuyök. Yanon jimtekötekögö azi kembu qöndökñi aka kezapqetok azia malök.

21 * “Samuelnon asuhaba mali nalö miangoreñ kin kembugöra uletketka Anutunon azi qetnji Sol enñiyök. Sol yanon Benjamin isikurup yengoreñök azi qetnji Kis yangö nahönña ahök aka (yara) yambu 40:gö dop kin kembuñina malök. 22 *Mi malökmö, Anutunon Sol uteköba salupñe azi qetnji Deiwid kin azi kembuñini akñapköra möwölöhöba kunjuyök. Kunñuba konañamñi jim asariba kewö jiyök, ‘Nöñon Jesigö nahönñi Deiwid miwikñazal. Yangö urunji kewöta mötpi ölop dop kölningiza. Yanon mönö ahakmemenji pakpak miangoreñ nöngö jitni tem köla malma.’ 23 Anutunon mönöwök Amötqeqe Tonji melaim neñgimapkö jiyöhi, jöhöjöhö keu miangö ölnan mönö kewö asuhuyök: Deiwidkö

* 13:17: Eks 1.7; 12.51 * 13:18: Jan 14.34; Dut 1.31 * 13:19: Dut 7.1; Jos 14.1 * 13:20: Kemb 2.16; 1 Sml 3.20 * 13:21: 1 Sml 8.5; 10.21 * 13:22: 1 Sml 13.14; 16.12; Sum 89.20

gwölönarökurupni yengörenök azi qetni Jisös asuhuiga Anutunöj i Israel kambu nenjö Amötqege Tonini aka malmapköra kunjguyök.

24 * “Jisösnöj qahö asuhuiga qeljine miangören Jonöj mutuk kaba kewö jiba malök, ‘Injini mönö urunini melenget. Urunini melengetka nöjön o melun mem engimam.’ Mewö jiba Israel ambazip kambu pakpak uru kunjgum engiba malök. 25 * Mewö malökmö, yanön mirililik nupni mem tekömamgö aka miangören kewö jii mötket, ‘Injini nöngöra denöwö mötmörize? Yuai mötmörizei, nöjön mia qahöpmö, mötket, nöngö andöne azi kun kama. Yanön kaiga nöjön yangö qöhöröje eretni maljalangöra wayangösöni tengöba köna esu kösöni pösatmamgö qötötangömam.’

26 “O alaurupni, Abrahamgö gwölönarökurupni aka gölme toni enön nembuk Anutu waikni memba möpöseimakzei, Anutunöj amöt qem nengimapkö Buñani mi ali nengören kaza. 27 Miangö könañi kewö: Jerusalem toni aka galömurupnini yanön Jisösgö könañi qahö möt kutuget. Kezapqetok yengören Buzup Kimbi Sabat kendon dop oyonmakzemö, miangö könañi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keunji jim tekögetka kezapqetok ambazip yengören keu mi mewö miangön öljambuk ahök. 28 * Yanön Jisös kömupkö buña akñawangö dop keu könañi jaruba kun qahö miwikñaiba töndup “Yapmakek!” qetket. Qeta Pailötnöj jim teköi kömumapkö qeta uletket.

29 * “Yangöra keu pakpak ohoget ahözawi, yanön mönö miangö dop aketka ölni ahum teköiga Jisös ipnöhök meköba eta qaksirinöj anda köt köteñ uruñe alget. 30 Algetmö, Anutunöj i kömupnöhök mem guli wahörök. 31 * Wahöri yambuk Galili prowinsnöhök Jerusalem sitinöj kageri, yengöra mönö silim gwötpuk miangören asuhum engiyök. Alaurupni asuhum engiyöhi, yanön nalö kewöñe ambazip sutñine dangunu ewö kinda könañi nangöba jim asariba malje. 32 Anutunöj Juda amböskonurupnini yembuk yuai akñangö keu jim jöhöiga nini yangö gwölönarökurupnini ahinga keu walñi miangö ölnan mönö nalö kewöñe nenjöra kewö asuhuyök: Yanön Jisös mem guli wahöta malja. Miangöra nenjön miangö Buña ölöpnji mi jim asarim engizin.

33 * “Anutunöj Jisösgöra keu jii Deiwidnöj möri Sumbara (Buña liñet Sam) jangö yahöt miangören kewö ohoi ahöza, ‘Göñön nani nahöna akzani, nöjön mi merak ambazip engöra kondelbiga eka mötze.’ Yanön keu miangö dop Jisös mem guli wahörök.

34 * Jisös mem guli kömupnöhök wahöta köhöiba mala könañep kunbuk qahö kömuma. Miangö keunji Anutunöj kewö jii ahöza, ‘Ni kalem möriamni kinj Deiwid wangiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’

35 * Deiwidnöj miangö keunji mi Sumbara (Buña liñet Sam) kun miangören mewöyök kewö ali ahöza,

‘Nangahö wölböt azigi sarakñi i mönö qahö mosötnönga kömupkö lömnöj qahö gisahöma.’

36 Nini kinj Deiwidkö könañi mötzin: Yanön malmalñi mala Anutugö jitni wuatangöba nup wangiyöhi, mi mem teköba nöj qeba kömuyök. Kömui amböskonurupni yangö kösutñine löm kölgetka qamötñan ahöba gisahöba qahöwahök. 37 Deiwidnöj gisahöba qahöwahökmö, Anutunöj azi mem guli wahöröhi, yanön mönö qahö gisahöyök.

38 “Azi alaurupni, miangöra keu ki mönö mötket: Anutunöj Jisösgöra aka sinjisöndokñini mosöta sanğonma. Nenjön miangö Buñani jim asarim engizin. 39 Mutuk ‘Mosesgören Köna keu wuatangöba mewö miangön solanñi akin,’ jünmö, mi inöj wainöj qaköba osiba malin. Mewö malinmö, nalö kewöñe denike yanön Jisös möt nariba

* 13:24: Mak 1.4; Luk 3.3 * 13:25: Mat 3.11; Mak 1.7; Luk 3.16; Jon 1.20, 27 * 13:28: Mat 27.22-23; Mak 15.13-14; Luk 23.21-23; Jon 19.15 * 13:29: Mat 27.57-61; Mak 15.42-47; Luk 23.50-56; Jon 19.38-42 * 13:31: Apo 1.3 * 13:33: Sum 2.7 * 13:34: Ais 55.3 * 13:35: Sum 16.10

yambuk qekötahömei, Anutunöŋ mönö körek yeŋgö keuŋini jim teköiga solanime.
⁴⁰ Kezapqetok ambazipnöŋ keu jiba ohoget ahözawi, Anutunöŋ miangö dop likepŋi meleni qakŋine öngöbapuköra mönö galömnini mem aŋgume. Keu mewöŋi kun kewö,

⁴¹ *Nöŋön eŋgö malmal nalöŋe aŋgöletot qainŋi kun memam.

Kunŋan miangö keu buzupŋi jii mötpeak, mi ölni akŋapkö qahö möt naribeak.

Miangöra keu mi memba et ala jijiwilit ahakzei, inini mönö öne uba eka welipköba ayuhume.’ ”

⁴² Polnöŋ mewö jiiga Barnabasbuk köuluk miri mosöta erohotka tosatŋan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneanön ölop toroqeba jiyohot mötpinak.” ⁴³ Köuluk mireyök eta dengetka ambazip gwötpukŋan Pol aka Barnabas könaŋire etkuataŋgöget. Tosatŋan Juda ahuba malget aka tosatŋan kian kantrinöŋ ahuba könaŋep Juda ambazip aka malget. Yeŋön etkuataŋgögetka eraum möta qambaŋ keu kewö eŋgiyohot, “Anutunöŋ kalem möriam eŋgiyöhi, miangöreŋ mönö böŋ qeba kinme.”

⁴⁴ Sabat kendon kun kam kuŋguyöhi, miangöreŋ taon gölme miangö ambazipŋi mi kölolohoba “Anutugö Buŋa keu mötpin!” jiba kaŋgota tokoget. ⁴⁵ Kaŋgota tokogetka Juda yeŋön ambazip kambuŋi kambuŋi eŋgeka irimŋini seholim teköyök. Seholim teköiga Polgö keuŋi qemegö jitnakölik aka goranora (noragora) jiba mepaqepaik ak etkiget. ⁴⁶ Mewö ak etkigetka Pol Barnabas yetköŋ awösamkakak kinda köhöiba keu kewö jiyohot, “Anutunöŋ nup netkiiga Buŋaŋi mutuk Juda ambazip eŋgöra jiinga dop kölbawakmö, inini mi andö qeba laŋ kewö jize, ‘Nini malmal köhöikŋe aŋgotpingö dop qahö.’ Miangöra mötket, netköŋ mönö eŋgömosöta kian kantriŋi kantriŋi yeŋgöreŋ elenŋa anbit. ⁴⁷ *Kembunöŋ miangö keuŋi kewö jiba jim kutum neŋgiyök,

‘Nöŋön kuŋgum gihibiga kian kantri yeŋgö asakŋina aka amötqeqegö könaŋi jim asariba malnöŋga gölme göraŋi göraŋi dop köl teköi likeplikep eu emu yeŋön letota Suepkö buŋaya akŋe.’ ”

⁴⁸ Mewö jiyohotka gölme toŋi Juda qahö malgeri, yeŋön möta uruŋini ölöwahi Kembugöreŋ Buŋaŋi möpöseiget. Möpöseiba malmal köhöikŋaŋgö buŋa akŋegöra Anutunöŋ möt kewöt eŋgiyöhi, yeŋön miangö dop uruŋini melenŋa Jisösgö Buŋaŋi möt nariget.

⁴⁹ Möt narigetka Kembugö Buŋa keu jim sehigetka prowins pakpak mi dop köla anök.
⁵⁰ Ölop anökmö, Juda yeŋön taongö azi ipŋi aka ambi öngöŋgöŋi Anutu göda qeba malgeri, miengö uruŋini esiba kuŋguba Pol Barnabas mohotŋe sesewerowero ak etkiba miri gölmeŋineyök etkuataŋgöget. ⁵¹ *Anbitkö aka nesampurekŋini kondela kewö jiyohot, “Netköŋ eŋgö gölmenöŋ kaziga sölbuham köna tambönire ahözawi, mi mönö tim töŋjöratziga nanŋine lilingöba gema.” Mewö jiyohotka könaŋamniri solanŋi möt kutugetka anda Galesia prowins uruŋe siti qetŋi Aikoniam miangöreŋ aŋgorohot. ⁵² Aŋgorohotmö, gwarekurup Antiokia taonöŋ malgeri, Uŋa Töröŋan yeŋgö uruŋini kokolak qei önöŋi qahö söŋgaiba malget. Mewö.

14

Aikoniam sitinöŋ uru kuŋgum eŋgiyohot.

¹ Pol Barnabas yetköŋ Aikoniam sitinöŋ aŋgota mewöŋanök Juda yeŋgö köuluk mire öngöba Buŋa keu jiyohot. Jiyohotka Juda aka kian kantri ambazip yeŋgöreŋök kambu sehisehiŋi yeŋön uruŋini melenŋa Jisös möt nariget. ² Möt narigetmö, Juda ambazip qahö möt narigeri, yeŋön gölme toŋi Juda qahö malgeri, miengö uruŋini esiba aposol urunöŋ gege ak etkimegöra uruŋini kuŋguget. ³ Kuŋgugetka töndup nalö köröpŋi miangöreŋ mala Kembu möt nariba awösamkakak kinda Buŋaŋi jiba malohot. Kembu kalem möriamŋaŋgö keuŋi jim asariyohotka keuŋiri nanöba ösumŋi böröŋire ali aiwesök

* **13:41:** Hab 1.5 * **13:47:** Ais 42.6; 49.6 * **13:51:** Mat 10.14; Mak 6.11; Luk 9.5; 10.11

angöletot meyo-hotka asuhuget. ⁴ Mewö asuhugetka taongö ambazipñan jula denget. Tosatñan Juda jitñememe yembuk öröröñ jöhögetka tosatñan aposol yetpuk toroqeba kinget.

⁵ Mewö arönda kingetka gölme toni aka Juda ambazip kianni yeñon wahöta jitñememurupñini yembuk urumohot aka melaimelai azi aposol mi “Kötnöñ gila etku-bin!” jiba mötmöriget. ⁶ Mewö mötmörigetka möta ölöñ köla tököba Likaonia prowinsnöñ anohot. Miangöreñ anda taon qetñiri Listra aka Derbe aka miri liliköm etkiba tat angeri, miangöreñ angorohot. ⁷ Miangöreñ anggota Ölöwak Buña jim asariba uru kuñgum engiba malohot. Mewö.

Listra taonöñ Pol Barnabasgöra bem qetket.

⁸ Listra taonöñ azi kun köna yahötñi kömukömuñi malök. Mi nam körö uruñeyök lokon asuhuba nalö kungen köna qahö tiba öne tatmalök. ⁹ Polnöñ Buña keu jii möta tari uba könañamñi kewö eka mötmöriyök, “Yanğö uruñe mötnaripñi ahöm wanğiyöhanğöra aka ölop ölöwakña,” mewö jiyök. ¹⁰ Mewö mötmöriba qet ketani qeta jii mörök, “Mönö wahöta kinöñ.” Mewö jii pöran ala wahöta anda kaba kinök.

¹¹ Polnöñ mewö aiga ambazip kambu yeñon mi eka Likaonia keuñine kewö silata jiget, “Bem yetkön letota azi silebuk aka sutnine asuhuba nengöreñ eta maljahot.”

¹² Mewö jiba Barnabas qetñi bem bohonñini qetñi Zus qetket aka Polnöñ jitñe memba keu jiyöhanğöra aka bem qetñi Hermes qetket. ¹³ Mewö qetketka bem Zus yangö jöwöwöl jikenji taon wösöñe ahöyöhi, mianğö jike nup galömñan bulmakau aziñi enğuangita kayök. Mewö kaba ila kösatorom memba kaba taon kiripo nanğune kinda ambazip kambu yembuk jakenöñ ala jöwöwöl ohom etkibingö aket.

¹⁴ Mewö aketka aposolyahöt yetkön mi möta “Qahö dop kölja,” jiba qetala silepökenjiri munjurata ösumñiran ambazip kambu uruñe anda qerohot. ¹⁵ *Qeta kewö jiyohot, “Aziurup, inini mönö denöwögöra aka yuai mewöñi akze? Niri mewöyök inini ewö gölme azi töhöna akzit. Niri Anutugö Ölöwak Buña jim asarim engizit. Mianğöra inini mönö bem omani andö engume aka uruñini melenđa Anutu malmal Tonangöreñ qekötahöme. Anutu malmal Tonan Suep, gölme, köwet aka miengö uruñine yuai pakpak ahözawi, mi miwikñaim engii malje. ¹⁶ Gölmenji gölmenji pakpak yeñon mönöwök mala kotkeri, Anutunöñ i qahö angön köl engii nanñini imbiñinangö dop malmalñini ilingösöñ malget.

¹⁷ “Qahö angön köl engiyökmö, töndup tönpin jipjap qahö malget. Qahöpmö, Anutunöñ yuai ölopñi ölopñi ak engiba malök. Yanöñ juiga kie yöhöi wehön qei töhötmöriamñan nalöñi nalöñi asuhui nem söngaip aka mewö mianöñ uruñini kuñgum engii malget. Mewö malgetka nanñi könañi mötmegöra kalemñi mi kondel engiba mewö mianöñ dangunöñ ali malget.” ¹⁸ Yetkön mewö jiba ambazip kambu jöwöwöl ohom etkibepüköra jaranbaran tiba jim susuhum engiyohotka löwöriba mosötket. Mewö.

¹⁹ Listra yeñon Pol Barnabas etkömosötketmö, Juda ambazip tosatñan Antiokia taon aka Aikoniam siti mietkörenök kanğota ambazip kambu urunöñ gege ak engiget. Ak engiba yembuk öröröñ luhuba Pol kötnöñ qeba “Mönö kömuza!” jiget. Mewö jiba örörahöba taon andöñe eta mosötket ahöyök. ²⁰ Ahöyökmö, gwarek yeñon kanğota liliköm wanğigetka wahöta anda taonöñ öngöyök. Mianğöreñ öngöiga ahöyohot miri gianjiiga Barnabasbuk Derbe sitinöñ anohot.

Siriagö Antiokia sitinöñ lilingöba kayohot.

²¹ Derbe sitinöñ Ölöwak Buña jim asariba uruñini kuñgum engiyohotka gwötpukñan uruñini melenđa Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon miengöreñ lilingöba anda enğehot. ²² Engeka tata miri dop liliköba Jisösgö gwarekurup yeñö uruñini nanğöba mem köhöiyohot. Kambu möt narigeri, yambuk qekötahöba kinmegö qaman keuñi engiba kewö jiyohot, “Nini mönö

* 14:15: Eks 20.11; Sum 146.6

iririkwarörök qakne (lömböt könañi könañi miwikñaiba) mala pañpañgöba Anutugö bem-tohoññöñ eu angotpin.”²³ Urumelen könagesö dop jitnememeurupñini möwölöhöba galöm malmegö könañi kusum engiba kuñgum engiyohot. Kuñgum engiba Anutugöra nene singi mala gwarek kambu yeñgöra köuluköba Kembu möt narigeri, yañgö böröñe al engiyohot.

²⁴ Al engiba engömosöta Pisidia prowins kutuba anda Pamfilia prowinsnöñ angorohot.

²⁵ Mianğöreñ anğota Perga sitinöñ tata Buña keu jiba uruñini kuñgum engiba Atalia taonöñ geyohot. ²⁶ Mianğöreñ geba wañgenöñ öngöyohotka opo seri öröba möröreñgögetka luhutnöñ nañgöi anda mala Antiokia sitinöñ angorohot. Antiokia urumelen könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka engömosöta anohot. Anda liliköba nupñiri mi mem teköba kunbuk nanñire sitinöñ lilingöba kayohot.

²⁷ Mianğöreñ kaba urumelen könagesö köl öröm engiyohot. Köl öröm engiyohot tokogetka keu kösohotñiri kewö jiyohot, “Anutunöñ netpuk mala anğöletot ketañi ketañi aka memba malök. Yañön nam köl netkii nup meziga kian kantriñi kantriñi yeñön Jisös möt narimegöra nañgu öröm engii uruñini melenget.”²⁸ Kösohotñiri mewö jiba gwarek kambu yembuk nalö köröpñi qem köriba tata malohot. Mewö.

15

Kian kantri yeñgöra aka zioznöñ julmamgö ahök.

¹ *Antiokia malohotmö, Judia prowinsnöñhök ambazip tosatñan eta kaba könahiba urumelen ambazip kewö kusum engiget, “Inini Mosesgöreñ Köna keugö dop Anutugö aiwesökñi silenine qahö yandime ewö, mewö mönö Suepkö buñaya akingö osime.”

² Mewö kusum engigeranğöra aka anğururuk ahuiga Pol Barnabas yetköñ tuarenjon ak engiba könöpñambuk jim engiyohot. Jim engiyohotka urumohot qahö aka keu kewö jöhöba jiget, “Nini mönö Pol Barnabas aka jitnememe tosatñi melaim engiinga Jerusalem sitinöñ öngöba keu mi memba aposol aka Jerusalem urumelen könagesögö jitnememe yeñgöreñ anda jime.”

³ Keu mewö jöhöba jigetka urumelen könagesö yeñön i melaim engigetka könanöñ anget. Anda mala Fonisia aka Samaria prowins yahöt mi kutuba könanöñ könagesöñi könagesöñi engekot. Engeka kian kantri tosatñi yeñön uruñini melenğeranğö buzupñi jiba urumelen kambu yeñgöra sösöñgai ketañi al engiget. ⁴ Al engiba anda mala Jerusalem sitinöñ angotket. Angotketka aposol aka jitnememe yeñön urumelen könagesö yembuk köl öröm engiget. Köl öröm engigetka kösohotñini kewö jiget, “Anutunöñ nam köl neñgii misin nup meinga nembuk mala anğöletot ketañi ketañi aka memba malök.” ⁵ Kösohot mi jigetmö, Farisi (Köna keugö kapanğökököl) kambunöhök urumelen azi tosatñan wahöta kewö jiget, “Kian kantri yeñön uruñini melenğeri, yeñgöra mönö kewö jim kutubin: Yeñön mönö Anutugö aiwesök silenine yandiba Mosesgöreñ Köna keu pakpak wuatangöba malme.” Mewö.

Jerusalem totoko ala anğururuk keu mindiñgöget.

⁶ Mewö jigetka aposol aka jitnememe yeñön keu mi jim kewötpingö tokoget. ⁷ *Tokoba goranora (noragora) keu gwötpuk jiba jitnakölik aket. Mi aketka Pitönöñ wahöta kewö jii mötket, “Azi alaurupni, Anutunöñ mutuhök sutnine nup mendenđa möwölöhöm niñgiba nöngöra kewö jiyök, ‘Gi mönö kian kantrinöñ anda Ölöwak Buña keu jim asarim enğinöñga yeñön uruñini melenđa Kembu möt narime.’ Inini keu mi mötze. ⁸ *Anutunöñ ambazip pakpak urunini möt kutuzawañön könañamñi kondela Uña Töröñi Juda ambazip neñgöra melaiiga eröhi, mianğö dop mönö kian kantri ambazip yeñgöra mewöñanök i melaii uruñine geyök.

* 15:1: Lew 12.3 * 15:7: Apo 10.1-43 * 15:8: Apo 2.4; 10.44

⁹ “Melaii geiga mewö mianjon Juda ambazip qahö engek soriba kantri tosatni qahö qepureim engiyök. Qahöpmö, yejon Anutu möt narigetka sinjisöndokjni mosöta urunini sanjon niga sarakni aket. ¹⁰ Miangöra injini mönö wuanöngöra Anutu esapesapnöng al wanjibeak? Wuanöngöra gwarek dölokni yengö qaknine tem könjön toroqeba alinga anjubeak? Tem könjön mewöni mi nanine amböskoninan me naninak mewöyök anjuringö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamnan mönö Anutu nam köl wanjiiga amöt qem nenjiiga Suepkö bunaya akin. Kian kantri yejon mewöyök köna mohot miyök wuatangöba letota Suepkö bunaya akingö möt narimakze.”

¹² Mewö jiiga kambu yejon löknanök keu jaruba bök tatket. Tatketka Pol Barnabas yetkön keu kösohotniri kewö jiyohot, “Anutunöng nam köl netkii kian kantrinöng anda sutnine misin nup meziga aiwesök anjoletot ketani ketani asuhuget.” Mewö jiyohotka kezap ala mötket. Mewö.

Bisop Jeimsnöng keu jii mötket.*

¹³ Pol Barnabas yetkön kösohotniri jim teköyohot mötketka Jeimsnöng keu kewö jiyök, “Azi alaurupni, nöngön keu jibi kezap ala mötket. ¹⁴ Anutunöng nalö mutukni kian kantri ambazip mesohol köl enjiba sutnineyök ambazip nanngöra möwölöhöm enjiiga qetni bisiba könagesöngi toroqeget. Anutunöng mewö aka könanamni kondel nenjiyöhi, Saimon Pitönöng miangö keunji jii mötzin. ¹⁵ Keu mewöni mi kezapqetok ambazip yejon mewöyök nanngöba jize. Yejon keu kun kewö ohoget ahöza,

¹⁶* “Miangö andöng nöngön lilingöba kaba kin Deiwidkö kantri tohoñi kunbuk memba wahötmam.

Yanjon mutuk jakömbuak koumni qeba amböskonini galöm köl enjiiga koumnan buratiba tingita erökmö, nöngön mi kunbuk möhamgöba kuñgubiga kantrinöng ölöwaka kinma.

¹⁷ Mi kewö asuhumapköra aknam: Ambazip kambu tosatni pakpak yejon Kembu jarume.

Kian kantri pakpak nani bunani akngöra engoholali, yejon Kembu ni göraim ningime. Kembu nöngön mewö jizal aka miangö dop kantrinöngi mem ölöwaknam.

¹⁸ Mewö ahakzali, mi mönö möpnanngö möpneyök möta kota malje.’

¹⁹ “Miangöra Jeims nöngön keu mi kewöta mötmötnan kewö möta jizal: Kian kantri ambazip urunini Anutugöreng melenjei, nejon mönö lömböt könjön ketani yengö qaknine alinga qahö dop kölma. ²⁰* Mewö qahöpmö, yengöra kimbi kewö ohoinga dop kölma: Yejon sömbup busunji bem lopiongö naluk bunja qeba könanine algetka ösumninan walöngnöhi, mi kude neme. Sero yongorö kude akne. Sömbup jölñi qeqenngö busunji aka sep mi kude neme. Yuai 4 mi mosötmegöra jim köhöibinak. ²¹ Mosesgö Köna keu mi mönö möpnanngö möpneyök miri dop jim asariba kota maljin. Mi Sabat kendon dop köuluk mirinine oyoñda mörakzin. Miangöra keu 4 mi ölop qahö mosötpin.” Mewö.

Jerusalem totokonöng kian kantri yengöra kimbi ohoget.

²² Jeimsnöng mewö jiiga aposol aka jitnememe yejon könagesö pakpak yembuk keu mi mötket dop kölök. Mötket dop kölga sutnineyök azi tosatni möwölöhöm enjiba Pol Barnabas yetpuk mohotne Antiokia sitinöng melaim enjibingöra jiget. Mewö jiba azi qetni Judas qetni alani Barsabas aka Sailas möwölöhöm etkiget. Azi yahöt mi urumelen kambugö jitnememe azia ahot. ²³ Azi mi melaim etkibin jiba kimbi kun kewö ohoba böröngire alget,

“Mötnaripkö kian alaurupnini, Antiokia siti aka Siria aka Silisia gölmenöng maljei, nejon engö jölöngi jizin. Aposol nejon mötnarip könagesögö jitnememe yembuk engö

* **15:12:** Bisop, Grik keunöng episkopos, nanine keunöng jegalöm me inspekta. Yanjon zioz nup pakpakö mindimindiri galömni akza. Jeims kianön Jisösgö gwarekni qahöpmö, Jisösgö munñi. * **15:16:** Amos 9.11-12 * **15:20:** Eks 34.15-17; Lew 17.10-16; 18.6-23

- urumelen alaurupnina akzin. Mewö embuk keu eraum mötpingöra kimbi al engizin.
- ²⁴ Nanine ambazip tosatni qahö jim kutum engiinga nanjinök nenngömosöta engören kaba urunini kunjuba keu murutni kekelolo engigetka uru mötmötñini siksauk aiga mörin.
- ²⁵ Miangöra nini körekñanök totoko ala urumohot ahin dop kölök. Dop kölīga azi yahöt meköba melaim etkiinga wölböt alayahöt Barnabas Pol yetpuk engören kame.
- ²⁶ Barnabas Pol yetkôn nanine Kembu Jisös Kraistkö qetñangöra aka malmalniri köleñnohotka tosatñan etkuget kömumbitkö ahot.
- ²⁷ Nini Judas Sailas melaim etkiinga kaba keu miyök toroqeba jitröñ jiyohotka mötme.
- ²⁸ Uña Töröñi aka nenñon keu kewögöra urumohot ahinga dop kölja: Engö qakñine lömböt könjöñ qahö toroqeba albin. Keu bohonñi 4 miyök wuatangöme. Mi ongitketka julbinbuk.
- ²⁹ Keu 4 mi kewö: Sömbup busunji bem lopiongö naluk buña qeba könanjine algetka ösumñinan walöñnöhi, mi kude neme. Mewöyök sep me sömbup jölñi qeqeñangö busunji mi kude neme. Sero yongorö kude akñe. Yuai 4 mi mosöta andö qegetka urumohot ahinga Anutunöñ kötuetköm engiiga ölöwaka malme. Mönö uru böñjöñ malme.” Mewö.

Keu memba angetka Antiokia siti yeñon söngaiget.

³⁰ Kimbi mewö ohoba melaim engigetka anget. Köna anda geba Antiokia sitinöñ angotket. Angota urumelen könagesö köl öröm engigetka tokoget. Tokogetka kimbi mi engigetka oyongget. ³¹ Mi oyonggetka miangöra amqeba urukölalep möta söngaiget. ³² Judas Sailas yetkôn nanñirak kezapqetok azia mala gorö keu gwötpuk engiba urugö nangönanjö keu jiba mem köhöim engiyohot. ³³ Mem köhöim engiba nalö tosatni miangören toroqeba malohot. Malohot teköiga urumelen alaurup yeñon “Luaibuk anmahot,” jiba melaim etkiget. Jerusalem malohotka melaim etkigeri, Judasnöñ mönö yengören lilingöyök. ³⁴ (-)†

³⁵ Pol aka Barnabas yetkôn toroqeba Antiokia sitinöñ mala ambazip tosatni gwötpuk yembuk Kembangören Buña keu kusum engiba urunini kunjum engiba malget. Mewö.

Pol aka Barnabas yetkôn denñohot.

³⁶ Mewö malgetmö, nalö tosatni teköiga Polnöñ Barnabasgöra kewö jiyök, “Netkôn taon miri pakpak liliköba Kembangören Buña keu jim asariba maliri, mönö miangören lilingöba urumelen alaurupniran denöwö maljei, mi ölop anda eka mötpit.” ³⁷ Mewö jiiga Barnabasnöñ Jon qetñi alañi Mak qetkeri, i mewöyök wangita mohotñe anbingö mörök.

³⁸ *Mewö mörökmö, Jonöñ mutuk Pamfilia taonöñ löwöriba etkömosöta yetpuk toroqeba nup qahö meyök. Miangöra Polnöñ i wangita anbingö möri qahö dop kölök. ³⁹ Qahö dop kölīga angururuk aka uruniri könöp jeiga denñohot. Denña Barnabasnöñ Mak wangita geba wangenöñ öngöyohotka opo seri öröba mörörengögetka luhutnöñ nangöi gölme jölannji Saiprus miangören anohot. ⁴⁰ Anohotmö, Polnöñ azi qetñi Sailas meköiga urumelen alaurup yeñon Kembangö böröñe al etkiba kalem möriamñan sel jöhöm etkimapköra jigetka mosöta anohot. ⁴¹ Anda mala Siria aka Silisia prowins yahöt mi kutuba liliköyohot. Liliköba Polnöñ urumelen könagesöñi könagesöñi engeka mem köhöim engiba malök. Mewö.

16

Timotinöñ Pol aka Sailas yetpuk toroqeyök.

† **15:34:** Tosatñan toroqeba jabö v 34 kewö alje: Lilingöyökmö, Sailasnöñ keunji jöhöba toroqeba miangören malök.

* **15:38:** Apo 13.13

¹ Polnön liliköba anda mala taon qetñiri Derbe aka Listra miangören angorök. Listra angota miangören gwarek kun qetñi Timoti miwikñaiyök. Namñan Juda urumelen ambia ahökmö, iwiñan Grik azia. ² Polgö azi alaurupñan Listra aka Aikoniam malgeri, yeñon Timotigö könañi jim ölöwaka jiget mörök. ³ Mewö jiget möta wangiri mohotñe anmamgö mörök. Mi mörökmö, Timotigö iwiñan Grik azia malöhi, mi köreñan möt teköget aka miri gölme miangören Juda ambazip gwötpuk malget. Miangöra yeñon Pol jim wangibepuköra Timoti wangita Anutugö aiwesökñi sileñe yandiyök. ⁴ Yandiiga anda taon aka miri dop angotkeri, miangören Jerusalem mindimindiri totokogö keuñi jiget. Aposol aka Jerusalem urumelen könagesögö jítñememe yeñon keu jöhöm köhöigeri, mi wuatangömegöra jim kutum engiget. ⁵ Mewö lilikögetka Jisösgö könagesöñi könagesöñi miri dop malgeri, yeñgö mötnariññinan köhöiyök. Mewö köhöiba Buña keu jigetka tosatñan uruñini melenñda wehön dop kam toroqetgetka kambuñinañgö jañgöñan qariba öñgöyök. Mewö.

Anutunöñ Pol gaunöñ kutum wasöriga Yurop anget.

⁶ Liliköba mala “Eisia prowinsnön anda Buña keu jim asaribin,” jigetmö, Uña Töröñan songo ala anğön köl engiyök. Miangöra yeñon toroqeba anda Frigia aka Galesia prowins yahöt mi öne kutuba etkonñgita anget. ⁷ Anda mala Misia gölme görane angota Bitinia prowinsnön angotpingö mötketmö, Jisösgö Uña Töröñan miangören anmegö urumohot qahö ahök. ⁸ Urumohot qahö aiga mosöta anda Misia gölme öne kutuba köwet jítñe geba Troas taonöñ angotket. ⁹ Troas angota sunğem gaun ahögetka Anutunöñ Pol kutum wasöriga imut kun kewö ehök: Yurop azi kunñan Masedonia likepñe kinda ohola kewö jiba köuluköm wangiyök, “Gi mönö köwet kutuba Masedonia gölmenöñ kaba bauköm neñgiman.”

¹⁰ Polnön jemelen imut mi ehiga nini miangö könañi kewö möt kutuba jiin, “Anutunöñ mönö neñgohola köwet kutuba Yurop uruñe anda Ölöwak Buña Masedonia prowinsnön jim asarim engibingöra jiza.” Mewö jiba miangörenök mosöta anbingö mötmöriba amqein. Mewö.

Filipai ambi Lidianöñ uruñi melesnök.

¹¹ Neñon amqeba geba wangenöñ öñgöinga opo seri öröba mörörengögetka luhutnön nanğöi Troas siti mosöta anda diñdiñanök Samotres gölme jölanñe angorin. Angota ahöba miri gianñiga toroqeba anda Neapolis sitinöñ angorin. ¹² Miangören angota wangenhök eta köna anda Filipai sitinöñ angorin. Rom ambazip yeñon mönöwök kaba Filipai siti mi memba miangören malmal tatatñini algetka Masedonia prowinsgö siti ketanñi ahök.* Nini Filipai angota wehön tosatñi miangören malin.

¹³ Miangören mala Sabat kendonöñ siti kiripo yaigepñe anin. Miangören anda Juda yeñon o sakñe tokoba Anutu köulukömakzei, mewö mötmöriba geba rowonqeqe kunöñ anin. Anda ambi tokoba tatkeri, i engeka tata eraum möta Anutugören Buña keu yeñgöra jiinga mötket. ¹⁴ Mötkeri, yeñgö sutñine ambi kun qetñi Lidia malök. Yañon Taiataira sitinöhök Filipai kaba opo pisikñi gugakgugak aködammunñambuk tokoba bohonñi memegöra ala malök aka Anutu waikñi memba möpöseiba malök. Kembunöñ uruñi mem amqeiğa Polnön keu jiyöhi, miangöra sihimñan ahui kezap ala möta anğön kölök. ¹⁵ Anğön köli nanñi aka saiwaurupñi o melun mem enğiinga qesim neñgiba kewö jiyök, “Inini nöñgöra ‘Kembu möt narizal,’ jize ewö, mönö ölöp kaba nöñgö mire öñgöba tata nene namba ahöme.” Mewö jiba kapan köla qesim neñgiyök. Mewö.

Pol Sailas yetkön kösö mire tarohot.

* **16:12:** Masedonia prowinsgö siti bohonñi mi Tesalonaika. Distrik mutukñangö siti bohonñi mi Amfipolis aka siti keta bölökñi kun Filipai. Rom yeñon Filipai mi Itali ewö galöm köl engiget. Grik miri tonñi yeñon nanñine gölmenöñ kian ewö aka malget.

¹⁶ Nini nalö kunöŋ köuluk rowoŋqeŋe gebingö köna namŋe aninga welenqeŋe ambi kunöŋ miwikŋaim neŋgiyök. Ambi mi andö lawönŋambuk mala ambazip könaŋini aukŋe jim miwikŋaimamgö mörök. Mi möta kezapqetok keu asambötŋi jim miwikŋaiba mewö mianöŋ moneŋ yuai mi gwötpuk öröba mali tourupŋi yeŋgö böröŋine geyök. ¹⁷ Yaŋöŋ Pol aka nini neŋgeka neŋgö andönine kaba kewö jiba qerök, “Azi kienöŋ Anutu öngöŋöŋi ketanaŋgö welenŋi qeba Suepkö buŋaya akingö könaŋi jim asarim eŋgimakze.” ¹⁸ Mewö jiba sömaŋi gwötpuk qeta malök. Mi malökmö, Polnöŋ tököba miangöra sihimbölö mörök. Mi möta nalö kunöŋ liliŋgöba ömeŋi kewö jim kutum waŋgiyök, “Ni Jisös Kraistkö qetŋe jizal: Gi mönö ambi kiangö uruŋeyök kota anöŋ.” Mewö jim kutum waŋgii miangöreŋök kota mosöta anök.

¹⁹ Mi anökmö, ambi tourupŋan mi möta moneŋ yuai öröbingö könaŋi jöpköyöhi, mi miwikŋaiba irimŋini seholyök. Irimŋini seholyiga Pol Sailas etkömembra jöhöba maket sombemŋe öröm etkiba galöm azi yeŋgö jeŋine etkuangita anget. ²⁰ Etkuangita anda keu jake galöm yeŋgö jeŋine al etkiba silenire keu kewö ala jiget, “Nini siti kiangöreŋ luainöŋ maljinmö, azi yahöt kietkön kaba enololon ak neŋgimakzahot. Yetkön Juda azia akzahot ²¹ aka Juda silikŋini kusum neŋgimakzahot. Nini Rom mindimindiri kantrigö tohoŋ toŋi akzin. Miangöra nini silikŋini mi ölop qahö möt anöŋ kölbini. Mi memba wuatangöbingö soŋgo ahöi osizin.”

²² Silenire keu mewö aka jim etkigetka ambazip kambu yeŋöŋ mewöyök wahöta mindiriba qetal etkim köhöiget. Qetal etkim köhöigetka galöm yeŋöŋ kuŋgum eŋgigetka sileötaŋiri öröba munjukunjuratket aka jim kutum eŋgigetka arawambu kömbinöŋ etkuget. ²³ Gwötpuk etkum teköba kösö mire al etkibingö etkuangita wahibuknöŋ ölopŋanök galöm mem etkimapkö jim kutum waŋgiget. ²⁴ Mewö jim kutum waŋgigetka möta etkömembra kösö miri bibiŋe miri uruŋi kunöŋ anda könyahötŋiri ip özöpaŋ† sutŋire ala kösönöŋ jöhöba miri uruŋi miangö naŋguŋi yahöt mi ki misigetka tarohot. Mewö.

Kösö miri galömŋan uruŋi meleŋnök.

²⁵ Pol Sailas yetkön mewö tarohot. Tata mala suŋgem bibiŋi aiga miangöreŋ Anutu köuluköba liŋet köla möpöseiba malohotka kösö azi köreŋan kezap ala mötket.

²⁶ Mewö aketka miangöreŋök wölaŋ kenöŋ (naŋ) ketani giliga kösö mirigö tandöŋi pakpak anjaŋanjan kölget. Mewö kölgetka miangöreŋök naŋgu pakpak talgetka kösö azi pakpak yeŋgö ain tapepŋinan (muŋgamuŋga) lolohoba erök. ²⁷ Mewö asuhuiga kösö miri galöm yaŋöŋ gaun uruŋeyök wahörök. Wahöta kösö mirigö naŋguŋi pakpak tal tekögeri, mi eka jiyök, “Kösö azinöŋ an teköze me denöwö?” Mewö jiba mötmöriba jönömŋi unduiga bingö sou ketani mi kupinŋeyök öröba nanŋi aumamgö ahök.‡ ²⁸ Nanŋi aumamgö ahökmö, Polnöŋ paupauŋ teriŋgöba kewö jiyök, “Nini köreŋanök ki tatzin. Mönö nangi silegi öne kude ayuhuman.”

²⁹ Mewö jii möta kiwa waŋgimegöra qesii waŋgigetka ösumŋan kösö miri uruŋe anda jönömŋi unduiga Pol Sailas yetkö kösutŋire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, “Azi ketani yahöt, ni mönö denöwö akiga Anutunöŋ amöt qem niŋgiiga letotpilenjak?”

³¹ Qesim etkiiga jiyohot, “Mönö urugi meleŋda Kembu Jisös möt narim waŋinöŋga gi aka saiwaurupkan mewöyök letota Suepkö buŋaya akŋe.” ³² Mewö jiyohotka miriŋe angetka könagesöurupŋi pakpak yembuk tokogetka Anutugöreŋ Buŋa keu jiyohot mötket. ³³ Jiyohot möta suŋgemgö aua miangöreŋök etkuangita anda uziŋiri saŋoŋnök. Saŋoŋniga miangöreŋök i aka saiwaurupŋi pakpak mi o melun mem eŋgiyohot. ³⁴ O melun mem eŋgiyohotka etkuangiri nene mire öngöba nene ohoba ala etkiyök. Etkiba nanŋi aka saiwaurupŋi yeŋöŋ körek Anutu möt narigeranöŋgöra sösoŋgai aket. Mewö.

† **16:24:** Ip özöpaŋnöŋ könaŋiri yöhöraköiga osiba tarohot. Imutŋi ekŋan. ‡ **16:27:** Köso azinöŋ ölöŋ köliga galömŋi mi keu jakeŋe ala qegetka salupŋe sihimbölö möta kömuzapma. Nanŋi gamuŋi möta aubawak, mewö amqeba kömumbawak.

Kösö mireyök közöl etkigetka erohot.

³⁵ Miri gianjiiga keu jake galöm (majistreit) yeñön opotöröp melaim engigetka kösö mire kaba kewö jiget, “Azi yahöt mi mönö pösat etkinönga etmahot.”

³⁶ Mewö jigetka wahibuknöñ kaba buzup mi Polgöra kewö jii mörök, “Majistreit galöm yeñön keu kewö alget kaza: Injiri mönö kösönjiri pösatpiga etmahot. Miangöra etköñ mönö dölki mosöta eta luainöñ anmahot.”

³⁷ Mewö jii mörökmö, Polnöñ opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñön keuniri qahö kewöta jim teköba töndup aukne ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga dölki denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñön mönö nanñinak kaba netkömegetka etpirak.”

³⁸ Polnöñ opotöröp yeñgöra mewö jiiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket. ³⁹ Sömbuñini möta kösö mire kaba ösöñ susuhuba kelök ala kuñgum etkigetka geyohot. Geyohotka Filipai siti mosötmahotkö ulet etkiget. ⁴⁰ Ulet etkigetka Pol Sailas yetköñ kösö miri mosöta Lidiagö mire anohot. Miangöreñ anda urumelenñ alaurupñiri engeka urugö nanñonangö keu jiba enñgömosöta anohot. Mewö.

17

Tesalonaika nup megetka sesewerowero aket.

¹ Anda mala Amfipolis aka Apolonia siti yahöt mi kutuba Tesalonaika sitinöñ angotket. Siti bohonñi miangöreñ Juda yeñön köuluk mirinini meget kinök. ² Polnöñ ahakmemeni aka malöhi, miangö dop köuluk mirinine öngöba Sabat kendon karöbut miangöreñ yembuk Urumelenñgö Buña Kimbi oyoñda könañi eraum möta malget. ³ Mewö mala Buña Kimbigö könañi jim asariba kewö jiyök, “Anutunöñ areñ ala Amötqege Tonjan sihimbölo möta kömumba kömupnöñök wahötmapkö jiyök.” Mewö jiba miangö könañi Buña Kimbinöhök kondela uruñini kuñguba kewö jiyök, “Azi Jisös jim asarim enñgizali, yañön mönö Amötqege Tonji Kraist akza.”

⁴ Mewö jiiga Juda könagesö yeñgöreñök tosatñan möt nariba uruñini melenña Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketanji yeñön yembuk toroqeget aka ambi öngöñgöñi qetbuñanñambuk yeñgöreñök gwötpukñan uruñini melenñet.

⁵ Uruñini melenñetmö, Juda ipñi yeñön uruñini seholiiga urunöñ mututqutut möta andöqege aket. Mi aketka injarere ambazip rowoñqeñenöñ lañ malgeri, yeñgöreñ anda azi goñgoñi tosatñi enñgömeget. Mi enñgömemba mindiriba ambazip kambu uruñini kuñguba öröm enñgigetka tokoget. Tokoba lañ qetketka qeburuñ göjupmajup ahuiga siti dop köl teköyök. Lañ qeta luhuba azi qetñi Jeison yangö miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶ Jarum etkigetmö, qahö miwikñaim etkiba Jeison aka urumelenñ alaurup tosatñi jöhöm öröm enñgiba sitigö galömkölköl azi yeñgö jeñine angota kewö qetket, “Yei! Azi gölmeni gölmeni liliköba miri dop uru kuñgum enñgigetka kahapmahap aka sohomakzei, yeñön mönö ki mewöyök kayohot. ⁷ Kiangöreñ kayohotka Jeisonöñ i etkömemba anñön köl etkiyök. Ambazip pakpak mienñön kewö jimakze, ‘Azi kun qetñi Jisös yañön kin kibunini akza.’ Mewö jiba Rom sisa kinñgö jimkutukutuñi qetala memba eta alakze.”

⁸ Mewö qetketka ambazip kambu aka galömkölköl azi yeñön mötketka uruñinan eta raidimbom ewö siksauk ahök. ⁹ Siksauk aiga Jeison aka urumelenñ alaurup tosatñi kuñguba qesim enñgigetka moneñ ala meköm etkiba pösatketka eta anget. Mewö.

Berea angetka Baiböl stadi ala keuñiri kewötket.

¹⁰ Eta angetmö, urumelen alaurup yeñon Pol aka Sailas miangörenök melaim etkigetka mosöta sunjem miri qetñi Berea miangören anohot. Anda angota Juda yeñgö köuluk miriñine öngöyohot. ¹¹ Köuluk miriñine öngöba Buña keu jiyohori, mi sihim ketañi möta möt anğon kölget. Juda könagesö Berea malgeri, yeñon Tesalonaika könagesö enğonğita ölop sorokñi aket. Keu törörök jiyohot me qahö, mi wehön dop Buña Kimbigö keunöñ kewöta oyoñda eraum möta malget.* Silik ölopñi mewöñi wu-atañgöba Juda ambazip Tesalonaika malgeri, mi luhut al engiget. ¹² Buña keu jiyohotka Juda yeñgörenök jesöngöñan möt nariba uruñini melenget. Grik ambazip yeñgörenök mewöyök gwötpukñan Jisös möt narigetka sutñine ambi öngöngöñi qetbuñaninambuk mi gwötpuk malget.

¹³ Jisös möt narigetmö, Polnöñ Berea miangören mewöyök Anutugören Buña keu jim asariba malöhi, miangö buzupñan sehiba Tesalonaika anda Juda jitmeme yeñgö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget. ¹⁴ Kuñgugetka urumelen alaurup yeñon mi möta miangörenök Pol melaigetka köwet jitm geyök. Geyökmö, Sailas Timoti yetköñ toroqeba Berea malohot. ¹⁵ Azi Pol umbulgeri, yeñon toroqeba wañgita anda Atens sitinöñ anğotket. Anğotketka kewö jim kutum enğiiga mötket, “Inini mönö lilingöba Sailas aka Timoti jigetka ösumok nöngören kamahot.” Keu mi möta mosöta anget. Mewö.

Polnöñ Atens sitinöñ mala nup meyök.

¹⁶ Polnöñ Atens sitinöñ tata Sailas Timoti yetkö mamböta mala liliköyök. Liliköba siti mi tandö lopionñi lopionñi mienön kokolak qegetka köna töwokñe töwokñe kingetka engeka awöwöliba tembula uruñi könöp jeyök. ¹⁷ Polnöñ Juda yeñgö köuluk miriñine öngöba Juda kian ambazip aka gölme tonñi Anutu waikñi memba möpöseigeri, yembuk kinda eraum mötket. Polnöñ wehön dop rowonqeqe sombemñini dop anda ambazip miwikñaim enğiba yembuk aitonğöba eraum mötket.

¹⁸ Eraum mötketka Epikuros aka Stoik mötmöt jake yahöt mietkörenök böhi tosatñan kaba Polbuk keu singinñi singinñi jiba goranora aka jitmakölik erauget.† Tosatñan toroqeba Polgö keuñi möta kewö jiget, “Mötmöt kitipñi kitipñi zezengok ewö usunđa um jaruba lañ qezaköba mohot yahöt miwikñaim bibihiba memba kaza. Mi memba kaba seseñjai ewö lañ jizapmö, keuñangö ölni wania jimangö mötzawi, mi qahö mötzin.”

Polnöñ Jisösgö Buñani jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kianñi memba kaba mietkö könañiri jim asariza, miangö tandök ewö akza, ekzin.”

¹⁹ Mewö lañlañ jigetka Pol wañgita maket sombem ketañi Areopagus§ miangören öngöba kaunsöl yeñgö jeñine alget kini kewö jiget, “Gi mötmöt areñ dölökñi aukñe kusum neñgimazani, miangö könañi denöwö? Mi ölop jinöñga mötpin. ²⁰ Göñon kian kantri yeñgören keu murutñi memba kaba jinöñga kezapnine gei mötzin. Miangöra göhö keu arengahö könañi mi törörök mötpingö mötzin.” ²¹ Atens tonñi aka kian miangören malgeri, yeñon pakpak öne lañlañ mala mötmöt keu dölökñi dölökñi onğitğonğit aka jiba möta uruñini miangören ala nalöñini ayuhuba malget. Mewö.

Polnöñ Areopagus sombemñöñ kinda keu jiyök.

²² Polnöñ wahöta Areopagus sombem bibiñe anda kaunsöl yeñgö jeñine kinda kewö jiyök, “Atens aziurup, nöñon ki kaba yuai pakpak eka könañini kewö ahöi mötzal: Inini

* **17:11:** Berea yeñon Baiböl stadi ölopñi alget. † **17:18:** Mötkutukutu böhi qetñi Epikuros yañon uruölöwak mötpingö könañi kusum enğiyök. Stoik mötmöt jake (akademi) miangö böhiñi qetñi Zeno yañon sihim ölopñi aka bölöñi qömbököba böñ qeba köhöiba kinbingö könañi kusum enğiyök. ‡ **17:18:** Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yañon mönö bem azi ambi yahöt yetkö qetñiri mewö qetza.’ § **17:19:** Areopagus miangö könañi mi yarögö bemñi qetñi Ares yañgö kundunja.

bemurupņini göda ölopņi qeba möpöseim engiba malje. ²³ Nöjön liliköba engören miri kömbukņi kömbukņi eka miengö sutņine alta kulemņambuk kun miwikņaiial. Miangören kewö ohoget ahöi ehal, ‘Bem kōnaņi qahö mötzini, yaņgōra mein.’ Miangōra iņini bem kun kōnaņi qahö möta tōndup waikņi memba möpöseimakzei, nöjön mönō yaņgō kōnaņi indela jibi mötme.

²⁴ *‘‘Bem Anutunōņ Suep gölme aka yuai pakpak mietkö uruņire ahözawi, mi miwikņaim engiyök. Yaņön Suep gölmegö Kembuņa akza. Yaņön jōwōwöl jike bōrōnōņ memeni miangören qahö tata malja. ²⁵ Yaņön nanņak malmalgö kōnaņi akza. Mi aka neņön gölmenōņ malbinangōra sile, uņa (imut) aka yuai tosatņi pakpak neņgiiga söņgōrō ösum örōmakzin. Mewö neņgimakzawaņgōra aka nanņak nene me yuai kungōra qahö osiza. Miangōra ambazip nini gumohom waņgibingö osizin. Nini bōrōninan yuai qahö memba naluk al waņgiin ewö, yaņön mönō qahö kömuma. Yaņön azi tandök qahö malja. Qahö.

²⁶ ‘‘Yaņön mutuk azi mohot miwikņaiiga yaņgörenök sehiba deņda gwala injaņi aka sile tosatņi aka gölmeni gölmeni pakpak dop köla maljin. Yaņön nalōnini pakpak törörök areņgöm neņgiiga miangö dop maljin aka miri gölme denike denike ahöm tat ala maljini, miangö gōraņi aka aiwesökņi ala jim kutuiga miangö dop maljin. ²⁷ Nini mönō Anutu nanņi möt jarum waņgibingōra yuai pakpak mi areņgōba al neņgiyök. Yaņön körek pakpak kōsutnneyök maljapmō, tōndup mezaņqezaņ ala Anutu jaruba mala miwikņaiibin me qahö? ²⁸ Nanņini Grik mötmöt ambazipnōņ keu kötņi areņgōba ohogeri, yeņgörenök yahōtņan mewōyök keu kötņi kun kewö jiyohot,

‘Ninia kun yaņgö gwölōnarōkurupņi maljin.’

Azi mewōņi kunņan keu kötņi kun kewö ohoyök,

‘Yaņön mönō mem letot neņgiiga yaņgö aumņe malmalnini malakzin, kōnanini anda kamakzin aka ahöm wahōtnini ahakzin.’**

²⁹ Keu miengö dop nini mönō Anutugö gwölōnarōkurupņi mala kōsutņeyök kinjin. Kōsutņeyök kinjinmō, tōndup yaņgö kōnaņi möt sohoba janjuņ akinbuk. Imut ohoho azi yeņön mötmöt qakņe kinda bem kungö tandökņi mötmōriba goul, silwö me köt jamōņjiņ memba urorohoba tandö lopionji söhöba meņjölōba memakzei, yaņön mönō mewö tandök qahö akza. ³⁰ Ambazipnōņ gukmaulem aka jipjap mala kotketka Anutunōņ nalö miangören ahakmemeni möt böliiga likepņi qahö melenđa malökmō, nalö kewōņe keuņi indela kewö jiza, ‘Ambazip körek pakpak miriņini dop tat anjei, iņini mönō uruņini melenđa nöņgören kaget.’

³¹ ‘‘Anutunōņ nalö ketani ali kam kunguma. Yaņön nalö miangören ambazip gölmeni gölmeni pakpak mal anjei, mi tokom neņgiba keunini kewōta törörök jim tekōma. Yaņön azi kun keunini jim tekōmapkōra möwölöhōba jimtekōtekögö kukōsumņi bōrōņe alök. Yaņön azi mi mem gulli kōmupnöhök wahōriga mewö miangören kukōsumņi ketani mi ambazip pakpak kondel neņgiiga eka mötzin. Azi kōmupnöhök wahōrōhi, yaņön mönō jimtekōtekö Tonina akza.’’

³² ‘‘Anutunōņ azi kun kōmupnöhök mem gulli wahōrōhi,’ tosatņan keu mi möta mepaqe-paiköget. Mewö aketmō, tosatņan kewö jiget, ‘‘Keu jizani, nini mi kunbuk mötpingö mötzin. Miangōra gi ölop nalö kunōņ keu mi toroqeba jim tuariman.’’ ³³ Mewö aketka Polnōņ yeņgö sutņineyök wahōta engōmosōta anök. ³⁴ Anökmō, tosatņan kaba Jisös möt nariba yambuk toroqeket. Möt narigeri, yeņgö sutņine Areopagus kaunsöl kambu yeņgö jitņememe azi kun qetņi Dionisius malök. Mewōyök ambi ketani kun qetņi Damaris aka tosatņan yetpuk toroqeba möt nariget. Mewö.

* **17:24:** 1 Kiņ 8.27; Ais 42.5; Apo 7.48 ** **17:28:** Mötmöt azi ketani Pol yaņön mötmöt jakeni jakeni öņgōba Grik yeņgören buk murutņi murutņi oyoņda möt kutuba miangörenök keu kötņi kötņi amqeba memba aukņe jiyök.

18

Polnõj Korint sitinõj ani urunini melenget.

¹ Yuai mi asuhuiga Polnõj Atens siti mosõta Grik siti kun qetnji Korint miangõrenj anõk. ² Korint anda Juda azi kun qetnji Aqila miwikñaiyõk. Aqila yanõn Eisiagõ prowinsnji qetnji Pontus miangõrenj ahuba kõnanjep mindimindiri siti Rom anda malõk. Miangõrenj mali sisa kin qetnji Klodius yanõn jimkutukutuñi kewõ alõk, “Juda ambazip inini mõnõ körek pakpak Rom siti mosõta denme.” Mewõ jiyõhanõgõra aka Itali kantri mosõta Grik geba nalõ miangõrenj Korint kanjorõk. Kanjoriga Polnõj miwikñaiba i aka anõmñi qetnji Prisila yetkõrenj anõk. ³ Malmalniri nanjõbitkõra opo kounñi kounñi meyohot. Polnõj mewõyõk opo seri koun meme azia. Miangõra yetkõrenj ani nupñini örõrõn ahõiga yetpuk mala ahõba opo seri koun nup mohotñe meget. ⁴ Memba malgetka Sabat kendon dop köuluk mire õngõba Juda aka Grik ambazip yembuk Jisõsgõ kõnanji erauba mesinda urunini melenmegõra kunjum engiba malõk.

⁵ Kunjuba mali alayahõtñi Sailas Timoti yetkõn Masedonia prowinsnõhõk kanjorohotka Jisõsgõ Buñani nalõ dop jim asariba malõk. Mewõ mala Jisõsnõj Amõtqeqe Tonji Kraist akzawi, miangõ kõnanji aukñe kondela keu miangõn Juda ambazip urunini kunjuyõk. ⁶ Urunini kunjuyõkmõ, Pol tuarenjõn aka uruqeqe keu tõhörenj jim wanjigetka bõrõnan jenine kunjuba sõlburamñi tõnjõrari eriga kewõ jiyõk, “Nõñõn kõpõsihit qahõ akiga inini ayuhuba miangõ likepñi mi mõnõ nõngõ qakne albingõ osime. Mi nanñinak bisime. Inini Buña keu qetalgetka nõñõn õlõp engõmosõta merak kinda õngõmawi, miangõrenj kian kantri ambazip yengõrenj elenda anmam.”

⁷ Mewõ jiba engõmosõta köuluk miri gõrañe azi kun qetnji Titius Jastus yangõ mire õngõba malõk. Yanõn Juda azia qahõpmõ, tõndup Anutugõ waikñi memba möpõseiba malõk. ⁸ Gõrañe anõkmõ, köuluk mirigõ galõm qetnji Krispus aka yangõ anõm-morõñi yenõn körek urunini melennda Kembu mõt nariget. Mewõnanõk Korint ambazip tosatñi Polgõrenj keu mõtkeri, yengõrenjõk gwõtpukñan Jisõs mõt nariba urunini melengetka o melun mem engiget.

⁹ Polnõj sunjem kunõn gaun ahõiga Kembunõj kutum wasõriga imut ehiga kewõ jii mõrõk, “Gi kenjõtki kude mõtmanmõ, Buña keu mõnõ kõhöiba jiba malman. ¹⁰ Siti kianjõrenj ambazip kambu gwõtpuk yenõn nõngõ buñaya akze. Miangõra nõñõn göbuk malbiga kunñan yuai kun qahõ kõnahiba mem bölim gihima.” ¹¹ Mewõgõra Polnõj nalõñi mem kõriba yengõ sutñine (yara) yambu mohot aka kõin 6 miangõ dop mala Anutugõrenj Buña keu kusum engimalõk.

¹² Kusum engimalõkmõ, Rom yenõn azi Galio kunjugetka Akaia prowinsgõ kiap gawõnõ malõhi, nalõ miangõrenj Juda jitñememe yenõn mindiriba Pol tuarenjõn ak wanjiba örõba keu jakeñe al wanjiget. ¹³ Keu kewõgõra al wanjiget, “Azi kianjõn ambazip enjololõn ak engimakza. Rom yenõn jimkutukutuñini alget ahõzawi, yanõn ambazip kõna mi qõsõkõba Anutugõ waikñi memba möpõseimegõra uru kunjum nenjimakza.”

¹⁴ Keu mewõ silene ala jigetka Polnõj keu jimamgõ aiga kiap gawõnõ Galio yanõn Juda ambazip yengõra jiyõk, “Juda ambazip engõ sutñine kunñan azi qei kõmumbawak me pinjit bölõñi kötõkñi kun akawak ewõ, miangõra nõñõn õlõp keunini kezap ala mõtpileñak. ¹⁵ Mimõ, engõ sutñine mõtnaripkõ keu asuhuiga qet murutñi murutñi qeta anjgururuk aka jimkutukutuñini denõwõ akñei, mi mõnõ nanñini lõmbõtñina. Nõñõn yuai mewõñi mi kewõta jim tekõmamangõ dop qahõ akzal.” ¹⁶ Mewõ jiba keu jakeñeyõk enjatangõiga etket. ¹⁷ Eta nanñinõk mindiriba mohotñe luhuba köuluk mirigõ galõm qetnji Sostenes mi qerakõba memba kaba keu jakeñangõ kõna numbuñe ala qeget. Qegetka kiap gawõnõ Galionõj mi eka miangõra mõriga õlñi kun qahõ ahõk. Mewõ.

Polnõj nanñi miriñe Antiokia sitinõj lilingõyõk.

18 *Polnönj tøndup toroqeba Korint sitinönj silim gwötpuk malök. Mal teköba urumelen alaurupni yaizözkök keunini jiba engömosöta Prisila aka Aqila etkömemba köwetnönj geba wanjegöra mamböta tatket. Mutuk Anutugö jene kewö jiyök, “Nönön Anutugö nupni pöndañ kapañ köla memam.” Keu mewö jiba mi jöjöpañ keunönj jöhöba malök. Nalö mi teköiga köwetnönj miri qetnji Senkria miangörej geba jöjöpañ keuñangöra jiiga nörop jupni mitiget. Wanje kun Siria prowinsnönj anmamgö ahöhi, mi miwikñaiba miangörej öngöba opo seri öröba mörörengögetka luhutnönj nanjöi anget.

19 Anda Efesus taonönj angota Polnönj Prisila aka Aqila etkömosörökmö, nannak köuluk mire öngöba Juda yembuk Jisösgö könañi eraum mötket. 20 Eraum möta kewö qesim wanjiget, “Gi ölop nalö köröpni nembuk malman.” Mewö qesim wanjigetmö, Polnönj miangö urumohot qahö ahök. 21 Miangöra yaizözkök kewö jiyök, “Anutunönj miangö On! jima ewö, mönö ölop lilingöba engörej kamam.” Mewö jiba wanje kunönj öngögetka opo seri öröba mörörengögetka luhutnönj nanjöi Efesus mosöta anget.

22 Anda taon kun qetnji Sisaria miangörej angota wanje mosöta gölme köna Jerusalem öngöyök. Öngöba lilingöba urumelenj könagesö jölönjini jiyök. Mi jiba tata wahöta geba Antiokia sitinönj anök. 23 Antiokia sitinönj anda mali sonda tosatnji teköiga engömosöta könanönj anök. Könanönj anda Galesia aka Frigia prowins yahöt mi ongita miri dop liliköba gwarek pakpak engeka köl gulim engii köhöiget. Mewö.

Apolosnönj Efesus aka Korint nup meyök.

24 Nalö miangörej Juda azi kun qetnji Apolos mi Efesus kayök. Apolos yanön Ijptkö taon qetnji Aleksandria miangörej ahuba mala mötmöt mire öngöi teköiga Buña Kimbi Wanjangö keunji ölopnanök möt kutuyök. Mi möt kutuba könañi jii keunji tandökni miangöra ambazip miri dop sihim gwötpuk möta söngaiget. 25 Kembugö könañi wu-atanjöbingö könañi kusum wanjigetka Anutugörej könöp bölamñan urunje jeyök. Jisösgö könañi törörök diñdini kusum engiba Jonönj o melun mem engiyöhi, miangö könañi ölop möt sölöngöba jiyök. Mi jiyökmö, miangö likepni kun mosörök. Uña Töröñan melun mem nenjizawi, mi qahö mörök.

26 Yanön kaba köuluk miri urunje könahiba keu ösum-mumuñambuk jiyök. Jiiga Prisila Aqila yetkön keunji möta kinda wanjirohotka yetkö mire anget. Anda Anutugö könañi ölopnanök toroqeba jim asariba jiyohotka mörök. 27 Apolosnönj Grik kantrigö bahöni qetnji Akaia miangörej anmamgö möriga Efesus urumelenj alaurup yenön kötöngöm wanjiget. Kötöngöm wanjiba Akaia gwarekurup yengöra kimbi kewö ohoget, “Azi ki mönö köl öröm wanjime.” Apolosnönj kimbi mi memba Akaia prowinsnönj anda ambazip Anutugö kalem möriamni möt asariba urunini melenjeri, mi gwötpuk bauköm engiyök. 28 Bauköm engiba “Jisösnönj Amötqege Tonji akza,” jiba miangö könañi mi Buña Kimbigö keunji keunji oyonnda miangön kondel engii mötket. Juda yenön keu mi möta jitnakölik aketka goranora (noragora) ahuyökmö, Apolosnönj Anutugö kukösum qakñe kinda keunini aukñe qeapköiga etket. Mewö.

19

Polnönj Efesus mala nup meyök.

1 Apolosnönj Korint sitinönj maliga Polnönj Antiokia siti mosöta prowins tosatnji* ongita mala mala köwet görañe Efesus sitinönj angorök. Angota miangörej gwarek tosatnji miwikñaiba engehök. 2 Engeka kewö qesim engiyök, “Inini möt nariba urunini melenjeri, Uña Töröñan mönö nalö miangörej urunine geyök me qahö?” Mewö qesim engiiga kewö melenjda jiget, “Uña Töröñan maljawu, nini miangö keunji qahöpmahöp mörin.”

* 18:18: Jan 6.18 * 19:1: Gölme mi nalö kewöñe kantri qetnji Töki (Turkey) miangö urunje ahöza.

³ Melenḁa jigetka kewö jiyök, “Inini mönö wani o melun mem enḁigerawa malje?” Mewö jiiga melenḁet, “Nini Jonöḁ o melungöra jiba malöhi, mönö mi mem nenḁiget mein.”

⁴ *Mewö melenḁetka Polnöḁ jiyök, “Jonöḁ Jisösgöra keu jiba ambazip kambu uruḁini kuḁguiga kewö mötket, ‘Nöḁgö andöne azi kun kamawi, inini mönö i möt nariba uruḁini melenḁet.’ Mewö jii möta uruḁini melenḁeri, Jonöḁ i o melun mem enḁiba malök.”

⁵ Mewö jii mötketka Polnöḁ Kembu Jisösgö qetḁe o melun mem enḁiyök. ⁶ Mem enḁiba böröḁi nöropḁine aliga Uḁa Töröḁan uruḁine geiga kantri tosatḁaḁgö keu murutḁi murutḁi könahiba jiba kezapqetok keu jiget. ⁷ Azi mi mindiriba 12 miangö dop malget.

⁸ Polnöḁ köuluk mire öḁgöba kinda Anutugö bemtohoḁaḁgö könaḁi eraum möta awösamkakak kinda suahö ewö uruḁini kuḁgui keuḁi qeapköbingö osiba malget. Mewö malgetka köiḁ karöbut teköyök. ⁹ Qeapköbingö osigetmö, tosatḁan yaḁgiseḁ aka qahö möt nariba Kembugöreḁ könaḁi aukḁe jim böliba ambazip jeḁine luasö jiba kinget. Mewö jiba kingetka Polnöḁ kewöta mendeḁ enḁiba enḁömosöta gwarekurupḁi enḁuaḁgiriga tikep anget. Tikep anda azi qetḁi Tiranus yaḁgö qenjarök mötmöt jakenöḁ silim dop (aua 5 tokoba) kusum enḁiiga eraum-mötmöt aka malget. ¹⁰ Mewö aka malgetka Kembugö Buḁa keuḁan sehiiga (yara) yambu yahöt teköyök. Mi teköiga Buḁa keu mi Eisia prowins uruḁe miri toni aka Juda ambazip pakpak yeḁgö kezapḁine gei möt teköget. Mewö.

Sewa nahönurupḁan öme közölbḁingö osiget.

¹¹ Anutugö kukösumḁan Polgöreḁ aḁgoriga nup memba böröḁi ambazip nöropḁine ali Anutunöḁ aḁgöletot murutḁi murutḁi meiga asuhuget. ¹² Mewö mali ambazip kawöl enḁöhöi malgeri, tosatḁan Polgö silenḁeyök nöḁgöp mitimiti aka opo jöhanḁi tosatḁi mewöyök memba anda kaba qakḁine algetka kawölḁini enḁömosöri ömeḁini kota angetka ölöwaket. ¹³ Juda sile galöm tosatḁan liliköba öme enḁuatangöba anda kaba malgeri, yeḁön mewöḁanök könahiba ömenöḁ kölköljinjin mem enḁigeri, yeḁgö qakḁine Kembu Jisösgö qetḁi qeta ösumḁi köl öröbingö esapköget. Esapköba kewö jiget, “Polnöḁ Jisösgö qetḁi qeta uru kuḁgum nenḁimakzawi, nöḁön mönö Kembu miangö qetḁe öme kota kesalmegöra jim kutum enḁizal.” ¹⁴ Jisösgö qetḁi mewö qetkeri, yeḁgö sutḁine Juda jike nup galöm bohönḁi qetḁi Sewa yaḁgö nahönurupḁi 7 yeḁön mewöyök malget.

¹⁵ Yeḁön ömewöröme kun mewö jim kutum waḁigetmö, yaḁön melenḁa kewö jim enḁiyök, “Ni Jisös möt waḁizal aka Pol möt waḁizalmö, inini mönö niḁia?”

¹⁶ Mewö jim enḁiba azi uruḁe kinöhaḁön mönö luhuba qakḁine öḁgöba qeraköba enḁömeyök. Mewö körek pakpak luhut ala yayiapaleleḁ mem enḁiba silenḁini kutumu-tuba opo malukuḁini munjukunjurariyök. Munjukunjurariga nannik nannik silenḁine sepgwörörök eta kini tököba kesala miri uruḁi mi mosöta silenḁini gwamönḁi aukḁe eta angaiget. ¹⁷ Mewö asuhuiga Juda kian aka gölme toni Efesus malgeri, körek yeḁön miangö buzupḁi möta gwötpuk auruba awöwöliget. Awöwöligetka tosatḁan Kembu Jisösgö qetḁi kapan köla möpöseigetka aködamuraḁambuk ahök. ¹⁸ Möt nariba uruḁini melenḁeri, yeḁgöreḁök gwötpukḁan anda siḁgisöndokḁini indela jim köleḁet. ¹⁹ Tosatḁan qarösoḁo amötqeqe memba malgeri, yeḁgöreḁök gwötpukḁan buk papiaḁini memba kaba tokoba ambazip pakpak yeḁgö jeḁine kinda aukḁe könöpnöḁ gilget jeyök. Buk papia miengö söḁgöroröḁini oyoḁda mindirigetka mindimindiri jaḁgöḁini mi silwö moneḁ (Kina) 50.000 miangö dop ahök. ²⁰ Tandök mewö aketka Kembugö Buḁa keuḁan mönö ösum-mumuḁambuk sehiba köhöiba anök. Mewö.

Polnöḁ nupḁaḁgö areḁi alök.

²¹ Yuai pakpak mi asuhum teköiga Uḁa Töröḁan Pol sölölohöm waḁii keuḁi jöhöba kewö jiyök, “Ni köwet kutuba Grik kantrigö likepḁi yahöt Masedonia aka Akaia miangöreḁ liliköbi teköiga mosöta Jerusalem sitinöḁ anmam.” Mewö jiba toroqeyök, “Miangöreḁ anda tata Jerusalem mosöta Rom siti mewöḁanök anda ekḁam.” ²² Mewö jiba neḁakḁi

* 19:4: Mat 3.11; Mak 1.4, 7-8; Luk 3.4, 16; Jon 1.26-27

yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

Efesus yeñön bim karim aket.

²³ Efesus sitinöñ Kembangöreñ köna wuatangögetka miangöra nalö miangöreñ enololon göjupmajup keta bölökñi asuhuyök. ²⁴ Silwö nup meme azi kun qetñi Demitrius yanön silwö ohoiga kolkolgöiga qekötahöba bem ambi qetñi Artemis yangö jöwöwöl jikegö dop imut morömorö memba malök. Mi meiga bohonñi memba malgetka monen öngöngöñi öröi kölköl-örörö alaurupñan mendenða meget. ²⁵ Megetka Demitrius aka kambu tosatñan nup mewöñi memba malgeri, mi mohotñe engoholi kaba tokogetka kewö jii mötket, “Azi alaurup, nini nup ki meinga bohonñi ölopñi asuhuba kamakza, mi mötzin. ²⁶ Mi mötzinmö, Pol azi mianön Efesus kiangöreñ kangota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum engii janjuñ akzei, mi nalö kewöñe ölop eka mötze. Yanön kewö jimakza, ‘Bem börönöñ memenji mi bem ölni qahö.’

²⁷ “Mewö jiba maliga nini kölköl-örörö nupnini memakzini, miangö qetñi mem bölüi jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruñe aka gölmenji gölmenji pakpak miangöreñ bem ambi öngöngöñi Artemis waikñi memba möpöseimakzei, yangö bem qetbuñañi ketanñan ayuhuba ösumñan etpapuk aka jöwöwöl jikenangö qetñan bölüba ambazip jenine eta omanñi akapuk. Urulömböt mewö ahöza. Miangöra waimanjat möta keu ki jizal.”

²⁸ Demitriusnöñ mewö jiiga sunğurum alaurupñan mi möta irimñini sehiliiga kewö jiba qet gigilahöget, “Efesus nengöreñ Artemis mi öngöngöñi!” ²⁹ Qet gigilahögetka enololon göjupmajup mianön sehiba sehiba siti körek dop kölok. Mewö aiga Masedonia azi yahöt qetñiri Gaius aka Aristarkus Polgö sunğurumyahötñi mi qeraköba etkömembra örörahöm etkiba qezakqezak mirinöñ anda totoko alget. ³⁰ Totoko algetka Polnöñ mewöyök ambazip kambuleleme yeñgö sutñine anmamgö mörökmö, urumelen ambazipnöñ i angön köl wangiget.

³¹ Eisia prowinsgö galömkölköl azi tosatñan Polgö alaurupñi akeri, yeñön mewöyök kolek ala kewö ulet wangiget, “Qezakqezak mirinöñ totoko aljei, gi mönö nangi miangöreñ kude kondel engiman.” ³² Totoko algeri, miangöreñ ambazip gwötpukñan kinda tokogerangö könanñi kun qahö mötkerangöra nanñik nanñik lanlan qet gigilahöba siksauk enololon ketanñi megetka sehiba anök. ³³ Mewö ani Juda yeñön azi qetñi Aleksander kuñguba nangögetka kambu yeñön öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimamgö möta börö pözöñ misiba aiwesök mem engiyök.

³⁴ Aiwesök mem engiyökmö, Juda azia akzawi, mewö möt kutuba miangöreñök numbuñini mindiriba körekñan könahiba keu kewö qetket, “Efesus nengöreñ Artemis mi öngöngöñi!” Mewö qeta mala aua yahötkö dop silata qeta kinget.

³⁵ Qeta kingetka siti pomñan ambazip kambu uruñine memba eta ali göröñ algetka kinda kewö jiyök, “Efesus ambazip, nini nanine siti kiangöreñ Artemis öngöngöñi mi möpöseiba maljin. Nini yangöreñ jöwöwöl jike aka köt imutñi kömbukñi Suepnöhök eröhi, mi galöm köla maljin. Keu mi inini körek ölop mötze. ³⁶ Mi kunñan qañ kölmawangö dop qahö. Miangöra inini mönö uruñini ösöñ memba eta ala böñjöñ malme. Kezapjupjup yuai kun kude akñe. ³⁷ Azi ki jöwöwöl jikenöñ öngöba yuai kun qahö kiom qeba mem bölüyohot. Bem ambinini qahö ilit wangiyohot. Inini töndup i etkuangitketka ki kinjahot.

³⁸ “Demitrius aka yangö kölköl-örörö alaurupñan tosatñi yembuk angururuk aka keu jim angubeak ewö, kiap mönö ahöze aka keu jakegö totokonñi totokonñi mi keu mindingöbingöra alakze. Miangöra mönö ölop miangöreñ anda keu jakene al anguba aröñda kingetka dop köлма. ³⁹ Inini yuai kun toroqeba jibingö mötpeak ewö, siti kiangö

tonjan mönö ölop könagesö öröm enjiiga qenjarök sombemnönj tokoba keu kewöta jim teköme. ⁴⁰ Merak enjololonj göjupmajup ketanj ki kōnanj qahöpmö, tōndup imbisölöm asuhuzawi, mi Rom gawman yeñon möta kewö jibepuk, ‘Efesus yeñon Rom mindi-mindiri gawman qetala bim karim akze.’ Mewö jiba keu jakeñe al nenjibepuk. Miangö urulömbötñj akza, mi mötzal. Keu jakeñe al nenjiba karim kiangö kōnananjgöra qesim nenjibeak ewö, nini mönö likepñj gagabe köla jibinanjgö dop qahö mötzin.” ⁴¹ Efesus siti pomñan keu mewö jiba ambazip kambu köndenj enjiiga söörauba denja anget. Mewö.

20

Polnönj Masedonia aka Grik anda nup meyök.

¹ Efesus miangörej göjupmajup mianjön sörauba teköiga Polnönj gwarekurupñj engoholi kagetka urugö nanjōnanjgö keu qambanj engiba yaizökzök jiba engömosöta Masedonia prowinsnönj anök. ² Masedonia anda gölmenj gölmenj kutuba liliköba miangörej qambanj keu gwötpuk jiba mala Grik kantrinönj kayök. ³ Grik kaba köinj karöbut malök. Mi mal teköiga wanje memba köwet kutuba Siria anmangö mörök. Mewö mörökmö, Juda jitnememe yeñon kōnanönj qebingö anjōnanj algetka kezapñe gei mörök. Mi möta miangöra Masedonia prowins kutuba gölme kōna miriñe lilingömangö keunji uruñan jöhöyök.

⁴ Keunji jöhöi sunjgurumurupñj kewōñan yambuk anget: Berea azi qetñj Sopater Pirusgö nahōññj, Tesalonaika azi qetñj Aristarkus aka Sekundus, Derbe azi qetñj Gaius, Timoti aka Eisia prowinsgö azi qetñj Tikikus aka Trofimus. ⁵ Yeñon qeljñe Troas anda miangörej nenjōra mamböta malget. ⁶ Troas anda malgetmö, Luk ni aka tosatñj nenjōn beret yistñj qahöpkö kendon mi Filipai sitinönj tarin. Mi tarin teköiga wanjenönj öngöinga opo seri öröba mörōrenjgögetka luhutnönj nanjōi anda wehōn 5 aiga Troas yengörej anjōrin. Troas anjōta miangörej wehōn 7 toroqeba malin. Mewö.

Polnönj nalö kondikñj Troas malök.

⁷ Wehōn 7 malin teköiga Polnönj wehōn 8 miangörej engömosöta anmangö mörök. Mi möta sunjem kondikñj Sondagie miangörej tokoba Jisös mötmöriba beret mindipköbingöra tarin. Mewö taringa Polnönj yembuk eraum möta keunji jim köriba mali mali sunjem bibiñj ahök. ⁸ Nini miri uruñj kungö qakñe eu öngöba tokoba taringa lambe gwötpukñan jeba asariget. ⁹ Tokoba taringa azi gwabö kun qetñj Yutikus yanjōn jenjenanjñönj tarök. Tari Polnönj keu jiba mali möri nalö köriiga gaunñanjgö möta ahöba gwörörök öröba kōnakembayök tala imbiñj qahö möta miri uruñj karöbut onjita gölmenönj geba qeyök. Geba qeiga luhuba geba memba wahöringa kömuyöhi, ehin.

¹⁰ Mewö ehinmö, Polnönj geba kepölaköba jiyök, “Kunbuk söngörö ösum ala guliza. Miangöra kude awöwöliget.” ¹¹ Mewö jiba kunbuk eröhanjōrej öngöba beret mindipköba neyök. Nemba yembuk nalö köröpñj keu jiba mala mala miri gianjiigun engömosöta kōnanönj anök. ¹² Aniga azi gwabö mi wanjgiketka guliba malöhi, mi eka urukölalep ketanj möta anget. Mewö.

Polnönj Troas mosöta Miletus anök.

¹³ Yeñon angetmö, Polnönj nanñak gölme kōna anmangö möta kewö jim kutum nenjiyök, “Injini mönö qeljñe köwet kōna miri qetñj Asos miangörej angetka aitōngöba noanjgiketka wanjenönj öngöbin.” Miangöra nenjōn mosöta wanjenönj öngöinga opo seri öröba mörōrenjgögetka luhutnönj nanjōi anda Asos miangörej anjōrin. ¹⁴ Asos anjōta nembuk aitōngöba Pol wanjiringa wanjenönj öngöba miri qetñj Mitilini miangörej anin. ¹⁵ Mitilini anda miangörej opo seri kunbuk öröba mörōrenjgögetka luhutnönj nanjōi anda mala ahöba wahöta gölme jōhanñj qetñj Kios miangö kösutñe anjōrin. Anjōta toroqeba kutuba anda ahöba wahötagun miri qetñj Samos miangörej geba kunbuk anda ahöba wahöta miri qetñj Miletus miangörej kewögöra anjōrin: ¹⁶ Polnönj “Yambu

dölökñi (Pentekost) mi esapköba Jerusalem sitinöñ tatmam,” jiba nalö ayuhubinbuköra ösumok anbingö mörök. Miangöra Eisia prowinsnöñ nalö köröpñi ayuhubinbuköra möta wanğenöñ öngöba Efesus siti onğitpingö keunji jöhöi malin. Mewö.

Polnöñ Efesus yeğöra keu kondikñi jiyök.

¹⁷ Miletus anğoringa Polnöñ Efesus yeğöra kolek ala urumelen könagesögö jitnememeurup yeğön eta kamegöra köl öröm enğiyök. ¹⁸ Köl öröm enğii miri qetñi Miletus miangöreñ kanğotketka enğeka kewö jii mötket, “Nöñön nalö mutukñi Eisia prowinsnöñ kayali, miangöreñök könahiba nalö pakpak embuk mala kota nup meali, inñini miangö tandökñi ölop möt yaköze. ¹⁹ Nöñön Kembugö jeñe uruni mem et al anğum teköba nupñi denöwö memba kota malali, inñini mi ölop mötze. Nupñi memba ambazip enğöra sahöta imbilni eriga malal. Juda yeğön uruñini qahö melenğeri, yeğön nalö tosatñi miangöreñ silenöñ alal aket aka nuñgubingöra areñ asa-asambötñi ala malget. Mi ala malğerağöra aka esapesap murutñi murutñi miwikñaiba sihimbölo möta malal.

²⁰ “Nöñön Buña keu mem ölowak enğimakzawi, mi jim asarim enğiba malal. Mi qenjarökñöñ tokoba aka miriñi miriñi miangöreñ öngöba kusum enğiba malal. Nöñön miangöra poraiba nup qahö mosöral. ²¹ Nup qahö mosöralmö, Juda kian aka gölme toni enğöra mewöyök keu kötñi kewö nanğöba jiba malal, ‘Inñini mönö uruñini melenğda Anutugöreñ qekötahöba Kembunini Jisös Kraist möt narim wanğime.’ Inñini mi pakpak ölop möt teköze.

²² “Mötket, merak Uña Töröñan ni Jerusalem sitinöñ anmamgö kuñğum niñgiza. Miangöreñ anbi wani yuai asuhum niñgimawi, mi qahö mötzal. ²³ Mohok-kun kewö mötzal: Nöñön taon denike denike anda malali, Uña Töröñan miangöreñ sañep ala kewö nanğöba jii möta malal, ‘Gi mönö kahasililiñ möta malnönğa kösö mire al gihigetka tatman.’ ²⁴ *Mewö jii möta malalmö, muat. Nöñön toroqeba malbilenjak me kömumbilenjak, mi keu kun qahö ak niñgiza. Mi qahöpmahöpmö, Kembu Jisösnöñ nup al niñgiyöhi, nöñön mönö mia mem yakömamgö möt köhöizal. Yağön nöngöra kewö jiyök, ‘Anutunöñ kalem möriamñi ambazip enğimamgö mötzawi, gi mönö miangö Ölowak Buñañi jim asariba malman.’ Miangöra gölmenöñ malmami me kömumami, mi mönö yuai omani kötökñi ak niñgiza. Ambazip mönahotkö aonğit akzei, kuñğan miangöreñ kemañe kutuba luhut qahö alma. Nöñön mönö miangö dop nupñi memba kemañe kutuba mosötpilenbuköra ösumni pakpakñan kapañ köla anda malmam.

²⁵ “Mewö malmam-mö, mötket, nöñön enğö sutñine anda kaba Anutu bemtohoñğö könañi jim asaribi mötkeri, inñini nöngö jesöngöröni mi kunbuk qahö ekñe. Enğöreñök kuñğan kun qahö nekñawi, merak mewö mötzal. ²⁶⁻²⁷ Miangöra nöñön inñini Anutugö jitñi pakpak wuatangömegöra jiba uru kuñğum enğiba malal. Mi mönö qahö poraiba mosöral. Miangöra enğöreñök kuñğan kun siñgisöndokñangöra sohoba kömumba könöp sianöñ gema ewö, inñini mönö ni jim niñgibingö osime. Nöñön mi merak enğöra aukñe nanğöba jim köhöizal.

²⁸ “Kembunöñ nanñi sepñi mokoba mianğön könagesöurupñi bohonñini meiga buñañi ak teközei, inñini mönö i lama ewö galöm köla köyan köl enğiba malme. Uña Töröñi yağön nanñak nup mi al enğiyök. Miangöra inñini mönö nanñini aka Kembugöreñ lama kambu yeğöra galömñini mem anğuba malme. ²⁹ Nöñön anbiga miangö andönje ambazip kanjamñinambuk mi kiam kalñi ewö enğö sutñine asuhume. Yeğön asuhuba lama kambu enğöra qahö möta piakñi aka lañ kaba enğöhöme, mi mötzal. ³⁰ Nanñini sutñineyök azi tosatñan wahöta kinda Jisös gwarekurupñan gorañe anmegöra öröm enğiba muñeñ keu jiba malme. ³¹ Miangöra inñini mönö uruguliguli mala keu ki uru könömñine ala mötmörime: Nöñön (yara) yambu karöbutkö dop suñgem asak qambañ keunji keunji mi inñini mohot mohot qösösök (qörörök) kusum enğiba malbiga imbilni erök.

* **20:24:** 2 Tim 4.7

³² “Nöhön merak injini Anutugö böröje al engiba kewö jizal: Yangö Buña keujan mönö kalem möriamñi indela köyan köl engimakña. Anutunöñ köhöiba urunini nanğöba möhamgöiga ölop köhököhöi miwikñaiba mutulangömakña. Injini Anutubuk lapingögetka alaurupñi pakpak tök kutum engiiga sarakñi akzei, mönö yengö sutñine angota dum tatatñini memba oyaenköyaen aka malme. ³³ Ni engöreñök kungö guli jalö me monen opo mi qahö buña qem angumangö möta malal. ³⁴ Ni aka sunğurumurupnan yuaigöra osiba malini, mi mönö nani böröni kianñon nup memba miwikñaiba malal.

³⁵ “Mi pakpak aka memba silik ölopñi kondel engial. Injini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köl engiba malme. Nup megetka ölni ahuiga Kembu Jisösgöreñ keu ki mötmörime: Yanñon nanñak keu kun kewö jiyök, ‘Inap yuai buña qem angugetka teköba pömsöm qeiga öne malmemö, tosatñi yengöra yuai kalemñina engigetka Anutunöñ likepñi melenñiga oyaenköyaen akña.’ Mewö.”

³⁶ Polnöñ keu mewö jiba eta simin köla körek yembuk Anutu köuluköyök. ³⁷ Köuluköiga körek yeñon amburereñ aka urusahöt qeba angum wangiba numbuñi yöhötüm neget. ³⁸ Polnöñ mutuk keu kun kewö jii mötket, “Injini nöngö jesöngöröni kunbuk qahö ekña.” Keu mewö möta miangöra wösöbirik öngöngöñi möta kinda wangita wangenöñ öngöba yaizözkök jiba umbulget. Mewö.

21

Polnöñ Jerusalem anök.

¹ Yaizözkök jiba nengömosötketka opo seri öröba mörörengögetka luhutnöñ nanğöi anda gölme jölannñi qetñi Kos miangöreñ göröken diñdiñanök anda angorin. Angota ahöba wahöta toroqeba gölme jölannñi qetñi Rodos miangöreñ anin. Miangöreñök toroqeba Lisia prowinsgö mirinñi qetñi Patara miangöreñ angorin. ² Angota kinda wange kun Fonisia gölmenöñ anmamgö ahiga mi miwikñaiba miangöreñ öngöinga opo seri öröba mörörengögetka luhutnöñ nanğöi anin.

³ Anda mala gölme jölannñi qetñi Saiprus miangö kösutñe kaba eka mösököba Saut görökenök ongita toroqeba luhutnöñ nanğöiga Siria prowins göröken anin. Anda “Wangegö inapñi mi Taiö taonöñ anda wangenöhök memba albin,” jigerangöra miangöreñ anin. Miangöreñ anda wange mosöta gein. ⁴ Geba gwarekurup miwikñaim engiba yembuk toroqeba wehön 7 malin. Miangöreñ malinga Uña Töröñan sölölohöm engii Pol Jerusalem sitinöñ anbapuköra galöm meme keu jiget. ⁵ Mi jigetmö, nini wehön 7 mi yembuk malin teköiga engömosöta köna anin. Köna anbin jiinga yeñon körek pakpak anöm-moröurupñinambuk nengubula taon mosöta sileñe kaget. Taon sileñe kaba köwet sakña eta simin köla Anutu köuluköin. ⁶ Köuluköba yaizözköknini jim anguinga Jerusalem anbingöra wangenöñ öngöinga yeñon mirinñine lilingöget.

⁷ Pol aka nini yangö sunğurumurupñan mewö Taiö mosöta toroqeba anda miri qetñi Tolemes miangöreñ angota wange mosörin. Wange mosöta urumelen alaurup jölöñini jiin aka yembuk wehön mohot malin. ⁸ *Mala ahöba wahöta engömosöta gölme köna anda Sisaria taonöñ kangorin. Jerusalem urumelen kambu uruñe urukungukungu azi (ewanjelis) sewen meköm engigeri,* yengöreñök kun qetñi Filip yanñon Sisaria malök. Neñon Sisaria kangota yangö mire anda tata ahöin. ⁹ Filipkö böraturupñi 4 malget. Anutunöñ ambi seram miengö uruñine kezapqetok keu jijigö mötmöt kalem aliga malget.

¹⁰ *Neñon Sisaria taon miangöreñ wehön gwötpuk toroqeba malin. Miangöreñ malinga Juda prowinsnöhök kezapqetok azi kun qetñi Agabus erök. ¹¹ Nengöreñ eta Polgöreñ

* **21:8:** Apo 6.5; 8.5 * **21:8:** Aposol nup meme boñ 6 miangöreñ azi 7 mi meköm engigetka nanğönanğö nup aka ewanjelis nup mi mindiriba meget. * **21:10:** Apo 11.28

örigit memba mianjon nanni kona böröni jöhöba kewö jiyök, “Uña Töröñan kewö jiza, ‘Juda jitnememe yeñon örigit kiangö toni mi Jerusalem sitinon kewö jöhöba kian kantrigö galöm† yeñö böröñine alme.’ ” ¹² Mewö jii möta nini aka urumelen alaurup miangören malgeri, yeñon mohot Polnön Jerusalem anhapuköra uleta qetal wanjiin. ¹³ Qetal wanjiinga kewö melenja jiyök, “Inini mönö denöwö akze? Sahöta keu jiba mewö mianjon uruni munjuritze. Nöñon Jerusalem anbi gwaröhöm ningimegöra jöjörözal aka miyök qahöpmö, Kembu Jisös qetñangöra aka nunjugetka kömumbilenjak, nöñon mönö miangöra mewöyök jöjöröba kinjal.”

¹⁴ Mewö jiiga mölöwörim wangibingö osiba urunini böñjöhön köliga kewö jiin, “Mi mönö Kembangö jitsihitñangö dop asuhuma.”

¹⁵ Sisaria taonon malin nalö mi teköiga angöba mözözmögöba engömosöta anda Jerusalem sitinon öngöin. ¹⁶ Sisaria miangörenök gwarek tosatñan mewöyök neñgö köinini kaget. Kaget yeñon kewö jiget, “Inini Saiprus azi qetñi Nason yangö mire ahöba malme.” Mewö jiba neñgungita yangö mire anin. Nasonon mutuhök urunji melenja Jisösgö gwarekñi aka mala korök. Mewö.

Polnön Jerusalem sitinon kangörök.

¹⁷ Neñon Jerusalem angoringa urumelen alaurup yeñon neñgömembra söñgaiba jölöñnini jiget. ¹⁸ Jölöñnini jigetka ahöba wahöta Polnön nembuk bisop Jeims ekingö möta anin. Aninga urumelen könagesögö jitnememe yeñon körek pakpak miangören kangota tatket.

¹⁹ Tatketka Polnön jölöñnini jiba kösohotñi alök. Anutunon köiput aka nam köl neñgiiga kian kantri yeñö sutñine anda liliköba misin nup meinga ölnji ahuyöhi, miangö kösohotñi mesinda mohot mohot mi körekñanök jii mötket. ²⁰ Mi jii möta Anutu möpöseigetka azi ipñi kunñan kewö jiyök, “Pol alanini, Juda ambazip tausenni tausenni yeñon Jisös möt nariba urunini melenja töndup körek pakpak toroqeba Mosesgö Köna keu mi törörök wuatangöbingö kapan kölje. ²¹ Mewö kapan köljemö, göhö buzupki mi kewö lan jiget mötket, ‘Juda ambazip denja kian kantri yeñö sutñine anda maljei, göñon liliköba i kewö kusum engiba maljan, jimakze, “Inini mönö Mosesgö kona keu andö qeba Anutugören aiwesök mi azi morosepsep silenine kude yandime aka Juda ahakmeme tosatñi mi kude wuatangöme.” ’

²² “Mi jimakzeangöra aka göñon kazani, yeñon mi möta miangörenök öröba kambu ketani köla tokobeak. Miangöra nini waimanjat möta mönö denöwö ahinga dop kölbowak?

²³ *Miangöra neñon döлки keu göhöra jibini, göñon mönö miangö dop akñan. Azi 4:ñan yuai akingö keunini Anutugören jiba jöjopañ keunon jöhöget. ²⁴ Mi keunon jöhögetmö, monengöra osiba mamböta sutnine ki malje. Miangöra göñon mönö i engömembra yembuk köl könjorat ak anguba yeñgöra aka naluk alnonga dop köli ölop nörop jupñini mitigetka keunini köhöima. Göñon mewö aka Mosesgö Köna keu tem köla wuatangöba maljani, körek pakpak göhö könañangi mi törörök eka möt asarime. Mi möt asariba göhöra keu jiget mötkeri, mi ölnji kun qahö miwikñagetka omani aiga kömuma. ²⁵ *Göhören keu kömumapmö, kian kantri yeñon Jisös möt nariba urunini melenjeri, neñon yeñgöra keu kewö jöhöba kimbi ohoba alin anök, ‘Sömbup busunji bem lopion yeñö naluk buña qeba könañine algetka ösumñinan walöñnöhi, mi mönö kude neme. Mewöyök sep me sömbup jölñini qeçenji miangö busunji mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.’ ”

²⁶ Jitnememe yeñon mewö jigetka Polnön azi 4 mi engömembra ahöba wahöta yembuk köl könjorat ak angugget. Ak anguggetka jöwöwöl jikenon öngöba azi mohot mohot engöra naluk ala jöwöwöl ohogetka köl könjorat nalöñnini tekömawi, miangö nalö buzupñi jii mötket. Mewö.

† 21:11: Kian kantri yeñö böröñine alget, mi Rom gawman yeñgöra jiza. * 21:23: Jan 6.13-21 * 21:25: Apo 15.29

Jöwöwöl jikegö tohon uruñe Pol memba jöhöget.

²⁷ Polnön mi jii mötketmö, silim 7 mi tekömamgö aiga Juda tosatñi Eisia prowinsnöhök kageri, yeñon Pol jöwöwöl jikenön öngöi eket. Eka ambazip kambu körek uruñini kuñgum engiget wahöri Pol qeraköba meget. ²⁸ Qeraköba memba kewö qetket, “Israel ambazip, mönö bauköm neñgiget! Azi kianön mönö gölmenji gölmenji liliköba miri dop kusum engiba uruñini kewö kuñgum engimakza: Inini pakpak mönö Israel ambazip kambu qetala mem bölim neñgime. Nanine Köna keu mosöta jöwöwöl jikenine lan öngöba iwilele aka malme. Mewö kusum engiba malök aka merak Grik azi mi tok wañgita jöwöwöl jikenön öngöiga miri kömbukñi kianön mönö töwiba kölköljinjinambuk akapuk.” ²⁹ *Mi kewögöra qetket: Efesus azi Trofimus yanön mutuk siti könanön Polbuk ani etkeka kewö mötmöriget: Polnön i wañgiri mohotñe jöwöwöl jikenön öngöbahotpuk.

³⁰ Mewö qetketka ambazipnön enjololon aka ösumñinan lulunđa kaba tokoba göjupmajup aketka qeburun ketanji yöhöi siti körek dop kölok. Mewö aiga Pol qeraköba jöhöba jöwöwöl jikenöhök öröba yaigep eta miangörenök jikegö kiripo nanğunji pakpak mi miangörenök köla jöhöget. ³¹ Pol jöhöba qebingö kapan kolgetka buzupñi sehiba Rom yarö kambugö suahö galöm bohonñi yanğö kezapñe keu kewö geiga mörök, “Jerusalem pakpak yeñon karim aka bim qeze.” ³² Mewö möta miangörenök yarö azi kambu tosatñi suahö galömñinambuk enğuanğita luhuba yeñgören geget. Gegetka i enğeka Pol qegeri, mi mosötket.

³³ Mosötketka suahö galöm bohonñan sutñine anda jim kutuiga Pol memba tapep (muñgamunğa) yahötnön jöhöget. Jöhögetka kewö jiba qesim engiyök, “Azi ki ninja?” aiga “Wania aiga qeze?” ³⁴ Qesim engiyökmö, ambazip kambunöhök keu murutñi murutñi melenđa lanlan qetket. Mewö lanlan qeta göju megerağöra aka könanji törörök mötmamgö osiyök. Mi osiba miangöra jim kutuiga Pol wañgita yarö azi yeñgö ain kiripo uruñe anget. ³⁵⁻³⁶ Wañgita angetka ambazip kambu ketanji yeñon könanine enğuatagöba kaba kewö qetket, “Mönö qeget kömuma. Yapmakek!” Mewö qetketka yarö azi yeñgö ain kiripo nanğunje anğoriga könöpuk anda kaba göjupmajup ketanji akeragöra aka gwötpuk lömböriyök. Miangöra yarö azi yeñon Pol memba anğuba anget. Mewö.

Polnön keunğö likepñi könahiba melenđa jiyök.

³⁷ Anğuba kaba yarö azi yeñgö sel uruñe öngöbingö aketka Polnön suahö galöm bohonñi kewö qesim wañgiyök, “Ni göhöra keu kun ölop jimam me qahö?” Qesim wañgiiga möta köñkuñ aka jiyök, “O, gi Grik keu mötzan me? ³⁸ Miangöra gi Ijipt azia akzan me qahö? Ijipt azi kunñan uruwale tuarenjon azi timbiñinambuk 4000 mi enjololon ak enğiiga Rom gawman tuarenjon aka bim karim könahiba aka enğuanğiri gölme qararanğölkölñe anget. Gi galöm azi mia akzan me qahö?”

³⁹ Mewö jiiga Polnön jiyök, “Ni Juda azia. Ni Silisia prowinsgö taon qetñi Tarsus mötzani, mönö miangören ahuba mala koral. Miangöra qesim gihibi: Gi ölop jinönga nöñon ambazip kambu kiengöra keu jibi mötme.”

⁴⁰ Mewö jiiga “Ölop jiman,” jiiga Polnön döpnön kinda ambazip engöra börö misiyök. Börö misiiga göju mosöta keu bök kingetka Hibru keunön keu kewö jii mötket,

22

¹ Polnön kinda kewö jiyök, “Azi alaurupni, nöñon keugö likepñi jimami, mi mönö kezap ala mötket.” ² Hibru keunön keu jii möta keunini körek bököm teköi kingetka toroqeba jiyök,

³ * “Ni Juda azia. Ni Silisia prowinsgö taon qetñi Tarsus miangören ahubiga Jerusalem siti kianğoren galöm köl niñgigetka mala qarial. Mala qariba kota böhi qetñi Gamaliel

* 21:29: Apo 20.4 * 22:3: Apo 5.34-39

yangö keu bapne tatpiga yanön Juda ambösakonurupnini yengören Kōna keu aka ahakmeme mi törörök kusum ningiiga miangö mötmötñi möta malal. Merak enön körek pakpak Anutugö keu bapne angota kapan köla yangöra bim qeba maljei, nöñon mönō miangö dop aka malal. ⁴ *Mewö mala ambazip Kembangö könani wuatangöba maljei, mi köndenja sesewerowero ak engibiga sihimbölö möta tosatñan kömuget. Nöñon ambazipñi ambazipñi enguançita tapepnöñ (munçamunça) jöhöba kösö mire al engial. ⁵ Jike nup galöm bohonñi aka jitnememe pakpak yanön mi ölop mötze aka yengören anda qesim ençiinga mi ölop nangöba jibeak. Yanön Juda azi ipñi Damaskus sitinöñ maljei, yangöra kimbi ohoba ningiget memba malal. Miangören ambazip Kembangö könani wuatangöba maljei, nöñon mönō mi mewöñanök 'Likepñi melen engimegöra gwaröhöm engiba Jerusalem ki enguançitman,' jiba könanöñ anal."

Polnöñ nanñi urumelenangö könani jiyök.

Apo 9.1-19; 26.12-18

⁶ "Könanöñ analmö, Damaskus siti dopdowibiga miangören yuai kun kewö asuhuyök: Silim bibiñe miangören asakmararañ ketani kun Suepnöhök wölbilik ewö asuhuba wolañ eta turum ningiyök. ⁷ Turum ningiiga tala gölmenöñ eta ahöbiga Suepnöhök keu kun kewö asuhui möral, 'Sol Sol, gi mönō wuanöñgöra sesewerowero qakñe al ningimakzan?' ⁸ Mi möta melenjal, 'Kembu, gi danön?' Mewö melenbiga jiyök, 'Ni Nazaret azi Jisös, sesewerowero qakñe al ningimakzani, nia mönō mi.' ⁹ Azi nömbuk kaba kingeri, yanön asakmararañ mia eketmö, keu nöñgöra jiyöhi, miangö kourukñi kun qahö mötket. ¹⁰ Mewö jiiga nöñon qesiba jial, 'Kembu, mönō nöñon denöwö akñam?' Jibiga jiyök, 'Gi mönō dölki wahöta Damaskus sitinöñ anöñga Anutunöñ wani yuaia akñangö jimawi, mi kunñan jiiga mötman.' ¹¹ Asakmararañ miangön jeni qeiga janjuñ aka kinbiga azi nömbuk malgeri, yanön böröne memba noançitketka Damaskus sitinöñ anin.

¹² "Miangören azi kun qetñi Ananaias malök. Yanön Anutu göda qeba Mosesgören Kōna keu törörök wuatangöba malök. Miangöra Juda ambazip Damaskus malgeri, yanön körek gödanñi ölopñi ak wangiba malget. ¹³ Yanön nöñgören kaba kösutne kinda nöñgöra kewö jiyök, 'Sol alani, jegi mönō kunbuk tohoyök.' Mewö jiiga aua nalö miangörenök jeni tohoiga uba ehal. ¹⁴ Ekiga Ananaiasnöñ jiyök, 'Göñon ahakmeme diñdñi solanangö Toña eknöñga keu jitñan jii köñömñi mötnöñ. Nanine ambösakonini yengören Anutu yanön gi möwölöhöm gihiiga yangö jitsihitñi möt kutuman. ¹⁵ Gi wani yuai eka mötzani, mönō mi nangöba jiba yangö jitre memenñi aka gölmenñi gölmenñi ambazip jeyine dangunu ewö kinda malman. ¹⁶ Mewögöra gi wuanöñgöra mambötzan? Mönō wahöta yangö qetñi qeta köuluköba jinöñga o melun mem gihiinga siñgisöndoki sançoñniga solanima.' Ananaiasnöñ mewö jiyök."

Misin nup kian kantri yembuk memangöra noholök.

¹⁷ "Damaskus siti mosöta Jerusalem sitinöñ lilingöba jöwöwöl jikenöñ köuluköbiga Kembangö alburupñan (ançumbemñan) nuñgui kinda imut kun ehal. ¹⁸ Imut miangören Jisös ekiga nöñgören kaba kewö jiba jii möral, 'Gi kantri kiangören nöñgö könanñi aka Buña keuni mi kude jiba malman. Mi nangöba jinöñga nesampurek aka andö qeme. Miangöra Jerusalem siti ki mönō ösumok mosöta anman.'

¹⁹ "Mewö jiiga jial, 'Kembu, yanön könanamni mötze. Nöñon mutuk liliköba ambazip gi möt narim gihizei, mi köuluk miriñi miriñi miangören öngöba miwikñaim engiba jöhöba ihilek wahiñambuknöñ tauköm engiba tosatñi kösö mire al engiba malal. ²⁰ *Göhören nupbauk azi Stiwenöñ könañi nangöba jiiga qeget sepñi mokoi eri nöñon nalö miangören mewöyök kösutñine kinda imbi köla malukunñi galöm memba kinbiga qeget kömuyök.' ²¹ Mewö jibiga Kembunöñ nöñgöra jiyök, 'Nöñon melaim gihizalawa gi mönō köröwen kian kantri ambazip yengören anman.' Mewö."

* 22:4: Apo 8.3; 26.9-11 * 22:20: Apo 7.58

Romgö yarö azi yeñon Pol galöm kölget.

²² Polnön keu likepni jiyöhi, mi ambazip kambu yeñon kezap ala mötketmö, (Kem-bunön kian kantri ambazip yeñgöreñ anmamgö jiiga jiyöhi,) keu mi möta miangöreñök köhöiknanök silata jiget, “Yapmakek! Azi mewöni mi qeget kömuma. Mi gölmenön nembuk malmawangö dop qahö.” ²³ Mewö jiba qeta opo kereñ qeköba gila (könaninan börömböröm tiba) sömsöm urata könakemba lanlan gilget. ²⁴ Mewö aketka Rom engö suahö galöm bohonnan jim kutuiga yarö azi yeñon Pol wangita anda yarö azi yeñö ain kiripo uruñe alget. Kiripo uruñe algetka Juda yeñon i wanigöra aka göju memba qetzei, miangö könan i mötmangöra kewö jim kutuyök, “Inini mönö Pol memba ihilek wahiñambuknön qeba qesim wangigetka könan aukne jii mötpin.” ²⁵ Mewö jim kutuyökmö, Pol memba jöhöba ihilek wahiñambuknön qebingö aketka Rom suahö galöm kunnan kösutne kini Polnön kewö jiyök, “Rom mindimindiri gawman yeñon sel jöhöm niñgigetka böröñine maljal. Nönön miangö (jimkutukutu) paspot memba maljal. Miangöra inini nongö keuni qahö möta kewöta lan jim teköba öne ihilek wahiñambuknön nunngumei, mi mönö Rom jimkutukutu toni yeñö jeñine dop kölma me qahö?”

²⁶ Polnön mewö jiiga suahö galömnön möta miangöreñök suahö galöm bohonni yangöreñ anda buzup wangiba kewö jiyök, “Azi mianön mönö Rom gawmangö (jimkutukutu) paspot memba malja. Miangöra gi mönö denöwö aknan?”

²⁷ Mewö jiiga suahö galöm bohonnan Polgöreñ anda qesiba jiyök, “Gi ölna Rom gawmangö (jimkutukutu) paspot memba maljan me qahö? Mi jinön mötpi.” Jiiga Polnön melenök, “Ölna, nönön mi memba maljal.”

²⁸ Mewö melenniga jiyök, “Ni monen ketani gila Rom mindimindiri gawmangö (jimkutukutu) paspot bohonni membi niñgigetka maljal.” Jiiga Polnön jiyök, “Mi ölöpmö, nongö iwinan Rom gawmangöreñ paspot memba maliga nönön yangö nahönni ahuba miangöreñök qet mi memba maljal.”

²⁹ Mewö jiiga azi qesim wangibingö akeri, yeñon miangöreñök mosöta lilingöba anget. Polnön “Ni Rom gawmangö paspot memba maljal,” jiiga suahö galöm bohonnan mi möta Rom azia gwaröhöm wangiyöhanğöra aka awöwöliba sömbuñi mörök.* Mewö.

Polnön jike kaunsöl kambu yeñö jeñine kinök.

³⁰ Miri gianjiiga suahö galöm bohonnan wahöta Juda yeñon wuanöngöra Pol keunön al wangiba jigeri, miangö könan törörök mötmangöra möta jike nup galöm bohonni aka jike kaunsöl kambu pakpak yeñon tokomegöra jim kutum engiyök. Mewö tokogetka jiiga Polgö tapepni (munğamuñga) pösatketka wangita eta yeñö jemesoholñine ali kinök. Mewö.

23

¹ Polnön kinda jike kaunsöl kambu mi uba engeka kewö jiyök, “Azi alaurupni, nönön ahakmemeni pakpak mi Anutugö jemesoholne aka memba malbiga yanön eka ‘Dop kölja,’ jiiga urunangö kezapnan möta ölöwaka kota mala merak ki kinjal.” ² Polnön mewö jiyökmö, jike nup galöm bohonni qetni Ananias yanön kösutne kingeri, i jim kutum engiiga nunğulumne qekötahöget. ³* Qekötahögetka Polnön jii mörök, “Anutunön mönö gi qekötahöm gihima. Göñon miri sel tuatnangö dop akzan. Sileni mundanön ohogetka tuatni akzapmö, uruñi sewön memba injan i akza. Göñon Mosesgö Köna keu memba mianön kewöt niñgiba keuni jim tekömangöra tatzanmö, töndup nangak Mosesgö Köna keu miyök qeba jim kutum enginönga nunğuze. Mi qahö dop kölja.”

⁴ Polnön mewö jiiga kösutne kingeri, yeñon jiget, “Gi Anutugöreñ jike nup galöm bohonni mepaqepaik aka gamu qem wangizan me?”

* **22:29:** Kun Rom gawmangö paspot memba malöhi, mi kösönön gwaröhöm wangibepukö songo ahöyök. Kunnan songo mi walöñök ewö, i mönö keunön al wangizema. Miangöra sömbuñi mörök. * **23:3:** Mat 23.27-28

⁵ *Mewö jigetka jiyök, “O alaurupni, yañön jike nup galöm bohonñi akzawi, mi qahö möta jizal. Buña Kimbigö keu kun kewö ahöza, ‘Gi mönö könagesö kambugahö azi kembunji kude qesuahöman.’”

⁶ *Mewö jiyökmö, jike kaunsöl kambu yengörenök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati azia malget. Polnön mi möta mianğöra jike kaunsöl kambu yengö jeñine keu kewö qerök, “Azi alaurupni, nönön Farisi azia akzal. Iwinan mewöyök Farisi pati azia. Kömukömuñi yeñön guliba wahötmei, nönön mewö asuhumapkö al mamböta jörömqöröm aka maljal. Mewö maljalangöra aka keu jakeñe al niñgigetka kewöt niñgiba jize.”

⁷ Mewö jiiga mianğörenök Farisi aka Sadyusi pati miengö sutñine anğururuk ahui jike kaunsöl kambu yeñön jula kambu yahöt aket. ⁸ *Sadyusi (Jike nupkö kapañkölköl) yeñön kewö jizema, “Ambazip kömukömuñi yeñön kude guliba wahötme. Suep garata qahö malje. Öme aka uña mi qahö malje.” Mewö jigetmö, Farisi (Köna keugö kapañkölköl) pati yeñön keu karöbut mianğören qekötahöba mianğö dop möt nariba kinjema. ⁹ Kambu yahöt mewö aka qetketka göju ketañi ahuiga Köna keugö böhi tosatñan Farisi kambu yengö sutñineyök wahöta könöñambuk terengöba kewö jiget, “Nini azi kianğö bölönamñi kun qahö miwikñaizin. Suep garata me uña kunñan keu kutum wasöta yanğö uruñe ali jibawak, mi mönö denöwö dop köl enğibawak?”

¹⁰ Mewö jigetka anğururuk mianñön kunbuk könöwiba qariyök. Qariiga awöranğöba Pol likeplikap örögetka anda kaiga mesiñ taköget. Mewö tandök ahök. Mewö aiga suahö galöm bohonñan mianğö kenğötñi möta yarö kambu kun jim kutum enğiiga geba Pol sutñineyök öröba wañgita yarö azi yengö ain kiripo uruñe alget.

¹¹ Algetmö, sunğem mianğören gaun ahöiga Kembunön Polgö qöhöröñe kinda kewö jiyök, “Mönö ewebibigabuk aka saitiñgit malman. Nönğö könanamni Jerusalem kianğören nanğöba jiba malnönji, mianğö dop mönö Rom sitinön mewöyök anda mi nanğöba jim asariba malman.” Mewö.

Pol qebingö anğönañ meget.

¹² Kembunön mewö jiyökmö, miri gianjiiga mianğören Juda azi tosatñan ölöñ tokoba Pol kömumapkö anğönañ meget. Yeñön areñ mi alget aka mi jöjopañ keunön jöhöm köhöiba kewö jiget, “Nini Pol kömumapköra mamböta nalö sutñe kianğören nene siñgi malbin. Siñgi mala qein kömuiga mianğö andöñe ölop nene me o kun kunbuk nembin.” ¹³ Azi 40 aka jangö mi onğitkeri, yeñön mindiriba jöjopañ keu mi jöhöm köhöiba jiget.

¹⁴ Mi jibagun jitñememe aka jike nup galöm yengören anda kewö jiget, “Nini Pol kömumapköra mamböta nalö sutñe kianğören nene siñgi malbin. Polnön qahö kömuma ewö, ambazipnön mönö ölña qesuahöm nenğigetka dop kölma. Mianğöra nini mönö mindiriba jöjopañ keu kewö jöhöm köhöiba maljin: Pol qein kömuiga mianğö andöñe ölop nene me o kun kunbuk namba malbin. ¹⁵ Mianğöra aka inini mönö döliki jike kaunsöl kambu yembuk mohotñe mindiriba suahö galöm bohonñangören anda keu kewö ala qesime, ‘Nini Polgören keu könani kunbuk qesiinga jii ölña mötpingö mötzin.’ Mewö tandök aiga qesigetka ölop Pol wañgiriga enğören etma. Etpawakmö, könanön kaba enğören kañgotmangö akñawi, mianğören mönö i qein kömumapkö jöjöröba malbin.”

¹⁶ Mewö jigetmö, qein kömumapkö anğönañ algeranğö buzupñi mi Pol behötñangö kezapñe gei mörök. Mi möta yarö azi yengö ain kiripo uruñe anda Pol taröhanğören öngöba jii mörök. ¹⁷ Jii möta suahö galöm kun qeri kaiga kewö jiyök, “Azi gwabö kianñön keu kun memba kazawangöra göñön i ölop wañgita suahö galöm bohonñangören anönğa keu mi jii mötma.” ¹⁸ Mewö jiiga i memba wañgita suahö galöm bohonñangören anohotka jiyök, “Kösö azi Polnön noholi yanğören anbiga azi gwabö ki wañgita göhören kamapköra qesim niñgiza. Yanñön göhöra keu kun memba kaza.”

* 23:5: Eks 22.28 * 23:6: Apo 26.5; Fil 3.5 * 23:8: Mat 22.23; Mak 12.18; Luk 20.27

19 Mewö jiba aniga galöm bohonjan böröñe memba wangita göräñe anda qesim wangiyök, “Gi wani keuya memba kazan?”

20 Qesim wangiga jiyök, “Juda jitnememe yeñon keu kun qesim gihibingöra jöhöba göhöreñ kaba kewö jime: Nini Polgö keu könañi törörök qahö möt kömuzin. Miangöra gi ölop Pol uran wangitnöñga jike kaunsöl kambu yeñgöreñ eriga kunbuk qesim wanginöñga jii könañamñi ölni mötpin. Yeñon mewö asuhumapköra mötze. 21 Mewö kaba jimemö, göñon keu miangö imbi ölop kude kölman. Juda könagesö yeñgö sutñineyök azi 40 aka jañgö mi ongitkeri, yeñon mindiriba Polgöra kewö jiba mi jöjöpañ keunöñ jöhöm köhöiget, ‘Nini Pol kömumapköra mamböta nalö sutñe kiangöreñ nene siñgi malbin. Siñgi mala qein kömuiga miangö andöñe ölop nene me o kun kunbuk nembin.’ Mewö jiba göñon imbi kölmangöra mamböta jöjöböba mönöze.”

22 Mewö jiiga azi gwabö mi melaiba kewö jii mörök, “Buzup ki jinöñ mötzali, mi kun kude jinöñ mötma.” Mewö.

Pol wangitketka Sisaria taonöñ anök.

23 Suahö galöm bohonjan mi möta suahö galömyahöñi etkoholi kayohotka kewö jii mörohot, “Injiri mönö timbi azi 200, hos yarö azi 70 aka liñgip yarö azi 200 mi jim kutum engiyohotka merak sungemgö 9 kilok miangöreñ Sisaria anmegöra jöjörome.

24 Mewöyök hos tosatñi meköba möhamgöm engiba Pol kungö qakñe ala köyan kölgetka sungem kiangöreñök premiö Feliksgöreñ anma.” 25 Mewö jii mörohotka premiögöra kimbi kun kewö ohoyök,

26 “O Öñgöñgöñamni sorok premiö Feliks! Klodius Lisias, nöñon jölöñgi jizal.

27 “Juda yeñon azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöñon mi möta miangöreñök yarö kambu yembuk kañgota sel jöhöm wangiba meköba bohonñi jöhöyal.

28 Wani keugöra keu jakeñe aljei, nöñon miangö könañi mötmangö möta wangita Juda yeñgö jike kaunsöl kambu yeñgö jeñine al wangial.

29 Al wangibiga keu jakeñe ala nanñini Köna keugö kösawörañ keuñi keuñi miangöra angururuk aka tuarenjoñ aka jim wangigetka miwikñaijal. Mi miwikñaijal mö, yuai bölöñi kömumapkö dop me kösö mire alin tatmawangö dop mi qahö ahök. Yeñon keu mewöña kun qahö jiget möral.

30 Mi qahö möral mö, kunöñ yangö buzup keuñi kewö indeli möral: Tosatñan ‘Azi mi qein kömuma,’ jiba anöñañ alget ahöza. Buzup keu mi möta dölkiangöreñök melaibiga göhöreñ kaza. Keu jakeñe al wangibingö mötzei, nöñon i mewöyök jim kutum engibiga göhö jemesoholge kañgota keuñini pampak aukñe jim miwikñaijetka mötman.”

31 Kimbi mewö ohoiga yarö azi jim kutum engigeri, yeñon keu mi wuatangöba Pol memba wangita söñaupnöñ miri qetñi Antipatris miangöreñ anget. 32 Anda miri gianjiga yarö azi hosñinambuk yeñon Pol wangita köna toroqeba angetmö, timbi azi yeñon nanñinak lilingöba yarö azi yeñgö ain kiripo uruñe kaget. 33 Yarö azi hosñinambuk yeñon Sisaria taonöñ angota kimbi mi premiö wangiba Pol mewöyök yangö jeñe alget. 34 Algetka kimbi oyonda “Pol mi wani prowinsgöra?” jiba qesiyök. Qesiiga “Silisia prowins asia,” mewö jiget mörök. 35 Mewö jiget möta jiyök, “Keu jakeñe al gihibingö mötzei, yeñon mewöyök kañgotketka miangöreñ ölop qesim gihimam.” Mewö jiba jim kutuiga Pol wangita kin Herodkö jakömbuak mirigö kiripo uruñe ala jegalöm mem wangiget. Mewö.

24

Pol keunöñ algetka premiö Filiksgö jeñe kinök.

¹ Wehön nup memeni 5 teköiga jike nup galöm bohonji qetnji Ananaias yanön jitnememe tosatnji aka loya (Köna keugö mötmöt azi) qetnji Tertulus yembuk aitonjöba Sisaria taonöñ geba premiö Filiksgö jeñe öngöba Pol keu jakeñe albingö keunji jiget mörök.

² Mi möta Pol köl öröi kañgori loya Tertulusnöñ könahiba Polgö silene keu ala premiögö jemesoholñe keu kewö jiyök, “O Filiks, göñön galöm köl neñgiba malnöñi, nini nalö miangöreñ luai ketañi möta gunböñjönjön malin. Göñön ölöpnanök köyan köla jim kutum neñginöñga malmal tatatnini likeplikep möhamgögetka kantri kianön uteköba wahöri ölöwakzin. ³ O ketañamnini Filiks, nini mi miri dop ölöpnanök möt kutuba göhöra söñgaiba kilik-kalukñi kun qahö möta saiwap jim gihizin. ⁴ Saiwap jim gihizinmö, nöñön keu köröpñi jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö neñgöra ak ghiiga kezap ala mötman.

⁵ “Nini azi kianö könañi kewö eka miwikñainin: Yanön kegwek-kahasililin azi keñgöt kotkotñambuk akza. Yanön gölmeni gölmeni liliköba Juda ambazip uruñini esiba kuñgum enñiiga karimñi karimñi miri dop asuhugetka göjupmajup qeta alakze. Tosatñan tuaköpek aka Nazaret azi kungö qetñe pati aljei, yanön mönö yeñgö ketañamnina akza. ⁶ Yanön jöwöwöl jike mi mewöyök kapañ köla mem töwiba memba et almangö ahök. Miangöra nini i memba jöhöin. Nini keunji kewöta nanine Köna keu wuatangöba jim teköbingö mörin. ⁷ (Mi mörinmö, suahö galöm bohonji Lisias yanön yarö azi yembuk kaba kukösum ketañi miangön könöpuk böröneyök meköba wañgitket.* ⁸ Wañgita keu silene ala jim wañgizei, i göhö jemesoholge kañgotmegöra jim kutum neñgiyök.) Göñön nangak qesim wañginöñga könañi indela jima. Mi jiiga keu memba kazini, miangö ölni pakpak ölop aukñe asuhuiga mötman.” ⁹ Mewö jiiga Juda ambazip yeñön mewöyök “Keu pakpak mi ölna,” jiba imbi köla mi nangöba toroqeba silene ala jim wañgiget. Mewö.

Polnöñ keu likepñi meleñi Filiksnöñ mörök.

¹⁰ Pol jim wañgigetka premiönöñ keu jimapköra böröjöpañ kuñguiga kewö melenña jiyök, “Göñön (yara) yambu gwötpuk ambazip kambu kianö jimtekötekö toni aka malnöñ mötzal. Miangöra nöñön keunangö likepñi mi göhö jege awösamkakak jimam. ¹¹ Nöñön uruwale Anutu waikñi memba möpöseimangöra Jerusalem sitinöñ öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölop nangöba jime. ¹² Nöñön jöwöwöl jikenöñ me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim niñgiget. Siti uruñe köna me sombem kunöñ ambazip uruñini kuñgubi ölököba liliköm niñgigeri, mewö qahö neket.

¹³ “Mewö qahö neka döлки keu silene ala jim niñgizei, yeñön miangö ölni kondel gihibingö osize. Keu omanji jize. ¹⁴ Mi osizemö, keu kun mi ölna jim miwikñaim gihimam: Yeñön Nazaret pati qetñi qetzei, nöñön mönö miangö köna wuatangöba mala nanine amböskonurup yeñgöreñ bem Anutu mi waikñi memba möpöseimakzal aka Mosesgöreñ Köna keu aka kezapqetok yeñgöreñ Buzup Kimbi miangöreñ keu ohoget ahözawi, mi pakpak möt narim köhöizal. ¹⁵ Anutunöñ ambazip diñdiñi aka gonñonji mi körek pakpak mem gulim enñii kömupnöhök wahötmei, Juda azi kienön miangöra mambötze. Nöñön yembuk toroqeba öröröñ kinda mewö asuhumapköra jörömqöröm aka mamböta maljal. ¹⁶ Mewö mala Anutu aka ambazip jeñine diñdiñi kinbiga Anutunöñ keuni nangöba jiiga urunangö kezapñan mörakzal. Jönömnan qahö unduza. Mönö sarakñi aka malmangöra nalö dop kapañ köla köhöiba malakzal.

¹⁷ * “Nöñön kungen malbiga (yara) yambu tosatñi teköi lilingöba miri tosatñi yeñgöreñök kalem memba uruwale kayal. Mewö kaba ‘Mi nani könagesöurup wanapñi

* **24:7:** Keu sel uruñe ahözawi, mi mötmöt ambazip yeñön kewöta Luknöñ mi könakönahine ohoyök aka tosatñan mi qahö ohoyök, mewö jigetka uruyahötñambuk akza. * **24:17:** Apo 21.17-28

yenğöra menden enğiman,' jiba Anutugö jöwöwöl ohoba naluk al wanğimangöra Jerusalem öngöyal. ¹⁸ Mianğören öngöba köl könjorat ak anğuba solanji mala jöwöwöl jikenöy öngöyal. Yuai mi ohoba Anutu al wanğibiga miwiknajim ningiget. Miwiknajim ningigeri, mianğören ambazip tosatjan qahö kaba liliköba ölökom ningiba göju meget. ¹⁹ Juda ambazip tosatjan Eisia prowinsnöhök kaba jikenöy öngöba nekeri, yenön mönö dölki göhö jege kianğören kanğota kinda keu kun ahöm enğibawak, mi aukne silene ala jim ningigetka dop kölbawak.

²⁰ "Me jike kaunsöl kambu yenğö jeñine kinda keu jiali, mi wani Köna keu onğita pinjit akiga keu jakeñe alalgö keuni miwiknajiget? Azi ki tatzei, yenön mönö mi jigetka dop kölma. ²¹ *Nönön yenğö sutñine kinda keu mohok-kun jiba töhören qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, 'Kömükömunji yenön guliba wahötmei, nönön mewö möt narizalağöra aka keu jakeñe al ningigetka merak keuni kewöta jim teköm ningibingö akze.' " Mewö.

Polgö keunji qahö jim teköba kösö mire alget.

²² Polnön mewö jiiga premiö Filiksnön Jisösgö könani wuatangöba maljei, mianğö könani ölop möt soroköba Polgö keunji kemañe kutuba kewö jiyök, "Suahö galöm bohonji Lisiasnön kanğoriga nalö mianğören Polgö keunji jim tekömam." ²³ Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupjan Pol köyan köla yuai osiyöhi, mi memba wanğimeğöra qahö qetal enğiyök.

Polnön keunji jiiga Filiks aka Drusila mörohot.

²⁴ Wehön tosatji teköiga Filiksnön anömñi qetji Drusila, Juda ambi mi wanğita kayohotka Polgöra keu ali kaiga keuñangöra kezap ali Kraist Jisös möt narim wanğibingö könani jim asariiga mörök. ²⁵ Mi mörökmö, Anutugö keu tosatji toroqeba eraum mötketka lömböriyök. Polnön Anutugö jeñe solanibingö könani jim asariba nanine ahakmemenini galöm köl anğubingöra jiyök aka Anutunön nalö kun ali mianğören kewöt neñgiba keunini jim tekömawi, keu karöbut mianön urunji kuñguyök. Polnön keu mewönji jiiga töwöratiba bök qesiñda jiyök, "Yapmakek! Muat mosötnön. Dölki ölop mosöta anönga nalö kun mötpi dop kölmawi, mianğören ölop kunbuk köl öröm gihibi kaman." ²⁶ Mewö jiba töndup toroqeba Pol nanji töwaya moneñ wanğimapköra mötmöriyök. Mewö al mamböta jörömqöröm aka sömañi gwötpuk köl öröm wanğii kaiga keukeu jiba tarohot.

²⁷ Polnön kösö mire tari (yara) yambu yahöt teköyök. Mi teköiga azi qetji Porsius Festus yanön Filiksgö undumña premiö akñangö ahök. Mewö aiga Filiksnön Juda ambazipnön nek sorimeğöra möta Pol qahö pösari kösö mire toroqeba tarök. Mewö.

25

Polnön premiö Festusgö jeñe keu likepñi jiyök.

¹ Festusnön premiö aka prowins uruñe anğota tariga wehön karöbut teköiga Sisaria taon mosöta Jerusalem sitinön öngöyök. ² Öngöiga jike nup galöm bohonji aka Juda jitñememe yenön jemesoholñe kanğota Pol keu jakeñe albingö jiba arönnda kinget. ³ Arönnda kinda kewö jiba uletket, "O premiö, göñön ölop neñön möringa dop kölmapköra jim tekönönga keu algetka Pol wanğita Jerusalem sitinön ki kame." Yenön mutuk keu kewö jöhöba jiget, "Polnön könanön kaiga mianğören mönö qein kömuma." Mewö jiba jöjöröba mönögerağöra kaba uletket. ⁴ Mewö uletketmö, Festusnön kewö melen enğiyök, "Pol mi Sisaria taongö kösö mire tari galöm kölje. Ni nanak nalö kude köriiga mianğören lilingöba anmamgö mötzal." ⁵ Mewö jiba toroqeyök, "Mianğöra azi mianön bölönji kun akawak ewö, ölop enğö jitñememeurup tosatjan nömbuk Sisaria geba mianğören keunini silene ala jim wanğigetka mötmam."

* 24:21: Apo 23.6

⁶ Mewö jiba wehön 8 me 10 miangö dop Jerusalem sitinöñ yembuk mali teköiga lilingöba Sisaria taonöñ geyök. Geba ahöba wahöta miangöreñök keu jimtekötekögö dum tatatje tata jim kutuiga Pol wangita kagetka jeñe kangota kinök. ⁷ Polnöñ kangota kiniga Juda jitñememe yeñön Jerusalem sitinöhök kageri, yeñön liliköm wangiba kinda kazik qakñe keu bölöñi gwötpuk silene ala jiget. Mi jigetmö, keuñinangö ölñi mi kondelbingö osiget. ⁸ Kazik keu öne jiba kingetmö, Polnöñ mi qeapköba kewö jiyök, “Nöñön yuai bölöñi kun qahö ahal. Juda nengöreñ Köna keu qahö qetalal. Jöwöwöl jike qahö mem töwial aka Rom sisa kingöreñ keugöra tuarenjoñ qahö ahal.”

⁹ Mewö jiiga Festusnöñ Juda yeñön nanñangö mötket öngömapkö möta Pol kewö qesim wangiyök, “Silenöñ alal keu ki jizei, gi ölop miangö likepñi mi Jerusalem öngöba miangöreñ nöñgö jemesoholne kinda jiman me qahö?”

¹⁰ Qesim wangiyökmö, Polnöñ jiyök, “Rom sisa kinñöñ jim kutuiga keu jake ki kungugera ki kinbiga kewöt niñgiba keuni jim tekönöñga dop kölma. Ni Juda ambazip yengöra bölöñi kun qahö ahal. Mia nangak ölop möt yaközan. Mönö Wuanöñgöra kunbuk yengöreñ anbileñak? ¹¹ Bölöñi kun qahö ahal, Köna keu kun qösököba yuai kun ak bölöba miangöra kömupkö buñaya akileñak ewö, ‘Nöñön kömumbileñbuk,’ jiba qahö ölön köla anmam. Mi qahöpmö, yeñön kazik keu öne töhöntöhön jiba keuñinangö könani kondelbingö osize ewö, keu omanangöra aka kunñan nömmimba yengö böröñine almapkö osima. Rom sisa kinñöñ mönö keuni mindiñgöba jim teköi diñgima. Miangöra nöñön mönö yangö jeñe anmamgö köhöiba qesizal.”

¹² Mewö jiiga Festusnöñ jembonurupñi yembuk qambañ keu jaruba kewöta kewö melen wangiyök, “Gi sisa kingöreñ anmamgö möta qesizani, miangöra mönö ölop Rom anda yangö jeñe kinman.” Mewö.

Polnöñ kin Agripagö jeñe kinök.

¹³ Wehön tosatñi teköiga kin Agripa aka nenni Bernaisi yetkөн Festus eka gödanñiri kondelbitköra Sisaria taonöñ kayohot. ¹⁴ Kaba miangöreñ wehön gwötpuk malohotka Festusnöñ Polgöreñ keu mi kinbuk eraum möta kewö jiyök, “Filiksnöñ azi kun qahö pösari kösö mire kiangöreñ tata malja. ¹⁵ Nöñön Jerusalem anbiga Juda yengö jike nup galöm bohonñini aka jitñememeurupñinan nöñgöreñ kangota kewö qesim niñgiget, ‘Nini azi miangö keu memba kainga göñön mönö ölop yangö könani kewöta keuñi jim teköman.’

¹⁶ “Mewö qesim niñgigetmö, nöñön yengöra kewö jibiga mötket, ‘Rom gawman nengöreñ köna mi kewö: Kungö silene keu bölöñi ala jizei, nini ambazip kun yangö keuñi mi lañ kude jim tekömakzin. Mutuk öröba keu jakeñe alin kazikurupñan kagetka likeplikkep öröröñ aröñda kingetka keu silene ala jim wangigetka likepñi ölop jima. Keu likepñi jiiga mi kewöta ölñi ahuiga miangö dop ölop keuñi jim tekömakzin.’ ¹⁷ Yeñön ki kaba tokogetka nöñön nalö qahö köriiga ahöba wahöta miangöreñök jimtekötekögö dum tatatje tata jim kutubiga azi mi wangita kagetka nöñgö jene kangorök.

¹⁸ “Kangorökmö, keu memba kageri, yeñön liliköm wangiba aröñda kinda keu silene ala jim wangiget. Mewö aketka yuai bölöñi kötökñi kun akawak, mewö jimegöra mamböralmö, keu mewöñi kun qahö jiget möral. ¹⁹ Mi qahö jiget möralmö, salupñe azi mi qetala nanñini mötnaripñinangö keu kembang tosatñi aka azi kun qetñi Jisös yangöra anjururuk aket. ‘Jisösnöñ kömuyök,’ jigetmö, Polnöñ ‘Guliba malja,’ jiba kapan köla köhöiyök. ²⁰ Mewö jiba kazik algetka nöñön ‘Keu mewöñi mi denöwö kewötpileñak?’ jiba köna jaruba uruyahöt möral. Mi möta kinda kewö qesim wangial, ‘Silenöñ alal keu jizei, gi ölop miangö likepñi mi Jerusalem öngöba miangöreñ jibanak me qahö?’ ²¹ Qesim wangialmö, Polnöñ Öngöñgöñamniangö jeñe anmamgö kapan köla kewö qesiyök, ‘Mönö jinöñga galöm köl niñgigetka sisa kingöreñ anbiga keuni mindiñgöiga diñgima.’ Mewö qesiiga wahip azi jim kutum enjibiga galöm kölgetka tatza. Bian melaim wangibiga sisa kingö jemesoholñe anma.”

²² Festusnön mewö jiiga Agripanön jii mörök, “Nia kun azi mianön keunji jii mötmangö sihimni mötzal.” Jiiga melenök, “Urangun ölop keunji mötman.”

²³ Mewö jiiga ahöba wahötketka kantrigö jembon, suahö galöm ketani aka jitnememe öngöngöni yeñon kaba Agripa aka Bernaisi yetköra jura sorom jöñire uta sösongai liñet köla köl öröm etkigetka keugö jake miri öngöngöni miangö uruñe angotket. Festusnön jim kutuiga Pol wangetketka miangören kanğorök. ²⁴ Polnön kanğoriga Festusnön wahöta kinda kewö jiyök, “Kin Agripa aka azi ketani pakpak nembuk ki tatzei, injini mönö azi ki eket. Juda ambazip kambu pakpak yeñon yangöra aka uruni kuñguget. Sisaria taon kiangören aka Jerusalem siti miangören ölna keunön kuñgum niñgiba qet gigilahöba kewö jiba malget, ‘Azi kianön gölmenön malmawanğö dop qahö. Mönö yapmakek!’

²⁵ “Mewö qeta malgetmö, nönön kewötpiga yuai kun kömupkö buña akñawanğö dop mi qahö ahök. Nönön könañi mewö miwikñaiba ehalmö, nanñak Rom Öngöngöñamninanğö jeñe ani keunji mindiñgöiga diñgimapköra kapan köla qesiyök. Miangöra keu jöhöba melaibiga Rom anma. ²⁶ Rom sitinön anmapmö, yangören keu mi denöwö ohoba Rom azi kembunanğöra albi anbawak? Yangöra keu lan jizemö, keu könañambuk kun mi törörök qahö möt asarizal. Miangöra jibi wanğita kaba kin Agripa göhö jege aka injini tosatni kinğö andöñe ki tatzei, enğö jemesoholñine algetka kinja. Injini ölop böröjan memba keunji kewötketka ölni asuhui mönö mi möta ölop kimbinön ohobileñak. ²⁷ Azi kun kösönön jöhöba keu jakeñe alalgö keunji denöwö jize, mi aukñe jibingö osiba töndup öne melaibinbuk. Silik mi nöngö mötmötnön kezapjupjup tandök ewö akza.” Mewö.

26

Polnön keunğö likepni kin Agripagö jeñe jiyök.

¹ Mewö tatketka kin Agripanön Polgöra jiyök, “Gi ölop nangahö keu likepni jinöña mötpi.” Mewö jiiga Polnön kinda börö kutum wanğiba nanñi keunji anğon köla kewö könahiba jiyök,

² “O kin Agripa! Juda jitnememe yeñon keu silene ala jim niñgize, nönön keu pakpak miangö likepni mi merak ölop göhö jege aukñe jimangö simbawon mötzal. ³ Göñon Juda neñgören ahakmeme aka anğururuk keunini pakpak mi törörök möt yaközan. Miangöra nönön ölna simbawon mötzal. Mewö aiga qesim gihizal: Keu jimami, mi ölop möta mökösoñda kezap alman.

⁴ “Nönön Juda ambazip kambu uruñe ahuba könakönahineyök könahiba nani kantri ki aka sitinini Jerusalem miangören mala koral. Miangöra Juda ambazip pakpak yeñon malmalni gwaböneyök denöwö kota malali, mi ölop möt kutuze. ⁵ *Yeñon könañamni nalö köröpni möt kutuze. Sihimñini ahöi mi ölop kewö nanğöba jibeak: Nanine jike nup uruñe Farisi pati neñon asa yeñgören jike mötmöt mi törörök kötokni wuatangöba maljin. Nönön mutuk yeñgö kambu patinön anğota Köna keu kapan köla wuatangöba malal. ⁶ Anutunön amböskonurupnini yeñgöra jöhöjöhö keu alöhi, nönön miangö ölni ahumapköra al mamböta jörömqöröm aka maljal. Miangöra aka merak keu jakeñe al niñgigetka kinjal.

⁷ “Nanine Israel ambazip kambu 12 neñon körek pakpak jöhöjöhö keu miangö ölni asuhumapköra mambörakzin. Mi mamböta jörömqöröm aka qösösök (qörörök) sunğem asak Anutu waikni memba möpöseimakzin. O Öngöngöñamni, nönön jörömqöröm mewö ahakzalanğöra Juda jitnememe yeñon keu bölöñi bölöñi silene ala jim niñgimakze. ⁸ Anutunön ambazip kömukömuñi mem gulim enğii wahötmei, injini mi mönö denöwögöra aka qahö möt narize?

⁹ * “Nanak mewöyök kewö mötmöriba malal, ‘Ni Jisös Nazaret azigö qetbuñani sanğolbi qahöwakñapköra bim gwötpuk qemamanğö dop akzal.’ Mewö mötmöriba kazik aka

* 26:5: Apo 23.6; Fil 3.5 * 26:9: Apo 8.3; 22.4-5

malal. ¹⁰ Kazik aka Jerusalem mianğoreñ ölna bim qeba malal. Jike nup galöm bohonñi yeñön nam köl niñgiget jim kutubiga Anutugö ambazip sarakñi mi gwötpuk engömembra kösö mire al engiget aka tosatñi kömumegö keu jigetka nöñön mewöyök keu mi kötöngöba imbi köla (wout ala) malal. ¹¹ Nalöñi nalöñi liliköba köuluk miri dop böröjan mem engibiga uruñini melenğeri, mienöñ asuhuget. Asuhugetka Jisös qañ köla ilit wañgimegöra kuñguba töhöreñ öröm ureim engial. Mewö ak engibiga ihileknöñ könöpuk tauköba engugetka sihimbölö kahasililin möta malget. Urunan könöp jem sölöngöiga sesewerowo ak engimangöra köröwen kötökñi kian kantrigö sitiñi sitiñi mianğoreñ anda malal.” Mewö.

*Polnöñ uruñi melenñöhañgö kösohotñi jiyök.
Apo 9.1-19; 22.6-16*

¹² “Kaisilik mewö aka malbiga nalö kunöñ jike nup galöm bohonñi yeñön nömbuk urumohot aka nam köl niñgigetka Damaskus sitinöñ anmamğöra könanöñ anal. ¹³ O Öngöngöñamni, nöñön könanöñ anbiga silim bibiñe mianğoreñ Suepnöhök asakmararañ kun wölañ erök. Eta wölbilik ewö asuhaba wehön jeñi oñgita asariiga ehal. Asak mianöñ mönö ni aka azi nömbuk anini, nini turum neñgiyök. ¹⁴ Turum neñgiiga körek tala gölmenöñ eta kölin. Eta köla ahöinga nöngöra keu kun kaiga Hibru keunöñ kewö jii möral, ‘Sol, Sol, gi wuanöngöra sesewerowo ak niñgizan? Gi mönö bulmakau aziñi ewö akanbuk. Toñan gölme mözö zamğömapköra bulmakau aziñi kinöñnöñ jöhöi ösöñ öroğa dop köljamö, lañ öroba könöpuk yaköriba öröm ureiiga kerösuap jitñan uiga sihimbölö mörakza. Gi mönö mianğö dop lañ luhuba nangi könisemgi öne töhöñ kutubanbuk.’

¹⁵ “Mi möta qesial, ‘O Kambu, gi danöñ?’ Qesibiga jiyök, ‘Ni Jisös sesewerowo qakñe al niñgimakzani, mönö mia akzal. ¹⁶ Mi akzalmö, ölop wahöta kinöñ. Ni aka yuai ekzani aka könañgep toroqeba asuhaba kondel gihimami, mi mönö nañgöba jiba dangunu ewö kinda nöngö jitñememeni aka weleni qeba malman. Gi nup mi memba malman. Nöñön mianğöra aka asuhum gihizal. ¹⁷ Nöñön mönö nangi Israel ambazip kambu yeñgö böröñineyök meköm gihimam aka kian kantri ambazip yeñgöreñ melaim gihibiga anmani, yeñön guhubepüköra mewöyök galöm mem gihimam. ¹⁸ Nöñön melaim gihibiga anda ambazip jeñini metohonönga uruñini melenğda söñaupnöhök asakñe kañgotme. Jeñini tohoiga imbiñini melenğda Satangö kukösumnöhök lolohoba Anutugö sel uruñe kame. Mewö kaba möt narim niñgigetka siñgisöndokñini sañgoñda mosötmam. Mosötpiga Anutunöñ alaurupñi tök kutum engiiga sarakñi akzei, mönö yeñgö sutñine añgota dum tatatñini memba oyaenköyaen aka malme.’ Jisösñöñ mewö kutum nuasöta jiyök.”

Polnöñ urugö nupñañgö kösohotñi jiyök.

¹⁹ “O kiñ Agripa, Jisösñöñ mewö jiiga nöñön Suepnöhök jemelen imut eka könañi möta mi köyatiba malmangö mötpiga osiyök. Mianğöra nöñön imut mianğö keuñi mi tem köla nup memba malal. ²⁰ *Mi tem köla liliköba Buña keu kewö jim sehiba malal: Inini mönö uruñini melenğda Anutugöreñ lilingöba kaba uru melenğerañgö ölni mi ahakmemeninan kondela malme. Buña keu mi mutuk Damaskus aka Jerusalem siti yahöt mianğoreñ maljei, yeñgöra jim asariba malal. Mianğö andöñe Juda kantri pakpak yeñgöra jial aka kian kantri yeñgöra jiba uruñini kuñguba malal. ²¹ Könañi mianğöra aka Juda ambazip tosatñan jöwöwöl jikenöñ öngöba mianğoreñ qeraköba nömimba kapañ köla köhömuñi nuñgubingö aket.

²² “Mewö aketmö, uruni melenğalangöreñök mala kotpiga Anutunöñ bauköm niñgiba maliga nalö kewöñe toroqeba ölop maljal. Baukbauk mianğöra aka ki kinda öngöngöñi aka eretñi engö jeñine keuni ki jizal. Moses aka kezapqetok ambazip yeñön yuai asuhumapkö jigeri, nöñön mönö yeñgö keuñini miyök törörök wuatangöba keu kewö nañgöba jizal: ²³ *Anutunöñ areñ ali Amötqeqe Toñi Kraist yañön sihimbölö möta

* 26:20: Apo 9.20, 28-29 * 26:23: Ais 42.6; 49.6; 1 Kor 15.20

kömumba azi mutukñi kömupnöhök wahötma. Wahöta Anutu asakñangö könani mi Juda kambu neñgöra aka kian kantri yeñgöra indela jim tuarim enñgiba malmamgö jiyök.”

²⁴ Polnön keuñangö likepñi mewö jiiga premiö Festusnön terengöba keu kembane kutuba jiyök, “Pol, gi kahapmahap akzan. Papia miriñi miriñi mianğoreñ öngönönga mötmötkan sehiba nöröpsohop mem gihii maljan.”

²⁵ Mewö jiyökmö, Polnön melenök, “O kembu sorokni Festus, nönön nöröpsohop qahö akzal. Keu jizali, mi mötkutukutu keu ölña akza. ²⁶ Kiñ Agripanön keu kiangö könani möt soroköza, mewö mötzal. Yuai pakpak mi tölapñe wañgöm kunön qahö asuhuyök. Mianğöra keu buzupñi pakpak mi mönö kiñgö kezapñe gei möt teközawi, mewö möt köhöizal. Mianğöra nönön keuni ki ölöp awösamkakak qakñe kinda jibiga mötzan. ²⁷ O kiñ Agripa, Juda azi gi kezapqetok yeñgoreñ Buzup Kimbigö keuñi möt narizan me qahö? Mi möt narizan, mewö mötzal.”

²⁸ Polnön mewö jiiga Agripanön melenđa jiyök, “O Pol, göñön nalö töröptökñi kiangöreñ uruni kuñgunönga nönön uruni melenđa Kraistkö alañi akilenakgö mötzan me? Mewö mötmörizan me?”

²⁹ Mewö jiiga Polnön melenök, “O kiñ, keu köröpñi me kötoni jibilenak, mi muatmö, göñönök qahöpmö, dölki keuni kezap ala mötzei, körek enön mewöyök Kraistkö alaurupñi akñegöra urusihimnan möta kewö köuluközal: O Anutu, uruñini melen enñinönga nönön ki maljali, mönö mianğö dop akñe. Tapep (munğamuñga) miyök al enñimapköra qahö köuluközal.”

³⁰ Mewö jiiga kiñnön wahöriga premiö aka Bernaisi yetkön mewöyök wahörohot aka yembuk tatkeri, yeñön körek wahötket. ³¹ Wahöta mosöta angetka azi ipñan nanñinök eraum möta kewö jiget, “Azi kianön bölöñi kun qahö aiga wuanöngöra mönö gwaröhöm wañgiget? Yañön kömupkö buña akñawañgö dop qahö akza, mi mötzin.” ³² Mewö jiba eraum möta Agripanön Festusgöra jiyök, “Sisa kiñgoreñ anbiga keuni mindiñgöi diñgimapköra qahö kapan köla qesiba jibawak ewö, mönö ölöp pösaringa gebawak.” Mewö.

27

Pol wañgenön algetka könahiba Rom anök.

¹ Azi ipñi yeñön neñgöra keu kewö jöhöget: Nini wañgenön öngöinga luhutnön nanğöi Itali kantrinön anbin. Keu mewö jöhögetka Pol aka kösö miri azi tosatñi mi suahö galöm kun qetñi Julius yañgö böröñe al enñiget. Julius yañön yarö kambu bahöñi kun qetñi “Rom sisa kiñgö yarö kambu” qetkeri, mianğoreñ yarö azi 100 yeñgö galömnina malök. ² Miri kun qetñi Adramitium mianğoreñök wañge kun kaba Eisia prowinsgö köwet jitñi mötöteiba wañge döpnj mohot mohot mianğoreñ anmapkö aka jöjöröyöhi, mianğoreñ öngöin. Öngöinga opo seri öröba möröreñgögetka luhutnön nanğöi köwetnön anin. Masedonia prowinsgö siti qetñi Tesalonaika mianğoreñök azi kun qetñi Aristarkus yañön sunğurumnini aiga mohotñe anin.

³ Anda ahöm wahöta mianğoreñ Saidon mire anğorin. Anğoringa Juliusnön Pol ala ak wañgiba jim teköiga wañge mosöta alaurupñi yeñgoreñ anda enñehiga wani yuaigöra osiyöhi, mi bauköm wañgiget. ⁴ Mianğoreñök kunbuk köwetnön aninga luhutnön köna anbin jiini, mianğoreñ görökenök qeba gilöhanğöra lömböriiga toroqeba gölme jölanñi qetñi Saiprus mianğö tölapñe geba qöhöröngöba mötöteiba anin. ⁵ Aninga luhutnön nanğöi köwet kutuba Silisia aka Pamfilia prowins yahöt mi etkonğita Lisia prowinsgö siti qetñi Maira mianğoreñ anğorin. ⁶ Anğota mianğoreñ suahö galömninan wañge kun miwikñaiyök. Wañge mianğön Ijiptkö siti qetñi Aleksandria mianğoreñök kaba Itali kantrinön anmamgö aka jöjöröyök. Mi miwikñaiba jim kutum neñgiiga mianğoreñ öngöin.

⁷ Öngöba köwetnön aninga luhutnön ölöp qahö nanğöi wehön gwötpuk mi ösönösön anda malin. Mewö malin teköiga mianğoreñ kupuk-kapak aka köwet mianğoreñ Nidas

taon kösutne angorin. Kösutne angoringa luhut köhöiknanök gila miangören göröken toroqeba anbinangö könani jöhöyök. Jöhöiga lömböriiga Krit gölme jölanangö jitni köröpni qetni Salmone mi ongita anda gölme jöhanangö tölapne geba qöhöröngöba mötöteiba anin. ⁸ Köwet jitni dowe mötöteiba osikosibuk anda mala Lasea taon kösutne miri qetni “Wange surusuruñi eksihimnambuk, Fair Hafens” qerakzei, miangören angorin.

⁹ Miangören angota nalö köröpni mösöhöba malin. Mewö malinga singisöndok sanjonsanjonjö kendonni qetni Yom Kippur* miangö nalönan teköiga luhutqege nalönan lök kam kuñgui angorin. Luhutqege nalöne ambazip köwetnöñ anda “Ayuhubinbuk,” jiba wangenini jöhözema. Miangöra Polnöñ galöm meme keu kun kewö jii mötket, ¹⁰ “Aziurup, nini köwet qakne toroqeba anbinbuk. Mönö kupuk-kapak qakne anda ayuayuhu mi-wikñaibinbuk. Wangenini raidimbomnöñ qei jömgöiga sukinapni geñmororon öngöngöñi aiga naninak mewöyök kömumbinbuk. Miri tandöknan mewö ahiga ekzal.”

¹¹ Galöm meme keu mewö jiyökmö, suahö galömninan Polgören keu mi qetala wange toni aka stia (möñaqöñai lökuat) galömni yetkön “Ölöp anbin,” jiyohori, suahö galömninan keuniri mi möt nariyök. ¹² Miri qetni “Wange surusuruñi eksihimnambuk” miangö wange döpnöñ mi luhutqege nalö tatatkö dop qahö ahök. Miangöra aka azi gwötpuknan anbingö keu kötöngöba kewö jiget, “Ki tatpingö ölan neñgöhöza. Ölöp opo seri öröba mörörengögetka köwetnöñ anbin. Anda kapan köla mala köna ahuiga Finiks wange döpnöñ angotpinak. Miangören angota luhutqege nalö ki ölöp tata malin teköma.” Wange döpnöñ qetni Finiks mi Krit gölme jölanñi miangö jitne wehön gegeni göröken ahöza. Mewö.

Raidimbomnöñ köwet meiga böliyök.

¹³ Anbingö keu mewö jigetka luhutnöñ ösöñösöñ könahiba Saut görökenök gilök. Giliga “Ölöp anda areñnini wuatangöba Finiks ekin,” jiba mötmöröba kinda wangegö kösö mendannöñ musulgetka korök. Koriga wangenöñ lolohoiga luhutnöñ nangöi ösöñ neñgüanñiriga Krit gölme jölanangö jitni mötöteiba dowe anin. ¹⁴ Mewö aninmö, nalö kude köriiga luhut ösumni köhöikni qetni mura (yoware, Not Istkö raidimbom (piwi)lilililikni) miangön mönö gölme jölanñi miangö qakneyök qeba gila neñguba kayök.

¹⁵ Neñguba kaiga wangenini galöm köñ wanjibingö mem bibihigetka luhut qeba kayöhanangören göröken anmamgö osiyök. Osiiga mosötketka luhutnöñök wange kuñguba memba wanjiriga nanñak öne ani utuköm neñgiiga lañ malin. ¹⁶ Utuköm neñgiiga mala gölme jölanñi moröñi kun qetni Kauda miangö tölapne Saut göröken anin. Miangören anda gomba kösönöñ jöhögetka wange andöne o kutuba kayöhi, mi aum-möröba köwetnöñök öröinga gwötpuk lömböriiga töndup kapan köla öröinga korök.

¹⁷ Gomba mi öröin koriga wange ketane alin. Wangenöñ utuköba jömgöbapuköra möringa kösö memba wange köpeiba jöhöm köhöiget. Mewö anda mala sak qetni Sirtis† miangören köwet röndumni köröpni qahö ahözawangören kuñguba qaköbinbuköra keñgötñini mörin. Mewö mörinangöra aka wangegö opo seri yuaini mi meköba eta ala wange galömkölköl mosötket. Mi mosötketka luhutnöñ wange kuñguba neñgömisiiga öne lañ anin. ¹⁸ Öne lañ aninmö, raidimbom miangön mönö könöpñambuk toroqeba gila utuköm neñgiyök. Mewö utuköm neñgiiga miri gianñiiga miangören könahiba wangegö sukinap tosattñi memba köwetnöñ gilget geyök. ¹⁹ Wehön karöbut aiga miangören wangegö öroyuai aködammunñambuk mi nanñinak memba gilgetka köwetnöñ geyök. ²⁰ Mewö memenaliba anda mala sunjem silim gwötpuk miangören wehön me señgelau kun qahö ehin. Raidimbom miangön mewöyök köhöiknanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

* 27:9: Yom Kippur sösongai kendon mi Septembe teteköñe me Oktobe könakönahine alakze. † 27:17: Sirtis mi Afrika kantri qetni Libia miangören göröken ahöza. Sirtis miangören köwet dutne sak kukundu ahöza.

²¹ Raidimbom uruŋe nalö köröpŋi kaba mala nene kun qahö nein. Miangöra aka Polnön sutŋine wahöta kinda kewö jiyök, “Aziurup, nöŋön Krit gölme jölanŋi qahö mosötŋingö goro jiali, iŋini nöŋgöreŋ keu mi wuatangögetka dop kölbawak. Mewö ahinga geŋmororoŋ aka ayuayuhu kianön mönö qaknine qahö öŋgöbawak. ²² Goroni mosötŋetmö, dölkü qambaŋ keu kewö engizal: Engöreŋök kunŋan kun malmalŋi qahö ayuhuma. Mi qahöpmö, waŋgeyök ayuhuma. Miangöra iŋini mönö ewebibiŋini möta tatme.

²³ “Nöŋön bem qetŋi Anutu yaŋgö buŋaya aka welenni qeba maljal. Suŋgem gaun ahöbiga yaŋön Suep garataŋi kun melaiiga nöŋgö kösutne kaba kinja. ²⁴ Kinda kewö jiza, ‘Pol, gi keŋgötŋi kude mötman! Gi ölöp Rom sisa kiŋgö jemesoholŋe anöŋga kewöt gihima. Mötnöŋ! Anutunöŋ körö ölöwakŋi kondel gihiba ambazip pakpak göbuk waŋgenöŋ mohotŋe maljei, yeŋgö malmalŋini mönö göhö böröge ali göbuk kinda kunŋan qahö kömuma.’ ²⁵ Suep garatanöŋ nöŋgöra keu jizawi, mönö miangö dop asuhuma. Nöŋön Anutu mewö möt narim waŋgizal. Miangöra aziurup, iŋini mönö eweŋini möta tatme. ²⁶ Mewö asuhumapmö, luhutnöŋ gila muwutapköm neŋgiiga gölme jöhanŋi kungö jitŋe aŋgotpinaŋgö dop akza.” Mewö.

Suŋgem 14 aiga gölme dopdowiget.

²⁷ Waŋgeninan Gölme Sutŋire Köwetkö (Mediterranean Sea) bahöŋi qetŋi Adria Köwet miangöreŋ öne laŋ aniga suŋgem 14 ahök. Mi aiga suŋgem bibiŋe miangöreŋ waŋge nup meme azi yeŋön “Mönö gölme kun dopdowizin,” jiba uruŋinan mewö mötŋet. ²⁸ Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriiga köwet röndungö qötöŋi ahuyöhi, mi 40 mita (120 fit) miangö dop ahök. Borom kun toroqeba anda tandök mohot miyök aketka qötöŋi miangön 30 mita (90 fit) miangö dop aiga miwikŋaiget. ²⁹ Mi miwikŋaiba waŋgeninan köt törom kemaŋe kuŋgubapüköra keŋgötŋini mötŋet. Mewö möta waŋgegö kösö mendanŋi 4 mi waŋge andöŋeyök pösata ösöŋ memba eta alget aka asarimapkö miri qeba mamböta köuluköba tatŋet.

³⁰ Mewö tatŋetmö, waŋgegö nup meme azi yeŋön kewö möndöba jiget, “Nini mönö waŋge numbuŋe göröken waŋgegö kösö mendanŋi tosatŋi gilinga gema.” Mewö möndöba jiba waŋge moröŋi gomba kun waŋgenöhök meköba mem et algetka köwetnöŋ eri waŋge mosöta esapköba tölapŋe ölöŋ köla anbingö aket. ³¹ Mewö aketmö, Polnön suahö galöm aka yarö azi yeŋgöra kewö jiyök, “Yeŋön waŋgenöŋ qahö mösölatiba kinme ewö, engö malmal jöhöjöhögö könaŋi kun qahö ahuma.” ³² Mewö jüiga yarö azi yeŋön anda gombagö kösöŋi yandigetka nanŋök aniga nup meme azi yeŋön ölöŋ köla anbingö osiget.

³³ Waŋgaraŋ suruiga miangöreŋ Polnön körek pakpak nene nemegö qambaŋ keu jim kutum engiba kewö jiyök, “Iŋini lök nalö köröpŋi uruyahöt mamböta nene kun qahö yöhösöröba malgetka merak wehön 14:ŋi akza. ³⁴ Miangöra kewö jim kutum engizal: Nini malmal jöhöbingö aum-möribini, miangöreŋ ösumnini etpapüköra mönö köhöiba kinda ölöwahinga dop kölma. Miangöra iŋini mönö nene neme. Engöreŋök kunŋan kun silenŋi qahö qema. Nöröp juŋŋini moröŋa kun mi qahö kötökŋi sohoma.” ³⁵ Mewö jiba Polnön beret memba körek pakpak yeŋgö jemesoholŋine Anutugö saiwap jiba mindipköba könahiba neyök. ³⁶ Mewö neiga eka körek yeŋön awösamŋini geiga mewöyök nene memba neget. ³⁷ Nini waŋge uruŋe mindiriba jaŋgö 276 miangö dop malin. ³⁸ Yeŋön körek pakpak nene memba nem timbireŋ aket. Mewö aka waŋgenöŋ amqemapköra wit padi toru memba gilgetka köwetnöŋ geyök. Mewö.

Waŋgenöŋ köwet töromnöŋ kuŋguba qaköba jömgöyök.

³⁹ Miri gianŋiiga gölme eka mi qahö möt kutuget. Qahö möt kutugetmö, köwet waŋgömŋi (bay) kun sakŋambuk miwikŋaiba eket. Mi eka “Mönö waŋge melenŋa esapköba miangöreŋ aŋgotpinak,” jiba keu jöhöget. ⁴⁰ Keu mewö jöhöba kinda waŋgegö kösö mendanŋaŋgö kösöŋi yandigetka suliga mosötŋetka köwet dutŋe ahöyök. Mi yandiba miangöreŋök likeplikep stia (möŋaqöŋai) lökuat yahöt ahöyöhi, mietkö kösöŋiri pösatŋetka

lolohoyök. Mi pösata wange wösönanjö opo serinji öröba mörörengögetka luhutnön nanjöi wange mönaigetka saknön göröken anin. ⁴¹ Mewö animmö, wangenön köwet töromnön anapuköra jöhöbingö osiba mosöta gilgetka anda kunğuyök. Mianğoreñ kunğuba wange giliñan töromnön qeba çaköba anda kamamgö osiba tarök. Mewö tariga köwet siriñan wangegö andö likepñi gila kinda ösum köhöikñi mianjön qeba qesiñmesiñnök.

⁴² Mewö ahiga jiget, “Kösö miri azi yeñgöreñök kunñan o qeba kutuba ölöñ köla anapuk.” Mewö jigetka yarö azi yeñön kösö azi nini körek neñgubingö mötket. ⁴³ Mewö jigetmö, suahö galömninan Polgö malmalñi jöhömamgö möta yarö aziurupñan mewö akepuköra anğön köl enğiyök. Anğön köl enğiba kewö jim kutum neñgiyök, “Denike enjön köwet qeba anangö könañi mötzei, inini mönö mutuk luhuba geba köwet qeba anda körökñe öngöme. ⁴⁴ Yeñön mutuk angetka tosatñan andöñine katapa sahötñi qelanjiba meme me wangegö kitipñi könañi könañi miwikñaiba mianğö çakñe ahöba köwet qeba anme.” Mewö jim kutum neñgiiga tandök mewö aka körekñan malmalnini jöhöba köwet jitñe anğot teköin. Mewö.

28

Malta gölme jölanñe mamböta malin.

¹ Malmalnini jöhöba köwet jitñe kanğota mianğoreñ gölme jöhanñi qetñi Malta çetketka mörin. ² Kanğoringa kienön könahiba eri miri amöriyökmö, Malta ambazipnön ala-ala tandök ölop kötökñi kondel neñgiba könöp ohoba neñgungitketka körekñanök könöp kösutñe anda jömöta tarin. ³ Polnön könöp omajarek qezaköba börangöba könöpnön alök. Mi ali jeiga qatö kunön könöp umñan kösuiga kota böröñe jöhöba yöhöyök. ⁴ Mokoleñnön mewö jöhöba böröñe möndöba eta kiniga gölme jölanñanğö toñan eka nanñini eraum möta kewö jiget, “Azi ki köwetnöhök malmalñi jöhöba korökmö, Songoriñnön töndup likepñi melenñda malmalñi kutum wangi kömuma. Mianğöra mönö enğui kömükömu azia akza. Mewö möt köhöizin.”

⁵ Mewö jigetmö, Polnön soramen utuköba kinda giliga könöp uruñe geiga silene geñmororoñ kun qahö ahuyök. ⁶ Mewö jiba ehiba “Sileñi qariba pisihima me wölan kömumba gölmenön tala eta kölma,” mewö jiba ek tiba mamböta kinget. Nalö köröpñi mamböta kingetmö, Polgö silene yuai bölöñi kun qahö ahuyök. Mewö aiga mötmötñini melenñniga jiget, “O, azi ki mönö bem azia akza.”

⁷ Malta saknön kanğota lan uba kösutñe nene nup gölme körö jajapñi aka bau bulmakau kambuñi kambuñi ahögetka ehin. Mi gölme jöhanñanğö azi kembuñini qetñi Publius yanğö buñaya ahöyök. Gölme toñi mianjön köl öröm neñgii miriñe öngöinga urukalem çakñe köyan köl neñgiiga yambuk köisirik taringa wehön karöbutkö dop anök. ⁸ Taringa Publius iwiñan silekönöp aka irip suaip sepñambuk kawöl (dysentery) mianjön yöhöiga dumnöhök ahöyök. Ahöiga Polnön yanğoreñ anda köuluköba böröñi nöropñe ala mem ölöwahök. ⁹ Mewö asuhuiga mianğoreñök kawöl ambazip tosatñi pakpak gölme jöhanñe ahögeri, yeñön mewöyök kanğotketka Polnön Anutu köuluköiga ölöwaket. ¹⁰ Yeñön kalem könañi könañi gwötpuk neñgiba mewö mianjön göda qem neñgiba malget. Könañep wangenön öngöbingö ahini, nalö mianğoreñ köwet çakñe köna malmalgö yuainanğö osiini, mi memba neñgöra wangenön alget. Mewö.

Malta mosöta anda Rom sitinön anğorin.

¹¹ Köin karöbut teköiga wange kun qetñi “Bem Siwisiwi” miwikñaiget. Wange mianğö nundune siwisiwi bemyahöt qetñiri Kastor aka Poluks mietkö imutñira memba meñölöba alget kinohot. Wange mianjön Ijipt kantrigö siti qetñi Aleksandria mianğoreñök kaiga gölme jöhanñe jöhöba luhutqeçe nalöñi mi tatket. Mi tatket teköiga öngöinga opo seri öröba mörörengögetka luhutnön nanjöi mosöta anin. ¹² Anda mala siti qetñi Sairakyus mianğoreñ anğota gölmenön eta wehön karöbut tarin. ¹³ Tata wangenön

öngöinga opo seri öröba mörörengögetka anda Regium sitinöŋ angorin. Angota ahöm wahöta luhut Saut görökenök könahiba gilök. Gili anda silimŋi yahöt aiga miangöreŋ Rom likepŋe Puteoli taongö waŋge döpnöŋ angorin.

¹⁴ Angota miangöreŋ urumelen alaurup tosatŋi miwikŋaiba engehin. Engehinga kewö qesim nenget, “Inini ölop nembuk sonda mohot malbeak me qahö?” Qesim nengetka “Ölop!” jiba yembuk malin. Malin teköiga engehosöta Rom sitinöŋ öngöin. ¹⁵ Urumelen alaurupninan Rom siti malgeri, yeŋön kainangö keu buzupŋi mötket. Mi möta miwikŋaim nengetbingöra tosatŋan wahöta (köna 43 mail kaba) miri qetŋi Apius Forum maket miangöreŋ kaget. Tosatŋan (33 mail kaba) miri qetŋi Kian miri karöbut, miangöreŋ kaba miwikŋaim nengetiba engehin. Angeka Polnöŋ “Anutu saiwap!” jiba möpöseiba uruŋi amgeiga ölöwahök. Mewö.

Polnöŋ Rom tata Juda ambazip uruŋini kuŋguyök.

¹⁶ Rom sitinöŋ kaŋgota miangöreŋ Polnöŋ miri kunöŋ nanŋök malmapkö jim teköm waŋgetka yarö azi kunŋan galöm memba yambuk malök.

¹⁷ Mewö jim teköm waŋgetka miri miangöreŋ tari silim karöbut teköiga Juda ambazip ipŋi köl öröm enŋii kaba tokoget. Tokogetka Polnöŋ kewö jii mötket, “Iwi alaurupni, nöŋön nanine Juda ambazip kambunini qahö qetala kazik ak enŋial me ambösakonurupnini yeŋgöreŋök ahakmeme möta maljini, mi qahö ak böliäl. Mewö qahöpmö, töndup Jerusalem sitinöŋ qeraköba nömimba jöhöm niŋgiba kösö mire al niŋget tatpiga Rom gawman yeŋgö böröŋine al niŋget. ¹⁸ Al niŋgetka böröjaŋ memba könaŋamnanŋö qesiba kewötketka ölöwahök. Nöŋön yuai bölöŋi kun qahö aka kömupkö buŋaya akilenakö dop qahö ahal. Yeŋön mewö eka pösat niŋgibingö mötket.

¹⁹ * “Mewö mötketmö, Juda jitŋememe yeŋön Judia miangöreŋ keu mi qetala tuarenjoŋ aket. Mewö aketka siksauk aka lömböriiga nöŋön köna jaruba kun qahö miwikŋaiba kewö kapaŋ köla qesial, ‘Ni ölop Rom sitinöŋ anbiga sisa kiŋnöŋ keuni mindiŋgöi dŋgima.’ Mewö qesibiga melaim niŋgetka ki kayal. Nani Juda kambu yeŋön kazik al niŋgetmö, töndup yeŋgö silenine keu bölöŋi kun ala jim enŋimangö qahö mötzal. Mewö qahö. ²⁰ Anutunöŋ azi kun asuhumapkö jöhöjöhö keu al nengetiga Israel nenön keu miangö ölni ahumapköra mamböta jörömqöröm ahakzini, nöŋön mönö azi sorokŋi yangöra aka gwaröhöm niŋgetka tapep (muŋgamuŋga) ki bisizal. Könaŋamni mewö. Miangöra aka merak engeka keukeu eraum mötpingöra köl öröm enŋibiga ki kaba tokoze.”

²¹ Mewö jiiga jiget, “Judia gölmenöŋ göhöra keu jiba malgetmö, nengetka kimbi kun qahö alget kaiga ehin. Mewöyök alaurupninan miangöreŋök ki kageri, yeŋgöreŋök kunŋan göhö keu buzup me kösohot bölöŋi kun qahö jii mörin. ²² Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreŋ Nazaret pati kambu miangö keuŋi mi gölme dop jigetka ambazipnöŋ qetalgetka likeplikep miangöreŋ goranora keu gwötpuk jiba kazik ahakze. Pati kambu miangö buzupŋan mewö kezapnine gei mötzin.”

²³ Mewö jiba Polnöŋ keu kunbuk jimapköra nalö kun arengöget. Mi arengögetka Juda ambazip jesöŋgöŋan nalö miangöreŋ kaba Pol miri malöhanŋöreŋ tokoget. Tokogetka söŋanök könahiba Anutu bemtohoŋangö könaŋi jim asariba mali miri söŋauyök. Jisösgö könaŋi möt yaköba möt nariba uruyahöt mosötmegöra kapaŋ köla uru kuŋgum engetiba malök. Mutuk Mosesgöreŋ Köna keu aka kezapqetok ambazip yeŋgöreŋ Buzup Kimbi oyoŋda keu miangöreŋök könahiba Jisösgö könaŋi indela miangöŋ kondela nanŋöba jiba malök. ²⁴ Buŋa keu mewö jiba maliga tosatŋan uruyahöt mosöta möt narigetmö, tosatŋan mi qahö möt nariba tönpin malget. ²⁵ Nanŋini urumohot qahö ak anŋuba sutŋine mötmöt kambu yahöt aka denbingö aket. Denbingö aketka Polnöŋ keu kewöyök jii mötket, “Uŋa Töröŋan keu kun kezapqetok azi Aisaiagö uruŋe saŋep ali ambösakonŋini jii mötkeri, mi mönö engeöra dopŋine törörök jiyök. ²⁶ * Aisiaianöŋ keu mi kewö jii ahöza,

* 28:19: Apo 25.11 * 28:26: Ais 6.9-10

‘Gi mönö ambazip kambu kienğörej anda kewö jinöj mötme: İjini mönö kezapııni ala keu ölıa mötagun könaııi möt bibihiba töndup qahö möt asarime. Jeıınan uba yuai ölıa ekagun könaııi ek bibihiba töndup qahö ek kutume.

²⁷ Ambazip kambu kienğö uruıınan mönö köhöiba gwözöııda ahöza.

Kezapıınan keu möt bibihiba jeııni kömaziliköba malje.

Mewö qahö akeak ewö, mönö jeıınan yuai ölop ek kutuba kezapıınan keu möta uruıınan könaııi möt asariba uruııni melengetka nöıın i ölop mem ölowak engibileıak.’ ”

²⁸ Polnöı keu mi jim teköba kewö jiyök, “Miangöra ijini mönö keu kötııi ki ölop möt yaköme: Anutunöı amötqeqegö Buıa keııi mi mönö kian kantri yeıığörej ali anma. Yeıığörej aniga yeıın mi ölop kezap ala mötme.” ²⁹ (Polnöı mewö jim teköıga Juda yeıın nanıınök könöıuk jıtnakölik aka goranora eraugget öııgöba eriga mosöta anget.) *

³⁰ Polnöı nanıııngöra miri kun kusuk söııgörüıi memba miangö uruııe (yara) yambu yahöt jöııukıınök ahöm malök. Miangörej mala ambazip denike yeıın ekingö kageri, yeıın mi pakpak ölop köı öröm engiba malök. ³¹ Awösamkakak qakııe kindı Anutu bemtohoıııngö könaııi jim asariba uru kuıııum engiba malök. Kambu Jisös Kraist möt waıııimegöra Anutu amötqeqegö könaııi kusum engiba malök. Mewö malıga kuıııan kun qahö qetal waıııııga mala kota malök. Mewö.

* **28:29:** Mötmöt ambazip yeıın Jabö 29:gö keııi kewöta tosatıın Luknöı mi könakönahııe qahö ohoyök jizemö, tosatıın keu miambuk urumohot qahö akze. Miangöra jabö 29 mi sel uruııe ahöza.

Rom kimbi Polnön Rom yengöra kimbi alök. Jim-asa-asari

Jim-asa-asari Rom sitinön kopa malgetka urumelen kambuñi kambuñi yenön sutñine simbisembel denđa malget. Juda tosatñan uruñini melenđa Juda ahakmemenön aka Köna keunön qekötahöba silenini yandiba sömbup qahö namba malget. Kian kantrigö urumelen kambu yenön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö ölni andö enguba salupñine kian ambazip engoholi buñañi akeri, miangöra söngaiba ilit engiget. (11.18-20) Mewö aka Juda urumelen yenön silikñini walñi mewöyök wuatangögerangöra aka jijiwilit ak engiba malget. Juda kambu yenön kian kantrigö urumelen alaurupñini qepureim engiba Juda silikñini qahö wuatangögerangöra aka keuñini töhöreñ jim teköba söngöröqök aket. (2.17-20; 14.3)

Mindirim engimangöra Polnön kambu yahöt yengöra goro keu nanñök nanñök engimakza. Juda yengö könañini indeliga (2.21-27) kian kantri yenön söngaiget. Keu bohonñi kewö jiyök, 'Jisös möt nariinga Anutunön mötnaripnini eka keunini jim teköiga solanibin. Köna murutñi kun qahö ahöza.' (1.17) Kian kantri ambazip söngöröqökñini qekömapköra könañini indela kewö jiyök: "Anutunön nanñini ölopñinangöra aka qahöpmö, nanñi ak-kömukömuñangöra aka inñini möwölöhöm engiyök. (11.30-32) Miangöra mönö kapan köla Köna keu tem köla malme. (7.12-24) Körekmakörek siñgisöndokö kösö gwarönön mala ayuhubingö akzinmö, (3.23; 5.12) Anutunön nanñi irimsesewölñan etmapköra aka Kraist melaiyök. (5.8-9) Uña Töröñan meköba siñgisöndok aka kömupkö kukösumnöhök pösat neñgima. Miangöra siñgisöndok ahakmeme mosöta (6.11-14) mindiriba jöpaköm anguba kopa yengö sutñine kopa tandök kude malme." Goro mewö engiiga ösöñösöñ tem köla mindiriba malget. Polnön nalö mutukñi Rom ani nanñöm wangigetka toroqeba Spein kantrinön anmamgö möta mewö ohoyök.

Buk kianğ bahöñi bohonñi 7 mi kewö:

Jim asa-asari keu aka keu bohonñi *1.1-17*

Köreknan siñgisöndokö amötqeqegöra osizin *1.18-3.20*

Anutunön amöt qem neñgimakzawangö könañi *3.21-4.25*

Kraistpuk malmal dölökñangö könañi *5.1-8.39*

Israel yenön Anutugö mötmöt areñnön malje *9.1-11.36*

Urumelen neñgö silik ahakmemegö keu *12.1-15.13*

Keu teteköñi aka nanñi yaizözkök keuñi *15.14-16.27*

¹ Pol ni Jisös Kraistkö nup meme azia aka Rom urumelen ambazip embuk keu eraum mötpingöra kaba kimbi ohozal. Anutunön noholiga melaimelai azi aposol akzal. Anutunön Ölöwak Buñañi jim sehimangöra möwölöhöm niñgiiga maljal.

² Anutunön oyaenköyaen akingö Ölöwak Buñañi indelmapkö keuñi mi qeljiñe jöhöba jiiga kezapqetok ambazipnön möta Buña Kimbi töröñi miangören ohogetka ahöza.

³ Ölöwak Buñagö könañi mi nanñi nahönñi Jisös Kraist. Yanön gölme azi ewö kiñ Deiwidkö gwölönarökurupñi yengörenök asuhuyök.

⁴ Suep azi ewö Uñañan solanñi töröñi ahök. Anutunön i mem guliiga kömupnöhök wahöriga kukösumñan aukñe asuhuyök. Anutunön mewö miangön nanñi Nahönñi akzawangö keuñi mi jim köhöiba kuñgum wangiyök. Kembuninangö könañi mewö.

⁵ Kraistnön nupkö ölni kewö asuhumapköra mörök: Neñön kian kantriñi kantriñi liliköba Jisösgö qetñi sutñine jim sehiinga möta uruñini melenđa möt narim wangiba keuñi tem köla malme. Miangöra aposol nupñi aka kalem möriamñi mi neñgiiga memba

maljin. ⁶ Anutunöŋ ambazip Jisös Kraistkö buŋaya aka malmegöra enggholöhi, Rom injini mewöyök yengö sutŋine malje.

⁷ Uruŋini melenŋa Rom sitinöŋ maljei, nöŋön körek engöra kimbi ki ohozal. Anutunöŋ injini nanŋi ambazip sarakŋi malmegöra engghola jöpaköm enggimakza. Anutu Iwinini aka Kembu Jisös Kraist yetkön mönö kalem möriam engghoyhotka luainöŋ malme. Mewö köulukömakzal.

Polnöŋ Anutu möpöseiba kewö köuluköyök:

⁸ Gölmeneŋi gölmeneŋi pakpak yeŋön Rom engö mötnaripŋinanŋö kösohotŋi jigetka mörakzal. Miangöra keuni könahiba Jisös Kraistnöŋ nam köl niŋgiiga körek engöra aka Anutuni saiwap jimakzal. ⁹ Nöŋön mötmöt sihimni pakpak Anutugö nupnöŋ ala welenŋi qeba Nahönŋanŋö Ölöwak Buŋaŋi jim asarimakzal. Miangöreŋ sundan injini mötmörim enggimakzali, mi Anutunöŋ nanŋöba jimakza.

¹⁰ Nalö dop kewö jiba köulukömakzal, “O Anutu, nöŋön Rom yeŋöreŋ anmamgö möta nalö köröpŋi lök mambötzal. Miangöra mönö sihingahö dop jinöŋga köna asuhuiiga nalö kewöŋe ölop anmam.” Mewö. ¹¹ Engeka mötnaripŋinan köhöimapköra möta ölop nup memegö mötmöt kalem kun enggimam. Miangöra nalö mutukŋa engöreŋ kaba enggekŋamgö awöweŋöba maljal. ¹² Kewö akingö awöweŋömakzal: Nöŋön enggekiga mutulanŋöba ni aka injini denöwö möt narimakzini, mi eraum möta urunöŋ nanŋöba körö-ölöwak qem anŋubin.

¹³ *O urumelenŋ alaurupni, injini mönö kewö mötmöriba malme: Nöŋön kian kantri tosatŋi yeŋö sutŋine liliköba uruŋini kuŋgum enggibiga melenŋeri, miangö dop engö sutŋine mewöyök ölni asuhui ekŋamgö mötzal. Miangöra nalö gwötpuk lök engöreŋ kusus kamamgö areŋi ala malalmö, yuai tosatŋan mönö nalöŋi nalöŋi jöhöm niŋgiiga osial. ¹⁴ Anutugö jeŋe tosa kewö ahöm niŋgiza: Ambazip kambu könaŋi könaŋi bauköm enggimamaŋö keuŋan mönö nöŋgö qakne ahöza. Mötmöt ambazip aka gukmaulem ambazip miengö welenqeqeŋini öröröŋ akzal. Mindimindiri keu Grik mötzei aka qandam * mala nanŋini keuŋine irohowaroho jimakzei, mi körek bauköm enggimamgö mötzal. ¹⁵ Mewö möta Ölöwak Buŋa mi Rom siti engöra mewöyök jim asarimamgö amqeba urukönöp ahakzal. Mewö.

Ölöwak Buŋagö kukösumŋi kewö:

¹⁶ *Anutugö kukösumŋan nini körek mem letot neŋgiiga nalö kewöŋe Suepkö buŋaya akzin. Juda neŋön mutuk urunini melenŋa mi möt nariin aka neŋgö andönine kantri tosatŋi yeŋön mewöyök mi möt nariget. Miangöra Anutunöŋ kukösumŋi Ölöwak Buŋanöŋ ali ahözawaŋgöra mi algamusum qahö ahakzal. ¹⁷ *Ölöwak Buŋanöŋ mönö solanŋi akingö könaŋi indelakza. Buŋa keu kun kewö ohoget ahöza, “Solanŋi akzawi, yaŋön mönö Anutu möt nariba mewö miangön köhöiba mal öngöma. Keu miangö könaŋi kewö: Nini Anutu könahiba möt nariinga mötnaripŋini eka keunini jim teköiga solaniin aka gölmenöŋ malbinaŋgö dop toroqeba möt narim waŋgiba jeŋe solanimakin.” Mewö.

Neŋgö siŋgisöndoköra Anutugö irimŋan seholimakza.

¹⁸ Ölop solanibinakmö, ambazip keu ölni ahakmemeŋinan közaŋgöba siksauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholimakza. Ambazip mewöŋi pakpak enggeka anŋöjörakŋini qetala silikŋini bölöŋanŋgöra aka kazikŋi indeli asuhumakza. ¹⁹ Mi kewögöra: Anutugö könaŋi möt kutubinangö dop akzawi, mi mönö nanŋak indel enggiiga sutnine aukŋeyök ahöiga mörakze.

* **1:13:** Apo 19.21 * **1:14:** Qandam, Siawari imbinöŋ qandak, Nei keunöŋ bus kanaka, ambazip arökŋe nanŋinök tönpin mala mötmöt miriŋini qahö gukmaulemnöŋ malget. * **1:16:** Mak 8.38 * **1:17:** Hab 2.4

²⁰ Anutugö malmalñi qahö ehakzinmö, kukösumñi mi Suep gölme miwikñaim etkiba mianğoreñök könahiba kondela mala koriga nalö teteköñi qahö asuhumakza. Mianğöra Anutugö börösöwöñi törörök ehinga bem aködamunñambuk akzawañgö könañan mönö ölop möt kutubinañgö dop akza. Mianğöra ambazipnöñ yuai kunöñ möndöba nanñine keuninañgö likepñi nanğöba jibingö osimakze. ²¹ *Anutugö könañi möt kutuba malgetmö, töndup “Yañön bemnina,” mewö qahö jiba i qahö möpöseigetka qetbuñañi sutñine qahö ahöyök. Mewö qahö ahöyökmö, keu omani lanlan mötmörigetka mötmötñinan löwöriiga mötök aket. Uru mötkutukutuñini qahö mianñon mönö ömuñ köla pandaman meiga jipjap malje. Mianğöra “Anutugö könañi qahö mötzin,” jiba möndömöndö lan aketka qahö dop kölja.

²² “Mötkutukutu ambazip maljin,” jiba silenini memba öngöba malgetmö, mewö mianñon uruqahö ambazip akze. ²³ *Anutu qetbuñañi asakmararañambuk nalö teteköñi qahö mal öngömawi, i qahö möpöseiba waikñi qahö memba malgetmö, i mosöta salupñe tandö lopion aka imut tosatñi kunğuguet. Tandö lopion söhögetka kaisongolomñinan azi kömukömuñañgö dop akze. Imut tosatñi megetka nei sömbup aka gölmenöñ bapñinan köla ölölöngömakzei, miengö dop akze. Yeñön mi sipköba bem ewö möpöseim engiba malget.

²⁴ Mewö aka malgerañgöra Anutunöñ i andö enğuiga nanñini uruninañgö sihim kömbönañini lan wuatangöba serowilin aka nanñini silenini gamu qeba mem et al anguba malje. ²⁵ Anutugö keu ölni mosöta salupñe keu muneni qekötahöget. Miwimiwikñai Tonji ölna qahö göda qeba welenni qahö qeba malgetmö, yuai miwikñaiyöhi me nanñini böröñinan megeri, mianğö sihimñi asuhui möta börösöwö miengö waikñini memba möpöseim engiba malget. Mewö malgetmö, neñön miwimiwikñai Tonini mi nalö teteköñi qahö möpöseimakin. Keu mi ölna.

²⁶ Mewö aka malgerañgöra Anutunöñ i andö enğuiga nanñini sihim kömbönañini gamuñambuk mi lan wuatangöba kewö aket: Yeñgö ambiurupñinan awanöm köna diñdiñi mosöta nanñinak melenđa amimba malget. ²⁷ Azi yeñön mewöyök ambibuk amimba malmal mosöta gongiget. Kaisero akitkö sihim kömbönañini mi azi sutñine öröm anguba mötketka könöpñambuk aiga nanñinak melenđa amimba angöjörakñinambuk aka malget. Gongiba jaubatbat malgerañgö likepñi mi Anutunöñ dopñine melenj enğuiga qakñine öngöiga böliget.

²⁸ Anutugö könañi möt kutubingöra mötketka eretñi aiga mosötketka Anutunöñ mönö mewöñanök i andö enğuiga nanñini mötmötñini gongonjan galöm köl enğuiga ahakmeme gamuñambuk aka memba malget. ²⁹ Ahakmeme gongonji aka silik bölöñi könañi könañi mianñon uruñini kokolak qeiga kewö ahakze: Yuaigö nepaqepalok membagan memb-ingö köpösöngöba isimkakalek ahakze. Tosatñi yeñgöreñ yuaigöra körögisigisi ahakze. Ambazip enğuget kömumakze. Angururuk aka tosatñi tilipköm engimakze. Ambazip tosatñi jiliwitñi qakñe bölöñi ak engibingö mörakze. Keu ambazip kezapñine sanjep alget geiga diwonđawon anakza.

³⁰ Andöqege keu jimakze. Anutugö yom jimakze. Silik bölöñi könöpñambuk tem köla wuatangömakze. Jakbak-orañbörañ aka silenini memba wahörakze. Silenöñ alal aka silik bölöñi murutñi murutñi miwikñaimakze. Iwinam keunini qahö tem kölakze.

³¹ Mötmötñini qahö tohoiga uruqahö mala keu lan jöhöba qahö wuatangömakze. Alala qahö aka tosatñi yeñgöra wösömötmöt qahö ak engimakze. ³² Anutunöñ köna diñdiñi kewö jim kutui ahöza: Ambazip bölöñi mewöñi ahakzei, yeñön mönö kömup köhöikñangö bujaya akñeangö dop akze. Yeñön jimkutukutu mi möt asarizemö, töndup nanñinak bölöñi mi ahakze aka miyök qahöpmö, tosatñan mewö aketka “Ölop!” jiba imbi köla nanğöm engimakze. Mewö.

* **1:21:** Ef 4.17-18 * **1:23:** Dut 4.16-18

2

Anutunöŋ keunini kewöta diŋdiŋanök jim tekömakza.

¹* O alani, gi tosatŋi yeŋgö keunini jim tekömakzan me qahö? Gi tosatŋi yeŋgö keunini jim teköba nangak ahakmeme miyöhök ahakzan. Miangöra alagahö keuŋi kun jim teközan ewö, mönö nangahö keu mewöyök jim tekönöŋga miangö lömbötŋan nangi qake öŋgöma. Miangöra öŋgöŋgöŋi me eretŋi akzani, mi töndup mönö yuai kunöŋ möndöba nangahö keugö likepŋi nanŋöba jimangö osimakzan. ² Ambazip ahakmeme bölöŋi mewöŋi ahakzei, Anutunöŋ yeŋgö keunini keu ölnaŋgö dop kewöta jim tekömakza, mi mötzin.

³ Miangöra denöwö mötmörizan? Gi gölme azia aka töndup yuai mewöŋi ahakzei, yeŋgö keunini jim teköba nangak ahakmeme miyöhök aknöŋga dop kölja me qahö? Anutunöŋ keugi kewöta jim teköba likepŋi melenŋ gihiiga ölna göhö qake öŋgöma. Anutugöra jeŋe qahö mömölaköba asambötman.

⁴ Anutunöŋ ala ak neŋgiba bölöŋamninaŋgö likepŋi zilaŋ qahö melenŋmapmö, mamböta möta mökösoŋmakzawi, keu miangöra jijiwilit akzan me? Anutunöŋ uruölöpŋi kondela urugi melenŋ-mangöra öröm gihimakzawi, miangöra tönpin malbanbuk. ⁵ Gi kezapjupjup aka urugi qahö melenŋmani, mewö mianöŋ Anutugö jeŋe qahö mömölakömanmö, irim-sesewölŋan göhö qake sehiba öŋgöma. Kazik nalöŋan kam kuŋguiga keunini diŋdiŋanök jim teköma. Likepŋi melenŋ neŋgimawi, nalö miangöreŋ irimsesewölŋi mönö aukŋe indeliga eka mötpin.

⁶* Anutunöŋ mönö “Ahakmemeninangö dop mohot mohot neŋgöra likepŋi melenŋ neŋgimawi,” mi kewö: ⁷ Anutunöŋ qetbuŋaŋi neŋgimapköra mamböta aködamuninambuk akingöra kapan köla pöndaŋ kinda nup ölopŋi ölopŋi memba maljini, neŋgöra malmal köhöikŋi neŋgima. Mi neŋgiiga nalö teteköŋi qahö oyaenŋkoyaenŋ mal öŋgöbin. ⁸ Mewö mal öŋgöbinmö, ambazip nanŋinaŋgörök mötmöriba girinjabak memba Buŋa keu ölni andö qeba keu bölöŋi wuatangömakzei, Anutugö irimŋan mönö miangöra seholiiga kazikŋi ali qakŋine öŋgöma. ⁹ Kazikŋi mi mutuk Juda neŋgö qakŋine öŋgöiga neŋgö andönine kantri tosatŋi aiaka bölöŋi ahakzei, körek yeŋgö qakŋine mewöyök öŋgöiga sihimbölo kahasililiŋ möta malme.

¹⁰ Mewö malmemö, Juda aka neŋgö andönine kantri tosatŋan mewöyök urunini melenŋda aiaka ölopŋi ahakzini, Anutugö aködamunŋan mönö körek neŋgö qakŋine öŋgöiga qetbuŋa neŋgiiga luainöŋ malbin. ¹¹* Anutunöŋ ambazip tosatŋi qahö neŋgek soriba tosatŋi qahö qepureim enŋgimakzapmö, dop mohotnöŋ kewöt neŋgimakza.

¹² Miangö könaŋi kewö: Kantri tosatŋi yeŋöŋ Anutugöreŋ Köna keu qahö oyoŋda möta siŋgisöndok laŋ ahakzei, yeŋöŋ mönö körekŋanök tönpin mala ayuhume. Juda neŋöŋ Anutugöreŋ Köna keu oyoŋda möta töndup siŋgisöndok ahakzini, Anutunöŋ mönö keu miangö dop körek kewöt neŋgiba keunini jim teköma. ¹³ Ambazip Anutugöreŋ Köna keu öne mörakzei, yeŋöŋ Anutugö jeŋe solanŋi qahö akze. Qahöpmö, Köna keu tem köla wuatangömakzei, Anutunöŋ mönö yeŋgö keunini jim teköiga solanize. ¹⁴ Kantri tosatŋan Anutugöreŋ Köna keu qahö memba maljemö, tosatŋan töndup laŋ nanŋini imbi miangö dop mötmöriba ahakze. Anutugö köna keuŋi qahö mötzemö, töndup mötmötŋinan jim kutum enŋgiiga Anutugö köna keugö dop aka miangö bapŋe malje.

¹⁵ Mewö maljeangö könaŋi mi aukŋe asuhuba kewö ahöza: Anutunöŋ ambazip miwikŋaim neŋgiba miangöreŋ Köna keuŋangö jimkutukutuŋi mi körek neŋgö urunine ali ahöza. Miangöra Anutunöŋ keuŋi jiba saŋep alakzawi, mi kian kantri yeŋöŋ mewöyök mörakze. Mi uruŋinaŋgö kezapŋan mötketka keunini jiiga Anutubuk öröröŋ mörakze. Anutunöŋ urumötmöt enŋgiyöhi, mianöŋ nalö tosatŋe keu jakeŋe ala kuŋgum enŋgiiga möt bölimahakze aka nalö tosatŋe keunini nanŋöba jiiga möt ölöwahakze. ¹⁶ Ölöwak Buŋa jim

* 2:1: Mat 7.1; Luk 6.37 * 2:6: Sum 62.12; Qam 24.12 * 2:11: Dut 10.17

asarimakzali, mianğö dop nalö ketanę kewö asuhuma: Kraist Jisösnöñ Anutu bauköm wanğiiga ambazip neñğoreñ keu tölapñi tölapñi kewöta jim teköm neñgima. Mewö.

Köna keu mianğön könañamnini denöwö indelja?

¹⁷ Gi nangi qetki Juda azia qeta Köna keunöñ amöt qem gihimapkö möt nariba “Anutugö buñaya akzal,” jiba silegi möpöseinöñga dop kölja me qahö? ¹⁸ Gi Anutugö jitñanğö dop malmalgö keunji möt sölöñğöba maljan. Anutugö Köna keu kusum gihigeranğöra aka köna qetpuk sorok wuatangömamğö jiba keu pakpak kewöta ölnji aka munenji mendenmakzan. ¹⁹ Gi “Ölöp jegömöl ambazip alabaukñini aka enğuanğitmam,” jiba aiweliköm anğumakzan. Söñapnönñ maljei, mi mem asarim enğimananğö dop awösamkakak akzan.

²⁰ Mewö aka kewö jimakzan, “Köna keu kusum niñgigetka mötkutukutu lök miwikñaiiba keu ölnanğö könañi mötzal.” Mewö jiba amqeba kewö jimakzan, “Ni ölöp ambazip mötmötñini qahö yeñğö böhiñina akñam. Ölöp mönö namande yeñğö qağazuñina aka kusum enğimakñam.” ²¹ Mewö jiba tosatñi kusum enğiba wuanöñğöra nangi qahö kusum anğumakzan? “Yoñgorö kude meman,” jiba ambazip uruñini kuñgum enğimakzanmö, nangak yoñgorö meme aknönğga qahö dop kölja.

²² “Sero yoñgorö kude akñan,” mewö jinönñ mötketka nangak kaisero akzan me qahö? Tandö lopion sisit mem enğimakzanmö, töndup nangak jöwöwöl jikenönñ öñğöba yuainji anğön köla kiom qeba memakzan. Mi qahö dop kölja.

²³ Anutugöreñ Köna keubuk maljananğöra silegi lañ memba öñğömakzanmö, nangak mi walönđa mewö mianğön Anutugö qetbuñani memba et ala malnönğga gamuñambuk ahakza. ²⁴ *Mianğö keunji mi Buña Kimbinönñ kewö ohoget ahöza, “Enğö silikñinanğöra aka kian kantri könagesö yeñön Anutugö qetñi ilita sutñine mepaqepaik ahakze.”

²⁵ Anutugöreñ Köna keu wuatangöba maljan ewö, Anutugö aiwesökñi silege yandigeri, mianğön mönö bauköm gihiiga dop kölja. Mi dop köljamö, köna keu walönđa siñgisöndok ahakzan ewö, mönö aiwesöki qahö memenji mewö tandök aka öne lañ maljan. ²⁶ Tosatñan Anutugö aiwesökñi silenine qahö yandigetka töndup köna keugö jimkutukutuñi wuatangömakze ewö, Anutunönñ aiwesök mi silenine ahözawanğö dop ewö enğehiga dop kölja.

²⁷ Mewö enğehiga yeñğöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt anğön köla maljanmö, mi walönđa siñgisöndok ahakzananğöra aka etman.

²⁸ Azi kunñan silenöhök Juda azia akza ewö, yañön mönö Juda azi ölnji qahö akza. Mewöyök Anutugö aiwesökñi sileneyök yandigetka yañgiseñ ahakze ewö, mi mönö aiwesök omanji, ölnji qahö.

²⁹ *Ölnji qahöpmö, azi kun uruñan Juda azia akzawi, yañön mönö Juda azi ölnji akza. Mewöñanök Anutunönñ urunini qesönđa Uñanji Törönji mianğöreñ ali maljawi, mianğön mönö aiwesök ölnji akza. Köna keugö bohonñi wuatangöba azi silenji yandigetka gölme ambazipnönñ mötketka öñğömakzapmö, Anutunönñ aiwesökñi urunine kinjawanğöra möri öñğöi möpöseim neñgimakza. Mewö.

3

Anutunönñ keunji pöndañ wuatangömakza.

¹ Mewö ahöiga Juda ambazip maljini, mianğön mönö denöwö bauköm neñgibawak? Anutugö aiwesökñi silenine yandigeri, mianğö ölnjan mönö denöwö ahum neñgiza?

² Ölnjan mönö malmal pakpak mianğöreñ gwötpuk ahuba ölnja bauköm neñgimakza. Mianğö keunji mutukñi kewö: Anutunönñ Buña keunji neñgiiga buñanina aiga maljin.

* 2:24: Ais 52.5 * 2:29: Dut 30.6

³ Mewö maljinmö, neŋgöreŋök tosatŋan Anutu qahö möt narim waŋgiba malgetka denöwö ak eŋgima? Yaŋgiseŋ malgeraŋgö likepŋi melenđa mönö denöwö ak neŋgima? Urukalemŋi jöhöba aŋgön köliga omaŋi akŋa me denöwö? ⁴*Mi qahöpmahöp! Nini körek pakpak munen ambazip akzinmö, Anutunöŋ öl töhöŋŋi akza. Anutugö könaŋi mi Buŋa Kimbinöŋ kewö ohoget ahöza,

“Keu jakeŋe ala qesim gihigetka keugahö likepŋi jim asariba miangöreŋ diŋdiŋi aka luhut al eŋgiba kinman. Göhö könaŋamgi mewö miwikŋaiba naŋgöba jime.”

⁵ Neŋön ahakmeme goŋgoŋi wuatangöiŋga Anutunöŋ qindiŋaim neŋgiiga ahakmemeŋi diŋdiŋan mewö aukŋe asuhuza ewö, neŋön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöŋ likepŋi melenŋiga irim-sesewölŋan qaknine öŋgözawi, yaŋgö mötmötŋan mewö goŋgiza me qahö? ⁶ Qahö, mi yapmakek! Anutunöŋ goŋgoŋi akawak ewö, yaŋön gölmeŋi gölmeŋi neŋgö keunini mönö denöwö kewöta törörök jim teköbawak?

⁷ Nöŋön munen azia akiga Anutunöŋ keuŋi ölŋan qindiŋaim niŋgiiga yaŋgö qetbuŋaŋan mewö aukŋe asuhum tiŋgitza. Mewö aiga nöŋön siŋgisöndok ahalı, Anutunöŋ miangö keuŋi mönö denöwögöra jim teköza? Nömosöri nani imbi-imbi malbi dop kölbawak me qahö? Keuŋan mönö qahö löwöriba etma. ⁸ Mönö kewö jiinga dop kölbawak, “Nini ölop bölöŋi toroqeba ahiŋga Anutunöŋ mi qindiŋaiiga ölopŋaŋgö ölŋan asuhuiga keuŋan qetbuŋaŋambuk akŋa.” Tosatŋan neŋgöra keu sirongen mewö jiba toroqeba kewö jimakze, “Polnöŋ keu mewö jiba miangö dop laŋ ahakza.” Mewö aka jigerangö keuŋi mi Anutunöŋ kewöta dopŋine jim teköm eŋgima, mötzal. Mewö.

Ambazip kunŋan solanŋi qahö akza.

⁹ Keu mewö eraum möta mi denöwö jim teköbinak? Juda neŋön kantri tosatŋi eŋgoŋgita Anutugö jeŋe diŋdiŋi akzin me qahö? Saumbaŋ! Miangö keuŋi lök qeljiŋe kewö jim köhöinin: Juda me kantri tosatŋi akinak, nini körekmakörek siŋgisöndok ahiŋga köpeim neŋgiiga maljin. Miangöra silenini memba öŋgöbingö osimakzin. ¹⁰*Miangö keuŋi mi Buŋa Kimbinöŋ kewö ohoget ahöza,

“Kunŋan kun solanŋi diŋdiŋi qahö kötökŋi akza.

¹¹ Kungö uruŋe mötmöt qahö ahum kutui laŋ malje. Kunŋan kun Anutu miwikŋaimangö qahö kapan kölakza.

¹² Qahöpmö, körekŋan mönö köna onŋgita janjuŋ aka malje.

Körekmakörekŋan mönö böliba Anutugö jeŋe aŋgöjörakŋinambuk akze. Ölopŋi ahakzawi, mohot-töwa kun mi qahöpmahöp miwikŋaizal.

¹³*Nesilamŋinan isimkakalek ahakze.

Jöl ginaginaŋinan qaksirigö löm ewö aŋaŋiba kiniga kömupkö qösösökŋi ewö miangön ambazip laŋ ayuhum eŋgimakze. Keu bölöŋi mi qatögö jitŋi möröm warabe ewö numbuŋine kokolak qeba ahöiga jitŋinan ambazip laŋ eŋgöhömakze.

¹⁴*Sait keu kömbukŋambuknöŋ mönö numbuŋini kokolak qeiga ambazip laŋ qesuahöm eŋgimakze.

¹⁵*Ambazip laŋ eŋguba sepŋini mokomegöra könaŋinan kik-kek ösumok anda kamakze.

¹⁶ Könaŋini goŋgii maljeaŋgö aiwesökŋini kewö akza: Denike lilikömakzei, miangöreŋ mönö könden-mönden aketka ambazip uruŋinan böliba kömbuhi-makza.

¹⁷ Luainöŋ malmalgö könaŋi mi qahö möt kutum yaköze.

¹⁸*Anutu göda qebingö keuŋi mi uruŋine qahö ahöza. Jitŋi onŋgitpinbuköra keŋgötŋini qahö möta önewat laŋ malje.”

Anutugöreŋ keu mewö ahöza.

* **3:4:** Sum 51.4 * **3:10:** Sum 14.1-3; 53.1-3 * **3:13:** Sum 5.9; 140.3 * **3:14:** Sum 10.7 * **3:15:** Ais 59.7-8

* **3:18:** Sum 36.1

¹⁹ Anutunöŋ Köna keu kewögöra neŋgiyök, mi mötzin: Köna keu pakpak mianön gölme dop jöhöm neŋgimakza. Nini keu miangö bapŋe anda tem köla malinga dop kölma. Qahö tem kölbin ewö, Anutunöŋ mönö likepŋi melen neŋgii ayuhubin. Miangöra sömbunini möta möndömöndönini mosöta keu bök mala tem köl wanŋiinga dop kölma. Anutunöŋ ambazip könanini mewö indelöha ahöza.

²⁰ *Köna keunöŋ jöhöm neŋgimakzapmö, nini lökŋanök mi wuatangöbingö osimakzin. Anutugöreŋ Köna keunöŋ siŋgisöndok qiwikŋaiiga aukŋe eka ölop möt kutubinmö, köna mianön Anutugö jeŋe solanŋi akingö osibin. Mewö.

Solanŋi akinangö könaŋi mi mötnarip.

²¹ Naninak osimakzinmö, Anutunöŋ Köna keu wuatangöba solanŋi akingöra mi qahö jiyökmö, köna murutŋi kewö arengöba jii ahöza: Anutunöŋ nanŋak keunini jim teköiga yangö jeŋe solanibin. Anutunöŋ keu mi Moses aka kezapgetok ambazip yeŋgöra indeliga nangöba jiba Buŋa Kimbinöŋ ohogetka nalö kewöŋe aukŋe asuhuiga mötzin.

²² *Miangöra denike denike neŋön Jisös Kraist möt narizini, Anutunöŋ mönö körek neŋgö keunini jim teköiga solanibin. Ambazip kambu murutŋi murutŋi neŋön Anutugö jeŋe öröröŋ akzin. ²³ Ambazip körek neŋön siŋgisöndok aka Anutugö asakmararaŋgöra osizin.

²⁴ Mi osizinmö, Anutugö kalem möriamŋan asuhuiga Kraist Jisösnöŋ sohpnini meyök. Anutunöŋ kalem miangöra aka keunini jim teköiga solanibin. ²⁵ Mutuk siŋgisöndok aka malgeri, Anutunöŋ mi möta mökösoŋda likepŋi zilaŋ qahö melen eŋgiyök. Mi qahö melen eŋgiba nanŋi ahakmeme solanŋan aukŋe asuhumapköra möta Kraist Jisös jöwöwöl sömbup ewö aliga qeget kömuiga Anutugö jeŋe köl könjörat neŋgimapkö könaŋa ahök. Sepŋi mokoyöhi, mi möt nariinga mewö mianön siŋgisöndoknini mosöri solanibin. ²⁶ Könaŋi mi nalö kewöŋe aukŋe asuhumapköra möta Jisös mewö ak wanŋiyök. Anutugö ahakmeme solanŋi mi kewö: Nanŋak solanŋi akza aka kunŋan Jisös möt narizawi, mönö yangö keuŋi jim teköiga solanimakza.

²⁷ Mewö aiga mönö wanigöra silenini mem öŋgöbinak? Yuai kungöra aka qahöpmahöp. Köna keu wuatangöba solanŋi akingöra mi osizin. Mewö solanŋi qahö akinmö, Jisös möt nariinga Anutunöŋ neŋgeka keunini jim teköiga solanimakin. ²⁸ Keu ki jim teköba kötŋi kewö jim köhöizin: Köna keu wuatangömakzinaŋgöra qahöpmö, Jisös möt narim wanŋizinaŋgöra aka Anutunöŋ keunini jim teköiga solanimakin. ²⁹ Anutunöŋ Juda neŋgö Anutuninanök qahö akza. Mönö kantri tosatŋi yeŋgö Anutuŋina mewöyök akza me qahö? Mönö yeŋgö Anutuŋina mohot akza.

³⁰ *Anutunöŋ mohot akza. Miangöra silenini yandiget maljini, neŋön möt narim wanŋiinga mem solanim neŋgimakza aka silenini qahö yandiget maljei, mi mewöyök möt narim wanŋigerangöra aka mem solanim eŋgimakza. ³¹ Mötnarimegö keu jiba mianön kuŋgum eŋgiba mewö mianön Köna keu memba et alinga omanŋi akŋa me qahö? Mi yapmakek qahöpmö, Anutugöreŋ Köna keu mi qahö qeapkömakzinmö, mi mem köhöimakzin. Mewö.

4

Abrahamnöŋ Anutu möt nariba solanŋi ahök.

¹ Nini bömön jalönini Abrahamgö könaŋangöra denöwö jibin? Yanön Anutugö könaŋi denöwö miwikŋaiba yangö jeŋe solanŋi ahök? ² Ölna, Anutunöŋ yangö keuŋi ahakmemeŋi ölopŋangöra aka jim teköiga solanibawak ewö, yanön miangöra ölop silenini memba öŋgöbawakmö, mi Anutugö jeŋe qahö. ³ *Miangö keuŋi Buŋa Kimbinöŋ kewö ohoget ahöza, “Abrahamnöŋ Anutu möt nariiga mötnaripŋi ehi dop köliga keuŋi jim teköiga solaniyök.” Keu mewö ahöza.

* **3:20:** Sum 143.2; Gal 2.16 * **3:22:** Gal 2.16 * **3:30:** Dut 6.4; Gal 3.20 * **4:3:** Jen 15.6; Gal 3.6

⁴ Keuñi mönö kalema jim teköiga solaniyökmö, kunñan nup meiga galömnjan töwañi kalema qahöpmö, nup memakzawañgö dop ek kewöta töwañi wañgimakza. ⁵ Gölme galömnöñ mewö wañgimakzapmö, Anutunöñ aᅅgöjörak ambazip neᅅgö keunini jim teköiga solanimakin. Mianᅅöra kunñan oyaenᅅkoyaen akñamᅅöra nup qahö memba Anutu öne möt narim wañgizawi, Anutunöñ mönö mötnariᅅñi mi ehi dop köliga keuñi jim teköiga solanima.

⁶ Deiwidnöñ mewöyök keu mianᅅö könañi naᅅᅅöba keu kewö indela jiyök, “Kunñan oyaenᅅkoyaen akñamᅅöra nup qahö meiga Anutunöñ mötnariᅅñi ehi dop köliga keuñi jim teköiga solanizawi, yañön mönö simbawoñ akza.” ⁷ *Mewö jiiga keuñi mi kewö ohoget ahöza,

“Ambazip Köna keu walöñgetka Anutunöñ siᅅgisöndokñini mosöta köl köñjörari maljei, yeñön mönö simbawoñ akze.

⁸ Kembunöñ kungö siᅅgisöndokñi saᅅᅅoñda ehi dop köliga likeᅅñi qakñe qahö ali öᅅᅅömawi, yañön mönö oyaenᅅkoyaen akza.”

Keu mewö ahöza.

⁹ Anutunöñ oyaenᅅkoyaen akingö könañi mewö indela Anutugö aiwesökñinambuk neᅅᅅörök jii ahöza me qahö? Mi qahö. Mi mönö kantri tosatñi aiwesökñini qahö yeᅅᅅöra mewöyök ahöza. Neñön lök kewö jiba ohozin, “Abrahamnöñ Anutu möt nariiga mötnariᅅñi ehi dop köliga keuñi jim teköiga solaniyök.”

¹⁰ Mönö wani nalönöñ ehi dop köliga keuñi jim teköiga solaniyök? Anutugö aiwesökñi sileñe yandiget malöhi, nalö mianᅅöreñ qahöpmö, mutuk öne malöhi, Anutunöñ mönö nalö mianᅅöreñ mötnariᅅñi ehi dop köliga keuñi jim teköiga solaniyök.

¹¹ *Mutuk öne mala Anutu möt nariiga keuñi jim teköiga solaniyök. Mianᅅö andöñe dop köljawañgö aiwesökñi mi sileñe yandimeᅅöra jiiga muᅅgem supap ewö ahök. Mewö aiga yaᅅᅅö andöñe Anutugö aiwesökñinambuk qahö mala möt narim wañgiinga mötnariᅅñini ehi dop köliga keunini jim teköiga solanibini, Abrahamnöñ körek neᅅᅅö bömöñ jalönina ahök. ¹² Bömöñ jalönini yañön öne mala nalö mianᅅöreñ uruñi melenᅅda Anutu möt nariba malöhi, nini aiwesökñinambuk yaᅅᅅö dop aka maljin. Anutugö aiwesökñinambuk mala urunini melenᅅda maljini, mönö neᅅᅅö bömöñina mewöyök ahök. Aiwesök yandim neᅅᅅigetka öne lañ qahö maljinmö, Abrahamᅅö köna lasuᅅñi wuatangöba möt nari-makzin. Mewö.

Anutugö jöhöjöhö keu möt nariinga öljambuk akña.

¹³ *Anutunöñ Abraham gölme buña qem wañgiiga tonji aiga gwölöñarökurupñan yaᅅᅅö andöñe mewö mal öᅅᅅömegö keuñi jiba jöhöyök. Keu mi Köna keu wuatangöyöhaᅅᅅöra aka qahö jiyökmö, Anutunöñ mötnariᅅñi ehi dop köliga keuñi jim teköi solanñi ahöhaᅅᅅöra keu mi jiyök.

¹⁴ *Tosatñan oyaenᅅkoyaen akingöra Köna keunöñ qekötahöba mewö mianᅅön Anu-tugöreñ yuai mi buña qem aᅅᅅubeak ewö, yeñön mönö möt naribingö keuñi qeapkögetka omañi akawak. Mewö Anutugö jöhöjöhö keugöra qahö osiinga keu mianᅅön omañi akapuk. ¹⁵ Anutugöreñ Köna keu walöñninga irimñi seholiiga kazikñan qaknine öᅅᅅömakzapmö, Köna keu qahö ahöbawak, mewö siᅅgisöndökö keuñi qahö jibinak.

¹⁶ *Abrahamnöñ mewö mindirim neᅅᅅiba körek neᅅᅅö bömöñini akza. Mianᅅöra jöhöjöhö keuñi neᅅᅅiyöhi, mi Köna keunöñ qekötahömakzei, yeᅅᅅörök qahöpmö, Abraham ahök ewö möt narimakzini, neᅅᅅöreñ mewöyök öljambuk akñapköra mörök. Mianᅅöra Anutunöñ jöhöjöhö keuñi mi kewö areᅅᅅöba alök: Mi möt nariinga öljñi körek neᅅᅅöra kalema neᅅᅅiiga kalem möriamñan aukñe asuhumakza.

¹⁷ *Abrahamᅅö keuñi kun mi Buña Kimbinöñ kewö ohoget ahöza, “Nöñön gi kuᅅᅅum gi-hibiga ambazip könaᅅesö gwötpuk yeᅅᅅö iwiñina akñan.” Keu mianᅅö dop Abrahamnöñ

* 4:7: Sum 32.1-2 * 4:11: Jen 17.10 * 4:13: Jen 17.4-6; 22.17-18; Gal 3.29 * 4:14: Gal 3.18 * 4:16: Gal 3.7 * 4:17: Jen 17.5

Anutugö jeñe iwi ak neñgimakza. Anutunöñ kömukömuñi mem gulim eñgimakza. Könagesö malmalñini qahö, mi jebuk maljeañgö tandök ewö eñgoholi asuhumakze. Abrahamnön mönö Anutu mewöñi möt narim wañgiyök.

¹⁸ *Anutunöñ mutuk Abrahamgöra kewö jii mörök, “Göhö gwölönarökurupkan ahum sehigetka jañgöñini señgelau ewö aiga malme.” Jöhöjöhö keu mi möta denöwö öñjambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeñgö iwiñini akñamgö mamböta malök. Jöhöjöhö keu mutukñañgö dop asuhumapköra mönö Anutu möt narim wañgiba malök. ¹⁹ *Saragö köröñan morö memegö dop qahö aiga nanñak yambuñi lök 100:kö dop ahök. Miangöra nanñi mötmöriiga lök azi namñi silenji waziba sohohoholij ahökmö, töndup Anutugöreñ keunöñ öñjambuk akñapköra möt narim wañgiba maliga Abrahamgö mötnariñan qahö sörauba löwöriyök.

²⁰ Qahö löwöriyökmö, keuñan öñjambuk akñapkö möt nariba miangöreñ köhöiba kinök. Anutugö jöhöjöhö keugöra uruñan an qem kam qem uruyahöt qahö ahökmö, mötnariñan köhöiiga Anutu möpöseiba maliga Anutugö qetbuñan sehiyök.

²¹ Anutunöñ yuai asuhumapkö keuñi jiba jöhöba mi ak tekömamgö köhöimakzawi, mi möt köhöim teköba uruyahöt kun qahö aka malök. ²² Mewö aka malöhañgöra Anutunöñ Abrahamgö mötnariñi ehi dop köliga keuñi jim teköiga solaniyök. ²³ Mötnariñi ehi dop köliga keuñi jim teköiga solaniyöhi, keu mi Abrahamgörök qahö ohoget ahöza.

²⁴ Abrahamgörök qahöpmö, neñgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim wañgiinga mötnariñini ehi dop köliga jim teköm neñgiiga solanibin. ²⁵ *Anutunöñ neñgö siñgisöndok-ninañgöra aka Jisös qahö añañgön köli kömuyök aka solanñi akingöra aka mem guliiga kömupnöhök wahöta malja. Mewö.

5

Anutugö jeñe solaniba söñgaiba luainöñ maljin.

¹ Neñön Anutu möt nariinga keunini jim teköiga solanizin. Miangöra Kembunini Jisös Kraistnöñ mönö nam köl neñgiiga Anutubuk luai miwikñaiba maljin. ² Mewöyök Jisös Kraist möt nariinga nam köl neñgiiga kalem möriam buña qem añañgingö könañi miwikñaiba nalö kewöñe kalem möriam uruñe maljin. Anutugö asakmararañ uruñe añañgingö jörömqöröm aka söñgaimakzin.

³ Miangörök qahö söñgaimakzinmö, wahöjalin möta miangöra mewöyök söñgaimakzin. Köñjilin möta mökösoñda mewö mianön kapañkölköl miwikñaibin. Mi möta miangöra söñgaimakzin. ⁴ Kapañkölköl miwikñaiba esapesapnöñ köhöiba kinbin. Esapesapnöñ köhöiba kininga jörömqörömninan köhöimakña. ⁵ Anutunöñ Uña Töröñi al neñgiiga köna asuhuiga urukalemñi mokoiga urunine geiga maljin. Miangöra jörömqöröm aka oya-aeñkoyaen akingö al mamböta gamumamusum qahö miwikñaibin.

⁶ Miangö könañi kewö: Nini mutuk lölöwöröñi ösumnini qahö malini, Kraistnöñ mönö nalö diñdiñi miangöreñök kömumba ambazip añañgöjörakninambuk neñgö sohopenini meyök.

⁷ Kunöñ Köna keu törörök wuatangañba diñdiñi akzawi, ala mewöñañgöra kunñan ölop qahö kömumbawak? Mi möriaga osibawakmö, kunöñ urukalem gwötpuk ambazip ak eñgimakzawi, alañi kunñan yañgöra aka ölop silenji köleñda kömumamgö mötpawak.

⁸ Ambazipnöñ mewö ahakzinmö, Anutunöñ uruñan jöpaköm neñgimakzawi, yañön mi kewö kondelök: Yañön Kraist melaiiga eta mutuk añañgöjörak ambazip malini, nalö miangöreñök mönö neñgöra aka kömuyök. ⁹ Kömuiga nalö kewöñe señañ sañañda jim teköm neñgiiga solaniba maljin. Töndup mi korembenji ewö aiga öñan mönö könañgep kewö asuhuma: Anutunöñ siñgisön-dökö urukönöpñi aukne kondeliga yuai

* 4:18: Jen 15.5 * 4:19: Jen 17.17 * 4:25: Ais 53.4-5

kanjamꞑambuk gölmenöꞑ asuhuma. Mi asuhuiga Anutugö jene solanꞑi akzinanꞑöra Jisösnöꞑ mönö jenberereꞑ mianꞑöreneꞑök meköm nenꞑiiga oyaenꞑoyaenꞑ akin.

¹⁰ Nini mutuk Anutugö kerökurupꞑi malini, nalö mianꞑöreneꞑ nanꝼi Nahönꝼi melaii kömumba mianꝼön töwanini ahiga Anutubuk ala-ala ahin. Ahini, mianꝼön korembenꝼi akzapmö, ölnꝼi bohonꝼan könanꝼep kewö asuhuma: Töwanini ali Anutugö alaurupꝼi malinga Jisösnöꝼö köhöiba maljawanꝼöra mönö amqeba meköm nenꝼiiga oyaenꝼkoyaenꝼ akin. ¹¹ Kembunini Jisösnöꝼö Anutugö amötqeqe nupꝼi meiga Anutunöꝼö töwanini ali yambuk ala-ala ahini, miyöhök qahöpmö, ölnꝼa Anutubuk jöpaköm anꝼguba kinda köiranꝼ köla söngaimakzin. Mewö.

Adamꝼöra aka köhömuꝼi akzinmö, Kraistköra aka gulibin.

¹² *Azi mohotnöꝼö siꝼgisöndök gölmenöꝼö kondoriga asuhuyök. Anutunöꝼö siꝼgisöndök mianꝼö likepꝼi aliga kömup asuhuyök. Mianꝼö dop ambazip körek nenꝼön siꝼgisöndök aka malinga kömupnöꝼö mianꝼöra ambazip körek pakpak dop köl nenꝼii maljin. ¹³ Mutuk Köna keu qahö asuhuiga nalö mianꝼöreneꝼ mewöyök siꝼgisöndök lök aukꝼe asuhuba ahöyökmö, Köna keu qahö ahöiga siꝼgisöndökö keuꝼi mi qahö jim kewöta lanꝼ malget.

¹⁴ Adamꝼö nalöꝼeyök könahiba lanꝼ mala kotketka Mosesgö nalöꝼe Köna keu asuhuyök. Ambazip nalö sutꝼe mianꝼöreneꝼ siꝼgisöndök aketmö, Adamnöꝼö köna walöꝼnöhö, mianꝼö dowök qahö walöꝼnda malgetmö, kömupnöꝼö töndup i mewöyök galöm köl enꝼgii malget.

Adam, azi mutukꝼi yanꝼön mönö azi kun kamawanꝼö söpsöpꝼa ahök.

¹⁵ Söpsöpꝼa ahökmö, könanꝼiri mi öröröꝼö qahö akzahot. Adamnöꝼö Köna keu walöꝼnda eri siꝼgisöndök asuhum sehiba ambazip gwötꝼpuk dop köl enꝼgiiiga kömumba malget. Mi kömupkö könanꝼi akzapmö, oyaenꝼkoyaenꝼ akingö könanꝼi mi kun. Mi kewö: Azi mohot Jisös Kraist yanꝼön nam köl nenꝼgiba kalem möriamꝼi indeliga Anutugö kalemꝼan aukꝼe asuhuba ambazip gwötꝼpuk dop köla qesalöpköm nenꝼgiiyök. ¹⁶ Toroqeba kewö jimam: Köna yahöt mi öröröꝼö qahö akzahot. Azi mohotnöꝼö siꝼgisöndök aiga Anutunöꝼö keuꝼi jim teköiga siꝼgisöndök ambazip körek nenꝼön könöꝼp siagö buꝼaya akzin. Mi gölme azigö könanꝼi akzapmö, Suet azigö könanꝼi mi kun. Mi kewö: Nalö gwötꝼpuk Anutugö Köna keu walöꝼnninga kalemꝼi kondela jim teköm nenꝼgiiiga solanimakzin.

¹⁷ Mi dumge jimam: Azi mohotnöꝼö Köna keu walöꝼnda kömup kondoriga ambazip körekmakörek kömumba maljin. Adamꝼö siꝼgisöndököra aka kömupnöꝼö körek dop köla galöm köl nenꝼgii lanꝼ malin. Mi köna etqeqenꝼi akzapmö, Anutu ösum-mumuꝼanꝼö könanꝼi mi kewö: Ambazip nini solanꝼi akingö kalemꝼi mi kelenꝼmalelenꝼ buꝼa qem anꝼguba kalem möriamꝼanꝼö uruꝼe maljini, nenꝼön mönö oyaenꝼkoyaenꝼ akin. Azi mohot Jisös Kraist yanꝼön nanꝼgöba inahöm nenꝼgiiiga suahö *

¹⁸ Dumge kunbuk jimam: Azi mohotnöꝼö Anutugö Köna keu walöꝼnda eri Anutunöꝼö keuꝼi jim teköiga ambazip körek nenꝼön könöꝼp siagö buꝼaya ahin. Mewöꝼnanök azi kunꝼan solanꝼi akingö kondoriga urunini melenꝼninga Anutunöꝼö ölöꝼp ambazip pakpak nenꝼgö keunini jim teköiga solaniba köhöiba mal öngöbin. ¹⁹ Dumge kunbuk kewö jimam: Azi mohotnöꝼö qeqetal aka siꝼgisöndök bohön köli sehiiga ambazip sehisehiꝼi nenꝼön melenꝼda siꝼgisöndök ambazip ahin. Mewöꝼnanök azi kunꝼan Anutugö jitꝼi tem köla siꝼgisöndöknanꝼö töwanꝼi aliga köna asuhuiga Anutunöꝼö ambazip sehisehiꝼi nenꝼgö keunini jim teköiga solanibin.

²⁰ Mutuk öne lanꝼ mala kotketmö, Mosesgö nalöꝼe Anutunöꝼö Köna keu ambazip siꝼgisöndökꝼini möt kutumegöra toroqem enꝼgiiyök. Mi toroqem enꝼgiiyökmö, mi mötketka siꝼgisöndökꝼinan sehiba aukꝼe asuhuyök. Mewö aiga Anutunöꝼö mönö kalem möriamꝼi mewöyök mem sehiiga siꝼgisöndök onꝼgita asuhuyök. ²¹ Siꝼgisöndökö kukösumꝼi mi ketanꝼi. Mianꝼöra siꝼgisöndök ahinga mianꝼön galöm köl nen광iiga köhömu광i mala kömumba

* 5:12: Jen 3.6 * 5:17: Jembon on광i nene (Siawari keunö광 qariwe ilik광i nene) ewö köhöiba mal öngöbin. ewö köhöiba mal öngöbin.

mala korin. Anutugö kalem möriamñi miañön mönö mewöñanök kukösumñambuk akza. Jisös Kraist Kembuninan solanibingö kondoriga Anutunöñ keunini jim teköiga diñgiba malmal köhöikñi miwikñaiba nalö teteköñi qahö mal öngöbin. Mewö.

6

Singisöndok andö qeba Kraistpuk guliba malme.

¹ Anutunöñ kalem möriamñi neñgii sehimapköra singisöndok toroqeba aka malbin me qahö? Miañgöra mönö denöwö jiinga dop kölma? ² Singisöndok yapmakek! Nini singisöndokö kösönöhök lolohoba urunini walñan qamöt ewö aiga singisöndok akingö tököba maljin ewö, mönö denöwögöra singisöndoknöñ toroqeba galöm köl neñgii malbinak?

³ Keu ki mötze me qahö: Nini körek Kraistköreñ qeköta-höbingöra aka o melun mem neñgiget. Miañgöreñ urunini walñan mönö Jisös qeget kömuyöhañgö tandök kömui malbingöra o melun mi mem neñgiget.

⁴* Iwinöñ asakmararañi kondela Kraist mem gulii kömupnööhök wahöröhi, neñgö uruninan mewöyök kölöñaiiga dölökñi aka malinga dop kölma. Iwininan nini Kraistkö tandök ewö guliba wahöta ahakmeme dölökñi aka memba malbingöra mötza. Miañgöra o melun mi kewögöra mem neñgiget: Urunini walñan Jisösbuk mohotñe kömumba ahömapköra urunini walñi mi mewö löm kölget.

⁵ Urunini walñan Kraistpuk öröröñ kömui miañgöreñ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöñ kömupnööhök wahöröhi, mönö yañgö tandök öröröñ guliba malinga dop kölma. ⁶ Urusilegö sihim kömböñañini bölöñan singisöndok akingö köpösöñgömakzawi, Anutunöñ sihim mi köndenñi gemapköra mörakza. Anutunöñ singisöndoknöñ toroqeba galöm köl neñgii welenni qeba malbinbuköra mötza. Miañgöra urunini walñi mi Kraistpuk maripomnöñ lök qeiga kömuyök. Miañgö dop maljin, mi mötzin.

⁷ Kungö uruñi walñan kömuiga yañön mönö singisöndokö kösönöhök lolohoba malja.

⁸ Urunini walñan Kraistpuk kömuyök ewö, mewöñanök yambuk guliba mal köhöibingö möt narizin.

⁹ Mewö möt nariba Kraistkö köñañi kewö ahöi möt yaközin: Anutunöñ i mem gulii kömupnööhök wahöta mal köhöiba kunbuk qahö kömuma. Kömupnöñ i qahö toroqeba galöm kölga mal öngöma. ¹⁰ Kömup kömuyöhi, mewö miañön mönö nalö mohot miañgöreñ singisöndokö kukösumñi köndenñiga nalö teteköñi qahö lölöwöröñi ahöm öngöma. Malmal köhöikñi maljawi, mi mönö Anutugöra mala mal öngöma. ¹¹ Qamötnöñ singisöndok akingö osime. Injini mönö mewöñanök nanñinañgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Sileñini kömumawi, miañgö sihim kömböñañi bölöñan galöm köl engiiga i tem köl wañgiba singisöndok akepuköra mi mönö jöhöba malme. ¹³ Miañgöra sile kitipñini pakpak mi mönö singisöndok Toñañgö böröñe kude alme. Mala mewö algetka buñañi aiga bohon kölga añañgöörak asuhubapuk. Mewö qahöpmö, köhömuñeyök gulibagun mönö nanñini Anutu tököm wañgime. Sile kitipñini pakpak mi Anutugö böröñe algetka buñañi aiga bohon kölga ahakmeme solanñi asuhumakña. ¹⁴ Injini Köna keu bapñe qahöpmö, kalem möriam uruñe malje. Miañgöra singisöndoknöñ mönö öne jöhöba galöm köl engii malbepuk. Mewö.

Solanñi malmalgö Toñi welen qeba malme.

¹⁵ Miañgöra denöwö jibinak? Nini Köna keu bapñe qahöpmö, kalem möriam uruñe mala singisöndok ahinga dop kölja me qahö? Mi yapmakek! ¹⁶ To yahöt akzahot. Nanñini yetköreñök kungö böröñe al añañguba jitñi tem köla welenni qemakzei, miañgöra mönö keu ki möt yaköme: Injini kun jitñi tem kölakzei, mönö yañgö welenqequeurupñi

* 6:4: Kol 2.12

akze. Singisöndok Tonangö welenqeueurupni akze ewö, yanön mönö enguan giriga kömum köhöime. Anutugö jitni tem köla welenni qemakze ewö, yanön mönö keunini jim teköiga solanji aka mal öngöme.

¹⁷ Inini mutuk singisöndok Tonangö welenqeueurupni aka malget. Mewö malgetka Buja keu mindingöm engimaknapkora kusum engigetka mötket. Mi möta miangö dop urunini melen da nalö kewöne Buja keu törörök tem köla Anutugö köna ni wuatangömakze. Mewö möta engöra “Anutu saiwap!” jiba maljin. ¹⁸ Mi wuatangöba singisöndokö kösönöhök lolohoba Anutugö welenni qeba ahakmeme solanji aka memba malje.

¹⁹ Urusileninan lölöwöröni akzawangöra aka keu miangö köna ni mi mönö gölme ambazip nengö keu jijigö dop nöjön kewö jimam: Inini mutuk sile kitipnini pakpak tököba iwilele Tonangö (Satangö) böröne ala welenni qeba malget. Mewö malgetka ahakmeme angöjöraknambuk asuhuiga uruninan tölöhoi malget. Mewö malgetmö, nalö kewöne sile kitipnini pakpak mi mönö tököba Anutugö böröne alme. Mewö ala welenni qegetka ahakmeme solanji asuhuiga sarakni ahakne.

²⁰ Inini singisöndok Tonangö welenqeueurupni malgeri, nalö miangöreñ ahakmeme solanji mi qahö wuatangögetmö, nanjini imbi-imbi lañ malget. ²¹ Nalö kewöne ahakmeme miangöra gamunini mötze mö, nalö miangöreñ mewö aka mala ölni mönö denöwö miwiknaiget? Ahakmeme gamunambuk miangö ölni mi kömup köhöikni.

²² Nalö kewöne Anutunöñ singisöndokö kösönöhök pösat engiiga lolohoba Anutugö welenqeueurupni aketka ölni asuhuiga sarakni ahakze. Mewö aka malmal köhöikni mala teteköne oyaen koyaen aka mal öngöme. ²³ Singisöndok ahinga Tonan töwa nengiiga kömup köhöikni miwiknaibinmö, Anutugö kalemni mi oyaen koyaen malmal. Kraist Jisös Kembuninambuk qekötahöba kinbin ewö, mönö köhöiba teteköni qahö mal öngöbin. Mewö.

7

Awanöm malmalgö söpsöp keu

¹ O urumelen alaurupni, injini Köna keu mötzeangö dop engöra kewö jimam: Köna keunöñ ambazip jöhöm nengiza. Gölmenöñ mal öngöbinangö dop mönö miangö bapne malbin, injini mi mötze me qahö? ² Miangö söpsöpni kun kewö: Köna keunöñ ambi apnambuk jöhöiga azinöñ malmawangö dop awanöm malmahotmö, apnan kömuma ewö, anömnan mönö awanöm malmalgö Köna keunöhök lolohoma.

³ Miangöra apnan jebuk maliga azi kungöra On! jüiga mema ewö, yangö qetni mönö qesabulum ambia jimakzin. Mewö jimakzinmö, apnan kömuma ewö, Köna keu mianön qahö toroqeba jöhöi malma. Mewö mala azi kun memawi, yanön mönö qesabulum ambia qahö akna.

⁴ Miangöra urumelen alaurupni, engö könañamninan mönö mewöñanök ahöza. Inini mewöyök azi kungö buñani akngöra Kraistpuk qekötahöget. Anutunöñ i mem gulli kömupnöhök wahöriga malmalninan ölni Anutugöra miwiknaii asuhumapkora mörakza. Kraistnöñ kömuiga urunini walñan yambuk kömuiga qamöt ewö aka Köna keugö buñani qahö malje. ⁵ Mutuk urusilegö sihim kömbönañi bölöñan galöm köl nengiiga lañ malin. Nalö miangöreñ Köna keunöñ sölölohöba kungum nengiiga singisöndok akingö sihim kömbönañini bölöñan asuhum tingita galöm köl nengiget. Miangöra urusileninan wahöriga malmalninan kömup köhöiknangö ölni miwiknaiba lañ malin.

⁶ Mewö malinmö, mutuk keu mianön jöhöm nengiiga gwaröne mala köna keugö bohonni mohot mohot wuatangöbingö kapan köla nupni memba malin. Kraistpuk qekötahöba kininga urunini walñan yambuk kömuiga nalö kewöne köna keugö buña ahinangöreñök lolohoba kunbuk welenni qahö qemakzin. Nalö kewöne könañamninan kölönaiiga Unja Töröñan inahöm nengiiga amqeba Anutugö nupni memakzin. Mewö.

Singisöndok akinbukö kapan köla aum-mörimakzin.

⁷ *Miangöra denöwö jibinak? Köna keu nanjak singisöndok-ñambuk akza me qahö? Mi yapmakek! Köna keunöñ mönö singisöndokö könañi kondel niñgiiga möral. Köna keu kun kewö ahöza, “Kungören yuaigöra kude köpösöngöman.” Mewö qahö jibawak ewö, nöñön yuaigö köpösöngömakzali, miangö könañi qahö möt kutubilenjak. Miangöra Köna keu qahö möt kutubilenjak, mewö singisöndok qahö möt yaköbilenjak.

⁸ Köna keu qahö ahöbawak, singisöndoknöñ mönö keu omani aka köhömuñi akawak. Mewö akawakmö, jöjöpañ keu mötpiga sel jöhöm niñgiiga mi walöñmamañgö könañi ahuiga singisöndok aki asuhuyök. Jöjöpañ keunöñ mönö kuñgum niñgiiga urunan wahöri ga sihim kömbönañni bölöñi könañi könañi asuhum tingitketka bölöñañgöra lañ köpösöngömakzal. ⁹ Mutuk Köna keu qahö möta tönpin malalmö, jöjöpañ keu mötpiga mianön anğön köl niñgiyöñañgöra singisöndokö sihimnan guliiga urunan wahöri mi ahal. Singisöndok akiga mem kömum niñgiiga köhömuñi ahal.

¹⁰ Anutunöñ jöjöpañ keu mi wuatangöba mal köhöimamgöra aka al niñgiyökmö, keu mi wuatangömamgö esapköbiga mem kömum niñgiiga köhömuñi ahal. Köhömuñi ahal, mianön mönö aukne asuhui miwikñai. ¹¹ *Jöjöpañ keu möt kutubiga sel jöhöm niñgiiga mi walöñmamañgö könañi ahu jöjöpañ keunöñ kuñgum niñgiiga singisöndoknöñ tilipköm niñgiiga mi ahal. Singisöndok aka keunambuk ahal. Mewö mianön Anutugö jöjöpañ keu mianön singisöndok bohon köliga aki mem kömum niñgiiga köhömuñi ahal.

¹² Mewö ahal mö, töndup Köna keu mianön mönö kömbukñi aka sarakñi akza. Miangö jöjöpañ keunan mönö diñdiñi aka ölöñi akza. ¹³ Mewö aiga jöjöpañ keu ölöñi mianön mem kömum niñgiiga köhömuñi ahal me qahö? Mi yapmakek! Keu ölöñi qahöpmö, Köna keunöñ mönö nani singisöndoknañgö könañi indeli möt kutuyal. Singisöndokö gamuñi aukne asuhui kanjamñambuk mötmamgöra aka jöjöpañ keu mianön singisöndokö selñi jöhöiga urunan wahöri walöñda singisöndok ahal. Nani singisöndokni mianön mönö mem kömum niñgiiga köhömuñi ahal. Mewö.

Urunesingisöndokö yarö ahöi maljal.

¹⁴ Uña Töröñañ Köna keu neñgiiga diñdiñi akzawi, mi mötzinmö, nöñön singisöndok azia aka sihim kömbönañni bölöñambuk akzal. Eta kölbiga singisöndoknöñ galöm köl niñgiiga tem köla welenñi qeba singisöndok ahakzal.

¹⁵ *Miangöra yuai ölöñi akñamgö mörakzali, mi qahö ahakzal. Mimö, yuai bölöñi akñamgö tököba sisitñi memakzali, mönö mia ahakzal. Miangöra yuai ahakzali, nöñön miangö könañi ölöp qahö möt kutumakzal. ¹⁶ Miangöra yuai bölöñi akñamgö ölan aka mia ahakzal ewö, Köna keunöñ mönö töndup ölöñi akza. Köna keugöra mönö urumohot akzal.

¹⁷ Mewö aiga nöñön nanak mi qahö toroqeba ahakzalmö, singisöndok urune ahözawañön mönö kuñgum niñgiiga mi ahakzal. ¹⁸ Ahakmeme ölöñi akñamgö sihimñi ölna mörakzalmö, mi akñamgö ösumnan qahö asuhum niñgimakza. Miangöra nöñgö urune yuai ölöñi kun qahö ahözapmö, urusilenan mönö singisöndok akñamgö kuñgum niñgimakza, mewö mötzal. ¹⁹ Miangöra yuai ölöñi akñamgö sihimñi mörakzali, mia qahö ahakzalmö, yuai bölöñi qahö akñamgö mörakzali, mönö mia ahakzal. ²⁰ Mewö aiga yuai akñamgö tökömakzali, mia töndup ahakzal ewö, mi nanak qahö toroqeba ahakzalmö, singisöndok urune ahözawañön mönö kuñgum niñgiiga mia ahakzal.

²¹ Miangöra nani könañi kewö ahöi miwikñaimakzal: Yuai ölöñi akñamgö sihimñi mötpiga bölöñañgö sihimñañ mönö uruni jöhöiga qakömakzal. ²² Miangö könañi kewö: Uruneyök göröken Anutugören Köna keugöra urumohot aka tem kölmamgö mörakzal.

²³ Mewö mörakzalmö, sileneyök göröken nani könañamni kewö ahöi miwikñaimakzal: Silenangö kitipñi mienön singisöndokö bohonñi aketka akñamgö mörakzal. Singisöndok akñamgö sihimnan mönö urusihimni ölöñi mi memba et almapköra möri auba

* 7:7: Eks 20.17; Dut 5.21 * 7:11: Jen 3.13 * 7:15: Gal 5.17

yarö qemakzahot. Siŋgisöndok akŋamgö sihim kömbönaŋnan mönö silenangö kitipŋi kitipŋi sölölohöm engiba jöhöm niŋgiiga kösö gwarönöŋ maljal. ²⁴ O nöŋön bölim teköba angjööraknambuk akzal. Urusilenangö sihimŋi bölöŋan noangiri kömup köhöikŋi kömumbilenbuköra mönö daŋön sohopni memba amöt qem niŋgibawak?

²⁵ O Jisös Kraist Kembuni, mönö yambuk nam köla “Anutu saiwap!” jizal. Könaŋamnan mewö aiga nanak urunanöhök Anutugöreŋ Köna keugö bapŋe anda welenni qemakzalmö, sileni siŋgisöndokŋambuk miangöreŋ göröken siŋgisöndok akŋamgö sihim kömbönaŋnan jöhöm niŋgiiga miangö kösö gwarönöŋ maljal. Mewö.

8

Uŋa Töröŋan tim töndanini aiga mal köhöizin.

¹ Miangöra ambazip Kraist Jisösbuk qekötahöba kinjini, Anutunöŋ mönö nengö keunini jim teköiga nalö kewöŋe könöp siagö buŋa qahö aka maljin. ² Miangö könaŋi kewö: Gi siŋgisöndokö sihimŋi tem köla malnöŋangöra aka kömup köhöik-ŋangö buŋaya aka malnöŋ. Mewö malnöŋmö, Kraist Jisösbuk qekötahöba kinöŋga malmal köhöikŋangö Uŋaŋan mönö kömup köhöikŋangö kösönöhök pösat gihiiga maljan.

³ Ambazip urusilenine sihim kömbönaŋnini bölöŋi mi ahöza. Mi wuatangöingä Köna keugö ösumŋan löwöriba malmal köhöikŋi nengimapkö osiiga qaköin. Qaköba urusileninan siŋgisöndok aka malini, Anutunöŋ siŋgisöndok miangö keuŋi jim teköba likepŋi kewö melenök: Yaŋön nanŋi Nahönŋi melaiiga gölmenöŋ eta siŋgisöndok azigö sile tandök ahök. Toroqeba siŋgisöndokö jöwöwöl tandök ewö aiga ohogetka kömuyök. Anutunöŋ malmal köhöikŋangö könaŋi mewö mesarök.

⁴ Anutunöŋ könaŋi mi kewögöra mesarök: Köna keunöŋ nini solanŋi aka diŋdiŋi malbingöra jim kutum nengimakzawi, Anutunöŋ keu miangö ölŋan nengöreŋ asuhum tekömapköra mörök. Miangöra nini urusileninangö sihim kömbönaŋnini bölöŋi wuatangöbingö tököba Uŋa Töröŋangöreŋ nanjöba jitsihitŋi wuatangöba ahakzin.

⁵ Ambazip urusileninangö sihim kömbönaŋi bölöŋi wuatangömakzei, yeŋgö uruŋinan mönö siŋgisöndoköreŋ göröken akingö ahöza. Ambazip Uŋa Töröŋangöreŋ nanjöba jitsihitŋi wuatangöba ahakzini, nengö uruninan mönö Uŋa Töröŋangöreŋ göröken akingö ahöza. ⁶ Urusileninangö sihim kömbönaŋnini bölöŋan mönö öröm nenggiiga kömup köhöik-ŋangöreŋ anbingöra ahözapmö, Uŋa Töröŋan urunine luai qeiga mal köhöibingö sihimŋi mörakza.

⁷ Anutunöŋ Köna keu nenggiiga siŋgisöndok akingö sihim kömbönaŋninan mönö keu miangö bapŋe qahö anakza. Mi anmamgö osiza. Mi osiiga laŋ mala uruninan Anutu qetala kerök ak waŋgimakzin. ⁸ Ambazip urusilegö sihim kömbönaŋinan galöm köl engigetka laŋ maljei, yeŋön mönö Anutugö jeŋe dop kölböngö jiiga qaköme.

⁹ Yeŋön qakömemö, Anutugö Uŋa Töröŋan engö uruŋine malja ewö, yaŋön mönö galöm köl engii malje. Urusilegö sihim kömbönaŋnini bölöŋi mienön mönö inini qahö galöm köl engimakze. Kraistkö Uŋa Töröŋan kungö uruŋe qahö geiga öne maljawi, yaŋön Kraistkö buŋaŋi qahö akza. ¹⁰ Qahö akzapmö, Kraistnöŋ engö uruŋine malja ewö, sileninan siŋgisöndoköra aka kömumemö, uŋaŋinan solanŋi akzeangöra aka mal köhöim öngöme.

¹¹ *Anutunöŋ Kraist Jisös mem gulii kömupnöhök wahöröhi, yaŋgö Uŋaŋan uruŋine malja ewö, yetkön inini Anutubuk qekötahöba kingetka silenini köhömuŋi mi mewöyök mem gulimahot.

¹² O urumelen alaurupni, guliba maljinangöra neŋön mönö Anutugöreŋ tosabuk maljin. Urusilegö sihim kömbönaŋnini bölöŋi wuatangöbinangö tosaŋi qahöpmö, Uŋa Töröŋangö jitŋi tem köla malbingö tosaŋan mönö ahöm nengiza. Miangöra nanini imbi- imbi laŋ malbinbuk. ¹³ Urusilegö sihim kömbönaŋnini bölöŋi wuatangöba malje ewö, inini mönö kömup köhöikŋangö buŋaya akŋe. Mewö akŋemö, Anutugö köulukögetka Uŋa

* 8:11: 1 Kor 3.16

Töröñan urusilenjanğö ahakmeme bölöñi mem kömumakña ewö, mewö mianğön mönö guliba mal köhöiba malme. ¹⁴ Anutugö Uñajan ambazip enğuanğiri maljei, yeñön körek Anutugö nahönbö-raturupñi akze.

¹⁵ **Ömewöröme yeñön ambazip sölölohöm enğigetka jönömñini undui welenqeçe omanñi aka maljemö, inñini öme mewöñi mia kun qahöpmö, Uña Töröñi i buña qem anğuba malje. Mianğöra inñini mönö kunbuk toroqeba kenğöt qakñe malbepuk. Uña Töröñi yañön mönö mem letot enğiiga Anutugö nahönbö-raturupñi akze. Uña mianğön sölölohöm neñgiiga Anutugöra “Aba ^{*} ¹⁶ Anutugö nahönbö-raturupñi akzini, keu mi Uña Töröñan nanñak nanini uñaninambuk imbi köla mohotñe nanğöba jimakzahot.

¹⁷ Anutugö nahönbö-raturupñi akzin ewö, yañön nanñi ambazipurupñi neñğöra oyaenğoyaen mözözömgöi ahözawi, mi mewöyök buña qem anğubin. Anutunöñ Kraistköra yuai mözözöm-göi ahözawi, mi mönö mewöyök Kraistkö qöhöröñe kinda buña qem anğubin. Kraistpuk mohotñe sihimbölä mörakzin ewö, mönö mewöyök Kraistkö asakmararañnöñ öngöba yambuk mohotñe asariba malbin. Mewö.

Malmal asakmararañambuknöñ öngöba malbin.

¹⁸ Nalö kewöñe sihimbölä möta maljini, mianğön malmal eretñi akza. Könañgep Kraistkö asakmararañnöñ öngöba asariba oyaenğoyaen malbini, mianğön mönö malmal öngöñgöñi aködamunñambuk akña. Malmal yahöt mi likeplikep ala kewöt-pinağö dop qahö. Mewö mötmörizal. ¹⁹ Anutunöñ sömbup aka yuai pakpak miwikñaiyöha ahözei, mienğön mönö mamböta Kraistnöñ kaba Anutugö nahönbö-raturupñi meköba kondel enğiiga asakmararañ asuhum enğimapköra awöweñğömakze.

²⁰ *Anutunöñ sömbup aka yuai pakpak miwikñaiyökmö, mienğön mala kömumba ayapköme. Nanñini sihimñinağö dop qahöpmö, Anutunöñ mönö nanñi sihimñanğö dop mewö areñğöyök. Yuai pakpak ayapkömemö, töndup jörömqöröm enğiiga oyaenğoyaen kewö asuhumapköra al mambörakze: ²¹ Anutunöñ sömbup aka yuai pakpak miwikñaiyöha ahözei, mienğön mönö mewöyök kewögöra mambörakze: Anutunöñ i mewöyök anğöjörak malmalgö kösöñeyök pösat enğiiga qahö kömumba gisahöba ayapkömemö, Anutugö nahönbörat ewö lolohoba asakmararañinambuk asariba ahöm öngöme.

²² Mianğö könañi kewö: Anutunöñ sömbup aka yuai pakpak miwikñaiyöha ahözei, mienğön körek pakpak mönö mohotñe osonğom köla morö memegö masö tandök möta ahöba kota nalö kewöñe mewöyök ahakze. Mi mötzin. ²³ *Anutunöñ sömbup aka yuai pakpak miwikñaiyöha ahözei, mienğönöhök qahöpmö, Anutugö yambu jeñiqeçe ahinga Uñani kalema neñgii maljini, neñön mönö mewöyök uruninan osonğom köla maljin. Anutunöñ neñğuanğiri nahönbö-raturupñi qainñi kun akingö mamböta mala osonğom ahakzin. Neñğuanğita sile sohpnini meiga kunbuk letotpingöra awöweñğöba maljin.

²⁴ Mewö letotpingö jörömqöröm aka urunini melenđa Suepkö buñaya ahin. Yuaigöra jörömqöröm ahakzini, mianğö ölni asuhui ehinga jörömqörömnini mewö mianğön teköma. Kunöñ kun yuaigö ölni asuhui eka mianğö jörömqörömñi mi qahö toroqeba aka mambörakza. Mi qahö. ²⁵ Yuaigö ölnan qahö asuhui ehakzini, mianğöra jörömqöröm akzin ewö, mi mönö kapañ köla asuhumapköra al mamböringa uruninan qahö erakza.

²⁶ Mewöñanök löwöriinga Uña Töröñan bauköm neñgimakza. Denöwö köuluköinga dop kölbawak, mi qahö mötzinmö, Uña Töröñan mönö nanñak köuluk nupnine bauköm neñgiba neñğöra aka köuluköba keu jitñi aukñe qahöpmö, osonğom aka sañepnöñ alakza. ²⁷ Sañepnöñ ala Anutugö jitsihitñanğö dop ambazip sarakñi neñğöra aka köulukömakza. Anutunöñ ambazip urunini ek kewörakzawi, yañön mönö anğeba Uña Töröñanğö uru mötmötñi mörakza.

* **8:15:** Mak 14.36; Gal 4.6 * **8:15:** Gal 4.5-7 * **8:15:** Aba mi Arameik keunöñ iwi.' Iwini!" qerakzin. * **8:20:** Jen 3.17-19 * **8:23:** 2 Kor 5.2-4

²⁸ Anutunöŋ köulukŋi möta öröyui pakpak galöm köliga miangö mindimindiri ölŋan mönö nanŋi alaurupŋan ölöwakŋegöra asuhumakza. Mi mötzin. Ölŋi miangön ambazip amötqeŋe areŋangö dop engoholi jöpaköm waŋgim�kzei, mönö i mewö me mewö bauköm engim�kza. ²⁹ Anutugö areŋangö könaŋi kewö: Nanŋi nahönŋan urumelen alaurup sehisehiŋi neŋgö sutnine mutuknini ak neŋgim�kora mörakza. Miangöra qeljiŋe areŋ ala nini tandökŋinan Nahönŋangö dop akingöra mörök. Miangöra ambazip qeljiŋe möt neŋgiyöhi, nini mewöyök mewö akingöra jim möwölöhöm neŋgiyök. ³⁰ Qeljiŋe jim möwölöhöm neŋgiyöhi, nini mewöyök neŋgoholök. Neŋgoholöhi, neŋgö keunini mewöyök jim teköiga solaniin. Solaniini, neŋgöra mewöyök köna kondeliga nanŋe asakmararaŋŋöŋ öŋgöba oyaenŋkoyaenŋ akin. Mewö.

Anutugö urukalemŋangö möpömpösei liŋet.

³¹ Keu mi möta miangöra denöwö jibinak? Anutunöŋ sel jöhöm neŋgiba likepnine malja ewö, daŋön mönö qetal neŋgibawak? ³² Anutunöŋ nanŋi Nahönŋi tok qahö angön kölökmö, i jim teköiga malmalŋi körek neŋgöra aka köleŋnök. Mi köleŋniga Anutunöŋ yambuk kalem korembenŋi tosatŋi pakpak mi mewöyök amqeba neŋgima.

³³ Anutunöŋ ambazip nanŋangöra möwölöhöm neŋgiba keunini jim teköiga solanim�kzini, miangöra daŋön mönö keu jakeŋe al neŋgibawak? ³⁴ Kraist Jisösnöŋ kömuiga Anutunöŋ kunbuk mem guliiga Suepnöŋ öŋgöba Anutugö böröŋi ölŋe tata toroqeba neŋgöra aka köulukömakza. Miangöra kunŋan kun keunini kewöta könöp sianöŋ gebingöra jim teköm neŋgimamgö osima.

³⁵ Kraistkö urukalem uruŋe malinga daŋön mönö miangöreŋök mendenŋ neŋgiiga etpinak? Kahasililiŋ ak neŋgetka wahöjalinŋ mötpinakmö, Kraistkö urukalemŋeyök ölöŋ qahö etpin. Sese-werowero ak neŋgibeakmö, miangöreŋök ölöŋ qahö etpin. Bödi akinak me opo söroninan qahöwahi malbinak, mönö ölöŋ qahö etpin. Kömumbinbukö keŋgöt qakŋe malbinak me yarö gilgetka kazik asuhubawakmö, mönö ölöŋ qahö etpin.

³⁶*Miangö keuŋi Buŋa Kimbinöŋ kewö ohoget ahöza, “Nalö dop söŋanök könahiba kömumbingöra neŋgugetka anda mala suŋgem ahakza. Lamaya engum nembinaŋgöörök maljei, neŋgöra miangö tandök mötmörimakze.”

³⁷ Keu miangö dop ak neŋgibeakmö, Kraistnöŋ urukalemŋi indeli mörini, yaŋön töngum neŋgiiga lömböt pakpak miangöreŋ mönö luhut ala köiraŋ köla malbin. ³⁸ Yuai kunöŋ mönö Kraistkö urukalemŋeyök mendenŋ neŋgimamgö osima. Mi öl töhöŋŋa möt yaközal. Kömupnöŋ me malmalgö yuaiŋi kunöŋ mönö mendenŋ neŋgimamgö osima. Suep garata me ömewöröme yeŋön mönö nalö kewöŋe me könaŋep nini mendenŋ neŋgibingö osime. Bem suahö kukösumŋinambuk yeŋön mi osime.

³⁹ Euyangö euŋe me emuyangö emuŋe maljei, yeŋön mönö mendenŋ neŋgibingö osime. Anutunöŋ öröyui tosatŋi kun miwikŋaiyöha ahözei, mienöŋ mönö mewöyök Anutugö urukalem miangöreŋök mendenŋ neŋgibingö osime. Anutugö urukalemŋi miangön mönö Kraist Jisös Kembunini yaŋgöreŋ asuhui indeli, mi mötzin. Mewö.

9

Anutunöŋ sihimŋangö dop Israel möwölöhöm engiyök.

¹ Nöŋön Kraistpuk qekötahöba kinda muneŋ keu qahöpmö, keu öl töhöŋŋi kun jimam. Uŋa Töröŋangö keugöra kezap albi keuni naŋgöba jim köhöiba saŋep urune ali kewö möta jizal: ² Nöŋön Juda ambazip tosatŋi yeŋgö wösöbirikŋinan nuŋguiga urunan sihimbölo ketanŋi teteköŋi qahö kewögöra mörakzal:

³ Yeŋön nömbuk gölme silenöŋ Israel könagesöya mohot akzinmö, uruŋinan Kraistpuk qahö qekötahöba laŋ malje. Nöŋön Israel alaumurupnan uruŋini melenmegöra aum-mörimakzal. Anutunöŋ yeŋgö keuŋini kewöriŋa nanak yeŋgö salupŋini akiga likepŋi

* 8:36: Sum 44.22

melenđa nönģö qakne kewö öngömapkö mötzal: Yanjön ni Kraistkörenjök menden ninġii könöp siagö buņaya akņangö mötzal.

⁴*Yenjön Israel kambu uruņe malgetka Anutunöņ enġuanġiri buņani akze. Anutugö qetbuņani bisiba aködamunņinambuk akze. Anutunöņ yembuk oyaenġoyaenġ akingö jöhöjöhö walņi aka dölökņi aka Köna keuņi al enġiyök. Mianġöra jöwöwöl jikenöņ öngöba Anutugö waikņi memba möpöseimakze. Anutunöņ kötümötuetņi sehimapkö keu jöhöyöhi, mianġö ölnan asuhumapköra mambörakze. ⁵Yenjön bömön jalönini Abrahamgö gwölönarök-urupņi yengö isi moröurupņina malje. Kraistnöņ yengörenjök gölme sile memba azia asuhuyök. Kraistnöņ Anutunina aka yuai pakpak galöm köliga qetņi nalö teteköņi qahö möpöseimakin. Keu mi ölna.

⁶Mewö maljemö, Israel könagesönöhök asuhum sehiba maljini, neņön pakpak mönö töndup Israel ambazip ölni qahö akzin. Mianġöra Anutugö keuņan sinġiiga ösumņan erök tandök ahakza me? Mewö jibinak, mi keu ölna qahö. ⁷*Abrahamgö gwölönarök-urupņi yengörenjök ahuzinaņġöra aka körek neņön mönö Anutugö nahönböraturupņa qahö akzin. Mewö qahöpmö, Anutunöņ Abrahamgöra kewö jiyök, “Aisakö isimoröurupņan mönö göhöreņ toroqeba qetki bisiba mal öngöme.”

⁸Keu mianġö könaņi kewö: Abrahamgö gwölönarökurup gölme ambazip siliknöņ morö ahumakzini, körek neņön mönö Anutugö nahönböraturupņi qahö akzin. Mewö qahöpmö, Anutunöņ keu jöhöi ahözawaņġö dop ahuini, Anutunöņ mönö ninia möt neņġiiga Abrahamgö gwölönarökurupņi ölni akzin. ⁹*Jöhöjöhö keu mianġön Abrahamgöreņ kewö kaiga mörök, “Yambu mohot teköiga mianġöreņ kunbuk kaba gekiga Saranöņ mönö morö nahönņambuk akņa.”

¹⁰Keu mewö möri yanġöreņ mewö asuhuyökmö, mianġöreņök qahö teköyök. Yanġö andöņe Rebekagöreņ mewöņanök Anutugö keugö dop asuhuyök. Bömönini Aisak yanjön anömnġi mi gölöm waņġiiga nahönyahötnġiri siwisiwi asuhuyohot. ¹¹Siwisiwi yetkön gölömņe tata qahö asuhuba yuai ölöpnġi me bölöņi kun qahö ahoři, Anutunöņ mönö nalö mianġöreņ nahön yetköreņök kun nanņanġöra möwölöhöyök. Nanņi mötmöt areņan köhöiba ölnambuk ak tekömapköra aka munņi möwölöhöyök.

¹²*Nanņi jitsihitņan ölnambuk akņapköra Rebekagöra kewö jiyök, “Datņan mönö munņanġö welenqegeņi aka nembö bapņe malma.” Anutunöņ mewö jiba ahakmemeņiri akahorahi, mianġö dopņe i qahö kewöt etkiyökmö, nanņi mötmöt sihimņi miyök wuatangöba munņi oholiga datņanġö ketaņamņi ahök. ¹³*Mianġö keuņi Buņa Kimbinöņ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak waņġiba malal.”

¹⁴Keu mianġöra mönö denöwö jibinak? Anutunöņ diņdiņi qahö akza me? Mewö qahöpmahöp! ¹⁵*Anutunöņ Mosesgöra keu kewö jii ahöza, “Nönjön mönö nani jitsihitni wuatangöba kun ninġa ehoriba ak kömumangö mötzali, ia mönö ak kömum waņġimakzal. Kun dagöra wösö mötmöt ak waņġimangö jizali, yanġöra mönö wösöni mörakzal.” ¹⁶Keu mianġöra aka gölme azinöņ Anutu qahö galöm kölakzapmö, yuaigö sihimņi möta akņangö esapköm bibihawakmö, mi töndup Anutu qahö onġitma. Anutu nanņak kalem möriamņanġö dop yuai pakpak galöm köliga yanġö böröņe ahöza.

¹⁷*Anutunöņ farao kiņġöra keu jiiga Buņa Kimbinöņ kewö ahöza, “Nani qetbuņani jim sehiġetka gölme körek pakpak dop kölmapköra mötzal. Mewö möta kukösumni kondelbi aukņe asuhumapköra kuņġum gihibiga göņön asuhum tiņġitnöņ. Asuhum tiņġita mala tuarenjön ak niņġiba malnönġa mönö luhut al giġial.” ¹⁸Keu mianġö dop Anutunöņ nanņi jitsihitņi wuatangöba kun ehoriba ak kömumangö mötzawi, ia mönö ak kömum

* 9:4: Eks 9.4 * 9:7: Jen 21.12 * 9:9: Jen 18.10 * 9:12: Jen 25.23 * 9:13: Mal 1.2-3 * 9:15: Eks 33.19

* 9:17: Eks 9.16

wanjimakña aka kungö urunji mem gwözöhmangö jizawi, ia mönö mem gwözöjniga yangisen ahakña. Mewö.

Anutugören irimesewöl aka ak-kömukömu

¹⁹ Engörenök kunjan nöngöra kewö jibawak, “Mewö aiga körek neñon mönö Anutugö jitsihitni tuarenjon ak wanjibingö osimakzin. Mewö aigun Anutunöñ mönö wuanöngöra toroqeba jim neñgimakza?” ²⁰ *Kunjan mewö jibawakmö, gölme azi gi mönö niñia aka Anutu tuarenjon aka angururuk ak wanjibanak? Börösöwönöñ mönö nanñi miwimiwikñai Tonji kewö ölop qahö jim wanjima, “Gi mönö wuanöngöra tandök kewöñi miwikñaim niñginöñ?” ²¹ Kimbut meme azinöñ mönö nanñi kukösum qakñe sihimñangö dop gwaköm melenja möwölöhöba gwaköm mohot miangörenök kouranen murutni murutni memakza. Tosatni nalö dop memba nupnöñ alakzin aka tosatni aködamunñinambuk mi mönö sösongai nalöneyök nupnöñ alakzin.

²² Anutu miwimiwikñai Toninan mönö mewöñanök ak neñgimakza. Yanön irimesewölñi ambazip kondel neñgiiga kukösumñi eka mötpingöra mörakza. Mewö möta irimñan seholiiga kazikñan ambazip tosatni yengö qakñine öngöiga jöjöröba könden engimangö aka malök. Mi töndup likepni zilañök qahö melenj engiyökmö, yengöra aka sihimbölo gwötpuk möta mökösongda urunini melenjemgöra mamböta malök.

²³ Mewöñanök kalem möriamñi indeli kelenmaleleñ asuhu-mapköra mörakza. Mewö möta ambazip aködamunñi buña qem angubingöra möwölöhöm neñgiyöhi, nini mönö neñgehoriiiga aködamunñambuk asarimakzin. ²⁴ Nini mewöyök mewö akingöra neñgoholök. Juda ambaziwök qahöpmö, kian kantriñi kantriñi i mewöyök mewö akñegöra engoholök. ²⁵ *Anutunöñ miangö keunji jiiga kezapqetok azi Hoseagö kimbinöñ kewö ahöza,

“Ambazip nani könagesöurupni qahö aka malgeri, nöñon mönö i engoholbiga nani könagesöni akñe. Tosatñan nani wölböt alani qahö malgeri, yengöra mönö ‘Nani wölböt alaurupni,’ mewö jiba malmam.

²⁶ *Nöñon gölme kungö ambazip yengöra kewö jiba malal, ‘Inini nani könagesöurupni qahö malje.’ Mewö jiba malalmö, i mönö gölmenjine miangörenök engohola qetñini kewö qetmam: Inini mönö Anutu malmal Tonangö nahönböraturni akze. Utekutek mewö asuhuma.”

²⁷ *Aisaianöñ mewöyök Israel ambazip neñgöra aka kewö sahöta jiyök, “Israel ambazip jañgönini köwet sak ewö akawak ewö, mia kun töndup neñgörenök awamñi neñnök mönö urunini melenninga amöt qem neñgima. ²⁸ Kembunöñ gölmenji gölmenji pakpak neñgö keunini zilañzilañ kewöta jim teköba likepni körek melenj neñgim teköma.”

²⁹ *Aisaianöñ mewö jiba qeljine keu kun jiyöhi, miangö ölnan mönö neñgören kewö asuhuza, “Kembu kukösum pakpak Toninan gwölönarökurupnini tosatni qahö engehori urunini melenbeak ewö, gölmeninan lök Sodom ewö melenj geiga könöp jebawak. Neñon mönö Gomora ambazip ewö ayuhubinak. Anutunöñ lök mewö ak neñgibawak.” Mewö jiyök.

Israel jesöngöñan Anutu yangisen ak wanjimakze.

³⁰ Miangöra mönö denöwö jibinak? Kantri tosatñan Anutugö jeñe solanñi akingö nupni qahö kapan köla megeri, yanön mönö Anutugö jeñe solaniget. Urunini melenja Anutu möt narigetka miangöra keunini jim teköiga solaniba malje. ³¹ Mewö maljemö, Israel neñon solanñi akingöra Köna keu wuatangöbingö kapan köla mala kota mi töndup Anutugö jeñe qahö solaniin.

³² Miangö könañi kewö: Nanñinanök esapköba ahakmeme diñdini aka mewö miangön solanñi akingö kapan köla Jisös qahö möt narim wanjiget. Yanön köt pöwöwöm ewö

* 9:20: Ais 29.16; 45.9 * 9:25: Hos 2.23 * 9:26: Hos 1.10 * 9:27: Ais 10.22-23 * 9:29: Ais 1.9

akzawi, mönö yangören tötangöba engui qaköba andö qeget. Miangöra solanji qahö aket.
 33 *Miangö keunji Buña Kimbinöŋ kewö ohoget ahöza,
 “Eket, Anutu nöŋön mönö ain köt kun Zaion kunduje Israel kambu urujine kunjubiga
 yeŋön miangören tötangöba et engui andö qemakŋe. Kunjan azi ip pöwöwöm
 köhöikŋi mi möt narim waŋgimawi, yaŋön mönö nalö kunöŋ yangöra gamu qahö
 miwikŋaima.” Mewö.

10

1 O urumelen alaurupni, nöŋön nani könagesöurupun urujini melenmegöra awöweŋgömakzal. Anutunöŋ amöt qem engimapköra uruni qezaköba yeŋgöra aka Anutu köuluköm waŋgimakzal. 2 Yeŋgö könaŋamŋinan kewö ahöza: Yeŋön Anutugöra urukönöp ahakzemö, mi gukmaulem qakŋe ahakze. Yeŋgö keunini mewö naŋgöba jizal.

3 Anutunöŋ keunini jim teköiga solanizini, miangö könaŋi qahö möt yaköba nanŋinanök esapköba solanji akingö kapan kolakze. Mewö aka Anutunöŋ keunini jim teköiga solanibingö jimakzawi, keu miangö bapŋe qahö anda qaköba öne laŋ malje. 4 Kraistnöŋ nanjök Köna keu wuatangöm teköyök. Nini tosatŋan mi osiba Kraist möt nariba urunini melenjini, mewö mönö Kraistköra aka Anutugö jeŋe solaniba dop köljin. Mewö.

Anutunöŋ nini körek amöt qem neŋgimangö mötza.

5 *Mosesnöŋ Köna keu wuatangöba mewö mianjön solanji akingö keunji mi kewö ohoi ahöza, “Köna keu wuatangöm tekömawaŋön mönö miangöra aka mal köhöima.” 6 *Keu mewö ahözapmö, urunini melenja möt nariinga Anutunöŋ keunini jim teköiga solanimakzini, Mosesnöŋ miangöra keu kewö jii ahöza, “Urugan kewö mötmöriba jibanbuk: Azi daŋön mönö Suep mire öngöbawak?” Ambazipnöŋ mi Kraist waŋgita etmapköra laŋ jiget. 7 me “Azi daŋön mönö kömup mirigö dutŋe gebawak?” Ambazipnöŋ mi Kraist waŋgita kömupnöhök wahötmapköra laŋ jiget.

8 Mewö jiba toroqeba kewö jiyök, “Buña keu mi köröwen qahöpmö, mönö göhö numbuge aka uruge ahöza.” Buña keu mi möt naribingöra aka ahöza. Neŋön keu mianjön ambazip uru kunjum engiba kewö jim asarim engimakzin: 9 Anutunöŋ Jisös mem gulii kömupnöhök wahörök. Göŋön keu mi urugan möt nariba numbu jitkan “Jisösnöŋ Kembuni akza,” mewö jim miwikŋaizan ewö, mönö amöt qem gihiiga letotman.

10 Gi urugan Buña keu möt narinöŋga Anutunöŋ keugi jim teköiga solaniman aka numbu jitkan Jisös jim miwikŋainöŋga amöt qem gihiiga letotman.

11 *Buña Kimbigö keu kun kewö jiget ahöza, “Daŋön i möt narim waŋgimawi, yaŋön mönö gamu qahö miwikŋaima.” 12 Anutunöŋ Juda ambazip qahö neŋgek soriba kantri tosatŋi qahö qepureim engimakza. Kembu mohot yaŋön mönö körek neŋgö Kembunini aka dop mohotnöŋ kewöt neŋgimakza. Ambazip i qeta köulukömakzini, yaŋön mönö kötümötuetŋi nini körek kelen-malelen neŋgimakza.

13 *Miangö keunji mi Buña Kimbinöŋ kewö ahöza, “Ambazip denike yeŋön Kembugö qetŋi qeta köulukömei, yaŋön mönö i körek amöt qem engiiga letotme.”

14 Ambazipnöŋ Kembu qahö möt narim waŋgiba yeŋgö qetŋi mönö denöwö qeta köuluköbeak? Yangö könaŋi qahö jiget mötkeri, i mönö denöwö möt narim waŋgibeak? Kunjan Buña keu qahö jim asarima ewö, yeŋön mi mönö denöwö mötpeak? 15 *Ambazip kun Buña keugöra qahö melaibin ewö, yaŋön mönö denöwö anda mi jim asaribawak? Miangö keunji Buña Kimbinöŋ kewö ohoget ahöza, “Ambazip Buña keu ölöŋŋi memba kamakzei, yeŋgö köna ötöŋini möringa qetpuk sorokŋi akza.”

16 *Mewö ohoget ahözapmö, nöŋgö Israel könagesö ölni yeŋön Ölöwak Buña qahö tem köla malje. Miangö keunji mi kezapqetok azi Aisaianöŋ kewö jii ahöza, “O Kembu, nini

* 9:33: Ais 28.16 * 10:5: Lew 18.5 * 10:6: Dut 30.12-14 * 10:11: Ais 28.16 * 10:13: Joel 2.32 * 10:15: Ais 52.7 * 10:16: Ais 53.1

Buṅa keu jim sehiinga daṅṅön mönō uruṅi melenḁa mi möt naribawakto?” ¹⁷ Keu miangö dop Kraistkö keuṅi jim sehiinga kezapṅine geiga mötketka mötnaripṅinan mönō mewö asuhuma.

¹⁸ *Mötnarip mewö asuhumapmō, kewō qesim engizal: Buṅa keu mianṅön mönō Juda yeṅö kezapṅine qahō geiga mötket me? Qahō, mi mönō mötket. Mianṅö keuṅi mi kewō jigetka Buṅa Kimbinōṅ ahōza, “Keu jigetka keu kourukṅinan mönō anda anda gölme pakpak dop kölök. Mi gölmeṅi gölmeṅi eu emu likeplikep mianṅöreṅ mötket.”

¹⁹ *Keu miangö dop Buṅa keu lök mötketmō, kunbuk toroqeba kewō qesim engizal: Israel ambazipnōṅ mi qahō möt asariget me? Mosesnōṅ mutuk keu kewō jiyök, “Ambazip könagesö ölnṅi qahō nōṅön mi amöt qem engibiga engö uru mututqututṅinan mönō mianṅöra aka asuhuma. Kian kambu gukmaulem maljei, yeṅön iṅini engoṅgitketka silik mianṅön mönō Juda engö uruṅini kuṅgubiga irimṅini seholiiga uruṅinan wahötma.”

²⁰ *Aisaianōṅ mönō köhöiba kinda kewō jii ahōza, “Ambazip ni qahō jarum niṅgiba laṅ malgeri, yeṅön mönō ni miwikṅaim niṅgiget. Ambazip nōṅö könananṅöra qahō qesiba malgeri, nōṅön könanamni mönō yeṅöra indelbi mötket.”

²¹ *Yeṅöra mewö jiyökmō, Israel neṅöra mönō keu kewō jii ahōza, “Silim dop söṅanök könahiba qegetal könagesö kezapjupjup ahakzei, iṅini nōṅöreṅ kamegöra engohola engöra börö kaek köla malbiga sunṅem ahakza.” Mewö.

11

Israel uruṅe urumelenḁ kambu morōṅi ahōza.

¹ *Mianṅöra kewō qesizal: Anutunōṅ nanṅi könagesōṅi andö qem neṅgiyök me qahō? Mi qahöpmahöp! Nōṅön mewöyök Abrahamgö gwölönarökṅi kun akzal. Nanak Israel könagesögö kambu qetṅi Benjamin mianṅö uruṅe maljal. ² Anutunōṅ nanṅi könagesōṅi qeljṅe möwölöhöm neṅgiyöhi, nini mönō qahō andö qem neṅgiiga maljin. Kezapqetok azi Elaijagö (Eliagö) kösohotṅi mi Buṅa Kimbinōṅ ohogetka ahōza. Yeṅön Anutugö jeṅe Israel ambazip jim engiba köuluköyöhi, iṅini keu kemaṅi mi mötze me qahō? Keu mi kewö, ³ * “O Kambu, yeṅön mönō göhö kezapqetok ambazipurupki enṅuget kömugetka göhöreṅ jöwöwöl ohoho altaṅi altaṅi köndenṅmōndenṅet. Ni mohot nömosötket malbiga mömō-laköba mönōmba nuṅgubingö jöjöröze.”

⁴ *Mewö jiyökmō, Anutunōṅ mi möta mönō kewö melenḁ waṅgiba jiyök, “Gi nangok qahō maljanmō, nōṅön azi 7000 mewöṅanök sel jöhöm engibiga nani buṅani aka bem muneṅi Bal i qahō simin köl waṅgiba göbuk toroqeba malje.” ⁵ Keu mianṅö dop nalö kewöṅe mewöṅanök Anutugö kambu morōṅi ahōza. Anutunōṅ kalem möriamṅanṅö dop ambazip awamṅi möwölöhöm neṅgiiga maljin.

⁶ Kalem möriamṅan mönō nam köl waṅgiiga möwölöhöm neṅgiyök. Nini ahakmeme ölöṅṅi aka memba malbinahi, mianṅöra aka qahō möwölöhöm neṅgiyök. Gölme ambazip ahakmemeninan nam köl waṅgiiga möwölöhöm neṅgibawak ewö, yaṅö kalem möriamṅan mönō yuai omaṅi akawak.

⁷ Mianṅöra mönō denöwö jibinak? Israel könagesönōṅ solanṅi akingö kapanṅi köla malgetmō, solanibingö könanṅi mi qahō miwikṅaiget. Yeṅön qahöpmō, Anutunōṅ kambu morōṅi möwölöhöm neṅgiyöhi, neṅön kalemṅi mi miwikṅaiba solanṅi ahin. Tosatṅan mötmöt bölōṅan uruṅini gwözōṅni öne laṅ malje. ⁸ *Mianṅö keuṅi mi Buṅa Kimbinōṅ kewö ohoget ahōza, “Gaun jeṅe malgetka Anutunōṅ öme qahō jöhöiga uruṅine geiga

* 10:18: Sum 19.4 * 10:19: Dut 32.21 * 10:20: Ais 65.1 * 10:21: Ais 65.2 * 11:1: Fil 3.5 * 11:3: 1 Kin 19.10, 14 * 11:4: 1 Kin 19.18 * 11:8: Dut 29.4; Ais 29.10

köhömuñi aket. Yuai eka könani ek kutubepuköra jeñini mem sohoiga ömuñ köläk. Keu kezapñinan möta möt asaribepuköra mi mem gwözöñnök. Mewö tönpin mala kota nalö kewöñe mewöyök öne lañ malje.”⁹ *Kiñ Deiwidnön miangö keuñi kewö jii ahöza, “O Anutu, yeñön közölömbuan ala nempa lañ söngaimakze. Miangöreñ mönö engek miwikñaiba siñgisöndokñinañgöra simba alnönnga enjimema. Mönö nanñini dumñine tötañgöba et enguiga likepñi melen enginönnga sihimbölä mötme.¹⁰ O Anutu, gi mönö jeñini mömbauba mem gömölinönnga uba ekingö osime. Mönö likepñi melen enginönnga qakñine öngöba lömböriiga sundan dop upköba malme.” Deiwidnön mewö köuluköyök.

Kian kantri yeñön Anutugö ipñi ölni aket.

¹¹ Toroqeba kewö qesizal: Juda könagesö ölni yeñön tötañgöba et enguiga uruñinan gwözöñniga ölöwakingö osime me qahö? Mi qahö osime! Et enguyoñhi, mianön mönö Anutu möt kutubingö awöweñgömögöra aka asuhuyök. Juda könagesö ölni yeñön köna ongita et enguiga kian kantri yeñön salupñini aka uruñini melen da Anutugö buñani aket. Mewö akeri, mianön uruñini kuñguiga miangöra irimñini seholiiga uruñini melenmegö sihimñan asuhumapköra aka mewö asuhuyök.

¹² Juda könagesö ölni yeñön köna siñgiba et enguiga miangöra kian gölmenji gölmenji yeñön oyaenköyaen akingö könani miwikñaiget. Mi miwikñaiba uruñini melen da kötümötuet uruñe maljemö, Juda könagesö ölni yeñön tönpin mala Anutugö jeñe qahö dop kölje. Könañgep Juda yeñön mewöyök körek uruñini melenme. Mewö asuhuiga Anutugö kötümötuetñan sehiba kelenmalelen aukñe asuhuma.

¹³ Nöñön keuni ki Juda engöra qahöpmö, kian kantri könagesö engöra jizal. Nöñön kian kantri engöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal. ¹⁴ Nupni mi membi ölni asuhuiga uruñini melenmakzei, nani Israel könagesöurupnan miangö buzupñi mötmögöra kapañ köla awöweñgömakzal. Buzup keu mianön mohot mohot yeñgö uruñini kuñguiga miangöra irimñini seholiiga uruñini melenbingö sihimñan asuhui melengetka Anutunön amöt qem engima. Nupni qetbuñañambuk mi mönö miangöra aka kian kantri engö sutñine memakzal.

¹⁵ Anutunön Juda kambu andö qem nenngiiga miangö ölnan mönö kewö asuhuyök: Kian kantriñi kantriñi enñön salupñine aketka Anutunön töwañini qeba engömeiga alaurupñi aket. Juda könagesö ölni yeñön uruñini melengetka Anutunön amöt qem engiba möt angön kölä enjimawi, miangö ölnan mönö kömupnöñök guliba mal köhöimeangö dop akña.

¹⁶ Yambu jeñiqeqe döläkñe nene Anutugöra kewöta ala sösongai ahinga sarakñi akza ewö, nupkö numbu neneñi pakpak mönö mewöyök sarakñi akza. Ip jalöñan töröñi akza ewö, böröñan mönö mewöyök töröñi akze. ¹⁷ Juda kambu mi Anutu nanñangö oil ipñi akza. Anutunön nanñi oil ipñi mi öñböñi memba böröñi tosatñi mitii etket aka arökñangö oil ip böröñi memba kaba sutñine ali toroqeba qarimakze. Kantri tosatñi inñini arökñangö oil ip miangö dop akzemö, Anutunön töndup engömeiga nalö kewöñe ip börö qainñi kun mienngö sutñine mal köhöimakze. Inñini mönö Juda kambugö oil ip jalöñeyök nene onñi öröba nempa qarimakze.

¹⁸ Inñini Juda nembuk kinjemö, töndup Juda nenngongita silenñini memba öngöbepuk. Silenñini mem öngöbeak ewö, mönö keu ki mötme: Kantri tosatñi inñini ip böröñanök ewö akze. Inñini jalöñini qahö bisimakzemö, nanine ip jalöñan mönö inñini engömisiiga kinje.

¹⁹ Keu kewö jibeak, “Anutunön nini nanñi ip kempañe al nenngimapköra aka ip böröñi mi kutui eriga tiñi asuhuyök.” ²⁰ Keu mi ölna. Anutunön Juda ambazip uruñini qahö melen da möt narigerañgöra aka kutum engii etketmö, inñini mönö mötnariñinan töndangöm enngiiga zeñ kinje. Mewö kinda jakbak-öranbörañ kude aka aiweliköba malmemö, mönö kewö et engubapuköra sömbuñini möta malme: ²¹ Anutunön nanñi

* 11:9: Sum 69.22-23

ipnangö böröni ölni qahö engehoriba Juda könagesö kutum engiyök ewö, injini mönö “Ölöp nengehorima,” mewö jibepuk. Öne mewö mötmörriba lañ malbepuk. ²² Miangöra kian kantri injini Anutugö könañi mötmörriba kewö jime, “Juda ambazip köna siñgiba et enguyöhi, Anutunöñ miangö likepñi melenđa mönö ölna könöpñambuk ak engimakzapmö, nini ölöwak Tonjambuk qekötahöba kininga mem ölöwak nenngimakza. Yambuk qahö toroqeba kinbin ewö, mönö kantri tosatñi nini mewöyök kutum nenngii etpin.”

²³ Mewö ölöp jimemö, Anutunöñ ambazip köna siñgigeri, mi mewöyök ölöp köhöiba ip kembrañe kunbuk toroqem engima. Miangöra Juda könagesö yeñon yangisenjini mosöta uruñini melenđe ewö, i mönö ölöp Jisösbuk toroqem engima. ²⁴ Anutunöñ injini arökñangö oil ip miangörenjök kutum engiba kölkömötkö könañi ongita oil ip qainñi kungö kembrañe al engii toroqeket. Kantri tosatñi injini mewö ak engiyök ewö, miangöra nanñi ip böröni ölni Juda könagesö ölni mi mönö amqeba engömembra sihimñan nanñi oil ipnangö kembrañe al engii kunbuk toroqeme. Mewö.

Anutunöñ Israel körek ak kömum nenngimangö mötza.

²⁵ O urumelenj alaurupni, nanñini mötkutukutu qakñe lañ malbepüköra mönö keu tölapñi kun indela möt asarimegöra mötza. Keu mi kewö: Mötmöt bölöñan Israel könagesögö bahöni kun yeñgö uruñini gwözöñni maljemö, nalö teteköñi qahö yangisenj qahö toroqeba malme. Qahöpmö, mutuk kian kantri yeñgörenjök jesöngöñan uruñini melenđe Anutugö bemtohoñ uruñe kañgotme. Mewö aketka Anutunöñ jañgöñini ehi dop kölmawi, nalö miangörenj Juda könagesö yeñgö yangisenj nalöñinan teköiga körek uruñini melenđe. ²⁶ *Uruñini melenđetka Anutunöñ Israel könagesö pakpak amöt qem engiiga letotme. Miangö keuñi mi Buña Kimbinöñ kewö ohoget ahöza, “Amötqeqe Tonjan mönö Zaion kunduneyök asuhuba Jeikob kambu yeñgö ahak-memenini añgöjörakñambuk mi köñ köñjöratma.

²⁷ *Anutu nöñon siñgisöndokñini köñ köñjörata oyaenjkoyaen akingö jöhöjöhö areñi mi yembuk akiga mohotñe malbin.”

Keu mewö ahöza.

²⁸ Juda könagesö ölni yeñon Ölöwak Buña andö qeba Anutugö kerökurupñi akerangöra kantri tosatñi eñon salupñine Anutugö alaurupñi akze. Mewö akzemö, Anutunöñ Israel bömön jalö-urupnini möwölöhöm engiyöhangöra Juda neñon mönö toroqeba wölböt alaurupñi ölbölñi akzin. ²⁹ Anutunöñ ambazip niñia möwölöhöba engohola kalem engimakzawi, keu mi mönö kunbuk uruñi möñaiiga utekömawangö dop qahö. ³⁰ Kian kantri injini mewöyök mutuk Anutugö jitñi qahö tem köla lañ malgetmö, Juda könagesö ölni yeñon yangisenj akerangöra aka Anutunöñ injini ak kömum engiiga letotket.

³¹ Juda könagesö ölni yeñon nalö kewöñe Anutugö jitñi qetala lañ mala kotzemö, eñon letotkerangöra aka Anutunöñ Juda könagesö nini mewöñanök nalö kewöñe ak kömum nenngimangö mötza. Kian kantri eñon uruñini melenđe letotketka miangö silikñan uruñini kuñgumakzawi, miangöra yeñon mönö mewö-ñanök amqeba uruñini melenđe ak-kömökümüñi buña qem añgume.

³² Ambazip lökñanök pakpak nini Anutu qetala lañ malinga qeqetalnini miwikñaiba gwaröhöm nenngiyök. Körek pakpak ak kömum nenngimapköra aka kösönöñ gwaröhöm nenngiyök. Mewö.

Anutu möpöseiba omsa liñet kewö kölakzin:

³³ *Anutu kalem möriamñangö köweñan mönö keta bölökñi akza. Iwinangö jitñi, mötmötñi mönö gegenj teteköñi qahö. Mötkutukutuñan nenngonngita öngöngöñi ketañi akza. Yanñon keunini kewöta jim tekömakzawi, neñon mi lökñanök jim asarim teköbingö osibin.

* 11:26: Ais 59.20 * 11:27: Jer 31.33-34 * 11:33: Ais 55.8

Malmalninaᅅgö köna areᅅgömakzawi, mianᅅgö könaᅅi mönö möt kewöta miwikᅅaim teköbinaᅅgö dop qahö.

34 **“Kembugö urukönömᅅaᅅgö areᅅi mi ambazip körekᅅan möt yaköbingö osiba mala korin. Kunᅅan kun goro waᅅgimawaᅅgö dop qahö.”*

35 **“Gölme ambazip kalem aᅅgumakzinmö, yambuk mewö akingö osiba mala korin. Yuai waᅅiinga kitipᅅi qahö melenᅅ neᅅgiiga ölop dop köl waᅅgiza. Yuai kun bian neᅅgimapkö tosa waᅅgibingö osimakzin.”*

36 **“Mi kewögöra osimakzin: Yaᅅön yuai pakpakö Tonᅅi aka bömöᅅn jalöᅅi akza. Yaᅅön yuai pakpak nam köliga asuhuyök. Mi nanᅅi aködamun miwikᅅaim waᅅgimapköra aka asuhuyök. Mianᅅgöra neᅅön qetbuᅅaᅅi möpöseininga teteköᅅi qahö aködamunᅅambuk ahöba öᅅgöba ahöma. Keu mi ölnᅅa.*

12

Malmalnini denöwö malinga Anutugöreᅅ dop kölma?

1 O urumelenᅅ alaurupᅅi, Anutunöᅅ mewö ak kömum neᅅgiyö-haᅅgöra nöᅅön mönö uruᅅini kewö kuᅅgum eᅅgizal: Inᅅini mönö ak-kömükömuᅅi mi urukönömᅅinan mötmöriba mianᅅgö dop kitipᅅi melenᅅ waᅅgiba waikᅅi memba möpöseiba malme. Mewöyök nanᅅini silenᅅini mi Anutugö kötön naluha alme. Mewö alme ewö, inᅅini mönö guliba sarakᅅi aketka Anutunöᅅ nalukᅅini mi ehi dop köli sihimᅅi mörakᅅa.

2 Mutuk gölmegö ahakmeme bölöᅅaᅅgö areᅅi wuatangöba malgetmö, nalö kewöᅅe mewö kude toroqeba ahakᅅe. Mewö qahöpmö, mönö urumötmöᅅinan kölöᅅaiiga letota malme. Mewö mala Anutunöᅅ eᅅgöra sihimᅅi denöwö mötzawi, mi jaruba ölop köhöiba kewöta miwikᅅaime. Mi miwikᅅaiba mianᅅgö dop ahakᅅe ewö, mönö köna ölopᅅi wuatangögetka dop köl waᅅgii aködamunᅅinambuk ahakᅅe.

3 Siksaᅅ laᅅ malbepüköra keu kun jimam. Anutunöᅅ kalem möriam niᅅgiiga mianᅅgö qakᅅe kinda körek eᅅgöra kewö jizal: Inᅅini mönö nanᅅini mötket öᅅgöᅅgöᅅi qahö akᅅapmö, mohot mohot inᅅini mönö törörök möt kutum aᅅguba malme. Anutunöᅅ mötnariᅅ neᅅgiiga mianᅅgö ölnᅅi asuhumakzawaᅅgö dop mönö nanᅅini kewöt aᅅguba mianᅅgö dopkeu jiba malme.

4 **Mianᅅgö könaᅅi kewö: Sileninan mohot akzapmö, sile kitipᅅini mi gwötpuk. Kitipᅅi pakpak mienᅅön nup mohot miyöhök qahö memakze.* 5 *Mianᅅgö dop urumelenᅅ ambazip neᅅön mewöyök gwötpuk maljinmö, töndup Kraistpuk qekötahöba kinda sile ewö ölnᅅi mohot akzin. Mohot akzinmö, nanᅅök nanᅅök neᅅön mönö toroqem aᅅguba mohotᅅe nup meinga dop köli kinᅅin.*

6 **Anutunöᅅ kalem möriamᅅi neᅅgiyöhaᅅgö dop nup memegö mötmöt kalem murutᅅi murutᅅi buᅅa qem aᅅguba maljin. Kunöᅅ kezapqetok nupkö mötmöt kalemᅅi buᅅa qem aᅅguza ewö, yaᅅön mi mönö nupnöᅅ alakᅅa. Mötnariᅅᅅan töndangöm waᅅgimakzawaᅅgö dop nupnöᅅ ala Anutugö keuᅅi jiba malma.* 7 *Kungöra welenqeqe nupkö mötmöt kalemᅅi waᅅgiyök ewö, mianᅅgö dop mönö tosatᅅi pöndaᅅ bauköm eᅅgiba malma. Kungöra böhi qaqaᅅu nup memapkö mötmöt kalemᅅi waᅅgiyök ewö, yaᅅön mönö memburik-qemburikᅅi qahö pöndaᅅ tosatᅅi kusum eᅅgiba malma.*

8 *Kungöra uru naᅅgönaᅅgö nupkö mötmöt kalemᅅi waᅅgiyök ewö, yaᅅön mönö pöndaᅅ kapaᅅ köla ambazip uruᅅini kuᅅguba naᅅgöm eᅅgiba malma. Tosatᅅan yuaigöra mözöröᅅgöba osigetka kungöra i naᅅgöm eᅅgimapkö mötmöt kalemᅅi waᅅgiyök ewö, yaᅅön mönö koᅅgwarakᅅi qahö pöndaᅅ naᅅgöm eᅅgiba malma. Kungöra galömkölköl nupkö mötmöt kalemᅅi waᅅgiyök ewö, yaᅅön mönö zeᅅ kinda tosatᅅi galöm köl eᅅgiba malma. Kungöra urukalem nupkö mötmöt kalemᅅi waᅅgiyök ewö, yaᅅön nup mi mönö sösoᅅgai qakᅅe memba malma. Mewö.*

* 11:34: Ais 40.13 * 11:35: Job 41.11 * 11:36: 1 Kor 8.6 * 12:4: 1 Kor 12.12 * 12:6: 1 Kor 12.4-11

Urukalemgö könañi törörök wuatangöme.

⁹ Mönö geñmon mosöta törörök urukalem ak anguba malme. Bölöñi sisit memba andö qeba malme. Ölöpnangöra ak engiiga miangörej mönö qekötahöba malme. ¹⁰ Urumelen alaurupñini mi mönö guñböñjönjön qakñe ak engiba törörök jöpaköm anguba malme. Göda qem angubingö kapan kölakzei, miangörej mönö awöweñgöba möpöseim anguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm engiiga urukönöpnöñ kinda Kembangö nup memba malme. ¹² Jörömqöröm aka sösongainöñ malme. Kahasililin möta mökösoñda malme. Mönö böñ kinda Anutu köuluköba malme. ¹³ Anutugö ambazip sarakñan yuaigöra osizei, i mönö bauköm engiba malme. Mönö ambazip köñ öröm engiba mohotñe tata nene nem sösongai ahakñe.

¹⁴ *Sesewerowero ak engimakzei, ambazip mi mönö kude qesuahöm engimemö, mönö Anutu köulukögetka kötuatköm engimakña. ¹⁵ Söngaizei, yembuk mönö bauköba söngai. Sahötzei, yembuk mönö bauköba sahötme. ¹⁶ *Mönö urumohot ak anguba luainöñ malme. Nanñinanangöra mönö kude mötket öngöma. Jakbak-öranbörañ kude akñemö, ambazip eretñi mönö ala ak engiba malme. Nanñinanangöra mötketka mötkutukutu ambaziwa maljeangö dop kude akña.

¹⁷ Jinöñ jibi, nungunöñ guhubi, aknöñ aki mi kungöra kude akñe. Ambazip körekñan silik tosatñi miengöra mötketka ahakmeme ölöpnöñ akzei, mi mönö kapan köla memba malme. ¹⁸ Yuai kungöreñ qahö qaköze ewö, mönö köhököhöi ahöm engizawangö dop kapan köla ambazip körek yembuk luainöñ malme.

¹⁹ *Keu kun mi Buña Kimbinöñ kewö ohoget ahöza, “Nöñön mönö bölöñangö likepñi melenbiga qakñine öngöma. Mi nöngö nuwa. Kembu nöñön mewö jizal.” Miangöra wölböt alaurupni, inñi nanñinak bölöñangö likepñi kude melenmemö, mi Anutugöra mosötketka irimñan seholiiga engö kitipñi melennda meköm engima.

²⁰ *Miangöra mi nanñinak kude melenmemö, Buña keu ki mönö wuatangöba malme, “Kerökan nenegö kömuza ewö, i mönö nene gumohom wangiman. Göhö kerökan ogö mötza ewö, i mönö o wanginöñga nema. Mewö aka göhöreñ silik ölöpnöñ miangön mönö uru kuñgum wanginöñga gamuñi möta mosötpawak.” Keu mi mönö wuatangöba malme. ²¹ Kunñan silik bölöñi miangön luhut al gihibapukmö, nangak mönö silik ölöpnöñ aka miangön luhut al wangiba silikñi bölöñi mi koyonaniman. Mewö.

13

Gawman yeñgö keu bapñine anda tem köla malme.

¹ Gawman kun mi nanñök qahö asuhuyökmö, Anutu, kukösum Tonji yañön mönö gawman kuñgui miangö dop ketanjaninan kukösum qakñe kinda galöm köñ engimakze. Jimkutukutu nupkö kondotkondotñi mi Anutu. Miangöra inñi körek mönö nanñini gawman yeñgö keu bapñe anda malme. ² Könañi mewö mötzeangöra aka kunñan jimkutukutu galöm yeñgö kukösumñini qetaljawi, yañön Anutunöñ malmalgö areñi alöhi, mönö mi qetalja. Jimkutukutu Tonji qetaljei, Anutunöñ yeñgö keuñini jim teköba likepñi melen engiiga lömböt miwikñaime.

³ Galömkölköl yeñön ambazip ahakmeme bölöñi ahakzei, mi kenget mötmöt ak engimakzemö, ölöpnöñ ahakzei, mi mewö qahö ak engimakze. Miangöra galöm kukösumñinambuk yeñgö kengetki mötmangö mötzan me qahö? Mi qahö mötmangö mötzan ewö, mönö ahakmeme ölöpnöñ aka memba malnöñga möpöseim gihimakñe.

⁴ Gawman yeñön mönö Anutu welenñi qeba mem ölöwak gihibingö mötze. Mewö mötzeangöra ambazip bölöñi akzei, mönö miangö likepñi melennda qakñine öngöi lömböt mötmegöra kinje. Anutugö welenqequeurupñi aketka buldömingö sou ketanji engiyöhi,

* 12:14: Mat 5.44; Luk 6.28 * 12:16: Qam 3.7 * 12:19: Dut 32.35 * 12:20: Qam 25.21-22

mi öne töhön qahö memba malje. Mianğöra yuai bölöni akzan ewö, mönö kenğötki möta malman. ⁵ Lömböt qakñine öngöi mötpeuköra mönö gawman jitiñi tem köla malme. Mianğörök qahöpmö, Anutugö jeñe mohot dop kölmapköra mönö mewö ahakñe. Qahö tem kölgetka Anutugö irimñan sehooli jii urukönömñinan mewö mötketka uruñinan bölöbapuköra mönö mewöyök gawman yeñgö keu bapñe anda malme.

⁶ *Gawman yeñön mönö Anutugö nup bahöni kun memba mianğöreñ zeñ kinda galöm köl engimakze. Nupñini mi memegöra eñön mönö bauköm engiba takis mewöyök alakze. ⁷ Gawmangö takis aka kötön könañi könañi dawik engimegö jimakzei, mi mönö körek mianğö dop engimakñe. Gawmangö takis könañi könañi pakpak mi mönö törörök engimakñe. Gawmangö nup meme ambazip yeñgöra mönö ewe ala göda qem engimakñe. Mewö.

Nalö ketanjan dopdowiiga mönö jöpaköm anğuba malme.

⁸ Mewö aka kungöreñ tosa kun embuk kude ahöi malme. Töndup engö tosañini mohok-kun mi nalö dop kewö ahöza: Inini mönö uru jöpaköm anğuba malme. Kunñan tosatñi jöpaköba urukalem ak engimakzawi, yañön mönö Köna keu wuatangöm tekömakza.

⁹ *Jöjopañ keu bohonñi kewö, “Nangi jöpaköm anğumakzani, mianğö dop mönö tosatñi pakpak jöpaköm engimakñan.” Keu mianğö uruñe jöjopañ keu kewöni ahöze, “Sero yonğorö kude akñan,” “Ambazip kun kude qenöñ kömuma,” “Yonğorö kude meman,” “Yuaigöra mönö kude köpösönğöman.” Mi aka jöjopañ keu tosatñi pakpak mi mönö keu bohonñi mianğö nemböñe akze.

¹⁰ Ambazip kun jöpaköm wangizan ewö, yañgöra mönö yuai bölöni kun kude ak wangiman. Mianğöra urukalem aka mewö mianñön mönö jöjopañ keu körek pakpak tem köla wuatangö-makzan.

¹¹ Nalö kianğö könañi mötzeanğöra mönö ahakmeme mewöni aka memba malme. Mutuk Kraist möt nariba urunini melenñini, nalö mianğöreñök könahiba mala koringa Kembunöñ meköm neñgii Suepnöñ öngöbini, mianğö nalöñan mönö dowe ahöza. Mianğöra inini gaun ahözei, mianğöreñök imbiñini möta wahötmeanğö nalöñan mönö lök kam kuñguza. ¹² Sunğem köröpñi malinga wehön jeñi jililingöba koriga asarimangö akza. Mianğöra söñaupkö ahakmeme mi mönö tömbuluñaniget geiga asakñangö bim qebingö aködammunñi mi mönö memba kölget geiga kinbin.

¹³ Asakñangö uruñe maljinangö dop mönö ahakmeme sarakñi aka memba malbin. Tosatñan közölömbuan pati ala bau numbu memba o köhöikñangöra eñololöñ ahakze. Sero namböñnamböñ aka lañ ambi yonğorö örömakze. Julia denđa anğururuk aka anğöhöba urunöñ mututqutut möta andönöñ qem anğumakze. Ahakmeme mewöñan mönö qahö dop kölja. ¹⁴ Urusilegö sihim kömbönañini bölöñan guliba wahötketka miengö sihimñini tem köl engibepuköra mönö mi kude kezap ala mötmörim engimakñe. Mewö qahöpmö, Kembu Jisös Kraistkö ahakmemeñan mönö timbi saiwanñini aiga mi maluku ewö löngöt anğuba malme. Mewö.

14

Alaurup lölöwöröni i kude jim engiba malme.

¹ *Kungö mötnaripñan lölöwöröni aiga i mönö köyan köla köl öröm wangiba malme. Yam-buk eraum möta kösawörañ keugöra jitañakölik kude ahakñe. ² Tosatñan mötnaripñinanğö dop nene pakpak ölop nemakzemö, tosatñi yeñgö mötnaripñinan lölöwöröni aiga nene piakñanök nemakze. Uruñinan tölöhobapuköra uruyahöt aka sömbup tandö lopionğö naluk alalñi mi sisitñi memba yöha töhönök inañik ohom nemakze. ³ Nene pakpak nemakzeañön mönö alaurupñini yöhayök nemakzei, mi jijiwilit kude ak engimakñe.

* **13:6:** Mat 22.21; Mak 12.17; Luk 20.25 * **13:9:** Eks 20.13-15, 17; Dut 5.17-19, 21; Lew 19.18 * **14:1:** Kol 2.16

Anutunöŋ alaurupŋini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, enön mönö alaurupŋini yenğö keuŋini kude jim teköme.

⁴Göŋön mönö niŋia aka kungö welenqeqeŋi jim teköm waŋgibanak? Yanğön mönö nanŋi tonğö jeŋe keuŋaŋğö likepŋi jiiga kewöta jim teköiga dop kölīga kinma me lömböt qakŋe öngöiga etma. Kembunöŋ mönö köhöiba böŋ qeba kinmapköra naŋğöm waŋgimakŋa. Miangöra mönö ölop böŋ qeba kinma.

⁵Tosatŋan silim pakpaköra mötmörigetka tandökŋini öröröŋ ahözemö, tosatŋan silimŋi silimŋi kewöta silim kungö mötket öngöiga qainŋi kun aiga silim tosatŋan miangö nemböŋe akze. Inini mohot mohot mönö nanŋini mötmötŋini qekötahöba miangören uruyahöt körek yaköriba awösamkakak kinda malme. ⁶Tosatŋan silimŋi silimŋi kewöta öngöba eta alakzei, yenğön mi mönö Kembu qetbuŋa waŋgimapköra aka ahakze. Tosatŋan sömbup nemakzei, yenğön mönö Anutu möpöseiba Kembunöŋ mewö qetbuŋaŋambuk akŋapköra nemakze. Tosatŋan sömbupkö siŋgi malakzei, yenğön mönö Kembunöŋ qetbuŋaŋambuk akŋapköra aka mi ahakze aka mewö mala Anutu möpöseimakze. ⁷Nengörenök kunŋan kun mönö nanŋaŋğörök qahö malja aka nanŋaŋğörök qahö kömuma.

⁸Miangö könaŋi kewö: Jebuk malbin ewö, mönö malmalnini Kembugöra kölenđa malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buŋaya akzin. ⁹Kraistnöŋ mönö kömugeru aka jebuk maljini, körek nenğö Kembunini aka malmapköra kömumba guliyök. ¹⁰*Anutunöŋ mönö körek nenğuaŋgita nanŋi keu jakeŋe al nenğiiga kinbin. Miangöra tosatŋi enön mönö niŋia aka urumelen alaurupŋini jim teköm engimakze? Mewöyök alaurupŋi tosatŋi enön mönö wuanöngöra urumelen alaurupŋini tosatŋi mi jijiwilit ak engimakze? Jujul silikŋini mianğön mönö qahö dop kölja. ¹¹*Miangö keuŋi mi Buŋa Kimbinöŋ kewö ohoget ahöza, “Kembu nöŋön mal köhöizali, miangö dopkeu öl töhöŋni kewö jizal: Ambazip körek pakpak inini mönö nöngö jemesoholne simin köla jitŋinan Anutu ni möpöseim niŋime.”

¹²Keu miangö dop nini körekŋan mönö inanğök inanğök ahakmemeninangö kösohotnini mi Anutugöra jim asariinga kewöt nenğima. Mewö.

Kunöŋ tötaŋğöba et qebapüköra mötmörime.

¹³Miangöra mönö kude toroqeba jim bölim aŋguba keuŋini jim teköme. Urumelen alaurup yenğö könanöŋ tötaŋğöba et engubapükö yuai kun mönö kude alakŋe. Miangö keuŋi mönö kapan köla jiba jöhöme. ¹⁴Nene yuai kunöŋ nanŋanök aŋğöjörakŋambuk qahö akzapmö, ambazipnöŋ yuaigö mötketka aŋğöjörakŋambuk akzawi, yenğöröhök mi aŋğöjörakŋambuk akza. Nöŋön Kembu Jisösbuk kinda keu mi möta miangöra uruyahöt kun qahö akzal. ¹⁵Anutunöŋ nene pakpak amöt qem teköi sarakŋi akzemö, töndup alaurup tosatŋan dönqizizinnini aka sömbup qahö nemakze. Kraistnöŋ yenğöra aka kömuiga tosatŋi enön mönö wuanöngöra sömbup namba mewö mianğön yenğö uruŋini mem bölimakze? Mewö nanŋini imbi-imbi aketka urumelen alaurupŋinan miangöra wösöbirik ahakzei, mewö mönö urukalemğö könaŋi mi qahö toroqeba wuatangömakze.

¹⁶Mötmöt ölopŋi ahöm engizapmö, miangö qakŋe ahak-memenin an laŋ aketka tosatŋan miangöra sirongen keu jiba jim engimakze. Mewö asuhubapüköra galöm mem aŋguba malme. ¹⁷Wani neneya nembini aka wani oya nembini, mianğön Anutu bemtohoŋaŋğö aiwesökŋi qahö akza. Yuai mianğön mönö eretŋi akza. Yanğö bemtohoŋ uruŋe malmalgö ölni mi kewö: Uŋa Töröŋan inahöm nenğiiga ahakmeme diŋdiŋi wuatangöinga luai qem nenğiiga söŋgaiba maljin. Mianğön mönö aiwesök muŋgemŋi akza. ¹⁸Denike yenğön mewö aka Kraistkö welenni qemakzei, yenğön mönö Anutugö jeŋe dop kölgetka ambazipnöŋ keuŋini mötketka dop köl engimakza.

* **14:10:** 2 Kor 5.10 * **14:11:** Ais 45.23

¹⁹ Mianğöra nini luai qem anğuinga urumohot sehimapköra kapan kolbin. Mewö mianğön mönö urunini möhamğöba mem köhöim anğubin. ²⁰ Anutunöñ nene pakpak amöt qem teköi sarakñi akze, mi mötzinmö, kunöñ sömbup me nene kun neiga alañğö uruñan mianğöra böliiga urukönöpñi ahuiga siñgisön-dokpuk akzawi, mianğön mönö qahö dop kölja. Kunñan tosatñi yeñğöra qahö mötmöröba nanñanğörök möta lañ nezawi, yañön mönö mewöyök siñgisöndokpuk akña. Mianğöra Anutunöñ yeñğö uruñine nupñi meyöhi, tosatñi eñön mönö nupñi ölopñi mi nenegöra aka kude mem bölime.

²¹ Mianğöra urumelen alaurupñini yeñğöra aka sömbupkö siñgi mala wain o mi kude namba malme. Mewö mianğön mönö mohotñe ölöwakñe. Mewöyök uruñinan yuaigöra aka böliiga siñgisöndokpuk aka löwöröbawak, eñön mi kude akñe. Mewö mönö mohotñe ölöwakñe. ²² Kösaörañ keugö mötnaripñi mewö me mewö ahöm gihizawi, mi mönö Anutugö jemesoholñe anğön köla malman. Kunñan keu kungöra “Dop kölja,” jiba mianğöreñ qekötahöba möt köhöiba mianğöra nanñi qahö jim teköm anğuzawi, yañön mönö simbawoñ akza.

²³ I me wai mötnarip qakñe qahö kinda ahakzini, mi pakpak mönö siñgisöndok akza. Mianğöra kunñan nene kungöra uruyahöt aka töndup mi neza ewö, yañön mönö mewö siñgisöndok akña. Mötnarip qakñe qahö kinda nezawañğöra Anutunöñ mönö yañğö keuñi jim teköi qaköba lömböt miwikñaima. Mewö.

15

Mönö Kraistkö mötmötñi wuatañğöba malme.

¹ Mötnaripninan köhöikñi akzawi, neñön mönö naninañğörök lañ söñgaiba nanini imbi- imbi malbinbuk. Tosatñi yeñğö mötnaripñinan lölöwöröñi aiga tööpöpinöñ köna onğita törörök qahö wuatañğömakzei, neñön i urukalem ak engiba lömbötñini bisimegö bauköm engibin. ² Nini mohot mohot mönö alaurup-ninan ölöwakñe anğö dop mötmöröba ak engimakin. Mewö ak engiba uruñini möhamğögetka köhököhöi miwikñaima. ³ *Kraistnöñ mewöyök nanñanğörök nanñi imbi- imbi qahö söñgaiba ahökmö, Buña keu kiangö dop ak wañgigetka malök, “Ambazip keu töhöreñ jiba gi jim gihimakzei, yeñğö keuñinan mönö nuñguiga sihimbölöñi mörakzal.” Keu mewö ahöza.

⁴ Anutunöñ neñğöra sihimñi kewö mörakza: Neñön kapan köla köhöiba kinda Buña Kimbi oyoñninga urunini nañğöiga mewö mianğön jörömçöröm aka malbin. Mianğöra Buña keu pakpak mönöwök ohogeri, Anutunöñ mönö mianğö dop kusum neñgimangö mötza. Mianğöra mi ohoget ahöza. ⁵ Anutunöñ mönö nanñak uruñini nañğöiga ölop kapan köla kin köhöime. Yañön mönö Uñañi enğıiga inahöm enğıiga sutñine uru jöhöjöhö aka Kraist Jisögö mötmötñi wuatañğöba malme.

⁶ Mewö mala ölop urumohot qakñe numbuñini mindiriba Anutu, Kembunini Jisös Kraistkö Iwiñi mi möpöseiba malme. Anutunöñ eñön mewö aka malmegöra mörakza. Mewö.

Ölöwak Buñanöñ kantri tosatñe anda kayök.

⁷ Kraistnöñ injini möt anğön köla köyan köl engimakzawi, mianğö dop injini mönö mewöyök köyan köl anğuba malme. Anutugö qetbuñañan sehimapköra mönö mewö aka malme. ⁸ Nöñön keu ölni ki jimam: Anutunöñ keuñi keuñi Juda könagesö neñğö bömönurupnini yeñğöra jiba jöhöyöhi, mianğön ölnambuk akñapköra mörök. Mianğöra Kraist melaiiga Anutugö Buña keu ölnan köhöimapköra aka Juda neñğö sutnine eta welen qem neñgiba malök. ⁹ *Juda nini welen qem neñgiba malökmö, kantri tosatñi yeñön mewöyök yañğö ak-kömukömuñi möta mianğöra Anutu möpöseiba malje. Mianğö keuñi mi Buña Kimbinöñ kewö ohoget ahöza,

* 15:3: Sum 69.9 * 15:9: 2 Sml 22.50; Sum 18.49

“Miangöra nöñon kantri tosatni yeñgö sutñine mala möpöseim gihiba qetbuñagan sehimapköra liñet kölakñam.”

10 *Miangö keuñi kun mi kewö jiba ohoget ahöza,

“Anutunöñ Juda nini möwölöhöm neñgiiga könagesöñi aka söñgaimakzin. Kantri tosatni iñini mönö nembuk toroqeba söñgaiba köirañ ala malme.”

11 *Miangö keuñi kun mi kewö,

“Kian kantrigö kambu pakpak iñini mönö Kambu möpöseiba malme. Gölme dop maljei, iñini mönö körek ‘Anutu saiwap!’ jiba liñet köla malme.”

12 *Kezapqetok azi Aisaia yañon mewöyök miangö keuñi kewö jii ahöza,

“Azi qetñi Jesi yañgö andöjalöñan mönö sötni jula wahöta ambazip gölme dop galöm köl enñgima.

Mewö ak enñgiiga jörömqörömñini yañgöreñ ala bauköm enñgimapköra mamböta malme.”

Keu walñi mianñon mönö nalö kewöñe öñambuk ahakza.

13 Uña Töröñangö ösumñan mönö nañgöm enñgiiga jöröm-qörömñinan köhöiba pöwöwöm akñapköra mötzal. Miangöra jörömqöröm Tonñi Anutu yañon mönö luai qem enñgiba sö söñgai pakpak mianñon uruñini kokolak qema. Mewö köuluköbiga ölop Anutu möt narim wangiba oyaenkyoaeñ akingö mamböta malme. Mewö.

Keu köhöikñi mi denöwögöra ohozal?

14 O urumelenñ alaurupni, nanak enñgöra kewö möt köhöizal: Iñini mönö tönpin qahö maljemö, Anutunöñ yuai pakpak ölopñi uruñine ali kokolak qeiga mötmöt könañi könañi miwikñaiba mianñon ölop goro qeba kusum anñgubinañgö dop akze. 15 Mewö akzemö, töndup keu mi ölum enñgubapuköra möta miñgö könañini mi kunbuk köl gulim enñgizal. Anutunöñ kalem möriam niñgiiga miangö qakñe kinjalangöra mönö awösamkakak qakñe keu köhöikñi tosatni ohom enñgizal.

16 Miangö könañi kewö: Anutunöñ kian kantri enñon uruñini melengetka Uña Töröñan mem sarahim enñgimapköra mörakza. Mutuk jöwöwöl ohogetka köwakñan öngöi Anutunöñ söñgaizapma, miangö dop nalö kewöñe Anutunöñ ambazip gölme dop buñañi aketka enñgeka söñgaimangöra awöweñgömakza. Miangöra Ölöwak Buñañi kantri tosatni yeñgö sutñine jim sehimangö jiba nupñi qakne aliga miangö dop urugö nup galöm aka Kraist Jisösgö welenñi qemakzal.

17 Miangöra Kraist Jisösbuk qekötahöba kinda Anutugö nupñi membiga qetbuña niñgiiga sileni memba öñgöba awösamkakak kinjal. 18 Kraistnöñ kantri tosatni yeñon Anutugö jitñi tem kölmegöra möta sölölohöba kuñgum niñgimakzawi, mianñon mönö nam köl niñgiiga keuni jiba ahakmemeni ahakzal. Keu tosatni lañ jim sehisehigö awösamkakakñi mi qahö ahöm niñgiza.

19 Uña Töröñangö ösumñan mönö nam köl niñgiiga anñgöletot aiwesök kukösumñinambuk asuhuget. Nöñon Jerusalem siti mosöta kantriñi kantriñi liliköba anda mala mala Yuropkö siti qetñi Ilirikum miangöreñ anñgoral. Mewö gölme dop liliköba Kraistkö Ölöwak Buña mi jim asarim enñgim teköyal. 20 Kunöñ tandö kuñguiga kuññan kaba nanñi miriñi miangö qakñe memba mönö keuñambuk akña. Miangö dop kunöñ Kraistkö keuñan mötnaripkö tandö lök kuñgui kinöhi, nöñon mönö kaba yañgö tandö qakñe töndangöba kinda uruñini toroqeba möhamgöba mem köhöim enñgimangö tököba malal. Urugö nup mutukñi memba mianñon aködamuni miwikñaimangö kapañ köla malal. Miangöra ambazip denike yeñon Kraistkö qetñi qahö möta tönpin malgeri, nöñon Ölöwak Buña yeñgöra jim asarimangö awöweñgöba malal. 21 *Miangö keuñi Buña Kimbinöñ kewö ohoget ahöza,

* 15:10: Dut 32.43 * 15:11: Sum 117.1 * 15:12: Ais 11.10 * 15:21: Ais 52.15

“Denike yeñon keuñi qahö jiget mötkeri, yeñon mönö mala i ekre. Denike yeñon könañi mutuk qahö möta tönpin malgeri, yeñon mönö mala mi möt asarime.”

²²*Nup mewöñan jöhöm niñgiyöhañgöra mönö nalö dop engöreñ kamamgö osiba malal. Mewö.

Polnöñ Rom anmamgö areñi alök.

²³ Mewö malalmö, liliköba urukunḡukunḡu nup mutukñi memba gölme pakpak möt engizini, miangöreñ mi mem teköba malal. Urugö nup mutukñi memamangö gölmeñi mi nalö kewöñe kunbuk qahö ahöza. Mewöyök inñini enḡekñamgö sihimñi möta malbiga yambu (yara) gwötpuk lök teköyök. ²⁴ Miangöra kantri qetñi Spein anmami, miangö könañe mönö engöreñ kamamgö areñi ala enḡekñamgö jörömqöröm aka kewö mötzal: Enḡeka embuk sösoñgai aka borom kun köisirik tatpiga bauköm niñgigetka ölop köna toroqeba Spein anmam.

²⁵ *Mewö mötzalmö, nalö kewöñe Jerusalem sitigö könagesö sarakñi nañgöm enḡibingöra miangöreñ anmam. Miangöreñ andagun engöreñ kamam. ²⁶ Masedonia aka Akaia prowins yahöt mietkö urumelen könañe kambuñi kambuñi yeñon mönö Jerusalem sitigö ambazip sarakñi bauköm enḡibingö keu jöhöget. Anutugö ambazip sarakñi wanapñi maljei, mönö yeñgöra keu jöhöba naluk gwötpuk ketañi ala mindirigetka mi membagan anda enḡimam.

²⁷ *Mewö akingö uru sösoñgai möta keu jöhöba mindimindiri naluk ketañi mi alget. Mewö almegö tosa ahöm enḡiiga algetka ölna dop kölja. Anutunöñ Juda könagesö kötuetakom neñgimangö keuñi jii ahöiga kötumötuet mianñon kian kantriñi kantriñi dop köla qakñine öñgöi malje. Miangöra kian kantri yeñgöreñ tosa ahöiga likepñi melenḡa kalemñinan Juda könagesögö wanapñi bauköm enḡigetka dop kölja. ²⁸ Nöñon kalem mi memba anda böröñine albi nupni mianñon teköiga miangö andöñe enḡomosöta kusukñanök engöreñ kaba enḡekagun toroqeba Spein anmam. ²⁹ Engöreñ kamami, nalö miangöreñ mönö Kraistkö kötumötuetñi mi körek memba kaba enḡimam. Mewö möt yaközal.

³⁰ O urumelen alaurupni, nöñon Kambu Jisös Kraistpuk qekötahöba kinda kewö uru kunḡum enḡizal: Uña Töröñan jöpaköba nañgöm enḡimakzawangö dop mönö nöñgöra Anutu köuluköba malme. Aum-mörimakzali, miangöreñ mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yañgiseñ ahakzei, yeñgö böröñine gebilenbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yeñgö böröñine albige dop köli sihimñi mötmegöra mönö köuluköba malme. ³² Mewö köulukö-getka Anutunöñ sihimñi mötza ewö, nöñon mönö sösoñgai qakñe engöreñ kaba embuk köisirik tata körö-ölöwak qem niñgigetka malmam. ³³ Luai Toñi Anutu yañon mönö körek embuk kinma. Keu mi ölna.

16

Yaizözkök keu teteköñi

¹ Alanini Fibi (Foibe) yañon Senkria urumelen könañesögö nup meme ambia akza. Yañon Rom engöreñ kamawi, i köyan kölmegöra mönö qesim enḡiba böröñine aljal. ² Yañon ambazip gwötpuk aka ni mewöyök bauköm neñgiba malök. Miangöra Anutugö ambazip sarakñan alaurupnini köl öröm enḡimakzini, miangö dop Fibiñon kaiga i mönö Kambuñgö qetñe köuluköba köl öröm wangime. Engöreñ kaba yuai kungöra osibawak, miangöreñ mönö bauköm wangime.

³*Awanömyahöt Prisila aka Aqila Kraist Jisösbuk kinjahori, neñakyahötñi yetköra mönö nöñgöreñ yaizözkökni jigetka mötmahot. ⁴ Yetköñ mönö nöñgöra aka malmalñiri kölenḡa

* 15:22: Rom 1.13 * 15:25: 1 Kor 16.1-4 * 15:27: 1 Kor 9.11 * 16:3: Apo 18.2

kömumbitkö ahot. Nöñönök qahö möpöseim etkizalmö, kantri tosatnje urumelenj könagesö kambunji kambunji yeñön mönö mewöyök yetköra saiwap jimakze.

⁵ Urumelenj könagesö mirinire tokomakzei, yeñgöra mewöyök mönö nöñgö yaizözköknj jigetka mötme. Eisia prowinsnöñ nup membiga ölnj mutukñan asuhuiga Epainetus yanñon urunji melenja Kraistkö buña ahöhi, wölböt alani yanñgöra mönö nöñgörenj yaizözköknj jigetka mötma. ⁶ Marianöñ engöra aka nup ketanji memba malöhi, yanñgöra mönö nöñgörenj yaizözköknj jigetka mötma. ⁷ Andronikus aka Junias tinitosolomyahötni yetköñ mutuk Kraistkörenj qekötahöyohotka nöñön yetkö andöñire uruni melenbiga miangö andöñe nömbuk kösö mire malin. Aposol yeñön yetköra mötketka sutñine öñgöñgöñi akzahot. Yetköra mönö nöñgörenj yaizözköknj jigetka mötmahot.

⁸ Wölböt alani Ampliatus Kembubuk kinjawi, yanñgöra mönö nöñgörenj yaizözköknj jigetka mötma. ⁹ Neñaknini Urbanus Kraistpuk kinjawi aka wölböt alani Stakis yetköra mönö nöñgörenj yaizözköknj jigetka mötmahot. ¹⁰ Apeles Anutunöñ esapesap wanñgiiga dop köli Kraistpuk qekötahöba kinjawi, yanñgöra mönö nöñgö yaizözköknj jigetka mötma. Aristobulusbuk miri mohot maljei, yeñgöra mönö nöñgörenj yaizözköknj jigetka mötme. ¹¹ Tinitosolomni Herodion yanñgöra mönö nöñgörenj yaizözköknj jigetka mötma. Narsisusbuk Kembu qekötahöba miri mohot maljei, yeñgöra mönö nöñgörenj yaizözköknj jigetka mötme.

¹² Trifina aka Trifosa ambi yahöt mietköñ nup ketanji memba Kembubuk kinjahori, yetköra mönö nöñgörenj yaizözköknj jigetka mötmahot. Wölböt ambi alani Persis yanñon Kembangöra nup keta bölökñi memba maljawi, yanñgöra mönö nöñgörenj yaizözköknj jigetka mötma. ¹³ *Rufus yanñon Kembangö nupñi ölop kötökñi memakzawi aka yanñgö namñi nalö dop ni tok nahöññi ewö köyan köli niñgiba malöhi, yetköra mönö nöñgörenj yaizözköknj jigetka mötmahot.

¹⁴ Asinkritus, Flegon, Hermes, Patrobas, Hermas aka urumelenj alaurup tosatñi yembuk maljei, yeñgöra mönö nöñgö yaizözköknj jigetka mötme. ¹⁵ Filologus, Julia, Nereus nenñambuk aka Olimp as aka ambazip sarakñi tosatñi pakpak yembuk maljei, yeñgöra mönö nöñgörenj yaizözköknj jigetka mötme.

¹⁶ Urumelenj alaurup sutñine mönö anñum anñuba nemböñini suhuba jölöñini jiba malme. Kraistkö urumelenj könagesö pakpak yeñön mönö yaizözköknjini algetka engörenj kaza. Mewö.

Qamban keu teteköñi

¹⁷ O urumelenj alaurupni, nöñön urunini kewö kuñguba jizal: Ambazip tosatñan uru mendenmenden asuhumapkö nam kölakzei, yeñgöra mönö je galöm mem anñuba malme. Urumohotkö silik ölopñi kusum engigetka mötsemö, keu mi qetala kösawöranj keu tosatñi miangön urunini kuñgugetka bölii qaköba erakze. Ambazip mewöñi mi mönö engömosöta tikep malme. ¹⁸ Ambazip mewöñan mönö nanini Kembunini Kraistkö nupñi qahö memakzemö, nanñini sihimñinanñgö dop asuhumapköra tuaköpek jiba nanñini welen qem anñumakze. Kelök keu ölopñi ölopñi nahömñambuk jiba ambazip geñmoñini qahö yeñgö urunini kuñguba tilipköm engimakze.

¹⁹ Inñini Ölöwak Buña tem köla wuatangömakzei, keu mi körek nenñgö kezapnine geiga mötzin. Miangöra nöñön engöra aka önöñi qahö söñgaimakzal. Mewö akzalmö, inñini kewö aka malmegöra mötzal: Mönö bölöñi akingö mötkutukutuñini mosötketka etma. Ölopñi akingö mötkutukutuñini mi mönö pöndañ köli guliba mem qarime. ²⁰ Luai Tonji Anutu yanñon mönö Satan ösumok töjöhöi engö bapñine eri köiranj köla söñgaiba malme.

Kembunini Jisösgö kalem möriamñan mönö embuk ahöma.

* 16:13: Mak 15.21

²¹ *Nöngö neŋakni Timoti yaŋön mönö yaizözkökŋi ali engöreŋ kaza. Nöngö tinitosolomurupni Lusius, Jeison aka Sosipater yeŋön mewöyök yaizözkökŋini algetka engöreŋ kaza.

²² Tertius nöŋön Polgö keuŋi möta kimbi ki ohozali, nöŋön mewöyök Kembubuk kinda yaizözkökni albiga engöreŋ kaza.

²³ *Gaiusnöŋ miriŋi jim teköi malbiga urumelen könagesö pakpak yeŋön mewöyök ki kaba tokogetka nene köisirik al neŋgimawkawi, yaŋön mönö yaizözkökŋi aliga engöreŋ kaza. Erastus yaŋön siti pomŋaŋgö ofis uruŋe takis monen galöm kölakzawi aka urumelen alanini Qartus yetkөн mönö yaizözkökŋiri alohotka engöreŋ kaza.

²⁴ Kembunini Jisös Kraistkö kalem möriamŋan mönö embuk ahöma. Keu mi ölna.

Kembu möpöseiba kewö köulukömakzal:

²⁵ Ölöwak Buŋa keu ölni mi möpŋaŋgö möpŋeyök mala kotketka miaŋgöreŋ tölapŋe ahöyök. Mewö ahöiga Jisösnöŋ eta indela jim asariiga möta jim sehimakzal. Buŋa keu miaŋgö dop Anutunöŋ mönö köhöiba mötnariŋiŋi mem köhöiga ölop zeŋ kin köhöime. Miaŋgöra neŋön mönö Anutugö qetbuŋaŋi möpöseininga sehimakŋa.

²⁶ Mutuk Buŋa keu ölnan asa-asambötŋe ahöba korökmö, nalö kewöŋe kezapqetok ambazip kulem ohoget ahözawaŋgö dop mönö aukŋe asuhuyök. Anutunöŋ nalö dop mala kota teteköŋi qahö mal öŋgömawi, yaŋön ambazip kambuŋi kambuŋi neŋön urunini melenŋa Buŋa keu möt nariba tem köla malbingöra mötza. Miaŋgöra nup kewö membingö jim kutum neŋgiyök, “Inini mönö anda gölme dop liliköba Buŋa keu jim asariba malme.” Keu miaŋgö dop neŋön Buŋa keu mi ambazip kambu pakpak mötmegöra jim asariba malin.

²⁷ Anutu nanŋök mötkutukutu Tonji akzawi, neŋön mönö Jisös Kraistkö qetŋe yaŋgö qetbuŋaŋi möpöseininga nalö teteköŋi qahö aködamunŋambuk ahöm öŋgöba ahöma. Keu mi ölna.

Korint Kimbi 1 **Polnön Korint yeŋgöra Kimbi mutukŋi alök.** **Jim-asa-asari**

Polnön misin nup memba liliköiga indimŋi yahöt ahöi Grik siti Korint miangören anök. Korint mi Akaia prowinsgö siti bohonŋi. Miangö kösohotŋi mi (Apo 18.1-6) eka oyoŋme. Nalö miangören Korint mi siti keta bölökŋi. Bisnisŋini kōnaŋi kōnaŋi gwōtpuk ala meget. Korint yeŋön tandö lopionŋ aka bem kōnaŋi kōnaŋi waikŋini memba möpöseiba malget. Mōnahotŋini kōnaŋi kōnaŋi ala sōŋgaiget. Gwōtpukŋan serowilin aka malget.

Kimbi ki kewögöra ohoyök: Polnön misin nup memba liliköiga indimŋi karöbut ahöi Efesus sitinönŋ maliga tosatŋan Korintnöhök kaba sutŋine lömböt asuhuyöhi, miangö buzupŋi jigetka mörök. Lömböt tosatŋi kewö: Urumelenŋ kambu yeŋön denŋa sim-bisembel malget (1.10–4.21), serowilin laŋ aket (5.1-13), awanöm malmalgö kōnaŋan sohayök (Boŋ 7), tandö lopionŋö bau nenegö goranora aket (Boŋ 8), semön töröŋi nenegö eŋololonŋ aket (11.17-34), zioz malmalgö areŋ qahö wuatangöba ilingösöŋ malget, kantri tosatŋangö keuŋi keuŋi aonŋit aka jiget (12-14). Tosatŋan keu kewö jiget: “Kömugeri, yeŋön kunbuk qahö wahötme.” (15.12-33) Korint yeŋön kimbi kun mewöyök ohogetka Polgören kayöhi, miangörenŋ qeŋesi tosatŋi al waŋgiget, (mi 7.1; 8.1; 12.1; 16.1 miangörenŋ oyoŋman).

Polnönŋ qeŋesiŋini mi melenŋa lömbötŋinanŋö qambaŋ keu eŋgiba kimbi ki ohoyök. Urukalemŋö keu (Boŋ 13 mi qetpuk sorokŋi. Kōnaŋgep nanŋak Korint anda eŋgekmanŋö keuŋi jiba ohoyök (16.5-7).

Buk kiangö bahöŋi bohonŋi 8 mi kewö:

Jim-asa-asari keu 1.1-9

Denŋa kambuŋi kambuŋi malget 1.10–4.21

Serowilin aka awanöm malmal 5.1–7.40

Urumelenŋö aka urumelenŋö kopa malmal 8.1–11.1

Urumelenŋ malmal aka möpömöpösei areŋ 11.2–14.40

Kraist aka körek neŋön kömupnöhök wahötpin 15.1-58

Judia urumelenŋ kambu yeŋgöra naluk alget 16.1-4

Polgö areŋi aka yaizözkök keuŋi teteköŋi 16.5-24

¹ Kraist Jisösnönŋ Pol ni noholiga Anutugö jittangö dop melaimelai azi aposol akzal. Nöŋön urumelenŋ alani Sostenes yambuk tatzit.

² *Anutugörenŋ kōnagesö Korint sitinönŋ maljei, nöŋön embuk Buŋa keu eraum mötpingöra kazal. Kraist Jisösnönŋ inŋini eŋgoholiga yambuk qekötahögetka tök kutum eŋgiiga sarakŋi akze. Mewöyök ambazip denike yeŋön gölme dop Kembunini Jisös Kraistkö qetŋi qeta köulukögetka i aka nini mohok kembu ak neŋgimazawi, mönö körek eŋgöra Buŋa Kimbi ki ohozit.

³ Anutu Iwinini aka Kembu Jisös Kraist yetkōn mönö kalem möriam eŋgiyohotka luainönŋ malme. Mewö.

Polnönŋ Korint yeŋgöra Anutu kewö möpöseiza:

⁴ Inŋini Kraist Jisösbuk qekötahöba kingetka Anutunönŋ kalem möriamŋi eŋgiyöhi, miangöra mönö nalö dop eŋgöra Anutuni saiwap jiba möpöseimakzal. ⁵ Inŋini Kraistpuk qekötahöba kingetka nup memegö mötmöt kalemŋi kelenmalelenŋ eŋgiiga mötmöt kōnaŋi kōnaŋi buŋa qem aŋguba ölop Buŋa keugö kōnaŋi pakpak jimakze.

⁶ Nini Kraistkö kōnaŋi nanŋöba jiinga keu miangö ölnan ahuba köhöii kinjeangö dop mötmöt kalem pakpak mi eŋgiyök. Miangöra Anutu möpöseimakzal. ⁷ Miangöra nup

* 1:2: Apo 18.1

memegö mötmöt kalem kungöra qahö osiba kinda Kembunini Jisös Kraistnöj kunbuk asuhumapköra mambörakze.

⁸ Kembunini Jisös Kraistnöj mem köhöim enjiiga nalö teteköje aukje asuhumawi, nalö mianjörej injini solanji aka keunji qahö kinda i ekje. ⁹ Anutunöj keunji törörök wuatängöba bauköm engimakja. Yanön injini nanji Nahönji Jisös Kraist Kembuninambuk toroqeba malmegöra engoholök. Mewö.

Könagesöjnan denja kambunji kambunji ala kinje.

¹⁰ O urumelenj alaurupni, nöjön Kembunini Jisös Kraistkö qetje kewö uru kuŋgum engizal: Injini mönö körekjanök urumohot aka sutjine jujul kude aka malmemö, urujini mindirigetka mohot aiga mötmöt mohot wuatängöba malme. ¹¹ O urumelenj alaurupni, injini sutjine angururuk gwötpuk aka maljei, mianjö buzup keunji ambi Kloegö saiwaurup tosatjan mönö jigetka möral.

¹² *Kewögöra mi jizal: Engörejök tosatjan kewö jimakze, “Nejön Polgö keunji wuatängömakzin.” Tosatjan “Nejön Apologö keunji wuatängömakzin,” jimakze. Toroqeba tosatjan kewö jimakze, “Nejön Pitögö keunji wuatängömakzin.” Dumje kunbuk tosatjan kewö jimakze, “Nejön mönö Kraistkö keunji wuatängömakzin.” ¹³ Kraistnöj jula gwötpuk ahök me? Pol nöjön mönö engöra aka maripomnöj kömuyal me? Pol nöngö qetne o melun mem engiget me? Mewö möt sohobepuk?

¹⁴ *Nöjön engörejök Gaius aka Krispus o melun mem etkialmö, tosatji mi qahö mem engialängöra “Anutu saiwap!” jizal. ¹⁵ Mianjöra “Polgö qetje o melun mem nengiget,” kunjan keu omanji mewö jibapuk.

¹⁶ *O ölja, Stefanas aka yangö saiwaurupji mi mewöyök o melun mem engialmö, yengö andöhine kun o melun mem wanjal me qahöpto, mi törörök qahö mötzal. ¹⁷ Kraistnöj ni ambazip o melun mem engimangöra aka qahö melaim ningiyökmö, Ölöwak Buja jim sehimangöra jiiga anda kamakzal. Kraistnöj nengöra aka maripomnöj kömuyöhi, nup mianjö ösumjan eta omanji akapuk. Mianjöra Buja keu mi gölme azigö mötkutukutu qakje lan qahö jimakzal. Mewö.

Kraistnöj Anutugö kukösumji aka mötmöt arenji indelök.

¹⁸ Ambazip könöp siagö bujaya akjei, yjön maripomnjängö Buja keunji möta mianjöra mötket uruqahö keuya akza. Mewö akzapmö, Suepkö bujaya akzini, nengöra keu mianjön mönö Anutugö kukösumji indeli mörakzin. ¹⁹ *Mianjö keunji Buja Kimbinöj kewö ohoget ahöza,

“Nöjön mötmöt ambazip mötkutukutuŋini köndenbiga sohoma.

‘Möt asarim yakömakzin,’ jimakzei, yengö mötmötjini mönö mem sohobiga söörauba omanji akja.”

²⁰ *Mötkutukutu ambazip ölji mi denike malje? Buk oyoŋda mötmötkö könanji mi-wikjaigeri, mi denike? Gölmönöj jitnakölikö böhi aka keu melenqelenja jimakzei, mi mönö ölja qetpuk akze me? Gölmönöj mötkutukutu ketanji ahözawi, Anutunöj mönö mi mem kaheiiga (sahahaiiga) uruqahö mötmöra akza. Keu mi ölja.

²¹ Anutunöj nanji mötkutukutuŋängö dop gölmenöj malmalgö arenji alökmö, ambazipnöj nanjini mötkutukutuŋine nanjöba mewö mianjön Anutugö könanji möt kutubingö osiba tönpin malget. Osiba mala Kraistnöj maripomnöj kömuyöhi, mianjöra “Uruqahö keuya!” jiba mötketmö, Anutunöj Buja keu mi nejön jim sehibingöra jiyök. Mi jim asariinga denike yjön urujini melenja möt narizei, mi dom-amöt qem engimangö möri dop kölök. ²² Juda yjön aiwesök angöletot asuhumegöra kapan kölakzemö, Grik kantri yjön mötkutukutuŋinan sehimapköra jarumakze.

* 1:12: Apo 18.24 * 1:14: Apo 18.8; 19.29; Rom 16.23 * 1:16: 1 Kor 16.15 * 1:19: Ais 29.14 * 1:20: Job 12.17; Ais 19.12; 33.18; 44.25

²³ Mi jarumakzemö, neñön Kraist maripomnöñ qeget kömuyöhanğö Buña keuñi jim sehimakzin. Juda yeñön keu mi mötketka uruñini böliiga mianğöreñ qaköba uruñini qahö melenmakze. Kian kantri yeñön mianğöra mötketka uruqahö keuya akza.

²⁴ Gwötpukñan mewö mötzeñö, Anutunöñ neñgoholi urunini melenñini, neñğöra Kraistnöñ möñö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk qekötahöba kinda mohot akzin.

²⁵ Ambazip neñğö mötkutukutunini aka ösumnini mi eretñi. Anutunöñ uruqahö akawak, mianğön möñö töndup ambazip mötkutukutunini oñgita öñğöñğöñi ketañi akawak. Anutunöñ lölöwöröñi akawak, mianğön möñö töndup ambazip ösumnini oñgita köhöikñi kötökñi akawak.

²⁶ Urumelen alaurupni, nannñini könañini denöwö ahöiga Anutunöñ eñgoholöhi, mi mötmöriget? İñini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñañinambuk qahö malget. ²⁷ Mewö qahöpmö, gölme ambazipnöñ eñğöra mötketka uruqahö ambazip omanñi akzei, Anutunöñ möñö iñini mewöñi möwölöhöm eñgiyök. Gölmegö mötmöt ambazip ipñi mi gamu qem eñgiyök. Gölme ambazipnöñ eñğöra mötketka lölöwöröñi akzei, Anutunöñ möñö iñini mewöñi möwölöhöm eñgiyök. Gölmegö kukösum ambazip ipñi mi gamu qem eñgiyök.

²⁸ Gölme ambazipnöñ jijiwilit ak eñgiba könañinangöra mötketka etqegeñi akzei, Anutunöñ möñö iñini mewöñi möwölöhöm eñgiyök. Gölmeneñ yeu ai akzei, yeñğö qetbuñañini mem solanii qahöwakñapköra yeu ai kun qahö akzei, möñö mi möwölöhöm eñgiyök.

²⁹ Kunöñ Anutugö jemesoholñe silenñi memba öñğöbapüköra möñö mewö meköba möwölöhöm eñgiyök. ³⁰ Anutunöñ nam köl eñgiba eñguanğiriga Kraist Jisösbuk qekötahöba mal köhöimakze. Yeñön Anutugö mötkutukutuñi qainñi kun indeli mörakzin. Kraistnöñ sohopenñini memba keunini jim teköi solaniba maljñi aka tök kutum neñgiiga sarakñi akzin. ³¹ *Buña Kimbinöñ keu kewö ohoget ahöza, “Kunñan silenñi memba öñğömawi, yeñön möñö Kembu möt wañgizawañğöra aka silenñi mem öñğöma.” Keu mianğö dop ahinga dop kölma. Mewö.

2

Kraist maripomnöñ kömuyöhanğö keuñi jial.

¹ Urumelen alaurupni, nöñön eñğöreñ kaba Anutugö könañi nañğöba jim asarim eñgiali, mi keuni nahöm sorokñambuk akñapköra qahö jiba malal me gölmegö mötkutukutu öñğöñğöñi kondela mianğön silenñi qahö memba öñğöba malal. ² Nöñön eñğö sutñine mötmöt murutñi pakpak gorañe ala Jisös Kraistkö keuñi aka maripomnöñ kömuyöhanğö könañi miyök möt kutuba mi jim sehimangö keu jöhöyal.

³ *Keu mewö jöhöba eñğöreñ kayali, nalö mianğöreñ azi lölöwöröñi aka jönömni gwötpuk undui keñğöt qakñe malal. ⁴ Nöñön Buña keu jim asarim eñgiali, mi mötkutukutu ketañanğö kelök keuñi qahö jiba malal. Mi qahöpmö, Uña Töröñan sölölohöm eñgii ösum-mumuñan uruñine inahömapköra kapan köla jiba malal. ⁵ Gölme ambazipkö mötkutukutuñinan qahöpmö, Anutugö kukösumñan nam köl eñgiiga möt narimeğöra kapan köla malal. Mewö.

Uña Töröñanğö mötkutukutu mi qainñi kun.

⁶ Nöñön töndup urumelen alaurup aködamunñinambuk maljei, yeñğö sutñine tatpiga Anutugö mötkutukutuñi gegenñi mi ölop eraum mörakzin. Gölmegö mötkutukutuñi mi qahö eraum mörakzin. Gölmeneñ gölmeneñ galöm köl eñgiba malgetka kukösumñinan qahöwakñawi, yeñğö mötkutukutuñini mi mewöyök qahö eraum mörakzin.

* 1:31: Jer 9.24 * 2:3: Apo 18.9

⁷ Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga miangöreñ mönöwök qeljiñe lök areñi kewö ala jöhöyök, “Ambazipnöñ bian ahuba aködamun miwikñaiba oyaenköyaen akñegöra mönö mötkutukutuni qainñi kun mi engimam.” Mewö jiba tölapñe ali ahöyök. ⁸ Gölmegö azi kembuñi kembuñi mala kotkeri, yengöreñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹* Mötkutukutu qainñi kun miangöra keu kewö ohoget ahöza, “Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wañgimakzei, yengöra mi mönö mözözömgöiga jöjöröba ahöza.”

¹⁰ Gölmegö ambazip yuai mi qahö möta jipjap malgetmö, Anutunöñ mi mönö Uñañi melaiiga neñgöra indeli mörin. Yañön keu pakpakö könañi jaruba miwikñaimakza. Anutugö mötmöt gegeni mewöyök möt teközawañön mönö mi sölölohöm neñgiiga mörin.

¹¹ Kungö uruñi kunöñ qahö mötza. Uruñañgö uñañi yañönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yañönök mi möt yaköza. ¹² Neñön gölmegö ahakmeme bölöñañgö ömeñi kun qahö buña qem anguinmö, Anutunöñ yuai kalem neñgiyöhi, miangö könañi mötpingöra mönö nanñi Uñañi melaii urunine geiga maljin.

¹³ Miangö könañi gegeni tokoba eraum mörakzin. Gölmegö ambazipnöñ mötkutukutuñinañgö qakñe keu kusum neñgigetka miangö dop mi qahö eraum mörakzin. Mewö qahöpmö, Uña Töröñan keu kusum neñgiyöhi, miangö dop mönö urugö keu ölni kewöringa sölölohöm neñgii jim asarimakzin. ¹⁴ Uña Töröñan sölölohöm neñgiiga keu mi mewö kewöztzin ewö, könañi mönö miwikñaiba möt asaribinañgö dop akza. Miangöra Uña Töröñan denike yengö uruñine qahö mali öne lañ maljei, yañön Anutu Uñañañgö buñañi mi möt añañön kölbinañgö osimakze. Yañön Buña miangöra mötketka uruqahö keu tandök aiga könañi möt asaribinañgö osize.

¹⁵ Yañön osizemö, Uña Töröñan sölölohöm neñgiza ewö, mönö keu pakpakö könañi kewöta jim teköbinañgö dop akzin. Mewö akzinmö, urumelen ambazip kungö könañamñi mi gölmegö ambazip köreñan törörök jim teköbinañgö osimakze. ¹⁶* Miangö könañi mi Buña Kimbinöñ kewö ohoget ahöza, “Kembugö urumötmötñi mi azi kunñan kun qahö mörök. Miangöra kunñan i goro qambañ wañgimawañgö dop qahö.” Kunñan mi qahö mörökmö, neñön Kraistkö urumötmötñi memba maljin. Mewö.

3

Anutugö nup meme ambazip

¹ O urumelen alaurupni, inini namande ewö Kraistpuk qekötahöba kinget. Miangöra nöñön inini gölmegö ahakmeme mötöteimakzeañgö tandök malgetka Buña keu mi jim asarim engiba sutñine malal. Uña Töröñan sölölohöm engii maljeañgö tandök ewö engöra jimangö osiba malal. ²* Nöñön keu möt asarimeañgö dop juzu onji ewö gumohom engiba malal. Nene ölni nembinañgö dop qahö akerangöra keu gegeni mi qahö engial. Nalö miangöreñ nene ölni nembinañgö osiget aka nalö kewöñe mewöyök mi ölop qahö nemakze.

³ Inini toroqeba gölmegö ahakmeme bölöñi mötöteiba malje. Inini urunöñ mututqutut möta angururuk aka keu jijnöñ nonjitröñ gonjitröñ ahakze. Mewö aketka uru silegö sihim kömböñañini bölöñan galöm köñ engiiga urumelenñgö kopa ambazip omanñi yengö tandök ahakze. ⁴* Tosatñi inini kewö jimakze, “Nini Polgö keuñi wuatangömakzin.” Tosatñan kewö jimakze, “Nini Apologö keuñi wuatangömakzin.” Mewö mewö jiba mönö gölmegö ambazip omanñan ahakzeañgö tandök aka malje.

* 2:9: Ais 64.4 * 2:16: Ais 40.13 * 3:2: Hib 5.12-13 * 3:4: 1 Kor 1.12

⁵ Apolosnön ninia akza aka Pol nönön ninia akzal? Niri mönö Anutugö nuwa memba maljit. Kembunön nanjik nanjik netköra nup netkiyöhi, miangö dop bauköm engiziga uruñini melenđa Kembu möt nariba malje.

⁶*Nönön kötñi kömötpiga Apolosnön o memba kaba miangören mokoyökmö, Anutunön mönö meiga töhötmöriam asuhuyök. ⁷ Miangöra kömöröhi, yañön qetñambuk qahö akza. O mokoyöhi, yañön mewöyök qetñambuk qahö akzapmö, Anutunön kötuetsköiga töhötmöriamñi kota qarimakzei, yañönök mönö qetbuñambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanjök nanjök membit.

⁹ Netkön Anutugö nup neñakyahötñi aka yambuk nup memakzit. Engö uruñini mi Anutugö arö ewö aiga kölkömöt nupñi miangören memakza. Anutunön miri ewö uruñini inahöba mindirim engiiga köhöiba wahörakze. ¹⁰ Anutunön kalem möriam niñgiyöhi, nönön miangö dop miri memegö mötmöt azi ewö aka Anutugö tandö kömbönañi uruñine kuñguba kömötpiga kunön miangö qakñe miri memakza. Ölop memakzapmö, mohot mohot neñön mirigö nupñi ölopñanök membinangö dop akzin. Ek kutuba membingöra mönö je galöm mem angubin. ¹¹ Urugö tandöñi mi Jisös Kraist. Nönön mi lök uruñine kömötpiga kunñan mötnaripkö tandö kun miwikñaimangö osima.

¹² Tandö mohot akzapmö, miangö qakñe tosatñan miriñini goul silwönön me köt ölninambuk tosatñi miangön memakze. Tosatñan miriñini ip kösönön, tömbö bohom sinñan me señgwenön memakze. Siliknini mewö me mewö memakzin ewö, ¹³ urugö nupninañgö ölnan mönö inanñök inanñök aukñe asuhuma. Kembunön nalöñan kam kuñguiga miangören mönö mirigö esuñi luluñma. Miri esuninan mönö Anutugö könöp bölamñan asuhuiga jeba eriga ölnan aukñe ekingö dop akña. Könöp miangön mönö mohot mohot neñgö mirininangö tandökñi ölni mi esapesapnön ala kewötma.

¹⁴ Könöpnön jeba miri pakpak kewöt engiiga megetka ölninan köhöiba kinme ewö, yeñön mönö nupñinañgö töwañi buña qem angume. ¹⁵ Tosatñan miriñini megetka ölninan jeba etme ewö, yeñön mönö töwa qahöpmö, geñmororon miwikñaima. Mi miwikñaimemö, nanñinak töndup Suepkö buñaya malme. Könöp bölamnön jem engohoiga miangö tandök ongitpingö jaram tiba kök alal ewö aketka Anutunön meköm engiiga Suepnön öngöme.

¹⁶*Nanñinak Anutugö Buña jike (tempöl) aketka Anutugö Uñan uruñine maljawi, mi mötze me qahö? ¹⁷ Anutugö Buña jikenñi mi kömbukñi akzawi, miangö dop eñön sarakñi akze. Miangöra kunñan Anutugö jike mem böliza ewö, Anutunön mönö i nanñi mem bölim wañgima.

¹⁸ Kunñan nanñi gölmegö mötmötñi wuatangöba tilipköm angubapuk. Engö sutñine kunñan nanñangöra möri “Gölmegö mötkutukutu öngöngöñi memba maljal,” jiza ewö, yañön mönö mutuk uruqahö aka mewö miangön mötkutukutu ölni miwikñaiabawak.

¹⁹*Anutunön gölmegö mötkutukutu öngöngöñi miangöra möri uruqahö keuya akza. Miangö keuñi Buña Kimbinön kewö ohoget ahöza, “Anutunön mötkutukutu öngöngöñi memba maljei, mi gwaröhöm engiiga nanñini mötmöt imbi-imbinön supapköba qaköme.”

²⁰*Miangö keuñi kun kewö ahöza, “Kembunön mötkutukutu ambazip yeñgö mötmöt areñinañgöra möri omanñi akza.” ²¹ Miangöra engörenök kunñan mönö ambazip neñgöra aka silenñi memba wahötpapuk. Körek neñön mönö engö buñaya akzin.

²² Pol, Apolos, Pitö* neñön mönö engö buñaya akzin. Ambazip gölme dop maljini, neñön mönö körek engö buñaya akzin. Miangöra ölop keu mi me mi kewöta memba mewö miangön malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könangep nup meme ambazip malmei, yeñön

* **3:6:** Apo 18.4-11.24-28 * **3:16:** 1 Kor 6.19; 2 Kor 6.16 * **3:19:** Job 5.13 * **3:20:** Sum 94.11 * **3:22:** Pitö qetñi alañi Sifas

mönö mewöyök enğö buñaya akñe. ²³ Mewö ak engizimö, enjön Kraistkö buñaya aketka Kraistnöñ Anutugö buñani akza. Mewö.

4

Nini Kraistkö aposolurupñi akzin.

¹ Mianğöra ambazip körekñan mönö neñğöra kewö mötketka dop kölma: Kraistnöñ jim kutum neñgiiga nupñi memakzin. Anutunöñ keuñi tölapñi neñgiiga buñanini aiga galöm kölakzin. Neñön miri galömñangö tandök ewö akzin. ² Galöm yengö tonjan miri yuaini galöm kölmegöra böröñine aljawi, yañön mönö keu bohonñi kewö kapañ köla jim kutum engimakza, “Nupñini mönö misila pöndañ memba malme. Memburik-qemburik kude akñe. Mewö miwikñaim engibiga dop kölma.” ³ Korint enjön me gölmegö keu jake kungö galömñan ni kewöta jim teköm niñgibeak ewö, nöñön mönö keu mianğöra mötpi eretñi kötökñi akza. Nanak mewöyök nani keuni qahö jim teközal. ⁴ Uruni kewöta keu kun qahö mötpiga mem lömbörim niñgizapmö, mianğöra töndup solanñi qahö akzal. Ambazipnöñ qahöpmö, Kembunöñ mönö nöñgö keuni kewöta jim teköm niñgimakza.

⁵ Mianğöra inñi mönö nalö kewöñe kungö keuñi kun mi kude jim teköme. Kembunöñ nalöñi ali kam kuñgumapköra mönö mambötme. Mamböta malgetka mianğöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañön kaba ambazip urunini mem asariiga könañamnini ölnan aukñe ekñangö dop akña. Könañamnini ölni eka mohot mohot kewöt neñgiiga Anutunöñ mönö mianğö dop nalö mianğöreñ möpöseim neñgibawak.

⁶ O urumelen alaurupni, inñi jula jakbak-öranbörañ aka lañ likeplikep arönda kinda qetal anğumakze. Mewö malbepuköra mönö Apolos niri mötmörim netkiba nanñini imbi-imbi mosöta keu kianğö könañi mötme, “Buña keu ohoget ahözawi, mi mönö kude onğitme.” Keu mi mötket urunine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷ Gölmegö kunñan mönö qahö mem letot gihiiga tosatñi enğonğita qainñi kun akanak me qahö? Mi qahö. Yuai pakpak ahöm gihizawi, mi mönö Anutunöñ kalem gihiiga buña qem anğunöñ me qahö? Mi kalema buña qem anğunöñ ewö, mönö wuanöngöra kalem qahöpkö tandök ewö silegi memba öngömakzan? Mi qahö dop kölja.

⁸ Yuai pakpak memba malbingö sihimñi mötzei, mi mönö lök ahöm engim teköza. Anutunöñ Suet köweneyök kalemñi kalemñi mokom enğiiga lök simbawon akze. Neñön qahö bauköm enğiinga nanñinak töndup mötnaripkö azi kembu tandök akze. Nanñinağöra mewö mötmörim anğuze. O enjön ölna kiñ aketka dop kölbowak. Mewö aketka neñön mönö mewöyök azi kembu-urupñini aka enğö qöhöröñine ölop silenini memba öngöba aiweliköm anğubinak. Nöñön mewö akingö sihimñi mötzal.

⁹ Nöñön mewö mötzalmö, nanini könañamnini eki tandök kewö akza: Anutunöñ aposol nini al neñgiiga ambazip jeñine etqeçenñi töhön aka maljin. Ambazip enğugot kömumegö jim tekögerangö tandök aukñe anda kainga lañ qeta gamu qem neñgimakze. Yuai ehokñi qainñi kun ahinga gölme dop miengö tonji aka Suet jakenñi jakenñi miengö pom garatanñi mienñön mönö jeñinan neñgek kutuba neñgehimakze.

¹⁰ Kraistköra aka uruni sohoi maljali, nöñğöra mewö jimakzemö, enjön Kraistpuk kinda mötmöt ambazip aködamunñinambuk akzeangö tandök akze. Nöñön lölöwöröñi akzalmö, enjön “Ambazip köhöikñi akzin,” jize. Ambazipnöñ inñi göda qem engimakzemö, nöñğöra mötket eriga jijiwilit ak niñgimakze. ¹¹ Nalö dölkewöñe mewöyök nenegö kömumba ogöra ak neñgiiga opo walñi jujuratñi löngöta malinga binnöñ lañ enğugotka dum mirinini qahö mala toroqeba anda kamakzin.

12 *Nanini börönanan sileqege tandök nup memakzin. Ambazipnöḡ laḡ qesuahöm neḡgimakzemö, neḡön mönö kötuetköm eḡgiba yeḡgöra köulukömakzin. Sesewerowero ak neḡgimakzemö, neḡön mönö mi möta mökösoḡda kapaḡ köla maljin. 13 Uruqege keu töhöreḡ jim neḡgimakzemö, neḡön mönö guḡböḡjöḡjöḡ qakḡe ösoḡnöḡ melenḡmakzin. Neḡön gölmegö nesak lömḡaḡgö tandök ewö ahinga gölmeḡi gölmeḡi yeḡön sisitnini memba andö qem neḡgimakze. Mewö mala kota nalö dölkewöḡe mewö toroqeḡa maljin.

14 Gamu qem eḡgimangöra keu ki qahö ohozalmö, wölböt nahön böraturupni ewö mönö goro qambaḡ eḡgimangö mötzal. 15 Mötnaripkö böhi 10.000 yeḡön Kraistpuk qekötahöba köyan köla kusum eḡgibeak ewö, mi töndup nöḡön mönö Kraist Jisösbuk qekötahöba Ölöwak Buḡa jim asariba iwiḡini akiga uruḡini melenḡet. Mianḡöra iwiurupḡini gwötpuk qahö malje.

16 *Mianḡöra uruḡini kewö kuḡgum eḡgizal: Nöḡön silik ahakzali, mianḡö dop eḡön mönö nöḡgö silikni mi wuatangöba malme. 17 Nöḡön silikni Kraist Jisösbuk qekötahöba aka memba gölmeḡi gölmeḡi liliköba urumelenḡ könagesö dop kusum eḡgimakzali, mianḡöra mönö ölum eḡgubapuk. Nöḡön mianḡöra aka wölböt nahöni Timoti melaibiga eḡgöreḡ kama. Yaḡön nömbuk pöndaḡ mala Kembubuk qekötahöba kinda kaba könaḡamni jiba kölm eḡgima.

18 Eḡgöreḡök tosatḡan nöḡön eḡgöreḡ qahö kabilenḡak ewö möta silenḡini möpöseiba jakbak-öraḡböraḡ aka laḡ malje. 19 Mewö maljemö, Kembunöḡ sihimḡan ni kamangö mötma ewö, mönö ösumök eḡgöreḡ kamam. Kamami, nalö mianḡöreḡ jakbak-öraḡböraḡ ambazip yeḡgö kukösumḡinaḡgöra qesim eḡgibiga jim miwikḡaigetka mötmam. Silenḡini memba wahöta keu ketaḡi ketaḡi laḡ jimakzei, mianḡön nöḡgöreḡ eretḡi akza. 20 Anutugö bemtohoḡ mi keuyök jijigö yuaia qahöpmö, öḡḡi mi Anutugö kukösum. Mianḡön mönö nam kölm neḡgiza.

21 Mianḡöra uruḡini qahö melenḡa laḡ malme ewö, nöḡön mönö kömbin memba kaba keunöḡ eḡgohotirimam. Uruḡini melenḡme ewö, mönö uruböḡjöḡ qakḡe urukalem ak eḡgimangöra kamam? Keu yahöt mi kewöta nöḡgöra sihimḡini denöwö mötzei, mi möt kewöta jime. Mewö.

5

Kunöḡ serowilin ahöhi, i mönö sutḡineyök közölme.

1 *Keu kun kewö jigetka nöḡgö kezapne geyök: Tosatḡan urumelenḡ könagesö sutḡine serowilin ahakze. Kunḡan iwiḡaḡgö anöḡḡi memba malja. Serowilin mewöḡi mi urumelenḡgö kopa ambazip yeḡgö sutḡine mewöyök kun qahö ahöza. 2 Kunḡan mewö aiga iḡini töndup silenḡini memba öḡgöba laḡ jakbak-öraḡböraḡ ahakze. Mi qahö dop köljapmö, silikḡaḡgö wösöbiriknöḡ mönö mem kömum eḡgiiḡa dop kölbawak. Mewö aka ölöp azi siḡgisöndok mewö ahöhi, i mönö sutḡineyök közölgetka yaigep etma. I denöwö aka qahö közöljeje?

3 Nöḡön öḡḡa eḡgöreḡök körowen malbi sileni qahö nehakzemö, töndup uḡanan mönö embuk maljal. Kunḡan ahakmeme kanḡamḡambuk ahöhi, nöḡön lök yaḡgö keuḡi kewöta sutḡine maljalaḡgö tandök möta jim teköba kewö jizal: 4 Iḡini mönö Kembunini Jisösgö qetḡe totoko algetka nöḡgö uḡanan embuk toroqeḡa Kembunini Jisösgö kukösumḡan nam kölm eḡgiiḡa öroröḡ kinda keuḡi jiba mönö kewö jöhöme: 5 Satanöḡ silenḡaḡgö sihim kömbönaḡi bölöḡi qei etmapköra mönö andö qem waḡgiba yaḡgö böroḡe algetka mindiḡöm waḡgima. Mindingöm waḡgiiḡa löwöriba uruḡi melenḡi Anutunöḡ amöt qem waḡgiba Kembugö nalöḡe uḡaḡi meköḡa Suepkö buḡaya akawak.

* 4:12: Apo 18.3 * 4:16: 1 Kor 11.1; Fil 3.17 * 5:1: Dut 22.30

⁶ *Silenjini memba öngömakzei, mi ölöpnji qahö. Injini keu yahöt ki möt yaköze, “Yist kitipnji moröni obuk mindiriba plauanöñ alinga mem çariiga dis kokolak çemakza. Mewöyök bau wösö kömbukñan tingirakzawi, mianjön mönö busu pakpak mem bölimakza.”

⁷ *Keu mianjögö dop injini lök plaua dis saraknji ewö aketmö, siñgisöndokö yistnji kun mi ket ewö sutnjine kanjuta engöhömakza. Körek bölibepuköra mönö yistjni walnji mi kewöt uteköme. Azi mi wösö kömbuk ewö közöla mönö dumñe kunbuk yambu jenjeqe dölökñangö plaua dis saraknji ewö aka malme. Ak-kömukömu kendon nalöñe lama jöwöwöl ohoba beret yistnji qahö nemakzei, mianjögö dop Kraistnöñ nanine ak-kömukömu lamanini aiga lök çeget kömuyök. Mianjögöra injini ölöpn plaua dis saraknji yistnji qahö ewö akñe aka kunbuk oyaençkoyaen uruñe kanjuta malme.

⁸ *Kraist kömuyöhanjögöra mönö sösongai kendon aka malbin. Yist me wösö kömbuknji mi ahakmeme bölöñi injonmanjonambuk. Mianjögö çakñe mönö sösongai kendon kude akin. Mianjögöra mönö geñmonj mosöta keu ölnji wuatanjögöba beret yistnji qahö ewö aka mianjögö çakñe sösongai kendon aka malbin.

⁹ Nöñön Buja Kimbi ohom engiba kewö jial: Injini serowilin ahakzei, yembuk mönö kude köisirik tata eraum mötme. ¹⁰ Gölmenöñ uruñini qahö melenja ahakmeme bölöñi ahakzei, yeñgöra keu mi qahö ohoyal. Yeñön serowilin aka yuaigö nepaçepalok membagan membingö köpösöngömakze. Yuai kalöpköba yonçorö memakze aka tandö lopionj waikñini memba möpöseim engimakze. Yeñgöra aka mewö ohom engibileñak ewö, injini mönö gölmenöñ malbingö osibeak.

¹¹ Yeñgöra aka qahöpmö, könañi kewögöra keu mi ohom ençjal: Kunñan nanñi çetnji urumelenj ala jiba töndup serowilin akza me yuaigö nepaçepalok membagan memangö kösösöngömakza me tandö lopionj waikñi memba möpöseimakzawi, yambuk mönö kude köisirik tata eraum mötme. Mötnarip kambu engö sutnjine kunñan mepaçepaik ahakza me o köhöikñi nempa ençololöñ ahakza me yuai kalöpköba yonçorö memakza ewö, yambuk tata nene kun kude neme.

¹² Yaigep maljei, nöñön yeñgö keuñini qahö jim tekömakzal. Mi nöñgöreñ nuwa qahö. Injini mewöyök könagesö pakpakö keuñini qahöpmö, uruñini melenja sel uruñe maljei, mönö yeñgö keuñini miyök kewöta jim tekömakze. ¹³ *Yaigep lañ maljei, Anutunöñ mönö yeñgö keuñini kewöta jim teköma. Mianjögöra mönö Buja keu kianjögö dop akñe, “Azi bölöñi mi mönö sutnjineyök közölme.” Mewö.

6

Urumelenj alanjini mi yaigep yeñgö keu jakeñe kude alme.

¹ Urumelenj ambazip sutnjine kunñan alanj keu jakeñe almangö mötza ewö, yanjön Anutugö ambazip saraknji engonçita ambazip gonçonji yeñgö jeñine aniga qahö dop kölja. Qahö! Urumelenjögö kopa ambazip bauköm wançimegöra çesim ençiiga gamuñambuk akza. ² Anutugö ambazip saraknji neñön kantriñi kantriñi yeñgö keuñini kewöta jim teköbini, mi lök mötze. Injini gölme pakpak yeñgö keuñini jim teköbingö dop akze ewö, mönö denöwö aka keu morömorö kewöta jim tekömeanjögö dop qahö akze? Injini mönö ölnja mianjögö dop akze. ³ Urumelenj ambazip neñön Suep garataurup yeñgö keuñini kewöta jim teköbini, mi lök mötze. Mianjögö dop akzin ewö, gölmenöñ malmalgö keuñi mi mönö amçeba kewöta ölöpn jim tekömakin.

⁴ Mianjögöra gölmenöñ malmalgö keuñi sutnjine asuhumakzawi, keuñini mi mönö wuanöngöra silene yeñgö keu jakeñe öngöba jim tekömegö çesim engimakze? Urumelenjögö kopa ambazip sutnjine jijiwilit ak engimakzei, yeñgöra töndup keu nalöñe mötketka öngömakza. Mi qahö dop kölja.

* 5:6: Gal 5.9 * 5:7: Eks 12.5 * 5:8: Eks 13.7; Dut 16.3 * 5:13: Dut 13.5; 17.7

⁵ Keu mi gamu qem engimangöra jizal. Mötnarip ambazip engö sutnjine keu ahözawi, engörenök kungö mötkutukutuñi dop köliga keu mi ölop jim tekömawanğö dop akza me qahö? Mönö ölop sutnjineyök azi mewöñi miwikñaime. ⁶ Qahö tandök aiga urumelenj ala kunöñ alañi sileñe yeñğö keu jakeñe alakza. Mewö ala ambazip Anutu qahö möt narizei, mönö yeñğö jeñine anda keu nupköra qesim engimakza. Mi qahö dop kölja.

⁷ Sutnjine keu jakeñe al angumakzei, mewö mianjön mönö nanñini eta enğuiga Kraistkö qetbuñanjan lök eretñi aiga malje. Ambazipnöñ ak bölim engigetka uruñini mianğöra wahöri keunöñ al engigetka Anutugö jeñe qahö dop kölja. Tilipqilip aka yuainjini öröba megetka injini likepñi qahö melenj engigetka mewö mianjön Kraistkö könanjan mönö aködamunñambuk akña.

⁸ Injini Kraistkö qetñi kewö mem bölimakze: Mönö nanñinak tilipqilip aka ambazip ak bölim engiba yuainjini öröba memakze. Urumelenj alaurupñini yeñğöra mewöyök mewö ak engimakze.

⁹ Irimqirim ambazip yeñön mönö Anutu bemtohoñangö uruñe öngöba dum qahö meme. Mi mötze. Ahakmemeñinan mönö tilipköm anguba janjuñ akepuk. Tosatñan serowilin aka tandö lopionj waikñini memba möpöseimakze. Tosatñan awanöm malmal onğita qesabulum ahakze. Tosatñan monengöra lañ amimba malje aka azi nanñirök ambi nanñirök amimba malje. Mewöñi mienjön mönö Anutu bemtohoñangö buñañi qahö akñe.

¹⁰ Tosatñan yonğorö memba yuaigö nepaqepalok membagan membingö köpösöngömakze. Tosatñan o köhöikñi memba enjololöñ aka lañ mepaqepaik ahakze. Tosatñan yuai kalöpköba yonğorö memakze. Ambazip mewöñan mönö Anutugö bemtohoñi buña qahö qem angume. ¹¹ Engörenök tosatñan mutuk mewö aka malgetmö, könanğep Kembunini Jisös Kraist buña qem angugetka sepñan sanğonđa tök kutum engiba yangö qetñe sarakñi aket. Mem solanim engiiga Anutuninangö Uñañan mönö inahöm engiiga diñgiba malje. Mewö.

Sileninan Anutugö jike kömbukñi akza.

¹² *Nöñön yuai pakpak ölop memamanğö dop akzalmö, yuai pakpaknöñ mönö qahö mem ölöwak niñgiza. Yuai pakpak ölop memamanğö dop akzalmö, yuai kunöñ kembu ak niñgibapuköra mönö galöm mem angumakzal. ¹³ “Nene mi neneyök. Mi kömonğokninanğöra aka ahöza. Kömonğoknini mi nene nein gemapköra aka ahöza.” Kunöñ mewö jibawakmö, Anutunöñ mönö nene aka kömonğok mi mohotñe jim teköi qahöwakñahot. Silenini mi serowilin akingöra qahöpmö, Kembugö nupñi memb-ingöra aka ahöza. Mewö ahöiga nanñak silenini ölöwakñapköra nene yuai neñgimakza. ¹⁴ Anutunöñ nanñi kukösumñan Kembu mem gulii kömupñöhök wahöröhi, yanñön mönö nini mewöyök mem gulim neñgii wahötpin.

¹⁵ Engö sileninan Kraistpuk toroqeba silenangö kitipñi akzei, mi mötze me qahö? Mianğöra nöñön Kraist silenangö kitipñi kun memba köna ketañi ambibuk qekötahömam me qahö? Mi qahöpmahöp! Mönö yapmakek! ¹⁶ *Anutunöñ keuñi kewö jii ahöza, “Yetkön mönö sile mohot akñahot.” Mianğöra kunñan köna ketañi ambibuk qekötahözawi, yanñön mönö yambuk sile mohot akñahot. Mi mötze me qahö? ¹⁷ Mohot akñahotmö, kunñan Kembubuk qekötahözawi, yangö uñañan mönö Kembugö Uñañambuk mindiriiga mohok aka malmahot.

¹⁸ Serowilin mi mönö misiñğöba mosötme. Siñgisöndok tosatñi mi me mi ahakzini, mi pakpak mönö sileninanğö yaigepñe asuhumakza. Kunñan serowilin ahakzawi, yanñön mönö nanñi silenini mem böliba siñgisöndok ahakza. ¹⁹ *Sileninan mönö Uña Töröñangö Buña jikenji (tempöl) akza. Anutunöñ Uñañi engiiga buña qem angugetka uruñine malja. Mianğöra nanñini buñaya qahö akzei, mi mötze me qahö?

* 6:12: 1 Kor 10.23 * 6:16: Jen 2.24 * 6:19: 1 Kor 3.16; 2 Kor 6.16

²⁰ Nannini buņaya qahöpmö, Kraistnöŋ söngöröŋini ketanjan bohonņini meiga yanğö buņaya akze. Mianğöra silenjan mönö ahakmeme sarakņi aketka Anutugö qetbuņanjan sehimakņa. Mewö.

7

Awanöm aka gwabö seram malmal tatat

¹ Inini keu tosatņi ohoba qesigeri, mi jim asarimam. Azinöŋ ambi qahö memba gwaböya maljawi, mi ölop. ² Mi ölopņi akzapmö, silegö sihimņan sero yonğorö akepuköra inini mohot mohot mönö nannik nannik awanöm amemba malme. ³ Azinöŋ mönö anömņanğö sihimņanğö dop awanöm malmalgö arenji wuatanğöma. Anömņan mewöyök mönö apņanğö sihimņi wuatanğöba malma.

⁴ Anömņanğö silenjan mönö nannji buņanji qahö aiga nanņök mi qahö galöm kölakzapmö, apņan mi galöm kölakza. Apņanğö silenjan mewöyök nannji buņaya qahö aiga nanņanök qahö galöm kölakzapmö, anömņan mi galöm kölakza. ⁵ Mianğöra nanniri mönö kude anğön köl anğuba malmahot. Nanņirök urumohot aka pöndaŋ köuluk nup membitköra ölop nanņök nanņök malmahotmö, nalö tosatņi mewö malagun mönö kunbuk mindiriba mohotņe malmahot. Uruņiri ölop qahö galöm kölohotka Satanöŋ esapköm etkiiga siŋgisöndoknöŋ etpahotpuköra mönö mewö aka malmahot.

⁶ Mewö akņahotköra ölop jizalmö, jöjopaŋ keu mewöŋi mi qahö al engizal. ⁷ Nöŋön ambazip körek pakpak ni ewö gwabulum malmegöra mötzalmö, inini tosatņi Anutugö nup memegöra mötmöt kalem mewöŋi mi qahö memba malje. Anutunöŋ mötmöt kalemņi mendeņniga mohot mohot neņön mi me mi nanņök nanņök buņa qem anğuba maljin.

⁸ Awanöm qahö aka malö maljei, engöra kewö jizal: Eņön ni ewö toroqeba awanöm qahöpmö, solanņi malmei, mi mönö ölopņi akza. ⁹ Ölopņi akzapmö, awanöm akingö uruņini könöp jeiga malbepuköra mönö ölop awanöm aketka anğema. Mianğöra yeņön uruņini galöm kölbingö osize ewö, mönö ölop awanöm akņe.

¹⁰ *Awanöm maljei, engöra kewö jim kutuzal, nöŋönök qahöpmö, Kembunöŋ nanņak mönö keu ki jiza: Anömņan apņi kude mosötma. ¹¹ Mewö jizapmö, töndup apņi mosötma ewö, mönö azi kun kude memba öne malma me apņambuk kunbuk eraum möta urumohot aka malmahot. Mewöyök apņan anömņi kude mosötma.

¹² Mi Kembangö keuyapmö, awanöm tosatņi engö goronini mi Kembunöŋ qahö jizapmö, nanak mi kewö jizal: Urumelen azi kungö anömņan uruņi qahö melenđa töndup yambuk malmamgö mötzawi, yanğön mönö anömņi mi kude mosötma. ¹³ Mewöŋanök urumelen ambi kungö apņan uruņi qahö melenđa töndup yambuk malmamgö mötzawi, yanğön mönö apņi mi kude mosötma. ¹⁴ Mianğö könanji kewö: Kungö apņan urumelenğö kopa azia aiga Anutunöŋ i töndup urumelen anömņi qekötahözawaņğöra aka tök kutum waņgiiga sarakņi akza. Mewöŋanök kungö anömņan mötnariņi qahöpmö, urumelen apņi qekötahözawaņğöra aka Anutunöŋ i tök kutum waņgiiga sarakņi akza. Kunöŋ sarakņi qahö akawak ewö, nahönböratņiran mönö Anutugö sel yaigepņe malbeak. Mewö malbeakmö, Anutunöŋ mohotņe tök kutum engiyöhanğöra mönö sarakņi akze.

¹⁵ Sarakņi akzemö, kunņan qahö möt nariba apņi me anömņi mosötmamgö mötza ewö, mönö ölop mosötma. Mewö asuhuiga nöŋgö keunan urumelen alanini mi qahö jöhöma. Anutunöŋ inini luainöŋ malmegöra engoholök. ¹⁶ Ambi, gi apki uru kuņgum waņginöŋga uruņi melenđa me qahöwi, mi mönö denöwö mötpanak? Me azi, gi anömgi uru kuņgum waņginöŋga uruņi melenđa me qahöwi, mi mönö denöwö mötpanak? Mianğöra mönö luainöŋ malme. Mewö.

Anutunöŋ engoholöhanğö dop mönö toroqeba malme.

* **7:10:** Mat 5.32; 19.9; Mak 10.11-12; Luk 16.18

¹⁷ Kembunöŋ mohot mohot enĝö malmalŋini arenĝ aliga awanöm me solanŋi malgetka Anutunöŋ enĝoholöhi, mianĝö dop mönö toroqeba mala malmalŋinanĝö könani kude uteköme. Urumelenĝ könagesöŋi könagesöŋi liliköba miri dop mewö jim kutum enĝimakzal.

¹⁸ Anutugö aiwesökŋi azi kungö silenĝe yaŋdiget maliga mewö oholök ewö, mi mönö kutumamĝö kude kapanĝ kölma. Anutugö aiwesökŋi kungö silenĝe qahö yaŋdiget maliga mewö oholök ewö, mönö mi yandimeĝö kude kapanĝ kölma. ¹⁹ Anutugö aiwesökŋi silenine yandiget ahöza me qahöwi, mianĝön Anutugö jeŋe yuai omani akzapmö, jöjöpänĝ keunĝi tem köla wuatangöinga ölnĝi akza.

²⁰ Anutunöŋ enĝoholiga nalö mianĝörenĝ awanöm me solanŋi malgeri, inĝini mohot mohot mönö mianĝö dop toroqeba malme. ²¹ Kungö welenqeqe omani aknöhga Anutunöŋ goholök ewö, mianĝöra mönö waimanjat kude aka malman. Urugi melenĝda ölop solanŋi aka nup kun miwikŋaibanak ewö, mi mönö ölop miwikŋaiman me urugi amqeiĝa ölop toroqeba welenqeqe omani malman.*

²² Mi kewögöra: Kunöŋ welenqeqe omani aiga Kembunöŋ mewö oholi urunĝi melenĝniga sinĝisöndokŋanĝö kösöŋi pösariga solanŋi aka malja. Mewöŋanök kunŋan solanŋi aiga Kembunöŋ mewö oholi urunĝi melenĝniga nanŋi imbi-imbi qahöpmö, Kraistkö jitŋi tem kölmapkö kösönöŋ kinda welenŋi qeba malja. ²³ Kraistnöŋ bohonŋi ketanĝan söŋgöronĝini meiga maljeanĝöra mönö gölme ambazip yeŋö keu keŋgöt bapŋe anda welenqeqeŋini omani aka malbepuk. ²⁴ Mianĝöra urumelenĝ alaurupni, Anutunöŋ enĝoholiga nalö mianĝörenĝ solanŋi kösöŋini qahö me welenqeqe tonjanĝö kösö gwarönöŋ malgeri, inĝini mohot mohot mönö mianĝö dop Anutugö jeŋe toroqeba malme. Mewö.

Gwabö seram aka malö yeŋö goro keunĝini

²⁵ Ambi seram jömukŋi† enĝö goroya mi Kembunöŋ qahö jim kutui mötzal. Mianĝöra Kembunöŋ ak kömum niŋgiiga keuni lanĝ qahöpmö, möt nariget dop köljawanĝö dop jimakzali, mönö mianĝö dop kewöta nani mötmötnan kewö jimam:

²⁶ Kahasililinĝ nalöŋi dopdowizawanĝöra gwabö seram maljei, körek enĝön mönö mianĝö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömgi mosötmangö kude akŋan. Anömgi qahö solanŋi maljan ewö, mönö ambigöra kude jaruman. ²⁸ Töndup ambi memani, mianĝön mönö sinĝisöndokŋi qahö akŋa. Mewöŋanök ambi seramnöŋ azi memawi, yaŋön sinĝisöndok qahö akŋa. Sinĝisöndok qahöpmö, mewö akŋei, yeŋön mönö silenĝinan kahasililinĝ gwötpuk miwikŋaiba mötme. Enĝön mi mötpepuköra mönö anĝön köl enĝimamĝö mötzal.

²⁹ Mewö möta goro enĝizalmö, urumelenĝ alaurupni, keu kun kewö jimam: Kambu kamawanĝö nalöŋan törizawanĝöra aka ambi memba maljei, enĝön mönö mewöyök nalö kianĝörenĝök könahiba anömŋini qahö tandök ewö aka malme. ³⁰ Wösöbirik aka sahötzei, enĝön mönö qahö sahötmeanĝö tandök ewö aka malme. Urunĝini ölöwahiga söŋgaizei, enĝön mönö qahö söŋgaimeanĝö tandök ewö aka malme. Yuai bohonŋi mezei, enĝön mönö mi qahö buŋa qem anĝumeanĝö tandök ewö aka malme.

³¹ Gölmönöŋ nalö kewöŋe arenĝ wuatangömakzei, mianĝön mönö ayapkömawanĝö dop akza. Mianĝöra gölmegö öröyuainĝi kölköl-örörö aka nupköra alakzei, enĝön mönö mianĝön urunĝini jöhömakzawanĝö tandök ewö kude aka malme.

³² Inĝini gölmegö lömbötköra waimanjat qahö malmegö sihimni mötzal. Awanöm qahö solanŋi maljawanĝön mönö Kembugö öröyuaigöra waimanjat mörakza. Mi möta “Denöwö akiga Kembugö urunĝan ölöwahi dop kölbowak,” nanŋanĝöra mewö jimakza. ³³ Mewö jimakzapmö, ambi memba maljawanĝön mönö gölmegö öröyuaigöra waimanjat mörakza. Mi möta “Denöwö akiga anömnanĝö urunĝan ölöwahi dop kölbowak,” nanŋanĝöra mewö jimakza.

* **7:21:** Keu mianĝö könani kun kewö: Urugi melenĝda ölop solanŋi aka nup kun miwikŋaizan ewö, gi ölop toroqeba welenqeqe omani malman. † **7:25:** qesabulum qahö qeqeŋi

³⁴ Kembunöŋ likep anömŋan likep mötmötŋi öröyohotka urudenŋen aka malja. Mewöŋanök ambi apŋi qahö aka ambi seram solanŋi maljahoraŋön mönö Kembugö öröyuaigöra waimanjat mörakzahot. Mi möta “Denöwö akiga uŋani aka sileni sarakŋi aiga Kembugöra dop kölbawak,” nanŋiraŋgöra mewö jimakzahot. Mewö jimakzahotmö, azi memba maljawaŋön mönö gölmegö öröyuaigöra waimanjat mörakza. Mi möta “Denöwö akiga apnaŋgö uruŋan ölöwahi dop kölbawak,” nanŋaŋgöra mewö jimakza.

³⁵ Nanŋini bauköm engimangö möta goro mi engizal. Mi tosatŋi kösö ewö jöhöm engibi lömböt miwikŋaimegöra qahöpmö, könaŋi kewögöra mi engizal: Nöŋön inŋini ahak-meme diŋdiŋi wuatangöba urudenŋen qahöpmö, pöndaŋ Kembubuk qekötahöba kin köhöimegöra mötzal. Miangöra goronŋini mi jizal. Mewö.

³⁶ Azi kunŋan ambi serambuk buŋa qeba malagun angömosötpitkö mötmörizahori, yetkö goronŋiri kewö jimam: Azi mianŋön kewö mötmöriba jiza, “Ambi mi memba mewö törörök qahö ak waŋgibileŋak.” Mewö juiga ambi memawaŋgö sihimŋi möt köhöiiga ambigö yambuŋi azi memegö dop akza ewö, yaŋön mönö ölop sihimŋangö dop aiga ameyohotka dop kölma. Mewö mianŋön siŋgisöndokŋiri qahö akŋa. ³⁷ Qahö akŋapmö, azinöŋ ambi mi qahö memapkö keuŋi nanŋi uruŋan jöhöba möt köhöizawi, miangöra kewö jimam: Kunŋan azi mi kuŋgui qahö qaközapmö, ölop nanŋi sihimŋangö dop wuatangöba keunöŋ qahö jöhöi ahakza ewö, yaŋön mönö ölop sihimŋangö dop aka ambi mi qahö mema.

³⁸ Mewö aiga ambi seram mezawaŋön mönö dopŋe akzapmö, i qahö mezawaŋön mönö köna ölop sorokŋi wuatangöba törörök akza. Mewö.† (v 37b) Qahö akŋapmö, iwiŋan böratŋi azi qahö waŋgimapkö keuŋi nanŋi uruŋan jöhöba möt köhöizawi, miangöra kewö jimam: Kunŋan iwi mi qahö kuŋgui qaközapmö, ölop nanŋi sihimŋangö dop wuatangöba keunöŋ qahö jöhöi ahakza ewö, yaŋön mönö ölop sihimŋangö dop aka böratŋi angön kölma. (v 38b) Mewö aiga börat seramŋi azi waŋgizawaŋön mönö dopŋe akzapmö, i qahö waŋgizawaŋön mönö köna ölop sorokŋi wuatangöiga törörök akza. Mewö.

³⁹ Ambinöŋ apŋan jebuk malmawaŋgö dop amöamögö keuŋan jöhöi maljapmö, apŋan kömuma ewö, keu mianŋön mewöŋanök kömuiga ölop azi sihimŋan jimawaŋgö dop mema. Urumelenŋö kopa asia qahöpmö, azi Kembubuk qekötahözawi, miyök mema. ⁴⁰ Ölop azi memba sösongai qorembeŋi miwikŋaimapmö, toroqeba solanŋi malma ewö, mönö urusösongai ölnŋi miwikŋaiba söŋgaimakŋa. Nöŋön keu mi kewöta mewö jizal. Anutugö Uŋaŋan nöŋgö urune mewöyök maljawi, miangöra mönö mewö mötmöriba jizal. Mewö.

8

Nene tandö lopiongö naluk alalŋi mi nembin me qahö?

¹ Inŋini nene tandö lopiongö naluk alalŋi miangöra ohogetka goro kewö jimam: Urukalemnöŋ mönö bauköm engima. Goranora jigetka tosatŋan kewö jimakze, “Körek neŋön tandö lopiongö könaŋini möt yaköinga omaŋi akza.” Keu mi ölbölŋa akza, mi mötzin. Inŋini mötmöt mewöŋi jiba malgetka uruŋinan wahöriga koŋaen ewö tererenŋöba aiwelikömakze. Mewö aka denŋa siksauk malje. Köna bohonŋi mi urukalem. Köna mewö mianŋön mönö nanini urunini möhamgöba mem köhöim angubin. ² Kunöŋ “Keu kungö könaŋi möt yaközal,” mi jitnöŋ jizawi, yaŋgö mötkutukutuŋi ölnŋan mönö qahö asuhuiga toroqeba tönpin malja. ³ Mi keunöhök jizapmö, kunŋan Anutu uruŋan jöpakömakzawi, Anutunöŋ mönö yaŋgöra möri ölnŋi akza.

⁴ Nene tandö lopionŋ yengöra naluk algeri, mi nembin me qahöpto? Keu kewö jimakze, “Tandö lopionŋ mi bem ölnŋi qahö maljeangö kaisöpsöpŋini akze,” aka keu kun kewö,

† **7:38:** 36b Azi kunöŋ böratŋi azi waŋgimangö uruyahöt mötzawi, yaŋgö goronŋi kewö jimam: Iwiŋan kewö mötmöriba jiza, “Böratni waŋgiba mewö törörök qahö ak waŋgibileŋak.” Mewö juiga böratŋangö yambuŋi azi memegö dop aiga azi waŋgimangö sihimŋi möt köhöiza ewö, yaŋön mönö ölop sihimŋangö dop aka mosöriga azi meiga dop kölma. Iwiŋan mewö mianŋön siŋgisöndok qahö akŋa.

“Anutu mohotnöḡ malja. Alañi kun qahö.” Keu yahöt mi ölna akzahot, mi mötzin. ⁵ Keu mianḡö könaḡi kewö, “Öme bemḡi bemḡi,” qetḡini mewö qerakzei, mi gwötpuk malje. Suepnöḡ me gölmenöḡ maljei, mi ölop qahö mötzin. Ölna ömewöröme, bem aka azi kembu mi gwötpuk malje.

⁶ Mi maljemö, mi töndup Anutu mohot yaḡönök nanini bemnini aka Iwinini akza. Yaḡön yuai pakpak miwikḡaii asuhuyök. Malmalnini yaḡöra malbingöra aka al neḡgii maljin. Mewöyök Kembu mohot Jisös Kraist malja. Yaḡön Anutu bauköiga yuai pakpak miwikḡaiyohot. Nini mewöyök bauköm neḡgiiga mal köhöimakzin.

⁷ Mewö möt narizimö, ambazip körekḡan mönö mötkutukutu mewöḡi mi qahö memba malje. Mi qahöpmö, tosatḡan mutuk tandö lopionḡ waikḡini memba möt köhöigeranḡöra aka dölkewöḡe mewöyök toroqeba nene tandö lopionḡö naluk alañi mi memba mewö mianḡön amqeba bemurup mi mötmöriba malje. Uruḡinan lölöwöröḡi aiga uruyahöt aka negetka uruḡinan mianḡöra tölöhomakza. ⁸ Tölöhomakzapmö, nenenöḡ neḡguanḡita Anutu kösutḡe qahö al neḡgimakza. Nene siḡi malbini, mewö geḡmororonḡ qahö miwikḡaibin. Nene memba malbini, qetbuḡaninan mewö qahö qarima.

⁹ Mi töndup nene pakpak nemingö amqezei, eḡön mönö jaubatbat laḡ malbepuköra galöm mem aḡguba malme. Mewö malgetka tosatḡan eḡgeka uruḡinan lölöwörö aka bölii et eḡgubapuk. ¹⁰ Mianḡö könaḡi kewö: Göḡön mötkutukutu ölni memba mala amqeba tandö lopionḡ jikeḡe anda tata nene nenöḡga alagi kunḡan gehi kewö lömbörima: Uruḡan lölöwöröḡi aiga uruyahöt akzawi, yaḡön mewö geḡka uruḡan wahöri amqeba nene tandö lopionḡö naluk alañi mi memba et qebawak.

¹¹ Göhö mötkutukutugi ölni mianḡön mönö nangi urumelenḡ alagi kuḡguiga uruyahöt qakḡe lölöwöröḡi akzawaḡöra mönö amqeba memba et qebawak. Kraistnöḡ yaḡöra aka kömuyökmö, nene mi memba mewö et qeba ayuhuiga qahö dop kölma.

¹² Ayuhumapmö, urumelenḡ alaurupḡini mewö mem bölim eḡgiba uruḡini lölöwöröḡi mi qeba köndenḡa siḡisöndok ahakzei, mewö mianḡön mönö Kraist nanḡi qetala siḡisöndok ahakze. ¹³ Mianḡöra nöḡön nene kun nembiga mianḡön urumelenḡ alani kölgorom waḡgiiga et qeba siḡisöndok akza ewö, nöḡön mönö nalö kunöḡ nene mi qahö toroqeba nemam. Nöḡön alani jölöḡgöba kölgorom waḡgibileḡbuköra kapan köla kinjal. Mewö.

9

Aposol denöwö akiga dop kölbawak?

¹ Wani kösönöḡ jöhöm niḡgiiga solanḡi qahö akilenḡak? Eḡön kewöt niḡgigetka aposol akzal me qahö? Kembunini Jisösnöḡ asuhum niḡgiiga ehal me qahö? Nöḡön Kembangörenḡ naḡgöba nup membiga iḡini nup mianḡö ölni akze. ² Kembunöḡ nanḡak aposol nup niḡgii yambuk kinda membiga iḡini uruḡini melenḡa nöḡgö muḡgem supapni akze. Mianḡöra tosatḡan kewöt niḡgigetka aposol qahö akilenḡak ewö, eḡön mönö könaḡamni mewö möt yaköze. Mi mönö amqeba naḡgöba jigetka dop kölma.

³ Ambazip tosatḡan nöḡgöra “Aposola qahö akza,” jiba tokoba andönöḡ qeḡe ak niḡgimakzemö, nöḡön mönö eḡgörenḡ kösohot jiba mianḡön nani könaḡamni naḡgöba jimakzal. ⁴ Mianḡöra könöḡp numbu nene neḡgigetka neḡakurupni yambuk memba memba malbinak, mianḡön mönö dopḡe akawak. ⁵ Pitö, aposol tosatḡi aka Kembu Jisösgö munurupḡi yeḡön anömurupḡini mötnaripḡinambuha eḡguanḡita mohotḡe anda kamakze. Nöḡön mewöyök mianḡö dop akilenḡak ewö, silik mianḡön mönö köna walöḡda qötöḡgatpileḡak me qahö? Mi qahöpmahöp.

⁶ Silegö malmalḡe iḡini ambazip ipḡi naḡgöm eḡgimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatḡan urugö nup megetka töwa eḡgigetka silenḡinaḡö nup qahö memakzemö, netköröhök mönö naḡgönaḡgöniri nanirak miwikḡaibitkö dop jize me? ⁷ Gawmangö yarö nup memakzei,

yeŋgöreŋök kunŋan nanŋi malmalŋi naŋgöm aŋguba memakza me qahö? Wain nup kömörakzei, yeŋön körek mianğö ölni memba nemakze me qahö? Mewöŋanök bulmakau galöm kölakzei, yeŋön körek mianğö juzu oŋi nemakze me qahö?

⁸ Keu mi gölme ambazip nanine mötmötnöhök mötöteiba qahö jizal. Anutunöŋ mewöyök mönö keu miyök Mosesgö Köna keunöŋ jiza. ⁹ *Mosesgö Köna keunöŋ Juda yeŋö nup meme silikŋini mi jim asariba kewö ohoget ahöza, “Wit padigö kötŋi aka kamböŋi kewötpingöra bulmakau aziŋi waŋgitketka padi kambu qakŋe tiba tözözamgömakzawi, yaŋgö numbuŋi mönö kude mözöpköme. Mewö gumohom waŋgigetka ölop nene kitipŋi neiga dop köлма.” Mianğö dop kiamnöŋ böröjaŋ memba sömbup meköi qeba nene kitipŋi waŋgiget neiga dop köлма. Anutunöŋ kiam bulmakau miengöra waimanjat qahö möta mewö jiza. Mi qahö.

¹⁰ Sömbupköra qahöpmö, keu mi mönö neŋgöra jii ahöza. Keu mi neŋön kewö akingöra aka ohoget ahöza: Kinöŋnöŋ nup barözawaŋön mönö ölni asuhumapkö jörömqöröm qakŋe nupŋi memakŋa. Mewöyök padi dudutnöŋ qeba ölni aka kamböŋi kewötzawaŋön mönö bahöŋi memba nemapkö al mamböta nupŋi memakŋa. ¹¹ *Neŋön urugö keu kötŋi sutŋine qesiŋ gila malinga eŋön malmalgö naŋgönaŋgö yuai qahö neŋgigetka gamuŋambuk akza. Nöŋön mem ölöwak eŋgibiga eŋön mianğö likepŋi melenđa niŋgigetka dopŋe akŋa.

¹² Tosatŋan sutŋine urugö nup megetka naŋgöm eŋgigetka dopŋe akza ewö, ni mönö dop mi oŋgita naŋgöm niŋgigetka dop köлма. Likepŋi eŋgiinga mianğö likepŋi neŋgigetka dop kölbawakmö, nöŋön mianğö dop akŋegöra qahö qesim eŋgial. Kraistkö Ölöwak Buŋa keu sehimapkö könaŋi jöhöbinbuköra mönö yuai neŋgimegöra qahö qesim eŋgiin. Qahöpmö, naninahök mönö kapaŋ köla köhöiba lömböt pakpak bisiba malin.

¹³ *Keu ki mönö mötmörime: Jöwöwöl jikenöŋ nup memakzei, yeŋön mönö jike mianğöreŋök numbu neneŋini memba nemakze. Jöwöwöl ohoba altagö könöpŋi galöm kölmegöra kuŋgum eŋgigetka kinjei, yeŋön ambazip nene nalukŋini altagöreŋ algetka nene mianğö kitipŋi tosatŋi mi mianğöreŋök buŋa qem aŋgumakze. ¹⁴ *Keu mianğö dop Kembunöŋ mewöyök jim kutuba keu kewö jiyök, “Ölöwak Buŋa jim sehigetka ambazipnöŋ mötmei, yeŋön mönö Ölöwak Buŋagö likepŋi kötön naluk algetka malmalŋinaŋgö naŋgönaŋgöŋini miwikŋaiba malme.”

¹⁵ Nöŋön ölop keu mianğö dop mötmöriba urugö nup memba töwa niŋgimegöra qesim eŋgibileŋakmö, kötön naluk almeaŋgö keu pakpak mi mönö mosöral. Moneŋ almeaŋgö keu ohozali, mi eŋön mewö ak niŋgimegöra aka qahö ohozal. Töwa memamgö mötmöribi lömböriiga kömukömugö mötpiga amqeza. Nanaŋgöra mi keu omani qahöpmö, töwa qahö niŋgimegö keuŋi mi mönö sileni möpöseiba jizal. Nöŋgöreŋ keu mi kunöŋ kun qeapkömamgö osiiga malmam.

¹⁶ Ölöwak Buŋa jim sehimakzali, mianğöra sileni möpöseimamgö dop qahö akzal. Nöŋön Anutugö jimkutukutu bapŋe mala mi jim sehimamgö dop akzal. Nup mi mönö mosötmamgö osizal. Ölöwak Buŋa qahö jim sehibileŋak ewö, mianğöra lömbötnöŋ qakne öŋgöiga neka pölzik jimeaŋgö dop akileŋak.

¹⁷ Nani sihimnaŋgö dop nup mi möwölöhöba membileŋak ewö, mönö ölop töwa niŋgimegöra mambötpileŋak. Mimö, Anutunöŋ kuŋgum niŋgiiga nani sihimni qahö mötöteiba Buŋaŋi galöm kölakzal ewö, mi mönö Anutunöŋ möt narim niŋgiba nupŋi niŋgi maljalaŋgö dop memakzal. ¹⁸ Mewö aiga wanatnöŋ mönö töwa ak niŋgimakza? Ölöwak Buŋa jim sehiba mi söŋgöroŋi qahö ahakzali, mianğön mönö töwa ak niŋgimakza. Anutunöŋ nupŋaŋgö likepŋi niŋgimegöra jim kutui Buŋa Kimbinöŋ ahözawi, keu mianğö dop töwagöra qahö kapaŋ kölakzal.

* 9:9: Dut 25.4; 1 Tim 5.18 * 9:11: Rom 15.27 * 9:13: Dut 18.1 * 9:14: Mat 10.10; Luk 10.7

¹⁹ Ambazip kunñan kun qahö jöhöm ningiiga ölop nani imbi-imbi malbilenjakmö, mi töndup mönö nani memba et al anguba maljal. Ambazip körekñan uruñini melenmegöra kapan kölakzal. Mewö aknegöra ambazip körek welennini qeba maljalmö, sehisehiñi yeñon töndup Kraistkö buñaya qahö akneangö dop akze. ²⁰ Juda yeñon uruñini melenmegö bauköm engiba sutñine Juda tandök aka malal. Mosesgö Köna keu bapñe maljeañon uruñini melenmegö bauköm engiba nanak Köna keu miangö bapñe qahö mala töndup keu miangö gwaröñe maljal tandök aka sutñine malal.

²¹ Mosesgö Köna keu qahö möta maljeañon uruñini melenmegöra bauköm engiba sutñine Köna keu qahö möta maljalañgö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapñe anda mi tem kölakzal. Mi töndup yeñgö sutñine Anutugö Köna keu qahö mötmöt tandök aka malal. Ambazip sehisehiñan uruñini melenmegöra mewö aka malal.

²² Mötnaripñöñ lölöwöröñi maljeañon uruñini melenja köhöimegö bauköm engiba sutñine lölöwöröñi tandök aka malal. Ambazip tosatñi wani awamñan köna inöñ me wainöñ uruñini melenmegö meköm engiba ambazip könañi könañi yeñgö sutñine tandök könañi könañi aka malal.

²³ Tandök pakpak mi Ölöwak Buñanöñ sehimapköra aka ahakzal. Sehiiga kötümüetñan nani qakne öngöi nanak mewöyök oyaenköyaen akñamgöra aka mewö ahakzal. ²⁴ Keu ki mönö mötmörime: Ösumtiti nalöñe körek yeñon luhut almegöra ösumñini qezaköba anakzemö, mohot kunñan mönö luhut ala töwa mema. Inini mönö mohot miangö dop ösumñinan anda töwa memingöra kapan köla malme. Mönö miangö dop mötnarip köl guliba malme.

²⁵ Ambazip mönahotnöñ luhut albingö anakzei, yeñon mönö körekñan nanñini törörök galöm köl angubingö köl gulimakze. Yeñon kösatorom julkula gororongömawi, miyök memingö kapan kölakzemö, neñon ila jalö qahö ayapkömawi, mönö töwa mi memingö kapan kölakzin. ²⁶ Miangöra nöñon ösumnan lanlan an köl kam köl qahö anakzal. Böröni misiba bim lanlan qahö qemakzalmö, aongit alaurupni luhut al engimamgöra mönö diñdiñanök törörök qemakzal.

²⁷ Nöñon ambazip tosatñi Buña keunöñ uruñini kuñguba malbi teköiga Anutunöñ mönö andö nuñgui nanak ila jalöñi qahö membilenbuk. Miangöra mönö nani sileni mindiñgöba törörök köl guliba galöm kölakzal. Mewö.

10

Israel mutuk malgeri, yeñgöreñ galöm meme keu

¹ *O urumelen alaurupni, Israel neñgö ambösakoninan Mosesgö andöñe kaba wu-atangögetka yuai asuhuyöhi, miangöra mönö gukmaulem malbepuk. Miangöra Israel neñgö könanini kewö suariba ohozal: Yeñon mönö körek kousu bapñe kaba mala Köwet Pisikñi kutugetka yeñgöreñök kunñan kun qahö ayuhuyök. ² Anutunöñ o melunñi kousunöñ aka köwetnöñ aliga mi kutuba kaba körekñan uruñini melenja Mosesgö könagesöñi aket. ³ *Mewö aka körek yeñon urugö nene miyöhök miwikñaiba nempa malget.

⁴ *Mewöyök körek yeñon urugö onji miyöhök miwikñaiba nempa malget. Urugö onji mi köt ketañi kunöñ enguatangöba könañine kayöhi, mönö miangöreñök miwikñaiget. Köt ketañi mi Kraistkö söpsöpñi. ⁵ *Mewö malgetmö, mi töndup Anutunöñ könagesö ölni miengöra urusösöngai qahö möta maliga gölme qararanjökölñe ayuhugetka qamötñinan qeqelanlan ahöba gisahöget.

* **10:1:** Eks 13.21-22; 14.22-29 * **10:3:** Eks 16.35 * **10:4:** Eks 17.6; Jan 20.11 * **10:5:** Jan 14.29-30

6 *Mewö asuhuyöhi, mi nanini kezapqetoknina akza. Anutunöŋ mönö söpsöp mi nenğöra aka aliga galöm meme keunina kewö akza: Yeŋön uruŋini qahö galöm köla bölöŋaŋğöra köpösöŋğögeri, nenğön mönö miangö dop aka ayuhubinbuk. 7 *Mewöyök Israel yeŋğöreŋök tosatŋan tandö lopionŋ waikŋini memba möpöseiba malgeri, eŋön mönö miangö dop aka malbepuk. Yeŋğöra Buŋa Kimbinöŋ keu kewö ohoget ahöza, “Könagesö yeŋön nem sösoŋgai ala tokoba tatketka uruŋinan wahöriga miangön melenđa kezapjupjup kewö ahök: Yeŋön liŋet gwawet unduba o köhöikŋi nembra serowilin laŋ aket.” Keu mewö ahöza.

8 *Yeŋğöreŋök tosatŋan serowilin aketka Anutugö irimsesewölŋaŋğöra aka ambazip 23.000 miangö dop silim mohotkö uruŋe kömumba etket. Nenğön mönö tosatŋi miengö dop serowilin akinbuk. 9 *Mewöyök Israel yeŋğöreŋök tosatŋan Kembu esapköm waŋgigetka mokoleŋnöŋ eŋğöhögetka kömuget. Nenğön mönö tosatŋi miengö dop Kembu esapköm waŋgibinbuk. 10 *Yeŋğöreŋök tosatŋan galömurupŋini irikuruk jimongot aka andö eŋguba malgetka mem ayuayuhu garatanöŋ mönö eŋgui kömuget. Nenğön mönö tosatŋi miengö dop irikuruk jimongot laŋ aka malbinbuk.

11 Mewö asuhum eŋgiyöhi, söpsöp keu mi mönö nanini kezapqetoknina akza. Gölmönöŋ malmalgö nalö teteköŋan kam kuŋgum nenğii maljini, kösohot mi mönö nenğöra aka ohogetka galöm meme keunina akza. 12 Miangöra kin köhöimangö jizani, mönö et guhubapuköra galöm mem aŋguba malman.

13 Esapesap qakŋine öŋğömakzei, mi gölme ambazip körek nenğö qaknine öŋğömakze. Esapesap qainŋi kun miwikŋaibeak, miangöreŋ ösumŋinan qahö dop köljawaŋğöra etpeakmö, Anutunöŋ keuŋi jöhöyöhaŋğö dop mi pöndaŋ wuatangöba ahakza. Yaŋön esapesap Toŋi aŋğön köliga esapesap ösumŋini qahö dop kölmawaŋğö dop mi al eŋgimangö osimakza. Mewögöra esapesap mötketka Anutunöŋ ösumŋi eŋgiba mewö miangön ölöŋ kölböngö köna mewöyök mesat eŋgii asuhumakza. Miangöra eŋön gölmegö esapesapŋi mi ölop kin köhöiba luhut almeangö dop akze. Mewö.

Tandö lopionğö lömbuanŋ aka Kembugö semön kömbukŋi

14 Miangöra wölböt alaurupni, tosatŋan tandö lopionŋ waikŋini memba möpöseim eŋgimazemö, eŋön mi kök ala mosötme. 15 Nöŋön mötmöt ambazip aködamunŋinambuk akzeangö dopkeu jimami, mi mönö nanŋinak kewöta miangö ölni miwikŋaime.

16 *“Kembugö semön nene nembin,” jiba kötümötuetkö qambigöra Anutu saiwap jiba köuluköba qambi miangöreŋök nemakzinaŋğöreŋ mönö Kraistköreŋ toroqeba sepŋi nemakzin. Beret mindipköba miangöreŋök nemakzinaŋğöreŋ mönö Kraistköreŋ toroqeba busuŋi nemakzin. Miangöra ölum eŋgubapuk. 17 Körek nenğön beret mohot miangöreŋök nemakzin. Beret mi mohot akzawaŋğöra aka gwötpuk nenğön mönö Kraistkö ölni mohot akzin.

18 *Inini mönö Israel könagesögö malmalŋi mötmörime. Ambazip jöwöwöl ohomegöra nene algetka tosatŋan miangö kitipŋi nemakzei, yeŋön mönö altagöreŋ toroqeba nupŋi Anutugöra memakze. 19 Keu miangö könaŋi ölni mi mönö denöwö jibilenjak? Tandö lopionŋ eŋğöra bau qegetka sepŋi eri jöwöwöl ohomakzei, miangön ölnambuk akzawaŋğöra jiza me qahö? Tandö lopionŋ mi ölni akzeangöra jiza me qahö? Keu miangö könaŋi denöwö?

20 *Tandö lopionŋ mi ölni qahöpmö, urumelenğö kopa yeŋön töndup jöwöwölŋini ömewöröme yeŋğöra ala ohomakze. Mi Anutugöra qahö. Nöŋön inini ömewöröme yembuk toroqeba malbepuköra waimanjat mötzal. 21 Inini Kembugö qambinöhök aka ömewöröme yeŋğö qambinöhök öröröŋ nemböngö osime. Mewöyök Kembugö nene dum aka ömewöröme yeŋğöreŋ nene dum mi öröröŋ toroqeböngö osime.

* 10:6: Jaŋ 11.4 * 10:7: Eks 32.6 * 10:8: Jaŋ 25.1-18 * 10:9: Jaŋ 21.5-6 * 10:10: Jaŋ 16.41-49 * 10:16: Mat 26.26-28; Mak 14.22-24; Luk 22.19-20 * 10:18: Lew 7.6 * 10:20: Dut 32.17

22* Ahakmeme mewöñan mönö Kembangö urunji qei böliiga irimji seholimapköra mötzin me? Kukösumninan mönö Kembu ongita öngöba maljin me?

Nanine imbi-imbi mosöta Kembu möpösebin.

23* Tosatñan kewö jimakze, “Nini ölop nanine imbi-imbi yuai pakpak ahakzin.” Keu mi ölnapmö, ahakmeme pakpak mianñon mönö qahö bauköm neñgimakza. “Nini ölop nanine imbi-imbi yuai pakpak ahakzin,” mewö jimakzemö, ahakmeme pakpaknön mönö urunini qahö nangöba mem köhöim neñgimakza. 24 Kunñan kun nanñangörök mötmöriba ölöwakñangöra kapan kölbapukmö, alaurupñan ölöwakñegöra kapan köli dop kölma.

25 Sömbup i me wai maketnön aka qeköm nene mire bohonji memegöra alakzei, mi mönö uruyahöt mosöta nemakñe. Sömbupköra uruninan tölohobapukö qesiqesinji kun mönö kude akñe. Qahö! 26* Keu mianñö könaji mi Buña Kimbinön kewö ohoget ahöza, “Gölme aka yuai pakpak mianñoreñ ahözawi, mi Kembangö buñaya akza.”

27 Kun Kraist qahö möt narizawanñon engoholiga yangöreñ anbingö möta anda tatketka nene i me wai jeñine al engimei, mi mönö uruyahöt mosöta neme. Nenegöra uruninan tölohobapukö qesiqesinji mi mönö kude akñe. Qahö! 28 Nanñinañgöra qahöpmö, “Nene ki mönö tandö lopion yeñgö naluk alalni akza,” kunön mewö jii mötme ewö, mi jiyöhi, yangöra aka urunjan bölibapuköra mönö galöm mem anguba kude neme.

29 Nangi urugan tölohobapuköra qahö jizalmö, alagahö urunjan bölibapuköra mi jizal. Nönñon nani imbi-imbi yuai akiga alanangö urunjan böliiga kewöt niñgiba Anutunön keuni jim teköba likepñi melen niñgibapuk. Öne mewö menden anguinga jabö ahuiga qahö dop kölja. 30 Nönñon ambazip yembuk toroqeba tata neneñinañgöra “Anutu pipsaiwap!” jiba sömbup nemami, tosatñan mewö neka mianñgöra andö nuñgugetka qahö dop kölja. Sömbupköra Anutu möpöseizali, mianñgöra mönö keu töhöreñ jim niñgigetka qahö dop kölja.

31 Mianñgöra o me nene nemei aka i me wai akñei, mi pakpak mönö Anutugö qet-buñanan sehimapköra aka ahakñe. 32 Yuai kun kude aketka kungö urunjan mianñgöra böliiga mötnaripñan söörauba etpapuk. Juda me kantri tosatñangö ambazip me Anutugö könagesö miengö sutñine kungö urunjan mönö engöra aka bölibapuk. 33 Nönñon mewöyök yuai pakpak ahakzali, mianñoreñ mönö ambazip körek pakpak uruninan ölöwakñapköra kapan köla maljal. Nanök ölöwakñangöra qahö kinjalmö, ambazip sehisehiñan ölöwakñegöra jaram tibiga kunbuk letota Suepkö buñaya akñegöra kapan kölakzal. Mewö.

11

1* Nönñon Kraistkö silik ewö ahakzali, mianñö dop enñon mönö nönñö silikni wuatangöba malme. Mewö.

Ambi enñon mönö nöropñini esuhuba Kembu möpöseime.

2 Nönñon yuai pakpak ahakzali, inini mianñoreñ mötmörim niñgimakzeañgöra saiwap jim engizal. Inini kusum engialangö dopkeuni tem köla wuatangömakzei, mianñgöra mönö möpöseim engizal. 3 Nönñon inini keu ki möt kutumegöra mötzal: Kraistnön azi körek neñgö bohonini akza. Azinön ambigö bohonji akza aiga Anutunön Kraistkö bohonji akza. 4 Mianñgöra azi inini mönö duhuñini qeköba köuluköba Anutugö keu jigetka dop kölja. Azi körekñan nöropñini turuba köuluközei me Anutugö kezapqetok keu jim asarizei, Anutunön mönö yeñgö mötmötñinañgöra möri gamuñambuk aiga nanñini memba et al angumakze.

5 Mewömmö, ambi kunñan nöropñi qahö esuhuba qenjarök totokonön köuluközawi me Anutugö kezapqetok keu jim asarizawi, yanñon mönö apñi nöropñi akzawi, mi gamu qeba nanñi memba et alja. Mewö aka nörop jupñi körek mitigetka aukñe öne

* 10:22: Dut 32.21 * 10:23: 1 Kor 6.12 * 10:26: Sum 24.1 * 11:1: 1 Kor 4.16; Fil 3.17

maljawangö dop akza. ⁶ Ambinöñ nöröpñi qahö esuhuza ewö, yañön mönö nöröp jupñi mewöyök jiiga mitigetka dop kölja. Mi dop köljamö, ambinöñ nöröp jupñi jiiga mitigetka gamuñambuk akapuk. Miangöra mönö nöröpñi eshuba mali dop kölja. ⁷ *Ambinöñ apñangö aködamunñi akzappmö, azinöñ Anutugö imutñi aka aködamunñi akza. Miangöra azinöñ mönö nöröpñi kude esuhui dop kölma.

⁸ *Mi kewögöra: Mutuhök azinöñ ambinöhök qahö asuhuyökmö, ambinöñ azigöreñök asuhuyök. ⁹ Anutunöñ azi mi ambigöra qahöpmö, ambi mi azigöra miwikñaiiga malje. ¹⁰ Könañi miangöra aka ambinöñ mönö kukösum bapñe malmalgö aiwesökñi mi nöröpñi eshuba maliga dop kölja. Mewö aiga Suep garata yeñön gödaqeqegö silik ölopñi ehakze.

¹¹ Mewö dop köljamö, Kembubuk qekötahöba malinga ambinöñ mönö azigö keuñi qahö ongita nanñi imbi-imbi lañ kude malma. Azinöñ mewöyök ambigö keuñi qahö ongita nanñi imbi-imbi lañ kude malma. ¹² Ambinöñ azigö sihitñeyök asuhuiga miangö dop azinöñ mewöyök ambigö körö uruñeyök ashuba maljinmö, öröyuai pakpakö könañi mi Anutu.

¹³ Miangöra ambinöñ nöröpñi qahö eshuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴ Anutunöñ ambazip miwikñaim neñgiba gölmenöñ mohotñe malmal areñgöyöhi, areñ mi eka kewöta silik kewöñi mönö möt asarizin me qahö? Azinöñ nöröp jupñi qahö mitiiga köriza ewö, mianñön mönö gamu qem wangiza.

¹⁵ Anutunöñ ambigö nöröp jupñi köröpñi mi esuñi akñapköra wangii malja. Miangöra ambinöñ nöröp jupñi qahö mitiiga köriza ewö, mianñön mönö aködamunñi ak wangiza. ¹⁶ Kunöñ keu miangöra goranora akñamgö mötza ewö, nöñön miangöra keu mohok-kun kewö jimam: Anutugö könagesöñi könagesöñi Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön töröñi nemegö silikñi

Mat 26.26-29; Mak 14.22-25; Luk 22.14-20

¹⁷ Inñini urumelen totokonöñ tokoba miangöreñ qahö ölöwahakzemö, mönö toroqeba böliqölimakze. Miangöra qahö möpöseim engizalmö, areñ ala jim kutum engizal. ¹⁸ Keu mutukñi kun kezapne gei kewö möral, “Inñini urumelen könagesögö totokonöñ tokomakzei, miangöreñ mönö sutñine anñururuk ahakze.” Keu mi jiget möta bahöñanök ölni akzawi, mewö möt narizal.

¹⁹ Sutñine denña kambu morömorö aketka Anutunöñ engehiga denike enñön mötnaripkö esapesapnöñ kin köhöize aka denike enñön qahö dop köljei, keu mianñön mönö aukñe asuhumakza. Miangöra uruyahöt qahö mötzal. ²⁰ Urumelen totokonöñ tokomakzei, miangöreñ mönö Kembugö semön töröñi nemingö silikñi qahö wuatangömakze.

²¹ Mi kewögöra jizal: Semön töröñi nemakzei, miangöreñ öröröñ qahöpmö, nanñök nanñök nenenñi memba könahiba lañ neget teköiga tosatñan toroqeba wösöñini aliga tosatñan o köhöikñi gwötpuk memba enjololon akze. ²² Ahöahö miriñini ahöm engiza me qahö? Miangöreñ ölop nene aka o neme. Anutugö urumelen könagesö jijiwilit ak engibingö mötze me ambazip wanapñi nenenñi qahö mi memba et al engibingö mötze me? Miangöra nöñön inñini möpöseim engimangöra mötze me? Mewö qahöpmahöpmö, denöwö jim engibileñak?

²³ Kembunöñ keu niñgiyöhi, nöñön mönö enñön mewöyök mi mötmegöra kewö jimam: Kambu Jisös mamalolo mem wangigetka sunñem miangöreñ beret meyök. ²⁴ Mi memba kötuatköba saiwap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim niñgiba malme.” ²⁵ *Mewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölökñi akza. Nöñgö sepnii kianñön mönö Anutugö jöhöjöhöñi mem köhöii ahöma. Mi nemakñeangö dop mönö ni mötmörim niñgiba malme.”

* 11:7: Jen 1.26-27 * 11:8: Jen 2.18-23 * 11:25: Eks 24.6-8; Jer 31.31-34

²⁶ Beret aka qambi mianğorenğök nemakñei, mianğorenğ mönö nalö dop Kembunöñ kömuyöhi, mianğö buñañi mem asariba mal öngögetka lilingöba kaiga teköma. ²⁷ Mianğöra kunñan beret me Kembugö qambi mianğorenğök iwilele qakñe nezawi, yañön mönö Kembugö busuñi aka sepñi memba et ala siñgisöndokñambuk akza. ²⁸ Mianğöra ambazip neñön nanini uruninañgö könañi kewötagun mönö beret aka qambi mianğorenğök neinga dop kölma.

²⁹ Kunñan Kembugö busuñi aka sepñi qahö göda qeba nene töhön ewö lañ nezawi, Kembunöñ mönö yañgö keuñi jim teköiga lömböt qakñe öngöma. ³⁰ Lañ nempa malgerañgöra aka ambazip sehisehiñan mönö sutñine löwöriba kawöl miwikñaigetka gwötpukñan lök nöñ qeba kömuget.

³¹ Kömugetmö, nanini urunini kewötpinak ewö, Anutunöñ mönö keunini kewöta jim teköiga lömböt qahö miwikñaibin. ³² Mi qahö miwikñaibinmö, Kembunöñ keunini kewöta jim teköba mewö mönö nalö kewöñe mindiñgöm neñgimakza. Könañep jim teköm neñgiiga ambazip uruñini qahö melenğeri, yembuk öröröñ könöp sianöñ gebinbuköra mönö mindiñgöm neñgimakza.

³³ Mianğöra urumelenğ alaurupni, nene nemegöra tokomakñei, mianğorenğ mönö nanñinañgöra mamböt añguba öröröñ nemakñe. ³⁴ Kunöñ wösöñi alja ewö, yañön mönö nanñe mire neneñi nema. Tokoba lañ negetka Anutunöñ enğeka keuñini jim teköi lömböt miwikñaibepuköra mi jizal. Keu tosatñi enğorenğ kamami, nalö mianğorenğ jim kutum enğimam. Mewö.

12

Nup memegö mötmöt kalem mienğö könañini

¹ O urumelenğ alaurupni, nöñön Uña Töröñanğö mötmöt kalemñi kalemñi mianğö keugöra gukmaulem malbepuköra mötzal. ² Urumelenğö kopa malğeri, nalö mianğorenğ inöñ me wainöñ enğuanğiriga tandö lopionğ omani waikñini memba möpöseiba malget. Mewö me mewö janjuñ anda lañ malğeri, mi ölöp mötze.

³ Mianğöra inñini keu ki mötmegöra jizal: Anutugö Uñañan kun sölölohöiga “Jisös qesuahözal,” keu mi qahö jiza. Mewöyök Uña Töröñan azi me ambi kun qahö sölölohöm wañgiza ewö, yañön mönö “Jisösnöñ Kembu ak niñgiza,” keu mi jimangö osiza.

⁴*Nup memegö mötmöt kalemñi mi könañi könañi akzemö, Uña Töröñan mönö mohot akza. ⁵ Urumelenğ könağesö welen qem enğibingöra nup könañi könañi memakzinmö, Kembunöñ mönö mohot akza. ⁶ Welen qem enğibingöra Anutunöñ kukösumñi körek neñgöra mendenğ neñgiiga amqeba köhöiba nup meinga ölni könañi könañi asuhumakza. Ölni pakpak mi Anutugörenğök kamakzapmö, Anutunöñ mönö mohot akza.

⁷ Uña Töröñan könağesö urunini nañgöi köhöibingöra möta nup memegö mötmöt kalemñi indeliga ölnan mönö mohot mohot neñgorenğ kewö me kewö asuhumakza: ⁸ Uña Töröñan kungö uruñe geba Anutu nam köliga mötkutukutu keu jijigö kalemñi wañgiza. Uña mohot mianğönök mönö kun sölölohöiga mötmöt qainñi kun möt yaközawañgö kalemñi buña qem añguza.

⁹ Kunöñ Uña mohot mi qekötahöba mötnaripkö kalemñi buña qem añguza. Toroqeba kunöñ Uña Töröñi miyöhök qekötahöba mem ölö-ölöwakö kalemñi kalemñi buña qem añguza.

¹⁰ Kungöra añğöletot memegö ösumñi wañgiza. Kungöra Anutugö kezapqetok keu jijigö kalemñi wañgiza. Kungöra uña aka öme mendenğbingö kalemñi wañgiiga uña ölöpñan me ömewöröme kunöñ sölölohöiga maljawi, mi ölöp kewörakza. Kungöra keuñi keuñi qainñi kun jijigö kalemñi wañgiza. Toroqeba kunöñ keu qainñi kun jiiga kungöra mi melenğmapkö kalemñi wañgiza. ¹¹ Nup memegö mötmöt kalem pakpak mi Uña Töröñi

* **12:4:** Rom 12.6-8

mohot mianjönök mönö sölölöhöba möri dop köljawangö dop mendeniga körek nejön nanjök nanjök buja qem anguba maljin. Mewö.

Kraistkö ölji mohotmö, kitipurupji gwötpuk.

¹²*Silenini mohot akzappmö, töndup mianjögö uruje silegö kitipurupji mi gwötpuk akze. Kitipji pakpak mi gwötpuk akzemö, töndup mi mindiriba sile mohot akze. Kraistkö öljan mewöyök mönö mianjögö dop akza. ¹³Mianjögö könaji kewö: Uja mohotnöj mönö körek nini sölölöhöba melun mem nenjiiga Kraistkö ölji mohot akzin. Nini Juda me kantri tosatjangö tonji maljini, nanini nupnini memakzini me tonini öne welen qem enjimakzini, mi töndup körek nini mönö Uja miyök buja qem anguinga urunine geiga möt wangizin.

¹⁴Sileninan mönö sile kitipji mohotkö dop qahö akzappmö, mianjögö uruje kitipurupji mi gwötpuk akze. ¹⁵Könaninan kewö jibawak, “Ni böröya qahö. Mianjögöra sile qahö toroqeba maljal.” Mewö jibawak ewö, mianjögöra mönö töndup sile mosöta nanjök qahö malbawak. ¹⁶Kezapninan kewö jibawak, “Ni jeya qahö. Mianjögöra sile qahö toroqeba maljal.” Mewö jibawak ewö, mianjögöra mönö töndup sile mosöta nanjök qahö malbawak.

¹⁷Sileninan jömuk je akawak ewö, keu mötmötkö kezapninan mönö denike tatpawak? Mewöyök jömukjanök kezap akawak, mewö wöron mötmötkö söngörönanan mönö denike tatpawak?

¹⁸Nanjök nanjök qahöpmö, Anutunöj sile kitip mohot mohot mi arengöba möri dop köljawangö dop mindirim enjiiga sile mohot akze. ¹⁹Sile kitip pakpak mi kitip mohot akeak ewö, mönö denöwö sile mohot akawak? ²⁰Mewö qahöpmö, sile kitipnini mi gwötpukmö, silenöj mönö mohok akza.

²¹Mianjögöra jenöj börögöra kewö jimamgö osiza, “Ni göhöra qahö osizal.” Mewöyök nöropnöj könagöra “Ni göhöra qahö osizal,” mewö jimamgö osiza. ²²Simbisembel qahöpmö, sile kitipnini möringa lölöwöröji akzei, mienön qahöwaketka jebuk malbingö osibin. ²³Sile kitipnini möringa qetbujanini eretji akzei, mi mönö esuhuinga qetbujaninambuk akze. Sile kitipnini möringa gamuninambuk akzei, mi mönö törörök esuhuinga ambazip jenine dop kölja.

²⁴Sile kitipnini aukje kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöj sile kitipji kitipji mindiriba jöhöm enjiba kitipji omanji mi qetbuja ketanji wangiiga öröröj akze. ²⁵Sile kitip yenön sutjine jula angururuk akepukmö, tandök mohot köyan köl angumegöra mönö arengöiga öröröj akze. ²⁶Sile kitip kunjan sihimbölö mötzawi, tosatji pakpak mönö yambuk sihimbölö mörakze. Sile kitip kunöj qetbuja miwikjaizawi, tosatji pakpak mönö yambuk söngaimakze.

²⁷Enjön Kraistkö ölji akze aka mohot mohot enjön mönö yangö öljangö sile kitipji akze.

²⁸*Mianjögö dop Anutunöj al enjiiga urumelen könagesögö nup kewö memakze: Mutuk tosatji kunjum enjiiga melaimelai azi aposol akze. Mianjögö andöje kambu yahötji kunjum enjiiga kezapqetok ambazip akze. Kambu karöbutji yenön böhi qaqazu akze. Mianjögö andöje tosatjan angöletot meme ambazip akze. Tosatji yengöra mötmöt kalem enjiiga kawölji kawölji mem ölöwahakze. Tosatjan amqeba köhöiba tosatji alabauk ak enjimakze. Tosatji yengöra kalem enjiiga galömkölköl nup memakze. Tosatjan keu qainji kun jimakze.

²⁹Körek enjön mönö melaimelai azi aposol qahö akze. Sauban! Körek enjön mönö kezapqetok ambazip qahö akze. Körek enjön böhi qaqazu akze me qahö? Körek enjön angöletot meme ambazip akze me qahö?

³⁰Kawöl mem ölöwakingö mötmöt kalemji kalemji mi körek engöreñ ahöza me qahö? Körek enjön mönö keu qainji kun qahö jimakze. Qahö. Keuji keuji qainji kun

* 12:12: Rom 12.4-5 * 12:28: Ef 4.11

jigetka eñön mönö körek mi melenbingö amqeze me qahö? ³¹ Eñön mönö nup memegö mötmöt kalemñi kalemñi ölop sorokñi mi buña qem anğubingöra awöweñgömakñe. Mewö awöweñgögetka nöñön köna qetpuk sorokñi kondela mianğö mötmöt kalemñi mi kewö jim asarimam:

13

Jöpaköm anğuanğugö kalemñi

¹ Nöñön ambazip aka Suep garata yeñgö keuñi keuñi qainñi kun mianñön keu jiba malbilenjakmö, urukalemnan qahö asuhuza, mönö töndup kewö akilenjak: Gon qegetka gonğon qeri anğötömualñi mörakzini me göjön (biret) uturukögetka kinqororon qerakzawi, mönö mianğö dop akilenjak.

² *Kezapqetok keu jijigö mötmöt kalemñi ahöm niñgiiga keu asa-asambötñi pakpak mötpilenjak aka keu pakpakö könañi möt yaköbilenjak, mianñön mönö dopñe akza me qahö? Mi töndup urukalemnanğö ölñan qahö asuhuiga mewö mönö yuai omananök aka öne töhön malbilenjak. Mötnarip köhöikñi kötökñi miwikñaiba mianğö qakñe kundunğö Tonji jim kutubiga ölop tem köla kundunji qeköba kungen albawakmö, urukalemni qahö asuhuza, mewö töndup mönö yuai omananök aka öne töhön malbilenjak.

³ Sukinapni pakpak ambazip wanapñi yeñgöra menden engibilenjak aka sileni tosatñan ohoget jemapköra tököm engibilenjakmö, urukalemnanğö ölñan qahö asuhuza ewö, mianñön mönö qahö kötökñi bauköm niñgima.

⁴ Kunñan alañi uruñan jöpaközawi, yañön mönö urukönöpñi qahöpmö, urubönjöh qakñe ala ak wañgimakza. Körögisigisi qahö möta yuainanğöra qahö köpösönğömakza. Silenji qahö mem wahöta jakbak-öranğörañ qahö malja. ⁵ Ahakmemenjan alañanğö uruñi qahö mem bölimakza. Nanñi ölöwakñamgörök qahö kapan kolakza. Uruqeçe ak wañgigetka urukönöp zilañ qahö ahakza. Mem bölim wañgigetka sihimbölö mörohi, mi qahö mötmöriba mosörakza.

⁶ Tosatñan bölöhñi akzei, mianğöra qahö söngaizapmö, keu ölñi wuatangömakzei, mönö yembuk mohotñe söngaimakza. ⁷ Nalö dop alañi sel jöhöba qöhöröñe kin köhöiba möt narim wañgimakza. Mewö me mewö asuhuiga Anutugö jörömqöröm aka al mamböta awösamkakak kinda sihimbölö pakpak möta mököşönğömakza.

⁸ Urukalem ahakmeme mi nalö teteköhñi qahö ahöm öngöma. Kezapqetok keu jiba keuñi keuñi qainñi kun jimakzei, mianñön qahöwakña aka mötmöt qainñi kun mianñön mönö mewöyök omanji ak teköma. ⁹ Mötmöt qainñi kun mi bahösapsap möt yakömakzin aka kezapqetok keu mi bahösapsap jimakzin. ¹⁰ Bahösapsap ahakzinmö, Anutugö kalemñi kalemñi aködamunñinambuk asuhumei, nalö mianğöreñ bahösapsap malmalninan mönö qahöwahiga oyaenköyaen siyonşayonji qahö malbin.

¹¹ Nöñön namande malali, nalö mianğöreñ namande keu jiba malal. Urumötmötñan namande aiga mianğö dopkeu kewöta mötmöriba malal. Azi ketañi aka mianğöreñ namandegöreñ ahakmeme mi mosöta andö qeal. ¹² Mianğö dop nalö kewöñe Anutugö aködamunñi mi ölop qahö ehakzin. Mi piliknöh uba ehökö tandök ek bibihiba tandökñi törörök qahö möta öne mötmörimakzin. Mewö mötmörimakzinmö, könanğep Anutubuk mesohol köl anğuba ek soroköbin. Nalö kewöñe mötmöt qainñi kun mi bahösapsap möt yaközalmö, nalö mianğöreñ mi mönö körek möt yaköm tekömam. Anutunöh ni möt kömum niñgizawi, nöñön mianğö dop yañgö könanamñi möt kömum tekömam.

¹³ Keu ki jim köhöizin: Kalem karöbut mötnarip, jörömqöröm aka urukalem mi köhöiba ahöm öngömemö, urukalem ahakmeme mianñön mönö sutñine öngöñgöhñi akza. Mewö.

14

Kezapqetok keu aka keu qainñi kun jijigö kalemñi

* 13:2: Mat 17.20; 21.21; Mak 11.23

1 Urukalemgö kōnaŋi mōnō wuatangōba malme aka nup memegö mötmöt kalem kōnaŋi kōnaŋi mi mōnō buŋa qem angubingö kapaŋ kōla malme. Mianŋön ölöpmö, kezapqetok keu jijigö kalemŋi membingōra mōnō kōhöiba kapaŋ kōla malme. 2 Kunöŋ keu qainŋi kun jizawaŋön mōnō ambazip neŋgōra qahöpmö, mōnō Anutugörök mi jimakza. Uŋa Töröŋan sölölöhöiga keu asa-asambötŋi asuhui jimakzawaŋgōra tosatŋi neŋön keu mi qahö möt asarim waŋgimaksin. Mōnō nanŋanök baukōm angumakza.

3 Tōnpin maljinmö, kezapqetok keu jimakzawaŋön mōnō ambazip urunini mem kōhöiba naŋgōba urukölalep ak neŋgimangōra aka keu jimakza. 4 Kunŋan keu qainŋi kun jiba mianŋön mōnō nanŋi uruŋi möhamgōba kōhököhöi miwikŋaimakzapmō, kezapqetok keu jimakzawaŋön mōnō urumelenŋ kōnagesö pakpak urunini möhamgōba mem kōhöim neŋgimakza.

5 Inŋini kōrekŋan keu qainŋi kun jimegōra mötzalmö, kezapqetok keu jimegōra mōnō kapaŋ kōla gwötpuk mötzal. Kezapqetok keu jimakzawaŋön mōnō keu qainŋi kun jimakzawi, mi oŋgitza. Keu qainŋi kun jiba mi mianŋgöreŋök nanine keunöŋ melenjawi, mewö mōnō öröröŋ akzahot. Mewö aiga keuŋan mōnō urumelenŋ kōnagesö urunini möhamgōba mem kōhöim neŋgiiga dop kölja.

6 O urumelenŋ alaurupni, nöŋön eŋgöreŋ kaba keuŋi keuŋi qainŋi kun jibilenŋak, mewö mōnō denöwö mem ölöwak eŋgibileŋak? Mewö qahöpmö, Anutugöreŋ keu indelmam me mötmöt qainŋi kun eŋgimam me kezapqetok keu jimam me goro kusum eŋgimam ewö, mianŋön mōnō mem ölöwak eŋgimam.

7 Awölop me gita kulele me yuai kunöŋ liŋetkö imbiŋi miwikŋaimakzini, mienŋön mōnō malmalŋini qahöpmö, kōnaŋini mōnō mewöŋanök kewö ahöza: Kunŋan awölop laŋ uba me gita kulele laŋ qeiga mianŋön qetŋini nanŋök nanŋök qahö miwikŋaimakza ewö, liŋetkö imbiŋi mōnō denöwö möt asaribinak? 8 Mewöyök tömun um böligetka qetŋi törörök qahö möt asarizin ewö, daŋön mōnō bim qeŋegōra jöjöröbawak?

9 Eŋgö kōnaŋinan mewöŋanök ahöza: Nesilamŋinan ambazip qahö möt asarimeangö dopkeu laŋ jize ewö, kunŋan keu mewöŋi mōnō denöwö möt asaribawak? Keu mewö jizei, mianŋön mōnō öne laŋ luhutnöŋ anakza. 10 Gölmeŋi gölmeŋi mianŋgöreŋ keu murutŋi murutŋi dawik jimakzini, mi daŋön mötpawakmō, tōndup kōrek mienŋön mōnō keugö kōnaŋi möt asaribingōra aka ahöze.

11 Kōnaŋi mianŋgōra aka jimakzinmö, kunöŋ keu jiiga keuŋangö kōnaŋi qahö mötzal ewö, nöŋön yaŋgö keuŋangö kiannŋi akiga yaŋön mewöyök nöŋgö keuŋangö kiani akza.

12 Eŋgö kōnaŋinan mewöŋanök ahöza: Inŋini nup memegö mötmöt kalemŋi kalemŋi buŋa qem angubingö awöweŋgögetka dop kölja. Mianŋgöreŋ mōnō kalem kewöŋi membingōra kapaŋ kōla malme: Mötmöt kalem urumelenŋ kōnagesö uruŋini möhamgōba mem kōhöimakzei, mōnō mi buŋa qem anguba nupnöŋ algetka qetpuk akŋa.

13 Mianŋgōra keu qainŋi kun jimakzawaŋön mōnō kewö köuluköiga dop kölma, “O Anutu, keu jizali, mi melenŋmamgö mötmöt kalemŋi niŋgiman.” 14 Mianŋgö kōnaŋi kewö: Nöŋön keu qainŋi kun jiba köuluközal ewö, nöŋgö uŋanan keuyök jiba köuluközapmō, urumötmötŋan mōnō ölnŋi kun qahö miwikŋaiza.

15 Mianŋgōra mōnō denöwö akiga dop kölma? Nöŋön mōnō uŋananöhök qahöpmö, urumötmötŋi mewöyök mianŋgöreŋ ala köulukömakŋam. Liŋet kōla möpöseimakzali, mi uŋananöhök qahöpmö, urumötmötŋi mōnō mewöyök mianŋgöreŋ ala kölakŋam. 16 Gi Anutu uŋagan möpöseim waŋgizan ewö, ambazip omaŋi kunŋan totokoŋine kaba tata möpöseizanaŋgö kōnaŋi qahö möt kutumawi, yaŋön mōnō “Keu mi ölnŋa,” mi denöwö jibawak? Wania jizani, yaŋön mi qahö möt asariba öne tōnpin tatza. 17 Gi ölop Anutu möpöseizanzmö, keugan tosatŋi yeŋgö uruŋini qahö möhamgōba mem kōhöim eŋgiza.

18 Nöŋön kōrek inŋini eŋgoŋgita keuŋi keuŋi qainŋi kun mi gwötpuk jimakzali, mianŋgōra Anutu möpöseizal. 19 Anutu möpöseizalmö, urumelenŋ kōnagesö uruŋe ambazip kusum

engimangöra kapan köla möt asarimegöra keu jitni 5 jimamgö mötpe ölni akza. Keuji keuji qainni kunön keu jitni 10.000 nanangörök jimamgö mötpe eretni akza.

²⁰ Urumelen alaurupni, injini keu kewöta mötmörimakzei, miangören mönö namande tandök mosöta ambazip ketani yengö dop mötmöriba malme. Bölöni akin jigetka miangören mönö morösepep ewö aka osimemö, mötkutukutuñinan mönö ambazip ketani aka malme. ²¹ *Mosesgö Köna keunön keu kun kewö ohoget ahöza, “Nöñön kian ambazip kungum engibiga könagesö kiengören kaba jitñinan keu tandökni kun jigetka lan welipkömaknemö, mi töndup nöngö keuni qahö mötme. Kembu nöñön mewö jizal.”

²² Keu miangö dopkeu qainni kun jiinga uruñini qahö melenget yeñön mötketka Anutugö aiwesökni ak engizapmö, mötnarip ambazip nengöra mianön mönö aiwesökni kun qahö akza. Mi qahöpmö, kezapqetok keu jiinga mianön mötnarip ambazip nengöra Anutugö aiwesökni akza. Urumelengö kopa yeñön mi mötketka Anutugö aiwesökni kun qahö ak engiza.

²³ Urumelen könagesö enön tokoba körek enön keuji keuji qainni kun miangören jigetka tosatñan Buña keu qahö kusum engigetka uruñini qahö melenja öne miangören öngömei, yeñön mönö auruba kewö jibeak me qahö, “Nöröñinan mönö sohoi kahalalom akze.”

²⁴ Mewö jibeakmö, körek enön kezapqetok keuji keuji jigetka kunñan Buña keu qahö kusum wangigetka mötnaripni qahö öne totokoñine öngöma ewö, körek enön mönö singisöndökni indela uruñi qahö melenjöhangö keuji jim tekögetka könañamni möt kutuiga aukne asuhuma. ²⁵ Uruñangö keu tölapni tölapni aukne asuhuiga yañön mönö dapköba eta Anutu waikni memba möpöseiba kewö jim miwikñaiba qetma, “Anutunön ölna engö sutñine malja.” Mewö.

Urumelen totokogö areni kewö:

²⁶ O urumelen alaurupni, mewögöra nini mönö denöwö jiinga dop kölma? Injini Buña keugö tokomakñei, miangören mohot mohot enön mönö körek areni kun me kun mi kewö ahakñe: Kunön Buña liñetkö areni aliga kunön Buña keu kusum engiiga kunön Anutugö goro dölökni indeliga kunön keu qainni kun jiiga kunön mi melenma. Aren pakpak mi mönö urumelen könagesö urunini kunguget köhöbingöra aka ahakñe.

²⁷ Tosatñan keu qainni kun jime ewö, ambazip 4 qahöpmö, yahöt me karöbut yeñönök mönö totoko mohotkö uruñe mewö jime. Yeñönök mönö areñinangö dop awatan jigetka kunñan mi melenma. ²⁸ Kunñan keu melenmamgö dop qahö akza ewö, yeñön mönö urumelen könagesögö totokonön keu bök tata nanñinangörök keujini qainni kun jigetka Anutunön mötma. ²⁹ Kezapqetok ambazip yengörenök yahöt me karöbut yengörök mönö areñ engigetka keu jigetka tosatñan mönö keujini kewötme.

³⁰ Mewö akñemö, kunñan totokonön tariga Anutunön goro keu uruñe indeli mötza ewö, yañön mönö mi jiiga kezapqetok keu mutuk jizawañön keuji mosöta bök tatma.

³¹ Ambazip körekñan Anutugö goroñi mötketka uruñini nangöi ölöwakñegöra injini mönö körek pakpak ölop nalöñini memba areñinangö dop kezapqetok keu jime. ³² Kezapqetok ambazip yeñön mönö ölop uñañini galöm kölgetka uñañinan keu bapñe anjeangö dop akze.

³³ Anutunön kizik-kazuk Tonj qahöpmö, luai Tonj akza. Miangöra totokoñini mönö areñnön wuatangöba ahakñe. Ambazip sarakni yengö sutñine könagesö dop ahakzei, injini mewöyök mönö miangö dop kewö ahakñe: ³⁴ Ambi enön mönö urumelen könagesögö totokoñine keu bök tatme. Yeñön keu jimeangö dop qahö akzemö, Köna keu ahözawañgö dop mönö keu bapñe anda malme.

³⁵ Ambinön urumelen könagesögö keu jim kutuba kusum engiiga qahö dop kölja. Miangöra keu kungö könañi mötpingö mötze ewö, yeñön mönö miriñine anda tata nanñini apurupñini qesim engime.

* **14:21:** Ais 28.11-12

³⁶ Anutugörej Buña keu mianjôn mönö engö sutñineyök ahuyök me qahö? Keu mianjôn ahuba sehiba mala engörej kaba engö buñayök akza me qahö? ³⁷ Kunöñ kewö jibawak, “Nöñön kezapqetok keu jibiga Uña Töröñan sölölohöm niñgiiga keu miambuk urumohot qahö akzal.” Mewö jizawanjôn mönö keu ki möt yaköma: Nöñön ambigöra keu ohom engizali, mianjôn mönö Kembugö jöjöpañ keu akza. ³⁸ Kunñan keu mianjögö kezap qahö ala silebile malja ewö, injini mönö azi yangö keugö kude kezap al wanjiba malme.

³⁹ Mianjögöra urumelenj alaurupni, injini mönö kezapqetok keu jibingöra awöwengöba malme aka keu qainñi kun jimegö songonji mi kude alme. ⁴⁰ Mi kude almemö, yuai pakpak mönö törörök arenj ala wuatangöba ahakñe. Mewö.

15

Kraistnöñ kömupnöhök wahörök.

¹ O urumelenj alaurupni, nöñön Ölöwak Buña jim asarim enggiali, mi ölum engubapuköra mönö köl gulim engimam. Injini mi buña qem anguba mötnariñini mianjögörej ala töndangöba kinje. ² Nöñön Ölöwak Buña jim asarim enggiali, injini mi mianjögö dop töp memba angön kölme ewö, mianjôn mönö mem letot engiiga Suepkö buñaya akñe. Mewö qahö akñe ewö, urunjini mönö öne töhön melenja malje.

³ *Nöñön keu tosatñi pakpak görañe ala nanak Buña keu möt angön kölali, mi mötpi öngöiga mianjögö keu kötnji mötmegöra mi kewö enggial: Kraistnöñ mönö Buña Kimbi ahözawanjögö dop nengö singisöndokninanjögöra aka kömuyök. ⁴ *Kömuiga Buña Kimbi ahözawanjögö dop löm kölgetka sömañi karöbut aiga kömupnöhök wahörök. ⁵ *Kömupnöhök wahöta Pitögörej asuhuyök aka mianjögö andöñe gwarekurupñi 12 yengörej asuhuyök.

⁶ Mianjögö andöñe nalö mohot mianjögörejök urumelenj alaurupnini qötöñini 500 ongiröhi, mönö yengörej asuhuyök. Yengörejök ambazip ölnji yeñön toroqeba nalö kewöñe mewöyök maljemö, tosatñan lök kömuget. ⁷ Mianjögö andöñe munñi Jeimsgörej asuhuyök aka mianjögö andöñe aposol pakpak yengörej asuhuyök.

⁸ *Mienjögörej körek asuhubagun qöndökñi mönö nöñgörej mewöyök asuhuyök. Nöñön aposol mi asai ewö öröpköba alunji asuhuyal. ⁹ *Mianjögö könañi kewö: Nöñön aposol yengö sutñine mötpi eriga dagibezupñini akzal. Anutugö urumelenj könagesö sesewerowero ak engiba malali, mianjögöra nöñgö qetni aposol qetketka mötpi gamuñambuk akza.

¹⁰ Gamuñambuk akzapmö, nalö kewöñe yuai akzali, mi mönö Anutugö kalem möriamñan mem letota nam köl niñgiiga maljal. Yanjôn kalem möriamñi niñgiiga liklak qahö akiga eta qeba omañi qahö ahökmö, nöñön mönö aposol körek luhut al engiba köhöiba nup memba malal. Mi nanak qahöpmö, Anutugö kalem möriamñan mönö inahöm niñgiiga nupnanjögö ölnji mewö asuhuba sehiyök.

¹¹ Nöñön meali me yeñön megetka ölnji asuhuyöhi, mi muat. Neñön mönö Ölöwak Buña keu mewö jim asarimakzin aka injini mianjögö dop urunjini melenja Kraist möt nariba malje. Mewö.

Nini kömupnöhök denöwö guliba wahötpin?

¹² Mötket! Kraistnöñ guliba kömupnöhök wahöröhi, yangö könañi mewö jim asarimakzin ewö, engörejök tosatñan mönö denöwö aka kewö jimakze, “Kömukömuñi yeñön qahö guliba wahötme.” ¹³ Mewö jimakzemö, kömukömuñi yeñön qahö guliba wahötpeak ewö, Kraistnöñ mönö mewöyök qahö guliba mal köhöibawak. ¹⁴ Anutunöñ Kraist qahö mem gulli kömupnöhök wahötpawak ewö, nini Buña keunji mi jim asarimakzini mi omañi akawak. Mi möt narigetka mianjôn mewöyök pömsöm qeba omañi akawak.

* **15:3:** Ais 53.5-12 * **15:4:** Sum 16.8-10; Mat 12.40; Apo 2.24-32 * **15:5:** Mat 28.16-17; Mak 16.14; Luk 24.34, 36; Jon 20.19 * **15:8:** Apo 9.3-6 * **15:9:** Apo 8.3

¹⁵ Anutunöŋ ölŋa kömukömuŋi qahö mem gulim enġii wahötpeak ewö, Kraistnöŋ mönö mewöyök qahö mem guli wahötpawak. Nini mi töndup Anutugö könaŋi kewö naŋgöba jimakzin, “Anutunöŋ mönö Kraist mem guli kömupnöhök wahörök.” Keu mi ölŋi qahö akawak, ambazipnöŋ mönö miangöra aka könaŋamnini miwikŋaigetka munenji aiga ölop nöŋgöra kewö jibeak, “Anutugö könaŋi mönö naŋgöba jim sohomakza.” Keu miangön mönö gamuŋamŋuk akawak. ¹⁶ Anutunöŋ kömukömuŋi qahö mem gulim enġii wahötme ewö, Kraistnöŋ mönö mewöŋanök qahö guliba wahötpawak.

¹⁷ Anutunöŋ Kraist qahö mem guli wahötpawak ewö, iŋini mönö öne töhöntöhön möt narim waŋgiba toroqeba siŋgisöndokŋinaŋgö kösögwarönöŋ malbeak. ¹⁸ Mewö aiga alaurupninan Kraistpuk qekötahöba kömuger, yeŋön mönö mewöyök sohoba könöp siagö buŋaya akeak. ¹⁹ Nini Kraist jörömqöröm ak waŋgiba gölmenöŋ malbinaŋgö dop galöm köl neŋġii miangöreŋ tekömapköra mambötzin ewö, nini mönö ambazip tosatŋi pakpak enġonġita bapŋine geba öngöpŋi daböŋi malinga körekŋan wösö mötmöt ak neŋġimakzeanġö dop akinak.

²⁰ Mewö akinakmö, Kraistnöŋ mönö ölŋa guliba kömukömuŋi yeŋgö jitŋe memenini aka kömupnöhök wahörök. ²¹ Miangö könaŋi kewö: Azinöŋ kömup kondoriga asuhui könahiba kömumba mala korin. Kömumba maljinaŋgöra aka azi kunŋan kömumba guliba malmal köhöikŋi kondoriga asuhuyök. Miangöra nini körekŋan mönö mewöyök guliba kömupnöhök wahötpin. ²² Körek neŋön Adam ewö aka kömumbini, mewöŋanök Kraistpuk qekötahözini, Anutunöŋ nini körek mal köhöibingöra mem gulim neŋġima.

²³ Mem gulim neŋġimappmö, körek neŋön mönö Anutunöŋ nalö alöhanġö dop guliba wahötpin. Kraistnöŋ jitŋememenini aka guliiga miangö andöŋe yaŋgö buŋaŋi akzini, neŋön lilingöba kaiga nalö miangöreŋ guliba wahötpin. ²⁴ Kraistnöŋ mönö lilingöba kaba ömewöröme pakpak gölme dop ösum-mumu qakŋe galöm kölakzei, miengö kukŋini memba et ala ösumŋini körek köndenŋma. Mi köndenŋda bemtohoŋi Anutu Iwigö böröŋe aliga gölmenöŋ malmal miangöreŋ teköma.

²⁵ *Kraistnöŋ galöm köla mal öngöiga Anutunöŋ Buŋa keu ahözawaŋgö dop “mönö kerökurupŋi körek luhut ala nanŋi köna bapŋe al enġima.” Kraistkö galömkölköl nupŋan mönö miangöreŋ teköma. ²⁶ Kerökurupŋi luhut al enġiiga miangöreŋ kömup Tonŋan mönö qöndökŋi aiga memba et al waŋgima.

²⁷ *Miangö könaŋi mi Buŋa Kimbinöŋ kewö ahöza, “Anutunöŋ mönö yuai pakpak yaŋgö köna bapŋe ali ahöza.” Keu mewö ahözappmö, “Yuai pakpak ali ahöza,” keu mewö jiiga könaŋi mönö aukŋe kewö ahöza: Anutunöŋ yuai pakpak Kraistkö bapŋe ali ahöiga nanŋi mönö qahö memba eta Kraistkö bapŋe al anġuyök. ²⁸ Mewö qahöppmö, Anutunöŋ yuai pakpak Nahönŋaŋgö bapŋe aliga galöm köla kerökurupŋi pakpak nanŋi kukösumŋaŋgö bapŋe al enġima. Mi teköiga miangöreŋ Anutunöŋ mönö Nahönŋi mewöyök nanŋi kukösumŋaŋgö bapŋe ala galöm köl waŋgima. Mewö aka Anutunöŋ yuai pakpakö Kembuŋi ak teköba mal öngöma.

²⁹ Keu kun kewö: Ambazip tosatŋan uruŋini qahö melenŋda öne kömugeraŋgöra tosatŋan kömukömuŋi mi bauköm enġimegöra jiba salupŋini aketka dumŋe kunbuk o melun mem enġimakze. Kömukömuŋi yeŋön qahö guliba wahötpeak ewö, yeŋgö nup ölŋan mönö denöwö asuhubawak? Anutunöŋ kömuger, mi qahöpmahöp mem gulim enġii wahötpeak ewö, ambazip mewöŋan mönö denöwögöra aka jigetka yeŋgö salupŋine o melun mem enġimakze? Nupŋini mi mönö öne membepuk.

³⁰ Kömumba qahö wahötpinak ewö, neŋön mewöyök mönö urunini Anutugö nupnöŋ qahö ala jöhöbinak. Anutugö nupköra aka kömumbinbukö lömböt bapŋe sundan qahö anda malbinak. Qahö.

* 15:25: Sum 110.1 * 15:27: Sum 8.6

³¹ Kômupnöhön mönöhön nalöhön dop gwahöhön ningimangöhön dop akza. Keu mi ölnja. O urumelen alaurupni, nöjhön Kraist Jisös Kembunini yambuk kinda engöra aka sileni memba öngömakzali, miangöhön dopkeu ölnji mi aukne jibi mötmegöra mötzal.

³² *Nani imbi-imbi wuatangöba nup ki memangöhön mötmörize ewöhön, yuai kianöhön mönöhön denöhön bauköhön ningima? Mewöhön qesim engibiga mi mönöhön mötmöriba melenme: Nöjhön Efesus siti kiangören ambazip ubibi kanjamninambuk ewöhön miwiknjaiba kömumbilenbuköra yembuk auba malal. Mönöhön tötböröm aka auba malal. Kömumbagun qahöhön guliba wahötpini, mewöhön mönöhön qahöhön aubilenjak. Qahöhön! Mewöhön aiga ölop tosatnji yembuk kewöhön jibilenjak, “Uran kömumbinangöra mönöhön ölop nene sösongai ala o köhöiknji memba malbin.”

³³ Janjun kude akne. “Ambazip bölohönji yembuk köisirik tatketka ahakmeme ölopnan bölima.” Keu kun mewöhön ahöza. ³⁴ Engöhön sutnine tosatnan Anutu qahöhön möt wangizei, miangöra gamunini mötmegöra mi jizal. Miangöra mönöhön gukmaulemnini mosötmehön. Imbininan letoriga törörök möta singisöndok kude toroqeba ahakne. Mewöhön.

Sileninan guliba wahöta tandökni kun aknja.

³⁵ Kunöhön kewöhön qesibawak, “Anutunöhön kömukömunji mi denöhön mem gulim engii wahötmehön? Sileninan mönöhön tandök denöhön melenniga asuhumehön?” ³⁶ Mewöhön qesibawak, mönöhön uruqahöhön keuya jibawak. Inini sehön kötnji qahöhön kömuiga öne qesin gilme ewöhön, miangöhön mönöhön qahöhön jula wahötmehön. ³⁷ Kötnjangöhön ipnji wahötmawihön, mi qahöhön kömötzanmöhön, kötnjanök qesin giljan. Wit me sehön kötnji me kötnji tosatnji gilakzan.

³⁸ Miyök gilakzanmöhön, Anutunöhön mönöhön sihimjangöhön dop ipnji wangima. Kötnji tandökni nanjök nanjök mi nanjini ipnji engimakza.

³⁹ Yuai busunini mi tandökni mi mohot qahöhön. Ambazip busunini nanjök, sömbup busunini nanjök, nei busunini nanjök aka söra busunini mi nanjök.

⁴⁰ Miangöhön dop Suepnöhön malmalgöhön sile mi nanjök akza aka gölmenöhön malmalgöhön sile mi nanjök akza. Nanjök nanjök akzahötmöhön, Suep silegöhön aködammunji mi gölme silegöhön aködammunji ongita qainji kun akza. ⁴¹ Wehönghöhön asakmararanji mi nanjök, köingöhön asakmararanji nanjök aka senjelau miengöhön asakmararanjini mi nanjök. Senjelau asarigetka tosatnji miengöhön asakmararanjini mi senjelau tosatnji miengöhön asakmararanjini ongirakza.

⁴² Guliba kömupnöhöhön wahötpini, miangöhön könanan mönöhön miangöhön dop ahöza. Sile löm kölbini, miangöhön gisahöba qahöwaktapmöhön, Anutunöhön mi mem gulii wahötmawihön, miangöhön mönöhön qahöhön kömuma. ⁴³ Sile löm kölbini, miangöhön lölöwöröhön aködammunji qahöhön akzapmöhön, Anutunöhön mi mem gulii wahöta miangören mönöhön köhöiknji aka asakmararanjambuk aknja.

⁴⁴ Sile löm kölbini, miangöhön gölmenöhön malmalgöhön sileya akzapmöhön, Anutunöhön mi mem gulii wahöta miangören mönöhön unja mire malmalgöhön sileya aknja. Gölmegöhön sile ahöza ewöhön, miangöhön dop unjagöhön silenji mi mewöhön ahöza. ⁴⁵ *Miangöhön keunji mi Buja Kimbinöhön mewöhön kewöhön ohoget ahöza, “Azi mutuknji Adam yanöhön letota unjani miwiknjaiba söngöröhön ösumnji öröba malmalnjambuk ahök.” Keu mi möringa likepnji kewöhön asuhuyök: Adam qöndöknan mönöhön memguliguligöhön unjani ahök. ⁴⁶ Unjagöhön yuainji mi mutuk qahöhön asuhuyökmöhön, gölmegöhön yuainji miangöhön mönöhön mutuknji akza. Unjagöhön yuainjan mönöhön miangöhön andöhön asuhuyök.

⁴⁷ Anutunöhön azi mutuknji sömsömnöhöhön miwiknjaiiga gölme azia asuhuyök. Azi könanjepnji yanöhön mönöhön Suepnöhöhön eta sutnine asuhuyök. ⁴⁸ Gölmehön ambazipnöhön azi gölmenöhöhön asuhuyöhön, mönöhön yangöhön dop akze. Suepköhön buja akzinanöhön azi Suepnöhöhön eta asuhuyöhön, mönöhön yangöhön dop akzin. ⁴⁹ Nini gölme azi mutukjangöhön kaisongolomnji memba maljini, miangöhön dop Suep azigöhön kaisongolomnji mi mewöhön memba malbin. Mewöhön.

⁵⁰ O urumelen alaurupni, nöjhön keu kewöhön jibi mötmehön: Sep busuninan mönöhön Anutugöhön bemtohon urunehön angota dum memegöhön dop qahöhön. Mi osimahot. Sile kianöhön gisahöba

* 15:32: Ais 22.13 * 15:45: Jen 2.7

qahöwaktawawi, mianjön mönö oyaenjkoyaen qahö akña. Suepkö dum qahö ayapkömawawi, sile kianjön mönö mi memamgö osima.

⁵¹ *Mötket! Nöñön keu tölapñi kun kewö indelmam: Körek neñön mönö qahö nöñ qeba kömumbin. Qahöpmö, kömukömuñi yeñön letotketka tosatñi neñön mönö sileninambuk letotpin. ⁵² Anutunöñ kömukömuñi mem gulim enjiiga tömun qainñi kun qöndökñan qeriga miangöreñ wahötketka neñön biliksik aliga wölanjök letotpin. Mutuk kömugeri, yeñön mönö kunbuk qahö kömume.

⁵³ Sep busu ki gisahöba qahöwaktawawi, mianjön mönö letota qahö ayapkömawanjögö dop akña. Sile ki kömumawawi, Anutunöñ mi mönö opo ewö qeköba miangö salupñe sile qahö kömumawawi, mi neñgii memba maluku ewö löñgötpin.

⁵⁴ *Mewö akzapmö, letotletot mi ak teköiga silenini qainñi kun meinga qahö kömumba gisahömawawi, nalö miangöreñ mönö söñgaibin. Buña Kimbinöñ keu ohoget ahözawi, mianjön mönö öñambuk aiga miangö dop kewö jime, “Yañön mönö kömup Tonji köndenja luhut aliga köirañ aljin.”

⁵⁵ *Keu miangö alañi kun kewö, “O kömup Tonji, göñön mönö luhut almananjögö dop qahö. O kömup Tonji, göhöreñ lingip jitñi mianjön mönö neñgöhömamgö osima.”

⁵⁶ Keu mewö ahözapmö, kömupkö lingip jitñi mi siñgisöndok ahakmeme. Jöjöpañ keuñan mönö siñgisöndok akinbukö sonjo aliga töndup ahinga kukñambuk ahakza. ⁵⁷ Kukñambuk ahakzapmö, Kembunini Jisös Kraistnöñ mönö Anutugöreñ bohon köliga alabauknini aiga yangöra aka luhut ala malbin. Miangöra “Anutu saiwap!” jizal.

⁵⁸ O wölböt alaurupni, luhut albinanjögöra eñön mönö kin köhöiba anjanbanjan mosöta uruñini kude öngöba eta ahakña. Kembugöreñ qekötahöba nupñi megetka öñan mönö eta omanj qahö akña. Mi möt yaköba Kembugö nupñi mi mönö urukönöp* qakñe böñ qeba pöndañ memba malme. Mewö.

16

Jerusalem alabauk enjimegö jimkutukutuñi

¹ *Judia könagesö sarakñi yeñgöra alabauk monen tokomegöra qesim niñgigeri, miangöra kewö jim kutum enjizal: Nöñön Galesia prowinsgö urumelen könagesöñi könagesöñi jim kutum enjiali, eñön tok mönö miangö dop kewö ahakñe:

² Sonda dop wehön mutukñi miangöreñ inñi körek nanjök nanjök mönö naluk alakñe. Töhötmöriam memakzeanjögö dop monenini bahöñi mi köweñini görañe ala galöm köla malme. Mewö aketka nalö engöreñ kabiga miangöreñ naluk sanjabañga almeanjögö dop qahö akñemö, mi ölop köweñineyök memba altanöñ alme.

³ Mewö aketka engöreñ kamami, nöñön nalö miangöreñ ölop jim-asa-asari kimbi ohoba azi nup miangö mötket dop köljawi, mönö yeñgö böroñine ala melaim enjibiga mindimindiri kalemñini mi memba Jerusalem anme. ⁴ Nöñön yembuk mohotñe anmamgö anmam ewö, yeñön mönö ölop nömbuk toroqeba mohotñe köwet kutuba anbin. Mewö.

Polgö nupñanjögö aka köna anangö arenji

⁵ *Nöñön Masedonia prowins onjita anmam. Miangöra Masedonia mosötagun mönö engöreñ kamamgö mötzal. ⁶ Engöreñ kaba nalö tosatñi embuk tatpilenjak me kömunjan kie nalöñi (winter) mi mewöyök enjögö sutñine toroqeba mal teköbilenjak. Mewö malbi ölop bauköm niñgigetka denike denike anbilanjak, miangöreñ mönö amqeba köna toroqeba anmam. ⁷ Nalö kewöñe engöreñ kaba kusukñanök enjeka enjogñita anmamgö qahö mötzalmö, Kembunöñ onjima ewö, mönö nalö tosatñi embuk tatmamgö jöjörözal.

* **15:51:** 1 Tes 4.15-17 * **15:54:** Ais 25.8 * **15:55:** Hos 13.14 * **15:58:** Urukönöp mi Kembugöreñ ölopñanjögöra jiza. Urukönöp bölöñi mi qahö. * **16:1:** Rom 15.25-26 * **16:5:** Apo 19.21

8 **Mewö jöjörözmö, mutuk Efesus siti kiangören toroqeba malbi yambu jenjeqe dölökni (pentekost) mianjón kam kunjuma. 9 Anutunöy nöngöra nupkö nanjuni ketani öröi ölop nup ketani membi ölni asuhum sehimakzapmö, gwötpukjan tuarenjon ak niñgimakze. Miangöra kiangören toroqeba malmangö mötzal.

10 *Timotinöy ni ewö Kembangö azi ipni aka nupni memba malja. Miangöra yanjón engören kama ewö, injini mönö köyan köl wanjigetka kenjöt mötmötñi qahö engö sutjine malma. 11 Kunjan kun kude ek sirik kölmappmö, embuk mal teköba nöngören kamangö jimawi, miangören mönö bauköm wanjigetka luainöy engömosöta lilingöba kama. Nöjón urumelen alaurup yembuk i ekingö mambötzin.

12 Urumelen alanini Apolos yanjón keunji kewö jimam: Yanjón urumelen alaurup yembuk engören kamegöra jiba köhöikjanök uru kunjum wanjial. Mi wanjialmö, nalö kewöne engören kamangö tököm köhöiza. Könanjep nalöni ölop ahöm wanjimawi, mönö miangören kama. Mewö.

Yaizözkök keu teteköni

13 Injini mönö uruguliguli mala mötnariñini köl guliba kin köhöiba malme. Azi köhöikjanjögö dop mönö urugö nanjónanjögö ambazip aka Kembangö kukösumñambuk kinme. 14 Yuai pakpak aka memei, mi mönö urukalemnöy aketka asuhuma.

15 *Stefanas yanjögö mire maljei, injini mi möt engize. Akaiia prowinsnöy nup meinga uruñini melengetka nupninanjögö ölni mutukni mewö asuhuyöhi, mötze. Yenjón ambazip sarakni mi pöndañ welen qem engiba uruñini miangören jöhöba ala maljei, mi mötze. O urumelen alaurupni, nöjón uruñini kewö kunjum engizal: 16 Injini tok ambazip mewöni aka yembuk toroqeba nup mohotje memba Anutu welenji qemakzei, mönö körek yengö keunji bapne anda malme.

17 Nöjón Stefanus Fortunatus aka Akaikus ki kangerangöra söngaimakzal. Injini nömbuk Efesus ki qahö malgetka yenjón mönö engö salupñini aka köisirik ak niñgigetka dop kölja. 18 Yenjón engö unjanini körö-ölöwak qeba maljei, mianjögö dop mönö nöngö unjani mewöyök körö-ölöwak qem niñgiba malget. Miangöra injini mönö azi mewöni yengöra mötket öngöiga mi aukneyök jiba keunjanjögöra törörök kezap ala malme.

19 *Urumelen könagesöni könagesöni Eisia prowins kiangören maljei, yenjón mönö yaizözkökñini algetka engören kaza. Aqila Prisila aka urumelen könagesö yetkö mire tokomakzei, yenjón mönö Kembangö qetne yaizözkökñini gwötpuk algetka engören kaza. 20 Urumelen alaurup pakpak Efesus ki maljei, yenjón mönö yaizözkökñini algetka engören kaza. Injini mönö urumelen alaurupñini yembuk jölöñini jiba anjum anjuba numbuñini yöhötüm nemba malme.

21 Nani yaizözkökni engören ala qetni nani börönan kewö ohozal: Pol.

22 Kunjan Kembu qahö jöpaköba urukalem qahö aka malja ewö, Kembunöy mönö gesuakni yanjögö qakne ali öngöma. Kembunini, gi mönö kanöñ!

23 Kembu Jisösgö kalem möriamnan mönö embuk ahöma.

24 Kraist Jisösbuk qekötahöba kinjei, nöngö urujöpaknan mönö körek embuk ahöba kötuatköm engii malme. Keu mi ölna. Mewö.

Korint Kimbi 2 Polnön Korint yeŋgöra kimbi aliga 2 ahök. Jim-asa-asari

Pol aka Korint urumelen könagesö yeŋön urumohot ölopni qahö aketka nalö mianğoreŋ Polnön Masedonia mala kimbiŋi ki ohoyök. Tosatŋan Pol tuarenjoŋ köhöikni ak waŋgigetmö, Polnön töndup aŋgururuk memba et ala yembuk urumohot akingö kapan kölök. Aŋgururukni tekömapkö urusösöŋgaiŋi kondel eŋgiyök.

Kimbi bahöŋi mutukni (Boŋ 1-7) mianğoreŋ Polnön Korint urumelen könagesö yembuk jöhöjöhö ahöhaŋgö keuŋi jiza. Könaŋi denöwögöra urumelen könagesö mi köhöikŋanök jim eŋgiyök? Mewö aiga uruŋini melenđa urumohot akeri, mianğö sösöŋgaiŋi kondela jim asariza.

Kimbi bahöŋi 2 (Boŋ 8-9) mianğoreŋ Judia urumelen könagesö bauköm eŋgiba naluk eŋgimegöra kuŋgum eŋgiza.

Kimbi bahöŋi 3 (Boŋ 10-13) mianğö keuŋi kewö: Böhi takapulakaŋi tosatŋan nanŋini qetŋini ‘Aposol ölni’ jiba Polgöra aposol muneni jigetka Polnön keu mianğö likepni melen eŋgiyök.

Buk kianğö bahöŋi bohonŋi 5 mi kewö:

Jim-asa-asari keu 1.1-11

Pol aka Korint urumelen könagesö 1.12–7.16

Judia urumelen kambu yeŋgöra naluk alme 8.1–9.15

Polnön aposol ölni akzawaŋgö kukösumni 10.1–13.10

Keu teteköŋi 13.11-13

¹ *Anutunöŋ sihimŋaŋgö dop Pol ni kuŋgum niŋgiiga Kraist Jisösgö melaimelai azi aposol akzal. Nöŋön urumelen alanini Timotibuk tatzit. Korint sitinöŋ Anutugö urumelen könagesö maljei aka ambazip sarakni pakpak Akaia prowinsini dop köla maljei, netkön embuk Buŋa keu eraum mötpingöra kaba kimbi ki ohozit.

² Anutu Iwinini aka Kembu Jisös Kraist yetkön mönö kalem möriam eŋgiyohotka luainöŋ malme.

Polnön Anutu urukölalepŋaŋgöra möpöseiza.

³ Nini Kembunini Jisös Kraistkö Anutu Iwiŋi möpöseimakzin. Yaŋön mönö ak-kömökömu Toŋi aka urukölalep pakpak neŋgimakzawaŋgö Anutuŋi akza.

⁴ Nini kahasililiŋ könaŋi könaŋi miwikŋaimakzini, nalö mianğoreŋ Anutunöŋ uruqesawölim neŋgimakza. Uruqesawölim neŋgii möta mianğö qakŋe kininga tosatŋan kahasililiŋ könaŋi könaŋi miwikŋaimakzei, mi mönö ölop amqeba uruqesawölim eŋgimakin. ⁵ Mianğö könaŋi kewö: Kraistpuk qekötahöingə yaŋgö sihimbölöŋan qaknine öŋgöi keleŋmaleleŋ mörakzinmö, mianğö dop uruqesawölim mewöŋanök neŋgii Kraist qekötahöingə urukölalepŋan urunine geiga keleŋmaleleŋ mörakzin.

⁶ Neŋön köŋjiliŋ uruŋe maljin ewö, Anutunöŋ mönö iŋini uru qesawölim eŋgii uruŋini kunbuk melenđa oyaenköyaen akŋegöra mötza. Anutunöŋ uru qesawölim neŋgiiga eŋön mi eka nanŋinak uru qesawölim miwikŋaime. Uru qesawölim eŋgimakzawaŋgö ölnan mönö uruŋine kewö asuhumakza: Nini sihimbölö möringa eŋön tok sihimbölö miyöhök miwikŋaime ewö, mi mönö ölop möta mökösöŋda kin köhöiba malme. ⁷ Sihimbölönöŋ qakŋine öŋgöi mörakzei, uru kölalepnöŋ mönö mewöŋanök qakŋine öŋgöi malje, mötzin. Mi möta mianğöra eŋön kin köhöimegöra mamböta jörömqöröm köhöikni ahakzin.

* 1:1: Apo 18.1

⁸ *O urumelen alaurupni, nini Eisia prowins uruje nup memba mala nupkö si-himbölö möta kahasilin miwikñaiba mörini, injini mianğöra gukmaulem malbepuköra mötzin. Nupkö lömbötñan ösumnini onğita öngöngöñi aka mulumgöm neñgiiga kin köhöibingö osiinnö, tøndup kapan kölinga mem et al neñgiiga malin. Mewö asuhuiga toroqeba malbin me qahöwi, mianğöra mewöyök tötböröm aka malin.

⁹ Mewö mala uruninan kewö mötmöriin: Kunöñ kömumbingö keuñi lök jim teköi keu mianjön qaknine öngöi ayuhubingö mambörin. Nanini ösumnöñ nariba malbinbukmö, Anutu kukösum qakñe nariba malbingöra aka mewö asuhuyök. Anutunöñ kömukömuñi mem gulim enğii wahötmei, yañön mönö amqeba nini mewöyök bauköm neñgimakña.

¹⁰ Kömumbinbukö kenğöt mötmöt öngöngöñi ahinmö, Anutunöñ mönö mianğöreñök meköm neñgiyök. Meköm neñgiyök aka toroqeba meköm neñgimakña. Nini jörömğörömnini Anutugöreñ ala mewö möt narim wañgiba kinjin. ¹¹ Injini mewöyök bauköm neñgiba neğöra aka köulukögetka meköm neñgimakña. Gwötpukñan neğöra aka köulukögetka Anutunöñ möta mianğö likepñi melenñi kalem möriamñan dop köl neñgi neñgehorimakña. Mewö meköm neñgiiga alaurup gwötpukñan mi möta neğöra aka mindiriba möpöseigetka köiran köulukñinan öngöba Anutugö kezapñe gemakña. Mianğöra mönö toroqeba nöğöra aka Anutu köulukömakñe. Mewö qesizal.

Polnöñ köna anangö arenji uteköyök.

¹² Tosatñi injini nöngö könañamnanğöra uruyahöt akzei, mianğöra keu kewö jimam: Anutunöñ solanñi malbingö mörakzawi, neñön mianğö dop gölmeñi gölmeñi liliköba mianğöreñ ahakmeme sarakñi mi pöndañ wuatangöba malin. Engö sutñine mi mönö kapan köla törörök wuatangöba malin. Mi gölme ambazip mötkutukutuninangö dop qahöpmö, Anutugö kalem möriamñan inahöm neñgiyöhanğö dop mi aka memba malin. Anutunöñ ahakmemeni mi eka nañgöba “Dop kölja,” jiiga urukezapnan keu mi mörakzal aiga mianğöra silenini memba öngömakzin.

¹³ Kulem ohomakzali, mianğö keuñi pakpak mönö ölop oyoñda möt asarimeangö dop akza. Keuni mi geñmoñi qahö. Keu könañi asa-asambötñi kun qahö ohomakzal. Mi aukñeyök ahöza. Mianğöra nöngö könani mi körek möt asarim tekömegöra möta jörömğöröm akzal. ¹⁴ Nöngö könani mi lök bahösapsap kewö möt asarize: Kembunini Jisösnöñ kunbuk kamawi, nöñön mönö nalö mianğöreñ engöra aka sileni memba öngömam. Mianğö dop injini mewöyök ölop nöngöra aka silenini möpöseigetka dop kölma. Injini nöngö könani mewö möt asarim tekömegöra mötzal.

¹⁵ Nöñön keu mianğö qakñe awösamkakak kinalangöra aka mutuk engöreñ kaba engekñangö arenji alal. Indimñi yahöt engekiga kötümötuet mötmegöra aka köna an-mamgö arenji kewö albi ahöyök: ¹⁶ *Masedonia prowinsnöñ anmamgö könanöñ mutuk injini engeka toroqeba Masedonia anda lilingöba kunbuk engöreñ kamamgö jial. Kaba malbi yuai tosatñi bauköm niñgiba melaim niñgigetka engömosöta Judia prowinsnöñ anmamgö möral.

¹⁷ Arenñi mewö albi ahöyökmö, mi uteköyal. Mewö aka an köl kam köl qakñe möndöba lan qahö ahal. Nani arenñi mi gölme ambazipkö dop nanangöra lan mötmöriba qahö ahal. Mewö kude mötmörime. Numbu ösum mohot mianjönök “On, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakñi wuatangömakzal.

¹⁸ Anutunöñ keu jiba mianğö dop pöndañ ahakzawi, neñön mönö yañgö jeñe kewö jim köhöizin: Neñön nalö kunöñ “On, mi ölop akin,” jim jöhöba mianğö andöñe “Mi qahö akin,” pötagororöñ keu mewö melenqelen qahö jiba malin.

¹⁹ *Anutu Nahönñangö könañi kewö: Nöñön Sailas aka Timoti yetpuk engö sutñine Kraist Jisösgö könañi jim asariba malinga yañön “Anutugö jitñi tem kölmam!” aka “Qahö

* 1:8: 1 Kor 15.32 * 1:16: Apo 19.21 * 1:19: Apo 18.5

tem kölman!” keu jöl yahötyahötkö qakne melenqelen da qahö kaba malökmö, Anutugöra keu jiba jöhöyöhi, miangöra mönö “On!” jiba miangö dop aka memba malök.

²⁰ Anutunöj jöhöjöhö keu (promis) sehisehiji dawik nengiyöhi, qötöjini qahö mötzinmö, Kraistnöj keu körek miengöra “On!” jiba mem köhöiiga pöwöwöm ahöza. Miangöra Kraistnöj mewöyök nam köl nengii keu miengö ölninan asuhui möta “Keu mi ölna,” jibin. Mewö ahinga Anutugö qetbuñan sehimakña.

²¹ Anutu nanjak mönö nini aka injini mohot mem köhöim nengiiiga Kraistpuk qekötahöba kin köhöibin. Yanön mönö Buña keu jim sehibingöra aka bedu mem nengii maljin. ²² Anutunöj urunine Uña Töröji mekötahöiga yanön oyaenköyaen malbingö keuji nanjöba jim köhöimakza. Anutunöj mewö aka buñani akzinangö muñgem supañi mi mekötahöm nengiyök.

²³ Nöñön tembula lömböt engibilenbuköra möta zilañ Korint engörej qahö lilingöba kayal. Mewö jiba Anutugö qetji qetpi ölop keuni mi nanjöba jima. ²⁴ Silik denöwö aka Anutu möt narimakzei, miangörej kembu ak engimangö qahö mötzal. Mötnaripñinan lök töndangöm engiiiga kin köhöimakze. Miangöra sösongai qakne malmegöra bauköm engimangö möta embuk mohotne urugö nup memakin. Mewö.

2

¹ Mutuk engörej kaba siksauk akerangöra jim engibiga gamuñini möta wösöbirik aket. Miangöra engörej kabiga kunbuk mewö akepuköra möta urunan keu jöhöba köna anangö areñni uteköyal. ² Miangö könañi kewö: Gamu qem engibi wösöbirik akeak ewö, danön ölop uruni qesawölim ningiiga kunbuk sösongai miwikñabileñak? Janjuñinangöra aka jim engibi wösöbirik akeak ewö, tosatñan sösongai ak ningibingö osigetka nanak mewöyök wösöbirik aka malbilenbuk. Miangöra zilañ kaba gamu qem engimangö töközal.

³ Kimbi köhöikñi mi könañi kewögöra ohoba alal: Nöñön söngaibiga körek enön mönö nömbuk söngaim. Nöñön injini körek mewö uruyahötñi qahö möt narim engizal. Nöñön tosatñi engöra sösongai miwikñaimangö mötzalmö, kabiga könañamñini sohoi lañ malgetka engeka wösöbirik akilenbuk. ⁴ Wösöbirik aknegöra kimbi mi qahö ohoyalmö, önöñi qahö uru jöpaköm engimakzali, injini miangö könañi möt yakömegöra mönö keu köhöikñi mi kimbinöj ohoyal. Urunan engöra aka waimanjat ketani möta köñjilin qakne tata imbilnan eriga ohoyal. Mewö.

Kunñan köna ongiröhi, yangö sinjisöndokñi mönö mosötme.

⁵ Kunöj sinjisöndok aiga gamu aka wösöbirik asuhuyöhi, miangön mönö nöngö qakneyök qahöpmö, körek engö qakñine mewöyök öngöyök. Keu mi jim qaribi sohobapuköra mönö kewöyök jimam: Gamu miangön mönö körek dop köl engii miangöra gwötpuk me borom kun wösöbirik aket. ⁶ Könagesö ölnan keuñangö likepñi melen wañgigeri, miangön mönö dop köl wañgii uruñi kunbuk melenök.

⁷ Nalö kewöñe gamu aka wösöbirik keta bölökñi möriga miangön jem keleleñgöbapuköra mönö lömböt kude toroqem wañgime. Lömböt qahöpmö, mönö kapan köla sinjisöndokñi mosöta urukölalep ak wañgime. ⁸ Miangöra kewö uru kuñgum engizal: Injini mönö keu jöhöba urukalemñini kunbuk toroqeba köhöiba kondel wañgiba malme. ⁹ Nöñön kimbini mi kewögöra ohoyal: Injini nöngö keuni pakpak tem köla esapesapnöj kin köhöime me qahö tem köla töteköba etme, miangö könañi kewöta mötmangöra möta mi ohoyal.

¹⁰ Injini kungö sinjisöndokñi mosötze ewö, nöñön mi mewöyök mosöt wañgizal. Bölöñi ak ningiyöhi, miangöra qahö mötpi öngözapmö, enön kunbuk ölöwaka mindirim añgumegöra mötzal. Miangöra bölöñamñi mi lök Kraistkö jene ölna mosöt wañgibiga teköyök. ¹¹ Satanöj areñi ala silenöj alal könañi könañi ahakzawi, miangöra tönpin qahö maljal. Miangöra Satanöj luhut al nengibapuköra aka azi miangö sinjisöndokñi mönö mosöt teköme. Mewö.

Polnöj Troas mala Taitusgöra waimanjat mörök.

12 *Nöñön Kraistkö Ölöwak Buñaji jim sehimamgöra aka Troas taonöñ anbiga Kem-bunöñ nanju öröm niñgiiga nupni mianğöreñ memamgö amqeyök. 13 Mewö amqeyökmö, urumelen alani Taitus qahö miwikñaibi keunini qahö jii möralağöra aka waimanjat möta luainöñ urune qahö ahöyök. Mianğöra yaizözköñini jiba engömosöta Taitus jarumamgöra Masedonia prowinsnöñ anal. Mewö.

Kraistnöñ ösum neñgiiga luhut alakzin.

14 Neñön Anutu kewögöra möpöseimakzin: Kraistkö buña aka welenji qeinga Anutunöñ nalö dop suahö galöm ewö aka neñguanğiriga anda köirañ kölakzin. Luhutnöñ plaua jurañğö wörönñi ölöñni memba kaiga mörakzin. Mianğö dop Anutunöñ nam köl neñgiiga denike denike liliköba Kraistkö könañi jim asariinga aukñe asuhum sehiba aniga gölme dop mörakze. Mianğöra Anutu möpöseimakzin.

15 Mianğö könañi kewö: Neñön ambazip Suep mire öngömei aka könöp sianöñ gemei, yeñgö sutñine anda kainga wörönini sarakñi mörakze. Kraistkö könañi jim sehiinga Anutunöñ nupninañgö wörönñi möt ölöwahakza.

16 Könöp sianöñ gemei, yeñön Buña keunini mötketka mianön keunini jim teköiga kömum köhöimegö möta mönö qamötkö mumu wörönñi ewö akza. Suep mire öngömei, yeñön Buña keunini mötketka oyaenkyoayaen engimapkö möta mönö malmal kömbönañğö wörönñi umköhökambuk ewö akza. Dañön nup mewöñi memawañgö dop akza?

17 Ambazip tosatñi gwötpukñan mönö ni ewö qahö akze. Yeñön malmalñini nañgöbingöra möta Anutugöreñ keu mi kölköl-örörö ewö lañ memba ala jimakze. Nöñön yeñgö dop qahö ahakzalmö, Kraist qekötahöba köñbiñ mosöta uruni sarakñi aiga kinjal. Anutunöñ melaim niñgiyöhi, mi möta yañgö jemesoholñe kinda Buña keunji törörök jim sehimakzal. Mewö.

3

Jöhöjöhö areñ dölökñangö nup meme ambazip akzin.

1 Nanak könañamni kunbuk könañiba jim ölöwakñamañgöra mötmörize me? Mi qahö. Nup meme ambazip tosatñan Korint eñön yeñgö könañini mötmegöra möta jim ölöwak kimbi ohobingö kapañ kölakze. Tosatñan Korint eñön yeñgö könañini nañgöba jiba jim ölöwak kimbiñi kimbiñi ohomegöra inini kuñgum engimakze. Nöñön nupni diñdiñanök mealanğöra jim ölöwak kimbi mewöñañgöra qahö osizal. 2 Anutunöñ Korint inini böröne al engii letota wölböt köñji aka nanñinak nöñgö jim ölöwak kimbini ewö akze. Anutunöñ nöñgö jim ölöwak kimbini mewö ohoiga ambazip körekñan silik tandökñini dölökñi mi eka oyoñmakze.

3 *Inini Kraistkö papia kimbi ewö akzei, mianön aukñe ahöza. Mosesnöñ Köna keunji nañim onji inñk mianön köt tafenöñ ohoyöhi, inini mianğö dop qahö akzemö, Kraistnöñ kimbiñi engö uruñinañgö tafene kewö ohoi kinje: Neñön nup meinga ölni asuhui Kraistnöñ Anutu malmal köhöikñi Toñangö Uñaji uruñine ali letotket. Ambazipnöñ nupninañgö ölni mi eketka mianön bauköm engiiga nupninañgö könañi möt asarimakze.

4 Kraistpuk qekötahöinga Anutunöñ nupninañgö tandökñi mötza. Mianğöra nup meinga inini Kraistkö buñaji akeri, mi ölöp Anutugö jeñe awösamkakak kinda jizin.

5 Nanini köhököhöi qakñe nup ölöñni ki Anutugö jeñe membinanğö dop akzini, mewö ölöp qahö jibin. Nanini yuai kunöñ qahö lapingömakzinmö, Anutunöñ nanñök inahöba mötmöt neñgiiga nup ki memakzin.

6 *Anutunöñ inahöba mötmöt neñgiiga jöhöjöhö areñ dölökñangö nup meme ambazip akzin. Mosesgö Köna keuñangö kulemñi mohot mohotköra urukönöp akinak ewö, keu mianön mönö keunini jim teköiga kömum köhöibinak. Uña Töröñañgö nup areñi jim asariinga yañön mem gulim neñgiiga mal köhöibin. Mianğöra Köna keugö areñi miyök

* 2:12: Apo 20.1 * 3:3: Eks 24.12; Jer 31.33; Eze 11.19; 36.26 * 3:6: Jer 31.31

wuatangömegöra qahö kapan kölakzinmö, Uña Töröñi möt angön kölmegöra uru kuñgum enjimakzin. Mewö.

Jöhöjöhö areñ dölökñangö nupñi mi aködamunñambuk.

⁷ *Anutunöñ Köna keuñi jiba kulemñi kötnöñ möndömgöba ohoyökmö, ambazipnöñ mi qahö tem kölgetka Anutunöñ keu mianğö dop kewöta likepñi melen enjiiga kömumba köhömuñi mala kotket. Anutunöñ mutuk Köna keuñi neñgiiga nalö mianğöreñ asakmararañan Mosesgö jemesoholñi qei asariyök. Asakmararañ mianğön waziba ayapkömawangö dop ahökmö, mi töndup Israel ambazipnöñ jemesoholñi törörök uba ekingö dop qahö aket. Gwötpuk asariyöhangöra mi osiget. Köna keugö Buña areñ walñan lök mewö asakmararañambuk asuhuyök.

⁸ Mewö asuhuyökmö, Uña Töröñan Buña areñ dölökñi neñgi mianğö asakmararañan asuhumawi, mianğön mönö jöhöjöhö areñ walñangö asakmararañi oñgita önöñi qahö asariba jenini gamugamu ahakña. ⁹ Mutuk Mosesgö Köna keu asuha kewöt neñgiiga mianğö dop könöp siagö buñaya akzin. Buña keu mi lök aködamunñambuk asuhuyök. Mianğöra Anutunöñ keunini kewöta jim teköi solanibini, Buña keu mianğö aködamunñan mönö keta bölökñi akza. Mianğön jöhöjöhö areñ walñangö aködamunñi mi gwötpuk oñgita qetbuñañambuk akza.

¹⁰ Buña nup walñan mutuk aködamunñambuk ahökmö, mi Buña nup areñ dölökñambuk mindiriba kewöringa walñi mianğön mönö qetbuñañi qahö akza. Uña Töröñangö nup areñ mianğö aködamunñan öngöngöñi akzawangöra nup areñ walñan mönö yuai omanñi ewö akza.

¹¹ Anutu amötqeqeñangö köna walñan lök waziba ayapkömawangö dop ahök. Mianğön lök asakmararañambuk asuhuyök. Mianğöra köna dölökñi teteköñi qahö ahöm öngömawi, mianğö asakmararañan mönö köna mutukñangö asakmararañi mi önöñi qahö oñgita jenini gamugamu ahakza.

¹² Jöhöjöhö dölökñan teteköñi qahö bauköm neñgiiga asakmararañan asuhumawi, mewö Anutu jörömqöröm al wangimakin. Mianğöra keñgötnini qahöpmañöp möta awösamakak kinda keu mi kusum enjimakin. ¹³ *Mosesnöñ Israel ambazip asakmararañ waziba ayapköyöhi, mi ehipepuköra manjat möta jemesoholñi opo jähönñan esuhuyök. Neñön mianğö dop qahö ahakzinmö, Buñanini aukñeyök jimakin.

¹⁴ Buña walñangö asakmararañi eketmö, uruñinan töndup gwözöñni lañ mala kotket. Nalö kewöñe mewöyök yuai kunñan mönö opo jöhan mianğö dop Juda ambazip gwötpuk yengö uruñini gwözöñni malje. Mianğöra Jöhöjöhö Walñangö Buña keuñi keuñi oyonjei, mienğö könañini mi törörök qahö möt asarimakze. Uruñini melenđa Kraistpuk toroqeqetka mewö mianğönök mönö opo jöhanñini mi qeköi möt asarime. ¹⁵ Nalö kewöñe mewöyök Mosesgö Köna keuñi oyongetka yuai kunñan mönö opo jöhan ewö uruñini gwözöñni mötmötñinan lömbörii malje.

¹⁶ *Mewö maljemö, Buña Kimbigö keu kun kewö ahöza, “Mosesnöñ ‘Kembubuk eraum mötpit,’ jiba opo jöhanñi mesoholñeyök qeközapma.” Keu mewö ahöiga yengöreñök kunñan uruñi melenđa Kembubuk toroqezawi, nalö mianğöreñök mönö yuai opo jöhanñangö dop mi qeköi Anutugö amötqeqeñangö könañi möt asarima. ¹⁷ Keu mianğön “Kembugöra” jiba mi mönö Kembugö Uñañangöra jiza. Kembugö Uña Töröñan denike yengö uruñine maljawi, yanğön mönö siñgisöndokñinañgö kösöñi pösariga solanñi (fri) malje. (Mewö mala solanñi diñdiñi akingöra Köna keu wuatangöbingö qahö kapan kölakze.)

¹⁸ Mianğö dop urunini melenñinga Kembugö asakmararañan körek neñgö je mesoholnine kuñguiga bilikbilik aliga jenini qahö esuhuinga ambazipnöñ neñgeka Anutugö aködamunñi qetpuk mi piliknöñ uba ehökö tandök ehakze. Nini mi qarim sehiba

* 3:7: Eks 34.29 * 3:13: Eks 34.33 * 3:16: Eks 34.34

ehakņeangö dop letorakin. Mewö letota aködamunņi qetpuk mi qariba asariba Kembugö tandöktandök ahakin. Kembunöņ Uņaya akzawi, yangö asakmararaņan mönö mewö mem letot neņgimakza. Mewö.

4

Nini kouraņen ewö ahinga Uņa Töröņan ölni akza.

¹ Anutunöņ ak kömum neņgiyöhaņgö dop nup ki qaknine ali memakzini, miangöra mönö böņ kininga uruninan qahö etma. Qahö! ² Neņön nup memegö köna tölapņi gamuņinambuk mi körek andö qein. Tilipqilip qahö aka Anutugö keuņi qahö möwöramgömakzinmö, keu ölni mi aukņeyök alakzin. Mewö Anutugö jemesoholņe ambazip uruölöwak möt neņgimegöra kininga jim ölöwak keuninan asuhui körekņan keunöņ törörök jim neņgibingö osimakze.

³ Mewö ahakzinmö, inini tosatņan kewö jimakze, “Polnöņ Ölöwak Buņaņi mi esuņambuk jimakza.” Mewö jibilenak ewö, esu mianöņ könöp sianöņ gemei, mönö yeņgö uruņine ahöba miangöra gwözöņniga qakömakze.

⁴ Kraistnöņ Anutugö imutņi akza. Kraistkö aködamunņi mi nanņi Ölöwak Buņaņan indela asakņi ewö asarimakzapmö, yeņgö jeņinan ömuņ köli jipjap ahakza. Nalö kewöņe bölöņaņgö Kembuņi gölme dop galöm köl eņgimakzawi, yaņön urumeleņgö kopa ambazip yeņgö mötmöt jeņini mem gömöliiga laņ malje. Miangöra Ölöwak Buņagö asakņi ek asaribingö osimakze.

⁵ Nani qetbuņanan qarimapkö Buņa keuņi qahö jim asarimakzalmö, eņön Kembu Jisös Kraistkö könaņi möta jitņi tem kölmegöra uru kuņgum eņgimakzal. Neņön Kembugö jitņi wuatangöba inini welen qem eņgimakzin. ⁶ *Könaņi kewögöra welen qem eņgimakzin: Anutunöņ mutuk kewö jim kutuyök, “Asaknan mönö söņaup qeiga asarima.” Mewö jiyöhaņön mönö Buņaņaņgö asakņi ali urunini qeiga asariyök. Kraistnöņ ahakmemeņi aka meiga Anutugö asakmararaņan jemesoholņe asarii ekeri, Anutunöņ nini miangö könaņi möt kutubingöra kapaņ kölakza. Asakņaņgö könaņi jim sehibingöra aka asakņi mi neņgiyök.

⁷ Asakņan urunini qei asariinga mötkutukutu miangö bohonņi mi milyön kina oņgita öņgöņgöņi akzapmö, silenini mi kouraņen ewö amqeba julakza. Anutu asakņan mönö sile mewöņaņgö uruņe ahöza. Ambazipnöņ miangö könaņi ekņegöra Anutunöņ areņi al neņgiyök. Dopkeu miangö könaņi kewö: Kukösum önöņi qahö al neņgimakzawi, mi neņgöreņök öne asuhumakzawaņgö dop qahöpmö, Anutunöņ mönö miangö Toņi akza.

⁸ Eu emu likep likep miangöreņök lömböt könaņi könaņi qaknine öņgöba qölölömbörim neņgigetka wahöjalin mörakzin. Mi mörakzinmö, töndup mienöņ qahö qözöjahöm neņgigetka erakzin. Nalö tosatņe juņ ewö waņgömmņe qaköba köna qahö miwikņaimakzinmö, töndup tötböröm qahö ahakzin.

⁹ Ambazipnöņ sesewerowero ak neņgimakzemö, Anutunöņ andö qahö neņgumakza. Ambazipnöņ mulungöm neņgimakzemö, töndup qahö ayuhumakzin. ¹⁰ Jisös qem kömuger, miangö dop nini mewöņaņök buņaņi jim sehimakzinaņgöra aka neņguget kömumbinbukö möta anda kaba maljin. Jisösbuk mal köhöninga inahöm neņgimakzawi, ambazipnöņ miangö könaņi möt kutumegöra aka mewö malbingö urumohot akzin.

¹¹ Gölmenöņ jebuk mala Jisösgö nupņi memakzinaņgöra aka nalö dop kömumbingö dop akzin. Sileninan kömumawaņgö dop akzapmö, Jisösnöņ urunine mal köhöiba silenini mem gulimakzawi, ambazipnöņ miangö ölni ek asarimegöra aka kinjin. ¹² Nini nalö dop sihimbölä möta kömumbingö dop ahakzinmö, nöņön eņgö sutņine nup memba malali, eņön miangöra aka guliba malmal köhöikņe aņgota mal öņgöme.

* 4:6: Jen 1.3

¹³ *Sumbara (Sam) kunöŋ keu kewö ohoget ahöza, “Anutu möt nariba kömupnöhök meköm neŋgimapkö köuluköba malal.” Neŋön keu miangö dop kömupnöhök meköm neŋgimapkö möt narizin. Mötnaripkö Uŋa Töröŋi miyök buŋa qem anŋuzinaŋgöra neŋön mönö mewöyök keunini jiba köulukömakzin. ¹⁴ Anutunöŋ Kambu Jisös mem gulii kömupnöhök wahöröhi, yaŋön mönö nini mewöyök mem gulim neŋgii wahöta Jisösbuk öŋgöinga jemesoholŋe al neŋgii embuk mohotŋe mal öŋgöbin. Mi mötzinaŋgöra aka keunini jiba köulukömakzin.

¹⁵ Keunini jiba köuluköinga Anutugö kalem möriamŋan toroqeba ambazip sehisehiŋi dop köl enŋima. Mewö aiga yeŋön amqeba Anutu keleŋmaleleŋ möpöseigetka qetbuŋaŋan sehimakza. Eŋön mewöyök Anutu möpöseim sehimegöra mötzal. Miangöra lömböt könaŋi könaŋi bisiba aum-möröiba maljin.

Mötnarip malmalŋaŋgö tandök mi kewö:

¹⁶ Nini mem gulim neŋgimapkö möta mönö böŋ qeba kininga uruninan qahö etma. Öŋa silenini ewö waziba soholimakzinmö, mi töndup urunini ewö nalö dop kölönaimakzin. ¹⁷ Mi kewögöra: Gölmenöŋ kahasililiŋ nalö töröptökŋi möta malbinmö, miangö andöŋe asakmararaŋ önöŋi qahö miwikŋaiba teteköŋi qahö oyaenŋkoyaen malbin. Asakmararaŋ aka kahasililiŋ yahöt mi kewöt etkiinga asakmararaŋ miangön mönö öŋgöŋgöŋi aiga gölmegö kahasililiŋ könaŋi könaŋi mi möringa awamŋi aka eretŋi akza.

¹⁸ Ambazip aka öröyuai jenöŋ ehekŋi mi nalöŋini teköi ayapkömemö, Suep mirigö öröyuaiŋi nalö kewöŋe qahö ehakzini, mienöŋ mönö nalö teteköŋi qahö ahöm öŋgöme. Miangöra neŋön jeninan ehekŋi mia qahöpmö, qahö ehekŋi mönö miengören gөрöken uba engehakzin. Mewö.

5

Polnöŋ Suepkö oyaenŋkoyaen koumnöŋ anmamgö mörök.

¹ Neŋön keu ki mötzin: Gölme silegö opo seri koumŋe malinga kömupnöŋ mi köndenŋiga etmawi, Anutunöŋ nalö miangören silegö miri dölokŋi nanŋak meiga Suepnöŋ ahömawi, mi buŋa qem neŋgiiga miangören malbin. Silegö miri qainŋi kun mi teteköŋi qahö köhöikŋi ahöm öŋgöma.

² Keu mi möta nalö sutŋe kiangören letotpingö osongom köla Suep malmal mirinine öŋgöbingö möta awöweŋgömakzin. ³ Suepnöŋ öŋgöinga sile qainŋi kunöŋ löŋgöt neŋgii tatpini, nalö miangören mönö uŋa sile meinga kunŋan aukŋe qahö miwikŋaim neŋgima.

⁴ Gölme sile ki qekömegöra qahö mötzinmö, Suep malmal mirinine öŋgöba silenini dölokŋi membingö awöweŋgömakzin. Sile ki kömumawi, mi malmal köhöikŋan gwahöri qahöwahiga Anutunöŋ salupŋe oyaenŋkoyaen sileya neŋgimapkö mötzin. Miangöra nalö kewöŋe seri koum kiangö uruŋe mala urulömbötnini bisiba letotpingö osongom ahakzin.

⁵ Anutu nanŋak Suep sile membingöra möta miwikŋaim neŋgiba Uŋa Töröŋi urunine aliga oyaenŋkoyaen akingö dangunuŋi akza.

⁶ Miangöra neŋön mönö nalö dop ewebibininambuk saitingit mal köhöiba kewö mörakzin: Sileninaŋgö malmal koumnine ki malbini, nalö miangö dop eu Suep malmal mirinine Kambu Jisösbuk qahö malbin. ⁷ Nalö kewöŋe Suep mirigö öröyuaiŋi qahö uba engehakzinmö, töndup mi möt nariba miangö dop aka memba malinga nam köl neŋgimakze. ⁸ Miangöra ewebibininambuk köhöiba sileninaŋgö malmal koumŋi ki mosötpingö kapaŋ köla mirinini öŋi eu öŋgöba Kembubuk malbingö mötzin.

⁹ Miangöra mirinine ki me eu malbini, neŋön mönö urunini Kambu Jisös uruölöwak ak waŋgibingöra jöhöba miangöra köhöiba kapaŋ kölakzin. ¹⁰ *Miangö könaŋi kewö: Körek neŋön mönö Kraistkö keu jakeŋe asuhubin. Gölmenöŋ silebuk mala Kambuŋö jitsihitŋi

* 4:13: Sum 116.10 * 5:10: Rom 14.10

dopne tem kölini me qötömötötañ ahini me önewat lañ malini, nanñak mönö keunini mi kewöta miangö dop töwanini nanñök nanñök neñgii buña qem añgubin. Mewö.

Ambazip Anutubuk urumohot aknegö nupñi memakzin.

¹¹ Kraistkö keu jakeñe kinbini, neñön mi möta Kembangö mötmötñi ongitpinbuköra kenğötnini mörakzin. Mi mötzinañgöra ambazip könanini sarakñi mötmegöra kapan köla uru kuñgum engimakzin. Könaninan mönö Anutugö jeñe aukñe ahöza. Nöñön tilipqilip azia qahö, eñön mewöyök mi uruñinan möt yakömegöra möta jörömqöröm akzal.

¹² Mewö jiba nanini jim ölöwak keunini mötmegöra kunbuk qahö kapan kölakzalmö, könanini miyök jim asarim engimangö mötzal. Inini mi möta ölop neñgö silenini mi böhi takapulakanñi yeñgö jeñine möpöseigetka dop kölma. Yeñön yuai engö uruñine ahözawi, miangöra qahöpmö, sileninañgö yuaini jenöñ ekingö dop akzawi, mönö miangöra aiweliköba nanñini silenini memba öngöba keu lañ jimakze. Miangöra keuni ki jizal. Eñön yeñgö keuñini gilipitñi (ambetakñi) mötzeañgöra mönö neñgö könanini jim asariba törörök melenj engime.

¹³ Eñön nöñgöra “Urusohop tandök ewö akza,” jiget ewö, nöñön mönö Anutu nupñañgöra aka urukönöp aka malal. Tosatñan nöñgöra kewö jize, “Urukönöpñi qahöpmö, keuñi ösöñök jimakza,” Mewö jize ewö, mi mönö inini bauköm engibingöra aka ahal. Miangöra ölum engubapak.

¹⁴ Miangö könañi kewö: Kraistnöñ jöpaköm neñgimazawi, miangön mönö kondota kuñgum neñgiiga nupñi memakzin. Azi mohotnöñ körek neñgö salupnine neñgö kömupnina kömuyök. Miangöra siñgisöndokninañgö likepñi qahö melenj neñgiyökmö, körek neñgö siñgisöndoknini mosöri toroqeba köhömuñi qahö akzin. Keu mi möt asariba möt yaközini, Kraistkö urukalemñan mönö körek nini jölöngöba nupñi membingöra kuñgum neñgimakza.

¹⁵ Yañön mönö kewögöra körek neñgö salupnine kömuyök: Gölmenöñ jebuk maljini, neñön mönö malmalnini toroqeba naninañgörök malbinbuk. Mewö qahöpmö, kun neñgöra aka kömumba wahöröhi, malmalnini mönö yañgöra tököba ala malbingöra kömuyök.

¹⁶ Miangöra urunini melenjini, nalö miangöreñök könahiba ambazip silesile qahö kewöt engizin. Ambazip kun gölmenöñ silikñañgö dowök qahö möt kutum wañgizin. Mutuk Kraist kewöta möringa gölme azi töhön ahökmö, nalö kewöñe möt kutum wañgiinga Suepkö Amötqeçe Tonina akza. ¹⁷ Miangöra kunñan Kraistpuk qekötahöza ewö, yañön mönö ahuahu dölökñi ahuba dömqñi dölökñi akza. Malmal walñan ayapköiga malmal dölökñañ mönö salupñe asuhum wañgiza.

¹⁸ Mewö maljapmö, yuai pakpak miangö kondotkondot Tonji mi Anutu. Yañön Kraist melaiiga töwanini qeba neñgömeiga Anutu nanñambuk urumohot akingö könañi möwölöhöyök. Köna mewö asuhuiga Anutunöñ nup neñgiiga neñön ambazip Anutugö alaurupñi aknegöra jölöngöba kuñgum engimakzin.

¹⁹ Anutubuk urumohot akingö könañi kewö: Kraistnöñ eta gölmeñi gölmeñi neñgö töwanini qeiga dop köli Anutunöñ neñgömeiga alaurupñi ahin. Köna ongitita mala korini, siñgisöndok miengö keuñini qahö oyoñda mötmöröba likepñi qahö melenj neñgiyök. Anutugö alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börönine alök.

²⁰ Mi aliga Kraistkö jitmemeurupñi akzin. Anutunöñ keu sañep al neñgii miangö dop ambazip uruñini kuñgum engimakzin. Kraistkö jitmemeurupñi memba kapan köla kewö qesim engimakzin: Mönö Kraistkö töwañi buña qem añguba Anutugö alaurupñi akñe.

²¹ Anutunöñ körek neñgö siñgisöndokninañgö keuñi jim teköba likepñi melenjda Kraist siñgisöndok kun qahö ahöhañgö qakñe ali öngöiga salupnine sihimbölä mörök. Kraistkö sihimböläñi miangöra aka yañgöreñ qekötahöinga Anutunöñ ölop keunini jim teköi solanibin. Mewö.

6

¹ Nini Anutu nanñangö nup meme alaurupñi akzinangöra aka uruñini kewö kuñguzin: Anutugö kalem möriamñan omañi akapuköra mi mönö buña qem anguba malme.

² *Anutunöñ keu kun kewö jii Buña Kimbinöñ ahöza, “Gehorimamgö nalönan kam kuñguiga nöñön köuluki möral. Amötqeçe nalönan kam kuñguiga miangöreñ bauköm gihial.”

Keu mewö ahöiga mötket! Nalö dölkianön mönö Anutugö amötqeçe nalöñi akza. Anutunöñ engehoremamgö möri nalönan kam kuñguiga ak-kömükömuñi mi mönö döлки buña qem angume. Mewö.

Polnöñ kahasililiñ könañi könañi miwikñaiyök.

³ Neñön mönö kungö uruñan neñgöra aka böli etpapuköra galömnini mem angumakzin. Jim neñgigetka nupninan keuñambuk aka etpapuköra mewö ahakzin. ⁴ Anutugö nup meme ambazip ölop sorokñi akzini, ahakmeme pakpakninan mönö mi kondelakza. Kahasililiñ aka jañgauranga könañi könañi ak neñgigetka wahöjaliñ uruñe maljinmö, miangöreñ mönö mökösoñda kapan köla kin köhöimakzin.

⁵ *Ihilek wahiñambuknöñ neñguba köso miriñi miriñi miangöreñ al neñgigetka malin. Karimñi karimñi asuhugetka miangö uruñe kömumbinbukö keñgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakñi wuatangöba Anutugö sihimñi möt asariba lömböt möta mökösoñda ambazip ala ak engimakzin. Uña Töröñan urunini kokolak qeiga sutñine geñmoñi qahö jöpaköm engiba maljin. ⁷ Keu ölnanök jiinga Anutugö kukösumñan bohon köl neñgiiga ahakmeme solanñangö timbi saiwanñi meinga böro ölnine aka qaninine ahöiga kinjin. Mewö kinda likep Buña keu jim sehiba likep keu munenñi silenine algetka miangö likepñi jim mindingöba malin.

⁸ Qetbuña neñgigetka silenini qahö möpöseimakzin. Yom jiba gamu qem neñgigetka uruninan qahö erakza. Neñgöra kösohot ölopñi kösohot bölöñi mi lañ jimakze. Munenñi jiji ambazip ewö ak neñgimakzemö, töndup keu ölnanök pakpak jimakzin.

⁹ Ambazipnöñ könanini ölop möt kutumakzemö, töndup tosatñan nöñöñgan aka nesampurek ak neñgimakze. Nalö tosatñe kömumbingö aka malinmö, töndup toroqeba jebuk maljin. Kegwek-kahasililiñ ewö neñguba malgetmö, töndup qahö kömuin. ¹⁰ Wösöbiriknöñ neñguiga töndup nalö dop söñgaiba maljin. Wanapñi mala töndup ambazip gwötpuk bauköm engiinga uruñinan pomñi ahakze. Gölmegö sukinapnini qahöpmö, töndup oyaenköyaen pakpak buña qem anguba pipsimbawoñ maljin.

¹¹ O Korint ambazip, neñön mönö uruninangö nañguñi engöra öröba keu kun qahö kölin geiga könanini aukñeyök jibiga mötze. ¹² Eñön neñgö urumötmötnini mötpepuköra mi qahö angön kölakzinmö, neñön engö uruñini mötpinbuköra mönö nanñinanök angön köl angumakze.

¹³ Nöñön urumötmötni engibiga eñön mönö miangö likepñi mewöyök törörök niñgime. Nöñön nahönböraturupni ewö tandök keu engöra kewö jiba ohozal: Inini mewöyök mönö nanñini uruñinangö nañguñi öröba urukalemñini mi sehiba kondel neñgime. Mewö.

Mötnariñini qahö yembuk kude qekötahöme.

¹⁴ Ambazip uruñini qahö melenñeri, yembuk mönö uruñini kude jöhöba* öröröñ kude malme. Malmal solanñi aka malmal gonñi mi nanñök nanñök akzahot. Mi mindirim etkibingö osibin. Söñaup aka asakñi mi mohotñe qahö akzahot. Qahö! ¹⁵ Kraist aka Katakömulat (Satan) yetkөн mönö urumohot aka mohotñe malbitkö osimahot. Miangöra

* **6:2:** Ais 49.8 * **6:5:** Apo 16.23 * **6:14:** Köñjöñ me mötöp (yoke) mi hos me bulkamau yahötkö imbiñire alget geiga kare me kinöñ yuai örömakhahot. Mewö nanñiri imbi-imbi akitkö osimakhahot. Mewö janjuñ anbanbuk.

urumelen ambazip kunjan ahakmemeni urumelen gö kopa ambazip kun yambuk mohotne mindiriba akitkö osimakjahot. ¹⁶* Anutu nanjak keuji kun kewö jii ahöza, “Nöñön könagesöni yengö urujine mala sutjine anda kaba Kembunini ak engibiga yenön nöngö weleni qeba möpöseim ningiba malme.”

Keu miangö dop Anutugö Uñajan urujine maliga sileninan Anutu malmal köhöikni Tonangö jikenji akza. Anutunöñ nanji jöwöwöl jikenje tandö lopion möpöseibingö songo ali ahöi osimakzin. Anutugö jikenji aka asa jikenji mi inanök inanök. Miangö dop neñön urumelen gö kopa ambazip yembuk qekötahöbingö songo ali ahöi osimakzin.

¹⁷ Miangöra injini mönö Kembunöñ keu kewö jiyöhangö dop akne,

“I mönö engömosöta yaigep kaba kambu nanji kun malme.

Anjöjörakñinambuk ahakzei, mi mönö kude engoseigetka nöñön möt anğön köla köyan köl engiba malmam.

¹⁸ Nöñön mönö Iwinini akiga injini nöngö nahönböraturupni aka malme.

Kembu kukösum pakpakö Tonjan mewö jiza.” Mewö.

7

¹ O wölböt alaurupni, Anutunöñ mönö köyan köl neñgimangö keuji mewö jöhöm neñgii ahöza. Miangöra yuai sile uñanini mem tölöhozawi, neñön mönö mi körek qeköbingöra Kraist köuluköinga amöt qem neñgima. Anutugö jitni ongitpinbuköra mönö keñgötnini möta kapan kölinga mem solanim neñgiiga sarakni ak teköbin. Mewö.

Urujini melenğerağöra Polnöñ uruölöwak mörök.

² Neñön kun qahö mem bölim wanğiinga ayuhuyök. Kun qahö geñmororon ak wanğiin. Miangöra enön mönö urujinangö nanğuni öröba nini urunöñ jöhöm neñgiba malme.

³ Tosatjan sutjine nup memba silenöñ alal keu mewö jiba jim neñgigetmö, nöñön keu mi engö keujini jim teköba likepni melenğ engimangöra aka qahö jizal. Nöñön lök keu kewö jibi mötket: Neñön uruninangö nanğuni öröba injini uruninan jöhöm engimakzin. Mewö aka ölop embuk öröröñ jöhöba kömumbin aka öröröñ mal köhöibin.

⁴ Engö uruyahöt qahö mötnaripni ketani engiba maljal. Engö silenini mönö gwötpuk möpöseimakzal. Engöra aka urukölalepni ketani miwikñaizalagöra kahasililin könanji könanji möta miangöreñ mönö töndup önöñi qahö söñgaizal.

Masedonia prowinsnöñ anda Taitusbuk aitonğöit.

⁵*Taitus jaruba malalagöra* jiali, keu mi toroqeba jimam. Masedonia prowinsnöñ kangota miangöreñ mönö mewöyök uruluai miwikñaaimangö osial. Denike denike anali, miangöreñ mönö köñjilin könanji könanji miwikñaial. Anutugö bim qeba tosatni yembuk anğururuk aka engöra waimanjat möta malal. ⁶ Mewö malalmö, Anutunöñ urueret ambazip nanğöm neñgimakzawi, yanğön mönö Taitus kayöhi, mianğön urukölalep ak ningiyök.

⁷ Taitusnöñ kayöhi, mianğönök qahöpmö, Korint enön urukölalep ak wanğigetka yanğön jii mötpiga Anutunöñ mianğön mewöyök urukölalep ak ningiyök. Engö kösohotnini kewö jiyök, “Enön ni nekingö köpösöngöba kinje. Wösöñini ölña möt ningiba lömböt ningigerangö keuji jiba nöngö likepne nanğöba jibingö jöjörömakze.” Kösohot mi jii möta urusösöngai keta bölökni möral.

⁸ Nöñön urujini Buña keunöñ kuğuba kimbi mi ohobi oyonda nanğini möt bölim anğugeri, miangöra qahö möt bölim anğuzal. Mutuk möt bölim anğuyali, mi töndup nalö kewöñe kewögöra kunbuk söñgaizal: Kimbi keunan urujini mem bölii wösöbirik aketmö, wösöbirik mianğön mönö melenğda nalö töröptökñanök ahöba teköyök. Könanjini mewö ehal.

⁹ Nalö kewöñe injini möt bölim anğugerağöra aka qahö söñgaizalmö, kewögöra söñgaizal: Injini ahakmemenjanagöra aka möt bölim anğugetakka gamu wösöbirikñinan bauköm enğiiga

* **6:16:** Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9 * **7:5:** 2 Kor 2.13 * **7:5:** 2 Kor 2.13 miangöreñ Taitusgöra jiyök.

uruñini kunbuk melenḁa diñgiget. Mi Anutugö jitñangö dop asuhuiga uruñinan mönö neñgöra aka qahö böliyökmö, ölna bauköm enḁial.

¹⁰ Siñgisöndökninañgöra aka möt bölim anḁuzin ewö, gamu wösöbirik mianñon mönö bauköm neñgiiga urunini kunbuk melenḁa diñgibin. Diñgibinañgöreñ Anutunöñ mönö neñḁuañgiri Suepnöñ öñgöbin. Mianñöra kunñan uruñi melenḁa mianñöra qahö möt bölim anḁuma. Göłme ambazip tosatñan siñgisöndokñinañgö wösöbirik mörakzemö, Anutunöñ mi mosötmapkö qahö qesime ewö, yañon mönö likepñi melenḁ enḁiiga kömum köhöime.

¹¹ Enñon Anutugö sihimñangö dop wösöbirik aketka gamu mianñö ölnan uruñine ahui letotkeri, mi kewöta ek welipköba kewö jime, “Nini gönmönahotnini mosöta urunini tokoba urukönöp qakñe wahöta könanini sohosohonñi kewöta mindiñgöin. Ambazip siñgisöndok akeri, miñgöra uruninan wahöri sisit memba jim enḁiin. Anutugö jitñi onḁitpinbuköra auruba keñgötnini möta Polnöñ kaba uru melenñinañgö ölni ekñapakö köpösöñgöba malin. Urunini ahakmeme diñdiñi akingöra alin aka kunöñ köna qi-witipköyöhi, mi mindiñgöm wañgibingö jöjöröba malin.” Mewö jigetka dop köłma. Nalö kewöñe köna diñdiñi wuatañgözei, mi kondel niñgigetka ehal.

¹² Mianñöra kunñan sutñine böliyöhi, iyök mindiñgöm wañgimegöra aka kimbini qahö ohoyal me kun i mem bölim wañgiyöhi, iyök bauköm enḁimegöra kimbi mi qahö ohoba alal. Mi kewögöra ohoyal: Inñi Anutugö jemesoholñe nömbuk urumohot akingö kapan köłakzei, silik mianñon mönö aukñe asuhumapaköra kimbi mi ohoyal.

¹³ Nani uruköłalepni miyök qahö mötzalmö, Taitusgö uruñan sutñine öłöwahi ehinga mianñon mewöyök uruni nañgöi öñöñi qahö söñgaimakzal. Enñon körekñanök Taitus köro-öłöwak qem wañgigerañgöra söñgaimakzawi, sösoñgai mianñon mönö mewöyök nañgöm köł niñgii mianñöra öñöñi qahö söñgaizal. ¹⁴ Nöñon silikñinañgöra silenini Taitusgö jeñe möpöseiba malali, enñon mianñöra gamu qahö niñgiget. Nöñon enḁö sutñine mala keu pakpak jibi mötkeri, mi ölnanök jial. Mianñö dop enḁö keuñini Taitusgö jeñe jim möpöseiba malali, keu mianñon mönö mewöñanök könañini mindiñgögetka ölni ahök.

¹⁵ Inñi körek pakpak mönö nöñgö keuni tem köla Taitusnöñ kaiga sömbuñinambuk möta jönömñini undui köł öröm wañgiget. Taitusnöñ silikñini mi mötmöriba keu jiiga uru öłöwakñan enḁöra aka qaruiiga köhöiba möpöseim enḁimakza. ¹⁶ Nöñon ahakmemenñini pakpak mötmöriba mianñöreñ mönö ölöp enḁöra aka ewebibinambuk möt köhöiba saitñigit malmam. Mianñöra söñgaimakzal. Mewö.

8

Urumelen alaurup nañgöm enḁibingö keuñi

¹*O urumelen alaurupni, Anutunöñ kalem möriamñi urumelen köñagesöñi köñagesöñi mianñöreñ neñgii ölnan mönö Masedonia prowins uruñe ölöpñanök asuhuyök. Nöñon inñi mianñöra gukmaulem malbepuköra möta kösohotñi kewö jimam: ² Yeñon kahasililij miwikñaiba mötketka lömbötñambuk esapköm enḁiiga wanapñi kötokñi maljemö, mi töndup öñöñi qahö söñgaigerañgöra aka urumelen alaurup nañgöm enḁibingöra monen naluk keta böłökñi alget.

³ Yeñgö könañini kewö nañgöba jimam: Kunñan qahö kuñgum enḁii nannini sihimñinan töndup ahuiḁa amqeba ösumñinañgö dop nalukñini alget aka mi tok onḁita enḁiget. ⁴ Yeñon mönö kapan köla gwötputuk kuñgum neñgiba kewö uleta jiget, “Nini tok Judia prowinsgö ambazip sarakñi bauköm enḁibingö mötzin. Mianñöra Pol, gi ölöp On! jinöñga mönö simbawon möta nup mianñö bahöñi amqeba membin.”

⁵ Mewö jiget jibiga naluk almegö mambörali, mianñö dowök qahöpmö, mi onḁita kewö aket: Yeñon mutuk nañgönañgö Kembugö jeñe dop köłjawi, mi akingöra uruñini jöhöget aka mianñö andöñe Anutugö jitñi tem köłbingö möta nannini malmalñini mi mewöyök neñgö böröñine alget. ⁶ Mianñöra Taitus kewö jim kutum wañgial, “Gi mönö

* 8:1: Rom 15.26; Eks 16.18

nanğönanğö nup mi lök könahiba menöñ. Mianğöra mi mönö toroqeba Korint könagesö bauköm enğinöñga urukalemñini kondela moneñ naluk ketanji mi kunbuk toroqeba algetka sutñine teköma.”

⁷ Urugö yuai könaji könaji mi kelenmaleleñ buña qem anğuba kewö aka malje: Ölöpñanök Kraist möt nariba Buña keu öñji jim soroköba Anutugö sihimñi möt kutuba tosatñi nanğöm enğibingö pöndan kopösöñgömakze. Enön mönö tosatñi enğonğita ölöpñanök jöpaköm neñgiba qetpuk akze. Mianğö dop nanğönanğö nup ki mewöyök mönö ölop mem soroköba tosatñi enğonğitketka qetpuk akña.

⁸ Mewö jiba moneñ almegöra qahö jim kutum enğizal. Mi qahöpmö, urukalemñini geñmoñambuk akza me qahöwi, mönö mi esapesapnöñ ala könajini mötmamgö mötzal. Könagesö tosatñan gönmonahot mosöta nanğönanğö nupñini öl töhönña memba zen kinjei, keu mi jiba mianjön inñini esapköm enğizal.

⁹ Naluk dawik almegöra kewötmei, mianğöreñ mönö Kembunini Jisös Kraistkö könajangö tandökñi mötmörime. Inñini yanğö kalem möriamñi ketanji mi kewö mötze: Yanjön Suepkö öroyuai pakpakö Tonji öngöñgöñi ahökmö, töndup inñini oyaenkyoaenğö pomñi akñegöra aka gölmenöñ eta etqeqeñi aka malmalñi tököba mosörök.

¹⁰ Moneñ almegöra qahö jim kutum enğizalmö, Jisösnöñ söpsöp alöhi, mianğö dop qambañni miyök enğizal. Enön yambu emune lök nanğönanğögö mutukñi aka mianğö nupñi kapañ köla meget aka mi toroqeba membingö sihimñi köhöikñi mötket. ¹¹ Nalö kewöñe nupñini mi mönö mem teköme. Mutuk nanğönanğö nup membingö kapañ köla awöweñgögeri, mianğö dop mi mönö toroqeba mem teköme. Yuai ahöm enğizawañgö dop mönö nalukñini gwötpuk alme. ¹² Mianğö könaji kewö: Naluk albingö sihimñinan ahuba ahöza ewö, mönö yuai ahöm enğizawañgö dop algetka Anutunöñ möt anğön köli dop kölja. Yuai qahö ahöm enğizawañgö dop mönö qahö kewöta jim enğimakza.

¹³ Naluk ketanji algetka alaurup yeñgö malmalñinan amqeiga nanñini qakñine lömböt öngömapköra qahö mötzinmö, alaurup osiba mözöröñgözei, yembuk mendenđa öröröñ malbingöra mötzin.

¹⁴ Mianğöra nalö kewöñe yuai kelenmaleleñ ahöm enğiiga tosatñan malmalñinangö yuaigöra osizei, inñini mönö mi bauköm enğigetka dopñe akña. Mewö aka nanñini könangep yuaigö osigetka yeñgö öroyuainñinan kelenmaleleñ ahömawi, nalö mianğöreñ mönö i kun bauköm enğime. Mewö ak anğugetka alabauk silikñinan öröröñ akña. ¹⁵ Mi Buña keu ki ohoget ahözawañgö dop akña, “Gwötpuk mem tokoba malgerañön nanñini dop negetka numbu surukñini qahö ahöiga boromborom mem tokoba malgerañön nene yuaigöra qahö osiget.” Mewö.

Neñakurup karöbut melaim enğiinga kaba bauköm enğime.

¹⁶ Anutunöñ Taitusgö uruñi sölölohöiga enğöra ni ewö waimanjat möta bauköm enğimamgö kapañ köla malja. Mianğöra “Anutu saiwap!” jizal. ¹⁷ Nöñön Taitus enğöreñ kamapkö qesiba uruñi kuñgubiga imbiñi meleñnok. Miyök qahöpmö, nanñak inñini bauköm enğimamgö möta kopösöñgöba nanñi sihimñangö dop neñgömosöta Korint enğöreñ kamamgö jiyök. ¹⁸ Neñön urumeleñ alanini kun melaininga yambuk kamahot. Kianğöreñ Ölöwak Buña jim sehimakzawañgöra i mönö urumeleñ könagesö dop möpöseim wañgimakze.

¹⁹ Yanğö keuñi toroqeba kewö jimam: Masedonia urumeleñ könagesö yeñön mönö i möwölöhögetka nanğönanğö nalukñi mi memba nembuk mohotñe köna anbin. Neñön Kambu nanñangö qetbuñan sehimapköra möta naluk ketanji mi ölop galöm köla Judia prowinsnöñ anda enğibin. Alabauk enğibingö urukalemñini mewö aukñe kondeljin.

²⁰ Mewö aka nanğönanğö naluk ketanji mi tilipqilip asuhui sohobapuköra ölop galöm köl soroköbin. Kunğan siliknini mianğöra jim neñgibapukö möta kapan köljin. ²¹ *Keu mianğö könanji kewö: Neñön silik Kembugö jeñe diñdiñi akzawi, mi qötöngatpinbukö galöm mem anğumakzin. Miyök qahöpmö, silik ambazip jeñine dop köljawi, mi mewöyök akingö möta kapan köljin.

²² Yetpuk urumelen alanini kun mi mewöyök melaininga kama. I nalö gwötpuk esapköm wañgiba tandökñi kewö ehin: Yanğön mönö nalöñi nalöñi Kembugö nupñi memamğö könöpkönöp ahakza. Nalö kewöñe inini tosatñi alabauk engibingö mötzei, mewö möt narim engizawañğöra mönö engören kaba bauköm engimamğö möta urukönöp ketanji ahakza.

²³ Nöñön Taitus kewögöra möwölöhöyal: Yanğön nöngö alabaukni aka nup meme neñakni akza. Urumelen könagesöñi könagesöñi yeñön alayahötnini yahöt mi möwölöhöm etkigetka jitnememenini akzahot. Kraistkö qetbuñan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak engiba könanjini mewö kondelgetka ekñe. Mewö akñe ewö, neñön silikñinawğöra silenini möpöseinini, keu mianğö ölñan mönö aukñe asuhuiga eketka urumelen könagesö gwötpuk yeñön mötme. Mewö.

9

Mönö urumelen alaurupñini bauköm engime.

¹ Anutugö ambazip sarakñi alabauk moneñ engimegöra ohomamğö mötzalmö, inini keu mi lök möta mianğöra qahö osize. ² Inini alabauk akingö sihimñinan ahui mötze. Nöñön mi möta engö silenini mi mianğöra Masedonia urumelen ambazip yeñğö jeñine möpöseiba kewö jial, “Korint aka Akaia urumelen alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinawğöra mötketka keu mianğön mönö kuñgum engiyök. Mianğöra könagesö ölñi yeñğö uruñinan mönö amqeba alabauk akingö urukönöp aket.

³ Engö sihimñinan ahui mötze, töndup neñakurupni karöbut ki melaim engizal. “Korint yeñön mönö moneñ tokobingöra jöjöröba malje,” mewö jial aka keu mianğöra engö silenini möpöseial. Keu mianğön omanji aiga gwötpukñan ekepukmö, keuñinawğö dop moneñ ölña algetka kahaimök tari köreñan mewö engekñegöra mötze.

⁴ Keu mianğön omanji aiga moneñinan qahö kahaimök tari öne malgetka Masedonia neñakurup tosatñan nömbuk kaba mewö miwikñaim engibeak ewö, nöñön mönö engöra aka gamu miwikñabilenbuk. Tem kölmegö möt narim engiba malbiga ölñi qahö asuhubawak ewö, inini mönö mewöñanök keuñini omanawğöra aka gamu miwikñabepuk.

⁵ Mianğöra urumelen alaurupnini karöbut mi uru kuñgum engimamğö mötpe dop köli kewö jial, “Inini mönö qeljiñe Korint yeñğöreñ anda nanğönanğö naluk ketanji almegö keu jöhögeri, areñ mi wuatañğöba al tekömegöra mönö kuñgum engime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölop membin.” Mewö jial.

Kötñi mönö amqeba gwötpuk qesin da gilme.

⁶ Keu ki mönö mötmöröba malme: Nene kötñi awamñanök qesin da giljawanğön mönö ölñi mewöyök awamñanök mema. Nene kötñi gwötpuk qesin da giljawanğön mönö ölñi mewöyök gwötpuk mema. Mianğöra gwötpuk algetka Anutunöñ salupñe gwötpuk engima.

⁷ Inini nanğök nanğök nalukñini mönö uruñinan jöhögerawğö dop alakñe. Sösöngainöñ amqeba mözöközöröñ ambazip kalem engizei, Anutunöñ mönö i jöpaköm engimakza. Mianğöra nalukñini kunğan kuñgum engizawañğöra aka uruyahöt qakñe kude alme. Mi kik-kukñinambuk kude alme.

* 8:21: Qam 3.4

⁸ Uruawam qakne kötönjini gwötpuk algetka Anutunöŋ mönö köhöiba kalem möriamŋi pakpak mem sehim enjimakŋa. Mewö enjiiga malmal pakpak mianğöreŋ yuaigöra osimei, mi pakpak mönö nalö dop buŋa qem anğuetka dop köl enjimakŋa. Mewö aiga nup ölöpŋi könaŋi könaŋi mi ölöp megetka ölni kelenmaleleŋ asuhuma. ⁹ *Ekbonep mosöta naluk ketanŋi ketanŋi alakzei, mi Buŋa Kimbi keu ki ohoget ahözawaŋgö dop akze, “Yaŋön amqeba kalemŋi kalemŋi mendenđa ambazip wanapŋi enjimakza. Ahakmemenŋi diŋdiŋi kik-kukŋi qahö mianğön mönö nalö teteköŋi qahö Anutugö jene ahöm öŋgöma.”

¹⁰ *Anutunöŋ qesiŋ gilgil azigöra nene kötni waŋgiiga nene asuhui nemakzini, yaŋön mönö nenegö mözöközöröŋ ahakŋei, mi mewöyök enjimakŋa. Mi enjii uruŋinan lolo-hoiga ölöp amqeba keu kötni qesiŋ sehiba gilgetka ahakmeme solanŋaŋgö ölni asuhui Anutunöŋ mi mem qarui sehimakŋa. ¹¹ Mewö aketka Anutunöŋ mönö malmal pakpak mianğöreŋ sehiba kötuatköm enjiiga ölöwahakŋe. Mewö ölöp amqeba ambazip nalö dop geŋmonŋi qahö kalem gwötpuk enjimakŋe. Mewö aketka mi memba (Jerusalem anda) enjiinga ambazip gwötpukŋan kötönjinaŋgöra aka Anutu möpöseigetka ölni enğöreŋ asuhumakŋa.

¹² Naŋğonaŋgö nup ki memakŋei, mianğön mönö Anutugö ambazip sarakŋan yuaigöra mözöközöröŋ aketka bauköm enjimakŋa. Miyök qahöpmö, mianğöra “Anutu saiwap!” keu mi gwötpuk jimegöra aka ölni enğöreŋ asuhumakŋa.

¹³ Mianğö könaŋi kewö: Naŋğonaŋgö nup ki memba mewö mianğön mötnaripŋinaŋgö könaŋi kondelgetka ambazip gwötpukŋan mi eka Anutu tem kölmeaŋgöra möpöseim waŋgiba kewö jime, “Korint yeŋön mönö Kraistkö Ölöwak Buŋaŋi keunöhök qahö jim miwikŋaizemö, Polgö keuŋi geŋmonŋi qahö tem köla amqeba sakalakŋi aka neŋgöra aka tosatŋi pakpak yeŋgöra kalem jesöŋgö enjimakze.”

¹⁴ Mewö jiba enğöra köuluköba mianğöreŋ waikŋini gwötpuk mem enğiba kewö jime, “Ia! Anutunöŋ mönö kalem möriamŋi kelenmaleleŋ Korint enjiiga urukalemŋinaŋgö ölni gwötpuk neŋgiget.” Mewö jigetka Anutugö kalemŋan aukŋe asuhuma. ¹⁵ O nini Anutu kalemŋaŋgöra aka möpöseimakin. Yaŋgö kalemŋi Jisös Kraistnöŋ mönö qetpuk sorok akza. Naŋğonaŋgö almeaŋgö keuŋi mi mewö kaba teköza.

10

Polgö nupköra keu jigetka likepŋi meleŋnök.

¹ Tosatŋan enğö sutŋine nöŋgöra kewö jimakze: Mesohol köl anğuba köhöikŋi tandök qahö akzapmö, kungen anda mianğöreŋ mönö keu köhöikŋanök jim neŋjimakza. Mewö jimakzemö, Kraistnöŋ ak kömumba guŋböŋjönjöh niŋjimakzawi, nöŋön mönö mianğö qakne nanak uruŋini kewögöra kuŋgumam:

² Tosatŋi mienğön neŋgöra kewö tandök mötmöriba jimakze, “Pol aka yaŋgö neŋakurupŋi yeŋön gölmegö ahakmeme tandök wuatangöba nanŋinaŋgöra mötmöriba ahakze.” Nöŋön enğöreŋ kaba keu mewö jimakzei, i mönö tembul enğiba awösamakak kinda jim enjimangö mötzalmö, töndup uruŋini köhöikŋi kötokŋi kuŋguba jim enjimangö töközal. Mianğöra iŋini ambazip nöŋgöra keu mewö jimakzei, i mönö zilaŋ andö enğume. Keuŋini mewö mindiŋgögetka engeki urunan mönö luai qei sutŋine kaba böŋjöh malmam.

³ Ölna, ahakmemeni gölmenöŋ ahakzalmö, mi töndup nananğöra aka gölmegö ahakmeme bölöŋaŋgö dop bim qahö qemakzal. Mewö qahöpmö, Anutugö suahö galöm aka kerökurupŋi kiripo kuŋgum enğiba mianğöreŋ areŋ sarakŋi wuatangöba bim qemakzal.

⁴ Gölmegö ambazip uruŋini walŋaŋgö dop bimgö yuaiŋi pakpak miambuk bim qemakzin. Yarö azi yeŋön jakömbuak ain selŋi selŋi eriba köndengetka erakzemö, Anutunöŋ timbi

* 9:9: Sum 112.9 * 9:10: Ais 55.10

saiwanji kukñinambuk nenñii inahöm nenñigetka mianjon mönö kerök yenjö keu arenjini pöwöwöm köhöikñi kuñguba qeapköinga erakze.

⁵ Urumelenjö kopa yenjon Anutugö könanji möt kutubepuköra aka nanñini silenini memba öngöba mötmötñini közamböta liklak ahakzemö, nenjon yenjö kiripo arenjini gonjonji pakpak mi qeapköba köndenninga erakze. Ambazipnönj keu mötmötñini bölönji meraköba jöhömegöra köna kondel enjiinga ölop keunini pakpak Kraist tem köl wanjimakingö dop mötmörimakñe.

⁶ Mewö mötmöriba Korint injini mutuk Kraistkö keu pakpak tem köla aposol nupni nanjögögöra mambötzin. Injini urunini mewö kunbuk melengetkun nini mönö qegetal ambazip yenjö keunini pakpak kewöta jim teköba likepñi melenj engbingö jöjöröba maljin. Mewö.

⁷ Injini yuai pakpak mönö silegörök kude eka kewötme. Sutñine ahakmeme sohomakzawi, miangö könanji ölnji mönö mötmörime. Tosatñan sutñine ni memba et ala nanñini Kraistkö jitñememeurupñi akzeangöra uruyahöt qahö aka möt köhöize ewö, yenjon mönö toroqeba nöngöra mewöyök kewö mötmörime: Yenjon Kraistkö buñanji akzei, nöjon mönö mewöyök Kraistkö buñaya akzal.

⁸ Kembunönj kewögöra kukösum niñgiyök: Injini mem et al engimangöra qahöpmö, mönö urunini möhangöbi köhöimegöra aka maljal. Miangöra kukösum miangöra aiweliköba konjaen ewö sileni memba öngöba tererebilenjak ewö, mi töndup mönö gamu kun qahö miwikñaibilenjak. ⁹ Kimbiñi kimbiñi ohoba albi oyonnda kukösumni mötketka kenjöt mötmöt mem engibilenbuk. Miangöra keu mi nalö kewöñe qahö toroqeba jimam. Mewö.

¹⁰ Tosatñan keu kewö jimakze: Polnönj kimbiñi miangören mönö keu lömbötñambuk ohoba urunini ölnja kuñgumakzapmö, sutñine kini ehinga azi löwötñi akza aka keunji jii möringa qetpuk qahö akza. ¹¹ Nöjon keu miangö likepñi kewö jimam: Keunini omanji mönö mosöta nöngö könanangöra kewö mötmörime: Ni kungen anda kimbinönj keuni köhöikñi ohomakzali, miangö dop mönö sutñine mala mewöyök köhöikñanök mindiñgöm engimam.

¹² Timbiqimibilim mienjon nanñini jim ölöwak ak angumakzemö, ölnja ni nonjita aposol qetpuk akeak ewö, nöjon mönö gamuni mötpilenjak. Mewö aiga nani aka engö silikñini likepliket ala kewötmamgö qötötangöba kölköldömdöm akilenjakmö, yenjon mönö mötmötñini töröpñi wuatangöba nanñini imbiñinangö dop urunini dop ala kewörakze. Ahakmemenini mewö lanj kewöta “Pol ongitzin,” jiba uruölöwak mörakze. Keu omanji mewö jiba uruqahö akze. Anutugö dopnönj kewöt niñgigetka ölop engonjita maljal.

¹³ Anutunönj nup memegö jaböñi al niñgiyöhi, mi qahö onjita sileni gwötpuk möpöseimangöra qahö mötzal. Anutunönj nup meme arenji al niñgii memakzali, miangö dop mönö engö sutñine mewöyök nup memakzal aka miangö ölnangörök mönö sileni möpöseimakzal.

¹⁴ Tosatñan keu kewö jim sohomakze, “Polnönj Korint sutñine nup meyöhangöra silenji möpöseiiiga qahö dop kölja. Anutunönj gölme mesinda nup memapkö jabö al wanjiyöhi, Polnönj mi onjita lanlanj walöñmakza.” Yenjon mutuhök nup sutñine qahö megetmö, töndup ni mem et al niñgiba nanñini silenini keunöhök jiba möpöseimakze. Nöjon Kraistkö Ölöwak Buña jim sehiba anda mala mutuk Korint engören kaba urugö nup meal. Mutuk qahö kabilenjak ewö, timbiqimibilim böhi mienjon nöngö keuni mewö jigetka dop köli nöjon nani könanangö könanji jiba jim sohobilenjak.

¹⁵ Anutunönj gölme mesinda nup memegö jabö al engiyöhi, yenjon selñini mi walönda engö sutñine kaba urugö nup memakze. Nanak selni qahö walönda tosatñi yenjö sutñine nup mealangöra silenji qahö möpöseimakzal. Böhi tosatñan urugö nup memba malgeri, miangöra mewöyök silenji qahö möpöseimakzal. Engö sutñine mutuk nup mealangöra mewö akiga ölop dop kölja. Anutugö arenji wuatangöba sutñine nup memba malinga mötnaripñinan toroqeba qariiga nanjöm nenñimegöra mamböta jörömqröm akzal.

¹⁶ Nanğöm nenğigetka öläp gölmenji gölmenji Korint likepñine Not göröken ahözei, mönö enduyangören mewöyök anda Ölöwak Buña jim asaribin. Nupninan mewö qariiga andöqege keuninan teköma. Anutunöñ tosatñi yeñgö nup meme jaböñini al engii megetka ölni lök asuhuyöhi, mianğöra nani sileni möpöseimamğöra qahö mötzal.

¹⁷ *Mewö qahöpmö, Buña keu kiangö dop akñamğö mötzal, “Kunñan sileni möpöseimamğö mötzawi, yañön mönö Kembugö nupkö ölnangöra aka sileni möpöseii dop kölma.” ¹⁸ Keu mianğö könañi kewö: Nanñini jim ölöwak ak angumakzeañön mönö Anutugö jeñe qahö dop köljemö, Kembunöñ ninña jim ölöwak ak wañgimawi, yañön mönö esapesapnöñ köhöiba kinma. Mewö.

11

Aposol takapulakanji yeñön tilipköm engibepuk.

¹ Nöñön borom kun uruqahö keu qakñe silememe aki mianğöra mönö kude möt lömbörime. Mi töndup ni kude andö nuñguze, mötzal. ² Nöñön inñini azi mohot Kraist yañgö buñañi aketka ambi seram jömukñi sarakñi ewö engibiga yañönök engömemapkö keunji jiba jöhöyal. Mianğöra Anutunöñ uruñan engöra aka mututqutut mörakzawi, nöñön mönö mianğö dop tosatñan kelök keunöñ jiba engömeget bölibepuköra waimanjat mörakzal.

³ *Kewögöra waimanjat mörakzal: Mokoleñnöñ isimkakalek aiga Iwnöñ (Ewanöñ) böliyöhi, mianğö dop timbiqimibilim yeñön mewö me mewö jiba tilipköba engömegetka uruñinan tölöhoiga janjuñ akepuk.

⁴ Mianğö könañi kewö: Tosatñan kaba Jisös jim asariini, mi qahöpmö, Jisös murutñi kungö könañi jim sehiba malgetka yeñgöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei lolonqalon mala mianğöra töndup köñjiliñ qahö mötze. Ölöwak Buña möt angön kölgeri, mi qahöpmö, keu tandökñi kun qetñanök Ölöwak Buña qeta lañ jigetka tosatñan mi awamñanök möt angön kölakze. Mewö asuhumakzawañgöra mönö töndup waimanjat kun qahö akze.

⁵ Mianğöra waimanjat mörakzalmö, ahakmemeni mewö me mewö kewötketka etgegenji qahö akzal. Tosatñan aposol qet memba timbiqimibilim lañ ahakzei, nöñön mönö yeñgö nembö bapñine qahöpmahöp maljal. ⁶ Keu niñgizei, mianğö likepñi kewö jizal: Keu öläp sorokñi jijiğö tandökñi mi öläp qahö mötzalmö, Buña keugö könañi mönö möt soroközal. Mi mönö nalö dop pöndañ aukñe indelbiga möt yaköze.

⁷ Inñini mem wahöt engimamğö möta nani mem et al anguba malmalni nanğömamğöra nup memba malal. Mianğöra Anutugö Ölöwak Buña mi engöra söñgöronji qahö jim asarim engiba malal. Mewö aka malalangöra tosatñan nöñgöra uruqahö keu kewö jimakze, “Polnöñ mönö köna onğita siñgisöndok ahakza.” ⁸ Urumelen köñagesö tosatñe nup qahö membiba töndup nalukñini öne niñgigetka membi nanğöm niñgiiga inñini welen qem engiba malal. Tosatñan mianğöra kewö jimakze, “Polnöñ yoñgorö nene silik tandök ak engiba malja. Mianğöra aposol qahö akzapmö, nanñi nupña memakza.” Nöñgöra mewö jiba jim sohomakze.

⁹ *Embuk mala yuaigöra osiba mözöröngöba mianğören mönö engörenök kun qahö kunguba mem lömböriba nene yuainji qahö memba malal. Mewö qahöpmö, urumelen alaurup Masedonia prowinsnöhök kaba yuaigöra osiali, mi ek asariba moneñ niñgigetka dop kölök. Ahakmemeni pakpak mianğören mem lömbörim engibilenbuköra möta galöm mem anguba malal aka mewö toroqeba malman.

¹⁰ Mem lömbörim engibilenbukö keuni mianğöra mönö nani sileni memba öngöba maljal. Kunñan keuni mi Akaiia prowinsñinanğö gölmenji gölmenji pakpak mianğören qeapkömamğö osima. Kraistkö keu ölnan mönö nam köl niñgiiga keu mewö jöhöba jiba

* 10:17: Jer 9.24 * 11:3: Jen 3.1-5, 13 * 11:9: Fil 4.15-18

kinjal. ¹¹ Mi wuanöngöra? Mi injini qahö jöpaköm engibilenjak, miangöra me? Mönö ölña jöpaköm engimakzali, mi Anutunöñ mötza.

¹² Aposol sesekñai ewö ahakzei, yeñön nembuk “Öröröñ akingö nup tandök miyöhök memakzin,” mewö jibingö mötze. Miangöra kewö kuñgum engimakze, “Polgö tandök ewö nup memakzinangöra mönö Pol ewö nanngöm nenngime.” Nupñinangöra silenini möpöseibingö möta miangö könani jarumakzemö, mi ölop qahö miwikñaime. Nöñön i ewö qahö akzal. Miangöra mem lömbörim engibilenbuköra mönö nani galöm mem anguba maljal aka toroqeba mewö malmam.

¹³ Yeñön aposol ölni qahöpmö, mönö aposol takapulakani aka nup meme ambazip isimkakalekninambuk akze. Kraistkö aposol nenngö tandök kondel anguba nup lañ memakze. ¹⁴ Satanöñ nanjak asakñangö garata tandök ewö kondel anguba nup lañ memakza. Miangöra timbiqimbilim mienñön mewö akerangöra qahö welipkömakin.

¹⁵ Miangöra Satangö welenqeçe ambazipurup mienñön ambazip welenñini qebingö tandöktandök aka Kona keu wuatangöba mewö mianñön solanñi akñegöra jim sohoba kondel angumakze. Mewö nup lañ memakzeangöra mönö qahö auruba welipkömakzin. Silememe mewö ahakzemö, nalö teteköñe Anutunöñ mönö likepñi ahakmemenjanngö dop melenj engima. Mewö.

Polnöñ aposol nup memba sihimbölo gwötpuk mörök.

¹⁶ Keuni kunbuk kewö jimam: Engöreñök tosatñan nöñön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm ningime. Mewö aketka ölop i ewö nani sileni memba öngöba sutñine malmam. ¹⁷ Awösamkakak ketani möta sileni memba öngöba keuni jizali, mi Kembangö mötmöt sihimñangö dop qahöpmö, mi uruqahö azigö tandök ewö jizal.

¹⁸ Ambazip gwötpukñan sutñine gölmegö ahakmeme bölöñi wuatangöba silenini memba öngömakzei, miangöra nöñön mönö mewöñanök aka keuni miangö dop jizal. ¹⁹ Nanñinak “Mötmöt ambazip öngöñgöñi akzin,” jizeangöra mönö uruqahö ambazip yeñgöra mötketka qahö lömbörimakza.

²⁰ Injini öl közömña kewö akze: Ambazip kewöñi yeñgöra mötketka uruñinan qahö lömbörimakza: Kunñan engömembra jöhöiga welenqeçeurupñi etqeçenji akze. Kunñan tutuhum engiba nenenñini nem tekömakza. Kunñan jim kelök ak engiiga buñani akze. Kunñan nanñi sileni memba öngöba keu töhöreñ jiba nuñgulumñini qekötahömakza.

²¹ I ewö öröm ureim ak engimangöra mönö lölöwöröñi aka malal. Ösöñ ak engialangöra “Kengöt moröya akza,” jiba nöngöra mewö mötmörize me qahö? Keu mewö jiba mianñön ölop gamu qem ningimeangö dop akzal me? Keu jimami, mi mönö uruqahö azigö dop jimam. Timbiqimbilim yeñön nup memakzeangöra silenini memba öngömegöra gamuñini qahö mötze ewö, nöñön mönö mewöyök nupnanngöra aka sileni memba öngömangö möt köhöimakzal.

²² Yeñön keu kewö jiba silenini memba öngömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupñi akzin,” jimakzemö, nia kun mewöyök akzal.

²³ *Keu kun mi uruqahö azigö keu tandök ewö jimam, “Yeñön Kraistkö nupñi memakzin,” jimakzemö, nöñön mi mönö i luhut ala engongita memakzal. Nöñön mönö ambazip mi engongita nup köhöiba memba malal. Kraistkö nupköra aka kösö mire al ningigetka miangöreñ i engongita nalö gwötpuk taral. Ihilek wahinambuknöñ mönö könöpuk könöpuk nuñguba malget. Nalöñi nalöñi lömböt miwikñaiba kömumangö dop aka malal.

* 11:23: Apo 16.23

²⁴ *Juda jike galöm tosatjan jigetka arawambu kömbinöŋ nuŋgugetka arenji 39 aiga sihimbölöŋi möta malal. Mewö ak niŋgigetka indimŋi 5 ahök. ²⁵ *Rom gawman yeŋön jigetka ihilek wölziknöŋ nuŋgugetka indimŋi karöbut ahök. Sömaŋi mohot kötnöŋ nuŋgugetka kömumamgöra ahal. Waŋge ketaje malbiga köwet töromnöŋ kuŋguba qaköba jömgöiga indimŋi karöbut ahök. Nalö kunöŋ waŋge jömgöiga köwetnöŋ geba silimŋi mohot aka suŋgemŋi kun köwet qakŋe laŋ malal.

²⁶ *Nalöŋi nalöŋi köna anda kaba malal. O töwatŋi töwatŋi (göwöŋi göwöŋi) kutuba miangöreŋ lömböt miwikŋaiba ayuhumamgö dop aka malal. Kegwek-kahasiliŋ ambazip yeŋgöra aka kömumamgö keŋgötni möta malal. Juda könagesöurupni yeŋgöra aka lömböt miwikŋaiba ayuhumamgö dop aka malal. Kian kantri yeŋgöra aka lömböt miwikŋaiba ayuhumamgö dop aka malal. Taonŋi taonŋi miangöreŋ lömböt miwikŋaiba ayuhumamgö dop aka malal. Arökŋaŋgö miriŋi miriŋi miangöreŋ lömböt miwikŋaiba ayuhumamgö dop aka malal. Köwet kutuba anda miangöreŋ lömböt miwikŋaiba ayuhumamgö dop aka malal. Alaurup takapulakanŋi yeŋön nuŋguget kömumbilenbuköra wösöni kot gwözöŋniga malal.

²⁷ Malmalni naŋgömamgöra nup köhöiba memba malal. Gaun guli gwötpuk malal. Nup gwötpuk mealangöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba saŋgenŋi möta malal. ²⁸ Miyök pakpak qahöpmö, toroqeba kewö möta malal: Urumelen könagesöŋi könagesöŋi pakpak yeŋön waimanjatŋini jigetka urunan mönö nalö dop möt lömböriba malal.

²⁹ Mötnarip alaurup denike yeŋön sörauba löwörize ewö, nöŋön mönö mewöŋanök i uru al enŋizal. Kunŋan kölgorom aliga urumelen alanan siŋgisöndok akzawi, siŋgisöndok miangö könöpnan mönö nöŋgö uruni mewöyök nohoiga tembulakzal.

³⁰ Silememe keuyök mönö mötpingö ak enŋiza. Miangöra sileni memba öŋgömamaŋgö dop akilenjak ewö, ni memba et al niŋgigetka ösumeret tandök akzali mönö miangöra aka sileni memba öŋgömakzal. ³¹ Kembu Jisösgö Iwi Anutuŋi nalö dop möpöseininga teteköŋi qahö aködamunjabuk mal öŋgömawi, yaŋön mönö nöŋgö könaŋamni möri munen keu qahöpmö, keu ölni mi jizal.

³² *Damaskus sitinöŋ malbiga kiŋ Aretasgö kiapŋan mönö buldömin aziurupŋan nömmimba jöhöm niŋgimegö jim kutum enŋiiga Damaskus ambazip yeŋgö siti sel naŋgune mönimba ölöŋ köla anbilanbuköra galöm memba kinget. ³³ Mewö kingetmö, alaurupŋan nömemba sakapnöŋ al niŋgiba kösönöŋ jöhöba siti sel jeŋgenaeŋyök ösöŋösöŋ algetka gölmenöŋ eta köla böröŋeyök ölöŋ köla kayal. Mewö.

12

Polnöŋ jemelen imut eka indelindel keu mörök.

¹ Enŋö silememe alaurupŋinan jemelenŋö keuŋi keuŋi jimakzei, miangöra nöŋön mewöyök sileni möpöseiba jemelenŋö keuni jimam. Keu mi ölöŋ qahö bauköm enŋimapmö, töndup keu toroqeba jemelen imutŋi imutŋi eki Kembunöŋ keuŋini indeli mörali, miangö kösohotŋi jimam. ² Azi kun möt waŋgibi Kraistpuk qekötahöba malja. Uŋa Töröŋan i waŋgiriga gölmegö kousu luhut jaböŋi oŋgita öŋgöba seŋgelau jaböŋi oŋgita öŋgöba Anutu nanŋaŋgö Suep miri uruŋe eu öŋgöyök. Nalö miangöreŋök yambu 14 lök teköi maljin. Silebuk me sileni qahö uŋaŋanök öŋgöyöhi, mi qahö mötzal. Anutuŋöŋ mi mötza.

³⁻⁴ Uŋa Töröŋan azi mi waŋgiri Anutugö oyaenköyaen miriŋe öŋgöi keu qainŋi kun jigetka mörök. Gölmö azi nöŋön keu mi jimamgö sonŋo ahöza aka keu mi gölmö ambazip

* 11:24: Dut 25.3 * 11:25: Apo 16.22; 14.19 * 11:26: Apo 9.23; 14.15 * 11:32: Apo 9.23-25

nenjö keuninan jibinanjö dop qahö. Silebuk me silenji qahö öngöyöhi, mi Anutunöñ mötza. Nöñön mi qahö mötzalmö, yangö kösohotñi mötzal.

⁵ Nöñön azi yangören yuai asuhuyöhi, miangöra sileni memba öngömamanjö dop akzal. Nanangöra mi asuhuyökmö, töndup miangöra aka nani silenji qahö möpöseimakzal. Miangöra qahöpmö, ösumeret akzalanjöörök mönö mewö ahakzal.

⁶ Nanangöra silenji mewöyök memba öngömamangö mötpilenjak ewö, keuni mönö keu ölnangö dop jibilenjak. Mewö keu omanji jiji azia qahö akilenjakmö, mi kewögöra köyatim angumakzal: Körek enön jemelenji mi ehalangöra keu diñdini ongita nöngöra mötket öngöngöñi akilenbuk. Ahakmemeni aki eketka keu jibi mötkeri, mönö miangö dowök kewöt niñgimegöra mötzal.

⁷ Indelindel keu öngöngöñi mötpi keu tosatñi ongirakzawi, miangöra aiweliköm angubilenbuköra Anutunöñ yuai jitñambuk nöngö silene aliga kondi sötmangö dop nuñgumakza. Satangö garatanöñ sihimbölö mi niñgiiga mörakzal. ⁸ Miangöra Kembunöñ mi sileneyök mem gilmapköra köuluköbiga indimñi karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknönga nöngö kukösumnan mönö amqeba urugi kokolak qeiga aködamungabuk ahakñan. Miangöra nöngö kalem möriamni mönö buña qem angunönga dop köлма.” Keu mi jii möta Kraistkö kukösumñan qakne öngömapköra mörakzal. Miangöra ösumeret ahakzalanjöra silenji möpöseimakzal. Lömböt mi qahöwakñapköra qahö toroqeba köulukömakzal.

¹⁰ Kraistnöñ ni ösumeret ahakzali, nalö miangörenjö ösum niñgiiga köhöiba kinakzal. Miangöra ösumeret akzalanjöra töndup mötpi dop köli siksuk qahö akzal. Tosatñan uruqege keu töhörenji jim niñgigetka mötpi dop köli niñgiza. Kraistköra aka kahasililinj sesewerowero ak niñgigetka wahöjalinj möta miangörenjö töndup urubönjöñ mi-wikñaimakzal. Mewö.

Polnönj Korint yengöra waimanjat mörök?

¹¹ Sileni memba öngöba mönö uruqahö tandök akzal. Diñgimegöra aka köna murutñi kun qahö miwikñaiiba nöngöra mötket öngömapköra mi jizal. Ölna, Anutunöñ qahö bauköm niñgibawak ewö, nanak mönö yuai kun qahö aki andöqege keuñinan ölni akawak. Ölni akawakmö, ahakmemeni mewö me mewö kewötzali, mönö etqegeñi qahö akzal. Tosatñan aposol qetpukö qet memba timbiqimbilim lan maljei, nöñön mönö yengö nembö bapñine qahöpmahöp maljal.

¹² Engö sutñine nup memba lömböt gwötpuk möta mökösoñda malali, miangörenjö Anutugö kukösumñan sölölohöm niñgiiga angöletot aiwesök könañi könañi asuhuget. Ahakmeme mianön mönö aposol akzalanjö könañi kondel enjiiga eket.

¹³ Injini bauköm enjial aka urumelenjö könagesö tosatñi mi embuk örörön ak enjial. Tosatñi engömembu wahötketka injini mönö denöwö engömosötpi öne malbeak? Ölna, nangöm niñgimegö lömbötñi mi engö qakñine qahö alal. Aposol takapulakanji yenön lömböt mi engö qakñine alakzemö, nöñön mi tosatñi yengö qakñine albi bisimakze. Nangöm niñgimegöra qahö kuñgum enjiba mewö köpösihit ak enjial me? Miangöra “Polnönj köpösihit azia akza,” jibeak, mönö pinjitni mi mosötmegöra qesim enjizal.

¹⁴ Mötket, nalö kewöñe kunbuk engörenjö kamangö jöjöröbiga indimñi karöbut akña. Kaba nupni nangömegö lömbötñi mi dumñe kunbuk engö qakñine qahö almam. Mi qahö. Nannjini sukinapñinanjöra qahö köpösoñgömakzalmö, nanninak mönö nöngöra ak enjimapköra mötzal. Nahönbörat yenön iwinamurupñini nangöba inap tokoba enjimeangö dop qahö akzemö, iwinam yenön mönö mi nahönböratupñini yengöra tokogetka dop kölja. Miangö dop urugö nupnönj göröken nöñön iwinjini akzal. Miangöra urunönj göröken bauköm enjimangö mötzal.

¹⁵ Miangöra enön ölöwakñegöra yuaini pakpak mi sösoñgai qakñe tököm enjibi engö buña akñapköra mötzal. Nani malmalni mewöñanök ölöwakñegöra mosötmangö mötzal.

Mewö önöni qahö jöpaköm engibi urukalemnan qarimakzapmö, engö urukalemñinan mönö tündup wuanöngöra wazimakza?

¹⁶ Ölña, nanngöm niñgimegö lömbötñi mi engö qakñine qahö alal. Nöngö tuaren-jonjurupnan keu miangöra urumohot akzemö, tosatan kewö jibeak, “Pol mi mötmöt azia aka tilipqilipñambuk uruñini mezanða köpeim engiba monenini mewö me mewö örömakza.” Keu mianjön ölni qahö. ¹⁷ Mi denöwögöra jize? Neñakurupni melaim engibiga engören kageri, yengörenök kunñan Pol inap wanngimegöra kuñgum engiyök me qahö? Qahö. ¹⁸ Taitus engören kamapkö kuñgum wanngiba urumelen ala kun yambuk melaibi kayohot. Taitusnöñ ni inap niñgimegö kuñgum engiyök me qahö? Qahö. Uña mohot mianjön mönö sölölohöm netkiiga nup nanngönanngögö köna mohot anda kaba malit. Mewö.

Polnöñ mönö Anutugö kukösum qakñe kama.

¹⁹ Kimbi ki oyoñda miangören nöngöra kewö mötmöribepuk, “Keu jim engiinga miangö likepña kapan köla jiba mewö ohoza.” O wölböt alaurupni, miangöra kewö jimam: Mönö Kraistpuk qekötahöba keuni Anutugö jemesoholñe jiba ohoyal. Nupnini pakpak mi enjön uruñini möhamgöba köhököhöi miwikñaimegöra memakzin.

²⁰ Engören kaba eki ahakmemenini tökömakzali, mi wuatangöba malbepuk. Mewö miwikñaim engibilenbuköra waimanjat mötzal. Ahakmemeninañgö likepñi melen engibi qakñine öngömawi, enjön mönö tandök akñami, mi tökömegöra mötzal. Sutñine ahakmeme kewö akepuköra goro mötzal: Urunöñ mututqutut aka angururuk akepuk. Urusingok aka yom jibepuk. Silenöñ alal ak anğuba denða nanñini kambugörök mötmöriba malbepuk. Andöqeke keu töhören jiba mianjön mem bölim anğubepuk. Tosatñi yengö keuñini tölapñe jigetka diwonðawoñ anbabuk. Jakbak-orañbörañ aka areni törörök qahö wuatangöba nanñini imbi-imbi lañ malbepuk.

²¹ Mewö aka malme ewö, nöñön mönö kewö asuhumapköra waimanjat möta kamam: Ambazip gwötpukñan mutuk siñgisöndok aka malgeri, yengöra mönö urukömbuk aka sahötpilenbuk. Ahakmeme töwötñambuk lañ wuatangöba sihimñini kömbönañi miwikñaimegöra serowilin akerangöra gamu qahö möta qahö möt bölim anğugot. Sutñine kabiga uruñini kunbuk qahö melenget engekiga Anutunöñ mönö uruni kuñgui kunbuk urueret akilenbuk. Mewö.

13

Galöm meme keu qöndökñi

¹ *Nalö kewöñe engören kabiga indimñi karöbut akña. “Keugö jakeñe alalgö keuñi pakpak mi mönö ambazip yahöt me karöbutñan nanngöba jigetka köhöimakza.” ² Nöñön Buña keu miangö dop akzal. Engö sutñine malbi indimñi yahöt aiga miangören lök galöm meme keu enğial. Keu mi nalö kewöñe kunbuk köl guliba qeljiñeyök jizali, mianjön teköza. Miangöra kunbuk kamami, nalö miangören ambazip siñgisöndok mutuk akeri me akzei, mi mönö qahö engehörimam. Bölonamñinambuk inini mönö körek mindiñgöm engimam.

³ Kraistnöñ mönö ösumeret qakñe qahö ak engimakzapmö, kukösumñi sutñine konde-lakza. Kraist mianjönök mönö sölölohöm niñgiiga aposol aka keu jimakzali, inini miangö könanangöra uruyahöt aka kapan köla qesim anğumakze. Miangöra silikñinañgö dop mönö keu engiba mindiñgöm engimam.

⁴ Kraist maripomnöñ qegetka kömuyöhi, nalö miangören mönö ösumeret tandök malökmö, tündup Anutugö kukösumñan nam köl wanngiiga mal köhöiza. Nöñön mewöñanök yambuk qekötahöba nani ösumeret aka maljalmö, Anutugö kukösumñan mönö nam köl niñgiiga Kraistkö jitiñi memba mindiñgöm engimamgö mal köhöizal.

Mönö nanñini kewöt anğuba uruñini melenme.

* 13:1: Dut 17.6; 19.15

⁵ Mönö nannini törörök kewöt angume. Uruñini melenḁa ölḁa Kraist möt narize me qahö, miangöra mönö esapesapnöḁ ala kewöt angume. Kraist Jisösgö Uḁañan uruñine mal köhöizawi, mi möt kutuze me qahö? Uruñine qahö malja ewö, inini mönö esapesap miangöreḁ et enḁuiga Kraistkö buḁaya qahö akze. ⁶ Nöḁön enḁöreḁ aposol ölḁi akzal me qahö, inini mewö kewöt niḁigetka esapesap miangöreḁ kude eta nuḁguma, mewö mötzal. Inini nöḁgö könani mewö aukḁe eka möt kutumegöra jörömqöröm aka maljal. Miangöra mindiḁgöm enḁibi ölḁa dop kölma.

⁷ Keu pakpak ohoba kotzali, mi ak sohobepuköra Anutu köuluközin. Keu kun jim sohoba malgetka kaba mindiḁgöm enḁibiga tuarenjoḁurupnan mönö aposol kukösumni ölḁa eka ek asarime. Mewö asuhumapköra qahö köuluközal. Inini qahö mindiḁgöm enḁimamangö dop nekepuköra qahö köuluközalmö, enḁön urumelenḁ diḁdiḁi akḁegöra köuluközal. Uruñini ölḁa melenḁe ewö, nöḁön mönö qahö mindiḁgöm enḁibi tuarenjoḁurupnan nöḁgöra toroḁeba azi lölöwöröḁi tandök ewö mötpeakmö, mi muat.

⁸ Nini keu ölḁi qetala kun uteköbingö osibinmö, keu ölḁan sehimapköra ölöḁ kinbin. ⁹ Nöḁön kukösumni qahö kondela ösumeret tandök malbiga enḁön köhöiba kinmei, nalö mewöḁe mönö sösoḁgai ahakin. Urumelenḁö aködamunḁini körek miwikḁaiba köhöiba kinmegöra neḁön Anutu köulukömakzin. ¹⁰ Kembunöḁ inini memba et al enḁimamgöra qahöpmö, uruñini möhangöbi köhöimegöra möta kukösumḁi mi al niḁiyök. Kukösum miangö qakḁe kinda enḁöreḁ kamami, nalö miangöreḁ könöḁuk ak enḁibileḁbuköra mönö keu ki köröwen mala enḁöra kimbi ohozal. Nanninak mindiḁgöm angume ewö, mönö ösoḁ ak enḁimam. Mewö.

Yaizözkök keu teteköḁi

¹¹ O urumelenḁ alaurupni, keuni jim teköba qambaḁ kewö enḁizal: Mönö söḁgaiba malme. Könaḁamḁini sohoyöhi, mi mönö körek mindiḁgöm teköme. Urukunḁukunḁu keu enḁizali, mi mönö buḁa qem anguba tem kölme. Keu jiali, miangöreḁ mönö urumohot aka luainöḁ malme. Mewö aketka Anutu jöpaköm angumegöra inahöm neḁgiba luai qem neḁgimawi, yaḁön mönö embuk malma.

¹² Inini urumelenḁ alaurupḁini yembuk jölöḁini jiba mönö köna sarakḁi wuatangöba jölöḁini jiba angum anguba numbuḁini yöhötim nemba malme. Anutugö ambazip sarakḁi pakpak ki maljei, yeḁön yaizözkökḁini algetka enḁöreḁ kaza.

¹³⁻¹⁴ Kambu Jisös Kraistnöḁ mönö kalem möriamḁi enḁiiga Anutugö urujöpakḁan nam köl enḁiiga Uḁa Töröḁan körek inahöm enḁiiga urumohot aka köisirik malme. Mewö.

Galesia Kimbi **Polnön Galesia yeŋgöra Kimbi alök.** **Jim-asa-asari**

Polnön Buŋa Kimbi ki Galesia prowinsgö urumelen könagesö yeŋgöra ohoyök. Galesia prowins mi Eisia Mainö (Töki) uruŋe Rom yeŋgö bapŋine malget.

Aposol yeŋön Anutugö Buŋa keu jim sehigetka mutuk Juda tosatŋi aka könangep kian kantri tosatŋan mewöyök uruŋini melenget. Nalö miangören Juda yeŋön kapan köla keu yahöt kewö jigetka lömböriyök:

- 1) “Kian kantri yeŋön Mosesgören Köna keugö dop Anutugö aiwesökŋi silenine qahö yandime ewö, yeŋön mönö urumelen könagesö ölni qahö akŋe.” Anutunön ambazip nanŋangöra möwölöhöm enŋiyöhi, yeŋgö aiwesökŋi mi sile yandiyandi. Jen 17.10–12. Polnön mi möta “Keu mi ölni qahö!” jiba kewö jim kutum enŋiyök, “Kian kantri yeŋön Jisös möt narigetka Anutunön mötnariŋini miangöra aka keuŋini jim teköi solaniba urumelen kambu ölni akŋe.”
- 2) Böhi takapulakanŋi yeŋön Polnön Uŋa Töröŋangö ösumnön nup meyöhi, mi memba et ala kewö jiget, “Pol mi aposol ölni qahö akzawaŋgöra keuŋi kude mötme.” Mewö jigetmö, Polnön köhöiba jiyök, “Nönön Jisösgö Ölöwak Buŋa jiji azia aka Anutunön meköba kuŋgum niŋgiiga aposol ölna maljal.” Mewö jiba Galesia yeŋgö urumelen kambuŋi kambuŋi ahakmemegö qambaŋ keu ohoyök. Urunini melenbin ewö, mönö amqeba Kraist jöpaköba nupŋi meinga ölni asuhuma.

Buk kiangö bahöŋi bohonŋi 5 mi kewö:

Keu mutukŋi 1.1-10

Pol ni aposol ölni akzal 1.11–2.21

Anutu kalem möriamŋangö Buŋa keu 3.1–4.31

Nanini imbi-imbi akinbukö soŋgo 5.1–6.10

Kimbigö keu kötni bohonŋi 6.11-18

¹ Pol nönön keu eraum mötpingöra Galesia urumelen könagesö enğöra kimbi ki ohozal. Melaimelai azi akzalaŋgö könaŋi kewö: Ambazipnön aposol nupköra qahö kuŋgum niŋgigetka memba maljal. Gölmelme azi kuŋŋan qahö melaim niŋgiyökmö, Jisös Kraist aka Iwi Anutu i kömupnöhök mem guliyöhi, yetkön mönö arengöba aposol nup al niŋgiyohotka kinjal. ² Neŋakurup pakpak nömbuk kinjei, yeŋön ni kötöngöm niŋgigetka kimbi ki albi Galesia prowinsnön anda urumelen könagesö kambuŋi kambuŋi enğören kaza.

³ Anutu Iwinini aka Kembu Jisös Kraist yetkön mönö kalem möriam enŋiyohotka luainön malme.

⁴ Jisösnön nanine Anutu aka Iwi yaŋgö numbu jitŋi wuatangöba neŋgö siŋgisöndokninaŋgöra aka malmalni köleŋniga qeget. Nalö kewöŋe gölmegö nalö bölöŋe malakzini, yaŋön mönö kiangörenök amöt qeba meköm neŋgimapköra aka kömuyök. ⁵ Miangöra Anutugö qetbuŋaŋi nalöŋi nalöŋi möpöseininga teteköŋi qahö aködamuraŋambuk ahöba ahöm öngöma! Keu mi ölna.

Ölöwak Buŋa mi kude jim sohoba mondokqondoköme.

⁶ Nönön enğö könaŋinaŋgöra aka aurubiga je kötni jölja. Anutunön Kraistkö kalem möriamŋi buŋa qem aŋgumegöra enğoholiga yambuk malgetmö, nönön enğömosötpiga tosatŋan kaba Ölöwak Buŋa murutŋi jigetka nalö qahö köriiga elennda keu goŋgoŋi miangören qekötahöba enjololon malje. Miangöra mönö ölna auruzal. ⁷ Keuŋini mi Ölöwak Buŋa ölni qahöpmaöp akzapmö, ambazip tosatŋan Kraistkö Ölöwak Buŋaŋi mi enjololon

memba melenqelen aketka möwököwöramgöiga gongiza. Mewö aiga lan liliköba ambazip kunjum engigetka uruninan siksauk aiga malje.

⁸ Ambazip mewöni mi yapmakek! Nejon Ölöwak Buña lök jim asarim engiba malini, kunjan mi qeapköba buña keu murutni jim asaribawak ewö, yanjon mönö Anutugö jeje könöp siagö buñaya akza. Mi nengörenök kunjan me Suepkö garata kunjan eta jibawak, mi töndup keu mewöni mönö qahöpmahöp tem kölme. Keu gongonji mi muat. ⁹ Keu mutuhök jiba malini, miyöhök mönö dölki kunbuk jizal: Enjon Ölöwak Buña lök möt angön kölgeri, kunön mi qeapköba buña keu murutni jim asaribawak ewö, Anutunön mönö i jörahöm wanjiiga könöp sianönj gema.

¹⁰ Keu mewö jizali, mi ambazipnönj nek soriget nanak jejine dop kölmamgöra aka qahö jizalmö, Anutunönj nehi yanjö jeje dop kölmamgöra aka mi jizal. Nönön gölme ambazip uru ölöwak möt niñgimegöra qahöpmahöp kapan kölakzal. Toroqeba ambazip kelök ak engiba sipkobilejak ewö, nönön mönö Kraistkörenj nup memamgö osibilejak. Mewö.

Kraistnönj mem letot niñgiiga aposol ahal.

¹¹ O alaurupni, Ölöwak Buñagö könanji mi kewö möt yaköme: Buña keu jim asari-makzali, mi gölme azi kunjan qahö jimburenj jiyöha ahöza. ¹² Kunjan kun mi qahö kusum niñgiyök. Mi gölme azi kungörenök qahö möt angön kölalmö, Jisös Kraistnönj nanjak asuhum niñgiba Ölöwak Buñanji indeliga möt asaribiga nongö buñaya ahök.

¹³ *Enjon nongö könanjamni ölop mötze. Juda ambazipnönj Anutugö Köna keugöra urukönöp ahakzei, nönön mutuhök yengö mötmötjni wuatangöba yengö dop aka memba malal. Mewö mala Anutugörenj urumelenj könagesö mi engum ureiba janjauranga mem engiba malal. Könönjambuk sesewerowero ak engiba mem ayuhum engimamgö esapköba malal. ¹⁴ *Juda ambazip gwabö alaurupni qötönini mohot kota malini, nönön yengörenök sehisehinji mi luhut al engiba Köna keugöra urukönöp aka malal. Mewö mala Juda ahakmemegö könanji törörök wuatangöba amböskoninanjö jimkutukutu keu etpapuköra mönö önönji qahö kapan köla malal.

¹⁵ *Mewö aka malalmö, Anutunönj mutuhök nam körö uruneyök neka nanjangöra möwölöhöba al niñgiyök aka könanjep kalem möriamjangöra aka noholök. Noholöhi, yanjon mönö nongöra arenj kewö möri dop kölök: ¹⁶ Yanjon Nahönjangö könanji nongöra indeli mötmamgö möta Jisösgö Ölöwak Buñanji memba kian kantri tosatne anda yengö sutjine jim asariba malmamgö jiyök. Yanjon mewö jiyöhangöra aka nönön wahöta könakönahineyök könahiba gölme ambazip yengö goro keunjanangöra mönö qahöpmahöp jaruba qesim engiba mala koral.

¹⁷ Mewönanök Jerusalem sitinönj qahö öngöba melaimelai azi aposol mutuk mala kotkeri, yengörenj qahö anda asuhuyal. Mewö qahöpmö, miangörenök Arebia gölmenönj anda mala kunbuk Damaskus sitinönj lilingöyal. ¹⁸ *Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinönj öngöba yambuk sömanji 15 miangö dop malal. ¹⁹ Miangörenj malalmö, melaimelai azi aposol tosatni i qahö engehal. Kembangö munni Jeims iyök ehal.

²⁰ Miangöra mötket, keu ohom engizali, mi keu ölnji akza. Munenji kun qahö. Keu mi Anutugö jemesoholne jizal.

²¹ Jerusalem mosöta Siria aka Silisia gölmenönj anda miri tosatni liliköba malal. ²² Mewö anda malalmö, Judia prowinsgö urumelenj könagesö kambunji kambunji Kraist-puk qekötahöba kinjei, yanjon qahö nekerangöra nalö miangörenj ni qahö möt kutum niñgiba malget. ²³ Nongörenj buzup keu kewöyöktöp yengö kezapjine geiga mötket, “Mutuk sesewerowero ak nengiba malöhi, yanjon mönö letota malja. Mötnarip keu

ayapkömapkora jaŋgauranğa mem neŋgiyöhi, yaŋön nalö dölkewöŋe nanŋak keu miyöhök jim asarimakza.”²⁴ Mewö möta nöŋgöra aka Anutu möpöseim waŋgiba malget. Mewö.

2

Aposol yeŋön Pol örögetka sutŋine kayök.

¹*Miaŋgö andöŋe yambu (yara) 14 teköiga miaŋgöreŋ “Barnabasbuk Jerusalem sitinöŋ kunbuk öŋgömam,” jiba Taitus mewöyök waŋgitpiga mohotŋe öŋgöin.

² Anutunöŋ mutuk nöŋgöra asuhuba anmamgö keu indelöhaŋgöra aka yetpuk anda Jerusalem aŋgota nupnaŋgö könaŋi jim asarim enġial. Nup pöndaŋ memba kota maljali, miaŋön aposol yeŋgöra qahö dop köliga nupnaŋgö ölnaŋ eta qeiga pöröpköbapuk. Mewö mötmöriba kösohotni ambazip omani yeŋgöra laŋ qahö jialmö, jitŋememeurupnini göda qem enġimakzini, iyök öröm enġibiga tokoget. Tokogetka miaŋgöreŋ Ölöwak Buŋa kian kantri sutŋine liliköba jim sehimakzali, mi aukŋe al enġibiga mötket. ³ Yeŋön mi möta “Ölöp!” jiget. Mewö jiba neŋakni Taitus Grik azi yaŋön nömbuk malökmö, töndup ketaŋamninan Anutugö aiwesökŋi silenŋe yandimegö qahö jim kutum waŋgiget. Juda neŋgöreŋ Köna keu mi qahö al köhöim waŋgiget.

⁴ Juda ketaŋi yeŋön qahöpmö, tosaŋaŋ silenŋi yandibingö möta sutŋe sutŋe kuŋguba jigeri, böhi takapulakaŋi miengö könaŋini kewö: Yeŋön “Urunini melenjin,” jiba mewö möndöba neŋgö könanini ek kutumegöra ölöŋ janjaŋ kaba ala tandök sutŋine kaŋgota malget. Nini Kraist Jisösbuk qekötahöinga malmal waljaŋgö kösönöhök pösat neŋgiiga solanŋi maljini, miaŋgö silikŋi ek kutumegöra kinget. Yeŋön neŋgöra kewö möta köpösöŋgöget: Ölöp malgetka enġömeinga nanine sel uruŋe kagetka Mosesgö Köna keu bapŋe al enġiinga nanine welenqeŋeurupnini akŋe. ⁵ Mewö köpösöŋgöba metal neŋgigetmö, neŋön mönö Ölöwak Buŋagö keu ölnaŋ lolonqalon akapuköra kinjin. Mi enġö sutŋine kahaimök ahöm köhöimapköra kinjin. Miaŋgöra nalö kunöŋ qahö löwöriba keuŋinaŋgö bapŋe anbingö qahöpmahöp imbi köl waŋgiin.

⁶*Totokonöŋ nöŋgö Buŋa keuni jim asaribiga jitŋememe yeŋön “Ölöp!” jiba nöŋön keu kun toroqeba jimamgö qahö jiget. Azi mi ipŋina aketka göda qem enġimakze. Qetbuŋaŋini mewö me mewö akzawi, nöŋön miaŋgö mötpi dop mohot akza. Anutunöŋ ambazip tosaŋi qahö neŋgek soriba tosaŋi qahö qepureim enġimakza. Dop mohotnöŋ kewöt neŋgimakza. ⁷ Buŋa keuni qahöpmahöp utekögetmö, Anutugö nup areŋi miaŋgöra mönö “Aha!” jiba kewö ek asariget: Anutunöŋ möt narim neŋgiba Ölöwak Buŋa jim asaribingö nupŋi mi kewö mendeŋnök: Nöŋön mi kian kantri sutŋine jim sehibiga Pitönöŋ Buŋa keu miyök Juda könagesö yeŋgöra jim asariba uruŋini kuŋgum enġimakza.

⁸ Nupŋi mewö mendeŋda aposol Pitö inahöm waŋgiiga Juda azi silenŋini yandigeri, yeŋgö sutŋine urukuŋgukuŋgu nup memakza aka ni mewöŋanök inahöm niŋgiiga melaimelai azia aka kian kantri sutŋine liliköba nup miyöhök memakzal. ⁹ Miaŋgöra Jeims, Pitö aka Jon, azi ipŋi qetbuŋaŋinambuk yeŋön Kembunöŋ kalem möriam mewöŋi niŋgii malali, keu mi möt kutugetka urumohot ahin. Nup mewö mendeŋda miaŋgö kaisöpsöpŋa Barnabas niri böröniri qegetka kewö jim köhöinin, “Niri kian kantri yeŋgöreŋ anda nup mezigä nanŋini Juda könagesö yeŋgö sutŋine toroqeba nup memakŋe.” ¹⁰ Mohot-kungöra qesim netkiba kewö toroqeba jiget, “Ambazip wanapŋi bauköm enġibitköra mönö toroqeba mötmöriba malmahot.” Mewö jigetka mönö mewöyök ak enġimamgö kapaŋ köla maljal. Mewö.

Polnöŋ Pitö qetala jim waŋgiyök.

¹¹ Mewö jim köhöininmö, Pitönöŋ Antiokia sitinöŋ kaba möŋaqöŋai aiga ambazip uruŋinan gwötpuk böliyök. Miaŋgöra Pitönöŋ kaiga ehali, nalö miaŋgöreŋ mönö jeŋe

* 2:1: Apo 11.30; 15.2 * 2:6: Dut 10.17

kunḡuba kewögöra tuarenjoḡ ak waḡjal: ¹² Pitönöḡ mutuk kian kantri yembuk mala nene mohokḡe nemba malgetmö, azi tosatḡan Jeims mosöta Jerusalemök kagetka miangö andöḡe ambazip mi engek siriköba tikeptikep kinök. Anutugö aiwesökḡi silenḡine yandiget yeḡgöra keḡgötḡi möta ziriḡziriḡ aka Juda kambu yembuk qekötahöba malök.

¹³ Mewö kian kantri ambazip mi ölan enḡuba koḡwarak aiga Juda urumelenḡ ambazip tosatḡan mewöyök Pitöbuk qekötahöba silesile silik aket. Silesile silik aka Barnabas mewöyök örogetka yembuk janjuḡ ahök. ¹⁴ Mewö aka ahakmemeḡinan Buḡa keu ölnḡ diḡdiḡanök qahö wuatangögeri, nöḡön mi eka ambazip körek yeḡgö jemesoholḡine kinda kewö jial, “Pitö, gi Juda aziapmö, töndup kian kantri yeḡgö ahakmemeḡini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kunḡum enḡiba urukönöp ahakzan? Mi qahö dop kölja.” Mewö.

Juda aka kian kantri neḡön Anutugö jeḡe öroröḡ akzin.

¹⁵ Juda asuha bu urunini melenḡini, neḡön mönö kian kantri ambazip siḡsiöndokḡinambuk qahö aka maljin. ¹⁶ *Mewö maljinmö, amötqeqegö könaḡi mi kewö ahöi möt yaközin: Jisös Kraist möt nariḡga keunini jim teköi solanizin. Kunḡan Köna keu wuatangöba mewö mianḡön solanḡi qahö akḡa. Mianḡöra neḡön tok solanḡi akingö möta Kraist Jisös möt narim waḡḡiḡga keunini jim teköi solaniin. Mi Köna keu tem kölbinahaḡgöra aka qahö.

¹⁷ Mewö Kraist qekötahöba Anutugö jeḡe solanibingö kapaḡ kölḡa Anutunöḡ töndup miwikḡaim neḡḡiḡga naninak kantri tosatḡi tandök siḡsiöndokḡinambuk maljin ewö, Kraistnöḡ mönö siḡsiöndok akingö nam köl neḡḡiḡga me qahö? Qahöpmahöp! Keu mi yapmakek! ¹⁸ Köna keu wuatangöba solanḡi akingö keuḡi lök köndenḡa qeapköyal. Qeapköyalmö, mi kunbuk esapköba jim kunḡubilenḡak ewö, mönö Köna keu miyök qetala siḡsiöndok azia aka könaḡamni kunbuk mewö miwikḡaibilenḡbuk. ¹⁹ Mutuk könaḡamni mewö miwikḡaiba Köna keugöra aka kömukömuḡi tandök ewö ahal. Mewö akiga Köna keunöḡ mönö qahö toroqeba galöm köl niḡḡiḡga solanḡi maljal. Nöḡön malmalni Anutugörenḡ albiga Kraistpuk maripomnöḡ nuḡḡuget ewö kömumba kinda yambuk köhöiba maljal.

²⁰ Mianḡöra nanak qahö toroqeba maljalmö, Kraistkö Uḡaḡan mönö nöḡgö urune köhöiba malja. Kraistnöḡ uru jöpaköm niḡḡiḡga malmalḡi nöḡgöra kölḡda sohopni meyök. Mianḡöra toroqeba silebuk malmal malmami, mi mönö Anutugö Nahönḡi möt narim waḡḡiḡga malmam. ²¹ Köna keu wuatangöba mewö mianḡön solanḡi akinak ewö, Kraistnöḡ mönö öne töhöḡ kömumbawak. Kömuyöhi, mi möt nariba Anutugö kalem möriamḡi mewö qahö qeapkömakzal. Mianḡön mönö nam köl neḡḡiḡga solanimakzin. Mewö.

3

Köna keugörök kinme me Jisös möt narime?

¹ O Galesia kahapmahap ambazip, uruḡini qahö! Nöḡön Jisös Kraist maripomnöḡ qegeraḡgö könaḡi mi jeḡine ala jim kondel enḡialmö, kunḡan nöḡgö andöne kaba kahalalom mem enḡiḡga janjuḡ akze. Mi qahö dop kölja. ² Yuai mohot-töp qesim enḡibiga jiget mötmamgö mötzal: Enḡön Uḡa Töröḡi mi mönö denöwö aka buḡa qem aḡḡuget? I Köna keu wuatangögeraḡgöra aka qahöpmö, Ölöwak Buḡa möta Jisös möt narigetka Uḡa mi uruḡine ali buḡa qem aḡḡuget. Nöḡön keu mia ölum enḡubapuköra kinda uruḡini kunḡuzal. ³ Mia ölum enḡuyök tandöktandök melenḡa mötmötḡini mosöta kahalalom akze. Mutuk Uḡa Töröḡan uruḡine geba inahöm enḡiḡga könaḡi könahiba angetmö, kunbuk Mosesgö Köna keugö könaḡe geba anakze. Nalö kewöḡe nanḡini ösum qakḡe solanḡi akingö esapkömakze me? Ösumḡini mianḡön mönö qahö dop kölja.

* 2:16: Sum 143.2; Rom 3.20, 22

⁴ Kraistkōra aka sihimbölö gwötpuk ak engigetka qakñine öngöyöhi, mi mönö öne tōhön möta bisiba malget me? Ölñi qahö aiga mi mönö ölña öne tōhön bisiget. Mianğōra inini mönö uruqahö ambaziwa malje. ⁵ Mianğōra Anutunöñ Uña Töröñi engiba sutñine angöletot ösum-mumuñambuk memakzawi, mi enön Buña keuñi möta Jisös möt nari-makzeanğōra aka memakza. Köna keu wuatangōmakzeanğōra aka mi qahö memakza. Qahö. Keu mi kude ölum enguma. Mewö.

Abrahamgö köna wuatangöinga dop kölma.

⁶ *Keu mianğö dop Anutunöñ Abraham ak wañgiiga mi Buña keunöñ kewö ohoget ahöza, “Abrahamnöñ Anutu möt narim wañgiiga eka keuñi jim teköiga solaniyök.” ⁷ Mianğōra Abrahamgö könañi mötmöriba kewö mötme: Denike yeñön Anutu möt narimakzei, yeñön mönö Abrahamgö undumurupñi aka malje. ⁸ *Anutunöñ qeljiñe areñi kewö alök, “Ambazip Juda qahö yeñön ni möt narim niñgigetka keuñini jim teköbi solanime.” Areñi mewö ala mianğö dop Abrahamgōra Ölöwak Buña keu qeljiñe kewö jii mörök, “Göhōra aka nōngö kötuetnan mönö gölmegö ambazip kambu pakpak yeñgö qakñine öngöma.” Tosatñan keu mi qeljiñe ek asariba Buña keunöñ ohoget. ⁹ Abrahamnöñ Anutu möt narim wañgiiga kötuetköm wañgiiga mötnaripkö bömönjalöñi ahök. Mianğö dop denike yeñön Abrahamgö dop möt narizei, Anutunöñ i mewöyök kötuetköm engiiga Abrahamgö undumurupñi akñe.

Jisösnöñ salupnine qesuahöp buña qem anguyök.

¹⁰ *Mewö akñemö, körek yeñön Köna keu wuatangöba mianğö qakñe nariba maljei, Anutunöñ mönö jōrahöm engiiga malme. Keu mi Buña keunöñ kewö ohoget ahöza, “Köna keu Kimbinöñ keu pakpak ohoget ahözawi, kunñan kun mi körek qahö tem köla wuatangōmakzawi, Anutunöñ mönö i qesuahöm wañgiiga malma.” ¹¹ *Buña keu kun kewö ohoget ahöza, “Ambazip solanñi kungö mötnaripñan mönö nam köl wañgiiga köhöiba malma.” Mianğōra kunñan Köna keu wuatangöba mianğön solanñi akñamgö mötzawi, yanñön mönö Anutugö jeñe qahö solanima. Qahö. Keu mi lök aukñe kondel engibiga teköza. ¹² *Mötnaripnöñ Mosesgö Köna keu qahö nam kölja. Keu mianğön jōjōpañ keu pakpak tem köl teköbingōra urunini kuñgumakza. Köna yahöt mi nanñök nanñök. Köna keugö könañi mi kewö jii ohoget ahöza, “Köna keu pakpak tem köla wuatangōmakzawanñön mönö köhöiba malma.”

¹³ *Köna keu qahö walöñbinak, mewö malmal köhöikñi miwikñaibinak. Mewömö, Anutunöñ nini nanñi Köna keuñangö dop qesuahömamgö tököba Kraist melaiiga alabauknini aka sohpnini meyök. Buña Kimbinöñ keu kun kewö ohoget ahöza, “Ambazip ip kemañe möndöm engizei, Anutunöñ mi körek qesuahöm engiiga malje.” Mianğö dop Kraist ipnöñ möndögetka nanini salupnini aiga Anutunöñ qesuahöm wañgiiga mewö mianğön sohpnini meyök. Jōramōrahöp neñgö qakñine öngöyöhi, mi qeköyök.

¹⁴ Bömönini Abrahamnöñ Anutu möt nariiga kötuetköm wañgiyöhi, mianğö dop kötümötuet mianğön kian kantri pakpak dop köla yeñgö buñañina akñapkö mörök. Mewö möta körek neñgö sohpnini meyök. Sohpnini meiga Kraist möt nariinga köna kewö ahuma: Anutunöñ Uñañi neñgimamgö keuñi jöhöyöhi, nini urunini melenđa Uña mi ölöp buña qem angubin. Mewö.

Köna keu aka oyaenjkoyaen akingö jöhöjöhö keu

¹⁵ O urumelen alaurupni, nōñön gölmenöñ malmalgö söpsöp keuñi kun kewö jimam: Kunöñ börösamotñi tosatñi yeñgö buñañina akñapkö keuñi kambunöñ jiiga jöhögetka ahözawi, mi kunñan kun qeapköba könañgep keu kun qakñe toroqemamgö osima. ¹⁶ *Mötket, Anutunöñ jöhöjöhögö keuñi mi Abraham aka yanğö gwölönarökñi yetköra jiba

* 3:6: Jen 15.6; Rom 4.3, 7; Rom 4.16 * 3:8: Jen 12.3 * 3:10: Dut 27.26 * 3:11: Hab 2.4 * 3:12: Lew 18.5
* 3:13: Dut 21.23 * 3:16: Jen 12.7

jöhöi ahöza. Buña keu mianjôn “gwölönarökurupki” neŋgöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki waŋgimam.” Azi mohot mi Kraist.

¹⁷*Keu mianjögö könaŋgöra kewö jizal: Jöhöjöhögö keu mianjögö ölnan mönö etmapkö osima. Anutunöŋ mi mutuhök jiba jöhöba yambu (yara) 430 teköiga mianjögöreŋ Köna keuŋi miwikŋaiba Moses waŋgiyök. Köna keu mianjôn mönö jöhöjöhö keuŋi mutuk jiyöhi, mi qeapkömangö osima. ¹⁸*Oyaenköyaen akingö kötumötuetŋi mi Köna keu wu-ataŋgöba miwikŋaibinak ewö, Anutugö jöhöjöhö keugöra qahö toroqeba osiinga öne töhön ahöbapuk. Buña keuŋi Abraham waŋgiyöhi, mi öne töhön qahö ahöyökmö, Anutunöŋ keuŋi mianjögö dop Abraham kötuetköm waŋgiiga oyaenköyaen ahök.

¹⁹Abraham öne kötuetköm waŋgiba Köna keu mi mönö denöwögöra ali ahöza? Mianjögö könaŋi kewö: Ambazipnöŋ köna oŋgita janjuŋ aka malgeraŋgöra Anutunöŋ Köna keu mi könaŋep toroqeba jim miwikŋaiyök. Jim miwikŋaiiga Suep garata yeŋön mi memba eta alabauk azi (namel man, mediator) Mosesgöra indela böröŋe algetka Anutugö jitŋe memba ambazip sutnine kinda jim kutuyök. Köna keu mianjôn nalö dop ahöm öngöba galöm köl neŋgimapköra aka qahöpmö, könaŋep Köna keugö ösumŋan etmapköra mi neŋgiyök. Abrahamgö gwölönarök kungö jöhöjöhö keuŋi neŋgiiga azi mianjôn asuhuyöhi, nalö mianjögöreŋ Köna keugö ösumŋan eri teköyök.

²⁰Alabauk azi yaŋön Anutu aka ambazip sutnine kinda keu nup memakza. Anutunöŋ jöhöjöhö keuŋi mi alabaukŋi qahöpmö, mönö nanŋak Abraham waŋgiyök. Mianjögöra oyaenköyaen akingö jöhöjöhö keuŋi mi öngöŋgöŋi aiga Köna keuŋi mianjôn nemböŋi akza. Mewö.

Köna keugö nupŋi ölni mi denöwö?

²¹Mewö aiga Köna keu aka oyaenköyaen akingö jöhöjöhö keu mi auzahot me qahö? Saumban! Anutunöŋ mal köhöibingö Köna keuŋi neŋgibawak ewö, mönö ölna Köna keu wuataŋgöba Anutugö jeŋe solanŋi akinak. Mianjögöra keu yahöt mi qahö auzahot.

²²Qahöpmö, keu yahöt mi nanŋök nanŋök. Anutunöŋ jöhöjöhö keuŋi mi mötnariŋ am- bazip oyaenköyaen ak neŋgimangöra aka ali ahöza. Jöhöjöhö keu mianjôn Jisös Kraist möt narizini, mönö neŋgöreŋ ölnambuk akŋapköra möta kewö areŋgöba jiyök, “Siŋgisöndok ambazipnöŋ uruŋini qahö meleŋme ewö, mönö öne töhön Anutugö jeŋe qahö solanime.” Mianjögö könaŋi mi Buña keunöŋ kewö jii ahöza, “Siŋgisöndoknöŋ mönö gölme dop ambazip pakpak gwaröhöm neŋgiiga maljin.”

²³Mutuk urunini qahö meleŋninga mötnariŋninan qahö asuhuiga Köna keunöŋ jöhöba galöm köl neŋgiba gwarö uruŋe misim neŋgiyök. Könaŋep Anutunöŋ mötnariŋpkö könaŋi indeli asuhuyöhi, nalö mianjögöreŋ kösö gwarö malmalninan teköyök.

²⁴Mewö taringa Köna keunöŋ mönö böhinina aka Kraistkö könaŋi mötpingöra kusum neŋgimakza. Böhi leuam kusum eŋgigeri, mianjögö dop keu mianjôn mönö neŋguaŋgita solanŋi akingö mindiŋgöba galöm köl neŋgimakza. Mewö aka Kraistkö könaŋi möt asariba möt narim waŋgiinga keunini jim teköi solanibingöra kungum neŋgimakza. Urunini meleŋninga böhigö nupŋan mönö nalö mianjögöreŋ teköza. ²⁵Urunini meleŋninga mötnariŋninan asuhuiga Köna keu bapŋe qahö malinga mianjôn böhi ewö qahö toroqeba galöm köl neŋgimakza. Mewö.

Anutugö nahönböratuŋi aka maljin.

²⁶Körek eŋön mönö Jisös möt narim waŋgigetka ahuahu dölökŋi eŋgiiga Anutugö nahönböratuŋi aka Kraistpuk qekötahöba kinje. ²⁷Kraistpuk kinmegöra o melun mem eŋgigeri, körek eŋön mönö Kraist möt aŋgön köla mianjôn maluku tuatŋi ewö esuhum aŋguba yambuk qekötahöba kinje. ²⁸Iŋini körek pakpak Kraist Jisösbuk qekötahöba kingetka mindirim eŋgiiga mohot aka malje. Mianjögöra Juda aka kantri tosatŋi eŋön

* 3:17: Eks 12.40 * 3:18: Rom 4.14

Anutugö jeñe kambu yahöt mi kunbuk qahö akze. Nanñini nupñini memakzei aka welenqege omani akzei, Anutunöñ engehiga kambu yahöt qahö toroqeba akze. Azi ambi enñon Anutugö jeñe kambu yahöt qahö toroqeba akze.

²⁹* Inñini Kraistkö buñaya akze ewö, mönö Abrahamgö gwölönarökñi yangörenök ahuba tinibaniurupñi malje. Mewö ahuba jöhöjöhö keuñangö ölni oyaenkoyaenñ mi buña qem angumeangö dop akze. Mewö.

4

Neñon Kraistköra aka Anutugö nahönböratñi ahin.

¹ Keu mi toroqeba könañi kewö jimam: Nahönöñ iwiñangö börösamotñi buña qem angumawangö dop akzappmö, morö gwabö mala nalö mianğoreñ welenqege omani yembuk öröröñ tandök akza. Iwiñangö börösamot yuai pakpakö tonñi akñappmö, töndup welenqege yeñgö qöhöröñine alañina aka nup töwañi qahö memakza.

² Mewö morö mala galömnñi yeñgö nembö bapñine kiniga yeñon malmalñi pakpak arengöba galöm köla jim kutum wangimakze. Iwiñan nalö al wangii kam kuñgumawi, mianğoreñök könahiba nanñak börösamot tonñi aka malma. ³ Nanini mewöñanök mutuk urugö likepñe morö gwabö ewö malin. Nalö mianğoreñ bem suahö galöm Suep gölme sutñire yuai pakpak galöm köl engimakzei, mienñon mönö nini mewöyök galöm köl neñgigetka öne yeñgö welenñini qeba nemböñini bapñe malin.

⁴ Mewö malinmö, Anutugö nalöñan kam kuñguiga Nahönñi melaiiga ambigörenök asuhuyök. Juda neñgö Köna keu bapñe malmamğöra asuhuyök. ⁵* Köna keu bapñeyök pösat neñgiba sohoppnini memamğöra asuhuyök. Mewö Anutugö nahönböratuñi aka buñani möt angön köl teköba maljin.

⁶ Mewö Anutugö nahönböratñi akzeangöra aka Anutunöñ Nahönñangö Uñani melaiiga urunine geba kewö qerakza, “O Aba Iwini!”* ⁷ Mewö qerakzawangöra aka qahö toroqeba welenqege omani akzanmö, Anutugö nahönböratñi aka maljan. Mewö maljanangöra aka Anutunöñ oyaenkoyaenñ Buñani gihiiga buña qem anguba galöm köla malman. Mewö.

Polnön Galesia yeñgöra waimanjat mörök.

⁸ Inñini mutuk Anutu qahö möt kutuba malget. Nalö mianğoreñ tandö lopionñ aka bem suahö galöm bem ölnangö malmalñi qahö memba maljei, mi töwañini qahö welen qem engiba etqegeñi malget. ⁹ Mewö malgetmö, uruñini melenđa nalö kewöñe Anutugö könañi möt kutuba malgetka Anutunöñ möt kutum enñiiga malje. Anutunöñ möt engizawi, keu mianñon bohonñi ak engiza. Mewö maljemö, wuanöngöra dumñe kunbuk bem suahö galöm yuai pakpak galöm kölakzei, mönö yeñgoreñ melenđa mesohol köl engiba malje? Bem suahö galöm mi ösumñini eretñi akzemö, enñon mönö töndup mi welen qem engiba etqegeñi akingö sihimñi mötze. Mi qahö dop kölja.

¹⁰ Mi welen qem engiba kendon tatat nalö könañi könañi mi mötket öngöiga törörök wuatangömakze. Sabat kendon tarakze. Köiñ dölökñi koriga bemñini mötmöröba köiñ dop söngaimakze. Yambu jeñiqe qe sösongai aka sösongai tosatñi mi yambu (yara) dop törörök wuatangömakze. ¹¹ Nöñon engöra aka keñgötñi kewögöra mötzal: Nöñon engö sutñine nup membiga ölni qahö ahuiga öne töhön sileqe qe akilenbuk.

Galesia yeñon Pol andö qebingö aket.

¹² O urumelenñ alaurupni, nöñon kewö kuñguba qesim engizal: Nöñon inñini ewö aka malalanğöra enñon mönö nöngö dop akñe. Yuai bölöñi kun kude ak niñgiget. ¹³ Nöñon mutuk engöreñ kaba kawöl nöhöi sileni eri malali, könañi mewögöra tata Ölöwak Buña jim asaribiga mötket. Enñon mi möt kömuze. ¹⁴ Nöñon sile-eret malbiga andö nuñgubingö

* 3:29: Rom 4.13 * 4:5: Rom 8.15-17 * 4:6: Aba mi Arameik keunöñ Iwi.

esapesapni miwiknaget, mi mötzalmö, töndup qahö jijiwilit aka qepureim ningiget. Mewö qahöpmö, ni neketka Anutugö garata ewö akiga nömeget. Opopon, nöngöra Kraist Jisös nanngö tandök mötmöriba öröm ningiba “Owe owe!” jiget.

¹⁵ “Owe owe!” jiba silene pölpöl qeba je kötnini uzula ningibingö mötketmö, mi qahö dop köliga mosötke. Engö könañamñini möta mi ölna mewö nanngöba jizal. Yei! Nalö miangören jim sösöngai önöñi qahö akeri, mi mönö denöwögöra nalö kewöñe qahöwahi öne malje? Mi qahö dop kölja. ¹⁶ Engöra Buña keu ölni jimakzalañgöra mönö kerök ak ningize me?

¹⁷ Ambazip tosatñi mienön engöra aka urukönöp ahakzemö, mi urukönöp ölöñi qahö. Mi ölöñi qahöpmö, yeñon inini nengörenök ennguanngita sutnine jabö ala tököm ningimegöra mötze. Mewö menden nengigetka urukönöp qakñe nanñini nanngöm enngimegöra kapañ kölakze. ¹⁸ Inini ahakmeme ölöñi akñegöra urukönöp ahakzei, mi mönö qetpuk. Nöñon engö sutnine malbiga nalö miangörenök qahöpmö, mönö nalö dop mewö aketka dop kölma.

¹⁹ O gömukurupni, ni ahuahu dölökñi ahumegöra masö tandök nunguiga sihimbölö mörali, miyöhök mönö dumñe kunbuk mötzal. Kraistkö ahakmemeñan engören ahum kutumapköra sihimbölö mi möta maljal. ²⁰ Nöngö urunan mönö engöra aka lalalulu siksauk akza. Miangöra nöñon nalö kewöñe engö sutnine malmamgö mötkurumkurum akzal. Embuk mala keu imbini memba eta ala keu ösöñ jimamgö ak ningiza. Mewö.

Hagar aka Sara yetkö söpsöp keuñi

²¹ Tosatñi enön Juda nengö Köna keu Kimbi wuatangöbingö mötzemö, keu miangö könañi mi ölna möt kutuze me qahö? Könañi mi möt asarimegöra qesiba kungum enngizal. ²² *Buña keu kun kewö ohoget ahöza: Abrahamgö nahönyahöñi yahöt ahuyohot: Kun welenqege ambi etqegeñan (sleiw) meyök aka kun mi nanñi songojariñ anömñi solanñi (fri) malmalñan meyök. ²³ Welenqege ambinöñ nahöñi meyöhi, miangön morö ahuahugö könanöñ ahuyökmö, kun ambi solanñi (fri) malmalñan meyöhi, yañon Anutunöñ morö nahön ahumapkö keu jöhöyöhi, mönö keu miangö ölnan asuhumapköra ahuyök.

²⁴ Keu miangö könañi mi tölapñi. Ambi yahöt mi Anutunöñ ambazip nembuk jöhöjöhö aren yahöt alöhi, mönö mietkö söpsöpñira. Jöhöjöhö aren kun mi Sainai (Sinai) kundunje alöhi, miangö söpsöpñi mi ambi qetñi Hagar. Ambazip jöhöjöhö aren mi wuatangömakzei, yeñon mönö Köna keugö jimkutukutu bapñe malje aiga gwölöñarökurupñinan keu miangö welenñi qemakñegöra ahumakze.

²⁵ Hagar mi Sainai kundunji, Arebia gölmenöñ kinjawangö söpsöpñi akza. Sainai miangö alañi mi Juda gölmegö siti qetñi Jerusalem. Siti miangö könagesögö ketanji moröñi yeñon nalö kewöñe Köna keu bapñe malgetka jöhöm enngii solanñi (fri) qahö akze. Miangöra dopñiri mohok akzahot. ²⁶ Solanñi (fri) qahö akzemö, Jerusalem siti kun euyangören maljei, yeñon mönö kösö gwaröñini qahö solanñi malje. Nengö namnini Sara yañon mönö siti miangö söpsöpñi akza. ²⁷ *Miangö kezapqetok keuñi mi kewö ohoget ahöza,

“Ambi azinöñ ölan qeyöhi, yañon mönö nahönbörat enngömiiga sehigetka mewö ambi apñambuk mi luhut alma.

Miangöra ambi köpin morö qahö menöñi, gi mönö töndup söngaiba malman.

Masö qahö guhui malnöñi, gi mönö töndup qet gigilahöba morö ahumapköra köirañ ala malman.”

²⁸ O urumelen alaurupni, inini mönö Aisakö dowä Anutugö jöhöjöhö keuñan nam köñ enngiiga ahuahu dölökñi ahuba malje. ²⁹ *Nalö miangören morö ahuahugö könanöñ

* 4:22: Jen 16.15; 21.2 * 4:27: Ais 54.1 * 4:29: Jen 21.9

ahuyöhi, yanön munji Uña Töröñan nam köl wanjiiga ahuyöhi, mi sesewerowero ak wanjiba malök. Nalö kewöñe mewöñanök sesewerowero mewöñi mi ahöza.

³⁰ *Mewö ahözapmö, Buña keu kun mi toroqeba kewö jigetka ahöza, “Welenqege ambigö nahönñan mönö Iwiñangörej börösamotñi qahö mema. Ambi solanñi malmalñi yanjö nahönñambuk mi mohotñe qahö mendenja anjön kölmahot. Miangöra welenqege ambi etqegeñi mi mönö közölnöñga nahönñambuk anmahot.” ³¹ O urumelen alaurupni, söpsöp keu mewöñanjö dop neñön mönö welenqege ambigö undumurupñi gwaröninambuk qahö akzinmö, ambi solanñi malmalñanjö undumurupñi akzin. Miangöra lolonqalon ahakmeme mi közölme. Mewö.

5

Lolongöba Kraistpuk kinkin solanñe kinme.

¹ Kraistnöñ Köna keu bapñeyök pösat neñgiiga solanñi maljin. Mewö mala tosatñan inini kunbuk öröba Köna keugö mötöpnöñ* jöhöm engibepuköra mönö galöm mem anjuba malme. Welenqege omani ewö akepuköra mönö köhöiba böñ qeba kinme.

² Mötket! Pol nöñön kewö jibi mötket: Tosatñan Anutugö aiwesökñi silenine yandimegö mötketka imbi kölme ewö, Kraistnöñ mönö bauköm engimangö osima. ³ Keu mi toroqeba kewö nanjöba jimam: Azi pakpak silenine aiwesök yandimegö mötketka imbi kölmei, yeñön mönö Köna keu pakpak tem köla wuatangöme. Mi qahö wuatangögetka qahö dop kölma. ⁴ Köna keu tem köla wuatangöba mewö mianjön solanñi akingö mötzei, enjön mönö Kraistkö selñi qösököba yambuk qahö toroqeba kinje. Enjön mönö Anutugö kalem möriamñi mosöta yaigep eta lan malje.

⁵ Lan maljemö, neñön mönö Anutugö jeñe diñdini akingö jörömqörömñi aka awöweñgömakzin. Mewö ahinga Uña Töröñan inahöm neñgiiga Anutu möt narim wanjiinga keunini jim teköi solanibingöra mambörakzin. ⁶ Kraist Jisösbuk kininga urugö ölni mötnarip mi mohotñan mönö bauköm neñgimakza. Anutu möt nariinga inahöm neñgiiga anqeba urukalem ak anjuinga dop köljapmö, mötnarip ölni qahö mi qahö bauköm neñgimakza. Mewöyök Anutugö aiwesökñi silenine yandiget ahöza me qahö, mi mönö dop mohot akza. Silegö kun me kun mi Anutugö jeñe qahö bauköm neñgima.

⁷ Mutuk uru melenmelenjö aonjitnöñ mönahot ewö ösumñinan anget. Ölöpñanök angetmö, böhi takapulakanñi kunöñ kaba siksauk mem engiba kembangan kutuiga keu ölni qahö toroqeba tem kölakze. ⁸ Kun danjön engoholakzawi, yanjön mönö kembangan kutumegöra qahö tutuhuba kunjum engimakza. Mi qahö. ⁹ *Yist boromdökñi kimbutnöñ ala plauabuk melenninga körek pakpak meiga qariba wahörakza. Miangö dop siksauk moröñan mönö dop köl enjiiga körekmakörek janjuñ akepuk.

¹⁰ Böhi takapulakanñi yanjön siksauk mem enjiiga janjuñ ahakzei, Anutunöñ mönö yanjö ahakmemenanjö likepñi melen wanjiiga sihimbölöñi möta malma. Nöñön Kembubuk kinda möt narim engiba engöra kewö möta awösamakak akzal: Inini Kraistkö Buña keu törörök wuatangöba mötmöt murutñi pakpak yaköribingö möt köhöiba malme.

¹¹ O urumelen alaurupni, inini mewö malmemö, nöñön Kraist maripomnöñ kömuyöhanjö könanñi jim sehibiga Juda yeñjö uruñinan miangöra bölimakza. Maripomnöñ keunñi mosötpileñak ewö, mönö sesewerowero qahö ak niñgibeak. Anutugö aiwesök azi silenine yandiyandimegö Buña keunñi toroqeba jiba uru kunjum engibileñak ewö, mönö kahasililij qahö ak niñgibeak. ¹² Tosatñan kunjum engiba siksauk memakzei, yeñön mönö yandiyandigö keunñi wuatangöm teköba nanñini sile kitipñini körek yandim anjugetka mötpi dop kölbawak.

* **4:30:** Jen 21.10 * **5:1:** Ip kembangan (yoke) mi bulmakau yahötkö jöñjire ala jöhögetka mindirim etkiiga mianjön mohotñe kare me gölmeqeqegö kinöñ örömakzahot. Miangö dop Köna keu gwarönöñ maljan ewö, nupñi mönö töp meman. * **5:9:** 1 Kor 5.6

¹³ O urumelen alaurupni, Anutunöŋ inini köna walŋaŋgö keunöhök lolohoba gwaröŋini qahö malmegöra engoholökmö, kewögöra mönö galöm mem aŋguba malme, “Mönö lolohoba solanŋi maljin,” mewö jiba möndöba uruŋinan wahöri silegö sihim kömbönaŋini bölöŋan mönö galöm köl engibapuk. Nanŋini imbi-imbi qahöpmö, mönö urukalem qakŋe kinda welen qem aŋguba malme. ¹⁴ *Köna keu bohonŋi mohot wuatangögetka Anutugören keu pakpak mönö mewöyök ölninambuk akŋe. Keu bohonŋi mohok mi kewö, “Nangi jöpaköm aŋgumakzani, miangö dop mönö ambazip pakpak urugan jöpaköm engimakŋan.” ¹⁵ Mewö jizapmö, bau kiam ewö aŋgöhöm söksök aka aumakze ewö, mönö nanŋini ayuhum aŋgubepuköra töhötni pöndaŋ möta malme. Mewö.

Uŋa Töröŋan galöm köl engiiga malme.

¹⁶ Nöŋön kewö jimam: Uŋa Töröŋan mönö ahakmemeŋini galöm köliga malme. Mewö malgetka urusilegö sihim kömbönaŋini bölöŋi qei eri kude tem köla wuatangömakŋe. ¹⁷ *Miangö könaŋi kewö: Urusilegö sihim kömbönaŋi bölöŋan mönö Uŋa Töröŋi qetala laŋ köpösöŋgöiga Uŋa Töröŋan uru walŋaŋgö kukŋi qemangö möriga sutŋire jujul ahöi aumakzahot. Mewö aumakzahoraŋöra eŋön yuai ölöŋŋi aka memingö möta mi osimakze. ¹⁸ Mi osimakzemö, Uŋa Töröŋan enŋuaŋgiriga anda malje ewö, mönö Köna keu bapŋe qahö malje.

¹⁹ Urusilegö ahakmeme walŋaŋgö nup ölni mi aukŋe ahöi mötzin. Mi kewö: Kaisero namböŋnamböŋ laŋ aketka uruŋinan tölöhoiga serowilin ahakze. ²⁰ Tandö lopion waikŋini memba bemŋini möpöseim enŋigetka uruŋini sölölohöm enŋii suŋa jinaŋ ahakze. Kerök asuhui aŋgururuk aka aumakze. Kungören yuaigöra urunöŋ mututqutut möta eröm ota yom jiba urusŋgok ahakze. Nanŋinaŋörök mötmöriba yuai öröba girinjabak memakze. Julia menden aŋguba kambuŋi kambuŋi ala jijiwilit ak aŋgumakze.

²¹ Tosatŋi yeŋgö yuaigöra eksihim möta körögisigisi aka közölömbuan pati ala bau numbu memba o köhöikŋaŋgöra eŋololon ahakze. Mi aka silik tosatŋi mewöŋi ahakzei, yeŋgöra mutuk jial aka miangö dop galöm meme keu mi qeljŋe dumŋe kunbuk kewö jizal: Ambazip silik mewöŋi ahakzei, yeŋön mönö Anutugö bemtohoŋ uruŋe qahö öŋgöme.

²² Yeŋön qahöpmö, Uŋa Töröŋan nup memakzawangö ölni mi urukalem, söŋöŋgai, luai aka ahakmeme ölöŋŋi kewö: Lömböt pakpak möta mököŋönda tosatŋi ala ak engiba ahakmeme sakalakŋi ahakze. Keuŋi misila pöndaŋ wuatangömakze. ²³ Gunböŋjönjön qakŋe tosatŋi ak engiba nanŋini törörök galöm köl aŋgumakze. Ambazip silik mewö ahakzei, yeŋön Köna keu qahö qetalakze. ²⁴ Ambazip Kraist Jisösgö buŋaya aka maljei, yeŋön uru sileŋinaŋgö sihim kömbönaŋini bölöŋi aka bölöŋaŋgö urukönöŋŋini mi körek Jisösbuk maripomnöŋ algetka mem kömuyöhawa malje.

²⁵ Uŋa Töröŋan urunine geiga maljin ewö, ahakmemeŋini mönö mewöyök Uŋa mianjön galöm köl neŋgii aka memba malbin. ²⁶ Mewö mala qetbuŋa omanŋi neŋgimegö kude kapaŋ köla öne töhöŋ kude aiweliköm aŋgumakŋe. Urubölö ak aŋgubepuköra mönö uruköŋgaŋ kude aka uruöŋgöp qakŋe kude ak aŋgumakŋe. Mewöyök körögisigisi kude ahakŋe. Mewö.

6

Lömbötŋini mönö bisiba bauköm aŋgumakŋe.

¹ O urumelen alaurupni, kunŋan köna onŋita ŋiŋisöndok aiga miwikŋaize ewö, urumelen alaurup eŋön mönö mökököli qakŋe ala ewö mindiŋgöm waŋgigetka kunbuk köna miwikŋaima. Mewö aka nangak mewöyök esapesapnöŋ et guhubapuköra mönö galöm mem aŋguba malman. ² Lömbötŋini mönö bauköm aŋguba bisimakŋe. Mewö

* 5:14: Lew 19.18 * 5:17: Rom 7.15-23

mianjön Kraistkö Köna keunji wuatangögetka öljambuk ahakña. ³ Kunñan eretñi mala töndup nanñangö möri öngöngöñi akzawi, yanñon mönön nanñi tilipköm anjgumakza.

⁴ Mewö kude akñemö, mohot mohot enñon mönön nanñini ahakmemeñini kewöta esapkögetka dop kölma. Mewö aka alañini ongita qetbuñaninambuk akzeangöra kude aiwelikömemö, mönön nanñini könañinangörök silenini möpöseigetka dop kölma. ⁵ Anutunöñ lömbötnini murutñi murutñi mendenñ neñgiiga nanñök nanñök bisimakzin. Miangöra nanini tosatñi yembuk likeplikep ala kewöt anjgubingö osimakzin.

⁶ Böhi qaqazunöñ kungöra Buña keu kusum wangimakzawi, yanñon mönön miangö töwanji melenja yuainji ölöpnji pakpak mendenja bahöñi wangimakña.

⁷ Nanñini mönön kude tilipköm anjgumakña. Kunöñ nene warökñi kömöriga ölnji miangö dop ahui miwikñaima. Keu miangö dop Anutunöñ bölöñamnini eka likepnji miangö dop neñgima. Miangöra Anutu mi azi omani ewö mepaqepaik ak wangibingö osimakzin. ⁸ Urusilegö sihim kömbönañi bölöñan kun nam köl wanggiiga miangö warökñi lanj kömörakzawi, yanñon mönön miangö köndenmönendi miwikñaiba bölimakña. Yanñon bölimakñapmö, Uña Töröñan kun sölölohöm wanggiiga miangö warökñi kömörakzawi, yanñon mönön ölnji miangö dop miwikñaiba malmal köhöikñangö buñaya aka malma.

⁹ Nini jegep kinda nup ölöpnji ölöpnji memba mala miangöreñ mönön löwöriba zölokzölok kude akñe. Tanqan aka nup qahö mosötpin ewö, ölnji meme nalöñan kam kuñguiga nupninangö töwanji mönön miwikñaibin. ¹⁰ Miangöra gölmenöñ malbinangö dop neñon mönön ambazip ölöpnji ak enjgibingö jegep kinda malbin. Urumelenñ könagesö uruñe maljei, i mutuk alabauk ak enjgimakin aka yengö andöñine ambazip tosatñi pakpak köna asuhuiga mem ölöwak enjgimakin.

Galöm meme aka yaizözkök keu teteköñi

¹¹ Pol nöñon kirifi memba nani börönan kulem je ketanji ki enjgöra ohozali, mi ekñe. ¹² Ambazip Anutugö aiwesökñi silenine yandimegöra kuñgum enjgimakzei, yeñon mönön körek sile megetka gölme ambazipnöñ yengöra mötket öngömapköra kapan kölakze. Kraistnöñ maripomnöñ kömuyöhi, keu miangöra sesewerowero ak enjgibepuköra mönön mewö kuñgum enjgimakze. Miangö könañi murutñi kun qahö. ¹³ Anutugö aiwesökñinambuk mienñon mönön nanñinak mewöyök Köna keu qahö wuatangöm teköba malje. Mewö qahöpmö, enjgö silenini yandimegö mötzeañon mönön enjgö sile kitiññinangöra aka nanñini silenini mem öngöba qetbuñaninambuk akingö mörakze.

¹⁴ Mewö mörakzemö, nöñon Kembunini Jisös Kraist maripomnöñ kömuyöhi, mönön Buña miangöra aka silenini möpöseimakzal. Qetbuña murutñi kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñi memakzal. Gölme ambazipnöñ silegö ahakmeme bölöñi membingö mötmörriba keu jimakzei, nöñon mönön miangöreñ göröken köhömuñi tandök akzal. Möpöseim niñgimei me silene keu almei, miangö likepnji mi qahö melenmam. Gölmenöñ keu kewöta tosatñi mötket öngöi tosatñi mötket eretñi akzawi, mi mönön nöñgö mötmöt areñbuk dop mohot qahö akzahot.

¹⁵ Silenine aiwesök yandiget me qahöwi, mianñon mönön dop mohot akza. Mianñon gorosonñi akzapmö, ahuahu dölökñangö dömnji akzini, mianñon mönön öl töhöññi akza.

¹⁶ Ambazip ahuahu dölökñangö jimkutukutu keu wuatangöba maljei, Anutunöñ Juda körek mi aka Anutugö urumelenñ könagesö pakpak inñini mönön ak kömum enjgiiga luainöñ malme.

¹⁷ Keu teteköñi kewö jizal: Nöñon Jisös qegerangö löpötñi mi nani silene ahöiga bisimakzalanjgöra kunöñ mönön urulömböt kude toroqem niñgima.

¹⁸ O urumelenñ alaurupni, Kembunini Jisös Kraistkö kalem möriamñan mönön embuk ahöba uñanñini kötuatkömakña. Keu mi ölnja.

Efesus Kimbi Polnön Efesus yengöra Kimbi alök. Jim-asa-asari keu

Polnön Rom sitigö kösö mire tata Efesus urumelen kambu yengöra Kimbi ki ohoyök. Efesus mi Eisia prowinsgö siti bohonji. Siti miangö uruñe kölköl-örörö gwötpuk ahömalget. Polnön misin nup memba liliköi indimñi karöbut ahiga Efesus kaba yambu karöbut miangören Buña keu jiba malök. Efesus sitinön Juda ambazip tosatñi miri tonji yengö sutñine malgerangöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelen kambu mohok-kun akzahot.” (2.15-16), (3.6) Anutunön jitsihitñi aka kalem möriamñi urumelen kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelen könagesö enön sile sep busu mohot aketka Kraistnön nanjak nöropñini akza. (1.23; 4.15-16)

2. Urumelen könagesö enön miri mohot tandök aketka Kraistnön engö tandönini kömbönañi akza. (2.21-22)

3. Urumelen könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerangöra malmalñinangö goro keunji keunji ohoyök. Mewö.

Buk kiangö bahöñi bohonji 4 mi kewö:

Keu mutukñi keu 1.1-2

Kraist aka urumelen könagesö 1.3–3.21

Kraistpuk malmal dölökñi 4.1–6.20

Kimbigö keu kötnji bohonji 6.21-24

¹ *Anutunön Pol ni jitsihitñangö dop melaim niñgiiga Kraist Jisösgö aposol akzal. Mötnarip alaurup sarakñi Kraist Jisösbuk qekötahöba Efesus sitinön maljei, nöñön embuk keu eraum mötpingöra kimbi ki ohozal.

² Anutu Iwinini aka Kembu Jisös Kraist yetkön mönö kalem möriam engiyohotka luainön malme.

Kraistnön Anutugö kötumötuetñi nengimakza.

³ Neñön Kembunini Jisös Kraistkö Iwi Anutuñi möpöseimakin. Yanön nini Kraistpuk qekötahöinga uruninan ölöwakñapköra Suep mirigö kötumötuetñi aka kalemñi könañi könañi mi urunine alöha kayambu asuhui mala kotket. ⁴ Anutunön nini mutuk möpñangö möpñeyök kewö akingöra möwölöhöm nengiyök: Kraistnön nam köl nenggiiga neñön yangö buñañi sarakñi aka Anutugö jemesoholñe keunini qahö kinbin. Mewö möwölöhöm nengiba miangö andöñe Suep gölme miwikñaiba al etkiyök. Nalö miangörenök könahiba ambazip jöpaköm nengiba mala korök.

⁵ Jöpaköm nengiba urusihimñangö dop qeljiñe keu jit arenji ala keunini kewö jim teköyök: Jisös Kraistnön nam köl nenggiiga Anutunön nengömeiga nanñi nahönböratuñi akin. ⁶ Wölböt Nahönñi nengöra melaiiga eta Anutugö kalem möriamñangö kukösumñi buñabuñambuk kölenja söngöröñi qahö öne nengiyök. Nini mönö kalem möriamñi miangöra Anutu möpöseim wangimakin. ⁷ *Anutugö kalem möriamñangö köwenji mi keta bölökñi. Miangö dop Jisösnön sepñi mokoba mianön sohoppnini meyök. Mi meyöhangöra Anutunön ölop singisöndoknini mosöta sanjon nengimakza.

* 1:1: Apo 18.19-21; 19.1 * 1:7: Kol 1.14

⁸ Yanjōn kalem möriamni mi köwenjeyök kelenmaleleñ mokoiga qaknine öngöyök. Mötkutukutuñi öngöngöñi pakpak miangö dop kewö möt asarim nenjiyök: ⁹ Anutunöñ mutuk nanñi uruñe keu areñ jöhöba möri ölöwahiga tölapñe ahöi öne mala kotketmö, Kraistnöñ Anutugö keu jitñangö dop wuatangöba eta nenjören indeliga eka mörin. ¹⁰ Anutunöñ mutuhök kalem möriam areñangö könañi kewö mötmöriyök, “Anutu nöñön areñ mi wuatangöba mala malbiga nalöñi törörök kam kuñguiga miangören öljambuk aiga kewö asuhuma: Körek Suep mirigö jakeni jakeni miangören me gölmenöñ ahuba maljei, nöñön mönö mi pakpak mindiriba jöhöm engimam aka Kraist kuñgum wangibiga körek yengö bohonñini mohot aka malma.”

¹¹ Anutunöñ mutuhök nanñi uruñangö dop keu jöhöi ahözawi, mönö areñ miangö dop kuñgukuñgu keuñi jiiga yuai pakpak asuhumakza. Nanñi areñi miangö dop qeljine Juda könagesö nini nanñi buñani aka malbingöra jim teköba al nenjiyök. Miangö dop nini tosatñan Kraistpuk qekötahöinga meköm nenjiiga buñani börösamot ewö angön köla memba maljin. ¹² Juda könagesö nenñön Kraistnöñ galöm köñ nenjimapkö mamböta qeljine jörömqöröm ak wangiba mala korini, yanjōn nini Anutugö kukösumñi buñabuñambuk möpöseiba malbingöra aka möwölöhöm nenjiyök.

¹³ Kian kantri engörenök tosatñan mewöyök Kraistpuk toroqeba qekötahöget. Amötqeqegö Ölöwak Buñani jigetka keu öñi mi möta uruñini melenget. Uña Töröñi yanjōn Anutu buñangö muñgem aiwesökñi akza. Uña mi melaii etmapkö keu jöhöyöhi, yanjōn mönö mi uruñine ali geyök. Kraist möt narim wangigetka Anutunöñ aiwesökñi kömbönañi mi mekötahöm enjiiga malje. ¹⁴ Anutunöñ könagesöurupñi Suep Buña nenjimamgö keu jöhöyöhi, mi memingö aiwesökñi Uña Töröñi mi mutuk al nenjiyök. Uña Töröñi urunine ali maljawangöra mönö kewö möt köhöizin: Anutunöñ lök sohopenini memba buñaurupñi ahinga bian gölmenöhök nenjuangiriga Suepnöñ öngöba oyaenköyaen akin. Miangöra mönö Anutugö kukösumñi buñabuñambuk möpöseimakin. Mewö.

Polnöñ Anutu möpöseiba kewö köuluköyök:

¹⁵ Mewö oyaenköyaen akingöra aka nöñön Efesus engöra köulukömakzal. Enñön Kembu Jisös pöndañ möt nariba ambazip sarakñi pakpak uruñinan jöpaköm engimakzei, tosatñan miangö buzup keuñi jigetka möral. ¹⁶ Miangöra buzup keu mi mörali, nöñön mewöyök engöra aka Anutu möpöseiba mala qahö mosöral. Qahö. Nöñön köuluköba miangören mötmörim engimakzal.

¹⁷ Mötmörim engiba Kembunini Jisös Kraistkö Anutuñi mi kewö köuluköm wangimakzal, “O Iwi kukösum Tonji, gi mönö Uñagi Töröñi Efesus alaurup engiman. Uña mi uruñine alnönga mötkutukutuñini qainñi kun asuhuiga Anutugö könañi ölpñanök indeliga möt yaköme. ¹⁸ Anutu, gi mönö uru jeniñi mem asarinönga nangi Buñagahö könañi möt yaköme.” Anutunöñ nanñi ambazip sarakñi nenjöra Suep Buña kukösumñi buñabuñambuk mi nenjimamgö keu jöhöiga inñi yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnöñ kunbuk asuhuiga aködamunñinambuk akñei, inñi oyaenköyaen miangö könañi möt sölöngömegöra köulukömakzal.

¹⁹ Möt narim wanginga Anutugö kukösum köhöikñan urunine sehiba nup memakzawi, miangön mönö keta bölökñi teteköñi qahö akza. Inñi miangö könañi möt kutumegöra köulukömakzal. Ösum-mumuñi wewelipñambuk miangön silenini kutuba inahöm nenjimakzawi, Anutunöñ miangö kukñi kewö kondel nenjiyök:

²⁰ *Anutunöñ kukösumñi nupnöñ ala Kraist mem gulim wangii kömupnöhök wahörök aka wangiriga Suep mire öngöba selñi selñi liliköba jakeni jakeni engongiriga Anutunöñ böröñi öñe dum tatat mutukñe ali tatza. ²¹ Ali jakömbuak dumñe tata öroyuai pakpakö bohonina kinja. Bem suahö galöm aka yengö nemböñine jembon pom aka gawman

* 1:20: Sum 110.1

kiap öngöngöni eretni kukösumñinambuk kembu ak neñgimakzei, Kraistnöñ mönö mi körek pakpak galöm köl enñgimakza. Suep mire, gölmenöñ aka mietkö sutñire galöm qet pakpak qet enñgigetka bisizei, Kraistnöñ mi körek enñgoñgita öngöza. Gölmegö nalö kewöñeyök qahöpmö, könañgep nalö qainñi kun asuhuiga mal öngöbini, miangöreñ mewöyök öröyuai pakpak galöm köla mal öngöma.

²² **Anutunöñ uña, ömewöröme, ambazip aka öröyuai pakpak mi memba eta Kraistkö bapñe al neñgii malinga Kembunini öngöngöni akza. Anutunöñ Kraist mi urumelen könañgesö neñgiba bohonini kinmapköra kuñgum wañgiiga malja. ²³ Yañön kötal neñgiba bohonini aiga neñön yañgö öññañgö köna börö su-urupñi akzin. Kraistnöñ nörowök aiga qahö dop kölbawakmö, neñön yañgö törömunñi aka toroqeinga öññañ asuhum tiñgiriga dop kölja. Kraistnöñ mewöñanök öröyuai pakpakö törömunñina kun aka toroqeiga körek pakpak mienñön mönö Anutugö aködamunñinambuk asuhuba dop köla anakze. Mewö.

2

Köhömuñeyök guliba Kraistpuk köhöiba maljin.

¹ *Mutuhök köna oñgita siñgisöndokñi siñgisöndokñi akerañgöra malmal köhömuñi mala kotket. ² Inñini nalö miangöreñ gölmegö ahakmeme bölöñi wuatañgöget. Ömewöröme yengö Kembuninan nalö kewöñe Suep gölme sutñire mala qeqetal ambazip urunñi sölölohöba galöm köl enñgimakzawi, mönö yañgöreñ qekötahöba tem köl wañgiba malget.

³ Neñön körek mewöñanök mutuk yengö sutñine silebile aka lañ malin. Uru silegö sihim kömböñañnini bölöñi wuatañgöba nanine imbi-imbi malin. Mewö lañ malinga Anutunöñ neñgehi qahö dop köliga irimsesewölñi qaknine ali malin. Qeqetal ambazip tosatñi yengö dowök Anutugö irimsesewölñañgö buñaya aka malin.

⁴ Mewö malinmö, nalö kewöñe mewö qahö. Anutunöñ ak-kömukömuñi teteköñi qahö mianñön mönö jöpaköm neñgiyök. ⁵ Köna oñgita Anutu qetala mianñöra köhömuñi aka malinmö, Anutunöñ Kraist mem guliyöhi, nini mewöyök mönö mewöñanök mem gulim neñgiiga köhöiba maljin. Yañgö kalem möriamñan mönö amöt qem enñgiiga kunbuk letotket.

⁶ Kraistnöñ wahöröhi, nini mewöyök mönö mewöñanök neñgömindiga köhömuñeyök wahöriñ. Anutunöñ Kraist Jisös wañgiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö miangöreñ al neñgiiga yambuk tosatñi galöm köl enñgiba maljin.

⁷ Anutunöñ kewögöra mewö al neñgiyök: Anutunöñ kalem möriamñañgö köweni teteköñi qahö mianñön aukñe asuhui möt asaribingöra mörök. Möt asariba könañgep nalöñi nalöñi qainñi kun asuhugetka teteköñi qahö mal öngöbini, nalö miangöreñ mi neñgim qarimapköra mörök. Anutunöñ Kraist Jisös melaiiga kaba urukalemñi mewö kondel neñgiyök. ⁸ Anutu möt narim wañgigetka kalem möriamñan mönö amöt qem enñgiiga kunbuk letotket. Nannini nam köl añañguba mewö mianñön qahö letotketmö, Anutunöñ mi kalemña ak enñgiyök. ⁹ Nanninak yuai kun ak sorokögerañgöra aka qahö letotket. Kunöñ kun nanñi silenñi memba öngöbapüköra mönö kalem möriamñañgörök aka mewö ak enñgiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöñ uru dölokñi miwikñaiba al neñgiyök. Anutunöñ qeljiñe nup ölöpnñi ölöpnñi möwölöhöba mözözömgöyöhi, neñön mi memba malbingöra mewö miwikñaaim neñgiiga maljin. Mewö.

Kraistpuk qekötahöba öññañ mohot akzin.

¹¹ Mianñöra aka Efesus inñini mutuk Juda ambazip qahö ahuba Anutugö könañgesö qahö malgeri, mönö mi mötmöröba malme. Tosatñan enñgöra kewö jiba jim enñgimalget, “Nini Anutugö aiwesökñinambuk maljinmö, kantri tosatñi inñini ambazip omanñi aiwesökñini

qahö!” Qet mi azi börönöŋ aiwesök silenine yandimakzei, mönö mi mötmöriba jimalget. ¹² Injini nalö miangöŋ uruŋini Kraistpuk qahö jöhöba öne yaigep malget. Kian kantri injini Juda könagesö neŋgö kau likepurupnina malget. Anutunöŋ ambazip nanŋangöra möwölöhöm neŋgii maljini, injini neŋgö sutnine qetŋini qahö malget. Anutunöŋ Buŋaŋi alaurupŋi eŋgimamgö jiba keu jöhöyöhi, injini mi qahöpmahöp möt kutuba tönpin malget. Oyaenŋkoyaen akingö jörömqörömŋini qahö. Anutunŋini qahö tandök gölmenöŋ önewat lan malget. Mönö mia mötmöriba malme.

¹³ Injini mutuk tikep malgetmö, Kraist Jisösbuk qekötahögetka sepŋan saŋonŋ eŋgiiga nalö kewöŋe amqeba Anutugö kösutŋe kaba malje. ¹⁴ Kraistnöŋ nanŋak luai Tonini akza. Yaŋön Juda könagesö aka kian kantri ambazip kambu yahöt nini mindirim neŋgiiga kutulaŋgömakzin. Sutnine kerök ahöba sel paset köhöikŋi ewö mendenŋ neŋgiyöhi, yaŋön mönö soŋgo mi tumbaköba luluŋniga urumelenŋ könagesö mohot akzin. ¹⁵ *Jisösnöŋ nanŋi gölme silenŋan kömuiga mewö miangön Juda neŋgöŋ Kona keu aka miangö jöjöpäŋ keuŋi aka jimkutukutu tosatŋi mi köndenök. Sile kambu yahöt mindirim neŋgiba könagesö dölökŋi mohot akingöra mi köndenök. Miangöra uru dölökŋi miwikŋaiba al neŋgiiga Kraistpuk qekötahöingä sutnine luai qei asuhum neŋgiyök.

¹⁶ *Kraistnöŋ kömumba keröknini maripomnöŋ qem kömui erök. Silenŋi mohot miangö sepŋan mönö ambazip kambu yahöt neŋguaŋgiriga ölop lilingöba Anutugö kösutŋe kabin. Mewö mindirim neŋgiiga ölop böröqeqe akin. Mi ak teköba Kraistkö ölni mohot aka maljin. ¹⁷ *Kraistnöŋ kaba luai asuhumapkö Buŋaŋi mi kian kantri ambazip Anutu andö qeba tikep malgeri, eŋgöra jim asarim eŋgiyök aka Juda ambazip Anutugö kösutŋe malini, mönö neŋgöra mohot jim asarim neŋgiba malök. ¹⁸ Kraistnöŋ Juda aka kian kantri ambazip nini körek nam köl neŋgiiga Uŋa Töröŋi mohotŋan köna kondel neŋgiiga ölop amqeba Iwigö jemesoholŋe aŋgotpin.

¹⁹ Miangöra injini Juda ambazip qahöpmö, töndup kian ambazip qandakŋi mi qahö toroqeba malje. Anutugö miri gölme toŋi sarakŋi aketka nembuk mohotŋe Anutugö urumelenŋ könagesö akzin.

²⁰ Kezapqetok ambazip yeŋön mutuhök Anutugö keunöŋ tandö esim kuŋgugetka Kraist Jisösnöŋ nanŋak kaba tandö kömbönaŋnini aka aposol melaim neŋgiba bohonini kiniga Anutugö urumelenŋ jikeya akzin. Injini mewöyök tandö miangöŋ aŋgota naŋgönaŋgö ak aŋguba köhököhöi miwikŋaimakze. ²¹ Yaŋön mönö miri mi jömukŋanök mindirim jöhöiga kinakza. Nini Kembubuk qekötahöba kindä kutulaŋgöingä mötnariŋninan köhöim qariiga Anutugö urumelenŋ jike kömbukŋi akzin. aka ²² Injini mewöyök Kembugöŋ qekötahöba urumelenŋ alaurup tosatŋi yembuk kutulaŋgöba mohotŋe kindä uruŋini naŋgöm aŋguba köhököhöi miwikŋaimakze. Mewö kindä Anutugö urumelenŋ jike aketka Uŋa Töröŋi uruŋine ala miangön nanŋak jikenŋi miangö uruŋe malja. Mewö.

3

Polnöŋ kian kantri yeŋgöŋ anda Buŋa nup meyök.

¹ Könaŋi miangöra aka Pol nöŋön kian kantri ambazip injini bauköm eŋgimamgöra nup memba maljal. Mewö malbiga Kraist Jisösgö nupŋi mealangöra kösö mire al niŋgigetka tata simin köla köulukömakzal. ² Anutunöŋ kalem möriamŋi kantri tosatŋi eŋgöra mendenŋ eŋgiiga ölöwakŋegö nup niŋgiyöhi, injini mi ölna möt teköze. ³ Anutunöŋ keu arenŋi tölapŋi indela jiiga möt yaközali, keu miangö könaŋi lök töröpŋanök ohom eŋgial. ⁴ *Ohom eŋgiali, injini kulem mi oyonda ölop nöŋgö könaŋi kewö möt asarime: Nöŋön Kraistkö könaŋi tölapŋi mi ölöpŋanök möt kutuzal.

* 2:15: Kol 2.14 * 2:16: Kol 1.20 * 2:17: Ais 57.19 * 3:4: Kol 1.26-27

⁵ Mōpñangō möpñeyök ambazipnōñ könahiba mala kota malgeri, yeñōn nalō miangōren Buña tōlapñi miangōra tōnpin malget. Mewō mala kotketmō, nalō kewōne Uña Tōrōñan mi Anutugō aposol aka kezapqetok ambazip tōk-kutukutuñi neñgōra jim indeli mötzin. ⁶ Buña tōlapñi mi kewō: Kraist Jisōsnōñ Buña neñgimapkō jiba keu jōhöyōhi, inñini mi Juda nembuk örörōñ angōn köla memba malje. Ölöwak Buñanōñ miangō könañi mi kian kantri ambazip engōra mewōyök kondel engimakza. Inñini uruñini melenđa ölop nembuk mohotñe kötümötuetñangō Buñañi dop mohot memba malje. Uruñini Anutubuk jōhöba mohotñe Kraistkö ölni aka nembuk kambu mohot kinjin.

⁷ Yanğō kukōsumñan mönō nōñgō uruni sölölöhōiga uruni melenbige Anutunōñ kalem möriamñi söngörōñi qahō niñgiyök. Mi niñgiiga köna asuhuiga Ölöwak Buñagō nup meme azia ahal. ⁸ Nōñōn Anutugō könagesō sarakñi pakpak engō nembō bapñine eretñi kötökñi maljal. Mewō maljalmō, Anutunōñ tōndup kalemñi öngöngöñi kewōni niñgiyök: Nōñōn Kraistkö oyaenköyaen Buñañi mi kian kantri ambazip engōra jim asarimangō simbawon mötzal. Oyaenköyaen miangō könañi mi körek esiba möt kutum tekōbinangō dop qahō.

⁹ Anutunōñ möpñangō möpñe yuai pakpak miwikñaiba Buñañi tōlapñi közambōriga ambazipnōñ mala kota malgetka nalō miangōren tōnpin malget. Miangōra nōñōn Anutugō Buña areñ tōlapñi mi galöm köla malbiga ölnambuk ahakza. Nōñōn miangō könañi aukñe jibiga ambazip körekñan möt sölöngōmegōra simbawon mötzal.

¹⁰ Anutunōñ mötkutukutuñi qainñi kun könañi könañi indel neñgiiga nalō kewōne urumelen zioz kambu sutnine eraum möringa aukñe ahum sehimakza. Anutunōñ urusi-himñan kewō mörakza: Bem suahō galöm aka pom garata öngöngöñi eretñi Suep gölme sutñire örōyuai pakpak galöm kölakzei, yeñōn mewōyök Anutugō mötkutukutuñi mi kezap ala mötmegōra mörakza. ¹¹ Yeñōn mi mötmegōra Anutunōñ Buña areñi mi möpñangō möpñeyök nalō qahōpñe uruñan jim köhöiba ali ahōyök. Miangō dop Kembunini Kraist Jisōs melaiiga ölni miwikñaiiga könagesōurupñi aka mindiriba kinjin.

¹² Kraistpuk qekötahōba kinda möt narim wañgiinga Anutugō nanğujan mewō taliga ölop yanğō jemesoholñe angotpingōra awōsamkakak kinjin. ¹³ Miangōra kewō ulet engizal: Nōñōn kösō mire tata eñōn ölöwakñegōra aka köñjiliñ möta malakzali, miangōra uruñinan mönō kude etma. Inñini nōñgō sihimbölōni miangōra aka ölop akōdamunñinambuk akñe. Mewō.

Polnōñ Efesus yeñgōra kewō köulukōyök:

¹⁴ Könañi miangōra nōñōn Iwinini simin köl wañgiba köulukōmakzal. ¹⁵ Yanğōnök mönō iwinini mutukñi akza. Yanğō dop Suep aka gölmegō könagesō pakpak neñōn iwi qet memba qerakzin. ¹⁶ Kewō köulukōmakzal, “Anutu, gi mönō Uñagi Tōrōñi al enğinōnga uruñinan köhöimakña. Göhö Buñagi kukōsumñi buñabuñañambuk mi tetekōñi qahō köwege ahözawi, gi mönō kukōsumgi miangō dop mem köhöim engimakñan. ¹⁷ Mem köhöim enğinōnga ölop Kraist möt narim wañgigetka uruñine dumñi memba malma. Mewō maliga kesōñini Kraistkö urukalemñōñ möndömgōba mendawölget geiga tōndangōba kinme.

¹⁸ Urukalemñan nam köl enğiiga könagesō sarakñi pakpak yembuk ölop Kraistkö urukalemñangō könañi möt kutume. Jōpakōm neñgimakzawi, urukalem miangō dopñi kewō: Görañi likeplikep tetekōñi qahō an bibihiza. Körōpñi enduyangō enduñe angaiza. Körōpñi euyangō euñe öngōza. Mewōyök dutñe emuyangō emuñe geba ahōza. ¹⁹ Kraistkö urukalemñan mönō gölmegō mötmötninangō dopñi oñgitzza. Mi möt kömumegōra kewō köulukōmakzal: Anutu, gi mönō akōdamungi pakpakō dop mötmöt Buñagan uruñini kokolak qeba musulungōm enğiman.”

²⁰ Anutu mewō köulukōba kewōgōra möpōseimakzal: Nini mötmötnini oñgita yuaigōra köulukōba qesibinak me jemelen imut ala mötmöröbinak ewō, yanğōn mönō yuai mi ölop köhöiba neñgima. Anutu kukōsumñan uruñine nup memakzawi, yanğōn mönō miangō dop köuluk aka mötmöt dopnini oñgit tekōba amqeba yuai pakpak ölop ak

nenjimakña. Mianğöra möpöseim wanjimakin. ²¹ Urumelen könagesö neñön tokoba Kraist Jisösgöra aka Anutugö qetbuñani möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öngömei, nalö mianğören mönö mewöñanök aködamunñambuk aka ahöma. Keu mi ölna.

4

Kraistnöñ mindirim nenjiiga ölni mohot akzin.

¹ Nöñön Kembubuk qekötahöba kinda nupñi mealanğöra kösö miri azia akzal. Keu mi jim teköba uruñini keu kewö jiba kuñguzal: Anutunöñ ahakmeme aködamunñambuk aka memba malmegöra engoholöhi, mianğö dop inini mönö malmal qainñi kun malme.

² *Mönö uruñini memba et ala keu bapñe anda gunbönjönjön qakñe ambazip ak engiba malme. Lömböt mökösonda malme. Mönö lolongöba bölöñangö kitipñi kude mememö, qaqaengiba jöpaköm anguba malme. ³ Uña Töröñan uruñini qezaköba luaigö kösönöñ jöhöba mindirim enjimakzawi, inini mönö uru jöhöjöhö mi sutñine ahömapköra kapan köla kinme.

⁴ Anutunöñ engoholöhi, mianğören mönö öröröñ oyaenköyaen akingö jörömqörömñini mohot miyök al enjiiga al mamböta malje. Mianğö dop inini mewöñanök Kraistkö öl kembangan mohot aketka Uña Töröñi mohotnöñ mönö inahöm enjiiga malme. ⁵ Kembunini mohotnöñ galöm köl enjiiga öröröñ möt narim wanjigetka o melun mohot miyöhök mem enjigetka mohot aka malje. ⁶ Anutunini mohotnöñ körek iwi ak nenjimakza. Yanön yuai pakpak körek nenjonñgita Kembu öngöñgöñi ak nenjimakza. Mewö aka jitñi tem kölbingsöra körek kuñguba inahöm nenjiba urunini dop malmal tatat ak nenjimakza.

⁷ Mianğö dop öröröñ Kraistkö ölni mohot maljinmö, Kraistnöñ kalem möriamñi mokoba sihimñangö dop nenjiyök. Nup memegö mötmöt kalem könañi könañi mi mohot mohot nenğöra dopnine menden nenjiiga maljin. ⁸ *Mianğö keuñi mi kewö jigetka Buña Kimbinöñ ahöza,

“Yanön euyangören öngöba kinda kösö ambazip gwötpuk engömeiga buñaurupñi aketka kalemñi kalemñi mi ambazip nenğöra nenjiyök.”

⁹ “Euyangören öngöyök,” Anutunöñ keu mi mönö denöwögöra jiyök? Mianğö könañi kewö: Kraistnöñ mutuk Suepnöhök erök. Mönö gölme dutñe emuyangören geyök. ¹⁰ Eröhi, yanön mönö mewöyök lilingöba eu öngöyök. Öngöba Suet mirigö jakeni pakpak enjonñgita qakñe euyangören öngöba malja. Mianğören mala Suet gölmegö öryuainñiri pakpak mi ösumñan kokolak qeba jömuk dop köl teköba malja. ¹¹ Kraistnöñ ambazip nenğöra mötmöt kalemñi könañi könañi kewö menden nenjiyök: Nupñi menden nenjiiga tosatñan melaimelai ambazip bohonñi (apostol) aket. Tosatñan kezapqetok ambazip (profet) aket. Tosatñan urukunğukunğu ambazip (ewanjelis) aket. Tosatñan lama galöm (pastor) aka kusun nenjinengi böhi qaqaazu aket.

¹² Kraistkö ölni mi urumelen ambazip. Neñön yengö uruñini nanğöinga köhököhöi miwikñaibingöra nupñi mewö mendennda kuñgum nenjiyök. Könagesö sarakñi neñön körek urugö nupñi membingö jöjöröm teköba malbingöra aka mewö inahöm nenjiyök.

¹³ Mewöña mewö nup murutñi murutñi memba mala Anutu möt nariba könañep Nahönñi möt yaköm soroköba mianğören qezaköm anguba mohot aka kinbin. Anutugö mötmötñi aka aködamun yuainñi pakpak mi mönö körekñanök Kraistkören ahöza. Neñön Kraistkö köweneyök mötmöt ösumñi öroinga musulungöm nenjiiga qarim sehiba köhöiba malinga aködamunñi köl nenji körek asuhui malbin.

¹⁴ Toroqeba namande tandök malbinbuköra Kraistnöñ urunini kuñguba nanñi ewö aködamuninambuk akingöra inahöm nenjimakza. Namande tandök malinga qewölöñ ambazipnöñ aren i me wai ala möndöba tutuhum nenjigetka tala et nenjuyöhi, inini mönö

* 4:2: Kol 3.12-13 * 4:8: Sum 68.18

mianğö dop aka laŋ malbepuk. Luhutnöŋ lilikqilik qeiga köwetnöŋ kunduriga sirinöŋ gödöwöröt laŋ waŋgiriga an qem kam qem aka simbiŋsambaŋ ahakza. Mianğö dop gölme ambazipnöŋ silenöŋ alal aka unji memba tilipmötömöt miwikŋaiba ambazip laŋ kusum enğigetka janjuŋ ahakze.

¹⁵ Mianğö dop laŋ kude malmemö, keu ölnanök töp jiba jöpaköm anğuba malme. Mewö mala Kraistnöŋ nöröpnini akzawi, kesötŋini mönö yaŋğoreŋ möndömgöget geiga töndangöba yuai pakpak mianğoreŋ qarim köhöiba aködamunŋinambuk aka malme.

¹⁶*Kraistnöŋ nöröpnini aka ölni jömuhök galöm köl neŋgiiga ginimuramŋi körekŋan mönö ölnaŋğö köna böröŋi mindiriba jöhöm neŋgigetka kutulaŋğömakzin. Ösum mohot mohot ahöm neŋgizawaŋğö dop mönö nupnini memba kötöngöba jöpaköm anğuinga ölni mianğön köhöiba qarimakza. Mewö.

Asaŋğö ahakmeme dölökŋi aka memba malme.

¹⁷ Mewö akzinaŋğöra nöŋön Kembugö jitje memba galöm meme keu kewö jibi möt yaköme: Urumelenğö kopa ambazip uru mötmötŋini sohoiga nesak ewö aka öne omani laŋ malakzei, iŋini yeŋğö tandök bölöŋi kude toroqeba aka memba malme.

¹⁸ Urumelenğö kopa ambazip yeŋğö urumötmötŋinan söŋauiga Anutubuk malmalgöra siksauk aka sohoze. Mötmöt bölöŋan uruŋini gwözöŋda duhuyöhaŋğöra aka gukmaulem aka tönpin malje. Mianğöra Anutugoreŋ malmal köhöikŋe qahö qekötahömakzemö, nanŋinök laŋ töhöŋ malje. ¹⁹ Galömŋini qahö mem anğugetka uruŋini gwözöŋ teköiga gamu taŋgeŋ malje. Uruŋini kaiseröŋ jöhöba qewöloŋ yuaigöra laŋ söŋgaiba tölöhomakze. Yuai membagan memingö nepaqepalok köpösöŋğömakze.

²⁰ Yeŋön mewö ahakzemö, iŋini Kraistpuk malmalgö könaŋi mi mewö qahö kusum enğiget mötket. ²¹ Iŋini keu ölnaŋğö Toŋi Jisösbuk qekötahögetka mianğö dop könaŋi kusum enğigetka ölni kewö möt yaköget: ²²*Mutuk ahakmemenini walŋi wuatanağögetka sihim kömbönaŋini bölöŋan isimkakalek ak enğgiiga ayuhum anğubingö aket. Köna kusum enğiget mötkeri, mianğö dop mönö uruŋini walŋi meteköm gila andö qeme.

²³ Urumötmötŋini mem guliget kölöŋaiba malmegöra köna kusum enğiget. ²⁴*Anutunöŋ nini nanŋi kaisöŋgolomnaŋğö dop sarakŋi aka mal köhöibingöra miwikŋaim neŋgiyök. Uru dölöknaŋğö malmal solanŋi wuatanağöbingöra mönö al neŋgiyök. Mianğöra uru dölökŋi miyöhök mönö bök kölget geiga malme. Köna mi mönö mewö kusum enğigetka möt yaköget.

²⁵*Köna mewö ahöiga nini Kraistkö ölni mohot mianğö uruŋe darumun ewö mindiriba ala-ala aka maljin. Mianğöra munen mi mönö meteköm gilget geiga sutŋine keu ölnanök pakpak eraum möta malme. ²⁶*Tembula kukpiriŋnöŋ akŋe ewö, mönö töndup siŋgisöndok kude akŋe. Irimŋini seholimawi, keuŋini mi mönö zilaŋ wehöŋ jeŋan qahö teköba geiga jim tekögetka solanima. ²⁷ Mewö Bölöŋaŋğö Toŋan sutŋine kaŋgotpapuköra qeapköba nalö kun kude waŋgiba zilaŋ yakörime.

²⁸ Kunŋan yoŋgorö meme malöhi, yaŋön mewö kunbuk kude akŋa. Mewö qahöpmö, mönö nanŋi böröŋan nup kapaŋ köla memba malma. Nup memba nanŋi nene inapŋi miwikŋaiba ölop anqeba ambazip wanapŋi naŋğöm enğimakŋa.

²⁹ Keu lösö kun jitŋineyök kude etmapmö, keu ambazip uruŋini naŋğöba mem köhöimawi, mönö miyöhök jiba malme. Ambazip keuŋini möta uruŋini ahözawaŋğö dop qambaŋğöra osizei, mönö mianğö dop goro enğigetka keu nahömŋi möta ölöwakeak. ³⁰ Anutunöŋ buŋaurupŋi sohopnini meiga Suepnöŋ öŋgöbini, nalö mianğöra aiwesökŋi kömbönaŋi mekötahöm enğgiiga uruŋine geba Anutugö muŋgemŋi akza. Mianğöra Anutugö muŋgemŋi Uŋa Töröŋi mi mönö wösöbirik kude qem waŋgime.

* 4:16: Kol 2.19 * 4:22: Kol 3.9 * 4:24: Jen 1.26; Kol 3.10 * 4:25: Zek 8.16 * 4:26: Sum 4.4

³¹ Injini mönö urukömbuk, urukondum aka urusingok pakpak mi qeköba gilget köröwen tatma. Urukönöpnöy kude jula engohoiga uruñinan auba yom qeta jim angubepuk. Mewöyök andöqege keu töhöreñ mi kude jime. Angöjörak könañi könañi uruñini tölöhubapuköra mi mönö körek andö qegetka tikep ahöma. ³² *Tikep ahömapmö, ala-ala ak anguba mököliba guñböñjönjön qakñe ak anguba malme. Kraistpuk qekötahögetka Anutunöy singisöndokñini mosöta sanjon engiyöhi, injini mönö mianjö dop toroqeba köpösihtñini mosöt anguba malme. Mewö.

5

Anutugö asakñe malmal mi kewö:

¹ Anutugö wölböt nahönböraturupñi akzeangöra silikñini mönö kapan köla Anutunöy ahakzawangö dop aka wuatangöba malme. ² *Kraistnöy jöpaköm nenjiba malmalñi nenjora aka kölenja mosörök. Jöwöwöl ohogetka köwakñan öngözapma, Anutunöy mianjö dop Kraist malmalñangö kalemñi mi möt angön köli wöronñi umköhöwakñambuk ewö aka yangö jeñe pukpuköiga söngaiyök. Injini mönö mewöyök urukalemnöy kinda Kraistkö dop jöpaköm anguba aka memba malme.

³ Serowilin, qewölon angöjörakñambuk könañi könañi me yuai membagan membingö nepaqepalok (gridi) silikñi mi Anutugö jeñe qahö dop kölja. Mianjöra Anutugö ambazip sarakñi akzeangö dop yuai mewöñangö keuñi kun mi sutñine kude misiriba jigetka mötme. Sauban!

⁴ Angögönahitnöy lösö keu imbilonlonambuk aka uruqahö keu sinñi sinñi mi kude jime. Mianjön uruñini tölöhoiga qahö dop kölja. Mianjöra mi mönö mosöt teköba möpömöpösei keu jim sehiba malme.

⁵ Keu kötni ki mönö möt kömume: Kunñan serowilin me qewölon angöjörakñambuk me membagan membingö nepaqepalok köpösöngömakzawi, yanön mönö Anutugö bemtohonji buña qem angumangö osima. Ahakmeme mianjön bem munenji me tandö lopion möpöseim engimakzeangö tandökñi akza. Mewö akzawangön mönö Kraist aka Anutu yetkö bemtohon uruñe angotpingö osima.

⁶ Anutunöy singisöndok mewöñangöra aka tembula irimesewölñi qegetal ambazip yengö qakñine ali öngömakza. Mianjöra kunñan keu omañi mewöñi jiba kelök ala tutuhuba tilipköm engibapuk. ⁷ Mianjöra ambazip mewöñi mönö andö enguba yembuk köisirik kude malme. ⁸ Mutuk söñaupuk malgetmö, nalö kewöñe Kembubuk qekötahöba kinda yangö asakñambuk malje. Ahakmemeñini mönö asakñangö buñaya akzeangö dop aka memba malme. ⁹ Asakñangö buña akzeangö töhötmöriam ölni mi kewö: Injini ahakmeme ölöpnji wuatangögetka Anutunöy keuñini jim teköi solanime aka keu öl töhöññanök jiba malme. ¹⁰ Wani yuai Kembangö jeñe dop kölmawi, mianjö könañi mönö jaruba kewöta möt asarime.

¹¹ Söñaupkö ahakmeme gilipitñi (ambetakñi) aka memakzei, yembuk mönö köisirik kude toroqeba malme. Yengö bölönamñini mi mönö indela asakñe ala jim engime.

¹² Tosatñan singisöndok tölapñe ahakzei, mi mönö aukñe jibingö gamuñambuk akapuk.

¹³ Anutugö asakñan singisöndokñini pakpak mem asariiga könañamñini ölnan mönö aukñeyök asuhuma. ¹⁴ Asakñangö Tonñan mönö tölapñangö yuaiñi pakpak indeliga asakñe aukñeyök ahöma. Mianjöra keu kun kewö jigetka ahöza,

“Gauñ ahözani, gi mönö imbigi mötnöy.

Mönö köhömuñeyök guliba wahötnöñga Kraistnöy mem asarim gihima.”

¹⁵ Keu mianjö dop ahakmemeñini mönö mötkutukutu qakñe aka memba malme. Morop aka tönpin malbepuköra mönö ölöpnñanök galöm mem anguba malme. ¹⁶ *Kewöñe nalö bölizawangöra aka urugö nup membingö köna kun ahumawi, nalö mi mönö kude

* 4:32: Kol 3.13 * 5:2: Eks 29.18; Sum 40.6 * 5:16: Kol 4.5

mösöhöba ayuhumemö, ambazip qöhöröjine anda ösöñ qambañ köl engime. ¹⁷ Mianğöra uruqahö ewö lañ kude malmemö, Kembugö jitsihitñi mi ölopñanök möt asariba kinme.

¹⁸ Wain o köhöikñi namba enjololon akepuk. Nannini imbi-imbi malgetka mötmötñini bölöñan asuhugetka söñaup malmalnöñ titeköba geba ayuhubepuk. Mianğöra enjololon akepukmö, Uñan Töröñan mönö uruñini kokolak qemapköra kapan köla kinme. ¹⁹ *Mönö Buña keu eraum möta Sumbara (sam), möpömöpöse liñet (omsa) aka urugö liñet tosatñi mi urukönömñinan köla Kembu möpöseimakñe. ²⁰ Mewö me mewö asuhuiga mianğöra mönö Kembunini Jisös Kraistkö qetñi qeta Iwi Anutu sundan saiwap jim wangiba malme. Mewö.

Awanöm yengö goro qambañ keu

²¹ Kraistkö jitñi ongitpepuköra kenğötñini möta mönö sutñine keu bapñe anan ak anguba malme.

²²⁻²³ *Kraistkö ölñi mi urumelen könagesö. Yanğon mianğö nöropñi aka Amötqeqe Tonj akza. Mianğö dop azinöñ mewöyök anömñangö nöropñi akza. Mianğöra ambi inñini mönö Kembugö keu bapñe anangö dop nannini apurupñini göda qem engiba keuñini bapñe anda malme. ²⁴ Urumelen könagesö neñon Kraistkö keu bapñe kinjini, mianğö dop ambi enñon mewöyök mönö apurupñinangö keu pakpak wuatangöba malme.

²⁵ *Kraistnöñ nannj könagesöñi jöpaköm neñgiba neñgöra aka malmalñi tököba köleñnöhi, mianğö tandök azi enñon mönö mewöyök anömurupñini jöpaköba urukalem ak engiba malme. ²⁶ Kraistnöñ könagesöñi Buña keuñan tök kutuba ambi buñani sarakñi akingöra o ewö mianğon sanğonda mösolonanim neñgiyök. ²⁷ Yanğon nini ölülu sorok akingöra möta uru sönuetnini mösolonaniba töwöt boromñi kun qahö akingöra kapan kölakza. Könagesö sarakñi köpösihitkö keunini qahö akingöra mörakza. Kraistnöñ kaba neñguanğiriga asakmararane eu anğoringa jihilalomñan neñguiga ambi buñani ewö nini nannj jemesoholñe al neñgiiga aködamuninambuk kinbin.

²⁸ Azi inñini mewöyök mönö Kraistkö tandökñi mewöñi wuatangöba anömurupñini jöpaköm engiba malme. Anömñi jöpakömakzawañon mönö nannj köyan köl angumakza. Mianğöra nannini silenini köyan köl angumakzeangö tandök mönö anömurupñini köyan köl engigetka dop kölma. ²⁹ Kunñan kun nannj silenj nalö kunöñ kazik qahö ak wangiyökmö, körek neñon silenini gumohoba köyan kölakzin. Kraistnöñ mewöyök könagesöurupñi nini silenj ewö keuñan gumohoba köyan köl neñgimakza.

³⁰ Urumelen könagesö neñon Kraistkö ölñi akzin. Neñon Kraist ölñangö törömunñi aka maljin. Mianğöra gumohom neñgimakza. ³¹ *Buña keu kun kewö ahöza, “Mianğöra azinöñ mönö iwinamñi etkömosöta anömñambuk qekötahöba yahöt yetkön silemohot aka malmahot.” ³² Keu mi söpsöp keu tölapñi. Mi Kraist aka urumelen könagesö neñgö uru jöhöjöhöninangöra jiba ohozal. Keu areñ mianğö könañi mi tölapñi aka dutñi gegenj. ³³ Mewö akzapmö, engöra keu mi kewö jizal: Inñini mohot mohotñan mönö mewöyök anömurupñini nannini köyan köl angumakzeangö dop jöpaköm engiba malme. Anöm enñon mönö mewöyök apurupñini göda qem engiba malme. Mewö.

6

Nahönbörat aka iwinam yengö uru jöhöjöhö

¹ *Nahönbörat engöreñ ahakmeme diñdiñi mi kewö: Inñini mönö Kembubuk qekötahöba iwinamyahötñini yetkö jitñiri tem köla wuatangöba malme. ² *Anutunöñ jöjöpañ keu 1-2-3 miengö teteköñe töwa likepñi neñgimangö qahö jii ahözapmö, jöjöpañ keu jangö 4 mi törömunñambuk. Mutuk kewö jiza, “Iwinamyahötñi mönö göda qem etkiba malman.” Keu mi tem kölinga Anutunöñ töwa likepñi neñgimangö keuñi kewö jöhöi ohoget ahöza,

* 5:19: Kol 3.16-17 * 5:22-23: Kol 3.18; 1 Pitö 3.1 * 5:25: Kol 3.19; 1 Pitö 3.7 * 5:31: Jen 2.24 * 6:1: Kol 3.20 * 6:2: Eks 20.12; Dut 5.16; Kol 3.21

³ “Göda qem etkinönga Anutunöñ töhötmöriam gihiiga toroqeba gölmenöñ nalö köröpñi malman.”

⁴ Nahönböraturupñinan irimsesewöl akepeköra iwi enön mönö urukanjam kude ak engiba malme. Mewö qahöpmö, Kembugö Köna keu tem kölmegöra kusum engiba mianjö dop mindinjom engigetka qarime. Mewö.

Welenqege aka galöm yengö qambañ keunini

⁵ *Welenqege inini mönö gölme qakñe galömurupñini yengö keunini Kraistkö keu ewö tem köla jörantauat kude ahakñe. Keunini ongitpepeköra sömbuñini möta jönömñinambuk undui malme. Urugenmoñ kude aka böñ kinda aka memba malme. ⁶ Köndöwoñ aketka ambazipnöñ engkek sorimegöra qahöpmö, uruñini nupnöñ ala memba Anutugö jitsihitñi wuatangöba Kraistkö welenqege tandök ahakñe. ⁷ Gölme ambazip welen qem engiba mewö mianjön Kembugö welenñi qemakzin. Mewö möta nupñini mönö Kembugö jene dop kölmawanjö dop uruölöwakup memba malme.

⁸ Keu ki mönö mötme: Engö sutñine tosatñan nup tonji malje aka tosatñan tonjini töwa qahö öne welen qem engiba etqegeñi malje. Mi töndup denike yenön nup ölöpñi mi me mi memakzei, Anutunöñ mönö mianjö töwanji al engiiga buña qem angume. Keu mia mönö mötmöriba malme.

⁹ *Tourup aka welenqege engö Kembuñini mohot yanön Suep mire malja. Yanön ambazip tosatñi qahö engkek soriba tosatñi qahö qepureim engimakzapmö, dop mohotnön kewöta keunini jim teköm nenjima. Galöm inini mi möt kutuzeangöra mönö welenqege alaurupñini simin titit ölöpñi dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömuk memba malme.

¹⁰ Kimbini tekömangö aiga keu kewö ohozal: Inini Kembubuk qekötahöba kingetka kukösumñi ketanjan mönö inahöba töngum engiiga köhöimakñe.

¹¹ Bölönangö Tonjan silenöñ alalgö mötmöt areñ könanji könanji alakzawi, inini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹² Nini gölme ambazip sep busuñinambuk yembuk bim qahö aumakzinmö, bem suahö galöm aka iwiluhut bölöñi bölöñi tuarenjoñ ak engibingöra kinjin. Bem suahö galöm bölöñi Suep gölme sutñire jakömbuak dumñine kinda kembu ahakzei, mönö mi qetal engimakzin. Mewöyök pom böhi öngöngöñi eretñi sutnine panamangö öme tohongö azi ipñi mala öroyuai pakpak galöm kölakzei, nenön mönö yembuk yarö gilakzin. ¹³ Mianjöra tuarenjoñ ak engibingöra mönö Anutugö jurujamba lökñanök memba kölget gem anguiga kinme. Mewö kingetka kerökñinan nalö bölöñe engubingö gangömakñei, nalö mianjören mönö ölop amqeba yarö gila tötal engime aka yarö mi teköiga ölop miri gölmeñine kanjam köla kinme.

¹⁴ *Wahijambañini mönö kewö löngöt angume: Keu ölnanök jijigö irimunganji mönö anjöñine jöhöba kinme. Ahakmeme solan sorokñi mi töptöpñine göwanjöwan (kapa maluku) ewö köla sel jöhöm anguba kinme. ¹⁵ *Köna esu böntönök löngöta ölop töndangöba tiba anakzin. Mianjö dop inini mönö luaigö Buñanji jim sehibingö jöjörögetka mianjön bohon köl engima. ¹⁶ Jurujamba miembuk toroqeba saiwa bohonñi qetñi mötnarip mi mönö buña qem anguba sundan tenjöba kinakñe. Bölönangö Tonjan nenjeriba qönsihim nenjimangöra möta timbi lingipñi mulahakzawi, mianjö esapesap könöpñi pakpak mönö suman mianjön qeapköba angön köl angumakñe.

¹⁷ *Anutugö Amötqege Tonji i mönö buña qem angume. Buña qem anguba kunbuk letotmei, dom-amöt mianjön mönö nöropñini ain irikmarik ewö turuba angön köl engimakña. Uña Töröñan bingö sou ketanji nenjizawi, mi Anutugören Buña keu. Mi mewöyök mönö

* 6:5: Kol 3.22-25 * 6:9: Dut 10.17; Kol 3.25; 4.1 * 6:14: Ais 11.5; 59.17 * 6:15: Ais 52.7 * 6:17: Ais 59.17

buña qem aŋguba urukönömŋine ala bimŋini miaŋön qemakŋe. ¹⁸ Wahöjambaŋini pakpak mi löŋgöt aŋguba mönö nalö dop Anutu köuluköba qesiba malme. Uña Töröŋan eŋguasöta inahöm eŋgimakzawaŋgö dop mönö uletnöŋ sahöt waŋgimakŋe. Mönö pöndaŋ uruguliguli mala sundan Anutugö ambazip sarakŋi pakpak yeŋgöra aka kapaŋ köla köulukömakŋe.

¹⁹ Nöŋgöra mewöyök kewö köulukömakŋe, “Anutu, gi mönö keu kötŋi diŋdiŋi Pol waŋginöŋga göhö Ölöwak Buŋagi tölapŋi mi keu jitŋan jimawaŋgö dop jim asariba awösamkakahök kinda uru kuŋgum eŋgimakŋa.” ²⁰ Nöŋön Ölöwak Buña miaŋgöra aka Anutugö jitŋememe azi bohonŋi akzalmö, nupŋi memakzalaŋgöra aka nalö kewöŋe kösö mire tatzal. Miaŋgöra Buña keu mi Anutugö jeŋe dop kölmawaŋgö dop awösamkakahök jiba malmangöra mönö köuluköba malme. Mewö.

Yaizözkök keu teteköŋi

²¹ Wölböt alani Tikikus yaŋön nöŋgö kösohotni alma. Yaŋön Kembubuk qekötahöba nupŋi memburik-qemburikŋi qahö memakza. Kiaŋgöreŋ denöwö aka memba tarakzali, mi pakpak jiiga iŋini mewöyök mi mötme. ²² Neŋön denöwö maljin tatzin, iŋini kösohot mi mötmegöra Tikikus melaim waŋgibiga Efesus eŋgöreŋ kama. Yaŋön kaba urukölalep eŋgiiga ölop böŋjöŋ malme.

²³ Iwi Anutu aka Kembu Jisös Kraist yetkөн mönö urumelen alaurup eŋgöreŋ luai qeba urukalem ak eŋgiba mötnariŋini mem köhöimakŋa. ²⁴ Ambazip Kembunini Jisös Kraist nalö teteköŋi qahö jöpaköba malmei, Anutugö kalem möriamŋan mönö körek embuk ahöba ahöm öŋgöma. Mewö.

Filipai Kimbi **Polnön Filipai yeŋgöra Kimbi alök.** **Jim-asa-asari**

Polnön misin nup liliköba meiga indimni yahöt aiga Eisia Mainö (Töki) mosöta Yuröp gölmenön anök. Anda Rom prowins qetnji Masedonia miangören uruñini kuñgui melengetka Kraistkö könagesö mutukni mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qakne tariga nup meme ambazip tosatjan tuarenjon ak wañgiget. Mi ak wañgigetka tosatjan Filipai uruñe mewöñanök keu goñgonji kusum engigerangöra waimanjat mörök. Nalö miangören Buña Kimbiñi ki Filipai mötnarip könagesö yeŋgöra ohoyök. Waimanjat mörökmö, töndup urukölalep keu aka urunañgönañgö keu ki sösöngai qakne ohoba alök.

Polnön kösö mire tariga Filipai mötnarip könagesö yeñön bauköm wañgibingöra kalem alget kayöhi, yañön miangö saiwap jim engimangöra Kimbi ki ohoyök. Mi ohoba toroqeba urunañgönañgö keuñi gwötpuk mohotne alök. Nanñak köñjiliñ könañi könañi möriga Filipai yeñön Polgö keuñi mi mötketka töndup köhöiba awösamkakak kinmegöra uru nañgöm engiyök. Goro keu tosatni kewö: Nanñini sileñini memba öngöba aiweliköbepuköra mönö galöm memba malme. Dogo jimamon möta toroqeba nepaqepalok köpösöngöbepukmö, Jisös ewö uruñini mem et al anguba malme. Keu ki ölüm engubapuk: Kraistpuk qekötahöba kinjei, mi Anutugö kalemni akza. Juda yeñön Mosesgören Köna keu areñi tem köla wuatangöba Anutugöra silik yuai ahakzemö, urumelen alaurup enön mewö qahö. Enön mönö Anutu möt narim wañgigetka kalem möriamni söngöröñi qahö engiiga buña qem anguba mewö miangön malmal dölökni miwikñaiba malje. Denike yeñön Kraistpuk qekötahöba maljei, Anutunön mönö i luai qem engiiga söngaiba malme.

Kraist möt nariinga Anutunön urusösöngai nenggiiga ölöp awösamkakak qakne mal köhöibin aka urumelen alaurup yembuk mohotne kapan köla köhöiba kinbin. Polnön miangö keuñi mi gwötpuk ohoyök. Polnön Filipai könagesö yeñgö waikniñi köhöikni membingö möta malöhi, miangö keuñi mi mewöyök aukne ohoyök.

Buk kianañgö bahöñi bohonñi 7 mi kewö:

Keu mutukni 1.1-11

Polnön denöwö aka malök 1.12-26

Kraistpuk malmalgö könañi 1.27-2.18

Timoti Epafroditus yetkö nup areñi 2.19-30

Tuarenjon yeñön tilipköm engigetka etpepuk 3.1-4.9

Polgö alaurup Filipai malgeri, yeñgö keuñini 4.10-20

Kimbigö keu kötni bohonñi 4.21-23

¹*Pol Timoti netkön Kraist Jisös welenñi qeba maljit.

Urumelen könagesö sarakni pakpak Kraist Jisösbuk qekötahöba kinda Filipai sitinön maljei, niri embuk aka engö bohonñini (bisop, pasto) aka Buña nup meme ambazip tosatni (dikon) embuk keu eraum mötpingöra möta kimbi ki ohozal.

² Anutu Iwinini aka Kembu Jisös Kraist yetkön kalem möriam engiyohotka luainön malmegöra mötzal.

Polnön Anutu möpöseiba köuluköza.

³Nöñön mötmörim engimakzalañgö dop Anutu möpöseimakzal. ⁴Nalö dop körek pakpak engöra Anutu köulukömakzali, mi mönö sösöngai qakne köulukömakzal. ⁵Nöñön Anutu kewögöra möpöseimakzal: Inini Ölöwak Buñanön qekötahögeri, nalö mutukni miangörenök

* 1:1: Apo 16.12

könahiba nömbuk bim qeba kötöngöm ningiba mala kota malje. ⁶ Anutunöŋ uruŋine nup ölöŋŋi könahiba memba maljawi, mi mönö toroqeba meiga Kraist Jisösnöŋ kunbuk asuhumapkö nalöŋe teköma. Mewö möt narim köhöiba Anutu möpöseimakzal.

⁷ O seŋŋini nemi, wölböt alaurupni akzeangöra körek iŋini mewö mötmörim enŋibiga ölöŋŋanök dop kölja. Anutunöŋ nup ningiiga kösö mire tarakzal me awörök nöŋön Ölöwak Buŋagöra bim qeba eŋololon keu qeapköba keu ölnan jalöŋi memba köhöimapköra lilikömakzal. Mewö me mewö ahakzali, körek eŋön mönö nömbuk kingetka kalem möriam miyöknöŋ dop köl enŋiiga nupni nanŋögetka mohotŋe simbawon akzin. ⁸ Kraist Jisösnöŋ iŋini jöpaköba inahöm enŋimakzawi, nöŋön mi möta mianŋö qakŋe kinda körek enŋöra ak ningiiga enŋekŋangö kapan köla maljal. Mewö jibiga keu ölni jizali, mi Anutu nanŋak ölöŋ nanŋöm ningiba jima.

⁹ Nöŋön enŋöra kewö köulukömakzal: Anutu, gi mönö Filipai alaurup inahöm enŋinöŋga toroqeba köhöiba jöpaköm anŋugetka urukalemŋinan qarim sehima. Mewö aiga ölöŋ köna ölni ek kutuba eŋololon keu mosöta malme. ¹⁰ Mewö mala ölöŋ keu kewöta köna ölöŋ sorokŋi möwölöhöba sarakŋi aka köpösihitkö keuŋini qahö mal öŋgöme. Kraistnöŋ liliŋöba kamawi, nalö mianŋöreŋ lömbötninan teköma. ¹¹ Jisös Kraistnöŋ ahakmeme solanŋi nam köliga mianŋö ölni asuhumakŋa. Ölni mianŋön uruŋini kokolak qeiga ambazipnöŋ mewö enŋeka Anutu möpöseigetka qetbuŋanjan sehimapköra köulukömakzal. Keu mi ölna.

Pol kösö mire algetka Buŋa keunöŋ köhöiyök.

¹² O urumelen alaurupni, eŋön nöŋgö könani möt kutumegöra kewö möta ohozal: Yuai bölöŋi nöŋgöreŋ asuhuyöhi, mianŋö buzupŋan sehiiga Ölöwak Buŋaninan ambazip dop köl enŋiiga nupninan töhötmöriamŋambuk akza. ¹³* Ni Kraistköra aka kösönöŋ gwaröhöm ningigetka Rom kianŋöreŋ tatzali, keu mi yarö azi pakpak sisa-kiŋgö jakömbuak miri galöm memakzei, yeŋön mötze aka mewöyök ambazip tosatŋi gwötpuk yeŋgö kezapŋine geiga möt teköze.

¹⁴ Toroqeba ölni kewö asuhuyök: Urumelen alaurupninan kösö mire tatpi Kembunöŋ bauköm ningimakzawanŋö keuŋi mötket. Mi möta sehisehiŋan Kembubuk qekötahöba kinda köhöiba kapan köla awösamkakak aket. Mewö aka Anutugöreŋ keu keŋgötŋi qahö jim sehiŋgetka toroqeba anakza.

¹⁵ Tosatŋan nöŋgöra mötket öŋgöiga urusihim sarakŋe kinda Kraistkö könaŋi jim asari-makzemö, tosatŋan nöŋgöra aka uruŋinan mututqutut möta andö nuŋguba anŋururuk akingö mötze. ¹⁶ Alaurupni ölni yeŋön nöŋgö könani kewö mötze: Anutunöŋ kuŋgum ningiiga awörök nöŋön Ölöwak Buŋagöra bim qeba eŋololon keu qeapkömakzal. Mewö möta jöpaköm ningiba nanŋöm ningimakze. ¹⁷ Andöqeqe ambazip yeŋön nanŋinanŋörök mötmöriba töwagöra möndögetka uruŋinan tölöhoiga Kraistkö könaŋi mewö jim asari-makze. Mewö aka kösö mire tatzali, nalö kewöŋe anŋösirip toroqeba ak ningibingö mötze.

¹⁸ Mewö mötzemö, mi muat. Kraistkö könaŋi mi yuaigöra möndöba silebile aka me Anutu törörök tem köla jim asariŋgetka mötŋi dop kölja. Mewö me mewö ahakzei, urunan mönö mianŋöra ölöwahiga ölna söŋgaizala söŋgaimakŋam. ¹⁹ Söŋgaibiga nöŋgöra köulukögetka Jisös Kraistkö Uŋa Töröŋan nanŋöm ningiiga ölöŋ pösat ningigetka etmamŋö tandök mötzal. Mewö asuhumapköra möta mianŋöra mewöyök söŋgaimakzal. ²⁰ Yuai kun aka gamu miwikŋaibilenŋbuköra mönö jörömqöröm aka maljal. Gamu qahöpmö, nalö dop Kraist möpöseiba malali, mianŋö dop nalö kewöŋe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakŋe Kraist möpöseibiga qetbuŋanjan qarimakŋa.

²¹ Malmam ewö, malmalni mönö Kraistkö qetbuŋanjan qarimapköra aka malmam. Nuŋguget kömumbilenŋak ewö, mianŋön mönö mem ölöwak ningiiga oyaenŋkoyaen akŋam.

* **1:13:** Apo 28.30

²² Mewö akilenjakmö, gölmenöj silebuk malmam ewö, mönö urugö nup membiga toroqeba öljambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal. ²³ Malmal aka kömup sutñire pañpañgöba maljal. Kraistpuk eu malbilenjak, mianön mönö yuai pakpak onçita möriam ketanji ak niñgibawak. Miangöra gölme mosötmamgö sihimñi möta maljal.

²⁴ Mewö maljalmö, silebuk qeköriba malmam ewö, mianön mönö injini bauköm engibiga ölni engörenj asuhuma. Kömumbilenjak, mianön mönö injini qahö bauköm engibawak. ²⁵ Mewö möt narim köhöiba miangöra nehorigetka toroqeba mala körek injini bauköm engiba malmamgö mötzal. Bauköm engibiga mötnariñinanangö öljän mönö qarim köhöiiga ölop önöñi qahö söñgaiba malme. ²⁶ Mewöyök Kraistnöj nehoriiiga kunbuk engörenj kabiga injini ölop nöngöra aka Kraist Jisös önöñi qahö möpöseim wangiba malme. Mewö.

Mötnariñinan köhöimapköra bim qeba malme.

²⁷ Ahakmemeñini mi mönö Kraistkö Ölöwak Buñanjan aködamunñambuk akñawangö dop aka memba malme. Mewö malgetka engörenj kaba engekñami me qahö kaba sikep mala keu buzupñini mötpi könañini kewö ahöi dop kölma: Injini mindimindiri arenj mohotkö keu jöhöba urumohot aka kinme. Mewö kinda Ölöwak Buñagö keu öljän sömböleibapüköra öröröñ jöhöba bim qeba malme. ²⁸ Mewöyök tosatñan tuarenjonj ak engimakñei, enön mönö keu jitñini könañi könañi miangöra kude töwöratigetka uruñinan kude etma. Könañamñini mewö mötpi dop kölma. Anutunöj kukösum ençiiga tuarenjonj ambazip yeñön könañamñini eka kewö möt asarime: Nanñini et ençiiga ayuhugetka Anutunöj meköm neñçiiga oyaençkoyaenç aka malbin.

²⁹ Anutunöj arenji al ençiyöhi, mi kewö: Injini Kraist möt narim wangiba likepñi söñgaiba likepñi yangöra aka sihimbölä möta malme. ³⁰ *Nöñön mötnaripkö bim mutuk embuk mala qeali, neket aka nalö kewöñe toroqeba qemakzalançgö keu buzupñi ki mötzei, injini mönö bim miyöhök nömbuk tönguba qeba malje, mi mötzal. Mewö.

2

Kraistkö dop nanñini mem et al anguba malme.

¹ Injini Kraistpuk qekötahöba kinjeangöra mönö uruñini nançöm angubingö qambañ miwikñaime. Urukalemñini mianön mönö urukölalep ak angumakñe. Uña Töröñambuk ösupköba kinda waikñini memba ak kömum angumakñe. ² Mewö akzeangöra mönö mötmöt mohot wuatangöba öröröñ jöpaköm anguba luainöñ malme. Urusihimñini mönö mötmöt arenj mohot akingöra jöhöme. Keu mewö jöhöba urumohot aketka ölni asuhui möta nöñön engöra önöñi qahö söñgaiba malmam.

³ Öroyuai nanñinançörök öröbingö sihimñan mönö kude nam köl ençima. Nanñini qetbuñanjan qarimapköra mönö silenini kude memba öngömemö, uruñini memba et ala tosatñi yeñgöra mötketka öngömakña. ⁴ Injini mohot mohot mönö nanñini uruñinanök ölöwakñapköra kude mötmörimemö, tosatñi yeñgö uruñinan ölöwakñapköra mewöyök kapañ köla mötmörim yaköme. ⁵ Kraist Jisösnöj gölmenöj maliga imbi mötmöt ahöm wangiyöhi, miyöhök mönö engörenj ahöi mi wuatangöba malme.

⁶ Anutugö kaisongolom tandökñi ahöm wangii malökmö, töndup Anutugö dop malöhançgörenj qahö möndöba aiweliköba malök.

⁷ Mewö qahöpmö, nançak ançeba Anutugö asakmararanji mosöta eta melençda azi tandök asuhuba welençqegegö kaisongolomñi memba malök.

Mönö gölme azi nanini tandök aka malök.

⁸ Mewö mala uruñi memba et al anguba Iwiñangö keu jitñi nalö dop tem köla malök. Mewö maliga gamu qem wangiba “Maripomnöñ qebin,” jigetmö, nalö miançgörenj mewöyök tem köl teköyök.

* 1:30: Apo 16.19-40

⁹ Mewö tem köla malöhangöra aka Anutunöŋ wanŋiriga euyangöŋ öngöba tariga qetbuŋa wanŋiyöhi, mianŋön qet tosatŋi pakpak enŋonŋita aködämunŋambuk akza.

¹⁰ *Anutunöŋ qetbuŋa öngöngöŋi mi kewögöra wanŋiyök:

Ambazip körek pakpak neŋön mönö qet mianŋöra aka nalö kunöŋ simin köla möpöseim wanŋibin. Tosatŋan Suep mire euyangöŋ malje. Tosatŋan gölmenöŋ ki maljin. Tosatŋan kömumba unem mire me senjom mire malje. Neŋön mönö körek makörek mindiriba sipköba simin köl wanŋibin.

¹¹ Körek nini simin köl wanŋiba numbu nesilam dop Iwi Anutu aukŋe göda qebingöra qetŋi jim miwikŋaiba kewö jibin,
“Jisös Kraistnöŋ mönö Kembu ak neŋgiza.” Mewö.

Jisösgö asakŋi mi ambazip sutŋine kondela malme.

¹² Mianŋöra wölböt alaurupni, iŋini mönö Kraistkö söpsöpŋi wuatangöba mianŋöŋ kude sörauba etme. Nalö dop Anutugö keu tem köla letota malgeri, mianŋö dop silik urumelen ambazip enŋöŋ dop kölŋawi, mi mönö kapan köla wuatangöba urugö nup memba malme. Nöŋön embuk malali, nalö mianŋöŋ Buŋa keu ölopŋanök köl guliba zeŋ kinda malget. Enŋömosöta sikep maljalangöŋ mönö mewöŋanök Anutugö jeŋe sömbuŋinambuk möta jönömŋini unduiga pöndaŋ nup mi mem soroköba malme.

¹³ Anutunöŋ nanŋak mönö iŋini sundan sölölohöba nam köl enŋiba nanŋi areŋangö dop uruŋini kuŋgumakza. Mewö urusihimŋini Anutu dop köl wanŋimawanŋö dop ahuiga inahöm enŋiiga nupŋi megetka ölni asuhumakŋa.

¹⁴ Galömurupŋini yembuk keu mekömpötak kude aka malme. Jimonŋot aka urunöŋ ihururuk laŋ kude ahakŋemö, areŋini pakpak mönö uruyahöt ziaŋpiak mosöta töp memba malme. ¹⁵ *Ahakmemenŋinan mönö köpösihitkö keuŋi qahö sarakŋi aka memba malme. Ambazip gonŋonŋi misimkaulup merak gölmenöŋ maljei, iŋini mönö yeŋgö sutŋine Anutugö nahönböŋat solan sorokŋi malme. Senŋelau suepnöŋ eu asarizei, iŋini mönö mewöŋanök gölmenöŋ silik ölopŋi aka mianŋön ambazip asarim enŋiba malme.

¹⁶ Mewö mala malmal köhöikŋangö Buŋa keuŋi töp memba ambazip enŋibingö jöjöröba malme. Mewö malgetka Kraistnöŋ lilingöba kamawi, nalö mianŋöŋ nöngö könaŋamnan aukŋe kewö asuhuma, “Mönahot azinöŋ aonŋitnöŋ luhut almangöra ösumŋi qezaköba anakzawi, nöŋön mianŋö dop urugö nupköra sile qeba mem köhöiba malal. Mi öne töhöntöhön qahö memba malalmö, ölni asuhuyök.” Könaŋamni mewö asuhuiŋa ölop nani sileni enŋöra aka möpöseimam.

¹⁷ Nöŋön malmalni kölenŋa tököba enŋiba Anutugö nupŋi tem köla memba malal. Mewö malbi iŋini uruŋini melenŋa Anutu möt narigetka mianŋö ölni asuhumakza. Mianŋöra Rom gawman yeŋön keuni jim teköba sömbup ewö nuŋguba jöwöwöl ohoho ewö ak niŋgibeak. Silenangö sepni mewö mokobileŋak ewö, mi mönö o ewö öne töhöntöhön qahö gebawak. Enŋö mötnariŋ nupŋinanŋö ölnangöra aka mi mönö aködämunŋambuk ahiga dop köl bawak. Mianŋöra nuŋguget kömumbilenakmö, urunan mönö töndup söngaimakzal aka körek embuk mohotŋe söngaimakin. ¹⁸ Mewöŋanök iŋini tok mönö söngaima aka nömbuk köiraŋ ala söngaiba malbin. Mewö.

Timoti melaiŋbiga Filipai enŋöŋ kama.

¹⁹ Kembu Jisösnöŋ nöngöra möri dop kölma ewö, mönö zilaŋ Timoti melaimangö möta jörömqöröm akzal. Enŋöŋ kaba denöwö maljei, mi möta lilingöba kaba jii möta nöngö imbinan mewöyök ölöwak soroköbawak. ²⁰ Mötnariŋŋine köhöize me löwörizei, yeŋön nanŋök enŋöra waimanŋat mewö möta nöngö qöhöröŋne kinja. Tosatŋan ki maljei, yeŋön mönö “Nanŋini manŋatŋina,” jiba qahöp mahöp kötöngöm enŋibingö mörakze. ²¹ Yeŋön körek nanŋinanŋö yuaigöra möta mi köl öröba mem qaribingöra jaram timakzemö, Kraist

* 2:10: Ais 45.23 * 2:15: Dut 32.5

Jisösgö nupñan ölnambuk ahakñapköra qahö kapan kolakze. Mönö qemasolokep lan malje.

²² Lan maljemö, Timotinöñ könañi ölopñi kondelöhi, mi nanñinak möt yaköze. Nahönöñ nanñi iwiñi welen qem wañgimazawi, yañön mönö miangö dop ni Ölöwak Buña nupkö bauköm niñgiba malök. ²³ Miangöra Rom gawman yeñön nöngö keu denöwö ak niñgibingö jöhömei, mi mötagun mönö ölop Timoti melaibiga zilañ engöreñ kamapkö jörömqöröm akzal. ²⁴ Nanak mewöñanök Kembubuk kinda nalö kude köriiga engöreñ kamangö awösamkakak mewö möt narizal.

Epafroditus melaibiga Filipai engöreñ kama.

²⁵ Nöñön yuai jaruba osiba malbiga eñön neñakni Epafroditus melaigetka kaba nañgöba bauköm niñgiyök. Yañön nöngö qöhöröñne nup memba bim qeba malökmö, toroqeba jöhöm wañgibileñak, miangön qahö dop kölbawak. Mewö mötmöriba urumelen alani i nalö kewöneyök melaibiga engöreñ lilingöba kama. ²⁶ Yañön körek iñini engekñangö kapan köla malja. Kawöl yöhöi ahöyöhi, iñini keu mi mötket engöreñ lömböriiga möta miangöra urueret malja. ²⁷ Yañön ölna kawölbuk ahöba kömupkö jitñe ahöyökmö, Anutunöñ ak kömum wañgiiga ölöwahök. Anutunöñ Epafroditus iyök qahö ak kömum wañgiyökmö, ni mewöyök nehoriba mem amqem niñgiyök. Yañön kömumbawak ewö, nöngö wösöbiriknan mönö sehii qaknöñ qaknöñ öngöi malbilenak.

²⁸ Iñini Epafroditus eka kunbuk söngaigetka nöngö wösöbiriknan mewöyök amqemapköra mötzal. Miangöra nalö kewöneyök zilañ melaibiga engöreñ kama. ²⁹ Iñini Kembugö ambazipköra önöñi qahö söngaimakzei, sösongai miangö qakñe mönö yañön kaiga köl öröm wañgime aka nup meme ambazip mewöñi mi mönö göda qem engiba malme. ³⁰ Yañön Kraistkö nupköra aka kömupkö jitñeyök öngöba kömum taköyök. Iñini ni nañgöba bauköm niñgibingö mötketmö, mi osigerangöra yañön engö salupñine mewö ak niñgimangöra kaba malmalñi mosöta ayuhum taköyök. Mewö.

3

Solanñi akingö köna ölni mi kewö:

¹ O urumelen alaurupni, keu kötni kewö toroqeba jimam: Mönö Kembubuk gekötahöba söngaiba malme. Keu mi dumñe kunbuk ohom engimangöra qahö ölan nöhöza. Ambazip tosatñan tilipköm engibepuköra mi ohom engibiga ölop dop kölja. ² Zioz nup meme ambazip bölöñi yeñgöra mönö galömñini memba malme. Yeñön urumelenö kopa ambazip sutñine liliköba uruñini kuñguba kewö jimakze, “Anutugö buñañi akñegöra mönö aiwesökñi silenine yandime.” Mewö kapan köla keuyök jiba kiam ewö kohop köla “Könagesö walñi akzin,” jiba öne töhön jimakze.

³ Yeñön Anutugö jeñe qahö diñgize. Silenine aiwesök miyök yandim engigetmö, ölnan mönö neñgöreñ kewö asuhuyök: Anutugö Buña keuñan urunini mesiñnöhi, neñön mönö yañgö urumelen könagesö ölbölñi aka maljin. Anutugö qetñe silenine aiwesök al neñgigeri, neñön miangö qakñe qahö kinda tönguba möt narimakzinmö, Kraist Jisösnöñ amöt qem neñgiyöhi, miangöra mönö silenini mem öngömakzin. Anutugö Uña Töröñan inahöm neñgiiga amqeba Anutugö waikñi memba möpöseimakzin.

⁴ Tosatñan sileninañgö yuainöñ tönguba Anutugö buñañi akingö möt narize, nöñön mönö i engonñitzal. Miangöra ölopñanök korua ewö terereñgöba gingini memba wahöta aiweliköbilenak. ⁵ *Nöngö aködamuni kewö: Nöñön Israel ambazip kambu uruñe jitñememe kun akzal. Isik bömöni qetñi Benjamin. Iwinamni Hibrü ambaziwa. Nöñön yetköreñök ahuba Hibrü azi ölni akzal. Asuhuba ahöbiga wehön 8 aiga miangöreñ silenine yandiget. Farisi aka malalangöra Mosesgöreñ Köna keu mi törörök wuatangömangö kapan köla malal. ⁶ Farisi mala urunan uturuñgöba könöwiiga urumelen könagesö mi

* 3:5: Apo 23.6; 26.5; Rom 11.1, 6; Apo 8.3; 22.4; 26.9-11

ölña sesewerowero ak enğiba malal. Mosesgören Köna keu tem köla wuatangöba diñdiñi akinak ewö, nöñön mönö miangö dop köpösihitkö keunji qahö solanji malal.

⁷ Yuai mi mötpi öngöiga miangören tónguba möt nariba malalmö, uruni melenđa mi pakpak mosöta zuen jizal. Nalö kewöñe Kraistnöñ amöt qem niñgii letorali, miangöra mönö mötpi öngömakza. ⁸ Kembuni Kraist Jisös möt kutuba oyaenköyaen akñami, mi möt kewötpiga bohonji öngöñgöñi ewö akza. Miangöra malmalni walñangö aködamun yuaini pakpak mi Kraist toroqeba miangören mosöta zuen jizal. Kraist miwikñaiba nöñgören yuai pakpak mi mötpiga nesak irip töhön ewö aiga qepureiba andöne gilal.

⁹ Tosatñan “Mosesgören Köna keu tem köl teköba mewö mianñon naninak diñdiñi akin,” jizemö, nöñön dop miangören solanji kunbuk qahö maljal. Nalö kewöñe Kraist möt naribiga Anutunöñ mewö mianñon keuni jim teköi solaniba maljal. Mötnarip qakñe malbiga Anutunöñ ak kömum niñgiba jim kutuiga siñgisöndoknañgö keunjan kömuiga maljal. Kraistpuk qekötahöba kinda malbiga Anutunöñ nöñgö könañamni mewö miwikñaimapköra kapañ kölakzal.

¹⁰ Nöñön Kraist kewö möt kutumangöra kapañ kölakzal: Sihimbölö möröhañgören yambuk toroqemamgö jöjörözal. Sihimbölö möta kömuyöhi, nöñön tandök miyöhök kömumba mewö mianñon yañgö tandök ewö akñamgö jöjörözal. Kömumba wahöröhi, yañgö ösumñi mianñon mönö tilingöm niñgiiga köhöimamgö mötzal. ¹¹ Kömumbiga Anutunöñ mem gulim niñgii kömupnöhök wahötmamgö jörömqöröm akzal. Mewö.

Mönö aonğitnöñ kapañ köla tohotnöñ anme.

¹² Nanañgöra kewö qahö jizal, “Anutunöñ tohot alöhi, miangören lök kañgota urumelenğö aködamunñi pakpak miwikñaiba maljal.” Mewö qahö aka maljalmö, Kraist Jisösnöñ luhut ala nömeyöhañgöra mönö oyaenköyaenji buña qem añgumangöra kapañ kölakzal.

¹³ O urumelen alaurupni, Anutugö tohot miangören qahö añgot teközali, mi mötzal. Mohot kewöya möta ahakzal: Yuai köteköba andö qeali, mi ölum nunğuga Anutunöñ yuai mesoholne ali ahözawi, mönö miangören göröken ösumnan anmamgö awöwenğömakzal.

¹⁴ Anutunöñ euyangören öngömamgö nohola tohotñi mewö al niñgiyök. Miangöra Kraist Jisösnöñ amöt qem niñgiyöhañgöra nöñön esapesapnöñ köhöiba luhut ala Anutugö tohotnöñ añgotpiga yañon ila jalö nöropne köl niñgima. Mi memangöra awöwenğöba tohot miangören göröken diñdiñanök uraköba ösumni qezaköba kiñkiñgömakzal.

¹⁵ Miangöra urugö aködamuninambuk akzini, Anutunöñ nini körek mötmöt mohotkö qakñe Kraist möt kutuba malbingö mötza. Keu kungöra mötmöt imbi murutñi kun ahöm enğibawak ewö, Anutunöñ mönö keu miangöra denöwö mötketka dop köljawi, mi mewöyök jim indel enğima. ¹⁶ Mewö qahöpmö, enğören waimanjat bohonji mi kewö aiga dop kölma: Nini nalö köröpñi me töröpñi urunini melenđa Anutugö könanöñ mala korini, mönö ahakmemegö köna mohot miyök toroqeba aninga dop kölma.

¹⁷ *O urumelen alaurupni, nöñön ahakmemeni ahakzali, iñini mönö ni neka nöñgö silikni mi wuatangöba malme. Neñön silik ölopñi kondel enğiinga tosatñan miangö dop tiba öröm enğimakzei, iñini mönö yengören uba engek kutuba malme. ¹⁸ Ambazip kelenmalelen yañon ahakmemeninan Kraist kerök ak wañgiba nanñini imbi-imbi lañ malje. Maripomnöñ kömuyöhi, miangö könañi tim koyonaniba malje. Keu mi nalö gwötpuk janjuñ akepuköra jibi mötketmö, nalö kewöñe mi sahöta imbilni eriga jizal.

¹⁹ Sileñinañgö sihim kömbönañini bölöñan bemñini akza. Yuai gamuñambuk ahakzei, miangöra mötket öngöiga aködamunñina aiga söñgöröqök akze. Urumötmötñini gölmegö yuainöñ jöhögetka gwaröhöm enğii lañ mala teteköñe könöp sianöñ game. ²⁰ Yeñon emu gememö, tosatñi neñgö mindimindiri tohoñnini mi Suepnöñ eu ahöza. Gölmeneñ kiannji aka kusukñanök mala Kembu Jisös Kraist Amötqege Toninan kunbuk asuhuba neñguañgitmapköra mambörakzin. ²¹ Yañon neñgören gölme silenini etqegeñi ki melenñiga

* 3:17: 1 Kor 4.16; 11.1

nanji Suep sile asakmararanambukö tandök akña. Kukösum mewöni mi Kraist ahöm wanğiza. Yanön kukösum mewöni mianön ambazip aka gölme Suepkö öröyuai pakpak mi ölop köhöiba memba et al nenğiiga yangö nembö bapne aninga galöm köl nenğiiga malbin. Mewö.

4

Qambañ keu tosatñi

¹ O wölböt alaurupni, mewö asuhumapköra Kembunöñ mönö bauköm enğiiga böñ qeba köhöiba kinme. Nöñön engöra ak nınğiiga engekñangöra kapan kölakzal. Inini sösongai ak nınğiget. Sutñine nup mealangö ölni asuhui kondelgetka Anutunöñ mianğö töwa nenğimawi, mianğöra mönö söngöröqök aka söngaimakzal.

² Jitñememe ambi yahöt Yuodia Sintike, etkön jula anğururuk aka maljahot, mewö möral. Mianğöra nöñön uruniri kewö kuñguzal: Iniri Kembubuk mohot kinjahot, mianğöra mönö urumohot aka malmahot. ³ O nejakni ölni, nupkö könjöni mohotne bisiba maliri, gi mewöyök kewö qesim gihizal: Ambi yahöt mietkön urumohot akñahotköra mönö bauköm etkiman. Yetkön nömbuk Ölöwak Buña köhöiba sehimapköra bim qeba malohot. Yetkön Klemen aka nejakurupni tosatñi yengö qöhöröñine mohotne bim qeba malohot. Tosatñi yengö qetñini mi malmal köhöikñangö buk papianöñ eu ahöza.

⁴ Nalö dop mönö Kembubuk kinda söngaiba malme. Söngaimel! keu mi dumñe kunbuk jizal.

⁵ Inini mönö guñböñjönjön qakne ambazip ak enğigetka körekñan tandökñini mi mötme. Kembunöñ lök kamangö dopdowiza. ⁶ Yuai kungöra mönö könjiliñ kude möta malmemö, yuai pakpak mianğoreñ qeqesini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷ Anutunöñ uruluai enğizawi, nini mianğö könañi möt kutubingö osimakzin. Mi mötkutukutunini pakpak onğita qainñi kun akza. Kraist Jisösbuk kingetka Anutunöñ mönö urunini aka keu mötmötñini sel jöhöba kölközizip mem enğiiga malme.

⁸ O urumelen alaurupni, keuni jim tekömamgö aka qambañ keu kewö jizal: Anğöjörak keu kude mötmörimemö, yuai pakpak göda qeinga aködamunñambuk akzawi, urunini mönö mianğoreñ jöhöba malme. Keu ölni, keu diñdiñi aka sarakñi mia mönö mötmöriba malme. Keu ehöhölöñi sihimninan mörakzini, mianön mönö urunini kokolak qeiga kinme. Keu ewebibiñambuk möpömöpösei ahumawangö dop akzawi, urunini mönö mianğoreñ qekötahöba malme. ⁹ Nöngö ahakmemeni eka Buña keuni möta uru könömñine ala buña qem anğugeri, inini mönö mi köl guliba aka memba malme. Mewö malgetka luai Toñi Anutu yanön embuk kinma. Mewö.

Polnöñ Filipai yengö kalemñinangöra saiwap jiza.

¹⁰ Nöñön Kembubuk qekötahöba kinda engöra uruölöwak ketanji mötzal. Inini mutuhök ni köyan köla moneñ nınğibingö sihim möta malgetmö, denöwö akingö köna jaruba osiget. Nalö köröpñi osiba malgetka Kembunöñ nalö kewöñe urunini mem guliiga amqeba kunbuk bauköm nınğiget. ¹¹ Silenangö lömbötnöñ tata osibileñak, mianğöra keu ki qahö jizal. Nöngoreñ yuai ahözawi, nöñön mönö miambuk uruluainöñ böñjön malmamgö mötzal. ¹² Ni jaram tiba luainöñ malal aka malmal pomñi siyonşayonji qahö mala luainöñ malal. Miri dop nalö dop uruni böñjön köli malmamgö mötzal. Nem timbireñ akileñak me bödi (buörö) tatpileñak, mianğöra mönö uruni qahö memba et al anğumakzal. Yuaini kelenmaleñ me boromñi ahöm nınğibawak, mi muat. Mönö ölop böñjön malmam. ¹³ I me wai kun asuhubawak, Kraistnöñ mem köhöim nınğiiga yuai kunñan kun mönö qahö memba et al nınğiiga ölop malmam.

¹⁴ Töndup könjiliñni mianğö uruñeyök alabauk aka mem amqem niñgigetka dop kölök.
¹⁵ *Filipai iñini mewöyök nöngö könani möt kömuze. Nöñön könahiba liliköba Ölöwak Buña nup memba embuk Masedonia prowinsnöñ mala engömosörali, nalö mianğöreñök könahiba mötnarip könagesö tosatñan ni silegö yuañinan qahö nañgöm niñgiget. Nöñön urugö Buña engibiga buña qem anğugetmö, silegö likepñi kun qahö melen niñgiget. Filipai urumelen könagesö iñini mohotñan mönö nömbuk jöhöjöhö aka malmalni nañgögetka naluk monenini buña qem anğuba malal.

¹⁶ Nöñön yuaigöra osiba malali, iñini mi nöngöra algetka Tesalonaika sitinöñ kayök. Indim mohot qahöpmö, indim yahöt silenangö yuaigöra osiali, mi algetka nöngöreñ kayök. ¹⁷ Engö inap kalemñinañgöra köpösöngöbilenak, mianğöra keu ki qahö ohozal. Anutunöñ engö alabaukñinañgö likepñi melen engimakñawi, nöñön mönö ölni mi engöreñ sehimapköra mötzal. ¹⁸ *Enön nalö kewöñe yuai algeri, mi buña qem anğuba nöngöreñ yuai pakpak mianön mönö dopni onğita gwötpuk ahöm niñgiza. Epafroditus yañön engö alabauk kalemñini memba kaba niñgiiga möriamnambuk aka maljal. Iñini naluk kötiniñni algetka yañön memba kayöhi, Anutunöñ mianğö sihimñi möri ölop dop kölja. Anutunöñ engö nalukñini möt anğön köli wöronñi ölopñi umköhöwakñambuk aka yañgö jeñe pukpüköiga söngaimakza.

¹⁹ Nöngö Anutunan töhötmöriam pakpakö Tonji akza. Yañgö köweñe yuai pakpak mi teteköñi qahö ahöza. Mianğöra iñini Kraist Jisösbuk qekötahöba kinda yuaigöra osizei, mi pakpak mönö ahöm wañgizawañgö dop engimakña. ²⁰ Mianğöra Anutu Iwinini mönö nalö dop möpöseimakin. Mewö ahinga Anutugö qetbuñañan nalö teteköñi qahö sehimakña. Keu mi ölna.

Yaizözkök teteköñi

²¹ Nöñön yaizözkökni alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizözkökñini algetka engöreñ kaza. ²² Anutugöreñ ambazip sarakñi tosatñi pakpak ki maljei, yeñön yaizözkökñini algetka engöreñ kaza. Yeñgöreñök tosatñan sisa kiñgö jakömbuak mire nup memakzei, yeñön mönö mewö möta kapañ köla jize.

²³ Kambu Jisös Kraistkö kalem möriamñan mönö embuk ahöm öngöba uñañini kötuatkömakña.

Kolosi Kimbi Polnön Kolosi yengöra Kimbi alök. Jim-asa-asari

Kolosi mi Eisia prowinsgö taon kun. Mi Efesus siti miangörejök wehön kotkotne göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangörej yambu karöbut Buña nup memba Kolosi yengöra mewöñanök waimanjatnji möta malök. Könañgep Kolosi tosatñan uruñini melenget (1.7; Apo 19.10). Polnön Rom sitigö kösö mire tariga neñakñi Epafrañs yañön Kolosi urumelen kambugö buzup keunji memba yañgörej kayök. (1.7-8) Kösohotñini tosatñi mi ölöñji aketmö, Kolosi miangörej böhi takapulakanji tok malget.

Böhi mienön ambazip kewö kusum sohom engimalget: “Urumelen könagesö enön Anutu waikñi membingö köna keu könañi könañi mi ölöp wuatangöme. Enön ölöp uruñini memba et ala silenji qeba sihimbölö mötme.” (2.16, 20-21, 23) Toroqeba kewö jim kutum engiget, “Mötnarip enön mönö simin köla garata waikñini memba malme.” (2.18) Jisös mewöyök mem et al wañgiba kewö jiget, “I Anutugö Nahönñi qahöpmö, garata bohonñi kun.” Mewö jiba kewö toroqeget, “Nengö keunini wuatangömei, yengön mönö mötmöt tölapñi qainñi kun miwikñaima.”

Miangöra Polnön Kimbi ki ohoba Kolosi urumelen kambu kewö kusum engiyök, “Yuai pakpak mönö Jisösgö bapñe ahöiga yañön Anutu öl töhöññi aka (1.15-17) urumelen kambu nengö Bohonina malja.” (1.18) Toroqeba keu kewö kondel engiyök, “Kraist Jisös möt narigetka yañön Anutugö mötmöt aka mötkutukutu tölapñi ölöp kondel engima. Anutugö mötmötñi mi mötmöt tosatñi pakpak ongita qainñi kun akza.” (2.2-3, 9-10) Polnön mewöyök urumelen ambazip malmalñinangö jimkutukutu keu tosatñi ohoba al engiyök. (3.1–4.1)

Buk kiangö bahönji bohonñi 4 mi kewö:

Keu mutukñi 1.1-8

Kraistkö malmalñi aka nupñi 1.9–2.19

Kraistpuk malmal dölökñi 2.20–4.6

Kimbigö keu kötnji bohonñi 4.7-18

¹ Anutunön Pol ni melaim niñgiiga jitñangö dop Kraist Jisösgö aposol akzal. Urumelen alanini Timoti yañön nömbuk tatza.

² O urumelen alaurupnini sarakñi Kolosi taonön mala Kraistpuk qekötahögetka mötnaripñinan qahö sörauiga zeñ kinjei, nöñön embuk keu eraum mötpingöra kimbi ki ohozal. Anutu Iwininan mönö kalem möriam engiiga luainön malme.

Engöra Anutu möpöseiba köulukömakzin.

³⁻⁴ Inini Kraist Jisös pöndañ möt nariba ambazip sarakñi pakpak uru könömñinan jöpaköm engimakzei, miangö keu buzupñi jiget mörin. Miangöra engöra köulukömakzini, miangörej mönö nalö dop Anutu, Kembunini Jisös Kraistkö Iwiñi möpöseimakzin. ⁵ Ölöwak Buñagö keu ölnan mutuk engörej kaiga jigetka jörömqörömninangö könañi lök möta möt asariget. Möt asariba Anutunön engöra yuai ali Suep mire kahaimök ahözawi, inini mi buña qem angubingö al mamböta jörömqöröm akze. Jörömqöröm mianñon nam köl engiiga amqeba Anutu möt nariba uru jöpaköm anguba maljei, mönö miangöra möpöseim wañgimaksin.

⁶ Ölöwak Buña keu mianñon sehiba gölmeñi gölmeñi dop köla ölnambuk aka qari-makza. Miangö dop engörej kaiga inini Anutugö kalem möriamñangö könañi ölni möta möt asariget. Mi mutuhök möt asarigeri, wehön miangörejök könahiba engö sutñine

mewöñanök ölñambuk aka kötuetköm engimakza. ⁷ *Wölböt neñaknini Epafras yañön Kolosi engöra Ölöwak Buña mi kusum engiiga mötket. Epafras yañön nengö salupnine kinda Kraistkö nupñi pöndañ kapañ köla memakza. ⁸ Uña Töröñan sölölohöm engiiga jöpaköm angumakzei, Epafrasñöñ engö könañamñini mewö eka nini jii mörin.

⁹ Mianğöra buzup keu mi mörini, neñön mewöyök nalö mianğöreñök könahiba engöra Anutu köuluköba mala kotzin. Eñön Anutugö jitsihitñi möt yakögetka mötmöt mianñön uruñini kokolak qemapköra ulet wañgimakzin. Mianñön kokolak qem engiiga Uña Töröñan mönö sölölohöba mötmöt engimakña. Mewö mianñön mönö ölop Anutugö sihimñi pakpak diñdiñanök möt kutuba malme.

¹⁰ Engöra kewö köulukömakzin: Mötkutukutu mianñön nam köl engiiga mewö ölop malmalñini Kembangö jeñe dop kölmawañgö dop malme. Jitsihitñi ahözawañgö dop ahakmemenini pakpak aka memba malme. Mewö ölop nup ölopñi könañi könañi pöndañ megetka mianğö ölni asuhumakña. Mötkutukutuñini mewö köl guligetka ölop köhöimakña aka Anutugö könañi toroqeba möt yaköm soroköba malme.

¹¹ Anutugö kukösumñi mi aködamunñambuk. Mianğö dop nanñi ösum-mumuñi pakpak al engiiga engualönda mem köhöim engimakñapaköra köulukömakzin. Anutunöñ mewö mem köhöim engiiga ölop köhöiba nalö dop kapañ köla uruböñjöñnöñ kinda lömböt möta mökösonda söñgaiba malme. ¹² Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi nengöra buña yuaini arengöba ali asakmararañgö uruñe ahöza. Yañön inñini mewöyök letotqetot mem engiiga buñañi mi buña qem angumeañgö dop akze.

¹³ Pandamanöñ galöm köl nengiyöhi, Iwinöñ mianğöreñök meköba nenguañgita kaba wölböt Nahönñangö bemtohoñ uruñe al nengiyök. ¹⁴ *Nahönñi yañön sohopenini memba siñgisöndoknini sañgoñda mosötmapkö mörakza. Mianğöra mönö saiwap jim wañgimakzin. Keu mi ölña.

Kraistnöñ yuai pakpakö könañi aka bohonñi akza.

¹⁵ Kraistnöñ Anutu qahö ehekñi yañgö imutñi akza. Möpñangö möpñe malmal pakpak qahö asuhuiga Kraistnöñ mönö mutuhök Iwinambuk azi bohonña malök. Mewö Iwi Anutu bauköm wañgiiga öröyuai pakpak miwikñaim engiyotka ahuget.

¹⁶ Nahönñan Anutu bauköm wañgiiga öröyuai pakpak miwikñaim engiyohot. Yuai tosatñi Suep mirigö jakeni jakeni mianğöreñ ahögetka qahö engehakzini aka yuai tosatñi gölmenöñ ahögetka engehakzini, mi Kraistnöñ jiuga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suep gölme sutñire jakömbuakñine kinda jimkutukutuñini alakze. Yeñgö nemböñine pom jembonñini öngöngöñi eretñi mi al engiiga jakenine kukösumñinambuk kinda tosatñi kembu ak engimakze. Nahönñan yuai pakpak asuhumapakö bömön jalöñi aiga Anutunöñ miwikñaim engiyöhi, mi mönö Kraist aködamun miwikñaim wañgimegöra al engii ahöze.

¹⁷ Kraistnöñ mutuhök maligun öröyuai pakpak mianğö andöñe asuhuget. Yañön mönö yuai pakpak mindiriba nam köl engiiga kutulañgöba yañgöreñ töndangöba kinje.

¹⁸ *Kraistnöñ bömön jalönini akza. Öröyuai pakpak nengö öröm nengineñgi bohonina aka malmapaköra kömupnöhök wahörök. Kömugeri, yeñgö sutñineyök jitñememenina aka guliba wahörök. Mewö mutukñamnini aiga nini könagesö walñangö zioz dölok-kunñi asuha kinjin. Mianğöra urugö, silegö, yuai pakpakö nörop bohonini aiga urumelen könagesö neñön yañgö öl kempañi akzin.

¹⁹ Anutunöñ Nahönñi nanñangö dop köröndöñ aka malmapakö möt teköi dop kölok. Mianğöra nanñi mötmötñi aka aködamun yuaini pakpak mi körek pakpak Kraistpuk qekötahöba kinjawañgöra körö-ölöwak möta malja. ²⁰ *Öröyuai pakpak gölmenöñ aka Suepnöñ Anutubuk kazik ahakzei, Anutunöñ mi pakpak töwañini ala enguañgiriga

* 1:7: Kol 4.12; Flm 23 * 1:14: Ef 1.7 * 1:18: Ef 1.22-23 * 1:20: Ef 2.16

nanjambuk qekõtahöba urumohot akñegöra möta kewö jim teköi dop kölok, “Mönö nani Nahöni melaibi geba maripomnöñ kömumba sepñi mokoba luaigö nam köli asuhuma.”

²¹ Injini mewöyök mutuk ahakmemeñini bölöñi ahöyöhangöra aka uruñinan Anutubuk urumohot qahö aka kerök möt wanjiba tikep malget. ²² Mutuk mewö malgetmö, nalö kewöñe Anutunöñ nanjambuk urumohot aka kinmegöra Nahönñi melaiiga gölme silebuk kömumba kök köñjorat mem engiyök. Mewö kingetka qewöloñini sanjonja mala enjuañgita nanñi jeñe sarakñi köpösihitkö keuñini qahö al enjii angotmegöra al mamböta jörömçöröm ahakze.

²³ Jörömçöröm ahakzemö, mala anjanbanjan köla et engubapuköra mönö Kraist pöndan möt nariba kinme. Anutunöñ Ölöwak Buñajan tandö kuñguyöhi, injini miangö keuñi mötket. Uruñinan miangöreñ nanjöba töndangöba kin köhöiba malme ewö, mönö oy-aenköyaen akñe. Nini Ölöwak Buñaji mi jim sehimakzin. Anutunöñ ambazip miwikñaim enjiiga Suep bapñe mal anjei, yeñgö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnöñ zioz kambugö nup denöwö memba malök?

²⁴ Kraistkö ölni mi urumelen könagesö neñön akzin. Kraistnöñ neñgöra aka köñjilin möriga kitipñi ahöba urumelen könagesö qaknine öngömakzawi, mia Kraistkö ölni bauköm enjimangöra aka silen an meköba möta malakzal. Mewö aiga enjögöra aka sihimbölö möta malali, miangöra nalö kewöñe söngaimakzal.

²⁵ Anutunöñ kuñgum niñgiiga urumelen könagesöñi könagesöñi welennini qeba nup memba maljal. Anutunöñ kalem möriamñi ambazip menden neñjimangö areñ alöhi, miangö dop Buñ keuñi körek jim sehim tekömangöra jiyök. Enñön ölöwaka köhöimegöra nup al niñgiyök. ²⁶ Anutunöñ Buñ keu mi möpñangö möpñeyök asamböriaga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöñi nalöñi tölapñe ahöyökmö, nalö kewöñe könagesöñi könagesöñi sarakñi neñgöra indel neñgiiga mötzin.

²⁷ Anutunöñ kalem möriamñangö areñi kewö jiba ali ahöza, “Nöñön keuni tölapñi mi nani könagesöurupni enjögöra indelbi mötmegöra mötzal. Yeñön mi möt yaköba anda jim sehiyetka Buñani tölapñangö aködamunñan mönö kian kantriñi kantriñi yeñgö sutñine qariba qetbuñambuk akña.” Keu kötni tölapñi mi kewö: Kraistnöñ enjögöra uruñine malja ewö, mönö asakmararane angotpingö jörömçörömñi al enjimakña.

²⁸ Neñön Anutugö areñ miangö dop Kraistkö könañi ambazip pakpak enjögöra jim asariba maljin. Yeñön körek Kraistpuk qekõtahöba kin köhöiba aködamunñinambuk akñegöra kusum enjimakzin. Mewö enjuañgiringa Anutugö jemesoholñe angotmegöra mötzin. Miangöra mötkutukutunini pakpak qezaköba qamban keuñi keuñi enjimakzin. ²⁹ Nöñön miangöra aum-mörimakzal. Kraistnöñ kukösumñangö qakñe sölölohöba inahöm niñjimakzawi, nöñön mönö miangö dop bim qeba malakzal. Mewö.

2

Polnöñ Kolosi yeñgöra waimanjat mörök.

¹ Nöñön Kolosi enjögöra aka bim qeba maljal. Mewöyök Laodisia sitinöñ maljei aka urumelen alaurup tosatan silenangö jemesoholni qahö nekeri, mönö körek yeñgöra köuluköba gwötpuk aum-mörimakzal. Nöñön injini miangö könañi mötmegöra mötzal.

² Kewö köulukömakzal: Anutu, gi mönö uruñini nanjöm enjinöñga öröröñ jöhöba jöpaköm anjuba mohotñe urugö aködamunñini pakpak miwikñaime. Mi miwikñaiba ölop köhöiba yuai pakpak möt kutum teköme. Mewö aka ölop Anutugö Buñ tölapñi, Kraistkö könañi mi körek möt asarim teköme. ³ Anutunöñ mötmötni aka mötkutukutuñi mi körek Kraistköreñ ala asamböriaga ahöza. Anutu mötkutukutuñangö köweni mi guli dötnam ewö

köwe tölapne ahöiga Kraistnöḡ miangö kinji moröḡi akza. Kraist tem köla mewö mianḡön ölop mötkutukutuḡi miwikḡaibin.

⁴ Kunḡan mondoḡondoroḡ ala kelök keu jiba uruḡini kuḡguba tilipköm engibapuköra Kraistköra keu mi jizal. ⁵ Silenan engö kösutḡine qahö maljalmö, urumötmötḡnan mönö embuk kinja. Inini köhöiba Kraist möt nariba tem köla sutḡine arenjanḡö dop böḡjöḡ maljei, engöra mewö möta mötmöriba söḡgaimakzal. Mewö.

Gölmegö mötmötḡan jöhöm engibapukö galöm meme keu

⁶ Mianḡöra inini Kraist Jisös möt anḡön kölgetka Kambuḡini aka kinjawi, mönö yambuk qekötahömakzeanḡö dop ahakmemeḡini aka memba malme. ⁷ Keu kusum engigeri, miangö dop mönö kesötḡini Kraistköreḡ möndöḡgöba mendawöla yambuk qekötahöba kinda uruḡini nanḡöm anḡuba mötnaripkö köhököhöḡi toroqeba miwikḡaiba malme. Saiwapḡini mönö o saksaköba erakzawanḡö dop jiba möpöseiba malme.

⁸ Ambösakon yeḡön gölmegö mötkutukutu kusum engigetka köna walḡi miwikḡaiba tosatḡan mi wuatḡḡomakze. Mewöyök bem suahö galöm Suep gölme sutḡire mala mietkö öröyuaiḡiri pakpak galöm köl engimakzei, tosatḡan Kraist onḡita yeḡḡoreḡ qekötahöba keu kusum engimakze. Mewö ahakzei, yeḡḡoreḡök kunḡan engömemba tilipqilip omanḡi miangö kösöḡan jöhöm engiḡiga eta böhi miengö buḡaya akepuk.

⁹ Anutugö mötmötḡi aka aködämun yuainḡi pakpak mi körekmakörek Kraistköreḡ ahöiga gölme sile memba asuhuyök. Mianḡöra böhi takapulakanḡi mewöḡi yeḡḡöra mönö galöḡḡini mem anḡuba malme. ¹⁰ Kraistnöḡ uḡa suahö galöm aka pom jembon pakpak miengö nörop bohonḡini akza. Kraistpuk qekötahögetka yanḡön Anutugö mötmötḡi aka aködämun yuainḡi pakpak mi ölop dopḡine engiḡiga malje.

¹¹ Mewö mala Kraistpuk qekötahögetka yanḡön aiwesökḡi ölnḡi mi engöreḡ mewöyök yandim engiḡiga malje. Aiwesök mi böronöḡ silenine yandimakzeanḡö dop qahöpmö, Kraistnöḡ sile yandiyandi qainḡi kun ak engiyök. Mi kewö: Yanḡön silegö ahakmeme walḡan galöm köl engibapuköra mönö sihim kömbönanḡini bölöḡi jöhöiga malje. ^{12*} Kraistkö qamötḡi lömnöḡ algeri, engö uru walḡan mönö mewö tandöktandök kömumba o melun miangöreḡ kömup lömnöḡ geyök. Mewö geyökmö, Anutunöḡ Kraist mem guliḡiga kömupnöhök wahöröhi, yanḡö kukösumḡan mönö inini mewöḡanök inahöba o melun miangöreḡ nam köl engiḡiga guliget. Inini Anutugö kukösumḡi mi möt anḡön köla möt narim wanḡigeranḡöra aka Kraistkö qöhöröḡe guliba köhöiba malje.

^{13*} Mutuk kunöḡ engö sihim kömbönanḡini bölöḡi mi qahö jöhöiga uru walḡinan galöm köl engiḡiga malget. Siḡisöndok akeranḡöra aka uru köhömuḡi malgetmö, Kraistpuk qekötahögetka Anutunöḡ yanḡö qöhöröḡe mem gulim engiyök. Siḡisöndoknini mönö körek sanḡon teköiga köhöiba maljin. ^{14*} Bölöḡamnini aka miengö likepḡanḡö jimkutukutuḡi mi Suep mire löpöt kimbinöḡ ohogetka ahöyök. Kraistnöḡ löpöt mi körek pakpak kutuba qeapköyök. Löpöt mianḡön Anutubuk kinda andönine qeba tuarenḡon ak nengiba ahöyöhi, yanḡön mi köteköba maripomnöḡ kösököi teköyök.

¹⁵ Maripomnöḡ kömumba bem suahö galöm aka uḡa pom Suep gölme sutḡire öröyuai pakpak galöm kölakzei, Kraistnöḡ miengö kukösumḡini luak jaugem jitḡi ewö qeapköba tölököba tözamḡöm teköyök. Mewö kazikurupḡi kösö gwarö memba gamu qem engiyök. Mewö aka enḡuanḡita köiranḡ ala renduḡ köliḡa qenjarökḡe kagetka luhut al engiyöhanḡö könanḡi mi aukḡe asuhuiga eket.

^{16*} Kraistnöḡ luhut al engiyöhi, miangöra inini mönö Kraistpuk kinda ewebibiḡinambuk saitḡit malme. Mewö malgetka engö sutḡine kunḡan wani onḡi aka ölnḡi ohoba nemakzei, miangöra öne döḡqizizin ala jim kutum engibapuk. Yambu (yara) dop kendon kömbukḡi kun aka köiḡ dop köiḡ dölököḡi kotzawanḡö söḡgaiḡi mi alakze me qahö, miangöra öne jim bölim engibepuk. Sabat kendon mi Sondagienöḡ me silim kunöḡ

* 2:12: Rom 6.4 * 2:13: Ef 2.1-5 * 2:14: Ef 2.15 * 2:16: Rom 14.1-6

tarakzei, miangöra öne mesoholjine qeba jim engibepuköra mönö galömjini mem anguba malme. ¹⁷ Songgo mewöjji mienjöra mönö kezap kude alme. Mi söpsöp yuayök akze. Öljän dopdowiba imutjji gilakzawi, miangö dop öljji mi Kraist. Nenegö me kendon tatatkö keujji mi Kraistkö söpsöpjji aka eretjji akza. Kraistnöj lök kaiga mala öne köna söpsöpjji walje qekötahöbepuk.

¹⁸ Tosatjji yengö sihimjini mi nanjini urunini memba et ala Suep garata waikjini memba bem ewö möpöseim engibingöra ahöza. Mewöyök jenjini melenjini imutimutjini eka mienjöra söngöröqök ahakze. Mewö nanjine gölmegö mötmötjjan kunjum engiiga silenjini öne töhön memba öngöba tiwokmawok ahakze. Yengörejök kunjjan tilipköm engiba Kraistkörenejök utum engibapuk. Mewö mötnaripkö aongitnöj luhut qahö ala töwanjini qahö membepuk. Miangöra mönö galömjini mem anguba malme. ¹⁹ *Yenön Kraist nöropnini akzawi, yambuk qekötahöba kinkinjini mosöta laj malje. Kraistnöj nöropnini aka nanjii öljji körek nini galöm köl nenjiiga ölop mösölatim anguba maljin. Sihit toroqeqenji aka ginimuramjii mienjön mönö öljjanjö köna böröurupjii mindiriba jöhöm nenjigetka kutulanjöba mohot akzin. Mewö aka Anutunöj nam köl nenjimakzawanjö dop qarim köhöimakzin.

Kraistpuk kingetka gölmegö mötmötjjan galöm ak engibapuk.

²⁰ Injini Kraistkörenej qekötahögetka uru waljinan kömuiga bem suahö galöm yengö kösö gwarönöhök lök lolohoget. Mienjön Suep gölme sutjire mala yuainjiri pakpak galöm köl engimakzemö, injini qahö galöm köl engigetka malje. Miangöra böhi takapulakanjii mewöjjan jimkutukutu laj al engimakzei, mi mönö wuanöngöra öne wuatangömakze? Suepkö bujaya akzemö, töndup gölmegö keuya wuatangögetka siksauk ahakza.

²¹ Songonjini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²² Gölme ambazipnöj nanjini nöropjinan mewö jim kutuba tosatjji kusum engimakzemö, Anutunöj mewö qahö. Yanön yuai pakpak mi lökjanök aka mendingöra jiiga nupjini engigetka qahöwakjegöra ali ahöze.

²³ Mi töndup tosatjjan bem suahö galöm aka garata waikjini memba bem ewö möpöseim engimegöra kapan kölakze. Mi kapan köla “Nanini urunini memba eta aljin,” jiba miangörenej möndöba silegö sihim kömbönanjini bölöjjan galöm köl engibapuköra songonjii songonjii ala silenjini qeba qölsihim angumakze. Mewö aka jimkutukutuujini alakzei, mi mönö mötkutukutu qakje alaljanjö tandök aiga gwötpukjan mi möta mötket öngömakza. Öngömakzapmö, mi töndup mewö silegö sihim kömbönanjini bölöjji angön kölbängö osiba mi laj wuatangömakze. Miangöra jimkutukutuujini mienjön mönö yuai omanjii kötökjii akze. Mewö.

3

Kraistnöj malmal dölökje malbingö ösumjii nenjimakza.

¹ *Kraistnöj euyangörenej öngöba Anutugö böröjji öljjanjö jakömbuak jakenjii memba qetbujanambuk tatza. Anutunöj Kraist mem gulim wangiyöhi, miangö tandök injini mewöyök mem gulim engiiga köhömuneyök wahöta malje. Miangöra injini Suep mire eu öroyuai ahözawi, urujini mönö miangörenej jöhöba malme.

² Gölmegö öroyuaigörenej qahöpmö, euyangörenej öroyuai ahözawi, urujini mönö miangörenej jöhöm köhöiba malme. ³ Engö urujini waljan mönö kömuiga Anutugörenej tönguba malje. Mewö Anutugö aumje anda malmal köhöikjanjö könanjii miwikjanget. Kraistnöj Suep malmal tölapje maljawi, engö urumalmaljinan mönö miangö dop asa-asambötje ahöza. Miangöra urujini mönö Kraistpuk jöhöba malme. ⁴ Kraist malmal köhöikjanjö Toninan kunbuk kaiga asakmararanjan asuhumawi, nalö miangörenej injini mönö mewöyök asuhugetka enjanganjiriga yambuk Anutugö asakmararanje angotme.

* 2:19: Ef 4.16 * 3:1: Sum 110.1

Uru walji aka uru dölökñi awöraḡgözahot.

⁵ Gölmegö sihim kömbönañini bölöñi könañi könañi mi uruñine kinda yayasenñeñ mem enñimakzei, miengö nöröñjini mönö körek tözamgöm teköme. Bau kiam tandök serowilin aka qewöloñ aḡgöjörakñambuk mi mönö andö qeme. Urusilegö sihim kömbönañi bölöñi mi mosöta urukönöp bölöñi mi mönö qömbökögetka bököma. Yuai membagun memb-ingö nepaqepalok köpösöḡgömakzei, mianñon tandö lopioñ waikñini memba möpöseim enñizeaḡgö tandökñi akza. ⁶ Mi akerañgöra aka Anutugö irimñan seholiiga urukazikñi qakñine ali öḡgömakza.

⁷ Sihim kömbönañini bölöñi mewöñan mönö mutuk nanñini malmalñini mewöyök galöm köliga köna bölöñi mi tiba wuatañgöba maljema.

⁸ Mewö malgetmö, nalö kewöñe inñini mewöyök yuai kewöñi pakpak mi mönö gilget anma: Urusñgok möta urukönöpñöñ jula enñohoiga uruñinan auba urubölö mötzemö, mi uzeta gilget anma. Mewöyök uruqeçe keu töhöreñ aka keu aḡgöjörakñambuk jiba uruñini tölöhozei, mi mönö körek andö qeba mosötme. ⁹ *Inñini uru walji aka mianḡgö ahakmeme aḡgöjörakñambuk mi köteköba mem kömumba malje ewö, keu munenñi mönö kude eraum mötme.

¹⁰ *Inñini uru walji köteköba kunbuk letota uru dölökñi löḡgöta malje. Miwimiwikñai Toninan nanñi könañi möt teköm waḡgibingöra söpsöp alöhi, yañon mönö mianḡgö dop uru dölökñi mi letot waḡgiiga toroqeba kölöñaimakza. ¹¹ Mianḡgöra nini Juda me kantri tosatñañgö ambazip maljini, mi mönö dop mohot akza. Anutugö aiwesökñi silenine yandiget me qahö, mi töndup Anutugö jeñe dop mohot akzin. Taon ambazip mötmötninambuk me qandam (bus kanaka) mala nanñini keuñine irohowaroho jiba gukmaulem maljei, mi töndup Kraistñöñ uruñine kiniga mohot akzin. Nanini nupnini memakzin me toninañgö welennini töwañi qahö qemakzini, mianñon yuai korembenñi akzapmö, ölbölñi mi Kraist. Yañon kutulañgöba körek neḡḡonḡgita öḡgöba Kiñ Kembunini bohonñi mohot akza.

¹² *Anutunöñ möwölöhöm enñiiga uru dölökñi wuatañgöba Anutugö wölböt alaurupñi sarakñi akze. Mianḡgöra inñini mönö sutñine ak kömumba ala ak aḡguba malme. Uruñini memba et ala tosatñi ḡuñböñjönjön qakñe ak enñiba lömböt möta mökösoñda malme. Silik mianñon mönö malukuñini aiga kölget geiga mi töp memba malme.

¹³ *Mönö lolongöba bölöñañgö kitipñi kude mememö, mönö qaqaenñim aḡguba malme. Köyan köl aḡgugetka sutñine keu köpösihit ahuiga kunñan alañi jim waḡgimamḡgö mötzawi, mi mönö mosöt aḡgume. Kembunöñ siḡgisöndokñini saḡḡonḡda mosöröhi, inñini mönö sutñine mewöñanök ak aḡgumakñe. ¹⁴ Mewö aka urukalemḡgö malukuñini mi kölget geiga mianḡgö qakñe mönö urukalem aka jöpaköm aḡgugetka qetpuk akña. Urukalem mianñon mönö aködamun tosatñi pakpaköra jizali, mi köyamḡgöba mindiriba bohonñina kinja.

¹⁵ Kraistñöñ inñini luainöñ silemohot malmegöra enñoholök. Mianḡgöra yaḡgö luainan mönö uruñine ahöba ölöpñañgö injup lökuatñi ak enñiiga urubönjönñöñ jim möpöseip aka malme.

¹⁶ *Kraistköreñ Buña keu mianñon mönö uruñine kinda sutñine ḡwötḡpuk asuhum sehima. Mönö mötkutukutu keu pakpak jiba kusum aḡguba qambañ qem aḡgumakñe. Uña Töröñan sölölohöm enñimakzawañgö dop mönö Buña Liñet Sumbara (Sam), möpömöpösei liñet (omsa) aka urugö liñet tosatñi mi urukönömñinan Anutu möpöseiba kölakñe. ¹⁷ Ahakmeme mi me mi jitnöñ me silikñöñ aka memei, mi pakpak mönö Kembu Jisöḡgö qetñe ahakñe. Mewö aketka Kraistñöñ nam köl enñiiga Iwi Anutu pipsimbawon jim waḡgiba malme. Mewö.

Awanöm, iwinam aka welenqeçe enñöreñ qambañ keu

¹⁸ *Ambi inñini mönö apurupñini yeñgö keu bapñe anda malme. Kembugö buñaya

* 3:9: Ef 4.22 * 3:10: Jen 1.26; Ef 4.24 * 3:12: Ef 4.2 * 3:13: Ef 4.32 * 3:16: Ef 5.19-20 * 3:18: Ef 5.22; 1 Pitö 3.1

akzeangöra mönö mewö aketka dop kölma.

¹⁹ *Azi injini mönö anömurupņini urukalemnöņ jöpaköm engiba urupik wösökömbuk qakņe kude ak engiba malme.

²⁰ *Nahönbörat injini Kembubuk qekötahöba kinda iwinamyahötņini yetkö jitņiri wu-ataņgögetka Kembunöņ engehiga dop kölma. Mianğöra injini mönö keuņini jimeangö dop pakpak tem köl engiba malme.

²¹ *Iwiurup engö nahönbörataturupņinan awösamkakakņini mosötpepuköra mönö kude engum ureim ak engiba malme.

²² *Welenqeçe injini mönö gölme qakņe galömurupņini yenğö keuņini pakpak tem köla ahakņe. Köņdöwoņ aketka ambazipnöņ engek sorimeğöra qahöpmö, geņmoņ mosöta Kembangö jitņi onğitpinbukö sömbuņini möta uruņini nupnöņ ala memba malme. ²³ Yuai aka memakņei, uruņini mönö mianğöreņ jöhöba kewö mötmörime: Gölme ambaziwök qahöpmö, Kembu nanņi mönö welen qeba malje.

²⁴ Kembu Kraist welenni qeba malgetka yaņön töwaņini Suep mire ali ahözawi, mi mönö enğıiga buņaņini akņa. Mönö mewö mötmöriba malme. ²⁵ *Kunņaņ nupņi mem sohomawi, Anutunöņ mewöņanök mem sohosohonangö likepņi melen waņgima. Anutunöņ tosatņi qahö engek soriba tosatņi qahö qepureim engimakzapmö, körek nini dop mohotnöņ kewöt neņgiba keunini jim teköma.

4

¹ *Galömurup engöreņ Kembu ketanı mi Suep mire malja, mi möt kutuzeangöra mönö welenqeçeupurupņini titit diņđiņi aka dop mohot ak engiba malme. Mewö.

Goro qambaņ keu tosatņi

² Köuluk nup mönö kapaņ köla memba malme. Mianğöreņ mönö uruguliguli mala jim möpöseip aka malme. ³ Möpöseip akņei, mianğöreņ mönö neņğö mohotņe kewö köuluköba malme, “Anutu, gi mönö Pol neņakurupņi kōna mem enğinōņga ölop Kraistkö Buņa keu tölapņi mi jim asarigetka sehima.” Nōņön mönö Buņa nup mianğöra aka kōsö gwarōnōņ tatzał. ⁴ Nōņön Buņa keu Anutugö sihimņaņğö dop jibi asarimeğöra mönö köulukņinan tōngum niņgiba malme.

⁵ *Ambazip urumelen qahö aka yaigep maljei, i mönö mötkutukutu qakņe ak engiba malme. Urugö nup membingö kōna kun ahumawi, nalö mi mönö kude mösöhöba ayuhumemö, ambazip qöhörōņine anda ösōņ qambaņ köl engime. ⁶ Keu eraum mötmei, mi mönö nalö dop howeņambuk mindiriba jigetka nahömņambuk ahakņa. Jigetka mohot mohot nahömņini ahuiga körek yenğöra keu denöwö melen engime, mi mönö ölop möt yaköba mianğö dop jimakņe. Mewö.

Polnöņ Tikikus Onesimus melaim etkiiga kamahot.

⁷ *Wölböt alani Tikikus yaņön Kembubuk qekötahöba kinda nömbuk nupņi törörök memba neņakni akza. Yaņön engöreņ kaba denöwö aka malakzali, mianğö kōsohotņi körek jii mötme. ⁸ Denöwö aka memba tata maljini, injini mönö kōsohot mi mötmegöra melaim waņgibiga engöreņ kama. Yaņön kaba ölop urukölalep ak engima. ⁹ *Mewöyök wölböt alanini Onesimus Kolosi engöreņök kaba Kembangö keuņi pōndaņ wuatangöba mem yakōmakzawi, nōņön i melaibiga lilingöba kama. Azi yahöt mietkōn kaba kianğöreņ yuai pakpak denöwö asuhui maljini, mianğö kōsohotņi ölop jim teköyohotka mötme. Mewö.

Yaizözkök keu teteköņi

* **3:19:** Ef 5.25; 1 Pitö 3.7 * **3:20:** Ef 6.1 * **3:21:** Ef 6.4 * **3:22:** Ef 6.5-8 * **3:25:** Dut 10.17; Ef 6.9 * **4:1:** Ef 6.9 * **4:5:** Ef 5.16 * **4:7:** Apo 20.4; 2 Tim 4.12; Ef 6.21-22 * **4:9:** Flm 10-12

¹⁰ *Aristarkus nömbuk kösö mire tatzawi aka Barnabasgö numbutni Mak yetkön yaizözkökñiri jiba alohotka engören kaza. Maköra lök keuni kewö jim kutubiga mötket: Engören kaba kangotma ewö, mönö ölop köl öröba ala ak wangime. ¹¹ Josua qetni kun Jastus qetzi, yanön mewöyök yaizözkökñi jiba ali engören kaza. Neñakurupnan nömbuk Anutugö bemtohoñgö nup memba maljei, yengö sutñine azi karöbut mienönök Juda azia malje. Yenön mönö urukölalep ak niñgimalget.

¹² *Nanñine azi Epafras Kraist Jisös welenni qemakzawi, yanön mönö yaizözkökñi jiba aliga engören kaza. Yanön nalö dop engöra aka köulukömakza. Keu pakpak Anutugö jitñangö dop akzawi, inini miangören töndangöba kin köhöiba aködamunñinambuk aka malmegöra aum-mörimakza. ¹³ Nöñön yangö könani möta kewö nanngöba jizal: Yanön inini bauköm engimangöra nup gwötpuk memakza. Mewöyök Laodisia aka Hierapolis taon yahöt miangören möt nariba maljei, yengöra aka wani awamni nup memba aum-mörimakza. ¹⁴ *Wölböt doktanini Luk aka Demas yetkön mewöyök yaizözkökñini jiba alohotka engören kaza.

¹⁵ Nöñön yaizözkökñini jiba ohozali, mi mönö urumelen alaurup Laodisia taonñ maljei, yengöra jiget mötme. Mewöyök Nimfa aka yangö mire könagesö tokomakzei, mönö yengöra jiget mötme. ¹⁶ Kimbi ki oyoñ engigetka mötket teköiga miangö andöñe mi mönö algetka Laodisia urumelen könagesö yengören aniga oyoñme. Laodisia yengöra kimbi kun ohobiga anöhi, mi alget engören kaiga inini mi mewöyök oyoñme. ¹⁷ Arkipus azi mi mönö kewö jigetka mötma, “Kembunöñ Buña nup memangö jim kutuba köiputki tariga maljani, göñön mönö mi mötmöriba körek mem teköman.”

¹⁸ Pol nöñön yaizözkökñi jiba nane börönan qetni kewö ohozal: Pol. Inini mönö kösö gwarö azi ni mötmörim niñgiba malme. Kalem möriamnöñ mönö embuk ahöma. Mewö.

* **4:10:** Apo 19.29; 27.2; Flm 24; Apo 12.12, 25; 13.13; 15.37-39
Flm 24; Flm 2

* **4:12:** Kol 1.7; Flm 23

* **4:14:** 2 Tim 4.10, 11;

Tesalonaika Kimbi 1

Polnön Tesalonaika yengöra Kimbi mutukñi alök.

Jim-asa-asari

Rom mindimindiri kantrigö prowins qetñi Masedonia miangö siti bohonñi mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini melengetka kusum engii urumelen kambu alget. Mi algetmö, tuarenjon mi miangörenök asuhuyök. Polnön Kraistkören Buña keu jim asariba uruñini kuñguiga miangören Grik ambazip Juda akeri, yengörenök gwötpukñan uruñini melengetka kambu miangön sehiyök. Miangöra Juda ambazip uruñini qahö melennda uruñinan böliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könañgep Korint sitinön maliga neñakñi Timotinön alabaukñi aka Tesalonaika sitiyoök kaba denöwö möt narigeri, miangö kösohotñi ali mörök.

Polnön Kimbiñi mutukñi Tesalonaika alöhi, mi Kraistkö alaurupñi yengö uruñini nangöba mötnaripñini mem köhöimapköra ohoyök. Kembu möt nariba urukalem ak angumakzei, miangö buzupñi mötagun yengöra Anutu möpöseiza. Nannak malmal yembuk denöwö aka malöhi, mia ölum engubapuköra mi papianön ohoza. Tesalonaika urumelen kambu sutñine keu tosatñi asuhui jigeri, Polnön mi melennda jim asariba ohoza. Keu tosatñi mi kewö: Kraistnön lilingöba kaiga Suep malmalnön angotpini, miangören tosatñan uruñini melennda kömupnön ahözei, yengöra mönö denöwö asuhuma? Kraistnön wani nalönön lilingöba kama? Keu mi melennda kewö jim kutum engiyök, “Inini Kraist kunbuk kamapkö jörömqöröm aka al mamböta mala miangören mönö nup ölopñi ölopñi mi jegep kinda pöndañ memba malme.”

Buk kiangö bahöñi bohonñi 6 mi kewö:

Keu mutukñi 1.1

Saiwap jiba söngaiba möpöseiza 1.2–3.13

Ahakmeme diñdiñi akñegö kuñgum engiza 4.1-12

Kraistnön kamapkö keuñi kusum engiza 4.13–5.11

Qambañ keu teteköñi tosatñi 5.12-22

Kimbigö keu köñi bohonñi 5.22-28

¹ *Pol, Sailas, Timoti neñön Tesalonaika urumelen könagesö embuk keu eraum mötpingöra kimbi ki ohozin.

Inini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam engiyohotka luainön malme.

Mötnarip köl gulizeangöra söngaizin.

² Neñön qösösök mötmörim engiba körek engöra “Anutu pipsaiwap!” jiba möpöseimakzin aka köuluk nup memba miangören nalö dop qetñini qerakzin. ³ Inini Jisös Kraist jöpaköba möt narigetka urukalemñan nam köl engiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñön mi pakpak Anutu Iwininangö jemesoholñe ölop mötmörimakzin.

⁴ Urumelen alaurupnini, Anutunön jöpaköm engiba inini nannangöra kewö möwölöhöm engiyöhi, mi mötzin. ⁵ Neñön Jisösgö Ölöwak Buñañi memba engören kaba sutñine denöwö aka malini, inini mi mötze. Neñön Buña mi keu töhönök qahö jiin mötketmö, Uña Töröñan mönö sölölohöm neñgii awösamkakak kinda ösum-mumuñambuk uruñini kuñguba malin.

⁶ *Mewö malinga inini köñjiliñ ketañangö uruñe mala Buña keu möt angön kölget. Mi angö

* 1:1: Apo 17.1 * 1:6: Apo 17.5-9

kölgetka Uña Töröñan sösöñgai enñiiga Kembu aka neñgö siliknini wuatangöba malje. Mi denöwö asuhuyöhi, neñön mi ölop mötzin. ⁷ Mewö andönine kaba mala Masedonia Akaia prowins yahöt miangöreñ Jisös möt narizei, körek pakpak yengöra silik ölopñi kondel engimakze.

⁸ Mi kewö: Inini Kembugöreñ keu möta angön köla jiba malgetka tosatñan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Inini Anutu möt nariba nupñi megeri, miangö ölnan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹ Nini engöreñ kainga denöwö asuhuyöhi, miangö kösohotñi mi miri tosatñi yeñön jigetka angötömual ewö mörakzin. Inini tandö lopion aka bem muneñi andö enguba Anutu ölbölñi aka malmal Toñi yangöreñ melenđa nupñi memba malje. ¹⁰ Anutunöñ Nahönñi mem gulii kömupnöhök wahöröhi, inini yanön Suep mireyök eta asuhumapköra mambörakze. Anutugö irimsesewölñan könañgep aukñe asuhuiga Jisösnöñ mönö eta jenberereñ kanjamñambuk miangöreñök meköm neñgima. Mewö.

2

Polnöñ Tesalonaika uruñe nup denöwö meyök?

¹ O urumelen alaurupnini, nini engöreñ kaba nup meini, miangön mönö qahö pömsöm qeyökmö, ölni ölop asuhuyök. Nanñinak mi mewöyök ölop mötze. ² *Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölö mörini, mi mötze. Sihimbölö mi mötagun engöreñ kainga tosatñan tuarenjoñ köhöikñi ak neñgigetmö, mi töndup Anutunöñ awösamakakak neñgii kinda Ölöwak Buñañi jim asarim engiba malin.

³ Neñgö könanini kewö: Urukunğukunğun keunini mi isimkakalek qakñe qahö jimakzin. Naninak janjuñ ahinga uruninan tölöhobawak, mewö mi qahö jimakzin. ⁴ Mewö qahöpmö, Anutunöñ Ölöwak Buña jim sehibingöra neñgeka urunini kewöri dop köliga möt narim neñgiba Buñañi neñgiyöhi, miangö dop mönö keuñi memba jim asarimakzin. Anutunöñ urunini esapköba kewörakza. Miangöra neñön yuai pakpak Anutugö jene dop kölböngöra ahakzin. Mi ambazip sihimñini wuatangöbingöra aka qahö. ⁵ Neñön nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba moneñ yuai neñgimegö möndömöndö keu siñginñi qahö jiin. Anutunöñ könañamnini mi ölop jim nañgöma. ⁶ Enön me ambazip tosatñan qetbuña neñgimegöra qahö kapañ köla malin.

⁷ Kraistkö aposolurupñi akzinañgöra ölop uruñini kewö kunğubinak, “Inini mönö nañgöm neñgigetka sutñine urugö nup membin.” Mewö jiinga dop kölbawakmö, neñön engö sutñine mököqököli aka malin. Nahönbörat namñinan juzu engiba köyan köl engimakzawi, miangö dop mönö nanini memba et al anguba ösöñ ak engiba malin. ⁸ Neñön iwinam ewö mökökölim ak engiba malinañgöra Anutugöreñ Ölöwak Buña enñiin aka toroqeba nanine malmalnini mewöyök kölen engibingö jöjöröba malin. Inini ölna wölböt nahönbörataturupnini aket.

⁹ O urumelen alaurupnini, neñön engöra aka nup memba silenini qeba malini, mönö mi mötmörime. Nañgöm neñgimegö lömbötñan engöreñök kungö qakñe öngöbapüköra sunğem asak nanine börönanan nup memba Anutugö Ölöwak Buñañi jim asarim engiba malin. Mi mönö ölum engubapuk.

¹⁰ Jisös möt narizei, neñön engö keuñini pakpak diñdiñanök kewöta sarakñi köpösihitkö keunini qahö malin. Inini mi eka möta nañgöba jim nañgömeangö dop akze. Anutunöñ mewöyök mi jim nañgöba dangunu ewö kinja. ¹¹ Iwinöñ nanñi nahönbörataturupñi ösöñ

* 2:2: Apo 16.19-24; 17.1-9, 14; Apo 17.5

ak engimakzawi, miangö dop neñon injini mohot mohot ak engiba malin. Mi mewöñanök ölop mötze. ¹² Neñon urugö nanğonangö keu jiba urukölalep ak engiba malin. Anutunöñ injini nanñe bemtohoññon angota asakmararane asarimegöra engoholök. Miangöra neñon uruñini kuñguba keu kewö jim tuariba malin, “Ahakmemenini mönö Anutugö jene dop kölmawanğö dop sarak sorokñi aka memba malme.”

¹³ Miangöra neñon mewöyök sundan Anutu kewögöra möpöseimakzin: Anutugö Buña keu engiini, mi gölme ambazipkö keu ewö qahö buña qem angugetmö, ölna Anutugö keu jirkö dowa möta mi angön kölget. Mi möt narigetka miangön mönö kölönaim engiiga letorakze. ¹⁴ Juda ambazip Judia prowinsnön uruñini melengetka Juda tosatñan angösirip ak engigetka sihimbölö mötket. Yeñon mi möta tönđup Kraist Jisösbuk qekötahöba kinda Anutugö urumelen könagesöñi aket. Urumelen alaurupnini, engö sutñine mönö mewöñanök asuhuyök: Nanñini Grik ambazipnön Juda yeñgö tandök ewö ak engigetka injini sihimbölö örörön möta Anutugö könagesöñi aket.

¹⁵ *Juda yeñon kezapqetok ambazip enguget kömugetka Kembu Jisös mewöyök qegetka kömui nini sesewerowero ak neñgiba malget. Yeñon Anutugö jene qahö dop köla ambazip pakpak kerök ak neñgimakze. ¹⁶ Neñon kian kantri enñon uruñini melenđa letotmegöra Buña jibinbukö angön köl neñgimakze. Mewö siñgisöndok sundan aka qerakögetka qakñine öngömakza. Siñgisöndokñini qerakögetka dopñi Anutugö jene kokolak qeiga irimsesewölñi toroqeba angön kölmamğö osiba nalö kewöñe kondeli qakñine lök öngöza. Mewö.

Polnön Tesalonaika kunbuk anmamğö mörök.

¹⁷ O urumelen alaurupnini, neñon nalö kewöñe nalö töröpñi denđa maljin. Sileninan denđa maljinmö, uruninan jöhöba mohotñe maljin. Miangöra engö jesöngörönjini ekingöra mönö kapan köla awöweñgöba maljin. ¹⁸ Miangöra engöreñ kabingö möta malin. Pol nönön sömañ mohot-töp qahöpmö, indimñi yahöt kamamğö esapköyalmö, Satanön jöhöm neñgiiga osiin. ¹⁹ Injini nanine ila jalö soroknini ewö kinje. Kembunini Jisösnön lilingöba kaiga yanğö jemesoholñe angota kinbini, miangöreñ engeka “Urugö nup önewat qahö memba malin,” mewö jibingö mötzin. Neñon keu mi injini aka tosatñi yeñgöra aka awamñanök jibingö jörömqöröm akzin. Miangöra engöra önöñi qahö söñgaiba silenini memba öngömakzin. ²⁰ Neñon engöra aka qetbuña miwikñaininga sösoñgai ak neñgimakze. Mewö.

3

Timoti melaiyohotka Tesalonaika anök.

¹ *Injini denöwö aka maljei, mi mötpingö mötkurumkurum ketanji ak bibihiba toroqeba öne malbingö osiin. Miangöra nanirök Atens sitinön malbitkö keu jöhöba ² alaniri Timoti melaiziga engöreñ kayök. Yanğon Anutugö nup memba netpuk Kraistkö Ölöwak Buña jim sehimakza. Yanğon uru nanğonangö keu engiba mötnariñjini mem köhöimapköra kayök. ³ Anutunön areñjini jim teköiga tosatñan angösirip ak engimakze, mi nanñinak ölop mötze. Engöreñök kunñan könjiliñ uruñe koñgwarak aka löwöribapuköra jiinga kayök.

⁴ Neñon Tesalonaika embuk mala nalö miangöreñ engöra qeljine keu kewö jiin, “Kembugö jitsihitñi tem kölinga ambazipnön sesewerowero ak neñgigetka wahöjalij miwikñaibin.” Mewö jiinga miangö dop ölna asuhuyöhi, mi ölop mötze. ⁵ Mewö asuhuiga esapesap Tonan esapköm engii löwöriba etketka nupninanğö ölnan eta pömsöm qebapuk. Miangöra denöwö möt nariba maljei, mi mötpingö mötkurumkurum ketanji ahin lömbörii kunbuk öne malmamğö osiba Timoti melaibiga qesiba mötmamğöra kayök. Mewö.

Timotinön kösohotñini ali möt ölöwahin.

* **2:15:** Apo 9.23, 29; 13.45, 50; 14.2, 5, 19; 17.5, 13; 18.12 * **3:1:** Apo 17.15

⁶*Mötkurumkurum aka malinmö, Timotinöŋ anda enġömosöta lilingöba kaba buŋaŋini ölöŋŋi memba kaba kewö jiyök: Inini Kembu ölöŋ möt nariba urukalem ak aŋgumakze aka nalö dop neŋġöra mötmöriba ölöwahakze. Neŋön enġekingö sihimŋi möringa enġön mewöyök nini neŋġekingö kapaŋ kölakze.

⁷O urumelen alaurupnini, neŋön sesewerowero köŋjilin könaŋi könaŋi möringa nalö mianġoreŋ kaba möt narizeaŋġö kösohotŋi ölöŋŋi jii mötziga keu mianöŋ mönö ölna urukölalep ak neŋġiyök. Mianġöra nalö kewöŋe enġöra aka aŋgeba luainöŋ ölöwaka maljin. ⁸Inini Kembubuk qekötahöba böŋ qeba kinmeaŋġöra neŋön mönö ölna köhöiba maljin. ⁹Enġöra aka Anutugö jemesoholŋe öŋöŋi qahö söŋgaimakzini, söŋŋai pakpak mianġöra mönö denöwö Anutu möpöseiba saiwap jiinga dopŋe akawak?

¹⁰Neŋön suŋgem asak urunini qezaköba kapaŋ köla kewö köulukömakzin, ‘Anutu, mönö bauköm neŋġinöŋga Tesalonaika anda jesöŋġöröŋini eka mutulaŋġöba mötnaripŋinaŋġö yuaigöra osizei, mönö mi enġibin. Keu mi ölna.’

¹¹Mewö köuluköingä Anutu Iwinini nanŋi aka Kembunini Jisös yetkön mönö köna mesat neŋġiyohotka ölöŋ enġoreŋ kabin. ¹²Toroqeba kewö köulukömakzin, ‘Nini urukalem öŋöŋi qahö ak enġimakzini, Kembu göŋön mönö urukalemgi toroqeba kondel enġinöŋga sutŋine sehiiga kondel aŋgumakŋe aka ambazip pakpak kondel enġimakŋe. ¹³Kembu, göŋön mönö uruŋini mem köhöimakŋan. Kembunini Jisös göŋön könaŋep könaġesögi sarakŋi pakpak yembuk kunbuk kamani, nalö mianġoreŋ Tesalonaika yeŋön sarakŋi köpösihitkö keuŋi qahö Iwinini Anutugö jeŋe kinme.’ Mewö köulukömakzin.

4

Ahakmeme solanŋi urukalemŋambuk mi dop köлма.

¹Urumelen alaurupnini, keu kun kewö: Ahakmemeŋini Anutugö jeŋe aket dop kölmawaŋġö könaŋi kusum enġiinga mi lök köl guliba wuatanaġömakzemö, mi toroqeba gwötpuk ahakŋeġöra uruŋini kuŋguzin. Neŋön qambaŋ keu mi Kembu Jisösgö qetŋe enġizin. ²Neŋön Kembu Jisösgö kukösum qakŋe kindä jöjöpaŋ keuŋi jim kutum enġiini, iŋini keu mohot mohot mi lök möt teköze.

³Anutunöŋ enġöra jiŋsihitŋi kewö mötza: Inini mönö sero yonġorö andö qeba sarakŋi aka tök-kutukutuŋi aka malme. ⁴Anutugöreŋ köna diŋdiŋi mi mönö kewö möt kutume: Uru sileninaŋġö sihim kömbönaŋini galöm köla sarakŋi (mala nanŋini anöŋŋini nanŋik nanŋik memba) malgetka aködämunŋambuk akŋa. ⁵Urumelenġö kopa yeŋön Anutugö könaŋi qahö möt kutuba uruŋini köŋöp jeiga ambi laŋ memakze. Mianġö dop kude aka malme.

⁶Mewö qahöpmö, ambi apŋan kungen aniga kunöŋ ölöŋ kaba ambi kude saitköma. Kunöŋ bölöŋi mewöŋi ahiga uruŋiran kömbuhibapuk. Mutuk qambaŋ keu mi jiba galöm mem enġiini, mianġö dop kunöŋ ambi mem böliiga Kembunöŋ siŋgisöndokŋi pakpakö likepŋi meleŋ waŋgima. ⁷Anutunöŋ nini qewöloŋ malbingöra qahöpmö, malmal sarakŋi malbingöra neŋġoholök. ⁸Mianġöra jöjöpaŋ keu mi mosötmawaŋön mönö gölme ambaziwa qahöpmö, Anutu nanŋa andö qema. Anutu Uŋaŋi Töröŋi enġimakzawi, ia mönö andö qebepuk.

⁹Sutŋine jöpaköm aŋgumakzei, mianġö könaŋi Anutunöŋ kusum enġii nanŋinak lök möta malje. Mianġöra neŋön urukalem ak aŋgubingö keuŋi kunbuk ohom enġibingö qahö osizin. ¹⁰Masedonia prowins uruŋe urumelen alaurup pakpak uruŋinan jöpaköm enġiba maljemö, urumelen alaurupni, mi mönö toroqeba gwötpuk ahakŋeġöra uruŋini kuŋguzin. ¹¹Mönö ösöŋ mala nanŋini malmal nanġönaŋöŋini galöm köla böroŋinan nup memba malme. Mewö aka aködämunŋinambuk akingö kapaŋ köla kinme. Mutuk mewö jim kutum enġiinga mianġö dop mönö aka memba malme.

* 3:6: Apo 18.5

¹² Mewö aketka uruñini qahö melenja yaigep kinjei, yeñon ahakmemeñini solanji ek yaköba göda qem engiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³ Urumelen alaurupnini! “Tosatñan uruñini melenja kömumba ahözei, yeñgöra denöwö asuhubawak?” Injini keu mewö jiba miangöra gukmaulem malbepuk. Ambazip uruñini qahö melenja jörömqöröm qahö maljei, yeñon kömukömuñi yeñgöra aka wösöbirik maljemö, eñon i ewö wösöbirik malbepüköra keu kewö jibin: ¹⁴ Jisösnöñ kömumba wahöröhi, nini keu mi möt nariba kewö jizin: Anutunöñ Jisös mem guliyök. Miangöra ambazip yambuk kömumba nöñ qegeri, Anutunöñ mönö i mewöyök mem guliba Jisösbuk mohotñe enguanñgiri aukñe asuhume. Keu likepñi möt narizin ewö, likepñi kun mi mewöyök möt nariinga dop kölma.

¹⁵ *Kembunöñ keu kusum neñgiiga neñon yangö jitñi mi engöra kewö jibin: Tosatñi neñon qahö kömumba toroqeba silebuk malinga Kembunöñ lilingöba kamawi, nini nalö miangöreñ mutuk qahö öngöbin. Nini ambazip kömukömuñi qahö engonñgitpin. Qahö. ¹⁶ Miangö areñi kewö: Anutunöñ tömunñi qainñi kun uiga ötoñi asuhuiga Suep garata bohonñan jimkutukutuñi qeriga ambazipnöñ kourukñiri mötketka Kembunöñ nanñak Suepnöhök etma. Kraistnöñ eriga i möt narim wanñgiba kömugeri, yeñon mönö mutuk kömupnöñök wahötme.

¹⁷ Yeñon mutuk wahötketkun nini qahö kömumba jebuk malbini, Anutunöñ mönö neñguanñgiri könakemba öngöbin. Wahötkeri yembuk öröröñ kousunöñ öngöba Kembubuk aitongöba yambuk Suep mire sundan dop malbin. ¹⁸ Miangöra keu mewöñi jiba miangön mönö uruñini nanñgöm anñguba malme. Mewö.

5

Kembunöñ kamapköra mönö jöjöröba malme.

¹ O urumelen alaurupnini, Kraistnöñ lilingöba kamapmö, wani yambunöñ aka wani nalönöñ asuhumawi, nini miangö keuñi ohom engibingöra qahö osizin. ² *Injini nanñinak keu mi ölopñanök kewö möt kömuze: Yongorö memenöñ sunñgem ölöñ kanñgorakzawi, Kembugö kaka nalöñan mönö miangö dop wölañ kam kuñguma.

³ Ambazipnöñ kewö jime, “Merak luai qem neñgii siyonñsayonñi qahö maljin.” Mewö jigetka miangöreñök köndenñmendenñ asuhuba qakñine öngöma. Ambinöñ morö memangö masöñi qei mörakzawi, mönö miangö dop asuhuiga misingöba anbingö osime. ⁴ Yeñon osimemö, urumelen alaurupnini, eñon pandaman uruñe jipjap qahö maljeangöra nalö miangön mönö sanñgabanñga yongorö meme ewö engö qakñine öngömapkö osima. ⁵ Körek eñon mönö asakñangö ambaziwa akze aka yuai pakpak aukñe akingö ak engimakza. Nini söñaupkö ambaziwa qahö akzin aka ömukñangö yuainñi tököba sisit memakzin.

⁶ Miangöra tosatñi i ewö uruninan gaun ahöbapuk. Mewö qahöpmö, nanini galöm köl anñguba uruguliguli malbin. ⁷ Gaun ahözei, yeñon sunñgem gaun ahömakze. Ambazip o köhöikñi namba enjololonñ ahakzei, yeñon mönö söñaupnöñ mewö aka malje.

⁸ *Söñaup uruñe mewö ahakzemö, asakñangö ambazip neñon mönö nanini galöm köl anñgumakin. Wahöjambanini mönö opo maluku ewö kewö löngöta kinbin: Neñon mötnarip aka urukalem köl guliba mewö miangön töptöpnine göwanñgöwanñ kepolaköba (suman ewö

* **4:15:** 1 Kor 15.51-52 * **5:2:** Mat 24.43; Luk 12.39; 2 Pitö 3.10 * **5:8:** Ais 59.17; Ef 6.13-17

köla) sel jöhöm anguba kinbin aka Suep mire öngöbingö mamböta jörömqöröm aka mewö mianjón nöröpnini ain irikmarik ewö esuhuba turubin.*

⁹ Anutunöj nini et neŋgui irimsesewölŋi mötpingöra qahö jim teköyökmö, Kembunini Jisös Kraistnöj mem letot neŋgii oyaenköyaen buŋa qem angubingöra jim teköiga maljin.

¹⁰ Jisösnöj neŋgöra aka kömuyöhanjöra malmalnini gölmenöj malbini me kömumba nöj qeba ahöbini, mi mönö Jisösbuk köhöiba malbin. ¹¹ Mianjöra uru nanjónanjö aka möhamgöm anguba köhököhöi miwikŋaiba mutulanjömakzei, mi mönö toroqeba memba malme. Mewö.

Qamban aka goro keu qöndökŋi

¹² Urumelenj alaurupnini, neŋjón kewö jim kutum engizin: Galömŋinan Kembubuk qekötahöba kinda sutŋine nup memba qamban engimakzei, i mönö göda qem engiba malme. ¹³ Göda qem engiba nupŋini memakzeanjöra mönö ölŋa jöpaköm engiba yengjöra mötket öngöma. Könagesö sutŋine mönö luai qem anguba malme.

¹⁴ Urumelenj alaurup, neŋjón urukunjukunju keu tosatŋi kewö engizin: Tosatŋan nanŋini imbi-imbi wuatangöba injarere laŋ maljei, mi mönö jim engiba galöm meme keu engime. Ziriŋziriŋ ambazip yengjöra mönö uru nanjónanjö keu jigetka köhöiba awösamkakak akŋe. Ambazip uruŋini löwöriiga maljei, i mönö köyan köl engime. Urukönöp kude akŋemö, ambazip pakpak mönö urubönjöhöj qakŋe ak engime. ¹⁵ Jinöh jibi, nuŋgunöh guhubi me aknöj aki mi kunŋan kude akŋa. Songo mi walöhbepeköra mönö galöm mem anguba malme. Nalö dop yuai ölöpnj ölöpnj mi kapan köla ak angumakŋe aka ambazip tosatŋi pakpak ak engiba malme.

¹⁶ Mönö nalö dop sösoŋgai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, mianjörenj mönö Anutu möpöseiba malme. Kraist Jisösbuk qekötahöba kinjei, Anutunöj engjöra jitsihitŋi mewö mörakza.

¹⁹ Uŋa Törönanjögö bölamŋi mönö kude qömbököme. ²⁰ Anutugörenj kezapqetok keu jimakzei, mianjögö jijiwilitŋi mönö kude akŋe. ²¹ Keu pakpak mönö kewöta esapköme. Esapkögetka keu ölöpnj asuhumawi, mi mönö angön köla malme. ²² Keu aka ahakmeme bölöŋi könanj könanj mi mönö andö qeba malme.

²³ Nöhön engjöra kewö köulukömakzal, 'Luaigö bemŋi Anutu, gi nangak mönö lökŋanök tök kutum enginöŋga sarakŋi aka malme. Göñön mönö uruŋini, uŋanini aka sileŋini mi lökŋanök sel jöhöm enginöŋga köpösihitkö keuŋi qahö aka malme. Mewö nalö dop malgetka Kembunini Jisös Kraistnöj lilingöba kaba mewö miwikŋaim engima. Keu mi ölŋa.' ²⁴ Engoholjawi, yanjón keuŋi pöndanj wuatangömakza. Mianjöra mönö köuluk mianjögö dop ak engim teköma.

²⁵ Urumelenj alaurupnini, enjón mönö neŋgöra aka Anutu köuluköba malme.

²⁶ Urumelenj alaurup pakpak sutŋine mönö angum anguba numbuŋini yöhötim nemba malme.

²⁷ Nöhön Kembangö qetŋe jim kutum engiba jöjöpanj keunöh jöhöba kewö ohozal: Kimbi ki mönö urumelenj alaurup pakpak yengjöra algetka oyöh engigetka mötme.

²⁸ Kembunini Jisös Kraistkö kalem möriamŋan mönö embuk ahöma. Mewö.

* **5:8:** Ömewöröme yehön sölölohöm neŋgimegöra yuai bölöŋi bölöŋi mi liŋgip kesarek ewö gila neŋgöra mulahakzemö, mianjögö jitŋi mi ölöp Jisös möt nariba urukalem kondela kinda likeplikep suman ewö közamböt anguba közangömakin. Mötmötninan siksauk aiga janjuŋ anbinpuköra ölöp Anutubuk ösupköiŋga kalem möriamŋan nöröpnini irikmarik ewö sel jöhöm neŋgiiga amöriiga Suepkö könanj wuatangömakin.

Tesalonaika Kimbi 2

Polnön Tesalonaika yengöra Kimbi aliga 2 ahök.

Jim-asa-asari

Tesalonaika urumelen kambu uruñe Kraist kamapköra mambötketka tosatñan “Lök kayök,” jigetka tosatñan “Keu mi muneña,” mewö lanlan jiba siksauk aka malget. Tosatñan “Kembugö kaka nalöñan lök kam kuñguyök,” jiba möt nariget. Miangöra “Polnön Kimbi Tesalonaika aliga 2 ahök,” buk mi ohoba keu mi jim tuariyök. Polnön keu muneñi mi mindiñgöba könañi kewö indelök: Kraistkö kaka nalöñan dopdowimawi, nalö miangöreneñ ambazip ahakmemenjanan gonñiba bölima. Mewö bölüiga azi tandökñi kun qetñi Iwilele Tonji yanön asuhuba mutuk tölapñe mala könañep Kraist aukñe tuarenjon ak wangiba ambazip kantri dop galöm köl engima.

Tosatñan Tesalonaika urumelen kambu kahasililin mem engigetka sihimbölö möta malget. Miangöra aposol Polnön keu bohonñi tosatñi kewö jim tuarim engiyök, “Inini mönö kapañ köla köhöiba Kembubuk qekötahöba kinda möt nariba malme.” Keu kötni kun kewö jim tuariyök, “Nönön neñakurupni yembuk malmalnini nanñöm anğubingöra nup memba malini, inini mönö miangö dop injarere malmal mosöta nanñini nene yaka miwikñaiba mi namba malme aka nup ölöpnji ölöpnji kapañ köla jegep kinda memba malme.”

Buk kiangö bahöñi bohonñi 5 mi kewö:

Keu mutukñi 1.1-2

Uruölöwak ak engiba söñgaiba möpöseiza 1.3-12

Kraistnön kamapkö keuñi kusum engiza 2.1-17

Ahakmeme diñdiñi akñegöra kuñgum engiza 3.1-15

Kimbigö keu kötni bohonñi 3.16-18

¹ *Pol, Sailas aka Timoti neñön Tesalonaika urumelen könañesö embuk keu eraum mötpingöra kimbi ohozin. Enön Iwinini Anutu aka Kembu Jisös Kraist yetpuk qekötahöba kinje.

² Iwi Anutu aka Kembu Jisös Kraist yetkön mönö kalem möriam engiyohotka luainön malme. Mewö.

Sihimbölö mötagun mönö oyaenñkoyaen aka malbin.

³ Urumelen alaurupnini, engö mötnaripñinan gwötpuk köhöiiga körek pakpak urukalem ak anğumakzei, silik mianñon mohot mohot engö uruñine sehimakza. Miangöra neñön engöra nalö dop “Anutu saiwap!” jiba möpöseim wangimazini, mi ölöpnjanök dop kölja. Buña keu köl guligeranğöra saiwap jimakzini, mi mönö nupnina. ⁴ Sesewerowero anğösirip könañi könañi ak engigetka mörakzei, mi pakpak kapañ köla mökösönđa böñ qeba kingetka mötnaripñinan qahö sörauba löwöriza. Naninak mewöyök miangö kösohotñi mi Anutugö könañesöñi könañesöñi yengö jeñine jiba engöra aka silenini möpöseimakzin.

⁵ Anutunön keu diñdiñanök kewöta jim tekömakzawi, anğösirip mötmötñinan mönö miangö aiwesökñi akza. Anutugö bemtohon uruñe kanğota maljeanğöra sihimbölö mötketka engehiga Suep mire öngömeangö dop sarak sorokñi akñegöra kapañ kölakza. Miangöra köñjilin qahö anğön köluga nalö kewöñe qakñine öngömakza. ⁶ Anutunön diñdiñi akzawanğöra kinda kahasililin ak engimakzei, i mönö kahasililin miyöhök melenñiga qakñine öngöma.

⁷ Qakñine öngömapmö, kahasililin möta maljei, enön mönö oyaenñkoyaen akñe. Kembu Jisösnön garataurupñi kukösumñinambuk enğuanğita yembuk Suepnöhök eta asuhumei, nalö miangöreneñ mönö nembuk mohotñe luhut meme. ⁸ Jisösnön köñöp bölam uruñe

* 1:1: Apo 17.1

etma. Mewö eta ambazip Anutu qahö möt waŋgiba Kembunini Jisösgö Ölöwak Buŋaŋi qahö tem kölakzei, i mönö likepŋi melenj enŋiiga sihimbölö kewö möta malme: ^{9*}Kembunöŋ mönö “Yapmakek!” jiba jemesoholŋeyök közöl enŋiiga Anutugö kukösumŋi asakmararaŋambuknöŋ qahö öŋgömemö, yaigepŋe mala könöp siagö sihimbölöŋi teteköŋi qahö möta malme.

¹⁰ Kembunöŋ lilingöba kamawi, nalö mianŋöreŋ kambu-urupŋi sarakŋi neŋön mönö yaŋgö asakmararaŋi eka mianŋö dop letota “Owe, Jisös Kembunini owe!” jibin. Möt narim waŋgiini, körek neŋön mewö welipköinga ambazip omanan neŋgeka Yei! jiba auruba kinme. Neŋön Jisösgö könaŋi naŋgöba jiinga eŋön mewöyök mi möt nariba uruŋini melenjgeraŋgöra mönö letota jihilalomŋinambuk asariba nembuk mohotŋe kinme.

¹¹ Mewö asuhumapköra neŋön nalö dop enŋöra kewö köulukömakzin, “Anutunini, nangak enŋohola mianŋö dop mönö nam köl enŋinöŋga sarak sorokŋi aka malme. Mönö kukösumgi ala inahöm enŋinöŋga yuai ölöpŋi pakpak aka membingö sihimŋini körek asuhum teköma. Mewö mötnaripkö nupŋini megetka ölni körek asuhuma.” ¹² Mewö köuluköinga Kembunini Jisös möpöseigetka qetŋan enŋöra aka sutŋine aködammunŋambuk akŋa. Nanine Anutu aka Kembu Jisös Kraist yetkön kalem möriam enŋiyohot maljeaŋgö dop mönö nanŋinak mewöyök aködammunŋinambuk akŋe. Mewö.

2

Kembunöŋ kamamgö aiga Iwilele Toŋan asuhuma.

¹ *Urumelenj alaurupnini, Kembunini Jisös Kraistnöŋ lilingöba kaba neŋguaŋgiriga yaŋgöreŋ eu tokobini, iŋini keu mi mötze, neŋön kewö qesiba qambaŋ enŋizin:

² Kembangö kaka nalöŋan lök kam kuŋguzawaŋgö tandök tötbörömmŋinan mönö mianŋöreŋök kaiga siksauk möta tatpepuk. Keu mi denöwö asuhuyök? Uŋa kunöŋ azi kun alburup qeiga imutimut eka kezapqetok keu jim siŋgiyök me kunöŋ “Uruŋini kuŋgumam,” jiba keu jim siŋgiiga asuhuyök? Tosatŋan kewö jibepuk, “Pol alaurup yeŋön keu mi kimbinöŋ ohoba alget kayök.” Keu omanŋi mianŋöra mönö öne töhön töwöratiba jönömmŋini undui malbepuk.

³ Kunŋan kun mewö me mewö tilipköm enŋibapüköra mönö galömmŋini mem aŋguba malme. Mi kewögöra: Mutuk aiwesök yahöt kewö asuhuyohotka Kembunöŋ mianŋö andöŋe kama: Ambazip kelenmaleŋ yeŋön Kembu iwilele aka andö qeme aka Iwilele Toŋan nanŋak mewöyök aukŋe asuhuma. Anutunöŋ i jim teköiga könöp sianöŋ gema. Aiwesök yahöt mi mutuk asuhuyohotka mianŋö andöŋe nalö ketaŋan kama. ^{4*}Tuarenjon Toŋi yaŋön jakbak-öraŋböraŋ aka nanŋi silenŋi mem öŋgöm teköma. Ambazipnöŋ yuaigö waikŋi memba möpöseimakzei me qetŋi bem qetzei, yaŋön mönö mi pakpak enŋonŋita silenŋi memba öŋgöba malma. Mewö mala Anutugö jöwöwöl jikenöŋ öŋgöba jakömbuak dumŋi ala “Anutu akzal,” jiba kantri pakpak galöm köl neŋgiba malma.

⁵ Nöŋön Tesalonaika embuk malali, nalö mianŋöreŋ keu mi lök jibi mötket. Iŋini mi ölüm enŋubapuk. ⁶ Iwilele Toŋan zilaŋzilaŋ asuhumapkö osima. Wani yuainöŋ könaŋi aŋgön kölakzawi, eŋön mi nalö kewöŋe mötze. Nalöŋi törörök kam kuŋgumawi, mianŋöreŋök mönö asuhuma.

⁷ Nalö kewöŋe Iwilele Toŋaŋgö ösumŋi tölapŋan lök asuhuba ambazip sölölohöm enŋimakza. Aukŋe asuhubapükö könaŋi aŋgön köljawanöŋ mi mosöri köna ahumapköra mamböta malja. ⁸⁻⁹ Mamböri könaŋi asuhuiga mianŋöreŋök mönö amqeba asuhuma. Satanöŋ Iwilele Toŋi sölölohöba nam köl waŋgi aŋgöletot munenŋi aka aiwesök kimbi könaŋi könaŋi meiga eka malme. Mi eka malmemö, Kembu Jisösnöŋ asakmararaŋambuk asuhuba auyohotka i numbu ösumŋan qeba yayiapaleŋ mem waŋgima.

* **1:9:** Ais 2.10 * **2:1:** 1 Tes 4.15-17 * **2:4:** Dan 11.36; Eze 28.2, 8; Ais 11.4, 9; Mat 24.24

¹⁰ Ambazip Anutunöŋ amöt qem enġimapköra tököba keu ölni buŋa qem anġubingö qahö ak enġiiga laŋ mala könöp sianöŋ gemei, yeŋön Iwilele Tonanġö anġöletotŋi eketka kölgorom könaŋi könaŋi enġiiga janjuŋ ahakŋe. ¹¹ Mianġöra Anutunöŋ mötmöt janjuŋ kawikŋambuk ali asuhuiga ambazipnöŋ mi kukösumŋinambuk jim sehigetka sesegilgil yeŋön keu kelökŋi gwahöta munenŋi möt narime. ¹² Könaŋamŋinan aukŋe asuhumapköra Anutunöŋ janjuŋ al enġii qaköme. Ambazip keu ölni qahö möt nariba urusihimŋini ahakmeme goŋgoŋe ala qakögeri, Anutunöŋ mönö körek yeŋgö keuŋini jim teköiga könöp sianöŋ geme. Mewö.

Keu ölni tem köla kapan köla köhöiba kinme.

¹³ Yeŋgöreŋ mewö asuhumapmö, Kembugö wölböt alaurup, enġöra mönö nalö dop “Anutu saiwap!” jiba möpöseininga dop kölja. Mi nupnina. Anutunöŋ inġini könakönahinġeyök Suepkö buŋaya aka letotmegöra möwölöhöm enġiyök. Mianġö dop keu ölni möt narigetka Uŋa Töröŋan mem sarahim enġiiga malje. ¹⁴ Mewö malmegöra Ölöwak Buŋa al neŋgii jim asariinga mianġön inġini enġoholök. Mewö toroqeba mala Kembunini Jisös Kraistkö asakmararaŋnöŋ öŋgöba aködammunŋinambuk akŋe.

¹⁵ Mianġöra urumelen alaurup, koŋgwarak mönö kude aka malme. Neŋön keu kusum enġiba jitinan jiiŋ me kimbinöŋ ohoinga mötkeri, keu kötŋi mi mönö qekötahöba wuatangöba malme. Mewö.

¹⁶ Kembunini Jisös Kraist nanŋak aka Anutu Iwinini yetköŋ jöpaköm neŋgiba kalem möriam qakŋe oyaenköyaen akingö jörömqörömŋi neŋgiyohotka mianġöra mamböta urukölalep teteköŋi qahö möta maljin. ¹⁷ Yetköŋ mönö uruŋini nanġöba nup ölöpŋi pakpak memba keu ölöpŋi pakpak jiba malmei, mianġöreŋ mönö mem köhöim enġiiga malme. Mewö.

3

Ölöp neŋgöra köuluköba malme.

¹ Keu teteköŋi kun ki: Kembugö keuŋan sehiba enġö sutŋine aködammunŋambuk ahöhi, mianġö dop mönö zilaŋ miri tosatŋe mewöŋanök anda jim sehiinga ölnambuk ahuba anma. Mianġöra urumelen alaurup, enġön mönö neŋgöra aka Anutu köuluköba malme. ² Ambazip sesegilgilŋan Anutu qahö möt narimakze. Mianġöra misimkaulup ambazip goŋgoŋi aka bölöŋi meme yeŋön kahasililin ak neŋgibepuköra mönö Anutugö köuluköba malgetka sel jöhöm neŋgima.

³ Sesegilgil yeŋön bölizemö, Kembu keuŋi pöndaŋ wuatangömakzawaŋön mönö mem köhöim enġiba bölöŋeyök sel jöhöm enġima. ⁴ Keu jim kutum enġiini, enġön mi nalö kewöŋe aka könaŋgep tem köla malmei, mi möta uruyahötŋi qahö akzin. Neŋön Kembubuk qekötahöba kinda mewö mötzin.

⁵ Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapan köla mökösoŋda malme. Mewö.

Injarere malbinbukö galöm meme keu

⁶ Urumelen alaurup, inġini nanŋini imbi-imbi wuatangöba laŋlaŋ malbepuköra kusum enġiinmö, tosatŋan keu bapŋe qahö anda önewat laŋ malje. Mianġöra nini Kembu Jisös Kraistkö qetŋe kewö jim kutum enġizin: Inġini mönö urumelen alaurup mewöŋi pakpak mi enġömosöta misinġöba tikep malme. ⁷ Neŋön enġö sutŋine nanini imbi-imbi laŋ qahöpmö, keu bapŋe malin. Mianġöra neŋgö köna lasupnini wuatangömegö könaŋi mi nanŋinak ölöp mötze. ⁸ Nini injarere qahö malin aka enġöreŋök kungö nene yuai mi öne qahö namba malin. Qahö! Nanġöm neŋgimegö lömbötŋan enġöreŋök kungö qakŋe öŋgöbapuköra mönö suŋgem asak nup sundansundan memba silenini qeba malin.

⁹ Anutunöŋ nupŋi memingö kukösumŋi neŋgii maljinanġöra ölöp nanġöm neŋgimegö keunöŋ uruŋini kuŋgum enġibinakmö, neŋgö köna lasupnini wuatangömegö silik ölöpŋi

kondel engibingö mötzin. ¹⁰ Embuk malini, nalö miangörej lök kewö jim kutum engiin: Nup memamgö töközawanön mönö nene mewöyök kude nema.

¹¹ Engö sutjine tosatjan keu bapje qahö anda nanjini imbi-imbi wuatangöba laj malje. Yejön nup öljä qahö memakzemö, nup meme tandöktandök öne laj memba inöj wainöj möndöba tosatji yengörej yuai mem sohoba qewöloj silekmalek laj malakze. Engörej keu kun mi mewö kaiga mörin. ¹² Nejön ambazip mewöji mi Kembu Jisös Kraistkö qetje jim kutuba urunji kewö kungum engizin: Injini mönö an qekötahöm kam qekötahöm mosöta zej mala nup megetka öljä asuhuiga nanjini nene yakanjini namba malme.

¹³ O urumelenj alaurupnini, ejön nup ölöpnji ölöpnji memba miangörej mönö tanqan kude akje. ¹⁴ Nejön kimbi ki ohoba jim kutum engizini, kunjan mi qahö tem kölma ewö, injini mönö urunji melenjmapköra gamu qem wangiba ehöröj köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak wangiba qamban köl wangiba malme. Mewö.

Köuluk aka yaizözkök keu teteköji

¹⁶ Kembu luai Tojan nanjak mönö nalö dop ahakmeme pakpak miangörej luai qem engiiga bönjöj malme. Kembunöj mönö körek embuk malma.

¹⁷ Pol nanak yaizözkökni nani börönan ohozal. Kimbi pakpak ohomakzali, miangörej nani yaizözkök qet kimbi ki nanak alakzal. Qetni kewö ohozal: Pol*

¹⁸ Kembunini Jisös Kraistkö kalem möriamjan mönö körek embuk ahöma. Mewö.

* **3:17:** Mutuk kunöj tilipköba Polgö qetje kimbi kun aliga uru siksauk asuhuyök. Miangöra nanje böröjan qetji ohoyök.

Timotigö Kimbi 1

Polnön Timotigöra Kimbi mutukni alök.

Jim-asa-asari

Timoti sepguli azi yangö namni Juda ambi aka iwiñi Grik azi. Yanön Eisia prowinsnön mala uruñi melenða Kraistkö alañi aka malök. Mewö mala Polgö neñakni aka bauköm wanjiiga mohotne liliköba misin nup memba malohot. Polnön lömbötnön memba et al wanjibapuköra waimanjat keu bohonni karöbut mötmöriba Buña Kimbi ki ohoyök.

Waimanjat bohonni ketani mi böhi takapulakani. Tosatjan zioz uruñe kinda keu gonjonni kusum sohom engiba malgeri, Polnön yengöra aka galöm meme keu köhöikni ohoyök. Böhi mienön Juda yengören mötmöt aka gölmegö mötmöt tosatni mindirigetka könañamni loloñqalon aiga kewö möt nariba jiba ambazip kusum engiba malget: “Gölme aka yuai pakpak ehakzini, mi bölöñi akza. Miangöra tosatjan Suepkö buña akingö kapan köla mötmöt asa-asambötni qainni kun qahö buña qem anğuba nenegö dönqizizin aka songo tosatni walönða awanöm akze ewö, Anutunön mönö keu miangören qaköba amöt qem engimangö osima.”

Waimanjat keu bohonni kun mi: Denöwö urumelen könagesö galöm köl enjiinga törörök Anutugö waikni memba möpöseibeak. Polnön miangö qambañ keuñi papianön ohoyök. Mewöñanök zioz galöm, babafi aka nup meme ambazip tosatjan denöwö aka malgetka dop köljawi, miangö keu areni mi jim asariba ohoyök.

Teteköñe keu bohonni karöbutni miangören Timotigöra goro keu tosatni ohoyök. Undumni yanön mönö denöwö Jisös Kraistkö welenqege ölöñi aka mötnarip ambazip kambunni kambunni engöbisiba bauköm enjiiga dop kölmawi, miangö goroñi ohom wanjiyök.

Buk kiangö bahöñi bohonni 3 mi kewö:

Keu mutukni 1.1-2

Ziozgö nup meme yengören jimkutukutu 1.3–3.16

Timotinön nupni memapkö jimkutukutuñi 4.1–6.21

¹ Anutu, Amötqege Tonini aka Kraist Jisösnön galöm köl nengimapkö jörömqöröm al mamböt ak wanjizini, yetkөн Pol nongöra jim kutuba kuñguba melaim niñgiyohotka aposol maljal. Kraist Jisösgö jitnememe mewöñi aka göbuk keu eraum mötpitköra kimbi ki ohozal.

² *O Timoti! Gi urugi melenða Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainön malman.

Enjololon kusum engibepukö galöm meme keu

³ Masedonia prowinsnön anmamgö ahali, nalö miangören kewö jim kutum gihial, ‘Gi mönö Efesus sitinön toroqeba mala urumelen kambu bauköm engimakñan. Tosatjan mötnaripkö keu kambañ tosatni kusum sohomakzei, mi toroqeba akepuköra galöm mem anğuba malme.’ Mewö jim kutum engiba malmangöra jial. ⁴ Tosatjan bem sambanni sambanni aka ambösakon yengö qet areni areni mi teteköñi qahö eraum mötketka supapköiga anğururuk aka keu qeçesi omani asuhui mötmörimakze. Yenön uruñini miangören ala sohobepuk. Keu sinñi sinñi jiji mewöñi mi qahöpmahöp bauköm engimappö, Anutugö malmal areni mi kewö ahöza, ‘Kunñan Jisös möt nariba uruñi melenñiga yanön mönö i amöt qem wanjiiga letotma.’ Merak mewö ak engimangöra kunbuk uruwahöt keu jim gihizal.

* 1:2: Apo 16.1

⁵ Jim kutum gihizali, mianğö tohotñi mi urujöpak. Nöñön urukalem ahumapköra bim qeba kewö jim tuarim engiba malmangö kuñgum gihizal: Yeñön uruñinan sarakñi ahömapköra galöm köl anğuetka mötmöt bölöñan mi qahö gwözöñma. Qahö gwözöñniga Anutunöñ sanep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönö urukalemñi uruñine ali ölop ahumakña. Urujöpak mianğön sutñine ahumapkö kapan kölakzal.

⁶ Tosatñan Anutugö malmal areñi mi siñgiba janjuñ aka oyoñdewedewet keu omanñi omanñi lañ jimakze. ⁷ Yeñön Anutugö Köna keugö böhi malbingö mötzmö, nanñinak keugö könañi qahö möt asariba mesohol kölâyök jimakze. Öne ambazip jeñine awösamakak kinda keu lañlañ köhöiba jiba bim qemakze.

⁸ Anutugö Köna keu mianğön mönö ölop sorokñi akza. Mi könañangö dop törörök kusum anğuba wuatangöinga ölop möhamgöm neñgimakza, mi mötzin. ⁹ Anutu Köna keuñangö könañi mönö kewö möt yaköme: Mi ambazip solanñi diñdiñi yeñğöra aka qahöpmö, Anutunöñ mi ambazip goñgoñi mindiñgöm engimapköra aka ali ahöza. Tosatñan goñgiba kewö ahakze: Iwilele jaubatbat aka keu qeba yangiseñ qakñe aum jesöksök ahakze. Anğöjörak aka siñgisöndokñinambuk mala töndup Anutu nesampurek ak wañgigetka uruñini tölohoba nöñöñgan malje. Iwinamñini aka tosatñi enğuet kömumakze.

¹⁰ Serowilin ahakze. Sodom taonöñ akeri, mianğö dop köna onğita azi nanñirök aka ambi nanñirök amimakze. Ambazip mem bölim engimeğöra qeraköba jöhömakze. Keu munenñ jimakze. Keu jiba jöjöpañ keunöñ jöhöba töndup tilipkömakze. Anutunöñ ahakmeme diñdiñi akingöra Ölöwak Buña neñgiyöhi, mi inñi wainñi aka memba mianğön qetalakze. Anutugö Köna keu mianğön ambazip mötnaripkö köna diñdiñi siñgimakzei, mönö i mindiñgöm engimapköra aka ahöza. ¹¹ Anutu, oyaenkyoanñ Tonñi yañön mötnaripkö köna diñdiñi mi Buña keunöñ ali ahöza. Nöñön Ölöwak Buñañi aködammunñambuk jim sehimangö möt narim niñgiba Buña keuñi mi al niñgiyök. Mewö.

Polnöñ Kembu kalem möriamñangöra möpöseiza.

¹² Kraist Jisösnöñ uruni kewöriga nupñi pöndañ memamañgö dop nehi dop köluga nupñi niñgiiga memakzal. Nup memamañgöra kukösum niñgiba mala kotzawi, mianğöra Kembunini möpöseiba maljal. ¹³ *Nöñön mutuk Jisös mepaiköba alaurupñi ilita sesewerowero könöpuk ak engiba malal. Mewö malalmö, yuai mi Jisös qahö möt nariba silebile tönpin mala lañ aka memba malal. Siñgisöndok mewö aka malalañğöra mönö ak kömum niñgiiga kölöñaiba letoral.

¹⁴ Kembuninan kalem möriamñi niñgiba keleñmaleleñ mokoiga nöñgö qakne öngöyök. Mewö öngöiga mötnaripnan asuhuiga urujöpakö kondotkondot Tonñi Kraist Jisös miwikñial. Yambuk qekötahöba kinda urukalemñi buña qem anğuba ambazip tosatñi urunan jöpaköm enğimakzal.

¹⁵ Nöñön ambazip tosatñi pakpak enğonğita siñgisöndokö ambazip yeñgö sutñine ketamñini aka malal. Mewö malalmö, Kraist Jisösnöñ siñgisöndok ambazip amöt qem neñgimamğöra aka gölmenöñ erök. Keu kötni mi nöñgöreñ ölnambuk ahök. Mianğöra keu kötni mianğön mönö pöwöwöm köhöikñi akza. Mi ambazip körekmakörek möt nariba anğön kölbinanğö dop akza.

¹⁶ Siñgisöndokö ambazip yeñgö ketamñini aka malalmö, Kraist Jisösnöñ ni kewögöra ak kömum niñgiyök: Yañön nömbuk uruluai qakñe amöt qem niñgiba Anutugö uru tandökñi aukñe asuhumapkö möt köhöiyök. Nöñgö könane ambazip tosatñan Jisös möt narimei, tandökñi mi yeñğöra kondel enğimamğö mörök. Mi kondel enğiiga ölop amqeba uruñini melenđa malmal köhöikñanğö buñaya akñe. ¹⁷ Ak kömum niñgiyöhanğöra aka Anutu möpöseimakzal. Yañön Kiñ Kembu teteköñi qahö aka malma. Anutu mohotñan

* 1:13: Apo 8.3; 9.4-5

qahö göröñ qeiga kaisongolomñi qahö ehakzin. Nöñön yanğö qetbuñani nalö dop möpöseibiga teteköñi qahö aködamunñambuk aka ahöma. Keu mi ölna.

¹⁸ O mötnaripkö nahöni Timoti! Mutuk kezapqetok keu tosatñi göhöra jigeri, keu mianñön kötöngöm gihiiga ölop aködamungabuk aka malman. Keu mianğö dop kewö jim kutum gihizal: Göñön mönö malmal sarakñi malmangöra bim köhöikñi qeba malman.

¹⁹ Bim qeba mianğoreñ mötnaripki söörauba sohobapuköra mönö töp meman. Urugi köyan köl anğunönga mötmöt bölöñan qahö gwözöñniga Anutunöñ urukezapnöñ sanep alakzawi, mi ölop möta malman. Ambazip tosatñan uru köyankölkölni mosöta lañ malgetka mötnaripñinan löwöriba köhömuñi aka pömsöm qeyök. Wanğenöñ köwet töromnöñ kuñguba jömgözawi, mönö mianğö dop kumkanjañ aka böliget. ²⁰ Mötnaripñinan pömsöm qeyöhi, yanğö sutñine azi yahöt qetñiri Himeneus aka Aleksander maljahot. Nanak mindiñgöm etkimangö osiba uruñiri melenmahotköra i Satangö böröñe al etkial. Al etkibiga Satangö kukösumñi ahakmemenirangö dop möta uruñiran sihimbölögöra löwöriiga melenđa mepaqepaik kunbuk qahö akahorak. Mewö.

2

Buñ nupkö köuluk areñ

¹ Yuai bohonñi mi köuluk nup. Nöñön mianğö uruwahöt keuñi jiba uruñini kewö kuñguzal: Inñini mönö ambazip körek pakpak engöra köuluköba kapan köla uleta Anutu qesim wanğiba saiwap jiba malme.

² Kiñ azi kembu aka gawmangö galöm ambazip könañi könañi yanğöra aka köuluköba malme. Mewö kötöngöm engigetka diñdiñanök galöm köl nengigetka luai qakñe guñböñjönjön malbin. Mewö mala Anutugö jitñi wuatangöba ahakmeme diñdiñi aka memba malinga aködamunñambuk ahakña. ³ Köuluk nup mewöñi mianñön ölop sorokñi akza. Mi Anutu, Amötqeqe Toninangö jemesoholñe ölop dop kölja. ⁴ Yanñön ambazip körekñan Buñ keu ölni möt kutuba uruñini melengetka amöt qem engii letotmegöra jitsihitñi mörakza.

⁵ Anutu mohok-kun ahöza aka ambazip Anutubuk mindirim nengimapköra azi mohok-kun mewöyök ahöza. Azi mohot Jisös Kraist yanñön mönö mi köhöiiga tosatñan mi osimakze. ⁶ Yanñön siñgisöndok ambazip pakpak nengö sohopeni memapköra malmalñi kölenđa mosörök. Buñ keu mi Anutunöñ nalö ali tosatñan nalö törörök mianğoreñ könahiba nanğöba jim asarigetka nengöreñ kayök. ⁷*Mianğöra aka Anutunöñ aposol akñangö kuñguba melaim niñgiiga kantri dop lilikömakzal. Ambazip Jisös möt narimegöra Buñ keu ölbölni jim asariba kusum engiba uruñini kuñgum engimakzal. Könani mewö jiba muneñ kun qahöpmö, keu ölna mewö jizal. Mewö.

Azi aka ambi yanğö malmal areñini

⁸ Mianğöra jitsihitnan kewö jizal: Azi enñön mönö pöndañ miri dop tokoba köuluk nup töp memba malme. Yom kazik aka anğururuk mosötketka uruñinan sarahiiga ölop böröñini mem wahöta Anutu köulukömakñe. ⁹*Ambi engö qambañ keuñini kewö jizal: Enñön mönö kinisöröñini löngöta sileñini törörök turuba malme. Opo söro sorokñi aködamunñambuk mi mosötme. Nöröp juññini qeba gawasü könañi könañi kude ala minjinda öñböñ meme. Kösasorom me goul mianñön kude meñölöm anğume aka löngölöngöt söñgöronñi ketañi mianñön memba aiwelikqaiwelik kude akñe.

¹⁰ Aködamunñini ölni mi ahakmeme ölopñi. Ambi Anutugö jitñi onğitpinbukö kenğötñini möta qetñi jim aumakzei, enñön mönö nup ölopñi ölopñi jegep kinda memakñe. ¹¹ Azinöñ kusum engigetka ambi enñön mönö uruñini memba et al anğuba Buñ keu ösöñ möta nesilam qakñe takpararak aka jitnöñ söhöp kude melenmemö, mi urukönömñine ala malme.

* 2:7: 2 Tim 1.11 * 2:9: 1 Pitö 3.3

¹² Ambi enjōn azi galōm kōla kusum enjimegōra nōjōn ‘Onj!’ qahō jizalmō, tokogetka ōsōj keu bōk tatme. ¹³ *Anutunōj mutuk Adam miwikŋaiba yangō andōje Iw (Ewa) miwikŋaiyōk. ¹⁴ *Mokolejōnōj Adam qahō tilipkōyōkmō, ambi mi tilipkōm wanjiiga keu onjita siŋgisōndok ahōk. ¹⁵ Tōndup ambi yejōn nup arejini wuatangōba morō memba Kraist mōt nariba ahakmeme sarakŋi wuatangōba urumelen alaurupjini urunōj jōpakōm enjiba ōsōj malme ewō, Anutunōj mōnō ōlōp amōt qem enjiiga letota Suepnōj ōjgōme. Mewō.

3

Ziozgō nup galōm yejgō keu arej

¹ Kunjan urumelen kōnagesōgō uru galōm pasto akŋamgō ak wanjizawi, yanjōn mōnō nup sorokŋi akōdamunjanbuk miwikŋaima. Keu mi ōl tōhōnŋa. ² *Miangōra urumelen kōnagesōgō uru galōm nupkōra mōnō azi kewōj mōwōlōhōba kuŋgugetka dop kōlma: Kungō silenō kōpōsihitkō keuŋi qahō, ambi mohot-kungō apŋi, kekpurikŋi qahō, ahakmemejōnōj tōrōrōk galōm kōl anjuga gōda qem wanjimakze. Yangōrenj kamei, i ōlōp kōl ōrōba kōyan kōl enjiba mōtmōt tōrōrōk kusum enjimakza.

³ Kunōj o kōhōikŋi nemba bim laj qeba anjgururuk aka monej membagun memangō kōpōsōngōmakzawi, i qahōpmō, kunjan ōlōp ambazip mutulangōba mōkōlim enjiba gunbōnjōnjōj ak enjimakzawi, mōnō azi mi kuŋgume. ⁴ Kunōj nanj anōm-morōurupjini ōlōp galōm kōla goro enjiiga nahōnbōraturupjan gōda qem wanjiba keuŋi pakpak tem kōla maljei, mōnō ia kuŋgugetka kinma. ⁵ Galōm azi kunjan nanj saiwaurupjini galōm kōl enjimangō qōtōtangōza ewō, yanjōn Anutugō urumelen kōnagesōurupjini mōnō denōwō kōyan kōl enjibawak? Mi mōnō osibawak.

⁶ Azi kunjan nalō kōrōpŋi uruŋi melenja zen kinjawi, yanjōn ōlōp kutukutulan galōm nup memenjina aka malma. Kunjan nalō tōrōpŋi uruŋi melenja an kōl kam kōl aka tiwokmawok aka tōptōpŋe qeba silenj memba ōngōbapuk. Bōlōnanjō Tōjan kezapjupjup aiga Anutunōj keuŋi jim tekōba kōzōl wanji erōk. Miangō dop enjō galōmjanan silenj memba ōngōiga Anutunōj i Satan ewō jim tekōiga etpapuk. ⁷ Galōm kunjan urumelenjō kopa yejgō sutŋine qetbuja ōlōpŋi qahō bisibawak ewō, ambazipnōj i laj jim bōligetka Bōlōnanjō Tōjan mōtōp simbaŋi ali mianjōn tōtekōi qeiga etpapuk. Mewō.

Ewanjelis aka Buja nup ambazip yejgō keu

⁸ Buja nup ambazip* yejōn mewōyōk ambazipnōj gōda qem enjimeangō dop tanjōrakŋini qahō aka malme. Tosatjan keu jōl yahōtyahōt jiba wain o gwōtpuk nemba mōndōmōndō qakŋe injarere mala monej yuaigōra kapan kōlakzei, i mōnō kude kuŋgum enjigetka kinme.

⁹ I qahōpmō, ambazipnōj mōtnaripkō keu ōlŋi asa-asambōtŋi Anutunōj indelōhi, mi nōm tik memba miangōrenj qekōtahōba urujinan tōlōhobapukōra galōm mem anjuba sarakŋi maljei, mōnō ia kuŋgum enjime. ¹⁰ I mewōyōk mōnō mutuk kewōt enjigetka keu jizalangō dop kōhōiba kingetka dop kōlma ewō, mōnō ōlōp kuŋgum enjigetka kinda Buja nupkō ambazipjini aka malme. ¹¹ Yejgō ambiurupjan† mewōyōk ambazipnōj gōda qem enjimeangō dop tanjōrakŋini qahō aka andōqeke keu jitnōj yōhōsan qahō jiba malmemō, kekpurikŋini qahō mala yuai pakpak memburik-qemburikŋini qahō memba malme.

* **2:13:** Jen 2.7, 21-22 * **2:14:** Jen 3.1-6 * **3:2:** Tai 1.6-9 * **3:8:** Dikon mi azi aka dikones mi ambi, yejōn pasto qōhōrōjine baukōba nup memba urumelen kambu kōyan kōl enjiba Buja keunōj gumohoba silegō nup tosati memba mianjōn nanjōm enjimakze. Ewanjelis me urukunjukunju ambazip yejōn sel yaigepŋe kinjei, yejōn urujini melenmegōra Buja keu kusuba mianjōn urujini kuŋguba goro enjimakze. † **3:11:** Buja nup ambi aka Buja nup azigō anōmŋi yejgō jimkutukutujini jiza.

¹² Buña nup azinöŋ mönö ambi mohot-kungö apŋi aka nanŋi anöm-morö aka welenqe-geurupŋi ölop galöm köl enġimakŋa. ¹³ Buña nup ambazip nupŋini ölopŋanök memakzei, ambazipnöŋ i göda qem enġigetka qetbuña ölopŋi miwikŋaime. Mi miwikŋaiba ölop awösamkakak kinda ambazip uruŋini kuŋguba Jisös Kraist möt naribingö keu mi köhöiba jimakŋe. Mewö.

Anutunöŋ Buñaŋi asa-asambötŋi indelök.

¹⁴ O Timoti, nöŋön zilaŋ göhöreŋ kaba gekŋamgö jörömqöröm al mamböt akzalmö, töndup kimbi ki göhöra ohozal. ¹⁵ Nalöni qeköriiga kabilenbuköra mutuk kimbi ki kewögöra ohobi kaza: Gi Anutugö urumelen könagesöurupŋi denöwö galöm köl enġinöŋga ahakmemeŋinan diŋgiba ölöwakŋawi, mönö qambaŋ keu mi oyoŋda mötman. Anutugö könagesöurupŋi neŋön Anutugö mindimindiri zioz selŋi akzin. Malmal Toŋi yaŋgöreŋ qekötahöŋga mindirim neŋgiiga miri dop tokoba keu ölni jim sehimakzin. Keu ölnan böliba ösumŋi etpapuköra mianġö wötŋi aka tandöŋi akzin. ¹⁶ Anutunöŋ amötqeqegö könaŋi asa-asambötŋi indelöhi, neŋön Buña keu mi möt asariba kewö jim miwikŋaimakzin:

Buña Toŋi yaŋön nanŋak gölme azia aka sutnine asuhuyök.

Asuhuiga keu jakeŋe albingö keuŋi laŋ jarum bibihigetka Uña Töröŋan könaŋi solanŋi aukŋe kondelök. Mi kondela meiga Kembu aka wahöta Suep garata galöm köl enġiiga aködamunŋi uba eket.

Mi eketka Anutunöŋ waŋgiri Suepnöŋ öngöba Anutubuk tata galöm köl neŋgimakza. Galöm köl neŋgiiga Buña keuŋi mi kantriŋi kantriŋi liliköba jim asarigetka gwötputk yeŋön gölme dop möt narim waŋgimakze.

Mewö jim miwikŋaininga ölna aködamunŋambuk akza. Mewö.

4

Keu muneŋi kusum enġigetka enjololon akza.

¹ Anutugö Uñaŋan keu kewö jim asariiga törörök möt yaközin: Gölmegö nalöŋan tekömamgö akŋawi, nalö mianġöreŋ ambazip kelenmalelen yeŋön mötnariŋ mosöta Kembu andö qeba ömewöröme yeŋgö böröŋine geme. Mewö gegetka ömenöŋ sölölohöba kusum enġimakzei, mönö yeŋgöreŋ mötmöt wuatangöba enjololon aka siksauk malme.

² Siksauk mi kewö asuhuma: Tosatŋan urumelen silesile aketka Satanöŋ aiwesökŋi uruŋine ain könöpŋambuknöŋ qekötahöba urukezapŋini gwözöŋniga köhömuŋi aiga keu muneŋi laŋ jim sohomakze. ³ Yeŋön ambazip kewö kusum sohom enġimakze, 'Urumelen ambazip enön mönö awanöm anġömeme kude akŋe aka nene tosatŋi kude namba malme.' Mewö kusum sohom enġimakzemö, Anutunöŋ nene pakpak mi nemingöra miwikŋaiyök. Mi ambazip Anutu möt nariba keu ölni möt yaközini, yaŋön mi kötuatköiga ölop saiwap jiba nemingöra al neŋgiyök.

⁴ Anutunöŋ yuai pakpak miwikŋaiyöhi, mienöŋ mönö ölopŋi akze. Mi andö qebinangö dop qahöpmö, yuai al neŋgimawi, mi ölop saiwap jiba buña qem anġubin. ⁵ Yuai ambazip jeŋine döŋqizinŋambuk akawak ewö, mi mönö ölop Anutugö keu jiba köuluköŋga ösumŋan walöŋda dom-amöt qeiga sawölni akŋa. Mewö.

Kraist Jisösgö welenqeŋe ölopŋi mi kewö:

⁶ Göŋön urumelen ambazip mewö kusum enġiba mala Kraist Jisösgöreŋ Buña nup meme azi ölopŋi aka malman. Göŋön Buña keu wuatangöba mala kotzani, mi tosatŋi kusum enġiba nangak mewöŋanök keu ölopŋi mi aka mötnariŋkö qambaŋ keu pakpak oyoŋda mötmöröiba mianöŋ urugi gumohom anġuba malman. ⁷ Gölmegö ambazipnöŋ bem samban keuŋi oyoŋdewedewet jigetka Anutugö Buña keunöŋ böbölohot akŋamgö akzawi, mi mönö yaköriba andö qeman. Mi andö qeba Kraist ewö aka malmangöra urugö kölguliguli aka malman.

⁸ Anutunöŋ malmal nalö kewöŋe gölmenöŋ maljini, mi kötuetköm neŋgiiga könaŋgep oyaenköyaen malbingö jöhöjöhö alök. Mönahot anġolat mi boromdökŋanök sile guliguligöra bauköm neŋgiba eretŋi akzapmö, urugö kölguliguliŋi mi tandönini bohonŋi akza. Mianġöra urugö likepŋi pöndaŋ köl guliba malnöŋga mianġön mönö yuai pakpak mianġoreŋ bohon köla naŋgöm gihimakŋa. ⁹ Keu jizali, mi ambazip körekŋanök möt anġön kölbinaŋgö dop pöwöwöm köhöikŋi akza. Keu pöwöwöm köhöikŋi kun mi kewö,

¹⁰ “Anutu malmal Tonŋi yaŋön ambazip körek pakpak amöt qem neŋgimangö mötza. Urunini melenġa möt narim waŋgimakin ewö, mönö ölna amöt qem neŋgimakŋa. Mewö möt narizin. Nini tosaŋŋan mewö asuhumapköra jörömqöröm mewöŋi Anutu al waŋgiba kinda nupŋi memba silenini qeba aum-mörimakzin.”

¹¹ Ambazip keu mianġö dop aka memegöra jim kutuba kusum eŋgiba malman. ¹² O Timoti, kunöŋ sepgwölö maljanaŋgöra memba et al ghibapuköra mönö mötnariŋ ambazip sutŋine silik ölöpŋi kewö kondel eŋgiba malman: Keu ölöpŋanök jiba ahakmeme diŋdiŋi wuatanaġöba ambazip törörök jöpaköm eŋgiba malman. Mötnariŋkö kölguliguli pöndaŋ memba Anutugö nupŋi mem sorokönöŋga mianġöra möt narim ghibiba malme. Mewö sarakŋanök aka menöŋga ambazipnöŋ ölöp göda qem gihigetka malman.

¹³ Mönö pöndaŋ Urumelenġö Buŋa Kimbi mi jegep oyoŋda kapaŋ köla jim asariba könaġesö uruŋini mianġön kuŋguba kusum eŋgiba malman. Nalö sutŋi kianġoreŋ mewö aka malnöŋga nöŋön kabiga dop kölna. ¹⁴ Jitŋememe yeŋön böröŋini göhö qake ala köulukögetka Anutugö kezapqetok keu göhöra asuhuiga Anutunöŋ nup memegö mötmöt kalem ghiiga uruge ahözawi, mi kude köyatimanmö, mianġö qakŋe nup memba malman. ¹⁵ Kude köyatimanmö, Buŋa Kimbi oyoŋda jim asariba kusum eŋgiba malman. Yuai karöbut mi mönö kapaŋ köla jegep kölna guliba malman. Taŋŋaŋ qahö akŋan ewö, urugahö töhötmöriamŋan mönö qariiga köhöiba awösamkakak akŋani, mi körekŋan ek kutume.

¹⁶ O Timoti, mönö nangi uru silegi galöm kölna anġuba urumelenŋ nup törörök kusum eŋgimangöra galöm mem anġuba malman. Mewö aka malman ewö, mönö nangi oyaenköyaen ak anġuman aka keugi mörakzei, mi mohotŋe oyaenköyaen ak eŋginöŋga Suepnöŋ öŋgöme. Mewö.

5

Malö aka ambazip namŋi mi kewö galöm kölna eŋgime:

¹ Azi namŋi mi köhöikŋanök kude mindiŋgöba jim waŋgimanmö, iwiki ewö qambaŋ keu ösöŋ jinöŋga mötma. Azi sepgwölö mi darumungi ewö ak eŋgiba malman. ² Ambi namŋi mi namurupki ewö qambaŋ eŋgiman. Ambi seram mi nenurupki ewö ahakmeme sarakŋi wuatanaġöba göda qem eŋgiba malman.

³ Malö tinitosolomŋini qahö mi mönö gödaqeŋe qakŋe ak eŋgiba malman. ⁴ Malö kungö isimoröurupŋi malje ewö, yeŋön mönö mutukŋi aka bohon kölna i galöm kölna waŋgime. Anutunöŋ jim kutum neŋgiyöhi, yeŋön mönö mianġö dop nanŋini saiwaurupŋini köyan kölna eŋgibingö könaŋi mötme. Iwinamurupŋinan mutuk nalö köröpŋi köyan kölna eŋgiba malgetka yeŋön mianġö kitipŋi melenġa tosaŋini meköm eŋgigetka Anutugö jeŋe dop kölna.

⁵ Malö ambi ölni, tinitosolomŋi qahö nanŋök maljawi, yaŋön mönö jörömqörömŋi Anutu al waŋgiba i sundan dop suŋgem asak qesiba köuluköm waŋgimakza. ⁶ Yaŋön mewö maljapmö, ambi malö tosaŋŋan uruŋinan könöwiiga sihim kömbönaŋinaŋgö dop yuai laŋlaŋgöra böröjaŋ suhumakzei, yeŋön gölmenöŋ silebuk maljemö, töndup köhömuŋi akze. ⁷ Mianġöra malö yeŋön silenŋine köpösihitkö keuŋi qahö ahöi malmegöra mönö mewöyök jim tuarim eŋgiba malman.

⁸ Kunŋan nanŋi tinitosolomurupŋi qahö köyan kölna eŋgömosöri garömiŋ maljei, yaŋgö ahakmemenjan mönö bölim teköza. Yaŋön Kembu möt narizawaŋgö keuŋi mi silikŋan qaŋ kölna urumelenġö kopa tandök oŋgita böliqöliba malja.

⁹ Urumelen könagesö enön malö tosatni kutukutulan aka köyan köl engimakzei, malö kunnan yengö arenön kangotmapköra qeçesi alma ewö, ambi mi mönö kewötme. Kewötketka kewö asuhuiga iyök mönö qet aren miangören toroqeba ohoba alme: Kunön yambuñi (yaranj) 60 ongita azi mohotkö anömña malök. ¹⁰ Mewö maliga tosatnan könanangöra kewö nangöba jimakze: Yanön nup ölöpnj ölöpnj memba mala morö galöm köla goro engiiga qariget. Ambazip kiannj mirinje köl öröba köyan köl engiiga Kraistkö alaurupnj sarakñan kagetka uziñini sanjonnda esuhuba yaka tawen engiiba malök. Wahöjalin urunje malgeri, mi mem ölöwaka nup ölöpnj pakpak memangöra urunji pöndañ jöhöba jegep kinda malök. Malö mewöñi mönö aren papianön ohoba köyan köla malme.

¹¹ Malö ambi namñi qahö, yengö qetñini mönö qet aren papia miangören kude alman. Mi albanak ewö, yengö sihim kömbönaninan könöp jeiga azi kunbuk membingö mötmötnjini ahum köhöiiga Kraist silekmalek ak wangiba zioz nup mosötpepuk. ¹² Mi mosöta mutuk Kraist tem kölbängöra jöjöpan keunji aukñe jim jöhögeri, mi qegetka pömsöm qeiga Kraistnön keunji jim teköba gamu qem engiiga önewat lan malbepuk.

¹³ Önewat lan mala toroqeba kewö bölibepuk: Mirinji mirinji lan liliköba nalö ayuhumegö könanj möt angön kölbepuk. Toroqeba böliba luasö keu lan jiba keu bapñe qahö anda nanñini imbi-imbi wuatangöba nup meme tandöktandök lilikqilik akepuk. Inön wainön lan möndöba nup ölnj qahö memba tosatni yengören yuai mem sohobepuk. Keu tosatni yengören yuaia qahöpmö, töndup mi öne lan jim sehibepuk.

¹⁴ Mewö akepüköra sihimni kewö möta jizal: Malö ambi namñi qahö yenön mönö azi memba morö memba nup mirinji galöm köla malgetka dop kölma. Mewö aketka tuarenjonnan jim bölim nenjimangö könanj jaruba mi qahö miwikñaima.

¹⁵ Malö tosatnan galöm qahö mem anguba lök Kraist andö qeba eta Satangö könanje wuatangöba malje. ¹⁶ Urumelen könagesö nenön mönö malö ambi ölnj, tinitosolomñini qahö maljei, mi köyan köl engibängöra ahakzin. Miangöra mötnarip ambi kungö tinitosolomurupnan malöya akzei, yanön mönö mi köyan köl engiiba malma. Miangö lömbötñan mönö zioz kambu engö qakñine kude öngöma. Mewö.

Ziozgö jitñememe mi kewö köyan köl enjibin:

¹⁷ Jitñememurup urumelen könagesö ölop galöm köl engimakzei, enön mönö miangö likepnj melennda gödaqeçe öngöngöñi kondel engiiba malme. Yengörenök tosatnan Buña keu jim asariba kusum engimakzei, miangöra mönö kötönñini toroqeget öngöi engiiba malme.

¹⁸ *Buña Kimbigö keu kunnan miangö könanj kewö jiza,

“Wit padigö kötnj aka kamböñi mendenjbingöra bulmakau azinji wangitketka padi kambu qakñe tiba tözö zamgömakzawi, yangö numbuñi mönö kude muzupköme. Mewö gumohom wangigetka ölop nene kitipñi neiga dop kölma.”

(Miangö dop kiamnön böröjan memba sömbup meköi qegetka kitipñi wangiget neiga dop kölma.) Keu kun kewö ahöza,

“Kunön nup meiga tosatnan töwanj wangigetka dop kölma.”

¹⁹ *Jitñememe kungö silene keu lan ala jim wangigetka yahöt me karöbutñan mi qahö nangöbeak ewö, i mönö keu jakeñe kude alman. ²⁰ Denike yenön singisöndok ahakzei, göñön mönö i aukñe tembula jim enjinönga körek pakpak keugi mi möta singisöndok akinbukö kengötñini möta galömñini mem angumakñe.

²¹ O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatni kude qepureim engiman. Miangöra kungö keunji mi qeljine lan kude jöhöman. Ambazip körek pakpak mönö örörön kewöta ak engiman. Mewö akñangö keunji mi mönö Anutu, Kraist Jisös aka Suep garataurup sarakñi yengö jemesoholñine jiba mi jöjöpan keunön jöhönönga mötpi dop kölma.

* 5:18: Dut 25.4; Mat 10.10; Luk 10.7 * 5:19: Dut 17.6; 19.15

²² Tosatni yengö singisöndokninan göhö qake öngögetka gamu miwikñaibanbuk. Miangöra kunñan “Kembugö nup memam,” me “Urumelen kambu toroqemam,” jizawi, yangö könañamñi mutuk qahö kewöta börögi zilañzilañ yangö qakñe kude ala kötuetköm wangiman. Nangak sarakñi malmangöra mönö galöm köl anguba malman.

²³ O Timoti, gi nalö tosatni kawöl ahum gihiiga “Yaiñmain!” qeta ahakzan. Miangöra mönö oyök kude nemanmö, wain o tosatni mewöyök nenöñga kömöñgoki bauköiga amqema.

²⁴ Keu kun kewö: Ambazip tosatñan singisöndok aketka zilañ aukñe asuhugetka ambazipnöñ eka qeljiñe jim tekögetka nalö kewöñe gamuñinambuk kinje. Mewö kinjemö, tosatñan singisöndok aka tölapköba mala könañgep Anutugö jene angotketka aukñe asuhui jim teköm engima. ²⁵ Ambazip nup ölöpnji aködamunñambuk memakzei, nup mianñon mewöyök nalö kewöñe aukñeyök ahöza. Nup ölöpnji tosatni aukñe qahö ahöbeak ewö, mi mönö mewöyök tölapñe ahöbingö osiba könañgep asuhugetka ekin. Mewö.

6

Welenqege yengörej qambañ areñ

¹ Welenqegeurupñini pakpak toñinañgö mötöp bisiba nup töwanñini qahö memakzei, enñon mönö tourupñini iwilele lañ kude ak engimemö, gödaqege pakpak kondel engibingö dop engeka malme. Enñon mönö tosatñan Anutugö qetñi mepaiköba jibepuköra kapañ köla kinme. Anutugö Buña keuñi ambazip kusum engiinga mi engö ahakmemenñinañgöra aka andö qegetka bölibapuk. ² Tourupñini tosatñan urumelen alaurupñini akzei, miangöra mönö gödaqegeñini mötket eretñi akapuk. Mewö qahöpmö, tourupñini welen qem engigetka nupñini ölöwahakzawi, yeñon Kraist möt narigetka wölböt ala ak engigetka miangöra mönö kapañ köla tourupñinañgö keu bapñe anda uruñini nupnöñ ala ölöpnjanök memba malme. Mönö mewö jim kutuba kusum engiba malman. Mewö.

Buña keu jim sohogetka urukönöp akepuk.

³ Kembunini Jisös Kraistnöñ urugö kölguliguli akingöra Buña keuñi nenñiyöhi, neñon mönö miangö dop ambazip ölöwakñegöra kusum engimakzin. Kunñan Buña keu ölnji qiwitipköba keu kambañi murutñi ambazip kusum engimakzawi, yanñon mönö kopa akza.

⁴ Yanñon silenji mem öngömakzapmö, keugö könañi qahö möt kutuza. Qahö möt kutuba mötnaripkö keu kambañi kambañi jim melenqelenja jitnakölik ahumapkö köpösöñgömakza. Mewö möta tosatni yembuk möndömkösök aketka ölnji kewö asuhuma: Likeplikep urunöñ mututqutut angururuk ak anguba uruqege keu töhörej jiba mem bölim angubepukö sömbu mötmöt akze. ⁵ Mewö aka mötmötñini sohoi kahapmahap aka malmal ölnjañgö könañi singiba kewö mötmörimakze, ‘Urunöñ kölguliguli ahinga mianñon döpnini aiga miangörej tiba moneñ inap miwikñaibin.’ Mewö mötmörriba tokoba sundan dop jitnakölik eraumakze.

⁶ Mewö ahakzemö, neñon Anutu Buñañangö kölguliguli aka moneñ inap ahöm nenñizawi, mianñon uru luai qem angumakzin. Uña Töröñan döpnini aka mem böñjöh ak nenñimakzawañgöra mönö ölnja oyaenñkoyaen ketani miwikñaiba simbawoñ maljin. ⁷ Miangö könañi kewö: Nini mutuk böröñinan yuai kun qahö memba öne töhöñ gölmenöh asuhuin. Könañgep mewöyök börötak kömumba gölme ki mosöta anbin. ⁸ Mewö anbinmö, nalö kewöñe nene aka opo maluku ahöm nenñiiga miambuk mönö mem böñjöh aka luai qem angumakin.

⁹ Mewö akinmö, ambazip moneñ inap ketani miwikñaibingö mötzei, yeñon mönö esapesapnöñ simba ewö tötekögetka eta engumakza. Eta enñuiga sihim kömbönañini bölöñi bölöñi mi gwötpuk ahuba uru enjololoñ mem engigetka kezapjupjup ahakñe. Sihim kömbönañini gonñon mienñon mönö öröm jöhöm engigetka ulupköba köndenmöndeñ miwikñaiba ayuhume. ¹⁰ Moneñ inapkö sihim kömbönañi mianñon mönö yuai bölöñi pakpakö jalöhñi akza. Gwötpuk yeñon moneñ inapkö urukönöp möta lilikqilik aka janjun

aketka mötnaripñinan pömsöm qeiga lañ malje. Urukönöp möt bibihigetka mianjön mönö wösöñini qösöñniga sihimbölö gwötpuk möta malje. Mewö.

Polnöñ Timoti nupköra jim kutum wanjiyök.

¹¹ Gwötpukñan mewö maljemö, Anutugöreñ azi gi mönö yuai mewöñi mi qizingöba andö qeba malmal kewöñi malmangöra kapan köla malman: Ahakmeme diñdiñi wu- atangöba Anutugö malmal köhöikñi köl guliba malman. Mötnaripkö kölguliguli pöndañ memba ambazip ölña jöpaköm enjgiba malman. Mönö kapan köla köhöiba kinda ambazip guñböñjönjönj qakñe ek enjgiba malman.

¹² Mönahot angolat azinöñ aongit miangöreñ luhut almapköra ösumñi pakpak qezaköba anjawi, gi mönö miangö dop mötnarip köl guliba aongit aködamunñambuk miangöreñ köhöiba pöndañ bim qeba malman. Anutunöñ malmal köhöikñe angotmangöra goholöhi, gi mönö malmal mi buña qem anguba qekötahöba malman. Malmal köhöikñangö buñaya akzani, göñön keu mi ölöpnök jim miwikñainöñga gwötpukñan mi möta ölop nanjöba jimakze. ¹³ *Anutu yuai pakpak mem gulimakzawi, gi mönö yangö jeñe könañamgi jim miwikñainöñ aka Kraist Jisösgö jeñe mi mewöyök jim miwikñainöñga mörök. Jisösnöñ premiö Pontius Pailötkö jemesoholñe könañamñi jiba keu ölöpnñi jim miwikñaiyöhi, mönö Kraist yangö jeñe kewö jim kutum gihizal:

¹⁴ Gi mönö Buña keu köl guliba pöndañ tem köla wuatangöba malman. Mewö malnöñga kunñan siñgiba bölimanangöra aka keu jim gihimangö osima. Kembunini Jisös Kraistnöñ kunbuk asuhumawi, nalö sutñi kiangöreñ mönö urugö nup mewö memba malman.

¹⁵ Anutunöñ oyaenköyaen Tonji aka nalöñi ali kam kuñguiga miangöreñ Jisös Kraist melaiiga aukñe asuhuiga ekin. Anutunöñ nanjök Öngöñgöñamnini aiga körekñan yangö nembö bapñe kinjin. Yanjön kin kembu yeñgö Kembuñini aka pom jembon yeñgö bohonñini akza. ¹⁶ Anutu, oyaenköyaen Tonji yanjön mohot nalö kunöñ qahö kömuma. Yanjön asakmararan mire euyangöreñ maliga körek neñön naninak miangöreñ öngöbingö qaközin. Gölmegö kunñan i jeñan qahö uba ehök aka ekñangö osiza. Yangö qetbuñañi möpöseininga kukösum Tonji aködamunñambuk aka nalö teteköñi qahö yuai pakpak galöm köla malma. Keu mi ölña.

¹⁷ Ambazip pomñi nalö kewöñe gölmenöñ öngöñgöñi maljei, göñön mönö i kewö jim kutum enjgiba malman: Sukinapnöñ nalö kungen qahöwak teköma. Miangöra yeñön mönö uruñini miangöreñ kude ala malme. Sukinap qakñe kinda aiweliköba söñgööröqök akze ewö, jörömqörömñinan mönö pömsöm qema. Uruñini gölmegö ainemalukunöñ kude almemo, Anutunöñ yuai pakpak miangöreñ köyan köl enjimapköra al mambötketka dop kölma. Anutubuk qekötahöba kingetka ölop yuai könañi könañi malmal söñgaibingöra kelenmaleñ neñgimakza.

¹⁸ Kewö jim kutum enjgiba malman: Yeñön mönö nup ölöpnñi ölöpnñi jegep kinda memba mewö mianjön aködamunñinambuk akñe. Anutugö jeñe aködamunñinambuk aka amqeba jöjöröba tosatñi bauköm enjgiba kalem sehiba mendeñda malme. ¹⁹ Mewö Anutugö jeñe qetbuñañinambuk aka malmalgö guli dötnam ölñi miwikñaiba mem sehimakñe. Guli dötnam mewöñi mi malmalgö tandö wötñi köhöikñi akza. Mi mem sehiba galöm köla ölop könañep tandö wötñi miangöreñ nanjöba kinda malmal ölbölñi buña qem anguba malme.

²⁰ O Timoti, Anutunöñ möt narim gihiba nup memegö mötmöt kalem uruge alöhi, mi mönö nupnöñ ala sohobapüköra galöm memba malman. Gölmegö keu oyoñdewedewet omanñi aka angururuk supapköba jigetka sohomakzawi, mi mönö mosöta andö qeba malman. Tosatñan “Mötkutukutu eraum mötpin,” jiba keu sinñi sinñi jim sehigetka anakza. Mötkutukutu ölñi mi mewö jim sohomakze. ²¹ Tosatñan mötmöt sohosohöñi buña qem anguba jim miwikñaiba janjuñ aketka mötnaripñinan söñörauba löwöriba sohöyök.

Anutugö kalem möriamñan mönö embuk ahöma.

* 6:13: Jon 18.37

Timotigö Kimbi 2

Polnön Timotigöra Kimbi aliga 2 ahök.

Jim-asa-asari

Polnön undumñi aka gwabö alabaukñi Timotigöra “Andö qambañi qöndökñi wañgimam,” jiba Buña Kimbi ki ohoyök. Keu areñi bohonñi mi kapañkölkö. Polnön mi jim asariba uruñi nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum eñgiba urukuñgukuñgu nup memakñan. Tuarenjoñ ak gihigetka sihimbölö könañi könañi miwikñaiba mötpanak ewö, mönö töndup Anutunön nup gihiyöhañgö dop mi kapañ köla memakñan.

Polnön galöm meme keu köhöikñi Timoti kewö wañgiyök: Tosatñan “gukmaulem qakñe añgururuk omani aka kezapjupjup ahakzei,” göñön mönö miangö keunön añgota nalögi mösöhöba ayuhubanbuk. Añgururuk keu mewöñi mienön ambazip qahöpmañhöp bauköm eñgimakzemö, ambazip kezap ala mörakzei, mönö i mem bölim eñgiiga ayuhume.

Polnön qambañ keuñi pakpak nañgömamgöra nanñi malmalñangö kösohotñi ohoyök. Wuanöñgöra aka denöwö nup areñi ala bim qeba malöhi, Timotinön miangö keuñi ölum qebapuköra mi kewö jim asariyök, “Nöñön Jisös möt nariba lömböt möta mökösoñda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

Buk kiangö bahöñi bohonñi 5 mi kewö:

Keu mutukñi 1.1-2

Anutu möpöseiba Timoti qambañ wañgiyök 1.3–2.13

Goro aka galöm meme keu tosatñi 2.14–4.5

Pol öröm ureim ak wañgigetka malök 4.6-18

Kimbigö keu kötñi bohonñi 4.19-22

¹ Anutunön jitsihitñi jim kutuba Pol ni kuñgum niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimamgöra melaim niñgiiga maljal.

² *Timoti göñön mötnaripkö wölböt nahöni akzan. Nöñön göbuk keu eraum mötpitköra kimbi ki ohozal.

Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainön malman.

Polnön Timoti uruñi nañgöba keu jiyök.

³ Nöñgö ambösakonon Anutu welenni qeba malgetka nöñön toroqeba nupñi membiga Anutunön “Dop kölja,” jiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba suñgem asak köuluköba gi qösösök mötmörim gihimakzal.

⁴ Gömosötpiga sahötnönga imbilgi eröhi, nöñön mi mötmöriba gekñangö awöweñgöba kapañ kölakzal. Geka köisirik tatziga sösoñgainön uruni kokolak gemapköra mötzal.

⁵ *Göñön geñmoñ qahö ölña Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkön uruñiri melenohotka mötnaripñiran ahuyök. Yetkö andöñire göñön mewöyök aka maljani, mewö möt narim köhöizal.

⁶ Miangöra ikmaok malbanbuköra keu kewö köl gulim gihizal: Nöñön mutuk böröni nöropke ala köuluköbige Anutunön nup memegö mötmöt kalem ghiiga uruge ahözawi, mi

* 1:2: Apo 16.1 * 1:5: Apo 16.1, 11; 1 Tim 2.7

mönö mem gulinönga könöp bölam ewö köhöiba jeba qahö ilin alma. ⁷ Keu ki mötmörinöñ anök: Anutunöñ Uña Töröñi mi zirinzirin aka qarösömbu mötpingöra qahöpmö, nanñi kukösumgö Uñañi nenñiiga ölop uruninan jöpaköm anguba ahakmemenini törörök galöm köl anguba kinbin.

⁸ Miangöra Kembuninangö keuñi nangöba jim sehimangö tanqan kude akñan. Mewö qahöpmö, mönö ni ewö aka malman. Nöñön Kembangö nupñi memba malbiga miangöra kösö mire al niñgigetka tatzalmö, töndup nöngöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñagöra aka angösirip ak gihibeak ewö, mönö miangö sihimbölöñi möta mökösoñda bisiba malman. Anutunöñ kukösum gihimakzawangö dop mi ölop nömbuk mohotñe kapan köla bisiba malbit.

⁹ Anutunöñ möpñangö möpñe Suep gölme qahö miwikñaim etkiba nalö miangören nenñora mötmöriba areñ kewö alök: Anutunöñ Kraist Jisösgöra aka kalem möriam nenñima. Areñ mi ali ahöiga mala kota malgetka nini ahuin. Ahuinga Anutunöñ nini yangö buñaji aka sarakñi malbingöra nenñohola amöt qem nenñiyök. Naninak yuai ölopñi ahinangöra aka qahö möwölöhöm nenñiba nenñoholökmö, nanñi areñ walñi mi wuatangöba kinda nenñoholök. ¹⁰ Areñ walñi miangö ölni mi nalö kewöñe aukñe asuhuyök. Amötqeqe Toninan asuhuba Anutugö kalem möriamñi mokom nenñiyök. Kraist Jisösnöñ asuhuba kömupkö ösumñi qeba tulungöi eriga Ölöwak Buñaji indeliga asariyök. Buña keu mi möt nariba ölop malmal kömbönañi miwikñai ba teteköñi qahö köhöiba mala nalö kunöñ qahö kömum köhöibin.

¹¹ Anutunöñ ni Ölöwak Buña jim asariba ambazip kusum enñimangöra kunñum niñgiiga melaimelai azi aposol akzal. ¹² Aposol akzalanğöra aka nupñi köhöiba membiga angösiripñi bisiba sihimbölö mörakzal. Suep Azi möt narim wangimakzali, nöñön yangö könañi ölop möt yaközal. Miangöra awösamkakak kinda gamuni qahö mörakzal. Qahö! Anutunöñ möt narim niñgiba Buña nupñi al niñgiyöhangö dop ni galöm köl niñgimapkö köhöiba malma. Mewö maliga nupñan qahö sohoba eriga mal öngöba nalö ketane angotpin. Mewö möt narim köhöizal. ¹³ Mötnaripkö keu urunini möhamgömapkö köhöizawi, nöñön keu ölni mi kusum gihiba silik ölopñi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm nenñimakzawi, göñön mönö urukalem miangö uruñe malman.

¹⁴ Anutunöñ geke möt narim gihiba yuai ölopñi pakpak ghiiga buñagi akzawi, miangön lolonqalon aka sohobapuköra mönö mi galöm memba malman. Uña Töröñan urunine kinda maljawi, mönö yangö kukösum qakñe yuai ölni mi galöm kölnönga kahaimök ahöma.

¹⁵ Eisia prowinsgö neñakurupni yeñön körek nömosöta andö nunguget, mi mötzan. Azi qetñiri Figelus aka Hermogenes yetkөн yeñgö sutñine maljahot. ¹⁶ Tosatñan nömosötketmö, Onesiforus yanñon qahö. Miangöra Kembu, gi mönö Onesiforusgö saiwaurupñi ak kömum enñinönga malme. Azi miangön mönö nöngö tapepñangöra (munñamunña) sisit gamu qahö ak niñgimakzappmö, nalö gwötpuk miangören köro-ölöwak qem niñgiiga imbini böñjöñ kölök. ¹⁷ Onesiforusnöñ Rom sitinöñ ki kanğota nalö miangörenök nöngöra kapan köla jaruba mala miwikñaim niñgiyök. ¹⁸ Yanñon mutuk Efesus sitinöñ denöwö baukbauk ketanñi ketanñi aka mem amqem niñgiba malöhi, mi nangak ölop möt kömuzan. Miangöra nalö ketane Kembangö qöhöröñe angoringa Onesiforusnöñ ak-kömükömugö töwanñi miwikñaimapköra köuluközal. Mewö.

2

Kraist Jisösgöra mönö bim qeba malman.

¹ O mötnarip nahöni Timoti, gi mönö Kraist Jisösbuk qekötahöba kalem möriam uruñe böñ qeba köhöiba kinman. ² Nöñön Buña keu kusum gihibiga gwötpukñan neka

naŋgöba jiget mötnöŋi, mi ambazip möt narim enġienġigö dop akzei, mönö yeŋgö buŋaya ahömapköra al enġiman. Mewö al enġinöŋga ahöi ölop ambazip tosatŋi toroqebe kusum enġimeanġö dop akŋe.

³ O Timoti, gi mönö Kraist Jisösbuk kinda yarö aziŋi aködamunŋambuk aka kapaŋ köla köhöikŋanök bim qeba malman. Anġösirip ak gihimei, mianġö sihimbölöŋi mönö möta mökösoŋda bisiba malman. ⁴ Yarö azigö tandökŋi kewö: Suahö galöm bohonŋinan azi enġömeiga yarö kambugö areŋnöŋ anġota anda kaba nup töp memba maljei, yeŋön mönö körek galömŋinan jim kutumakzawaŋö dop tem köla akingö jöjöröba kinje. Mewö kinda nanŋini malmalgö naŋgönaŋgögöra yuai kun qahö memba malje. Uru denqen qahö malje.

⁵ Mianġö dopkeuŋi kun kewö: Mönahot anġolat azinöŋ aonġitnöŋ anġota jimkutukutu galömgö keuŋi onġita ösumŋan laŋ anjawwi, yaŋön mönö aködamunŋambuk qahö akŋa. Yaŋö nöropŋe luhut alalgö ila kun qahö kölgetka gema. Mianġöra gi mönö diŋdiŋanök anman. ⁶ Mewöŋanök kölkömöt azinöŋ nup lömbötŋi meiga ölni asuhuiga mutuk anda jeŋi qeba neiga dop kölma. Tosatŋan löwörigeri, yeŋön yaŋö andöŋe kame. Gi mönö mianġö dop köhöiba nup memba malman. ⁷ Keu ohozali, mi oyoŋnöŋ lömböriiga Kembunöŋ mönö mötkutukutu gihiiga mi pakpak ölop möt asariman. Mianġöra mi mönö uru könömge ala mötmöriba malman.

⁸ Mönö Jisös Kraist mötmöriba malman. Nöŋön Ölöwak Buŋa jim asarimakzali, Jisösnöŋ keu mianġö dop kiŋ Deiwidkö gwölönarökŋa ahuba Amötqeŋe Toŋi aiga Anutunöŋ mem gulii kömupnöhök wahörök.

⁹ Nöŋön Ölöwak Buŋa keu kapaŋ köla jim asariba anġösiripkö sihimbölöŋi mötpiga kegwek-kahasiliŋ azi ewö kösö gwarö mem niŋgigetka tatzal. Mewö tatzalmö, Anutugö Buŋa keuŋi mi mönö qahö jöhöba gwaröhöget. ¹⁰ Könaŋi mianġöra aka nöŋön sihimbölö pakpak möta mökösoŋda köhöiba kinjal. Anutunöŋ ambazip nanŋanġöra möwölöhöm enġiyöhi, nöŋön mönö yeŋöra aka kapaŋ köla bim qeba maljal. Kraist Jisösnöŋ amöt qem enġii yeŋön mewöyök letota oyaenköyaen akŋegöra mötzal. Uruŋini melenġa malme ewö, mönö Suepkö asakmararaŋnöŋ öngöba teteköŋi qahö köhöiba mala mal öngöme. ¹¹ Keu ki mönö pöwöwöm köhöikŋi akza,

“Nini urunini walŋan yambuk mohotŋe kömui maljin ewö, mönö mewöŋanök yambuk köhöiba malbin.

¹² *Yambuk mohotŋe sihimbölö möta mökösoŋda maljin ewö, mönö mewöŋanök yaŋö bemtohoŋ uruŋe yambuk galömkölköl akin.

Nini i qaŋ köljin ewö, yaŋön mönö mewöŋanök qaŋ köl neŋgiba neŋgehöröŋ kölma.

¹³ Nini andö qem waŋgiinga likepŋi melen neŋgimapkö keu jöhöi ahözawi, yaŋön mi qeapkömangö osima.

Mindiŋqindiŋ aka nanŋi könaŋi utekömamgö qötötaŋgömakza.

Mianġöra peksek aka keunini pöndaŋ qahö wuatangöbin ewö, yaŋön mönö töndup (misila) keuŋi pöndaŋ wuatangöba mianġö dop ak neŋgima.” Mewö.

Anutugö Buŋa nup azi kewö aka malman:

¹⁴ O Timoti, keu ki ölum enġubapaköra mi mönö jim gulim enġiba Anutugö jemesoholŋe kewö jim kutum enġiba malman: Mötnaripkö keu imbiŋi imbiŋi mi mönö melenqelenġa möndömkösök kude akŋe. Jitnakölik mönö qahöpmahöp bauköm neŋgimakzapmö, tosatŋan goranora keu mewöŋi möta enjololoŋ aketka mötnaripŋinan sohoi ayuhubepuk.

¹⁵ Göŋön mönö Buŋa nupkö esapesap könaŋi könaŋi mi luhut alnöŋga Anutunöŋ geŋa “Dop köljan,” jimapköra kapaŋ köla kinman. Gi Kraistkö nupköra gamu kude möta malmanmö, Buŋa keu ölni mönö törörök mendenġa uruŋini kuŋum enġiba malman.

* 2:12: Mat 10.33; Luk 12.9

¹⁶ Gölmegö keu oyoᅇdewedewet omani omani mi mönö yaköriba andö qeman. Tosatᅇan mi sehiba jiba mala mewö mianᅇn gölmegö aᅇgöjörakᅇ qekötahöba Anutu toroqeba nönöᅇgan aka kahapmahap ahakze. ¹⁷ Uzi köhöikᅇi (qetᅇi kensö) mianᅇn busu siribuk qem qariba yöhöba anakzawi, yeᅇn mianᅇgö dop keu omani jiba mianᅇn ambazip mem bölim eᅇgimakze. Yeᅇgö kambunöᅇ azi yahöt qetᅇiri Himeneus aka Filetus maljahot. ¹⁸ Yetkön keu ölnaᅇgö könaᅇi mosöta janjuᅇn aka keu sinᅇi kewö jimakzahot, “Urumeleᅇn ambazip neᅇnön lök guliba wahöta maljin. Mianᅇgöra könaᅇep kömupnöhök kunbuk qahö guliba wahötpin.” Mewö jiba tosatᅇi eᅇjololoᅇn mem eᅇgiyohotka mötnariᅇᅇinan bölimakza.

¹⁹* Mewö bölimakzapmö, Anutunöᅇ tandö pöwöwöm köhöikᅇi kuᅇguyöhi, mianᅇn mönö töndup qahö uruba kinja. Mianᅇgö muᅇᅇemᅇi mi kewö ohoget ahöza, “Kembunöᅇ nanᅇi buᅇaᅇi akzei, mi ölop möt kutum eᅇgiza.” Muᅇᅇemᅇi kun kewö, “Ambazip Kembugö qetᅇi memba qetzei, yeᅇn körek mönö ahakmeme bölöᅇi qem yaköriba malme.”

²⁰ Miri ketanᅇi mianᅇgöreᅇ jout, kimbut, alnene, umnene könaᅇi könaᅇi ahöza. Tosatᅇan ipnöᅇn aka gwaköm gölmenöᅇ memeni, mi nalö dop memba nupnöᅇn alakzin. Tosatᅇan goul aka silwönöᅇ memeni. Aködamuraᅇnambuk mewöᅇi mi sösoᅇgai nalöneyök nupnöᅇn alakzin. ²¹ Mianᅇgö dop kunᅇan keu omani mosöta nanᅇi kök köᅇjorat mem aᅇguzawi, yaᅇn mönö kimbut goulnöᅇn memeni kun ewö akᅇa. Toᅇan i memba nup aködamuraᅇnambuknöᅇn ali memakᅇa. Mi meiga töhötmöriamuraᅇnambuk aiga Ketaᅇamᅇan yaᅇgöra söᅇgaimakᅇa. Anutunöᅇn mem sarahim waᅇᅇiiga titiᅇᅇitᅇi kinda nup ölopᅇi pakpak memamgö jöjöröba kinma.

²² Sepguli malmalgö sihim köbönaᅇi bölöᅇan galöm ak gihibapuköra mönö galöm mem aᅇguba malman. (Nupkahö ölnaᅇn etpapuköra mi jizal.) Esapesapnöᅇn örom gihi-makzei, mi mönö qizingöba andö qeba malmal kewöᅇi malmangöra kapaᅇ köla malman: Ambazip uru sarakᅇaᅇgö qakᅇe Kembu bauköm eᅇgimapaköra qerakzei, yembuk mönö ahakmeme diᅇdiᅇi wuatanaᅇöba Anutu törörök möt nariba ölnaᅇ jöpaköm aᅇguba luainöᅇn malme.

²³ Tosatᅇan kezapjuᅇjuᅇ keu jiba oyoᅇdewedewet ala jitnakölik aketka goranora aᅇgururuk asuhamakza, mi ölnaᅇ mötzan. Mianᅇgöra mi mönö yaköriba andö qeba malman.

²⁴ Kembugö nup meme azi akzawaᅇn mönö aᅇgururuk akᅇawaᅇgö dop qahöpmö, ambazip körek guᅇböᅇjöᅇjöᅇn qakᅇe ak eᅇgiba amqeba kusum eᅇgiba malma. Aᅇgösirip ak waᅇᅇigetka mi köhöiba mökösoᅇᅇa malma. ²⁵ Tosatᅇan tuarenjöᅇn ak waᅇᅇigetka i ölop uruluai qakᅇe mutulaᅇgöba mindiᅇgöm eᅇgimakᅇa. Mewö ak eᅇᅇiiga Anutunöᅇn uru mölöwörim eᅇᅇiiga ölop Buᅇa keu möt kutuba uruᅇini melenᅇbeak. ²⁶ Tuarenjöᅇn ambazip yeᅇnön Bölöᅇi Toᅇaᅇgö mötöp simbanöᅇn tötekögetka gwaröhöm eᅇᅇi jitᅇi tem köla ahakze. Mewö aka imbiᅇini möta urumötmötᅇini ahuiga yaᅇgö kösoᅇnöhök lolohoba etᅇpeak. Mewö.

3

Nalö teteköᅇe malmal böliba aᅇgöjörakᅇambuk akᅇa.

¹ Keu köᅇᅇi ki mönö möt kutuba malman: Jisös kaka nalöᅇan töriiga ambazip könaᅇamuraᅇinan böliiga teteköᅇe malmal kanᅇamuraᅇnambuk kewö asuhuma: ² Ambazipnöᅇn nanᅇinaᅇgörök mötmöriba moneni yuai giriᅇjabak membagan membingö nepaqepalok (gridi) köpösoᅇᅇömakᅇe. Sileniᅇi möpöseiba korua ewö gingiᅇᅇiini tööreiba söᅇgöröqök mala uruqeqe keu töhöreᅇn laᅇ jimakᅇe. Iwinamuraᅇi yeᅇgö jitiᅇi qahö tem köla yuai ölopᅇanaᅇgöra saiwap qahö jiba nemsep-pamsep (nem-hölölök) ahakᅇe. Anutugö nesampurek nönöᅇgan ahakᅇe.

³ “Nanᅇi lömböra,” jiba wösö mötmöt qahö ahakᅇe. Tosatᅇi yeᅇgö siᅇᅇisöndokᅇi qahö mosöta mianᅇgö urubölöᅇi bisimakᅇe. Andöqeqe keu yöhösaᅇ jiba nanᅇi qahö galöm

* 2:19: Jan 16.5

köl anğuba ambazip lapköba öröm ureim ak engimakçe. Ahakmeme ölopni tököba miangö ölan engöhömakça.

⁴ Mamalolo aka nanjini imbi-imbi wuatangöba jaubatbat ahakçe. Söngöröqök mala jakbak-öranböranönj urunini uwutapköiga urukönöp ahakçe. Silegö sihim sösongainjanagöra gwötpuk ak engiiga Anutugöra mötket eretçi aiga görögöra ahakçe. ⁵ Anutugö Buça nup bahösapsap bisiba silebile memba Sonda aren laj wuatangöba möndömakzemö, ahakmemejinan Anutugö kukösumçi mi je köndat qeba çan kölakze. Ambazip mewöçi mi mönö jabö ala qizingöba andö enguba malman. ⁶ Yengörenök tosatjan laj liliköba ambazip miriçine öngöba kelök keunöç uruqeçe mem engiba kezapçini kumbaumakze. Kumbaueçka ambi tosatjan löwöriba yengören çekötahömakze. Ambi siçgisöndokçinanagö gamugöra et enguiga sihim kömbönaçini könaçi könaçi mienön yeyasençeç mem engiçetka siksauk akçe, yeçön i bawian mönera aka köpeim engiçetka keu mötöçine et engumakça.

⁷ Ambi mewöçi mienön möt lömböriba sundan keu kusum engimegö möndöba mörakzemö, Buça keu ölanagö könaçi mi nalö dop möt kutubingö osimakze. ⁸ *Ijçit kançrigö tirip qözölqözöl azi çetçi Janes aka Jambres yetkөн Moses tuarençon ak waçgiyohot. Takapulaka ambazip yeçön mietkö dop Buça ölanagö tuarençon ahakçe. Ambazip mewöçi yeçö mötmötçinan sohoiga kahapmahap akçe, mienön Anutunöç mötnariçini esapköi et enguiga Kembubuk kinkinçinan sööreima.

⁹ Nalö töröçni silenini memba öngömemö, nupçinanagö ölçi mi nalö çahö köriiga pömsöm çema. Ijçit azi yetkö könaçamçiran aukçe asuhuyöhi, yeçö uruqahöçinanagö könaçan mönö miangö dop aukçe asuhui ambazip köreçan ek asarime. Mewö.

Polgören jimkutukutu keu teteköçi

¹⁰ Yengören mewö asuhumapmö, nöçön malmalnanagö tohotçi muruçni kuçguba aren alal. Ambazip Buça keu kusum engiba ahakmemeni aka memba malali, göçön mi lök eka möt kömuzan. Malmalnanagö tohotçi wuatangöba mötnariçkö kölguliguli pöndan memba sihimbölä mökösöçda malali, miangö kösohotçi jiba jiçetka möt sölöngözan. Urumeleç alaurup urunan jöpaköm engiba malal. Tuarençon angösirip ak niçgiçetka miangören kapaç köla köhöiba kinda malal. ¹¹ *Sesewerowero kahasililiç könaçi könaçi ak niçgiba malçeri, mi mötçan. Antiokia, Aikoniam aka Listra taon karöbut miangören sihimbölä nöçgö çakne öngöiga wahöjaliç mörali, mi yuai kançamçambuk ahök. Iwinanagö jitiçi! Angösirip mökösöçda bisiba malalmö, Kembunöç mi pakpak miangörenök meköm niçgiyök.

¹² Keu ki mötnöç: Ambazip Kraist Jisösbuk mohot kinda malmal köhöikçi mala miangö kölguliguliçi akingö mötçe, yeçön körek sesewerowero miwiçnaime. Ni angösirip ak niçgiçet ewö, tosatçi içini mewöyök ak engime. ¹³ Tirip qözölqözöl ambazip bölöçi Buça nup silesile memba öçömböböp akçe, yeçön toroqeba bölimqölimakçe. Yeçön ambazip tosatçi tilipköm engiba nanjini mewöyök tilipköm anğuba malme.

¹⁴ Yeçön mewö malmemö, Timoti gi Buça keu ölçi möta uru könöçge ala möt narim köhöizani, mönö miangören toroqeba böç qeba kin köhöiba malman. Denike yeçön kusum gihigeri, göçön yeçö könaçamçini möt kutuzan. I möt narim engizanaçgöra mönö Buça keu töp memba kude sörorauça mosötman. ¹⁵ Urumeleçgö Buça Kimbi Töröçi mi morökötkeyök möt sölöngöba mala kotçan. Göçön mönö mi oyoçda mötmöriçnagö mötkutukutugi asariiga miangö çakçe kinda Amötqeçe Toçanagö könaçi möt asariman. Mi möt asariba Kraist Jisös möt narim waçginöçga amöt çem giçiiga toroqeba letota malman.

¹⁶ Anutunöç Buça Kimbigö keuçi pakpak mi ambazip tosatçi sölölohöm engii ohoçetka kewö mem ölöwak neçgimapköra aka ahöza: Mi oyoçninga Anutunöç urunine sölölohöba

* 3:8: Eks 7.11 * 3:11: Apo 13.14-52; 14.1-20

köna ölni kusum neŋgiba bölönamninangöra tembula jim neŋgiba mindinğöm neŋgimakza aka malmal solanŋi malbingöra goro neŋgiba köl gulim neŋgimakza. ¹⁷ Anutugö ambazip neŋön mi oyonđa köl guliba Anutu jitŋangö dop köhöiba aködamuninambuk aka nup ölöpnjı pakpak memingö jöjöröba malbin. Mewö.

4

Polnön nupŋi undumŋi Timotigö qakŋe alök.

¹ Kiŋ Kembunini Kraist Jisösnön asuhuba jebuk malbini me kömumba ahöbini, neŋgö keunini kewöta jim teköba tosatŋi nini bemtohoŋe ala galöm köl neŋgima. Nönön Jisös mi aka Anutu yetkö jemesoholŋire kindi gi urugö nup memangöra jim kutum gihizal. Mi wuatangömangö jiba keu mi jöjopaŋ keunön jöhönöŋga mötpi dop kölma.

² Kewö jim kutum gihizal: Göŋön Buŋa keu jiba ambazip uru kuŋgum eŋgiba malman. Mötmegö nalönini dop köl eŋgiza me qahö dop köl eŋgiza, mönö töndup kapaŋ köla wahöta keu jim asariba malman. Ambazip bölönamninangöra jim eŋgiba mindinqindin aka galöm meme keu jiba uruwahöt keu eŋgiba malman. Keu mötme me qahö mötmea kun, mi töndup mönö mökösoŋda kindi köna ölni nalö dop kusum eŋgiba malman.

³ Neŋön mötnaripkö keu nalö kewöŋe ambazip ölöwakŋegöra kusum eŋgimakzinmö, nalö murutŋi kun kam kuŋguiga miangören mötnaripkö keu kemaŋi kun mötpepeköra tököba kezapŋini gwözöŋ akŋe. Keu murutŋi murutŋi mötpingö kezapŋini köröpŋi köröpŋi aka aziŋa azi sesegilgil öröm eŋgigetka kaba ambazip keu i me wai mötpingö sihimŋi mötzei, miangö dop kusum eŋgigetka malme.

⁴ Mewö mala Buŋa keu ölni mötpinbuköra nönöŋgan aka kezapŋini gwözöŋda bem sambanŋi sambanŋi laŋ jiji jimakzeangören göröken melenđa mi kezap ala möta malme.

⁵ Malmal mewö me mewö uteköba asuhumawi, Timoti gi mönö töndup böŋ qeba zeŋ kindi ahakmemegi törörök galöm köl aŋguba malman. Aŋgösirip ak gihimeı, miangö sihibölönjı mönö mökösoŋda bisiba malman. Urukunğukunğu (ewanjeli) azigö nup areŋ mi körek dop köla mem teköman.

⁶ Nalö köröpŋi bauköm gihimangö osimamangöra mewö jizal. Tandö lopion möpöseibingöra sömbup qeba jakenön ala ohogetka köwaknön öngözapma. Miangö dop nönön malmalni Anutugöra ala kölenđa nupŋi memba malalangöra gawman yeŋön keuni jöhöba nuŋgugetka nani sepni mokomangö dopdowizal. Gölme ki mosötmami, miangö nalöŋan lök kam kuŋgumangö dopdowiiga mötzal.

⁷ Mönahot aŋgolat azinön ösumtiti aonğit nalöŋe luhut almangöra ösumŋi pakpak qezaköba tiba anjawi, nönön miangö dop mötnarip köl guliba aonğit aködamunambuk ak teközal. Kraist möt narimangö keu jim jöhöyali, mi qahö köyatiba qaŋ kölalmö, miangö bimŋi mönö pöndaŋ köhöiba qeba malal.

⁸ Kembunön jimtekötekö Tonjı diŋdiŋi aka malmalni kewöta solanŋi aka malali, miangö ila soromŋi mi jim teköm niŋgiiga nöŋgö mamböt ahöza. Kembunön lilingöba kamawi, nalö miangören mi niŋgiba imbine köli geiga qetbuŋanambuk akŋam. Mi nöŋörök qahö niŋgimapmö, ambazip jöpaköm waŋgiba kunbuk asuhumapkö al mambörakzei, mi yeŋgö imbiŋine mewöyök köli gem eŋgima. Mewö.

Neŋakurupnan nömosöta qeŋgalanğa kölget.

⁹⁻¹⁰ *Nalö kewöŋe gölmegö ahakmeme aka memakzei, neŋakni Demas yaŋön uruŋi miangören jöhöba nömosöta Tesalonaika sitinön anök. Neŋakni Kresens yaŋön Galesia prowinsnön anök. Taitusnön Dalmesia gölmenön anök. Miangöra gi mönö zilaŋ nöŋgören kamangö kapaŋ kölman. ¹¹ *Luk yaŋön nanŋök nömbuk maljit. Maknön welen qem niŋgimapköra gwötpuk möta yaŋgöra osizal. Miangöra Mak waŋgita mohotŋe kamaŋot.

* **4:9-10:** Kol 4.14; Flm 24; 2 Kor 8.23; Gal 2.3; Tai 1.4 * **4:11:** Kol 4.14; Flm 24; Apo 12.12, 25; 13.13; 15.37-39; Kol 4.10

12 *Neñakni Tikikus melaim wañgibiga Efesus sitinöñ anök. 13 Troas taonöñ mala malukuni azi qetñi Karpus yañgö mire mosörali, mönö mi memba kaman. Mewöyök kulem lama sileñe ohoba lipiñgeri, nöñgöreñ lama sile mi mönö kapan köla meman aka miangö andöñe buk tosatñi mi mohotñe memba kaman.

14 *Aleksander, silwö kopö ohom qeköqekötahö azi mötzani, yañön bölöñi könañi könañi gwötpuk ak niñgiba malök. Kembunöñ ahakmemeni kewöta miangö dop likepñi melen wañgiiga qakñe öngöi sihimbölö mötmawi, mi mötzal. 15 Yañön keuninañgöra gwötpuk tuarenjoñ ak neñgiba malök. Miangöra gi mewöyök mönö yañgöra galöm mem añguba malman.

16 Indim mutukñi kutukutulañ keu jake bohonñe al niñgigetka keuni likepñi jibiga kunñan kun qahö kaba ni nañgöm niñgiba jiyökmö, alaurup pakpak yeñön buratiba nömosötket. Anutunöñ siñgisöndokñini miangö likepñi qakñine albapuköra köuluközal.

17 Yeñön nömosötketmö, Kembunöñ bauköm niñgiyök. Nöñön Buña keu jiba ambazip uru kuñgum eñgiba nup mi körek mem tekömamgöra aka mem köhöim niñgiyök. Kantri pakpak yeñön Buña mi mötmegöra möta bauköm niñgiba laion sömbup kalñi yeñgö numbuñine gil niñgibepukö añgön köla jitñineyök meköm niñgiiga eral.

18 Kembunöñ bölöñi könañi könañi mem niñgibepuköra meköm niñgiiga ölop Suep bemtohoñgö uruñe eu öngömam. Kembangö qetñi mönö sundan möpöseininga nalö teteköñi qahö aködamunñambuk aka ahöba öngöma. Keu mi ölña.

Yaizözkök keu teteköñi

19 *Gi mönö nöñgö yaizözkökni Prisila aka apñi Aqila yetköra aka Onesiforusgö saiwaurupñi yeñgöra jinöñ mötme. 20 *Neñakni Erastus mosötpiga Korint sitinöñ malja. Trofimus i Miletus sitinöñ mosötpiga kawöl yöhöi ahöza. 21 Miangöra kömunjañ kie uru nalö qahö kaiga mönö bapñe kiangöreñ nöñgöreñ kamangö kapan kölman. Azi qetñini Yubulus, Pudens, Linus, Klodia aka urumelen alaurup pakpak yeñön yaizözkökñini jiba algetka göhöreñ kaza.

22 O Timoti, Kembunöñ uñagi kötuetköba göbuk kinma.

Anutugö kalem möriamñan mönö embuk ahöma. Mewö.

* 4:12: Apo 20.4; Ef 6.21-22; Kol 4.7-8; Apo 20.6 * 4:14: 1 Tim 1.20; Sum 62.12; Rom 2.6 * 4:19: Apo 18.2; 2 Tim 1.16-17 * 4:20: Apo 19.22; Rom 16.23; Apo 20.4; 21.29

Taitusgö Kimbi Polnön Taitusgöra Kimbi alök. Jim-asa-asari

Azi gwabö qetņi Taitus yaņön uruņi melenđa Polbuk örörön jöhöba bauköba misin nup meyohot. Memba köwet sutņe gölme jölanņi qetņi Krit (Arete) میانگören malohotka Polnön kembangan kutuba alabaukņi mosöriga zioz nup arengöba ek kewöta galöm kölök. Polnön mosöta anda yaņgöra köuluköba mala Buņa Kimbi ki ohoyök.

Krit mi keu Grik miambuk mindiribanbuk. Krit mi köwet sutņe gölme jölanņi kun aka Grik (Greece) mi kantri kun.

Polnön Taitusgöra waimanjat karöbut möta qamban keu kewö ohom waņgiyök: Krit yeņgö könaņini mi gongim teköi baunam jegömöl aka malget. Tosatņan uruņini melengetka malmalņinan diņgiyöhi, yeņön kunbuk bölibepuk. Miangöra yeņgö jitņememeninan silik ölop kötökņi kondela köuluk aka Baiböl stadi nup qahö mosöta kambuņini mindiņgöba malmegöra jiza. Uru melenget yeņgö sutņine kambu morömorö mi denöwö mindiņgöba kusum engiba malme? Azi namņi, ambi namņi, ambi seram, azi gwabö aka welenqege yeņgö goro keuņini mi nanņök nanņök kewö jim asariza, “Uruņini melenđa Buņa keu wuatangöba luainön mala ketanņi yeņgö keu bapņe anda jegep uruk nup ölopņanök memba kinda julbepüköra kazik aņgururuk mosöta malme.”

Buk kiangö bahöņi bohonņi 5 mi kewö:

Polnön aposol nupņangö könaņi jiza 1.1-4

Anutugö jitņememe yeņgö goro keuņini 1.5-16

Ambazip kambu morömorö yeņgö goro keuņini 2.1-15

Urukunğukunğungu aka galöm meme keu 3.1-11

Yaizözkök aka keu teteköņi tosatņi 3.12-15

Polnön aposol nupņangö könaņi jiza.

¹ Anutunön ambazip möwölöhöm engiyöhi, engö mötnaripņinan asuhuba qarimapköra aka Jisös Kraistnön Pol ni melaim niņgiiga yaņgö aposolņi akzal.

Nöņön Anutu welenņi qeba keu ölni kusum engimakzal. Keu ölni mi möt kutuba köl gulime ewö, engö malmalņinan mönö uteköba letorakņa. Miangöra kimbi ki ohozal.

² Anutunön keu muneņi jimawaņgö dop qahö yaņön möpņangö möpņe malmal köhöikņi neņgimangö jim jöhöba میانگö andöņe yuai pakpak miwikņaiyök. Eņön keu ölni möt kutuba möt narigetka میانön mönö nam köl engiiga malmal köhöikņe aņgotpiņgöra al mamböta jörömğöröm ahakze. ³ Anutu, Amötqege Toninan oyaenğoyaengö keuņi jim jöhöba میانگö nalöņi diņdiņi ali kam kunğuga میانگören Buņa keuņi indela mi jim sehibingö jimkutukutuņi alök. Miangö dop mi jim asarigetka Anutunön nöņön mi jim sehimangö möt narim niņgiba kunğum niņgiyök.

⁴ *O mötnarip nahön sorokni Taitus! Nöņön bauköm gihibi urugi melenđa alabaukni aka mohotņe Kambu möt nariba maljit.

Iwi Anutu aka nanini Amötqege Tonini Jisös Kraist yetkön mönö kalem möriam gihiyohotka luainön malman.

Galöm jitņememe yeņgören keu areņ

⁵ Köwet jölanņi Krit (Crete) میانگören mohotņe misin nup memba kembangan gömosötmangö aka kewö jim kutum gihial, “Uruņini melenget yeņön ilingösöņ lan maljei, i mönö arengöm engiba (pasta aka) jitņe memenini miri taon dop kunğuba kusum enginöņga areņinambuk zioz nup memba malme.” Mewö jiba deņnit.

* 1:4: 2 Kor 8.23; Gal 2.3; 2 Tim 4.10

⁶*Uruñini melenjeri, yenğö sutñineyök azi kewöñi möwölöhöman: Kungö silenje pinjtkö keuñi qahö, anömñi mohok-kun memba mali nahönböraturupñan uruñini melenja Anutu möt nariba yangisen kezapjupjup silikö keu silenine qahö ala jim engimakze.

⁷Urumelen könagesögö ketañamñini pasto (bisop)* yanön Anutugö könagesö galöm köl engimakñawi, mianğöra mönö azi kewöñi kuñguman: Kungö silenje pinjtkö keuñi qahö, jakbak-öranböran qahö aka urupik qahö. O köhöikñi qahö nempa bim lañ qahö qeba möndömöndö qakñe injarere mala monen yuaigöra qahö kapan kölakza. ⁸Yanğoreñ kamei, i ölop köl öröba köyan köl engiba keu ahakmeme ölopñanğö sihimñi möta uruñi mianğoreñ ala malma. Kilik-kaluk kekpurikñi qahö, keu pakpak diñdiñanök kewöta sarakñi töröñi qainñi kun aka nanñi ahakmemenji törörök galöm köl anğumakña.

⁹Buña keu kusum nenğigetka tandö söran ewö malmal tönğumamğöra ahözawi, pas-tonöñ mi mönö töp memba mianğoreñ qekötahöba kinma. Mewö kinda ölop Buña Kimbigö dop mötnaripkö keu kemañi kemañi ambazip kusum engiba mianön uruñini kuñgumakña aka tosatñan Buña keu möwöramğöba qetalakñei, yenğö keuñini gonğonji ölop qeapköba mindiñğomakña. Mewö.

Böhi takapulakanji mönö qetal engime.

¹⁰Ambazip gwötpukñan keu qetala kezapjupjup aka sesekñai ewö keu sinñi sinñi jiba ambazip tilipköm engimakze. Anutugö aiwesökñi silenine yandigeri, yenğö kambunöhök ambazip jesöngöñan mewö ahakze.

¹¹Ambazip mewö mienğö keuñini mönö qömbököme. Yenön Buña keu kusum engibingö möndöba monen yuainñi öröbingö möta kösawöran keu lañ jigetka gamuñambuk ahakza. Mewö aka saiwa tosatñi lök körekñanök mem sohom engigetka enololon aket. ¹²Krit nanñine kezapqetok azi kunñan aiakanñanğöra kewö jiba ohoyök, “Krit ambazipnön mönö nalö dop keu munen jiba injarere qölmö mala ubibi kömböt ewö lilikqilik aka bau numbu nemakze.” ¹³Yenğöra keu mewö nanğöba jiyöhi, mianön mönö ölna. Mianğöra kawölñinan qahöwahi mötnaripñinan asuhuba ölnambuk akñapköra i mönö köhöikñanök terengöba jim engimakñan.

¹⁴Mötnaripñinan ölnambuk aiga Juda nenğö bem sambanini aka ambazip keu ölni siñgiba jimkutukutu alakzei, keu mewö mianğö kezap kude alme. ¹⁵Urunini melenñinga Uña Töröñan köl köñjorat ak nenğiiga sarakñi akzini, nenğöra nene kungö dönqizizinnji qahö ahöza. Nenön nene pakpak ölop nembinañğö dop akzapmö, qewölon ambazip keu ölnanğö yangisen ahakzei, yenön i me wai aketka uruñinan tondup tölohomağa. Uruñinan kölköljinñambuk aiga uruñinanğö kezapñan duhui mönö bau jegömöl tandök malje.

¹⁶Yenön “Anutugö könañi möt yaközin,” jitñinan mewö jigetka aiakanñinan mi qañ köla qeapkömakze. Mewö aka Anutugö keuñi qetalgetka imbilonlon möt engiiga ahakmeme ölopñi kun memeanğö dop qahö akze. Mewö.

2

Ambazip ketanji yenğö qambañ keu

¹Göñon mewö qahö maljananğöra mönö mötnaripkö keu kemañi kemañi mi Buña Kimbigö dop kewö kusum engimakñan: ²Azi namñi yenön mönö kilik-kalukñini qahö malgetka göda qem engibinañğö dop akñe. Nanñini ahakmemenñini törörök galöm köl anğugetka mötnaripñinanğö kawölñinan qahöwahi ölni urukalem asuhumakña. Ölni asuhui ambazip törörök jöpaköm engiba malme aka kapan köla böñ qeba kinme. Mewö malmegöra kusum engimakñan.

* **1:6:** 1 Tim 3.2-7 * **1:7:** ouwösiö, zioz paris lida, bisop, nup meme bohonñi yanön qet ketanji öne qahö bisimapmö, paris kambu-urupñi yenğöra köuluköba kusum engiba uruñini kuñguba nupñinanğö arenñi engiba goro qambañ qakñe galöm köla mindiñğom engimakña.

³ Ambi namñi yeñön mewöyök Anutugörej ambi sarakñi yeñgö dop ahakmemeñini aka memba malme. Andöqeçe keu yöhösañ kude ahakñe. Wain o gwötpuk nemegö mötöp simbañe kude añaota qaköme. Urumelen ahakmemegö silikñi ölopñi kondela tosatñi kusum engimakñe.

⁴ Mewö aka mala ambi nembö bapñine maljei, yeñgöra ölop goro engiba malgetka yeñön mewöyök apmoröurupñini urukönömñinan jöpaköm engiba malme. ⁵ Jöpaköm engiba nanñini ahakmemeñini törörök galöm köl añauba sarakñi aka mirigö nupñini nem qerak aka nöngöp törön qakñe memba apmoröurupñini köyan köl engiba apurupñinañgö keu bapñe anda kötöngöm engimakñe. Mewö kusum engigetka aka memba malgetka tosatñan Anutugö Buña keu mi mepaiköba ilitnöñ albingö osime. Mewö.

Azi gwabö aka welenqeçe yeñgö qambañ keuñini

⁶ Azi gwabö yeñgö uruñini mewöyök kewö kuñgum engimakñan: Yeñön mönö ölopñañgö oyankasak mala nanñini ahakmemeñini törörök galöm köl añaumakñe. ⁷ Uruñini mewö kuñgum engiba nangak ahakmeme pakpak miangöreñ silik ölopñi kondel engiba malman. Mönö geñmoñ qahö böñ qeba kinda tañörakñi qahö kusum engimakñan. ⁸ Keu mötsihimñambuk jiba malnönga ambazipnöñ mepaiköba memba et al ghibingö osime. Mewö jiba malnönga tuarenjoñurupñinan keu bölöñi jim neñgibingö keu jaruba ölni qahö miwikñaiba gamuñini mötme. Mewö kusum engimakñan.

⁹ Welenqeçe urup mi kewö kusum engimakñan: Yeñön ketañamñini yeñgö keuñini pakpak tem köla keu bapñe anda malme. Sösöngai ak engibingö kapañ köla kinme. Keu jimei, mi nesilam qakñan kude melen engimakñe. ¹⁰ Ketañamñinañgö mireyök yuai mohot-hök yahöt-hök mi ölöñ kude memakñemö, ketañamñinan engeka möt narim engimakñapköra mönö kapañ köla kinme. Nupñini pakpak mönö geñmoñi qahö pöndañ memba malme. Mewö mala Anutu Amötqeçe Toninañgö Buña keu kusum engimakñe, mi kötön kölgetka ölni ahui nahömñambuk ahakña. Mewö.

Malmal sarakñañgö nam köipitñi mi kalem möriam.

¹¹ Malmal sarakñañgö nam köipitñi kewö: Anutunöñ ambazip körek amöt qem neñgimapköra aka kalem möriamñi indeli gölme dop asuhuyök. ¹² Kalem möriam mianön mönö kopa añajöörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindingöm neñgimakza. Ahakmemeñini törörök galöm köl añauba keu pakpak diñdiñanök kewöta malbingöra köl gulim neñgimakza. Mewö mianön Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö miangöreñ Anutu qetbuñañambuk aka Amötqeçe Tonini yetkö asakmararañiri asuhuiga ekin. Nini oy-aenköyaen nalöñi mi kam kuñgumapköra jörömqröm al mamböt aka maljin.

¹⁴ *Jisös Kraistnöñ mönö neñgöra aka nanñi malmalñi kölenña mosörök. Nini ahakmeme bölöñi könañi könañi miangöreñök meköm neñgiba sohopeni memangö möta köl könjörat ak neñgiba nanñi buñañi sarakñi akingöra aka malmalñi kölenña mosörök. Mi mosöta qewöloñnini sañañniga nanñi könagesöñi aka ölop nup ölopñi ölopñi mendingö urukönöp aka jöjörömakin.

¹⁵ Miangö keuñi mönö kusum engiba ambazip uruñini nañgöba köna siñgimei, mi kukösum pakpakö qakñe tembula jim engimakñan. Mewö aknönga kunñan jijiwilit ak ghibapüköra galöm mem añauba malman. Mewö.

3

Urumelen enön mönö silik kewö aka memba malme:

* **2:14:** Sum 130.8; Eks 19.5; Dut 4.20; 7.6; 14.2; 1 Pitö 2.9

¹ Kusum enggiba keu ki mönö köl gulim enjinönga ölop urukönömñine ala mötmörime: Urumelen könagesö yeñon mönö kiap gawman aka ketañamñini tosatñi yeñgö keu bapñine anda keuñini tem köla malme. Mindimindiri nup ölopñi memegöra jigetka mi pakpak mönö jöjöröba memakñe. ² Uruqege keu töhöreñ mi kungöra kude jim wangime. Angururuk kude akñemö, ala ak anguba urumohot malmegöra kinme. Ambazip pakpak mi gunböñjönjön pakpak ak enggiba uruluai qakñe mutulangöm anguba malme. Mewö.

³ Nini mewöyök mutuk uruqahö mala qegetal aka janjun malin. Sihim kömböñañini bölöñi köñañi köñañi miengö mötöp simbañe qaköinga galöm köl nenngigetka silegö sihim sösongaini lañ jarubingöra malin. Körögisigisi qakñe kegwek-kahasiliñ aka miangöreñ malmalnini ayuhuba malin. Tosatñan imbilonlon möta kazik ak nenngigetka sutnine urukerök ak anguba malin.

⁴ Mewö malinmö, Anutu Amötqege Toninan ahakmemenji ölopñi kölenda indeliga urukalemñan asuhum tingiriga kötala uruñan jöpaköm nenngiyök. ⁵ Jöpaköm nenngiba bohonini jöhöba amöt qem nenngiyök. Naninak diñdiñi mala nup ölopñi ölopñi memba malbinahi, miangöra aka qahö nenngiyoriyök. Miangöra qahöpmö, nanñi ak-kömukömuñan mönö nam köl wanggiiga siñgisöndoknini sanğonñiga ahuahu dölökñi ahuinga Uñañi Töröñi urunine aliga kölönaim nenngiyök. ⁶ Anutunöñ amöt qem nenngiba Amötqege Tonini Jisös Kraistköra jiiga Uña Töröñi melaiba kelenmaleñ mokoiga urunine geiga maljin.

⁷ Anutugö kalem möriamñan nam köl wanggiiga keunini jim teköi solanibingöra aka Uña Töröñan urunine geiga kölönainin. Kölönaiiba kinda oyaenkyoaeñ malmal teteköñi qahö malbingö jörömqöröm al mamböt akzini, mi ölop buña qem angubin. Mewö.

⁸ Keu ohozali, miangön öl töhöñña. Göñon mönö keu kewö kapan köla jim tuarim enggiba malman: Ambazip Anutu möt narizei, yeñon mönö jegep aka kinda uruñini pöndañ nup ölopñi ölopñi memegöra ala malme. Mewö akñei, miangön mönö ambazip bauköm enjiiga nupñinañgö ölni eka “Qetpuk!” jiba malme. ⁹ Tosatñan uruqahö keu aka ambösakon yeñgö qet areñi areñi eraum mötketka goranora angururuk asuhumakzawi, göñon mönö mi yaköriba andö qeman. Mewöyök Mosesnöñ Köna keu nenngiyöhi, tosatñan keu mohot mohot miangöra möndömkösök aketka supapköiga sohomakza. Jitnakölik mewöñi mi yuai omani töhöñ aka qahöpmahöp bauköm enggimakza. Miangöra mi mönö andö qeba mosötman.

¹⁰ Kunñan keu mewö jim öröba miangön urujjul mem enggimakzawi, i mönö galöm meme keu jim wanginönga qahö tem köliga kunbuk jim wanginönga yahöt aiga töndup yangisen akña ewö, i mönö közölnönga urumelen kambu mosöta yaigepñe malma. ¹¹ Yangö köñañi kewö ahöi möt yaközan: Yanñon köna siñgiba öñömböböp köla lolonqalon aka siñgisöndok ahakmeme ahakza. Siñgisöndokñi miangön mönö köñañi kondeli sohom teköi Anutunöñ keuñi jim teköi könöp siagö buñaya akña. Mewö.

Yaizözkök keu teteköñi

¹² *Ni kömunjañ kie uru nalö ki siti qetñi Nikopolis Grik miangöreñ mösöhöba malmangö mötzal. Miangöra Artemas me Tikikus salupke malmapköra melaibi göhöreñ kanğotmawi, nalö miangöreñ mönö nalö kude qem körimanmö, zilañ mosöta Nikopolis kaba miwikñaim niñgiman. ¹³ *Köna keugö mötmöt azi (loya) qetñi Zenas aka Apolos yetkön yuai kungöra osiba mözöqözöröñ aka Krit miangöreñ qaköba tatpahotpuk. Miangöra mönö kapan köla öröyuai tosatñan dopñire nanğöm etkinönga ölop toroqeba anmahot. ¹⁴ Alaurupninan mönö nup ölopñi ölopñi memegö köñañi möt soroköba pöndañ jegep aka zeñ kinda uruñini miangöreñ ala malme. Mewö aketka tosatñan lömböt keta bölökñi sanğabañga miwikñaime, i ölop nanğöm enggimakñe. Mötnaripkö ölni mewö ahuiga malmal gilipitñi (ambetakñi) önewat qahö malme.

* **3:12:** Apo 20.4; Ef 6.21-22; Kol 4.7-8; 2 Tim 4.12 * **3:13:** Apo 18.24; 1 Kor 16.12

¹⁵ Nömbuk ki maljei, yeŋön körek yaizözköŋini jigetka göhöreŋ kaza. Göŋön alaurup-nini Krit miaŋgöreŋ Kembu möt nariba uruŋinan jöpaköm neŋgimakzei, yeŋgöra mönö nöŋgö yaizözkökni jinöŋga mötme.

Kalem möriamnöŋ mönö körek embuk ahöma.

Filemongö Kimbi Polnön Filemongöra Kimbi alök. Jim-asa-asari

Azi öngöngöni Filemon mi Kolosi sitinön mala uruñi melenða zioz nup memba welenqeqeñi qetñi Onesimus galöm köliga töndup unjurata Rom sitinön anök. Miangöreñ anda Polbuk mutulangöba keuñi möta uruñi melenða Polbuk Buña nup meyoht. Polnön kösö mire tata Onesimus toñangöra Kimbi ki ohoba böröñe ala melaiiga Kolosi lilingöyök. Kimbi kiangöreñ uruñi melenñohi, miangö buzupñi indela Filemon uruñi kewö kuñguyök: “Gi mönö welenqeqegahö pinjitñi mosöta yambuk urumohok aka köl öröm wañginöñga urumelen alagi ewö qöhörönge kiniga yañgöra söñgaiba malman.”

Buk kiangö bahöñi bohonñi 4 mi kewö:

Keu mutukñi 1-3

Polnön Filemon möpöseiza 4-7

Onesimugöra Filemongö uruñi kuñguyök 8-22

Kimbigö keu kötni bohonñi 23-25

¹ O wölböt alani aka neñakni Filemon!

Pol nöñön Jisös Kraistkö nupñi memakzalañgöra aka gwaröhöm niñgigetka kösö mire tatzal. Urumelen alani Timoti yañön nömbuk tariga nöñön göbuk keu eraum mötpitköra kimbi ki ohozal.

² *Mewöyök ambi ketañi urumelen nenini Apia aka Arkipus urumelenö bimqeqe azinini aka urumelen könagesö göhö mire tokomakzei, nöñön kimbi ki engöra ohozal.

³ Anutu Iwinini aka Kembu Jisös Kraist yetkön kalem möriam enñiyohotka luainön malme.

Filemongö urukalemñangöra möpöseiza.

⁴ Nöñön nalö dop köuluköba gi mötmörim gihimakzalañgö dop kewögöra Anutuni saiwap jim wañgimakzal: ⁵ Gi Kembu Jisös möt nariba jöpaköm wañgiba Anutugö ambazip sarakñi pakpak jöpaköba urukalem ak engiba maljan.

⁶ Saiwap jiba kewö köulukömakzal: Mötnariplan mönö köhöiba pöwöwöm aiga ölop qöhörönñine kinda nembuk mötnaripkö keuñi jim sehiba malman. Mewö Kraistpuk qekötahöba kininga kalem ölopñi ölopñi neñgimakzawi, gi miangö könañi köreñanök möt sölöngöman. ⁷ O urumelen alani, gi ambazip sarakñi körö-ölöwak qem enñinöñga amgöba malje. Urukalemgi miangöra nöñön gwötpuk söñgaibiga mianñön uruni nañgömakza.

Filemonöñ Onesimus köl örömapköra qesiza.

⁸ Mewö malnöñga Kraistpuk qekötahöziga ölop awösamakak aka kukösum qakñe kinda yuai akñangö jim kutum gihibileñak. ⁹ Mi töndup Anutunöñ uruñan jöpaköm netkiza-wañgöra aka ölop jimkutukutuni mosöta ulet miyök ulet gihimam. Gi Pol nöñgö silikni mötzan. Nöñön azi namñi akzal aka Kraist Jisösgö nupköra aka nalö kewöñe kösö miri asia mewöyök akzal. ¹⁰ *Ni kösö miri kiangöreñ alagi qetñi Onesimus aitongöba bauköm wañgibiga uruñi melenða mötnaripkö nahöni ahök. Miangöra merak yañgö numbu jit memba yañgöra aka ulet gihizal. ¹¹ Yañön mutuk welen qeba lañ möndöba injarere mala qemasolokep ak ghibiba malökmö, nalö kewöñe letota gi aka ni ölopñanök bauköm netkiiga ölni asuhumakñawañgö dop akza.

¹² Yañön nani wölböt nahöni akza aiga nani wölbötñi ewö melaim wañgibi lilingöba göhöreñ kaza. ¹³ Nöñön Ölöwak Buñagöra aka kösö mire tatzal. Miangöra Onesimus jöhöbi

* 1:2: Kol 4.17 * 1:10: Kol 4.9

nömbuk mala göhö salupke baukôm niŋgimapkö mötzal. ¹⁴ Mewö mötzalmö, baukôm niŋgimapkö qahö kuŋgum gihizal. Sihimŋan jiiŋa baukôm niŋginöŋga dop kölŋapmö, göŋön welenqeŋegi niŋgiman me aŋgön kölman, mianŋöra Oŋ! qahö jinöŋga nanök jöhöm waŋgimamgö osizal.

¹⁵ Onesimusnöŋ kewögöra aka gömosörök me? Yaŋön nalö töröptökŋi yaigep mala kunbuk liliŋgöba kaba göbuk nalö teteköŋi qahö malma. ¹⁶ Mutuk welenqeŋe omaŋi aka malökmö, nalö kewöŋe mi oŋgita azi qainŋi kun akza. Uruŋi melenŋa mönö wölböt alanina akza. Nöŋön yaŋgöra gwötpuk ak niŋgiiga göŋön azi mi eknöŋga Kembugö buŋaŋi aiga yaŋgöra mewö ni nonŋita önöŋi qahö ak gihimakŋa.

¹⁷ Göŋön nömbuk ala-ala aka maljit mötnöŋga nöŋön kabi köl öröm niŋgibanak ewö, mönö Onesimusnöŋ kaiga mewö köl öröm waŋgiman. ¹⁸ Yuai kun ak bölim gihiyök me yaŋgöreŋ tosa kun göhöreŋ ahöza ewö, mia mönö nöŋgö tosaŋa jinöŋ ahöma. ¹⁹ Ni Pol mönö nani börönan kewö ohozal, “Nöŋön mi mekömam.” Nöŋön baukôm gihibi urugi melenŋöŋga tosaŋi ketanŋi mi mekömangöra nangi mewöŋanök nöŋgö buŋaya jim teköm aŋgunöŋga dop kölbowak. Mianŋöra ölop kewö jibilenak: Onesimusgö tosaŋi mi mönö jinöŋga nange tosaŋa ahöma. ²⁰ O urumelenŋ alani, Kembugö Buŋa gihiali, mi mönö melenŋa baukôm niŋgimangö ak niŋgiza. Kraist qekötahözani, mianŋö dop mönö Onesimus köl örönöŋga nöŋgö urunan amgöba ölöwakŋa.

²¹ Keuni tem kölmani, mi möt nariba keuni ohoba könaŋamŋi kewö ahöi mötzal: Keu jizali, mi mönö oŋgita qetpuk ak soroköman. Mewö. ²² Keu kun ki: Eŋön köulukögetka Kembunöŋ ni melenŋ niŋgii eŋgöreŋ kamamgö al mamböta jörömqöröm akzal. Mianŋöra mönö miri uruŋi kun nöŋgöra mem kelötman.

Yaizözkök aka kötuemötuet keu teteköŋi

²³* Alani Epafras yaŋön Jisös Kraistkö nupköra aka nömbuk kösö mire tata yaizözkökŋi ali göhöreŋ kaza. ²⁴* Neŋakurupni nup mohotŋe memakzini Mak, Aristarkus, Demas aka Luk yeŋön mewöyök yaizözkökŋini algetka göhöreŋ kaza.

²⁵ Kambu Jisös Kraistkö kalem möriamnöŋ mönö uŋaŋini kötuatköba embuk ahöma. Mewö.

* **1:23:** Kol 1.7; 4.12 * **1:24:** Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi **Kunön Hibru yenğöra Kimbi alök.** **Jim-asa-asari**

Jisösnön Suepnön öngöi miangö andöje yambu 35 miangö dop teköiga azi kun qetnji qahö mötzini, yanön Kimbi ki ohoba Juda urumelen ambazip yenğoren alök. Juda yenön Hibru (kian) keu jigerangöra qetjini Hibru qetket. Tosatjan Juda urumelen ambazip mi sesewerowo gwötpuk ak engigetka Jisösgö köna diñdiji mosötpingö mötmöriba Juda yenğö köna walje dumje kunbuk angotpingö mötket. Köna walji mi Köna keugö kapañkölköl.

Kimbi kiangö keu kötni 3 mi kewö:

1. Jisös, Anutugö Nahönji yanön sihimbölo ketanji möta mewö miangön Iwiñi tem kölmangö könanji mörök. Miangöra Suep garata, Moses aka kezapqetok ambazip pakpak engongita öngöngöñi akza.

2. Anutunön Jisös kuñguiga nalö teteköñi qahö jike nup galömnini bohönji aka malma. Nanji sepñi mokoyöhanğöra jöwöwöl ohohonön teköiga jike nup galöm tosatñi yenğöra qahö osibin.

3. Urumelen nenön Jisös möt nariinga siñgisöndoknini mosöta amöt qem nenğiba kömupnöhök meköm nenğiiga kenğötnini qahö mötzin. Jike nup walji mi imutimut ewö aiga megetka Jisösnön amötqeqegö könanji ölni indela nanji jöwöwöl ohoho ewö akñegöra al anguyök.

Mötnarip ambazip ketanji yenğö silikñinangö kösohotñi mi teteköje (Boñ 11) ohoba mötnaripñinan sööraubapuköra kewö kuñgum engiza, “Sesewerowo akengigetka miangö sihimbölonji mi mönö kapañ köla mökösoñda möta Jisösbuk luhut alme.” Buk kiangö qambañi aka galöm meme keunji mi nahömñambuk.

Buk kiangö bahönji bohönji 10 mi kewö:

Keu mutukñi: Kraistnön Anutugö könanji indel teköyök 1.1-3

Kraistnön garata pakpak engongitza 1.4–2.18

Kraistnön Moses aka Josua etkonğitza 3.1–4.13

Kraistnön jike nup galöm pakpak engongitza 4.14–7.28

Kraistkö jöhöjöhö arenji mi jöhöjöhö aren walji onğitza 8.1–9.28

Kraistkö sep busunan jöwöwöl pakpak engongitza 10.1-39

Mötnarip mi yuai mutukñi aka bohönji 11.1–12.29

Ahakmemeninan Anutu uru ölöwak mem wanğime 13.1-19

Köuluk teteköñi 13.20-21

Uruwahöt keu aka yaizökzök keu teteköñi 13.22-25

Anutunön Nahönji melaiiga keunji indelök.

¹ Anutunön mönö möpñangö möpñeyök könahiba köna murutñi murutñi wuatangöba keunji indelmangö mörök. Mewö möta keunji nalö gwötpuk kezapqetok ambazip yenğö uruñine aliga aukñe jigetka amböskonurupninan möta mala kotket. ² Mewö mala kotketmö, nalö teteköje malinga kewöje mönö Nahönji melaiiga keunji indela aukñe jiiga mörin. Nahönji yanön Iwiñi bauköiga Suep gölme aka mietkö öroyuainjiri pakpak miwikñaiyo-hotka Nahönñan nalö teteköje yuai pakpakö Tonji akñapkö jim teköi malja. ³ Anutugö kaisongolomñan Nahönji ahöm wanğiiga eta kondelök. Anutugö asakmararanan mönö i kuñguiga biliksik aliga imutimut ewö ehin. Siñgisöndoknini kölkönjorat teköbagun mönö Suep mire öngöba dumñi memba Öngöngöñamninanğö börönji

ölne tatza. Mianğoreñ tata Suep gölmegö öröyui pakpak mi keuñi kukösumñambukñöñ bisiba galöm köla malja.

Anutugö Nahönñan Suep garata enğonğitza.

⁴ Anutunöñ Nahönñi qet wangiiga mianñön mönö Suep garata yeñgö qetñini onğita aködamunñambuk akzawi, mianğö dop Nahönñan Suep garata enğonğita ketanñamñini aiga nembö bapñe malje. ⁵ *Anutunöñ nalö kunöñ Suep garataurupñi yeñgöreñök kungöra keu kewö qahö jiyök,

“Göñön nöngö Nahöni aknönga nöñön merak göhö Iwigi akzal.”

Mewöyök keu kun kewö jii ahöza, “Nöñön yanğö Iwiñi akiga yanñön nöngö Nahöni akña.”

⁶ *Keu mi dumñe kunbuk Nahönñi mutukñi jim teköiga gölmenöñ etmamğö ahöhi, nalö mianğoreñ mönö qeljiñe kewö jiyök, “O Suep garataurupni, iñini mönö körek pakpak yanğö waikñi memba möpöseiba malme.”

⁷ *Suep garata yeñgöra keu kewö jii ahöza, “Anutunöñ mönö garataurupñi mem letot enğiiga luhut ewö aka anda kame. Welenqeçeurupñan mönö letota könöp bölam ewö aka anda kame.”

⁸ *Yeñgöra mewö jiyökmö, Nahönñanğöra keu kun kewö jii ahöza, “O Kembu, göñön mönö jakömbuak dum tatatke nalö teteköñi qahö tat öngöman. Öropki kukösum-ñambuk mianñön qindinñaim neñginönga ahakmeme diñdiñan mönö bemtohoñgahö muñgemñi aka ahöm öngöma.

⁹ Göñön ahakmeme solanñanğöra ak gihiiga ahakmeme gonğonñanğöra irimgi seholiiga kazik aka mala kotnöñ. Mianğöra göhö bemgi Anutu yanñön mönö al gihiiga alaurupki enğonğita sösöngai kelöknöñ gömirii maljan.”

¹⁰ *Nahönñanğö keuñi kun mi kewö, “O Kembu, göñön könakönahine gölmegö tandöñi kuñgunönga Suepkö jakeni jakeni mienñön mönö göhö börösöwögi akze.

¹¹ Suep gölme pakpak mienñön opo maluku ewö walñi aka ayapkömemö, göñön mönö köhöiba kin öngöman.

¹² Möki köpeimakzini, göñön mönö mianğö dop suep ehekñi mi opo söro jöhözin ewö köpeim enğinönga letotme. Yuai pakpak utekömapmö, göñön mönö tandök mohot miyök aka yambugi (yaragi) teteköñi qahö mal öngöman.”

¹³ *Anutunöñ nalö kunöñ Suep garataurupñi yeñgöreñök kungöra keu kewö qahö jiyök, “Göñön mönö kaba böröni ölne tatnönga nöñön mönö tuarenjoñurupki nalö sutñi kianğoreñ tim tötal enğibiga et enğuiga göhö könagahö döpnñi aketka köirañ albin.”

¹⁴ Nahönñanğöra keuñi keuñi mewö jiyökmö, Suep garata i mönö niñia akze? Körek yeñön Anutugö welenqeçe uñaurupñi akze. Mewö aka ambazip oyaenköyaen buña qem anğumei, i bauköm enğimeğöra melaim enğii malje. Mewö.

2

Urunini qahö melenbinbukö galöm meme keu

¹ Mianğöra Buña keu mörini, mi mönö törörök möt asaribingö kapan köla kezap alme. Gölmenöñ malmalgö iñi me waiñi kunñan neñguanğiri lañ anda kaba liklak malbin ewö, mönö Jisösgö amötqeçe nupñi onğita öne mala ayuhubinbuk. ² Keu mi kewö jim tuarimam: Mutuk Suep garata yeñön Buña keu jigetka ambazip jöhöm enğii malget. Mewö mala denike yeñön Köna keu qahö tem köla selñi walöñgeri, Anutunöñ mönö körek yeñgö keuñini diñdiñanök jim teköba likepñi melen enğii lömböt qakñine öngöi mala kotket.

³ Yeñön lömböt miwikñaigetka neñön mewöñanök akzin ewö, lömbötköra mönö denöwö ölöñ kölbinak? Amötqeçe nup ketanñi mi nesampurek qakñe nöñöngan akin ewö,

* **1:5:** Sum 2.7; 2 Sml 7.14; 1 Hist 17.13

* **1:6:** Dut 32.43

* **1:7:** Sum 104.4

* **1:8:** Sum 45.6-7

* **1:10:**

Sum 102.25-27 * **1:13:** Sum 110.1

mönö lömbötnöhök ölöñ kölbängö osibin. Kembunöñ könahiba amötqeqegö könañi indeliga tosatñan keu mi jitñeyök möta nañgöba jim köhöigetka sehiba dop köl neñgiyök. ⁴ Mi nañgöba jim köhöigetka Anutunöñ yembuk mohotñe kinda keuñini nañgöba jiiga añgöletot aiwesök könañi könañi mi kukösumñinambuk asuhugetka Uña Töröñi mokoba jitsihitñangö dop mendenñiga dop köl neñgiyök. Mewö.

Jisösnöñ datnini aka Suepnöñ neñguanñgitmamgö mötza.

⁵ Suep gölme döläkñi asuhumegö keuñi jimakzini, Anutunöñ nini miangöreñ Suep garata nembö bapñine malbingö areñi qahö ala jim kutuyök. ⁶ *Mewö qahöpmö, keu mi kunñan nañgöba jiiga Buña Kimbigö kemañi kunöñ kewö ahöza, “Gölme azinöñ mönö niñia aiga i mötmörim wañgimakzan? Suep gölmegö azi ölnan mönö niñia aiga i köyan kölakzan?”

⁷ Göñön i memba et al wañginöñga nalö töröpñi Suep garata yeñgö nembö bapñine eta eretñi aka malök. Mali wañgitnöñga asakmararañnöñ öngöiga kösasorom ila jalö wañginöñga aködamunñambuk aka qetbuñañambuk malja. Mewö mala öroyuai pakpak galöm köla malja.

⁸ Börösöwögi pakpak mönö yañgö jimkutukutuñangö bapñe malmegöra memba et al enñinöñga malme.”

Keu miangö dop yuai pakpak mi yañgö kukösum bapñe malmegöra memba et al enñiba miangöreñ yuai kun qahö mosöriga yañgö keuñangö bapñe qahö ahöbawak. Areñ mewö alökmö, nalö kewöñe börösöwöñi pakpak mi yañgö kukösum bapñe memba et al enñii tem kölakzeañgö dop qahö enñehakzin.

⁹ Mewö qahö enñehakzinmö, Jisösnöñ mönö kewö letota mali ehakzin: Kömupkö sihimbölöñi möröhañgöra Anutunöñ wañgiri asakmararañnöñ öngöiga kösasorom ila jalö wañgiiga ehinga aködamunñambuk aka qetbuñañambuk malja. Anutunöñ kalem möriamñi kondel neñgimamgö möta körek neñgöra aka kömupkö sihimbölöñi mötmapkö jim teköyök. Miangöra memba et al wañgiiga nalö töröpñi Suep garata yeñgö nembö bapñine eta eretñi aka malök. Mewö malökmö, nalö kewöñe qetbuña öngöñgöñi memba malja. ¹⁰ Anutunöñ mönö öroyuai pakpakö könañi akza. Yañön körek nini nanñi möpöseim wañgibingöra aka miwikñaim neñgiiga maljin. Yañön ambazip sehisehñi neñguanñgiri asak-mararañnöñ öngöbingöra mötza. Mewö möta amötqeqeninañgö Tonji mi qahö añgön köliga sihimbölö möta mewö mianñön nupñi mi mem teköi asakmararañi pakpak miwikñaimapkö möri dop köläk.

¹¹ Kunöñ mem sarahim neñgimakzawi aka ambazip sarakñi ahakzini, körek neñgö kondotkondot Toninan mönö mohot akza. Miangöra Jisösnöñ qetnini “Alaurupni,” mewö qetmamgö gamuñi qahö mötza. ¹² *Könaninañgöra Buña keu kun kewö jii ahöza, “Nöñön mönö göhö qetki mi nani alaurupni yeñgöra qet asarim enñiba urumelen könagesö sutñine kinda möpöseim gihimakñam.”

¹³ *Mewöyök miangö Buña keuñi kun kewö jii ahöza, “Nöñön mönö mötnaripni Anutugöreñ ala malmam.” Dumñe kunbuk miangö Buña keuñi kun mi kewö jii ahöza, “Mötnöñ, ni aka Anutunöñ nahönbörat niñgiyöhi, neñön mönö ki maljin.”

¹⁴ Kunöñ mem kömum neñgimamgö kukñi memba maljawi, Jisösnöñ mönö i tulumgöi gemapköra aka kömumba mianñön luhut alök. “Bölöñangö Tonji tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. ¹⁵ Ambazip malmalñini gölmenöñ maljeañgö dop kömumbingö keñgötñinan jöhöm enñii mala kotkeri, mi mönö körek pösat enñii solanimegöra aka gölme azia ahök. ¹⁶ Suep garata köyan köl enñimapköra gölme azia qahö ahökmö, Abrahamgö gwölönarökurupñi nini möt añgön köla bauköm neñgimakñapköra mönö mewö ahök.

* 2:6: Sum 8.4-6 * 2:12: Sum 22.22 * 2:13: Ais 8.17, 18

¹⁷ Könañi mianğöra aka yañön öröyuaı pakpak mianğöreñ alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jıtñememenini aka jike galöm bohonñangö nupñi memakza. Mi memamğöra sıngisöndokninañgö töwañi ala Anutugö jeñe mi köl köñjörarök. ¹⁸ Gölme azia aiga esapköm wañgigetka nanñak sihimbölo möta malöhi, mianğöra ambazip esapköm neñgimakzei, nini mönö ölop bauköm neñgimakña. Mewö.

3

Jisösnöñ Moses onğita öngöngöñi akza.

¹ Mianğöra urumelen alaurupnini sarakñi, Suep Tonjan engoholi nembuk kambu mohot maljei, eñön mönö urumötmötñini pöndañ Jisösgöreñ ala malme. Anutunöñ i melai-iga aposol aka jike nup galömnini bohonñi akzawi, yañğöra mewö jim miwikñaimakzin.

² *Mosesnöñ Anutugö könagesöñi pakpak mi memburikñi qahöpmö, pöndañ galöm köl engiba malök. Mianğö dop Jisösnöñ mewöyök kun kuñgum wañgiyöhi, yañğö keuñi (misila) törörök wuatangöba memburikñi qahöpmö, pöndañ nömtik memba malök. ³ Miri aka azi miri meyöhi, mi kewöt etkiinga mitimqeçe azigö qetbuñañan mönö mirigö qetbuñañi gwötpuk onğitza. Mianğö dop Moses aka Jisös kewöt etkiinga Jisösgö asakmararañi öngöngöñan mönö Moses gwötpuk onğitza. Könañi mewö eka miwikñaimakzin.

⁴ Miri pakpak mi kungö börösöwöya akzemö, yuaı pakpak mi mönö Anutugö börösöwöñi akza. ⁵ Mosesnöñ Anutugö könagesöñi pakpak mi memburikñi qahöpmö, pöndañ welen qem engiba malök. Mewö mala Anutunöñ könañep azi kungöra jiyöhi, mönö keu mianğö söpsöpñi mi qeljine indela dangununa kinök. ⁶ Mewö kinökmö, Kraistnöñ mönö Anutugö Nahönñi aka Iwiñangö keuñi (misila) nömtik memba könagesöñi pöndañ galöm köl neñgiba malja. Anutugö könagesöñi mi neñön akzin. Oyaenköyaen akingö jörömqöröm aka mianğöreñ qekötahöba silenini memba öngöba awösamkakak kin köhöim teköbin ewö, mönö Anutugö urumelen könañesöñi aka malbin. Mewö.

Yañgiseñ aka malbinbukö galöm meme keu

⁷ *Mianğöra inini mönö Uña Töröñan keu kewö jimakzawañgö dop akñe, “Dölkewöñe Anutunöñ engohola keuñi sañep ali mötze ewö,

⁸ uruñini mönö mötmöt bölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wañgiba karim akeri, inini mönö mianğö dop Anutu qetala akepuk.

⁹ Yeñön gölme qararañkölkölñe kaba Anutu ni esapköm niñgiba malget. Anğöletot aka memba malali, inini mi yambu (yara) 40 mianğö dop eka mala mi töndup ni qahö möt narim niñgigetka urunan bölüiga malal.

¹⁰ Mianğöra ambazip kambu nalö mianğöreñ gölmenöñ malgeri, yeñğöra aka irimni seholiiga kewö jial, ‘Yeñön mönö sundan uruñinan kahapmahap aka janjuñ anakze. Malmalgö köna kusum engiba malalmö, mi qahö möt kutuget. Qahö!’

¹¹ Mewö jiba irimesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al enğialmö, yeñön mönö oyaenköyaen mianğöreñ qahö anğotme.’”

¹² O urumelen alaurupni, inini mönö kewögöra galöm mem anğuba malme: Engöreñök kungö uruñan gonggiiga mötnariññan sörauba eri Anutu malmal Tonji andö qeba malbapuk.

¹³ Mewö qahöpmö, sıngisöndökö isimkakalekñan tilipköm enğii mianğön engöreñök kungö uruñi gwözöñbapuköra mönö silim dop sutñine uru kuñgum anğuba malme. “Merak” keu mi jimakzini, mianğö dop mönö jölöngöm anğuba malme. ¹⁴ Nini Kraist möt anğön

* 3:2: Jan 12.7 * 3:7: Sum 95.7-11

köla yambuk kambu mohot aka maljin. Mutuk urunini melenḁa uruyahöt yaköriba awösamakak miwikñaiba malini, mewö gölmenöḁ malbinangö dop kapan köla köhöiba kinbin ewö, mönö oyaenköyaen akin.

¹⁵ *Buña keu mi kunbuk jiba kewö ohozal, “Merak Anutunöḁ engghola keuḁi saḁep ali mötze ewö, uruḁini mönö kude gwözöḁme. Engö ambösakonurupḁinan Anutu qetala karim akeri, iḁini mönö Anutu mianḁö dop qetala akepek.”

¹⁶ *Ambazip denike yeḁön Buña keu möta Anutu qetala karim aket? Mosesnöḁ könagesö enguanḁgiri Ijpt mosöta kageri, yeḁön mönö körek mewö aket. ¹⁷ Ambazip denike yeḁgöra aka yambu (yara) 40 mianḁö dop irimḁi seholiiga kazik ak engii malget? Ambazip siḁgisöndok aketka mem kömum engii silenḁinan gölme qararaḁkölkölḁe eta kölgeri, yeḁgöreḁ mönö mewö asuhuyök. ¹⁸ Luainöḁ luhut memba malmegö areḁ ala nanḁini gölmeḁine kude aḁgotmegö keuḁi jim kutuba jöjöpaḁ keunan jöhöyöhi, keu mi mönö dagöra jiyök? Ambazip keuḁi qetala yaḁgiseḁ malgeri, mi mönö yeḁgöra aka jiyök. ¹⁹ Keu mianḁö könaḁi mi kewö ek asarizin: Yeḁön Anutu qahö möt nariba yaḁgiseḁ akeranḁöra aka nanḁini gölmeḁine aḁgotpingö osiget. Mewö.

4

Anutunöḁ könagesöḁi sonda kendon neḁgima.

¹ Anutugöreḁ aḁgota luainöḁ luhut memba malbingö keu jöhöyöhi, keu mianḁön mönö pöwöwöm köhöikḁi ahöm neḁgiza. Mianḁöra engöreḁök kunḁan löwöriba nanḁi Suep köna ananḁi mi kemaḁe kutui mewö miwikḁaim waḁgibinbuk. Mianḁöra mönö sutnine galöm mem aḁgubin. ² Gölme qararaḁkölkölḁe kagetka Ölöwak Buña jim asarim neḁgiget ewö jiget mötketmö, keu mi mönö silesile mötketka uruḁine qahö geyök. Mianḁöra mötnariḁḁini qahö qiwikḁaiiga töḁpin öne malgetka qahö bauköm engiba pömsöm qeyök. ³ *Urunini melenḁa möt nariba maljini, neḁön mönö Anutugöreḁ aḁgota luhut memba oyaenköyaen malbin, mi mötzin. Anutunöḁ mianḁö Buña keuḁi mi kewö jii ahöza, “Mewö jiba irimesewöl qakḁe keuni jim kutuba jöjöpaḁ keunan mi jöhöba kewö jial, ‘Luhut memba malmegö areḁ al engialmö, yeḁön mönö oyaenköyaen mianḁöreḁ qahö aḁgotme.’”

Anutunöḁ Suep gölme miwikḁaim etkii nalö mianḁöreḁök könaḁiba oyaenköyaen mirinḁan lök memteköteköḁi ahözapmö, töndup keu mewö jiyök. ⁴ *Anutunöḁ silim 7:ḁanḁö keuḁi jiiga Buña Kimbigö kemaḁi kunöḁ kewö ahöza, “Sömaḁi 7 aiga Anutunöḁ nupḁi pakpak mem teköyöhanḁö luhut memba kendon tarök.” ⁵ *Anutunöḁ Buña keu mi toroqeba kewö jii ahöza, “Luhut memba malmegö areḁ al engialmö, yeḁön mönö oyaenköyaen mianḁöreḁ qahö aḁgotme.”

⁶ Ambazip tosaḁḁan Anutugö oyaenköyaen miwikḁaiba luhut memba malmei, keu mianḁön mönö pöwöwöm köhöikḁi ahöm neḁgiza. Ölöwak Buña mutuk könagesö jim asarim engigeri, yeḁön mönö qeḁetalḁinanḁöra aka oyaenköyaenöḁ qahö aḁgota luhut qahö meget. ⁷ *Luhut qahö megeranḁöra aka Anutunöḁ mönö kunbuk nalö kun ala qetḁi Nalö dölkewöḁi qerök. Nalö köröḁḁi teköiga nalö mianḁö Buña keuḁi dölkö jiba ohozali, mi mönö Deiwidköreḁ indeli kewö jiyök, “Dölkewöḁe Anutunöḁ engghola keuḁi saḁep ali mötze ewö, uruḁini mönö kude gwözöḁme.”

⁸ *Mewö jiiga Josuanöḁ enguanḁgiri oyaenköyaenöḁ aḁgota luhut membeak ewö, Anutunöḁ mönö nalö kungö keuḁi mi könaḁep qahö jibawak. ⁹ Mi qahö jibawakmö, Anutunöḁ mönö öḁḁa könagesö luhut meme neḁgii oyaenköyaen miwikḁaibin. Keu mianḁön mönö pöwöwöm köhöikḁi ahöm neḁgiza. ¹⁰ *Mianḁö könaḁi kewö: Anutunöḁ nanḁi nupḁi

* **3:15:** Sum 95.7-8 * **3:16:** Jaḁ 14.1-35 * **4:3:** Sum 95.11 * **4:4:** Jen 2.2 * **4:5:** Sum 95.11 * **4:7:** Sum 95.7-8 * **4:8:** Dut 31.7; Jos 22.4 * **4:10:** Jen 2.2

meyöhanğö luhut memba kendon taröhi, miangö dop kunöŋ Anutugö oyaenköyaenöŋ anğota luhut memawi, yaŋön mönö nanŋi nupŋi meyöhanğö luhutŋi mi mewöŋanök memba oyaenköyaen malma. ¹¹ Mianğöra nini mönö Anutugö oyaenköyaenöŋ anğota luhut memenŋi miwikŋaibingö kapan kolbin. Engöreŋök kunöŋ et qeba könagesö walŋi yeŋgö qequetal tandökŋini miyöhök wuatangöbapuköra mönö kapan kolbin.

¹² Anutugö keunŋi mi memguliguligö könanŋi aka kukösum-ŋambuk akza. Bimğö sou ketanŋi mi likep likep jitŋirambuk akzapmö, Anutu keunangö jitŋan mönö sou ketanŋi pakpak engongita jit kötök aiga jitŋi bahöbahö mi maŋambuk akzahot. Keu mianğön mönö uru uŋanini kutuba ömenöŋ me Anutugö Uŋanŋan inahöm neŋgimakzawi, mi undenŋa kuŋgum neŋgimakza. Sile kitip toroqeqenini aka sihitninanğö digonŋi mi mewöyök kewöta (keunini asa-asambötŋi miwikŋaiba) ölopŋi aka bölöŋi menderŋ etkimakza. Urukönömnini aka mötkutukutu arenŋini mi kewöta keunini jim tekömakza.

¹³ Anutunöŋ yuai pakpak miwikŋaii ahözawi, mianğöreŋök yuai kun mi asa-asambötŋe qahö ahöiga ölopŋanök ehakza. Yuai kun esuhuinga Anutunöŋ esunini mi ölop luluŋda ehi yaŋgö jemesoholŋe aukŋeyök ahöza. Ahakmemeninangö kösohot pakpak mi mönö yaŋgöra jim asaribinangö dop akzin. Mewö.

Jisösnöŋ jike nup galömnini öŋgöŋgöŋi akza.

¹⁴ Jisösnöŋ jike nup galöm bohonŋi öŋgöŋgöŋi ak neŋgiza-waŋgöra aka neŋön “Möt narim waŋgizin,” jiba jim miwik-ŋaimakzini, mianğöreŋ mönö köhöiba kinbin. Jisös Anutugö Nahönŋan mönö Suep jakenŋi jakenŋi engongita öŋgöba tatza. ¹⁵ Urumötmötnini tosatŋan lölöwöröŋi aketka jike nup galöm tosatŋan mianğöra wösömötmöt qahö ak neŋgimakzemö, nanine jike nup galömninan mönö qainŋi kun kewö akza: Yaŋön mönö nini ewö ahakmeme pakpak mianğöreŋ nembuk tandök mohot esapköm waŋgiba malgetmö, mi töndup siŋgisöndok kun qahö ahök.

¹⁶ Jike galömninan mönö eu kalem möriamğö dum tatatŋe tata ak kömum neŋgimamğö mörakza. Mianğöra mönö awösamkakak qakŋe kinda yaŋgö kösutŋe anbin. Yaŋgö kösutŋe aninga kalem möriamğöra osizini, mianğö nalö diŋdiŋe mönö bauköm neŋgiiga mi ölop miwikŋaibin. Mewö.

5

Galöm bohonini Jisösnöŋ mönö bauköm neŋgimakza.

¹ Gölmegö jike nup galöm bohonŋi pakpak mi ambazip sutŋineyök möwölöhöm engiba nup kewö memegöra kuŋgum engimakzin: Yaŋön ambazip jitŋememenini aka Anutubuk urumohot aka malbingö nupŋi memba siŋgisöndok ahinangö sömbup kalemŋi kalemŋi mi Anutugöra ala mianğön jöwöwöl ohomakza. ² Nanŋi urumöt-mötŋi tosatŋan mewöyök lölö-wöröŋi akza. Mianğöra ambazip gukmaulem qakŋe janjuŋ ahakzei, mi ölop wösömötmöt qakŋe ak neŋgimakza. ³ *Lölöwöröŋi akza-waŋgöra mönö nanŋi siŋgisöndokŋi aka könagesöurupŋi yeŋgö siŋgisöndokŋini mewöyök köl könjöratmapköra sömbupnöŋ jöwöwöl ohomakza. ⁴ *Kunŋan qetbuŋa mi nanŋangöra qahö buŋa qem anğumapmö, Anutu-nöŋ Aron oholöhi, mianğö dop mönö i mewöyök oholja.

⁵ *Mianğö dop Kraistnöŋ mewöyök nanŋak jike nup galöm bohonŋi akŋapkö qetbuŋanŋi mi nanŋangöra qahö buŋa qem anğuyökmö, Anutunöŋ kewö jim kutum waŋgiyök, “Göŋön nöŋgö Nahöni aknöŋga nöŋön mönö merak göhö İwigi akzal.” Keu mianğö dop jike nup galöm bohonini ahök.

⁶ *Keu miyöhök jii Buŋa Kimbigö kembanŋi kunöŋ kewö ahöza, “Göŋön mönö Melkizedek ewö jike nup galöm aka nalö teteköŋi qahö mal öŋgöman.”

* 5:3: Lew 9.7 * 5:4: Eks 28.1 * 5:5: Sum 2.7 * 5:6: Sum 110.4

7 *Jisösnöŋ silebuk gölmenöŋ mala miangöreŋ mönö nalöŋi nalöŋi köuluköba köhöikŋanök qeriga imbilŋan eri Anutu kömupnöhök mekömapkö köhöiyöhi, i qesim waŋgiba malök. Qesim waŋgiba mala Anutu göda qeba keuŋaŋgö bapŋe al aŋguba malöhaŋgöra Anutunöŋ köulukŋi mörök. 8 Nahönŋi ahökmö, Anutunöŋ mi töndup sihimbölä qahö jöhöi qakŋe öŋgöi möta miangöreŋ temkölkölgö könaŋi miwikŋaiba möt soroköyök. 9 Mi möta aködamunŋi pakpak miwikŋaibagun mönö oyaenŋoyaenŋ teteköŋi qahö malbingö kondotkondot Tonŋi ahök. Miangöra ambazip yaŋgö jitŋi tem köla maljei, mi pakpak mönö ölop kondot enŋiiga oyaenŋoyaenŋ akŋe. 10 Tonŋi mi aiga Anutunöŋ i Melkizedek ewö jike nup galöm bohönŋi akŋapakö jim teköba al waŋgiyök. Mewö.

Mötnaripkö ölnŋi sohobapukö galöm meme keu

11 Keu mi ölop toroqeba gwötpuk jim qaribinakmö, enön keu möta wuatangöbingö taŋqaŋ aka gaunjeje akze. Miangöra mi jim asarim enŋibingö osikosi akzin. 12 *Inŋini nalö köröŋŋi könaŋesö walŋi mala ölop nalö kewöŋe lök böhi qaŋazu akŋeaŋgö dop akeakmö, nanŋinak Anutugö keu kötŋi mutukŋi mi kunŋan dumŋe kunbuk kusum enŋimapköra osimakze. Inŋini mönö qaköba Buŋa keu mi juzu ewö nemingö mötze. Nene köhöikŋi ewö mi nemingö osimakze. 13 Kunŋan mi juzu ewö nembra maljawi, yaŋön mönö toroqeba moröseŋŋewö akza. Anutugö jeŋe solanŋi akingö keu kusum enŋiinmö, yaŋön miangö könaŋi qahö möt kutuba tönpin malja.

14 Moröseŋŋewö maljapmö, nene köhöikŋi mi ambazip mötmötŋinan qariyöhi, mönö yeŋön nemegöra aka ahöza. Ambazip Buŋa keu sundan köl guliba malgetka urumötmötŋinan lök möŋaiiga ölop amqeba silik pakpak kewöta ölopŋi aka bölöŋi mendenŋ etkiba ölopŋi wuatangömakze. Nene köhöikŋi mi yeŋgöra aka ahöza.

6

1 Miangöra Kraist könaŋaŋgö keu kötŋi mutukŋi lök möta miangöreŋ mönö kude qaköbin. Mewö qahöpmö, mönö toroqeba qariba aködamuninambuk akingö kapaŋ köla malbin. Mötnaripkö tandöŋi lök kuŋguba mi mönö dumŋe kunbuk könahiba kuŋgubinbuk. Tandö mi uruŋine kewö kuŋguin: Ahakmemenini köhömuŋi mosöta urunini melenŋa Anutu möt narim waŋgiin.

2 Urunini melenŋinga mötnaripkö keu kemaŋi kemaŋi kewö kusum neŋgigetka mörin: Siŋgisöndoknini köl könjöratmegöra o melun aka amötqeqe könaŋi könaŋi miengö könaŋini kusum neŋgiget. Böröŋini qaknine alalgö könaŋi kusum neŋgiget. Guliba kömupnöhök wahötŋingö könaŋi kusum neŋgiget. Anutunöŋ keunini jim teköi teteköŋi qahö köhöikŋi ahömapkö könaŋi kusum neŋgiget. 3 Mötnaripkö tandöŋi mewö kuŋgubagun mönö toroqeba möt qaribingö mötzin. Anutunöŋ ösum-mumu neŋgimakzawaŋgö dop mönö aködamunini pakpak miwikŋaibingö kapaŋ köla kinbin.

4 Mewö kinbingö möta miangöreŋ qaköba etpinbuköra aka kinjin. Ambazip kewöŋi mi uruŋini melenŋmegöra enŋuaŋgitpingö osimakzin: Tosatŋan uruŋini nalö kunöŋ asariiga Anutunöŋ Suep kalemŋi enŋii möta söŋgaigetka Uŋa Töröŋan ösupköm enŋii malget. 5 Anutu Buŋa keuŋaŋgö nahömŋi mötketka oyaenŋoyaenŋ nalö könaŋgeŋaŋgö kukösumŋan mönö uruŋine gei mötket. 6 Mi pakpak mötagun mönö mötnaripŋini mosöta Anutu andö qeget. Ambazip mi uruŋini kunbuk melenŋmegöra enŋuaŋgitpingö osimakzin. Yeŋön Anutugö Nahönŋi ilita dumŋe kunbuk maripomnöŋ qeqe ewö memba et ala aukŋe gamu qem waŋgimakze. Mewö miangön mönö nanŋini geŋmororonŋ ak aŋgumakze.

7 Mi söpsöp keu kiangö dop: Kienöŋ nalö gwötpuk yöhöba gölme qakŋe eta uruŋe geba gölme mem kelöriŋa nup toŋaŋgö welenŋeqeuruŋan nene kömötketka Anutunöŋ gölme kötuatköiga ölnŋi asuhui kölkömöt tonŋi yeŋön mi memba köweŋine alakze. 8 *Mewö alakzemö, koururuk aka siriuret wahinambuk miangön gölmenöŋ asuhuba wahörakzawi,

* 5:7: Mat 26.36-46; Mak 14.32-42; Luk 22.39-46 * 5:12: 1 Kor 3.2 * 6:8: Jen 3.17-18

gölme mianjon mönö nesakni akza. Toni yejon mi saiteköbingö mötze aka kapan köla mambötketka ölni qahö asuhui eka teteköje mönö kuñgugetka jema.

⁹ O wölböt alaurupni, nejon söpsöp keu mewö jizinmö, mi töndup injini urujini melenja malmeangöra mönö uruyahöt qahö akzin. Engö urujine Buja keugö ölnan mönö asuhum qarimapköra möta awösamkakak kinjin. Anutunöj ölni mi eka mönö meköm engii letota Suepnöj öngöme. ¹⁰ Anutunöj mönö ekbonep qakne gonjonj qahö akza. Injini Anutugö ambazip sarakni bauköm engiba mala kota toroqeba bauköm engiba nup memba malakze. Mewö urukalemjini Anutu kondel wanjigetka qetbuñajan qarimakzawi, yanjon nupjini aka urukalemjini miangöra mönö qahö ölum qeiga kitipni melenj engima.

¹¹ Nini oyaenköyaen akingö jörömqöröm aka miangöreñ awösamkakak uruyahöt qahö kinmegö sihimnini möta kewö awöweñgömakzin: Injini nanjök nanjök Anutugö urukönöp ahakzei, miyöhök mönö toroqeba kondela malme. Aködamun-ñinambuk akingö kapan köla gölmenöj mal tekömeangö dop miangöreñ mönö kude löwörime. ¹² Qölmöm akepuköra mönö awöweñgömakzin. Anutunöj oyaenköyaen yuai neñgimangö keu jöhöyöhi, tosatjan Anutu möt nariba sihimbölöjini möta mökösoñda mewö mianjon mi buja qem anjgumakze. Injini yengö silikjini wuatangömegöra mötzin. Mewö.

Anutugö jöhöjöhö keu mi uruyahötñi qahö.

¹³ Anutunöj Abraham jöhöjöhö keu wanjiba mi nanji qetñi qeta jöjopañ keujan jim köhöiyök. Kunöj Anutu ongita öngöngöñi malbawak, ölop yanjgö qetñi qetpawakmö, mewöñi kun qahö maliga miangöra mönö nanji qetñi qeta jöjopañ keuji jiiga köhöiyök. ¹⁴ *Jöhöjöhö keuji mi Abrahamgöra kewö jiba jiyök, “Nöñon mönö ölna kötuetköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai wanjimapkö keu jöhöi ahöyöhi, yanjon mi ölnambuk akñapkö kapan köla mamböta mala ölni buja qem anjguyök. ¹⁶ Ambazipnöj ketanjanjanangö qetñi qeta jöjopañ keu jiget mörakze. Jöjopañ keujan keu jizei, mi mem köhöiiga qeapköbingö osigetka keu jijinjan teköza. ¹⁷ Miangö dop Anutunöj keuji Abrahamgö gwölönarökurupni nejon mötpingöra jöhöba jiyök. Keu areñi mi kunöj qeapköba utekömangö osizawi, gwölönarökurupni nejon jöhöjöhö keu miangö könaji mi törörök möt yaköbingö mörök. Miangöra jöhöjöhö keuji jiiga mutukñi aiga keu mi kunbuk jöjopañ keujan jim köhöiiga indimñi yahöt ahök.

¹⁸ Anutunöj keu mi jiba miangö munen jimangö osiyök. Yanjon keu utekutekñi qahö mi jibagun jim köhöiyöhi, mianjon mönö urunini nanjömappköra mörök. Miangöra mi jibagun jim köhöiyök. Nejon gölmegö ahakmeme bölöneyök ölon köla Anutugöreñ angota oyaenköyaen neñgimapkö jörömqöröm neñgiyöhi, mi mönö töp memba mamböta maljin. ¹⁹ *Oyaenköyaen akingö al mamböta miangö uruyahötñi kun qahö ahakzin. Jörömqörömnini mianjon uruninangö kösö mendanji tandök ewö aka nini Jisösbuk jöhöm neñgimakza. Jörömqörömninangö kösö mendanji köröpñi mianjon mönö neñgöreñök könahiba Suep jikegö uruje öngöba jike oleni yahötkö sutjire opo sel ahözawi, mi mewöyök kutuba toroqeba Jisös jakömbuak dum kömbukne tatzawangöreñ anja. ²⁰ *Jisösnöj mönö jitnememenini aka mutuk euyangöreñ öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

7

Jike nup galöm Melkizedekö kösohot

* 6:14: Jen 22.16-17 * 6:19: Lew 16.2 * 6:20: Sum 110.4

¹*Melkizedek azi mi miri qetnji Salem mianğö kiñ kembuñi aka Anutu öngöngöñanğö jike nup galömnja malök. Mewö maliga Abrahamnönj kiñ kembuñi kembuñi bim qeba luhut al engiba lilingöba miriñe kayöhi, nalö mianğöreñ kaba Abraham miwikñaiba kötuetköm wañgiyök.

² Kötuetköm wañgiiga sukinapñi pakpak mendenđa ten miengöreñök mohot mohot (1/10) memba nalukña al wañgiyök. Melkizedek qet mianğö könani mi “ahakmeme solanñanğö kiñ kembuñi.” Qetñanğö dop mutuk “ahakmeme solanñanğö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet mianğö könani mi “luaigö kiñ kembu”. ³ Melkizedeknönj iwinamñi aka saiwaurupñi qahö, ahuahu nalöñi qahö aka kömukömuñi qahö.* Mewö jike nup galöm bohonñi aka nalö tetekönji qahö mal öngöma. Yanön Anutugö Nahönñanğö tandök ewö akza.

⁴ Bömönjalönini Abrahamgö gödaqege silikñan Melkizedekö könani kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengöreñök börö yahöt (10) pakpak kewöta bahönji mohot memba Anutugö nalukña al wañgi mianğöra Melkizedeknönj mönö ölña öngöngönji ketanji qainñi kun akza.

⁵*Anutunönj Köna keuñan keu kewö jim kutum neñgii ahöza, “Liwaigö gwölönarökurup al engigetka jike nup meme azi (Liwait) aketka könagesö enön mönö sukinapñini börö yahöt (10) pakpak kewöta miengöreñök bahönji mohot memba Anutugö naluha al engimakñe.” Yenön inini ewö Abrahamgö gwölönarökurupñi akzemö, mi töndup nanñini könagesöurupñini engö börönineyök naluknini mi buña qem angumakñe.

⁶ Jimkutukutu keu mewö ahözapmö, Melkizedeknönj Liwaigö gwölönarökñi kun qahö akza. Mi töndup Abrahamnönj Anutugö jöhöjöhö keu möt anğön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuetköm wañgiyök. ⁷ Ketanñamninanğö nembö bapñine maljini, yenön mönö kötuetköm neñgigetka maljin. Keu mi qan kölbingö osimakzin.

⁸ Könagesö neñon tenöhök mohot memba Anutugö naluha alakzini, mi gölmegö jike nup meme (Liwait) ambazipnönj buña qem angumakze. Yenön gölmenönj mala kömumakzemö, Sup mire euyangöreñ kungöra nanğöba jigetka köhöiba mal öngömawi, yanön mönö mi buña qem angumakza. ⁹ Abrahamnönj sukinapñi kewöta börö yahöt (10) pakpak miengöreñök bahönji mohot memba Anutugö nalukña alöhi, yanön mi gwölönarökñi Liwaigöra mewöyök qeljiñe alök. Mewö jiinga ölöp dop kölbowak. Nalö kewöñe tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupñe mewöyök naluk alöhi, mianğö könani kewö: Liwainönj amböñanğö körö uruñe tariga Melkizedeknönj mönö nalö mianğöreñ kaba Abraham miwikña iyök. Mewö.

Melkizedek mi Jisösgö söpsöpñi akza.

¹¹ Anutunönj Köna keuñan Israel ambazip jim kutum neñgiiga mianğö dop Liwai kambunöhök azi kuñgum engiinga jike nup galömnina aket. Nup mi megetka mewö mianğön aködamunini pakpak miwikñaibinak ewö, nini mönö jike nup galöm qainñi kungöra qahö osibinak. Nup mianğö ölñan qahö dop kölöhanğöra aka Jisösnönj mönö Melkizedek ewö asuhuyök. Ambazipnönj i Arongö areñanğö dop qahö kuñgugetka asuhuyök. ¹² Jike nup galöm nupñanğö könanjan uteközawi, nalö mianğöreñ köna keuninan mönö mewöñanök uteköza. ¹³ Jike nup galöm qainñi kun keu mi Kembuninanğöra jizinmö, yanön Liwai kambunöhök qahöpmö, mönö kambu kunöhök asuhuyök. Kambu mianğö azi kuñjan mönö jöwöwöl jikegö altanönj kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukñe ahöza. Mosesnönj Juda kambu yenön jike nup galöm kölmeğö keu kun qahö jiyök.

* 7:1: Jen 14.17-20
mi qahö jim asariza.

* 7:3: Buña Keunönj Melkizedekö iwinamñi aka saiwaurupñi, ahuahu aka kömukömu nalönji
* 7:5: Jan 18.21

Jike nup galöm Melkizedek ewö kun

¹⁵ Mianğöra jike nup galöm kun Melkizedekö tandök ewö asuhuzawi, mianğön mönö keu jizinağö ölni mi aukneyök kondeliga dopne akza. ¹⁶ Yanğön gölme ambazipnön Köna keu wuatanağöba kambuanağö dop jim kutugerağöra aka jike nup galöm qahö ahökmö, malmal köhöikni qahö ayapkömawi, mianğö kukösumñan mönö nam köl wañgiiga jike nup galöm ahök. ¹⁷ *Kunön yanğö könañi nanağöba jiiga Buña Kimbinön kewö ahöza, “Gönön Melkizedek ewö jike nup galöm aka nalö teteköni qahö mal öngöman.” ¹⁸ Anutunön mewö jiba jimkutukutu mutukni mi qeapköyök. Keu mianğö kukösumñan qahöwahiga bauköm nenjimapkö osimakzawi, mianğöra mi qeapköyök. ¹⁹ Köna keunön ambazip aködamunini miwikñaibingö qahö bauköm nenjiyök. Qahö. Mianğöra keu areñ mutukni qeköba salupne jörömqöröm qetpuk sorok nenjiza. Nini jörömqöröm mianğö qakne kinda ölop Anutugö kösutne anda köulukömakin.

²⁰ Anutunön jike nup galöm dölöknağö keuñi jiba mi jöjopañ keuñan jim köhöiyök. Mewö ahökmö, jike nup galöm tosatni yengö keuñini mi jöjopañ keunön qahö jim köhöigetka töndup mewö aket. ²¹ *Tosatnan jike nup galöm öne aketmö, Anutunön Jisös kuñguba keuñi mi jöjopañ keuñan jim köhöiba yanğöra kewö jiyök, “ ‘Gi mönö jike nup galöm aka nalö teteköni qahö mal öngöman.’ Kembunön keuñi mi jöjopañ keuñan jim köhöiba uruñan mi qahö uteköma.”

²² Jöjopañ keu mianğöra aka Jisösnön mönö jöhöjöhö areñ dölöknağö ölni asuhumapkö galömni akza. Mewö Anutu aka ambazip sutnine nup memba malja. Jöhöjöhö areñ mianğön walni onğita qetpuk sorok akza.

²³ Jike nup galöm tosatni mi mönöwök gwötpuk malget. Kömumba nupñini toroqeba membingö osigeri, mianğöra mi mönö gwötpuk malget. ²⁴ Yenğön gwötpuk malgetmö, Jisösnön nalö teteköni qahö mal öngömawi, mianğöra jikegö galöm nup mi mönö teteköni qahö memba mal öngöma. ²⁵ Nup mi memba maljanağöra Jisösnön ambazip yanğoreñ kagetka enğuanğiri Anutugö kösutne anakzei, mi ölop köhöiba amöt qem enğii keuñinan kömumakza. Nalö dop yanğöra aka Anutu köulukömak-ñapköra maljawi, mianğöra mönö ölop amöt qem nenjim tekömakza.

²⁶ Jike nup galöm bohonni mewöñan mönö ölop dop köl nenjiza. Yanğön töröni köpösihitkö keuñi qahö aka sarakni akza. Anutunön Jisös siñgisöndök ambazip nenğoreñök tirin kutuba wañgiri Suep jakeni pakpak kutuba euyanağoreñ öngöba qainni kun akza. ²⁷ *Jike nup galöm tosatnan sömañi sömañi mutuk nanñini siñgisöndökñinağöra aka mianğö andöñe könagesö yengö siñgisöndökñinağöra aka sömbupnön jöwöwöl ohoba maljema. Jisösnön nanñi silenji kölenjiga jöwöwöl ohoho ewö ak wañgigetka mewö mianğön könagesö nenğö siñgisöndökñini mi indim mohot mianğoreñök lök köl könjörari dop köl teköza. Mianğöra Jisösnön mi jike nup galöm tosatni ewö nalö dop ahakñapkö qahö osiza.

²⁸ Anutunön Köna keuñi Moses wañgiiga mianğö dop ambazipnön azi mi kuñgum enğigetka jike nup galöm bohonni ahakze. Gölmö azi yenğön kukösumñini qahö maljemö, Anutunön oyaenköyaen akingö keuñi mi könañep nenjiba mi jöjopañ keuñan jim köhöiyöhi, mianğö dop Nahönni kuñguiga bohonini akza. Bohonini yanğön mönö aködamunni körek pakpak lök miwikñaiba nalö teteköni qahö köhöikni mal öngöba malma. Mewö.

8

Jöhöjöhö areñ dölöknağö jike nup galöm bohonni

¹ *Keu jizini, mianğö keu kötni bohonni mi kewö: Nini mönö jike nup galöm bohoninambuk akzin. Bohonini yanğön mönö Suep mire öngöba Öngöñgöñamnini yanğö

* 7:17: Sum 110.4 * 7:21: Sum 110.4 * 7:27: Lew 9.7 * 8:1: Sum 110.1

jakömbuak dum tatat qöhöröñe böröñi ölñe tatza. ² Opo seri jike ölñi mi Suepnöñ ahöza. Mi gölme azinöñ memenji qahöpmö, Kembunöñ nanñak mi meyök. Jike nup galöm bohonini yañön mönö opo seri jikegö olenji töröñi kötökñi miangören mala Anutu welenni qemangö nupñi memakza.

³ Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kuñgum engimakzin. Miangö dop jike nup galöm bohonini Jisösnöñ mewöñanök nanñi Anutugö nalukña al wanñiyök. ⁴ Mosesgö Köna keugö dop naluk kalem Anutugöra alakingöra azi lök kuñgum engigetka malje. Miangöra jike nup galöm bohonini mianñön gölmenöñ malbawak ewö, yañön mönö gölmegö jike nup galömñi akñangö osibawak.

⁵ *Gölmegö jike nup galöm yeñön gölmegö jöwöwöl jikenöñ Anutu welenni qebingö nupñi memakze. Jike mianñön mönö Suep jike kömbukñangö söpsöpñi aka imutñi akza. Mosesnöñ jike kömbukñi opo serinöñ memangö ahöhi, nalö miangören Anutunöñ Suep jikenangö arenji mi indelök. Indel teköba galöm meme keunji kewö jii mörök, “Mötnöñ, kundunje malnöñga aren kondel gihiali, yuai pakpak mönö miangö dop törörök wuatangöba memam.” Miangö dop opo serinöñ jöwöwöl jike meiga mianñön mönö Suep jikegö korembinji ahök. ⁶ Anutunöñ oyaenköyaen akingö jöhöjöhö keu dölökñi nenñiiga mianñön jöhöjöhö keu walñi onñgita ölöp sorokñi akza. Jöhöjöhö keu mianñön aren dölökñangö tandöñi akza. Jöhöjöhö aren dölökñi mianñön mönö aren walñi onñgita qetbuñañambuk akza. Qetbuña miangö dop Jisösnöñ jöhöjöhö aren dölökñangö nupñi ölöp sorokñi mi buña qem anguba Anutu aka ambazip sutnine kinda bauköm nenñimakza. Nupñi mianñön mönö gölmegö jike nup memenji mi gwötpuk onñgita aködamunñambuk akza.

⁷ Jöhöjöhö aren mutukñan keunji qahö aka dop kölbawak ewö, jöhöjöhö aren könañgeñan asuhumapköra öne qahö mamböt-pinak. ⁸ *Mewömö, ambazipnöñ töndup böligetka Anutunöñ könañini miwikñaiiba jim engiba kewö jiyök, “Kembu nöñön kewö jizal: Mötket! Nalö kun kam kuñgumawi, miangören Israel kambu aka Juda kambu embuk jöhöjöhö aren dölökñi akñam.

⁹ Nöñön ambösakonurupñini böröñine memba Ijpt kantrinöhök enñgungitpiga yaigep kagetka yembuk jöhöjöhö aren ahalmö, yeñön nöñgö jöhöjöhö aren mi qahö qekötahöba tem kölget. Miangöra nöñön mewöñanök i andö enñguyal. Kembu nöñön mewö jizal. Jöhöjöhö aren dölökñi akñami, mi Buña keu walñangö dop qahö.

¹⁰ Mewö qahöpmö, nalö mianñön kam kuñguiga Kembu nöñön mönö Israel könagesö yembuk jöhöjöhö aren dölökñi kewö aka jimam: Nöñön mönö nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutunñi akiga yeñön mönö nöñgö könagesöni aka malme.

¹¹ Nalö miangören ketanji moröñi mi körekmakörek nöñgö könani möt yaköba malme. Miangöra böhi kunöñ Kembugö könañi mötmegöra sutñine qahö kusum enñgiba malma. Datñan munñangöra kewö qahö jima, ‘Gi mönö Kembu möt yaköman.’

¹² Kewögöra ni möt yaköm niñgiba malme: Nöñön ahakmemenñini bölöñi mi sanñonnda mosötmam. Siñgisöndokñinañgöra mönö ölum nuñgui mi qahö toroqeba mötmörimam.”

¹³ Anutunöñ jöhöjöhögöra “Dölökñi” jiba mewö mianñön jöhöjöhö aren mutukñangöra “Mönö walñi ahök,” jiiga könañi mewö asuhuyök. Keu aren kunöñ nalö köröpñi ahöba walñi akzawi, mianñön mönö ayapkömangö dop akza. Mewö.

9

Gölmegö opo seri jikenöñ Anutu kewö möpöseiget:

¹ Anutunöñ jöhöjöhö aren mutukñi aka miangören mewöyök waikñi memba möpöseibingö arenji mi jim kutui wuatangöget. Mi wuatangöba gölmenöñ opo seri jike

* 8:5: Eks 25.40 * 8:8: Jer 31.31-34

megetka ahöyök. ^{2*} Anutugö opo seri jike kömbukñi mi kewö meget: Jike oleni mutukñi miangören lambegö dum tatatñi aka beret kömbukñi mi Anutugö jemesoholñe tebolnön buñaña alget tarök. Jike uruñi miangö qetñi mi jike oleni kömbukñi. ^{3*} Miangö andöñe jike uru qetñi jike oleni töröñi kötökñi mi ahöyök. Jike oleni yahöt mietkö sutñire opo sel kinök.

^{4*} Jike oleni töröñi kötökñi miangören jiniñ ohohogö altañi aka jöhöjöhö arengö bokisñi mi ahöyohot. Altañi mi goulñonñe memenñi aiga bokis silenñi mi körek goulñonñe turuturuñi ahök. Paura qetñi mana mi goul kumbutnönñe ala bokis miangö uruñe galöm kölget. Mewöyök Arongö öröpñi sötñi jujulñi aka Anutunönñe jöhöjöhö areñi kötnönñe ohoi ilanñi mi bokis miangö uruñe galöm kölget. Bokis uruñe yuai karöbut mi mewö ahöget. ^{5*} Bokis qakñe imut yahöt goulñonñe memenñi mi Anutunönñe dowe mali asakmararañangö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl könjörat dumñi ahök. Keu mohot mohot mi nalö kewöñe nanñök nanñök törörök eraum mötpinañgö dop qahö.

^{6*} Anutugö opo seri jike kömbukñangö yuai pakpak mi mönö mewö arengögetka ahöiga jike nup galöm yeñonñe nalö dop jike oleni mutukñi miangören öngöba Anutu welennñi qeba nupñini memba malget. ^{7*} Mewö malgetmö, jike nup galöm bohonñi yañönök (yara) yambu dop indimñi mohot miangören jike oleni töröñi kötökñi miangören öngöba malök. Sep memba miangören öngöba nanñangöra aka könagesö yeñonñe gukmaulem qakñe siñgisöndok akeri, mönö miangöra aka jöwöwöl ohoba sepñi mokoï erök.

⁸ Mewö arengöba aketka Uña Töröñan söpsöp mi kondela miangön ambazip kewö kusum nengiba malök: Jike oleni mutukñan toroqeba kinjawi, nalö miangören Anutunönñe jike oleni töröñi kötökñangö könani mi aukñe qahö indeliga malget. ⁹ Keu mi nalö kewöñangö söpsöpñi akza. Könani kewö: Ambazipnönñe kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, miangön mönö siñgisöndok-ñini köl könjöratpingö osimakze.

¹⁰ Nene kalem aka o kalem memba kaba an köl kam köl aketka o melun könani könani mem engimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölökñangö nalöñan kam kuñguiga miangörenök könahiba qahö toroqeba dop kölma. Mewö.

Kraistkö sepñangö könani

¹¹ Kraistnönñe kaba oyaenköyaen nengimakzawangö jike nup galöm bohonñi ahöhi, yañön gölmegö opo seri jike kömbukñi azinönñe memenñi miangören qahö öngöyökmö, mönö Suepkö jike kömbukñe öngöyök. Jike kömbukñi miangön öngöñgöñi akza. Aködamunñan mönö asakmararañambuk. ¹² Miangören öngöba uruñi mutukñi kutuba meme (noniñ) aka bulmakau moröñi miengö sepñini qahö memba anökmö, nanñi sepñi mokoïga miangön nam köl wanñiiga Suepkö jike oleni töröñi kötökñi miangören öngöyök. Miangören nalö mohotkö dop öngöiga dop köl teköza. Sohopeniñi mewö memba oyaenköyaen akingö kondoriga nalö teteköñi qahö dop kölma ahöm öngöma.

^{13*} Mutuk meme (noniñ) aka bulmakau azinñi enguba sepñini memba kaba bulmakau ambi seramñi miangön jöwöwöl ohoba miangö bupgahajöñi mewöyök memba kaba ambazip kölköl-jinjinambuk miangön qewösahöba engömirigetka dop köl engiyök. Mewö amöt qem engigetka miangön silenñini sanjonña mem sarahim engii malget. ¹⁴ Mewö aket ewö, Kraistkö sepñan mönö amötqeqe tandök mi gwötpuk onñgita kewö ak nengimakza: Sepñan mönö urunini tölöhoi sanjonña kömup köhöikñangö buña akingö ahakmemenini

* **9:2:** Eks 26.1-30; 25.23-40 * **9:3:** Eks 26.31-33 * **9:4:** Eks 30.1-6; 25.10-16; 16.33; Jan 17.8-10; Eks 25.16; Dut 10.3-5 * **9:5:** Eks 25.18-22 * **9:6:** Jan 18.2-6 * **9:7:** Lew 16.2-34 * **9:13:** Lew 16.15-16; Jan 19.9, 17-19

mi köl könjörarakza. Mewö ak neŋgiiga malmal Tonji Anutu welenji qebingö nupnji mi amqeba memba malbin. Uña Töröñan mala kota teteköñi qahö mal öngömawi, yañön mönö Kraist bauköm waŋgiiga köpösihitnji qahö malökmö, neŋgöra aka nanñi kölñ anquba Anutugö jöwöwöl lamanji ahök.

¹⁵ Könañi kewögöra Kraistnöñ jöhöjöhö arenj dölokñangö galöm bohonñi akza: Anutunöñ ambazip oyaenköyaen aka nalö teteköñi qahö mewö malbingö keu jöhöba enqoholöhi, mienön Anutugö Buñañi mi buña qem anqumegöra mötza. Miangöra Kraist aliga Anutu aka ambazip sutnine urumohot akingö nupnji memba malja. Jöhöjöhö arenj mutukñangö nalöñe ambazipnöñ köna onqita siŋgisöndok aketka mianön jöhöm enqii malgeri, Kraistnöñ i mienögorenök pösat enqimangöra aka kömumba sohopñini meyök.

¹⁶ Kunñan öroyuainji pakpak malmalñi tekömawi, miangoren alañangö buñañi akñapkö jim kutui keu ahözawi, alañan buña mi zilañ qahö mema. Zilañ qahöpmö, keu toñan kömui könañan aukñe asuhui eketka miangoren mi ölop buña qema. ¹⁷ Jebuk maliga nalö miangoren keunji mianön ölnambuk qahö akñapmö, keu toñan kömuigun keunjan mönö kukñambuk akña. ¹⁸ Keu miangö dop jöhöjöhö arenj mutukñi mi mewöyök sep qahö öne ölnambuk qahö ahök.

¹⁹ *Ölnambuk kewö ahök: Mosesnöñ Köna keugö jöjopañ keu pakpak mi könagesö körek yengöra oyoñdagun mönö bulmakau moröñi aka meme (noniñ) enquga sepninan erök. Eri mi memba obuk mindiriba lama jupñi pisikñi gugakgugak memba songorep suñe jöhöba sepnöñ kundumgöba qewösahöi Köna keu Kimbi lama silenje ohoba lipiñgögeri, mi miriyök. Mi miribagun könagesö pakpak sutñine liliköba sep onöñ kundumgöba giliga mianön qewösahöi enqömiriyök. ²⁰ Mewö enqömiriba kewö jiyök, “Anutunöñ keunji tem kölmegöra jim kutum enqiba embuk jöhöjöhö akzawi, mönö miangö sepnja ki.”

²¹ *Mewöñanök opo seri jike kömbukñi mi tok sepnöñ kundumgöba giliga mianön kundumgöba miriyök. Amötqeqe nup memegö aködamun yuainji pakpak mi mewöyök kundumgöba gili miriyök. ²² *Köna keunöñ jim kutuzawangö dop i me wai pakpak mi mönö sepnöñ sañgoñninga sarakñi ahakza. Kunöñ sep qahö mokoza ewö, Anutunöñ mönö siŋgisöndoknini qahö mosötma. Mewö.

Kraistkö sepnjan siŋgisöndoknini köl könjörarakza.

²³ Suep jike kömbukñangö söpsöp imutñi imutñi mi gölmenöñ jöwöwöl ohoho aka mewö mianön amöt enqusetka sarakñi aketka dop köljamö, Suepkö öroyuaigöra mi qahö dop kölja. Miangöra Kraistnöñ jöwöwöl ohoho qainñi kun aka mianön Suep jikegö öroyuainji pakpak mi mönö amöt enquga sarakñi aketka dop kölök. Jöwöwöl ohoho qainñi kun mianön mönö gölmegö jöwöwöl ohohoñi onqita aködamunñambuk akza. ²⁴ Miangö könañi kewö: Kraistnöñ jöwöwöl jike oleni töröñi kötökñi azinöñ memenji miangoren qahö öngöyök. Mi Anutugö jike ölnangö söpsöpñi miyök ahök. Kraistnöñ mönö Suep miri ölni miangoren öngöba nalö kewöñe bauköm neŋgimakñapköra jitñememenini aka Anutugö jemesoholñe asuhumakza.

²⁵ Jike nup galöm bohonñan yambu (yara) dop sömbup sepnini memba jöwöwöl jike oleni töröñi kötökñi miangoren öngöba malök. Kraistnöñ miangö dop qahö ahakza. Yañön Suep mire indimñi gwötpuk qahö öngöyök. Anutugö jöwöwöl lamanji aiga yambu (yara) dop qemakñegöra aka eu qahö öngöyök.

²⁶ Indimñi mohotñan qahö dop kölbawak ewö, yañön mönö Anutunöñ Suep gölme miwikñaim etkiyöhi, nalö miangorenök könahiba sihimbölöñi bölöñi möri indimñi sehisehiñi akawak. Mewö qahöpmö, gölmegö nalöñan tekömangö aiga nalö kewöñe indim mohot miyök siŋgisöndok köl könjöratmapköra aka asuhuyök. Asuhuba nanñi jöwöwöl ohoho ewö ak waŋgimegöra al anquyök. ²⁷ Gölme ambazip neŋgö arenñini kewö ahöza: Nini nalö kunöñ kömumbin aka miangö andöñe Anutunöñ keunini kewöta jim teköm neŋgima.

* 9:19: Eks 24.6-8 * 9:21: Lew 8.15 * 9:22: Lew 17.11

²⁸*Aren mianğö dop Kraistnöj mewöñanök ambazip sehisehiñi nenğö siñgisöndoknini köl könjöratmapköra indim mohotkö dop kaba nanñi jöwöwöl ohoho ewö ak wanğimegöra al anğuyök. Yanñon nalö kunöñ lilingöba kama. Siñgisöndoköra aka kunbuk qahö kamapmö, ambazip asuhumapkö mambörakzini, mönö nini oyaenkyoaen nenğiba nenğuanğitmapköra aka asuhuma. Mewö.

10

Indim mohot kömupnöj al anğui dop köl teköza.

¹Köna keu walñi mianñon oyaenkyoaen akingö könañi ölni qahö akzapmö, oyaenkyoaen asuhumawanğö imutimutñi miyök ahöza. Köna keugö könañi mewö ahözawanğöra aka ambazip Anutu möpöseibingöra jike kömbukñe nalö dop öngömakzei, yeñon mönö letota aködamunñinambuk akingö osimakze. Yeñon nalö teteköñi qahö naluk kalem wanğita ala jöwöwöl ohoho miyök yambu (yara) dop toroqeba aka malgetmö, mianñon qahö dop kölök. ²Mianñon dop kölbawak ewö, jöwöwöl ohoho mi ölop mosötpeak. Jike kömbukñe Anutu waikñi memba möpöseigeri, yeñon indim mohot amöt enğuetka sarakñi ak teköbeak, mewö mönö siñgisön-dokñinanğö gamuñi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina almalget.

³Yambu (yara) dop jöwöwöl ohoba malgeri, mianñon mönö toroqeba siñgisöndokñinanğö gamuñi mi jim gulim enğii malget. ⁴Bulmakau aziñi aka meme (noniñ) yeñgö sepñinan mönö siñgisöndok köl könjöratmapkö osiza. Mi esapkögetmö, qaköba mala kotket.

⁵*Mianğöra Kraistnöj gölmenöñ eta asuhuyöhi, nalö mianğöreñ kewö jiyök, “Anutu, göñon naluk kalemğöra aka jöwöwöl ohome-göra qahö köpösöngöba malnöñmö, gölmenöñ malmalgö silenji mi mözözömgöba niñginöñ.

⁶Jöwöwöl ohoba siñgisöndokñinanğöra aka naluk kalemñi kalemñi ala malgeri, mi eka mianğöra qahö söñgaiba malnöñ.

⁷Nalö mianğöreñ kewö jial, ‘Anutu, mötnöñ, nöñon ki kazal. Nöñgö könani mi papia lipiñlipiñi mianğöreñ ohogetka ahöza. Mianğö dop mönö göhö sihingahö dop aka memba malmam.’”

⁸Mutuk kewö jiyök, “Naluk kalem ala jöwöwöl ohoba siñgisöndokñinan solanimapköra yuai könañi könañi aka malgeri, mianğöra mönö sihingan qahö asuhui möta malnöñ. Mi eka mianğöra qahö söñgaiba malnöñ.” Yuai mi Köna keu walñanğö dop toroqeba ahakzemö, mi töndup mewö jiyök. ⁹Mianğö andöñe keu kewö jiyök, “Anutu mötnöñ, nöñon mönö ki kaba göhö jitsihitkahö dop aka memba malmam.” Mewö jiba Anutu waikñi memba möpöseibingö könañi mutukñi mi qeapköba köna dölökñi kuñguyök. ¹⁰Anutugö jitsihitñan nam köl wanğiiga silenjan jöwöwöl ohoho ewö aket teköi mianğöra mönö tök kutum nenğii sarakñi ak teközin. Indim mohotkö dop silenji köleñniga mianñon nalö dop mönö söp köla ahöm öngöma.

¹¹*Nalöñi nalöñi jike nup galöm pakpak mienñon kindi jike nupñini memakze. Sundan dop jöwöwöl ohoho miyöhök dumñe kunbuk ahakzemö, mienñon siñgisöndokñini köl könjöratpingö osimakze. ¹²*Mienñon osimakzemö, Suepkö jike nup galöm bohonñan mönö indim mohotkö dop siñgisöndoköra aka silenji köleñniga nalö teteköñi qahö dop köla ahöm öngöma. Jöwöwöl ohoho ewö ak wanğigetka Suep jikenöñ öngöba Anutugö böröñi ölnje tatza. ¹³Mianğöreñ tata nalö sutñi kianğöreñ Anutunöñ tuarenjoñurupñi tötali et enğuiğa Kraist könañanğö döpnji* aketka köirañ kölbingö mamböta malja. ¹⁴Indim mohotkö dop kömupnöñ al anğui jöwöwöl ohoho ewö ak wanğigetka mianñon dop köl teköi

* 9:28: Ais 53.12 * 10:5: Sum 40.6-8 * 10:11: Eks 29.38 * 10:12: Sum 110.1 * 10:13: Kerökurupñi memba et al enğiba luhut ala gamu qem enğibingöra könañinan tuapköba qakñine döpn ewö tölanjiba malget. Juda yeñgöreñ köna mewö.

ölöp ambazip tök kutum neŋgii sarakŋi akingö dop akzin. Mewö ölöp mem letot neŋgiiga aködamunini pakpak miwikŋaiba nalö teteköŋi qahö mewö mal öngöbin.

¹⁵ Uŋa Töröŋan mewöyök keu mi naŋgöba jiiga mötzin. Mutuk keu kewö jii ahöza:

¹⁶ **“Kembu nöŋön kewö jizal: Nalö tosatŋan tekögetka miangöreŋ mönö jöhöjöhö areŋ yembuk akŋami, mi kewö: Nöŋön Köna keuni pakpak mi mönö uru könömŋine ala mötmötŋine kimbi ewö ohomam.”*

¹⁷ *Mewö jiba kewö toroqeyök, “Nöŋön mönö yeŋgö siŋgisöndok-ŋini aka ahakmemeŋini iwilelebuk akeri, miangöra ölum nuŋgui mi qahö toroqeba mötmöriba malmam.” ¹⁸ Keu miangö dop Anutunöŋ mi mosöri keuninan kömuyöhi, siŋgisöndok miengöra jöwöwöl ohobinaŋgö dop qahö akzin. Mewö.

Anutubuk kapan köla malbingöra neŋgoholök.

¹⁹ Miangöra urumelen alaurupnini, Jisösgö sepŋan saŋgoŋ neŋgiiga mönö ölöp Anutugö jike oleni töröŋi kötökŋi miangöreŋ öngöbin. Mewö möt narim köhöiba uruyahöt qahö ahakzin. ²⁰ Jisösnöŋ köna anangö köna dölökŋi mesariga nanŋak malmal köhöikŋaŋgö könaŋi ak neŋgiza. Köna mi nanŋi silenŋi kölenŋa mewö miangön mesari ahöza. Köna mi tiba Anutugö jikenangö opo selŋi kutuba jike oleni töröŋi kötökŋi miangöreŋ öngöbin. Jisösgö silenŋan nam köl neŋgiiga opo selŋi mi ölöp kutubin. ²¹ Jisösnöŋ jike nup galöm öngöŋöŋi ak neŋgimakza. Yaŋön Anutugö könagesöŋi pakpak galöm köl neŋgiba malja.

²² *Mewö maljawaŋgöra neŋön mönö geŋmoŋ mosöta uruyahöt körek yaköriba pöndaŋök mötnarip qakŋe kinda Anutugö kösutŋe anda köuluköba malbin. Sepŋan qewösahöi neŋgömiriba uru tölöhopnini saŋgoŋniga sarakŋi aka malbin. Uruninan qahö toroqeba jim neŋgiiga mönö awösamkakak malbin. O sarakŋi ariinga mem tuarim neŋgiiga mewö mönö Anutubuk qekötahöba malbin. ²³ Anutunöŋ oyaenŋoyaen akingö keu jöhöba neŋgiyöhi, yaŋön mönö keuŋi pöndaŋ wuatangöba nembuk kinja. Mewö kinjawaŋgöra aka mewö akingö mamböta jörömŋörömŋi jim miwikŋaimakzin. Miangöreŋ mönö koŋwarak mosöta zeŋ kin köhöiba malbin. ²⁴ Urukalem aka ahakmeme ölöpŋi akingöra mönö uru kuŋgum aka naŋgöm aŋguba malbin. Mewö malbingöra mönö pöndaŋ galöm mem aŋguba malbin. ²⁵ Tosatŋan nanŋini urumelen könagesögö totokoŋini mosörakzei, neŋön mönö silik miangö dop kude aka malbin. Mewö qahöpmö, Kembu kamawaŋgö aiwesökŋi eka nalöŋan dopdowimapkö mötzini, miangö dop mönö kapan köla köhöiba uru kuŋgum aŋguba malbin.

²⁶ Buŋa keu öŋi mötagun nanini imbi-imbi qakŋe siŋgisöndok laŋ akin ewö, siŋgisöndoknini miangöra mönö naluk jöwöwöl kun albingö osibin. Jöwöwöl ohoho kun mi qahö bauköm neŋgima. ²⁷ *Mi qahö bauköm neŋgimamö, Anutunöŋ keunini mi jim teköba likepŋi meŋeŋni qakŋine öngömapkö mamböriŋa jönömninan undui keŋgötnini möta malbin. Anutugö könöpŋan tuarenŋoŋ-urupŋi eŋgohomawi, miangö kukŋi miyök asuhumapköra mönö mamböta malbin. ²⁸ *Kunŋan Mosesgö Köna keu andö qezawi, i mönö keu jakeŋe algetka yahöt karöbutŋan keuŋi naŋgöba jigetka keuŋambuk akŋa ewö, i mönö kude ak kömum waŋgigetka kömupkö buŋaya akŋa.

²⁹ *Mewö akŋapmö, ambazip kun kewöŋangö keuŋangöra mönö denöwö mötmöriŋe? Kunöŋ Anutu Nahönŋangö keuŋi könaŋan tökötahöba gilakza. Jöhöjöhö areŋ dölökŋaŋgö sepŋan lök tök kutum waŋgii sarakŋi ahökmö, sep mi yuai omaŋi ewö memba et alakza aka kalem möriam Toŋi Uŋa Töröŋi mi ilita mepaqepaik ak waŋgimakza. Kunŋan mewö aiga Anutunöŋ keuŋi kewöta likepŋi dawikö dop waŋgii dop kölbawak? Köna keu qetala kömupkö buŋaya akingö dop akzinmö, Anutunöŋ ambazip mewöŋangö likepŋi mi mönö könöpuk ak waŋgii qakŋe öngöi sihimbölö önöŋi qahö möta malma. Wani sihimbölönöŋ mönö dop köl waŋgibawak? Yaŋgö könaŋangöra mönö denöwö mötmöriŋe?

* **10:16:** Jer 31.33 * **10:17:** Jer 31.34 * **10:22:** Lew 8.30; Eze 36.25 * **10:27:** Ais 26.11 * **10:28:** Dut 17.6; 19.15 * **10:29:** Eks 24.8

³⁰ *Keu kun kewö ahöza, “Jinöñ jibi, nuñgunöñ guhubi, aknöñ aki mi nöñgö nuwa. Nöñön mönö ambazip keuñinangö likepñi melenmam.” Toroqeba keu kun kewö jii ahöza, “Kembunöñ könagesourupñi engö keuñini kewöta jim teköma.” Kun danöñ mewö jiyöhi, neñön i möt wañgizin. ³¹ Anutu malmal Tonangö jeñe kinda et neñgui böröñan neñgumawi, mianöñ mönö kanjamñambuk kötökñi akña. Mewö.

³² Löwöribepuköra kewö jizal: Anutugö asakñan kaiga buña qem anguba asarigeri, mönö nalö mutukñi mi mötmöriba malme. Nalö mianğöreñ mötnaripkö bim qeba sihimbölä gwötpuk miwikñaiba mi töndup aum-möriba aonjit aka kin köhöiget. Mi mönö kude ölüm enguma. ³³ Nalö tosatñe gamu qem engiget köñjiliñ mötketka qen-jaröknöñ engehiba malget. Nalö tosatñe alaurupñini tandök mewöyök ak engigetka yeñgö qöhöröñine kinget. ³⁴ Tosatñi kösö mire alget tatkeri, mönö i engeka sihimbölöñini mo-hotñe möta malget. Sukinapñini kiom qeba megeri, mi mönö sösongai qakñe möt angön köla malget. Suepkö ainemaluku qainñi kun qahö ayapkömawi, mi ahöm engizawañgö möta mianğöra urukölalep möta malget.

³⁵ Mianğöra awösamkakakñini mönö nalö kewöñe kude gila mosötme. Mi kude mosötetka Anutunöñ mönö mianğö töwanñi ketanñi engima. ³⁶ Anutunöñ yuai engimapkö keu jöhöi ahözawi, enöñ mi buña qem angumegöra kinje. Mianğöra Anutugö jitsihitñi wuatangöba lömböt möta mökösongda kapan köla malme ewö, Suepkö buñanñi mianöñ mönö engö buña akña. ³⁷ *Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawanöñ mönö kam kuñguma. Nalöñi qahö qem körii öngömappmö, nalöñangö dop törörök kama.

³⁸ Törörök kamappmö, nöñgö alanan ahakmeme diñdiñi wuatangömakzawi, yanğö mötnaripñan mönö nam köl wañgii mal köhöim öngöma. Kunbuk elennda mötnaripñi mosötma ewö, mi qahö dop köli urunan mönö yanğöra qahö songaima.”

³⁹ Keu mewö ahözappmö, neñön ambazip urunñi kunbuk elennda mötnaripñini mosöta könöp siagö buñaya akñei, mönö yeñgö kambunöñ qahö kinjin. Mewö qahöpmö, mötnaripñini mi mönö galöm kölinga Anutunöñ amöt qem neñgii mala Suep mire öngöbinangö dop akzin. Mewö.

11

Ambazip mötnaripköra aka yuai kewö asuhuyök:

¹ Mötnaripkö könanñi kewö: Yuaigö jörömqöröm akzini, mi asuhumapköra mönö köhöiba uruyahötñi qahö möt narizin. Yuai qahö ehəkñi mianğö dop aka memba öññi ekingö mamböta awösamkakak kinjin. ² Möpñangö möpñeyök könahiba ambazip mötnaripñinan nam köl enğiiga urunñi melengetka Anutunöñ engehi dop köliga jim ölöwak enğiiga malget.

³ *Mötnaripñinan nam köl neñgiiga yuai pakpakö könanñi kewö möt asarimakzin: Anutunöñ keuñi jim kutuba mianöñ Suep gölmegö öröyuanñi pakpak miwikñaiyök. Mianğöra nalö kewöñe yuai ehakzini, mi yuai ehəkñi mianğöreñök qahö letota asuhuyök.

Abel, Enok, Noa yeñgö mötnaripñini

⁴ *Kein (Kain) Abel yetkөн Anutugöra jöwöwöl ohoyohotka Abelnöñ urunñi melenniga mötnaripñan nam köl wañgii törörök tem köliga köwakñan diñdiñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanñi ahöhi, Anutunöñ keuñi mi nanğöba jiiga mötnaripñan nam köl wañgii mörök. Mewö möta mala kömuyökmö, mi töndup nalö kewöñe ahakmemenñi möringa keu mianöñ mönö toroqeba urunñi kuñguba nanğöm neñgimakza.

⁵ *Azi qetñi Enok yanöñ mönöwök urunñi melenniga Anutunöñ keuñi nanğöba jim ölöwahiga möta yanğö jeñe dop köla malök. Mewö mala mali mötnaripñan Anutu nam

* **10:30:** Dut 32.35, 36 * **10:37:** Hab 2.3-4 * **11:3:** Jen 1.1; Sum 33.6, 9; Jon 1.3 * **11:4:** Jen 4.3-10 * **11:5:** Jen 5.21-24

köl wanjiiga wanjiri jebuk öngöyök. “Anutunöŋ wanjiri öngöiga toroqeba miwik-ŋaibingö osiget.” Buŋa Kimbi mianjö dop Enok mötnariŋŋan aŋgön köl wanjiiga qahö kömuyök. ⁶ Uruŋi Anutugöreŋ melenjawanön mönö keu kewö möt narima: Anutunöŋ malja aka Anutunöŋ ambazip yangö jeŋe dop kölbingö jaruzei, mi töwa qem engima. Keu yahöt mi möt nariba ölop Anutugö kösutŋe kamapmö, qahö möt narim wanjiba öne yangö jeŋe dop kölbingöra mönö osibin.

⁷ *Anutunöŋ Noagöra yuai asuhumapkö galöm meme keuŋi indelök. Indeli Noanöŋ möt asariba sömbuŋi qainŋi kun möta ölni qahö ehiga mötnariŋŋan nam köl wanjiiga tem köla wanje meyök. Anutunöŋ nanŋi aka saiwauruŋŋi aŋgön köl engimapköra möta wanje mi meyök. Noa mötnariŋŋan nam köl wanjiiga wanje meyöhi, ahakmeme mianön mönö gölme ambazip könaŋamŋini gonŋonŋi indeli Anutunöŋ keuŋini jim teköiga ayuhuget. Uruŋini qahö melenja ayuhugetmö, Noagö mötnariŋŋan nam köl wanjiiga Anutugö jeŋe solanŋi akingö kalemŋi mi buŋa qem aŋguyök. Ambazip Anutu möt narim wanjiinga keunini jim teköi solanimakzini, Noanöŋ mönö mianjö dop solanŋi ahök. Mewö.

Abraham Sara yetkö mötnariŋŋiri

⁸ *Anutunöŋ Abraham gölme yangö buŋa akŋapkö jiyöhi, mönö mianjöreŋ anmapkö oholök. Oholi mötnariŋŋan nam köl wanjiiga keu mi tem kölok. Denikeaŋgöreŋ anda aŋgotpawak mi qahö mörökmö, mi töndup nanŋi gölmeŋi mosöta anök.

⁹ *Anda Anutunöŋ gölme yangö buŋa akŋapkö jim jöhöi ahöyöhi, mönö mianjöreŋ aŋgorök. Aŋgota kian aka ambazip ahakmemenŋini qahö mörökmö, mötnariŋŋan nam köl wanjiyö-haŋgöra mönö töndup opo koumŋi kuŋguba ali mianjöreŋ ahöba malget. Isimoröŋi Aisak Jeikob yetköŋ mewöyök Anutunöŋ gölme engimapkö jöhöjöhö keuŋi miyök buŋa qem aŋguba gölme mianjöreŋ toroqeba opo koumŋini kuŋguba ala ahöba malget. ¹⁰ Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti mianjö areŋi ala imutŋi memba miri tandöŋini esiba meiga pöwöwöm köhöikŋi ahöm öngömawi, mönö mianjöreŋ aŋgotmamgö al mamböta opo koumnöŋ malök.

¹¹ *Mewö mala lök azi namŋi aiga mötnariŋŋan nam köl wanjiiga köhöiba iwi ahök. Abrahamgö anömŋi Sara yanön köpin malökmö, mi töndup gölöm ala morö meyök. Anutunöŋ Abrahamgö könagesöŋi ketanŋi akŋapkö keu jöhöm wanjiyöhi, yangöra aka keuŋan ölnambuk akŋapkö möt nariba malök. Mötnariŋŋi mianön mönö nam köl wanjiiga nahönŋa asuhui ehök. ¹² *Azi mohot mianjö mötnariŋŋan nam köl wanjiiga lök kömukömugö dop ahökmö, mi töndup yangöreŋök könagesö keta bölökŋi asuhuget. Senŋelau suepnöŋ asarigetka jaŋgöŋini oyonbingö osizini, me sak köwet jitŋe ahözei, gwölönarökuruŋŋan mönö mianjö dop sehiba asuhuget.

Ambazip kewöŋan Suep mirigöra awöweŋgöba malget:

¹³ *Ambazip kösohotŋini lök jizini, mi körek uruŋini melenja Anutu möt narim wanjiba mala kömuget. Anutunöŋ gölme engimapkö keu jöhöm engi malgetmö, gölme mianjöreŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmeŋ mönö kiana aka qandak maljin.” ¹⁴ Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze. ¹⁵ Gölme mosötkeri, mianjö mötmöriba keuŋi jibeak ewö, yeŋön mönö ölop lilingöba mianjöreŋ angetka uruŋinan teköbawak.

¹⁶ Mönö ölop lilingöbeakmö, yeŋön mianjöra qahö mötmöriba malget. Mianjöra qahöpmö, kantri qainŋi kun Suepnöŋ ahözawi, mönö mianjöreŋ aŋgotpingö awöweŋgöba

* **11:7:** Jen 6.13-22 * **11:8:** Jen 12.1-5 * **11:9:** Jen 35.27 * **11:11:** Jen 18.11-14; 21.2 * **11:12:** Jen 15.5; 22.17; 32.12 * **11:13:** Jen 23.4; 1 Hist 29.15; Sum 39.12

malget. Anutunöŋ yeŋgöra siti kun meiga ahözawi, miangöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

Abraham, Aisak, Jeikob, Josefyenjö mötnariŋŋini

¹⁷ *Anutunöŋ Abraham esapesapnöŋ al waŋgiiga mötnariŋŋan nam köl waŋgiiga Aisak Anutu kalema waŋgiyök. Anutunöŋ Aisaköra gölme waŋgimamgö jüiga Abrahamnöŋ jöhöjöhö keu mi buŋa qem aŋguyökmö, töndup nahönŋi mohok-kun mi mosöta miangön jöwöwöl ohomamgö ahök. ¹⁸ *Anutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köl enŋiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök. ¹⁹ Mosöta kewö kewöta mötmöriyök, “Kömumapmö, Anutunöŋ ölop köhöiba mem gulii kömupnöhök wahötma.” Söpsöp keu mewö jiyöhi, miangö dop nahönŋan dumŋe kunbuk kömupnöhök ewö wahöri waŋgirök.

²⁰ *Mötnariŋŋan Aisak nam köl waŋgiiga nahönyahötŋi Jeikob aka Iso (Esau) mi kötuetköm etkiyök. Anutugö kötümötuetŋi miangön mönö nalö könangepŋe mewöyök dop köl etkii qakŋire öŋgömakŋapköra köuluköyök.

²¹ *Jeikobnöŋ kömumamgö ahöhi, nalö miangören mötnariŋŋan nam köl waŋgiiga nahönŋi Josefgö nahönyahötŋi yahöt mi kötuetköm etkiba öröpŋangö kitipŋe nariba Anutu waikŋi memba möpöseyök.

²² *Josefgö kömupŋan dopdowiyöhi, nalö miangören möt-nariŋŋan nam köl waŋgiiga Israel könagesö Ijpt mosöta kageri, miangö kösohotŋi mi jim guliba jiyök. Mewö jiba könangep qamötŋi denike löm kölmegö keuŋi mi jim kutum enŋiyök. Mewö.

Mosesgö mötnariŋŋi

²³ *Mötnariŋŋiran Mosesgö iwinamŋi nam köl etkiiga Mosesnöŋ asuhuyöhi, i nalö miangörenök könahiba köiŋ karöbutkö dop asambörohot. Morö mi eksihimŋambuk tandökŋi kun ahöhi, mi eka kiŋ kembugö jimkutukutuŋi öŋgitpitpuköra kenŋötŋiri qahö möta moröŋiri asamböta galöm kölohot.

²⁴ *Mosesnöŋ qariiga qetŋi farao kiŋ bōratŋangö nahönŋi qetketka mötnariŋŋan nam köl waŋgiiga qet mi bisimamgö tököba farao kiŋgö miriŋi mosöta angaiyök. ²⁵ Ölop toroqeba Ijpt yembuk siŋgisöndökö sösoŋgaini miwikŋaiba mi nalö töröpŋi laŋ söŋgaibawakmö, malmalŋi mi andö qeyök. Mi andö qeba Anutugö urumelen könagesö yembuk toroqei kahasililiŋ ak enŋigetka mi mohotŋe möta aum-möribingö möri öŋgöŋgöŋi ahök. ²⁶ Anutunöŋ töwa waŋgimapkören göröken uba kin köhöiyök. Miangöra Ijpt yeŋön guli dötnamŋinambuk aka siyonŋsayoŋi qahö malgeri, miangö möri yuai eretŋi ahök. Miangön yuai eretŋi aiga andö qeba Amötqeqe Tonambuk toroqeiŋa yangöra aka mepaqepaik ak waŋgiba malgetmö, mi möri töndup ölni aka öŋgöŋgöŋi ahök.

²⁷ Mötnariŋŋan Moses nam köl waŋgiiga Ijpt kiŋ kembuŋinangö irimŋi seholibapuköra kenŋötŋi qahö möta kantriŋi mosöta kayök. Anutu ehekŋi qahö mi ehekö tandök mötmörim waŋgiba malöhi, miangöra mönö kapaŋ köla kin köhöiyök. ²⁸ *Mötnariŋŋan nam köl waŋgiiga ak-kömukömu kendon* ala miangö arenjii jim kutum enŋiiga söŋgaiba tatket. Kömupkö garatanöŋ Ijpt uruŋe nahönŋini mutukŋi enŋugetka Israel yeŋgö nahönurupŋinan kömumbepuköra mönö jim kutum enŋiiga nanŋuŋine sep miriget.

²⁹ *Mötnariŋŋinan Israel ambazip nam köl enŋiiga Köwet Pisikŋi mi gölme örönŋe anangö dop kutuba kaget. Ijpt yarö azi yeŋön mi kutubingö esapkögetmö, mönö onöŋ nemulahöba ayuhuget.

* **11:17:** Jen 22.1-14 * **11:18:** Jen 21.12 * **11:20:** Jen 27.27-29, 39-40 * **11:21:** Jen 47.31-48.20 * **11:22:** Jen 50.24-25; Eks 13.19 * **11:23:** Eks 2.2; 1.22 * **11:24:** Eks 2.10-12 * **11:28:** Eks 12.21-30 * **11:28:** Anutugö garatanöŋ Israel ambazip enŋehoriba enŋoŋgiröhi, miangö kendonŋi mi nanine keunöŋ ak-kömukömu kendon jüiga Nei keunöŋ Pasowa jize. * **11:29:** Eks 14.21-31

Rahab aka mötnaripkö ambazip ipñi tosatñi

³⁰ *Mötnaripñinan Israel könagesö nam köl enjiiga Jeriko taonöñ kaba kiripo selñi silim 7:gö dop liliköba mohotñe anda kagetka kiripo selñi selñi köhöikñan mönö gororongöba etket. ³¹ *Mötnaripñan köna ketañi ambi Rahab nam köl wanjiiga kewö aiga Anutunöñ ehoriyök: Israel jitñememe yetkön gölme ek miwikñaibitköra ölon kayohotka ala aka köl öröm etkiyök. Anutunöñ mi eka könañgep yangisen ambazip enjui ayuhugetka Rahab ehorii yembuk mohotñe qahö kömuyök. Mewö.

³² *Wani keuya kunbuk toroqeba jibilenjak? Gideon, Barak, Samson, Jefta, Deiwid, Samuel aka kezapqetok ambazip tosatñi yengö kösohotñini toroqeba jibilenjak ewö, nöngö nalönan mönö qahö dop kölbawak. ³³ *Mötnaripñinan tosatñi nam köl enjiiga jakömbuak tohoñi tohoñi tulumgöba memba ambazip mindingöm enjigetka ahakmeme diñdiñi wuatangöba malget. Anutunöñ yuai nengimapkö keu jöhöi ahözawi, gwötpukñan keu miangö dop köuluköba möt narigetka öñi asuhui meget. Tosatñan laion sömbup sutñine köuluköba möt narigetka Anutunöñ laion numbuñini jöhöyök.

³⁴ *Tosatñan könöp bölam uruñe köuluköba möt narigetka Anutunöñ könöp ösumñi qömbököiga qahö engohoyök. Tosatñi bimgö sou ketañi mianön engubingö aketka Anutunöñ yengö souñini jitñi jöhöiga kök alget. Gwötpukñan lölöwöröñi aka köuluköba möt narigetka Anutunöñ ösum enjiiga köhöiget. Tosatñan bim qeba köuluköba möt narigetka Anutunöñ kuk enjiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enjuatangögetka unjurata anget.

³⁵ *Ambi tosatñan kitipñinan kömui köuluköba möt narigetka Anutunöñ mem gulim wanji kömupnöhök wahöriga kunbuk toroqeba aitonngöget. Ambazip tosatñan kömup andöñe oyaenköyaen öngöngöñi miwikñaibingöra möta kapan köla kinget. Mewö kingetka ihileknöñ enguba kahasililin könañi könañi ak engiba kewö jii mötket, “Anutu qañ kölnönga zilañ pösat gihibin.” Mewö jii mötketmö, yeñon mi tökögetka toroqeba janngauranga mem engiba malget. ³⁶ *Tosatñan Anutu möt narigetka mepaqepaika aka ihilek wahinambuknöñ enjugetka sihimbölö könañi könañi miwikñaiba malget. Toroqeba tosatñi gwaröhöba kösö miriñi miriñi miangören al enjiget malget.

³⁷ *Tosatñi kötnöñ enjugetka kömuget. Tosatñi segenöñ mitim enjigetka yahöt aket. Tosatñi bimgö sou ketañi mianön enjugetka kömuget. Tosatñan lama silenji aka meme (noniñ) silenji mianön opo ewö löngöta lañ anda liliköget. Mewö wanapñi töhöñ aketka sesewerowero aka kahasililin lañ mem enjigetka malget. ³⁸ Suepkö aködamunñinambuk aka gölmegö ahakmeme bölöñañ-göra mötketka qahö dop köl enjiiga miangören qahö toroqet. Qahö toroqeba lañ liliköba gölme qararankölkölñe anda kaba kundunji kundunji öngöba eta banjet me gölme titingit uruñe ahöba malget. Mewö.

³⁹ Ambazip kösohotñini jizali, körek mi mötnaripñinan nam köl enjiiga uruñini melengetka Anutunöñ engehi dop köliga jim ölöwak enjiiga malget. Mewö malgetmö, mi töndup Anutunöñ oyaenköyaen qainñi kun nengimapkö keu jöhöi ahözawi, miangören yengörenök kunöñ kun mönö qahö angorök. Qahö! ⁴⁰ Anutunöñ i nanninök qahöpmö, mönö nembuk mohotñe aködamuninambuk ak teköbingöra mötza. Mewö möta miangöra oyaenköyaen qainñi kun nengii miwikñaibingö keu areñi ali ahöza. Mewö.

12

Anutunöñ iwi aka mindingöm nengimakza.

* **11:30:** Jos 6.12-21 * **11:31:** Jos 2.1-21; 6.22-25 * **11:32:** Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kinj 2.11; 1 Sml 1.1-25.1 * **11:33:** Dan 6.1-27 * **11:34:** Dan 3.1-30 * **11:35:** 1 Kinj 17.17-24; 2 Kinj 4.25-37 * **11:36:** 1 Kinj 22.26-27; 2 Hist 18.25-26; Jer 20.2; 37.15; 38.6 * **11:37:** 2 Hist 24.21

¹ Ambazip kambu keta bölökñi mewöñan mötnaripkö könañi nañgöba jiba kousu ewö liliköm neñgiba kinjei, mi mötzin. Mianğöra neñön mewöñanök mönö lömbötnini pakpak aka siñgisöndok awamñanök köpeim neñgimakzawi, mi gilin anma. Anutunöñ nini mötnaripkö bimñi qeba Satan luhut al wañgibingö areñi ali ahöza. Mianğöra malmal sutñi ki malagun kömumbini, sutñi mi mönö aonjit tandök kapañ köla bim qeba ösumninan anbin. ² Jisösnöñ mötnaripnini mem letori ahui mem qarui köhöiba aködamunñambuk ahakzawi, Tonji mi mönö jeninan uba törörök ehakin. Yañön ölop toroqeba Suep mire mala söñgaibawakmö, mi mosöta eta mianğö salupñe sihimbölö mörök. Maripomnöñ kegwek-kahasililiñ ewö kömumamgö gamu möta qahö tököyökmö, mi qenjaröknöñ möta mökösoñda kömuyök. Kömumba Anutugö jakömbuak dum tatatnöñ öñgöba böröñi öñje tatza.

³ Siñgisöndok ambazip yeñön mewö tuarenjoñ ak wañgigetka sihimbölö möröhi, eñön mönö i mötmöröba malme. Sörauba löwöröba urueret aka kinda mötnaripñini aka jörömqörömñini mosötpepuköra mönö mewö ahakñe. ⁴ Siñgisöndok akinbuköra aum-möröba bim qeba malgetka mianğöreñ siñgisöndokö Tonjan mönö sepgwörörök (gulibambam) qahö enguyök. ⁵ *Iwinöñ nahönböraturupñi yeñgöra qambañ keu engizawi, Anutunöñ mianğö dop keu kun engöra kewö jiiga mönö mi ölum engui malje, “O nahöni, Kembunöñ mindiñgöm gihimakzawi, mianğöra mönö mötnöñga silebile kude akña. Keu jim ghiiga mianğöreñ mönö urueret kude aka malman.

⁶ Kembunöñ ambazip jöpaköm engimakzawi, ia mindiñgöm engimakza. Ambazip morö ewö engömemba köyan köñ engimakzawi, mi körek kömbinöñ engumakza.”

⁷ Morö kun iwiñan qahö mindiñgöi lañ malbawak, mewö mönö yañgö moröñi qahö akawak. Mianğöra Anutunöñ iñini nahön-böratñi ewö tandök ak engimakza. Mianğöra lömböt engii mi mönö mindiñgöm engimapakö tandök mötmöröba möta mökösoñda diñgiba malme. ⁸ Anutunöñ nahönböraturupñi pakpak mindiñgöm engimakzawañgö dop iñini qahö mindiñgöm engibawak ewö, mönö yañgö nahönböraturupñi öñji qahö akeak. Mewö mönö iwi qahö wilin morö (bastet) akeak.

⁹ Keu mi kunbuk kewö jimam: Gölmegö iwininan mindiñgöm neñgigetka yeñgöra göda qem engiba malin. Silegö iwininan korembiñi akzemö, uruninañgö Iwininan mönö öñji aka öñgöñgöñi akza. Mianğöra mönö yañgö keu bapñe anda diñgiba mal köhöininga dop köñma. ¹⁰ Silegö iwininan mönö nanñini mötmötñinañgö dop kapañ köla gölmenöñ nalö töröpñi malbingöra aka mindiñgöm neñgiba malakze. Yeñön mewö malakzemö, Anutunöñ mönö tök kutum neñgii yañgö dop sarakñi akingöra aka mindiñgöm neñgimakza. Mewö aka öñja ölöwaka oyaenköyaen akingöra mötza.

¹¹ Kunöñ mindiñgöm neñgiiga nalö mianğöreñök mönö sösoñgai tandök qahö ahakzinmö, wösöbirik sihimbölöñambuk mörakzin. Keu mi öñjapmö, mianğö öñjan mönö könañgep kewö asuhuma: Anutunöñ ambazip mewö mianñön köñ gulim engimakzawi, yeñgö ahakmemenjan diñgiiga luai qem engii möta malme. Mewö.

Qambañ aka galöm meme keu tosatñi

¹² *Mianğöra “awötñini teköi böröñini lömböröba söroräuba kinjawu, mi mönö memba wahöta mindiñgöme. Tambuñini jula siminñini suljawu, mi mönö mem köhöime.” Buña keu kun mewö ahöza. ¹³ *Kekporörökñambuknöñ (kerekporikñambuknöñ) töwölatiba eta qeiga könañan sula bölim teköbapak. Keu mianğö dop alañini añgösirip kude ak wañgimemö, mönö ölöwakñapaköra kapañ köla malme. Buña keu kun kewö ahöza, “Köna tiba anangö könañini mönö mem qölöleigetka diñdini akñe.”

Keu mianğö dop mönö uru ölöwak qem añguba malme.

¹⁴ Ambazip körek yembuk luainöñ urumohot malmegöra mönö köhöiba kapañ köla malme. Kunñan malmal sarakñi qahö miwikñaimawu, mönö öne Kembu qahö ekña.

* 12:5: Job 5.17; Qam 3.11-12 * 12:12: Ais 35.3 * 12:13: Qam 4.26

Miangöra Anutunöŋ mem sarahim engimapköra mönö kapan köla kinme. ¹⁵ *Kunöŋ Anutugö kalem möriamŋi ongita qahö buŋa qem angubapuköra mönö galöm mem anguba malme. Nene nupnöŋ siriuret kömbukŋambuk mi jalöŋinambuk qözölmakzin. Miangö dop uru mötökömbukö könaŋi pakpak mi qeapköme. Qahö qeapkögetka mianöŋ qariba kota enjololoŋ mem engii gwötpuk engö uruŋinan tölöhobapuk.

¹⁶ *Mewöyök kunöŋ kaisero akapuk me Iso (Esau) ewö angöjörakŋambuk malbapuköra mönö galöm mem anguba malme. Isonöŋ morönahön mutukŋi ahöhanö börsamot toŋi ahökmö, keu mi nene indim mohot nemapköra aka qeapköyök. Qeapköiga munŋi Jeikobnöŋ börsamotkö keuŋi mi nene mianöŋ bohonŋi memba buŋa qem anguyök.

¹⁷ *Könaŋep jöhöjöhö keuŋiraŋgö dop asuhui Iwiŋaŋgö kötümötuetŋan mönö Jeikob qakŋe öngöyök, mi mötze. Mewö öngöi Isonöŋ kötümötuet mi buŋa qem angumamgö möta uleta sahöri imbilŋan erök. Mewö kapan köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Miangöra morö mutukŋaŋgö kötümötuetŋi mi buŋa qem angumamgö mörökmö, miangöreŋ qaköba osiyök.

¹⁸ *Mönöwök Israel könagesö yeŋön Sainai (Sinai) kösutŋe kaba kingetka kundunŋi mianöŋ könöp bölamnöŋ jeyök. Jeba köwak-köwak eta panaman meiga raidimbom qeiga Anutunöŋ miangöreŋ yembuk jöhöjöhö areŋ ahök. Sainai (Sinai) kundunŋi mianöŋ böronöŋ oseibinaŋgö dop akzappmö, enöŋ kundunŋi mewö miangö kösutŋe qahö kaba malje. ¹⁹ Anutunöŋ jöhöjöhö areŋi mi Sainai kundunŋe kewö ahök: Garataurupŋan tömun qainŋi kun ugetka angötömualŋi azöŋda kaiga keu köhöikŋi jiyöhanö kourukŋi mötket. Mi möta keu mewöŋi kunbuk kude jii mötmegöra uletket. Enöŋ kundunŋi mewö miangö kösutŋe qahö kaba malje. ²⁰ *Anutunöŋ keu köhöikŋi jiba kewö jim kutum engiyök, “Kunŋan kun ambazip me bau sömbup kunöŋ kundunŋi mi oseima ewö, i mönö kötnöŋ qegetka kömuma.” Mewö jim kutum engiiga keu mi wuatangöbingö möt lömböriba osiget. Miangöra keu kunbuk kude jimapköra uletket. ²¹ *Yuai kanjamŋambuk kötökŋi mi uba eketka Mosesnöŋ kewö jiyök, “Ni mönö keŋgötŋi möta jönömmi undui kinjal.”

²² Enöŋ mewö qahöpmö, mönö uruŋini melenŋa Zaion kundunŋi dopdowiba kaŋgota malje. Anutu malmal Tonangö sitiŋi qetŋi Jerusalem Suepnöŋ ahözawi, miangöreŋ garataurupŋi ten tausenŋi ten tausenŋi yeŋön kambunŋi kambunŋi köla unduba sösongai ahakzei, enöŋ mönö siti mi dopdowiba malje.

²³ Mutuk ahuahu dölökŋi ahuba urumelenŋ könagesö aketka qetŋini malmalgö bukŋöŋ ohogetka Suepnöŋ ahözawi, enöŋ mönö yeŋgö kambunŋini toroqeba malje. Anutunöŋ ambazip körek neŋgö keunini kewöta jim tekömakzawi, enöŋ mönö bemnini yambuk toroqeba malje. Anutunöŋ ambazip solanŋi mem letot engiiga aködamunŋinambuk aka kömugeri, enöŋ mönö yeŋgö uŋaŋinambuk toroqeba malje. ²⁴ *Enöŋ jöhöjöhö areŋ dölökŋaŋgö galömŋi Jisös yaŋgöreŋ kaba yambuk qekötahöba kinje. Yaŋön sepŋan qewösahöi engömirimakzawi, mönö malmal mewöŋe kaŋgota malje. Abelnöŋ sepŋi mokoyökmö, Jisösgö sepŋan Abelnöŋ sepŋi ongita keu aködamunŋambukö muŋgemŋi akza.

²⁵ *Mutuk azi kunöŋ gölmenöŋ mala Anutugö keu jitsihitŋi ambazip indel engiiga gwötpukŋan mi mötpingö tökögetka Anutunöŋ likepŋi melenŋi qakŋine öngöyök. Yeŋön miangöreŋök kök albingö osiget ewö, neŋön mönö denöwö kök albinak? Nalö kewöŋe alanini kunöŋ Anutugö keu jitsihitŋi Suepnöhök indela jimakzawi, nini i nöŋöŋgan aka mosötzin ewö, mönö lömbötnöhök kök qahöpmahöp albin. Qegetalninaŋgö likepŋi mönö ölŋa qakŋine öngömapkö mötzin. Miangöra kunŋan saŋep qei mötzei, enöŋ keu mi mötpingö kezapölök kude akŋe. Kezapölök malbepuköra mönö galöm mem anguba malme.

²⁶ *Mönöwök keuŋi jiiga mötketka gölme utuköba memenjalijökmö, kezapqetok keuŋi

* **12:15:** Dut 29.18 * **12:16:** Jen 25.29-34 * **12:17:** Jen 27.30-40 * **12:18:** Eks 19.16-22; 20.18-21; Dut 4.11-12; 5.22-27 * **12:20:** Eks 19.12-13 * **12:21:** Dut 9.19 * **12:24:** Jen 4.10 * **12:25:** Eks 20.22 * **12:26:** Hag 2.6

kun jiba jöhöiga nalö kewöne kewö ahöza, “Nalö kungen dumne kunbuk gölme utuköba memenjalimam. Gölmeyök qahöpmö, yuai akiga suepnöy mewöyök utuköma.” ²⁷ Keu mewö ahözapmö, “Nalö kungen mönö dumne kunbuk” jizawi, keu miangö könäji kewö: Anutunöy öröyuai miwiknaiiga ahözawi, mianönök mönö utuköba utekömapmö, Suep mirigö öröyuai qahö utukömawi, mianön mönö kin köhöiba ahöm öngöma.

²⁸ Nejön bemtohoj qahö utukömawi, mia buja qem anguba kinjin. Miangöra mönö “Anutu saiwap!” jiba mewö mianön waikji memba möpöseiba uru ölöwak mem wangimakin. Mi jitji ongitpinbuköra kengetnini möta aka gödäji qeba malbin. ²⁹ *Nengö Anutuninan mönö könöp bölam ewö akza. Miangöra nengehoi sihimbölö mötpinbuköra mönö kenget mötmöt qakne göda qem wangimakin. Mewö.

13

Qamban keu teteköji

¹ Urumelenj alaurup nanjini mönö jöpaköm anguba malme. ² *Kian ambazip sutjine kamei, mi mönö köyan köl engigetka köisirik miwiknaiimakne. Mewö akingö mönö kude ölum engumakja. Tosatjan mewö akeri, mianön Suep garata tosatji qahö möt asariba mohot köl öröm engigetka mirijine malget. ³ Tosatjan kösö mire maljei, mi mötmörim engimakne. Nanjinak yembuk gwaröhöm engigetka malbeak tandök möta mönö i mötmörim engimakne. Tosatji ak bölim engigetka miangö sihimbölöni mötzei, mi mönö nanjinak mewö malbeak ewö möta mötmörim engimakne.

⁴ Ambazip qesabulum aka serowilin akzei, Anutunöy i jim teköm engima. Miangöra körek enön mönö awanöm malmal göda qegetka sarakji aiga awanöm sutjire töteqötek töwötji kun qahö ahöma.

⁵ *Anutunöy nanjak keu kun kewö jii ahöza, “Nöjön mönö nalö kunöy qahö gömosöta andö guhumam.” Keu miangöra aka ahakmemenjanan membagan mendingö nepaqepalok kude köpösöngömakjemö, yuai ahöm engizawi, miangöra mönö mötket dop köl engiiga sösongaibuk malme. ⁶ *Mewö möta ölop ewebibininambuk saitingit kinda kewö jiba malbin, “Kembunöy baukbaukni aiga gölme ambazipnöy ayuhum ningimeangö dop qahö akze. Miangöra kengetni kun qahö möta maljal.”

⁷ Galömurupjanan Anutugö keu jiget mötkeri, i mönö mötmörim engiba malme. Ahakmemenjini denöwö aka megetka malmaljanan teköyöhi, mönö mi mötmöriba mötnaripjanangö silikjini wuatangöba malme. ⁸ Jisös Kraist utekutekji qahö. Mutuk malöhi, miyök merak malja aka nalö teteköji qahö mal öngöma. ⁹ Kalem möriam toroqeba buja qem anguinga urunini mem köhöiiga ölöwahaknapmö, nene nendingö silikji mi me mi mianön mönö urunini mem köhöimapkö osimakza. Tosatjan nenegö dönqizizin könäji könäji wuatangögetka ahakmeme mianön mönö qahöpmahöp bauköm engiiga pöröpköyök. Miangöra tosatjan dönqizizin murutji murutji ambazip kusum engimakzei, enön mönö keu mi mosötmö. (Silikö keunöy mönö janjuj kude ak engima.)

¹⁰ Jöwöwöl ohoho alta qainji kun mi nengehöy ahöza. Gölmönöy opo seri jikegö nup memakzei, yjön jöwöwöl qainji kun miangö bahöji memba nendingö osimakze. Anutunöy yengöra keu mewö qahö jim teköi ahöza. ¹¹ *Gölmegö jike nup galöm bohonjan kinda ambazip singisöndokjini köl könjratmapköra aka sömbup qeba sepi memba jike oleni töröji kötökji miangehöy öngömakzapmö, sömbup öljini mi memba miri qandak maljei, miangö sel yaigepne anda miangehöy ohogetka jeba ayapkömakze. ¹² Miangö dop Jisös mewöyök könagesöurupji nanji sepijan mem sarahim engimapköra aka siti selgö nanju yaigepne qegetka sihimbölö möta kömuyök.

* 12:29: Dut 4.24 * 13:2: Jen 18.1-8; 19.1-3 * 13:5: Dut 31.6, 8; Jos 1.5 * 13:6: Sum 118.6 * 13:11: Lew 16.27

¹³ Mianğöra miri qandak* maljini, neñön mönö mianğö sel yaigepne anda Jisösgörej toroqebin. Yanğöra aka mepaqepaik ak neñgimakzei, mönö mi bisiba malbin. ¹⁴ Mi kewögöra: Siti teteköñi qahö ahöm öngömawi, mi gölmenöñ qahö ahöm neñgizapmö, siti könangep asuhum neñgimawi, mi ekingö mönö jaram tiba maljin. ¹⁵ Mianğöra mönö qösösök Jisösnöñ nam köñ neñgiiga Anutugöra möpömöpösei naluk ala malbin. Jisös qetñi möpöseimakzei, yeñgö numbu jitrinangö öñjan mönö Anutugö nalukñi akza. ¹⁶ Yuai ahöm engizawi, mi menden anguba mem ölöwak angumakzei, mianjön mönö Anutugö nalukñi kun akza. Anutunöñ naluk mi ehi uruñan ölöwahiga dop kölakza. Mianğöra mewö aknegöra mönö kude ölum engumakña.

¹⁷ Galömurupñini mönö tem köñ engiba kukösumñini bapne anda malme. Nup megerangö kösohotñini Anutugö jeñe almei, yeñön mönö mianğö tandök engeka uruñini galöm kölakze. Yeñön nupñini mi urulömböt qakne membepuk. Mianjön inñini qahö bauköm engibawak. Mianğöra mönö keuñinangö bapne anda malgetka sösongai qakne nupñini megetka dop köñma.

¹⁸ Mönö neñgöra aka Anutu köulukömakne. Yuai pakpak mianğörej ahakmeme qetbuñambuk akingö sihimñi ahöm neñgiiga Anutunöñ neñgeka “Dop köñja,” jiiga urukezapninan möringa ölöwahakza. Keu mi möt yaközin. ¹⁹ Nöngöra köulukömaknegöra mönö kapan köla kewögöra kuñgum engizal: Inñini köulukögetka Anutunöñ nalö qahö mem köriiga ölöwaka ölop kunbuk engörej kamam.

Kewö köulukömakzin:

²⁰ Jisösnöñ kömuyöhangöra aka lama galöm qetbuñambuk aka malja. Sepñi mokoba mianğö muñgem silimbanñan Anutugö jöhöjöhö areñi qekötahöba mem köhöiiga nalö teteköñi qahö ahöm öngöma. Anutunöñ Kembunini mi mem guliiga kömupnöhök wahöta köhöiba malja.

²¹ Anutu luai Tonñan mönö inahöm engiba jitsihitñangö dop aka memba malmegö aködamunñi pakpak engimakña. Mewö ölop köhöiba nup ölopñi könani könani memba malme. Yanjön mönö möwölöhöba kuñgum engiiga Jisös Kraistkörej nanğöba malmal Anutugörej dop köñjawi, mewö malme. Kraistkö qetbuñani mönö nalö dop möpöseininga nalö teteköñi qahö aködamunñambuk ahöm öngöma. Keu mi öñja.

Keu teteköñi

²² O urumelen alaurupni, nöñön kewö qesim engizal: Buña Kimbi töröpñi kiyök ohom engizal. Mianğöra andö qambañ keuni ki mönö kapan köla buña qem angume. ²³ Buzup ki mötme: Urumelen alanini Timoti i kösö mireyök pösatketka erök. Ösumok ki kañgotma ewö, mönö yambuk kaba engekit.

²⁴ Yaizözkök keuni albiga galömurupñini pakpak aka Anutugö ambazip sarakñi körek yeñgöra jigetka mötme. Itali alaurupninan yaizözkökñini algetka engörej kaza.

²⁵ Anutugö kalem möriamñan mönö körek embuk ahöm öngöba ahöma.

* **13:13:** Göñmenöñ kusuk maljini, mianğö qetñi qandak.

Jeimgöreᅇ Kimbi Jeimsnöᅇ Kimbiᅇi alök. Jim-asa-asari

Gölmeᅇi gölmeᅇi mianᅇgöreᅇ ambazip könaᅇi könaᅇi uruᅇini melenᅇa letorakzei, yeᅇgö ahakmemeᅇinan siksauk lolonᅇqalonᅇ aiga töᅇtaᅇgöba et enᅇuiga Anutugö qetbuᅇaᅇan etpapuk. Mianᅇgöra Jerusalem bisop Jeims yaᅇön goro keu murutᅇi murutᅇi qezaköba ki ohoza. Goro keuᅇi tosatᅇi kewö: Mötkutukutu öᅇᅇi mi denöwö? Zioz nup öᅇᅇi aka muneᅇi. Esapesap uruᅇe malmal. Tosatᅇi kude enᅇek qepureime. Numbu jit galömkölköl. Silenᅇini möpöseime me uruᅇini memba et al aᅇgume? Aᅇgururuk me alabauk akᅇe? Kapanᅇkapan aka köuluk nup meme.

Waimanᅇatᅇi bohonᅇi kewö: Kraistkö Buᅇaᅇan qariba aködamun-ᅇambuk akᅇapköra qetᅇi bisiba keuᅇi köᅇ guliba meinga öᅇᅇi asuhuma me qahö? Numbu jitninanök möt nariᅇga qahö dop köᅇᅇa. Zioz öᅇᅇi qahö mi köhömuᅇi qamöt tandök ewö akza.

Kimbi kianᅇgö bahöᅇi bohonᅇi 10 mi kewö:

Keu mutukᅇi 1.1

Mötnarip aka mötkutukutu 1.2-8

Ambazip wanapᅇi aka pomᅇi 1.9-11

Esapesap (manambatok) öᅇᅇᅇi aka böᅇöᅇi 1.12-18

Buᅇa kezapnöhök mötmöt aka temkölköl 1.19-27

Etqeqeᅇi mi kude enᅇek qepureime 2.1-13

Mötnarip nupᅇi qahö mi omani akza 2.14-26

Numbu nesilamninan ayuhum neᅇgibapuk 3.1-18

Luainöᅇ malmal me gölmegö ahakmeme 4.1-5.6

Lömböt bisiba köuluköᅇga öᅇᅇi asuhuma 5.7-20

¹*Jeims nöᅇön Anutu aka Kembu Jisös Kraistkö nupᅇi memba malᅇal.

Israel kambu 12 neᅇgöreᅇök tosatᅇi inᅇi Israel mosöta gölmeᅇi gölmeᅇi denᅇa anda malᅇei, nöᅇön embuk keu eraum mötᅇingöra kimbi ki ohoba jölöᅇini jizal.

Möt nariba köuluköba mötmöt öᅇᅇi miwikᅇaibin.

² O urumelenᅇ alaurupni! Esapesap könaᅇi könaᅇi qakᅇine öᅇgömakzawi, mianᅇgöra uruᅇinan mönö kude eri simbawoᅇ miyök möta söᅇgaiba malme. ³ Esapesapnöᅇ qakᅇine öᅇgöᅇiga mötnarip-ᅇinan mianᅇgöreᅇ köhöimakᅇa ewö, mönö kapanᅇ köᅇa kin köhöimakᅇe. Mi mötzeanᅇgöra mönö söᅇgaiba malme. ⁴ Kapanᅇ köᅇa kin köhöimakᅇe ewö, mianᅇön mönö toroqeba mem letot enᅇiᅇga ahakmemeᅇinanᅇgö öᅇᅇi pakpak mi aködamunᅇambuk ahumakᅇa. Mianᅇön ahuᅇga Anutunöᅇ oyaenᅇkoyaenᅇan uruᅇini kokolak qeᅇga urugö yuai kungöra (meme amᅇöba) mözöqözöröᅇ qahö aka malme.

⁵ Enᅇgöreᅇök kunᅇan “Denöwö akᅇam,” jiba mötkutukutugöra osizawi, yaᅇön mönö Anutu köuluköᅇga mi waᅇgima. Anutunöᅇ kalemᅇi sakalakᅇi amqeba körek neᅇgöra neᅇgiba sironᅇen qahö jim neᅇgimamᅇgö mörakza. Mianᅇgöra mi öᅇᅇ waᅇᅇiᅇga buᅇa qem aᅇguma. ⁶ Köulukömwawi, mianᅇgöreᅇ mönö niᅇgimapkö möt nariba uruyahöt qahöᅇmahöᅇ akᅇa. Uruyahöt akzawaᅇön mönö köwet sirigö dop öᅇgöba eta ahakza. Luhutnöᅇ köwet kunduriga lanᅇan anda kamakza. Mianᅇgö dop akapuköra köulukᅇanᅇgö uruyahöt kude akᅇa.

⁷ Uruyahöt ambazip mewöᅇi kunöᅇ mönö Kembunöᅇ yuai waᅇgimapakö kude mötmörima. ⁸ Yaᅇgö uruᅇan mönö julkuliga aiakanᅇi pakpak mianᅇgöreᅇ kökölolonᅇ aka koᅇᅇwarak qeba anᅇem-kamqem keu jimakza. Mewö.

* **1:1:** Mat 13.55; Mak 6.3; Apo 15.13; Gal 1.19

Wanapņi malmal aka pomņi malmal

⁹ Urumelen alaurupni, engö sutņine tosatņan etqeņeni malgetka Anutunöņ engöra möri öngöngöņi akze. Mianğora mönö ölop nanņini möpöseim aņgumakņe. ¹⁰ *Tosatņan öngöngöņi maljemö, monen inapņinanğora qahö mötket öngömakzawaņğora aka etqeņeni tandök mala mönö nanņini möpöseim aņgumakņe. Yeņgö malmalņinan mönö buörö (roro) juraņi ewö aka soholima. Etqeņeni aka öngöngöņi neņön kömumba mianğoreņ öröröņ akin. ¹¹ Wehönöņ kota roro ohotiriiga qararaņ köla soholiba juraņan bolonanimakza. Juraņan eriga kemaņaņgö kaisoņgolomņi eksihimņambuk mianğon piahimakza. Pomņi yeņön sukinapņini mem sehibingö lilikqilik ahakzemö, mala buörögö (rorogö) dop gororöņgöme. Mewö.

Esapesap (manambatok) ölopņi aka bölöņi.

¹² Anutunöņ keuņi kewö jöhöi ahöza, “Ambazip uruņinan jöpaköm niņgimakzei, nöņön i malmal köhöikņi engiba nöropņine goul ila köl engimam.” Keu mianğö dop bölöņaņgö esapesapnöņ kungö qakņe öngöiga mianğoreņ kapaņ köla köhöi teköiga mönö malmal köhöikņaņgö ila sorom buņa qem aņguba oyaeņkoyaeņ akņa. Yaņğora “I-ia simbawoņ!” jizin. ¹³ Bölöņaņgö Toņa Anutu esapköm waņgimawaņgö dop qahö aiga Anutunöņ kun siņgisöndok akņapkö qahö esapköm waņgiza. Mianğora kunņa esapesap uruņe mala kewö kude jima, “Anutunöņ esapköm niņgiiga siņgisöndok akņamgö akzal.”

¹⁴ Anutunöņ qahöpmö, nanini sihim kömbönaņnini bölöņa mönö töpötij (nemban, pöraņ) ewö öröm neņgiiga mötöp bitimnöņ qaköinga siņgisöndokö esapesapņi mewö mohot mohot neņgoreņ asuhumakze. ¹⁵ Kunņa sihim kömbönaņi bölöņi qahö jöhöba siņgisöndok kondotza. Kondoriga sihim kömbönaņan gölömņi ala siņgisöndok mi morö ewö meiga ahumakze. Siņgisöndoknöņ ahuba qarim teköba kömup köhöikņi ahum waņgimakza.

¹⁶ O wölböt alaurupni, sihim kömbönaņini bölöņa mönö kude tilipköm engima. ¹⁷ Kalem ölopņi aködamunņinambuk pakpak mi Anutunöņ ali Suep euyaņğoreņök asuhumakza. Köiņ wehön jeņiri kota kutuba geyohotka imutimutņiran körim törim ahakzappmö, asakņi pakpakö Toņa mönö nanņak qahö uteköma. Imutimut me söņaup kun mi yaņğoreņ qahö ahöza. ¹⁸ Anutunöņ yuai pakpak miwikņaiyöhi, nini miengö sutņine yambu dölökņi jeņiqeqe aka malbingöra mörök. Mianğora nanņi sihimņaņgö dop keu öljaņgö kötni urunine aliga mianğon ahuahu dölökņi neņgi ahuin. Mewö.

Buņa keu öne mötpin me tem köla membini?

¹⁹ O wölböt alaurupni, mönö keu ki mötmöriba kude ölum enguma: Inņini mönö körek keu mötpingö kezap köröpņi zilaņ alme. Keu laņ mi ösumök kude jime. Irimņinan mönö zilaņ kude seholima. ²⁰ Anutunöņ ahakmeme diņdiņi akingö sihimņi mörakzappmö, irimsesewölnöņ mia qahö kondorakza. Mianğora mönö irimsesewöl mosöta keu ösöņ jiba malme. ²¹ Qewöloņ könaņi könaņi aka ahakmeme töwötņambuknöņ qekötahözei, mia mosötme. Mönö yaņgiseņini mosöta Anutugö keu bapņe anda keu kötni uruņine kömörakzawi, mi möt aņgön köla malme. Mewö aketka keu mianğon ölop amöt qem engiiga letota Suepnöņ öngöme.

²² Buņa keu mi öne töhön mötketka ölni qahö ahubapuk. Mewö silebile aka tilipköm aņgubepukmö, keu mi mönö köl guliba malme. ²³ Kunņa keu öne töhöntöhön möta mianğö dop qahö ahakzawi, yaņön mönö azi kianğö dop akza: Kunņa jemesoholņi piliknöņ uba aņgehakza. ²⁴ Uba aņgeka mosöta kungen anda kaisoņgolomņi denöwö, mi ösumök ölum qemakza. ²⁵ Mi ölopņi qahöpmö, kunņa köna keu aködamunņambuköra kezap ala ehiba mianğoreņ qekötahöba siņgisöndokö kösönöhök lolohomakzawi, yaņgö ahakmemegöra mönö “Esop simbawoņ!” jibin. Yaņön keu möta mi qahö ölum qemakzappmö, mi ölja tem köla mianğö dop ahakza.

* 1:10: Ais 40.6-7

²⁶ Kunṅan urumelenḡ köḷ guliguli akṅamḡ jiba numbu jitṅi qahö galöm köḷa nanṅi mewö tilipköm anḡumakzawi, yanḡö linḡet köḷulukṅan mönö yuai omani, öḷṅi qahö akza. ²⁷ Anutu Iwigahö jemesoholṅe Buṅa nup sarakṅi silebilenṅi qahö memamḡö jiba mönö kewö akṅan: Gwani morö aka malö köṅjilinḡ qakṅe maljei, mönö i anda enḡeka köyan köḷ enḡiba malman aka göḷmegö ahakmemeṅanḡö qewöḷoṅan urugi töḷöhobapuköra galöm mem anḡuba malman. Mewö.

2

Etqeqeṅi mi kude enḡek qepureime.

¹ O urumelenḡ alaurupni! Jisös Kraist Kembunini qetbuṅaṅam-buk möt naribingö jize ewö, mönö ambazip tosatṅi kude enḡek soriba tosatṅi kude qepureim enḡimemö, dop mohotnöṅ ak enḡiba malme.

² Mianḡö dopkeuṅi kewö: Azi pomṅi kun, kesötṅi goul binenṅambuk aka opo malukuṅi ekjeritṅambuk, yanḡön kambu mirinṅine öṅgöiga azi wanapṅi kun sileötṅi jujuratṅi töwötṅambuk yanḡön mewöyök öṅgöbawak. ³ Öṅgöyohotka inṅini azi ipṅi ekjeritṅambuk mi köḷ öröm wanḡiba kewö jibeak, “Ketaṅamnini, gi öḷöp qaikṅe eu anda dum tatat löwötṅi mianḡoreṅ tatman.” Mewö jiba azi etqeqeṅi mi ehöröṅ köḷa jime, “Gi öḷöp görṅe anda kinman me köna kutukutunine eta tatman.” ⁴ Silik mewöṅan asuhuiga inṅini könagesö sutṅine köṅjabö ala mendenḡ anḡuba qemasolokep aka keuṅinambuk akze. Mötmötṅini böḷöṅi wuataṅ-göba jimtekötekö ambazip goṅgoṅi akze.

⁵ O wölböt alaurupni, mötket! Anutunöṅ bemtohoṅi ambazip jöpaköm wanḡimakzei, yenḡö buṅa ahömapkö keuṅi jim köhöiba jöhöyök. Keu mianḡö dop tosatṅan göḷme ambazip jeṅine etqeqeṅi akzemö, Anutunöṅ mi nanṅanḡöra jim möwölöhöm enḡiiga mötnaripṅinanḡöra aka öṅgöṅgöṅi akze. Yenḡön bemtohoṅanḡö uruṅe anḡotketka galöm köḷ enḡiiga sukinapṅinambuk akṅe.

⁶ Öḷṅa öṅgöṅgöṅi akzemö, inṅini ambazip wanapṅi enḡehöröṅ köḷa enḡek siriba malje. Ambazip pomṅi yenḡön mönö monenḡ inapṅini qahöpköra kewöta mem et al enḡigetka etqeqeṅi akze. Yenḡön mönö inṅini örörahöm enḡigetka keu jakenṅi jakenṅi mianḡoreṅ anḡorakze. ⁷ Inṅini Kraistkö buṅaṅi aketka qet öḷöp sorokṅi mi enḡiba mianḡö dop enḡoholakzemö, pomṅi yenḡön mönö qet mi luasönöṅ ala lanḡ jimakze? Göḷmegö öṅgöṅgöṅi yenḡön mönö mi pakpak ahakze.

⁸ *Mewö ahakzemö, enḡön Anutu bemtohoṅanḡö jöjöpaṅ keu bohönṅi tem köḷa wuataṅögetka dop köḷma. Anutugöreṅ keuṅi mi Buṅa Kimbinöṅ kewö ahöza: “Nangi jöpaköm anḡumakzani, mianḡö dop mönö ambazip tosatṅi mewöṅanök urugan jöpaköm enḡimakṅan.” ⁹ Mianḡön dop köḷmapmö, inṅini ambazip tosatṅi enḡek soriba tosatṅi qepureim enḡiba dop mohotnöṅ qahö ak enḡimakze ewö, mönö siṅgisöndok ahakze. Anutugöreṅ jöjöpaṅ keu walöngetka yanḡön mönö keuṅini mi miwikṅaiba jim teköm enḡima. ¹⁰ Kunṅan jöjöpaṅ keu pakpak tem köḷa wuataṅgöba mi enḡöreṅök mohotnöṅ eta qezawi, yanḡön mönö jöjöpaṅ keu körek pakpak walönḡa keuṅambuk akza.

¹¹ *Mianḡö könaṅi kewö: Anutu “Sero yoṅgorö kude akṅan,” jiyöhaṅön mönö mewöṅanök jöjöpaṅ keu kewö jiyök, “Ambazip kun kude qeṅöṅ kömuma.” Gi sero yoṅgorö qahö akzanmö, töndup kun köhömuṅi qezani, mianḡön mönö jöjöpaṅ keu körek walönḡ teköba maljan. ¹² Anutugöreṅ köna keu mi siṅgisöndokö kösönöhök lolohoba malbingöra ahöza. Anutunöṅ köna keu mianḡön kewöt neṅgiba keunini jim teköi solanimegöra mötmöriba keuṅini mianḡö dop jimakṅe aka ahakmemeṅini urukalem qakṅe ahakṅe. ¹³ Kunṅan urukalem qakṅe ambazip qahö ak kömum enḡiba maliga Anutunöṅ keuṅi kewöta jim teteköṅi ak kömukömu qakṅe qahö ak wanḡima. Kunṅan

* 2:8: Lew 19.18 * 2:11: Eks 20.13, 14; Dut 5.17, 18

urukalem kondela malöhi, Anutunöŋ i kewöt waŋgiba ölop ak kömum waŋgiiga simba-wonj aka silenji memba öŋgöma. Mewö.

Mötnarip ölnji qahö mi köhömuŋi akza.

¹⁴ O urumelenj alaurupni, kunŋan “Jisös möt narizal,” jiba mianŋö nupŋi qahö meiga mötnaripŋi mianŋön mönö denöwö bauköm waŋgibawak? Keuŋanök möt nariiga Anutunöŋ eka amöt qei letotma me qahö? Mi qahö! ¹⁵ Mianŋö keuŋi kun kewö: Uruŋini melenjeri, enŋö sutŋine ambazip kunŋan opo kereŋgöra osiba mözöröŋgöba neneŋi wehön kungöra qahö malbawak. ¹⁶ Mewö maliga enŋöreŋök kunŋan yambuk aitöŋgöba silegö naŋgönaŋgö qahö waŋgiba kewö jii mötpawak, “Gi ölop anda nene memba könöŋ jömöta bönjöŋ tatman.” Keu töhön mi möriŋa mianŋön mönö denöwö bauköm waŋgibawak? Mi qahö!

¹⁷ Mewöŋanök mötnarip töhönök mi köhömuŋi akza. Mötnaripkö nupŋi ölnji qahö mezawaŋgö mötnaripŋan mönö qamöt ewö akza.

¹⁸ Kunŋan kewö jibawak, “Göŋön mötnaripuk aknöŋga nöŋön ahakmeme diŋdiŋi wu-ataŋgömakzal.” Nöŋön mianŋöra kewö jimam, “Göŋön ‘Anutu möt narizal,’ jiba mianŋö nupŋi qahö memba öne mötnaripkahö ölnji mönö denöwö kondel niŋgibanak? Nöŋön ahakmeme aka membi eknöŋga mianŋön mönö ölop nani mötnaripnaŋgö ölnji kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeŋön mewöyök mi möt narize. Mi möt narizemö, mianŋön kundut enŋiiga Anutugöra jönömŋini undumakza.

²⁰ O uruqahö azi, gi ömewöröme yeŋgö tandök möt narizan me? Mötnaripkö nupŋi qahö menöŋga ölnji qahö ahui keu mi öne töhöntöhön jinöŋga mötnaripkan mönö yuai omaŋi, ölnji qahö akza. Mianŋö könaŋi söpsöp keuni mianŋön kondel gihiza me qahö?

²¹ *“Qahö!” jibanbuköra söpsöp keu kun jimam. Mötnaripkö bömön jalönini Abraham yaŋön mönö denöwö diŋdiŋi ahök? Yaŋön Anutugö jitŋi tem köla nahönŋi Aisak waŋgita altanöŋ ala mianŋön jöwöwöl ohomamgö ahök. Mewö aka mötnarip qakŋe nup meiga Anutunöŋ mi eka keuŋi jim teköi solaniyök. ²² Söpsöp keu mianŋö könaŋi ek asarizan me qahö? Abrahamnöŋ möt nariba keuyök qahö jiyökmö, mötnarip qakŋe kinda mianŋö silikŋi mewöyök ahiga nam köliga dop kölök. Ahakmeme diŋdiŋi aka memba maliga mötnaripŋan mewö qariba aködamuraŋambuk ahök.

²³ *Buŋa Kimbinöŋ keu kun kewö ahöza, “Abrahamnöŋ Anutu möt narim waŋgiiga qetŋi Azi Diŋdiŋi jiyök.” Keu mi mönöwök ölnjambuk ahuyöhaŋgö dop mi ohoget aka tosatŋan Abrahamgö qetŋi “Anutugö alaŋa!” mewö qeta jimalget. ²⁴ Solanŋi akingöra mötnaripkö keu jitinanöhök jiinga qahö dop kölja. Silikninan mötnaripkö ahakmeme ölnji akin ewö, Anutunöŋ mönö keunini jim teköiga solanibin. Kösohotnan mönö mianŋö könaŋi kondelja.

²⁵ *Söpsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiget anohotka köna ketanji ambi qetŋi Reihab yaŋön etkuwaŋgita köyan köl etkiba köna kunöŋ etkumbuliga mosöta anohot. Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

²⁶ Nöŋön keuni ki kewö jim tekömam: Azi uŋaŋi qahö mi qamötŋi. Mianŋö dop mötnarip ahakmemeŋi qahö mianŋön mönö köhömuŋi akza. Mewö.

3

Numbu nesilamninan ayuhum neŋgibapuk.

¹ O urumelenj alaurupni, enŋöreŋök gwötpukŋan uruŋini wahöriŋa (“Tosatŋi yeŋgöreŋ pinjit mindiŋgöbin,” jiba) kusum enŋiŋgi böhi akingö akepuk. Nini tosatŋi kusum enŋiba nanini mötmötnini qahö mindiŋgöbin ewö, Anutunöŋ mi ehi qahö dop köliga keunini

* 2:21: Jen 22.1-14 * 2:23: Jen 15.6; 2 Hist 20.7; Ais 41.8 * 2:25: Jos 2.1-21

kewöta köhöikñanök jim teköba mianğö dop likepñi oñgita ak neñgima. ² Mi kewögöra jizal: Nini körekñan köna keu gwötpuk qiwitipkömakzin. Kunñan nesilamñi galöm köla keu qahö qiwitipkömakzawi, yañön mönö azi aködamunñambuk sorokñi akza. Yañön ölop köhöiba malmalñi pakpak mewöyök galöm köla malma.

³ Hosnöñ (beosi) sihimnini tem kölmegöra ain injup numbuñine ala kösönöñ öröba mianñön ölop ölni ketani jömuk mi mindinçindin ak ençiinga anakze. ⁴ Mewöyök wange ketani mienğö silikñini mötmörime. Mienñön ketani aketka luhut köhöik-ñan nanğöm ençigetka köwet kutuba anakze. Keta bölökñi akzemö, mi töndup anangö galömñi pailöt yañön wange gilije tata sihimñi wuatangöba stia lökuatñi moröñi miyök melençelen aiga wange ketanjan mianğö dop melença anakza.

⁵ Nesilamğö könañi mi mewöñanök. Mi sileninanğö kitipñi morörökña kun akzapmö, töndup ölop keu ketani könañi könañi mianñön silenini memba öngöba jimakzin. Mönö ki mötmörinöñ anök:

Könöp jit-tökñi moröñan terença geba ölop jölöm jitçe möndöba arökñi keta bölökñi jem kutuiga etpawak.

⁶ Nesilamninan mewöyök könöp bölam ewö akza. Mi sileni-nanğö kitipñi kitipñi mienğö sutñine tata qewölongö kondotkondot namñi akza. Mewö aiga könöp siagö Toñan jönbölanñan ohotiriba mianğöreñ uwulamğöiga awamñanök urukönöpnöñ möndöba jeiga uru pakpak kutumutuba tölöhoiga malmalçe ahakmemeni pakpak mi sanjöp ewö töwima. ⁷ Anutunöñ yuai pakpak miwikñaiyöhi, mi sömbup könañi könañi, nei me yuai bapñinan köla ölölongömakzei me köwetnöñ maljei, mi ambazipnöñ mölöwörim ençimeanğö dop akze. Mi lök köl tutuhuba mölöwörim ençigetka mire (köhömgep) akze.

⁸ Mewö akzemö, nesilamninan mönö sömbup kalñi tandök akza. Mi möröm warabe (röbek) mianñön kokolak qeçeni aka anamumu ewö öñöngöba neñgöhöba mem kömum neñgimangö jöjörömakza. Ambazip körekñan mi mölöwöriba jöhöm wangi-bingö osimakze.

⁹ *Nesilamninan Kembu Iwinini möpöseim etkimakzin aka likepñe ambazip nanñi kaisonğolom ewö miwik-ñaim ençiyöhi, mi sait keunöñ lañ qesuahöm ençimakzin.

¹⁰ Numbu nesilam mohok mianñön Anutugö qetñi möpöseim-makzin aka sait keunöñ tosati qesuahöm ençiba jimakzin. O urumelenç alaurupni, könañamñinan mewö ahöi qahö dop kölja. ¹¹ O sawölñi aka kömbukñambuk mi o jeñi mohok mianğöreñök uzumğöba korakzahot me qahö? Mewö qahö. ¹² O urumelenç alaurupni, jogañ ipñeyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Mianğö dop o sawölñan köwuk kömbukñambuknööhök uzumğö-mangö osimakza. Mönö mi.

Mötkutukutu ölni aka muneñi

¹³ Enğö sutñine danñön mötkutukutubuk aka keu mindinğö-mawanğö dop akza? Kunöñ “Mewö akza,” jime ewö, yañön mönö uruñi mötkutukutuñanğö dop memba et ala silikñan gunbönjönjön ahakmemeni kondeli aukçe asuhui ehinga dop kölma. ¹⁴ Mianñön dop kölmampö, uruñine mututqutut ahöiga irimesewöl mötököm-bukñambuk möta körögisigisi aka nanñini yuainöñ qarimapköra köpösöngöba andöqeçe ahakze ewö, mötkutukutuñini mianğöra mönö silenini öne kude memba öngöme. “Keu ölni wuatangözin,” jiba mönö ölni köyatibepuk. ¹⁵ Yengöreñ mötkutukutu mewöñi mi gölmegö mötkutukutuya akza. Mi Suepnöhök qahö erakzapmö, ömewöröme yeñön ambazip sölölohöm ençiget jigetka Uña Töröñan mianğöra wösöbirik ahakza.

¹⁶ Denike yeñö uruñine mututqutut ahöiga irimesewöl möta körögisigisi aka nanñini yuainöñ qarimapköra köpösöngömakzei, yeñö malmalñine siksauk ilinğösöñ ahöiga silik anğöjörakñambuk könañi könañi wuatangömakze. ¹⁷ Mi wuatangömakzemö, möt-kutukutu Suepnöhök erakzawi, mianğö könañi mutukñi mi ahakmeme sarakñi. Mötkutukutu sarakñanğö silikñi tosati mi kewö: Luainöñ malbingö ak ençiiga gunbönjönjön qakñe

* 3:9: Jen 1.26

tosatnji ak engiba keu bapje angetka Uña Töröñan uruñini kokolak qeiga tosatnji bauköm engibingö sihimnji gwötpuk mötketka urumöt-mötñinanğö ölni ölöpnji ölöpnji mi gwötpuk asuhumakze. Geñmoñ mosöta ambazip keuñini bahösapsap qahö kewöta silesile silik qahö malje. ¹⁸ Luaiqege ambazipnöñ luainöñ malbingö möta mianğö kötñi kömötketka ölni ahakmeme diñdiñi ahuiga oyaenköyaen malakze. Mewö.

4

Gölmegö mötkutukutu mosöta Anutugö ala aka malme.

¹ Wani yuainöñ bim aka aņgururuk sutñine kondori ahumakze? Nanñini sihim kömbönañinan mönö wahöta silenini dop köliga ölöpnji bölöñan awörañğöyohotka bim aka aņgururuk ahumakze. ² Inini yuai könañi könañi memingöra sihimnji köhöikñi bökbök mörakzemö, mi engö buñaya qahö ahakza. Yuaigö eksihim möta eröm ota uruñinan könöp jeiga ambazip enğuetka kömumak-zemö, tøndup mi qahö memakze. Mianğöra yom jiba aņgururuk aka bim qemakze. Inini Anutugöreñ qahö köuluköba nanñinak öne memingö mötzeañğöra mi qahö buña qem aņgumakze.

³ Anutugöreñ köulukömakzemö, tøndup mi kewögöra qahö memakze: Uruñinan qahö diñgiiga yuai enğiiga mi mösöhöba nanñini sihim kömbönañini bölöñi meköba sileninağö sösongai akingöra möta ulerakze. Mi qahö dop köliga Anutunöñ mi aņğön kölakza. ⁴ O inini qesabulum ambazip ewö akze. Awanöm köna diñdiñi mosöta serowilin ahakzei, inini mönö mianğö dop Anutu mosöta urumelenğö kopa ambazip yembuk ala-ala aka moneñ inapnöñ göröken uruñini jöhöba malje. Tandök mewöñi aka mianğön mönö Anutubuk kerök-kerök ahakze. Mi möt kutuze me qahö? Mianğöra kunñan gölmegö sihim kömbönañi bölöñi mekömamğöra uruñi alakzawi, yañön mönö Anutugö kerökña ahakza.

⁵ Buña Kimbigö keu kun kewö ohoget ahöza, “Uñañi Töröñi urunine al neñgii maljawi, Anutunöñ i sihim kömbönañi mienñön kokolak qem wañgiiga malja.”* Keu mi omaña könañi qahö mötmöribepuk. ⁶ *Keu mi omaña qahöpmö, inini mianğö dop sihimñini törörök Anutugöreñ alme ewö, yañön mönö kalem möriamñi öñöñi qahö engimakña. Mianğöra Buña Kimbi ki jiba ohoget ahöza: “Anutunöñ söngöröqök ambazip tuarenjon ak engimakzapmö, uruñini memba et alakzei, ia kalem möriam engimakza.”

⁷ Mianğö dop inini mönö uruñini kewöta Anutugö keu bapje anda malmemö, Bölöñağö Tonji tuarenjon ak wañgigetka engömosöta sööreiba misingöba anma. ⁸ Mönö Anutubuk jöhöjöhö aka kösutñe kagetka yañön embuk jöhöjöhö aka kösutñine kinma. Siñgisöndok megetka böröñinan töwiiga Jisösgö sepñan mi sañgoñmapkö köuluköme. Uruñinan julkuliga an qem kam qem lañ aketka uruñinan tölöhoiga köl könjörat enğii sarakñi akñegöra köulukömakñe. ⁹ Mönö dabökökorokñini möt kutuba jingey köla wösöbirik möta silata sahötme. Gön köisirikñini mosöta melenđa amburereñ akñe. Sösöngaiñini mosöta wösöbirik möt aņgume. ¹⁰ Mönö Kembugö jeñe memba et al aņgugetka yañön mem wahöt enğima. Mewö.

Urumelenj alaurup kewöta keuñini kude jim teköme.

¹¹ Urumelenj alaurup, andönöñ qeçe keu mönö kude jim aņguba malme. Kunñan keu mewö yöhösañ jiba urumelenj alañağö keuñi jim teközawi, yañön mönö Anutugöreñ köna keu jim teköba memba et alja. Gi Anutugöreñ köna keu jim teköba göragöra ala mewö mianğön mi qahö tem kölakzanmö, mi silebile memba timbiqimibilim azia aka maljan. ¹² Anutunöñ köna keu jim kutum neñgiba mianğö dop mönö keunini kewöta jim teköiga ayuhubin me ak kömum neñgiiga oyaenköyaen akin. Yañönök jimtekötekö Tonini akzapmö, gi mönö nangahöra “Niñia akzal?” jiba alagi kewöta keuñi jim tekömakzan? Mewö.

* **4:5:** Buña Kimbigö keu mianğö könañi kun kewö, “Uña Töröñi uruñine ali maljawi, yañön jöpaköm neñgimamğö sihim kömbönañi möta neñğöra mututqutut mörakza.” * **4:6:** Qam 3.34

Sile memegö galöm keu

¹³ *Mönö kezap alget! Tosatni inini sile memba kewö jimakze, “Nini merak me uran ki mosöta taon mi me mi miangören anda kölköl-örörö aka monej ketani öröba yambu (yara) mohok malin teköiga miangören lilingöba kabin.” Nöñön miangöra kewö jibi mötme: ¹⁴ Malmalñini uran denöwö malmei, inini mi qahö möt kutuze. Engö malmalñinañgö könañi mi denöwö? Mi köwak kousugö dowa ahözawa, nalö töröptökñi asuhuba ayapköma. ¹⁵ Miangöra enñon mönö kewö jigetka dop kölma, “Kembugö jit sihitñan neñgöra mewö ahöiga jebuk malbin ewö, mönö mewö mewö aka membin.” ¹⁶ Mewö qahö jimakzemö, öne töhön jakbak-orañborañ aka nanñini silenini memba öngöba möpösei-makze. Ahakmeme pakpak mewöñi miangön mönö bölöñi akza. ¹⁷ Keuni jim tekömangöra kewö jizal: Kunñan silik ölopñi aka memawañgö dop aka miangö könañi möt kutubagun mi qahö aka memawi, yañön mönö siñgisöndok akza. Mewö.

5

Ambazip sukinapñinambuk yengö galöm meme keu

¹ O ambazip sukinapñinambuk, inini kezap ala keuni ki mötket: Kahasililij sihimbölo qakñine öngömawi, miangöra mönö amburereñ aka silata sahötme. ² *Monej sukinapñinan mönö gisahöba gororongöza. Kezaplonlon jijilukut yenñon opo malukuñini yöhöqöhötiba nemakze.

³ Inini nalö teteköñi kewöñe goul, silwö aka yuai tosatni qaknöñ qaknöñ qezaköget ahözawi, mi kahawet muetmuetsnöñ turum teköba törom (rust) memba ahöza. Törom kahawet miangön dangunu ewö ahöba könañini nalö teteköñe kewö kondelma: Inini malmalñini monej inapnöñ jöhöba mösöhögetka pömsöm qeiga ayuhume. Törom kahawet miangön mönö könöp bölam ewö sile busuñini mewöyök mem bölima. ⁴ *Ki mötmöriget: Nup meme ambazip nupñine barö memba siri uret qözöla malgeri, inini yengö töwañini ekbonep möta angön kölget. Inini yengöreñ sahöt irikurukñini mötze me qahö? Silatñini miangön mönö Kembu Anutu, kukösum pakpakö Tonangö kezapñe gem teköiga mötza.

⁵ Inini gölmenöñ ki yuai könañi könañi sesegilgil buña qem anguba siyonşayon qahö mala silegö sösongai algetka nahömñini dop köl enñiiga malget. Gölmegö kelök möriamñan jöhöm enñiiga lañ mala nem qarip ketani aka malje. Anutunöñ keuñini jim teköiga enñuget kömumeangö nalöñinan kam kuñgumawi, mönö nalö miangöra jöjöröba kelökñinambuk aka malje. ⁶ Ambazip qewölöñini qahö inini qahö tuarenjon ak enñigetka töndup keuñini jim teköba lañ enñuget kömumba malget.* Mewö.

Lömböt mököşöñda bisiba köuluköba malme.

⁷ O urumelen alaurupni, inini Kembunöñ kangotmapköra mamböta nalö sutñe kiangöreñ mönö mököşöñda lömböt bisiba kinme. Mewö kinda kölkömöt azigö tandökñi mötmörime: Yañön nene gölmenöñ kömöta kinda ölni söngöröñi öngöñgöñi asuhumapköra kapañ köla mambörakza. Kapañ köla mamböta mali maliga kie bedu nalöñan kaiga kunbuk mamböriga kömunjañ kie uru nalöñan kam kuñgumakza. ⁸ Enñon mewöñanök mönö mököşöñda lömböt bisiba kinme. Kembunöñ kunbuk kamawañgö nalöñan törizawañgöra aka mönö uruñini qezaköba böñ qeba kinme.

⁹ O urumelen alaurupni, Anutunöñ keuñini jim teköi lömböt miwikñaiabepüköra mönö nanñini sutñine jimongot kude aka uruñinan irikuruk kude jim angumakñe. Mötket, jimtekötekö Tonan mönö dopdowiba nanñunöñ kinja. Mewö. ¹⁰ Urumelen alaurupni, kezapqetok ambazip yenñon mönöwök Kembugö qetñe Buña keu jigetka kahasililij mem enñigetka möta töndup mököşöñda lömböt bisiba kapañ köla malget. Enñon mönö yengö

* **4:13:** Qam 27.1 * **5:2:** Mat 6.19 * **5:4:** Dut 24.14-15 * **5:6:** Keu miangö könañi kun kewö: Inini azi qewölöñi qahö töndup keuñi jim teköba qegetka kömuyöhi, yañön inini kunbuk qahö qetal enñimakza.

tandökñini mötmöriba köna lasupñini wuatangöba malme. ¹¹*Tosatñan kapan köla lömböt bisiba mala luhut algeri, nini yeñgöra “I-ia simbawon!” jizin. Azi qetñi Job (Hiobe) yañön kahasililiñ möta töndup kapan köla luhut alöhi, mi mötze. Luhut aliga teteköñe miangöreñ Kembunöñ ak kömukömu Tonji aka neñgehorimakzawi, yañön mönö oyaenköyaenji wañgiiga malök. Mönö mi mötmörime. Mewö.

¹²*O urumelenj alaurupni! Keu kötnji mutukñi kun ki jimam. Injini keu mi me mi jimei, mi jöjöpañ keunöñ kewö kude jim köhöime, “Keuni ölnji qahö akza ewö, Suep Tonjan ölop lömböt ali qakne öngöma me gölme tonjan merenj mumbaköiga gölmenöñ turum niñgima.” Keu mi me jöjöpañ keu tosatñi mewöñi miangön mönö keunji kude jim köhöime. Mewö qahöpmö, on-keugöra möta “On!” miyök jime aka qahöp-keugöra “Qahö!” jime. Pötagororoñ keu jigetka Anutunöñ keunji jim teköba likepñi melenji qakñine öngöma. Mewö.

Mötnarip qakñe köulukögetka ölnji asuhuma.

¹³ Mötnarip ambazip enjöreñök kunñan qemjem-mamje-ñambuk malja ewö, yañön mönö Anutu köuluköma. Kunñan sösoñgainöñ malja ewö, yañön mönö liñet köla Anutu möpöseima. ¹⁴*Enjöreñök kunñan kawöl yöhöi malja ewö, yañön mönö mötnarip könagesögö jitñememe öröm enjiiga kaba Kembugö qetñe kelöknöñ silenje miriba yañgöra köuluköme.

¹⁵ Mötnarip qakñe köulukögetka Kembunöñ kawöl ambazip mi amöt qem wañgii ölöwaka kunbuk wahötma. Siñgisöndok aka kawöl miwikñaiyök ewö, Anutunöñ mönö siñgisöndokñi mi sañgoñda mosötma.

¹⁶ Mewö aiga Anutunöñ amöt qem enjii ölöwakñegöra mönö siñgisöndokñini jim miwikñaim anğuba bauköm anğuba Anutugö köulukömakñe. Ambazip solanji kunñan uruñi qezaköba Anutu köulukömawi, miangö ölnan mönö wewelipñambuk asuhuma. ¹⁷*Miangö söpsöpñi kun mi kezapqetok azi qetñi Elaija (Elia). Yañön gölme azi naninañgö dowama malök. Yañön kie qahö kamapköra uruñi qezaköba kapan köla köuluköiga kienöñ yambu (yara) karöbut aka köiñ 6 miangö uruñe gölmenöñ qahö erök. ¹⁸*Nalö mi teköiga kunbuk köuluköiga suep injañ köla kie yöhöba bedu meiga nene kunbuk töñgöniba asuhuyök. Mewö.

Kunöñ janjuñ aniga alañan bauköiga dop köлма.

¹⁹ Urumelenj alaurupni, enjöreñök kunöñ keu ölnañgö könañi qiwitipköba janjuñ aniga kunñan i miwikñaiba köna ölnje kunbuk wañgita alma ewö, ²⁰*miangöra mönö kewö mötmörime: Siñgisöndok ambazip kunñan janjuñ könañe aniga alañan i miangöreñök wañgiriga uruñi löwörii kunbuk melenmawi, yañön mönö qahö kömum köhöima. Alañan i könöp sianöñ gebapuköra anğön köl wañgiiga Anutunöñ siñgisöndokñi sehisehiñi mi sañgoñda köl turuma. Mewö.

* **5:11:** Job 1.21-22; 2.10; Sum 103.8 * **5:12:** Mat 5.34-37 * **5:14:** Mak 6.13 * **5:17:** 1 Kinj 17.1; 18.1 * **5:18:** 1 Kinj 18.42-45 * **5:20:** Qam 10.12; 1 Pitö 4.8

Pitögöreñ Kimbi 1 Pitönöñ Kimbiñi mutukñi alök. Jim-asa-asari

Pitönöñ Buña Kimbiñi ki ohoba Kraistkö alaurupñi Eisia prowinsgö Not likepñe denða malgeri, yengöra ali anda liliköyök. Könahiba qetñini kewö qeta ohoyök, “Anutunöñ ambazip nanñangöra möwölöhöm enñiyöhi, mienön.” Mötnarip ambazip sesewerowero miwikñaiba sihimbölö möta malgeri, yengö uruñini nanñomapköra aka Kimbi ki ohoyök. Kraistkö Ölöwak Buñagö könani ölum engubapuköra aka Jisösgö keuñi kunbuk kewö jim asariyök, “Jisösnöñ kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenñkoyaen akingö jörömqörömñi nenñiiga al mambörakzin. Mianğöra sihimbölö mörakzei, mi mönö möt anğön köla kapan köla köhöiba kinda malme. Sihimbölö mianñon mötnaripñini keworiga ölñambuk akña ewö, Anutunöñ mönö likepñi melenñ engima. Jisös Kraistnöñ asuhumawi, nalö mianğoreñök mönö aködamunñinambuk akñe. Keu mi möta awösamkakak kinme.” Mewö qambañ engiba ohoyök.

Wahöjalinñ nalöñe uruñini nanñom engiba toroqeba köhöiba kewö uru kungum enñiyök, “Inini Kraistkö buñaya akzeanğö dop mönö malmal sarakñi malme.”

Buk kianğö bahöñi bohonñi 6 mi kewö:

Keu mutukñi 1.1-2

Anutugö amötqeqe nupkö könani 1.3-12

Malmal sarakñi malbingö jimkutukutu 1.13–2.10

Sihimbölö qakñe nup denöwö bisibin 2.11–4.19

Uruñini melenða memba et ala nup meme 5.1-11

Buña kimbi kianğö keu kötñi bohonñi 5.12-14

¹ Anutunöñ ambazip nanñangöra möwölöhöm nenñiiga nenğoreñök inini tosatñan Israel mosöta prowins qetñini Pontus, Galesia, Kapadosia, Eisia aka Bitinia mianğoreñ denða anda malje. Pitö nöñon Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunöñ qelñiñe möpñangö möpñe mötmöt areñ ali ahöiga mianğö dop Uña Töröñan inini mem sarahim enñiiga Anutugö buñani aket. Anutunöñ inini Jisös Kraistkö jitñi tem kölmegöra möwölöhöm enñiiga Kraistkö sepñan qewösahöi enğömiriba sanğonñ enñimakza.

Anutugö kalem möriamñan mönö uruñini dop sehiiga luainöñ malme. Mewö.

Oyaenñkoyaenğö jörömqörömninanğöra Anutu möpöseibin.

³ Neñon Kembunini Jisös Kraistkö Iwiñi Anutu i kewögöra möpöseimakin: Anutunöñ ak kömukömu ketani nenñiba nenğomeiga ahuahü dölökñi ahuin. Ahuahü dölökñi ahüba Jisös Kraistnöñ guliba kömupnöhök wahöröhi, neñon mianğö dop guliba wahöta oyaenñkoyaen akingö jörömqöröm aka maljin. ⁴ Oyaenñkoyaen buña qem anğubingöra jörömqöröm aka al mambörakzin. Anutunöñ oyaenñkoyaen mi urumelenñ alaurupñi nenñimapköra Suep mire ali ahöza. Mianğoreñ ahöba qahö sahaha kahawet memba töwiba gisahöba ayapköma. ⁵ Mötnarip köl gulime ewö, Anutugö ösumñan sel jöhöba kölközizip enñiiga Suepkö buñaya malgetka Jisösnöñ ölop enğuanğiriga Suepnöñ öngöba oyaenñko-yaenñ akñe. Anutunöñ Amötqeqe Tonangö könani nalö teteköñe mewö indel teköiga ambazip jim asarim enñibingöra aka ahöza.

⁶ Oyaenñkoyaen akingöra söñgaiba maljemö, gölmenöñ malinga Anutunöñ esapesap Tonji qahö jöhöiga lömböt anğösirip könani könani asuhugetka sihimbölö miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunöñ esapesap qahö jöhöiga qakñine öngöba mötnaripñinanğö tandökñi kewörakza. Köt ölni köhöikñi

goul miangö söngörönan mönö guli dötnam ongitzapmö, töndup nalö kunöy ayapköm teköma. Nalö töröpnanğöra aka ambazipnöy goul mia kun könöpnöy delasi ohoba ölnan gizikörörök ahöbapüköra kewöta esapkömakze. Miangö dop inini ölna törörök möt nariba kin köhöimakze me qahö, esapesapnöy mönö miangö könañi kondelakze. Anutunöy uruñini ölni kewöriga goul kewögöra ongitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk ongita nalö teteköñi qahö bauköm engii dop kölma. Mewö engehi dop kölma ewö, Jisös Kraistnöy kunbuk asuhumawangö nalöñe mönö möpöseim engiiga Anutugö jene qetbuña miwikñaiba aködamunñinambuk akñe.

⁸ Inini Kraist qahö eka töndup jöpaköm wangiba malje. Nalö kewöñe Kraist qahö eka töndup möt narim wangimakze. Mewö aka sösongai sorokñi aködamunñambuk söngaimakze. Sösongainini miangön mönö jitrnöy jijigö dop qahö akza. ⁹ Inini Jisös möt narigetka amöt qem engiiga letotket. Mötnaripñinanğö tohotñi mi Suep mire eu ahöza. Anutunöy uñanini engömeiga enñon euyangöreñ öngöba tohot mi zilañ misirimegö möta sösongai ahakze. Mewö.

Kezapqetok ambazipnöy jörömqöröm aka malget.

¹⁰ Kezapqetok ambazip yeñon amötqeqegö könañi jaruba Anutu köuluköba qeqesi ala möt kewöta mala kotket. Mewö mala Anutunöy kalem möriam engimapkö möt asariba miangö kezapqetok keuñi mi qeljine jiba mala kotket. ¹¹ Kraistkö Uña Töröñan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnöy sihimbölo möta miangö andöñe asakmararañ aködamunñambuk miwikñaiba asariba malma.” Mewö jiiga möta Amötqeqe Tonjan wani nalönöy aka dendenöwö asuhumawi, miangö könañi jaruba qeqesi ala möt kewöta malget. Mewö mala söpsöp keuñi keuñi qeljine nangöba jiba mala kotket.

¹² Amötqeqe Tonjanğö könañi jaruba qeqesi ala möt kewöta malgetka Uña Töröñan mötmöt kewö indel engiba jiyök, “Inini mönö nanñini welennina kude qem angumemö, ambazip könañep ahuba keuñini oyoñmei, mönö i bauköm engiba malme.” Mewö jiba kezapqetok keu engiyöhi, nini tosatñan mi nalö kewöñe liliköba jim asarim engiinga mötket. Kraistnöy Uña Töröñi Suepnöhök melaiiga eta ambazip sölölohöba inahöm engiiga Ölöwak Buña jiba uru kuñgum engiba malgeri, yeñon Buña keu miyöhök jiba malget. Kezapqetok keu miangö ölni asuhuiga Suep garataurupñinan mewöyök mi uba eka könañi möt asaribingö awöweñgöba malje. Mewö.

Anutunöy sarakñi malbingöra neñgoholakza.

¹³ Buña keuñi mewö ahözawangöra enñon mönö uruñini Anutugö nupköra ala oponini öröget yöhöiga mem kurukñini memba kinme. Mönö böñ qeba nanñini ahakmemenini galöm köl anguba malme. Jisös Kraistnöy kunbuk asuhuba miangö nalöñe kalem möriam engimawi, mönö miangöra al mamböta jöröm-qörömñini pakpak miangöreñ ala malme.

¹⁴ Anutugö nahönbörat-urupñan keuñi tem kölakzei, enñon mönö miangö dop köna sarakñi wuatangöba malme. Mutuk gukmaulem tönpin malgetka nanñini sihim kömbönañini bölöñan yeyasenñeñ mem engigetka lanlan malget. Mewö malgetmö, nalö kewöñe ahakmemenini mönö sihim miengö dop kude toroqeba aka memba malme. Lan siksauk malbepüköra mönö galömñini mem anguba malme.

¹⁵ Lan siksauk qahöpmö, Anutu sarakñan enñogholiga enñon mönö mewöyök yangö dop ahakmemenini pakpak miangöreñ sarakñi aka malme. ¹⁶ *Buña Kimbigö keu kun kewö ohoget ahöza, “Nöñon töröñi sarakñi maljalangöra nöngö buñani enñon mönö sarakñi aka malme.”

¹⁷ Anutugöra “Iwinini!” jiba ösumñi köl örömakzini, yangön iwi ölöpnanğö dop ambazip tosatñi qahö neñgek soriba tosatñi qahö qepureim engimakza. Körek neñgö

* 1:16: Lew 11.44-45; 19.2

ahakmemenini mönö dop mohotnöḡ kewöta mohot mohot neḡḡö keunini jim teköma. Mianḡöra Anutu töröḡaḡḡö buḡaya akze ewö, mönö gölmenöḡ kusukḡi malmeaḡḡö dop sarakḡi aka malme. Jitḡinanök qahöpḡmö, ahakmemeninan mönö Anutugö jitḡi oḡḡitpinpuköra sömbuḡini möta malme. ¹⁸ Mewöyök Anutunöḡ sohopḡḡini meyöḡaḡḡö könaḡi mötagun mönö sarakḡi aka malme. Ambösakonurupḡinan tandö lopion mötmöt laḡ wuatanaḡöba ahakmeme omani kondel neḡḡigeri, Anutunöḡ iḡini yeḡḡö dop toroqeba laḡ malbepuköra bohonḡini öḡḡöḡḡöḡi gila sohopḡḡini meyök. Bohonḡi mi silwö goul oḡḡita gilöhi, mi mötze. Gölmegö moneḡ inap ayapkömawaḡḡö dop akzawi, yuai mewöḡi mianḡön bohonḡini qahö meyök.

¹⁹ Mianḡön qahöpḡmö, Kraistkö sepḡi söḡḡöröḡi öḡḡöḡḡöḡi mianḡön mönö bohonḡini meyök. Kraistnöḡ lama moröḡi solanḡi uzi poreḡḡi qahö tandök aiga jöwöwöl ohohogö tandök qegetka sepḡi mokoyök. Mianḡöra mönö sarakḡi aka malme. ²⁰ Anutunöḡ mutuhök Suep gölme qahö miwikḡaim etkiba nalö mianḡöreḡök Kraist möwölöhöba sohopḡḡini memapkö nup areḡ mi lök qelḡiḡe ala areḡḡöyök. Mi areḡḡöiga ahöi mala kota malgetmö, nalö teteköḡe kianaḡöreḡ iḡini ölöwakḡegöra aka indeli aukḡe asuhuyök. ²¹ Kraistnöḡ nam köl enḡiiga ölöḡ Anutu möt narim waḡḡimakze. Anutunöḡ Kraist mem gulim waḡḡi kömupḡnöḡök wahöriga asakmararaḡ al waḡḡi malja. Mewö maljawanaḡöra aka iḡini Anutu möt nariba kinda yuai pakpak jiyöhi, mianḡö dop ahakḡapakö jörömḡöröm ak waḡḡimakze.

²² Jörömḡöröm ak waḡḡiba keu ölnḡi tem kölgetka Kraistkö sepḡan köl köḡjörat mem enḡiiga malme. Mewö mala ölöḡ urumelenḡ alaurupḡini geḡḡmoḡi qahö jöpaköm enḡiba malme. Urukönömḡini pakpak mianḡön mönö kapanḡ köla törörök urukalem ak aḡḡuba malme. ²³ Malmal köhöikḡaḡḡö keuḡi mianḡön mönö nam köl enḡiiga ahuaḡu döläkḡi ahuget. Gölmegö keu kusukḡi kunḡan qahö nam köl enḡiiga Iwi ketanaḡḡö nahönböraturupḡi aket. Anutugö keuḡan mönö qahö ayapkömapḡmö, teteköḡi qahö zeḡ ahöm öḡḡöma. ²⁴ *Keu mianḡö könaḡi mi Buḡa Kimbinöḡ kewö ohoget ahöza: “Ambazip pakpak iḡini mönö gwözözak luplup tandök akze. Aködamunḡini pakpak mi juranḡi asakasak-ḡinambuk tandök akza. Gwözözak luplupnöḡ mönö soholiba gororoḡḡögetka juranḡinan buratiba teköqeköba etme.

²⁵ Mewö etmemö, Kembugö Buḡa keu malmal köhöikḡi neḡḡimakzawi, mianḡön mönö teteköḡi qahö ahöm köhöiba ahöm öḡḡöma.”

Buḡa keu mianḡön Ölöwak Buḡaya aiga tosatḡan mi jim asarim enḡigetka mötze. Mewö.

2

Köt malmalḡambuk yambuk kinda sarakḡi akḡe.

¹ Buḡa keu mötzeanaḡöra mönö bölöḡamḡini pakpak köteköba gilme. Geḡḡmoḡ köḡḡiḡ pakpak mosötme. Ahakmeme silesile mi sisitḡi memba tököme. Köroḡisigisi aka andöqeqe keu yöhösaḡ ahakzei, mi pakpak mönö qekögetka et teköma. ² Moröseḡsep geḡḡmoḡini qahö yeḡön juzu nemingörök möta awöweḡḡömakze. Enḡön mönö mianḡö dop Buḡa keu qahö möwöramḡögeri, mi urukönömḡine albingö awöweḡḡöba malme. Mewö mala möt-nariḡḡini köl guligetka qarim köhöiiga letota mala oyaenḡkoyaen akḡe. ³ *Buḡa Kimbigö keu kun kewö ahöza, “Nene kun nepöleköba nahömḡi mötkeri, mianḡö dop Kembu ölöḡḡi yambuk qekötahöba nahömḡi mötket.” Keu mianḡö dop Kembugö nahömḡi mötze ewö, mönö Buḡa keunöḡ qarim köhöiba malme.

⁴ Kraistkö söpsöp keuya jimam: Kraistnöḡ wahöta Anutugö tandö kömbönaḡi aka malmal köhöikḡaḡḡö wötḡi akza. Iḡini mönö yaḡḡöreḡ kaba kunbuk letotme. Ambazipnöḡ tandö kungöra “Köt omani,” jiba andö qeba mosötketmö, Anutunöḡ i Amötqeqe Toḡi akḡapaköra möwölöhöba yaḡḡöra möri bohonḡi öḡḡöḡḡöḡi ketanḡi akza. ⁵ Kraistkörenḡ

* 1:24: Ais 40.6-8 * 2:3: Sum 34.8

kaba guliba nanñinak mewöyök köt jamönjin malmalñinambuk ewö akñe. Mewö aka mal köhöigetka Suepkö mitimqeçe yanön engömembra uruñini möhamgöiga köhököhöi miwikñaiba urugö malmalgö jöwöwöl jike ölni akñe. Uña Töröñan uruñine mala sölölohöba mem letot engiiga jöwöwöl jike miangö jike nup galöm sarakñi aka kinme. Uña Töröñan nam köla inahöm engiiga tem köla Anutugö waikñi memba möpöseim wañgiba malme. Mewö malgetka Anutunöñ engeka Jisös Kraistköra aka ahakmemenini mewöñangö sihimñi möta malma. ⁶* Buña Kimbinöñ keu kun kewö ahöza: “Eket, Anutunöñ mönö köt tandö kun möwölöhöba Zaiion kundunje Israel kambu uruñine kömötpiga tandö kömbönañi guli damandan (milyön Kina) ewö akña. Denike yeñön tandö pöwöwöm köhöikñi mi möt narim wañgimakñei, yeñön mönö yangöra aka gamu qahö möta malme.”

⁷* Möt narim wañgiba maljei, engö jemesoholñine mi tandö kömbönañi aködamunñambuk akzapmö, tosatñan uruñini qahö melenja maljei, yeñö jeñine mi Buña keu kiangö dop ahöza: “Miri meme yeñön ‘Köt omani,’ jiba tandö kun andö qeba mosötkeri, tandö mianön mönö tandö kömbönañi ahök. Könañgep tandökñi ain ewö miwikñaiget. Tandö pöwöwöm köhöikñi mewöñan tiñgitpawak ewö, mirinöñ mönö gororongöba eta kölbawak.”

⁸* aka Buña keu kun kewö ahöza, “Ambazipnöñ köt jamönjin miangöreñ tötangöba engiiga mianön mönö engum mizit ak engima.”

Yeñön Buña keu qahö tem köla nanñini imbi wuatangö-makzeangöra aka tötangöba erakze. Anutunöñ mewö arengöm engiyöhangö dop erakze.

⁹* Yeñön mewö erakzemö, enön ambazip kambu qainñi kun kewö akze: Anutunöñ inini nanñangöra möwölöhöm engiiga qainñi kun akze. Anutunöñ söñaupnöhök engoholiga asakñi wewelip-ñambuk miangöreñ angota jike nup galöm kambu sarakñi akze. Angöletot aködamunñambuk memba malöhi, miangö Buña keuñi mi jim asaribingöra engoholök. Engoholiga Anutugö buña könagesöñi mala Kiñ Kembangö jembonurupñi aka nupñi liliköba memakze. ¹⁰* Mutuk Buña Kimbigö keu kungö dop “simbisembel lañ malgetmö,” nalö kewöñe uru jöhöm anguba kutulangöba “Anutugö urumelen könagesö kambu” aka malje. Mutuk Anutugö ak kömükömugöra “gukmaulem malgetmö,” nalö kewöñe “engehoriiga kalem möriamñi ölop möt kutuba malje.” Mewö.

Anutugö welenqeçe ambazip kewö aka malbin:

¹¹ O wölböt alaurupni, Suepkö buñaya aka gölmenöñ ki kusuk kiana maljei, nöñön engö uruñini kewö kuñgumam: Silegö sihim kömbönañini bölöñan galöm köñ engibapuköra mönö nanñini angön köñ angume. Sihim murutñi murutñi mienön mönö uruñini mem bölimegöra bim qemakze. ¹² Uruñini qahö melenjeri, yeñö sutñine ahakmemenini ölopñanök aka memba malme. Tosatñan inini bölöñi meme ambazip ewö keunöñ jim bölim engimakzei, yeñön ahakmemenini ölopñi eka könañamñini törörök möt asarigetka mötmötñinan uteköma. Mötmötñinan uteköiga nanñini siñgisöndokñini aka möt sohosoñini ek kutuba uruñini melenja Kraist asuhumawangö nalöñe engöra aka Anutu möpöseim wañgime.

¹³ Anutunöñ malmal arengöiga ambazip tosatñan galöm köñ nengimakze. Kembangö qetñi bisize ewö, enön mönö körek yeñö keu bapñe anda malme. Kiñ aka ministö yeñön bohonñini akzei, inini mönö yeñö jitñini tem köla malme. ¹⁴ Kiap aka gawönö yeñö jitñini mewöyök tem köla malme. Yeñön ambazip bölöñi akzei, yeñö keuñini kewöta likepñi melenje engimakzemö, ölopñi ahakzei, yeñö qetñini möpöseimakze. Anutunöñ miangöra aka gawman ambazip al engiiga malje. ¹⁵ Anutugö jit sihitñan mönö kewö ahöza: Kezapjupjup ambazip gukmaulem kinda engöra uruqahö keu omani omani jimakzei, inini mönö ahakmeme ölopñi aka memba mianön yeñö numbuñini muhungögetka ölopñ malme.

* **2:6:** Ais 28.16 * **2:7:** Sum 118.22 * **2:8:** Ais 8.14-15 * **2:9:** Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2 * **2:10:** Hos 2.23

¹⁶ Anutunöy bölönangö kösö gwaröneyök pösat engiiga lolohogeri, injini mönö miangö dop ahakmeme solanji aka memba malme. Mewö malmemö, bölönamnjini turumegöra “Kösö gwarönini qahö solanji (fri) maljin,” jiba miangörey möndöba nanjini imbinjini kude wuatangöme. Mewö qahöpmö, Anutugö jitji tem köla welenni qemakzei, mönö miangö dop gwarö qahö malme. ¹⁷ Ambazip körek mönö göda qem engiba malme. Urumelen alaurupnjini mi urukönömjinan jöpaköm engiba malme. Anutugö keuji ongitpinbuköra mönö sömbuñini möta malme. Kiñ aka ministöurupnjini yengöra mönö mötket öngöiga göda qem engiba malme. Mewö.

Kraistnöy sihibölögö silik ölöpnji kondel nenjiyök.

¹⁸ Welenqeqeurup injini mönö ketanjamnjinañgö keu bapne anda göda pakpak kondel engiba malme. Urubönjörnön galöm ölöpnji ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yenjön Anutugö jitjanangö dop ambazip göda qem engiba malgetka töndup könanji qahöpmö, öne kahasililij ak engigetka sihibölö möta kapan köla mökösoñmakzei, Anutunöy mi eka likepni melenja kötuetköm engiiga simbawon akze. ²⁰ Bölöni aketka kömbinönj engugetka mi möta mökösoñda kinme ewö, nanjinañgöra mönö denöwö aka mötket öngöbawak? Dopjine engugetka qetbuñani-nambuk qahö akje. Mewö qahöpmö, ahakmeme ölöpnji akerangöra aka sihibölö miwikñaiba mökösoñda malme ewö, Anutunöy mönö miangö likepni melenja kötuetköm engiiga simbawon akze.

²¹ Kraistnöy mewöñanök engöra aka sihibölö möta silik ölöpnji kondel enjiyök. Miangöra injini mönö yangö köna tamböni mötöteiba sihibölö möta mökösoñda malmegöra engoholök. Mewö mala simbawon akje. ²² *Buña Kimbigö keu kun kewö ahöza, “Yañön singisöndok kun qahö ahök aka yangö numbu jitneyök munen keu kun qahö erök.” Injini keu miangö dop aketka dop kölma. ²³ *Ambazipnöy uruqeqe keu töhören Kraist gwötpuk jim wanjigetka kitipni kun qahö melenjök. Sihibölö ak wanjigetka möta kitipni mekömamgö qahö töröpköm enjiyök. Mewö qahöpmö, Anutunöy keu diñdjanök jim tekömakzawi, mönö i möt nariba keuji yangö böröñe ala jim tekömapkö mambörök.

²⁴ *Kraistnöy nenjöra kapan köla singisöndok andö qeba ahakmeme solanji wuatangöba malbingöra aka sihibölö mörök. Mi möri Buña Kimbigö dop “sileni qegetka uzi asuhuyöhangöra aka Anutunöy injini mem ölöwak enjiyök.” Ölöwaknegöra mönö “nanjak singisöndoknini memba silenje anguba” maripomnöy öngöba kömuyök. Miangöra injini mönö Kraistkö dop sihibölö möta mökösoñgögetka ölöwakña. Singisöndokö esape-sapnöy öröm nenjiiga miangörey mönö qamöt tandök aka köhömunji malbin. ²⁵ *Mutuk injini “lama ewö janjun anda kaba lanlan malget.” Mewö malgetmö, nalö kewöñe uruninañgö galömñangörey lilingöba kaba malje. Yañön injini lama ewö sel jöhöba köyan köl engimakza. Mewö.

3

Awanöm yengörey qambañ keu

¹ *Anutu welen qebingö keuji lök jizalmö, ambi injini mönö mewöñanök apurupnjini yengö keu bapne anda malme. Mewö malgetka apurup tosatñan Buña keu qahö tem köla maljei, yenjön mönö mewöñanök anömurupnjini yengö ahakmemenjini eka urunini melenbeak. Urunini melenja malmalnjini Kraistkö böröñe almegöra Buña keu jitjananök qahö jimemö, Kraistkö könanji mönö silikjinan kondel engigetka ek asaribeak. ² Ahakmeme sarakñi diñdji aka memba Anutugö jitji ongitpebuköra kenjötnjini mötketka azinön mewö engek yakögetka Kraistpuk qekötahöba malbingö sihimnjini ahubawak.

* 2:22: Ais 53.9 * 2:23: Ais 53.7 * 2:24: Ais 53.5 * 2:25: Ais 53.6 * 3:1: Ef 5.22; Kol 3.18

³ *Silegö aködamunñinanök mönö kude mem öngömakñe. Nöröp sawañini qeba gawasu könañi könañi kude ala minjinä öñböñ kude memba malme. Kösasorom goul yuainöñ silenini kude menjölöm angume. Sileötañ qetpuk sorok aködamunñambuk mi kude mem angume.

⁴ Mewö qahöpmö, aködamunñini ölni mi mönö töp megetka uruñine ahöma. Uñañinan luainöñ böñjöñ malgetka aködamunñini ölni mianöñ tölapñe ahöba mönö nalö kunöñ qahö ayapköma. Urubönjöñ malgetka Anutunöñ engeka möri öngömakña. ⁵ Mönöwök ambi sarakñi yeñön Anutubuk kindä jörömqöröm ak wañgiba yuai pakpaköra mamböta malgeri, yeñön mewöyök uruñinañgö aködamunñinan menjölöm anguba apurupñini yeñgö keu bapñe anda malget. Mönö ambi miengö dop aka malme. ⁶ *Saranöñ apñi Abraham tem köñ wañgiba “Azi kembuni!” jiba ohola malök. Inini mewöyök zeñ kindä nup ölöpnä ölöpnä memba awösamkakak kindä yuai kungöra jönömñini qahö undui apurupñinambuk malme ewö, mönö Saragö dop ambi aköda-munñinambuk aka malme.

⁷ *Ambi yeñön ösumñini eretñi akzemö, töndup malmalgö kalem möriamñi mi azibuk öröröñ buña qem anguba malje. Ösumñini eretñi akzeangöra azi mohot mohot inini mönö anömurupñini törörök köyan köla lolongöm engiba malme. Anutunöñ azi engö köulukñini qepureibapuköra mönö göda qem engiba malme. Mewö.

Nup ölöpnä memakzemö, sihibölö töndup mötze.

⁸ Keuni tekömawañgö qambañi kewö jizal: Inini mönö körek urumohot aka urumelen alaurupñini urubönjöñjöñ jöpaköm anguba malme. Gunböñjöñjöñ mala nannini memba et al anguba uruñinan jöhöm anguba mohotñe kinme. ⁹ Jinöñ jibi nuñgunöñ guhubi aknöñ aki mi kude ahakñe. Uruqeçe keu töhöreñ jim engigetka kitipñi kude meköme. Mewö qahöpmö, keu bölöñañgö likepñi melenä mönö kötuetaköba uruölöwak engiba malme. Mewö aka malgetka Anutunöñ likepñi melenä kötumötuetñi buña qem angumegöra engoholök. Mewö aka mala Kembu asuhumawi, nalö miangöreñ mönö oyaenköyaen akñe. ¹⁰ *Mewö akñegö keuñi mi Buña Kimbinöñ kewö ohoget ahöza: “Kunöñ malmal nahömñambuk malmangö ak wañgiiga wehön ölöpnä ölöpnä eka malmangö mötzawi, yañön mönö nesilamñi keu bölöñi jibapuköra jöhöba malma. Numbu suneyök genmoñ keu asuhubapuköra mönö galöm mem anguba malma.

¹¹ Ahakmeme bölöñi mönö andö qeba nup ölöpnä ölöpnä memba malma. Luainöñ malmalgö jaruba mi buña qem angumangö kapan köla kinma.

¹² Mi kewögöra: Kembugö jeñan ambazip solanñi engek galöm aka köulukñinañgöra kezap alakzapmö, gonjoñi mi qahö mesohol köla engehakza.”

Keu mewö ahöza.

¹³ Inini nup ölöpnä membingö urukönöp aka malme ewö, ambazip sehisehiñan mönö nupñini genmororöñ memba mem bölim engibingö qahö mötme. ¹⁴ *Mi qahö mötmemö, töndup ahakmeme solanñi akerangöra aka sihibölö mötpeak ewö, inini mönö töndup Anutunöñ kötuetaköm engiiga oyaenköyaen akñe. Kahasililin mem engibepuköra mönö öne töwöratiba kenjöñini möta uruñini eri möt bölöbölöñinan engubapuk. ¹⁵ Uruñinan kude etmapmö, uruñini mönö Kembu Kraistköreñ jöhöba könañi sarakñi pöndañ mötmörigetka öngöi malme. Nalö dop jöjöröba Kraistkö könañi ambazip jim asarim engiba malme. Oyaenköyaen akingö jörömqöröm akzei, ambazipnöñ miangö könañangöra qesim engigetka mönö körek yeñgöra keu melen engiba malme. Mönö gunböñjöñjöñ qakñe ambazip göda qem engiba uru kuñgum engiba malme.

¹⁶ Keuñini mewö galöm köñgetka Anutunöñ engeka “Dop kölja,” jiiga urukezapñinan mewö mötmegöra kinme. Kraistpuk qekötahöba kindä ahakmeme ölöpnä aketka uruqeçe keu töhöreñ lan jim engimakzei, yeñön mönö nannini keu bölöñañgöra aka gamu miwikñaima. ¹⁷ Nup ölöpnä ölöpnä memba malgetka ambazip tosatñan töndup kahasililin

* **3:3:** 1 Tim 2.9 * **3:6:** Jen 18.12 * **3:7:** Ef 5.25; Kol 3.19 * **3:10:** Sum 34.12-16 * **3:14:** Mat 5.10; Ais 8.12-13

ak engigetka Anutugöra sihimbölö mötketka dop kölja. Yuai bölöni aka memba mi-anön sihimbölö miwikñagetka gamuñambuk akza. ¹⁸ Kraistnöñ mewöyök nalö kunöñ siñgisöndoköra aka kömuyök. Nini gonjonñ ahinga Diñdiñ yanön neñguanñiriga Anutugöreñ angotpingöra aka sihimbölö mörök. Gölme azia aiga silenñ mem kömugetmö, Uña Töröñan mem gulim wañgiiga wahöta malja. ¹⁹ Uña Töröñan wañgiriga neñgömosöta kömupkö senjom mire geba uña kösö gwarönöñ malgeri, mönö yeñgöra Buña keunñ jim asarim enñiyök.

²⁰ *Mönöwök Noagö nalönöñ wañge ketanñ megetka Anutunöñ uruñini melenmegöra kapañ köla mökösoñda mambörökmö, ambazipnöñ keu qahö tem köla ayuhuba kömupkö kösö gwarönöñ geget. Ambazip saiwa morörökñi 8 mewöñan Anutugö jitñi tem kölgetka o aliga gölme turuba wañge siriiga gölunöhök gouñini köla bohonñini jöhöyök. ²¹ Yuai mewö asuhuyöhi, mi o melungö söpsöpñi akza. Jisös Kraistnöñ kömupnöñöhök wahöta maljawañgöra aka nalö kewöñe o neñgömirigetka Kraistkö ösumñan neñgualöñda bohonini jöhömakza. O mi silegö töwötñi sañgonmapköra aka qahö al neñgizemö, o melungö öñi mi kewö: Nini Anutubuk malbingö jöhöjöhö aka jöjopañ keunöñ jöhöba kewö köulukö-makzin, “Anutu, gi mönö qewölonñ sañgonñöñga uruñan sarakñi aiga göhö jege dop kölma.”

²² Jisös Kraistnöñ Suep mire eu öñgöba Anutugö böröñi öñje buñabuñambuk tatza. Anutunöñ kukösum wañgiiga tata Suep garata aka Suepkö bem suahö könañi könañi ösum-mumuñinan neñgek galöm aka kuñgum neñgimakzei, mi tok galöm köl enñgiiga keunñ bapñe malje. Mewö.

4

Mönö letota malmal qainñi kun malme.

¹ Kraistnöñ silenñ sihimbölö mörök. Miangöra inñi mewöyök silenine sihimbölö mötpingö jöjöröba malme. Yambuk mötmöt mohot kewö memba mötmörime: Kunöñ siñgisöndok ahakzawi, yanön mönö nanñi silenangö sihimñangöra ak wañgimakza. Kunöñ Kraistköra aka sihimbölö mörakzawi, yangö sihim kömbönañi bölöñan mönö sörorauba eri siñgisöndok tököba qahö akñamgö kapañ köla malma. Urumötmöt mianön mönö wötñini mem enñgiiga miangöreñ töndangöba aködamunñinambuk aka malme.

² Urumötmöt miangöreñ töndangöba kinda uru silegö sihim kömbönañi bölöñi jöhöba galöm köla malme. Nalö kewöñeyök könahiba gölmenöñ toroqeba mal öñgömei, miangöreñ mönö Anutugö jit sihitñi tem köla wuatangöba malme. ³ Inñi nalö mala kotkeri, miangöreñ anğöjörak ambazip uruñini qahö melenñda ahakmeme bölöñi lañ akingö mötzei, mönö yeñgö dop kewö lañ malget: Serowilin aka sihim kömbönañini bölöñi lañ wuatangöba malget. O jawat, gojak daun yuai mi otoñomborañ memba kanjam köla negetka nöropñini sohoi enololonñ malget. Közölömbuañ ala liñet unduba ambi kenam mem bölim enñgiba kezapjupjup aket. Tandö lopionñ liliköba simin köl enñgiba yuai kanjamñambuk aket. Mewö aketmö, nalö kewöñe ahakmeme mewöñi mi qahö toroqeba ahakze.

⁴ Anğöjörak ambazipnöñ söñaup malmalgö sömuk piliñ-piliñgöba ahözawi, miangöreñ öröba luhuba gemakze. Inñi yembuk kude öröba gegetka eka auruba uruqeqe keu töhöreñ jim enñgimakze. ⁵ Mewö ahakzemö, Anutugö jeñe angotketka qesim enñgiiga könañamñini aukñe indela jim asarigetka möndömmöndöñini kesalma. Anutunöñ ambazip maljini aka kömukömuñi mönö körek neñgö keunini kewöta jim tekömangö jöjöröza.

⁶ Sileninan kömumba keuninan miangöreñ qahö teköma. Miangöra Ölöwak Buña mi kömupkö senjom mire maljei, mienön mewöyök mötmegöra Kembunöñ mutuk jim asariyök. Mi kewögöra: Anutunöñ ahakmemeñini kewöta ambazip tosatñi neñgö dowä jim teköm enñgiiga silebuk malgerangö likepñi miwikñaimemö, tosatñan uruñini melenñda uñañinan guliba malmal köhöikñangö buñaya aket. Anutunöñ nanñak mal köhöimakzawi,

* 3:20: Jen 6.1–7.24

miaŋgö dop körekŋan malmal köhöikŋi mal öŋgömegöra möt köhöimakza. Tosatŋan Buŋa keu mi uruŋini kuŋgum eŋgimegöra jiget. Mewö.

Nup memegö mötmöt kalemŋi mönö galöm köla malme.

⁷ Yuai pakpakö nalöŋan mönö tekömamgö dopdowiza. Miaŋgöra inŋini köuluköbingöra mönö ikmaok kude malmemö, nanŋini ahakmemenŋini galöm köl aŋguba zeŋ kinda köuluk nup memba malme. ⁸ *Buŋa Kimbigö keu kun kewö ahöza, “Ambazip uruninan jöpaköm eŋgiba siŋgisöndokŋini sehisehiŋi kölaleiba gamuŋini turumakzin.” Miaŋgöra alaurup sutŋine mönö törörök jöpaköm aŋguba malme. ⁹ Inŋini mönö alaurupŋini köl öröba miriŋine köisirik tata uruŋinan jimöŋgot ihururukŋi qahö köyan köl aŋguba malme.

¹⁰ Anutunöŋ kalem möriam könaŋi könaŋi miaŋgö Toŋi akza. Yaŋön nup memegö mötmöt kalem murutŋi murutŋi mendenŋ eŋgii malje. Inŋini mohot mohot mönö mötmöt kalemŋini ölöŋanök galöm köla miaŋön könaŋesöurupŋini welen qem eŋgiba malme. Mi buŋa qem aŋgugeraŋgö dop nupnöŋ ala kambu sutŋine bauköm aŋguba malme. ¹¹ Nup memegö mötmöt kalem yahöt mi kewö: Denike yeŋön Buŋa keu jim asarimakzei, yeŋön mi mönö Anutunöŋ sölölohöm eŋgimakzawaŋgö dop jiba malme. Denike yeŋön alaurup welenŋini qeba naŋgöm eŋgimakzei, yeŋön mönö Anutunöŋ inahöba ösum eŋgimakzawaŋgö dop alabauk ak eŋgiba malme. Jisös Kraistkö buŋa akzeanaŋgöra yuai pakpak miaŋgöreŋ mönö Anutu möpöseigetka qetbuŋaŋan aködamunŋambuk aka ahöma. Yaŋön asakmararaŋ Toŋi aka kukösum Toŋi mi nalöŋi nalöŋi mala kota malja aka teteköŋi qahö mal öŋgöma. Keu mi öŋja.

Kraistpuk kinda sihibölö möta malme.

¹² O wölböt alaurupni, sihibölö qakŋine öŋgöi mötketka könöpŋan eŋgohotiriba esapköm eŋgimakzawi, miaŋgöra mönö kude auruba malme. Yuai asuhum eŋgimakzawi, mi upnina, mewö mötmörībepuk. Mi gölmenöŋ maljinaŋgö dop asuhumakza. ¹³ Kude aurumemö, Kraistnöŋ ölöŋŋi aiga kahasililiŋ ak waŋgigetka möröhi, inŋini mönö sihibölö miaŋgö kitipŋi mötzeanaŋgö dop sösoŋgai aka malme. Yambuk mewö malgetka lilingöba kaiga asakmararaŋan asuhuiga nalö miaŋgöreŋ mewöyök söŋgaiba oyaenŋkoyaen akŋe. ¹⁴ Ambazipnöŋ eŋgeka uruŋini Kraistköreŋ melenŋeraŋgöra aka uruqeŋe keu töhöreŋ jim eŋgi-makze ewö, eŋön mönö simbawoŋ akze. Mewö jim eŋgimakze-aŋgöra aka Anutugö Uŋa Töröŋi asakmararaŋambuk yaŋön mönö qakŋine köla ösumŋan turum eŋgiba kötuatköm eŋgimakza.

¹⁵ Eŋgöreŋök kuŋŋan yuai bölöŋi ahöhaŋgöra sihibölö miwikŋaiba mötpapuk. Kuŋöŋ kegwek-kahasililiŋ aka ambazip eŋguba yuai yoŋgorö meyöhi me tosati yeŋgöreŋ keu jim supapköba nup meme tandöktandök möndöba laŋ lilikqilik aka lömböt miwikŋaimakzawi, yaŋön mönö sihibölöŋi dopŋe mötza. ¹⁶ Kuŋŋan Kraistkö alaŋi akzawaŋgöra aŋgösirip miwikŋaiba sihibölö mötza ewö, yaŋön mönö miaŋgö gamumamusumŋi kun öne kude mötma. Gamu qahöpmö, Kraistkö qetŋi bisizawaŋgöra mönö Anutu möpöseiba malma.

¹⁷ Anutunöŋ ambazip keunini kewötmapkö nalöŋan kam kuŋguiga nanŋi urumelen könaŋesöurupŋi neŋgö keunini mi mutuk jim teköma. Mutuk neŋgö keunini jim teköma ewö, ambazip Anutugö Ölöwök Buŋa qahö tem kölgetka lömböt qakŋine öŋgöiga teteköŋe mönö denöwö asuhum eŋgibawakto? ¹⁸ *Buŋa Kimbinöŋ keu kun kewö ahöza: “Solanŋi yeŋön Suep mire öŋgöbingö kupuk-kapak akŋe ewö, siŋgisöndok ambazip aŋgöjörakŋinambuk yeŋgö keuŋini mönö denöwö asuhubawakto?”

¹⁹ Miaŋgöra alaurup Anutugö jitiŋi tem köla aŋgösirip miwikŋaiba sihibölö mörakzei, eŋön mönö uŋaŋini miwimiwikŋai Toŋaŋgö böröŋe alme. Toŋi yaŋön keu jiyöhaŋgö dop alaurupŋi sel jöhöba kölközizip aka köyan köl eŋgimakza. Uŋaŋini yaŋgö böröŋe ala mönö jegep kinda nup ölöŋŋi ölöŋŋi pöndaŋ memba malme. Mewö.

* 4:8: Qam 10.12 * 4:18: Qam 11.31

5

Jitnememe engörej qambañ keu

¹ Nöñön urumelen könagesögö jitnememe kun aka Kraistnöñ sihimbölö möröhi, mianğö keuñi nañğöba jimakzal. Könañgep lilingöba kaiga asakmararañan asuhuiga qetbuña ningii miwik-ñaimangö mötzal. Engö sutñine nöñğö jitnememe alaurupni akzei, nöñön engö uruñini kewö kuñgum engizal: ² *Anutunöñ möt narim engiba lama kambuñi böröñine alöhi, eñön mönö i köyan köl engiba malme. Nup mi ölan qakñe qahöpmö, Anutugö jitñañğö dop urusihimñini nupnöñ ala mi amqeba urukönöp qakñe zeñ memba kinme. Möndömöndö qakñe injarere mala moneñ yuaigöra kude kapañ kölma malme.

³ Lama kambu bapñine kaba kinjei, i mönö azi kembu tandök kude galöm köl engime. “Zioz galöm akzin,” jiba töptöpñine kude qeba miwidimgöm añgumemö, ahakmemegö silik ölöpñi mi lama kambu kondel engiba malme. ⁴ Ahakmeme ölöpñi aka malgetka lama galöm bohonñan kunbuk asuhumawi, nalö mianğörej mönö sorom jöñine uta ila jalö aködamunñambuk nöropñine köl engigetka buña qem añgume. Aködamun mianñön mönö nalö kunöñ qahö tahöliba piahima. Mewö.

Sepguli engörej qambañ keu

⁵ *Sepguli inini mewöyök galömurup yeñğö keuñini bapñe anda malme. “Anutunöñ söñğöröqök ambazip tuarenjoñ ak engimak-zapmö, nanñini memba et al añgumakzei, yeñğöra mönö kalem möriamñi engimakza.” Mianğöra inini mönö körekmakörek sutñine nanñini memba et al añguba malme. Tandök mianñön mönö maluku ewö kölget gem enğiiga malme. ⁶ *Mianğöra mönö nanñini memba et al añguba Anutu böröñi kukösumñambuk mianğö bapñe angetka nalöñan kam kuñguiga ölop memba öñğöba al enğima. ⁷ Buña keu kun kewö ahöza, “Yañön inini köyan köl engimakzawañğöra waiman-jatñini pakpak mönö yañğö böröñe ala mosötme.”

⁸ Ahakmemeñini galöm köl añguba zeñ kinda pöndañ uru guliguli malme. Bölöñañğö Tonjan lañ liliköba ambazip tuarenjoñ aka jarum neñgimakza. Kunñan sipkömturuk aiga yañön mönö laion sömbup ewö gwahöt neñgimangö jöjöröza. (Laionöñ görörök qeriga silatñi mötketka böññini wahörakza.) ⁹ Inini sihimbölö mörakzei, engö urumelen alaurupñinan mönö mewöñanök gölme dop kahasililiñ miyöhök möta mökösöñda malje. Mi mötmöriba keñğötñini yaköriba mötnaripnöñ töndangöba kinda laion mi köhöikñanök tuarenjoñ ak wañgiba malme.

¹⁰ Inini nalö töröpñi sihimbölö möta malgetka mösöhöba nañğöm engiba töngum enğiiga ölop kin köhöiba malme. Mewö Kraistpuk kingetkun aködamunñi tököm enğiiga asakmararañe öñğöba teteköñi qahö asariba malme. Anutu, kalem möriam pakpakö Tonji akzawañön mönö inini mewö aka malmegöra engoholök. ¹¹ Yañön kukösum Tonji mala kota malja aka nalö teteköñi qahö mal öñğöba malma. Keu mi öñja.

Pitönöñ yaizözkök keu teteköñi jiyök.

¹² *Anutugö kalem möriamñan mönö ak kömükömu öl töhöññi akza. Nöñön keu mi köhöiba nañğöba jiba eñön kalem möriam mianğörej tönguba kin köhöiba malmegöra jim kutum engizal. Mianğöra kimbi töröpñi ki jibiga neñakni Sailasnöñ ohom enğiyök. Yañön nömbuk pöndañ kinda urumelen neñakni akza. Yañğöra mewö mötmörizal.

¹³ *Anutunöñ urumelen könagesö inini ewö nanñañğöra möwölöhöm enğiiga Babilon siti bölöñi mianğörej* maljei, mienñön mönö yaizözkökñini algetka engörej kaza. Mötnaripkö

* **5:2:** Jon 21.15-17 * **5:5:** Qam 3.34 * **5:6:** Mat 23.12; Luk 14.11; 18.14 * **5:12:** Apo 15.22, 40 * **5:13:** Apo 12.12, 25; 13.13; 15.37-39; Kol 4.10; Flm 24 * **5:13:** Babilon mi Rom sitigö qet tölapña. Indelindel buknöñ mewöñanök qet mi mianğö dop ohoget ahöza.

nahöni Mak yanön mewöyök yaizözköki alja. ¹⁴ Inini sutjine urukalem-ñinanjö waikjini memba anğum anğuba nemböñini susuhuba malme.†

Alaurup Kraistpuk qekötahöba kinjei, luainöñ mönö körek embuk ahöma. Mewö.

† **5:14:** Nalö mianğoreñ jölöñini jiba waikjini memba numbuñini yöhötüm namba malgeri, mönö mianğöra jiza.

Pitögörenj Kimbi 2

Pitönöñ Kimbiñi aliga 2 ahök.

Jim-asa-asari

Pitönöñ Kimbi ki Kraistkö alaurup gölme dop tat angeri, yengöra ali anda liliköyök. Tosatñan keu sohoboho miwikñaiba ambazip kusum sohom engigeranğöra malmal sarakñi mosöta sero namböñnamböñ yuai lañ aka malget. Böhi takapulakanj mi Anutugö keu bapñe qahö anda (2.10) iwilele (3.17) aka silenini möpöseiba (2.18) jakbak-öranğöranğ (2.10) aka nanñini imbi-imbi malget. Aiakaninan Jisös qañ köl wañgiget. Yeñön ilit ambazip gödaqeqeñini qahö mala anjanbanjanğ ambazip (2.3) lölöwöröñi (2.18)janjunğ mem engiget. (3.3-4)

Pitönöñ keu aka ahakmeme miangöra waimanjat ketanji möta diñgimapköra bim qeba amötqeqegö könanji jim tuariza. Urunini kuñguba jimkutukutuñi kewö ohoyök, “Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñi mi jimburenğ qahöpö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Miangöra mönö malmal sarakñi mala kopa malmal aka uruyahöt mi andö qeme.”

Tosatñan kapanğ köla kewö lañ jiba ambazip kusum sohom engiba malget, “Kraistnöñ kunbuk qahö lilingöma.” Keu mi jimburenğ keuya. Pitönöñ keu miangöra waimanjat ketanji möta likepñi kewö melenğda jiba ohoyök, “Kraistnöñ nalöñi könjörari öngöiga lilingömawañgö tandök akzawi, mi kewögöra: Anutunöñ ambazip nenğörenğök kunñan ayuhumapkö qahö mötzapmö, körek neñön urunini melenğda singisöndok malmalnini mosötpingö möta kapanğ kölakza.”

Buk kianğö bahöñi bohonñi 4 mi kewö:

Keu mutukñi 1.1-2

Anutunöñ sarakñi malbingöra nenğoholök 1.3-21

Böhi takapulakanj yengö könanjini 2.1-22

Teteköñe Kraistnöñ lilingöba kama 3.1-18

¹ Saimon Pitö nöñön embuk keu eraum mötpingöra kimbi ki ohozal.

Jisös Kraistnöñ melaim niñgiiga aposol aka welenñi qeba malakzal. Bem Anutuninanan Amötqeqe Toñi Jisös Kraist melaiiga eri yañğöra aka keunini jim teköi solaniinga mötnaripninan ahuyök. Injini mötnarip miyök buña qem anğugетка bohonñi öngöñgöñi aiga nini ewö simbawoñ malje.

² Injini Anutu aka Kembunini Jisös möt kutum etkizei, yetkön mönö kalem möriamñi kelenmaleleñ engiyohotka luainöñ malme. Mewö.

Anutunöñ engoholöhi, miangörenğ köhöiba kinme.

³ Anutunöñ asakmararañ Toñi aködamunñambuk akza. Miangö dop nini sarakñi aka malbingöra nenğoholök. Mewö könanji möt yaköinga kalem nenğimakzawañgö könanji asuhuyök. Nini malmal köhöikñi mala urugö köl guliguli pitirik akingöra yuai osimakini, yañgö bem ösumñan mönö mi pakpak nenğiiga buñanina ahakña.

⁴ Asakmararañ Toñi yañön urunine nupñi nupñi wewelip-ñambuk memba kalemñi pakpak nenğimamgö mörakza. Anutunöñ jöhöjöhö keuñi nenğiyöhi, miangö söñğöröñan mönö öngöñgöñi akza. Injini mutuk gölmegö sihim kömbönanjini bölöñi lañ wuatangöba anğöjörak uruñe malgetmö, Anutunöñ injini miangö-renğök meköba bohonñini jöhöyök. Mewö aiga kopa malmal sööreiba andö qemegöra amötqeqe areñi ali ahöza. Mötmöt ahakmeme aködamunñambuk Anutugörenğ ahözawi, yañön injini miangö dop letota kölönaimegöra kapanğ kölakza. Injini jöhöjöhö keuñi keta bölökñi miangörenğ qekötahöze

ewö, yañön mönö inahöm enjiiga kunbuk letota Suepkö aködamunñi miwikñaiba buña qem anğuba malme. Aködamunñi mianñön ölop tönjonjonğöba dop köl enjima.

⁵ Anutugören jöhöjöhö keu mewö ahözawağöra aka inñini mönö mötnaripkö ölni ahum enjiiga kondela malme. Mewö malmegöra mönö kapan köla zeñ kinda bim qeba malme. Ölni ahum enjimawi, mewö ölop Anutugö könañi toroqeba möt kutume. ⁶ Mötkutukutuñinan qariiga ölop ahakmemenñini toroqeba galöm köl anğumakñe. Galöm köl anğuanğunñinan qariiga ölop kin köhöiba lömböt mökösönđa bisiba malme. Kin köhököhöinñinan qariiga ölop kunbuk Anutugö jitñanğö dop urugö köl guliguli aka malme.

⁷ Urugö köl guliguliñinan ahum qariiga ölop urukalemñinan sehiiga urumelen alaurup ala-ala aka köyan köl anğuba malme. Urukalemñinan sehiiga ölop ambazip pakpak jöpaköm enjiba malme. ⁸ Inñini Anutugö aködamun mewöñi buña qem anğuba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunñi mianñön mönö nam köl enjiiga anqeba Kembunini Jisös Kraistkö könañi möt kutuba ölop nupñi jegep kinda megetka ölni ahumakña. ⁹ Ölop ahumakñapmö, denike yengören Anutugö aködamun mewöñi qahö ahöm enjiza ewö, yengö mötkutukutuñinan mönö töröpñi aiga bau jegömöl ewö kinkuñ kankuñ akze. Anutunöñ siñgisöndokñini walñi sanğonñi sarakñi akeri, mi ölüm enjui ikmaok malje.

¹⁰ O urumelen alaurupni, Anutunöñ möwölöhöm enjiba enğoholöhi, inñini miangören tim töndangöba kinme ewö, mönö nalö kunöñ qahö tala kaman kölme. Miangöra enñön mönö miangören köhöikñanök töndangöba kinbingö kapan köla malme. ¹¹ Mewö aka malgetka Anutunöñ engehi dop köli köl öröm enjiiga Suep miri nanğunan lökñanök taliga ölopñanök uruñe öngöme. Kembunini Jisös Kraistnöñ Amötqeqe aka bemtohoñ Tonñi akza. Yangö bemtohoñ uruñe öngögetka nalö teteköñi qahö galöm köl enjiiga oyaenğoyaen aka malme.

¹² Buña keu ölnan köna mewö kondel enjizawi, inñini mi lök buña qem anğuba miangören böñ qeba kin köhöize. Miangöra keu areñ jizali, mi ölop möt asarizemö, nöñön töndup miangöra nalö dop jim gulim enjimamgö mötzal. ¹³ Mewö möta sile kianğö sepö koumnöñ malmamanğö dop keu areñ mi ölüm enğubapuköra mötmötñini jim guliba kuñgum enjimamgö mötpi dop kölja. ¹⁴ Nöñön sileni kusukñi ki sepö koumni ewö lulunđa zilañ kömumba uñem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵ Keu areñ kusum enjiali, mianñön urukönömñine ahöiga nöñön nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñön miangöra köhöiba kapan kölakzal. Mewö.

Kraistkö asakmararañi mi jeninan eka nanğöba jizin.

¹⁶ Kembunini Jisös Kraistnöñ qetbuñañi öngöngöñi memba nup kukösumñambuk memba malöhi, neñön mi nanine jeninan uba eka malin. Mewö mala miangö dop kukösumñanğö könañi aka lilingöba kamawağö keuñi mi jim asarim enjiba malin. Mi bem samban kösohot* ewö qahö jimburen ahin. Girabu mötmöt ewö mi lañ qahö wuatangöba malin. ¹⁷ *Nöñön Jisösgö qetbuñañi öngöngöñi mi naninak kewö asuhuiga ehin: Asakmararañ Tonñi öngöngöñi yañön keu jiiga qet kewö asuhuiga mörök: “Azi ki nani wölböt nahöni aiga yangöra urunan ölöwahiga eknahöm ak wañgizal.” Yañön mi möriga Iwi Anutunöñ asakmararañ wañgiiga aködamunñi buña qem anğuba malök. ¹⁸ Neñön yambuk kundunñi töröñi miangören öngöba malinga qet mianñön Suepnöhök asuhuiga mörin.

¹⁹ Kezapqetok ambazip mutuhök Buña keu jiba ohogeri, mi nalö kewöñe möt sölöngöba anğön kölinga pöwöwöm köhöikñi ak neñgiza. Miangöra Buña Kimbi walñanğö keuñi

* **1:16:** Bem samban miengö könañini kun mi kewö: Mötmöt ambazip yengö uruñine jimburen mötmöt letoriga keu könañi könañi lañ mötmöriba numbu o algetka asuhumakze. * **1:17:** Mat 17.1-5; Mak 9.2-7; Luk 9.28-35

mi mönö törörök kezap ala buña qem anguba malme. Kiwanönj miri söhsöhaunje asari-makzawi, kezapqetok keu mienjön mönö miangö dop jim asarim engimakze. Injini miangö asakne qekötahöba kinme ewö, mönö ölop Anutugö köna ölni eka sönaupkö ahakmemeñi yaköriba mosöta malme. Mewö mal öngöba mambötketka miri wangarañ suruiga söngangö undinji asuhuiga uruñinan asarima. Kembuninan lilingöba kamawangö undinan mönö mem asarim engii eka Anutugö yuai pakpak ek asarim teköme.

²⁰ Keu nöropñi mutukñi ki mönö möt asarigetka kude ölum enguma: Gölme ambazip kunñan Buña Kimbigö kezapqetok keuñi mi nanñi mötmöt qakne jim asarimangö osimakña. ²¹ Mi kewögöra osimakña: Gölme ambazip kungö jit sihitñan nalö kunön qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip uruñine sölölohöm engiiga Anutugö jitneyök keu memba mönö mia jiget. Mewö.

2

Böhi takapulakanan mönö mala ayuhume.

¹ Kezapqetok ambazip takapulakanani mi mewöyök Israel könagesö sutñine asuhugot. Miangö dop engö sutñine böhi sohoboho mewöyök asuhume. Asuhuba kinda mötnaripñini ayuhumapkö enjololoñ keu kemañi kemañi mi tölapköba memba sutñine kame. Ketañamninan sohopñini meyöhi, Kembu mi mewöyök qañ köl wangiba mewö mianjön nanñini könderñ anguba wölañ ayuhume.

² Mewömö, mi töndup ambazip sehisehiñan mönö yengören serowilin silikñini wuatangöba nanñini imbi-imbi malme. Mewö malmeangöra ambazip mötmötñini qötömötötan aketka urumelenjö köna ölnan mötmötñine gamuñambuk ahakña. ³ Böhi takapulakanani mienjön mönö yuai membagan membingö köpösöngöba nepaqepalok aka kösohot könañi könañi jimburen (zöm mindiriwa) aka lañ jim sehiba malme. Mewö malgetka enön mi möta amqeba monen yuai tokogetka lañ örömgöjup memgöjup aka malme. Anutunön ambazip mewöñi yengö keuñini lök möpñangö möpñe jim teköiga likepñi melenñiga qakñine öngömapkö ahöza. Anutunön könderñmönderñ engimangö tanqañ ikmaok qahö akñapmö, öl töhöñña sihimbölo möta malme.

⁴ Könderñmönderñ asuhumapkö galöm meme keu tosatñi kewö: Suep garata tosatñan Anutugö jitñi qetala siñgisöndok akeri, Anutunön i qahö engehoriyökmö, aköm engiiga könöp mire emuyangören geget. Yaköriba panaman miri dutñe ala ain tapepñon (muñgamuñga) gwaröhöm engiyök. Gwaröhöba galöm köl engiiga keuñinangö kitipñi jim tekömapkö mamböt tatkerata tata kotze. ⁵ *Möpñangö möpñe ambazip angöjörakñinambuk gölmenön malgeri, Anutunön i mewöyök qahö engehoriyökmö, göulu ketañi jiiga wahöta enguba turum engiyök. Turum engiyökmö, töndup azi Noa mianjön urumelenjö keu jiba ahakmeme diñdini akñegö uru kuñgum engiba malöhi, i aka ambazip 7 mia malmalñini angön köla sel jöhöm engiyök.

⁶ *Mewöyök Sodom Gomora taon yahöt mi ayuhumahotkö keuñini jim teköba könöpnön engohoiga gapñiranök ahöyohot. Ambazip angöjörakñinambuk yengöra yuai denöwö asuhumawi, miangö söpsöpñi ekingöra mi al engii akzahot. ⁷ *Könöpnön körek engohomangö ahökmö, töndup azi solanñi Lot mi mutuk sutñineyök meköba angön köl wangiyök. Iwilele ambazip sero namböñnamböñ aka nanñini imbi-imbi ahakmeme tosatñi lañ aket eka yengöra möt böliba uruñan eri malök. ⁸ Azi solanñi mianjön yengö sutñine mala ahakmeme iwilele kanjamñambuk eka möta malöhi, miangöra mönö wehön dop möt jinjingöba malök. Uruñi sarakñan mönö sundan böliiga malök.

⁹ Galöm meme keu jizali, mienjön Anutugö könañi kewö kondelakze: Kembunön ambazip Anutugö malmal köhöikñi köl gulimakzini, nini ölop esapesapñöhök meköba bohonini jöhömangö mörakza. Mi mörakzampö, ambazip gonñonñi mi keuñinangö likepñi

* 2:5: Jen 6.1-7.24 * 2:6: Jen 19.24 * 2:7: Jen 19.1-16

meleni qakñine öngöiga garataurupñan galöm köl engigetka malme. Mewö mala öngögetka nalö ketanjan kaiga keunini jim teköiga toroqeba sihimbölo möta malme.

¹⁰ Ambazip silenjanğö sihim kömbönañi bölöñi wuatangöba angöjörakñinambuk aka iwilelenöñ Anutugö kukösumñi memba et alakzei, Anutunöñ mi mönö mutuhök jim teköm engiyöhawa sihimbölo ketanji möta malme. Böhi takapulakanji mienön mönö jakbak-öranğörañ qakñe nanñini imbi-imbi mala Suepkö bem suahö asakmararanambuk euyangöreñ maljei, yeğöra sömbu-ñini qahö mörakze. Mi qahöpmahöpmö, i mewöyök uruqeçe keu töhöreñ jim engimakze. ¹¹ Mewö ahakzemö, Suep garata kukö-sumñinambuk böhi sohoboho mi engongita öngöngöñi akzei, mi töndup Suepkö bem suahö ambazip mi Kembugö je mesoholñe qetala uruqeçe keunöñ töhöreñ qahö jim teköm engimakze.

¹² Garata yeñön mewö qahö ahakzemö, ambazip mienön silenini memba öngöba Buña keu qahö möt kutuba mi töndup yeğöra uruqeçe keu töhöreñ lañ jimakze. Sömbup soñ ewö mötkutukutuñini ölni qahö asuhuiga sömbup malmalgö sihim yuai korembiñi miyök mörakze. Sömbup soñ mi asuhugera ambazipnöñ lañ enguget kömumakzei, yeñön mönö miangö dop lañlañ tönpin mala ayuhume. Nanñini sihim mötmötni gongonmanğonan mönö köndeñ engigetka ayuhum teköme. ¹³ Tosatñi öröm ureim ak engigetka kahasililiñ mötketmö, Anutunöñ nanñini keunjanğö likepñi melen engiiga sihimbölo miyök qakñine öngöma. Urumelen eñön urukalem kondel angubingöra tokoba lömbuan algetka takapulaka böhi mienön mönö miangöreñ mewöyök kamakze. Kaba dogonñi aukñe kondela bau numbu nemakze. Mewö aka engö sile töwötni boromñi boromñi gamuñinambuk ewö akze. Nanñinak silenjanğö sihimñi meköbingöra totoko yuai asakñe ala sero aukñe aka lañlañ söngaimakze. “Ziozgö lama galöm akzin,” jiba ala engöra qahö mötmöriba tilipköm engibingö sösongai mörakze.*

¹⁴ Jeñini kaisero jeje aka ambi engehakzei, mi serowilinök akingöra mörakze. Sero siñgisöndok yuai akingö sihimñi mi qahöpmahöp mosötpingö mörakze. Ambazip koñgwarak kölakzei, mi öröm engigetka köna jitñe gegetka örömböknöñ jölniñi mesiñmakza. Membagun membingö nepaqepalok köpösöngögetka urumötmötni köhöikñi miangöreñ ahöza. Mewö ahakzeangöra Anutunöñ saiköm engiiga ayuhume.

¹⁵*Yeñön köna diñdiñi andö qeba kahalalom janjuñ anda kezapqetok azi Balam Beorgö nahöñni yanğö urukönöp köna wuatangömakze. Kerök azi kembu kunöñ Balam Israel ambazip tilipqilip ak engimapköra töwa wanğiyöhi, urusihimñan mönö moneñ miangöra ak wanğiyök. ¹⁶ Ak wanğiyökmö, doñki kunöñ bölöñamñangöra jim bölüm wanğiyök. Doñki sömbup keu qahö jijiñi miangön mönö azi jölnöñ keu jiba kezapqetok azi miangö urusohop ahakmeme mi jöhöm wanğiiga osiyök.

¹⁷ Ambazip mienön mönö o jeñi jöpjöpköñi ewö tandök malje. Raidimbom luhutnöñ kousu omanji töhöntöhön muwutapköm engimakzawi, mönö miangö dop öne lañlañ anda kamakze. Anutunöñ pandaman göjiwinanğö uruñe yeğöra miri arengöm engiyöhi, mönö emuyangöreñ dutñe geba malme. ¹⁸ Yeñön kezapjupjup keu omanji jiba silenini memba öngöba lañ tiwok-mawok aka terengömakze. Silegö sihim kömbönañini bölöñi wuatangöba sero namböñnamböñnöñ ambazip lañ öröm engimakze. Janjuñ maljei, tosatñan yeğö sutñineyök ölöñ kölakzei, mönö mi kelök keunöñ kuñgum engigetka köna jitñe gegetka örömböknöñ jölniñi mesiñmakza.

¹⁹ Yuai kunöñ ambazip kun jöhöba galöm köl wanğimakzawi, miangö kösöñan mönö i jöhöiga mi töwa qahö öne welen qeba malja. Miangö dop böhi takapulakanji mienön kelök keu kewö lañ jimakze, “Inini mönö nini toroqem nenğigetka ölop kösöñini qahö solanñi aka nanñini imbi-imbinöñ malme.” Keu mewö jimakzemö, mi töndup nanñinak angöjörakñinjanğö welenqeçeni aka miangö kösönöñ malje.

* **2:13:** Böhi mienön törom ewö asamböta tatzemö, wanğenjan yeğöreñ qaköba jömgöbapuk. * **2:15:** Jan 22.4-35

²⁰ Yenğö kōnaŋamŋinan kewö goŋgiiga malje: Kembunini Jisös Kraist Amötqeŋe Tonini i mōt kutuba mewö mianğōn gölmegö ahakmeme aŋğöjōrakŋambuk miŋğōba andö qeba-gun mōnō kunbuk mianğō kōsōnōŋ köpeim aŋguba qakōba tatze. Mianğōra kōnakōnahiŋe ölopölöp malgetmō, tetekōŋe bölöqölim tekōba malje. ²¹ Anutunōŋ keunini jim tekōi solanibingö kōnaŋi mutuk qahö mōt kutuba tōnpin malbeak, mianğōn mōnō eretŋi ak eŋgibawak. Mewö akawakmō, Buŋa mi ölna jigetka möta kōnaŋi mōt kutugetka buŋaŋina ahök. Uruŋini melenđa mianğō andōŋe jōjōpaŋ keu törōŋi andö qegeri, mianğōn mōnō yuai kanjamŋambuk aka gamu qem eŋgimakza. ²² *Andö qeba köpeim aŋguba etkeri, mi uruqesiŋ keu ölbölŋi yahöt mietkö dop akza. Keu jitŋi kun kewö, “Kiamnōŋ loŋnōhaŋğoreŋ liliŋğōba kamakza.” Keu jitŋi kun kewö, “Bau saŋgoŋninga dumge elenđa sōmuk piliŋpiliŋnōŋ luhuba geba lömu aumakza.” Mewö.

3

Kembu kamawaŋgö jöhöjöhö keuŋi

¹ O wölböt alaurupni, nōŋōn kimbi yahötŋi ki albi eŋğoreŋ kaza. Keu jizali, iŋini mi lök mötzeŋmō, nōŋōn keugö ölni ahumapkōra uruŋini sarakŋi kuŋguba jim gulim eŋgiba kimbi yahöt ki kewögōra ohozal: ² Kezapqetok ambazip sarakŋi yeŋōn mōnōwök Buŋa keu jiba malgeri, mianğōra mōnō ölüm eŋgubapuk. Mewöyök Kembu Amötqeŋe Toŋan jimkutukutu neŋgiiga nanŋini melaimelai azi aposolurupŋinan kusum eŋgigeri, mōnō mi mötmōriba köl guliba malme. Mianğōra nōŋōn keu miyöhök ohobiga yahöt akŋa.

³ *Keu mutukŋi kun kewö mōt asarime: Kraistnōŋ liliŋğōmamgö aiga nalö tetekōŋe mianğōreŋ mepaqepaik ambazip asuhaba ahakmemeŋinan nanŋini sihim kömbōnaŋini bölōŋi wuatangōba ilit keu jiba malme. ⁴ Tosatŋan liliŋğōba kamawaŋgö keuŋi kewö jiba qeapköba malme: “Kamawaŋgö jöhöjöhö keuŋi mi mōnō denikeaŋğoreŋ ahōza? Ambōsakoninan mala kota kömugeri, nalö mianğōreŋök yuai kunŋan kun qahö melenŋi geyök. Anutunōŋ Suep gölme miwikŋaim etkiiga öryuyai pakpak kōnahiba ahöyöhi, mi mōnō mewōŋanök ahōba kori maljin.”

⁵ *Mewö jiba keu kötŋi ki ölan qemakze: Anutunōŋ möpŋaŋgö möpŋeyök jim kutuba keuŋaŋgö ösumŋan suep jakeŋi jakeŋi miwikŋaim eŋgiyök. Mewöyök o jim kutum eŋgiiga denđa angetka mianğōn gölme miwikŋaiiga onöhök asuhum tiŋgirök. Yeŋōn keu kötŋi mi mötzeŋmō, mi qahö mötziŋ tandök möndōba laŋ jiba nōnōŋgan ahakze. ⁶ *Kōnaŋep jim kutuiga o gölunōŋ wahōta gölme turuiga ambazip nalö mianğōreŋ gölmenōŋ malgeri, mi o namba kömumjaiget. ⁷ Yeŋōn onōŋ kömumjaigetmō, suep gölme nalö kewōŋe etkehakzini, mi kōnōpnōŋ ayuhumawaŋgö dop akza. Anutunōŋ mianğō keuŋi lök böŋtōŋ jim kutuiga ahōza. Mianğō ölni asuhumawaŋgö nalōŋan kam kuŋguiga Anutunōŋ ambazip aŋğöjōrakŋinambuk maljei, yenğö keuŋini jim tekōba könden eŋgiiga ayuhume.

⁸ *Mewö asuhumapmō, wölböt alaurupni, naninak ehinga yambu 1000 mi nalö körōpŋi akzapmō, Buŋa keu mohot ki mōnō kude ölüm eŋguma, “Wehōn mohot mi Kembugö je mesoholŋe yambu 1000:gö dop akza aiga yambu 1000 ehiga wehōn mohotkö dop akza.” ⁹ Kembugö jöhöjöhö keu mianğōn ölnambuk akŋapmō, mianğō nalōŋi mi törörök qahö mötziŋ. Tosatŋan nalö mi kōnjōrari öŋğōmapkōra mötmōriba laŋ jimakze. Nanŋak nalōŋi qahö kōnjōrari öŋğōmapmō, mökösōŋda ambazip körekŋan urunini melenbingōra mambōrakza. Kunŋan kōnöp sianōŋ gebapukōra kapaŋ kölakza.

¹⁰ *Keuŋaŋgö ölni asuhumapmō, Kembugö kaka nalōŋan mōnō yoŋgorö meme azigö tandök kam kuŋguma. Mi ouk-tuknine tiiga osibin. Nalö mianğōreŋ suep gölmegö yuai ehkeŋi pakpak mi mōnō kōnōwiba jeba gapŋanök ahōma. Wehōn köiŋ seŋgelau aka suepkö yuaiŋi pakpak mi julkula ötōŋ bölöbölōŋambuk ayapkōba qahōwakŋe. Gölme

* 2:22: Qam 26.11 * 3:3: Jud 18 * 3:5: Jen 1.6-9 * 3:6: Jen 7.11 * 3:8: Sum 90.4 * 3:10: Mat 24.43; Luk 12.39; 1 Tes 5.2; Ind 16.15

aka ambazipnön yuai pakpak miangörej memba alget ahözawi, Anutunön mi körek köndenmönden da meleni gema. Geba jem teköiga yuai kun qahöp mahöp ahöma. Saumban!

¹¹ Öroyuai pakpak mi tandök mewö julkula qahöwakneangöra enön mönö ambazip denöwöni aka malgetka dop kölbawak? Miangöra mönö ahakmeme sarakni wuatangöba Kraist ewö aka malbingö köl guliba malme. ¹² Inini Anutugö nalö ketani mi kam kungumapköra mamböta zilañ kamapkö nupni kapan köla memba malje. Nalö miangörej gölmegö öroyuaini aka wehön köiñ sengelau aka mewöni mi könöwiba jeba bolbolgöma. Anutunön suepkö öroyuaini mi körek köndenmönden aliga julkula jem teköma. ¹³* Mewö jem tekömapmö, Anutunön yuai asuhumapkö keu jöhöi ahözawi, neñon miangö dop Suep gölme dölokni miwiknaim etkimapkö mambörakzin. Mi miwiknaim etkiiga miangörej angota ahakmeme diñdini wuatangöba malbin.

¹⁴ O wölböt alaurupni, enön nalö ketani mi kam kungumapkö mamböta malje. Miangöra mönö kewö akingö kapan köla kinme: Uruñini sarakni aiga Anutunön töwöt boromñinangö keuñi kun qahö miwiknaiiga yambuk ösupközeangöra luainön malme. ¹⁵ Mamböta Kembuninangö uru tandökneangöra kewö mötmöriba malme: Yañon inini uruñini melen da kunbuk letotmegö nalöni mem körim al engiba ösön mamböt engiba malja. Wölböt alanini Pol yañon mewöyök keu miyök ohom engiyökmö, Anutunön mötkutukutu öngöngöni wangiiga miangö dop keuñi ohom engiyök. ¹⁶ Miangö keuñi mi kimbiñi pakpak miangörej jiba ohomakzapmö, Buña Kimbiñangö uruñe keuñi tosatni mi lömbötñambuk. Miangöra tosatnan mi möt asaribingö jaram tiba lömbörimakze. Gukmaulem ambazip konjwarak qeba tötöpinpin lañ malakzei, yeñon kimbiñi kimbiñi mi lañ möwöramgömakze. Miangö dop Polgö keuñi mewöyök melenqelen aketka supapköba sohomakza. Mewö möwöramgöba kinda nanñini mem bölim anguba könöp sianön geme.

¹⁷ Yeñon gememö, wölböt alaurupni, enön mewö asuhumapkö keuñi lök qeljine möta malje. Miangöra mönö nanñini galöm mem anguba malme. Iwilele ambazip köna siñgiba qiwitipkömakzei, enön mönö yengö kelök keuñinan örom engii enguatangöba jinjaun anbepek. Malmalgö tandö pöwöwöm köhöikni miangörejök mewö tala kaman kölbepuk.

¹⁸ Kembunini Jisösgö kalem möriamne kinjei, miangörej mönö kunbuk suariba köhöiba malme. Amötqeqe Tonini Kraistkö könan mi möt kutuzei, mi mönö toroqeba möt yaköm soroköba malme. I möpöseininga qetni nalö kewöne aködämun-ñambuk aka könanjep teteköni qahö mewö ahöm öngöma. Keu mi ölna.

* 3:13: Ais 65.17; 66.22; Ind 21.1

Jongöreŋ Kimbi 1

Jonöŋ Kimbiŋi mutukŋi alök.

Jim-asa-asari

Jonöŋ jöpaköm anġuanġugö keuŋi köhöiba jiba malök. Urumelenġ ambazip neŋön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatŋan keu muneŋi ambazip kewö kusum sohom enġiba malget: “Jisösnöŋ Suep aziyök akza. Gölmenöŋ yuai pakpak mi bölöŋi akza. Mianġöra Jisösnöŋ gölme azi ölni qahö aka malök.” Keu mianġöra aka tosatŋan “Anutu möt narizin,” jiba ahakmeme ölöpnŋi mosöta siksauk silekmalak mala ambazip tosatŋi yom kazik ak enġiget aka qölmöm injarere malget. Keu sinŋi sinŋi mewöŋan zioz mem bölibapuköra Jonöŋ goro keuŋi kimbinöŋ kewö ohoba ali kayök, “Jisösnöŋ Suep aka gölme azia mohok akza. Gölmenöŋ nup meme aka mötmöt meme mi yuai bölöŋi qahö. Mianġöra ‘Anutu möt narizin,’ jiba Nahönŋi Jisös kude mosötpin aka alaurupnini uruninan jöpaköm anġubin. Urukalem mi mönö kapan köla ak anġumakin.”

Kimbi kianġö bahöŋi bohonŋi 6 mi kewö:

Malmalgö könaŋi mi Jisös 1.1-4

Asak aka söŋaup uruŋe malmal 1.5–2.29

Anutugöreŋ aka Satangöreŋ nahönbörat 3.1-24

Uŋa ölöpnŋi aka öme mi mönö kewötme 4.1-6

Urukalemġö könaŋi aka jimkutukutuŋi 4.7-21

Mötnarip neŋön bölöŋi luhut alakin 5.1-21

Malmal köhöikŋanġö keuŋi mi Jisös Kraist

¹ *Nöŋön malmal köhöikŋanġö keuŋi jimamġöra kimbi ki ohozal. Mutuhök malmalgö keu Toŋan maliga mianġö könaŋe öroyuai pakpak asuhuyök. Yanöŋ mala kota gölmenöŋ eriga i jeninan eka böröninan silenŋi misiriinga keuŋi jii möta malin. ² *Oyaenġoyaen malmalgö Toŋan asuhuiga neŋön i eka könaŋi nanġöba jiba dangunu ewö kinjin. Malmal teteköŋi qahö mianġö Toŋan Iwibuk mala kota eta asuhum neŋiyöhi, neŋön mianġö Buŋaŋi jim asariba uruŋini kuŋguzin. ³ Neŋön Iwi aka yanġö Nahönŋi Jisös Kraist yetpuk urunini jöhöba mohot maljin. Inini mewöyök uruŋini nembuk jöhöba mohot malbingöra yuai eka mörini, mi jim tuarim enġizin. ⁴ Sösöŋgainöŋ urunini kokolak qei malbingöra keu ki jim tuariba ohozin. Mewö.

Kembugö asakŋe malmal

⁵ Buŋa keu yanġö Nahönŋanġöreŋök möta jim tuarim enġizini, mi kewö: Anutunöŋ asakŋanġö Toŋi akza aka yanġöreŋ söŋaup kun qahö ahöza. ⁶ “Neŋön yambuk urunini jöhöba mohot maljin,” mewö jitnöŋ jiba töndup aiakaninan jipjap aka söŋaupnöŋ maljin ewö, mönö keu muneŋ jiba ahakmemeninan keu ölni qahö wuatangömakzin. ⁷ Anutunöŋ asakŋanġö uruŋe maliga neŋön mianġö dop aiakanini asakŋanġö uruŋe ahakzin ewö, mönö sutnine urunini jöhöm anġuba mohok malinga Nahönŋi Jisös Kraistkö sepŋan mönö siŋgisöndoknini pakpak saŋgoŋmakza.

⁸ Urunine siŋgisöndok qahö ahöza, mewö jibinak ewö, mönö nanini tilipköm anġuinga keu ölnan urunine qahö kinma. Qahö! ⁹ Siŋgisöndoknini jim miwikŋaizin ewö, yanöŋ mönö uruŋi diŋdiŋanġö dop jöhöjöhö keuŋi pöndaŋ wuatangöba siŋgisön-doknini mosöta ahakmemenini goŋgoŋi pakpak saŋgoŋmakza. ¹⁰ “Siŋgisöndok qahö ahin,” mewö jibin

* 1:1: Jon 1.1 * 1:2: Jon 1.14

ewö, mönö keu Tonji onginginga Anutunöŋ munenŋ jiji azi tandök aiga keujan urunine qahö kinma. Mewö.

2

Jisösnöŋ awörök köiput Tonini akza.

¹ O (koko) gömokurupni, inŋini siŋgisöndok akepuköra keu ki ohozal. Mi ohozalmö, kunöŋ töndup siŋgisöndok akawak ewö, awörök köiput Toninan mönö ahöm neŋgiza. Jisös Kraist yaŋön Iwigö kösutŋe mala keu pakpak diŋdiŋanök kewöta ak neŋgimakza. ² Awörök köiput Tonini yaŋön siŋgisöndokninanŋö töwaŋi ala köl könjörat neŋgiyök. Mi neŋgö siŋgisöndokörök qahöpmö, mönö gölmeŋi gölmeŋi neŋgöreŋ siŋgisöndok mi mohotŋe köl könjöratmamgöra kömuyök. Mewö.

Temkölköl mi aiaka diŋdiŋi.

³ Anutugö jöjöpaŋ keuŋi tem kölakin ewö, mewö mianŋön i möt waŋgizini, mi ölop uruyahötŋi qahö möt yaközin.

⁴ Kunŋan “Anutu möt waŋgizal,” jiba jöjöpaŋ keuŋi qahö tem köla wuatangömakzawi, yaŋön mönö munenŋ jiji ambaziwa aiga keu ölnan yaŋgö uruŋe qahö kinja. ⁵ Qahöpmö, kunöŋ Anutugö keuŋi tem köla wuatangömakzawi, Anutugö urukalemŋan mönö ölna yaŋgö uruŋi kokolak qei aködamunŋambuk malja. Mewö mianŋön Anutubuk qekötahöba mohok maljini, mi möt yaközin. ⁶ Kunŋan “Anutubuk qekötahöba maljal,” jizawi, yaŋön mönö Jisösnöŋ ahakmemeŋi ahök, mönö mianŋö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpaŋ keu dölökŋi

⁷ *O wölböt alaurupni, nöŋön jöjöpaŋ keu dölök-kunŋi qahöpmö, jöjöpaŋ keu walŋi könakönahiŋeyök ahöm eŋgizawi, mönö mia ohom eŋgizal. Jöjöpaŋ keu walŋi mianŋö Buŋa keuŋi mi lök möta mala kotket. ⁸ Töndup mianŋö jimkutukutuŋi dölökŋi mi eŋgöra ohozal. Söŋaupnöŋ ayapkömamgö aiga asakŋi ölnan lök asarim qarimakzawi, mianŋöra jöjöpaŋ keu mianŋö ölnan mönö Anutugöreŋ aka eŋgöreŋ ahuba ahöza.

⁹ Kunŋan jitŋan “Asakŋe maljal,” jizapmö, alaŋi kazik ak waŋgizawi, yaŋön mönö toroqeba söŋaup uruŋe malja. ¹⁰ Kunŋan alaŋi jöpaköm waŋgimakzawi, yaŋön mönö asakŋanŋö uruŋe pöndaŋ maliga silikŋan tosatŋi siŋgisöndok akŋegöra qahö kondorakza. ¹¹ Mewömö, kunŋan alaŋi kazik ak waŋgizawi, yaŋön mönö ömuŋe jipjap mala ahakmemeŋi söŋaup uruŋe ahakza. Söŋaupnöŋ jeŋi mem sohoiga janjuŋ aka maljawanŋöra aka denike anmawi, mi nanŋak qahö möt kutumakza. Qahö.

Anutunöŋ siŋgisöndoknini kösöloŋanimakza.

¹² O nahönböraturupni, Jisösnöŋ kömumba qet ketanŋi memba maljawanŋöra aka Anutunöŋ eŋgö siŋgisöndokŋini mosöta kösöloŋanim teköyök. Mianŋöra keu ki eŋgöra ohozal.

¹³ O iwiurupni, kunöŋ könakönahiŋeyök mala kotzawi, inŋini i möt waŋgiba mala kotze. Mianŋöra keu ki eŋgöra ohozal. O gwaböurupni, inŋini bölöŋanŋö Tonji luhut al waŋgiba maljei, mianŋöra keu ki eŋgöra ohozal. Nahönböraturupni, inŋini Iwigö könaŋi möt kutuba maljei, mianŋöra keu ki eŋgöra ohozal.

¹⁴ Iwiurup, kunöŋ könakönahiŋeyök mala kotzawi, inŋini i möt waŋgiba mala kotze. Mianŋöra keu ki ohobiga eŋgöreŋ kaza. Azi gwaböurup, inŋini Anutugöreŋ Buŋa keu uruŋine algetka köhöiba kiniga ösum-mumuŋinambuk aka bölöŋanŋö Tonji luhut al waŋgiba malje. Mianŋöra keu ki ohobiga eŋgöreŋ kaza. Mewö.

Gölmegö ahakmeme bölöŋi mi yakörime.

* 2:7: Jon 13.34

¹⁵ Injini gölmegö ahakmeme bölöni aka yuai pakpak mianğoreñ ahözawi, mianğöra kude ak engima. Kunñan uruñan gölmegö ahakmemegöra ak wañgiza ewö, Iwigö urukalemñan mönö yañgö uruñe qahö kinja.

¹⁶ Gölmegö ahakmeme mi kewö: Ambazipnön sileninañgö sihim kömbönañini bölöni mörakze. Yuai jeñinan eka eksihim aka köpösöngömakze aka gölmegö malmalñinañgöra piririköba töröraiba silenini memba öngömakze. Mi aka urukönöp tosatñi mi Iwigöreñök qahö kaza. Qahö! Mi mönö gölmegö ahakmeme bölöni akza. ¹⁷ Gölmegö ahakmemenön görön qema aka mianğö sihimni bölöni bölöni mi mewöyök görön qememö, kunñan Anutugö jit sihitñi tem köla wuatangömakzawi, yañön mönö böñ qeba nalö teteköñi qahö mal köhöima. Mewö.

Kraistkö tuarenjoñurupñi lök asuhuze.

¹⁸ O (koko) gömokurupni, Kraistkö salupñe* kinda tuarenjoñ ak wañgimawañön nalö teteköñe asuhumawi, mi lök jigetka mötze. Keu mianğö dop nalö kewöñe Kraistkö tuarenjoñurupñi gwötpuk lök asuhuba kinje. Keugö ölni mewö asuhuyöhañgöra aka nalö teteköñañgö uruñe lök kañgota maljin, mi mötzin. Mianğö aiwesökñi mewö. ¹⁹ Tuarenjoñ ambazip mienön nanine kambunöhök mala neñgömosöta anget. Uruñini nembuk muneñ-muneñ jöhöba mötnarip könagesö sutnine lañ mala buratiget. Neñgöreñ könagesö ölni akeak ewö, mönö nembuk pöndañ qekötahöba mohokñe malbinak. Neñgömosöta tikep kinjei, silik mianjön mönö könañini kewö kondeliga eka mötzin: Yeñgöreñök kunön nembuk ölna mohot qahö aka malök.

²⁰ Yeñön tikep kinjemö, Kraistnön Uñañi Töröñi engö uruñine mokoiga bedu memba inahöm engiiga körek eñön keu ölni möt kutuba malje. ²¹ Injini keu ölni qahö möt kutubepüköra aka keu ki qahö ohom engizal. Mewögöra qahöpmö, injini keu ölni möt kutuze aka keu ölnan keu muneñi kun kondotmangö osimakza. Mianğöra keu ki ohom engizal.

²² Jisösnön Amötqeqe Tonji Kraist akzapmö, kun dañön keu mi qañ köljawi, yañön mönö isimkakalek ambaziwa akza. Yañön Kraistkö salupñe kinda tuarenjoñ ak wañgiba Iwi aka yañgö Nahönñi mi mohokñe qañ köl etkimakza. ²³ Kunñan Iwigö Nahönñi qañ kölakzawi, yañön Iwiñi qahö öne malja. Kunñan Nahönñi jim miwikñaimakzawi, yañön mönö Iwi mewöyök miwikñaiba yambuk malja.

²⁴ Injini Buña keu könakönahineyök möta kotkeri, mi uruñine köhöiba kinmapköra galömnini meme. Buña keu möta kotkeri, mianjön uruñine kinma ewö, injini mewöyök mönö böñ qeba Iwi aka yañgö Nahönñi yetpuk qekötahöba kinme. ²⁵ Kraistnön jöhöjöhö keu kewö neñgii ahöza, “Nömbuk kinme ewö, mönö oyaenköyaen malmal engibiga teteköñi qahö mal köhöime.”

²⁶ Tosatñan esapköba janjuñ mem engimakzei, nönön yeñgöra aka keu mi ohom engizal. ²⁷ Tosatñan janjuñ ahakzemö, Kraistnön Uña Töröñi engö uruñine mokoiga bedu memba inahöm engimakza. Uña yañön uruñine böñ kini qahö löwörime ewö, eñön mönö böhi kungöra qahö osime. Mi kewögöra: Yañgö Uñañan mönö ahakmemegö keu pakpak kusum engimakña. Bedu memba inahöm engimakzawi, mianjön yuai muneñi kun qahöpmö, mötmöt ösumñi öl töhönñanök akza. Mianğöra keu ölni kusum engiyöhañgö dop mönö keuñi pakpak tem köla Kraistpuk töp qekötahöba kinme.

²⁸ O (koko) gömokurupni! Injini mönö Kraistpuk töp qekötahöba kinme. Yambuk kinda malinga kunbuk asuhumawi, nalö mianğoreñ qahö közöl neñgiiga gamu qakñe qahö mömölaköba anbinmö, ölop yañgö jeñe awösamkakak qakñe tamehök kinbin. ²⁹ Kraistnön solanñi akzawi, injini keu mi möt kutuze ewö, mönö keu ki mewöyök ölop möt asarime: Ambazip körekñan ahakmeme solanñi ahakzei, yeñön mönö mewöyök Anutugöreñök ahuba nahönböraturupñi akze. Mewö.

* **2:18:** Kraistkö tuarenjoñi mi Antikraist. Grik keu anti, mianğö könañi yahöt. Yañön Kraistkö salupñe kinja aka Kraist ölni tuarenjoñ ak wañgimakza.

3

Nejõn Anutugõreñjök ahuba nahõnbõratñi akzin.

¹*Mõtket! Suep Iwininan neñgõra “Nani nahõnbõraturupni,” mewõ neñgohola mianjõn urukalemñi ketañi kondel neñgimakza. Nini õlña Anutugõ nahõnbõraturupñi akzin. Mi akzinanğõra gõlme ambazipnõñ kõnañamnini qahõ mõt kutuba malje. Anutugõ kõnañi qahõ mõt kutuzeanğõra nanine kõnañamninanğõra mewõyök tõtõpinpin malje. ²O wõlbõt alaurupni, nalõ kewõñe nini Anutugõ nahõnbõraturupñi aka maljin. Mewõ mala kõnañgep denõwõ aka malbini, mi aukñe qahõ asuhuyök. Mohok kun mõtziñi, mi kewõ: Yanjõn kunbuk aukñe asuhuiga kaisõngolomñi õlñi jeninan ekini, nalõ mianğõreñ mõnõ letota i ewõ akin. ³Denike yeñõn Kraistkõra jõrõmqõrõm mewõñi ak wanğizei, yanjõn mõnõ i kõl kõnjõrat mem enğiiga yanğõ tandõk ewõ sarakñi aka malme.

⁴Denike yeñõn siñgisõndok akzei, yeñõn mõnõ kõna keu qeba walõñmakze. Siñgisõndok mi iwilele ahakmemeya. ⁵*Kraist nanñak siñgisõndokñi kun qahõ yanjõn nanine siñgisõndoknini kõl kõnjõratmamğõra eta asuhuyõhi, mi õlõp mõtze. ⁶Denike yeñõn Kraistpuk bõñ qeba kinjei, yeñõn siñgisõndok qahõ aka malje. Kunñan siñgisõndok toroqeba ahakzawi, yanjõn Jisõs qahõ eka kõnañi qahõ mõt kutuba malja. Mewõ.

⁷O (kokourupni) gõmõkurupni! Kunñan janjuñ mem enğibapukõra mõnõ galõmñini mem anğuba malme. Kraistnõñ solanñi akzawi, yanğõ dop ahakmeme solanñi tõrõrõk wu-atan-gõmakzawanjõn mõnõ solanñi akza. ⁸Bõlõñanğõ Toñan kõna-kõnahiñeyök siñgisõndok aka kota malja. Mianğõ dop denike yeñõn siñgisõndok ahakzei, yeñõn mõnõ Bõlõñi Toñanğõ buñaya akze. Anutugõ Nahõnñan mõnõ yanğõ nupñi yain memamğõra eta asuhuyök.

⁹Denike yeñõn Anutugõreñjök asuhugeri, yeñgõreñjök kunñan malmal qainñi kun uruñe ahõzawanğõra mõnõ siñgisõndok qahõ toroqeba ahakza. Ahuahu dõlõkñi ahuba maljawanğõra aka siñgisõndok toroqeba akñamğõ osimakza. ¹⁰Denike yeñõn Anutugõ nahõnbõratñi aka denike yeñõn Bõlõñi Toñanğõ nahõnbõratñi akzei, mi kewõ kewõta mõt asaribin: Kunñan ahakmeme solanñi qahõ wuatangõmakzawi, yanjõn mõnõ Anutugõ buñaji qahõ akza. Mewõñanõk kunñan alaurupñi qahõ jõpakõm enğimakzawi, yanjõn Anutugõ buñaya qahõ akza. Mianğõ aiwesõkñi mewõ.

Iñini mõnõ jõpakõm anğuba malme.

¹¹*Buña keugõ kõtñi kõnakõnahiñeyök mõta kota maljini, mianğõ jõjõpañ keuñi kewõ: Nini mõnõ urunõñ jõpakõm anğuba malbin. ¹²*Kein (Kain) yanjõn Bõlõñi Toñanğõ buñaya mala munñi qei kõmuyök. Nini mõnõ i ewõ aka malbinbuk. Yanjõn kewõğõra munñi qeyök: Nanñi ahakmemeñan bõlõñi ahõkmõ, munñan-gõreñan solanñi ahõk. Mõnõ mianğõra qeyök.

¹³O urumelen alaurupni, gõlme ambazipnõñ kazik ak enğime ewõ, mianğõra mõnõ kude welipkõme. ¹⁴*Nini urumelen alaurupnini jõpakõm enğimakzinanğõra aka keu ki mõt asarizin: Nini kõmup kõhõikñanğõ jabõñi walõñda malmal kõhõikñe anğota maljin. Kunñan urukalem qahõ ahakzawi, yanjõn mõnõ toroqeba kõmup kõhõikñanğõ uruñe kinma. ¹⁵Ambazip alaurupñini kazik ak enğimakzei, kõrek yeñõn mõnõ kõhõmuñi enğuenğũ ambaziwa akze. Malmal kõhõikñi mi enğuenğũ ambazip mewõñi kungõ uruñe qahõ ahõza, mi õlõp mõt yakõze.

¹⁶Jisõs Kraistnõñ malmalñi neñgõra aka kõlenđa mosõta jõpakõm anğuanğugõ kõnañi mewõ kondel enğiiga eka mõt kutuzin. Nejõn mõnõ mewõñanõk malmalnini urumelen alaurup yeñgõra aka kõlenđa mosõringa dop kõlma. ¹⁷Kunñan gõlmegõ õrõyuaini dopñe memba maliga alañan yuaigõra osiba mõzõqõzõrõñ aiga ekzapmõ, tõndup ekbonep aka uruñi jõhõza ewõ, Anutugõ urukalemñan mõnõ yanğõ uruñe denõwõ kinbawak?

* 3:1: Jon 1.12 * 3:5: Jon 1.29 * 3:11: Jon 13.34 * 3:12: Jen 4.8 * 3:14: Jon 5.24

18 O (koko) gömökurupni, jöpaköm anğuanğı mi numbu jitninan keu töhönök timbiliba jimakinbukmō, mi mönō ahakmemeninan keu ölni wuatangōba aka malbin.

Mönō Anutugō jemesoholne tamehök kinbin.

19 Nini keu ölnangō buņaya akzin me qahō? Akzin ewō, mönō ölop urunini bönjön köliga Anutugō jemesoholne awösamkakak kinbin. Keu mi nanini kewöt anğuba kewō möt kutubin: 20 Uruninan yuai bölönanğōra aka jim neņgiza ewō, nini keu ki ölop möt yakōzin: Anutunōņ kewōtkewōt Tonini aka keunini diņđiņanök kewōtma. Anutugō mötmōtņan mönō nanine mötmōtnini onğita öngöngöņi aiga keu pakpak ölop möt tekōza. Miangōra ölop urunini bönjön köliga malbin.

21 O wölböt alaurupni, uruninan qahō jim neņgiza ewō, nini mönō Anutugō jemesoholne awösamkakak aka tamehök kinbin. 22 Nini Anutugō jöjōpaņ keuņi tem köla ahakmemenini dop köl waņgimakzawaņgō dop aka memba malakzin. Miangōra yuai kungōra köulukōba qesim waņgibini, mönō mia neņgii buņa qem anğubin.

23 *Anutugōreņ jöjōpaņ keu yahöt mi kewō: Nini mönō Nahōņi Jisōs Kraistkö qetņi memba möt nariba urunini melenbin aka jöjōpaņ keu jim kutum neņgiyōhangō dop jöpaköm anğuba malbin. Mewō qahō aka malbinak, mi Anutugō jeņe qahō dop kölbowak. 24 Denike yeņön Anutugō jöjōpaņ keuņi tem kölakzei, yeņön mönō Anutubuk qekōtahōba malgetka Anutunōņ yembuk lapingōba kinja. Yaņön nembuk lapingōba kinjawi, mi Uņaņi Törōņi neņgiiga urunine saņep ala maljawaņgōra möt kutuzin. Mewō.

4

Uņaya me ömeya mi mönō kōnaņi kewōta mötme.

1 O wölböt alaurupni, kezapqetok ambazip takapulakaņi gwōtpuk mi gölme dop lilikōba maljei, miangōra keu pakpak mi zilaņ kude memba möt narime. Anutugō Uņaņan me öme kunņan sölölohōiga asuhuzawi, mi mönō mutuk esapesapnōņ ala kewōtme. 2 Anutugō Uņaņangō kōnaņi mi mönō kewō kewōta möt miwikņaime, “Jisōs Kraistnōņ eta silebuk aka malök,” denike yeņön keu mi jim miwikņaimakzei, yeņön mönō körek Anutugō buņaya akze. 3 Kunņan Jisōsgō kōnaņi mewō qahō jim miwikņaimakzawi, yaņön Anutugō buņaya qahō akza. Kraist tuarenjōangō ömeņan mönō yaņgō uruņi sölölohōiga keu jimakza. Kunōņ asuħuba Kraistkö salupņe kindu tuarenjō ak waņgimawi,* keu mewō jiget mötketka yaņön lök nalō kewōņe gölmenōņ asuħuza.

4 O (koko) gömökurupni, iņini Anutugō buņaya aketka Uņa Törōņan uruņine kindu gölmegō ömewörömeņi mi enğonğita luhut al enğimakza. Miangōra kezapqetok ambazip takapulakaņi mi ölop luhut al enğiba malje. 5 Yeņön gölmegō buņaya aketka gölmegō ömeņan sölölohōm enğimakze. Miangōra gölmegō ahakmemenē wuatangōba keu jigetka urumelenğō kopa ambazip yeņön keuņinaņgōra kezap ala mörakze.

6 Nini Anutugō buņaya ahinga Uņa Törōņan sölölohōm neņgimakza. Anutu möt waņgizeaņön mönō neņgō keuninaņgōra kezap ala mörakze. Anutugō buņaya qahō akzei, yeņön neņgō keuninaņgōra kezap qahō ala mörakze. Keu ölnangō Uņaņi aka isimkakalekö ömeņi yetkö kōnaņiri mi mönō mewō kewōta möt kutumakzin. Mewō.

Anutunōņ urujöpakō kōnaņi akza.

7 O wölböt alaurupni! Anutunōņ jöpaköm anğuanğugō jalōņi akza. (Miangōra urukalem mi o jeņangō tandök ewō ahōba korakza.) Miangōra nini mönō jöpaköm anğuba malbin. Mewō aka maljini, körek neņön mönō Anutu möt waņgiba yaņgōreņök aħuahu dölökņi aħuba maljin.

* 3:23: Jon 13.34; 15.12, 17 * 4:3: Kraistkö tuarenjōņi mi Antikraist. Grik keu anti, miangō kōnaņi yahöt. Yaņön Kraistkö salupņe kinja aka Kraist ölni tuarenjōņ ak waņgimakza.

⁸ Anutunöŋ urujöpakö Toŋi akza. Mewö akzawaŋgöra kunŋan ambazip qahö jöpaköm enŋimakzawi, yaŋön mönö Anutu qahö möt waŋgiba tönpin malja. ⁹ Anutunöŋ urukalemŋi kewö kondeli sutnine asuhuyök: Yaŋön Nahönŋi mohok-kunŋan nam köl neŋgii mal köhöibingöra aka melaiiga gölmenöŋ erök. ¹⁰ Nini Anutu jöpaköm waŋgiinmö, mianöŋ urukalemgö könaŋi qahö. Urujöpakö könaŋi mi kewö: Anutunöŋ jöpaköm neŋgiba siŋgisöndoknini köl könjöratmamgöra Nahönŋi melaiiga neŋgöreŋ erök.

¹¹ O (koko) gömukurupni, Anutunöŋ mewö önöŋi qahö jöpaköm neŋgiyöhaŋgöra neŋön mönö mewöŋanök uruninan jöpaköm aŋgumakin. Urukalem qahö ak aŋguinga qahö dop kölja. ¹² *Kunŋan kun Anutu nalö kunöŋ qahö ehökmö, jöpaköm aŋguba maljin ewö, Anutunöŋ mönö urunine lapingöba kiniga urukalemŋan urunini kokolak qeiga aködamuninambuk maljin.

¹³ Nini Anutubuk qekötahöba malinga yaŋön urunine lapingöba kinjawi, mi Uŋaŋi Töröŋi neŋgiyöhaŋgöra aka möt kutuba uruyahöt qahö ahakzin. ¹⁴ Iwinöŋ Nahönŋi gölmeŋi gölmeŋi neŋgö Amötqeŋe Tonini akŋapköra melaiiga erök. Neŋön mi eka möta naŋgöba jimakzin. ¹⁵ Kunŋan “Jisös Anutugö Nahönŋi akza,” jiba jim miwikŋaimakzawi, Anutunöŋ mönö yaŋgö uruŋe lapingöba kiniga yaŋön Anutubuk qekötahöba malja.

¹⁶ Anutunöŋ uruŋan jöpaköm neŋgimakzawi, nini miangö könaŋi möta miangöreŋ möt narimakzin. Anutunöŋ urujöpakö Toŋi akza. Mewö akzawaŋgöra kunŋan ambazip jöpaköm enŋiba maljawi, yaŋön mönö Anutubuk qekötahöba kiniga Anutunöŋ yaŋgö uruŋe lapingöba malja. ¹⁷ Mewö malinga köŋgörököm neŋgiiga Anutugö urukalemŋan urunini kokolak qeiga aködamu-ninambuk maljin. Nini Kraistkö tandök ewö gölme kusukŋi kiaŋgöreŋ maljin. Mewö maljinaŋgöra aka Anutugö jimtekötekö nalö ketane Kraistkö jeŋe aŋgota miangöreŋ awösamakakak aka tamehök kinbin.

¹⁸ Anutunöŋ jöpaköm neŋgiiga kinda öne töhön keŋgötnini mötpinbuk. Siŋgisöndok ambazip yeŋön Anutunöŋ siŋgisöndok-ŋinaŋgö likepŋi melen enŋibapüköra keŋgötnini mörakzemö, Anutugö urujöpakŋan urunini kokolak qeiza ewö, mianöŋ mönö keŋgöt mötmöt pakpak yakörim tekömakza. Miangöra kunŋan keŋgötni mörakzawi, yaŋön jöpaköm neŋgimakzawaŋgö könaŋi mi törörök qahö möt teköza.

¹⁹ Yaŋön mutuk jöpaköm neŋgiyöhaŋgöra aka nini urukalem ahakzin. ²⁰ Kunŋan “Anutu jöpaközal,” jizapmö, alaŋi kazik ak waŋgimakzawi, yaŋön mönö munen jiji ambaziwa akza. Miangö könaŋi kewö: Alaŋi eka töndup qahö jöpaköm waŋgiza ewö, yaŋön Anutu qahö eka i mönö denöwö jöpaköm waŋgibawakto? ²¹ Kunŋan Anutu jöpaköm waŋgimakzawi, yaŋön mönö alaurupŋi mewöyök jöpaköm enŋiba malma. Anutunöŋ jöjöpäŋ keuŋi mewö al neŋgiyök. Mewö.

5

Mötnariŋ ambazip neŋön luhut alakin.

¹ Denike yeŋön Jisös möt nariba “Amötqeŋe Tonina akza,” jimakzei, körek yeŋön mönö Anutugöreŋök ahuahu dölökŋi ahuaba malje. Denike yeŋön Iwi jöpakömakzei, körek yeŋön mönö yaŋgö Nahönŋi mewöyök jöpaköm waŋgimakze. ² “Anutugö nahönbörat-urupŋi jöpaköm enŋizin,” jiinga keu miangö ölni mi nanini kewögöra kewöt aŋguba mötzin: Anutu jöpaköm waŋgiba jöjöpäŋ keuŋi tem köla wuatanaŋgömakzin ewö, mönö Anutugö nahönbörat-urupŋi mewöyök jöpaköm enŋimakin. Miangö aiwesökŋi mewö. ³ *Anutu jöpaköm waŋgibingö ölni mi temkölköl. Anutugö jöjöpäŋ keuŋi wuatanaŋgöinga dop kölja. Jöjöpäŋ keuŋi tem kölinga lömbötŋambuk qahö akŋa.

⁴ Anutugöreŋök ahuahu dölökŋi ahuini, körek neŋön ölop yaŋgö jitŋi tem köla gölmeŋö ahakmeme bölöŋi luhut alakin. Anutunöŋ mötnariŋ neŋgiiga miangö qakŋe köuluköinga lök gölmeŋö ahakmeme bölöŋi memba et alök. Luhut albingö köna murutŋi kun qahö

* 4:12: Jon 1.18 * 5:3: Jon 14.15

ahöza. ⁵ Neñön luhut qahö albinak ewö, denike yeñön mönö mi akeak? Jisösnöñ Anutugö Nahönña akzawi, mi möt narizawañön mönö gölmegö ahakmeme bölöñi luhut alakza. Mewö.

Anutunöñ Nahönñañgö keu kewö nañgöba jiyök:

⁶ Jisös Kraistnöñ Anutugö Nahönña akzawi, mi denöwö mötzin? Jisösnöñ oe geiga Jonöñ o melun mem wañgiiga Anutunöñ nalö mianğöreñ keu mi jiiga mötket aka könañgep sepñi mokomangö aiga mianğöreñ qet kun Suepnöhök asuhuiga mötket. Keu onöñ indim mohok asuhuyöhi, miyök qahö. Suep Toñan keu nañgöba jiyöhi, mianğö aiwesökñi mi o aka sep, yahöt mi. Toroqeba Uña Töröñan keu mi jimakza. Yañön keu ölnağö Toñi akzawañgöra aka muney jimangö osimakza.

⁷ Nañgönağö keu karöbut mi mewö mörin ahöza. ⁸ Keu karöbut mienğö aiwesökñini mi Uña, o aka sep. Keuñini mi öröröñ aukñe möringa dop köl teköza. ⁹ Keu jakeñe kañgota nañgönağö ahakzei, mi ölop möt ağan kölakzinmö, Anutugö nañgönağö keuñan mönö ambazip keunini onğita pöwöwöm köhöikñi akza. Anutunöñ Nahönñañgöra “Nani Nahöna!” qeta könañi mewö aukñe nañgöba jiyök. Mianğöra keu mi andö qebinbuk.

¹⁰ Kunñan Anutugö Nahönñi möt narimakzawi, nañgönağö keu Toñan mönö nanñak yağö uruñe maliga yağö könañi ölop möt yaköza. Kunñan Anutu qahö möt narimakzawi, yañön mönö nañgönağö keu Toñi nanñi memba et aliga muney jiji azia ahakza. Anutunöñ keu köñi Nahönñañgöra nañgöba jiyöhi, yañön keu mi qahö möt narizawañgöra mönö Anutu nanñi andö qeba qetalakza. ¹¹ *Anutunöñ keuñi kewö nañgöba jiyök, “Nöñön malmal köhöikñi engimangö jiali, nani Nahönan mönö malmal kömbönañi mianğö kondotkondot Toñi akza.” ¹² Yağö Nahönñambuk maljawañön mönö malmal köhöikñi buña qem ağuba malja. Anutugö Nahönñambuk qahö maljawañön mönö malmal köhöikñi mi qahö buña qem ağuba malja. Mewö.

Malmal köhöikñağö könañi

¹³ Uruñini melenđa Anutu Nahönñañgö qetñi memba möt narimakzei, nöñön kimbi ki engöra ohozal. Malmal köhöikñağö buñaya akzei, inini mianğö könañi törörök möt kutumegöra ki ohozal. ¹⁴ Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yağö jit sihitñağö dop köuluköm wañgibini, yañön mönö köuluknini mi mötma. ¹⁵ Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wañgizini, mi pakpak mönö neñgö buñanina akña.

¹⁶ Kunñan alañi ehi siñgisöndok ahiga mianñön kömup köhöikñağö buñaya qahö akñawi, yañön mönö alañi mianğöra Anutu köuluköiga amöt qem wañgiiga malmal köhöikñe ağanotma. Siñgisöndok Anutunöñ mosötmawañgö dop akeri, keu ki mönö yeñgöra jizal. Tosatñan siñgisöndok aketka mianñön kömup köhöikñağö buñaya akñei, yeñgöra köulukömegöra mi qahö jizal. Qahö. ¹⁷ Ahakmeme bölöñi pakpak mi siñgisöndok akza. Köpösihit tosatñi ahinga mianñön kömup köhöikñağö buñaya qahö akin. Mewö.

Mötnariñ ambazip neñön Anutubuk qekötahöba kinjin.

¹⁸ Denike yeñön Anutugöreñök ahuhahu dölokñi ahugeri, yeñgöreñök kunñan siñgisöndok qahö toroqeba ahakzawi, mi mötzin. Anutugöreñök ahuhahu dölokñi ahuba maljawañön mönö nanñi galöm mem anğuiğa Bölöñağö Toñan i qahö qeraköba mema.

¹⁹ Nini keu ki mötzin: Nini Anutugö buñaya akzinmö, gölme dop yeñön uruñini qahö melenđa Bölöñi Toñağö kukösum bapñe malgetka galöm köl engimakza.

²⁰ Keu ki mewöyök mötzin: Kunöñ öl töhöññi akzawi, nini i möt wañgibingöra Anutunöñ Nahönñi melaiiga eta möt-asa-asari neñgiyök. Kunöñ öl töhöññi akzawi, nini yambuk qekötahöba mohok aka maljin. Öl töhöññi yañön mönö Anutugö Nahönñi Jisös Kraist. Yañön Anutu ölbölñi aka malmal köhöikñağö kondotkondot Toñi akza.

* 5:11: Jon 3.36

²¹ O (koko) gömokurupni, tandö lopionj aka bem muneji tosatjan köpeiba qeraköm enjibepuköra mönö nanjini galöm mem anguba malme. Mewö.

Jongöreŋ Kimbi 2

Jonöŋ Kimbiŋi aliga 2 ahök.

Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumelenŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömnina. Buŋa Kimbigö keu töröpŋi kianŋön jöpaköm aŋgubingöra uru kuŋgum neŋgimakza aka böhi takapulakanŋi yeŋön ambazip kusum eŋgetka keuŋinan sehiba-pukö galöm meme keuya akza.

Buk kiangö bahöŋi bohonŋi 4 mi kewö:

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötŋi bohonŋi 12-13

¹ O ambi sorok!

Anutunöŋ möwölöhöm gihiiga urumelenŋ könagesöurupki galöm köl eŋgiba kinjan. Nöŋön inŋi keu ölnaŋgö dop uru könömnan jöpaköm eŋgimakzal. Nanök qahöpmö, ambazip keu ölni möt kutuzei, körek yeŋön mönö mewöyök inŋi jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal. ² Keu ölnan urunine kinja aka nembuk teteköŋi qahö ahöm öŋgöma. Nöŋön Buŋa keu miangöra aka jöpaköm eŋgizal.

³ Nini keu ölni wuatangöba urunöŋ jöpaköm aŋguba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam neŋgiyohotka luainöŋ malbin.

Urukalem aka keu ölni mi mohotŋe wuatangöme.

⁴ Iwinöŋ urukalemgö jöjöpaŋ keuŋi neŋgiyöhi, miangö dowök göhö könagesöurup tosatŋan keu ölnaŋgö dop ahakmemenŋi aka memba malje. Nöŋön silikŋini mewöŋi ekiga sösongai ketanŋi ak niŋgimakza. Mewö.

⁵ *O wölböt alani ambi ketanŋi, nalö kewöŋe jöjöpaŋ keu ohom gihizali, mi keu dölökŋi qahö. Keu könakönahineyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm aŋguba malbin. ⁶ Jöpaköm aŋguba malbingö keuŋi jizali, miangö ölni kewö: Nini mönö Anutugö jöjöpaŋ keuŋi pakpak tem köla ahakmemenŋi ak memba malbin. Körek eŋön jöjöpaŋ keu könakönahineyök möta malgeri, mi kewö: Inŋi mönö uruŋinan jöpaköm aŋguba malme.

⁷ Isimkakalek ambazipnöŋ Jisös Kraistköra kewö jim miwik-ŋaimakze: “Amötqeŋe Tonan gölme azi silebuk asuhumangö osiyök.” Mewö jim miwikŋaiba tilipqilip aketka eŋololonŋ asuhumakza. Ambazip isimkakalek mewöŋi mi Kraistkö salupŋe kinda tu-arenjoŋ ak waŋgimakze. Ambazip mewöŋi gwötpukŋan lök gölmenŋi gölmenŋi liliköba lanŋ anda kaba malje. ⁸ Neŋön urugö nup meinga ölni uruŋine asuhuyöhi, mianŋön sohoba pömsöm qebapuköra mötzal. Miangöra isimkakalek ambazipnöŋ eŋololonŋ ak eŋgibepuköra mönö galömnini mem aŋguba malme. Mewö malgetka uruŋinaŋgö ölnan qahö sohoiga Kembunöŋ töwaŋini körek eŋgim teköma.

⁹ Kraistnöŋ keu kusum neŋgiyöhi, kunŋan mi qahö qekötahözapmö, mi oŋgita keu toroqeiga lolonqalonŋ jimakzawi, yaŋön Anutuŋi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰ Kunöŋ Buŋa

* 1:5: Jon 13.34; 15.12, 17

keu jömukñi mi qahö memba engören kazawi, injini mönö yangö jölöñi kude jiba miriñine kude örögetka öngöma. ¹¹ Kunñan yangö jölöñi jimawi, yañön mönö bölöñamñangö lömbötñi öroi qakñe öngöiga öröröñ bisimahot. Mewö.

Keu teteköñi

¹² Nöñön engöra keu sehisehiñi ohomangö sihimñi mötzalmö, mi papia sinñe inknöñ ohomangö qahö möta mosötzal. Engören kusuk kaba mesohol köla keu eraum mötpingö mamböta jörömqröm akzal. Aitoñgöbini, nalö miangören köisirik tata eraum möta sösongainini körek ahum teköba urunini kokolak qeiga malbingö mötzal.

¹³ Anutunöñ ambi alagi galöm nupköra möwölöhöyöhi, ambi sorok yangö könagesöurupñan yaizökzökñini algetka göhöreñ kaza.

Jongöreŋ Kimbi 3 Jonöŋ Kimbiŋi aliga 3 ahök. Jim-asa-asari

Buŋa Kimbi kiangö tonji yaŋön nanŋi qetŋi “Jitŋememe kun,” qerök. Yaŋön Kimbi mi urumelen könagesö kungö jitŋememe kun qetŋi Gaius yaŋgöra alök. Gaiusnön urumelen ambazip tosatŋi miri aka nene yuai bauköm enŋiba malök. Miangöra i möpöseim waŋgiyök aka tuaköpek azi kun qetŋi Diotrefes yaŋgöra galöm meme keu jiyök.

Buk kiangö bahöŋi bohonŋi 5 mi kewö:

Keu mutukŋi 1-4

Jonöŋ Gaius möpöseiza 5-8

Diotrefesgö galöm meme keu 9-10

Demitriusgö sösöŋgai keu 11-12

Buk kiangö keu kötŋi bohonŋi 13-15

¹*O wölböt alani Gaius!

Nönön jitŋememe kun aka göbuk keu eraum mötpitköra kaba kimbi ohozal. Nönön keu ölnaŋgö dop urunan jöpaköm gihiba maljal.

² O wölböt alani, göhö uŋagan Anutubuk qekötahöba ölöwahi maljani, mi mötzal. Mewöŋanök sile unditundit mala yuai pakpak miangöreŋ töhötmöriam miwikŋaiba mal-mangöra Anutu köuluközal. ³ Urumelen alaurup tosatŋan göhöreŋök kaba göhö kösohotki kewö naŋgöba jigetka möral, “Göŋön Anutugö keu ölni pöndaŋ wuatangöba aka memba maljan.” Mewö jiget mötpiga sösöŋgai ketanŋi ak niŋgiyök. ⁴ Nöŋgö (koko) gömokurupnan Anutugöreŋ keu ölni wuatangöba aka memba maljei, nönön keu buzup mewöŋi möta önöŋi qahö söŋgaimakzal. Buzup murutŋi kunöŋ sösöŋgai öŋgöŋgöŋi mi qahö öŋgiri mötzal. Mewö.

Jonöŋ galöm azi qetŋi Gaius möpöseiza.

⁵ O wölböt alani, gi urumelen alaurup welen qem enŋiba miangöreŋ pöndaŋ kinda malakzan. Yeŋgöreŋök tosatŋan miri liliköba enŋöreŋ kamakzei, mi köyan köln enŋimakzan. Möt enŋizani me qahö, mi töndup ölöpŋanök bauköm enŋimakzan.

⁶ Gi urugan jöpaköm enŋiba malnöŋi, yeŋgöreŋök tosatŋan ki kaba mötnariŋ kambugö jeŋine könaŋamgi mewö naŋgöba jiget mörin. Miangöra alaurup mewöŋan enŋöreŋ kamei, mi mönö bauköm enŋiba malnöŋga ölop amqeba nup memba könaŋini toroqeba anme. Nup mewöŋi mi Anutugö jeŋe dop köln waŋgimawaŋgö dop toroqeba memba malman. ⁷ Yeŋön Kraistkö buŋaya akzeanŋöra aka nanŋini miriŋini mosöta liliköba qetbuŋaŋi jim sehimakze. Nup mewö memba urumelenŋö kopa ambazip yeŋgöreŋök nene yuai kun qahö memakze. ⁸ Miangöra Jisösgö alaurup neŋön naninök alaurup mewöŋi köln öröba naŋgöm enŋiinga dop kölna. Nini nup bahöŋi mi memba mianön keu ölnaŋgö Tonji mohotŋe welen qem waŋgiinga keuŋi ölnan sehimakŋa. Mewö.

Diotrefes ewö akanbukö galöm meme keu

⁹ Nönön mötnariŋ kambu enŋöra kimbi kun ohoyal. Mi ohoyalmö, Diotrefes jitŋememe azi yaŋön sutŋine galöm bohonŋi malmangö sihimŋi mötzawi, yaŋön mönö mem-sepçemsep aka keunaŋgö kezap qahö ala nesampurek ak neŋimakza. ¹⁰ Mian-göra nönön enŋöreŋ kabilenak ewö, mönö yaŋgö ahakmemeŋi bölöŋi mi aukŋe jibiga kewö mötme: Yaŋön neŋgöra luasö keu muneŋi andönöŋ qeŋe jimakza aiga keu jijiyök qahö ahakza. Qahö! Urumelen alaurupnini miri lilik nup memakzei, yaŋön mi qahö köln

* 1:1: Apo 19.29; Rom 16.23; 1 Kor 1.14

öröm enġimakza aka alaurup tosatnjan köl öröm enġibingö mötzei, yañön i anġön köl enġiba mötnarip kambuñineyök utal enġiiga yaigep erakze.

¹¹ O wölböt alani! Gi ahakmeme bölöñi qahöpmö, ahakmeme ölöñi mia mönö wuatangöba malman. Denike yeñön ahakmeme ölöñi aka memba maljei, yeñön Anutugö nahön böraturupñi akze. Denike yeñön ahakmeme bölöñi aka memba maljei, yeñön Anutugö könañi qahö möt kutuba sel yaigepñe malje.

¹² Demitrius azi miangö könañi mi ölöñi. Alaurup körekñan mewö jimakze. Keu ölnangö Tonjan nanñak mi mewöñanök nanğöba jimakza aka neñön toroqeba yangöra keu öröröñ jimakzin. Neñön keu jimakzini, mi keu öl töhöññi akza, mi mötzan. Mewö.

Yaizözkök keu teteköñi

¹³ Nöñön göhöra keu sehisehñi ohomangö sihimñi mötzalmö, mi kirifi aka inknöñ ohom gihimangö dopñi qahö möta mosötzal. ¹⁴ Nöñön ösumok göhöreñ kaba gekñangö mamböta jörömqöröm akzal. Aitonğöbini, nalö miangöreñ ölop mesohol köl anğuba keukeu eraum mötpin.

¹⁵ Anutunöñ luai qem gihiiga malman!

Mötnarip alaurup ki maljei, yeñön yaizözkökñini algetka göhöreñ kaza. Göñön mewöñanök urumelen alaurup göbuk kinjei, mi nanñik nanñik yaizözkökñini jinöñga mötme!

Judagören Kimbi Judanöŋ Kimbiŋi alök. Jim-asa-asari

Juda mi Jisös aka Jeimsgö munŋi. Tosatŋan “Kraist möt narizin,” jiba keu gonŋonji ambazip kustum sohom engiba malgeri, Judanöŋ yengöra aka galöm meme keu ohoyök. Buŋa Kimbi ki töröptökŋi. Keuŋi mi 2 Pitö 2 keu miangö dop. Judanöŋ Kraistkö alaurupŋi neŋgö urunini kewö kuŋguyök, “Anutunöŋ nini nalö dop möt naribingöra mötnariŋ neŋgiiga könagesöurupŋi akzini, eŋön mönö mötnariŋŋinan sehiba köhöimapköra toroqeba bim qeba malme.”

Buk kiangö bahöŋi bohonŋi 4 mi kewö:

Keu mutukŋi 1-2

Böhi sohoboho yengö könaŋini aka jimteköteköŋini 3-16

Toroqeba pöndaŋ möt naribingö jimkutukutuŋi 17-23

Kötumötuet keu 24-25

¹ *Juda bisop Jeimsgö munŋi nöŋön Jisös Kraistkö welenni qeba urumelenj alaurup embuk keu eraum mötpingöra kaba kimbi ohozal.

Anutu Iwinöŋ engohola uru könömnŋan jöpaköm engii Jisös Kraistnöŋ sel jöhöm engiiga malje.

² Anutunöŋ mönö ak kömumba urukalemŋi kelenmalelenj engiiga luainöŋ malme. Mewö.

Buŋa keu möwököwöramgö galöm meme keu.

³ O wölböt alaurupni! Anutunöŋ amöt qem neŋgiiga letota mohotŋe Suepkö buŋaya akzini, nöŋön miangö keuŋi jim tuariba ohom engimamgö sihimni ketanji möta malal. Mala malbi lömböriiga toroqeba mambötmamgö osizal. Miangöra ohoba uruŋini kewö kuŋgum engizal: Anutunöŋ mötnariŋkö keu kembanganj pakpak mi ambazip sarakŋi neŋön memba galöm kölinga qahö utekömapköra ali buŋanina akza. Miangöra böhi takapulakanj tosatŋan Buŋa keu lolonqaloŋ akepuköra mönö böŋ kinda bim qeba malme.

⁴ Ambazip tosatŋan möndöba urumelenj kambu sutŋine ölöŋ ölölöngöba kanŋotketka könaŋamŋini gonŋonji mi aukŋe qahö asuhui malje. Anutunöŋ ambazip mewöŋi yengö keuŋini lök mönöwök jim teköiga ohogetka sihibölöŋinan qakŋine öngö-mamgö akza. Anutuninan keuŋi ala kalem möriamŋangö könaŋi ölnja indelakzapmö, ambazip aŋgöjörakŋinambuk mienön mönö nanŋini sero namböŋnamböŋini turumegöra aka kalem möriamgö keuŋi mi möwököwöramgöba möŋaqöŋaigetka bölimakza. Mewö aka nanine Ketanŋamnini mohot Jisös Kraist Kembu ak neŋgi-makzawi, i qaŋ köla andö qemakze.

⁵ *Injini keu pakpak mi lök nalö köröpŋi möt teköba maljemö, töndup galöm meme keu ki ölum engubapuköra kunbuk kewö jim gulim engimamgö mötzal: Kembunöŋ könagesöurupŋi Ijpt kantrinöhök meköm engiiga kagetmö, könaŋep tosatŋan nalö kunöŋ qahö möt narim waŋigetka mi köndenmöndenj ak engii ayuhuget. Galöm meme keu mi engöra aka kunbuk jizal.

⁶ Mewöyök Anutunöŋ Suep garataurupŋi jakömbuak tohoŋini al engiiga malgetmö, yengörenök tosatŋan urukönöp aka keu bapŋe qahö anda nanŋini jakömbuak tohoŋini galöm köl engibingö urumohot qahö aka selŋini kösököget. Qeŋetal akerangöra aka Anutunöŋ i aköm engiiga jakömbuak mirinŋini mosöta etket. Etketka “Nalö ketanje keuŋini jim tekömam,” jiba tapepnöŋ (muŋgamuŋga) gwaröhöba pandaman uruŋe al engiiga tata kotkera nalö teteköŋi qahö tat öngöme. Galöm meme keu mi engöra aka kunbuk jizal.

* 1:1: Mat 13.55; Mak 6.3 * 1:5: Eks 12.51; Jan 14.29-30

⁷ *Tandök mohot mianjôn Sodom, Gomora aka miri tosatñi liliköba tatkeri, yengören asuhuyök. Ambazip mienjôn mewöñanök serowilin aka silegö sihim kömböñanini möwöramgöba tandökñi kun kewö aket: Azi nanñirök ambi nanñirök amimba malget. Mewö malgetka Anutunöñ likepñini melenj engiiga könöp jitñi teteköñi qahö engohoi sihimbölö möta mala kota malme. Mewö mala böhi takapulakanj yengö galöm mem angubingö kaisöpsöpnina ahakze.

⁸ Ambazip takapulakanj mienjôn mönö nalö kewöñe tandök mohot mewöñanöhök ahakze. Jeñini melenjini imutimutñini lanj eka mianjörenj möndöba wuatangöba nanñini silenjanjgö malmalñini mem böliba kölköljinjin miwikñaimakze. Mewö mianjôn Anutu jijiwilit aka jimongot jim wanjiba kukösumñi memba et alakze. Mewö aka Suepkö bem suahö ambazip asakmararanjambuk euyangörenj maljei, yengöra uruqeçe keu töhöreñ jim engimakze.

⁹ *Mewö ahakzemö, Suep garata bohonñi qetñi Maikel yanjôn mewöyök mewö akñangö lömböriba osiyök. Maikelnöñ Mosesgö qamötñanjgöra Bölöñanjgö Tonjambuk angururuk aka möndöm-kösök ahök. Mi aka öngöba erökmö, töndup uruqeçe keu töhöreñ mi jim teköm wanjimangöra awösamakak qahö miwikñaiiba osiyök. Osiba kewöyök jim wanjiyök, “Kembunöñ mönö mindin-göm gihima.”

¹⁰ Maikelnöñ mewöyök mi osiyökmö, ambazip sohoboho mienjôn mönö silenjini memba öngöba Buja keu qahö möt kutumakzemö, töndup mianjöra uruqeçe keu töhöreñ lanj jimakze. Tönpin mala sömbup soñ ewö lanlanj malje. Mötkutukutunñi ölni qahö asuhuiga sömbup malmalgö sihimñini korembinñi miyök mörakze. Nanñini sihim mötmötñini gonjonmanjonni mienjôn mönö köndenj engigetka ayuhume. ¹¹ *Anutunöñ böhi takapulakanj mienjögö likepñi melenj engiiga sihimbölö ketanñi mötmeanjgöra wölköba Yei! jizal. Ambazip sohoboho mienjôn azi Kein (Kain) yanjögö könanñi mötöteiba anakze. Könanjep kerök azi kembu kunöñ azi qetñi Balam töwa wanjiiga Israel ambazip tilipköm engiiga janjunj anget. Böhi takapulakanj mienjôn Balamgö silikñi wuatangöba monen miwikñaiibingöra urukönöp möta yuai ilinölanj ak bibihiba lanj sohomakze. Azi qetñi Kora yanjôn Moses aka Aron tuarenjonj ak etkiba köndenmondenj miwikñaiiga ayuhuyöhi, böhi mienjôn mönö Kora ewö kezapjupjup aka mala ayuhume.

¹² Urumelej enjôn urukalem kondel angubingöra tokoba lömbuanj algetka takapulaka böhi mienjôn mönö mianjörenj mewöyök kamakze. Kaba dogonñini aukñe kondela nanñinanöhök gumohom anguba bau numbu nemakze. Mewö aka engö sile töwötñini boromñi boromñi gamunjanambuk ewö akze. “Ziozgö lama galöm akzin,” jiba ala engöra qahö mötmöriba kelök keu lanj jimakze.* Kousu omanñi töhöntöhön kienjini qahö mewö malgetka luhutnöñ muwutapköm engiiga lanlanj anda kamakze. Ölni ahumapkö nalöñe ipñi ipñi araronñi ölnjini qahö ewö kinje. Gulun sinñinanök ewö aka mutuk köhömunj aka jalöñini malmal köhöikñanjgö könaneyök qözöla tala kunbuk kömum köhöigetka yahöt aiga köhömunj kötökñi aka malje.

¹³ Yenjôn köwet siri kukñinambuk ewö lanj kundutketka ahakmemenjan gamunambuk mi qölqölsöt gödöwörötñambuk ewö aukñe asuhumakza. Senjelau tosatñan könanñini sinjiba lanj erakzei, yenjôn mönö mianjögö dop janjunj qemakze. Senjelau mienjögö dop eta Anutunöñ yengöra pandaman göjiwinanjgö uruñe miri arengöm engiyöhi, mönö emuyangörenj dutñe geba nalö teteköñi qahö tat öngöme.

¹⁴ *Adamgö sakonñanjgö isinñi qetñi Enok yanjôn mewöyök ambazip takapulakanj mienjögö kezapqetok keunñini qeljinje kewö jii ahöza: “Mötket, Kembunöñ Suep suahö ambazip töröñi tausenñi tausenñi janjögö öngöngöñi ketanñi mi engömemba eta asuhume.

¹⁵ Asuhugetka körek pakpak nenjögö keunini jim teköma. Ambazip angjörakñinambuk

* **1:7:** Jen 19.1-24 * **1:9:** Dan 10.13, 21; 12.1; Ind 12.7; Dut 34.6; Zek 3.2 * **1:11:** Jen 4.3-8; Janj 22.1-35; 16.1-35

* **1:12:** Böhi mienjôn törom ewö asamböta tatzemö, wanjenjan yanjörenj qaköba jömgöbapak. * **1:14:** Jen 5.18, 21-24

yeñön ahakmeme aᅅgöjörakᅅambuk wuataᅅ-göba siᅅgisöndokᅅini aᅅgöjörakᅅinambuk aka kotkeri, mi pakpak kewöta mianᅅgö likeᅅᅅi melenᅅ enᅅiiga körek yeᅅgö qakᅅine öᅅgöma. Pinjit ambazip aᅅgöjörakᅅinambuk mienᅅön keu jenöᅅ gege gamuᅅambuk mianᅅön Anutu jim qetal waᅅgiba kotkeri, mianᅅgö likeᅅᅅi pakpak melenᅅ enᅅiiga siᅅimböläᅅini möta malme.” Enoknöᅅ galöm meme keu mewö jiyök.

¹⁶ Böhi sohoboho mienᅅön jimoneᅅot aka sesekᅅai ewö ihururuk laᅅ jim aᅅgumakze. Nanᅅini siᅅim kömbönaᅅini böläᅅi wuataᅅ-göba terenᅅqerenᅅa silenᅅini memba öᅅgöba jakbak-öraᅅböraᅅ ahakze. Ambazip tosatᅅi göda qeba kelök enᅅuze ewö, mi yuai melenᅅda nanᅅine enᅅimegö siᅅimᅅi möta kelewele ahakze. Mewö malje.

Galöm meme aka qambaᅅ keu tosatᅅi

¹⁷ Mewö maljemö, wölböt alaurupni, Kembunini Jisös Kraistkö aposolurupᅅan böhi takapulakaᅅi yeᅅgö keuᅅini lök qelᅅiᅅe jiget ahöza. Inᅅini yeᅅgö keuᅅini mi ölum enᅅubapuköra galömᅅini mem aᅅguba malme. ¹⁸ *Aposol yeñön enᅅöra keu kewö jiget, “Jisösgö kaka nalöᅅan töriiga nalö teteköᅅe mianᅅöreᅅ mepaqepaik ambazip asuhume. Yeñön nanᅅini siᅅim kömbönaᅅini böläᅅi wuataᅅgöba malmal aᅅgöjörakᅅambuk malme.” Mewö jiget.

¹⁹ Ambazip takapulakaᅅi mienᅅön mönö sutᅅine urujujul ak enᅅigetka simbisembel akeᅅuk. Uᅅa Töröᅅan qahö söläöhöm enᅅiiga gölmegö siᅅim kömbönaᅅi böläᅅan galöm kölä enᅅiiga mi wuataᅅgömakze. ²⁰ O wölböt alaurupni, Anutunöᅅ mötnariᅅ qainᅅi kun enᅅiyöhi, mianᅅön mönö tandöᅅini bohonᅅi öᅅgöᅅöᅅi ewö akza. Enᅅön mönö mötnariᅅ mianᅅgö qakᅅe kinda naᅅgöm aᅅguba köhököhöi miwikᅅaimakᅅe. Uᅅa Töröᅅan inahöm enᅅimakzawaᅅgö dop mönö yaᅅgö ösumnöᅅ kinda köuluköba malme. ²¹ Anutunöᅅ jöpaköm enᅅimakzawi, inᅅini mönö yaᅅgö urukalemᅅe böᅅ qeba kinme. Kembunini Jisös Kraistnöᅅ ak-kömükömu enᅅiba kunbuk asuᅅuba malmal köhöikᅅe aᅅgota oyaenᅅoyaen malme. Inᅅini mönö nalö mi kam kuᅅgumapköra kapaᅅ köla mamböta malme.

²² Ambazip uruᅅini melenᅅbingö uruyahöt akzei, mi mönö ak kömumba urukalem ak enᅅiba malme. ²³ Tosatᅅan köᅅöp bölämnöᅅ an taköbingö tandök akzei, i gebepuköra mönö wölaᅅ öroba bohonᅅini jöhöm enᅅigetka letotpeak. Tosatᅅan siᅅim kömbönaᅅini böläᅅan galöm kölä enᅅiiga qemasolokeᅅ maljei, i mönö ak kömumba jöpaköm enᅅiba malme. Mewö malmemö, nanᅅini malmalᅅinan bölibapuköra mönö keᅅgötᅅini möta malme. Qemasolokeᅅ yeñön siᅅgisöndokᅅi siᅅgisöndokᅅi aketka mianᅅön uruᅅini silenᅅini kokolak qeiga aukᅅe töwiba maljei, yeᅅgöra mönö galömᅅini mem aᅅguba malme. Kölköljinᅅin akeᅅuköra mönö opo söroᅅini töwötᅅinambuk mi tok sisitᅅini memba kude misirime. Mewö.

Möpömöpösei keu

²⁴ Mönö Anutu möpöseimakin. Yaᅅᅅön inᅅini tala et enᅅuba-puköra sel jöhöm enᅅimamgö köhöiza. Yaᅅᅅön öläᅅ enᅅuaᅅgita nanᅅi je mesoholᅅe al enᅅii aᅅgota solanᅅi keuᅅini qahö kinda asakmararaᅅi eka söᅅgaiba köiraᅅ köla malme. ²⁵ Anutu mohotᅅan Amötqeqe Tonini akza. Kembunini Jisös Kraistnöᅅ nam kölä neᅅiiga Anutu möpöseim waᅅᅅiinga qetᅅi aködamuᅅambuk aka ahöma. Yaᅅᅅön möᅅᅅaᅅgö möᅅᅅeyök könahiba kota Öᅅgöᅅgöᅅ-ᅅamnini kukösumᅅambuk akza aiga nalö kewöᅅe toroqeba yuai pakpak ösum-mumuᅅan galöm köla nalö teteköᅅi qahö Kembu ak neᅅᅅiba malma. Keu mi öläᅅa.

* 1:18: 2 Pitö 3.3

Indelindel keu Kraistnöŋ keu tölapŋi Jongöreŋ indelök. Jim-asa-asari

Jisösnöŋ gölme mosöta Suep mire öngöiga yambu 65 miangö dop teköiga aposol Jonöŋ Kimbi ki ohoyök. Nalö miangöreŋ urumelen könagesö Jisös möt narigeri, i sesewerowero ketanji ak engiget. Jon mi gölme jölanŋi qetŋi Patmos miangöreŋ al wanŋigetka kösö mire ewö tarök. Patmos maliga Anutunöŋ jenŋi melenŋiga yuai könaŋgep asuhumapkö imutŋi ehök.

Keu bohonŋi kewö: Jisösnöŋ Satan aka kerökurupŋi pakpak luhut ala memba et al engim teköma. Mewö aka mötnarip ambazip kötuetköm nenŋiiga Suep dölökŋi aka gölme dölökŋi miangöreŋ anŋota teteköŋi qahö oyaenŋoyaen malbin. Sesewerowero uruŋe malgeri, yeŋön lömböt möta mökösoŋda Jisös möt nariba pöndaŋ böŋ qeba kinmegöra kuŋgum enŋimakza. Jisösnöŋ keuŋi keuŋi mewöŋi jim kutuba indeliga Jonöŋ möta Kimbi ki ohoyök. Mi urumelen ambazip urunini nanŋömamgöra aka ohoyök. Söpsöp keu aka keu tölapŋi mi gwötpuk. Keu tosatŋi möt kutubingö möt bibihizin.

Buk kiangö bahöŋi bohonŋi 11 mi kewö:

Keu mutukŋi 1.1-8

Zioz kambu 7 yeŋö kimbiŋini 1.9-3.22

Kimbi köpep supap 7:ŋan jöjöhöŋi 4.1-8.1

Tömun qainŋi kun 7 uget 8.2-11.19

Sekak namŋi aka jemnemba yahöt 12.1-13.18

Jemelen imutimut könaŋi könaŋi 14.1-15.8

Anutugöreŋ irimesewöl qambi 7 mokoget 16.1-21

Babilon siti, jemnemba, kezapqetok takapulakanŋi aka Satan yeŋö ayuayuhu 17.1-20.10

Jimtekötekögö nalö ketanŋi 20.11-15

Suep gölme dölökŋi aka Jerusalem dölökŋi 21.1-22.5

Keu kötŋi teteköŋi 22.6-21

¹ Anutunöŋ yuai könaŋgep zilaŋ asuhumawi, miangö könaŋi nup memeurupŋi nenŋöra kondel nenŋimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenŋeŋeŋi Jon nöŋgöreŋ kaba jiiga möral.

² Jisös Kraistnöŋ Anutugöreŋ Buŋa keu nanŋöba jim asariba kondel niŋgiiga Jon nöŋön yuai mi jeni melenŋiga uba ehali, mi pakpak miangö dop toroqeba nanŋöba jim asariba ohozal. ³ Kunŋan kezapqetok keu ki oyoŋmawi, yanŋön mönö simbawoŋ akza. Jisösgö kaka nalöŋan töriza. Miangöra kimbi kiangöreŋ keu ohoi ahözawi, ambazip mi kezap ala mötmei aka mi möt sölöŋöba anŋön kölmei, yeŋön mewöyök simbawoŋ akze. Mewö.

Jonöŋ Eisia prowinsgö zioz kambu 7 yeŋö jölöŋini alök.

⁴ *Jon nöŋön Eisia prowinsgö zioz kambu 7 enŋöra kewö ohozal:

Kunöŋ mal köhöizawi, möpŋanŋö möpŋeyök mala koröhi, aka kunbuk lilingömawi, yanŋön mönö kalem möriam enŋiiga luainöŋ malme. Mewöŋanök Anutugö uŋa bohonŋi 7 yanŋö jakömbuak dum wösöŋe kinjei, yeŋön mönö kalem möriam enŋigetka luainöŋ malme.

⁵ *Jisös Kraistnöŋ Anutugö könaŋi pöndaŋ nanŋöba jim asariba mala mutukŋa kömupnöhök wahörök. Yanŋön gölmegö kinŋ kembu yeŋö Kembuŋini akza. Yanŋön mönö sepŋan sanŋonŋa siŋgisöndoknineyök pösat nenŋiba jöpaköm nenŋimakza. ⁶ *Yanŋön nini

* 1:4: Eks 3.14; Ind 4.5 * 1:5: Ais 55.4; Sum 89.27 * 1:6: Eks 19.6; Ind 5.10

nannj bemtohone ala mem letot nenjiiga kin ewö akzin. Buja nup galömurupni (prist) aka nannj Iwi Anutuñangö welenni qemakzin. Nenjon yangö qetbuñani aka kukösumni möpöseininga nalö teteköni qahö aködamunñambuk ahöm öngöma. Keu mi ölna.

⁷ *Eket, Kraistnön mönö kousu uruñe eta kama! Kamawi, nalö miangören nini körekmakörek i jeninan uba ekin. Börö marömni qetohogeri, yenjon mönö mewöyök i ekñe. Ambazip kambuñi kambuñi gölme dop tat anjini, nenjon mönö i eka körekmakörek yangöra aka jinñeñ köla amburereñ akin. Keu mi ölbölna, uruyahötñi kun qahö.

⁸ *Kembu Anutu mal köhöizawañon kewö jiza, “Nönjon mutuhök mala (yuai pakpak miwikñaiba könangep jiba qahöwahiga) qöndökña mal öngömam. Miangö dop nönjon kulem namni mutukni A aka kulem namni qöndökni Z akzal.” Nönjon kukösum pakpakö Tonji möpñangö möpñeyök mala kota maljal aka kunbuk lilingömam. Mewö.

Suep gölmegö azi ölnangö tandökni kewö ehal:

⁹ Jon nönjon engö urumeleñ neñakñini akzal. Kraistpuk qekötahöbiga nannj bemtohone al ninjiiga ambazipnön sihimbölo ak ninjigetka wahöjalij mörakzal. Mi embuk möta mökösonda kapan köla köhöiba kinjal. Anutugöreñ Buja keu jim sehiba Jisösgö könani nangöba jim asariba malalangöra nömemba köwet jölanñi qetñi Patmos* miangören al ninjiget malal. ¹⁰ Kembugö sonda kendon tatat nalö kunön Uña Töröñan nömeiga alburup umumñan qakne öngöiga andöneyök qet ketani kun möral. Qet kourukni mi tömun qainñi kun (biugel) qetzawi, miangö tandöktandök ahöyök.

¹¹ Qet mianjon kewö jiyök, “Öroyuai uba ekñani, miangö keuñi mönö kimbi köpepnön ohoman. Ohoba alnönnga zioz kambu 7 yengöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹² Keu mewö jiiga ötöni mörali, “Mi danön?” jiba eka mötmamgöra lilingöyal. Lilingöba kinda lambegö dum tatat goulñon memenji 7 kingetka ehal. ¹³ *Lambegö dum tatat miengö sutñine azi kun ekiga kaisongolomñan gölme azigö tandök ahök. Malukuñi köröpni köla öröiga köna susuñe eta turuyök. Opo johan manñihilakni goulñambuk mi örigit ewö töptöpñe embahöm anguba kinök.

¹⁴ Nöröp jupñan tuat lalamni kousu köpköp (snow) ewö ahök. Lama jupni sanñongetka tuarizawi, mönö miangö dop ehal. Jekötñan könöp bölam ewö jem asariiga kinök. ¹⁵ Köna susuñan sösonihiba gohotni ahök. Ain bras könöpnön ala delasi ohogetka jeiga gögöriñ tohomakzawi, mönö miangö dop kölköl-bilikbilikñambuk ahöyök. Keu jii mörali, mi o ketanjan sianön giliga ötöni ketani mörakzini, mönö miangö dop ahöyök. ¹⁶ Böröni ölnan senjelau 7 memba kinök. Numbuñeyök bimgö sou ketani (bainat) jityahötñi likelike zuluk alalñan erök. Jemesoholñan wehön jeni körek asarim tekömakzawañgö dop asariiga ehal.

¹⁷ Nönjon i eka uruni duhui yangö könane tala eta kömup tandök ahöyal. Mewö ahöbiga böröni ölnan nönjö nöröpne ala kewö jiyök, “Mönö keñgötki kude mötnön! Nönjon mutuhök mala (yuai pakpak miwikñaiba könangep jiba qahöwahiga) qöndökña mala öngömam.

¹⁸ “Nönjon malmal Tonji akzal. Kömumba malmal mö, mötnön, nönjon mönö guliba wahöta malmal köhöikni teteköni qahö mal öngömam. Nönjon kömupkö kondotkondot Tonji galöm köla kömupkö uñem miri Tonji onñgita kin moröni memba maljal. ¹⁹ Miangöra yuai nalö kewöñe asuhuzawi aka könangepñe asuhumawi, nönjon miangö könani kondelbi ekñan.

* **1:7:** Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 * **1:8:** Ind 22.13; Eks 3.14 * **1:9:** Patmos mi köwet jölanñi moröni (Yurop aka Afrika) Sutñire Köwet miangören ahöza. Efesus mosöta Saut göröken 80 kilomita anman. Rom gawman yenjon kegwek-kahasiliñ ambazip keuñini jim teköba közöla enñuanñigetka miangö kösö mirinön malget. Ölöñ kölböngö osiget. Gölme mi qararankölkölña, kötni sehisehñi. Jonön yengö sutñine maliga sisa-kin Nerwagö nalöñe (yara 96-98) pösatketka erök. * **1:13:** Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

Yuai ekñani, mi mönö papianöñ ohonöñga ahöma. ²⁰ Senğelau 7 böröni ölnje ahözei aka lambegö dum tatat goulñöñ memenji 7 ekzani, mienğö könañini tölapñi kewö: Senğelau 7 mi zioz kambu 7 mienğö garata galómñinañğö söpsöp akze. Lambegö dum tatat goulñöñ memenji 7 mienğön mönö zioz kambu 7 mienğö söpsöp akze.” Mewö.

2

Efesus urumelen könağesö yenğö qambañ keu

¹ Jisösnöñ toroqeba jiyök, “Jon göñön mönö Efesus sitigö zioz kambu yenğö pom garatañinañğöra kimbi kewö ohoman,

“Kunöñ böröñi ölnjan senğelau 7 memba lambegö dum tatat goulñöñ memenji 7 mienğö sutñine anda kaba kinakzawi, yañön keu kewö jiza: ² Nöñön göhö ahakmemegahö könañi möt kutubi kewö ahöza: Göñön nöngöp ariba nupni köhöikñanök memba malakzan. Anğösirip kapañ köla möta mökösoñda malakzan. Ambazip gonğonji yembuk ala qahöpmañöp aka ölnja qepureiba közöl enğimakzan, mi mötzal. Tosatñan melaimelai azi aposol qahö aka tøndup qetñini mewö qerakzei, göñön i esapesapnöñ ala kewöt enğinöñga munen jijiñinañğö könañinan aukñe asuhuyök.

³ “Tosatñan nöngö qetnañğöra aka kahasililij ak gihigetka sihimbölö kapañ köla möta mökösoñda malnöñ. Ösumeret ölan qahö aka malnöñmö, yuai pakpak möt kösoñda kinda malnöñ, mi mötzal. ⁴ Mewö malnöñmö, urugahö keu kun kewö mötñi qahö dop kölja: Mutuhök urugi melenja öñöñi qahö jöpaköm niñgiba malnöñmö, urugan mönö sörauiga nalö kewöñe amöriba maljan.

⁵ “Mutuhök urusösöñgai ketañi möta malnöñmö, miangöreñök löwöriba eta eta amöriba et qeba maljan. Gi mönö nangi könañi mi mötmöriba möt kutuman. Miangöra mönö urugi melenjan. Mutuhök urumelenğö yuainji akñöñi, mönö miangö dop kunbuk suariba akñan. Urugi siñgisöndok miangöreñök qahö melenjan ewö, nöñön mönö göhöreñ kaba lambegö dum tatatki qeköbiga urumelen könağesö Efesus miangöreñ kunbuk qahö ahöma. ⁶ Et guhuyökmö, göhöra kewö mötñi ölöwakza: Göñön Nikolait yenğöreñ ahakmemenji tököba uru öñön ahakzan. Nöñön mewöñanök mi tököba miangöra uru öñön ahakzal.

⁷ * “Enğöreñök kunñan kezapñambukñöñ malja ewö, Uña Töröñan zioz kambuñi kambuñi neñğöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak onğita luhut almawi, nöñön mönö i wañgitpiga Anutugö oyaenköyaen nupnöñ (paradai) euyañğöreñ öngöba malmal köhöikñanğö ip aumñe tata kötñi namba malma.” Mewö.

Smörna urumelen könağesö yenğöreñ qambañ keu

⁸ * “Smörna sitigö zioz kambu yenğö pom garatañinañğöra mönö kimbi kewö ohoman,

“Kömumba guliba mal köhöizawañön mutuhök mala (yuai pakpak miwikñaiba könañgep jii qahöwahiga) qöndökña mal öngömawi, yañön keu kewö jiza: ⁹ Göñön wahöjalij möta etqeqeñi akzani, mi mötzalmö, Anutugö jene qetbuñagan öngöñğöñi aiga simbawon akzan. Tosatñan Juda ambazip qahö aka tøndup qetñini mewö qerakzei, yenñon mepaqepaik aka andö qem gihigetka anğösirip mörakzani, mi mötzal. Yenñon ‘Köuluk miri ölnji akzin,’ jiba aiakanñan Satan möpöseimakze.

¹⁰ “Sihimbölö möta malmanmö, miangöra kenğötki kude mötman. Mötnöñ, Bölöñanğö Tonan esapesapnöñ al enğimangöra ambazip kuñgum enğiiga enğöreñök tosatñi enğömembra kösö mire al enğime. Anğösirip ak enğime, iñini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöikñanğö ila jalöñi enğimam.

¹¹ * “Enğöreñök kunñan kezapñambukñöñ malja ewö, Uña Töröñan zioz kambuñi kam-

* **2:7:** Jen 2.9; Ind 22.2; Eze 28.13; 31.8 * **2:8:** Ais 44.6; 48.12; Ind 1.17; 22.13 * **2:11:** Ind 20.14; 21.8

bunji nenğora keu jimakzawi, yañon mönö mi kezap ala möt kutuma.

“Kunñan esapesap bölöni pakpak onğita luhut almawi, yañgö silenjan kömuiga mohot akñapmö, kömup yahötñi qahö kömumba geñmororon qahö miwikñaima.” Mewö.

Pergamum urumelen könagesö yengö qamban keu

12 “Pergamum sitigö zioz kambu yengö pom garatanjanğora mönö kimbi kewö ohoman,

“Kunöñ bingö sou ketani (bainat) jityahötñi likelike zuluk alalni memba maljawi, yañon keu kewö jiza: 13 Göñon malmal tatatki denike ala maljani, mi mötzal. Satanön nanjak jakömbuak dum tatatñi ali ahözawi, gi mönö miangö kösutñe malakzan. Töndup nöngö qetni memba nömbuk toroqeba qekötahöba kinakzan. Satangö malmal tatatñi Pergamum siti miangören ahöiga Antipas yañon nöngö könanamni nanğöba jiba jembon onji nene (qariwe ilikñi nene) ewö kinökmö, i engö sutñine miangören qeget kömuyök. Göñon ni möt narim niñgimazani, keu mi nalö miangören mewöyök qahö köyatiba qan kölön.

14 * “Mewömö, urugahö keu moröni kun kewö mötppi qahö dop kölja: Göhö könagesö sutñine tosatñan kezapqetok azi takapulakani qetni Balam yañgö janjunbuk mala wu-atanğömakze. Kantri tosatñi yenön nene memba tandö lopion yengö naluk kötin buña qeba könanine algetka ösumñinan walöñnöhi, Israel ambazipnöñ mi qahö nezema. Mutuk qahö negetmö, Balamnöñ azi qetni Balak kewö kusum wañgiyök, ‘Gi mönö Israel ambazip mi nemegöra tutuhum engiman.’ Mewö kusuba kuñgum engiba simba ewö utuba alöhi, yenön mönö miangören qaköba amqeba neget aka serowilin lañ aket. Engörenök tosatñan Balamgö mötmöt mi wuatanğömakze.

15 “Mewöñanök göhö könagesö sutñine tosatñan Nikolait yengören mötmöt munenji memba wuatanğömakze. 16 Miangöra gi mönö urugi melenman. Mewö qahö akñan ewö, nöñon mönö zilañ göhören kaba könagesöurupki mewöni mi qetal engimam. Numbune bingö sou ketani (bainat) ahözawi, miangön mönö yarö gil engimam.

17 * “Engörenök kunñan kezapñambuknöñ malja ewö, Uña Töröñan zioz kambunji kam- bunji nenğora keu jimakzawi, yañon mönö mi kezap ala möt kutuma.

“Kunñan esapesap bölöni pakpak onğita luhut almawi, nöñon mönö nene tölapñi qetni mana aka köt tuatñi wañgimam. Yahöt mi wañgibiga köt tuatñi miangören qetni dölokñi ohogetka ahömawi, mi nanñök oyonnda mötma. Tosatñan mi qahö mötme.” Mewö.

Taiataira urumelen könagesö yengö qamban keu

18 “Taiataira sitigö zioz kambu yengö pom garatanjanğora mönö kimbi kewö ohoman:

“Anutugö Nahönñangö jekötñan könöp bölam ewö jem asariiga köna susuñan sösonihiba ain bras ewö kölköl-bilikbilikñambuk akzawi, yañon keu kewö jiza: 19 Nöñon göhö ahak- memegahö könanji möt kutubi kewö ahöza: Göñon Anutu jöpaköba möt narim wañgiba nupñi memakzan aka anğösirip kapan köla möta mökösonda malakzan. Könakönahine yuai aka menöni, mi mönö nalö kewöñe mem sehiba aka memakzan.

20 * “Mewö memakzanmö, urugahö keu kun kewö mötppi qahö dop kölja: Göñon ambi qetni Jezebel yambuk urumohot aka i qahöpmahöp qepureim wañgimakzan. Yañon kezapqetok ambia qahö akzapmö, töndup nanñi qetni mewö qerakza. Yañon ambazip tutuhuba kewö kusum engimakza: Tandö lopiongö naluk kötin neneya buña qeba könanine algetka ösumñinan walöñnöhi, mi mönö ölop nembra malme. Mewö kusum engiba nup meme alaurupni kuñgum engiiga löwöriba janjun anda mi nemakze aka serowilin lañ ahakze. 21 Nöñon Jezebel uruñi melenmapköra nalö wañgialmö, serowilinni mosöta uruñi melenmapkö qahö möta töndup malja.

* 2:14: Jan 22.5, 7; 31.16; Dut 23.4; Jan 25.1-3 * 2:17: Eks 16.14-15; 16.33-34; Jon 6.48-50; Ais 62.2; 65.15 * 2:20: 1 Kin 16.31; 2 Kin 9.22, 30

²² “Miangöra nöñön ambi mi qeiga kawöl yöhöiga salöknöñ ahöba sihimbölö mötma. Mewöyök yambuk sero yoñgorö ahakzei, yeñön ahakmemeñini bölöñi mi qahö mosöta uruñini melenme ewö, nöñön mönö i mohot engubiga sihimbölö kanjamñambuk mötme.

²³ *Yañgö nahönböraturuñi i mönö engum köñjöratpi kömume. Mewö akiga zioz köñagesö körek eñön engeka nöñgö köñani kewö möt yaköme: Nöñön ambazip urumötmötñini kewöta jit aka urusihimñini körek möt kömumba ahakmemeñinañgö dop likepñi melenja körek mohot mohot engö qakñine öñgöma. Nöñönök mönö miangö Tonji akzal.

²⁴ “Yeñgöra mewö asuhumapmö, Taiataira engöreñök tosatñan Jezebelgö mötmöt areñi mi qahö wuatangömakze. Mewö qahö aketka engöra mepaqepaik kewö aka jim engimakze, ‘Inini mötmöt öñgöñgöñangö köñani qahö möt kutuba yaigep malje.’ Mepaqepaik mewö jiba ak engimakzemö, Satangö buña mötmötköra qet mewö qerakze. Nöñön zioz kambu körek engöra kewö jibi mötme: Nöñön lömböt kun qahö suariba albi engö qakñine öñgöma. ²⁵ Inini Buña keu memba maljei, mönö miangöreñ qekötahöba malme. Nöñön kunbuk lilingömamañgö dop mönö mia wuatangöba malme.

²⁶ * “Kunñan esapesap bölöñi pakpak oñgita luhut ala kömumawañgö dop mönö töndup jitni tem köla ahakñawi, nöñön i kukösum wañgibiga kian kantriñi kantriñi galöm köñ engiba malma. ²⁷ Iwinan kukösum niñgiiga mi buña qem anguba Kembu maljal. Mewöñanök engöreñök kunñan luhut almawi, nöñön i jakömbuak nupkö ilanji aka ain öröpñi wañgimam. Mi wañgibiga miangön gölmeñi gölmeñi ambazip galöm köñ engiba köhöikñanök mindingöm engiba malma. Gwaköm kimbut öröpnöñ qeba qesinjei, yañön mönö miangö dop qegetal ambazip öröp pöwöwöm köhöikñi miangön enguba köñdenja mendeñ engiiga qeqelanlan malme. ²⁸ Mewöyök söñangö undi senjelau wañgimam.

²⁹ “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

3

Sardis urumelen köñagesö yeñgö qambañ keu

¹ Jisösnöñ toroqeba kewö jiyök, “Sardis sitigö zioz kambu yeñgö pom garatañinañgöra mönö kimbi kewö ohoman,

“Kunöñ Anutugö uña bohonñi 7 aka senjelau 7 mi böröñe ahöi memba maljawi, yañön keu kewö jiza: Nöñön göhö ahakmemegahö köñani möt kutubi kewö ahöza: Göñön ambazip jeñine guliba maljanañgö qetñi bisimakzanmö, Anutugö jeñe köhömuñi akzan.

² Miangöra mönö imbigi möta wahötman. Göhö ahakmemegan nöñgö Anutunañgö jeñe aködamunñambuk qahö akza. Göhö köñanangki kewöta mewö miwikñaijal. Göhö köñagesö uruñe urumelen ambazip tosatñi kunbuk maljemö, yeñön mewöyök kömum taköbingö akze. Miangöra göñön mönö mem köhöim engiba malman.

³ * “Anutugö yuai gihigetka buña qem anguba mötnöñi, mi mönö urukönömge jöhöba mötmöriman. Buña mi mönö tem köla urugi melenman. Guliguli qahö malman ewö, nöñön mönö yoñgorö meme ewö ölöñ kaba asuhumam. Kamamañgö aua nalöñi qahö mötnöñga keunan mönö zilañ qake öñgöiga lömböt miwikñaiman. ⁴ Mewömö, Sardis zioz kambu engö sutñine ambazip awamdökñi eñön opo söñöñini ölöpñanök galöm köñgetka töwötñambuk qahö akze. Miangöra yeñön ölöp maluku tuatñan silenine löngöta nömbuk anda kaba malme. Yeñön mönö mewö aka malmeañgö dop akze.

⁵ “Kunñan esapesap bölöñi pakpak oñgita luhut almawi, yañgöra mönö maluku tuat lalamñi wañgigetka köla malma. Yañgö qetñi malmal köhöikñangö buk papianöñ ohoget ahözawi, nöñön mi qahö kutumam. Iwinañgö jemesoholñe angoriga Suep garataurupñan eketka qetñi ölöp aukñe jim miwikñaim engimam.

* **2:23:** Sum 7.9; Jer 17.10; Sum 62.12 * **2:26:** Sum 2.8-9 * **3:3:** Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8

⁶“Engörejök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Filadelfia urumelen könağesö yeñgö qambañ keu

⁷ *⁷“Filadelfia sitigö zioz kambu yeñgö pom garatañinañgöra mönö kimbi kewö ohoman,

“Kunöñ Azi Töröñi aka Ölbölñi aka kiñ Deiwidkö ki moröñi memba galöm köla maljawi, yañön keu kewö jiza: Yañön nanğu metaliga kunñan mi köla kiñi memangö osima. Yañön mi köla jöhöiga kunñan mi musulmamgö osima. ⁸ Nöñön göhö ahakmemegahö könañi ölop möt kutuzal. Alani mötnöñ, göhö ösumgan eretñi akzawi, mi mötzal. Eretñi akzawmö, göñön mönö nöngö Buña keuni tem köla könañi wuatanañgöba qetni qahö qañ köla malnöñ. Mianğöra nöñön nanğu kun wösöge metalbiga kunñan mi kölmamgö osima.

⁹ *⁹“Mötnöñ, kambu kun yeñön ‘Köuluk mirininambuk akzin,’ jiba aiakanñinan Satan möpöseimakze. Juda ambazip qahö aka töndup qetñini mewö qeta munen jimakze. Nöñön ambazip mi kuñgum enğibiga göhö könañamgi möt asarime. Mi möt asariba kaba göhö könage sipköba eta jöpaköm gihimakzali, mi aukñe jim miwikñaima. ¹⁰ Nöñön kapañ köla lömböt möta mököşöñda kin köhöimangö jiali, göñön nöngö jimkutukutuni mi anğön köla wuatanañgöba malnöñ. Mianğöra nöñön mewöyök gi kewö anğön köl gihimam: Wahöjalin nalö tandökñi kun kaba kantriñi kantriñi dop köla gölmenöñ mal anjei, mi esapesapñöñ al enğima. Nalö mianñön kam kuñguiga nöñön gi wahöjalin mianğöreñök meköba bohongi jöhömam.

¹¹ “Nöñön mönö zilañ lilingöba kamam. Kunñan utum gihiba ila jalö memene luhut al ghibapuköra mönö urugö inap ahöm gihizawi, mi mönö töp memba malnöñga qahö sohoba kahaimök ahöma. ¹² *¹²“Kunñan esapesap bölöñi pakpak onğita luhut almawi, nöñön mönö i wañgita nöngö Anutunangö möpömöpösei jike (tempöl) uruñe kuñgubiga tandöñi akña aka nalö kunöñ mi kunbuk qahö mosötma. Mianğöreñ maliga sileñe nani Anutunangö qetñi, Anutugö sitiñangö qetñi aka nani qetni dölökñi qet karöbut mi ohomam. Anutunan Jerusalem sitiñi dölökñi mi nanñi mire euyanañgöreñ ali ahözawi, mianñön Suepnöhök eta gölmenöñ asuhuma.

¹³ “Engöreñök kunñan kezapñambukñöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Laodisia urumelen könağesö yeñgö qambañ keu

¹⁴ *¹⁴“Laodisia sitigö zioz kambu yeñgö pom garatañinañgöra mönö kimbi kewö ohoman,

“Kun qetñi Amen. Yañön Anutugö keuñi pöndañ nanğöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yañön keu kewö jiza: ¹⁵ Nöñön göhö ahakmemegahö könañi möt kutubi kewö akza: Urugi qahö amöriza aka nöngö könöp bölamnan uruge qahö jemakza. O urugan amöribawak me könöwibawak, mianñön mötpi dop kölbawakmö, jöñañe malnöñga qahö dop kölja.

¹⁶ “Kun me kun dop kölbawakmö, urugan borom kun könöpkönöp aiga könöpkan qahö jezawi me uruamöt qahö akzani, mi qahö dop kölja. Könöp aka amöt sutñire uruyahötnöñ lañ maljanañgöra mönö numbuneyök söwötköm ghibi geman. ¹⁷ Nangi silegi mem öñgöba kewö jimakzan: Nöñön azi kindinbirik qetbuñanambuk akzal. Sukinap mem sehiba dopne miwikñaiçal. Siyoñsayoñi qahö mala yuai kungöra qahö osizal. Mewö jimakzanmö, könañamgi öñi qahö möt kutuzani, mi kewö: Göñön mönö kumkanjam aka tapötkokorok (dabökörök) malnöñga tosatñan wösömötmöt ak gihimakze. Wanapñi mala jegi gömöliiga tiktauk sile aukñe malakzan.

* **3:7:** Ais 22.22; Job 12.14 * **3:9:** Ais 49.23; 60.14; 43.4 * **3:12:** Ind 21.2; Ais 62.2; 65.15 * **3:14:** Qam 8.22

18 “Miangöra qamban keu kewö gihizal: Göñön nöngöreñök yuai karöbut ki söngöröñi meman: Azi kindinbirik qetbuñagabuk akñangöra mönö goul könöpnöñ delasi ohoba gödöwörötñi mendenget sösonihiba eta qahöwahöhi, mi mönö bohonñi meman. Sile aukne malakzani, miangö gamuñi közambötmangöra mönö maluku tuatñi bohonñi memba löngötman. Jegi gömölizawi, miangöra mönö jepisik kelök mi bohonñi memba jegi törörök umangöra miriman. 19 *Nöñön wölböt alaurupni jöpaköm engimakzali, mi körek bölöñamñinañgöra tembula jim engiba mindinçindiñ ak engimakzal. Ölöwakñegöra mewö ahakzal. Miangöra gi mönö jaulalañ mosöta urugi melenđa sinçisöndoki andö qeba malman.

20 “Mötnöñ, nöñön nañgunöñ qeba kinjal. Kunñan nöngö keu imbini möta uru nañguni musulmawi, nöñön mönö yañgö miri uruñe öñgöba yambuk tatpi yañön nömbuk köisirik tata mohotne nene nembit.

21 “Nöñön esapesap bölöñi pakpak oñgita luhut ala Iwinan noañgiri yañgö jakömbuak dumne eta qöhöröñe tatzal. Miangö dop kunñan esapesap bölöñi pakpak oñgita luhut almawi, nöñön mönö i wañgitpiga nöngö jakömbuak dumne eta qöhöröñe tatma.

22 “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

4

Jeni melenñiga kunöñ Suep jakenöñ tariga ehal.

1 Miangö andöñe jemelen kunbuk asuhuiga Suep miri nañguni kun añañiiga ehal. Ekiga imbi mutuk tömun çainñi kun (biugel) ewö keu jiiga mörali, yañön mönö suariba kewö jiyök, “Gi mönö kewö kotnöñga andöñe yuai asuhumawi, mi kondel gihimam.”

2 *Mewö jiiga miangöreñök Uña Töröñan nömeiga alburupñan çakne öñgöiga yuai kewö ehal: Suep miri uruñe jakömbuak dum ahöiga kunñan miangöreñ tarök. 3 Taröhi, yañgö jemesoholñangö asakñan mönö eröknam me jamönjin qetñi jaspö aka wale bönbönñi me köt qetñi karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönjin qetñi emerald ewö miangön jakömbuak dum mi lökñanök liliköba töñgönñi göröhibi ahöyök.

Dum bohonñi liliköba dum 24:ñan tatze.

4 Jakömbuak dum tosatñi 24 mienöñ dum bohonñi mi liliköba tatketka miengö çakñine Anutugö jitñememeurup 24 tatket. Yenön malukuñini tuat lalamñanök öluñ geiga nöropñine goul ila jalö kunduta tatket. 5 *Dum bohonñi miangöreñök wöl bilikbilik jesöñgö asariiga giñgurururur asuhuiga imbi wölpöndañgö ötöñ kourukñi ewö möral. Dum bohonñangö wösöñe tos kiwa asakñi 7 jeba asariba kinget. Kiwa 7 mi Anutugöreñ uña bohonñi 7 akze. 6 *Mewöñanök jakömbuak jake wösöñe yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñinambuk melenđa asarimakzei, mönö miangö dop asariyök. Jake bibiñe dum liliköba bem jembon 4 kinget. Andöñini aka wösöñini mi jeñinanök dop köliga kinget.

7 Bem jembon mutukñan laion sömbup ewö ahök. Alañan bulmakau aziñi ewö ahök. Alañiri kungö kaisoñgolomñi mi azi jesöñgöröñangö tandök ahök. Alañini 4:ñan tukapkap bölbölgömakzawañgö tandökña ahök. 8 Bem jembon 4 mohot mohot yençö giñginñini 6 pakpak ahöm engiyök. Silenñini lökñanök aka giñginñini bapñe mewöyök jekötñinanök dop köl engiiga kinget. Kinda sunçem silim liñet kewö çörörök kölakze, “Kembu Anutu kukösum pakpakö Toñi göñön mönö töröñi aka töröñi aka töröñanök akzan.

* 3:19: Qam 3.12; Hib 12.6 * 4:2: Eze 1.26-28; 10.1 * 4:5: Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 * 4:6: Eze 1.5-10, 22; 10.14; Eze 1.18; 10.12; Ais 6.2-3

Malmal Tonji göñön mönö möpñangö möpñeyök mala kota maljan aka kunbuk lilingöba asuhuba mal öñgöman.”

⁹ Bem jembon 4 mienñön mönö mewö möpömöpösei liñet kölakze. Kunöñ jakömbuak dumnöñ kinda nalö teteköñi qahö mal öñgöba malmawi, i aködamun qetbuña al wañgiba saiwap jimakze. ¹⁰ Mewö ahakzeangö dop Anutugö jitñememe 24 mienñön eta kun jakömbuak dumnöñ tatzawi, yañgö jeñe simin köla sipkömakze. Kunöñ nalö teteköñi qahö mal öñgöba malmawi, yañgö waikñi memba möpöseim wañgimakze. Möpöseim wañgiba ila jalöñini qeköba jakömbuak dum wösöñe ala kewö jimakze,

¹¹ “O Kembu Anutunini, göñön öröyuai pakpak miwikñaim enñinöñ. Göhö jitsihitkan nam köl enñiiga letota malmal miwikñaiaba malje. Mianğöra aködamun qetbuña mi al gihiba saiwap jim gihimakzin. Göñön mohotñan mönö möpöqöpösei pakpak anğön kölmananğö dop akzan.” Mewö.

5

Lamanöñ Anutugö böröñeyök kimbi köpöp meyök.

¹ *Mianğö andöñe kimbi köpöp kun ekiga jakömbuak dumnöñ tatzawañgö böröñi öññe ahöyök. Kimbi mianğö sinñi mi likeplikep lökñanök kulemöhök ohoba köpeiba sapönöñ ala muñgem supap (sil) ^{*} 7:nöñ köla mekötahögetka ahöyök. ² Mewöyök Suep garata ösum-mumuñambuk kun ekiga köhöikñanök qeta buzup keu kewö qesiba jiyök, “Dañön sarak sorokñi aka ölöp kimbi köpöp kianğö muñgem supapñi (sil) munjurata kötulmawañgö dop akza?”

³ Mewö jiyökmö, Suepnöñ, gölmenöñ aka kömupkö uñem miri mianğöreñ körekmakörek engegetka kunñan kun mi mutula kulemñi ekñawañgö dop qahö ahök. ⁴ Kunñan kun sarak sorokñi aka kimbi mi mutula kulemñi ekñawañgö dop qahö miwikñaiageri, mianğöra nöñön gwötpuk sahöt böliäl. ⁵ *Sahöt bölibiga Anutugö jitñememe yeñgöreñök kunñan nöñgöra keu kewö jiyök, “Mönö kude sahötnöñ. Mötnöñ, Juda kambunöhök Deiwidkö gwölönarökñi kun ahuba laion sömbup ewö aka Bölöñangö Tonji luhut ala malja. Yañön mönö ölöp köhöiba kimbi köpöp kianğö muñgem supapñi (sil) 7 mi munjurata kötulma.”

⁶ *Mewö jiiga Lama moröñi ekiga jakömbuak dum bibiñe bem jembon 4 mienğö sutñine kiniga Anutugö jitñememe yeñön liliköm wañgiget. Lama moröñi mianñön mönö qeget kömuyöhañgö tandökña kinök. Ilikñi 7 aka jekötñi 7. Anutunöñ uñaurupñi bohonñi 7 melaim enñiiga gölmegö ambazip pakpak yeñgöreñ anda maljei, jekötñi 7 mi mönö yeñgö söpsöpñina akze. ⁷ Lama moröñi mi ekiga kaba kimbi köpöp supapñambuk mi jakömbuak dumnöñ tatzawañgö böröñi öññeyök meyök. ⁸ *Mi meiga bem jembon 4 aka Anutugö jitñememe 24 mienñön mönö mianğöreñök Lama moröñangö wösöñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñan köulukögetka Anutugöreñ öñgömakzawi, mianñön mönö jiniñ ohohogö dop aiga wörönñi umköhöwakñambuknöñ öñgöba pukpukömakza. Wörön mewöñan mönö goul qambiniñi kokolak qeiga kinget. ⁹ *Simin köla liñet dölöknji kewö köla jiget,

“Göñön qainñi kun akzan. Gi guhugetka kömumba sepki mokoba mianñön ambazip bohonñi memba enğömenöñ.

Ambazip mi bem isikñinañgö dop, keu jöl jijiñinañgö dop, kambuñinañgö dop aka kantriñinañgö dop. Göñön mönö mienğöreñök tosatñi enğömenöñga Anutugö buñaya akze.

* **5:1:** Eze 2.9-10; Ais 29.11 * **5:1:** Kantri tosatñe kimbi ohoba esunöñ ala sapö memba kunñan mi kötulbapüköra aka muñgem supapñöñ kölakze. Kunñan muñgem supap (sil) mi lan munjurata kulemñi yongorö oyoñbawak, mi mönö miwikñaigetka keubuk akña. Kimbi toñanök mi galöm kölakza. Miri mi ki namñi ala misiin gemakzapmö, kimbi mi muñgem supapñöñ jöhömakze. * **5:5:** Jen 49.9; Ais 11.1, 10 * **5:6:** Ais 53.7; Zek 4.10 * **5:8:** Sum 141.2

* **5:9:** Sum 33.3; 98.1; Ais 42.10

Miangöra göjön mönō sarak sorokņi aka kimbi köpēp supapņambuk memba muņgem supapņi (sil) mutulmanangō dop akzan.

¹⁰ *Yeņōn Anutugō buņaya aketka kusum eņgiba kuņgum eņginōņga bemtohoņgahō kiņ kembu kambu aka jike nup galōmurupņi akze. Yeņōn Anutuninanangō nupņi memba mala gōlme dop ambazip galōm kōl eņgiba mal oņgōme.”

¹¹ *Liņet mewō kōla jigetka mōta toroqēba uba Suep garata jaņgōņini tausēņi tausēņi aka milyōņņi milyōņņi mi eņgeka liņet kourukņini mōral. Yeņōn jakōmbuak dum kōsutņe kindā bem jembon 4 aka Anutugō jitņememe 24 mi lilikōm eņgiba liņet kōlget. ¹² Liņet kōhōikņanōk qeta kewō kōlget,

“O Lama morōņi qeget kōmuyōhi, yaņōn mönō sarak sorokņi aiga Anutunōņ osum-mumu aka tōhōtmōriam waņgiiga dopņe akza.

Mōtkutukutu oņgōņgōņi aka kukōsum pakpak buņa qeiga dopņe akza. Sarak sorokņi aiga ölöp qetbuņa pakpak waņgiinga asakmararaņ buņa qeiga möpōseim waņgizin.”

¹³ Mewō kōla möpōseigetka liņet kambu kun kewō mōral: Anutunōņ malmalbuk mi-wikņaim eņgiyōhi, mienōn mönō kōrekmakōrek liņet kōlgetka mōral. Suepnōņ maljei, gōlmenōņ maljei, kōmupkō uņem mire aka kōwet qakņe maljei, mienōn mönō kōrek numbuņini mindiriba liņet kewō kōlget,

“Jakōmbuak dumņe tatzawi aka Lama morōņi neņōn iniri möpōseim etkizin.

Kōtuet Toņi etkō qetbuņaņiri jim qarimakzin. Nalō dop asakmararaņ etkiinga kukōsum Toņi mi tetekōņi qahō mal oņgōmahot.”

¹⁴ Mewō kōlgetka bem jembon 4 mienōn “Keu mi ölna,” jiget. Jigetka Anutugō jitņememe yeņōn eta dapkōba simin kōla Anutu waikņi memba möpōseim waņgiget. Mewō.

6

Lama morōņan muņgem supap mohot mohot munjuratza.

¹ Mewō mōta yuai kewō asuhui ehal: Lama morōņan kimbi köpēp supapņambukō muņgem supapņi (sil) 7 miēņgōreņōk mutukņi munjurata kōtulōk. Kōtuliga bem jembon 4 yeņgōreņōk kunņan keu kewō jiyōk, “Mōnō asuhuba kanōņ!” Keuņi mi wōlpōndaņ tandōk ewō kōhōikņanōk qeri mōral. ² *Mewō jiiga mōta miāņgōreņōk hos tuatņi kun asuhuiga ehal. Hos miāņgō qakņe azi kun timbiņambuk tari tosataņ ila jalō waņgigetka nōrōpņe kōlōk. Mi kōla yarōnōņ luhut ala malōhaņōn mönō kunbuk hos qakņe yarōnōņ luhut almangōra anōk. Mewō.

³ Lama morōņan muņgem supap (sil) yahōtņi munjurata kōtuliga bem jembon yeņgōreņōk yahōtņi yaņōn keu kewō jii mōral, “Mōnō asuhuba kanōņ!” ⁴ *Mewō jiiga miāņgōreņōk hos kun sileņi pisikņi somabōlambuk asuhuiga ehal. Azi kun hos miāņgō qakņe tarōhi, Anutunōņ mönō i yom karim gili luai qahōwakņapkö kukōsumņi waņgiyōk. Mi waņgiiga gōlmenōņ aum aņgōhōba kōmumegōra kuņguiga ambazip uru mem wahōt eņgimawaņgō kukōsumņi miwikņaiyōk. Mi miwikņaiiga bingō sou keta bōlōkņi waņgigetka memba anōk. Mewō.

⁵ *Lama morōņan muņgem supap (sil) karōbutņi munjurata kōtuliga bem jembon yeņgōreņōk karōbutņi yaņōn keu kewō jii mōral, “Mōnō asuhuba kanōņ!” Mewō jiiga miāņgōreņōk hos injaņi kun asuhuiga ehal. Azi kun hos miāņgō qakņe tarōhi, yaņōn inapkö lömbōtņi kewōtpingō dop ipņi (skeil) mi bōrōņan memba tarōk. ⁶ Mewō tariga bem jembon 4 yeņgō sutņineyōk kunōņ keu jiiga kourukņi tandōk ewō kewō mōral, “Silim mohotkō tōwaņi (Kina 5) miāņōn ölöp 1 kilogram wit flaua me 3 kilogram bali flaua mi bohōņi meman. Tōndup nenegō oil ip aka wain kōsō nup mi mönō kude mem bōlime.” Mewō.

* 5:10: Eks 19.6; Ind 1.6 * 5:11: Dan 7.10 * 6:2: Zek 1.8; 6.3, 6 * 6:4: Zek 1.8; 6.2 * 6:5: Zek 6.2, 6

⁷ Lama moröñan muñgem supap (sil) 4:ñi munjurata kötuliga bem jembon 4:ñan keu jiiga kourukñi kewö möral, “Mönö asuhuba kanöñ.” ⁸* Mewö jiiga miangöreñök hos kun silenji gohotgohot aka kaukaunambuha asuhuiga ehal. Hos miangö qakñe taröhañgö qetñi mi kömupkö kondotkondot Tonji. Yangö kösutñe kömupkö uñem miri Tonjan mewöñanök i wuatangöba kayök. Gölme mendengetka bahöñi 4 ahöiga mienjöreñök kungö ambazipñi mi galöm köl enjibitkö kukösumñi mi Anutunöñ etkiyök. Kukösum mi etkiiga ösumñiran gölmegö ambazip bahöñi mi kewö mem kömum enjiyohot: Tosatñan sou ketanjan (bainat) auba kömuget. Tosatñan bödinöñ kömuget. Kawöl kanjamñambuknöñ tosatñi enjömeiga kömuget aka tosatñi mi gölmegö sömbup kalñi mienjön enjöhögetka kömuget. Mewö.

⁹ Lama moröñan muñgem supap (sil) 5:ñi munjurata kötuliga miangöreñök Anutugö ambazip tosatñi enjugetka kömugeri, yengö uñanini engehal. Yenön Anutugö Buña keunji angö köla nanjöba jim sehiba malgerangöra enjugetka kömumba alta bapñe ahöget. ¹⁰ Euyangöreñ ahöba köhöikñanök kewö qetket, “O Kembu kukösum Tonji, göñön diñdiñi aka ölbölñi akzan. Miangöra mönö nalö dawik mambörin teköiga miangöreñ gölmegö ambazipñi kewöt enjiba keunji jim teköman? Neñön gi welen qem gihiinga neñjugetka sepninangö kitipñi mi mönö wani nalönöñ melenñonga qakñine öngöma?”

¹¹ Mewö jigetmö, maluku tuatñi köröpñi mi mohot mohot yengöra köl enjiget geiga Anutugö jimkutukutu kewö enjigetka mötket, “Inini mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka inini ewö mewöñanök enjugetka kömume. Yenön kömugetka janjö alali, mianjön dopñe aiga nalö miangöreñök mönö enjegeri, yengö keunji jim teköman.” Mewö.

¹²* Lama moröñan muñgem supap (sil) 6:ñi munjurata kötölöhi, mi uba ehal. Mi munjurata kötölöhi, nalö miangöreñ kenöñ tandökñi sohosohöñi gilök. Wehön jeñan böuktutuk ala injan köla wösöbirikö malukuñi sanjöp ewö (meme jupñan memenangö tandök) aiga söñauyök. Köiñ jeñan melenña lökñanök pisihiba sep ewö ahök. ¹³* Mewö aiga sengelau suepnöñ ahözei, mienjön mönö gölmenöñ etket. Newañ kötni gohoriba tatketka luhut köhöikñan qeba utuköba mumburatiiga erakzei, mönö miangö dop buratiba gölmenöñ tata pilpil etket.

¹⁴* Mewö etketka suep ehakzini, mianjön mönö ayapköyök. Kimbi köpep köpeigetka öröba anakzawangö dop mönö wölakzak öröba anda ayapköyök. Mi ayapköiga kundunji pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵* Mewö asuhuiga gölmegö kiñ kembuñi kembuñi, azi jembonñi jembonñi aka suahö galömñi galömñi mienjön mönö ölöñ köla asambötket. Ambazip kindinbirik qetbuñaninambuk, ambazip kukösumñinambuk mi mönö körek kök ala asambötket. Nanñini nupñini memakzei aka toñinangö welenñini öne qemakzei, mi mönö körek pakpak banjet, kötn kinimñi aka kundunangö sem sianji jaruba miangöreñ asambötketka engehal. ¹⁶* Miangöreñ asamböta kundunji Tonji aka sem sia Tonji engehola kewö uletket, “Inini mönö kundunji jim tekögetka buaköba kaba turum neñjiget. Jakömbuak dumñe tatzawanön jemesohol köl neñjibapuköra aka Lama moröñangö irimsesewölñan neñjubapuköra mönö jim tekögetka közamböt neñjiget.” Mewö uletket. ¹⁷* Yetkön irimsesewölñiri aukñe kondeljahori, miangö nalöñi ketanjan mönö kam kuñguba ahöza. Mi kunñan kun mesohol köla kinmawangö dop qahö. Mewö.

7

Israel ambazip 144.000 mi Anutunöñ asö köl enjima.

* **6:8:** Eze 14.21 * **6:12:** Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 * **6:13:** Ais 34.4 * **6:14:** Ind 16.20 * **6:15:** Ais 2.19, 21 * **6:16:** Hos 10.8; Luk 23.30 * **6:17:** Joel 2.11; Mal 3.2

¹*Miangö andöñe Suep garata 4 engekiga gölmegö wangömñi 4 miangören kinget. Yeñön gölmegö luhut Tonji bohonñi 4 mi jöhöm engiba angön kölget. Luhutnön gölme qakñe me köwet qakñe lañ gilbapuköra me ip kunñan qebapuköra mönö Tonji 4 mi böröñinan memba jöhöba kinget. ²Anutunön Suep garata 4 mi gölme aka köwet könden engibingö kukösumñi engiiga gölme wangömñine kinget. Mewö kingetka engehiga Suep garata kunön wehön kotkotñeyök asuhuba wahöri ehal. Yeñön malmalgö Tonji Anutugö muñgem asö öröpñi galöm köla kaba Suep garata 4 yeñgöra köhöikñanök qerök.

³Qeta keu kewö jiyök, “Inini mönö gölme me köwet mi zilañzilañ kude könden etkime aka ip mi kude ayuhum engime. Mi qahöpmö, mönö mambötkeka mutuk zilañök Anutuninañgö muñgem asöñi mi nupñi memakzei, yeñgö mesoholñine mekötahöm engibin. Mi mutuk kösöba mekötahöm engiingun andöñe mi ölop könden da ayuhume.” ⁴Mewö jiiga Anutugö muñgem asöñi mi Israel ambazip tosatñi yeñgö mesoholñine kösöm engiget. Kunön yeñgö jañgöñini jiiga kewö möral: Israel ambazip kambu 12 pakpak miengörenök mindiriba ambazip 144.000 mi kösöm engiget.

⁵Israel kambu mohot mohot miengörenök 12.000 mewö mewö kösöm engiget. Juda kambugö 12.000, Ruben kambugö 12.000, Gad kambugö 12.000, ⁶Aser kambugö 12.000, Naftali kambugö 12.000, Manase kambugö 12.000, ⁷Simeon kambugö 12.000, Liwai kambugö 12.000, Isakar kambugö 12.000, ⁸Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm engigetka mindiriba 144.000 ahök. Mewö.

Oyaenköyaen malmeañgö kambu ketañi ehal.

⁹Miangö andöñe kambu jitñi buburatiñi jañgöñini kude oyoñoyongö dop mi ehal. Ambazip mi kambuñinañgö dop, bem isikñinañgö dop, kantriñinañgö dop aka keu jöl jijiñinañgö dop tokoba jakömbuak dum aka Lama moröñi yetkö wösöñire kinget. Miangören kindi maluku köröpñi tuatñi köteköm anguget geiga böröñinan nip sinñangö böröñi memba kinget. ¹⁰Mi memba kindi köhöikñanök qeta kewö jiget, “Anutuninan jakömbuak dumñe tatzawi aka Lama moröñi yetkön mönö mem letot neñgiyohotka oyaenköyaen akzin.”

¹¹Mewö qeta jigetka Suep garata pakpak yeñön jakömbuak dum kösutñe areñnön kindi Anutugö jitñememe aka bem jembon 4 mi liliköm engiget. Mewö kindi jakömbuak dum wösöñe bamgöba eta simin köla Anutu waikñi memba möpöseim wangiget. ¹²Anutu möpöseim wangiba kewö jiget, “Keu mi ölña! Anutu gi mönö kötuwet, asakmararañ aka mötkutukutu öngöñgöñangö Tonji akzan. Neñön gi möpöseim gihiba qetbuñagi jim qarimakzin. Anutunini, göñön ösum-mumu aka kukösum Tonji akzan. Neñön nalö dop mewö jim köhöininga Tonji mi teteköñi qahö mal öngöba malman. Keu mi ölña!”

¹³Mewö möpöseiba jigetka Anutugö jitñememe yeñgörenök kunñan kewö jiba qesim niñgiyök, “Ambazip maluku köröpñi tuatñi löngöta kinjei, mi danön? Mi mönö denikeyök kaba mewö tokoba kinje?”

¹⁴*Qesim niñgiiga kewö melen wangial, “O ketanami, mi nöñön qahö mötpiga nangok mötzan.” Mewö melen wangibiga jitñememe yeñön kewö jii möral, “Kahasililiñ keta bölökñangö sutñeyök kotkeri, yeñön mönö mia akze. Lama moröñangö sepñan mönö opo malukuñini sançoñi tuariiga malget. ¹⁵Mewö malgerangöra aka Anutugö jakömbuak dumñi mesohol köla sunñgem silim möpömöpösei jikenje (tempöl) mala Anutugö nupñi memba malme. Mewö malgetka jakömbuak dumñe tatzawañön mönö opo koumñi mörörengöba köl turum engiiga malme.

¹⁶*“Mewö malgetka nalö kunön nenegö me ogö qahö kömume. Wehönön me yuai könöpñambuk kunön mönö qahö engohotirima. ¹⁷*Kewögöra oyaenköyaen malme: Lama

* **7:1:** Jer 49.36; Dan 7.2; Zek 6.5; Eze 9.4, 6 * **7:14:** Dan 12.1; Mat 24.21; Mak 13.19 * **7:16:** Ais 49.10 * **7:17:** Sum 23.1; Eze 34.23; Sum 23.2; Ais 49.10; 25.8

moröñan jakömbuak jake bibiñe tata galöm köl enğiba enğuanğiriga malmal köhöikñanğö o töwatñanğö jeñe anakñe. Anutu nanñak jeñineyök imbilñini pakpak kutuiga teköma.” Mewö.

8

Lama moröñan munğem supap 7:ñi munjuratza.

¹ Lama moröñan munğem supap (sil) 7:ñi munjurata mutuliga Suep miri mianğöreñ kouruk pakpak göröñ ala 30 minitkö dop nöñ qeba ahöyök. ² Mewö asuhuiga Suep garata 7 Anutugö wösöñe kinjei, mi enğekiga kunöñ tömun qainñi kun (biugel) 7 mi böröñine ala enğiyök.

³ *Mi enğekiga Suep garata kun asuhuba jiniñ ohohogö goul qambiñi memba kaba alta kösutñe kinök. Ambazip sarakñi pakpak Anutugö köulukögetka yañön jiniñ altanöñ ohoiga wörönñi umköhōwakñambuk mi köulukñinambuk toroqeba pukpuköba mohotñe öñgöba Anutugöreñ anakza. Goul alta mi jakömbuak dum wösöñe kinjawi, yañön mönō mianğö kösutñe kiniga tosatñan jiniñ mi gwötpuk ohomapköra wañgiget. ⁴ Yañön jiniñ mi ohoiga mianğö köwakñan mönō Anutugö ambazip sarakñi yeñgö köulukñinambuk toroqeba Suep garata yañgö böröñeyök wahöta Anutugö jemesoholñe öñgöget. ⁵ *Suep garata mianñön jiniñ qambi mi memba altanöhök könöp jitñi mei jeiga qambi mianğöreñ uiga kokolak qeiga gölmenöñ gili geyök. Gili geiga mianğöreñök wölpöndañgö göjuñi göjuñi asuhuba giñgururuñ qerök. Wölbilik ösumñinambuk asuhugetka kenöñi kenöñi nalöñi nalöñi meyök. Mewö.

Garata yeñön tömun qainñi kun uget.

⁶ Suep garata 7 tömunñini qainñi kun (biugel) megeri, yeñön mi ubingö jöjöröget.

⁷ *Garata mutukñan wahöta tömunñi qainñi kun uyök. Mi uiga ais kötni aka könöp bölamñi mi kie ewö asuhuba sepuk toroqegetka kunöñ mi mokoiga mohotñe gölmenöñ erök. Mianñön könöpñambuk eta gölme qeiga gölmegö bahöñi karöbutñan jem teköyök. Arökñanğö ipñi miengö bahöñi karöbutñan jem teköget aka gwözözak sinñi görökñi mi körek jeba jem teköyök.

⁸ Garata yahötñi yañön wahöta tömunñi qainñi kun uyök. Mi uiga kunöñ kundunji ketañi könöp jejeñi tandök ewö (wolkeno) yuai mi giliga köwetnöñ geyök. Geba köwet meiga köwetkö bahöñi karöbut miengöreñök kunñan melenđa sep ahök. ⁹ Mewöñanök Anutunöñ köwetkö yuaiñi pakpak miwikñaiiga maljei, mianğö bahöñi karöbut miengöreñök kun mi kömuget aka wañge pakpak miengö bahöñi karöbut miengö likepñini kun mi jömgöba ayuhuget.

¹⁰ *Garata karöbutñan wahöta tömunñi qainñi kun (biugel) uyök. Mi uiga señgelau ketañi kiwa bölamñi ewö tandök jeba suepnöhök teköba erök. Eta köla gölmegö o töwatñi enğuba miengö bahöñi karöbut miengöreñök kun aka o jeñi pakpak mi dop köl enğiyök.

¹¹ *Señgelau mianğö qetñi mi röbek kömbukñambuk. Röbek mianñön eriga onñi onñi miengö bahöñi karöbutñi mi melenđa kömbukñinambuk aket. Kömbukñinambuk akeranğöra aka ambazip gwötpukñan mi nemba kömuget.

¹² *Garata 4:ñi yañön wahöta tömunñi qainñi kun uyök. Mi uiga kunöñ wehön jeñi aka köiñ jeñi mietkö asakñiranğö bahöñiri karöbutñi mi etkuiga bahösapsap ömuñ köla söñauyohot. Mewöñanök señgelau bahöñini karöbutñi enğuiğa melenđa söñauget. Mianğöra silim nalöñanğö bahöñi karöbutñan söñauba pandaman ahök. Mewöñanök suñgemgö asakñan töriiga bahöñi karöbutñan söñauyök.

* **8:3:** Amos 9.1; Eks 30.1, 3 * **8:5:** Lew 16.12; Eze 10.2; Eks 19.16; Ind 11.19; 16.18 * **8:7:** Eks 9.23-25; Eze 38.22 * **8:10:** Ais 14.12 * **8:11:** Jer 9.15 * **8:12:** Ais 13.10; Eze 32.7; Joel 2.10, 31; 3.15

¹³Mewö aiga eu uba tukapkap kun eka mötpiga könakembanje eu bölbölgöba suep bibiñe kutuba kaba köhöikñanök qeta kewö jiyök, “O ambazip gölmenöñ maljei, Suep garata karöbut yeñön mönö toroqeba tömunñini qainñi kun ubingö dop akze. Tömun karöbut miengö kourukñini mötketka lömböt kanjamñambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

9

Suep garata 5:ñan tömunñi qainñi kun uyök.

¹Suep garata 5:ñi yañön tömunñi qainñi kun (biugel) uiga ekiga suepnöhök senjelau kun teköba gölmenöñ erök. Eriga kunöñ ömewöröme yeñgö löm dutñi qahö miangö ki moröñi mi senjelau Tonji mi wañgiyök. ²*Mi wañgiiga öme löm dutñi qahö miangö önunñi musuliga miangörenök köwak ketañi söngok imarurubuk jeba köwak wahörakzawi, mönö miangö dop kundungöba wahöta wehön jeñi eshuba luhut köwaknööhök dop köl teköyök. ³*Köwak miangö uruñeyök gawötñi gawötñi mosöta gölmenöñ kanjotketka Anutunöñ kukösum enjiyök. Kukösum mi skorpion (omeqaqa) yeñgören kukösum tandök ewö ahök.

⁴*Mi enjiiga Anutunöñ kewö jim kutum enjiyök, “Inini mönö gölmegö yuai görökñi gwözözak me ip mewöñi mi kude ayuhum enjimemö, ambazip mesoholñine Anutugö muñgem asöñini qahö miyök mönö mem bölim enjime.” Mewö jim kutum enjiyök. ⁵Anutunöñ gawöt mi kukösum enjiiga ambazip enghöhögetka köiñ 5:gö dop sihimbölö önöñi qahö mötket. Sihimbölö mi skorpion (omeqaqa) azi yöhöiga sihimñi mötzawi, mönö miangö dop. Sihimbölö mewö mötketmö, Anutunöñ anjön köl enjiiga mem kömum enjimeangö kukösumñi mi gawöt yeñön qahö memba öne enghöhöget. ⁶*Ambazip enghöhögeri, yeñön nalö miangören kömumbingö jarumemö, kömup mi qahö miwikñaiba kömumbingö osime. Kömumbingö möta qemjen qememö, kömupkö kondotkondot Tonjan mönö kungen anma.

⁷*Gawöt engekiga mienjön hos yarögöra aködamunñinambuk jöjörömakzei, mönö miengö dop aket. Nöröpñine yuai mundañi goul ewö kölgeri, mi ila jalö tandöktandök ahök. Jemesoholñinan ambazip jemesohol tandök ewö aket. ⁸*Gawöt miengö nöröp jupñini mi gwala ambi yeñgö nöröp jup ewö aket. Gawöt jitñinan laion sömbupkö jitñi ewö aket. ⁹*Göwañgöwañini (töptöp maluku) mi ain suman ewö tandök aket. Ginginñini qegetka ötöñ asuhui mörali, mi kewö: Hos sehisehiñi yeñön yarögö karenji karenji öröba luhuba binnöñ angetka giñgururuñ asuhumakzawi, mönö miangö dop.

¹⁰Daginñini mi skorpion (omeqaqa, anamumu) ewö jitñinambuk aket. Mienjön ambazip köiñ 5:gö dop sihimbölö mötmegöra enghöhögeri, miangö kukösumñan mönö gawöt daginñine ahöm enjiyök. ¹¹Gawöt miengö kiñ kembuñini mi ömewöröme yeñgö löm dutñi qahö miangö garatañi qetñi Ayuayuhu Tonji. Mi Hibru keunöñ Abadon aka Grik keunöñ Apolion.

¹²Yei wözik mutukñi kanjamñambuk mi mewö teköyök. Mötket, miangö andöñe yei wözik yahöt kanjamñirambuk mi mönö toroqeba könañjep asuhumahot. Mewö.

Suep garata 6:ñan tömunñi qainñi kun uyök.

¹³*Suep garata 6:ñi yañön tömunñi qainñi kun (biugel) uyök. Mi uiga Anutugö wösöñe goul alta ahözawi, miangö ilikñi 4 miengörenök kouruk kun kaiga möral. ¹⁴Kouruk miangön Suep garata 6:ñi tömunñambuk yañgöra kewö jiyök, “Anutunöñ garata 4 jöhöba gwaröhöm enjiba o töwatñi ketañi qetñi Yufreitis miangö qöhöröñe al enjiyöhi, mi mönö pösat enjiman.”

* **9:2:** Jen 19.28 * **9:3:** Eks 10.12-15 * **9:4:** Eze 9.4 * **9:6:** Job 3.21; Jer 8.3 * **9:7:** Joel 2.4 * **9:8:** Joel 1.6 * **9:9:** Joel 2.5 * **9:13:** Eks 30.1-3

¹⁵ Anutunöŋ garata 4 mi jöhöm engiba gwarönöŋ tatmegö (yara) yambuŋini, köiŋini, silimŋini aka auanŋini mi törörök arengöm engiiga tatket. Yeŋön nalöŋini mi kam kuŋguiga miangörenök ambazip kantriŋi kantriŋi miengö bahöŋi karöbutŋi mi engubingö jöjöröba tata nalöŋinaŋgöra mambötket. Miangöra Suep garata 6:ŋan altanöhök kouruk möta miangörenök anda garata 4 mi pösat engiyök. ¹⁶ Pösat engiiga yarö kambu keta bölökŋi mi hosŋinambuk asuhuba kaget. Nöŋön jaŋgöŋini mötpiga 200 milyön ahök.

¹⁷ Jemeleŋ miangören azi hos qakŋe tata kageri, miengö kaisongolomŋini ekiga kewö tandök aket: Göwaŋgöwaŋini (töptöpkö ain sumanŋini) mi könöp jit pisikŋi, asoŋi in-jaŋkölkölŋambuk aka gohotŋi salfa könöp köt ewö. Hos miengö kaisongolomŋini engekiga nöropŋini laion sömbupkö nörop ewö aketka numbuŋineyök könöp, köwak aka köt könöpŋambuk qetŋi salfa mi eta kayök. ¹⁸⁻¹⁹ Hos yeŋgö numbuŋineyök könöp, köwak aka könöp köt qetŋi salfa eröhi, mianön mönö ambazipŋi ambazipŋi enguyök. Hos miengö kukösumŋini mi numbuŋine aka dagiŋine ahöyök. Dagiŋini mi mokoleŋ ewö aketka dagiŋinaŋgö kitipŋi mi jitŋinambuk. Kitipŋi jitŋinambuk mienön mönö ambazip ihilek ewö engohotirimakze. Lömböt kanjamŋinambuk karöbut mi mönö gölmegö ambazip pakpak yeŋgö bahöŋini karöbutŋi mi enguiga kömuget.

²⁰ *Lömböt kanjamŋinambuk mienön ambazip tosatŋi qahö enguget kömumba toroqeba malgeri, yeŋön mönö töndup uruŋini qahö melenget. Nanŋini böröŋinan yuai memba waikŋini memba möpöseigeri, miangöra qahö möt bölim anguget. Ömewöröme aka tandö lopioŋ waikŋini memba möpöseim engiengi mi qahö mosötket. Tandö lopioŋ tosatŋi mi goul, silwö me brons ainöŋ memeŋa. Tosatŋi mi köt urasiba me ip söhöba memeŋa. Miangöra tandö lopioŋ mienön yuai eka mötpingö me anda kabingö osimakze. Töndup ambazipnöŋ mi qahö mosötket.

²¹ Mewöyök ambazip enguget kömukömu me sait qarösongo amötqeqe mi qahö mosötket. Mi toroqeba aka memba serowilin aket aka yuai laŋ yongorö memba malget. Miangöra uruŋini qahö melenget. Mewö.

10

Suep garata aka kimbi köpöp moröŋi

¹ Miangö andöŋe Suep garata kukösumŋi ongotongotŋi kun ekiga Suepnöhök kousunöŋ esuhum waŋgiiga erök. Nöropŋi kiam nesilamŋan kutuba liliköba ahöyök. Jemesoholŋi wehön jeŋi ewö aiga könaŋi yahöt mi tandö könöp bölamŋirambuk yahöt ewö jeba kinök.

² Böröŋan kimbi köpöp moröŋi meiga kötökötulŋi ahök. Könaŋi öŋi köwetnöŋ ala qaniŋi mi gölmenöŋ ala kinök. ³ Mewö kinda laion sömbupnöŋ görörökömakzawi, qetŋi mönö miangö dop köhöikŋanök qerök. Qeriga wölpöndaŋgö giŋgururuŋ 7 mienön mönö melenŋa görörököba keuŋini qetketka möral.

⁴ Wölpöndaŋgö giŋgururuŋ 7 mienön qeta keuŋini jigetka mörali, nöŋön mi mönö miangörenök papianöŋ ohomangö ahal. Kimbi ohomangö ahalmö, kouruk kun Suepnöhök mötpiga keu kewö jiyök, “Wölpöndaŋgö giŋgururuŋ 7 keu jizei, mi mönö nangohok ölöŋ mötnöŋ ahöma. Mi kude ohoman.”

⁵ *Suep garata könaŋi köwet aka gölme qakŋire tiba kini ehali, yaŋön böröŋi öŋi memba wahöta Suepnöŋ göröken alök. ⁶ Jöjöpäŋ keu jimamgöra böröŋi mewö ala mi jim köhöiba alök. Kunöŋ Suep, gölme, köwet aka yuai pakpak miengören ahözawi, mi miwikŋaiba kinda nalö dop teteköŋi qahö köhöiba mal öngömawi, mönö yangö qetŋe jöjöpäŋ keu kewö jiyök, “Anutunöŋ mönö nalö kunbuk qahö qekörii öngöma. ⁷ Mewö qahöpmö, Suep garata 7:ŋan tömunŋi qainŋi kun (biugel) uiga kourukŋi mötmei, nalö miangörenök Anutugö keu areŋ asa-asambötŋan mönö öŋambuk akŋa. Kezapqetok ambazip Anutugö nupŋi

* **9:20:** Sum 115.4-7; 135.15-17; Dan 5.23 * **10:5:** Eks 20.11; Dut 32.40; Dan 12.7; Amos 3.7-10; Eze 2.8-3.3

memba mala kotketka yengöra Buja keuji ölopni jim indel engiiga möta kota malgeri, Buja keu miangö dop mi mönö zilañ ölnambuk akña.”

⁸ Miangö andöñe kouruk kun mutuk Suepnöhök mötpiga keu jiyöhi, mianjón mönö dumje kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötükötulñi ahözawi, mi mönö anda meman.”

⁹ Mewö möta Suep garatagöreñ anda kimbi köpöp moröñi mi niñgimapkö qesial. Qesibiga nöngöra kewö jiyök, “Mi mönö memba nenöñ! Nenöñga gölömge geba melenñiga kömbuk usukömappmö, numbuge mi mönö moroñ oñangö nahömñi ewö asuhuma.”

¹⁰ Mewö jiiga kimbi köpöp moröñi mi yangö böröñeyök memba neal. Nembiga numbune moroñ oñangö nahömñi ewö ahökmö, gwahötpi gölömne geiga melenñiga kömbuk usuköyök. ¹¹ Mewö aiga nöñön keu kewö möral, “Gi mönö dumje kunbuk Anutugö kezapqetok keuji keuji jim sehiba malman. Kantriñi kantriñi aka bem isikñi isikñi keu tandök jijiñinangö dop maljei, mönö yengö aka yengö kiñ kembuñini miengö kezapqetok keujini mi qeljine jiba malman.” Mewö.

11

Anutugö jitñememe yahötñan keuji nanğöba jiyohot.

¹ *Mewö jii möta kinbiga Suep garata mianjón dop alalgö öröpñi jehot ewö mi niñgiba kewö jim kutum niñgiyök, “Gi mönö wahöta anda Anutugö jöwöwöl jike aka miangö jöwöwöl altañi mi dop öröp (rula mesa) mianjón dopñi ala oyoñman. Mewöyök miangöreñ öngöba Anutu möpöseiba köulukñini alakzei, mönö mi kewöta jañgöñini oyoñman. ² Jöwöwöl jike dopñi ala miangöreñ sombem yaigepñi mi mönö oñgita mosötman. Mi kian kantri yengöra al engigetka ahöiga yeñön siti töröñi mi köiñ 42 miangö dop tiba anda kamakñe. Miangöra sombem yaigepñangö dopñi mi kude oyoñman. ³ Nöñön jitñememe yahötñi melaim etkiba keuni nanğöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem añguba liliköba (gölme gwakötak ariba) silim 1260 nalö miangö dop kezapqetok keu nup memba malmahot.”

⁴ Oil ip yahöt aka lambe dum tatatñi yahöt gölmeğö Kembangö wösöñe kinjahori, mi mönö melenja eta asuhuba dangunu ewö kinda nöngö könani nanğöba jiba malmahot. ⁵ Kunöñ me kunñan etkum mizit ak etkimangö mötza ewö, könöp bölamnöñ mönö numbuñireyök eta kerökurupñiri engohoiga ayuhumakñe. Kunöñ me kunñan etkumangö mötza ewö, i mönö köna mewöñanök mianjón qeyohot kömuma.

⁶ Suepkö kousuñi jöhöbitkö kukösumñi mi yetköreñ ahöiga kezapqetok keu jim sehimahori, nalö miangö dop kie qahö yöhöma. Kukösumñiran o jeñi pakpak mewöñanök dop köliga mianjón ölop o pakpak melen engigetka sep akñe. Mewöñanök kukösumñiran öngöngöñi ahözawangöra aka sihimñiran jimawangö dop ölop jigetka lömböt kanjamñinambuk könañi könañi asuhuba gölme mem böliba ambazip engumakñe.

⁷ Anutugö keuji nanğöba jim teköyohotka ömewöröme yengö löm dutñi qahö miangöreñök jemnemba kunöñ wahöta bim qem etkiba luhut ala etkuiga kömumahot. ⁸ Kömuyohotka qamötñiri siti qetbuñanambukö köna namñe etkömosötketka lañ ahömahot. Siti miangö qetñi tölapñi mi Sodom aka Ijipt qerakze. Kembuñiri Jisös i mönö mewöyök miangöreñ maripomnöñ qegetka kömuyök. ⁹ Qamötñiran lañ ahöyohotka ambazip pakpak mi etkehakñe. Gölmenöñ löm köl etkibingö jiba jöhöme. Mewö öne lañ ahöyohotka ambazip kantriñi kantriñi, kambuñi kambuñi, bem isikñi isikñi keu tandökñini nanñik nanñik jimakzei, yeñön mönö qamötñiri mi silim karöbut aka bahöñi kun miangö dop uba etkehiget.

¹⁰ Kezapqetok azi yahöt yetkön ambazip gölme qakñe maljei, mi uru kuñgum engiyohotka miangöra sihimbölä önöñi qahö miwikñaiba malget. Miangöra kömuyohotka

* **11:1:** Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18

qamötñiri etkekñei, miangören mönö köirañ ala sauren unduba nem söngaip pati ala nanñini kalem könani könani angubingö alget anda kama. ¹¹ Silimñi karöbut aka bahöñi kun mi teköiga Anutunöñ söngörö ösum söngöröñire ui geiga guliba wahöta köngöp kinohot. Wahöta kinohotka ambazipnöñ etkeka töwöratiba jönömñini unduiga sömbuñini mötket. ¹² Köngöp kinohotka Suepnöhök qet köhöikñi kun kewö qeta jii mörohot, “Inñiri mönö kewö korohot.” Mewö jii möta kousu uruñe wahöta Suepnöñ öngöyohotka kerökurupñiran öne etkeka nemböñini teköiga kinget.

¹³ Könanñiran gölme mosöta öngöyohotka nalö miangörenök kenöñ tandökñi sohosohöñi gila siti bahöñi 10% (bahöñi tenöhök mohot) miangö dop kusuba köndenmöndenök. Köndenmöndenöda ambazip 7.000 miangö dop enñui kömuget. Ambazip qahö kömugeri, mienöñ mi eka töwöratiba sömbuñini möta Suepkö bemñi Anutu i ösumñangö möpöseim wangigetka qetbuñañambuk ahök.

¹⁴ Wözik yei qet kanjamñambuk yahötñan mewö teköyökmö, mötket, wözik yei qet karöbutñangö ölnañ mönö zilañ asuha qakñine öngöma. Mewö.

Suep garata 7:ñan tömunñi qainñi kun uyök.

¹⁵ *Suep garata 7:ñi yanön tömunñi qainñi kun (biugel) uyök. Mi uiga Suepnöñ keu köhöikñanök eraum mötketka kourukñini mötpi kewö jiget, “Ayop, nanine Kembunini aka yangö Amötqeqe Tonji Kraist yetköñ mönö gölme pakpak galöm köñ engibitkö kukösumñi mi lökñanök buña qem anñum teközahot. Yanön mönö nalöñi nalöñi galöm köñ engiba malma, ee-aa-ee. Galömkölkölnañ mönö nalö kunöñ qahö teköma, ee-aa-ee.”

¹⁶ Mewö jiget mötpiga Anutugö jitñememe 24 Anutugö jemesoholñe jakömbuak dumñine tatzei, yeñön mönö eta bangöba sipköba Anutugö waikñi memba möpöseim wangiget.

¹⁷ Möpöseim wangiba kewö jiget,

“O Kembu Anutu kukösum pakpakö Tonji, göñön mönö mala kotnöñ aka mal köhöizan.

Göñön kukösumgi öngöngöñi memba könahiba gölme pakpak galöm köñ engiba kin kembuñina aka malman.

Miangöra neñön mönö möpöseiba saiwap jim gihizin.

¹⁸ Kian kantriñi kantriñi yeñön irimñini seholiiga kazik ak gihiba malgetmö, göhö kazik nalögan mönö dölkewöñe kam kuñguba ahöza.

Göñön nalö kewöñe kömukömuñi yeñgö keuñini kewöta jim teköm engiman aka nangi ambazipurupki töwanñini engiman.

Kezapqetok ambazip aka ambazip sarakñi tosatñi göhö nupki memba malgeri aka öngöngöñi eretñi göhö qetki ayuhubapukö keñgötñini möta malgeri, i mönö töwanñini engiman.

Mewöyök tosatñan ambazip enguba kantri köndenöda malgeri, mi mönö könden engiman.”
Mewö möpöseiba jiget.

¹⁹ Miangö andöñe Suepnöñ añañiiga Anutugö möpömöpöse jikegö (tempöl) nanñuñan tali ekiga jike uruñe Anutugören jöhöjöhö aren bokis aködamunñambuk miangön ehokñi ahöyök.* Suepnöñ añañiiga nalö miangörenök wölbilik aliga wölpöndañ aka giñgururuñ qeriga möral. Kourukñi kourukñi mi mötpiga kenöñ memba kie römbum giliga ais köñi ketañi ketañi etket. Mewö.

12

Ambi aka sekak namñi ilikñambuk

¹ Suepnöñ aiwesök ketañi wewelipñambuk kun kewö asuhuiga ehal: Ambi kun wehön jeñan malukuñi aiga köiñnöñ köna tamböñi bapñe asariiga senjelau 12 mi ila jalö ewö nöropñe kölgетка gömgöm-bilikbilikñinambuk tatket. ² Köronambuk (gölömbuk)

* **11:15:** Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21 * **11:19:** Anutugören jöjöpañ keu 10 aka jimkutukutu tosatñi mi köñ ilañan ohoba bokis miangö uruñe alget tari galöm kölakze.

mala morö memenangö nalönan dopdowiiga lömböriiga masö qeiga sihimbölö möta qet gigilahöyök.

³*Miangö andöñe aiwesök kun Suepnöñ kewö asuhuiga ehal: Sekak namñi ilikñambuk (dragon), mundañi pisikñi pötpöt, nöropñi 7 aka ilikñi 10. Nöropñi 7 miangören ila jalö 7 kölgetka tarök. ⁴*Sekak namñi mianön dagañan suep qeapköba senjelau miengörenök bahöñi karöbutñi öröba gili gölmenöñ etket. Etketka ambi nanñi morö memamgö ahöhi, yañgö wösöñe kinök. Mewö kinda moröñi memawi, mi mönö miangörenök gwahötmamgöra mörök.

⁵*Ambi mianön morö nahön azia meyök. Yañön kantriñi kantriñi pakpak ain öröpnöñ galöm köl engiba malma. Ambinöñ morö meyöhi, garatanöñ mi mönö miangörenök zilañ memba anda Anutugö jakömbuak dum qöhöröñe alök. ⁶ Miangören aliga ambinöñ nanñök mosöta kök ala anök. Anutunöñ ambi mi silim 1260 miangö dop gölme qararañkölkölñe köyan köl wañgiget malmapköra miri gölme kun möhamgöiga miangören kök ala anök.

⁷*Suep uruñe yarö juliga kewö auget: Suep garata bohonñi Maikel aka yañgö garataurupñi yeñön sekak namñi tuarenjoñ aka i aka yañgö garataurupñi yembuk auget. ⁸ Auba sekak namñi aka yañgö garataurupñi yeñgö ösumñini qahö dop kölga luhut qahö al engiba mirinñi mosöta Suep uruñe toroqeba malbingö osiget. ⁹*Osigetka sekak namñi ilikñambuk mi mönö közöla Suepnöhök wuatangöget. Sekak namñi mianön möpñangö möpñeyök mokoleñ aka Iw (Ewa) isim wañgiyök. Qetñi alañi Bölöñangö Toñi aka Satan. Yañön kantriñi kantriñi pakpak kuñgum engiiga janjuñ anda malgeri, mi aka yañgö garataurupñi mi mönö yambuk Suepnöhök közöla aköm engigetka gölmenöñ etket.

¹⁰*Etketka Suepnöñ qet ketañi kunöñ kewö jii möral, “Keu silenöñ alal Toñan sungem asak Anutuninañgö wösöñe kinda urumelen alaurupnini jim engiba malöhi, mi mönö yaköriba aköm wañgigetka yaigep eriga köirañ köljini. Nanine Anutuninan mönö nalö kewöñe ambazip amöt qem engiba kukösumñi qakñe galöm köl engiiga bemtohoñangö öñan lök asuñuza. Amötqeqe Toñangö ösum-mumuñan lök asuhum teköza. ¹¹ Yañön mötnarip alaurupnini keunöñ al engiba malökmö, Toñi mi mönö kewö luhut al wañgiget: Lama moröñangö sepñan i amöt qem engiiga köhöiba Buña keu ölbölñi nañgöba jim sehiba malget. Mewö mala jöjöröba silenñi tököba böñ kinda bim qeba luhut alget.

¹² “Miangöra Suep mire maljei, eñön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, inñi mönö lömböt kanjamñambuk bisimei, miangöra mönö Yei! jiba sahötzal. Bölöñangö Toñan luhuba eta tiba engören kaba nup meme nalöñi töröptökñi ahöi mötzawañgöra mönö kazik ketañi ahakza.”

¹³ Sekak namñi ilikñambuk yaköriba aköm wañgigetka gölmenöñ eröhi, mi ek asariba ambi morö nahön meyöhi, mi kazik ak wañgiba wuatangöyök. ¹⁴*Wuatangöyökmö, ambinöñ kök aliga Anutunöñ tukapkap ketanañgö ginginñi yahöt wañgiiga mianön bölbölgöba ösumñan anök. Anutunöñ gölme qararañkölkölñe yañgöra miri gölme kun möhamgöyöhi, mönö miangören anök. Miangören anda asamböta maliga (yara) yambu 3 aka bahöñi kun mi köyan köl wañgigetka mokoleñnöñ i qahö miwikñaiba qelanjima. ¹⁵ Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suaiiga o töwatñi ahök. O mianön ambi mi yöhösañda memba jöhöm wañgimapköra möta mewö söwötköba loñök.

¹⁶ Mewö loñnökmö, gölmenöñ ambi mi bauköm wañgiba tiñgiriga löm ahök. Sekak namñan numbuñeyök o suaiiga o töwatñi ahöhi, mianön mönö löm miangören geba jöpköba qahöwahök. ¹⁷ Mewö asuhuiga sekak namñangö irimñi mönö ambi miangöra aka sehöliiga mosöta ambi miangö gwölönarökurupñi tosati qetala yarö gil engimangöra

* 12:3: Dan 7.7 * 12:4: Dan 8.10 * 12:5: Ais 66.7; Sum 2.9 * 12:7: Dan 10.13, 21; 12.1; Jud 9 * 12:9: Jen 3.1; Luk 10.18
* 12:10: Job 1.9-11; Zek 3.1 * 12:14: Dan 7.25; 12.7

anök. Gwölönarökurupñi mienñon Anutugö jöjöpñ keu tem köla Jisösgö Buña keu töp nanğöba jim sehimakzei, mönö yembuk karim aubingö anök. ¹⁸ Aubingö anda köwet sakñe anğota kinök. Mewö.

13

Jemnemba köwetnöhök korök.

¹ *Miangö andöñe jemnemba kun ilikñi 10 aka nöropñi 7 mi köwetnöhök koriga ehal. Ilikñi 10 miangöreñ ila jalö 10 kölgetka tatket aiga nöropñi mohot mohot miangöreñ qet mepaqepaikñinambuk ohogetka ahöyök.

² Jemnemba mi ekiga kewö ahök: Kaisongolomñi mi lepad taigögö tandök ewö ahök. Köna böröñangö sölopñi mi beö sömbupkö sölop ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köl engimapkö kukösumñi öngöñgöñi mi jemnemba wañgiyök. ³ Wañgiiga nöropñi kun mi uzi köhöikñi kunöñ mei kömumawañgö dop ahökmö, uziñan misiriiga löpötñanök tarök. Gölmeğö ambazip körek pakpak yeñon auruba jemnemba mi andöñe wuatañgöba anget. ⁴ Wuatañgöba anda sekak namñangö waikñi memba möpöseiba malget. Kukösum mewöñi mi jemnemba wañgiyöhañgöra i aka jemnembagö waikñi mewöñanök memba möpöseiba kewö jiget, “Dañon jemnembagö dop akawak? Dañon i tuarenjoñ ak wañgiba yambuk aumangö köhöibawak?”

⁵ *Mewö jigetka Satanöñ jemnembagö numbuñi sölölohöiga köhöiba jakbak-örañbörañ qakñe mepaqepaik keuñi lanlan jiba malök. Anutunöñ Satan qahö anğon köliga ilitmamgö kukösumñi mi köiñ 42 miangö dop ahöm wañgimapköra jim teköyök. ⁶ Mi jim teköiga numbuñan añañiiga Anutu ilita malök. Anutugö qetñi, Suep miriñi aka Suep uruñe maljei, mi pakpak mönö mepaqepaik ak engiba malök. ⁷ *Mewö maliga Satanöñ ambazip sarakñi tuarenjoñ ak engimamgö kukösumñi wañgiiga yembuk bim auba luhut al engiyök. Luhut al engiiga Satanöñ ambazip isikñini pakpak kambuñinañgö dop, keu tandökñinañgö dop aka kantriñinañgö dop mi mönö jemnembagö böröñe al engiyök.

⁸ *Ambazip körekmakörek gölmenöñ maljei, yeñon mönö jemnembagö waikñi memba möpöseiba malme. Anutugö ambazip solanñi qetñini Suep mire papianöñ ohoget ahözawi, yeñonök mönö jemnemba mi qahö möpöseime. Möpñangö möpñe Anutunöñ Suep gölme miwikñaim etkiyöhi, nalö miangöreñök könahiba qetñini mi malmal köhöikñangö papia miangöreñ ohoba mala kotket. Malmal papia mi Lama moröñi qeget kömuyöhi, mönö yañgö buñañi ahöiga galöm kölakza.

⁹ “Kunñan kezapñambuknöñ malja ewö, yañon mönö keu ki kezap ala möt kutuma! ¹⁰ *Kun kösö mire anmawañgö dop akzawi, yañon mönö miangöreñ anma. Kun bingö sou ketanjan ugetka kömumawañgö dop akzawi, yañon mönö mewö kömuma. * Miangöra ambazip sarakñi, eñon mönö kapan köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹ Kunbuk ekiga jemnemba kun gölme uruñeyök korök. Mi ilikñi yahöt Lama moröñangö ilikñi ewöya aka keuñi mi sekak namñi ilikñambuknöñ jiyöhi, mönö mewöñanök jiba malök. ¹² Yañon kota alañi mutukñangö jitñememeni aka kukösumñi pakpak memba miangöñ yuai pakpak alañangö jene ahök. Mewö aka gölme ambazip kuñguba sölölohöm engiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

* **13:1:** Dan 7.3; Ind 17.3, 7-12; Dan 7.4-6 * **13:5:** Dan 7.8, 25; 11.36 * **13:7:** Dan 7.21 * **13:8:** Sum 69.28

* **13:10:** Jer 15.2; 43.11 * **13:10:** Tosatñan keu mi kewö melenje: Kunöñ bingö sou ketanji (bainat) miangöñ tosatiñ engiiga kömumei, tosatiñ mönö nanñi mi sou mewöñan ugetka kömuma.

¹³ Jemnemba yahötñi yañön aᅅgöletot ketañi tandökñi könañi könañi meyök. Kun meyöhi, mi köñöp bölamnöñ suepnöhök eta gölmenöñ kaba jeiga ambazipnöñ mi jeñinan eket. ¹⁴ Anutunöñ Satan qahö aᅅgön köliga kukösum waᅅgiiga jemnemba mutukñaᅅgö jitñememenñi aka yaᅅgö jeje aᅅgöletot könañi könañi memba malök. Mianñön mönö gölmegö ambazip tilipköm eᅅgiiga jañjuñ aka sohoget. Sohogetka kewö kuᅅguba jim kutum eᅅgiyök, “Inñini mönö jemnemba mutukñaᅅgö imutñi söhöba kuᅅguget kiniga göda qem waᅅgiba malme. Jemnemba mutukñi mi bimgö sou ketañan (bainat) qegetka uzi mei kömumamgö dop ahökmö, töndup guliba maljawi, mönö yaᅅgö imutñi kuᅅgume.”

¹⁵ Mewö aketka Satanöñ kukösum jemnemba könaᅅepñi waᅅgiiga tandö lopioñ mi mem gulim waᅅgiiga könañiba söᅅgörö-ösum alök. Mewöyök jemnemba mutukñaᅅgö imutñi mem letoriga azi keu jiba ambazip kuᅅgum eᅅgiiga kewö asuhuyök: Denike yeñön tandö lopioñ mianᅅgö waikñi qahö memba möpöseigeri, i mönö körek eᅅgugetka kömuget. ¹⁶ Jemnemba könaᅅepñan ambazip körek pakpak kewö kuᅅgum eᅅgiba jiyök, “Inñini mönö jemnemba mutukñaᅅgö muᅅgem supañi mi jemesoholñine me böronñini öñe mekötahöme.” Mewö jiiga nanñini nupñini memakzei aka tonjaᅅgö welenñini öne qemakzei, ambazip pomñi aka wanapñi, ketañi aka moröñi yeñön mönö körekmakörek muᅅgem supañi mi memba silenñine mekötahöba kösöget.

¹⁷ Denike yeñön jemnembagö qetñi me qetñaᅅgö jaᅅgöñi silenñine qahö memba malgeri, yeñön mönö nene yuai stuanöñ me maketnöñ söᅅgöröñi membingö aka albingö osiget.

¹⁸ Keu ki möt asaribingö mötkutukutuñi kewö: Kunñan mötkutukutuñambuk maljawi, yañön mönö jemnembagö jaᅅgöñi oyoñma. Jaᅅgöñi mi gölme azigö jaᅅgöñi akza. Supap jaᅅgöñi mi 666. Mewö.

14

Lama moröñi aka könaᅅesöurupñi 144.000.

¹ *Mianᅅgö andöñe uba Lama moröñan Zaion kundune kini ehal. Yambuk könaᅅesöurupñi jaᅅgöñini 144.000 mi mohotñe kingetka Lama moröñaᅅgö qetñi aka yaᅅgö iwiñaᅅgö qetñi mi körek yeᅅgö mesoholñine ohohöña ahöi eᅅgehal. ² Mianᅅgöreñök mötpiga Suepnöhök kouruk kun o ketañaᅅgö sia qetñi ewö asuhuyök. Mi wölpöndañ giᅅgururuñ ketañañök qetzawaᅅgö kourukñi mianᅅgö tandök ewö ahök. Kourukñi mi gita kulele gwötᅅuk qegetka kourukñi asuhumakzawaᅅgö dop möral.

³ Anutunöñ ambazip 144.000 mi gölmenöhök söᅅgöröñini memba eᅅgömeyöhi, yeñön mönö Anutugö jakömbuak dum wösöñe kaᅅgota bem jembon 4 aka jitñe meme bohonñi 24 mienᅅgö jemesoholñine kinda liᅅet dölokñi kölget. Körek yeñön nanñini liᅅetñini mi kölgetka yaigep yeñön mi kusum aᅅguba mötᅅpingö osiget. ⁴ Yeñön ambazip qainñi kun aka mala kotket. Qahö tölohoba sarakñi malbingöra nanñini galöm köl aᅅguba ambi yembuk töwöt qahö miwikñaiba malget. Lama moröñan denike denike anakzawi, yeñön mönö i wuatñaᅅgöba mianᅅgöreñ anakze. Anutunöñ i ambazip sutñineyök bohonñini memba meköba eᅅgömeiga Anutu aka Lama moröñi yetkö yambuñiri dölokñi akze. ⁵ *Yeᅅgö jitñineyök muneñ keu kun qahö miwikñaigetka keuñini qahö sarakñi mala kotket. Mewö.

Suep garata karöbut yeñön keuñini jiba bölbölgöget.

⁶ Mianᅅgö andöñe Suep garata kun ekiga suep kutuba könakemba bölbölgöyök. Yañön Ölöwak Buña koᅅkoᅅñ * memba kaba gölme ambazip yeᅅgöra jim asarimamgöra kayök. Ambazip mi kambuñinaᅅgö dop, bem isikñaᅅgö dop, keu tandökñi jijiñaᅅgö dop aka kantriñaᅅgö dop gölme dop köla tat anjei, mönö körek yeᅅgöra jim sehimamgöra

* **14:1:** Eze 9.4; Ind 7.3 * **14:5:** Sef 3.13 * **14:6:** Kambu bem koᅅkoᅅñ Tonñaᅅgöreñ Buña keu tömbuñi mi koᅅkoᅅñ. Mi möpñaᅅgö möpñeyök könañiba teteköñi qahö ahöm öᅅgöma.

kayök. ⁷ Kaba köhöikñanök silata kewö qerök, “Anutunöñ ambazip kewöta jim teköm enjimawanğö nalöñan mönö törüba dopdowiza. Mianğöra inini mönö Anutugö jitiñi onğitpinbuköra kenğötñini möta möpöseiba qetbuñani mem sehime! Kunöñ suep, gölme, köwet aka o jeñi miwikñaim enğiyöhi, mönö yanğö waikñi memba möpöseiba malme.”

⁸ *Mewö qeriga yanğö könañe Suep garata alañi kun mutukñi wuatangöba kaba kewö qerök, “Babilon siti ketañi mi meleni geiga ahöza. Babilon ambi qetbuñambuk mianön mönö serowilin aka mianön kantri pakpak mem tölohom enğiiga dop köl enğiyök. Yanön wain o ewö nemegöra enğiiga uruñi sohoiga kahalalom aka malget. Mewö aka malöhanğöra Anutugö irimñi sehiliiga kazik aka jiiga siti qetbuñambuk mi mönö köndengetka meleni gei ahöza.” Mewö.

⁹ Mewö qeriga yanğö könañe Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yanğö imutñangö waikñi memba möpöseiba muñgem supañi anğön köla mesoholñe me böröñe mekötahöba kösöza ewö, ¹⁰ *yanön mönö mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhöññambuk qahö mindiriba wain köhöikñi töhöñök irimsesewölñangö qambinöñ mokoï tatzawi, yanön mönö mi nema. Mi nemba Suep garata töröñi aka Lama moröñi yanğö wösöñine kiniga salfa kötkö könöp bölamñan koasikpuk ohoiga sihimbölö önöñi qahö möta malma.

¹¹ * “Mianön enğohoiga sihimbölö önöñi qahö möta malmei, mianğö köwakñan mönö nalö dop teteköñi qahö wahöta onğömakña. Ambazip jemnemba aka yanğö imutñangö waikñi memba möpöseimakzei, yanön mönö sunğem asak senjom möta malme. Kunñan muñgem supañi anğön köla silenñe kösözawi, yanön mönö silenñan unduiga qemjen qeba luhut memangö osiba malma.”

¹² Mianğöra ambazip sarakñi Anutugö jöjöpañ keuñi tem köla wuatangömakzei, enön mönö kapañ köla lömböt memba mökösoñda Jisös pöndañ möt nariba malme.

¹³ Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöñeyök könahiba kömumei, yanön mönö oyaenköyaen akñe. Uña Töröñan keu kitipñi mi meköba ‘Keu mi ölna,’ jiza. Yanön nup köhöikñi memba qemjem-mamjen möta kaba malget teköiga nupñinangö ölni asuhuiga Suep Toñan kösohotñini möri dop köli mianğöra sösoñgai enğii tata luhut memba öñsöñ malme.” Mewö.

Gölmegö nene möriam ölni memegö nalöñi

¹⁴ *Mewö jiiga uba kousu tuatñi ekiga mianğö qakñe kun kaisongolomñi gölme azigö tandök ewö mianön tarök. Ila jalö goulñöñ memenji mi nöropñe tariga böröñan sou kapañkapañgöñi jitiñambuk mi memba tarök. ¹⁵ *Mi ekiga Suep garata kunñan möpömöpösei jikenöhök (tempöl) aukñe kañgota kousu qakñe tatzawi, yanğöra keu kewö jiba köhöikñanök qerök, “Gölmenöñ möriam ölni lök öliiga ölni memegö nalöñan mönö akza. Mianğöra göñön mönö sougi kapañkapañgöñi memba nupñöñ anda mianön gölmegö möriam ölni mi kutum tokoman.” ¹⁶ Kousu qakñe tatzawi, yanğöra mewö qeriga souñi kapañkapañgöñan gölmenöñ gila nupkö möriam ölni kutum tokoyök.

¹⁷ Mi tokoiga Suep garata kunñan Suepkö möpömöpösei jikenöhök (tempöl) aukñe kañgorök. Yanön mewöyök sou kapañkapañgöñi jitiñambuk kun memba kañgorök.

¹⁸ Kañgoriga Suep garata karöbutñi kun Suepkö altagö könöp galömñi aka alta mi mosöta kañgorök. Kañgota köhöikñanök qeta Suep garata sou kapañkapañgöñi jitiñambuk memba kinöhi, yanğöra kewö jiyök, “Göñön sougi kapañkapañgöñi jitiñambuk mi mönö memba nupñöñ anda mianön gölmegö wain kañgenji kañgenji mi yandiman. Kañgen mienğö kötni lök ölim yaköba tatze!”

* **14:8:** Ais 21.9; Jer 51.8; Ind 18.2 * **14:10:** Ais 51.17; Jen 19.24; Eze 38.22 * **14:11:** Ais 34.10 * **14:14:** Dan 7.13 * **14:15:** Joel 3.13

¹⁹ Mewö jiiga souñi kapenkapenğöñi gölmenöñ gila gölmegö wain kösö ölni mi köteköm tokoba Anutugö wain jout ketani mianğöreñ tözöhölmegöra gilök. Wain jout mi Anutugö irimsesewölñanğö kaisöpsöpñi akza.† ²⁰*Wain bagem ölni mi siti yaigepñe könanöñ tiba tözöhölgetka sepñan wain jout ketanğö numbuñe kota qöl tandök ewö lanlan wahöta kota o töwatñi ahök. Sep mianğö diginñi mi wan mita aka bahöñi kun ahök. Hosnöñ mianğöreñ tiba aniga numbuñe koriga hos injutñanğö kösöñan samuruyök. Diginñi mewö aiga köröpñi 300 kilomita mianğö dop ahök. Mewö.

15

Suep garata 7 aka lömböt kanjamñinambuk 7.

¹ Mianğö andöñe suep uruñe uba anğöletot ketani kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip sinğisöndokñinangöra Anutugö irimñi seholiiga jim teköba likepñi meleşni lömböt kanjamñinambuk qakñine öngöi mötketka uruñan amöriiga keunñan kömuma. Mianğöra qetñini lömböt kanjamñinambuk qöndökñi 7 qetket.

² Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Mianğö qöhöröñe Anutugö ambazip kingetka engehal. Yeñön luhut ala jemnembagö keunji qahö tem köla imutñanğö waikñi qahö memba qetñanğö janğöñi silenine qahö anğön köla malget. Anutunöñ i mohot mohot kulele enğiiga memba kinget. ³*Mianğöreñ kinda Anutugö nup meme azi Mosesğö liñetñi aka Lama moröñanğö sauren liñetñi mi kewö kölget,

“O Kambu Anutu kukösum pakpakö Tonji, göñön anğöletot ketani ketani welipñinambuk ahakzan.

Göñön kantrinji kantrinji mi kiñ kambu ak enğinöñga ahakmemegahö könañi mi diñdiñi aka öl töhöññi akza. Mianğöra Anutu qainñi kun aka maljan.

⁴ O Kambu, göhöreñ ahakmemegi diñdiñi mi mönö aukñe asuhuiga mötzin. Mianğöra kantri pakpak yeñön kaba göhö waiki memba möpöseim gihimakze. Göñön nangok töröñi akzan. Mianğöra aka dañön mönö göhöra kenğötñi qahö mötpawak? Körek neñön göhö qetbuñagi mem sehiba möpöseimakzin.”

⁵*Mianğö andöñe uba yuai kewö ehal: Suepkö möpömöpöse jikegö (tempöl) nanğujan taliga mianğö uruñe Anutu dangunñanğö opo seri jikeñan kini ehal. ⁶ Möpömöpöse jike mianğöreñök Suep garata 7 lömböt kanjamñinambuk 7 memba kingeri, yeñön mönö eta aukñe kaget. Malukuñini tuat lalamñi bilikbilikñinambuk löngötgetka opo jöhan mañihilakñi goulñambuk mi örigit ewö töptöpñe embahöm anğuba kinget.

⁷ Yeñön kagetka bem jembon 4 mianğöreñök kunñan goul qambi 7 enğiiga Anutugö irimsesewölñan qambi mi numbuñe kotket. Anutu irimñi sehelizawi, yeñön mala kota malja aka teteköñi qahö mal öngöma. ⁸*Qambi mi enğiiga Anutunöñ asakmararañi aka kukösumñi kondeliga mianğöra köwak pukpuköba möpömöpöse jike (tempöl) kokolak qeiga kunñan kun Suep jike mi öngö-öngögö dop qahö ahök. Suep garata 7 yeñön mutuk qambiñini mokogetka lömböt kanjamñinambuk 7 asuhuba ölninambuk akñei, mianğö andöñe ölop kunbuk öngöme. Mewö.

16

Qambi 7 mokogetka Anutugö irimsesewölñan asuhuyök.

† **14:19:** Anutugö irimsesewölñi mi wain jout ketane tözöhölgetka uruñan amöriiba teköma. Indelindel 19.15 mi ekñan.
* **14:20:** Ais 63.3; Seru 1.15; Ind 19.15 * **15:3:** Eks 15.1; Jer 10.7; Sum 86.9 * **15:5:** Eks 38.21 * **15:8:** Eks 40.34; 1 Kiñ 8.10-11; 2 Hist 5.13-14; Ais 6.4

¹ Möpömöpösei jike (tempöl) uruñeyök qet ketanji kun asuhuiga Suep garata 7 miengöra keu kewö jim kutuiga möral, “Inini anda Anutugö irimsesewölñan qambi 7 numbune kota ahözawi, miengö ölni mönö gölmenöñ mokome.”

² *Suep garata mutukñan mosöta anda qambinangö ölni mi gölmenöñ mokoyök. Mokoiga uzi imbilonñambuk sihimbölöñini tandökñi sohosohonji mi qeçetal ambazip yengö silenine asuhuget. Ambazip jemnembagö munjem supapñi silenine memba imutñangö waikñi memba möpöseigeri, mönö yengö silenine asuhuget.

³ Yahötñi yanön mosöta anda qambinangö ölni mi köwetnöñ mokoyök. Mokoiga köwetnöñ melenða sep ahök. Mönö azi qeçenangö sepñi ewö ahök. Mewö aiga köwet uruñe yuai pakpak malmalñinambuk maljei, mi mönö lökñanök kömum teköget.

⁴ *Suep garata karöbutñan qambinangö ölni mi o töwatñi aka o jeñi miangören mokoiga melenða sep aka dop kölök. ⁵ Mewö aiga Suep garata o galöm kölakzawañön keu kewö jiiga möral, “O Anutu töröñi, göñön keu kewöta kewö jim tekönöñga lömböt ki asuhuzawangöra diñdini akzan. Mönö solanñi mala kota maljan. ⁶ Yeñön göhöreñ ambazip sarakñi aka kezapçetok ambazip enguba malgetka sepñinan mokoyök. Göñön i engugerañgö likepñi melenða sep enginöñga negeri, mi mönö dopñe alnöñga qakñine öngöyök. Miangöra Anutu göñön mönö diñdijanök akzan.”

⁷ O galöm kölakzawañön mewö jiiga keu kun altanöhök kewö kaiga möral, “Keu mi ölna! O Kembu Anutu kukösum pakpakö Tonji, göñön mönö ambazip keuñini kewöta diñdijanök jim teköm engimakzan.”

⁸ Suep garata 4:ñan qambinangö ölni mi wehön jeñe mokoiga mianön wehön ösum wanggiiga könöpñi kötökñi aka ambazip könöp ewö engohoyök. ⁹ Wehön jeñi könöpñambuk mianön engohoiga silenini dölatiyök. Anutunöñ lömböt kanjamñinambuk miengö Tonji aka ali qakñine öngöyöhi, ambazipnöñ mi möta miangöra Anutugö qetñi jim qesuahöm wangiba malget. Mewö malgetmö, Anutu möpöseiba qetbuñani mem sehimegöra mönö uruñini qahö melengetmö, toroçeba yangiseñ aka malget.

¹⁰ Suep garata 5:ñan qambinangö ölni mi jemnembagö jakömbuak dumnöñ mokoyök. Miangören mokoiga söñaup ketanjan jemnembagö ömetohonji (kingdom) mi dop köla pandaman meyök. Pandaman meiga ambazip irimñini seholiiga nesilamñini jitñinan yöhötigetka tiñgirök. ¹¹ Ambazipnöñ sihimbölö aka uzi nömböñinangö sihimbölöñi ketanji möta miangöra Suepkö Anutuñi mi jim qesuahöm wangiba malget. Mewö malgetmö, ahakmemenini bölöñi aka memba malgeri, mi qahö kewöta mosöta uruñini qahö melenget.

¹² *Suep garata 6:ñan qambinangö ölni mi o töwatñi ketanji qetñi Yufreitis miangören mokoiga jöpköyök. Wehön kotkotñeyök kiñ kembuñi kembuñi kabingö möta jöjöröba malgeri, yeñön o jöpköiga kunbuk qahö pañpañgögetmö, kutuba kamegö könañi mönö asuhuyök. ¹³ Miangörenök uba öme bölöñi karöbut tandökñini kañ ewö mi engekiga sekak namñi ilikñambuk, jemnemba aka kezapçetok azi takapulakanji yengö numbuñineyök kota etket. ¹⁴ Ömewöröme mienön eta anda angöletotñi könañi könañi ahakze. Mewö aka gölmenji gölmenji pakpak liliköba kiñ kembuñini engeka Anutu tuarenjon akñegöra uruñini kuñguba kewö jiget, “Mönö mindirim anguba Anutu kukösum pakpakö Tonjangö nalö ketane mohotñe bim aubin.”

¹⁵ *Jisösnöñ jiza, “Kezap alget! Nöñön mönö yongorö meme ewö ölöñ kamam! Kunñan uruguliguli malmawi, yanön mönö simbawon akza. Sile aukñe lañ anda kaiga gamuñi ekepuköra sile esuñi galöm kölakzawañön mönö oyaenköyaen akña.”

¹⁶ *Öme welenqeçe yeñön kiñ kembuñi kembuñi mi kuñguba enguançita gölme köröñi qetñi Hibru keunöñ Armagedon jizei, miangören qezaköba al engigetka engehal. Mewö.

* **16:2:** Eks 9.10 * **16:4:** Eks 7.17-21; Sum 78.44; Eks 10.21 * **16:12:** Ais 11.15 * **16:15:** Mat 24.43-44; Luk 12.39-40; Ind 3.3 * **16:16:** 2 Kiñ 23.29; Zek 12.11

¹⁷ Suep garata 7:ñan qambiñangö ölni mi könakemba mokoyök. Mokoiga möpömöpösei jike (tempöl) uruñangö jakömbuak dumñeyök qet ketani kun asuhuba keu kewö kaiga jiyök, “Mi lök mokogetka asuhum teköza.” ¹⁸ *Mewö jiiga miangörenök wölbilik aiga wölpöndañ giliga giñgururuñ qeta ahöiga kenöñ jitiñ buburatiñ kun meyök. Iw (Ewa) Adam yetkö nalönöhök könahiba gölmenöñ mala korini, nalö miangören kenöñ mewöñi kun qahö gilgilña. Miangö dop tandökñi sohosohonñi giliga bölöñi kötökñi ahök.

¹⁹ *Mewö asuhuiga siti ketani Babilon mianñon jula bahöñi karöbut aket aiga kantriñi kantriñi pakpak miengö sitiñini mi mewöñanök ayuhuba meleni geget. Anutunöñ siti qetbuñañambuk Babilon miengö bölöñamñini qahö ölum qeiga likepñamñini meleni engiyök. Anutunöñ urukönöp aka irimsesewölñan qambi kokolak qeba taröhi, mi mönö mokom engiiga qakñine öngöiga wain o ewö neget. ²⁰ Köwetnöñ gölme jölanni pakpak ahögeri, mi mönö kök ala sömuniget aiga kundunñi kundunñi kingeri, mi mönö mewöñanök ayapköba qahöwaket.

²¹ *Mewö asuhuiga ais kötni ketani lömbötñini 45 kilogram mienñon suepnöhök ambazip qakñine erök. Lömböt kanjamñambuk mi tandökñi sohosohonñi ahök. Kie kötni tandökñi mewö mianñon eta enguiga ambazipnöñ miangöra Anutu jim qesuahöm wanñiget. Mewö.

17

Ambi kunöñ jemnembagö qakñe tari ehal.

¹ *Suep garata 7 qambi 7 mi memba kingeri, yeñgörenök kunñan kaba nöñgöra keu kewö jiyök, “Gi mönö kanöñga köna ketañangö ambi qetbuñañambuk o gwötpuk miengö qakñine tatzawi, mi kondel gihimam. Anutunöñ keunñi kewöta likepñi meleni qakñe öngöi malja. ² *Gölmegö kin kembunñi kembunñi yeñon yambuk serowilin aka malget. Könagesöñinan gölmenöñ maljei, yeñon mönö mewöyök ambi miangö serowilinñangöra aka urunñini wahöta sohoiga kahalalom aket. Wain o namba enjololon ahakzei, mönö miangö dop könahiba sero yonñgorö aka mala kahapmahap aket.”

³ Mewö jiiga Uña Töröñan nömeiga alburupñan qakne öngöiga Suep garata mianñon noañgiriga gölme qararañkölkölñe añgoral. Miangören añgota ambi kun jemnemba pisikñi pötpöt yanñgö qakñe tariga ehal. Jemnembagö silene mepaqepaik qetñi qetñi ohogetka kokolak qeiga nöropñi 7 aka ilikñi 10 mewö kinök.

⁴ *Ambi mianñon opo söro pisikñi gugakgugak aka pisikñi pötpöt mi löñgöta tarök. Aködamunñi goul, jamöññiñ ölninambuk aka kösatorom tosatñi mianñon menölöm añguiga tandökñan kölköl-bilikbilikñambuk ahök. Böröñe goul qambi memba taröhi, mi serowilin aka malöhanñgö añgöjörakñi imbilonñonambukñöñ kokolak qeñeña. ⁵ Ambi miangö mesoholñe qetñi tölapñi mi kewö ohogetka ahöyök, “Babilon qetbuñañambuk, gölmegö köna ketani ambazip aka añgöjörak imbilonñonambukö namñini.” ⁶ Qetñi mewö ahöiga Anutugö ambazip sarakñan Jisösgö könañi nanñgöba böñ qeba kindä jiba malgeri, mi enñguba sepñini namba miangöra kahalalom ahöi ehal. Mi eka aurum tililingöyal.

⁷ Aurum tililingöbiga Suep garatanöñ nöñgöra keu kewö jii möral, “Gi mönö denöwögöra aurum tililingözan? Nöñon ölop ambi kianñgö könañi tölapñi indel gihimam aka jemnemba nöropñi 7 aka ilikñi 10 ambi mi bisimakzawi, yanñgö könañi tölapñi mi mewöyök indela jim miwikñaim gihimam. ⁸ *Jegi meleniñiga jemnemba ekzani, yanñon mutuk malökmö, nalö kewöñe jebuk qahö malja. Yanñon ömewöröme yeñgö löm dutñi qahö miangörenök guliba wahötmampö, Kraistnöñ kaköm wanñiiga köñöp sianöñ gema. Anutunöñ Suep gölme miwikñaim etkiyöhi, nalö miangörenök könahiba gölmenöñ mala kotketka qetñini malmal köhöikñangö papianöñ qahö ohoget ahözawi, ambazip mienñon

* 16:18: Ind 8.5; 11.13, 19 * 16:19: Ais 51.17; Ind 6.14 * 16:21: Eks 9.23; Ind 11.19 * 17:1: Jer 51.13

* 17:2: Ais 23.17; Jer 51.7; Ind 13.1 * 17:4: Jer 51.7 * 17:8: Dan 7.7; Ind 11.7; Sum 69.28

mönö jemnemba eka aurume. Jebuk malökmö, nalö kewöne jebuk qahö malja aka kōnaṅgep kunbuk guliba asuhumawi, miangōra mōnō aurume.

⁹ “Nini keu ki mōt asaribingōra mōringa mōtkutukutuṅan kewō ahōza: Nōrōpṅi 7 mi ambinōṅ kundunṅi 7:gō qakṅine tatzawi, mōnō kundunṅi miengō sōpsōpṅi akze. ¹⁰ Nōrōpṅi 7 mi mewōyōk kiṅ kembu 7 miengō kaisōpsōpṅi akze. Yeṅgōreṅōk 5 lōk kōmumba etketka 6:ṅi yaṅōn mala ambazip galōm kōl engimakza. Qōndōkṅan bian asuhumawaṅgō dop akza. Yaṅōn asuhumawi, miangōreṅ mōnō nalō törōpṅi kukōsum qakṅe kinmawaṅgō dop akṅa. ¹¹ Jemnemba malökmö, nalö kewöne qahö toroqeba maljawi, yaṅōn 7 yeṅgōreṅōk kun akza. Yaṅōn kunbuk guliba nanṅak kiṅ kembu jaṅgōṅi 8 akṅa. Mewō akṅapmō, Kraistnōṅ kōndeṅ waṅgiiga ayuhuba kōnōp sianōṅ gema.

¹² * “Ilikṅi 10 enṅekzani, mi mōnō kiṅ kembu 10 miengō kaisōpsōpṅini akze. Yeṅōn qahö kōnahiba ambazip galōm kōl engimakzemō, Anutunōṅ kōnaṅgep kukōsum enṅiiga kiṅ kembu ewō akṅe. Mewō aka jemnembabuk aua mohotkō dop ambazip galōm kōl engiba malme. ¹³ Kiṅ kembu 10 miengōn mōtmōt areṅ mohot miyōk wuatangōba jemnemba naṅgōba kukōsumṅini i waṅgigetka malma. ¹⁴ Ösumṅini mewō mindiriba Lama morōṅi tuarenṅōṅ aka bim aumemō, Lama morōṅan mōnō luhut al enṅiiga etme. Yaṅōn kiṅ yeṅgō Kiṅini aka azi kembu yeṅgō Kembuṅini akza. Yaṅōn neṅgohola mōwōlōhōm neṅgiiga yambuk pōndaṅ kinda malbini, neṅōn mōnō mohotṅe luhut al engiba kōiraṅ kōlbin.”

¹⁵ Suep garatanōṅ keuṅi mewō jiba toroqeba kewō jii mōral, “Kōna ketanaṅgō ambi ketanaṅ o gwōtpuk miengō qakṅine tariga enṅek tekōzani, o mi ambazip kantriṅi kantriṅi miengō kaisōpsōpṅini akze. Yeṅōn kambuṅini aka bem isikṅinaṅgō dop likeplikep tat angetka silenṅini kōnaṅi kōnaṅi aiga keuṅini tandōkṅi murutṅi murutṅi jimakze. ¹⁶ Jegi meleṅniga ilikṅi 10 enṅekzani, yeṅōn mōnō ösumṅini jemnembabuk mindiriba kōna ketanaṅgō ambi mi kazik ak waṅgigetka kewō asuhuma: Yeṅōn örōyuainṅi pakpak kiom qegetka piromṅi aiga opo sōrōṅi kōtekōm tekōgetka sile aukṅeyōk aiga busuṅi namba sihitṅi kōnōpnōṅ ohogetka jem tekōma.

¹⁷ “Mewō asuhumawi, mi Anutunōṅ kiṅ kembu miengō uruṅini kuṅguba sōlōlōhōm enṅiiga urumohot aka mindiriba akṅe. Anutugō mōtmōt areṅi mōnō mewō wuatangōme. Miangō dop kukōsumṅini jemnemba waṅgigetka ambazip galōm kōl engiba malma. Mewō maliga Anutugō keuṅan öṅambuk akṅawi, nalō miangōreṅ tekōma. ¹⁸ Ambi tari ekzani, mi siti qetbuṅaṅambuk toṅan gölmegō kiṅ kembuṅi kembuṅi galōm kōl engimakzawi, mōnō kiṅ miangō sōpsōpṅi akza.” Mewō.

18

Babilon siti kōndeṅgetka gororōṅgōma.

¹ Miangō andōne Suep garata kun kukōsumṅi öṅgōṅgōṅi ekiga Suepnōhōk asuhuba eriga asakmararaṅan gölme mem asariyōk.

² * “Eta kōhöikṅanōk silata kewō qerōk, “Babilon siti ketanaṅ mi kōndeṅget. Mi öṅna kōndeṅgetka gororōṅgoyōk. Ambazip qahōwaketka öme wōrōme kōnaṅi kōnaṅi yeṅōnōk mōnō tokoba miriṅini miangōreṅ megetka yeṅgō gölmeṅini bohōṅi ahōk. Neiṅi neiṅi dōṅqizinṅinambuk aka imbilōṅlōṅinambuk miengōnōk mōnō miangōreṅ tokoba aipṅini laṅ ala öṅsōṅ malje.

³ * “Anutunōṅ mi kewōgōra jiiga kōndeṅget: Kantri pakpak yeṅōn ambi miangō serow-ilinṅaṅgōra aka uruṅini wahōriga eṅololoṅ aketka Anutugō irimṅi sehōliyōk. Irim-sesewōṅi mi qakṅine öṅgōiga wain o nemakzeṅgō tandōk mōtket. Gölmegō kiṅ kembuṅi kembuṅi yeṅōn ambi miambuk sero nambōṅnambōṅ aka malget. Kōlkōl-örōrō ambazipnōṅ gölme dop miangōreṅōk kaba sukinap akōdamunṅinambuk bohōṅi memapkōra

* 17:12: Dan 7.24 * 18:2: Ais 13.21; 21.9; Jer 50.39; 51.8; Ind 14.8 * 18:3: Ais 23.17; Jer 51.7

algetka önöni qahö öröba siyoṣsayoṣi qahö malök. Yangö örömgöjup memgöjupṅangöra aka yeṅön pomṅi kindiṅbirik aka öngöṅgöṅi aket.”

⁴*Miangö andöṅe Suepnöhök kunöṅ keu jiiga kewö möral, “Nöṅgö könagesöurupni, iṅini mönö siti mi mosöta yaigep etket. Ambi mianṅön siṅgisöndok ahakzawi, mianṅön mönö eṅgualöṅni yambuk kinda uruṅini tölohobepuk.

Anutunöṅ likepṅi melenṅ eṅgiiga lömböt kanjamṅinambuk qakṅine öngömei, lömböt mewöṅi kunöṅ mönö nanṅini qakṅine öngöiga mewöyök sihimbölö mötpepuk. Miangöra yembuk mönö kude mindiriba malme.

⁵*Ambi mianṅön siṅgisöndokṅi aka qakṅöṅ qakṅöṅ aliga öngöba lök suep misirim teköza. Kegwek-kahasiliṅ aka malgeri, Anutunöṅ mi mönö nanṅi mötmötnöṅ ala miangöra qahö ölum qema.

⁶*Ahakmeme goṅgoṅi tosatṅi ak eṅgiba malgeri, iṅini mönö miangö dop melenṅda ak eṅgime. Bölöṅi aka memba malgeri, iṅini mönö miangö likepṅi sömaṅi yahötkö dop melenṅ eṅgigetka qakṅine öngöma.

Siṅgisöndokö qambiṅi nemegöra mokoba malgeri, nanṅini qambi miangöreṅök mönö sömaṅ yahötkö dop uba melenṅda wain o kömbukṅi kötökṅi mi eṅgöra mokoget neme.

⁷*Ambi mianṅön sukinap aködahunṅinambuk önöṅi qahö öröba qetbuṅa öngöṅgöṅi mi-wikṅaiba siyoṣsayoṣi qahö malök. Miangö likepṅi mönö nanṅi ihileknöṅ ohotiriba ip özöpaṅnöṅ sihimbölö önöṅi qahö ak waṅgigetka jṅgeṅ köla wösöbirik malma. Nanṅi uruṅe kewö mötmöriba laṅ jimakza,

‘Nöṅön qin ambi kembugö jakömbuak dum tatatṅe tatzal. Malö qahö akzal aka nalö kunöṅ jṅgeṅ qahö kölmam.’

⁸Mewö laṅ jimakzawaṅgöra aka Anutunöṅ likepṅi melenṅ waṅgiiga nalö mohotkö uruṅe yangö qakṅe öngöma.

Kembu Anutunöṅ keuṅi kewöta jim teköm waṅgiyöhi, yangö kukṅan mönö öngöṅgöṅi akza.

Miangöra lömböt kanjamṅinambuk könaṅi könaṅi mienṅön mönö zilaṅ kewö asuhum waṅgime:

Tinitosolomṅan kömugetka jṅgeṅ köla bödi tariga nanṅi könöpnöṅ ohogetka jema.”

⁹*Könöpnöṅ ohogetka jeiga köwak wahötmawi, kantriṅi kantriṅi pakpak mienṅö kiṅ kembuṅinan mi eka mönö amburereṅ aka sahötme. Kiṅ kembu mienṅön yambuk serowilin aka malget. Sukinapṅi aködahunṅinambuk önöṅi qahö miangö nem söṅgaipṅi yambuk ala söṅgaiba malgeri, yeṅön mönö yangöra aka jṅgeṅ kölme. ¹⁰Jṅgeṅ köla ihileknöṅ ohotirigetka ip özöpaṅnöṅ sihimbölö önöṅi qahö mötzawi, miangöra mönö töwöratiba tikep kinda kewö sahöta jime, “O Babilon siti qetbuṅaṅambuk, lömböt qakṅine öngöyöhaṅgöra mönö Yei! Yei! jiba sahötzin. O siti kukösumṅini ketanṅi, Suep Tonṅan likepṅi melenṅ eṅgiiga ösumok aua mohotkö uruṅe qakṅine öngöiga sihimbölö ketanṅi mötze. Yei Yei! jiba sahötzin!”

¹¹*Kantriṅi kantriṅi mienṅö kölköl-örörö ambazip yeṅön mewöyök amburereṅ akṅe. Kunṅan toroqeba yeṅö inapṅini bohonṅi qahö memakṅawaṅgöra mönö jṅgeṅ köla sahötme. ¹²*Aködahunṅini goul, silwö, jamönjiṅ ölninambuk aka sorom kötni mi Babilon yeṅön me tosatṅan qahö bohonṅi meme. Oponṅini tuat lalamṅi, pisikṅi gugakgugak, pisikṅi pötpöt aka opo qetṅi silk mi qahö bohonṅi meme. Ip qetpuk könaṅi könaṅi mienṅö kemaṅini aka börösöwöṅini könaṅi könaṅi mi qahö toroqeba bohonṅi meme. Aködahunṅini elefant sihitṅan memeni, mi öne ahöme. Dum tebol yuainṅini ip söṅgöroṅini

* **18:4:** Ais 48.20; Jer 50.8; 51.6, 45 * **18:5:** Jen 18.20-21; Jer 51.9 * **18:6:** Sum 137.8; Jer 50.29 * **18:7:** Ais 47.7-9 * **18:9:** Eze 26.16-17 * **18:11:** Eze 27.31, 36 * **18:12:** Eze 27.12, 13, 22

ketanji in, qönqön, mihinik, nanjim aka yuari mianjon memenji, mi öne ahöme. Börösöwö ain gohotnji brons aka ain injanan memenji aka köt qetnji mabol mianjon memenji mi mönö öne ahöme.

¹³ Babilon yejon kömusönönik (sinamon) aka gipnji tosatnji mi qahö bohonnji meme. Silegö sanda qetnji mör, jiniñ samburup aka sile ömön tosatnji mi qahö bohonnji meme. Wanafu, berat, wölömjikjik aka wörönñi asuhumapkö yuai tosatnji mi qahö bohonnji meme. Mewöyök wain o, oil ipkö oilñi, wit kötni aka flaua nenenji mi qahö bohonnji meme. Bulmakau, lama, hos aka hos kare mi qahö bohonnji meme. Mutuk welenqe qe ambazip bohonjni memba nupnöñ al engigetka sile me urumötmötñinan böliba ayuhuyök. Mewö qahö toroqeba ahakñe.

¹⁴ Kölköl-örörö ambazip yejon Babilon ambi miangöra kewö jime, “Ip ölni nemangö sihimnji möta eröm ota malnöñi, mi mönö qahöwaketka öne maljan. Töhötmöriamgi aka sukinapki aködamunñinambuk mi mönö körek pakpak gömosöta ayapkögetka tömtömime maljan. Mi mönö nalö kungen kunbuk miwikñaimanangö dop qahö.” ¹⁵ *Kölköl-örörö ambazip sukinapñini mewö mewö bohonnji memegöra ala siti miangöreñök moneñ goul (guli dötnam) öröba qetbuñanambuk aket. Yejon tikep kingetka tosatñan ihileknöñ ohotirigetka ip özöpañnöñ sihimbölö önöñi qahö möröhi, miangöra mönö auruba sahöta jinñeñ kölme.

¹⁶ Jinñeñ köla kewö jime, “O siti ketanji, lömböt qakñine öngöyöhanğöra mönö yei! yei! qeta jinñeñ köljin. Yejon oponjini tuat lalamñi, pisikñi gugakgugak aka pisikñi pötpöt mi löngötket. Aködamunñini goul, jamönñiñ ölninambuk aka kösatorom tosatñan menjölöm anğugetka tandökñinan kölköbilikñinambuk aket. ¹⁷ *Mewö aketmö, sukinapñini mewöñi önöñi qahö mi mönö ösumok aua mohotkö uruñe ayuhuba ayapköba qahöwaket.” Mewö jiget.

Wange pailot pakpak aka ambazip wangenöñ anda kamakzei, yejon mewöñanök körek Babilon siti ohoget jeiga köwakñi mi tikep kinda ekñe. Mewöyök wange ambazip opo seri möröreñögetka luhutnöñ nanğöi anakzei aka köwetnöñ nup tosatnji memba malmalñini nanğömakzei, mienön mönö körek pakpak mi tikep kinda ekñe. ¹⁸ *Ambi ketanji qetbuñanambuk ohoget jeiga könöp bölamñangö köwakñi wahötmawi, mi tikep kinda eka amburereñ aka kewö jime, “Siti qetbuñanambuk kianğö alañi mönö nalö kunöñ qahö ahöyök.”

¹⁹ *Mewö jiba sömsöm urata kau ariba qeta jinñeñ köla unduba sahöta kewö jiget, “O siti ketanji, aua mohotkö uruñe yuainji pakpak mönö ayuhuba ayapköba qahöwahök. Ambazip wangeninambuk pakpak köwetnöñ anda kaba sukinapñini bohonnji memegöra ala miangöreñök moneñ goul (guli dötnam) sehisehijni örogetka siti mianjon qetbuñanambuk ahök. Lömböt qakñine öngözawañgöra mönö yei! yei! jiba sahötzin.” Mewö jiget.

²⁰ *Yejon ahakmeme gonjonji tosatnji ak engiba malgeri, Anutunöñ mönö mianğö keunji jim teköba likepñi melenñiga qakñine öngöiga sihimbölö ketanji mörakze. Mianğöra Suep mire maljei, inini mönö yanğöra aka köirañ kölme. Anutugö ambazip sarakñi, aposolurupñi aka kezapqetok ambazip inini mönö söñgaiba sauren qeba malme.

²¹ *Mianğö andöñe Suep garata ösumñi öngöngöñi kunöñ kaba köt keta bölökñi memba wahöta köwetnöñ gili geiga kewö jiyök, “Anutunöñ siti ketanji qetbuñanambuk mi mönö kianğö dop könöpuk köndenja melenñi geba qahöwak teköma. Qahöwak teköiga könanğep nalö kunöñ qahö miwikñaimanangö dop akña. ²² **Inini siti miangöreñ kömam köla gita kulele qeba awölop tömun uba liñet köla undumalgeri, mianğö kourukñi mönö nalö kunöñ kunbuk qahö mötme. Babilon engöreñ ambazip mötmöt nupñini könanji könanji memba malgeri, mi mönö teköyök. Dokta didiman, qaquzu klak aka mewöñi

* **18:15:** Eze 27.31, 36 * **18:17:** Ais 23.14; Eze 27.26-30 * **18:18:** Eze 27.32 * **18:19:** Eze 27.30-34 * **18:20:** Dut 32.43; Jer 51.48 * **18:21:** Jer 51.63-64; Eze 26.21 * **18:22:** Eze 26.13; Ais 24.8 * **18:22:** Jer 7.34; 25.10

mi mianğoreñ kunbuk qahöpmahöp miwikñaim engime. Wit padi kötñi jamönñiñ yahötkö sutñire möjöjahögetka (mill) kourukñi asuhuyöhi, mianğö isikusukñan mönö qahöwahiga sitinöñ mönö göröñ qeba ahöma.

²³ “Mutuk sitiñinangö miriñi pakpak mi kiwanjinambuk asarigetmö, asakñi mianjön mönö bököiga pandaman ahöma. Azigö andöurupñinan ambigö mam bohonñi bau anguba börum megetka ambigö sepkitipurupñan köirañ ala nem jöwösök aka sösöngai almalgeri, oköirañ mewöñangö kourukñi mi mönö kunbuk mötmeanğö dop qahö. Babilon engö kölköl-örörö ambazip mi kantriñi kantriñi mianğoreñ möt engigetka qetbuñanambuk aka malget. Yenğoreñ qarösongo amötqeçe ambazip mi gölme dop ambazip urunini mem sohogetka janjuñ aka malget.” Suep garatanöñ mewö jiyök.

²⁴ *Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yenğö sutñine töndup taköwölañ aka enguget kömugetka sepñinan erök. Yenğoreñ sep aka gölmenöñ ambazip tosatñi engugetka kömumalgeri, körek yenğö sepñinangö kitipñan mönö yenğö qakñine öngöi malget. Könañamñini mewö miwikñaigetka ahöyök. Mewö

19

Suep yenjön Babilon geyöhanğöra Anutu möpöseiget.

¹ Mianğö andöñe Suepnöhök keu kun mötpiga kambu ketañi yenjön köhöikñanök sauren liñet köla qetzei, mönö mianğö tandöktandök asuhui kewö jiget, “Anutu möpöseizin aleluya! Anutunöñ amöt nenğuba nenğomeiga yanğö buñani akzin. Anutuninan kukösum Tonji aiga möpöseim wanğiinga qetbuñanambuk akza. ²* Anutunöñ mönö keu ölnangö dop ambazip keuñini kewöta diñdiñanök jim teköm nenğimakza. Köna ketañi ambi serowilin aka mewö mianjön ambazip gölme dop mem bölim engiba malöhi, Anutunöñ mönö yanğö keuñi kewöta jim teköyök. Ambi mianjön Anutugö nup meme ambazip enguiga sepñinan eröhi, mianğö likepñi mönö melen wanğiiga qakñe öngöiga sihimbölö möta malja. Mianğöra Anutu möpöseim wanğizin.”

³ *Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop teteköñi qahö wahöta öngömakña. Mianğöra Anutu möpöseim wanğimakzin, aleluya!” ⁴ Mewö qeta jigetka Anutugö jitñememe bohonñi ²⁴ aka bem jembon 4 mienjön mönö bangöba simin köla Anutu, jakömbuak dumñe tatzawangö waikñi memba möpöseiba kewö qetket, “Keu mi ölna, aleluya!”

Lama moröñangö maren lömbuan

⁵* Mewö qetketka jakömbuak dumñöhök keu kun kewö asuhuyök, “Anutugö nup meme ambazip ketañi moröñi jitñi onğitpinbuköra kenğötñini mörakzei, iñini mönö körek pakpak Anutunini möpöseiba malme.”

⁶* Keu mi asuhuiga keu kun mörali, mi kianğö tandöktandök: Kambu ketañi yenjön liñet köla qet qerakzei aka o sianöñ tongala kiniga ötoñi asuhumakzawi aka wölpöndandañ ketañan qeiga giñgurururñ asuhumakzawi, keu mi mönö mianğö tandöktandök ewö asuhuiga kewö jiget, “Kembu Anutunini, kukösum pakpakö Tonjan mönö könahiba gölme dop galöm köl engiba kiñ Kembuñina aka malma. Mianğöra Anutu möpöseizin, aleluya! ⁷ Lama moröñangö ambi buñanan mönö marengö möta nanñi mözözömgöba jöjöröm anğuiğa amqeiga ambi memegö nalöñan mönö kam kuñguiga maljin. Mianğöra nenjön mönö köirañ köla söngaiba Anutu möpöseim wanğiinga qetbuñanan sehimakña. ⁸ Anutunöñ maluku tuat lalamñi asakmararañambuk mi engiiga löngötket.” (Maluku tuat lalamñi mi ambazip sarakñi yenğö ahakmeme solanñangö kaisöpsöpñi, mönö mianğoreñ löngöt anğuet.)

* **18:24:** Jer 51.49 * **19:2:** Dut 32.43; 2 Kiñ 9.7 * **19:3:** Ais 34.10 * **19:5:** Sum 115.13 * **19:6:** Eze 1.24; Sum 93.1; 97.1; 99.1

9 *Kambu ketanangö tandöktandök mewö qeta jigetka Suep garata qambinambuk mianjön mönö toroqeba kewö jii möral, “Keu ki mönö ohoman: Anutunöŋ ambazip enghoholiga Lama moröŋangö maren (ambi memegö) lömbuanŋnöŋ kanqotmei, yeŋön mönö simbawoŋ akze.” Mewö jiba dumŋe kunbuk nöŋgöra kewö jiyök, “Keu mi mönö Anutugö keu öl töhönni akza.”

10 Suep garatanöŋ mewö jiiga nöŋön miangöreŋök yangö waikŋi memba möpöseim wanŋimangö möta yangö könaŋe simin köla sipköyalmö, nöŋgöra kewö jiyök, “Aek! Mewö kude akŋan. Gi aka göhö urumelen alaurupkan Jisösgö könaŋi nanqöba jiba malgetka welen qem enŋimakzini, nöŋön mönö yeŋöreŋök kun akzal. Jisösnöŋ Buŋa keu ölni indelöhi, miangö ösumŋan mönö kezapqetok ambazip inahöm enŋiiga Uŋa Töröŋangö keuŋi möta jim sehiget. Miangöra mönö Anutugöra sipköba waikŋi memba möpöseiba malman.” Mewö.

Kraistnöŋ yarö kambuŋi yembuk bim aubingö anget.

11 *Nöŋön Suep aŋaŋiiga hos tuatŋi kun ekiga kayök. Qakŋe tariga kayöhanqö qetŋi mi Pöndaŋ Kinkin (Jembon oŋi nene) aka Azi Ölbölni. Qetŋi mewö qerakzei, yanöŋ keu diŋdiŋi wuatangöba keu kewöta jim teköba miangö dop bim qemakza. 12 *Jeŋan könöp bölam tandök jeiga nööröŋe ila jalö gwötpuk kölgetka qetŋi aukŋe ohohöŋa kayök. Qetŋi nanqök mötzapmö, kunöŋ kun mi qahö mötza. 13 Malukuŋi sepnöŋ kusakusaholŋi mi löŋgöta kayök. Qetŋi qerakzei, mi Anutugöreŋ keu.

14 I wuatangöba kageri, mi Suep mirigö yarö azi kambuŋi kambuŋi. Yeŋön hosŋini tuatŋi enŋömembra qakŋine tata malukuŋini tuat lalamŋi sarakŋi löŋgöta kaget.

15 *Suahöŋinanqö numbuŋeyök bimgö sou ketanŋi (bainat) jitŋi zuluk alalŋambuk kunöŋ kayök. Mi kantriŋi kantriŋi enŋuba luhut al enŋimapköra aka kayök. Yanöŋ galömkölkölgö ain öröpŋan kantri dop qindiŋaiba galöm köl enŋiba malma. Yanöŋ Anutu kukösum pakpakö Tonangö wain joutŋi ketanŋi tözöhölma. Wain jout mi Anutugö irimsesewölŋi urupikŋambukö kaisöpsöpŋi akza.* 16 Malukuŋe qetŋi kun ohogetka marömŋe kewö kinök, “Kiŋ yeŋö Kiŋini aka azi kembu yeŋö Kembuŋini.” Mewö.

17 *Miangö andöŋe Suep garata kun ekiga wehön jeŋe kinök. Euyangöreŋ kinda köhöikŋanök qeta neiŋi neiŋi suep bibiŋi kutuba könakemba bölbölgöba anakzei, mönö körek mi enghohola kewö jiyök, “Iŋini mönö kame-e! Anutunöŋ közölömbuan ketanŋi mözözömgöyöhi, mönö miangöreŋ tokome. 18 Kaba tokoba kiŋ kembu, suahö galöm aka yarö azi yeŋö busuŋini neme. Hos aka hos qakŋine tarakzei, mönö yeŋö busuŋini neme. Ambazip körek yeŋö busuŋini mönö kaba neme. Ambazip öŋgöŋgöŋi eretŋi, nanŋini nupŋini memakzei aka tonjanqö welenŋini öne qemakzei, mönö körek mienqö busuŋini neme.”

19 Miangö andöŋe jemnemba aka gölmeŋi gölmeŋi yeŋö kiŋ kembuŋini mienöŋ mönö yarö kambuŋini enŋuanŋita kaba tokogetka engehal. Kunöŋ hos qakŋe tata yarö kambuŋi yembuk kinöhi, mönö i tuarenjoŋ ak enŋiba bim aubingöra tokogetka engehal.

20 *Augetka jemnemba memba jöhöget. Kezapqetok azi takapulakanŋi jemnembagö jitŋememba anqöletot aka malöhi, i mewöyök jemnembabuk memba jöhöget. Kezapqetok azi takapulakanŋan anqöletot aka mianöŋ ambazip tosatŋi kewöŋi mi tilipköm enŋiiga janjuŋ aka malget: Ambazip jemnembagö supapŋi memba anqöŋ kölgeri aka

* 19:9: Mat 22.2-3 * 19:11: Eze 1.1; Sum 96.13; Ais 11.4 * 19:12: Dan 10.6 * 19:15: Sum 2.9; Ais 63.3; Joel 3.13; Ind 14.20 * 19:15: Jisösnöŋ Anutugö irimsesewölŋi aka urupikŋi tözöhölmawi, keu miangö könaŋi kewö: Nini ŋiŋisöndok ahinga Anutugö irimŋi sehöliiga irimsesewölŋan qakŋine öŋgöba ahöma. Toroqeba ŋiŋisöndok aka urunini qahö meleŋninga Anutugö irimŋan toroqeba sehöliiga urupikŋambuk akŋa. Wain kösögö ölni pisikŋi (greip) miangö kanŋeŋi mi jout ketanŋe ala tözöhölgetka qösököiga oŋan dutŋangö kinimŋe lalanöŋ geiga baket algetka miangö uruŋe gemakza. Anutugö irimsesewölŋi aka urupikŋi miangö söpsöpŋi mi wain kösögö ölni. Jisösnöŋ miangö sihimbölni möta tözöhöli geiga Anutugö uruŋan amöriba teköiga luai asuhuma. * 19:17: Eze 39.17-20 * 19:20: Ind 13.1-18

tosatjan imutjanğo waikni memba möpöseiba malgeri, mi mönö tilipköm enğiba malök. Etkömemba jöhöba gwölögwölö aköm etkigetka löm salfa kötkö könöp bölamjan koasikpuk jemakzawi, mönö mianğo sianöñ geyohot. ²¹ Geyohotka hos qakne taröhanğo num-buñeyök bimğo sou ketani (bainat) kayöhi, mianön mönö kiñ kembu aka yarö azi pakpak mi enğuiga kömuget. Kömugetka nei pakpak yeñon kanğota busuñini uba nemba nem timbireñ aket. Mewö.

20

Satan jöhögetka yara 1.000:gö dop kösö mire tarök.

¹ Mianğo andöñe Suep garata kun ekiga Suepnöhök erök. Yanön ömewöröme yeñğo löm dutni qahö mianğo ki moröñi aka tapep (muñgamuñga) ketani kun mi böröñan memba erök. ²*Garata mianön eta sekak namni iliknambuk (dragon) mi memba (yara) yambu 1.000 tatmawanğora jöhöyök. Sekak namni mi möpñanğo möpñeyök mokoleñ aka mala korök. Qetni alanı mi Bölönanğo Tonı aka Satan. ³ Yambu 1.000:gö uruñe toroqeba ambazip kantri dop kuñguba gölme dop janjuñ akñegöra tilipköm enğibapuköra jöhöyök. Jöhöba gili ömewöröme yeñğo löm dutni qahö mianğoreñ geiga önunñi köla sapö ala muñgem supapnöñ (sil) qekötahöba ki namni misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga mianğo andöñe Anutunöñ jii kunbuk pösatketka nalö töröpñi nupñi memba malma.” Mewö jiyök.

⁴*Mianğo andöñe jakömbuak dumñi dumñi ehal. Anutunöñ tosatni kukösum enğuiga ambazip keuñini jim tekömei, yeñon mönö dumñi dumñi mianğoreñ eta tatket. Mewöyök ambazip Jisösgö könañi nanğöba jigeranğora aka Anutugö Buña keugöra aka jölñini yandigetka kömugeri, mönö yeñğo uñanini enğehal. Mewöyök ambazip jemnemba aka yanğo imutjanğo waikni qahö memba möpöseigeri aka yanğo supapni mi mesoholñine me böröñine qahö memba anğon kölgeri, mönö yeñğo uñanini enğehal. Uñanini mi enğekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

⁵ Kömugeri, yeñğoreñök tosatjan kömupnöñök wahötwahöt mutukni mianğo nalöñe qahö guliget. Qahöpmö, (yara) yambu 1.000 mi mambötket teköiga mianğo andöñe mönö guliba wahötme. ⁶ Denike yeñon kömupnöñök wahötwahöt mutuknanğo nalöñe gulimei, yeñon mönö oyaenköyaen aka töröñi sarakni akze. Nalö mianğoreñ gulibagun mönö indimni yahöt qahö kömume. Kömup yahötjanğo kukösumjan mönö yeñğo qakñine qahö öñgöi kömumbingö osime. Yeñon mönö Anutu aka Kraist yetkö jike nup galömurupñiri akne. Mi aka Kraistpuk (yara) yambu 1.000 mi yuai pakpak galöm köla mal öñgöme. Mewö.

Anutunöñ Satangö keuñi jim teköiga etma.

⁷ (Yara) yambu 1.000 mi teköiga Satan kösö mireyök (kopurumñeyök) pösatketka etma. ⁸*Eta anda ambazip kantri dop tilipköm enğimangöra gölme dop liliköma. Gölme göranı likeplikkep eu emu anda kaba (uruñini moñgosohowa) siksauk ak enğiba kantri qetñiri Gog aka Magog mi tok dop köla anma. Anutu tuarenjoñ aka bim qemegöra kuñgum enğuiga tokogetka janğoninan köwetkö sak kösakö dop akña. ⁹ Tokoba kaba kutuba Israel gölme dop köl teköba anda Anutugö könagesö yeñğö selñini aka Anutugö wölböt sitiñi (Jerusalem) mi liliköba tatme. Mewö tatmemö, Anutunöñ könöp bölam aliga suepnöhök eta jem kutum enğim teköma.

¹⁰ Jem kutum enğim teköiga Bölönanğo Tonı tilipköm enğuiga janjuñ akeri, garata yeñon i aköm wanğigetka löm salfa kötkö könöp bölamjan koasikpuk jemakzawi, mönö mianğo sianöñ geyök. Mutuk jemnemba aka kezapqetok azi takapulakanı mewöyök

* 20:2: Jen 3.1 * 20:4: Dan 7.9, 22 * 20:8: Eze 7.2; 38.2, 9, 15

aköm etkigetka mianğoreñ geba maljahot. Mianğoreñ sunğem asak ihileknöñ ohotirim enğigetka teteköñi qahö sihimbölö önöñi qahö möta mal öngöme. Mewö.

Anutunöñ ambazip kömugeri, yeñgö keuñini jim teköma.

¹¹ *Mianğö andöñe jakömbuak dum ketañi tuatñi aka mianğoreñ tatzawi, i ehal. Ekiga suep gölme mi yanğö jemesoholneyök qahöwaka angaiyohot. Angaiba kunbuk etkekinanğö dop qahö ahot. ¹² Angaiyohotka ambazip kömukömuñi öngöngöñi eretñi engekiga jakömbuak dum wösöñe kingetka Anutunöñ buk papianñi papianñi kötölök. Papia alañi kun qetñi malmal köhöikñanğö qet areñ papia mi mewöyök kötölök. Kötula ambazip kömukömuñi yeñgö keuñini kewöriğa ahakmemeñinanğö kösohotñi buk papianöñ ohogetka ahöyöhi, yanön mönö mianğö dop oyoñda ambazip jim teköm enğiyök.

¹³ Köwetnöñ kömumba geba malgeri, mi köwet Toñan melen enğiğa Anutugö jeñe kañgotket. Kömupkö kondotkondot Toñanğö böröñe malgeri, mi Toñi mianön köleñda al enğiyök. Kömumba kömupkö uñem mire geba malgeri, mi mianğö Toñan melen enğiğa Anutugö jeñe kañgotket. Mewö kañgota asuhugetka Anutunöñ keuñini mohot mohot kewöta ahakmemeñinanğö dop jim teköm enğiyök. ¹⁴ Jim teköm enğiğa kömupkö kondotkondot Toñi aka kömupkö uñem miri Toñi mi aköm etkigetka löm könöp koasikpuk jemakzawi, mönö mianğö sianöñ geyohot. Könöp sia mianğoreñ gegeri, mianön mönö kömup indimñi yahöt akza.

¹⁵ Anutunöñ kungö qetñi malmal köhöikñanğö qet papianöñ qahö ohogetka ahöi miwikñaiyöhi, i mönö aköm wañgii löm könöp koasikpuk jemakzawi, mianğö sianöñ geyök. Mewö.

21

Suep dölökñi aka gölme dölökñi etkehal.

¹ *Suep gölme mutukñi yetkөн mewö qahöwaka ayapköyohotka köwetnöñ mewöyök qahö toroqeba ahöyök. Mianğö andöñe Suep gölme dölökñi etkehal.

² *Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wañgigetka maluku eksihimñambuk löngöta azi buñañambuk aitoñgömapköra meñölöm anğuba jöjöröba aködamunñambuk kinjawi, siti mianön mönö mianğö dop aiga ehal. ³ *Mi eka kinda jakömbuak dumnöhök keu kun asuhui mötpiğa köhöikñanök qeta kewö jiyök, “Eknöñ, Anutugö mirinöñ mönö ambazip sutñine eta ahöza. Anutunöñ sutñine maliga yambuk malgetka nanñak bem Anutuñini aka yembuk mal öngöma. ⁴ *Yembuk mala je imbilñini mi lökñanök kutum teköma. Yuai pakpak mutuk ahöyöhi, mianön mönö qahöwak teköyök. Mianğöra kunbuk qahö kömugetka jingekölköl qahö akñe aka toroqeba sihimbölö kun qahö mötme. Yuai kungöra qahö osiba sahötme.”

⁵ Jakömbuak dumñe tatzawañön kewö jiyök, “Mötnöñ, nöñön jibiga öroyuai pakpak mönö kölöñaiba dölökñi akña.” Mewö jiba jiyök, “Keu mi öl töhönñi uruyahöñi qahö, mianğöra mi mönö papianöñ ohoman.” ⁶ *Toroqeba kewö jii möral, “Mi mönö jibiga asuhum teköza. Nöñön mutuhök mala (yuai pakpak miwikñaiba könañgep jibi qahöwahiga) qöndökña mal öngöba malmam. Mianğö dop nöñön kulem namñi mutukñi A aka kulem namñi teteköñi Z akzal. Kunñan ogöra mötzawi, nöñön mönö malmal köhöikñanğö o jeñeyök o mi kalema wañgibiga mianğoreñök söngöröñi qahö um nemba malma. ⁷ *Kunñan lömböt pakpak onğita luhut almawi, nöñön mönö yanğö Anutuñi aka yuai pakpak mi wañgibiga buñañi aiga nöngö nahönböratni aka qetni bisiba malma.

* **20:11:** Dan 7.9-10 * **21:1:** Ais 65.17; 66.22; 2 Pitö 3.13 * **21:2:** Ais 52.1; 61.10; Ind 3.12 * **21:3:** Eze 37.27; Lew 26.11, 12 * **21:4:** Ais 25.8; 35.10; 65.19 * **21:6:** Ais 55.1 * **21:7:** 2 Sml 7.14; Sum 89.26-27

8 “Mewö malmappmō, tosatjan ambazip jeñine ziriñziriñ aka böñ qahō kinda mötnaripñini mosötketka uruñinan tölohozawi, yeñgö miriñinan mönö löm salfa kötkö könöp* bölamñan koasikpuk jemakzawi, miangöreñ ahōma. Yeñgöreñ toroqeba ambazip kewöñi yeñön mewöyök miangöreñ geba malme: Ambazip enjuget kömugetka kaisero qarösoñgo amötqeçe aka tandö lopioñ waikñini memba möpöseiba munereñ keu jimakzei, nöñön mönö i aköm enjibiga sia miangöreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

9 Lömböt kanjamñinambuk qöndökñi 7 mianñön qambi 7 kokolak qegetka Suep garata 7 mienñön mi memba kingeri, yeñgöreñök kunñan kaba nöñgöra kewö jiyök, “Mönö kanöñga Lama moröñangö ambi buñani anömñi akñangö akzawi, mi kondel gihimam.”

10 *Mewö jiiga Uña Töröñan nömeiga alburupñan qakne öñgöiga Suep garata mianñön noañgiriga kundunñi köröpñi qetbuñañambuk kunöñ öñgöit. Miangöreñ öñgöba siti töröñi Jerusalem Suepnöhök Anutugö mireyök eröhi, mi kondel niñgiiga kewö ehal:

11 Anutugö asakmararañan miangöreñ asariiga kölköl-bilikbilikñan goul aka jamönñiñ ölnñinambuk söngöröñini öñgöñgöñi miengö tandök ahök. Jamönñiñ ölnñinambuk qetñi jaspö mi kirin jöhanñi jöhanñi kölköl-bilikbilikñinambuk melenña asarimakzei, mönö miangö dop tuatñi ahöyök. 12 *Kiriponñi öñgöñgöñi mi aködamunñambuk. Kiriponñangö nanñunñi 12 kingetka kösutñine Suep garata 12 dop köla kinget. Israel könagesögö kambunñi 12 miengö qetñini mi nanñu miengö silenine ohogetka kinök. 13 Nanñu 12 mi likeplikep eu emu kewö kinget: Wehön kotkotñe karöbut, gegene karöbut, Not likepñe karöbut aka Saut likepñe karöbut. 14 Siti kiripo mi jamönñiñ tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miangöreñ ohogetka kinök.

15 *Suep garata nömbuk keu jiyöhi, yanñön siti, miangö kiriponñi aka nanñunñi 12 miengö dopñini dop ala mötmangöra jöjöröba dop alalgö goul öröpñi (rula mesa) memba kinök. 16 Siti mi arengöba megetka wanñömñi 4 ahök. Likeplikep eu emu köröpñi mi öröröñ. Köröpñi mohot mohot mi goul öröpñi mianñön dop ala 2400 kilomita miangö dop ahöi miwikñaiyök.† Andipñi mi mewöyök öröröñ ahöyök. 17 Suep garatanöñ mewöyök siti kiriponñi mi gölme azigö dopnöñ dop ala 60 mita ahöi miwikñaiyök.

18 *Siti kiriponñi mi jamönñiñ ölnñinambuk qetñi jaspö mianñön memeña. Siti nanñak mi goul töhönöhök megetka asakmararañan mönö kirin tuatñangö dop asakasakñambuk asariyök. 19 Siti kiriponñangö tandöñi mi jamönñiñ söngöröñini öñgöñgöñi könani könani mianñön menölöm enjigetka aködamunñinambuk kewö aketka enjehal: Tandö mutukñi mi jamönñiñ ölnñinambuk qetñi jaspö mundañi inñani tandöktandök. Tandö yahötñi mi jamönñiñ asonñi qetñi safaiö, karöbutñi mi jamönñiñ töngöntöngön qetñi ageit. Tandö 4:ñi mi jamönñiñ görökñi qetñi emerald.

20 Tandö 5:ñi mi jamönñiñ pisikpisik qetñi sardoniks. Tandö 6:ñi mi jamönñiñ pisikñi qetñi karnilian, 7:ñi mi jamönñiñ qetñi krisolait (qortz), mundañi goul kirin ewö. Tandöñi 8:ñi mi jamönñiñ asonñi qetñi beril, 9:ñi mi jamönñiñ gohotñi qetñi topaz. Tandö 10:ñi mi jamönñiñ qetñi kalsedoni (krisopreis) mundañi kaukau, 11:ñi mi jamönñiñ gohotgohot qetñi jeisint (turqois). Tandö 12:ñi mi jamönñiñ pisikñi gugakgugak qetñi ametist. 21 Siti kiripo nanñu 12 mi sorom kötni welipñinambuk 12 mianñön memeña. Nanñu mohot mohot mi sorom kötni mohot mohot mianñön urasiba memeña. Sitanöñ köna ahözawi, mi goul töhönöhök megetka kirin tuatñi ewö asariyök.

* 21:8: Salfa kötkö könöpñi mi közupkö kötnan jeba gögöriñ qeba jemakzawangö dop akza. * 21:10: Eze 40.2

* 21:12: Eze 48.30-35 * 21:15: Eze 40.3 † 21:16: Kambu 12 mohot mohot miengöra 200 kilomita. * 21:18:

Ais 54.11-12

²² Siti pakpak yeñon Kembu Anutu kukösum pakpakö Tonji aka Lama moröñi törörök etkeka uruñini lök melenđa waikñiri memba möpöseimakze. Mianğöra jöwöwöl jike (tempöl) kungöra qahö osimakze. Mi qahö ehal.

²³ *Anutugö asakmararañan siti mem asarim enğiiga Lama moröñan kiwañini akza. Mianğöra wehön köiñ asarimahotköra qahö osimakze. ²⁴ *Yañon kiwañini aiga kantriñi kantriñi yeñon mönö yañgö asakñe anda kaba malme. Gölmegö kiñ kembuñi kembuñi yeñon buñañini aködamunñinambuk mi enğuañgita siti mianğöreñ alme. ²⁵ *Siti söñaupñi qahö, mianğöra kiripo nañguni mi nalö kunöñ qahö kölmemö, sundan dop tala kinme.

²⁶ Kantriñi kantriñi yeñon uruñini melenđa aködamunñinañgö buñañinañgöra ai-weliköba qetbuñañinambuk aka malgeri, mi mönö enğuañgita siti mianğöreñ alme. ²⁷ *Ambazip qetñini malmal köhöikñañgö qet areñ papianöñ ohogetka ahözawi, yeñonök mönö siti mianğöreñ öñgöme. Lama moröñan qet areñ papia mi galöm kölakza. Kunñan uruñi tölohozawi me añgöjörak imbilonñambuk aka muneñ keu jimakzawi, yañon mönö mianğöreñ öñgömamgö osima. Mewö.

22

Malmal köhöikñañgö o töwatñi ehal.

¹ *Mianğö andöñe Suep garata mianñon malmal köhöikñañgö o jeñi kondel niñgiiga Anutu aka Lama moröñi yetkö jakömbuak dumnöhök uzumgöba kaba o töwatñi ahök. Mianğö onji mi kirin jöhanñi jöhanñi kölköl-bilikbilikñinambuk melenđa asarimakzei, mönö mianğö dop tuat lalamñi ahök. ² *O töwatñi mianñon sitigö köna namñi bohonne eta bibiñi mötöteiba kutuba kayök. O töwatñañgö görañe likelike mianğöreñ malmal köhöikñañgö ipñi mi kinök. Ip mianğö ölnañ mönö (yara) yambu dop sömañi 12, mi köiñ mohot mohotkö dop söhöba asuhumakze. Ip mianğö sinñan mönö ambazip kantri dop ölöwakñegöra aka kinje.

³ *Kunñan kun qahö toroqeba alañi saiköba qesuahöma. Anutu aka Lama moröñi yetkö jakömbuak dumniran mönö siti mianğöreñ ahöiga Lama moröñañgö nup meme ambazipurupñan welen qem wañgimakze. ⁴ Welen qem wañgiba jemesoholñi eka Anutugö qetñi mesoholñine kösöba mekötahögetka ahöma.

⁵ *Miri qahö toroqeba söñauma. Kembu Anutunöñ mem asarim enğimakzawañgöra kiwa asakñañgöra me wehön asakñañgöra qahö osime. Mewö oyaenköyaen mala nalö dop teteköñi qahö kiñ kembu ewö galömkölköl nup memba mal öñgöme.

⁶ Mi ekiga Suep garatanöñ nöñgöra kewö jiyök, “Buña keu mötzani, mianñon mönö öñ töhöñni uruyahöñi qahö akza. Kembu Anutunöñ kezapqetok ambazip sölölohöm enğimakzawi, yañon mönö Suep garatañi ni melaim niñgiiga asuhum gihiba malal. Yuai pakpak zilañ asuhumeañgö dop akzawi, mötnarip ambazipurupñan mi mötmegöra mi asuhuba kondel gihial.” Mewö.

Jisösnöñ kunbuk lilingöba kama.

⁷ Jisösnöñ jiza, “Mötket, nöñon mönö zilañ lilingöba kamam. Tosatñan buk kianğö kezapqetok keuñi buña qeba qekötahömakzei, yeñon mönö simbawon akze.”

⁸ Jon nöñon Buña keu ki möta jeni melenñiga imutñi ehal. Mi möta ek teköba Suep garatanöñ imut ki kondel niñgiyöhi, nöñon yañgö waikñi memba möpöseimamgö möta gölmenöñ eta könañe simin kölal. ⁹ Simin kölalmö, nöñgöra kewö jiyök, “Aek! Mewö kude aknöñ. Nöñon gi aka kezapqetok alaurupki aka ambazip buk kianğö Buña keuñi buña qeba qekötahömakzei, mönö körek enğö qöhöröñine kinda mohotñe Anutu welen qem wañgimakzin. Nia qahöpmö, mönö Anutu waikñi memba möpöseimakñan.”

* **21:23:** Ais 60.19-20 * **21:24:** Ais 60.3 * **21:25:** Ais 60.11 * **21:27:** Ais 52.1; Eze 44.9 * **22:1:** Eze 47.1; Zek 14.8 * **22:2:** Jen 2.9; Eze 47.12 * **22:3:** Zek 14.11 * **22:5:** Ais 60.19; Dan 7.18

10 Mewö jiba nöngöra kewö jiyök, “Nalö töriza. Miangöra buk kiangö kezapqetok keunjan tölapne ahöbapuköra mi papianöy ohomanmö, mi mönö munjem supapnöy (sil) kude qekötahöman. 11 *Bölöñi memakzawañön mönö toroqeba mewö memba böliqölima. Tölohoba maljawañön mönö toroqeba tölohoba anğöjörakñambuk aka malma. Ahakmeme diñdiñi ahakzawañön mönö toroqeba diñdiñanök aka memba malma. Sarakñi ahakzawañön mönö toroqeba sarakñi kötökñi aka malma.” Suep garatanöy mewö jiyök.

12 *Jisösnöy jiza, “Mötket, nöñön mönö zilañ lilingöba kamam. Kamami, miangöreñ mönö töwañini memba kamam. Ahakmemeñini aka memba malgeri, mönö mi kewöta miangö dop töwañini mohot mohot al engimam.

13 *Nöñön könakönahiñe mutukñi mala (yuai pakpak miwikñaiba könangep jibi qahöwahiga) teteköñe qöndökña mal öngöba malmam. Miangö dop nöñön A aka Z, kulem namñi mutukñi aka teteköñi akzal.

14 *Nöñön ambazip malukuñini galöm kölakzei, yeñgöra kiripo nanğuñi öröbiga ölop siti uruñe öngögetka qahö anğön köl engibiga malmal köhöikñangö ip ölni neme. Miangöra opo malukuñini galöm köla sanğonmakzei, ambazip mienñön mönö simbawon aka oy-aenköyaen akze.

15 “Yeñön oyaenköyaen akñemö, tosatñi yeñgöra nanğu köl jöhöbiga yaigep malmei, mi ambazip kewöñi: Kiam ewö kaisero aka qarösongo amötqeçe ahakze. Serowilin aka ambazip enguget kömumakze. Tandö lopion waikñini memba möpöseimakze aka isimkakalekö sihimñi möta mi ahakze. Ambazip mewöñi pakpak mi mönö kiripo yaigepne (luhutne) malme.

16 *Jisös nöñön garatani melaibiga liliköba urumelen könagesö engöra kezapqetok keu ki nanğöba jiiga mötme. Nöñön kiñ Deiwidkö bömönjalöñi aka undumñi akzal. Nöñön söñangö undiñi asakmararañambuk aka asarimakzal.” Jisösnöy mewö jiyök.

17 *Uña Töröñi aka ambi buña yetkөн kewö jimakzahot, “Jisös, gi mönö kanöñ.” Mewö jiyohotka mötmei, iñini mönö mewöñanök kewö jime, “Jisös, gi mönö kanöñ.”

Kunñan ogöra mötzawi, yañön mönö kama. Kunñan malmal köhöikñangö ogöra sihimñi mötzawi, yañön mönö kaba mi kalema möt anğön kölma. Mewö.

Galöm meme aka jöjöpaj keu teteköñi

18 *Nöñön buk kiangö kezapqetok keuñi mötmei, körek engöra galöm meme keu kewö jizal: Kunñan kezapqetok keu kiambuk keu kun toroqeba jimawi, lömböt kanjamñinambuk asuhumapkö keuñi buk kiangöreñ ohoyali, Anutunöy mi mönö yanğö qakne ali öngöme. 19 Kunñan buk kiangö kezapqetok keuñi miangöreñök keu kun qekömawi, Anutunöy mönö i anğön köliga malmal köhöikñangö ip ölni qahö namba siti töröñe qahö öngöma. Miangö keuñi Anutunöy jöhöiga buk kiangöreñ ohoyalmö, keu mianñön mönö yanğöreñ ölnambuk qahö akña.

20 Buña keu ki nanğöba jizawañön kewö jiza, “Keu mi ölna. Nöñön mönö zilañ lilingöba kamam.”

Mewö jiiga nöñön kewö jizal, “Keu mi ölna. O Kembu Jisös, gi mönö kanöñ.”

21 Kembu Jisösgö kalem möriamñan mönö körek embuk ahöma. Keu mi ölna.

* 22:11: Dan 12.10 * 22:12: Ais 40.10; 62.11; Sum 28.4; Jer 17.10 * 22:13: Ind 1.8, 17; 2.8; Ais 44.6; 48.12

* 22:14: Jen 2.9; 3.22 * 22:16: Ais 11.1, 10 * 22:17: Ais 55.1 * 22:18: Dut 4.2; 12.32